


1) 4. Diss iur. 148 (2)

2) 4. Diss iur. 146 (12)

3) 4. Diss iur. 145 (2)

16

68789



CHRISTIANI THOMASII,

J Cti, Consil. Elect. Brandenb. in Univers. Frideric. P.P.
& dictæ Univers. ac Facult. ibid. Juridicæ
Senioris

INSTITUTIONUM

JURISPRUDEN- TIÆ DIVINÆ

LIBRI TRES.

In quibus Fundamenta Juris Naturalis
secundum Hypotheses Illustris Pufendorffii perspicuè de-
monstrantur, & ab objectionibus dissentientium, potissimum D. Va-
lentini Alberti, Professoris Lipsiensis, liberantur, fundamenta itidem
Juris Divini positivi universalis primum à Jure Naturali di-
stinctè secernuntur & explicantur.

Editio secunda priori multò auctior,

In qua præter scholia perpetua accesserunt:

Programma Germanicum hypothesen Albertinas expendens, 2.
Quæstio de definitione favorabilium & odiosorum cum Clariss. Plac-
cio ventilata. 3. Programma, definitionem substantiæ hætenus
quæsitam sistens, cum Thesis excerptis ex his libris,
ad disputandum publicè propositis.

H A L Æ,

Sumtibus CHRISTOPHORI SALFELDII,
Regiminis Elect. Brandenb. Typogr. 1694.



DISSERTATIO PROOEMIALIS
AD
AUDITORES.

§. 1.



Oris est, ut autores librorum, ipsis tractatibus, quos emittunt, præmittant discursum, in quo vel commendant opus, vel de aliis quibuscunque rebus ad lectores differunt, de quorum discursuum utilitate, aut impertinentiâ hoc loco non disquiram, neque de eorum inscriptione sollicitus sum, utrum rectius proemii, an præfationis, an, quod non nemini vidi placuisse, antefationis titulo insigniantur, rem privati arbitrii esse arbitratus, & hic maximè valere illud vulgare: *Suum cuique pulchrum.*

§. 2. Mihi verò causæ variæ fuerunt dissertationem prooemiale præmittere Institutionibus meis, tum ut de scopo & intentione mea vobis constet distinctius, tum ut à plagii literarii vitio meliberem, & Auditoribus, quorum operâ ea in re usus fui, suum quod ipsis debeo tribuam, tum ut quædam obscurius dicta, quæ
a qui-

quibusdam calumniandi occasionem suppeditarunt, exponam, ac contra objectiones firmem, tum denique ut de emendandis nonnullis locis pauca moneam.

§. 3. Ad Vos verò, AUDITORES svavissimi, verba mea dirigam, non solum, quia Vestra potissimum gratia Institutiones has publici juris feci, adeoque Vestra maximè interest, ea, quæ ad intellectum earum pertinent præcognoscere, sed &, quia meum interesse non parum subesse videbatur, ut meam doctrinam atque studia Vobis purgarem; Vobis, quorum salariis & amore per Dei gratiam hætenus vivo, & ad diligentiam atque veræ Philosophiæ indagacionem fui excitatus, omni videlicet occasione destitutus publicis stipendiis vel ad ignaviam vel ad profitendam falsam sapientiam autoritate magis quàm ratione subnixam abutendi.

§. 4. Ergo uti oleum perdidissem & operam, si eorum gratia, qui scripta mea, non doctrinæ gratia, sed animo, honestos meos conatus impediendi, & verba captandi insidiosè & anxie evolvunt, calumum arripuissem, ita nihilominus iis obstrictus vivo, qui affectibus vacui institutiones meas aut dissertationem præsentem perlustrabunt, eam de me opinionem foventes, quod & à me quædam proficisci possint, quæ, si non semper & directò veritatem detegant, tamen ad eam inqvirendam & inveniendam ansam quandoque suppedient, & reputantes, non videndum esse, quis dicat, sed quid dicatur, & quòd sæpè etiam sit olitor verba opportuna locutus.

§. 5. Postquam igitur ex scholis trivialibus Aca-
demiam salutavi, non statim, quod commune juven-
tutis vitium est, animum applicui ad aliquam ex supe-
rioribus facultatibus, sed prius in philosophiæ studium
aliquot annorum spatium impendi, ibiqve occasionem
nactus audiendi B. Patrem meum HUGONIS GROTH de
jure belli & pacis libros exponentem, etsi tum tempo-
ris multa non intelligerem, cepit me tamen doctrinæ
dignitas & elegantia, ut præ reliquis ei percipiendæ & in
succum, quod ajunt, & sanguinem redigendæ, mox se-
riò incumberem. Cumqve meminissem Patrem meum
sæpè in expositionibus suis Auditores remisissè modo
ad Dominos Theologos, errores Grothii in religione no-
tantes, sæpè ad JCtos, ut ad quos potissimum opus Gro-
thii pertinet, cum ipse in prolegomenis profiteatur, se
tractationem istam suscepisse, ut Jurisprudentiæ nobi-
lissimam partem adjuvaret; necessarium duxi, in priva-
ta lucubratione lectioni Grothii jungere commentato-
res ejus duos, unum JCtum, divinarum pariter & hu-
manarum rerum scientiâ instructissimum, & Witteber-
gens. Academiæ decus CASPARUM ZIEGLERUM, alterum
Tubingensium Theologum, ex pluribus scriptis notis-
simum, JOHANNEM ADAMUM OSIANDRUM, quorum
ille brevibus, sed succinctis in Grothium observationibus,
in multis nebulas obscuritatis dispellebat, hic pleraqve
Ziegleri, etiam cum non nominat, repetens, in istis qui-
dem, memoriam meam confirmabat, in reliquis cau-
tiones mihi suppeditabat, ab heterodoxis Grothii opinio-

nibus, simul verò Scholasticorum philosophiam moralem hinc inde pandebat.

§. 6. Prodibant tum Illustris Viri & omni præconiò meò majoris SAMUELIS PUFENDORFFII libri de Jure Naturæ & Gentium, quos avidè legebam, non solum quia prægustum aliquem mihi dederant ejusdem Elementa, quamvis obiter inspecta, sed & quod me caperet nimium quantum stylus nitidus & perspicuus. Ac deprehendebam quidem hic plurima, quæ Grotius neglexerat, plenè exposita, non pauciora, quæ ipsum Grotium obscurè loquentem illustrarent, sed non placebant tamen aliqua, quæ communem doctrinam de lege Dei æternâ, de convenientia cum sanctitate divina, de moralitate divinam voluntatem antecedente, & similibus impugnabant. Quoniam enim non noveram, quæstiones Theologicas à Philosophicis discernere, nec aliquis erat, qui me ista doceret, & verò in commentatione Osiandrina, ac maximè in alio Viri laudati scripto, quod inscripsit: *Typum legis naturæ*, istas doctrinas magno conatu defensas cognoveram, putabam, æternæ damnationis reum esse, qui saltem de earum veritate dubitare auderet, & quamvis non appareret, quo pacto objectionibus Pufendorffii posset satisfieri, neque responsiones eruditorum, cum quibus datâ occasione eâ de re conferebam, satisfacerent ex assè, prævalebat tamen autoritas tot Virorum Venerandorum, ut stupiditatem potius ingenii mei accusarem, quàm sinistri aliquid de doctrina communi suspicarer.

§. 7. Per-

§. 7. Perduxerat me interea amor Juris naturalis, ut consensu patris ex tribus facultatibus superioribus, Jurisprudentiam eligerem, eâ magis intentione, ut defectum philosophiæ hac parte supplerem, cum præter memorata vel Doctissimi BOECLERI Commentarius in Grotium ostenderet, hæerere aq̃vam iis, q̃vi Jurisprudentiâ destituti ex sola philosophia, quæ in Academiis docetur, Jus naturale pro dignitate eruere & explicare aggrediuntur. Jaciebam ergo ejus fundamenta quædam utcunq̃ve, & cum nullum ductorem haberem, q̃vi methodum præscriberet, sequebar tritam viam, & modo hunc modò istum audiendo, comparabam notitiam potius aliquam confusam & laceram, ac malè cohærentem, quam prudentiam genuinam, nec melius res succedebat, cum à meis in Academiam Viadrinam mitterer perficiendi ibi Juris studii causâ, non culpâ quidem præceptorum meorum, Virorum optimorum & singulorum sua laude fruientium, sed potius, quod vulgata discendi methodus, secundum quam à plurium Doctorum inter se non rarò dissidentium & diversis hypothesebus subnixorum ore simul pendere consuevit juvenus, ad solidam doctrinam parum esset apta, quodque ut fieri solet, multas horas, quæ studiis & auscultationi impendendæ fuissent, perderent sodales, & conversatio cum paribus.

§. 8. Sentiebam tamen ista citò, & vulgatum proverbium: *docendo discimus*, expendens, tentabam, an lacunas supplere, & studia sæpius interrupta concatenare valerem. Quare concessa à superioribus benigni-

ter venia, prælegebam minimi commilitonibus quibusdam institutiones Justinianæas, aliis verò exponebam Jani Klénckii quæstiones ad libros Grotii, ut nimirum & in nobilissimo illo studio tentarem, quid valerent humeri, quidquæ legendo Grotium & Pufendorffium profecissem.

§. 9. Eram adhuc dum industrius miles pro defendendis Moralistarum doctrinis, & quamvis in reliquis valdè placeret Pufendorffius, seponebam tamen ista, ut heterodoxa, in qua opinione me maximè firmabat fatalis ille auctoribus suis *novitatum index*, præprimis cum is à non paucis cum applausu exciperetur. Accedebant aliorum scripta, Pufendorffium tanquam communem hostem oppugnantia. Gaudebam valdè, sperans fore, ut ex horum lectione discerem, quid respondendum esset rationibus Pufendorffii, & quanquam multa deprehenderem, quæ petebant id, quod est in principio, aut in circulum resolverentur, seligebam tamen aliqua mihi, quibus instructus putabam ipse sufficere ictibus pro communi causa & inferendis & avertendis, adeoque maximas agebam gratias scriptoribus istis, quod amore orthodoxæ veritatis perciti arma sumpserint, quin & multitudo syllogismorum prolixorum sæpissimè, & intellectu difficilium, me trahebant simul in eorum admirationem, credebamquæ fore, ut istis obrutus Pufendorffius, tanquam sub gravissimo onere succumberet, & adversus tantos Viros ne hincere quidem auderet.

§. 10. Sed fallebat me mea opinio, cum mox ad nos perferretur *Apologia Pufendorffii*, quam cum perlegerem, sentiebam, arma mea non esse sufficientia, ut ejus impetum sustinerent. Incipiebam ferè eodem tempore dispellere nebulas quasdam, quæ hætenus intellectum meum obfuscaverant. Cum enim hucusque putassem omnia, quæ a Theologis communi sententia defenderentur, esse Theologica, & viro bono omnibus modis cavendum esse, ne ulli homini hæreticus aut novator, quæ tum pro synonymis habebam, audiret; meditatio tamen profundior de differentia Theologiæ & Philosophiæ, tum & diligentior evolutio scriptorum politicorum & Juris publici docuerant, multa à Theologis solere unanimi sententia defendi, quæ Theologica non essent, sed ad Philosophiam Moralem, aut Juris prudentiam pertinerent, pro Theologicis verò vulgo haberentur, quod Philosophi Catalogo undecim virtutum Aristotelico, & Juri Glossatoribus suis contenti, Theologis, Pontificiis primum, tum & nostris ansam dederint nobilem sapientiæ partem neglectam & à Domino vacuam occupandi; tum & potestatem, hæreticum declarandi non pertinere ad privatos, etsi multæ autoritatis Viros, sed ad principem; Denique Novatoris convictum non correspondere crimini hæreseos, vel certè ejus æquè ut Hæretici maximum esse abusum. Videbam autem Pufendorffium easdem sententias demonstrare Adversariis suis, videbam hos in falsis istis hypothesibus non minimam collocare spem victoriæ suæ,

§. II. Ergo incipiebam dubitare de doctrinis moralibus Scholasticorum. Neque enim unquam in animo habueram ita præconceptis opinionibus adhærere, ut ab iis divelli non possem, si monstraretur veritas, quæ potius videbam, laudabili exemplo mihi plus unâ vice prævisse patrem à prioribus suis opinionibus, si veriora ipsum docuisset dies superveniens, recedentem, quæ verò mihi hætenus in prosecutione veritatis moram injecerant, potissimum fuerant educatio in philosophia sectaria, & metus vanus atque injustus malæ famæ, si quis à communibus doctrinis recederet. Quare cum insuper deprehenderem, maturescere aliquatenus iudicium, & cogitare, metamen esse animal ratione præditum æquè ac alios homines, animadvertiebam simul, peccare me contra benignitatem Creatoris, si ulterius paterer instar pecudis capistro injecto duci me, quò aliis lubitum esset. Igitur claudebam mentis oculos, ne fulgur autoritatis humanæ illos debilitaret, & non amplius pensitando, qualis vel quantum ille sit, quem legebam, ponderabam solum rationes utrinque, & considerabam, quid hic assereret, ille impugnet, probaret alter, alter regereret, præprimis verò imprimiebam mihi firmiter controversiæ statum, & norabam, quantum unus ejus tenax esset, alter instar angvilæ se torqueret, ut adversarium eluderet ac seduceret aliunde, donec concludebam multa mihi fore deducenda, & sentiebam, me nihil scivisse, sed scientiam meam nihil fuisse aliud, quàm confusum chaos & acervum multarum rerum sine ordine inter se mixtarum.

§. III. Post-

§. 12. Postquam verò aliquot meditationibus chaos istud paulisper in ordinem redegissem, præter intentionem factus eram transfuga, sed qualis ille est, qui deserto tyranno libertatem Reipublicæ invadenti, pro libertatis defensione pugnare incipit; vicerant enim rationes perspicuæ contra subtilitates otiosas Philosophiæ moralis Scholasticæ. Adde quod puderet, eorum vexilla ulterius sequi, qui, postquam hoste absente multa jactassent, & penè classicum primi vel inter primos certè cecinissent, postea, triariis quibusdam ipsorum hortatu hostem aggredientibus, ac miserè pereuntibus, cum honestè ad pugnam vocati ac aliquoties provocati essent, se post signa condebant, & ita vel timoris sui intempestivi, vel injustitiæ causæ dabant indicia. Denique horrebatur animus, quod viderem à quibusdam, ad pascendas oves constitutis, sub schemate Christianæ Benedictionis virulentas injurias tegi, & cum antea non vocati nec armis decentibus instructi prælio se immiscuissent, ac andabatarum more, quicquid in buccam venerat, evomuissent, ferre eos non posse, si vel minimum verbulum ipsis fuisset repositum, quasi minister Verbi privilegium injuriandi haberet, & quasi character sanctus immunitatem præstaret contra hostes, sine causa & cum ipsius characteris prostitutione, laceffitosis. Veniebat tum in mentem, quod olim nescio ubi legeram, mendicum aliquem ab Episcopo iter faciente petiisse eleemosynas majores initio, tum his denegatis minores, & his quoque non obtentis minimas. Frustratus omni petitō petiit benedictionem. Dedit Episcopus.

Reddidit ille, causatus, quod benedictio ipsa non valeret obulum, quia obulum antea licet effusus precibus consequi ab Episcopo non poterat.

§. 13. Ex isto tempore, excussô jugô philosophiæ sectariæ cavi sedulo, ut libertatem semel obtentam conservarem. Itaque etsi non indecorum existimavi hactenus, sub Duce Illustrietiam in extremis ordinibus pro veritate militare, semper tamen Ducem agnovi, non Imperatorem, quamvis bonus Dux ab Imperatore parum differat, quatenus nempe à veritate rarissimè, & non nisi præter intentionem recedit. Quid quod, etsi putassem initio, ordine doctrinæ semel constitutô facile eum retineri posse in perpetuum, sensi tamen mihi contigisse, quod regulariter accidere solet, qui res plures suam in confusione turbatas in aliquem ordinem redigunt, ut nempe sæpius priorem ordinem corrigere & emendare habeant opus. Etenim pedetentim novos errores inveni emendandos, & adhuc novos subinde detego, quoniam aliter non finit humana imbecillitas.

§. 14. Percipiebam interea fructus uberes exultatæ tam nobilis doctrinæ. Etsi enim, quamprimum sentiebam, non cohærere, quæ antea credideram verius quam sciveram, cessarem aliquo tempore aliis eandem exponere, tamen in patriam rediens, & ibi torpore pristino parumper excusso simul diligentius operam dans Jurisprudentiæ Civili, id quæ docendo potissimum, deprehendebam, me Jurisprudentiæ naturalis ope non ineptum adeo esse ad expediendam sine dedecore Pandectarum.

deſtarum etiam explicationem, etſi eaſdem nunquam ante à integras audiendo percepiffem. Etenim, ut alia taceam, cùm fortè leges obſtantes occurrerent, tentabam in præparatione ante omnia, an ex regulis bonæ interpretationis ex Grotio & Putendorffio hauſtis, ipſe medium conciliandi reperire poſſem, tum conſulebam alios, & ſi ipſos mecum convenientes deprehenderem, confirmabar; ſi diſſentientes, comparabam cum meâ expoſitione, vel ipſos etiam inter ſe, iterum eaſdem interpretationis regulas applicando, & ſemper præjudicium autoritatis ſeqveſtrando, ſic ut nonnunquam rejicerem conciliationem etſi a Bachovio proſectam, & approbarem aliam etſi Manzii.

§. 15. Neque in theoretica ſaltem legum interpretatione adjuvabar à jurisprudentia naturali, ſed &, cum ad forum tranſtuliffem pedem, ut tentarem jus ad facta ſingularia applicare, (ſine qvotentamine theoria cadaver eſt anima deſtitutum,) majorem adhuc uſum ejus eſſe experiebar, cùm ſane tot infinitæ circumſtantiarum varietates, qvibus negotia hominum civilia veſtiuntur, ſapiffimè caſum formant & facti ſpeciem, qvi vel plane non legibus civilibus eſt definitus, vel ubi plures leges diverſa diſponentes concurrunt, unde ſi principiis communibus qvis deſtituatur, & regulis extendendi & reſtringendi leges latas, maximo ſudore, non rarò etiam fruſtrà opus habet tot myriades Conſulentium, Reſpondentium, Decidentium ex Germania, Gallia, Italia, Hiſpania & toto pene terrarum orbe evolvere, donec caſum inveniatur, qvòd ajunt, in terminis,

minis, & periculum tamen subest, si maximè fuerit inventus, an collegium, ad quod definitio causæ pertinet, eandem cum Decidente isto toveat sententiam, quo labore plusquam Herculeo superfedere facillè potest, qui generalia illa & gentium cordibus inscripta fundamenta benejecit, simul verò periculum istud non difficulter aliis mediis, de quibus jam differendi locus non est, evitare.

§. 16. Retraxi tamen pedem post paucorum annorum spatium à strepitu forensi, cum putarem me sufficienter lustrasse doctrinam, Jus Civile ad negotia hominum applicandi, & quicquid præterea praxis commodi habet & incommodi. Et quanquam nossem, Hominem magis ad vitam civilem esse conditum, quam ad vitam solitariam, præprimis autem Juris Cultoribus præmii loco, propositam esse spem, ut legitimo opere perfecto Respublica in partibus ipsis credendis gubernari possit, cujusmodi gubernationis præludium quasi & palæstra esse forum vulgò creditur; sensi tamen, inter forum & aulam tantam esse differentiam, quantum distant æra lupinis. Etenim ut infinita taceam, quæ hujus rei gratiâ in medium possem afferre, oportet esse ingenium ochlocratiæ aptissimum, quod fori tædia patienter ferre potest; tale verò cum in me non deprehenderem (utpote qui onera omnia lubentissimè fero, quæ à principe imponuntur, DEO in his terris, in reliquis dissimulandis paululum fui impatientior,) otium quærebam iterum in industria domestica, tranquillitatem, quam exoptabam, secum ferente, &
cum

cùm crederem, ita ordinatas esse cogitationes meas, ut earum communicatio studiosæ juventuti commodum aliquod afferre posset, & essent, qui hâc parte operam desiderarent meam, incipiebam, me penè totum, Vobis, Commilitones Svavissimi, tradere.

§. 17. Præprimis autem operam dabam, ut fundamenta juris universi ex jure naturali haurienda & factis diu à Vobis in hac Academia neglecta restaurarem. Neque, DEO secundante, successu caruit intentio mea. Ante septennium primum prælegebam utilissimam eam doctrinam ex opere Hugonis Grotii. Alacrioremqve me reddebat frequentia Vestra, quam tum quidem non expectaveram, sed vix tamen librò primo absoluto, cum præcedente die Corona Vestra circumdatus docueram, subito me solum relinqvebatis cum Grotio. Ita videlicet terror Panicus ingruentis pestis Vos expulerat à Tiliæ nostris. Desperaveram ferè, (ita malè fidentes sunt hominum animi erga Divinam Clementiam,) me talem occasionem iterum adepturum esse; sed restituta per Dei benignitatem, patria, cum iterum metu omni vacui ad nos accederetis, telam per biennium interruptam retexebam, Vestro aurium favore & diligentia ad finem continuata adjutus. Conferebam tum cum Grotio præter Pufendorffium, omnes ejus commentatores, judicium meum semper subnectens in controversiis, secundum ductum libertatis philosophandi. Potissimum verò studebam, ut ambiguitatem textus Grotiani tollerem, & ne verbum præteriret, quod obscuritati ansam dare posset.

§. 18. Non displicuerat Vobis doctrina mea, quemadmodum diligentia Vestra mihi non poterat, non placere; Ergo absoluto Grotio non deerant, qui repetitionem desiderarunt. Assurgebam petito, sed loco operis Grotiani proponebam elegantissimum Pufendorffii libellum de officio hominis & civis. Agnoscebatis enim ex parte ipsi, ut alias rationes jam taceam, quot horæ antea impensæ fuissent in investigatione, mentis Grotianæ, quod tempus in Autore perspicuo lucrari, & ad utiliora impendere poteramus. Quoniam tamen de hypothelibus, de quibus Viro Illustri motæ erant, & adhuc moventur, controversiæ, pleniorẽ historiam & notitiam scire cupiebatis, præmittebam fusiorẽ meditationem per aliquot menses continuatam de iisdem, eamqve doctrinæ causa includebam considerationi jurisprudentiæ in genere. Agebam liberè Vobiscum, & sincerè: proponebam argumenta utriusqve partis, & anteqvam ^{et in ipso} meam subjungerem, modò ab his, modò ab illis stabam partibus, ut advescerem Vos magis ad rationes attendere, quàm autores sententiarum. Ostendebam fontes & originem vel occasionem doctrinarum, nexumqve conclusionum cum primis principiis, ex diversitate hypothesium variantibus, & incumberebam sedulò, ut in ipsis hypothelibus meis, meæ verò erant, quibus disciplinam suam superstruxerat Ipse Pufendorffius, assertiones semper probarem per necessarias illationes ex primo principio practico, antea secundum regulas analyticas demonstrato, Tum textum Pufendorffii aggressus, & ipsius

& ipsius methodum *κατὰ πῶδα* secutus non desinebam, & in controversiis specialibus semper Vobis in mentem revocare hypotheses utriusque partis, & monstrare nexum conclusionum etiam remotarum cum iisdem, aliquando etiam, sed rarius, indicabam, quomodo vel aliâ viâ difficultates adversarum sententiarum evitari possint, vel quænam major dubitandi ratio impelleret, ut libertate mea usus & communibus hypothesebus innixus, inclinarem in aliam opinionem.

§. 19. Cæterum, quæ tum dislerebam, non conjeceram in chartam, sed prout memoria singulis lectionibus præmissæ meditationis alicujus mihi suppeditabat, Vobis communicabam. Et sperabam fore, ut à Vobis repetere possem, unde in posterum quoque memoriam meam sublevare valerem, præprimis cum viderem, aliquot ex vestro ordine discursum meum avidè excipere calamo. Sed vix id perficere licuit; Observabam enim collatis inter se tribus vel quatuor diligentia Vestra exemplis, paucos ex assè doctrinam meam retinuisse, aliquos, quorum conditionem & judicii defectum maximè deplorabam, alienissimas mihi affinxisse sententias, & sæpius in una periodo opiniones contradictorias combinasse. Ergo cogitabam, quomodo & hunc defectum in posterum emendare, ac ingenio Vestro suppetias ferre possem.

§. 20. Præterea observaveram jam notabili tempore, in divisione vulgata legum divinarum in morales, ceremoniales & forenses, sub legum moralium termino communiter misceri legem divinam naturalem
cum

cum lege divina positiva universalis, quasi lex moralis & jus naturale sint Synonyma, & quasi nulla alia species legum divinarum positivarum detur, quam ceremonialis & forensis, cum tamen sine ope legis cujusdam universalis, quæ simul positiva sit, necesse esset, orthodoxas sententias de turpitudine polygamiae, prohibitionem incestus &c. vel miserando more contra adversarios earundem prostituere, vel abstinere à decisione gravissimarum atque utilissimarum controversiarum. Et quamvis Hugo Grotius distinctionem istam legis divinæ satis perspicuè proposuerit, non solum tamen in legis positivæ universalis declaratione non paucos errores heterodoxos admiscuit, sed & non semper confusionem istius legis cum lege naturali evitavit. Ex nostris verò, quantum Dominos Theologos concernit, neminem deprehendi, qui de distinctione illa inter legem naturalem & positivam universalem ex professo, quod dicunt, tractaverit, aut legem positivam universalem, quantum par erat, exposuerit, & quænam præcepta eò pertineant, explicaverit, etsi plures, ex modernis potissimum, qui Theologiam Moralem ediderunt, evolverim. Quod Jure Consultos attinet, alium apud eos etiam eà de re est silentium, nisi quod Consultissimus Kulpisius in collegio Grotiano, ubi quæstionem de polygamia resolvit, promiserit, se peculiari tractatu demonstraturum esse, dari ejusmodi legem positivam universalem, quem avidè quidem expectabam, multa erudita hanc in partem ex lectione accuratè istius Collegii Grotiani à Viro laudato mihi promittens,

tens, quæ lucem mihi accendere, aut me in meditationibus super illo jure positivo multum adjuvare potuissent. Quoniam verò Vir Nobilissimus promissum expedire urgentibus haud dubiè aliis negotiis differret, putabam, piaculum me nequaquam esse commissurum, si ego, etsi nec Theologus nec Jureconsultus, legum divinarum tamen & jurisprudentiæ amantissimus, in gratiam Vestram primus legem positivam universalem si non ex tenebris, ex crepusculo tamen eruere auderem, sperans fore, ut si non omnia accuratissimè propositurus essem, alii tamen æqui bonique conatum meum consulturi & ansam arrepturi sint materiam difficilem, & Theologis pariter & Jureconsultis dignissimam accuratius evolvendi.

§. 21. Quare cum ex Vestro ordine quidam præcedente anno à me desiderarent, ut doctrinam juris naturalis repeterem, & quæ antea per discursum de confirmatione hypothesium Pufendorffianarum, de observationibus itidem meis ad libellum de officio hominis & civis aliis tradideram, ipsis per positiones in chartam conjectas communicarem, oportunitatem arripens, cœpi præsentis jurisprudentiæ divinæ institutiones elaborare, quarum adeo duplex potissimum scopus fuit, *Primò*, ut præmissâ doctrinâ generali controversias circa hypothèses Pufendorffianas, methodo, quam Vobis aptissimum esse judicabam, exponerem, & istas hypothèses tanquam & meas defenderem, tum ut conclusionum secundum Pufendorffii, rarò secundum meam sententiam in singulis juris naturalis capitibus

nexum cum hypothesibus & primis principiis practicis perspicuè demonstrarem, & ita introductionem quandam Vobis exhiberem, ad absolutissimum & multa sapientia refertum illustri Viri opus de jure Naturæ & Gentium cum fructu legendum, sic, ut ejus adversarii & eorum scripta circulos vestros turbare amplius non possent. *Secundo*, ut distinctissimè ostenderem differentias juris positivi universalis à jure naturali, ac præcepta illius, quatenus eorum explicatio ad Jurisprudentiam quoque pertinet, in doctrina de conjugio & capite de pœnis illustrarem.

§. 27. Ante omnia verò opus esse mihi videbatur, ut perpetua ratiocinatione hic uterer, & nullos autores præprimis ex modernis in textu allegarem, & ne ipsum quidem τὸν πένυ Pufendorffium. Quoniam enim probè noveram, quam soleant præconceptæ opiniones impedire consecutionem veritatis, & verò inter eas nulla magis noceat, quam auctoritatis præjudicium, putabam, Vobis esse utilissimum, si hoc præjudicium removerem, ne si fortè Pufendorffii autoritas in ejus partes jam inclinasset, non attenderetis debitâ diligentiam ad argumenta adversariorum; aut, si horum illecebræ Vobis placuissent magis, viam præcluderetis ponderibus responsionum, & rationibus ab ipsamet Vestra essentia desumptis. Accedebat, quod Vestram industriam excitare volebam, ut ipsi magna diligentia perlegeretis opus Pufendorffianum, credens fore, ut si loca non citarem, Voseo majori cura ipsi perlustraturi idem, & cum meis institutionibus collaturi essetis. Porro cum sæpius à sententia com-

communi Virorum magnorum, aut à sententia etiam peculiari Viri autoritate pollentis mihi recedendum foret, & tamen intentio mea esset, sine respectu personarum in nudam veritatem inquirere, & cum sententiis pugnare, non cum hominibus, nolebam per allegationem eorum, à quibus dissentiebam, reverentiæ ipsis debita quicquam detrudere.

§. 23. Reliquam methodum quod concernit, scio equidem multa in scholis disputari de methodo synthetica & analytica, otiosè magis quàm utiliter, siquidem unam tantum arbitror esse methodum bonam, à facilioribus progredi ad difficiliora, à notioribus ad ignota, reliqua dependere à cujuslibet arbitrio, & hæcenus rectè dici, methodum debere esse arbitrariam. Deinde nec id videtur diffitendum esse, cum omnis eruditio nostra consistat in notitia demonstrandi veras propositiones & nexum earum inter se ostendendi, propositionum autem veritas præsupponat cognitionem terminorum, naturalissimam methodum videri, quæ mathematica dicitur à definitionibus progrediens ad axiomata, & ex his observationes colligens, secundum quam etiam elementa sua olim ordinavit Putendorffius. Quoniam verò ad singulas propositiones saltem duo termini pertinent, adeoque aliquod tædium parere solet, si omnium terminorum definitiones continua serie tradantur, ac porro propositionum connexio non ita bene videatur ostendi posse, si plura axiomata in una linea proponantur, putavi, ista duo incommoda commodissimè me evitare posse, si definitiones & axiomata misce-

rem, & singulis propositionibus subjecti & prædicati definitiones præmitterem vel mox subjungerem, ipsa autem axiomata perspicuè connecterem, incipiendo à primo aliquo principio, ac inde deducendo reliqua per modum conclusionum.

§. 24. *In tres verò libros* Institutiones has divisi, in quarum PRIMO proposui definitionem Jurisprudentiæ divinæ & doctrinam de primo principio practico, ut & primum principium Juris naturalis & positivi divini universalis, cui per modum corollarii quasi subjunxi demonstrationem, quod officium hominis erga Deum ad Jurisprudentiam divinam non pertineat. In SECUNDO libro trado præcepta juris naturalis respicientia homines quoscunque in quacunque societate viventes; In TERTIO verò præcepta illa juris naturalis, quæ dirigunt officia hominis intuitu specialium societatum, puta conjugalis, paternæ, herilis, civilis, fœderatorum & gentium. *Connexionem capitum* ostendent fere eorum initia, & in libro secundo & tertio maximam partem secutus sum ordinem Pufendorffii in libro de officio hominis & civis. Dico maximam partem, nam quæ mutaverim quandoque, facile docebit ocularis inspectio.

§. 25. Uti autem in totis Institutionibus præ oculis habui opus PUFENDORFFII, & ejus scripta reliqua pro ejus defensione edita, ita non mirabimini, si sæpius integras positiones, ne verbulo quidem mutatas, ab ipso mutuatas, hic deprehenderitis. Requiebat enim id instituti mei ratio, quam modò Vobis explicui. Sunt verò & aliqua in his institutionibus MEA, quæ, cum alienis

con-

continuò miscuerim, necesse est, ut Vir Incomparabilis citra suam voluntatem etiam mecum in communione inciderit, quam tamen nescio, an æqvô animô suscepturus sit, & annon potius jure suo communi dividendo judicium sit desideraturus. Sed hoc quidem ipsi non erit opus, cum paratus sim sine judice, æqvis ex partibus institutiones meas herciscere, sic ut ipsi soli relinquam, quæ bene in iis dicta sunt, etiam si mea sint, quoniam ejus scripta & hypotheses ad eorum investigationem me duxerunt, quæ verò inconvenienter & minus aptè posita ibidem deprehenduntur, ea sola mihi reservabo.

§. 26. Non diffiteor tamen, & aliorum Eruditorum cogitationibus me quandoque fuisse usum, quibus & ipsis restituendum est, quod illis debetur, & vobis indicandum, quos hinc inde lectioni institutionum mearum insuper adjungere debeatis. In *libr. 2. cap. 6. 7. & 8.* evolvi diligenter *Uffelmani tractatum eruditum de obligatione hominis, quæ ex sermone oritur*, ante non ita multos annos in Academia Julia editum, atque ex eo in *cap. 6. de officio paciscentium §. 64.* transtuli argumenta, quibus sententiam Pufendorffii de defectu obligationis in pacto cum latrone inito, impugnat, & in sequentibus ostendi, quam faciliè ad eadem pro sententia illustri Pufendorffii, responderi queat, in *capite 7. verò de officio hominis circa sermonem*, it, in *8. de officio jurantium*, multa ex dicto Uffelm. libro, libertate tamen aliter disponendi ac sentiendi reservatâ, in horrea mea transtuli. In *eiusdem libri capite ultimo de Interpretatione voluntatis divina*

Et humana multum me adjuvit etiam disputatio accurate elaborata de interpretatione juris obscuri, Et sub prasidio Consultissimi Rebbahui in Academia Argentoratensi anno 1671. publice ventilata. In libro tertio capite secundo de officiis conjugalibus sæpius ansam multa profundius meditandi suppeditavit lectio Lamberti Veltbussii de naturali pudore Et dignitate hominis, item de principiis justi Et decori, qui tractatus in ejus operibus Roterod. 1680. editis extant, quique potissimum cum iis, quæ dissero d. c. 2. §. 153. seqq. sunt conferendi. Caput tertium ejusdem libri mihi natum fuit ex recordatione lectionis controversiarum illustrium per varia variorum scripta circa sensum legis divinæ in officiis conjugalibus agitararum, de Polygamia quidem Sinceri Warenbergii, Theophili Aletbai, Athanasii Vincentii, Daphnai Arcuarii pro polygamia militantibus; contra eandem Musæi, Christiani Vigilii, Slüteri, Feltmanni, Brunsmani, Dieckmanni Et c. de Conjugio Eunuchorum; responsorum variorum, quæ hanc in rem Hieronymus Delphinus ante biennium collegit; de divortiiis; Seldeni de Uxore Hebraica lib. 3. cap. 18. Et mult. seqq. Et Strauchii in fragmento Inst. Jur. publ. tit. 35. de incestu cum defunctæ uxoris sorore; Hademanni, Taboris, Strauchii, Buchholzii, Et Actorum Oettingensium editoris, de incestu comprivignorum; Samuelis Boblii Et ejus adversariorum Et c. Cum quarto capite d. libri tertii §. 14. seqq. conjungenda est disputatio B. Patris de potestate patriæ, quoniam ibidem intendi defendere sententiam Patris, societatem paternam ex consensu deduci non posse, in capite 9. Et 12. de officiis erga legatos Et mortuos con-

conferri debent *Grotii lib. 2 c. 18. & 19. cum commentariis, & omnino B. Patris alia disputatio de inviolabilitate legatorum.*

§. 27. Quamvis autem putabam initio, fore, ut intentio mea optima, quam Vobis huc usque exposui, æqui bonique consuleretur ab omnibus, qui studia & bonas literas amant, & inquisitionem veritatis persequuntur, deprehenditamen, me vivere in seculo, in quo non pauci deprehenduntur, qui sui officii esse arbitrantur, libertati philosophandi obviam ire, obices ponere, impedimenta objicere, cancellos circumdare, quibus effringendis nulla par fuerit humana prudentia, quoniam videlicet sentiunt probe, libertate ista philosophandi nimium quantum detrahi auctoritati sectariorum, cum olim quidem cathedræ philosophorum advertus molimina, cum ratione liberè philosophantium, utcunq; munita fuerint auctoritate Aristotelis aut similis cujuspiam priscorum sapientum nominis, puta Alberti, Thomæ, Scoti &c. hodie verò istud propugnaculum Aristotelicum penitus expugnatum sit, adeoque novo aliquo glaucomate ad defendendam Regiam Veterum Magistrorum doctrinam opus esse videatur, *Vide omnino D. Val. Alb. Epist. præmissam Diss. de Philosophiâ Christi.* Atq; cum rationibus destituantur, quibus propugnaculum istud exornent, rem non melius procedere posse putant, quam si sub specie religionis se quæcunque faciunt, Deo duce, facere & pro defensione pietatis militare populo persvadeant, adversariosq; suos ut atheos, hæreticos, impios & Novatores traducant, non recordati, videlicet quod *Apologia Augustana Confessionis ad*
art.

art. 4. p. m. 286. de Hypocritis profitetur, eos magis sectari impietatem & vitia cujuscunque generis, quàm illos, quos impios esse diffamant.

§. 28. Quare non adeò miratus sum, cum audirem, eo tempore, quo liber primus Institutionum harum in publicum prodiret, varias de iis censuras in populum spargi, quas inter illa, ut nostis, maximam partem divulgabatur, me in iis fundamenti loco ponere principia, quæ Vobis ad *Atbeismum, heterodoxiam, &* nescio, quam *impietatem* viam sternant, quæque omnia *Philosophiam* aliquam *Novaturientem* cum non parvo Reipublicæ damno sapiant, quæ calumnia tam latè se diffundebat, ut in plurimis sceminarum, puerperas visitantium, conventibus pro more, sermones de ea haberentur. Ego verò generoso contemptu calumniam hanc apertissimam ridebam, & quamvis aliquis ex Vobis mihi hinc inde narraret, esse quosdam, qui insidias mihi hac parte struerent, tamen in mediis illorum turbis quietus ego & conscientiam vitæ pariter & doctrinæ tutus vivebam, probè gnarus, me sub Principe Justo degere, qui innocentibus securitatem præstare & posset & vellet; ac ne quidem curiositas me impellebat, ut autorem satis horrendæ istius calumniæ scire cuperem, uti neque nunc scire aveo, sed potius, quisquis sit, omnia fausta atque felicia ipsi animitus exopto; ita enim me non solum Christianismus facere jubet, sed & studium sanæ philosophiæ aliquatenus inculcat, atque exempla aliorum moderatè & absque impetu philosophantium docent, quos inter præcipuum nomino *Renatum des*
Car-

Cartes, quem ipse primarum objectionum adversus Meditationes ejusdem Autor virum ingenii maximi, *summaq; modestia* appellat. Et sane quoties *Gisberti Voetii*, Viri alias multæ eruditionis, libros, quos adversus *Cartesium* scripsit, evolvero, & iterum *Epistolam Cartesii ad Voetium responsoriam* cum illis conféro, toties (de modo tractandi loquor, non de re) ideam concipio duorum virorum maxime disparium, unam Theologi, sed fastuosissimi & maxime maledici, Politici alteram, sed placidissimi, & maledicta pleraque generose concoquentis.

§. 29. Uti verò communiter in præfationibus *Zoilus* vel *Momus* impugnari consuevit etiam, ubi nullus *Momus* adest, ira ego egregiam occasionem nactus, possem multam evomere bilem in *Zoilos*, nisi semper illius fuisset opinionis, ejusmodi invectivas esse indicia animi parum sani, certe impotentis. Accedit, quod calumnia ista in me jacta mox evanuerit; neque enim mendacia diu durare possunt, similia globis niveis, volutatione hominum nimium quantum crescentibus, sed Solis radiis accedentibus facile reductis in nihilum. Denique nec opus videbatur invectivâ, cum institutiones meæ prostant, & calumniam istam ipsæ refutent, quas adeo omnium eruditorum censuræ subjicio, sed verè talium, reliquorum enim, qui doctrina sunt vacui, vel ultra scholam & artes liberales non sapiunt, censuram sperno, etsi opinione simulatæ philosophiæ ad ora usque repleti sint & turgidi.

§. 30. Vestrâ tamen, Auditores, interesse arbitror, ut tanquam medio inter utrosque loco positi, sciatis,

tis, quid in culpationibus istis responderi velim, sicubi contingat eâ de re in conversationibus familiaribus, ut fieri solet, mentionem injici, quanquam velim, ut occasiones istas, quantum possibile est, eviteris, & ipsimet ejusmodi altercationum ansam non suppeditetis, cum nihil sit magis pedanticum, & quod hominem ad vitam civilem reddat ineptum, quam si sit animal disputax in quotidiana conversatione, neque ferre possit dissentientes, uti ex adverso ejusdem pedantismi vitio laborat, qui in cathedra publica disputandi gratia erecta ægrè fert objectiones ex lege artis propositas, ad quas respondere nequit, & tamen errorem admissum fateri erubescit. Sed quontam tamen non semper in nostra potestate est, etiam inter familiares omninò evitare altercationes, vel certè non audire, quæ forte unus & alter garrit, minimum interesse Vestrum, & ne turbentur circuli vestri in doctrina à me hausta, poscit, ut fufius paulo ea de re differam.

§. 31. Quod igitur *atheismi* vitium attinet, nihil aliud vellem reponi, quam ocularem inspectionem eorum, quæ trado *libro primo cap. 3. §. 55. seqq.* ubi ostendo, atheismum repugnare directè principiis à me demonstratis. *Hæresin* verò quod concernit, ut illi quidem maxime obstrictus vivam, qui thesin aliquam mihi demonstrabit ex his institutionibus, quæ scripturæ sacræ & fidei, quam profitemur, articulis repugnet; Insuper ad Vos provoco, qui me quotidie Jurisprudentiam & Philosophiam exponere auditis, an unquam aliquam sententiam professus fuerim, quæ sacris fidei nostræ

my-

myfteriis adverfetur, annon potius in id omnibus incumbam viribus, ut exactè limites, quæ Sacrofanctam Theologiam & Sapientiam humanam discernunt, custodiantur, Vobisque ex historia philosophica omnium seculorum demonstrem, quantas turbas dederit in Ecclesia Philosophiæ cum Theologia commixtio. Sed quid verbis opus? An putatis Reverendos Acad. nostræ Theologos, vel quoscunq; alios, quibus inspectio doctrinarum s. privatarum s. publicarum est commissæ, admissuros esse, ut doctrina heterodoxa divulgetur, & animos Vestros corrumpat? Absit. Id tamen non diffiteor, & Vobis sæpius demonstravi, multas quæstiones & assertiones esse, quibus Theologi communiter utuntur, quæ tamen, si exacte mediteris, proprie loquendo non sunt Theologicæ, sed Philosophicæ, vel Juridicæ; quod verò pro Theologicis communiter habeantur, maximam partem deberi Theologiæ Scholasticæ, quæ in detrimentum inemendabile philosophiam ita cum Theologia contra monitum Pauli confudit, & rudem inde indigestamque molem, unò verbò, informe chaos quoddam effecit, tum etiam neglectui Philosophorum & Jureconsultorum ante reformationem elegantiora, studia negligentium, & ita Theologis Pontificiis occasionem dantium occupandi rem derelictam, quæ quid Jurisprudentiæ naturali contigit, uti subinde in institutionibus ipsis tango, cum tamen Jurisprudentia naturalis & Gentium ac Theologia omnino differant, quod probavi *lib. 1. c. 1. §. 163. seqq. & c. 2. §. 137. seqq.* Facit egregie pro illustratione sententiæ meæ, quod ex Hispaniæ

metropoli nobis retulerunt non ita pridem Novellæ. Man vermuthet / daß der Holländische Extraordinar Envoye satisfaction wider die inquisition über die vor diesem in seinem Hause verübte Intolentien wegen des Herrn Chares bekommen soll / weil selbige durchgehends von allen hohen Ministern improbiret worden / zumahl der Herr de Lyra selber gesagt hat / daß die inquisitores Leute wären / welche die Theologie verstünden / aber nicht das Recht der Völder / und bey sothaner consequence nicht wußten / was einem publicquen Minister zukömmt. Neque illud dissimulo, me credere, qvod potestas hæreticum declarandi non competat privatis, neque ad clerum pertineat, sed sit regale, & pertineat ad jura principis circa sacra, etsi hoc regale à principe Christiano secundum normam verbi divini debeat ordinari. Ita video, observatum esse in primitiva Ecclesia & primis Conciliis Oecumenicis. Ita docent me principia genuina Politices. Credo insuper, qvod ad officium boni civis in Imperio Romano - Germanico pertineat, in religiones, qvæ in eo tolerantur, neque publice neque privatim verba contumeliosa jacere, qvia hoc me docuit instrumentum pacis: Credo porro, regulas de officiis boni civis pertinere ad clerum etiam: Credo, illam doctrinam non repugnare Verbo divino: Credo, principem jure suo uti, si refragantes & Zelo aliquo intempestivo subnixos justis pœnis coerceat: Credo, qvod placida via magis faciat ad convertendos adversarios in Ecclesia, quam importuna illa, & qvæ injuriis verbalibus est instructa &c. In qvibus omnibus si heterodo-

xum quid subfit, lubentiffimè feram cenfuram eorum, quibus hæc potestas competit,

§. 32. pergo ad *impietatem*, cujus notam audio illam circumferri, quod subinde dissentiam & scabiosè quidem, à patre meo *ὡν ἐν ἀγίοις*, unde Non nemo istam illationem fecit, me non curare leges divinas, sed velle, ut omnes ex sacris Bibliis essent eradicatæ. Nafutum profectò argumentum, & quod multis modis impingit in Logicam. Fateor, dissentio quandoque à patre, sed Catechismus quidem meus me docet, quod salva conscientia id facere possim, & non repugnante 4to præcepto. Quod si id aliquis eò extendere velit, ac si honor & reverentia parentibus debita etiam includeret adulatoriam quandam veritatis, quam non auctoritas, sed recta ratio dirigit, abnegationem, is vereor, ne exhibeatur à Catechumenis. Quod verò scabiosè sentiam de Patre, falsum est, & imò mendacium. Provo- co ad Vos omnes, an unquam, quoties dissensum meum doctrinæ gratia Vobis indicavi, verbulum protulerim, quod in contumeliam Patris Optimi trahi potuerit. Sic- ubi fieri potest illæsâ fidelitate informationis, dissimulo nomen Patris aut aliorum, quibus reverentiam debeo, ut suprà monui. Verum est, me hinc inde non magnificè sentire de doctrinis quibusdam Peripateticorum communibus, quod deprehenderim, eas nulla ratione firma niti; verum est etiam, & agnosco, me nonnunquam hac parte provocasse in discursu ad scripta philo- sophica Patristanquam optimi interpretis, quem ego quidem evolvi, philosophiæ Peripateticæ, sed tum qui-
d 3 dem

dem controversia mihi cum Patre non magis intercessit, quam in iudicio controversia est inter actorem & procuratorem rei, præprimis cum ipse B. Pater in multis doctrinam communem deferuerit, melioribus rationibus instructus, non solum in scriptis publicè editis, sed & adhuc in MSS. ineditis, ut forte in sequentibus exemplum afferemus, adeoque hac parte laudabili exemplo mihi præiverit.

§. 33. Restat *Novatoris* convitium, quod apud vera sapientiæ asseclas ferè contemnitur, cum gloriæ potius ducendum sit, si quis non alienis oculis omnia cernere velit, sed ex propria ratione ab aliis prætervisa detegat, ab aliis non rectè dicta emendet. Est hoc proprium Philosophiæ Eclecticæ, quam seqvor. Hujus autem præstantiam præ philosophia sectaria erudita dissertatione demonstravit *Johannes Christophorus Sturmius*, præmissa ipsius tractatui de Philosophia Eclectica, qui præcedenti anno publicam lucem aspexit: At hanc nemo Sectariorum, & qui ex antiquitate divam faciunt, refutavit, neque enim possunt, ut alia occasione Vobis demonstravi. Multa igitur nova amplector, multa nova rejicio, multa ipse innovo libertate philosophandi usus & rationem ducem secutus, cui videlicet nec sordent nova, nec inepta videntur antiqva. Quod si retorsione uti placeret, apposite usurpare possem acutum Epigramma Excellentis apud nos, tam quoad vitam, quam doctrinam Theologi, & elegantissimi pariter Poetæ, quo non ita pridem publicè disputantes quosdam honoravit:

*Errores quisquis Patrum cupit ore tueri,
Semper & antiquum, quod docet, esse crepat,
Ille Novatorum reliquos dum nomine carpit
In Veteratorum classe locandus erit.*

Scio quidem, in rebus Theologicis non facile aliquid innovandum esse, etiam si eadem ritè exposita defendi possint, ne ullo modo pax Ecclesiastica turbetur. At hac in significatione me quicquam novasse, modò negavi, & institutiones meas publicæ censuræ submissi.

§. 34. Dedit tamen ista calumnia mihi occasionem, cum perspicerem, ex concisa brevitate, quam in primo libro adhibui, aliquos ansam arripuisse verba mea in alienum sensum torquendi, ut non solum in libro secundo & tertio mentem meam prolixius, quam initio constitueram, sed & de iis, quæ in libro primo posita erant, cum amicis quibusdam & Viris, quos ob summum pietatis, virtutis verè Theologicæ, studium, veneror, privatim conferrem, petens, ut, si quædam ibi deprehenderent, quæ analogiæ fidei adversa sint, vel, ut talia videri possint, aut ambiguè posita in pravam sensum detorqueri, vel novitatem aliquam doctrinæ sacræ periculosam foveant, de istis me monerent in tempore, & petiro meo iidem plus quam amice satisfacerunt, objectiones aliquas adversus ibidem posita placide mecum communicando, quas, uti debita gratiarum actione suscepi, ita non possum non quin pro Vestra informatione ea, quæ inde, ut & ex propriis perlectionibus secundis istius libri primi, mihi venerunt in mentem ad explicationem obscurius ibi dictorum, &

cor.

corroborationem sententiarum quarundam dubiarum facientia Vos faciam participes, idque, quantum fieri poterit brevissimis, & secundum istam normam, ut vel convenienti expositione mentis meæ objectionem evitare Vos doceam, vel ostendam, sententiam, quam defendi, si forte nova sit, non esse tamen theologicam, aut non novam etiam, sed autoritatibus Virorum omni exceptione majorum & plerumque Theologorum nostratum subnixam, etsi non adeo communem.

§. 35. *Cap. 1. §. 3. seqq.* trado divisionem habituum multum emendatam & correctam, & §. 22. *ibidem* communem Peripateticorum doctrinam hac parte infinitis scatere erroribus assero, neque nunc quicquam muto. Sed ista quidem doctrina haud dubie Theologica non est, imo nec nova. Etsi enim tum temporis arbitrarer, in plerisque primum me errores istos detegisse, cum non nisi istum nævum, quo Metaphysica Scholasticorum Sapientiæ titulo ab ipsis insignitur, cum tamen nihil sit aliud, quam lexicon terminorum, quorum multi non ad Sophiam, sed ad Sophisticen utiles sunt, à Patre meo in Historia Metaph., ipsius quæstionibus annexa, ut & aliū, quod intelligentia referatur inter habitus theoreticos ab eodem in annotationibus ad philosophiam practicam, observatum esse recorderer, deprehendi tamen nuperrime aliud agens, elegantem meditationem in MSS. B. Patris, quæ doceret jam anno 60. eidem fere & reliqua, quæ in divisione habituum vulgari observaveram, fuisse notata, quo pacto mihi gratulabar de similitudine cogitationum cum Patre.

Pro.

Prolixior paulo ista meditatio est, quam ut convenienter prooemio huic nostro possit inseri. Illustrabitur tamen doctrina mea, si mentem ejus in summam collectam exhibuero, & quomodo ipse in habituum divisione velit procedere. *Virtutum*, ait, *alia intellectualis est, alia voluntaria; intellectualium alia simplex, scilicet intelligentia, quæ est principiorum Theoreticorum pariter & practicorum, alia composita, eaq. vel Theoretica, Sapientia scilicet & Scientia; vel Practica, nempe prudentia, directrix Moralium, & solertia, directrix Artificialium. Voluntaria est vel Moralis, cujus subjectum secundarium est appetitus sensitivus concupiscibilis vel irascibilis, vel artificialis seu ars, cujus subjectum secundarium est locomotiva animi vel corporis.*

§. 36. Illa tamen observatio, quantum scio, mea est, quæ eodem cap. 1. §. 23. detego crassum & Theologiæ Christianæ adversum errorem de differentia habituum Theoreticorum & practicorum: cui lucem affundet *dissertatio 5. & 6. Maximi Tyrii Philosophi Platonici*, quas pro præstantia Philosophiæ Theoreticæ præ Practica conscripsit, siquidem multas ibi deprehendes rationes, quæ hypothesin istam ethnicam de essentia DEI speculativa & appropinquatione hominis ad DEUM per Philosophiam Theoreticam, sapiunt. Jam recorder equidem, inter orationes B. Patris extare aliquam 21. ordine, quæ & ipse præstantiam Theoreticæ vitæ defendit. Sed tantum abest, ut à me reipsa dissentiat, ut potius dicta mea in multis confirmet. Scopus orationis istius est, ut præstantiam Theoreticæ vitæ demonstret ex prærogativa primæ tabulæ Decalogi præ secunda. Hanc præ-

c

roga.

rogativam utique non negamus, negamus verò, primam tabulam pertinere ad vitam Theoreticam, adeoque dissentimus interminis. Cum enim totus Decalogus disponat de officiis humanis, de his verò planè non tractet Philosophia Theoretica sed practica, utique & officia hominis erga Deum ad praxin spectabunt, non ad nudam theoriam. Quæ verò in dicta oratione prolixè præmisit B. pater de opinione philosophorum Ethnicorum, quoad præstantiam philosophiæ Theoreticæ præpractica, nimium quantum confirmant ea quæ posuimus d. c. 1. § 24. seqq.

§. 37. Id verò explicationis alicujus indiget, quod dixi d. §. 24. in fine: *falsam esse opinionem Gentilium, statuentium, DEI essentiam consistere in contemplatione*, intellige nuda, & quæ ne quidem pro fine habeat actionem aliquam. Unde cave, ne verba mea cavilleris, inferendo forte, quod statuam, essentiam DEI consistere in actione externa, ac ita ex Scylla incidas in Charybdin, & istum errorem Gentilium, qui DEUM ex necessitate quodam alligarunt ab æterno ad congressum cum materia prima. Nam, ut alia taceam, procederet quidem hoc argumentum, si DEUS homo esset. Nunc cum DEI essentia infinitis modis excedat, ne quidē interre posses (si negassim omnino contemplationem de DEO, quod tamen ut vides, non feci,) à negatione contemplationis ad positionem actionis, quemadmodum v. g. non poteris inferre, si quis neget lapidem videre, quod statuatur, lapidem esse cæcum. Uti enim inter videre & cæcum esse scio dari tertium, non videre, quod de lapide

ob

ob imperfectionem suam prædicari possit; ita sentio, inter contemplationem & actionem humanam in DEO dari posse tertium aliquod, quod ob summam ejus perfectionem ignoro. Neque enim scio, scriptura adjutus, essentiam DEI, sed admiror, & ea, quæ scriptura hac dere mihi revelavit, sine scientia philosophica credo. Quod si tamen more humano de infinita DEI essentia loqui licet, placent omnino verba patris dicta oratione p. 504. seqq. *Felix Deus est non contemplando tantum, sed etiam agendo (nihil enim ipsi molestiarum, Numini potentissimo & simplicissimo, creant vel uno momento subeunda negotia infinita.) Suo beneficio DEUS beatus est, non alieno. Nos contra, quicquid habemus boni, DEO debemus, non nobis. Quid autem sumus? vermiculi, si cum divina Majestate comparemur.*

§. 38. Eod. c. 1. §. 29. dum dico: *Legem semper obligare, pactum nunquam*, non is sensus est; ac si duorum vel plurium consensum non sequatur obligatio, (quod ipsum tamen, & quod promissis obligemur, multoties inculcat scriptura) contrarium enim prolixè declaro in cap. 7. l. II. *de fide servandâ*; sed id volo; obligationem, quæ pactum sequitur, non oriri ex ipso consensu, sed ex voluntate legislatoris, servationem promissorum jubentis. Hinc statim subjungo, *legem obligare mediante pacto*. Feci autem istud, ut fortius contradicerem quibusdam, qui ultimò vim obligationis ex pacto deducunt, quos inter, nî fallor, Hobbeseus est præcipuus, simul ut contradicerem ex parte Grotio, leges naturales etiam obligaturas fuisse, asserenti, etiamsi ponamus,

Deum non esse &c. Qvod si tamen malis, locô phra-
seos, *qvod lex obliget aliquando mediante pacto*, usurpare
aliam, *qvod pactum obliget vigore legis*, non repugnabo,
qvia inter has duas phrasas nullam differentiam inter-
esse opinor, siquidem utraqve intendit, legem quidem
citra pactum posse obligare, sed pactum non obligare,
si tollas legislatorem.

§. 39. In §. 31. ejusd. cap. dico, qvod lex æterna sit
figmentum Scholasticorum, ubi non respicio rem sub
hoc termino denotatam, sive per eam intelligant justi-
tiam divinam seu totum naturæ ordinem divina vo-
luntate & decretô institutum. Qvis enim hæc omnia,
nisi sit Atheus crassissimus, asseret esse *ὅτι τῶν ὁσὶν ὄντων*?
Sed hoc dico, ipsam applicationem legis, qvâ utuntur
Scholastici in exponendo conceptu suo, esse impro-
priissimam, sive: maximam *ἀκυρολογία* in voce legis es-
se. Hinc sequitur, *qvod Deus non agat secundum legem*.
Qvod si putes esse duritiem in modo loquendi, cùm lon-
gè differant improprie dicta à fictis, & figmenta sint,
non qvæ verbis impropriis sunt enunciata, sed qvæ ex-
tra fingentis aut figmentum susipientium conceptum
non existunt; responderem, separandas esse locutiones
improprias. Aliæ enim fiunt eô modô, ut etiam ex in-
tentione loquentium pro impropriis habeantur, aliæ
ita comparatæ sunt, ut loquentes prædicatum, qvod
non nisi impropriissimè de subiecto prædicatur, jactent
proprie de eodem dici. Fateor, priores locutiones im-
proprias fortè satis inconvenienter appellari figmen-
ta, at, qvod posteriores attinet, sunt ea figmenta vera,
qvia

quia prædicatio impropria, dum asseritur esse propria, extra fingentis conceptum, ut propria non existit, sed loquens eam esse propriam omnino id fingit; ita si quis hominem pictū vendicaret pro homine vero, aut Herodem vellet esse propriè vulpē, aut prata ridere propriè, haud dubiè fingeret ista &c. Constat autem, quod plerique ex Scholasticis eam opinionem defenderint, ac si lex illa æterna sit lex propriè dicta, unde & circa ipsam legis definitionem maximas controversias moverunt, cum in finem, ut legis illa generalis definitio eò melius ad Deum accommodari possit, quas fusius exponit Dominus Osiand, in *Typolegis natura*.

§. 40. Doctrina, quod bestię sensu careant, haud dubie ad Theologiam non pertinet, quin imò, si interesse Religionis cum hac controversia misceatur, haud dubie assertio de carentia sensus palmam præripit opinioni contrariæ. Elegantia hanc in rem sunt verba Veri & genuini Critici Petri Bælii in *Excerptis Reipublica literaria mens. Martio 1684. p. m. 26. seqq.* *On interessa d'abord la Religion dans cette cause, par l'esperance, que les Anti-Cartesiens concurent de ruiner par là les machines de M. Descartes; mais on ne scauroit assez dire le bien, qui en est venu aux Sectateurs de ce Philosophe. Car ils croyent avoir montré, qu'en donnant aux bêtes un ame capable de connoissance, on ruine toutes les preuves naturelles de l'immortalité de nôtre ame. Ils on fait voir que leur sentiment n'avoit point de plus opiniâtres ennemis que les impies, & les Epicuriens, & qu'on ne scauroit faire plus de depit à ces mechans Philosophes, qu'en les desarmant de toutes les fausses raisons, qu'ils*

empruntent de l'ame des betes, pour conclure qu'il n'y a entre elles & nous, que la difference du plus au moins. C'est une chose ascurée, qu'il n'y a point de gens qui affectent plus que les impies, d'approcher les bêtes de la perfection de l'homme. Voila comment la secte de M. Descartes a mis la Religion dans ses intererts. Mais elle ne s'est pas contentée de cette raison. Elle s'est elevee jusques à la nature de Dieu, pour y chercher des argumens invinsibles contre la connoissance des bêtes, & on peut dire, qu'elle y en a trouvé d'assez bons &c. Et meretur tota ejus dissertatio eruditissima, quam occasione tractatus Darmans. *La Bête transformée en Machine* ibi à p. 19-34. proposuit, à Vobis perlegi. Breviter: tota doctrina paucis istis positionibus includi poterit. 1. Concedunt, credo, Peripatetici: *Animam hominis à nobis aliter concipi non posse, quam per facultatem cogitandi.* 2. Concedunt, quod *sensus interni cognoscant.* 3. Aut necessario concedendum est, cognitionem omnem fieri per cogitationem, aut fatendum, eos, qui cognitionem de sensibus predicant, ignorare quid loquantur. Unde 4. naturali ductu fluit conclusio: *Bestias carere sensu interno, quia carent ratione.* Ergo aut ratio indulgenda est bestiis, aut cum ratione simul adimenda ipsis est sensio, vel perceptio, vel cognitio, vel quocunque vocabulo hic uti velis. Non tamen adeò nova etiam est hæc doctrina, ut denum à temporibus Cartesii derivari debeat. Primum fuisse Gomefium Pereiram, verba sunt Sturm. *dissertat. 1. de philos. Eclect. p. m. 54.* qui bestias omni cognitione seu perceptione carere affirmavit, eumq. in nupero hoc seculo xai à πiēda sectas esse Cartesium & Digbejum, testatur Willisius de An. bruto-

brutorum cap. 1. p. m. 6. Et Morhofius in dissert. de Paradoxis sensuum, Gometium istum Philosophum ac Medicum Hispanum ait eâ de re operosum, ac triginta anxorum librum edidisse Methyne A. 1554. excusum, Et Antoniana Margarita ab utriusque parentis nomine insignitum. Adde omninò Bælium d. 1. p. 20. seqq. ubi ostendit, extinctam fuisse mox cum Pereira istam opinionem, adeoque gloriam inventionis istius non denegandam Cartesio. Qvin imo non defuit Anonymus, qui ipsum Bælium moneret, jam tempore Augustini ea de re disputatum fuisse, eamque in rem adduceret ipsius Augustini verba de quant. an. c. 30. Quod autem tibi visum est non esse animam in corpore viventis animantis, quæquam videatur absurdum, non tamen doctissimi homines, quibus id placuit, defuerunt, neque nunc arbitror deesse. Vid. Bælium, exc. mens. Aug. 1684. p. m. 12. Et Rondelius in peculiari Epistola, cujus fragmentum exhibet Bælius mens. Octobr. ejusdem anni p. 290. ipsum admonuit, plusquam trecentis annis ante Augustinum à Stoicis Cæsarum tempore, ante hos verò iterum plusquam trecentis annis à Diogene Cynico de anima sensitiva bestiarum fuisse dubitatum, etsi Anonymus iste sententiam suam mox retractaverit, eò quod in evolutione ipsius Augustiniprehenderit, in verbis ex Augustino allatis nequaquam esse quæstionem de doctrina Pereiræ, unde Doctissimus Bælius suspicatur, forte & loca à Rondelio adducta non dilertè probare ejus intentionem, vid. mens. April. 1685. p. 425. quod fortè discutiemus prolixius alibi.

§. 41. Canones de imputativitate actionum moralium, quas trado c. 1. §. 66. ferè omnes hausi ex Domini Putendorffii scriptis *de J. N. & G. lib. 1. cap. 5. & de O. H. lib. 1. cap. 1.* putotamen circa eos ferè consentire Peripateticos, & communiter eosdem tradi ab ipsismet in libellis eorum Ethicis, maximè illum, quem affero §. 69. quod non possint imputari homini, quæ ut adessent, vel non adessent, penes ipsum non fuit. Has vero omnes regulas intelligo de foro humano, quia tracto in totis Institutionibus Jurisprudentiam, quæ pro ultimo fine habet tranquillitatis humanæ conservationem, per legum executionem & justitiæ administrationem, adeoque non contradico Dominis Theologis eorumque doctrinæ de imputatione peccati originalis in foro divino. Cui non obstat, quod tractatum instituerim de Jurisprudentia divina, unde forte lector ex legibus bonæ methodi generales istas regulas in ealatitudine capiendas esse putare posset, quæ non humano sed divino etiam foro convenient; Nam ex iis, quæ circa finem c. 1. & 2. dissero, cuilibet apparebit, quod Jurisprudentia etiam, quatenus divina dicitur, occupata quidem sit circa leges divinas, non tamen circa forum divinum, sed hoc totum relinquat Dominis Theologis. Quoniam tamen etiam scandala aliorum accepta avertere cupio, declarationem sententiæ meæ hic addere volui.

§. 42. *Cap. 2. §. 2. p. 48.* statuo: quasdam leges divinas salutem hominis in hac vita intendere, ubi intelligo intentionem immediatam, sic enim verbis expressis me explico *ead. cap. §. 125. & §. 128.* Ergo non nego omnem

omnem legem divinam, quæ æternam salutem intendit, simul intendere salutem in hac vita, nego saltem, quod immediate intendat.

§. 43. *Ibidem* §. 3. dixi, mihi displicere communem divisionem legis divinæ in Moralem, Ceremonialem & Forensem, quo ipso tamen nefas vel crimen aliquod in Sacram Theologiam me admisisse nego. Rationes hujus displicentiæ exposui in disputatione publica de crimine bigamia §. 8. & 20. Quoniam scilicet multi, qui eâ divisione utuntur, legem moralem & naturalem inter se convertunt, & decalogum ubique præcepta naturalia inculcare asserunt, aut præter Decalogum nulla in SS. literis extare præcepta moralia defendunt, cum tamen constet, moralem esse latiore, & sub se comprehendere legem positivam universalem; Decalogum item etiam inculcare leges positivas universales v. g. in præcepto nono & decimo; denique, extra Decalogum quoque & v. g. Levit. 18. extare præcepta moralia. Primum quod attinet, consentit mecum Dn. Osiander *Typo legis naturæ p. m. 117. §. 15.* ubi dilucide ait, *disparem esse rationem legis moralis & naturalis.* B. Dorscheus Theolog. Moral. Disputat. 1. §. 10. *Legi naturali super additam, & generi humano communicatam esse legem divinam positivam; quæ deinde plenius, & ad regimen populi Israelitici restrictæ per Moysen proposita fuit, antiquior omnium gentium legibus, & quæ omnibus Legumlatoribus primis sanctionum principium dedit, patet ex gentilium confessione, de qua Euseb. l. 1. præparat. Evangelica cap. 9. ex loci notatione, quæ originem omnium legum ad Ægyptum referunt, quam ex Josepho Psal. 105. 22.*

Israelitarum veterum religiosorum in habitationi debet; ex collatione legum, quam inter Romanas & Ebraas instituerunt Justus Calvinus in Themide sua Ebrao - Romana; Guilielmus Velrot in parall. Juris Judaici & Romani; Molinaus in Coll. LL. Rom. & Ebraarum & alii. Adde Diodorum Siculum L. 1. Bibl. cap. 5. pag. m. 43. Tum subjungit §. 11. legem moralem scriptam Mosi traditam ante Mosaica tempora fuisse cognitam, idque secundum ordinem præceptorum Decalogi per varia scripturæ dicta probat. Denique ponit §. 13. Leges Morales ante Mosaica tempora notas non soli lumini naturali adscribendas, sed etiam positivas fuisse, adeoque ad divinam promulgationem referendas esse, ex illuminatione Patriarcharum & divinis sermonibus Gen. 3. 4. 6. &c. constat. His adde B. Scherzerum in System. Theol. loc. 9. §. 9. p. 266. Ex quo fundamento inter legem Moralem naturalem ac positivam distinctio, (qua melior est vulgari inter Jus natura primarium & secundarium) nascitur. De secundo, & quod præceptum nonum & decimum concernit, mox fusiùs dicemus. De tertio possunt sufficere ea, quæ modo ex Dorfscheo notavimus, cui junge, quæ prolixè disputo in ipsis institutionibus l. 2. cap. 3. per integr.

§. 44. Quæstionem de imperio conjugali in statu integritatis, quam tango §. 29. seqq. c. 2. ad proprie Theologicas, quarum affirmatio aut negatio heterodoxiam interat, aut scandalum pariat in Ecclesia, non pertinere arbitror. Unde quemadmodum non prætendo, ut Eruditi opinioni meæ assurgant, ita nec hâc parte opus esse puto in commentariis Theologorum nostrorum.

rum, qui cum mea sententia faciant, inquirere. Fateor plures, quos vidi, diversam à me sententiam amplecti. Quibustamen omnibus, si auctoritate agendum sit, oppono verba Lutheri *ad Genes. cap. 3. f. m. 49.* *At si Hevæ in veritate stetit, non solum non subjecta imperio Viri esset, sed ipsa quoque sociæ gubernationis fuisset, quæ nunc sola masculorum est;* sin rationibus, provoco ad ea, quæ latius differui iterum *lib. 3. cap. 3. §. 35. seqq.* ubi hanc quæstionem reassumsi.

§. 45. *In cap. 1. §. 51.* pono commune axioma: *Nihil esse in intellectu, quod non prius fuerit in sensu,* illudque appello verum & illimitabile. *Cap. vero 2. §. 39.* dico, quod intellectus humanus in statu post lapsum sit instar tab. rasæ varias impressiones recipere aptæ, & *cod. c. §. 66. 67.* statuo, quod recta ratio adsit homini à nativitate per modum potentiæ aptæ vires suas exerendi, si suppediantibus sensibus ideæ prius fuerint ab intellectu formatæ, & rejicio doctrinam Scholasticorum, ut nimis subtilem, dum docent, inesse infantibus etiam naturaliter, per modum habitus cujusdam connati quædam prima principia practica &c. Quæ omnia ideo hic conjungo, quoniam unum ex altero fluit. Et primò quidem, quod attinet canonem istum: *Nihil esse in intellectu &c.* is ita tritus & vulgatus est, ita in omnium Peripateticorum Physicis extat, ut metuere non possim eum ad assertiones spectare, quæ Theologiæ non consonant, *vide B. Patris mei Physicam c. 49. qv. 66. seqq. p. 263. seqq. Zeidl. Anal. poster. p. 231. th. 31. & p. 572. §. 8.* Quod alterum attinet, id paucis monendum, quod Plato & Aristoteles, quoad

modum cognoscendi animæ nostræ dissenserint, ita ut Plato statuerit, eum fieri per reminiscentiam, Aristoteles verò per receptionem specierum à sensibus intellectui impressarum, unde & Plato intellectum humanum tabulæ rasæ, Aristoteles nudæ comparavit, *vid. iterum Zeidler. d. l. p. 391. thes. 4. & p. 586. thes. 1.* Non ergo putare deberis, ac si, dum tabulæ rasæ mentionem facio, transierim hac parte in castra Platonis, id enim meam intentionem non esse, vel prior iste canon docet: *Nil est in intellectu &c.* utpote qui Philosophiæ Platonice ex adverso opponitur, ut alibi Vobis demonstrabo. Sed usus tui vocabulo *rasæ* secundum communem loquendi modum, quo *tabula rasæ & nuda* sæpe promiscuè usurpantur. Ferre tamen facile possum, ut omnis ambiguitatis tollendæ causa terminus hic cum altero mutetur. Quod denique concernit tertium, & hic consentientes habeo Viros eruditos & omni exceptione majores, non aliarum solum Academiarum, sed & nostræ. Ex Regiomontana iterum nomino Melchiorem Zeidlerum, qui *in sæpius citato tractatu l. 2. cap. 3. §. 2. & multis seqq.* prolixè demonstrat, rationem humanam initio natiuitatis se exerere solum ut potentiam, & adeo notitias innatas ipsas esse nudas potentias, nequaquam verò habitus. Ex Helmstadiensi provoco ad Conrad. Hornejum, qui *in Philosophiamorali lib. 4. cap. 2. §. 6. p. m. 559.* satis apertè docet, principia prima tam theoretica quam practica prærequirere cognitionem terminorum, neque ab infantibus intelligi. Ex Jenensi produco Johannem Zeisoldum, qui anno 1651. *seq. quatuor dissertationibus publicis*

de notitiis naturalibus sententiam hanc nostram ex fundamento demonstravit, & adversus objectiones Sperlingii in Academia Wittenbergenſi corroboravit. Ex nostra remitto Vos ad doctrinam B. Patris mei, philosophi ex Pl. Rever. Alberti nostri judicio in orat. parent. Christiani (quod prædicatum per totum vitæ spatium ipse quæſivit, quatenus de iis id dici solet, qui philosophando Sacræ Theologiæ non contradicunt, nec adversa quædam scripturæ, & quæ religionem turbare possint, defendunt; quod si verò quis istud elogium in alienum sensum torquere velit, ac si Vir Beatus Philosophiam & Theologiam distinctissimas disciplinas confuderit, & vel theses Theologicas ex principiis rationis, vel philosophicas ex hypothesibus revelationis demonstrare allaboraverit, is certè B. Patri meo magnam faceret injuriam, ut qui de hac confusione ne per somnium quidem cogitavit unquam.) Hic igitur perspicuè eadem inculcat, quæ de notitiis naturalibus docuimus, etiam quod ipsius Dei notitiam attinet, quæst. phys. d. l. quæst. 68 seq. p. 284. Valet hæc regula: (Nihil est in intellectu &c.) de iis tantum, quæ sunt in intellectu per modum actus, seu speciei intelligibilis, non semper de iis, quæ per modum potentie seu habitus. A. Declara. B. Insunt intellectui vestro notitiæ quædam innatæ, primorum puta principiorum, insunt autem per modum potentie, licet illas nullus principiorum sensus antecesserit. A. Ego verò existimem, etiam intelligibiles quasdam species inesse nostro intellectui, quæ tamen nunquam sint ingressæ. Annon enim, (ut alia taceam) Deus est in intellectu nostro, qui tamen sensum omnem effugit? B. Au-

di ergo hic alteram limitationem: nihil in intellectu, quin pra-exstiterit in sensu, puta vel per se, vel per aliud. Per se Deus non cadere sub sensum concedo, ne per aliud quidem cadere nego.

§. 46. Docere Vos hæc possunt, sententiam meam hâc parte non esse novam, aliquatenus etiam, non esse heterodoxam, quia à Vitis, in quos nulla cadit heterodoxiæ suspicio, fuit defensa. Sed urgent tamen dissidentes, & qui communiter Scholasticorum sententiam defendunt, textum *ad Rom. 2. v. 15.* & quod lex naturalis sit inscripta cordibus hominum. Quamobrem etiam *index novitatum n. 19.* Illustri Putendorffio ut errorem heterodoxum imputavit, quod negaverit, legem naturalem esse insitum quendam & connatum habitum. Huic tamen ex assè satisfecit Vir Illustris in *Apologia pag. 46. seqq.* demonstrans genuinè, & ex aliis scripturæ locis parallelis, per scripturam in corda humana longè aliud significari, quàm habitum ejusmodi innatum. Et jam olim Zeisoldus in integra disputatione quarta id egit, ut defenderet sententiam nostram non repugnare religioni, multisqve Sperlingii argumentis in hunc finem adductis solidè satisfecit, simulqve ostendit, jam suo tempore Jacobum Martini, Philosophum & Theologum ex nostris celeberrimum, illam Scholasticorum doctrinam impugnasse. Unde cum Sperlingius in *Antropologia l. 1. c. 3. qv. 8. p. 186. seqq.* pro notitiis insitis urgeret alatum Apostoli locum, his verbis: *Ita enim Apostolus: cum gentes, quæ legem non habent, natura, quæ legis sunt, fecerint, ea legem non habentes sibi ipsis sunt lex.* Qui ostendunt

dunt opus legis scriptum in cordibus suis, simul attestante illorum conscientia & cogitationibus inter se accusantibus, aut etiam excusantibus. Hinc argumentum necesse potest: Quia quid natura cordibus gentilium inscriptum est, id non acquisitum, sed innatum est. Opus legis natura cordibus gentilium inscriptum est. E, opus legis non acquisitum, sed innatum est; inter alia proponit responsionem Martini ex Partit. Mesaph. Sect. 3. qv. 4. p. 321. Ad auctoritatem Apostoli responsio est expedita: quod sit distinguendum inter inscriptionem ipsam & modum inscriptionis. Quod Ethnicis, quia faciunt ea, quae legio Dei sunt, à natura inscripta sit lex Dei, non negatur, negatis nativitatibus illis naturalibus, sed negatur duntaxat modus, quem nonnulli urgent, nempe quod per nativitatem sit inscripta: quod certe modus ex allegato dicto Paulino nunquam demonstrabitur. Recte attendatur scopus Apostoli, & res erit manifesta. Sic ille argumentatur: Aut est eadem Judaeorum, quae gentilium, in causa justitiae operum ratio, aut apud DEUM est ἀνομία: ἀνομία apud DEUM non est: E, at quae par est utrorumque ratio. Minor probatur, vel potius tota continetur versu 11. Non enim est personarum respectus apud DEUM. Majoris & connexionis ejus probatio continetur versibus sequentibus, & tali includitur Syllogismo: Quicumque pariter peccarunt, horum, quoad peccata, non potest diversum esse apud DEUM iudicium. Judaei & Gentiles pariter peccarunt, E, &c. Minorem probat Apostolus versu 12. Quicumque enim sine lege (Ethnici) peccarunt, sine lege & peribunt: & quicumque (Judaei) in lege peccaverunt, per legem damnabuntur. Quibus ita disputatis, progreditur porro Apostolus versibus 14. & 15, (in quibus totus nervus datae objectionis refutatur)

residet,) & quod dixerat, gentiles aⁿo^mus peccasse, id non simpliciter atque absolute, sed nata^m r^ei accipiendum esse ostendit. Externa quidem promulgatione divina legis (sunt verba Dn. Mylii supra hunc locum) qualis Israelitis in deserto Sinai facta est, caruerunt gentiles. Hoc est, quod dicit, illos legem non habuisse. Interim natura fecisse inquit, quae legis sunt, & sic legem sibi ipsis fuisse, id est, habuisse in semet ipsis & in natura tota, unde istum defectum pensare quoad antenus potuerint. Opponitur igitur hic lex, quatenus revelata est, & quatenus naturalis. Quid verò id ad notitias innatas? Ex modernis Dominis Theologis adduco Dn. Osiandrum, qui in *Typo legis naturae* p. 158. non solum de natura intellectus humani loquens, eum vocat potentiam indifferentem & indeterminatam, juxta Aristotelem, tabulam nudam, cum tamen eadem pag. loci illius Apostolici mentionem iniecerit, sed & p. 129. seqq. ubi adversus eos disputat, qui negant, dari legem naturalem & volunt: homines omnes leges sibi ex utilitate sanxitle, primò istam sententiam refutat per eundem textum Paulinum, deinde ex ratione adversus illos disputans & mentionem notitiarum naturalium injiciens, dicit: *Rationem naturae instructam esse principiis quibusdam Theoreticis tam evidentibus, ut etiam ab infante probentur, modo exponantur termini, v. g. quid sit totum, quid pars &c. atque sic intelligendum esse, quod dicantur ista notitia ante ipsorum terminorum notitiam praexistere & menti inesse.* Quo ipso satis apertè Vir Reverendus asserit, notitias istas ante cognitionem terminorum esse nudas potentias. Denique nec obstat opinioni nostrae, quod infantibus etiam minimis fides tribua-

buatur à Dominis Theologis, fides verò notitiam aliquam, eamque actualem præsupponat. Fides enim non est opus naturale: At nos de naturali aliquo effectu hic sumus solliciti, qui possit ex lumine rationis demonstrari, non per verba aliqua obscura & nihil significantia exponi. Igitur uti Physicus, qui negat, quod virgo pariat, hac parte Theologo qui dicit, Virginem Mariam peperisse, non contradicit, ita nec contradicit Philosophus, negans dari notitias naturales connatas, Theologo asserenti, dari fidem præternaturaliter in infantibus à prima nativitate excitatam. Quin potius iste Philosophus, si Christianus est, & Scripturam videt docere, quòd infantes fidem habeant, non sinit se immisceri disquisitioni Scholasticorum; utrum ista fides sit actus an potentia, an habitus, sed ita ferè cogitat. *Sancte Deus, Tu dixisti in verbo Tuo, quod mysteria fidei non manifestaveris Sapientibus hujus mundi, sed stultis, & qui credunt, se per omnem sapientiam suam ne minimum quidem punctum mysteriorum fidei posse attingere; Tu per Vas Tuum electum admonuisti homines, ut in rebus fidei se decipi non patiantur per philosophiam. Ecce totus penè mundus in eo est, ut Theologiam quadam Scholasticam, quæ nihil est aliud, quàm chaos aliquod rationis & revelationis Tuae, velit metiri immensurabilia fidei mysteria. Sed da mihi, ut auctoritatem Verbi Tui præferam auctoritatibus hominum, quanta & quanta sint, & si in rebus ad fidem pertinentibus Verba Tua præ me videam, vel clara omnino, vel ex aliis locis parallelis interpretationem accipiant, da mihi, ut iis simplici assensu credam, et si modum, quo prædicatum cum subjecto connectitur, ignorem, neque tentem, di-*

inctionibus Metaphysicis aut aliis ejusmodi subtilitatibus ineffabilia tua mysteria eloqui. Igitur si Verbum Tuum mihi inculcat, infantes usu rationis non pollebentes credere in Christum, id credam, etiamsi conceptum mihi distinctum hac de re formare non possim, quia scio, quod verbum tuum non mentiat, nescio verò, quid rerum sit ille habitus, quem Scholastici ex Philosophia scripturam exponere intendentes, Verbo Tuo inseruerunt, quemque neque potentiam neque actum esse volunt, & ita dum perspicue intelligi volunt, faciunt, ut nec ipsi, quid velint, intelligant, nec alii, quicquid audiunt &c.

§. 47. In eodem c. 2. §. 65. adduco pro demonstratione, quod lex divina positiva haurienda sit ex divina revelatione, locum Apostoli Rom. VII. v. 7. *Non cognovissem, concupiscentiam esse peccatum, nisi lex dixisset: non concupisces, eumque locum sic ὁ νόμος λέγει, quod Apostolus hic profiteatur, se rationi suae relictum non cognovisse, concupiscentiam esse peccatum, nisi lex divina positiva dixisset: non concupisces.* Sed postea deprehendi ex Dominis Theologis non omnes ejus esse opinionis, quod lex illa: *non concupisces*, sit positiva, sed aliquos habere eam pro naturali, ex quorum opinione adeo contra meam doctrinam sic disputari posset: Legem de concupiscentia ipsa creatione niti, atque illud à nobis exigere, ut simus, quales creati sumus, nempe sine ulla mali concupiscentia; adeoque tale hoc praeceptum esse, ut salvâ suâ justitiâ & veritate non potuerit aliter Deus, quam exigere, ut homo sit, qualem sancto suo consilio & destinaverat & fecerat. Nam legem, quæ creatione nitatur, esse naturalem, non positivam. Ex dictis etiam
 sequi,

sequi, quod differentia nostra, quam inter legem naturalem & positivam quæsiimus §. 64. non omnes numeros impleat, quod legis naturalis cognitio ex recta ratione, positiva autem ex revelatione, peti debeat. Valere eam utique, nisi ipsa ratio nostra esset obscurata, ut cum extantiora adhuc agnoscat & detestetur vitia, non penetret ad interiora & subtiliora, quæ tamen in natura integra æquè inspexisset, licet positivæ tum etiam non nisi ex revelatione innotuissent. Et ergò ex naturæ corruptione esse, quam ipse deplorat Apostolus, quod ne quidem morbum suum nisi ex legis nova promulgatione agnoverit &c. Ego verò dum illam periphrasin loci Paulini in Institutionibus meis posui, id non feci absque consultatione Theologorum nostrorum, & potissimum respexi ad verba B. SCHERZERI in *Systemate Theologia*, loco 7. §. 9. p. 154. *Concupiscentia Originalis in decalogo prohibita est, ergo peccatum est*, Rom. VII, 7. ubi de concupiscentia agitur, *cujus auctoria ex lege naturæ cognosci nequit*. Atque hæc verba B. Scherzeri si cum Institutionibus meis aut mea periphrasi jungas, certus sum, me ab ejus mente ne in minimis quidem recessisse, adeoque doctrinam hanc ex illis esse, quæ turbam aliquam in Ecclesia daturæ non sint, etsi alii Domini Theol. contrariam foveant sententiam, cum quibus uti disputare nolum, ita videtur tamen iste dissensus non incommode tolli posse, (ut alia jam taceam,) distinguendo inter legem naturæ status primordialis & status post lapsum, ita ut objectio contra sententiam nostram de priori loquatur, nos verò B. Scherzerum secuti, loquamur de po-

steriori. Atque hæc distinctione litem melius tolli posse arbitror, quam si distingvas: aliud esse, lege naturali vetari; aliud prohibitionem sola ratione, qualis nunc est, agnoscere. Nam primò B. Scherzerus non solum dicit, quod concupiscentiæ peccatum à ratione cognosci nequeat, sed notanter dicit; quòd nequeat cognosci *ex lege natura*. Deinde vereor, ut hæc distinctio non impugnari possit ex dicto Paulino *Rom. II. v. 14. 15.* dum Gentium cordibus inscriptas esse leges naturales testatur, quæ locutio ex communi nostrorum interpretatione id vult, quod Gentiles etiam legem naturalem post lapsum sine revelatione cognoscant, & quod adeò lex naturalis hoc tempore nulla alia sit, quam quæ ab hominibus hodiè etiam ex lumine rationis cognosci potest, sive per notitias quasdam connatas, sive per acquisitas. Neque tollit distinctionem inter legem naturalem status integri & corrupti, quod lex naturalis sit invariabilis & indispensable, si modò secernas: aliud esse variationem ipsius legis, quæ propositio est mentem legislatoris continens, aliud variationem cognitionis unius ejusdemque legis & in statu integro & in corrupto eandem propositionem inculcantis.

§. 48. Rem claram esse arbitror. Ne tamen & hic putes, me non Theologum, ineptè inter dissentientes Theologos, me ipsum fecisse arbitrum, non possum non apponere verba Dn. Osiandri, quamvis paululum proluxa, utpote quæ non solum & thesin meam & conciliationem confirmabunt, sed & à Novitatis in Theologia vitio me absolvent. Ita verò Vir laudatus *in typo legis*

legis natura p. 167. seqq. §. 44. 45. Lex natura considerata tum in statu integritatis tum in statu corruptionis & natura lapsa maximè distant inter se & diverse sunt natura, conditionis & effectuum & c. Lex enim natura in statu primævo dictitat rectitudinem omnium facultatum, cum qua non poterat consistere ulla obliquitas, spectabat ad imaginem divinam, consistebat in iustitia & sanctitate veritatis. Creavit enim Deus hominem rectum, non infantilis imperfectionis, ut vult Josephus, non simplicem tantum & expertem mali, ut sentiunt Photiniani, sed positivè rectum in intellectu, Voluntate & Affectibus & c. vide locum Deuteronom. 9. v. 5. Hinc Augustinus: hominem dicit factum iustum, à Deo bonam institutam Naturam, Serm. de Verit. Apost. c. 2. & 14. At lex natura in statu destituto umbra saltem est rectitudinis primæve, vestigium Imaginis divinæ, litera obtusa nitidissimi Typi, quæ consistit cum corruptissima omnium facultatum conditione, intellectus cæcitate, Voluntatis perversitate, Appetitus dissorti pravitate, de quo Epistolæ 2. vers. 1. 2. 3. Secundò lex natura primordialis omnem exclusit concupiscentiam, ostendebat, omne dissidium facultatum esse malum, obligabat non tantum personam ad activam iustitiam, ut sentit Molinæus, sed etiam ipsam naturam ad intrinsecam rectitudinem, prout ipsa creationis ratio nos docet. Videatur locus Gen. 1. vers. 31 & conferantur loci Gen. 2. vers. 25. atq; Gen. 3. v. 6. 7. ut rectè dixerit Augustinus: Creatus est primus homo in natura sine culpa, in natura sine vitio, Serm. 11 de verit. Apost. c. 2. At lex Natura in statu lapsus non excludit concupiscentiam, neque ostendit illud malum profundum intimè inhaerens anime fibris, adeò quidem, ut ipse Apostolus dicat Rom. 7. v. 7. Peccatum non cognovisse

viffe se, nisi per legem, scilicet Mosaicam, quæ concupiscentiam prohibet: quanquam enim, ut Phariseus agnovit, concupiscentiam exundantem in mala opera esse peccatum, & interiores Motus non sædo hoc nomine esse gravandos existimavit, quanquam etiam vi luminis & legis naturalis eò usque assurgere potuerit, ut Motus interiores voluntatis concursu effigiatos inter reprobos factus numerarit, non tamen ad radicem malam penetrare potuit, & seposita lege divina concupiscentie habitualis Malum cognoscere. Hinc ulterius dicit v. 14. Scimus, quod lex scilicet divina, spiritualis; at ego carnalis sum, venditus sub peccatum. Decalogus itaque sive lex divina spiritalis est, at homo quantus quantus est sibi relictus etiam cum lege natura carnalis: nam, si regenitus sese carnalem vocat, in præcisione ad inhabitantem spiritum, renovantem, dominantem, quanto magis irregenitus, utut illis reliquis instructus. Tertiò lex Natura in primo homine complectebatur Dilectionem DEI & proximi, sinceram & perfectam dicebat facultatem, cujus beneficio producere poterat opera verè bona, & ex asse DEO placentia, imò observata in æternam culminabat beatitudinem. Qui enim fecerit hac, teste Mose, vivet in illis, Levit. 18. v. 5. Quapropter etiam Augustinus Adamum beatum conditum esse statuit tanquam dilectorem bonæ voluntatis. Nam hoc gaudium, inquit, quod huius boni adeptione gignitur, cum tranquillè & quietè & constanter erigit animum, beata vita dicitur: nisi tu putes, aliud esse beatè vivere, nisi veris bonis certisq; gaudere. Videatur l. 1. d. 1. arbit. c. 12, 13, & l. 14. de civitate Dei c. 20. At lex natura in homine corrupto illam dilectionem, quæ est veri Numinis, Patris, Filii & Spiritus Sancti, nescit, illam dilectionem proximi sinceram &

per-

perfectam, quam DEUS requirit, ignorat; non Opera ex se gignit verè bona, sed si ad interiora respicias mala, simulacra tantum virtutum, nec ducit ad beatitudinem æternam, cum aliàs sine Christo Gentiles solà bonestate externâ constanter observatâ aspirare possent ad scopum præfixum, ad finem ultimum, omnem naturam post casum Protoplasti & naturales vires excedentem, contra disertum Christi oraculum Marc. 16. v. 16. Constat ergo, legem Naturæ in statu integritatis non eandem esse cum lege naturæ in statu destituto, cum sublimius Dominium illa ostenderit, & ad illud obligarit, hac autem in inferiori Sphærâ subsistat, & ne homines in Bestias degenerent, saltem caveat, nec non qualicunque modo stimulet ad DEI inquisitionem & venerationem. Legem naturæ, quæ Animum Adami exornabat, repetitam fuisse in Decalogo, quæ eidem ex æsse respondet, illam perfectionem, quæ in primo parente reluxit, exigit, atq; Dilectionem DEI & Proximi extensivam, intensivam, proensivam postulat, Christo interprete, Matth. 22. vers. 37.

§. 49. In §. 125. seqq. d. cap. 2. posui, leges divinas positivas, quæ dirigunt officium hominis circa cultum Dei, immediatè intendere beatitudinem æternam, eoq; statim retuli legem ceremonialem. Sensi tamen, postea esse nonnulla, quæ mihi hac parte ex Theologia opponi possint Scilicet: Legem ceremonialem non ita beatitudinem æternam pro fine habuisse, ut medium esset ejus impetrandæ: Sic, uti honor ille morali merito habeatur, quod qui perfectè eam servasset, salutem consecuturus fuisset. Ceremonialem etiam legem latam esse homine corrupto, & per legem ullam, ut servaretur

tur impote, unde sapientiæ divinæ non convenerit ferre legem eum in finem, qui nunquam obtineri posset. Potius illum finem istius legis esse præcipuum, ut populus Israeliticus & ecclesia, ex qua nasciturus erat Messias, ab aliis distingueretur, & ut lex Pædagogus ad hunc esset illis, qui ei subiecti erant, & peculiarem istam promissionem habebant. Ita legem ceremonialem totâ *ἀντιβεία* sua servare neminem salvasse, scilicet uti lex est, non verò, quatenus fidem in Messiam promovebat: Neque enim negari, quod Fidem in Christum respexerint sacrificia & aliæ sanctiones legis ceremonialis, verum aliud esse legem sive ejus sanctiones, aliud fidem, cujus exercitium hæc promovebant. Nec ergò salutem hominum vel temporalem vel æternam propriè Deum intendisse in lege ceremoniali, ut videlicet ex lege obtineretur, sed cultum præscripsisse, qui magna sui parte homines ad fidem & Messiam duceret, aut amandaret, hoc autore & illo instrumento salutem cor' cururos. Nimirum, si quid Deus per legem aliquam inuendat, illud lege ea servata obtineri. Quare potius nulla lege naturæ lapsæ lata, Deum posse beatitudinem hominis æternam intendere, quia ex ipsiusmet ordinatione soli gratiæ & fidei ille debeatur honos, quod homines salventur &c. Jam quid nos ad ista? Breviter: consentimus omnino, quod per observationem legis ceremonialis homines non potuerint beatitudinem æternam consequi, sed negamus, quod propterea dici nequeat, quod Deus intenderit in ista lege beatitudinem hominis æternam: Quin potius ex dictis inferimus, quod eo ipso,

ipſo, qvò Deus in latione legis ceremonialis intenderit pædagogiam ad fidem in Chriſtum, per hanc verò intenderit ſalvare homines, neceſſario dicendum etiam ſit, qvò in ipſa legis ceremonialis latione intenderit ſimul ſalvationem hominis, etſi non immediatè, ſed ultimo, qvatenus ad fidem ducere debebat. Qvare notamus, phraſin, qvò *Deus intendat in lege finem aliquem*, dupliciter dici: primo, ut ſermo ſit de ejusmodi intentione, qvæ ſimul legem ut medium finis iſtius conſequendi ſuppeditat, deinde, ut intelligatur de intentione tali, qvæ ita finem reſpicit, ut lex ipſa medium ipſum non ſuppeditet, ſed ſaltem ad ipſum medium nos ducat. Prior acceptio eſt in objectione, ſed ad poſtერიorem nos reſpeximus in institutionibus noſtris. Qvò verò poſterior iſta non ſit inconſequentia, declarabo per ſimile. Ita non inconſequenter dico, qvò is, qvì ideo incumbit ſtudio phyſico, ut Medicinæ poſtea operam dare velit, etiam, dum in Phyſica diſcit imperfectiones, qvibus ſubjectum eſt corpus humanum, *intendat curam corporis humani*, etiamſi ipſa cognitio imperfectionum non ſit medium, illam curam conſequendi, ſed ducat ſaltem ad aliam diſciplinam curam oſtendentem, nempe ad Medicinam. Poſſum tamen aliquem facile excuſatum habere, qvì obiter, vel lectione cursoria inſpectis institutionibus meis iſtam objectionem animo volvat, qvìa deprehendo, magnam ad id anſam ſuppeditare locutionem meam, & qvò dixeram, in legibus, qvæ cultum Dei reſpiciunt, qvæ etiam eſt ceremonialis, *immediatè Deum intendiſſe beatitudinem æternam*. Qvò modo

h
enim

enim Deus salutem illam in lege immediatè intendit, nisi lex ipsa sit medium eam consequendi? Quin imò, dum jam fatemur, legem ceremonialem & ita reliquas leges omnes in statu post lapsum publicatas, quæ non credenda, sed facienda inculcant, & circa cultum divinum aliquid disponunt, saltem ultimò & quatenus usus earum pædagogicus est ad fidem, respicere ad vitam futuram; annon eo ipso evidentissimè asserimus, quod eadem mediatè respiciant beatitudinem æternam? Quo pacto profectò una ex præcipuis hypothesebus, quibus nituntur institutiones nostræ, corrueret. Igitur, ut pariter & hypotheses meas corroborem, & dubio isti non levi satisfaciam, omninò est, ut adhuc aliam ambiguitatem tollam, quæ est in phrasi: *intendere finem aliquem immediatè*. Quippe tò *immediatè* sumitur vel absolutè pro negatione omnis medii alterius, vel respectivè pro negatione certi alicujus medii. Si quis ea, quæ differuimus in institutionibus d. §. 127. seqq. accuratè perpendere velit, patebit ei, quod, dum dicimus: *Leges de cultu divino disponentes immediatè intendere beatitudinem æternam*, nostra intentio non sit, quod negare velimus omne aliud medium, & v. g. fidem, sed quod negare velimus saltem, quod non respiciant salutem æternam mediante temporali, aut quod non respiciant immediate ad temporalem salutem seu tranquillitatem humani generis, & deinde post hanc demum ad æternam. Declaramus mentem nostram iterum simili. Sic si Physicam cum Ethica comparo, recte dico, certe non inconvenienter, quod Ethica intendat immediate curam animi,

mi, physica verò immediate curam corporis, etsi si citra hanc comparationem foret, & si physicam compararem cum Medicina, necesse sit, ut physica mediante Medicina curam corporis intendat.

§. 50. In fine c. 2. in eo sum, ut ostendam exactam differentiam inter Jurisprudentiam & Theologiam, & genuinos limites inter has Facultates duas superiores, ubi asserui, ad Jurisprudentiam etiam pertinere expositionem legum divinarum de officiis hominum erga homines disponentium, eamque doctrinam JCtis cum Theologis esse communem, vid. §. 137. 141. 142. d. c. 2. Sed ne tamen Vobis hac parte ullum dubium remaneat, provocavi probationis loco 1. ad praxin communem in territoriis Principum Protestantium, quoniam constat, quod de causis matrimonialibus (atque circa has potissimum se exerit efficacia legis divinæ positivæ ad JCtos simul pertinentis) non solum in dubio, ubi quæritur de prohibitione legis divinæ à Dominis Theologis soleant responsa peti, sed & à Facultatibus Juridicis, ex ea videlicet ratione, quod doctrina de conjugio pertineat apud Protestantes ad Jurisprudentiam Ecclesiasticam, quam fusius & integris tractatibus exposuerunt in nostrâ Academiâ Carpzovius, in Viadrinâ Brunnemannus & Excell. Strykius, qui & hinc inde in dictis tractatibus sententias Facultatum Juridicarum in causis matrimonialibus allegant. Et hinc ex responso ejusmodi Facultatis Juridicæ nata fuit controversia de conjugio cum defunctæ uxoris sorore, inter Bucholzium & Havemannum ac Strauchium, & Bucholzius

varia adduxit testimonia ipsorum Theologorum no-
 stratum, quod causæ matrimoniales, quoniam ex nostra
 hypothese matrimonium pro Sacramento non habe-
 tur, ad causas seculares pertineant, *in responso JCtorum*
Rintelens. &c. n. 9, & 10. pag. m. 27. seqq. 2. Idem etiam
 ostendit observantia Consistoriorum, quia plerumque
 ea dimidiâ parte constant ex Theologis, dimidiâ parte
 ex JCtis, non aliam ob causam, quam, ut ad Theologos
 primariò spectent negotia spiritualia, salutem æternam
 concernentia, ad JCtos temporalia, quæ immediatè at-
 tingunt tranquillitatem temporalem. Et ne gratis
 id dixisse videar, provocho 3. ad Constitutionem
 principalem AUGUSTI Elector. Saxon. in Ordina-
 tion, de Consistor. Lipsiens. & Wittebergenf. tit. 1.
 Nachdem in diesen beyden Consistorien nicht allein Gewissens-
 Sachen / sondern auch weltliche Händel vorgebracht und ver-
 richtet werden müssen / so die Ehesachen / der Kirchen- und
 Schuldiener Güter / Unterhaltung / Leben und Wandel der
 Lehrer und Zuhörer belangen / soll keines alleine mit Theolo-
 gen oder Politischen Personen / sondern in gleicher Anzahl aus
 beyden Ständen / nemlich mit zweyen gelehrten und gottfürch-
 tigen / aufrichtigen und erbaren Theologen / desgleichen auch
 zweyen Politicis bestellet werden / it. tit. 8. Die Sentenz
 und Urtheil aber sollen nach der Heil. Schrift / auch den gemei-
 nen / und in unsern Landen gebräuchlichen und üblichen Rech-
 ten / gefasset und gesprochen werden. Und dieweil in Ehe- und
 andern dergleichen Sachen etliche vornehme Theologen / Lu-
 therus und Philippus / aus der göttlichen Schrift etliche opi-
 nionen / so sich mit den gemeinen Rechten nicht durchaus ver-
 glei-

gleichen / gezogen / so sollen unsere Consistorialen auch dieselben in guter Acht haben / und darauff / so viel derer in unsern Landen biß anhero gehalten / und durch den Brauch der Consistorien angenommen / die Urtheil und Abschied richten und fassen. Qvare conclusi §. 140. d. c. 2. qvod hac parte privilegium habeat Jurisprudentia præ Medicina & Philosophia, qvod hæ videlicet principia demonstrandi ex Theologia sumere non debeant. De Medicina nullum est dubium; neqve id etiam prætendunt Medici. De Philosophia idem Vobis apodicticè demonstravi non ita pridem alibi. Et huc respexit Reverenda Facultas Theologica Academiae nostræ in Programm. Dom. 9. post Trinit. hoc anno publ. affix. Neqve enim ulli, in nostra certè Academia, permittendum, ut vel mysteria explicet in scripturis tradita, vel qvod justum injustumq. sit, qvod Moralis Theologia officium est, à revelato principio deducat, vel Ecclesie Veteris Patres, dogmata, hæreses, ritus, & qvicqvíd præterea Historie, qva dicitur, Ecclesiastica studium persequitur, recenset, nisi post decentem profectuum explorationem jus & privilegium hæc talia docendi à nobis impetavit.

§. 51. In capite 3. § 56. seqq. tango Philosophiæ cum Theologiâ mixtionem pessimò more à Scholasticis introductam, eoqve retero §. seq. Pneumaticam. Cæterum ne hæc sententia mea Vobis durior aut nova videatur, reclamante videlicet multorum Virorum, magnæ aliàs autoritatis, autoritate, his qvidem oppono autoritatem Illustr. Seckendorffii im Christen-Staat. lib 3. c. 7. §. 2. pag. 514. seqq. Den Gebrauch der Jüdischen Schulen verwarff unser Heyland nicht / wiese vielmehr man-
h 3 niglich

niglich darauf / und nennet sie Moses Stul / aber den Mißbrauch verwarff er / daß sie das Wort Gottes mit Menschen-Sagungen und Auslegungen verderbten / und sich in Secten theilten: Denn aus dem Schul-Gezäncke kommen der Pharisäer und Sadduceer Kotten her / von denen im Neuen Testament viel zu lesen. Item *cod. c. 7. S. 4. p. 518 seqq.* Aus Paulo vernimmt man nicht / daß er Philosophische Art zu reden oder zu argumentiren nach denen Terminis der damahls schon beschriebenen Kunst der Logica oder Topica, Metaphysica oder Apodictica geführt hätte / ob er gleich vernünfftige und bindige Schlüsse / auch verblühmte Redens-Arten wohl zu brauchen weiß / welche die Vernunft und Übung / auch ohne die Kunst-Bücher und Lehr-Art der Griechen mit sich brachte / und den Heiligen Geist bey Verkündigung des Worts zum Werkzeuge behielte / als Stücke / die aus dem guten Licht der Natur noch übrig sind / dasselbe auch reinigte und heiligte. Daher als er zu Athen mit den Secten der Epicurer und Stoicker zu disputiren bekam / und sich sonst in die Leute wohl schicken konte / wie er selbst sagt / er sey iederman allerley worden / so braucht er doch der Philosophischen Schul-Weise gar nicht / sondern er verkündiget ihnen bloß hin das Evangelium von Jesu und von der Auferstehung / so ungereimt ihnen auch solches vorkam. Auch da er die öffentliche Rede (in Areopago) auf dem Richtplatz hielt / und statliche Gelegenheit hatte / zum Exempel *de ente*, oder vom dem göttlichen Wesen / oder von der Welt Zustand / wie solche Dinge die Philosophi ausgesonnen / und davon spitzfindig wider einander disputiren könten / einen Eingang zu machen / that er es doch nicht / sondern er übergienge alle solche ihre Kunst und Kunst-Wörter / und nahm den Anlaß von einem Punkt /

wels

welcher der aller schlechteste schiene / und sie ganz zu unwissenden
 Idioten machte: nemlich von dem Altar des unbekannten Gottes
 Schritt darauf alsobald zum Grund göttlichen Worts/ach-
 tete ihre Theologie und Gögen-Werck nicht werth anzuziehen/
 oder weitläufftig zu wiederlegen / oder *de natura Deorum*, von
 Gottes Wesen und Eigenschaft *Metaphysicè* zu disputiren,
 sondern sieng an vom Articul der Schöpfung und daraus fol-
 gender rechten Erkäntniß und Ehre Gottes: beschuldigte sie
 der Abgötterey und Unwissenheit / und mit Hindansetzung aller
 ihrer ungehligern und subtiler Bücher/brachte er allein ein Zeug-
 niß eines Poeten vor / welches die Schöpfung bekräftigte/ daß
 nemlich die Menschen göttliches Geschlechts wären / oder von
 Gott herkämen: ließe also ihre ganze Philosophie und Sub-
 tilität liegen / ermahnete Sie bloß zur Bekehrung mit Fürstel-
 lung der Gefahr vom jüngsten Gericht / und der herrlichen
 Gelegenheit/welche der Weltrichter/ (der von Todten erstande-
 ne Christus) männiglich mittels des Glaubens fürbiete. Also
 stehet man hieraus / wie dieser unvergleichliche Apostel oder
 Send-Bothe Gottes / der unmittelbar im Himmel unterwie-
 sen war/das Christenthum auch unter den aller gelehrtesten Leuten
 selbiger Zeit (die in Athen/ als der höchstberühmten Schule/ zu-
 gegen waren) ohne einige Philosophische Kunst gelehret / und
 darzu keine *adminicula* der damals Landüblichen Wissenschaft
 gebraucht/ als so fern er nur aus einem bekanten Buch etwas ge-
 funden / so den Glaubens- Articul der Schöpfung beystimmig
 war. Man findet auch nicht allein/wie er hingegen in den Jü-
 den-Schulen zu allererst aus dem Alten Testament gelehret /
 und darnach bewiesen/ daß der darinn verheissene Messias eben
 der Jesus von Nazareth wäre/ sondern auch seine zwey liebsten
 und

und besten *discipulos* und Jünger (daraus herrliche und heilige Bischöffe worden) nemlich den Timotheum und Titum auf die Schrift/ und dero fleißige Lesung und Wiederholung gewiesen/ wie er sie hingegen von der weltlichen Klugeley und Schul Gezäncke abgemahnet/ dabenebest auch die Christen in gemein davor gewarnet/ massen er mit ausgedruckten Worten an die Colosser thut: Sehet zu/ daß euch niemand beraube durch die *Philosophia* und lose Verführung nach der Menschen Lehre und nach der Welt-Sagungen/ und nicht nach Christo *ic. It. cap. 8. S. 1. p. 531.* Es haben hochgelehrte Leute längst angemerket/ daß so bald die *Philosophi*, oder die Gelehrten aus denen Heyden das Christenthum angenommen / und ihre Lehr-Sätze und Lehr-Art in die Kirchen gebracht/ also fort das Schul-Gezäncke/ davor S. Paulus warnet / stärker angangen / und daraus die meisten K. hereyen entstanden/ denn dieselben Gelehrten brachten ihre vorgefaßte Meinungen mit in die Kirche / und wolten von den Glaubens-Articulen nach denen Regeln und Arthen urtheilen/ deren ein ieder gewohnet war. *Et § 2. p. 534 seqq.* Wie aber endlich die alten Bücher der Heydnischen Philosophen etc. unter die Geistlichen/sonderlich die Mönche geriethen/da ist die *Theologia Scholastica* herfürgebrochen etc. damit mehr geschadet als genußet worden. Es kommet mir für / ob haben die guten Mönche und Priester/ welche die gemeldten Bücher am ersten in die Hand bekommen / eine grosse Curiosität gehabt / und Anfangs ein gewaltiges Geheimniß daraus gemacht/ auch sich damit sonderlich wollen sehen lassen / daß sie nun von gar andern Dingen als von der Heiligen Schrift und *Patribus*, oder von den *Legenden* und *Geschichten* der Heiligen/ womit sie die Leven/ das ist/ Hohe und Niedere fast allein abspiseten / reden und schwagen können.

Christo

Christlich und wohl hätten Sie gethan / daß Sie lieber die wiedergesundene Heidnische Bücher gleich verbrennet / als nicht besser gebraucht hätten *ic.* Denn es scheint leyder Sie haben Gottes Wort aus solchen Künsten meistern lernen ; Sie haben es gemacht als wann man ein Schloß nach einem alträterischen etwan umgekehr gefundenen *modell* eines Bauren-Hauses einrichten wolte / und wann man die Würdigkeit der Heiligen Schrift gegen die Weltweisheit hält / so haben Sie das Gold mit Kupffer und Bley / den reinen Wein mit trüben Wasser / das Licht mit Finsterniß vermengeset / indem Sie die Glaubens-Articul nach den *Philos.* Künsten zumessen und auszuecken angefangen. Da haben sie wissen wollen / wie sichs von Gott / von Christo / von den *H. Sacramenten* nach den *pradicamentis* und *pradicabilibus* reden liesse / da hat sich *substantia, accidens, qualitas, quantitas, actus, potentia, causa moralis, abstractum, concretum,* und alle andere dergleichen *Termini*, und zwar noch viel spitziger als es die Heidnischen *Philosophi* jemahls gethan / und mit selbst erfonnenen barbarischen Wörtern / zu den Geheimnissen des Glaubens schicken / und diese sich darnach ausgrübeln und auswiegen lassen müssen. Da sind unter andern unzehlichen *Terminis* und deren *distinctionen* erfonnen worden / *Alietas, Haccitas, Identitas, Individuatio, Ly, Quidditas, Suppositum, Ubiatio, Velleitas, Eminenter, Formaliter, Entitativè, Concomitanter, Radicaliter, Intentionaliter, Primo & Secundo, Numericum, Precisum, Reduplicativum,* und dergleichen vielmehr *ic.* Und ist solcher Gestalt / da dieses Wesen fast den ganzen Geistlichen Stand überschwemmet / nicht mehr möglich gewesen dasselbe zu dämpffen / sondern es ist diese Kunst so nöthig worden / als einige andere / indem man die daraus erwachsende Trübmer / weil man einmahl über Gottes Wort hinaus geschritten / mit gleicher *subtilität* wieder legen müssen. Es hat damit gegangen / wie man bey den Gelährten ein Sprichwort hat / von dem Nord-

Ost-Wind/ den sie *Cacias* nennen/ der pflegt grosse Wellen zusammen zu treiben/ kan sie aber nicht wieder aus einander bringen/ &c. Und ist also die *Theologia Scholastica* ein solches Werck worden/ darinnen niemand auslernen können/ ja es haben sich die Zwistigkeiten/ der Gelehrten dermassen vermehret/ und sind mit solchem Schein gegen einander *disputiret* worden/ daß man die wahre und gründliche Meinung fast nicht mehr unterscheiden/ oder doch selten einen gewissen Schluß davon fassen können. Item in *addit. add. c. 7. §. 2. p. 299. D. Job. Gerhardus* in seinem *Methodo Theologica c. ult.* thut wegen der *Scholasticorum* folgende Erinnerung: Der seel. *Lutherus* habe mit wolbedachten und heilsamen Rath die *Scholastische Theologiam*, welche er *ignorantiam veritatis & inanē fallaciam* genennet/ aus unsern Schulen ausgemustert/ und wo man solche wieder einzuführen gedächte/ wäre es eben/ als ob man stat des Brodes wieder Eicheln zur speise brauchen wolte. Deñ es hätten die *Scholastici* was die *principia disputandi* betrifft/ die *Philosophiam* uñ *Theologiam* untereinander verwirret/ daher *Erasmus* die *Scholastische Theologiam*, sonderlich wie sie in dem *Sorbonis. Collegio* zu *Pariß* getrieben worden/ den *centauris* verglichē/ die nach poetischem Gedichte/ halb Menschen uñ halb Pferd sind. Ergo non mirabimini, quod eod. c. 3. §. 61. illud *eminenter*, quo utuntur *Scholastici* in demonstratione attributorum divinorum, rejecerim, quia videtis Illust. Dn. Seckendorffium in locis jam recensitis etiam illū terminum terminis & distinctionib⁹ barbaris accensuisse.

§. 52. In cap. 4. §. 35. seq. ostendi ut puto, per argumenta genuina, quod salva religione Christianā aliquis possit ea fingere, quæ Deus nobis revelavit aliter. Atque ut non in vanum disputatio institueretur, definivi §. 48. quid per fictionem intelligam, primam videlicet partem propositionis hypotheticæ, neque affirmantem aliquid neque negantem, sed saltem ex fictione inferentem consequen-

sequentiam secundæ partis. Quæ descriptio conveniens est utique occasione, quæ locum dedit isti controversiæ. Scilicet Illustris Pufendorffius disciplinam Juris Naturalis traditurus, hypotheseos loco præsupponit, abstrahendum esse à statu integritatis, & assumendum esse, si quis cum ethnico disputet, statum hominum præsentem, & ex hoc ipso, id est, ex hypothesei Ethnici, qui alium statum ignorat, quomodocunque sibi ortum hominis concipiat, convincendum esse Ethnicum de veritate Præceptorum naturalium. Hoc verò nihil aliud est, quam ex prima parte propositionis hypotheticæ, quam quidem Ethnicus pro verâ habet, Doctor verò Juris Naturalis neque affirmat neque negat, inferre nexum necessarium partis secundæ sive præceptorum juris naturalis. Atqui huic Viri Illustris doctrinæ inter alia opponi solet, quod Christianus non debeat aliquid fingere. Itaque non potui non sententiæ isti fortius contradicere, quàm si ostenderem fictionem eò modò definitam non repugnare religioni ac præterea diversam esse à mendacio, utpote cujus definitionem trado *lib. 2. cap. 7.* Quod si quis fortè demonstratione meâ non contentus esse velit, eum præprimis rogarem, ut antequam in pugnam mecum descenderet, & ipse definitionem fictionis proponat, & ostendat, me fictionem non rectè definivisse, alias, si ipse fictionis voce aliter utatur acego, & tamen mentem suam de isto termino per evidentem descriptionem exponere detrectet, vitio mihi vertere nemo poterit, quòd à pugna abstineam tanquam ingloriâ, & quæ andabatas repræsentatura foret, audientibus risum moturos, ad veritatis vero consecutionem, qui finis omnis disputationis esse debet, planè ineptos. Nam si mihi opponat, hypotheticas propositiones contra ipsum afferri non posse, & Logicum

v. gr. in ista tritâ : Si asinus volat , habet pennas , non fingere asinum volare aut pennas habere, sed consequentiam tantum ostendere, qua unum ex altero sequatur , & vel centies ista repetat ; reponam ei tamdiu definitionem fictionis meæ , donec aliam & meliorem mihi suppeditaverit. Et profectò nullam rationem aliam meditando assequi possum , cur quis neget in illa propositione partem priorem *si asinus volat*, non esse fictionem, nisi quod fictionis vocabulum hic non fuerit adhibitum. At verò doctrina de æquipollentiis apertè docet , unam eandemque esse efficaciam , siue dicas : *si asinus volat , habet pennas*, siue ita mentem tuam efferas : *Finge : asinum volare, tunc habebit pennas* ; uti rursus nihil interest ; siue dicas : *Finge hominem quocunque modò in hunc mundum esse projectum , est tamen socialis* ; siue : *Si homo quocunque modo in hunc mundum projectus est : tamen socialis est*. Igitur cum argumenta à rerum definitionibus petita aliàs ad apodictica pertineant , & verò definitio fictionis à me allata ostendat , eam non repugnare religioni , siue fingatur aliquid , cuius contrarium nobis scriptura revelavit aliter , siue aliud quidpiam , rursus evidens est , quod is qui omis-
 sâ destructione definitionis meæ aggreditur exempla fictionum & propositionum hypotheticarum , quæ illustrationis saltem locò adduxi , ac ostendere vult rationem disparitatis , quod in iis nihil fingatur , cuius contrarium scriptura revelaverit aliter , insigniter peccet contra methodum disputandi , quia ego nullibi argumento topico à pari ulus sum , contra quod magnam vim habet alias offensio disparitatis. Neque enim infero : sicut procedit fictio : *si asinus volat* , ita valet etiam fictio , quod homo quocunque modo in mundum sit projectus , aut quod duplex hominum genus sit in hoc mundo , quale finxi §.

31. Ne tamen putetis, & hâc parte mihi deesse argum-
tum topicum à pari: An arbitramini, esse peccatum in
religionem orthodoxam, si Arithmericus ita loquatur:
*Fingamus, duodecim hydrias fuisse in Cana Galilæa, quarum
singula receperint tres mensuras, necesse est, ut triginta sex
mensuris ea fuerint repleta.* At fingitur hic, quod scriptura
nobis revelavet aliter, & scilicet: quod sex hydriæ so-
lumbi fuerunt positiæ. Neque credo, quenquam futu-
rum esse qui istam Arithmetici fictionem non procul à
mendacio abesse asserturus sit, eo quod aliquid veritati
revelatæ contrarium finxerit; aut si maximè aliquis fu-
turus sit, eum ab absurditate assertionis non liberabit,
etiamsi maximè probationis locô proferre velit: simpli-
cem esse veritatem imprimis divinam, huic itaque quod
adversum sit, mendacium esse. Nam ut taceam, satis
crasse hic misceri mendacium Ethicum cum falso logico,
quis præsuppositâ & non labefactatâ definitione fictionis
nostrâ, statueret, adversam esse fictionem, quæ nec affir-
mat aliquid, nec negat, veritati? Puto sic Vobis subla-
tum esse omne dubium, quod fortè remanere poterat
circa doctrinam meam & ejus orthodoxiam. Nunc pau-
ca subjungam, de novitate ejusdem, quam quidem non
timeo, ut eam mihi quis objecturus sit, quoniam certus
sum, quod fictiones ita ab omnium facultatû, eruditis re-
ceptæ sint, ut quavis sponfione certare auderem, nulli ex
nostratibus, etiam dormientibus, ubi phantasia alias va-
gatur latius, illam assertionem venisse in mentem, quod
Christiano non fingere liceat, ejus contrarium scriptu-
ra revelavit. Quin potius, si quis scripta Dominorum,
Theologorum diligentius inquirere velit, haud dubiè
plurima exempla ejusmodi fictionum colligere poterit.
Orum quidem hætenus non habui, id cum curâ facien-

di, sed suppeditabo Vobis unicum, idq; evidentissimum & ab autoritate Theologi sine exceptione Orthodoxi peti- tum, nostri videlicet Pl. Reverendi D. Alberti. Ita enim lego in parte 2. Comp. Jur. Nat. orthodoxa Theol. conformat. cap. 7. §. 21. p. m. 139. *Finge per impossibile, extitisse tum (cum Adamus inter Cainum & Abelem partem bonorum distribueret, ut ille immobilia, agros, hic mobilia, pecora campi, possideret) tantum hominum numerum, quantus ad possidendum terrarum orbem fuisset requisitus, singulis domi- nii partem aliquam concedere opus habuisset Protoplastus, quia pro singulis aliquam accepisset.*

§. 53. Eod. cap. 4. §. 64. concludo, quod socialitas sit fundamentum Juris Naturalis. Pro demonstratione ejus assertionis nihil novi afferam, sed adducam saltem locum Illustr. Seckendorffii, tanquam ex quo Vobis patere pos- sit, & sententiam hanc nostram jam ante Christi nativi- tatem floruisse, atque sic antiquiorem esse doctrinâ Scho- lasticorum ex sanctitate divinâ leges naturales derivan- tium & novissimâ opinione, eas quærentium in statu in- tegræritatis; & ipsum Virum Illustræ socialitatē hanc no- stram adstruxisse. Continetur ille in Entwurf oder Versuch von dem allgemeinen oder natürlichen Recht/qui annexus est ipsi Orationibus Germanicis p. m. 442 seqq. §. 10. & 11. Hieraus ist nun auch unschwer zu vernehmen / worinnen der rechte Unterscheid und förmliche Beschaffenheit dieses Rechts bestehe / nemlich daß es des Menschen Natur und Verstand unterweise / und dessen Geselligkeit mit andern Menschen regiere / oder vielmehr pra- supponire. Denn weil (welches auch die Heyden gemuthmasset / wir aber aus Gottes Wort wissen) die Menschen alle einen Schöpffer haben / und von einem Menschen herkommen / von Gott auch also an Leib und Seel zugerichtet / daß ein Mensch des andern nicht entbehren kan / so gehet des Menschen ganze Natur dahin /

dahin/sich zu andern Menschen zugesellen / nicht nur in der Zusam-
 menfügung des Mannes und Weibes (denn dieses ist auch
 den Thieren gemein) auch nicht nur aus einem blossen Antrieh/
 wie etliche Heerd-weise sich sammeln / sondern mit Verbedacht und
 vernünftigen Schluß; Derohalben muß dieses fest gesetzt wer-
 den/ daß nicht nur die Noth / sondern die Natur und Vernunft
 des Menschen aus göttl. Ordnung herrührende / die Geselligkeit
 und also eine Form und rechtmäßige Art sich in solcher Gesell-
 schafft mit einander zu vertragen/ erheische. Dieses erscheinet
 unter andern daraus / daß wann es aus blosser Noth geschähe / so
 würde ein Mensch / welcher alles zu seines Lebens Unterhalt und Be-
 quemlichkeit hätte/ der andern Menschen Gesellschaft nicht begehren/
 weil er sie aber / wo er nicht des natürlichen Verstandes beraubet /
 oder durch lasterhafte eingewurzelte Gewonheit oder Aufferziehung
 verderbet ist/ mit allem Fleiß begehret. so beweiset unter andern der
 gelehrte Römer *Cicero*, daß solches Verlangen ein angebohrn / all-
 gemein und natürlich Werk sey. Daher sagt er: Die Menschen
 sind umb der Menschen willen gebohren / damit sie einander nützen
 und helfen können. 1. Off. Nächst Gott kan ein Mensch dem andern
 am allernützlichsten seyn. 2. Off. Die Natur erfordert/ daß ein Mensch
 dem andern / er sey wer er wolle / eben und um des willen / daß er ein
 Mensch ist/ rathe und helffe. 3. Off. Die Natur treibet uns an/ daß wir
 gern vielen Leuten helfen wolten / sonderlich daß wir sie lehren und
 klug machen möchten. Darum ist nicht leicht jemand zu finden/ der
 einen andern nicht gern lehrte / was er selbstweiß. Also sind wir
 nicht allein begierig zu lernen / sondern auch andere zu lehren. 2. de
Finib. Wir sind vornemlich in diesem Stück von denen Thieren un-
 terschieden / daß wir mit einander reden/ und unsere Meinung zuver-
 stehen geben können: In einem andern Ort giebt er aus einem alten
Philosopho ein Gleichniß / und sagt: Wann es seyn könnte/ daß ein
 Mensch in den Himmel erhoben würde/ und daselbst die Herrlichkeiten
 des Gestirns und andere Schönheit sähe / und hernach wieder auff
 Erden käme/ würde er an dem allen keine Lust und Freude mehr ha-
 ben/wann er niemand fände oder anträffe/mit dem er von denen Sa-
 chen / die er gesehen und gehöret/reden könnte. Daraus ist nun leicht

zu schließen / daß wenn es ohne die also von Gott geordnete Geseßlichkeit wäre / die Menschen kein ander Recht in diesem Leben bedürfften / als wie wir sehen / daß die Thiere einen Antrieb sich zu erhalten und ihre Lust zu suchen haben. Et quamvis aliqui istam opinionem foveant, hoc mediò demonstrandi à socialitate desumpto parum profici apud Ethnicos populos & barbaros ; tamen his iterum opponimus verba ejusdem scriptoris Illustris *ibidem* p. 440. §. 16. Daß man aber auch unter uns Christen und unter solchen / welche ihre besondere ausführliche bürgerliche Rechte und Geseze haben / von diesem allgemeinen Göttlichen oder natürlichen Recht rede / lehre und frage / hat unter andern vornemlich diese Ursach und Nutzbarkeit / daß wir (1) um so viel desto mehr unsere Glückseligkeit erkennen / die wir aus der Offenbarung des Göttlichen Wortis haben / und desto vollkommener von dem Guten und Bösen urtheilen können / daher wir auch dieses Gesez Gottes und der Natur für unsern Zuchtmeister / auff Christum / das ist dafür halten / daß wir nicht allein unsere Gebrechen und Fehler desto ehe befinden / sondern auch desto heiliger und gerechter leben / weil wir mit doppelten ja dreysfachen Banden darzu angehalten werden / denn wir sind zum Recht obligiret durch die Natur und Vernunft als Menschen und Einwohner der Welt / durch die Geseze der Obrigkeit als Bürger und Glieder des Vaterlands / durch Gottes Wort als Gläubige und Christen. (2) Weil Gottes Wort nicht von allen Völkern / noch weniger aber unser Bürgerliches oder Landrecht von Fremden angenommen wird ; so gelten doch in Menschlichen Dingen die Regeln und gemeine Gründe des natürlichen Rechts / nach welchem auch Ungläubige oder außer der Kirchen begriffene / also auch fremde und zu unserer Policey nicht gehörige Leute / sich zu richten haben ; sintemahl auch dieselbe nach Anleitung der Natur und Vernunft / Recht und Unrecht / sonderlich in Fried- und Kriegerischen Sachen / und im Handel und Gewerb unterscheiden / und sich weisen lassen müssen / ob sie gleich weder die fundamenta unserer Religion / oder unsere Bürgerliche Geseze achten oder erkennen. Porro Bæclerus in *Proleg. ad Grot. de J. B. & P.* monuit, Philosophorum antiquissimos ex fonte socialitatis juris & justitiæ originem produci debere, eamq; sententiam probat Dn. Schilterus in *Philos. juris. Cap. 3. §. 6. p. 84.* Adde omnino August. *de civit. Dei. lib. 19. c. 5. 13. & 14.*

Christi

Christian Thomas/

Justus und Thur-Brandenburgischer Rath/

Eröffner

Der Studierenden Jugend
in Halle/

Ein

Collegium Privatum

Über seine

INSTITUTIONES JURIS-
PRUDENTIÆ DIVINÆ,

In welchen er eines Theils das Recht der
Natur aus des Menschen Neigung zu einer Friedliebenden all-
gemeinen Gesellschaft / durch klare und deutliche Lehr-Sätze
herzuleiten / und die Unzulänglichkeiten der gemeinen Lehr-Art /
die dasselbe aus dem ewigen Gesetze Göttlicher Heiligkeit / in-
gleichen einer neueren / die solches aus dem Stand der Unschuld
herführen wil / offenbahrlich zu zeigen ; Anders theils aber das
bisher auff Universitäten unerörterte. allgemeine Göttliche
geoffenbahrte Gesetz gründlich zu erklären / vermittelst
Verleihung Göttlicher Hülffe
verspricht.

Wenn ich die Veränderung des Zustandes derer Teutschen Hohen Schulen der Protestirenden ein wenig mit Aufmerksamkeith betrachte / die mich Gott seit dem 1. Januarii Anno 55. dieses Jahrhunderts / da ich zum erstenmahl diese Welt erblicket / erleben lassen / kan ich mich nicht gnugsam eines Theils über den elenden Zustand und die zu bejammernde Knechtschaft der vorigen Zeiten / anders Theils aber über die seit dieser kurzen Zeit durch Gottes Gnade täglich mehr und mehr zunehmende Befreyung verwundern / und die Göttliche Allmacht / nebst seiner unendlichen Barmherzigkeit dieserwegen nicht satissam preisen. Die Hohen Schulen lagen zuvorhero auf seiten der Studirenden gang im Argen / indem das verteuflte Penaliswesen alle gute Sitten der Lernenden verderbet hatte; und ich entsinne mich noch gleichsam als in einem Traume / was ich bey meiner zarten Jugend für üppiges und bühisches Wesen von dem Penalismo selbst gesehen habe. Nichts destoweniger hat die Göttliche Güte diesen vielköpfigten Drachen endlich von denen Teutschen Hohen Schulen vertilget. Mit Ausbesserung der Mängel der Lehrenden ist es zwar etwas langsamer zugegangen / und wir haben noch nicht eben Ursache zu frolocken / daß wir allbereit durchgehends in einen solchen Zustande lebeten / der keiner fernern Ausbesserung vonnöthen hätte. Aber doch ist unser gegenwärtiger Zustand umb ein sehr merckliches besser / als da wir noch unter dem harten Joch menschlicher Autorität / und zwar einer höchst unvernünftigen Autorität schmachteten / und mit Händen und Füßen in dem Kerker einer unwissenden und betrügerischen Weißheit angefesselt lagen / dergestalt / daß wir uns nicht regen kunten. Die Philosophie hat die Last der Scholastischen und Aristotelischen Bürde von Hals und Schultern geschüttelt / und nachdem viel tapffere und berühmte

berühmte Männer mit grosser Herghaftigkeit voran gegangen/
 die Irrthümer immer mehr und mehr zu bestreiten fortgefahren:
 Die Medicin ist durch Hülffe der Anatomie und Chymie sehr
 hoch gestiegen / und fänget nunmehr mit Gewalt an nicht nur
 umb Wiederbringung der verlohrenen / sondern auch umb Er-
 haltung der von Gott verliehenen Gesundheit besorget zu seyn.
 Die Rechtsgelahrtheit beginnet den Jammer der unter denen
 langwierigen Processen ächzenden Armen zu bejammern / und
 die Nichtigkeit vieler falschen Lehren / auf die man sich zuvor als
 auf unbetrießliche Wahrheiten gegründet / zu erkennen. Ja es
 hebet endlich die bishero untergedrückte Gottesfurcht / oder das
 wahre und thätige Christenthum/alles Schreyens / Lasterens
 und Tobens der falschberühmten Kunst unerachtet / ihr Haupt
 empor / und der HErr HErr stärcket den schwachen Arm derer
 die auf ihn vertrauen/das ihre Feinde und Verfolger vergebens
 wüthen / und immer mehr und mehr mit ihren Köpfen anlauffen
 und zu Schanden werden. Gleichwie aber unsers Vorhabens
 nicht ist dieses alles jeto weitläufftiger zu untersuchen oder zu er-
 örtern ; Also wollen wir nur ein wenig ausführlicher die Ver-
 änderung betrachten / die mit der Sitten-Lehre binnen etwa 20.
 oder 30. Jahren vorgegangen. Man schlepte sich auff allen
 Universitäten mit denen Ethicen , die aus des Aristotelis
 Büchern zusammen gelesen waren / unerachtet der seelige Va-
 ter Lutherus öftters sehr harte wider dieselbigen geschrieben /
 und zankte sich über der Auslegung der eilff Aristotelischen
 Tugenden/und der unzulänglichen und dunkelen Lehre von dem
 höchsten Gut des Menschen ; das vornehmste Stück der Sitten-
 Lehre/nemlich die Richtschnur eines Tugendhaften Lebens/und
 wie man die Laster vom Halse loß werden solte / blieb unberühret.
 Man hatte wohl aus dem Recht der Natur eine absonderliche
 Disciplin gemacht / und die Schul-Lehrer bey denen Papisten

schrieben von derselben viele Folianten voll; alleine sie hatten darinnen Schrift und Natur / ja so gar auch die menschlichen Gesetze unter einander geworffen / daß es dem allerelendesten Nischmasch viel ehnllicher als einer vernünftigen Disciplin worden war / und die Zänckereyen / die sie nur über die Natur und Wesen des Rechts der Natur unter sich erhoben / sind so beschaffen / daß sie fähig sind einem vernünftigen Menschen das Haupt zu verwirren. Ich rede nicht auf Rhetorische Weise / sondern ich beziehe mich auff die Erfahrung. Es lese zum Exempel ein an solide Wissenschaften angewehntes Ingenium nur den Tractat des Herrn Osianders, den er Typum Legis Naturæ nennet / und worinnen er die Meynungen der Schul-Lehrer in einer Summe vorgestellet / und in etliche Bogen zusammen gezogen / und sehe ob ihm nicht der Kopff davon wehe thun wird. Aber nach dem Grotius diese edle Disciplin ein wenig unter der Banck herfür gezogen / und von dem Schul-Staube zu säubern angefangen / auch diese Bücher des Grotii auf denen Universitäten profitiret / und von denen Professores mit Commentariis erkläret und verdunkelt worden / hat die Sache ein ganz ander Ansehen gewonnen. Zwar ist es nicht zu läugnen / Grotius brach am ersten die Bahn / und Fonte dannenhero diese Disciplin nicht alsobald völlig säubern. Derowegen ob er schon guten Theils das Recht der Natur in der Natur des Menschen selbst / wie billig / und in der allgemeinen friedlichen Gesellschaft suchte / so wolte er es doch mit denen Scholasticis und mit der menschlichen Autorität nicht so fort auf einmahl verderben / sondern bedunge sich bald Anfangs / daß er zuweilen auch der Uebereinstimmung und Bewillß der alten Heydnischen Philosophen in Herleitung der Lehren des Rechts der Natur / und des Völker-Rechts sich bedienen wolte; Er lobte die Schul-Lehrer wegen ihrer Modestie im

Dispu.

Disputiren / und versprach / daß er auch sie zuweilen gebrauchen würde / wie er denn auch in seiner Definition des Rechts der Natur der Schul-Lehrer ihre Doctrin, daß die durch das Recht der Natur verbotene Dinge per se & antecedenter ad voluntatem divinam böse wären / mit beybehalten / auch nach ihrer Anleitung geschrieben / daß das Recht der Natur die Menschen verbinden würde / wenn gleich kein Gott seyn oder sich um die menschlichen Händel nicht bekümmern sollte. Und eben deshalb glaube ich / sey es auch geschehen / daß man Grotium noch so auf denen Universitäten hoch gehalten / oder doch passiren lassen / und ihn nicht confisciret / ob er schon in der Theologie fast durchgehends von denen Lehren der Protestirenden Theologen, so wol der Lutherischen als Reformirten anderer Meinung gewesen / die man zwar dann und wann / aber doch lange nicht mit so starcken Exffer besochten / als wenn Grotius von der allgemeinen Meynung der Schul-Lehrer in denen Lehren / die das Recht der Natur betreffen / abgehet / oder nur die Mediocrität der Aristotelischen Tugend nicht passiren lassen wil. Daß diese meine Meynung nicht so gar unwahrscheinlich sey / kan man auch aus deme abmercken / was man mit dem Herrn von Pufendorff vorgenommen / als dieser die Mängel des Grotii auszubehern und die treffliche Disciplin in ihren rechten Glanz zu setzen sich angelegen seyn lassen. Als er anfänglich sein Vo. haben Methodo Mathematica in seinen Elementis überhaupt entwurffe / und darinnen die gemeinen Irrthümer nicht offenbare widerlegte / ließe man ja dieses sein Buch nicht allein unangetastet / sondern man lobte es auch als ein Werk eines ungemeinen Ingenii, außer daß sich ein d. m. als berühmter Commentator Grotii verlauten ließe / es mangelte ihm noch / daß er die alten Philosophos nicht wohl studiret und gelesen hätte. Nachdem er aber diese seine Lehre

in dem größern Werck de Jure Naturæ & Gentium nur in eine andere Forme gegossen/und mit den daselbst häufig angeführten Exempeln und Zeugnissen aus denen alten Griechischen und Lateinischen Scribenten dieselbe theils ausgezietet / theils das jettermeldte widrige Judicium realiter refutiret / hiernächst aber nur gewiesen/daß er ein wenig weiter von denen Scholasticis abgehe als Grotius, und die perfectiorem turpitudinis & honestatis actuum jure naturæ prohibitorum & præceptorum, in gleichen die von denen Scholasticis zum Grunde des Rechts der Natur gesetzte convenientiam cum sanctitate divina antecedenter ad voluntatem divinam wiederleget; was hat man nicht auff vielen Universitäten für Streit wider ihn angefangen? wie hat man nicht diese seine wohlgegründete Lehre als Atheistisch / Kegerisch u. s. w. ausgeschrien/und bis in die 14. Jahre ihm das Leben mit Zank-und Schimpffsvollen Streit-Schriften sauer zu machen sich bemühet/bis endlich doch die Wahrheit seiner Lehrlage die Oberhand behalten / und seine Widersacher / nachdem sie keinen Vorrath ihn ferner zu attackiren gefunden / theils stille zu schweigen / theils durch Mittels-Personen Friede mit ihm zu machen gezwungen worden. Dieweil aber dasjenige / was in dieser Sache auff beyden Theilen geschrieben worden / nicht nur sehr weitläufftig zu lesen ist/sondern auch darinnen viel Dinge enthalten sind/die mehr die Personen derer Disputirenden als die Sache selbst angehen; Als habe ich für ohngefähr 4. Jahren versucht / ob ich nicht in meinen Institutionibus Jurisprudentiæ Divinæ die Hypothesin des Herrn von Pufendorff nebst dem Kern desjenigen/ was man ihm darwider opponiret / und was wider diese Objectiones zu antworten ist/in kurze Lehr-Sätze zusammen fassen könnte; massen ich dann disfalls meine Intention, und was mich noch ferner besagte Institutiones zu schreiben betrogen / in mei-

ner

ner daselbst befindlichen Dissertatione Proœmiali weitläufftig ausgeführt. Nachdem aber diejenigen / die in diesem Stück wider den Herrn von Pufendorff zu schreiben angefangen / zweyerley Absichten gehabt / entweder die gemeine und bisher in Schwang gewesene Lehr-Art der Schul-Lehrer zu vertheidigen / oder aber eine neue und zuvor von niemand vertheidigte Hypothesein zu établirén; als bin ich bemühet gewesen / alle diese beyderley Fundamenta in dem ersten Buch besagter meiner Institutionum zu widerlegen / und die Richtigkeit derselben mehr mit sattsamen Gründen als stachlichten Worten darzutun. Alle Scripta Anti-Pufendorffiana zielen dahin / daß die Socialität kein Principium cognoscendi des Rechts der Natur seyn könne. Derowegen habe ich dieselbe wider alle Objectiones durch klare und deutliche Definitiones und Axiomata befestiget. Hiernächst haben die meisten sich angelegen seyn lassen / die ex lege æterna hergeleitete convenientiam cum sanctitate divina antecedenter ad voluntatem divinam, oder die so genandte perfectiorem turpitudinis & honestatis in objecto Juris naturæ, die von dem Herrn von Pufendorff von ihren Thron wäre verstoßen worden / wider auff denselben zu heben. Ich habe aber gleichfalls gewiesen / daß dieses mit Einwilligung der gesunden Vernunft / und wenn man nicht offenbahrlich in das præjudicium Autoritatis verfallen wolle / nicht geschehen könne. Endlich hat der berühmte Theologus und Philosophus zu Leipzig / Herr D. Valentin Alberti, am längsten sich bemühet / die Socialität nicht nur zu attackiren / sondern auf eine neue Art das Recht der Natur aus dem Stande der Unschuld herzuleiten / und diesen Stand zu einer Richtschnur des Zustandes im gegenwärtigen Leben zu machen. Weßwegen ich mich beflissen in besagten ersten Buche (1) etwas genauer zu untersuchen / was für ein Unterscheid

zwischen dem Stande der Unschuld und dem jetzigen Zustand nach dem Fall sey / welches mich jederzeit sehr gewundert / worumb Herr D. Alberti solches zu thun unterlassen / da er doch seine ganze Hypothesin auff den Stand der Unschuld gründet / und ohne diese Betrachtung einer / der auch seine Hypothesin annehmen wolte / nothwendig wie ein Blinder im finstern herumtappen muß. Zugeschweigen / daß ihm diese Betrachtung die Wichtigkeit vieler gemeinen Lehren von dem Stand der Unschuld würde gewiesen haben / die er in seinem Compendio aus Unterlassung derselben für wahrhaftig angenommen und presupponiret z. e. daß die Frau dem Manne auch im Stand der Unschuld wäre unterworfen gewesen / daß die Kinder im Stand der Unschuld der Außerziehung der Eltern würden von nöthen gehabt / und ihnen haben gehorchen müssen / daß im Stande der Unschuld es würde Respublicas gegeben haben / u. s. w. (2) Recht diesem habe ich kürzlich erwiesen / daß der Stand der Unschuld unmöglich die Richtschnur des Rechts der Natur seyn könne / theils weil es ohnmöglich ist durch die Natur den geringsten Grad von der verlohrenen Vollkommenheit zu erlangen; theils weil es auch in besagten Stande der Unschuld Leges positivas gegeben; theils weil im Stand der Unschuld viel Dinge gewesen oder nicht gewesen wären / die heute in gegenwärtigen Stande nicht mehr anzutreffen seyn / oder aus der Hypothesi des verderbten Standes entstanden; zu geschweigen daß das Recht der Natur denen Heyden sol ins Herze geschrieben seyn / von dem Stand der Unschuld aber die Heyden aus ihrer Vernunft / nach des Herrn D. Alberti seiner selbst eigenen Gesändniß / nichts gewußt haben. So habe ich auch (3) erwiesen / daß zu Behauptung dessen / daß etwas wider das Recht der Natur sey / nicht genug sey / wenn man aus denen Heydnischen Philosophen anführet / daß sie es auch für verboten geachtet (wie sich

sich der Herr D. Alberti dieses Beweißthums in seinem Compendio zum öfftern bedienet) weil die Heyden aus der Con-
 versation mit dem Jüdischen Volk/so wohl auch per traditiones
 von ihren Vorfahren viel erhalten haben / das nicht zum natür-
 lichen/sondern zum göttlichen allgemeinen geoffenbahrten Gesez
 gehöret. Ich habe zwar den Herrn D. Alberti in besagten meinen
 Institutionibus nicht genehmet/weil wir damahl in einer Stadt
 docireten. Aber er wird nach seiner bekandten Modestie es nicht
 übel nehmen / daß ich es jezo thue. Ich könnte ja wohl dieserwegen
 für mich die Academische Freyheit und sein eigenes Exempel
 anführen/ indem er in einen am X. Sonntage nach Trinitatis
 dieses jectlauffenden Jahres publicirten Programmate, (des-
 sen Titel ist: D. Val. Alberti, SS. Theol. P. P. Extra Ord-
 narius Disputationes suas Anti-Papisticas & Lectiones
 Anti-Calvinianas publicè indicit.) sich eben dieser Freyheit
 wider einen Professoreum zu Franckfurt an der Oder bedienet.
 Aber ich kan ihn wohl versichern / daß es mehr aus Liebe zur
 Wahrheit geschehen / und weil ich unten sein Compendium zu
 lesen/ meinen künftigen Auditoribus recommendiren wil.
 Vorjeto wieder zu meinen Zweck zu kommen / so kan ich es nicht
 anders als dem Glück gegenwärtiger Zeiten zuschreiben/ daß man
 mir meine Freyheit in Lehren/deren ich mich in besagten Insti-
 tutionibus bedienet / ungekräncket gelassen / und dieselben bis-
 hero in öffentlichen Schrifften nicht angetastet/ ob ich gleich in de-
 nenselben nicht allein das jenige / was vor mir andere von dem
 Recht der Natur geschrieben / wiederholet / sondern auch noch
 weiter gegangen als der Herr von Pufendorff, und ohne Pra-
 lerey zu melden der erste gewesen / der das allgemeine Götliche
 geoffenbahrte Gesez von dem Recht der Natur ausführlich ent-
 schieden / und viel menschliche Thaten/sonderlich die zur ehelichen
 Gesellschaft / und dem Gebrauch der zum Kinderzeugen gewid-
 meten

meten Gliedmassen gehören/die Grotius noch selbst nebst dem gemeinen Hauffen der Gelehrten zu dem Recht der Natur gezogen/dahin referiret. Denn gewiß/wenn ich zur selben Zeit/da der Herr von Pufendorf zu schreiben anfinge/ meine Institutiones verfertigt/ und die Lehren vertheidiget hätte/die aniso im andern und dritten Capitel des dritten Buchs anzutreffen sind; ich glaube gänzlich man würde mich nicht anders als den ärgsten Ketzer tractirt haben/so gar war damals die gelehrte Welt in den Prajudiciis der alten Lehren erfassen; massen man denn deswegen einen so grossen Lermen mit dem Herrn von Pufendorf angefangen/als er nur von der Polygamie vieler Weiber in seinem opere de Jure naturæ pro & contra raisoniret/ und doch den stärcksten Anschlag gegeben/das dieselbige dem Recht der Natur nicht gemäss sey. Was würde man erst gethan haben/wenn er wie ich/ offenbahrlieh behauptet hätte/das weder die Polygamie vieler Weiber noch vieler Männer/ingeleichen die Blut-Schande in gerader Linie u. sw. aus dem Recht der Natur könne bestritten werden/sondern das die Unzulässigkeit dieser Laster einhig und alleine aus der heiligen Schrift hergeführt werden müsse. Und gleichwol hat die Glückseligkeit unserer Zeiten mir die Ruhe verschafft/ das diese meine Institutiones nicht alleine cum approbatione & censura, un zwar der erste Theil davon selbst zu Leipzig gedruckt worden/ und das man mich deswegen in öffentlichen Schrifften unangefochten gelassen/sondern auch das der Herr D. Alberti selbst darzu stille geschwiegen/ der doch sonst nicht leichte etwas unbeantwortet läst. Ich rede dieses nicht aus einer Ueberhebung/ ja ich würde mich selbst bescheiden dieses alles so auszudeuten/ das man meine Lehren für so nichtswürdig gehalten/ das sich kein Gelehrter die Mühe genommen/ darumb zu bekümmern/ oder sie einer Widerlegung würdig zu achten/ wenn mir nicht der Ausgang meiner Verfolgung gewiesen/ das man meine Person allerdings in Consideration gezogen/ und das meine Lehre meine Widrigen nicht wenig wider mich irritiret. So bin ich auch gewiß versichert/ das alsbald bey Publicirung dieser Institutionum ganze Collegia öftters zusammen kommen/ dieses mein Buch Bogenweise/ und da es noch naß von der Presse gewesen/durch examiniret/ und gesucht/ ob sie etwas das die Confiscation meritirte/ darinnen finden könnten. Ich bin auch nicht so ruhmräthig / das ich

frölocken sollte; ob habe der Herr D. Alberti durch meine Gründe be-
 wogen/ seine Meynung/ die ich vor irrig halte/ geändert. Ich könnte
 ja wohl mit einem gleichen Lusu ingenii und noch vielleicht mit einer
 grössern Emphasi das aus dem Terentio hergenommene Sprich-
 wort: Erubuit salva res est, dessen sich der Herr D. Alberti in oben
 allegirten Programmate wider den Professorem zu Franckfurt an
 der Oder zum öffern bedienet/ auch hier wider ihn gebrauchen. Alleine
 wenn ich eines theils bedencke/ daß sich solches zu der Controvers die
 ich mit ihm abhandle; Ob der Stand der Unschuld die Richtschnur
 unsers jetzigen Thun und Lassens seyn könne? nicht wohl schicke/ in-
 dem es sehr wahrscheinlich ist/ daß man im Stand der Unschuld wohl
 den Terentium nicht würde tractiret/ noch die Invention zu einem
 Programmate daraus hergenommen haben; anders theils auch ih-
 rer viele sich finden dürfften/ die diese meine Meditation auff eine Sa-
 tyrische Weise auslegen möchten/ da ich mir doch gänzlich fürgenom-
 men die Satyrische Schreib-Art bey seite zu legen/ so wil ich es unter-
 wegen lassen; Zumahl mir wohl bekant/ daß der Herr D. Alberti
 dieses sein Compendium für unbtrieglic und infallibel hält/ und
 ich also/ wie erwehnet/ die meinen Institutionibus bisher gegönnte
 Ruhe niemand anders als der glückseligen Freyheit unserer Zeiten
 zuschreiben habe. Ich habe seit der Publication dieser meiner Insti-
 tutionum kein Collegium drüber gehalten. Nachdem mich aber
 allhier etliche Lehrbegierige darumb ersucht/ daß ich zwischen Mi-
 chaëlis und Ostern künfftiges Jahrs ihnen dieselben erklären möch-
 te/ habe ich ihrem ehrlichen Begehren gratificiren/ und Morgen/ ge-
 liebtes Gott/ nach Mittage umb 2. Uhr (es wäre denn/ daß meinen
 Herren Auditoribus eine andere Stunde belieben sollte) hierzu im
 Namen Gottes den Anfang machen wollen. Ich werde mich be-
 fleißigen in diesem Collegio ihnen nicht allein die kurgesfaßten Theses
 deutlich zu erklären/ sondern auch/ weil ich in denen Institutionibus
 keine Autores allegiret/ ihnen zu desto besserer Nachlesung die Au-
 tores, absonderlich wider die ich disputire/ zu melden. Für allen
 Dingen aber wird nöthig seyn/ daß sie sich des Herrn von Pufendorf
 sein Opus de Jure Naturæ & Gentium anschaffen/ weil fast kein
 Blat in meinen Institutionibus seyn wird/ das sich nicht darauf be-
 ziehen sollte. Hiernächst verlange ich von ihnen/ daß sie auch des
 Herrn

Herrn D. Alberti sein Compendium Juris Naturæ und sonderlich den ersten Theil / welcher ohne dem kurz ist / mit Fleiß durchlesen / damit sie die Wahrheit meiner Lehr-Sätze / und die Unzulänglichkeit der Seinigen desto besser begreifen mögen. Ich würde in Wahrheit dieses nicht pretendiren / wann ich nicht der Güte meiner Sache wohl versichert wäre. Denn es ist ein langhergebrachter Gebrauch unter denen Gelehrten / die keine gute Sache haben / daß sie ihre Untergebene oder Zuhörer abhalten / diejenigen / so sie widerlegen wollen / nicht selbst zu lesen / oder ihnen wol gar solches verbieten / unter dem Schein / als ob in denen Schriften derer Gegner ein heimliches und gefährliches Gift fündig wäre. Ich versichere hingegen theil meine Zuhörer / daß des Herrn D. Alberti sein Buch / unerachtet er von mir dissentiret / kein gefährliches Buch sey / und daß sie den geringsten Gift / der ihnen an Erkänntniß der Wahrheit schaden könnte / darinnen nicht antreffen werden / denn ich habe solches aus eigener Erfahrung. Und solcher Gestalt hoffe ich / es werde sich der Herr D. Alberti desto weniger über mich zu beschweren haben / als ob ich irrational oder anders als einem die Wahrheit suchenden Manne gebühret / mit ihm verführe. Leglich wird es auch nicht schaden können / wenn sie sich meine Introductionem ad Philosophiam Aulicam anschaffen / weil ich darinnen das *ὑπόθετον* *ἑνός*, welches den Herrn D. Alberti zu dieser seiner Hypothese de Jure Naturæ scheinet verleitet zu haben / widerleget / nemlich die von ihm erdichtete Philosophiam Christianam, oder eine solche Philosophie, welche ihre Lehr-Sätze aus denen Grund-Sätzen der Göttlichen Offenbarung herleitet / und die solchergestalt besage dessen / was ich in dem ersten Capitel meiner Einleitung zu der Vernunft-Lehre erwiesen / die zwey Lichter der Natur und Göttlichen Offenbarung ganz offenbahrlich mit einander vermischt. Dieses wenige ist es / was ich meinen zukünftigen Herren Auditoribus zum voraus zu erinnern für nöthig erachtet / das übrige werde ich zu seiner Zeit in dem Collegio selbst berühren. Gegeben in Halle den

XIX. Sonntag nach Trinitatis

M DC XCI.

Institut.



INSTITUTIONUM JURISPRUDENTIÆ DIVINÆ LIBER I.

CAP. I.

De Jurisprudentia in genere.

SUMMARIA.

Jurisprudentia resolvitur in duos conceptus, respectu quorum initio consideratur seorsim §. 1. & quidem quoad terminum Prudentiæ §. 2. qui ut rectè intelligatur, repetitur breviter tota doctrina de habitibus & eorum divisione §. 3. usque ad §. 21. & ostenditur quam sæpè hæc Peripatetici errent §. 22, usq; ad 26. Deinde quoad terminum Juris §. 27. qui sumitur vel pro Lege, cujus traditur 1. definitio §. 28. usque ad 35. 2. Objectum personale, Homo, cujus definitio & partes aliter quam vulgò considerantur, §. 35-52. 3. Objectum reale, actiones humana. Hic exponitur, quanam actiones legi subsint, percurrendo singulas actionum classes. §. 52-66. & inde formantur axiomata decem de imputatione actionum humanarum §. 66-77. 4. Autor, Deus vel Homo §. 78. 5. Contraria, mutatio & dispensatio §. 79-80. 81. Porro sumitur etiam Jus pro Attributo personæ. Hujus exhibentur 1. Definitio §. 82. ubi ostenditur 2) quid sit qualitas moralis

activa & passiva §. 83. b) Fons omnis juris humani, sc. voluntas superioris §. 84. 85. c) quid sit persona, quid status? Quotuplex persona? §. 86. 87. 88. d) quid sit & aliquid in definitione §. 89. e) Quid societas? §. 91. 92. & ejus divisiones in aequalem, inaequalem & mixtam, §. 93. divinam & humanam, §. 94. naturalem & arbitriariam, §. 95. simplicem & compositam, §. 96-99. 2. Axiomata ex definitione juris deducta §. 100-104. 3. Divisiones in perfectum & imperfectum, §. 104. 105. (Hujus divisionis usus, §. 106. 107. & nota utriusque juris §. 106. 107.) connatum & acquisitum, §. 114. Imperium, Libertatem, Dominium, Jus in re, Creditum, §. 115-121. Vulgare & eminens, §. 122-127. Naturale, Gentium & Civile §. 128-131. 4. Attributum: mutabilitas §. 132. 133. 5. Correlatum: Obligatio. Hac definitur, §. 134-137. & dividitur. §. 138. Ostenditur: omnem obligationem esse mutabilem. §. 139. 140. 141. Hac occasione etiam exponitur actio, quatenus & hac dicitur iusta, atque variae significationes actionis iusta, licite, honeste, & quae his opponuntur, explicantur. §. 142-153. Tum consideratur Jurisprudentia conjunctim, quod ea & legem & attributum persona pro obiecto habeat, maxime tamen legem. §. 154. 155. Unde definitur §. 156. & dividitur in Legislativam, Consultatoriam & Judicalem §. 157-158. Non confundenda Jurisprudentia cum ipsa legum explicatione & applicatione §. 160. Partes duae Jurisprudentiae Judicialis. §. 161. Jurisprudentia vel divina vel humana §. 162. Differentia Jurisprudentiae à Theologia & reliquis Facultatibus, §. 163-171. Differentia inter Jurisprudentiam & Jurisprudentiam §. 172.

§. I.



Jurisprudentiae vox duplicem involvit conceptum, unum Prudentiae, alterum Juris.

2. Prudentia quid sit non melius nosse poterimus, quam si divisionem habituum paulo altius repetierimus.

3. Uti vero per habitum hinc intelligimus conceptum ali-

aliquem Philosophicum, ita quæ alii in hac doctrinâ de *habituibus infusis* a) differere solent, eoque v. g. *donum linguarum in Apostolis* referunt, nos non turbabunt, qui circulos luminis naturæ & revelationis turbare nolumus.

4. Eadem observatio est, dum *fides, spes, charitas*, ipsa *Theologia* ad classem habituum referuntur ab aliis, quod nihil aliud est, quàm mysteria fidei metiri velle modulo inepto rationis.

5. Nos ita procedemus: *Habitus est vel intellectualis*, qui in intellectu residet & acquiritur actibus intellectus, qui sunt: affirmare & negare, vel *voluntarius*, qui residet in voluntate, & acquiritur actibus voluntatis. Per actus autem voluntatis hîc non solum intellige internos, scilicet: appetere, averfari, sed & externos, videlicet actus locomotivæ, quatenus à prioribus diriguntur.

6. *Habitus intellectualis* vel pro objecto habet principia b) tam theoretica quam practica, & vocatur *intelligentia*, vel *principiata*. c)

7. *Posterior* est vel *Theoreticus*, qui pro objecto habet
A 2 cogni-

ad §. 3. a) mutavi in hac editione §. 3. & 4. In præcedenti siquidem editione secutus eram adhuc communem doctrinam libellorum Logicorum in capite de Qualitate, atque adeò distinxeram inter habitus infusos & acquisitos, hos in eos, qui viribus supernaturalibus & naturalibus acquiruntur. Et in posterioribus perrexeram. Sed hîc ma-

lui planè istas duas priores divisiones seponere ob rationes in thesibus dictas.

ad §. 6. b) scilicet complexa seu propositiones.

c) i. e. conclusiones ex istis primis principiis ortas, seu principia incomplexa, seu cognitionem rerum de quibus propositiones formantur.

ad

cognitionem Creatoris & creaturæ, vel *Præcticus*, qui pro objecto habet cognitionem actionum humanarum.

8. *Theoreticus* vel considerat ens in genere, qui dicitur *Ontologia*, d) hodiè vulgariter *Metaphysica*, e) vel certas entis species.

9. Et quidem vel *Creatorem*, qui vocatur *Sapientia*, f) olim etiam *Metaphysica*, g) hodiè: *prima pars Pneumatica*, h) vel *creaturas corporeas*, i) & appellatur *scientia*. l)

10. *Scientia* vero contemplatur creaturas corporeas, vel ratione essentiae & qualitatibus, quod facere debet *Physica*, vel ratione quantitatis, quod facit *Mathesis*.

11. Sequitur habitus *Præcticus*. Atqui hic m) vel occupatur circa actiones hominum honestas, & appellatur *Prudentia*, vel turpes & dicitur *Astutia*, vel indifferentes, & vocatur *Solertia*. 12. Qui

ad §. 8. d) Ita Claubergerius scripsit *Ontologiam*, & ante eum alii.

e) vide quæ hæc de re eleganter differit B. Pater in *Historia Metaphysica* subjunctâ ejus questionibus *Metaphysicis*.

ad §. 9. f) Unde & *sapientia* imperium tribuitur inter *Habitus intellectuales*. Quamvis ineptissimè eundem titulum hodiè multi tribuant *Metaphysica*, quatenus est simplex *Ontologia*.

g) Dicebatur autem olim *Metaphysica*, quod post *Physicam* tractari debebat, quia cognitio creaturarum ducit ad cognitionem Creatoris. Cartesiani ergo cum *methodum*

inversam sequantur, suam doctrinam de Deo *Metaphysica* nomine insignire non possunt. Et *Ontologia Peripateticorum* pariter ineptè *Metaphysica* nomen retinet.

h) Nam tractatur in *Pneumatica* 1. de Deo, 2. de Angelis, 3. de Anima separatâ. Ignorat vero *Pneumaticam philosophia* vetus, cum sit novum inventum *Scholasticorum*, ut ostendit Pater in *historia Metaphysicis*.

i) quia spiritus creatos separatim existentes ignorat ratio sibi relicta.

l) Unde Aristotelicis tot sunt scientiæ, quot substantiæ: Sunt autem sub-

12. Qvi vero in his omnibus ingenio caret, *stupidus & imprudens* dicitur.

13. Dum vero prudentia versatur circa actiones *bonestas* ita circa eas occupata est, ut non excludatur earum *jucunditas & utilitas*, sed ut ea honestati subordinetur. Nam honestum vel maximè jucundum est & utile.

14. Qvatenus autem magis ab utilitate & jucunditate abstrahit, & honestatem actionum, seu earum convenientiam cum lege præ oculis habet, eatenus ad differentiam prioris, cum additamento *Jurisprudentia* dicitur latè accepta.

15. Porro homines, quorum actiones dirigit prudentia, vivunt vel in *societate civili*, & tum dicitur *Prudentia Politica*, vel in *societate domestica*, & vocatur *Prudentia Oeconomica*.

16. *Ultragvè* versatur vel circa actiones *futuras* vel *præteritas*. Illa *Consultatoria* est latè sic dicta, n) hæc *Judicialis* in *latissimo* significato, o)

A 3

Con-

substantie tres : Deus, unde *Metaphysica*, Cælum, unde *Astronomia*, & Corpus naturale, unde *Physica*. Sub se enim in latè acceptione scientia comprehendit sapientiam.

ad §. 11. m) *Varia* mutavi à §. 11. ad 20. que aliter extant aut ordinata erant in primâ editione, que inde provenerant, quod, quia observaveram artem non posse ad habitus intellectuales referri, prudentiam solam in classe habituum præ-

dicorum retinueram, eamque feceram synonymum habitus prædicti.

ad §. 16. n) quia, ut vides, hæc *Legislatoriam* sub se comprehendit. At communiter *Consultatoria* strictè dicta *Legislatorie* opponitur, vide §. 19.

o) quatenus hic etiam judicamus, an utilis fuerit actio an jucunda, Instricto significato, de quo §. 19. judicamus saltem an honeste fuerint.

ad

17. *Consultatoria* vel occupata est circa actiones proprias, vel alienas.

18. Et quidem aut *superiorum*, aut *parium*, aut *inferiorum*.

19. Harum ultima speciali nomine dicitur *Prudentia Legislatoria*, quæ est pars nobilissima *Jurisprudentia* late acceptæ. Reliquæ species nomen *Prudentia Consultatoria* retinent, & illa quidem, quæ superiori in legibus ferendis vel actionibus propriis secundum normam legum divinarum instituendis consilia suppeditat, est altera pars *Jurisprudentia* late acceptæ. Quæ verò in specie circa actiones honestas aliorum easque præteritas versatur, est *prudentia judicialis* strictè dicta, item *Jurisprudentia* strictè dicta, seu tertia pars *Jurisprudentia* late acceptæ.

20. Sumitur ergò, ut vides, *Jurisprudentia* vel late vel strictè. Late, ut sub se *Legislatoriam* & *Consultatoriam* comprehendat, strictè pro solâ *Judiciali*.

21. Restat habitus *Voluntarius*. Hic acquiritur actionibus vel lege præceptis, & est *Virtus moralis*, vel lege prohibitis, & dicitur *vitium morale*, vel denique lege permissis, & nihil est aliud quam *Ars*. p) Singuli ergo habitus voluntarii habent suos directores in intellectualibus Practicis, virtus *Prudentiam*, vitium *Asutiam*, *Ars Solertiam*. q)

22. At-

ad §. 21. p) Poterit hoc probari per instantiam. Nam omnis ars pro fine habet actionem indifferentem, eamque vel jucundam vel utilem. Non obstant ars amandi, bi-

endi (vitiøsè nempe.) Nam hic est abusus vocis. Cavendum tamen

maximè ne vanitas se immisceat artibus, quæ quomodo differat à turpi actione, dixi in dodec. quæstion. promisc. qu. 4.

q) confer jam cum hac distributione habituum quæ differui indiseret. præmiali §. 35.

ad

22. Atque hæc ideò paulò altius repetenda fuerunt, quia communis doctrina Peripateticorum de divisione habituum & speciebus Virtutum intellectualium infinitis scatet erroribus, quos facile quis deprehendet, qui eorum tradita cum hætenus dictis contulerit. r)

23. Illum hic non possumus non paulò fusius detegere, quod communiter inter Habitus intellectuales *Theoreticos & Practicos* illam dicant intercedere *differentiam*, quod hi pro fine habeant etiam actionem, illi autem in contemplatione, tanquam fine ultimo subsistant.

24. Nam hic error non solum rectæ rationi est adversus, cum omnes habitus theoretici, ut faciliè per inductionem probari potest, tendere debeant ad praxin, sed & cum verâ religione pugnat, propullulans videlicet ex falsâ

ad §. 22. r) Vide potissimum, quæ ex mente Peripateticorum tradit B. Pater in Tab. 29. Philos. Practicæ, & ibi in annotationibus potissimum annot. 127. Numerabimus hic saltem errores potissimos. 1. Errant, dum Intelligentiam faciunt speciem habituum Theoreticorum, quod inde provenit, quia de principiis practicis parum fuerunt solliciti. 2. Errant, quod Ontologiam confundant cum Metaphysica. 3. Quod doctrinam de Deo ex Metaphysicâ exemerint, & ad separatam disciplinam Pneumaticam retulerint. 4. Quod suam hodiernam Metaphysicam ja-

ctent pro scientiâ, cum nihil sit quàm Lexicon terminorum omnino non, vel certè parum utilem. 5. Dum in Pneumaticâ tractant de angelis & animâ separatâ. 6. quod putent, prudentiam versari circa actiones honestas tantum, cum etiam versetur circa utiles, quod apertè in prudentiâ consultatoriâ fatentur. Conf. Patr. rab. ult. Phil. Pract. l. 56. seq. 7. Quod Legislatoriâ & Consultatoriâ solum ut species diversas consideraverint, cum tamen Legislatoriâ sit species consultatoriâ. 8. Errant in cæteris differentiis inter prudentiam Legislatoriâ, Consultatoriâ

falsâ Gentilium opinione, opinantium, Dei essentiam consistere in contemplatione. s)

25. Spectant eo varia effata Summi, quem profitemur, Aristotelis. t) *Beatitudinem theoreticam esse nobiliorem Practicâ; comitaricam voluptatem sinceriores, quam Practicam; theoreticam magis copulare hominem cum Deo, quam Practicam; item: u) Prudentiam aliquatenus inservire sapientie &c.*

26. Nobis præ his nugis omnium maximè arridet sapientissimus Apostoli discursus, amorem videlicet ex
pru-

toriam & Judicialem exponendis, quas exhibet idem Tab. 29. lin. 50. seq. 9, Dum Philosophiam Practicam suam prudentia nomine dignantur, cum tamen non solum ex propria eorum hypothesi & explicatione trium Prudentia partium, quas modo memoravimus, non detur nisi Jurisprudentia, sed & revera ipsorum Philosophia Practica nihil aliud sit quam lexicon terminorum nec Politico, nec Jcto, nec Oeconomo multum utitium, reliquum ipsismet, fatentibus, optima Doctrina Prudentia in ipsorum Prudentiâ deficiat, scilicet doctrinâ Mediorum, vid. Patr. Tab. ult. lin. 60. seq. 10. Errant in exponendâ differentiâ inter verfutiam, prudentiam & imprudentiam. Vid. Tab. 29. lin. 62, & in

annot. ibid. 11. Errant, dum artem dicunt esse habitum intellectualem, confundentes videlicet artem cum solertiâ. Errant 12. dum habitum moralem vel virtutem moralem faciunt synonymon habitus voluntarii, omittentes iterum artem.

ad §. 24. s) nudâ scilicet, quæ ne quidem pro fine habet actionem. Vide tamen explicationem meam ulterius in dissert. præm. §. 37. Nec melius Dei essentiam homo sibi concipere potest, quam per æternum amorem.

ad §. 25. t) Vid. Tab. 6. Philos. Pract. lin. 15. & 20. junct. annot. 34. n. 2.

u) Vid. Patr. annot. 127. ad Philos. Pract. n. 10.

prudentiâ oriundum omnibus contemplationibus longè præferentis, x)

27. Atque hæc occasione Prudentiæ. *Juris* vox sumitur multis modis. y) Potissimum vel pro *lege*, vel pro *attributo persone*, z)

28. *Legem* aliter Grotius, a) aliter Aristoteles b) definiunt, aliter J.Cti, c) Mirè verò ac ineptè pariter hîc fundant Scholastici. d) Nos ita: *Lex est jussus imperantis obligans subjectos, ut secundum istum jussum actiones suas instituunt.*

29. Differt per hanc definitionem lex tum à consilio, tum à pacto, & quidem variis modis. e) Sed hæc communiter inculcari solent, Illud potissimum notes, ut non commune: *Lex semper obligat etiam sine pacto: Pactum*

B

nun-

ad §. 26. x) adde declarationem ex dissert. præm. th. 36.

ad §. 27. y) vide hic potissimum J.Ctos ad tit. Inst. & Pand. de Juristiciâ & Jure.

z) Grotius de J. B. & P. l. i. c. i. §. 4. & 9. Nam, quem tertium significatum Grotius d. l. §. 3. addit, quod sumatur etiam pro actionis attributo, magis ad justum in concreto, quàm ad jus in abstracto pertinet.

ad §. 28. a) quod sit regula actuum moralium, obligans ad id quod rectum est. Vide Grotium d. l. §. 9. Conf. Velthem, ad Grot. p. 42. seq.

b) Aristoteli Lex est oratio à prudentiâ & intelligentiâ profecta, vim habens cogendi. Vide Patris Tab. 25. lin. 6.

c) vid. l. i. seq. ff. de LL. ibique Dd. & ad Inst. de J. N. G. & C. §. Lex est.

d) De Scholasticorum litigiis circa essentiam Legis vide prolixè Dn. Osiandrum in Typo legis naturæ p. 17. seqq. Quidam ex illis dicunt legem esse dictamen rectæ rationis, indicans actiones esse bonas vel malas in genere morum.

ad §. 29. e) Lex proficiscitur à superiori & fertur inferioribus etiam invitis, semperque vim obligan-

nunquam sine lege, etsi lex quandoque obliget mediante pacto. Tum igitur pactum est saltem obligationis occasio, ut remotio valvarum occasio est illuminationis in hypocausto. f)

30. Autor Legis semper est *imperans*, quæ voce maius uti, quam cum aliis voce *superioris*. Nam præter *superioritatem imperii*, dantur & aliæ superioritates, *ordinis*, puta, *dignitatis*, addo etiam *beneficii*, quæ hujus loci non sunt. g)

31. Hinc

gandi habet. Consilium datur etiam à pari & inferiori, etiam pari & superiori, nec unquam obligat, etiam si is, cui datum fuerit, suum præbuerit assensum. Pactum semper est inter pares & requirit consensum duorum.

f) Communiter dicitur obligationem oriri vel immediatè ex lege, vel mediatè per pactum. Malo tamen asserere sed secundum explanationem in differt. præem. §. 38. omnem obligationem oriri ex lege, & pactum veram causam (etiam mediam) obligationis non esse, sed solum medium. Probari sententia mea poterit ex definitione obligationis, quam vide infra §. 134. 135. Malo etiam adhibere vocem medii quam causæ per accidens, aut etiam causæ sine quâ non, quia volo me immiscere tricis Scholasti-

corum de differentia inter causam per accidens & causam sine quâ non, quam nobis peperit iterum studium explicandi scripturam per Metaphysicam, v. g. in questione: *an Deus sit causa peccati?*

ad §. 30. g) Imperii oppositum subiectio, & includit hæc superioritas etiam reliquas. Beneficii oppositum reverentia, & includit ferè superioritatem dignitatis & ordinis. Dignitatis oppositum est minor dignitas vel etiam vilitas, & infert præter alia jura etiam præcedentiam seu superioritatem ordinis. Denique superioritas ordinis tantum in præcedentiâ consistit inter personas ejusdem dignitatis. Distinctio inter superioritatem imperii & beneficii suum usum potissimum exeret infra in doctrinâ de societate paternâ.

ad

31. Hinc sequitur, quod Deus non agat secundum legem, & quod lex æterna sit figmentum Scholasticorum. *b)*

32. Is cui Lex fertur, est *subjectus* seu *parens*. Hic rationem præsupponit, quæ cum non cadat in bruta, ergo neque lege eadem obligari poterunt. *i)*

33. Restat itaque *homo*. Unde Lex communiter appellatur norma actionum humanarum. Actio autem hominis legi attemperata unâ voce dicitur *officium*.

34. Sed actiones hominis sunt variæ, alias enim sibi proprias instituit, aliæ ipsi cum bestiis & plantis communes sunt. Videndum igitur de quibusnam disponere lex possit. Atque hic prius de *homine ipso ejusque essentiâ* distincti erunt formandi conceptus, ac præconceptæ quædam opiniones removendæ.

35. *Homo* est animal rationale. Sic vulgo homo definitur. Nec aliam definitionem admittit scala prædicamentalis substantiæ in libellis Logicis. Quamvis neque sit ad mentem Aristotelis, neque ad palatum Por-

B 2

phyrii

ad §. 31. *b)* vide quæ dixi in disp. de philos. jur. §. 26, & ad de differt. præm. §. 39. Fortè hæc Scholasticorum doctrina propullavit ex ignorantia primorum principiorum in jure naturæ, & confusione jurisprudentiæ naturalis cum Theologiâ, aut ex semel præsuppositâ ineptâ legis descriptione quod sit dictamen rectæ rationis. Habet hæc doctrina Scholasticorum aliquid

analogi cum doctrinâ gentilium in physica de materiâ primâ Deo cœternâ, & in moralibus cum doctrinâ de fato.

ad §. 32. *i)* Conf. Deusingium de ratione & loquelâ brutorum differt. select. p. 187. seqq. Ad objectiones de intellectu & voluntate brutorum respondetur communiter in Collegiis Ethicis.

phyrii autoris istius scalæ. *l)* Impugnatur autem eadem variè à Chrylostomo, Cardano, Helmontio, Antonio le Grand, & aliis. *m)* Nos retinebimus, sed cum explicatone debitâ.

36. *Animal* haudquaquam arbitramur esse corpus vivum sentiens, sed putamus esse corpus vivum motu præditum. Scilicet ut hætenus ad oculum demonstrarunt acutiores Philosophi, *n)* *bestia sensu carent*, interno nempe, sine quo sensus externus sensus nomen haud meretur, neque aliter moventur ac machinæ, *o)* nisi quod in iis etiam subtiliores auræ particulæ ab extra illa organa, quæ apud homines sedes sunt sensuum exteriorum, feriendo, contactu harmonico motus interiores quandoque cieant.

37. Scio

ad §. 35. *l)* Gentiles enim statuebant essentias medias inter Deum & homines, alii dæmonas, alii faunos & satyros. Unde Aristoteles & Porphyrius hominem definiebant: animal rationale mortale.

m) ostendam id Deo dante peculiari questione: Quid est homo?

ad §. 36. *n)* vide Dissert. proæm. §. 40. Caterum in hoc ab eo à Cartesiano, quod statuam in bestiis esse motorem aliquem internum, non tamen hunc sine fugâ contradictionis sensum appellari posse statuo.

o) & cum precedenti ad eodè limitatione, quæ hic de machinis dicun-

tur, erunt intelligenda. Unde comparatio hæc est. Quemadmodum Machinæ moventur à tali aliquo principio interno, quod motus non dijudicat, sic & bestie. Igitur facile respondere possum, si quis urgeat, in motu machinæ, si rotula una laboret, impediri reliquas omnes, non ita in bestia. Ratio enim est, quod in bestiis principium motus non proveniat à corpore aliquo crasso, ut est rota, sed à subtiliori, quod propter subtilitatem suam vocatur spiritus animalis à materia distinctus. Si quis urgeat, impossibile esse, ut ejusmodi machina fiat ab homine, regeram, id ideo fieri, quia

37. Scio non sapere hanc hypothesin illis, qui veritatem assertionum ex antiquitate metiuntur, quibus tamen, si nihil aliud regerere possem, premerem saltem eos, ut si, quod spero, bestiis rationem adimant, differentiam o) mihi ostendant inter sensum communem, phantasiam atque memoriam, quam bestiis tribuunt, & rationem hominis. p)

38. Itaque homo, ut vitam cum plantis, ita cum bestiis locomotivam habet communem. Quod restat, voce rationalis includitur. Ratio autem hominis nihil est aliud, quam cogitatio. q) Nam sapienter Cartesius: Homo dum intelligit, cogitat, dum vult, cogitat, dum sentit, cogitat.

39. Id vero spontè ex dictis sequitur, duabus ratio-

B 3

nis

quia impossibile est homini efficere ejusmodi spiritum subtilem, cumque includere claustris ejusmodi.

ad §. 37. o) Itaque principalis mea assertio est: Bestiæ sensu carent. Secundaria: Moventur ut machina. Si modò prius concedas, facilis ero, quocunque nomine principium istud motus in bestiis velis nominare.

p) Explicari potest hæc observatio ex iis quæ Pater de sensibus externis recenset in physicâ cap. 48. q. 35. usque ad 58. p. 242. seqq. Quod si ex qv. 46. item v. g. ex actionibus simiarum, ex docilitate animalium velis objicere, bestias cognitione aliquâ & dijudicatione

pollere, dabo instantiam: Oscitante uno oscitat & alter. Hoc sapius fit absque judicio, absque officio sensus communis. Adde v. g. unde evenit, ut Musicus sapè (dum in aliis profundis meditationibus versatur) canat aliquid, aut instrumento musico harmonicè ludat, quamvis se id facere nec cogitet, nec facere velit? Item: unde evenit, ut difficillimè procedat, si velimus v. g. manum dextrorsum promovere, pedem sinistrorsum? Proveniunt hæc à nullo principio judicante. Dixi latius in introductione ad Logicam cap. 3.

ad §. 38. q) In dicto cap. 3. latè etiam dixi quid sit cogitatio.

ad

nis nostræ functionibus, quæ communiter recensentur, intellectu putat & voluntati, addendam esse tertiam, r) sensationem nempe, locomotivæ quidem contradistinctam, sed appetitum sensitivum sub se comprehendentem.

40. *Sensus communiter in internos dividuntur & externos. Visus, Auditus, Olfactus, Gustus & Tactus vulgariter externos repræsentant, quibus alii ut sextam speciem accensent Tactum venercum, s) alii his omnibus septimam & octavam addunt, exsiccationem in ore, & famem in stomacho. t) Interni u) ad tria genera reducuntur; sensum communem, phantasiam atque memoriam.*

41. *Sed sensus quidem externi quovis sint, passionibus x) sunt corporis, non functiones animæ. Ast quâ simplex harum rerum apprehensio fit, deum sensus oritur, quam nomine sensus communis insigniri, possumus tolerare, ut & quod phantasia dicatur, quâ ideas ex his passionibus vel occasione earum sibi homo format y) & denique, quod memoria appelletur, quâ homo istius sen-*

ad §. 39. r) Non tanquam facultatem separatam, sed quod quâ percipit, ad intellectum, quâ appetit, ad voluntatem referri possit. Vide theses seqq. & conf. Patr. Phys. c. 48. qv. 1. seqq. p. 237. seqq.

ad §. 40. s) vid. Patr. Phys. p. 240. qv. 23. seqq.

t) quod facit Bontekoe von der menschlichen Gesundheit.

Dictum hac occasione de causis multiplicatorum sensum externo-

u) Faciunt alii plures sensus internos, ut Avicenna. Vid. Patris Physicam p. 241. qv. 29.

ad §. 41. x) quod facile patet per inductionem. Nam & visus sit receptione.

y) quanquam prius phantasia officium referri possit ad sensum communem, posterius ad memoriam. Vide omnino Patris Physicam p. 214. qv. 44.

z) non

ensionis recordatur, *z*) aut *reminiscentia*, *a*) si recordatio ista mediante ratiocinatione fiat.

42. Dicunt autem & docent Peripatetici; *sensus omnes cognoscere* *b*) objecta sensibilia, externos quidem passivè, internos activè. Sed uti ista *cognitio passiva* est non ens, sic *activa cognitio* quomodo absque cogitatione esse queat, non quidem percipio, *c*) & sic vel ipsi qui hæc docent, necesse habent concedere sensus internos ab animæ rationalis facultate cognoscente haud differre, vel quid doceant, ipsi nesciunt. *d*)

43. Porro uti in scholis *e*) *appetitus sensitivus* describitur, nihil aliud est, quam *voluntas* approbans id objectum, quod corpus delectat, qui quidem si legi non repugnet, benè est, sin; erit voluntas hominis perversa. *f*) Non magis tamen ob istam perversitatem poterit voluntas illa ad animam aliquam sensitivam homini cum bestiis

z) non quatenus condit. Conf. iterum Patrem p. 245. qvæst. 54. seqq.

a) De differentiâ inter memoriam & reminiscentiam vide Patrem p. 249. qv. 69. seqq. Nos utramque referimus ad rationem & dicimus, quod differant tantum ratio & ratiocinatio. Conf. th. 45.

ad §. 42. *b*) vide iterum Patrem p. 246. qv. 56. seqq.

c) Conf. omninò Patrem p. 253. qv. 87.

d) Dicunt equidem, distinguen-

dum esse inter sensus humanos & bestiarum, illos cognoscere, vel in cognoscendo cogitare, hos non. Sed hic urgendi sunt, ut sensum istum definiant vel cognitionem brutorum, vel à terminis istis abstineant, nisi fateri velint, hæc omnia de bestiis dici æque improprie, atque rationem & cogitationem, quia diximus jam, sensum esse speciem cogitationis.

ad §. 43. *e*) Vide iterum Patrem p. 251. qv. 76. seqq. & maxime p. 253. qv. 92.

f) Hinc parum sapida sunt dictiones

bestiis communem relegari, quam ratio perversa. Nam utrobique homo dum perversè ratiocinatur & dum perversè appetit, cogitat.

44. Restant itaque intellectus & voluntas. *Intellectus* missis antiquorum fabulis de *intellectu* quodam *agente* g) extra hominem, vel *latè* sumitur, ut memoriam intellectivam sub se comprehendat, vel *strictè*, ut eidem opponatur. b) Scilicet intellectus hominis vel *simpliciter apprehendit* objecta sensuum externorū, propositionem aliquam de illorum naturā aut bonitate ex accidentibus eorum organa sensuum ferientibus, ac corpus delectantibus, formando, aut etiam de objectis jam anteā sensu perceptis confuse ideas sibi format, vel de veritate earum propositionum & de objecti bonitate, item de ideis ulterius per discursum meditando *ratiocinatur*.

45. Prior facultas *intellectus* nomen retinet, altera *memoria intellectiva* voce communiter insignitur. Nos illam appellabimus *primam intellectus* operationem, hanc *secundam*, quæ tamen secundum magis & minus infinitis modis variare poterit. Quod si primam malles *rationem*, secundam autem *ratiocinationem* appellare, nec sic refragabimur.

46. Ita non opus habemus, ut sudemus in vulgatâ controversiâ de tribus, aut quatuor, aut pluribus *mentis operationibus*, i) præprimis cum prima mentis operatio, quæ

eterna Peripateticorum, quod voluntas succumbat aliquando appetitui sensitivo.

ad §. 44. g) Vide latè Patrem in *Physicâ* cap. 49. p. 285. qv. 75. seqq. & omninò q. 101. p. 297. i

b) Pater d. c. 49. qv. 9. seqq. p. 267.

ad §. 46. i) Vide Patrem d. c. 49. qv. 105. seqq. p. 294. & omninò qv. 111. 112.

ad

quæ in scholis constituitur sit non ens, & nostra divisio majorem præbeat usum, de quo mox.

47. Igitur ex internis sensibus qui *communis* dicitur, ad primam intellectus operationem pertinet, ad utramque *phantasia* & *memoria*. l)

48. Solent equidem *intellectum* insuper & in *Theoreticum* & *Practicum* dividere: m) Sed præterquam, quod ista divisio videatur inventa olim ad ostendendam differentiam inter rationem brutorum & hominum, & præterea idem hîc, quem supra n) occasione habituum Theoreticorum & Practicorum detegimus, lateat anvis in herbâ, etiamsi vel maximè intuitu objecti hanc divisionem toleraremus, nescio tamen an eadem magnum nobis usum sit exhibitura.

49. Ut vero intellectus de rerum naturâ & habilitate ad hominem judicat, ita *voluntas*, quæ tacienda sint homini, determinat. Et quidem determinatio ista sequitur statim vel primam intellectus operationem, vel secundam. Prior facultas *simpliciter* appetit, posterior eligit, o) posses adeo illam *appetitus*, hanc *electionis* seu *voluntatis* strictè dictæ nomine insignire.

50. Primi motus in *appetitu sensitivo*, prout vulgo describitur, spectant ad appetitum simplicem, reliqui

C

mo-

ad §. 47. l) conf. supra §. 41.

ad §. 48. m) Pater cap. 38. qv.

27. seqq. p. 187.

n) supra §. 23. seqq.

ad §. 49. o) Prior dicit: *vellem*.

Posterior: *volo*. Ita homo esuriens videns cibum alienum non, impedire

se potest, quin objecto graviter stomachum movente, etiamsi iustus sit, Et etiamsi jam statuerit, quod nolit eo uti, intrinsicè cogitet: vellem, si liceret. Nam primi motus ejusmodi toties reiterantur, quoties objecta sensus movent,

ad

motus appetitus sensitivi, ut & integer appetitus rationalis, pertinent ad electionem,

51. Igitur talis est *processus ordinarius ratiocinationis*, & actionum hominis. *p)* Postquam objecta externa impulerunt sensus externos, sequitur prima intellectus operatio, hanc excipit appetitus, qui vel statim imperat locomotivæ, *q)* vel remittit *r)* rem trutinandam secundæ intellectus operationi, ac postea eligit & locomotivam impellit &c. Ex his patet verum & illimitabile esse axioma: *Nihil est in intellectu, quod non fuerit in sensu*, *s)* item illud: *Ignoti nulla cupido*. *t)*

52. Cum ergo homo vivat, nutriatur, crescat, loco moveatur, sentiat, intelligat, velit, jam videndum *quanam actiones à lege dirigantur?* Summatim istæ, quæ sunt in

ad §. 51. p) loquor de hominibus adultis & provocho ad experientiam.

q) tunc non dicit: vellem, sed: volo. Et tunc voluntas hominis vitio laborat. Unde vero hoc? Non à solâ assuefactione esse, sed quod voluntas hominis jam ante intellectum (secundum nostram concipiendi modum) sit infecta, & præjudicia voluntatis inficiant ipsum intellectum, fusius probavi in Praxi Ethices seu de remedio amoris cap. 1.

r) tunc dicit: vellem, vel: volo sub conditione, si trutinâ vero, aut si non pecco.

s) Vide Patrem p. 183. qv. 66. seqq. ubi tamen non admittimus limitationem in qv. 68. Adde elegantem dissertationem Deusingii de cognitione eorum, qui surdi nati sunt, in dissert. select. p. 174. seqq. Confer & quæ disserui in Introd. ad Logicam passim.

t) Non obstant exempla eorum, qui amasias in somno visas, nec ante cognitæ depereunt. Ex illis tamen & similibus exemplis hoc proverbium & in eo vox: Ignotum limitationem accipiet. Conf. dicta lit. q.

in hominis arbitrio. u) Non sunt autem, quæ ad vegetantem animam communiter referuntur, neque passiones sensuum externorum, x) neque prima in intellectu operatio, neque primi motus in appetitu. Remanent itaque quæ in arbitrio hominis sunt, remissio voluntatis ad secundam mentis operationem, ipsa suo modo y) secunda mentis operatio, eamque subsequens electio, item regulariter locomotiva.

53. Quod vero statuitur communiter, appetitum subesse voluntatis imperio, z) de primis ejus motibus non

C 2

pro-

ad §. 52. u) Lex enim est norma. Unde requiritur ut homo viribus naturalibus possit & secundum, & contra legem vivere, quod facile patet, si quis consideret essentiam voluntatis & differentiam ejus à naturâ brutorum. Homo velle potest etiam impossibilia, & ex possibilibus quæ communi nature nocent. In prioribus jam adest vinculum naturale: impossibilitas. Posteriores libertatem coercent vinculum morale, lex.

x) observa tamen & hic & in reliquis distinctionem inter v. g. passiones sensuum, vel earum perceptionem, & inter locomotivam sensibus conjunctam, aut eos precedentem, quæ omnino legi subest. Unde juberi potest filius, ne audiat comædias, ut attendat horologium, ut

memoriter discat carmen, &c. Et ita in reliquis.

y) i. e. ut intellectus in veritatem rei inquireat, quæ dicitur locomotiva intellectus. Ut non turbetur in speculationibus, aut ut veritatem consequatur (à voluntate scil. infectus, aut si res talis sit, ut ad certam veritatem deduci nequeat,) in arbitrio non est.

ad §. 53. z) Vide Tab. Patris 4. Phil. Pract. lin. 42. Similiter, quod additur, appetitum posse reluctari, non placet, si de reluctatione totali intelligatur. Nam si bonum jucundum prædominari honesto patitur homo, effectus ipsius voluntatis est. Et adeo ad voluntatem supra retulimus appetitum sensitivum,

a) d. l.

procedit, sicut nec quod de *locomotivâ* asseritur, a) eam in universum ab hominis arbitrio dependere, nam & hic excipienda est locomotiva, quâ homo ad depellendum b) imminens corporis malum utitur. c)

54. Utiautem pro certo statuendum est, in *intelle-ctu* nostro & præprimis in ejus operatione secundâ natu-
ralem inesse *rectitudinem*, quæ debitâ attentione adhibitâ nos decipi circa res morales d) non patiatur, e) sic *volun-tas* strictè dicta in homine est omnino *libera*, f) & verum axioma: *voluntatem non posse cogi*, quamvis g) bonum in genere semper appetat, & sæpè tum intrinsecè à pecu-
liari ingenii dispositione, & humorum temperamento, à cœli soliqve genio, semine, ætate, victu, valetudine, stu-
diorum ratione &c. provenientibus, à conformatione item organorum corporis, agendi consuetudine, affecti-
bus, h) & morbis quibusdam, tum extrinsecis aliorum actionibus valde inclinetur; ab obligatione autem à su-
periore ipsi impositâ semper inclinari debeat. i)

55. At-

a) d. I. lin. 43. Ubi dicitur ;
eam ita subesse imperio voluntatis,
ut non possit reluctari.

b) aut scavendum: v. g. wenn
man einen gefährlichen Sprung
thun soll: wenn man mit den Au-
gen blinset / da etwas zu nahe
kömmt etc.

c) adde ex suprà dictis aliud ex-
emplum. Si velis manum dextror-
sum, pedem sinistrorsum movere, lo-
comotiva reluctabitur. Est id fa-
cere non sit planè impossibile.

ad §. 54. d) aliud in naturali-

bus & spiritualibus.

e) vide Dn. Pufend. de offic.
Hom. I. 1. 4. & de Jure Nat.
I. 1. 3.

f) Pufend. de J.N. I. 4. 4. ubi
nota quod de Atheis dicit.

g) Latius Pufend. de O. H. I. 1. §.
11. usque ad §. 16. & de J.N. I. 4. §. 4.
usque ad 8.

h) & hic tamen distingvendum
inter affectus qui bonum prosequun-
tur, & qui aversantur malum.
Puf. de O. H. d. I. §. 11.

i) Sed debeat. Reverà enim

55. Atque ob hanc etiam voluntatis libertatem *imputantur* l) homini actiones, h. e. homo pro earum auctore rectè habetur, ac ad reddendam de iis rationem adstringitur, & in ipsum effectus, m) qui ex illis proveniunt, redundant, unde magis arridet sententia Celeberrimi Rachelii, n) unum saltem esse principium actionum humanarum, *proaresin*, non quatuor, ut vulgo; o) Conscientiam, voluntatem strictè dictam, consultationem atque electionem.

56. Porro quemadmodum actiones humanæ in relatione ad legem *morales* appellantur, ita in specie iudicium intellectus circa istas actiones cognitione legum imbuti vocatur *conscientia*. p) Hæc vel est *antecedens* actiones humanas, vel *consequens*.

57. *Antecedens* vel rectè iudicat & prout lex est lata, vel erroneè. Unde altera divisio conscientiæ in *rectam* & *erroneam*. q)

C 3

58 Re-

nitimur in vetitum. In cuius causas inquiritur. Fortè appetitus libertatis naturalis conservanda, aut etiam dissidentia in superiorem, & imaginatio rei vetite sub schemate boni hic impellunt. Conf. tamen Dn. Pufend. de J. N. l. 4. 8. in nova edit.

ad §. 55. l) Puf. de J. N. l. 3. 4-9.

m) scilicet pœna, præmium, obligatio ad dandum vel faciendum.

n) peculiari tractatu de principio actionum humanarum.

o) vid. Patris Tab. Ethic. de principiis action. human.

ad §. 56. p) Debet autem in moralibus ante omnia constare de definitione conscientie. Nam multi casus conscientie scripserunt, nescientes, quid sit conscientia.

q) Communiter ita dicitur: Conscientia est vel recta, vel probabilis, vel dubia, vel scrupulosa, vel erronea. Sed nos malimus per distortionem procedere, ut res evadat clarior.

ad

58. *Recta* vel iudicii sui rationes ex certis ac indubitatis principiis deducere novit, vel saltem argumentis topicis nititur. Hinc *recta* (nam erronea saltem potest esse probabilis,) subdividitur in *rectam* in specie (nos vocabimus *demonstrativam*,) & *probabilem*. r)

59. Addunt equidem Scholastici & conscientiam *dubiam*, cum iudicium intellectus anceps hæret & discernere nequit, bonum aliquid vel malum, adeoque agendum aut omittendum sit. Ast hæc quidem non est iudicium, sed iudicii suspensio, adeoque nec conscientia.

60. Magis huc referri posset *dubiæ* affinis conscientia *scrupulosa*, quando anxia formido iudicium intellectus comitatur, ne fortè id ipsum malum sit, quod bonum aliquis existimaverit & contrà, quæ sæpius ad errantem referenda erit, quam ad *rectam*.

61. Quas verò *regulas* s), pro directione harum, quas diximus conscientiarum, Doctores formarunt, vel suâ sponte ex dictis propullulant, vel obscuriores t) sunt & *dubiæ*. u)

62. Conscientia *consequens* prout vel benè facta approbat, vel secus commissâ damnat, in *tranquillam* & *inquietam* subdividitur, nostro idiomate das gute und böse Gewissen.

63. Vo-

ad §. 58.) r) Dicendum hic ali-
quid de Probabilismo Jesuitarum.

Conf. Puf. de J. N. I. 3. §.

ad §. 61. s) vide eas ap. Puf. end.
de J. N. I. 3. §. 5. 6. 8.

t) v. g. in rebus magni momenti

debemus sequi partem tutiorem
Puf. ibid. §. 6.

u) qualis illa Grotii: In rebus
dubiis, ubi necessariò aliquid agen-
dum est, debere eligi id, quod minus
est iniquum. Puf. §. 8.

ad

63. Voluntariis hominis actionibus, quæ etiam *spontanea* appellantur, opponuntur *invita*. x) Hæ tales sunt partim ob deficientiam *intellectus*, partim ob defectum *voluntatis*.

64. *Intellectui* opponitur *ignorantia & error*. Uterque defectus est vel *vincibilis* vel *invincibilis*, item vel *efficax* vel *concomitans*. Quæ omnia ex libellis Ethicis patent.

65. *Voluntati* opponuntur *coactio & metus*. y) *Metus* est vel *justus* vel *injustus*. Desumitur vero hæc metus denominatio partim à *personâ inferente*, utrum scilicet ea potestatem habeat incutiendi metum, an minus, vel à *metum patiente*, utrum sit vir constans an non. z)

66. Ex dictis hætenus facillè responderi potest ad quæstiones speciales de imputativitate ac moralitate humanarum actionum, & quatenus esse possint objectum legum. Nam I. Actiones *ab alio patratae*, a) ut & operationes quarumvis aliarum rerum, b) nec non quivis eventus c) non possunt alteri imputari, nisi quatenus ille

ad §. 63. x) vid. Patr. Tab. de spontaneo & invito. Puf. de J. N. I. 3. §. 10. seq. & I. 4. §. 9. 10.

ad §. 65. y) Metu invita actio à Peripateticis dicitur mixta, & refertur ad spontaneam.

z) Ita v. g. metus mortis à latrone incussus est injustus ex parte inferentis & justus ex parte patientis, &c.

ad §. 66. a) Puf. de O. H. I. I.

18. & de J. N. I. 5. §. 5. 6. & 14.

b) Naturales etiam, v. g. quod ignis calefaciat, consumat aut urat. Dictum hic obiter de antiquorum proba per ignem, de imputatione tempestatis Jona factâ, cessantis pluviae Eliæ, pestis Davidi.

c) nisi illos prestare promiserit. Tunc enim non eventus sed promissio imputatur. Aut potius resolvitur promissio alias pura quoad

ver-

ille potest & tenetur istas moderari, vel quatenus ad istas alias concurrat.

67. *Concurrat d)* vero ad *actiones alienas*, qui eas adjuvat, jubet, iis consentit, receptum agentibus præstat, aut de eorum lucro participat, qui consilium dat, laudat, assentitur, qui non vetat, *e)* non impedit, non dissuadet, non manifestat, cum hæc omnia facere deberet.

68. His singulis igitur aliena actio imputari poterit, quamvis *aliis primario*, aliis *secundario*, de quo suo loco. *f)*

69. II. Quæ in quolibet homine sunt vel non sunt, quæ penes ipsum non fuit, ut adessent, vel non adessent, *g)* non possunt ipsi imputari, nisi quatenus debitam diligentiam in ejiciendis defectibus, & introducendis perfectionibus non adhibuit.

70. III. Cui *occafio agendi* citra suam culpam deest, illi non imputatur, quod non egerit. *b)*

71. IV. Quæ per *ignorantiam* aut *errorem* invincibilem & efficacem perpetrantur, non imputantur.
i) Ubi

verba in conditionalem sub conditione casuali, v. g. susceptio casuum in locatione &c.

ad §. 67. d) Puf. de J. N. d. §. 14. & de O. H. I. i. ult.

e) Exemplum ex Tacito ap. Puf. de J. N. p. 74.

ad §. 68. f) vide interim Puf. d. §. 14. & d. §. ult. Proccedit autem & usum habet hæc distinctio

non tam in obligatione ad pœnam, quam ad restitutionem damni.

ad §. 69. g) Vitia corporis, animi, sanitatis &c. Puf. d. J. N. I. 5. 7. d. O. H. I. i. 19. sed adde declarationem in dissert. præem. §. 41.

ad §. 70. h) Includit autem occasio objectum, locum, tempus, vires. Puf. end. de O. H. I. i. 22. de J. N. I. 5. 5.

i) Ubi vero ignorantia vel error saltem est concomitans aut vincibilis, quorsum pertinet *ignorantia legum* ritè publicatarum, ibi actio imputatur. l)

72. V. Error tertii siue vincibilis sit, siue invincibilis, non poterit alteri, qui non est in culpa, cur tertius aberraverit, imputari, sed in ejusmodi concursu æquius est, ut imputetur erranti. m)

73. VI. Quæ sunt *ultra vires* alicujus, non imputantur, nisi quatenus in causa est, n) ut ea impossibilia sint facta. Huc spectat regula: *Ad impossibile nemo obligatur.* o)

74. VII. Quæ quis *coactè* patitur, non imputantur. p)

75. VIII. Quæ quis gravi metu inductus agit, siue actio aliàs contrà leges sit, siue licita, uti promissio, modò imputabuntur, modò non imputabuntur. prout ex illis, quæ in capite de officiis hominis intuitu sui ipsius, & in

D

capite

ad §. 71. i) Unde propriè pœna non est, cum infantes tenelli, parentes verberantes, vapulant, non magis ac si canis v. g. vapulat.

l) Puf. de O. H. I. l. 20. 21. & de J. N. I. §. 10. Ubi nota exemplum de nautis vitulum immolantibus, item de muliere philtrum propinante. In quorum tamen ultimo quadam addenda sunt ejus de-cisioni.

ad §. 72. m) Hoc axioma non habet Dn. Pufendorffius. Sed addendum fuit ob ea, quæ ipse habet

in materiâ contractuum, ubi dissentimus, quando putat, à contractu me posse rescire si v. g. falsum nuntium acceperim, equos meos domi peritisse, & novos emam, postmodum autem nondum dato pretio deprehendam, falsum fuisse nuntium.

ad §. 73. n) Exemplo hominis lapsi, bancoruptoris &c.

o) Puf. de J. N. I. §. 8. & de O. H. I. l. 23.

ad §. 74. p) Puf. de O. H. I. l. 24. de J. N. I. §. 9.

capite de officiis circa promissa fufius differemus, apparebit. q)

76. IX. Actiones hominum *usu rationis* carentium ipsis non imputantur. r)

77. X. In foro humano rariffimè imputari poffunt, quæ perpetrantur *in fomno & fomniis*, s)

78. *Autor Legis* vel *Deus* est vel *Homo*. Ille imperium exercet t) jure creationis citra confenfum hominis. Homo imperium vel immediatè ex concessione divina nancifcitur, vel intercedente confenfu alterius hominis. Hinc prima divifio legis in *divinam & humanam*.

79. *Contraria* legum funt *mutatio*, cum ipfe juffus vel ex toto vel ex parte tollitur, u) & *dispensatio*, cum inferio.

ad §. 75. q) Ita hæc pofueram in prima editione: *Quæ quis metu inductus agit, fi quidem metus intuitu inferentis juffus, intuitu patientis injuffus fuerit, femper, fi actio contra leges fit, imputantur. Quod fi contra inferens injuffè metum incutiat, patiens juffum metum fentiat, tum demum actio ex metu inita imputabitur, fi lex non habeat tacitam exceptionem neceffitatis, de quâ fuo loco, ut & de imputatione metus in patris. Refpiciebam autem tum maximè ad ea quæ habet Dn. Pufend. dd. ll. Sed cum ibi quadam afferat exempla v. g. de juffo homicidio, item de juffo sub metum mortis incefçu & fupro, con-*

tra quæ multa opponi poffint aut moneri (ut de fimili quod habet à gladio vel fecuri defumto,) nifi prius quæftio de exceptione neceffitatis ex fundamento fuerit foluta, (quod facio infra lib. 2. c. 1.) placuit, ea in hunc modum mutari.

ad §. 76. r) vide quæ modo notavit. i. Puf. de O. H. I. 1. 25. & de J. N. I. 5. 10.

ad §. 77. s) v. g. incefçus, juramentum in fomno commiffum. Puf. de O. H. I. 1. 26. de J. N. I. 5. 11.

ad §. 78. t) de quo cap. §. 70. feq.

ad §. 79. u) Hujus mutationis varia ab aliis fpecies cuduntur, videlicet

feriorum unus & alter jussu in reliquis salvo manente à lege aliàs ad ipsum pertinente & ejus obligatione eximitur. x)

80. Hinc errant nonnulli, qui *dispensationem cum interpretatione restrictivà* confundunt. y)

81. *Mutare legem & dispensare is saltem potest, qui potest legem ferre.*

82. Jus pro attributo personæ sumtum est qualitas moralis *activa ex concessione superioris personæ* competens, ad aliquid *ab altero homine, cum quo in societate vivit*, juste habendum vel agendum. z)

83. Qualitas moralis a) *activa* hîc illa dicitur, quæ hominis libertatem extendit, etsi quandoque per eam connotetur passio physica, e.g. jus pauperis percipiendi eleemosynam, & opponitur qualitati morali *passivæ*, quæ libertatem hominis coarctat, quod facit *obligatio*, etsi ista coarctatio sæpè connotet actionem physicam, e.g. obligatio divitis ad dandam eleemosynam.

84. In exponendo *juris fonte* Doctores vel silent vel mirè variant; alii *naturam*, alii *legem*, alii *Dominium*,

D 2

Con-

delicet ut aliud sit derogatio, aliud abrogatio, aliud obrogatio &c. subtiliter magis quàm utiliter. Vid. Placcii Institutiones concinnatas p. m. 29.

x) Osiander in typo legis nat. p. m. 9. th. 52.

ad §. 80. y) Vid. Dn. Becman. Medit. Polit. differt. 2. th. 12. in fine, item differt. 12. th. 8. & in

Polit. Parall. differt. 2. th. 10.

ad §. 82. z) *Definitio hac ex Grotio desumpta est, nisi quod certis de causis verba aliis typis hîc impressa sint à nobis adjuncta.*

ad §. 83. a) *Dicendum cur hac qualitas dicatur moralis, & de insufficientia predicamentorum vulgarij.*

Consensum alii, horum alterutrum jus producere asserunt. b)

85. Nobis ante omnia secernendum videtur *jus Dei & Hominum*, Illud analogicè tale est, & ab hominum jure multum discrepans. Habet enim istud Deus à se ipso mediante creatione. At *jus hominis* ultimò à *voluntate Dei*, & in genere à *voluntate superioris* est deducendum, quæ quatenus libertatem laxat, jus producit, quatenus coarctat, *lex* dicitur & obligationis origo est. *Consensus* aliquando saltem utrobique c) est causa occasionalis. *Natura* ut ens physicum huc non quadrat, uti nec *Domini-um*, utpote juris species.

86. Jus personæ competit. *Persona* d) hic denotat hominem consideratum cum suo statu. *Status* est qualitas

ad §. 84. b) Hobbesius dicit, *jus esse libertatem*, libertati verò contrariari legem, de cive cap. 14. §. 13. item c. 1. §. 7. Conf. Leviath. c. 14. unde ex ejus mente nec libertas nec lex fontes juris esse possunt. Videtur verò Naturam fecisse juris fontem, quam cum æqualitate hominibus dedisse jus in omnia demonstrare conatur alibi, de cive c. 1. & in Leviath. c. 13. Georgius Felo de jure agendi moraliter §. 10. p. 6. causas juris duas esse asserit, Legem & Dominium, libertatemque rejicit. Dominus Pufendorfius utrum Naturam, an Legem, vel Consensum, vel

ex his quadam conjunctim pro fontibus juris agnoscat, definire difficile erit varia ejus loca adspicientibus, de J. N. I. 6. 3. III. 5. 3. item III. 4. 3. Pro Lege tamen aperte pugnant Franciscus Julius Chopius l. 1. de potestate & obligatione c. 3. §. 17. p. 66. §. 18. p. 67. §. 27. p. 75. & c. 4. §. ult. p. 85. seqq. & David Mevius in prodrom. jurispr. commun. inspect. 1. §. ult. p. 43.

ad §. 85. c) i. e. intuitu quæ juris, quæ obligationis.

ad §. 86. d) Expofita homonymia persona.

litas hominem afficiens secundum quam ipsius jus variat.

87. *Persona* est vel *simplex*, scilicet unicum individuum humanum, quamvis gaudeat pluribus statibus, vel *composita* ex pluribus individuis certo statu unitis, *e)* & dicitur *Collegium, Societas, Universitas, &c.*

88. Hinc excluditur *Jus Dei & Angelorum*, cujus tractatio huc non spectat. *f)*

89. Per *totum aliquid* in definitione juris intelligo creaturam corpoream *g)* in genere, sive homo sit, sive homini inferior, sive substantia, sive accidens, *b)* sive res in commercio, sive extra commercium. *i)* Unde iterum huc non spectant nec Deus nec Angeli.

90. Postulatur hoc jus ab altero homine, cum quo quis in societate vivit. Nam *solus homo est immediatum & primum juris objectum. l)*

D 3

91. Est

ad §. 87. *e)* Ubi unio deficit, ibi non est persona composita, etsi adsit idem status. Ita v. g. minores, rustici, studiosi &c. absque unione faciunt plures quidem personas simplices, non verò unam compositam. Unio illa est voluntatum plurium ad finem communem, declarata per vota unanimia vel plura.

ad §. 88. *f)* quia Deus & Angeli non sunt homines. E. nec persone.

ad §. 89. *g)* unde non datur actio ad spiritus acquirendos.

h) Voce creatura hic latè utor. Nam alias notum est, quod sola substantia dicantur creatura, accidentia concreata.

i) Nam distinctio hac rerum in eas que sunt in commercio & extrà commercium, magis usum habet in jure privato, quamvis & hic res extrà commercium petantur per actiones præjudiciales.

ad §. 90. *l)* mediata & secundaria sunt creature reliqua corporea præter hominem.

ad

91. Est vero *societas* unio *m)* plurium personarum ad certum finem.

92. Sumitur tamen etiam vox societatis tam *latè*, ut analogicam societatem, quæ est inter Deum & Homines, sub se comprehendat. *n)*

93. In hoc lato significatu *Societatem* divido in *inequalem*, quæ est inter personas diversæ essentia, quarum una alteri imperat, *aqualem*, ubi hæc duo diverse se habent, & *mixtam*, quæ est inter personas ejusdem essentia, quarum una imperat alteri.

94. *Inequalis* sola est societas inter Deum & Hominem. *o)* *Humana* vel *equales* sunt vel certè *mixta*. *p)*

95. Societas *humana* est vel *naturalis*, ad quam ineundam homo ex jussu divino *q)* aut ex studio utilitatis *r)* toti humano generi communis instigatur, vel *arbitraria*, quam homines ex utilitate particulari ineunt.

96. Quæ utilitates particulares cum variant infinitis modis, hinc & societates *arbitraria* sunt *infinita*. *Naturales* vero dividuntur in *simplices*, quæ sunt; *nuptialis*, *berilis* ac *paterna*, & *compositas*.

97. Ex

ad §. 91. *m)* Solent aliàs ita definire, quod sit status personarum consistens in unionem seu ordine earum. Vid. Patr. Tab. 33. Phil. Pract. Nos malumus abstinere à vocabulo ordinis, quia ferè sub hac voce quidam includunt imperium, quod ad essentiam societatis non pertinet.

ad §. 92. *n)* In hoc lato significa-

tu Deus etiam persona dicitur. Et jam facillè definiri poterit societas latè accepta.

ad §. 94. *o)* De societate inter Deum & homines plura dixi in diss. de Philosophia juris.

p) exemplo vel societatis civilis. ad §. 95. *q)* ut *nuptialis* & *paterna*.

r) ut *berilis* & *civilis*.

ad

97. Ex simplicibus societatibus immediatè componitur *domus* vel *familia*. Ex pluribus familiis componitur modo *vicus*, seu *pagus*, seu *municipium*, modo *respublica*. s) Quæ ex pluribus vicis constat, modo *respublica* dicitur, modo *provincia*. Demum ex pluribus rebus publicis quæ componitur, est *societas gentium*.

98. Quæ ultima inter naturales in statu post lapsum sola est *æqualis*. Inter arbitrarias plures dantur & *æquales* & *mixtæ*. t)

99. Hæc notanda fuerunt ob dissensum varium. Alii enim divisionem societatis *priorem* planè *negligunt*; u) Alii *inequalem* cum *mixtis* confundunt, x) Alii societatem *divinam* vel pro *æquali* habent, y) vel ad *vitam civilem* spectare negant. z) Pro *inequalibus* omnes societates habent alii, a) alii pro *æqualibus*. b) Sic & altera societatis divisio à quibusdam *omittitur*, c) à quibusdam *naturalis* vel *reji-*

ad §. 97. s) Exemplo Reipublicæ Romanæ sub Romulo.

ad §. 98. t) Cape exempla ex societatibus mercatoriis, inter tutorem & pupillum, præceptorem & discipulum &c.

ad §. 99. u) ut Peripatetici communiter.

x) Ita Grotius I. 1. 2. ubi societatis *inequalis* species etiam facit illas, quas nos *mixtas* diximus.

y) Sic Cicero *paradoxa stoicorum* secutus, sapientem suum Deo

exæquantium, videtur eam pro *æquali* habuisse aut certè pro *mixtâ*. Dixi in philos. juris §. 8. & 9.

z) vid. Patr. annot. 157. ad Philos. Pract. in fine.

a) ut videntur facere Rachelius instit. Jurisprud. l. 1. tit. 15. th. 8. p. 55. & tit. 31. th. 5. p. 116. Strimmesius in praxiol. apodict. c. 3. §. 11.

b) vid. Dn. Becman, medit. Polit. dissert. 4. th. 10.

c) ut fit communiter.

d) ut

reijcitur, d) vel haud rectè describitur. e) Alii denique compositionem vici & reipublica aliter efferunt, f) aut de societate gentium aliena docent, g)

100. Redeo ad juris definitionem & sequentia forma axiomata. I. *Extra societatem jus non est.* h)

101. II. *In omni societate est jus.* i)

102. III. *In societate inaequali jus saltem penes superiorem est. In equali & mixtâ jus est mutuum.* l)

103. Per habere & agere in definitione juris respicitur ad divisionem juris in perfectum & imperfectum, et si alii aliter. m)

104. Nimirum *Jus I. dividitur in perfectum, quod Grotio facultas dicitur, & imperfectum, seu aptitudinem* secun-

d) ut Becman. d. dissert. 4. th. 3. & 4.

e) Dr. Rachel. d. l. l. i. tit. 12. th. 2. p. 40. referens videlicet eò solùm naturalem necessitatem exclusâ utilitate.

f) vid. Patr. Tabb. 38. & 39.

g) Vide an huc faciat, quando Dominus Pufendorffius statum naturalem opponit sociali, & gentes in statu naturali collocat. Hic verò ante omnia præsupponere, ad id, ut cum aliquo in societate vivam, nequaquam requiri, ut ipsum noverim aut commercia cum eo exerceam.

ad §. 100. h) Ergo Adamus ante Evam jus non habebat. Nec homo jus habet in seipsum.

ad §. 101. i) Ergo inter hominem & bestiam societas non est.

ad §. 102. l) Unde errant, qui dicunt: in omni societate jus debere esse mutuum: vel societatem definiunt unionem mutui juris gratia.

ad §. 103. m) Alii enim statuunt Grotium his verbis respexisse per *Tò habere ad jus ad rem*, per *Tò agere ad jus in re*. Alii: *Tò agere pertinere ad dominium internum hominis in seipsum & suas actiones*, *Tò habere vero ad dominium externum, quod homo habet in alias creaturas*, V. D. Val. Alb. Comp. Juris nat. P. I. c. 2. §. 7. & 8. Nobis utraque hæc expositio parum commoda visa fuit. ad

secundum eundem. *Illud* est, cuius vi alterum, qui obligationi suæ non vult satisfacere, cogere possumus ad implendum debitum. *Hoc* contra se habet & illius qui obligationem huic juri respondentem possidet, pudori ac conscientiae saltem relinquitur ejus adimpletio.

105. *Remedium* istud *coactivum* inter eos, qui in statu naturali vivunt, *bellum* vocatur, inter eos autem qui in statu civili degunt, vel *pœna*, vel *actio*. o)

106. *Usus* hujus divisionis Grotius p) in eo quærit, quasi *facultatem* respiciat *justitia expletrix*, *aptitudinem* *Justitia attributrix*. Sed quemadmodum *ἐκείνη* explettricem suam pro *commutativâ*, attributricem pro *distributivâ* Aristotelis falso venditat, q) ita etsi divisionem justitiæ Grotianam tolerare possimus, commodius tamen eadem, cum nobis non novum, qui non jam dum in juris divisione lateat, usum sit præbitura, commodissimè autem divisione justitiæ Aristotelicâ, ad id magis, ut ingenia torqueantur quam ut excolantur, aptâ, caremus. r)

107. Nos potius *usum* egregium juris perfecti & imperfecti, in quæstione *ex quâ juris læsione actio in civitate sit*

E

con-

ad §. 104. n) *Desumpta* est descriptio hæc juris perfecti potissimum ex dictis à Zieglero ad Grot. I. 1. 4. seq. ita tamen ut *remedium coactivum* in genere hic nominaverimus, non in specie actionem, uti Zieglerus facit, propterea notatus à Pufendorffio in *Elementis* nō fallor.

ad §. 105. o) *Illâ* utitur superior, hæc par,

ad §. 106. p) Grotius I. 1. 8.

q) quia obligatio subditi erga principem pertinet ad explettricem, non ad commutativam; erogatio elemosynarum ad attributricem, sed non ad justitiam distributivam, est enim actus liberalitatis.

r) Nullus enim usus in jure nobis poterit nominari, quem non etiam sine eâ aequè benè possimus obtinere.

concedenda, & omnium maximè in controversiâ: Cujus juris intuitu bellum adversus se ledentem princeps usurpare valeat, s) quærimus.

108. Igitur paucis exponendum, quænam sint no-
tæ utriusque juris, nam & has omisit Grotius. t) Variant
illæ pro societatum diversitate. I. *In societate inæquali solus
superior seu Deus jus habet in hominem, idque in univer-
sum est perfectum. u)*

109. II. *In societate equali viventium jus, quod li-
bertatem naturalem comitatur, quodque ex pactis ori-
tur, & in genere omne jus, excepto eo, quod ad officia humani-
tatis tendit, perfectum est.*

110. III. *In societate mixta jus superioris in inferiores
semper perfectum est, etiam respectu præstandorum offi-
ciorum humanitatis. x)*

III. IV. *Contrà vero jus inferiorum in superiores quæ-
tales, etiam si ex pactis ortum sit, regulariter est imperfe-
ctum. y)*

II. Dixi: quætales, ne quis mihi opponat, dari quan-
doque uxori, liberis & servis, actionem adversus patrem-
familias, z)

113. Dixi:

*ad §. 107. s) In quâ utinam
Grotius semper distinctionem suam
adhibuisset, ut maximè in questione
de transiit. Vide quæ dicemus in
cap. de officiis humanitatis.*

*ad §. 108. t) Omisit & Dn. Pu-
fendorffius.*

*u) Potest enim ob quavis pecca-
ta punire homines.*

ad §. 110. x) Poterit enim &

*horum respectu subditos punire
Princeps.*

*ad §. 111. y) quod notandum
contrà Monarchomachos.*

*ad §. 112. z) Datur enim tunc
actio adversus illos, quæ sunt equal-
es, d. e. quatenus subsunt eidem
principi. Nam & princeps tum
quasi, concedendo actionem, tollit
inæqualitatem.*

113. Dixi: *regulariter*. Nam *extra ordinem* princeps subditis concedit actionem etiam adversus se. Quamvis & hæ actiones sint improprie tales: Certè non sunt remediacoactiva. a)

114. Porro intuitu fontis, unde *jus* oritur II. dividi poterit in *connatum*, b) quod homo habet immediatè à Deo, absque consensu ejus qui obligatur, e. g. *potestas parentum*, & *acquisitum*, quod eidem competit mediante pacto alterius, e. g. *majestas*. c)

115. III. *Juris* divisio, vel potius *facultatis* in specie ab objecto desumitur. Sunt enim *juris objectum*, vel aliorum *actiones*, d) vel *res* aliorum. *Actiones* hætenus ut vel ipsas dirigam, e) & vocatur *imperium*, vel ut me non turbent.

116. *Ut me non turbent*, inquam, vel in *actionibus* meis merè f) personalibus, quod dicitur *libertas*, vel in usu & dispositione circa *res meas corporales*, & vocatur *dominium*.

117. *Res aliorum* vel ita sunt objectum *juris*, ut *principaliter* consideretur *res*, secundariò *persona* alterius, g) vel ut *principaliter* consideretur *persona*, secundariò *res*. b) Prius vocabimus *jus in re*, posterius, *Creditum*.

E 2

118. Prin-

ad §. 113. a) quia deficit executio.

ad §. 114. b) Non turbet terminus *juris* connati. Hic enim retentus ideo, quia obligatio huic correspondens commodissimè dicitur connata.

c) in singulis exemplis latent controversie suo loco expediendæ.

ad §. 115. d) Per actiones aliorum intelligo quæ ab ipsorum loco-

motiva dependent, sine respectu ad bona.

e) Directionem hic intelligo, quæ, si opus sit, etiam cogere possit.

ad §. 116. f) Vide modo dicta lit. d.

ad §. 117. g) ut *jus servitutis* & *pignoris*.

h) ut *jus ex contractibus* & *dictis* ortum.

118. *Principalem considerationem rei appello, cum persona quæcunque sit, certum rei individuū possidens, mihi obligatur, & principalem personæ considerationem, cum certum personæ individuum mihi ad rem aliquam præstandam, seu illam possideat, seu minus, tenetur. i)*

119. Supponuntur aliàs voces *Imperii, libertatis &c.* aliis etiam modis. Nam *imperii* vox etiam latè usurpatur, ut prædicetur de dominio. Ita Grotius *imperii in mare* concedit Reipublicæ. Ita dicimus *imperii in territorii*.

120. Sic & *Libertas* sumitur pro *potentiâ* hominum *naturali* faciendi id, quod viribus naturæ possunt absque relatione ad alios homines. Et tunc non est juris species, sed res à jure planè diversa & aliquando ei opposita, l)

121. De *Dominii*, m) *juris in re*, n) & *crediti* o) homonymiis commodior in Jurisprudentiâ Romanâ differendi se offeret occasio.

122. IV.

ad §. 118. i) res patet ex exemplis paragraphi præcedentis.

ad §. 120. l) Ita nunc emendo. In primâ editione dixeram: sed ejus oppositum. Cape exempla. Ita Adamus ante creatam Evam non habebat jus sed libertatem naturalem. Ita homo habet libertatem naturalem scortandi, furandi &c.

ad §. 121. m) Sumitur 1. latissimè ut & libertatem & imperium comprehendat. Ita quilibet dicitur esse actionum suarum Do-

minus. Ita Dominatus est species Reip. Ita Dominium in servos non mancipia; 2. latè ut & Creditum comprehendat. Ita dicitur Dominium obligationis, 3. strictè pro solo Jure in re. Ita dicitur Dominium servitutis, pignoris &c. 4. strictissimè pro Dominio rerum corporalium.

n) Sumitur vel strictissimè pro servitute, vel latè pro jure actiones reales producente, vel latissimè pro jure v. g. retentionis.

o) vel latissimè quatenus opponitur

122. IV. *Facultas* in societate civili viventium dispescitur in *Vulgarem & Eminentem*. *Vulgaris* est penes subditos, *Eminens* penes eum, qui τὸ ἀρχιον gerit in Rep. intuitu rerum & personarum in illâ Rep. p)

123. Poterit hæc divisio applicari præcedenti. Nam *Libertas* est vel *Eminens*, quæ alias etiam nomine *libertatis civilis* indigitatur, & cum *majestate* q) convenit, nisi dicere velis libertatem magis dici in relatione principis juxta se, majestatem in relatione infra se; vel *vulgaris*, alio nomine *personalis*.

124. De distinctione *Imperii* in *Eminens & Vulgare*, quale est patrum familias, non puto subesse dubium.

125. De *Dominio* vero *Eminente* lites fuerunt ortæ. r) Nos causam sufficientem non videmus, cur divisionem domini in *Eminens & Vulgare* debeamus respicere, s)

E 3

126. Simi-

nitur debito in genere, & tunc est synonymon juris in genere vel strictè ut nos, vel strictissimè ut apud Romanos in titulo de rebus creditis pro mutuo.

ad §. 122. p) nam in respectu ad extrâ jus verbi gratiâ ex fœderibus ortum nec vulgare nec eminens est.

ad §. 123. q) Nota distinctio inter libertatem personalem & civilem. Dat quidem non nemo instantiam: Adamum habuisse summam libertatem, sed non majestatem. Verum confundit liberta-

tem, summam & libertatem civilem.

ad §. 125. r) Nota lis Wittebergensium cum J. F. Hornio. Scripta Polemica conjunctim edita sunt Wittebergæ 1673. sub titulo: *Wilhelmi Leiseri pro Imperio contra Dominium eminens*. Bœclerus, pro more, fluctuat in differt. de Dominio eminente, quæ inserta est ipsius comment. ad Grotii cap. 1.

s) Potissima Wittebergensium argumenta sunt: Principes omnia facere vi imperii: & Dominium
emi-

126. Similiter se res habet cum *Jure in Re* & *Credito*.)

127. *Ufus* hujus distinctionis est in sequenti regula. *Jus Vulgare* quoties concurrat cum *Eminentia*, huic semper cedere debet. Res patet ex dictis de *jure perfecto* & *imperfecto*, u) & per inductionem de *Libertate*, x) *Imperio* &c. facile poterit demonstrari.

128. Adderemus ultimò & illam *juris* divisionem, quod *Jus* sit vel *naturale* vel *gentium* vel *civile*. Sed reverà hæc eadem est cum divisione *juris* in *connatum* & *acquisitum*, nisi quod hæc trimembris sit.

129. Nam quod à voluntate Dei immediatè ortum trahit, appellari solet *jus Naturæ*. Quod mediante pacto gentium inter se producit, dicitur *jus Gentium*. Quod denique ex voluntate majestatis humanæ descendit, *jus Civile* nominatur.

130. Sic *libertas* y) est *juris naturalis*. Sic *dominium*, *contractus*, *servitus*, sunt *juris Gentium*. Sic *stipulatio*, sic suo modo *Patria potestas* dicuntur *juris Civilis*. z)

131. Id

eminens dare occasionem tyrannidi. Ad quæ facilis est responsio.

ad §. 126. t) Ita *fundi privatorum* & *servitutes quasi debent Reip.* & *pignori quoque eidem cum aliis rebus sunt obligati. Ac in genere ad usus publicos quemque Reip. magis quam creditori esse obligatum constat.*

ad §. 127. u) vid. suprà §. 110. 111.

x) si modo in *Libertate* possit deprehendi casus concurrentis *libertatis civilis* & *personalis*.

ad §. 130. y) Scilicet *Libertas naturalis*. Datur enim & *libertas Juris gentium*, & *Libertas juris civilis*, quæ non confundenda cum *libertate civili*.

z) Nam *Patria potestas* partim *juris naturalis* est, partim *juris civilis*.

ad

131. Id tamen maximè cavendum, ne has juris denominationes *confundamus cum divisione legis in naturalem, gentium & civilem, præprimis cum hæc confusio & JCris & Scriptoribus moribus non adeo sit infrequens. a)*

132. Uti vero hæc observatio usum habebit in quæstionibus infinitis suo loco notandis, ita præcipua ratio confusionis evitandæ est, quod *jus hominum pro facultate acceptum omne sit à superiore mutabile, etiam naturale & gentium, b)* cujus contrarium de lege naturali & gentium observabimus infra. c)

133. Analoga huic observationi est regula vulgatissima: *Quilibet juri suo renunciare potest.* Cui tamen necessario puto addendam esse limitationem: *nisi jus illud sit medium inseparabile exequendæ obligationis, & obligatio quoad modum cognoscendi prior sit quam jus. d)*

134. *Correlatum juris est obligatio. Obligatio est qualitas moralis passiva, personæ à lege injecta, ejusque libertatem restringens ad dandum aliquid vel faciendum ei, cum quo quis in societate vivit.*

135. Poterit hæc definitio maximam partem exponi ex iis, quæ de jure diximus. Id tamen notandum: *Restri-*

ad §. 131. a) Potissimum in quæstione de mutabilitate. Ut quando in quæstione de mutabilitate Juris Gentium dant exemplum de mutabilitate servitutis.

ad §. 132. b) Ratio, quia jus est laxatio libertatis, Princeps autem

& quivis superior habet potestatem, libertatem restringendi.

c) cap. 2. §. 98. 99.

ad §. 133. d) ut in patre respectu patriæ potestatis. Aliud, si jus sit prius quam obligatio, ut in principe.

ad

strictionem e) istam libertatis, in quâ formalis ratio obligationis consistit, nihil esse aliud, quam ratiocinationem, quæ ex cognitione legis à superiore præscriptæ homini indicat iram superioris & pœnam, si contrà fecerit. f)

136. Hinc patet, *obligationem non esse posse, si tollatur superior, & omnium minimè, si tollatur Deus. g)* Unde iterum sequitur, *non oriri propriè obligationem ex pactis. h)*

137. *Dare & Facere sic differunt. Dare est dominium transferre. Facere reliqua facta omnia & imò non facta etiam comprehendit. i)*

138. Tot sunt *divisiones obligationis, quot fuere divisiones juris l)*

139. Nam correlatorum eadem est ratio. Igitur & necesse est, ut *omnis obligatio homini debita m) sit mutabilis, sive naturalis, sive Gentium, sive civilis.*

140. *Mutatur vero partim voluntate superioris, si is*
Jus

ad §. 135. e) Ergo laxatio libertatis est ratiocinatio à cognitione voluntatis superioris orta, indicans, superiorem nec irasci, nec me punire velle, sive actum committam, sive omittam.

f) Dictum etiam de dicto : Oderunt peccare boni &c. Nam & in his ultimò resolvitur obligatio in metum, nisi agant secundum legem absque intentione metus.

ad §. 136. g) Nam sine Deo superiorum reliquorum leges tamdiu

saltem metum incutient, quamdiu potentes sunt.

h) quia pacta sunt inter pares.

ad §. 137. i) Oritur inde divisio contractuum innominatorum.

ad §. 138. l) Applica igitur huc divisiones juris supra §. 104. seqq. expositas.

ad §. 139. m) Aliud in obligatione Deo debita. Nam Deus nunquam jus suum mutat ipse, aut ei renunciat, quia in Deum nulla cadit mutatio. Neque Deus habet superiorem qui ei jus auferre possit,

justollat in altero, cui obligatio debetur, n) partim *hujus* spontanea juris *renunciatione*. o)

141. Cave tamen hic confundas legem *obligantem*, cum *obligatione* ex lege ortâ. Etsi enim hæc sit mutabilis, poterit tamen lex esse immutabilis. p)

142. Duobus his juris significatibus, de quibus hactenus, Grotius addit tertium, quasi scilicet etiam sumatur pro *attributo actionis*. Sed magis hic significatus pertinet ad justum in concreto. q)

143. Est autem *actio justa* in genere, quæ vel à lege præcipitur, vel propter jus personæ competens, aut propter pœnæ intermissionem licita est. r)

144. Est enim *actio justa* vel *bonesta*, stylo Grotii *justa* in sensu *ajente*, quæ nimirum à Legibus præcipitur, vel *licita*, seu *justa* in sensu *negante*, quoniam videlicet à Legibus non est prohibita.

145. *Licita* est vel *perfectè, plene, ethicè & internè* talis, quæ scilicet oritur ex facultate personæ competente, vel *imperfectè, minus plenè, politicè & externè* licita, quæ cum lege quidem pugnat, sed in foro humano non punitur.

F

146. Po-

ad §. 140. n) v.g. si princeps in pœnam jus exigendi debitum auferat creditori, aut cum Deus jus in vasa argentea abstulit Egyptiis.

o) si v.g. debitor donet debitum.

ad §. 141. p) Quia lex est propositio universalis, qua non mutatur, etsi obligatio unius individui extingvatur. v. g. Manet præceptum: non furtum facies, etsi jus

Egyptiorum fuerit extinctum. Manet item lex: solve debitum, etsi post donationem principis non sit amplius debitum.

ad §. 142. q) Non enim dico: actio est jus. Sed actio est *justa*.

ad §. 143. r) Cape exempla. Obbedientia parentibus debita; Executio potestatis herilis; Interfectio adulteri à privato facta,

ad

146. Poterunt hæ actiones justæ inter se comparari tum intuitu legis: *Honestæ secundum*, minus plene licita *contra*, plenè licita *non contra legem* est; tum intuitu legislatoris. *Respectu Dei nulla actio minus plenè licita est*, sed saltem respectu principis.

147. *Convenit* hæc actionis justæ significatio cum præcedentibus duabus significationibus juris, quod utramque s) illarum sub se comprehendat. *Differt* tamen, quod ibi jus prædicetur in *abstracto* & in *casu recto*, hic vero vel in *concreto*, t) vel in *casu obliquo*, tum, quod actionis justæ significatus sit *laxior*, includens videlicet actionem minus plenè licitam, quæ nec ad legem pertinet, nec ad facultatem.

148. Uti vero actionis *justæ* vox tripliciter supponitur, sic & actionis *honestæ* vocabulum nonnunquam de actione plenè licita prædicatur, quæ & actionis *licitæ* vox sæpius extenditur ad actionem honestam. u)

149. Porro etsi actio *licita* & *permissa* terè synonymice prædicentur, laxior tamen est permissionis, quam licentiæ ambitus, siquidem *permissio* est vel *facti*, quæ nimirum solam impedimenti remotionem notat, nullum vero juris effectum operatur nec licentiam producit, vel *juris*, quæ vel securitatem in conscientiâ, vel liberationem saltem à pœnâ, hoc est, vel licentiam plenam, vel minus plenam affert.

150. Op-

ad §. 147. s) sc. & legem & attributum persona.

t) vide modò dicta lit. q.

ad §. 148. u) Ita in vulgari: Non omne quod licet, honestum est,

vel is sensus est: Non omne quod licet (minus plenè,) honestum i. e. plenè licitum est. Vel is: Non omne quod licet (plenè,) honestum (seu præceptum) est.

ad

150. Oppositum justæ actionis actio *injusta*, vel *latè* sumitur pro omni, quæ contra legem est, ut sub se comprehendat actionem minus plene licitam, vel *strictè* pro ut & huic opponitur. x) Vocatur aliàs *inhonesta* seu *turpis*, item *illicita*. Quamquam vocabula actionum *inhonestarum* y) & *illicitarum* z) iisdem homonymiis sint obnoxia, quas de actionibus honestis & licitis indicavimus.

151. Venit etiam *injuria* nomine actio *injusta*, sed *injusta* magis dicitur intuitu legislatoris, *injuria* intuitu læsi, unde regula: *Volenti non fit injuria*. a) Et poterit ad eò *injusta* actio esse, ubi *injuria* non est.

152. Alias *injuria* b) vox vel *latissimè* sumitur pro eo, quod non jure fit, etiam ab iis qui intentionem lædendi non habent, vel *latè* c) pro denegatione juris cujuscunque tam perfecti, quam imperfecti, vel *strictè* d) pro denegatione tantum juris perfecti, vel *strictissimè* pro contumeliâ, e)

F 2

153. De-

ad §. 150. x) Quia actio minus plene licita saltem certo sensu *justa* est. Ergo tunc erit *injusta*, quatenus pœna est obnoxia in foro humano.

y) *Inhonestæ* vel ea dicitur, quæ legibus est prohibita, & punitur, vel ea, quæ pœna caret, & tamen est contra legem.

z) *Illicita*, vel quæ prohibita, vel quæ non habet primum licentiæ gradum, vel quæ nec secundum.

ad §. 151. a) v. g. si quis virgi-

nem volentem stupret, si quis in duello alterum interficiat.

ad §. 152. b) Sic sub damno *injuriâ* dato etiam comprehenditur, quod datur à furioso, quasi quod fiat ab eo, qui jus faciendi non habet.

c) Sic dives etiam facit *injuriâ* non dando eleemosynam.

d) Ut in dicto evangelico: *Amice non facio tibi injuriâ*.

e) Unde oritur *actio injuriarum*.

ad

153. Denique non saltem actio, sed & homo justus dicitur atque injustus. Verum actio justa vel injusta dicitur, quatenus externi motus hominis conveniunt cum lege. Homo autem ex intentione internâ justus vel injustus prædicatur.

154. Ex tot juris significatibus, quis jam ad jurisprudentiam pertinet? Suo modo omnes. Quippe non solum docet, quomodo Leges sint ferendæ, explicandæ, & applicandæ, sed & exponit naturam Facultatis cuilibet jure competentis, & suppeditat remedia eandem tuendi & conservandi. Quid quod insuper & consulit, quomodo Actiones secundum legem sint instituendæ, ut evadant justæ, & de institutis, an justæ sint vel minus, judicat, & hæc omnia quidem eâ intentione, ut homines evadant justæ, f)

155. Simul verò ex dictis patet, principale objectum Jurisprudentiæ esse Leges, reliquos autem significatus ad eam spectare secundariò, & occasione vel intuitu legum.

156. Igitur Jurisprudentia in latissimo suo ambitu nihil aliud est, quam prudentia legum.

157. Quatenus autem leges sunt ferendæ, aut actiones secundum easdem instituendæ, dicitur in specie Jurisprudentia legislativa vel consultatoria. Quatenus verò leges sunt applicandæ ad actiones præteritas, dici solet Judicialis. Et consultatio quidem de actionibus secundum

ad §. 154. f) Vide hîc omnino Apologiam Augustanæ Conf. ad artic. 4. Intendit quidem ista princeps, & si hanc inten-

tionem non semper consequatur. Posses adeò appellare finem externum.

dum leges dirigendis ac iudicium de actionibus perpetratis præsupponunt legum interpretationem & intellectum.

158. *Legislatoria* Jurisprudentia ad nostrum institutum non pertinet. *Consultatoria* à nostro scopo non est plane aliena, sed potissimum tamen agemus de *Jurisprudentia Judiciali*, quippe quam & *Consultatoria* præsupponit. g)

159. *Hæc* adeò est prudentia leges salutem hominis in hac vitâ concernentes exponendi, easque ad actiones Hominum applicandi.

160. Quæ definitio ex dictis est perspicua, modo illud notes, *Jurisprudentiam*, quæ est habitus intellectus-ualis, non esse confundendam cum ipsâ *legum expositione* & *applicatione*, b) utpote quæ, si ex prudentiâ proveniant, spectant ad classem habituum voluntariorum, & quidem diverso respectu partim ad artes, i) partim ad virtutes morales. l) Quin & vitiis accenseri poterunt, quatenus per eas alteri nocetur. m)

F 3

161. Sunt

ad §. 158. g) Qui non potest judicare de aliorum factis, non potest sibi consulere. Et ex aliorum factis discimus, quomodo nostras actiones prudenter debeamus instituere.

ad §. 160. h) Qui prudentiâ pollet, dicitur bonus Theoreticus, qui arte, bonus Practicus. Hic ergo terminus Theoretici & Practici aliter usurpatur ac in distinctione habituum. Theoria potest esse perfecta absque exercitio. Sed exer-

citium imperfectum est absque Theoriâ, & inde quis Rabula dicitur, non Advocatus.

i) quatenus exercetur liberè, b. e. quatenus nec legibus præcepta sunt, nec prohibita.

l) quatenus legibus sunt præcepta, ut in Professoribus, advocatis ad certum negotium à magistratu constitutis.

m) aut quatenus exercentur ab iis, quibus id est prohibitum.

161. Sunt itaqve *partes* duæ Jurisprudentiæ Judicialis; *Leges interpretandi*, qvā possēs distinctionis gratia dicere Jurisprudentiam *Doctōrum & Professorum*, & *Leges applicandi*, qvæ est Jurisprudentia *Advocatorum & Judicum*. Utramqve hic intendimus. n) Primario tamen illam in his institutionibus. Hanc subinde in discursu, definiendo controversias ex Historiâ veteri & modernâ desumptas immiscebimus &c.

162. Tot verò haud dubiè erunt *Species* Jurisprudentiæ, quot sunt species legum. o) Unde rectissime dividemus Jurisprudentiam in *divinam & humanam*. Illa leges divinas exponere & applicare docet, hæc humanas.

163. Ne tamen falcem hic immittamus in campum Venerandæ Theologiæ, addita fuit in definitione Jurisprudentiæ limitatio, qvōd ea pertineat saltem ad *leges salutem hominis temporalem concernentes*. Res paulò altius erit repetenda.

164. Præsuppono Academias nostras hodie in *quatuor facultates* solere distinguere: Theologicam, Juridicam, Medicam & Philosophicam, etsi alibi quinta aut sexta etiam facultas fuerit addita, p)

165. Præsuppono ulterius, vocem *Philosophia* dum hodie separatam facultatem constituit, longè *arctius* sup-

ad §. 161. n) Quoniam interpretatio tendere debet ad applicationem tanquam ad finem.

ad §. 162. o) Fluit id ex definitione Jurisprudentiæ §. 156.

ad §. 164. p) Ita in quibusdam Academiis Europæ est separata Facultas Poetica. Alibi separata facultas Juris Canonici.

supponi, ac *olim* apud Græcos & Romanos, ubi nimirum erat divinarum & humanarum rerum notitia, q) hoc est, contemplatio eorum omnium, quæ ex dictamine rationis deduci possunt, unde & prudentiam Medicam, r) & Juridicam, & magnam partem Theologiæ Gentilis sub ambitu suo complectebatur.

166. *Uſus* hujus observationis potissimum ille est, ut ne confundamus prædicata Philosophiæ illius antiquæ, quæ ad instar Reginæ se gerebat, cum Philosophia hodierna, cui honesta ministerii gloria est relicta; quæ est vulgatum istud Platonis: Tum demum beatas fore respublicas &c. s)

167. Igitur commodissimè istarum quatuor facultatum distinctio sic videtur efferri posse. Facultates sunt vel *instrumentales*, puta *Philosophica*, t) vel *Principales*, tres reliquæ.

168. *Principales* vel pro objecto habent corpus hominis, ejusque sanitatem intendunt, quod facit *Medicina*, vel *animum humanum* ejusque beatitudinem procurare aliorum laborant.

169. *Temporalem* scilicet, quam intendit *Jurisprudentia*, & *æternam*, quam *Theologia*.

170. Cum vero, vel ipsis Philosophis communiter

ad §. 165. q) Vide Patris Schematismi Historicum ubi hanc definitionem prolixius exponit.

r) Dico prudentiam. Aliud de arte Medicæ, seu exercitio sanandi,

ad §. 166. s) Procedit enim hoc

de regina, non de ancilla. At olim erat regina.

ad §. 167. t) Debat hac instrumenta præparare. Nunc quando sapè suppeditat inepta, necesse est, ut ipsi formemus aptiora.

ter fatentibus, potissima media obtinendi beatitudinem humanam sint Leges, u) hinc patet *legum expositionem* pro diversitate beatitudinis, cui subordinantur, modo ad *Juris Consultum* pertinere, modo ad *Theologum*. Res distinctius proponetur in capite sequenti. x)

171. Fluit simul ex dictis *ordo*, & *præcedentia quatuor Facultatum* y) apud nos recepta pariter ac publicis *Rescriptis* defensa. Ac facile adeo poterit iis responderi, qui *Jurisprudentiæ* hac parte controversiam moverunt.

172. Qui *Jurisprudentiâ* pollent, dicuntur *Jurisprudentes*, item *Jure Consulti*, quos inter & *Jurisperitos* an differentia sit, acriter quidem disputatum fuit, z) sed discipulatio illa tanti nobis non videtur, ut cursum nostrum sistat.

ad §. 170. u) Vid. Patris Tab. ult. Philof. Praët.

x) Ubi ostendetur etiam, quanam ex legibus divinis pertineant ad *JCtum*.

ad §. 171. y) Quamvis cum *JCtis* hac de re certaverint ex Medicis nonnulli, sed frustra. Pro *JCtis* ni

fallor, differunt *Tinaquellus* de nobilitate. Pro Medicis vide omnium fusissimè *Gasparem à Reyes* in *Campo Elysio jucundarum quaestionum. qv. 20.* Adde & *Philipp.* in *Eclog.* ad *Instit.*

z) Vid. *Eckolt.* ad *Æ.* de *orig. juris* §. 5.



CAPVT II.

De Jurisprudentia

divinâ.

SUMMARIA.

Jurisprudentia divina definitur. §. 1. Ad cuius definitionis intellectum inquiritur in divisionem legis divina §. 2. & loco divisionis consue-
ta in moralem, ceremonialem & forensem §. 3. substituitur illa in le-
gem naturalem & positivam §. 4. Quæstio præjudicialis, quomodo
hæc due leges conveniant & differant? §. 5. I. Conveniunt natura-
lis & positiva, quod utriusque origo sit voluntas divina §. 6. non san-
ctitas divina antecederet ad ejus voluntatem §. 7. 8. 9. II. Conve-
niunt, quod utraque obliget hominem in utroque statu, integritatis,
& corrupto §. 10. Digressio de comparatione status integri & lapsi
§. 11. Consideratio status integri pertinet etiam ad Jctum §. 12. non
quod Gentilibus iste status fuerit cognitus §. 13. 14. non quod hic plus
liceat Jurisprudentiæ Christiana præ aliis disciplinis §. 15. 16. sed
quod liceat Jcto ex Historiâ mutuari quasdam Doctrinas ad quas
principia sua applicet §. 17. 18. 19. Erat status integritatis §. 20. perfe-
ctus. Recensentur perfectiones ejus quoad corpus hominis §. 21. 22. 23.
quoad intellectum §. 24. 25. & voluntatem §. 26. quoad societatem cum
Deo §. 27. cum uxore §. 28. (Hic Eva non fuit sub imperio mariti
§. 29. 30. 31.) Porro quoad societatem paternam, si homo talis
mansisset §. 32. 33. 34. 35. quoad herilem item §. 36. & civilem §. 37.
quarum duarum neutra fuisset in statu integro §. 38. Mutatio & im-
perfectiones in statu post lapsum quoad corpus & animam §. 39. quas
homini impossibile est corrigere in hac vitâ §. 40. 41. Reliquia bonæ
in intellectu & voluntate §. 42. Mutatio quoad societatem §. 43.
Homonymia status corrupti, qui sæpe ut synonymum status post la-
psum usurpatur §. 44. 45. 46. Similis homonymia status naturalis
§. 47. 60. In statu integritatis etiam obtinuit & lex naturalis & lex
positiva §. 61. Ad nostrum Scopum magis pertinet status post lapsum
§. 62. Differentia communis legis naturalis & positiva, quod positi-

va obliget saltem populum Judaicum, seponitur tanquam spuria §. 63. Differunt I. ratione principii cognoscendi. Legis naturalis principium est ratio, positiua revelatio §. 64. 65. Recta ratio quid? ubi contrà principia connata §. 66. 67. 68. 69. Non valet argumentatio: Cujus actus moralitas etiam à Gentilibus fuit agnita, ille est jure naturæ præceptus vel prohibitus. §. 70. II. Differunt, quod jus naturæ pro objecto habeat actiones cum naturâ rationali necessario convenientes &c. positivum intermedias §. 71. 72. 73. Ostenditur contrà Scholasticos non dari actus per se ac suâ naturâ, item antecedenter ad voluntatem divinam honestas vel turpes, item: in jure naturæ obligationem ex objecto se diffundere in præceptum §. 74. - 87. sed omnes actiones esse suâ naturâ indifferentes §. 88. - 96. Definitio Legis naturalis §. 97. Ejus immutabilitas & indispensabilitas §. 98. 99. 100. Dividitur in Jus Gentium & Jus Naturæ strictè dictum §. 101. 102. Homonymia Juris Gentium §. 103. Jus Gentium non est species Juris voluntarii §. 104. - 109. Contrà Scholasticos dicentes: Præcepta affirmativa obligare semper, negativa semper & ad semper, disputatur §. 110. - 116. Lex divina positiua definitur §. 117. Est mutabilis & dispensabilis, sed saltem à Deo §. 118. Dividitur in universalem & particularem §. 119. 120. Utraque definitur §. 121. Existentia legis positiua universalis §. 122. 123. 124. Ejus divisio §. 125. Particularis est vel ceremonialis vel forensis §. 126. quarum utraque hodiè cessat §. 127. 128. Quis sit adhuc hodiè utriusque usus? contrà Grotium §. 129. 130. 131. 132. Ad jurisprudentiam divinam spectant leges naturales & quedam ex positivis universalibus. §. 133. 134. 135. Unde poterit hæc jurisprudentia suo modo Christiana appellari §. 136. Differentia ejus à Theologiâ. §. 137. 138. 139. præprimis morali §. 140. Jurisprudentia divina vel naturalis, vel positiua universalis seu divina simpliciter. §. 141.

§. I.

Jurisprudentia divina est prudentia leges divinas, salutem hominis in hac vitâ concernentes explicandi & applicandi ad actiones hominum.

§. 2.

2. Omnia hic plana, a) si modo explicuerimus quænam leges divinæ salutem hominis in hac vitâ intendant. Id verò patebit ex *legis divina divisione*.

3. Communiter inculcatur, quod Lex divina sit vel *moralis* vel *ceremonialis* vel *forensis*. Hæc divisio cur nobis displiceat, diximus alibi, b)

4. Nos ita: Lex divina est vel *naturalis*, vel *positiva*. Ita quidem & alii: Reverà tamen non ita. c)

5. Est enim præjudicialis quæstio, quomodo hæ duæ legis divinæ species *convenient* aut *differant*? Mentem nostram declarabunt positiones sequentes.

6. 1. *Convenit* lex divina positiva cum naturali, quod *utriusque autor Deus sit*, vel si pressius rem expone-re, & ἀνθεωπονοῦν d) de DEO loqui volumus; *voluntas divina*.

7. Nec istam admittimus differentiam, e) ac si Jus naturæ à sanctitate DEI *antecedenter* ad ejus voluntatem ortum trahat, positivum non ita. Nam quæ in Deo sunt, *simul* sunt.

8. Non autem licet homini vel conceptum saltem

G 2

ejus-

ad §. 2. a) Sunt enim exposita cap. præced. §. 154. seqq.

ad §. 3. b) In disput. de crimine bigamiæ §. 8. & §. 20. Potissimum quia asseritur: Legem naturalem, moralem, & decalogum esse synonyma.

ad §. 4. c) Id est, adhibent quidem eosdem terminos divisionis sed non eodem modo nobiscum expo-

nunt, quod maximè ostendunt controversia in hoc capite ventilata.

ad §. 6. d) Nam Deus propriè non habet voluntatem.

ad §. 7. e) Quam communiter adhibent Theologi nostrates in quaestionibus juris nature. Dictum hic de quaestione, quatenus liceat studioso juris, vel in genere homini Christiano dissentire à Theologis?

Sci-

ejusmodi de Deo sibi formare, qvoniā conceptus iste involvit imperfectionem. f)

9. Qvodsi maximè ob imperfectionem nostram aliter speculari de Deo non possimus, g) non licebit tamen hunc conceptum nostrum de Deo habere pro vero, aut eum pro fundamento agnoscere, cui innitantur conclusiones in disciplinâ maximè reali, qvalis est Jurisprudentia.

10. II. Conveniunt lex naturalis & divina positiva intuitu *status humani*, qvem dirigunt. Nam utraque lex obligat hominem & in statu integro & in corrupto viventem.

II. Nimirum prima *divisio h)* *status humani* ea est, qvod alius sit *hominis integri*, alius *lappi*. Utrumqve paulo curatius hic considerare non erit frustraneum, cum usus hujus meditationis mox i) sit appariturus.

12. Incipiemus autem de *statu integritatis* l) tanquam ordine & præstantiâ priore, *si modo licebit*. Fortè enim cavendum, ne falcem mittamus in messem suspi-

cien-

Scilicet quatenus illi in rebus Philosophicis abeant à rectâ ratione, in rebus spiritualibus à sacrâ scripturâ.

ad §. 8. f) Hac observatione ideo opus, ut occurrā objectioni, quasi sanctitas Dei hic sit saltem antecedenter consideranda in signo rationis.

ad §. 9. g) quia videlicet intellectus noster ita est comparatus ut

duas res perfectè simul cognoscere nequeat, & quia Deum sibi concipit ad instar hominis cujus voluntas movetur ferè per aliud quid.

ad §. 11. h) Definitionem *status* repete ex cap. 1. §. 86.

i) In controversiâ de fundamentalis propositione juis naturalis cap. 4. §. 40.

ad §. 12. l) De *statu integritatis* non confundende sunt questiones distin-

ciendæ Theologiæ. Tractamus Jurisprudentiam, habitum, ut suprà definivimus, viribus naturalibus acqui-
rendum. At quicquid de statu integritatis novimus, novimus ex Scriptura sacra.

13. Ergo hic vel sistendus erit cursus, vel curandum, ut laqueum hîc positum evadamus. Quid si dicamus *gentilibus etiam fuisse cognitum* istum perfectionis statum? sanè infinita Philosophorum ac Poetarum Græcorum pariter atque Latinorum testimonia id evincunt, *m*)

14. Vereor tamen, ut ita simus evasuri. Sciverunt

G 3

Gen-

distincta. Una: An possit ex lumine natura cognosci & demonstrari? Negat Alberti in Compend. Affirmat Strimesius peculiari dissertatione, cui respondit pro Alberto Seligmannus. Nos hic §. 14. facimus pro negativâ, pro quâ & militat Dn. Pufendorffius in suis scriptis passim. Altera: An consideratio status integri ex lumine revelationis haurienda pertineat ad Jurisprudentiam naturalem? Negat Dn. Pufendorffius & Strimesius. Affirmat Alberti. Ego distinguo §. 17. Origo controversiæ ista fuit: Dominus Pufendorffius in jure natura considerat hominem in statu corrupto. Contra hoc institutum di-

sputarunt uterque & Alberti & Strimesius, sed ex diversis fontibus. Hic, quasi gentilibus etiam fuerit cognitus status integer. Ille, quod quidem Gentilibus non fuerit cognitus, sed quod hac parte in ipsorum gratiam non sit condescendum, si ipsi nolint scripturam sacram agnoscere. Unde simul Alberti & Strimesius fuerunt collisi. Dictum hîc obiter de duritie sententiae Albertinae, quod non debeamus condescendere in gratiam gentilium. Equius consilium Pauli, qui omnibus omnia factus est, ut multos lucretur.

ad §. 13. m) Hec est summa sententiae Strimesii.

Gentiles, sed confuse. Sciverunt, sed non ex dictamine rationis, verum ex conversatione cum Judæis, n)

15. Igitur aliâ viâ eundum. Fortè privilegium habemus nos Christiani præ Gentilibus. Illis non licitum fuit μεταβαίνειν, qv̄ia docuerunt saltem Jurisprudentiam. At nos plus ultrâ. Qvam enim nos docemus, Christiana Jurisprudentia est. o)

16. Sed & hic finium suorum custodes Theologi, monebunt ut pedem retrorahamus, nec sepem, disciplinæ nostræ campum à Theologicô separantem conculcemus. Suspectum erit ipsis vocabulum Christianæ Jurisprudentiæ, qv̄oniam si per id talem disciplinam exprimimus, qv̄æ principia demonstrandi ex Theologia mutuatur, p) saltum nostrum præprimis qv̄oad Jurisprudentiam naturalem frustra terminorum involucris tegere nitemur, q) sin objectum demonstrandi saltem ex Theologiâ præsupponimus, non magis propterea Jurisprudentia nostra Christianæ nomen mereri videbitur, ac v. g. Arithmetica, ex cujus principiis demonstrandum foret,

ad §. 14. n) Hæc est summa responsionis Albertina. Adde apolog. A. C. ad artic. 2. ubi asseritur ignorasse gentiles peccatum originis.

ad §. 15. o) Sapiunt hæc sententiam Albertinam, ubi contrâ Dn. Pufendorffium & Strimesium disputat, qui urgent non committendam esse metabasin ex Philosophiâ in Theologiam. Nisi quod ille loco

Jurisprudentia adhibeat vocem Philosophia & distingvat inter Philosophiam Gentilem & Christianam.

ad §. 16. p) Est hæc iterum sententia Albertina, quod scilicet Philosophia Christiana mutuatur principia demonstrandi ex Theologia.

q) Nam hoc ipsum est metabasis, quando quis mutuatur principia demonstrandi ex aliâ disciplinâ, quæ

foret, quot vini mensuræ impleverint hydrias Cananæas, r)

17. Igitur retrahamus pedem, præprimis cum simul via evadendi fuerit monstrata. Quemadmodum enim Arithmetica v.g. non *vesta Cap.*, etsi principia domestica ad exempla Historiæ sacre applicet, sic neque nos peccabimus, si applicuerimus principia nostra ad statum integrum. s) Aliud videlicet est principia demonstrationum ex aliâ disciplinâ mutuari, aliud objectum, cui demonstratio applicari debeat, aliunde petere.

18. Et maximè ex Historiâ, quæ sive sacra sit sive profana, instrumentum est commune quatuor facultatum, t)

19. Ergo si libet statum hominis integrum speculari, licet. u) Licet autem ex historiâ sacrâ saltem, nam
Gen-

que diversa fundamenta agnoscit. Et pluribus eâ de re dixi in Introductione ad Philosophiam Aulicam, & in Introd. ad Logicam.

sententiæ meæ, in quâ recedo ab Alberto & aliquo modo à Dn. Pufendorfio.

ad §. 18. t) Declaratum hoc fuit exemplis historicis ad omnes quatuor facultates aptatis. Confer dicta in Introd. ad Logicam cap. 1.

r) Urgeri etiam solet contra Albertum, confundi ab eo Philosophum Christianum cum Philosophia. Etsi enim Philosophus Christianus esse possit, tamen propterea non magis Philosophiam evadere Christianam, atque artem sutoriam aut calceum, quorum utrumque absurdè Christiani Epitheton sibi sumeret, etsi sutor sit Christianus.

ad §. 19. u) Nec solum licet, sed maximè utile est hic de statu integritatis differere, ne disputemus more andabatarum contra sententiam Albertinam in cap. 4. qui adeò officium boni Disputatoris non observavit, dum Jus naturæ ex statu integro deducere voluit, & tamen su-

per-

ad §. 17. s) Hic latet nervus

Gentilium x) aut Rabbinorum y) hâc parte traditiones vel nugæ sunt, vel maximis dubiis obnoxia, & obscurissimæ. z)

20. Erat *status* ille *perfectus*, cum in eo homo ad imaginem Dei fuerit conditus. Unde *miseria*, quæ hodiè *statum corruptum* comitantur, abfuissent. a)

21. Igitur quæ *corpus* homo haud dubiè iisdem præditus fuit *membris*, quibus hodiè gaudet homo perfectus, eademque in eo fuit *sexus distinctio*, quin & membra corporis, quatenus sunt *organa animæ* statim uti à primâ creatione fuerunt in Adamo, sic & à primâ nativitate in ejus liberis fuissent apta ad suscipiendas animæ functiones. b) De *quantitate molis* c) parum sumus solliciti, cum ea directè ad perfectionem humanam nihil faciat. d)

22. Porro quæ vitam homo non fuisset mortuus nec ægrotasset. Cibus & potus perpetuò affuisset saluber-

perficiariè maximè ipsum *statum integritatis* & differentiam ejus à *statu post lapsum* consideravit.

x) ut Ovidii de seculo aureo.

y) ut de Adamo Androgyno, Gigante &c.

z) Dictum hic obiter de infinitis questionibus controversis tum circa opera creationis in genere, tum circa *statum hominis* in specie, circa Paradisum &c. Dictum etiam de questionibus quibusdam curiosis magis quàm utilibus. Utrum bestie venenata fuissent in statu in-

tegro? Utrum excrementa fatuis-
sent? Utrum carnes comediissent?

ad §. 20. a) Hec est quasi generalis propositio in quâ reliquæ thesæ se fundant.

ad §. 21. b) Nam quod hodiè aliter sit, pertinet ad *miserias status corrupti*.

c) i.e. an gigas fuerit Adamus, an hodiernâ hominum staturâ conspicuus?

d) Ita pumiliones, etiam minimi, magnam prudentiam sæpè ostendunt.

berimus. Concoctio ventriculi fuisset optima, Venenum non nocuisset. An vero *carnes comedisset*? curiosa magis est quæstio, quàm proficua. e) Potuisset credo, sed vereor, ut voluisset. f)

23. *Organa sensuum* erant, quantum concipi possunt, perfectissima. Adfuisset *delectatio sensuum*, sed legibus subiecta. Itaque & delectatio ex tactu, quæ ex causis physicis & principiis anatomicis deduci potest, non quæ hominem extrâ serapit & libido dicitur. g) *Locomotiva* statim à primo vitæ momento vires suas exercuisset, neque turbata fuisset aut impedita b)

24. Quæ intellectum homo non saltem ita fuisset in *naturalibus* perspicax, ut primo quasi intuitu, i) naturas, virtutes ac formas rerum creatarum, quæ hodie vel nos latent vel laboriosissimâ meditatione vix ac ne vix quidem percipiuntur, cognovisset, sed & in *moralibus* summam possedisset prudentiam intelligendi legem ejusque in actiones suas efficaciam. Hinc reprobrandum do-

H

gma,

ad §. 22. e) Qui affirmant, utuntur argumento à Dominio in bestias. Qui negant, afferunt, quod Deus jussit, ut comedat de omni arbore. Neutrum stringit. Sed pro affirmativâ facit, quod Adamo non fuerit prohibitum.

f) Et si voluisset, magis probabile est, eum comedisse carnes crudas quàm coctas.

ad §. 23. g) Hac enim videtur

esse consequens status corrupti.

h) per morbos.

ad §. 24. i) In statu integritatis ergo non opus fuisset tam longâ ratiocinatione & experienciâ ut hodiè. Unde & cognitio Adami à Theologo, ni fallor, dicitur intuitiva. Deus naturas rerum declaravit per signa rebus impressa. Ideas has signorum homo ferè in statu post lapsum perdidit.

l) Equi-

gma, quod cum aliis defendit Grotius, l) simplices fuisse Protoplastos & magis ignorantia vitiorum, quàm virtutis scientia præditos, quod simul in Deum est injurium.

25. Nec de *infantibus* cur aliter sentiam, causam video. Potuissent nimirum statim à nativitate cum parentibus suis sapienter de rebus quibuscunque ratiocinari, & saltem brevissimo temporis spatio m) habuissent opus, ut de sensu vocabulorum, ex liberâ hominis impositione, non ex rei naturâ significantium, tuissent informati. n)

26. *Voluntas* magno gaudebat libertatis gradu. Poterat equidem peccare homo & non peccare, sed magis inclinabat ad non peccandum.

27. Ulterius ne ad momentum quidem homo in statu integro absque *societate* fuit, sed statim cum Deo societate, inæquali illâ quidem, verum in quâ major amor & fiducia deprehendebatur, quam hodiè in ullâ societate paternâ existere potest, fuit junctus.

28. Cum vero homo naturâ appetat sui simile, o) istam verò similitudinem in Deo ob nimiam divinæ perfectionis

l) Equiparat enim Grotius protoplastos cum barbaris populis in India. Certo respectu tamen fuit ignorantia vitiorum in primis parentibus, videlicet in actu exercito, non in actu signato. Aut clarius: Fuit in iis ignorantia factorum, non ignorantia juris.

ad §. 25. m) & quantum ferè ad enarrationem & recensionem nominum fuisset opus.

n) Potuissent ipsi quidem nomina indere. Indita nomina non potuissent divinare. Nisi & anima facultate divinandi in statu integritatis fuisset prædita, quod statuit Dominus Becmannus in lin. doctr. moralis c. 2. §. 8. sed rationibus non concludentibus. Rem ipsam in medio relinquo.

ad §. 28. o) Ita hodiè etiam amicitia cum aequali jucundior est, quàm

fectionis & essentiæ distantiam non deprehenderet, *non erat bonum, cum esse solum, p)* ac propterea Adamo benignissimus Creator prospexit de sociâ, Evâ nimirum, quam ex costâ ejus creavit, (qvæ tamen non fuit in Adamo superflua, nec exemptio illius corpus ejus reddidit mutilum, q) & Adamo dedit *in matrimonium*.

29. Fuit ista societas in statu integro *summe equalis*, cum imperium marito demum post lapsum in pœnam uxoris à Deo fuerit traditum, & ante lapsum communis subjectionis causa, imperfectio, Evæ tribui nequeat. r)

30. Qvamvis autem Apostolus s) doceat, non convenire uxoribus ut imperent maritis, & in eâ doctrinâ istâ etiam utatur ratione, quod Adam prius creatus fuerit quam Eva, nullatamen procedit illatio: Eva non potuit in statu integro imperare Adamo, ergo Adamus Evæ imperavit.

31. Quod verò ab aliis t) dicitur, maritum uxore esse superiorem dignitate & potestate, etiam ex intentione

H 2

Dei

quàm cum principe benignissimo. At quid Princeps etiam summus in respectu ad Deum? Unde & in vitâ eternâ habebimus societatem & Dei & hominum.

p) Ergo hoc dictum non tantum pertinet ad societatem nuptialem in specie, sed & ad societatem in genere. Conf. Perer. in Genesin.

q) Superfluum voco, quod nullum usum habet. Mutilum est, quod parte necessariâ est privatum. Ita

in florum fasciculo non est superfluum, si florem fasciculo addam, nec fasciculus fit mutilus, si florem demam.

ad §. 29. r) Creavit Deus hominem ad imaginem suam. Masculum & feminam creavit eos. Confer dissert. proœm. §. 44.

ad §. 30. s) 1. Cor. XI. vers. 8. 1. Tim. II. c. 13.

ad §. 31. t) Vid. Alb. in Comp. P. 2. c. 10. §. 21,

u) Nam

Dei creantis uxorem in subsidium mariti, nec viceversâ, id prioritatem quidem ordinis adstruit, non vero superioritatem dignitatis aut potestatis, ut facili exemplo societatis mercatoriarum u) declarari potest.

32. In hac societate subsistit status integer; an & substitisset, si homo integritatem suam non amisisset? Sic putarunt aliqui, negantes videlicet, societatem paternam in statu integro fuisse exituram. Ita noviter disseruerunt ex Anglis ingenio suo abusus Thomas Hobbes, x) & ex Belgis horrendus scriptor Adrianus Beverland, y)

33. Quos non solum divinæ benedictionis verbis: Crescite & multiplicamini, z) prosternimus, sed & ostensâ figurâ membrisque corporis ad procreandum destinatis in fugam agimus. a)

34. Putamus tamen & hanc societatem æqualem fuisse futuram, in eo vero à conjugali differentem, quod liberi Parentibus non tam ob prioritatem ordinis, quam ob exhibitum beneficium generationis, b) reverentiam exhibere debuissent.

35. Uti enim reverentiæ debitum eam imperfectione-

u) Nam & hic sæpè mercator alterum sumit sibi in subsidium absque imperio.

ad §. 32. x) in Leviathane.

y) in scripto de peccato originis. Conf. Philos. juris §. 31. Dictum de scripto Beverlandi & de refutatore ejus Ryssenio.

ad §. 33. z) Dictum quomodo ad ea respondeat Beverlandus ex hypo-

these Simonis in Criticâ veteris testamenti, de quo dictum.

a) vide locum Ciceronis in Philos. Juris §. 31.

ad §. 34. b) N. O. quod parentes obligati sint ad generandum. Nam ita in genere quilibet alteri ad beneficium est obstrictus, & tamen beneficii exhibitus parit eam superioritatem.

tionis notam, quam subjectio c) intert, hautquaquam præsupponit; ita & causa imperii paterni suo loco demonstranda abfuisse in statu integro, d)

36. *At berilis societas* exulasset haud dubiè in statu integro. Exulasset enim indigentia, quæ apud nos tam ex parte Domini, quam servi e, societatem istam introduxit, ut de dominiorum distinctione f) jam nihil dicam.

37. *An & Respublica?* Res patebit, si & hic structuram Reipublicæ consideremus. Constat illa ex imperio ad tranquillitatem publicam & omnium rerum suf-

H 3

ficien-

ad §. 35. c) Dictum hic de differentia inter reverentiam & subjectionem seu obsequium, secundum ductum eorum, quæ docentur infra in capite de officiis parentum & liberorum.

d) *At imò dicis: Omne beneficium in altero præsupponit imperfectionem aliquam, indigentiam nempe beneficii.* Respondco 1. Aliqualis imperfectio fuisset etiam in statu integro; scilicet, quod infantes v.g. vitam non habuissent à se ipsis, quod desideraverint homines ad vitam socialem, (si modò hæc imperfectiones dicenda sunt.) Verum sufficit, quod reverentia non præsupponat tantam imperfectionem, quantum imperium. Imperium præsupponit imperfectionem

presentem. Ad reverentiam sufficit præterita. 2. Posses etiam distinguere inter imperfectionem interiorem & externam. Illam præsupponit imperium. Hæc sufficit ad reverentiam.

ad §. 36. e) Non obstat quod Aristoteles dicat, alium servum esse naturæ, alium lege. Nam hæc tota distinctio respicit statum post lapsum.

f) Nulla enim fuisset dominiorum distinctio in statu integro, ut suo loco declambimus in capite de Dominio. Ergo non opus habuisset Dominus operis servi ad augendas & conservandas res familiares, non opus habuisset servus sustentatione Domini.

ficientiam directo. Imperium g) non admittere statum integrum jam ostendimus. Nec Rep. opus fuisset ad obtinendam tranquillitatem, h) cum nullus ibi fuisset metus; nec ad sufficientiam, i) cum nulla fuisset indigentia.

38. Qui autem asserunt l) Rempublicam statûs integri, terè uno ore fatentur, se non intelligere societatem cum imperio propriè dicto. Unde quidam distinguunt inter imperium directivum & coactivum. At hocipso fatentur, non exituram, quoniam imperium directivum est ignis frigidus. m)

39. Sequitur *status hominis lapsi*, Hic multa fuerunt

muta-

ad §. 37. g) ergo defuisset forma Reipublicæ.

h) ergo exulasset tùm finis primarius Reipubl.

i) ergo nec locum habuisset Reip. finis secundarius. Jam computa quid de Republicâ reliquum sit, quod in statu integritatis existere potuisset.

ad §. 38. l) ut post alios communiter Bœclerus ad Grotium l. 1. c. 3. p. 200. D. Val. Albert. Part. II. Comp. Jur. Nat. cap. 14. p. 209.

m) Adde quod imperium directivum præsupponat etiam imperfectionem in directo, ut directore opus habeat. Loquimur autem de imperio humano, unde frustra instantia datur de imperio Dei in an-

gelos bonos à Boeclero d. l. Quod vero Alberti cum Aristotele suo, (cum quo in Oratione promotoria Magisteriali ante paucos annos publicè testatus est se mori velle,) urgeat perfectissimam societatem esse Rempublicam, & exinde inferat, ergo etiam fuisse in statu perfectissimo, dupliciter falsum est. Infra enim lib. 3. ostendemus societates gentium fœderatorum esse perfectiores. Et insuper connectio nulla est. An putat etiam Alberti perfectissimum chirurgum aut coquum fuisse futurum in statu integritatis? An putat Rempublicam (veram) futuram esse in vitâ æternâ?

ad

mutata. Organa corporis non parum temporis n) requirunt, ut ad exercendam locomotivam & recipiendas animi functiones fiant apta. Mors intravit in mundum; hanc præcedunt ac procurant morbi varii; concoctio sæpe pessima, & venenum homini metuendum, cibi que variis artificiis, ne noceant, præparandi; sensus hominis sæpius fallunt; acumen intellectûs multum remisit; in infantibus est instar tabulæ rasæ o) varias impressiones recipere aptæ. Voluntas p) hominis multum de libertate suâ amisit, ita ut in hoc statu ferè tota ad malum inclinet, quoniam affectus frequentissimè exorbitant, & hominem quasi extrà se ponunt, certè perpetuò frenum mordent.

40. Has mutationes in homine tantas esse opinamur, ut absolutè impossibile sit homini mediis naturalibus in hac vitâ imperfectiones istas corrigere. q)

41. Qvod si enim posset, in ipsius potestate esset vel

ad §. 39. n) Et tempus quidem variat. Alii citius vires corporis experiuntur, alii vires animi.

o) vide dissert. Proœm. §. 45. 46.

p) Dictum de dictorio communi: Hominem in statu integro potuisse non peccare, in statu post lapsû non posse non peccare; si mansisset in statu integro, confirmandum fuisse ut non potuisset peccare.

ad §. 40. q) Hec observatio omninò notanda, quia impugnatur

fundamenta Albertina. Si enim non possum ne minimo quidem gradu perfectionem status integri recuperare, ruit fundamentum, quod status integer sit norma juris in statu corrupto. Frustranea enim est norma, ad quam applicari nullo modo normatum potest. Simul verò corrui effugium Alberti, quod debeamus studere ut recuperemus perfectionem status integri, si non in totum, saltem in tantum. Ita si quis ex prandio splendido reliquias habeat,

vel abjicere peccatum originale, r) vel subtrahere col-
lum jugo poenæ divinæ. s) Utrumque autem est absur-
dum.

42. *Manfit tamen qvoad intellectum* illa perfectio,
ut possit homo cognoscere regulas communes & præ-
cepta, potissimum naturalia r) qvoad *voluntatem*, qvoad
inclinat quidem ad malum, sic tamen, ut minimum qvoad
actus exteriores libertatem efficaciter renitendi reti-
nuerit. u)

43. Porro *intuitu societatum* in societate divinâ ces-
sat hodie conversatio cum Deo de facie ad faciem, nec
solum amatur hodiè Deus ut pater benignus, verum
etiam

habeat, frustra ipsi inculcavem, quod debeat intendere, ut per reliquias has recuperet id, quod in prandio jam fuit consumptum. Retinenda sunt reliquia, & tentandum ut illas non amittamus, aut si ex reliquiis jam quadam amisimus, ut has recaperemus. Ita comparari potest homo integer cum homine qui 100000. possidet, homo lapsus cum eo qui ab ista summâ perdidit maximam partem, eaque mari absumpta sit, retinuerit vero 100. Hic debet operam dare ut non minus 100. possideat, non autem ut plus. Cape aliud exemplum perspicuum de homine, qui à natura imbecillem sanitatem & imbecillia membra corporis habet, comparato cum

rustico robustissimo. Hinc falsissima est assertio Albertina part. i. comp. cap. 2. §. 4. quod adminiculo reliquiarum quadam ex statu integro recuperare possimus. Confer quæ ad alias ejus exceptiones regeffi in Præfat. ad Introd. ad Philos. Aulicam.

ad §. 41. r) quod consistit potissimum in inclinatione voluntatis ad malum.

s) quæ consistit in imperfectio- nibus corporis & intellectus.

ad §. 42. t) aliàs non obligaretur legibus.

u) Nam si nec has possit retinere, frustra puniret homo hominem. Confer suprâ c. i. §. 4.

etiam timetur ut iudex iustus. Societas Conjugal ex æquali facta fuit mixta in pœnam lapsus. Sed in paternam introductum fuit imperium propter necessitatem educationis. Terræ maledictio & secuta dominiorum distinctio invexit societatem herilem; quin & civitates atqve respublicas introduxit metus à vi externâ.

44. Vocatur aliàs *status integer* etiam *status nature recte*, & *status post lapsum*, *natura corrupta* seu corruptus. Sed hic cavendum, x) ne per corruptionem hîc intelligamus corruptionem moralem qvoad actiones exteriores, cum hæc denominatio pertineat vel ad corruptionem hominis physicam, vel certè ad corruptionem moralem actuum interiorum inclinantium valdè ad peccandum contrâ leges.

45. Itaque *status* hic *post lapsum* suo modo adhuc *rectus* est, & peccata actionum exteriorum non sunt vitia statûs, sed hominum in isto statu viventium.

46. Unde & notare poteris homonymum, qvoad *status corruptus* vel opponatur *integritatis statui*, vel opponatur *statui post lapsum suo modo recto*, & tunc denotat verbi gratia statum latronum &c.

47. Plures verò significationes latent in voce *status naturalis*. Sic nota est distinctio status humani in *naturalem* & *legalem*, quæ uti à variis variè, ita & frequenter in eum modum explicari solet, y) ut status naturalis sit hominis in

I

inte-

ad §. 44. x) Cavillantur enim adversarii Pufendorffii, ut, ni fallor, Strimesius, quod ius naturale ex statu corrupto deduxerit.

ad §. 47. y) vide B. Patris Disp. de statu naturali & legali qv. 10. §. 20. seqq.

z) v. g.

integritate suâ florentis, legalis autem idem quem diximus, naturæ corruptæ. Et applicari quidem solet ista distinctio non solum ad homines singulos, sed & ad societates humanas, maximè ad civilem, & præterea ejusdem usus in definiendis pluribus controversiis politicis x) inculcatur.

48. Id & à nobis factum alibi. a) Nunc verò sententiam mutamus, partim b) quod status naturalis præsupponat civitatem fuisse extitutam in statu integro, cujus contrarium modo demonstravimus; partim quod istæ controversiæ si non melius, æque benè tamen definiri possint, si modo oculos dirigamus ad statum legalem. c)

49. Quantum hætenus à Politicis vapulaverit *Hobbesii status naturalis*, quem vult esse bellum omnium contra omnes, eiqve *statum socialem* opponit, ferè tironibus notum est; Et merentur hæc parte legi quæ subinde adversus hunc belluinum statum scripsit Illustris Pufendorffius. d)

50. Quot modis autem ipse status hominis post lapsum

z) v.g. de usucapione, de numerandis votis, non ponderandis, de optimâ Reip. formâ, de præstantiâ regni electivi vel successivi, vid. d. Disput.

ad §. 48. a) in disputatione de philosophiâ juris.

b) aliam rationem vide infra c. 4. §. 44. 45.

c) Nam ad doctrinam principalem facit demonstrare rem prout est, secundariò & illustrationis gratiâ, prout esse possit. Sic v.g. quid juvat medicum consideratio corporis humani, prout omnibus morbis caret? Aut, si pharmacum sitandum homini debili, quid juvat consideratio rustici?

ad §. 49. d) potissimum de jure

lapsus naturalis vocem induere queat, ex sequentibus divisionibus patebit. e) Scilicet *status naturalis initio* denotat conditionem omnibus hominibus communem, quatenus id præ bestiis habent peculiare, etiam post lapsum, ut ratiocinari valeant, ac legislatorem summum agnoscere & actiones suas exteriores secundum ejus præcepta dirigere, & opponitur vel vitæ & *conditioni brutorum*, f) vel vitæ hominum conditione istâ ab utentium & dicta rationis corruptæ ex asse sequentium.

51. Status hic naturalis *secundò* commode dispesci potest in *statum naturalem*, hoc est conditionem illam hominum, qualis futura esset, si jam post lapsum homo à nativitate sibi soli relictus foret sine ullo adminiculo ab aliis hominibus accedente, & *socialem* seu conditionem hominum quatenus vitam per industriam aliorum ex-cultam vivunt.

I 2

52. At-

re Nat. l. 2. c. 2. §. 5. seq. contra quem frustra disputat Dn. Becmannus in Meditat. Polit.

ad §. 50. e) *Quadruplicem* divisionem & acceptionem *status naturalis* hausimus ex Pufend. de J. N. II. 2. & de O. H. II. 1. Mutavimus tamen quadam. Dn. Pufendorffius ita:

Status

{ *Naturalis*. Atq; hic opponitur vel bestiali, vel sociali, vel civili.
{ *Adventisius*.

Nos ita: Status vel

{ *Naturalis*. Hic vel
{ *Naturalis*.
{ *Socialis*. Hic
{ *Naturalis*.
{ *Civilis*. Hic
{ *Naturalis*.
{ *Adventisius*.
{ *Belluinus*.

Nos igitur divisionem arctissimam ac specialissimam facimus eam, quam ipse fecerat latissimam & generalissimam.

f) Posses etiam hunc statum *bestialem*

52. Atque hi status, naturalis & socialis, non confundendi sunt cum statu naturali & sociali Hobbesii. g) Etsi enim hic eosdem deprehendas terminos, res tamen est diversissima. Nam in suo statu naturali Hobbesius hominem cōsiderat in relatione ad alios homines, eumque vult esse bellum omnium contra omnes, quorum neutrum ad nostrum statum naturalem quadrat.

53. Status socialis *tertio est vel naturalis*, hoc est conditio hominum in societate æquali viventium, qui neque communem habent dominum, & quorum unus alteri non est subiectus, vel *civilis* eorum, qui vivunt in societate civili & reliquis societatibus minoribus sub civili comprehensis.

54. Neque huius significatûs status naturalis cum Hobbesiano est confundendus. Hobbesii status est bellicus, & sociali oppositus, noster & pacificus & socialis species.

55. Denique *quarto civilis status est vel naturalis*, scilicet ea conditio, quam homo habet à naturâ absque facto hominis v. g. quod sit mas, quod sit infans &c. vel *adventitius*, quò spectat conditio, quam homo habet ex impositione humana v. g. quod sit consul, nobilis, rusticus, &c.

56. Rectè autem putamus in singulis his significationibus terminum statûs *naturalis* posse adhiberi. b) In primo denominatio desumpta est ab *essentiâ* hominis, in

secun-

stialem appellare contranaturali-
tem.

per calumniam adversarii quidam
Pufendorffii.

ad §. 52. g) Faciunt enim hoc

ad §. 56. h) Hoc iterum notan-
dum

secundo à miseriâ naturam hominis sibi relictî post lapsum comitante, in tertio à libertate & æqualitate hominum naturali, in quarto ab accidentibus potissimum phycis, quæ hominî à naturâ insunt.

57. Qvod si tamen quis statum naturalem *primi* generis velit appellare statum *humanitatis*; *secundi* statum *vite solitaria*, *terti* statum *æqualitatis*, nos quidem recordari, quod in terminis debeamus esse faciles, non adeò refragabimur.

58. Comparari etiam hi quadruplices status naturales inter se possunt ratione *existentis*. *Primus* existit vel certè existere debet in *omnibus* hominibus. *Secundus* i) non existit frequenter, *existere tamen potest*, v. g. si homo unicus ex naufragio restans in insulam desertam projiciatur; & existit sane v. g. in infantibus à parentibus nequam expositis. *Tertius frequenter existit*, v. g. inter gentes ad se relatas. De *existentiâ* autem *quarti* nullum dubium.

59. Unde errant, qui putant, statum naturalem *secundi* generis esse statum fictum, aut fictam esse miseriam, quam statum illum comitari diximus. l)

60. Sed nec frustrâ istam quadruplicem status natura-

I 3

tura-

dum adversus Anti-Pufendorffianos. Criminantur quoad secundum & tertium significatum, quod ejusmodi statum naturalem vocet, qui sit miserrimus, qui sit equalis, cum tamen homo naturâ inclinet ad beatitudinem & quidem civilem.

ad §. 58. i) Et hoc adversus Anti-Pufendorffianos, qui criminantur, secundum potissimum esse non ens.

ad §. 59. l) quod facit, si rectè recorder, Alberti,

ad

turalis significationem apposuimus. *Primus* enim utilitatem suam præbebit in deducendis officiis hominis erga Deum m) & in præcepto de custodiendâ æqualitate. *Secundus* in demonstranda necessitate societatis, n) *Tertius* in comparatione diversorum præceptorum juris naturalis, o) tum & alias. *Quartus* ad Jurisprudentiam potissimum humanam pertinet. p)

61. Jam in viam. Diximus in utroque statu hominis & integro pariter & lapsus statu utramque legem divinam, & naturalem & positivam viguisse. De naturali fortè non est dubium. q) Positiva in statu integritatis fuit illa, quæ prohibuit comestionem ab arbore vetitâ, tum v.g. prohibitio polygamix & divortii in institutione conjugii primævâ facta. In statu post lapsum varix sunt leges positivæ, de quibus suo loco,

62. Pu-

ad §. 60. m) vide caput sequens.

n) in cap. 4.

o) potissimum in capite de officiis humanitatis.

p) quia est jus specios status Civilis.

ad §. 61. q) Non videram cum ista scriberem dissertationem G. V. M. (Guilielmi van der Muezen) de origine Juris Naturalis publicatam Ultrajecti 1684. in quâ statuit: In statu integro nullas leges naturales obtinuisse. Cui anno 1686. Simon Henricus Musæus Vindicias Juris Naturalis Paradisei opposuit. Contrà has vindicias

defensionem suæ dissertationis anno 87. paravit Autor, cui an ulterius quadam regesserit Musæus, nescio. Mallem autem Musæus controversiam hanc magis modestè & animo affectu vacuo tractasset. Jam, dum p. 37 vindiciarum aperte proficitur, se ad instantiam Clerici de periculositate sententiæ istius multa pro more Hereticum differentis, opus suscepisse, & toto opere in eo est, ut adversus bonam fidem ex autore hereticum Semi-Antinomum faciat, & quantum damnum per ejus sententiam patiatur Respublica clamet, parum se lectori à flu-

62. Puto autem esse evidens: ad nostrum scopum, dum leges divinas, quantum ad Jurisprudentiam pertinent, sumus explicaturi, spectare primario leges illas, quæ statum post lapsum dirigunt. Utique enim Jurisprudentia illas leges debet exponere, quæ postea ad actiones hominum applicandæ sunt. Judicamus autem, ut puto, & patrocinium præstamus, aut etiam consulimus, non protoplastis, aut de eorum actionibus, sed omnino hominibus hujus seculi reliquias saltem pristinae felicitatis possidentibus, quas si conservent modo, ad tranquillitatem hujus vitæ sat est,

63. Vi-

à studio hereticisandi alieno, & vestigia Salvatoris prementi probat. Mibi sic videtur. Statuit autor p. 16. differt. §. 14. Nullum jus in statu integro, nullasque leges naturales obtinuisse, verum ex puro naturali impulsu nullisque vitiis & illibata inclinatione vetustissimos mortalium nullâ obligatione, quæ ab ipsis tanquam obligatio fuisset considerata, ea, quæ in hoc nostro corrupto statu leges naturales vocamus, observasse & implevisse, & p. 24. asserit, ipsorum statum propterea multo feliciorum fuisse statu hodierno, neque hodiernam justiciam & injusticiam notitiam habendam fuisse pro tantæ felicitatis. P. 59. vero expressè Pelagii sententiam rejicit. Ex dictis autem

patet, non tam litigare Autorem de re quam de nomine, an nimirum id quod homo tum ex instinctu sanctissimo faciebat, legis nomine appellari possit? Notum alias est, Jus naturæ in statu integritatis longè aliam faciem habuisse quàm in statu post lapsum. Vide quæ differit Osiander supra in excerpt. differt. præc. §. 48. Nec diffidendum, hominem quamdiu in puncto integritatis manebat, & spontissime, ut ita loquar, bona faciebat, de obligatione non cogitasse. Interim tamen legi naturali subiectus erat & obligatio aderat, se exerens cum ab istâ integritate deficeret. Si enim homo non fuisset sub lege, non potuisset etiam peccare, nec puniri. Nec est quod autor fortè regerat-
Pec:

63. Videamus jam utriusque legis *differentias*. Has communiter & in eo quærun^t, r) quod *lex naturalis* obliget *omnes homines*, *lex positiva* *populum Judaicum*. Sed hanc *differentiam* non esse adæquatam infra patebit.

64. Differunt itaque s) initio I. *lex naturalis* & *divina positiva Principio cognoscendi*, quod in *lege naturali* est *recta ratio*, in *divinâ autem positivâ* *revelatio divina*.

65. Dependet hujus *differentiæ demonstratio* à dif-

Pecasse hominem contra legem positivam, non contra legem naturalem. Nam non poterat lex positiva violari, ut non simul violaretur jussum naturale, faciendâ ea esse, quæ Deus jubet. Porro tota autoris dissertatio in eo est ut ostendat, in statu integritatis nullam fuisse legem. Vide maxime §. 32. ubi inter alia dicit: Ad suppressendam & coercendam malitiam hominum leges fuere latæ, ubi verò nulla scelera aut vitia vel flagitia perpetrantur, ibi nullâ lege, nullo præcepto aut pœnarum metu opus est, &c. At in defensione tamen p. 136. 199. concedit, legem positivam in paradiso fuisse. Ita putamus absque impactu hæreseos crimine auctori errorem ostendi posse. Videtur

vero autor ad istam sententiam perductus, quod nimis strictè statum integritatis in hac quidem materiâ caperet. Dum enim jus naturale paradisiacum à jure natura post lapsum secernimus, statum integritatis tam latè accipimus, ut etiam lapsum ipsum sub se comprehendat, & jus alterum post lapsum demum incipiamus. At ipse solum integritatem lapsui contradistinctam in mente habuit, quo pacto, cum fortè legeret: justo non esse legem positam, incautè in illam sententiam paradoxam prolapsus est.

ad §. 63. r) Illi scilicet, qui pro synonymis habent legem naturalem & moralem.

ad §. 64. s) Confer quo ad hunc §. & seqq. disp. de bigamia §. 9. seqq.

differentiâ secundâ. *t*) Agnovit eandem exactè Apostolus, *u*) partim dum Gentes, quæ legem positivam non habent, naturâ ea facere dixit, quæ legis naturalis sunt, partim, dum profitetur, *x*) se rationi suæ relictum non cognovisse, concupiscentiam *y*) esse peccatum, nisi lex divina positiva dixisset; non concupisces.

66. Per *rectam rationem* hic intelligo facultatem naturalem ratiocinandi, seu veras conclusiones ex veris primis principiis deducendi. Adest autem homini, ut cuius constat, facultas ista à nativitate per modum *potentia*, aptæ vires suas exerendi, si suppeditantibus sensibus ideæ prius fuerint ab intellectu formatae, eademque postea in societate humanâ fuerit culta.

67. Igitur non possumus non ridere nimium subtiles Scholasticorum meditationes, docentium, inesse infantibus etiam naturaliter, per modum habitus cujusdam connati, *z*) statim quædam prima principia practica, inculcantia, quæ jure naturæ sint facienda aut omitenda.

68. Omne enim principium practicum propositio est.

K

ad §. 65. *t*) quia objectum Legis naturalis sunt res cum naturâ hominis rationali convenientes.

u) Rom. II. v. 14. 15. Adde quoad expositionem horum versiculorum Osiandrum in typo legis natura Parte II.

x) Rom. VII. 7. Conf. disert. proæm. §. 47. 48.

y) hoc est, motus secundò primos.

Nam motus primò primi, ut supra eos definivimus cap. I. §. 50. & 51. nondum sunt peccatum.

ad §. 67. *z*) vide Horneum I. 4. Instit. Ethic. c. 1. §. 6. Conf. Zentgrafum de origine Juris Nat. artic. 6. §. 3. p. 153. Dn. Pufendorf. in Spicileg. controuv. p. 47.

ad

est. a) Propositio omnis convenientiam aliquam prædicati cum subjecto aut disconvenientiam innuit. At infantes terminorum præprimis moralium cognitione destituuntur, b) quippe in quorum expositione homines maximè adulti, liqve eruditi vix conveniunt. Qvis ergo putet, infantes v.g. cognitum habere, quod homicidium sit fugiendum & pacta servanda, cum nesciant, quid sit pactum, quid homicidium &c.

69. Accedit quod ipsimet Scholastici c) hæsitent: habitus iste connatus infantibus an per modum nudæ potentiæ, an & per modum actus insit? Quid quod eò nonnulli pervenerunt, ut assererent, neutrum horum esse habitum istum connatum, sed aliquid inter actum & potentiam intermedium. d) Ergo, quod felix faustumque sit, dabitur ens aliquod, quod nec est, nec esse potest. e)

70. Et si

ad §. 68. a) Dictum hic de ordine cognitionis, quatenus se exerit in infantibus.

b) Huc pertinent ex scripturis, cum Deus dicit ad Jonam: daß in Ninive sind viel 1000. Seelen die nicht wissen was linck und recht ist; ubi loquitur de infantibus. Item apud Prophetam: Butter und Honig wird er essen / daß er wisse böses zu verwerffen und gutes zu erwählen.

ad §. 69. c) vide Osiandri typum legis naturæ & Zentgraf.

de Orig. Jur. nat. & in respons. ad Spicil. Pufendorffii.

d) Ortum videtur sumfisse hac inepta doctrina, ex eo, quod terminos Metaphysicos quaesiverint Scholastici, quibus explicarent doctrinam de fide infantum.

e) Quid Scholasticus diceret, si quis eum verbo contumelioso appellaret, & se excusaret, quod quidem id nec intelligat actualiter nec potentialiter, sed saltem habitualiter?

70. Et si autem *lex positiva ex revelatione* divinâ dependeat, non tamen argumentari licebit: *f)* Hic actus in sacris literis præceptus aut prohibitus etiam à Gentilibus fuit pro honesto vel turpi agnitus, ergo ejus determinatio à Lege naturali provenit. *g)* Nam Gentiles isti aut Græci sunt, aut Romani. Romani leges suas à Græcis acceperunt; Græcorum Philosophi multa à Mose mutuati sunt. Solon item multas leges ex Ægypto Athenas transportavit; Ægyptii autem rudimenta suarum legum acceperunt ab Hebræis.

71. II. Differunt leges istæ, quod naturalis pro *ob-jecto* habeat actiones cum communi naturâ hominis rationali necessario convenientes, aut eidem repugnantes, positiva actiones intermedias.

72. Cum enim ex lumine naturæ appareat, Deum voluisse hominem esse rationalem, & præterea actiones suas normæ alicui esse subjiciendas, sequitur necessario ob fugam contradictionis, Deum illas actiones præcipere voluisse, quæ naturam rationalem necessario promoveant, & vetare quæ eidem repugnant. At cum multæ dentur actiones, quibus positæ aut omiſſis hominis essentia neque turbetur neque per se promoveatur, non poterit etiam homo ratiocinando ipsarum determina-

K 2

tio-

ad §. 70. f) conf. disp. de crim. bigamia §. 12.

g) Hos maxime notandum contra Doct. Valent. Alberti, qui in Compendio suo Orthodoxo sæpius

quando probandum est, aliquid jure naturæ esse præceptum vel prohibitum, se officio suo satisfacisse arbitrat, si ex Gentilium aliquo Philosopho testimonium adducat.

AR

tionem cognoscere, sed promulgatione aliqua hic omnino fuit opus.

73. Voco autem *necessariam* actionis cum ratione *convenientiam*, quoties actio promouet per se pacem humani generis & tranquillitatem; *repugnantiam* vero, quoties actio istam tranquillitatem & pacem turbat.

74. Differentia ista aliter effertur à Scholasticis & variè quidem. *h*) Modo enim dicunt, ad jus naturale pertinere actus *per se ac suâ naturâ*, item *antecedenter ad voluntatem divinam honestas vel turpes*, ad jus positivum autem, actiones indifferentes.

75. Mo-

ad §. 74. *h*) Defendit potissimum has Scholasticorum locutiones Osiander in typo legis naturæ, & Zentgrafius de origine Juris Naturæ, item Valentinus Veltzem duabus disputationibus contra Pufendorffium. Origo earum apud Pontificios inde esse videtur, quod præsupposuerunt, Deum habere legem æternam, & hanc legem æternam esse scriptam in cordibus hominum, & esse typum legis naturæ, cognoscique ab homine per reliquias imaginis divinæ. Vel potius sic: quia legerunt hominem esse conditum ad imaginem Dei, & in statu integro etiam legi fuisse subiectum, putarunt, Deo etiam quandam legem competere debere, quoniam Deus quasi sit typus

hominis. Non ergo cogitarunt, omne simile esse etiam dissimile; omnem imaginem esse diversæ essentia ab ipsâ re, cujus est imago. Quærentes ergo, quam legem Deo accommodarent, cum Deo superiorem non inuenirent, abstraxerunt, & diuiserunt quasi attributa Dei, voluntatem & sanctitatem, dicendo, normam voluntatis Dei esse sanctitatem, & hanc esse quasi legem æternam. Hanc igitur legem æternam esse typum voluntatis humane &c. Ita vides, quomodo ex uno absurdo secuta fuerint plura, quod sensum imaginis divinæ non perceperint. In hoc enim potissimum inter Deum & ejus imaginem differentia consistit, quod Deus sit independens & ex lex, imago vero de-

pen-

75. Modo: *Obligationem in jure naturali ex objecto se diffundere in præceptum, in positivo ex præcepto se diffundere in objectum.*

76. Sed nihil horum satis commodè. Posses equidem actiones lege naturali determinatas dicere *per se honestas* aut *turpes intuitu immutabilitatis*. Jam verò ipsi tò *per se* antecederent ad legis naturalis determinationem usurpant.

77. Id verò cum contradictione dicunt, actus quosdam *suâ naturâ esse bonos vel turpes*. Scilicet in actione humanâ vel natura ejus considerari potest, vel moralitas seu respectus ad legem. Natura quatenus abstrahitur à circumstantiis moralibus; Moralitas, quatenus ad circumstantias morales reflexio habetur.

78. Includuntur vulgo circumstantiæ morales consveto versiculo: *Quis, quid, ubi, &c.*

79. Sed cave putes, ubi una vel altera harum circumstantiarum adest, ibi statim adesse circumstantiam moralem.

80. Sequeretur enim alias id absurdum, quod nulla actio possit in suâ naturâ considerari, cum omnis actio vel unam certè ex his circumstantiam involvat, i)

K 3

81. Igi-

pendens & legibus subjecta. Nostrates autem Theologi istam sententiam vel iadè retinuerunt, ut eo fortius contradicere possint quibusdam ex Reformatis statuentibus, Jus Naturale esse mutabile, v. g. Rhetor forti, Szydlowio &c. Vide Osiandrum & Zentgrafum

dd. ll. sed & id sine causâ, quia autoribus istis, etiam absque his ineptiis satisfieri potest.

ad §. 80. i) Hinc, ni fallor etiam à Scholasticis questio movetur, an existat actio citrà abstractionem absque circumstantiis moralibus? & ni fallor, quidam dicunt: non existere

81. Igitur circumstantiæ istæ tum demum morales dicuntur, quatenus propter istas lex aliquam actionem vel præcepit vel prohibuit.

82. Qui itaque actiones quasdam suâ naturâ honestas vel turpes dicit, ille quasdam actiones suâ naturâ morales dicit. At qui hoc dicit, revera dicit, quasdam actiones abstractas à circumstantiis moralibus, quâ abstractionem istam involvere circumstantias morales.

83. Porro honesta actio est, quæ à lege præcipitur, turpis, quæ à lege vetatur. Lex autem est voluntas legislatoris, & legum omnium fons est voluntas divina.

84. Rursus igitur, qui quosdam actus volunt antecedenter ad voluntatem divinam esse honestos vel turpes, volunt etiam actus quosdam ante legem esse à lege præceptos aut prohibitos.

85. Scio equidem distingui inter actiones honestas materialiter & formaliter consideratas; l) A nobis materialiter volunt esse descriptas, formaliter vero actiones honestas vel turpes esse eas, quæ conveniunt cum distamine rectæ rationis.

86. Sed scio etiam, distinctionem inter materiale & formale rebus moralibus applicatam, vel obscuram esse vel superfluam, plerumque ineptam; m) scio confundi hâc

istere, sed abstrahi saltem posse. Stultè, ita enim ex ipsorum mente nulum dari posset exemplum actionis indifferentis.

ad §. 85. l) Facit hoc Valent. Velthem passim.

ad §. 86. m) vide sis Velthemii

Usum Metaphysices, ubi plures significationes & Formaliter in secundam producit, & confer quæ contrâ has ineptias disserui in præfatione ad notas meas in Dissert. Strauchii.

n) vi.

hâc parte bonum qva utile est cum bono honesto;
 n) scio eos legem per dictamen rectæ rationis definire,
 o) adeoque in eadem contradictione manere, p) scio deni-
 que, Apostolum q) non ignorasse formale actionis tur-
 pis, qui peccatum definit, qv od sit aberratio à lege.

87. Denique qv ommodo sine contradictione poterit
obligatio se ex objecto diffundere in preceptum, cum obliga-
 tionis omnis efficacia consistat in reverentiâ & metu le-
 gislatoris. r)

88. Ergone omnes actiones sunt suâ naturâ indiffe-
 rentes? s) sunt utiqve, hoc est omnes actiones physicæ à
 circumstantiis moralibus abstractæ, nec præceptæ sunt
 nec prohibita.

89. Non erunt tamen, inqvies, suâ naturâ indiffe-
 rentes, v.g. blasphemia & furtum. Non sunt, inqvam
 ego, t) isti termini actionum suâ naturâ consideratarum.
 Involvit enim blasphemia conceptum proæreseos,
 qv od qvis verba qvædam in contumeliam divinam pro-
 tulerit; Involvit furtum conceptum contrectationis
 frau-

n) vide §. 92. & 93. hâc.

o) Hoc enim faciunt Scholastici
 communiter. Vide Osiandri Ty-
 pum legi. naturæ.

p) Si enim dantur actus antece-
 denter ad legem honesta, dabuntur
 actus convenientes cum dictamine
 rectæ rationis antecedenter ad hoc
 dictamen.

q) Johannem, qui peccatum de-
 finit: Peccatum est qv cqv id

est contra legem Dei. Didici-
 mus in compendio Hutteri.

ad §. 87. r) Ergo si obligatio se
 diffundit in preceptum ex objecto,
 erit reverentia & metus legis ante
 legem.

ad §. 88. s) uti statuebant vi-
 delicet Rhetorfortis & Szydlovius.

t) Ergo Rhetorfortis &
 Szydlovius statuunt etiam a-
 ctiones morales suâ naturâ esse
 in

fraudentæ. Atqvi ob has circumstantias blasphemia & furtum jam à lege æterna sunt prohibita.

90. Abstrahe ab istis circumstantiis, non erunt amplius actiones istæ turpes; sed nec erunt amplius istæ actiones blasphemia & furtum. Physica actio in blasphemiâ est prolatio verborum etiam blasphemorum; nam testis v. g. dum ea refert, blasphemiam non committit. Itain furto physica actio est extensio manus ad rem etiam alienam &c. u)

91. Ut itaque paucis me expediam: confundunt Scholaſtici *actionem suâ naturâ* id est physicè consideratam, cum *actione morali quoad suam naturam*, id est, moraliter consideratâ,

92. Sed tortè ipsi dum alios refutamus, sævimus in propria viscera. Annon perinde est, siue dicas, objectum legis naturæ esse actus suâ naturâ vel antecederet ad voluntatem divinam honestos vel turpes, siue dicas, esse actus necessariam connexionem aut repugnantiam cum natura hominis rationali habentes? Nam si statuiamus, Deum ob convenientiam & repugnantiam illam actus illos præcepisse aut prohibuisse, annon reipsa concedimus, actus istos ante voluntatem divinam esse honestos vel turpes: Annon fatemur, obligationem ex objecto venire in præceptum?

93. Sed

indifferentes, quod absurdum. vid.

§. 91.

um, vel qui cessantibus judiciis jus sibi dicit.

ad §. 91. x) Nam blasphemia est

ad §. 90. u) exemplo ejus, qui iussu magistratus exequitur jus su-

actio moralis suâ naturâ (id est, quâ moralis) illicita.

ad

93. Sed salva res est. Id ex assertione nostrâ quidem inferri potest, actus, qui juris naturalis objectum sunt, suâ naturâ esse *bonos vel malos*, y) honestos esse & turpes, non potest inferri. Damnum promovent, aut utilitatem humani generis actus isti, etiam si à voluntate divinâ abstrahas, at quamdiu in abstractione illâ manes, non sunt lege præcepti aut prohibiti, non, inquam, humanum genus ad quicquam obligant.

94. Ita certum est, medicamenta quædam ægrotis esse maximè utilia, cibos contrâ aliquos ipsis esse summè noxios. Medicamenta tamen ipsa vel cibi ægrotum ad nihil obligant, si à voluntate legislatoris abstrahas. Tolle legislatorem, & absque exceptione verum erit, quemlibet liberrimum suæ utilitatis esse moderatorem aut dispensatorem.

95. Eia, occines, lupum teneo auribus: dum vitant stulti vitia, in contraria currunt. Ergo secundum tuam opinionem: *Est ipsa utilitas justî prope mater & æqui; nec natura potest justo secernere iniquum*, z)

At qui hoc ipsum Carneades statuit, hoc Epicuri de grege porci inculcarunt, recoxit maximam partem Epicureus Hobbesius. Ergo jus naturale nullum est, nulla justitia, aut si est aliqua, summa erit stultitia, quoniam alienis commodis consulens, suis utilitatibus nocebit. Quid est, atheismi venenum insidiosè propinare, si hoc non est.

96. Non putamus autem eò impudentiæ aliquem

L

pro-

ad §. 93. y) Sunt ergo bona utilia & mala inutilia, non sunt bona & mala moralia.

ad §. 95. z) Horum hominum sententiam proponit Grotius in prolegomenis.

ad

processurum, ut nobis in ostendendâ ipsius juris & justitiæ naturalis existentia, & à reliquis juribus diversitate strenuè occupatis talia occinat. Præprimis cum diversissima sit *utilitas singulorum hominum*, quam præfati Philosophi fontem fecerunt juris universi, ab *utilitate totius humani generis*. Ut igitur pulcherrimè in republica utilitas publica norma est utilitatis privatæ, sic non minus convenienter in societate totius humani generis utilitas communis norma est utilitatis peculiaris. Paucis. Non omne quidem quod utile est, a) honestum est, omne tamen honestum est utile. b)

97. Itaque *lex naturalis est lex divina* c) *cordibus omnium hominum inscripta*, d) *obligans eosdem*, ut ea, quæ necessariò conveniunt *natura hominis rationali*, faciant, ea verò, quæ eidem repugnant, omittant. e)

98. Uti vero de hac convenientiâ cum natura hominis rationali prolixius dispiciemus in sequentibus, f) ita sua sponte fluit ex definitione nostra *Juris naturalis præcipua affectio*, *immutabilitas*, & *indispensabilitas*, g) quia nempe rationalitas hominis immutabilis est & indispensable, b)

99. No.

ad §. 96. a) scilicet *privatis*.
 b) *communi humano generi*.
 ad §. 97. c) vide suprà §. 4.
 d) vide §. 64. seqq.
 e) vide §. 71. seqq.
 ad §. 98. f) cap. videl. 4.
 g) Valet ergo hæc propositio:
Quicquid est Juris naturalis, id est
indispensabile. Non vero: Quic-

quid non est dispensatum, id est juris Naturæ. Tetigi hanc falsam propositionem occasione polygamie muliebris in disput. de crim. bigam.

h) Item quia *socialitas*. Im enim exponemus *rationalitatem* capite 4.

ad

99. Notæ quidem sunt in vulgus variæ objectiones, potissimum intuitu dispensabilitatis, de ablatione vasorum argenteorum Ægyptiacorum à Deo Israelitis præceptâ, de occisione Isaaci, de mendacio obstetricum Ægyptiacarum &c. i) ad quas tollendas J Cti 7) varias & infinitas terè excogitarunt distinctiones, quibus omnibus opus non est, cum planè nulla dispensatio ibi intercesserit, sed actus isti à Deo præcepti vel commendati non fuerint furtum, homicidium, mendacium, à Jure Naturali prohibita, adeoque confunditur à dissentientibus mutatio objecti cum mutatione legis.

100. Quod si verò urgere velis, eo ipso quod isti actus non sint furtum, homicidium &c. dispensasse Deum circa jus naturæ, cum dispensatio sit declaratio superioris, quod actus ad legem non pertineat. m) responderem: misceri ita interpretationem restrictivam cum dispensatione quod suprà præcavimus.

101. Poterit *lex Naturalis* non incommodè *dividi* intuitu societatum humanarum naturalium. Nam alia præcepta ejus dirigunt *societatem communem omnium hominum* viventium inter se in statu naturali, seu ut suprà diximus, in statu æqualitatis, quæ hodiè introductis rebus publicis dicitur *societas Gentium*, alia dirigunt *offi-*

L 2

cia

ad §. 99. i) de idololatriâ Namanis, de scortatione Prophetæ generando filios scortationis, adde de polygamiâ, divortio, incestu &c.

1) vide Hahn. ad Wesenb. de

Iust. & Jure. Frantzk. in Exercit.

ad §. 100. m) ita statuit Dn. Beckmannus. Vide suprà cap. 1. §. 79.

80.

ad

cia hominum viventium *in civitate & societatibus sub civitate comprehensis, puta domesticis.*

102. *Illud communiter appellari solet Jus Gentium. Posses adeò hoc distinctionis gratia nominare Jus Naturæ le strictè dictum,*

103. Supponitur alias *Juris Gentium* vox modis variis; vel 1. pro attributo personæ seu facultate, quam gentes naturâ permittente exercent, 2. pro moribus n) plurium gentium, quando nempe jure suo unanimiter & eodem modo uti solent. Ita dominia, bella, servitutes, contractus &c. dicuntur juris Gentium. 3. pro lege, o) & quidem vel pro lege *naturali* in genere, quoniam nimirum id obligat omnes gentes, vel 4. pro jure *Civili* multarum Gentium, p) (huc spectant privatorum modi acquirendi, qui juris Gentium dicuntur,) vel 5. *jure Gentium propriè dicto*, quâ denotat legem officia Gentium inter se quâ sunt Gentes, concernentem. q)

104. Facile autem patet, in controversiâ: *Utrum jus Gentium sit species juris divini, an humani?* ultimum significatum attendi debere. Quod si observaveris, facile poteris respondere iis, qui cum Grotio *Jus Gentium speciem juris voluntarii & quidem humani* faciunt. Illi enim vel mores Gentium, vel jus pro attributo personæ sumtum inculcant.

105. Sum-

ad §. 103. n) Ita Imperator dicit: *Dominia, bella, servitutes, contractus esse Juris Gentium. Nam spectant hæc exempla ad utramque significationem.*

o) Ita Imperator §. I. de J. N. G. & C.

p) ut *Jus Justinianicum* in ditionibus Europæis.

q) v. g. *huc pertinet Jus legationum seu potius inviolabilitas legati.*

ad

105. Summa eò reedit: Gentes inter se pares sunt, nec inter homines superiorem agnoscunt. Ergo lege humanâ obligari nequeunt.

106. At, inquis, r) obligantur lege pacti, obligantur voluntate propriâ. Sed regero: s) Pactum non est lex, neque pactum obligat, sed quandoque lex intercedente pacto. Diximus jam supra.

107. Qvinimò Gentes (omnes) inter se nec pacto obligantur. Ubi enim & quando pactum ejusmodi fuit conditum?

108. Neque poteris in subsidium vocare pactum tacitum, quasi gentes ex imitatione & continuato ac propagato usu actionum à paucis initio susceptarum se tacite obligaverint. Nam ejusmodi universalem & continuatam imitationem nego. Nego solam imitationem inferre pactum tacitum. t)

109. Sed fortè mores utentium illo jure facient, ut Jus Gentium sit jus non scriptum. Fortè verò id non producent. Jus non scriptum extrà civitatem non est. Consuetudo enim jus est ob tacitam principis approbationem, quæ si deficiat, consuetudo dicitur facti. At tacita principis approbatio inter Gentes ubi?

L 3

110. Di-

ad §. 106. r) Hæc & sequentia disputantur contrà Rachelium in disp. de Jure Gentium. Vide nostram disput. de crimin. bigamiz.

s) Addo: Quicumque ex pacto obligatur, jure naturali vel civili obligatur, prout pactum à jure na-

turali vel civili est corroboratum.

ad §. 108. t) Quod si ad pactum præsumtum velis recurrere, nego pactum præsumtum esse pactum propriè dictum. Vide infra caput de officio paciscentium §. 24. seqq.

ad

110. Dividunt ulterius Scholaſtici præcepta *juris naturalis in affirmativa & negativa*. Res intellectu facilis, & in omni lege procedit, sed usus hujus distinctionis est exiguus.

111. Sed, inquit Scholaſticus, usus se exerit haud contemnendus. Præcepta affirmativa obligant *semper, negativa semper & ad semper, u)*

112. Ego vero: Rebarete fari scio, sed fabare nescio. Loquamur ut unus intelligat alterum.

113. Utraque præcepta *semper* obligant, id est sunt æternæ veritatis. Sed affirmativa non obligant *ad semper*, id est non obligant omnes homines, nec omni momento v. g. cole parentes. da eleemosynas, &c. Negativa vero omnes & omni tempore obligant, e. g. neminem læde.

114. Annon itaque præceptum: *superiori pare, bonè vive, suum cuique tribue* obligant omnes & omni momento? An lex: *non committe crimen læsæ majestatis* omnes homines & v. g. ipsos principes obligat?

115. Vides effectus istos ab affirmatione vel negatione non dependere, sed aliunde esse arcessendos, scilicet leges naturales vel inculcant officia hominum in quacunque societate viventium, vel ad officia pertinent singularum societatum peculiaris. x) Item: homo uno eodemque momento potest vel mille actus diversissimos

ad §. III. u) Conf. Ziegl. ad
Grot. II. 16. 29, p. m. 395.
ad §. 115. x) Illa sive sint affir-

mantia sive negantia, omnes homines obligant, hac illos saltem, ad quorum statum pertinent.

y) Un-

mos omittre, actus diversos eosque speciales uno plures commodè agere nequit. y)

116. Hæ sunt istæ subtilitates, quas quis sine dictis elegantiarum flosculis capere potest. Præterea in eo putamus adæquatam hujus distinctionis esse usum; quod præcepta specialia Juris divini *affirmativa* semper *exceptionem summa necessitatis* habeant, *negativa non ita*. Res patebit ex dicendis suo loco. x)

117. *Lex divina positiva est lex divina, hominibus per revelationem divinam publicata, ea qua necessariam connexionem cum hominis natura rationali non habent, determinans.*

118. Hinc patet, quod lex hæc divina & mutabilis sit & dispensabilis, sed à Deo saltem, non à Papa, a) nec quocunque Principe. Propterea tamen voluntas Dei haud est mutabilis. b)

119. Dividitur lex positiva in *universalem & particularem*. De posteriori non est dubium, prioris tamen *existentiam* sunt qui negant, sunt qui affirmant. c) Nos, si cum

y) Unde non omnia præcepta *affirmativa specialia* obligant omni momento, sed *generalia saltem*.

ad §. 116. z) in capite de officiis hominis erga seipsum §. 143. seq.

ad §. 118. a) quod & ex Pontificis nonnulli agnoscunt, præsertim Galli.

b) Deus enim ab æterno hanc mutationem voluit.

ad §. 119. c) Vide omnino di-

spat. de crimine bigamiæ §. 16.

Novissimè, non dari jus divinum positivum universale, defendere voluit Hieron. Brucknerus in Proëm.

ad decis. Jur. matrim. controversi n. 38. seqq. Sed cum iste auctor saltem contrà Huberum pugnet, & rationes nostras planè non tangat, præterea etiam in d. proëm. n. 7.

(ubi jus naturale propriè dictum definit, quod sit dictamen rectæ rationis de naturâ justis agen-

si cum pace Scholasticorum fieri poterit, putamus quæstioni an? præmittendam esse quæstionem quid sit? d)

120. Legem *universalem* dicimus intuitu totius humani generis, *particularem* in respectu ad certum populum. Dupliciter tamen denominatio ista supponi potest, vel in relatione ad *publicationem*, vel in relatione ad *obligationem*. Uterque significatus eqvidem hûc spectat, primariò tamen *publicatio*.

121. Ergo *Lex divina positiva universalis est, quæ publicata fuit omnibus hominibus, vel certè personis totum genus humanum representantibus. Particularis est, quæ lata fuit populo Judaico.*

122. Universalem hanc confidentius nimis Adamo & Noacho datam esse, non solum affirmant Judæi, sed & determinant planè, e) falsa pro more miscentes veris,

agendis, & naturâ injustis vitandis) perspicuè ostendat, quod perspicuum & distinctum conceptum juris naturæ non habuerit, sine quo tamen quæstio præsens eruditè resolvi non potest; ac denique in toto tractatu sine ullo genuino fundamento posito, (quod absque contumeliâ viri jam defuncti dictum sit) infinitas assertiones falsissimas & variantes, ut & in disputatione præsentē contrà Huberum defendere voluerit, non opus videtur in ejus refutatione nos detinere, cum non possimus disputare adversus eum, qui certum aliquod &

distinctum disputationis sue fundamentum nullum habet.

d) Distingve inter res & cogitationes de rebus. Si de illis agatur, præmittenda est quæstio an sit? si de his, quæstio quid sit?

ad §. 122. e) Sex Adamo datas volunt, 1. de cavendâ Idololatriâ, 2. de cultu Dei, 3. de effusione sanguinis, 4. de non revelandâ turpitudine, 5. de rapinâ, 6. de judiciis, quibus superadditam Noacho dicunt 7mam de membro animalis vivi non comedendo. Vide iterum disput. de crim. bigam. §. 18.

f) de

veris, jusque naturale positivo cumulantibus ex traditionibus potissimum Rabbiorum suorum, quorum sententiam fusius peculiari opere exposuit honos Britanniae Seldenus. f)

123. Nos traditionibus istis sepositis solam scripturam intuentes, mediâque adeò incedentes viâ, negare non possumus dari ejusmodi leges. Nam non solum Adamo præceptum de arbore vetita datum fuit, & de polygamiâ ac divortio vitandis in primævâ conjugii institutione, sed & Noacho inculcatum fuit de puniendo capitaliter homicida, & vitando esu sanguinis &c.

124. Pertinere autem istas leges ad positivas exinde constat, quia illi actus non habent necessariam connexionem cum naturâ hominis rationali.

125. *Species hujus legis positivæ recensebimus suo loco. Id saltem prænotetur. Leges has positivas vel dirigere officium hominis circa cultum Dei, vel circa alios homines. Illæ immediate g) intendunt beatitudinem æternam. Hæ immediate temporalem.*

126. *Lex divina particularis est vel ceremonialis vel forensis. Illa respicit ordinationes circa cultum divinum, hæc in specie decisiones causarum forensium inter Judæos. In Lege forensi Deus intendit peculiarem utilita-*

M

tem

f) de J. N. & G. secundum disciplinam Hebræorum, de quo opere & collatione ejus cum Grotii libris de J. B. & P. dictum.

ad §. 125. g) Nota: aliud est immediate, aliud primariò. Non hæc

quærimus, utrum Deus in legibus circa alios homines primario respiciat beatitudinem æternam, sed an Immediate? Conf. §. 134. & dissert. proæm. §. 49.

ad

tem temporalem populi Judaici, in ceremoniali beatitudinem æternam totius generis humani.

127. *Lex Forensis* extincta fuit extinctâ Republicâ Judaicâ & dispersis Judæis per totum terrarum orbem. *Cereemonialis* expiravit adventu Christi, qui ad eò impletâ prius lege, nova sacramenta novumque cultum religiosum vel ipse vel per Apostolos introduxit, æqvè *b)* obligantem omnes homines, ac olim lex Judaica, ut diximus, intendebat, de quo eo minus est dubium, quò magis hîc Apostoli fuerunt jussi, ut prædicarent Evangelium universis populis.

128. Non tamen propterea dicendus est Christus novus legislator, *i)* quoniam, qui hâc phrasi utuntur, intelligunt, ac si Christus etiam in illis præceptis, quæ officia hominum inter se concernunt, aliquid immutaverit, & perfectiorem obedientiam à Christianis in novo testamento exegerit, quod uti apertè satis infinitam Dei Patris sapientiam impugnat; ita latius refutatur à Dominis Theologis. *l)*

129. An ergo *legis Mosaica* particularis & potissimum forensis hodiè nullus restat *usus*? *Triplicem* eum facit Grotius. *Unum*: Ostendi ea, quæ a legibus istis præcepta

ad §. 127. b) Imò etiam magis. Nam olim non omnes Proselyti obligati erant, ut observarent leges ceremoniales, vel certè non omnes. At hodiè omnes homines religionis Christianæ capita omnia debent observare.

ad §. 128. i) qui error Grotii cum Sociniani non est infrequens.

1) Recensita interim responsio conjuncta ad objectiones ex Matthæo: Audivistis dictum esse &c. Ego autem dico vobis &c.

ad

cepta sunt, non esse contra jus Naturæ: *Alterum*: Licere nunc Magistratibus Christianis ejus sensus leges ferre, cujus sunt Leges per Moysen datæ; nisi fortè sint Cere- moniales, aut Christus contrarium disposuerit: *Tertium*; quicquid ad eas virtutes pertinet, quas Christus à suis discipulis exigit, lege Moysis præceptum est, id nunc etiam, si non & amplius à Christianis præstandum.

130. Hic primum usum admittimus. Quæ verò in secundo & tertio usu à Grotio de Christo novo legis- latore admiscuntur, jam rejecimus. Præter id negamus etiam in reliquis universaliter procedere secundum u- sum Grotii quoad leges forenses. Nam in iis Deus uti- litatem Reip. Judaicæ respexit. At Magistratum Chri- stianorum singuli suarum rerum publicarum utilitatem præ oculis habere debent, quæ ab utilitate Reip. Judaicæ poterit esse diversa.

131. E. g. Lex Forensis furtum restitutione dupli vel quadrupli punit. Sufficiebat hoc ad coercenda fur- ta in populo Judaico. *m*) Ergo & si in aliquâ Rep. hæ pœ- næ sint sufficientes, benè facit princeps, si illas usurpet; quod si finem suum nequaquam obtineant, sed nihilo- minus furta multiplicentur, peccat princeps, si crescen- tibus delictis non simul pœnas crescere procuret. *n*)

132. Illi verò planè falluntur, qui putant legem divi- nam forensi normam præscribere principibus, secun- dum quam & ipsi Leges in Rebus publicis suis formare debeant, ita ut peccent, si præter aut contra illas aliquid

M 2

dispo-

ad §. 131. *m*) Non enim ibi erant
pauperes & otiosi.

n) Nam pœna imitatur medici-
nam.

ad

disponant, & ex istâ hypothesi v.g. suspendium furum impugnant. o)

133. Paret jam ex divisione legum divinarum, quod *Jurisprudentia divina* pro objecto habeat *legem naturalem*, & ex *divinis positivis universalibus* illas, quæ officia hominum erga alios homines concernunt.

134. Nam hæ leges, ut & *lex naturalis* salutem hominis & *tranquillitatem temporalem*, non dicam principaliter, sed immediatè tamen intendunt.

135. Conformem arbitramur hanc doctrinam praxi communip) in territoriis Principum protestantium, ut & apud nos observationi Consistoriorum, & Constitutionibus principalibus desuper editis.

136. Poterit adeò & hoc legum positivarum respectu *Jurisprudentia nostra Christiana* appellari, quoniam non saltem objectum demonstrationis hinc ex scripturâ sacrâ præsupponitur, sed & primum demonstrationis principium q) ex revelatione desumitur, quod reliquæ *Jurisprudentiæ partes*, *Medicina* item & *Philosophia* non faciunt.

137. Unde & *Jurisprudentia à Theologia* ex parte quidem objecto, adæquatè tamen *sine* differt. Scilicet *leges humanas* sola sibi vindicat *Jurisprudentia*, quia hæ in salute hominis temporali acquiescunt. *Præcepta religionis* pertinent

ad §. 132. o) Dictum & de alterâ objectione, quod suspendium non habeat proportionem ad res ablatas.

ad §. 135. p) exposui dicta hu-

jus §. latius in differt. Proæm. §. 50.

ad §. 136. q) conf. suprâ §. 15. 16. seq.

ad

tinent ad Dominos *Theologos*, r) & doctrina, quæ hæc inculcat, *Theologia strictè dicta* nomine venit, quæ credenda explicat.

138. *Leges verò divinæ de officiis hominum erga homines disponentes Theologis & Jctis sunt communes*; illis; quatenus & ipsæ ex intentione s) Legislatoris subordinantur salutis æternæ, aut, quatenus sine lege Evangelium t) non poterit commodè explicari; his; quatenus in iis Deus immediatè respexit tranquillitatem & decorum ordinem hujus vitæ,

139. Atque hinc est etiam, quod Domini Theologi, dum hæc præcepta seorsim exponunt, tractatus suos non Theologiæ, sed in specie *Theologia moralis*, quæ faciendæ explicat, nomine insigniunt.

140. Inter quam & *Jurisprudentiam divinam* posses etiam istam ponere differentiam. *Theologia moralis* Legem moralem omnes homines obligantem sine distinctione legis naturalis & positivæ universalis inculcat, u) & fundamentum adeò demonstrationis suæ utrobique ponit scripturam sacram, unde & communiter Theologi morales legem moralem & naturalem synonymice usurpant. Sed *Jurisprudentia divina* legem naturalem à divina separat, illam quidem secundum doctrinam A-

M 3

posto-

ad §. 137. r) Ita tamen, ut & hic inspectio non quidem Jctis sed Principibus tamen sit relinquenda.

gis non possumus consequi salutem æternam.

t) tollit enim Evangelium vim legis.

ad §. 138. s) Aliud in executione, quoniam per observationem le-

ad §. 140. u) Fit hoc communiter.

x) e.g.

postoli ex dictaminerectæ rationis demonstrans, hanc vero ex solâ revelatione petens; quæ distinctio infinitum usum præbet in difficillimis aliàs controversiis, de obligatione principis intuitu ejusmodi præceptorum, & potestate ejus dispensandi aut legislatoria &c x)

141. Recte igitur *Jurisprudentia divina* dividetur in *naturalem* & *divinam positivam universalem officia hominum inter se inculcantem*, quam posteriorem in posterum compendii gratiâ *divinam* absolutè, & *leges*, circa quas occupata est, *divinas simpliciter appellabimus*. Dabimus vero operam, ut, quod hætenus non fuit præstitum, y) duas istas species, non quidem seorsim consideremus, sed in singulis tamen capitibus accurate secer-namus.

x) e. g. an princeps possit viduam fratris sui ducere, circa polygamiam, pœnam homicidii &c. dispensare, aliam pœnam homicidio, adulterio dictare quam capitalem? Ubi semper confuse procedunt illi, qui legem moralem & naturalem habent pro Synonymis.

y) Nam ex Scholasticis nemo id fecit. Grotius quidem autor est huj9

distinctionis, sed tamen non ubique observat, fortè quia discrimen juris naturalis & positivi universalis, seu prima utriusque principia non bene inquisivit. Nec ipse Dn. Pufendorfius hac distinguit semper, sed multa qua lege positivâ prohibita sunt, defendit jure naturali prohibita esse, fortè ne ita graviter crabrones irritaret.

CAPVT III.

De Interpretatione legum diuinarum in genere, & de principijs practicis.

SUMMARIA.

Connexio §. 1. 2. Interpretatio definitur §. 3. dividitur intuitu obiecti §. 4. 5. Omnis interpretatio nititur primis principiis §. 6. Quid sint prima principia? §. 7. 8. Sunt vel Theoretica vel Practica. §. 9. Practica communiter neglecta §. 10. 11. Sex Præsupposita in hac doctrinâ §. 12. 17. Primum principium Theoreticum §. 18. Fontes primi principii Practici §. 19. 22. quod subordinatur Theoretico & ex eo debet demonstrari §. 23. 33. Est hoc primum principium Practicum: Imperanti pare §. 34. 39. & est obiectum Jurisprudentiæ in genere. §. 40. Jurisprudentiæ diuinæ primum principium est: Deo pare §. 41. 46. Probatum esse Deum §. 47. 48. Ignoramus quid sit Deus? §. 49. 53. Scholasticorum vis perfectionis & negationis non magni momenti §. 54. 65. ut nec eorum Pneumatica §. 66. 67. 68. Licet tamen ex naturâ cognoscere, quod Deus imperet homini §. 69. 77. ubi monstratur, Animal rationale non posse esse sine lege §. 78. 86. Qui hoc principium negant, sunt Athei, quorum varia genera §. 87. 92.

§. 1.

Quævis Jurisprudentia leges interpretari docet & applicare. Hæc enim sunt media, ad tranquillitatem communem introducendam facientia. Unde si doctrinam mediorum omitteret Jurisprudentia, & in dictis subsisteret, prudentiæ nomen non mereretur, a)

2. Por-

ad §. 1. a) Exemplo Philosophiæ | Etinam mediorum negligit. Vid. B.
Prædictæ Aristotelicorum, quæ do- | Patris Tab. ult. Phil. Pract. ad

2. Porro interpretatio applicationem ordine doctrinæ debet præcedere. *b)*

3. Est vero interpretatio expositio voluntatis *c)* aliena *d)* dubia. Nam interpretatio quæ Authentica dicitur, propriè interpretatio non est, sed vel nova lex, vel novum pactum. *e)* Certe ea huc non spectat. *f)*

4. Voluntas autem illa est vel superioris vel paris. Unde interpretatio est vel legum vel pactorum, item testamentorum, meditationum, &c. *g)*

5. Leges vero vel sunt cordibus hominum inscriptæ, vel per revelationem publicata. Ibi interpretatio demonstrationibus utitur. Hic conjecturis seu argumentis probabilibus.

6. Utraque interpretatio *b)* nititur *i)* certis regulis & axiomatis à primis principiis dependentibus.

7. Sunt

ad §. 2. *b)* Non enim possum legem applicare quam non intelligo.

ad §. 3. *c)* Unde differt à scientiâ & doctrinâ in genere, quæ naturæ rerum exponit.

d) Si hæc vox omittatur, comprehendit sub se interpretationem authenticam.

e) Dicitur tamen grammaticè interpretatio, quia priorem voluntatem dubiam declarat.

f) Nam si maximè interpretationem authenticam ad species interpretationis referre velis, non tamen pertinet ad Jurisprudentiam judicalem quam nos consideramus,

sed legislatoriam.

ad §. 4. *g)* Priores tres pertinent ad Jctos, ultima ad Criticos. Et quidem legum & pactorum etiam ad Jurisprudentiam divinam, testamentorū ad humanam, quamvis ex iisdem dependeant principiis.

ad §. 6. *h)* Etiam conjecturales. Nam etsi conjecturæ saltem probabiliter inferant, presupponunt tamen demonstrativa axiomata, v. g. Quicquid Deus vult, est faciendum.

i) non quasi semper deducatur per modum confusionis ex præmissis

7. Sunt autem *prima principia* propositiones ab intellectu formatæ, ultra quas intellectus ascendere in demonstrationibus non potest.

8. Cum enim intellectus hominis sit finitus, non potest in demonstrationibus adscendere in infinitum, sed necesse est, ut aliquando subsistat. l)

9. Pro diversitate autem habituum intellectualium Theoreticorum & Practicorum *Principia prima* divisa sunt in *Theoretica* & *Practica*.

10. De Theoreticis multiscribere multa. m) Practica vel planè fuerunt neglecta, vel confuse tradita, n) vel magna contentione adhuc dum excutuntur. o)

11. Nos, quorum post gloriam Dei solum veritatis studium scopus est, sepositis affectibus & autoritatibus, rem nude, ut est, speculabimur, nullius affectantes gratiam, quoniam nullius vestigia p) pressio pede sumus calcaturi, nullius etiam odium timentes, quia eos, a quibus

N

bus

sis demonstrativis. Nam si præmissa certa sunt, conclusio etiam est certa, sed sufficit hic, si modo major sit certa: Ita in Legis positiva interpretatione ita v. g. proceditur: Quicquid Deus jubet, id est faciendum. (Hac propositio est certa.) Atqui Deus jubet abstinere à polygamia, (Hic conjecturis opus est) E.

ad §. 8. l) Causa finita non potest producere effectum infinitum.

ad §. 9. m) potissimum illi, qui intelligentiam seu neologiam scri-

pserunt, ut Calovius, cujus liber prolixus nil nisi ineptias Scholasticorum continet.

n) Calovius, ni fallor, ultra decem principia practica refert, ut de Velibemio jam nihil dicam.

o) Dum nempe controversia est de fundamentali propositione Juris nature.

ad §. 11. p) Ac ne quidem ipsius Dn. Pufendorffii, cujus hypotesin de socialitate quamvis defendam, in eo tamen ab eo, quod præsupponam

aliud

bus hic dissentiemus, tacebimus, neque aculeis pugnabimus, sed rationibus.

12. Res vero paulo altius est repetenda. Præsuppono I. *Intellectum*, quocunque modo q) eum definias, *esse ens unum*, intellectumque Theoreticum & Practicum non realiter differre. r)

13. II. Intellectus noster vel contemplatur *rerum essentiam*, seu naturam, seu habitudinem, seu accidentia, seu quocunque modo id efferre velis, in genere, vel contemplatur in specie *actiones proprias*. s)

14. III. Res omnes à se quidem *distincta* sunt, sed cum tanta harmonia, ut nullum ens sit, quod non cum altero *conveniat* in aliquo tertio. t)

15. IV. Ergo intellectus, dum rerum naturam contemplatur, vel contemplatur earum *convenientiam* cum aliis, vel *differentiam*, u)

16. V.

aliud Principium practicum prius. Quamvis huc ipse Dn. Pufendorffius inclinaverit, ubi respondet ad objectiones, quod officia hominis erga Deum ex socialitate deduci nequeant. Certè rem distinctius ut puto, & methodo magis perspicua proposui.

ad §. 12. q) seu per actum, seu per facultatem.

r) Unde infra deducemus unum dari principium primò primum, non duo.

ad §. 13. s) Posterior contemplatio etiam continetur sub priori. Hac

observatio est fundamentum distinctionis in intellectum Theoreticum & Practicum. Theoreticus contemplatur rerum omnium essentias. Practicus in specie essentiam legis & actionum humanarum, harumque ad se habitudinem.

ad §. 14. t) Ratio hujus fortè in eo est, quod una res ex altera facta. Chaos erat initio. Inde facta cælum & terra. Ex terra plantæ, animalia, homo, ex aqua pisces &c.

ad §. 15. u) Unde & omnis definitio hunc duplicem conceptum involvit, convenientiam in genere, discon-

16. V. Qui convenientias rerum elicere aptus est, ingenio pollere dicitur, qui autem differentias accurate discernit, iudicio gaudet. x)

17. VI. Porro intellectus essentiam rerum & naturam contemplando, vel ita concipit, prout revera sunt, vel eas inter se componit fictione aliquâ, ut non sunt. y) Atque hic actus intellectus phantasia dicitur.

18. Hæc omnia, quæ hactenus recensuimus, inter se comparando, z) summa propositio & prima ipsi nascitur. h. e. ad quam reliquæ omnes possunt referri, ipsa autem est indemonstrabilis. Quodlibet est vel non est: a) seu:

N 2

Im-

disconvenientie in differentiâ specificâ.

ad §. 16. x) Iudicium melius est ingenio. Mulieres ferè magis pol-
lent ingenio, mares iudicio.

ad §. 17. y) e. g. formandi chimæ-
rarum. Videtur tamen adden-
dum; esse tamen possunt. Nam
quando componit res quæ esse non
possunt, reverà nihil concipit, v. g.
homo irrationalis, ferreum lignum.
Unde puto, ens rationis impossibile,
quod vocant Scholastici, non esse
ens rationis sed ens stultitiæ. Porro
videtur exinde sequi, quod forma-
tio entis rationis consequatur
cognitionem entis realis, quia com-
ponitur ex abstractionibus ab ente
reali formatis.

ad §. 18. z) Si existentiam respi-

cias, fuit hoc ex §. 17. Quodlibet
enim vel existit vel non existit. Si
habitudinem & differentiam unius
rei ad aliam: Quodlibet est (v. g.
rationale) vel non est. (rationale)
Hic respicitur habitudo ad homi-
nem & ita in reliquis omnibus. In
primâ expositione supponitur est
secundi, in secundâ est tertii adje-
cti. In primâ comparatur ens cum
ente rationis, in secundâ ens cum
alio ente.

a) In introductione Germanicâ
ad Logicam primum principium
theoreticum aliter explicui. Hoc
potius postulatum, quam principi-
um est. Ex eo enim non tam veri-
tates eliciuntur & subsumuntur
sub eo, quam falsitates ad id colli-
duntur.

b) Quo-

Impossibile est idem simul esse & non esse; seu deniq; b) Contradictoria non possunt simul esse vera. Hæc enim omnia eodem recidunt. Atque hoc communiter appellari solet primum principium theoreticum.

19. Deprehendit autem homo inter res contemplabiles etiam seipsum, atque dum suam naturam contemplatur, videt se non speculandi saltem sed & agendi gratiâ esse creatum. c)

20. Dum vero actiones suas cum essentiâ suâ confert, videt, quod sua natura non admittat, ut sit exlex d) & actiones suas sine normâ quâdam instituat.

21. Unde nascitur ipsi definitio legis. e) Simul vero conceptus Imperantis, f) conceptus obligationis, g) utpote qui in definitione legis involvuntur.

22. Leges autem cum deprehendit varias, & has inter se comparat, ac earum differentias quærit. b) Summa igitur harum contemplationum, seu quænam sit prima lex, & ad quam reliquæ omnes referri debeant, vocatur *primum principium Practicum*, i)

23. Ex

b) Quocunque enim modo hoc principium explices secundum ductum lit. 2) poteris applicare duplicem hanc expositionem.

ad §. 19. c) Monstrat hoc corpus animæ junctum. Si enim homo speculationis gratiâ, quid opus membris corporis. Membra externa potissimum concessa est ab locomotivâ. Actiones exteriores au-

tem in locomotivâ consistunt. Ergo. Deus enim & natura nihil faciunt frustra.

ad §. 20. d) Demonstrat hoc infra §. 78. seq.

ad §. 21. e) Suprà cap. I. §. 28.

f) adde cap. I. §. 115.

g) supra cap. I. §. 134. seq.

ad §. 22. h) per §. 15.

i) & rectè ob modo dicta, quia est summa legum. Puta autem Scho-

23. Ex dictis patet: *primum principium Practicum non esse absolute primum, sed subordinari primo principio theoretico.*

24. Theoreticum enim est summa contemplationum omnium de rerum essentiis & natura. Practicum in specie de unius rei, legis nimirum, essentia. Species verò continetur /) sub genere.

25. Adeoque m) Practicum jam præsupponit cognitionem variarum rerum, & inter eas potissimum hominis & actionum n) humanarum, ergo & præsupponit principium theoreticum.

26. Falluntur itaque, qui putant o) primum principium practicum non esse subordinatum theoretico.

27. Nam sequeretur exinde, p) falsum esse principium theoreticum, si daretur aliquid in intellectu meo, quod neque sit neque non sit.

N 3

28. Ad-

Scholasticos & vel ipsum Velthe-
mium (quem vide ad l. i. Grot.
p. 260. seq.) summam omnium
legum vocare primum principium
practicum, ideoque in definitione
nobiscum convenire.

ad §. 24. l) imò & subordina-
tur quoad cognitionem generi.
Nescio quid sit animal rationale,
nisi prius sciam, quid sit animal:
Nescio quid sit corpus vivum, nisi
prius sciam quid sit corpus. Probo
sententiam meam ulterius ex me-
thodo ipsorum Peripateticorum,
quæ tractant disciplinas, Logicam,

Physicam, Metaphysicam. Agunt
prius de Syllogismo, corpore, ente in
genere, tum de speciebus.

ad §. 25. m) id est, quia Practi-
cum est synopsis legum.

n) Nam lex est norma hominis
& actionum ejus.

ad §. 26. o) Hoc facit ineptiens
Velthemius ad Grotium l. i. c. i.
qv. 4. p. m. 258. seqq. cujus locus
integer prælectus & brevissimis stri-
cturis notatus fuit.

ad §. 27. p) Nam si principium
Practicum non comprehenditur
sub

28. Adeoque qui id docent, negant reverà q) primum principium intellectus.

29. Aut ex intellectu hominis faciunt r) duo distincta entia.

30. Non adducam, quod ipsi fateantur, s) contra negantem prima principia non esse disputandum, quod in principio primo theoretico lubentes admittimus. Nemo enim id negabit facile, si homo est, & ne rusticus quidem.

31. At si idem assumamus in primo principio pratico, non evademus controversiam, cum de eo dissentiant inter se viri summè eruditi, singuli suis affectis stipati.

32. Qui si omnes sibi mutuo occinerent, contra negantem principia non esse disputandum, nisi fortè, ut addi solet, t) verberibus, oriretur profectò bellum, si non omnium contra omnes, certè plerorumque inter se eruditorum.

33. Igitur primum principium practicum ex theoretico debet immediatè demonstrari. u)

34. Id

sub theoretico, sequitur, quod datur aliquid, quod neque sit neque non sit.

ad §. 28. q) per §. præced.

ad §. 29. r) quasi nempe in intellectu Theoretico principium Theoreticum sit primò primum, in practico Practicum. Contrarium autem jam præsupposuimus §. 13.

ad §. 30. s) Vide Velthem. p.

271. seqq.

ad §. 32. t) Hec est iterum philosophia heroica Velthemii p. 272.

ad §. 33. u) Demonstratur verò quid ex primo principio practico, si predicatum fuit ex definitione subiecti in propositione vel alterius termini, etsi ibi virtualiter lateat.

Vide dicenda ad §. 35.

ad

34. Id vero cum pace omnium x) duobus verbis
 efferre licebit: IMPERANTI PARE.

35. Demonstro y) id i. ex *definitione Imperantis*. Im-
 perans est, qui habet facultatem alterum obligandi.
 Quod si vero ei non sit parendum, hanc facultatem non
 haberet: Impossibile autem est idem simul esse & non
 esse.

36. 2. Ex *definitione Legis*. Lex est iussus imperantis
 obligans subiectos &c. Igitur si imperanti non esset pa-
 rendum, lex non esset lex.

37. 3. Ex *definitione obligationis*, quam supra z) ex-
 posuimus, quæ & ipsa non esset obligatio, si imperanti non
 foret parendum.

38. Meretur tamen hoc axioma nomen *primi* prin-
 cipii Practici, tum quia omnes leges speciales eò referri
 possunt, quod facile probatur per inductionem: a)

39. Tum

ad §. 34. x) Nescio enim, an ul-
 lus hoc principium ponat. Com-
 muniter enim disputantes de fun-
 damentali propositione juris natu-
 ræ, confundunt primum principium
 Practicum cum primo principio ju-
 ris naturalis, quæ duo tamen diffe-
 runt, cum posterius prior sit subor-
 dinatum, ut patet ex sequentibus.

ad §. 35. y) Repete dicta ex §. 33.
 Propositio hæc est. Summa Le-
 gum omnium est: Imperanti pa-
 re: Hic demonstratio fit ex defini-

tione imperantis & legis, qui termini
 expressi sunt in propositione. Obli-
 gationis terminus latet in voce
 legis, quia ingreditur legis defini-
 tionem.

ad §. 37. z) §. 134. seq. cap. 1.

ad §. 38. a) Summa legum divi-
 narum est: Deo pare, ut docetur
 in sequentibus: Humanarum: Ma-
 jestati, Magistratui Patrifamilias
 pare. Ratio est, quia hi sunt impe-
 rantes.

ad

39. Tùm qvòd ipsum per aliam legem demonstrare nequit; Fluit enim ex definitione legis in genere.

40. Posses adeo hoc principium dicere *objectum Jurisprudentia in genere*. Nam omnes species Jurisprudentiæ id præsupponunt.

41. Cum autem Jurisprudentia à nobis in divinam & humanam divisa fuerit, jam videndum est, qvòdnam sit *primum principium Jurisprudentia divina*.

42. Cujus natura in eo consistet, ut omnes lges divinae b) eò possint referri, ipsum vero c) immediatè demonstratur ex primo principio practico, mediatè ex primo principio theoretico.

43. Tale erit sequens: DEO PARE.

44. Demonstratio immediata est, qvia Deus est imperans.

45. Hujus demonstratio mediata, d) qvia aliàs Deus non esset Deus.

46. Utrumqve paulò fusiuserit deducendum, cum hic præsupponatur: esse Deum, & esse superiorem. e)

47. Esse

ad §. 42. b) Ideò in Jurisprudentia divina est primum.

c) Ideo non est principium primum practicum in genere. Clarius hoc patet ex sequenti syllogismo. Thesis est: Deo est parendum. Syllogismus iste: Quicumque est imperans, illi est parendum. Deus est imperans. E. Hic vides ipsam conclusionem immediatè probari ex primo principio practico. Mediatè

autem probatur ex primo principio theoretico, quia & major probatur ex definitione imperantis, & minor probatur ex definitione Dei, ut latius probo in sequentibus.

ad §. 45. d) Scilicet quoad minorem. Nam quoad majorem probatio jam fuit expedita.

ad §. 46. e) clarius: imperantem.

47. Esse Deum, omnes gentes etiam maximè barbaræ agnoverunt & agnoscunt, demonstrarunt autem multi, f) præprimis qvi Theologiam naturalem scripserunt aut contrà Atheos disputarunt.

48. Ac varia g) hîc quidem adduci possent argumenta. Potissimum ex subordinatione causarum b) desumitur. Quæcunque videmus in hoc globo terraqveo, e) non sunt à se ipsis sed aliunde, illa vero ex quibus sunt, etiam deprehendimus à se ipsis non fuisse, & ita porro. Ergo necesse est, quoniam intellectui repugnat processus in infinitum, l) ut subsistamus in aliqua causa prima. Ea verò Deus est.

49. Quid verò sit Deus, id e quidem perfectè m) cognoscere intellectus noster non potest, etiamsi accedat lumen revelationis, n) ob infinitam distantiam essen-

O

tia

ad §. 47. f) Aliter tamen procedunt Peripaterici, aliter Cartesiani. De methodo posteriorum dictum.

ad §. 48. g) Quæ videri latius possunt apud scriptores Theologia naturalis communiter.

h) propter dicenda §. 54.

i) b, e. res sublunares propter §. 51.

l) Intellectus est facultas rem per causas cognoscens. Intellectum autem scio esse finitum, quia homo est finitus. Si ergo cognitio intellectus esset infinita, intellectus non

esset intellectus. Velenim intellectus est ipsa cognitio, vel cognitio est effectus intellectus.

ad §. 49. m) Nam meditatio §. precedentis id mihi saltem suppeditat, Deum esse causam primam rerum sublunarium, inter quas & homo. Adde B. Dn. à Seckendorff Deutsche Reden p. 473.

n) Etiam si homo consideretur in statu integritatis aut vite æternæ, manebit enim & ibi infinita distantia & ibi intellectus quoque erit finitus. Finitum autem non potest perfectè capere infinitum. Et si enim

tiae humanæ à divinâ; tantùm abest, ut solum rationis lumen mysteria ista capere queat.

50. Idigitur apertè ex dictis de existentia Dei colligere licet, ejus essentiam esse *nobiliorem o)* essentiâ hominum, quos aliàs inter creaturas sublunares esse perfectissimas, natura nobis dictitat, & consequenter *diuturniorem p)* entibus, quæ circa nos videmus, &c. uno verbo transcendere intellectum nostrum, cum intellectus noster tantum possit comprehendere, *q)* quod æque aut minus est perfectum.

51. Cæterum subtilioribus *r)* demonstrationibus est opus, si ex lumine naturæ demonstrare velis, quod
Deus

enim in scripturis vocetur illa cognitio perfectissima, id tamen intelligitur in comparatione præsentis cognitionis, & est perfectissima, in quantum in hominem cadit. Unde & locutio scripturæ: Cognoscemus Deum, sicut est, alibi per hanc phrasin explicatur: de facie ad faciem. Unde hæc duæ cognitiones, præsens & illa perfecta optimè declarari possunt simili de cognitione amici absentis, quem nunquam vidi, & ejus cum quo quotidie conversor. Nam & hunc video de facie ad faciem & sicut est, & tamen ejus essentiam perfectè non cognosco.

ad §. 50. o) quia causa est nobilior effectu,

p) Horum enim interitus imperfectionem involvit.

q) Cape simile à vase. Angustum vas non potest comprehendere augustiora. Et definitio comprehensionis involvit, comprehendens esse augustius comprehenso.

ad §. 51. r) Similis est assertio de Deo uno, quamvis id Zieglerus ad Grotium velit deducere eò, quod Deus sit prima causa. Vult enim primum etiam esse unum aliàs non esset primum. Sed huic argumento responderi potest distinctione inter duplicem significationem primi. (conf. Alberti p. 45. §. 11.) Ut adeò non opus sit responsione Henniges p. 919. Respondendum hic etiam objectionibus Osiandri p. 1176.

Di-

Deus non sit unum ex corporibus cœlestibus, s) quoniam harum mutationes plerique hominum ignorant, & imo aberuditissimis vereor, ut vera eorum & intrinseca mutatio, si lumen revelatum seponas, demonstrari possit. Unde & Apostolus r) dum ex lumine naturæ adversus Gentes disputat, eos potissimum invadit, qui homines, vel bestias, vel creaturas sublunares inferiores pro Deo habebant, non illos, qui solem adoraverunt aut corpora cœlestia.

52. Miranda adeò simul est Dei Sapientia, quod in-

O 2

ter

Distinguit tamen etiam Zieglerus P. 472. inter unitatem naturæ demonstrabilem & unitatem in trinitate Christianis notam. Testimonia Gentilium vide apud Grotium II. XX. 45. in §. tamen 47. & de unitate & de invisibilitate nobiscum sentit. De invisibilitate etiam vide quæ collegit Alberti P. 2. p. 44. seq. sed testimonia illa vel probant saltem id in specie, quod Deus sub imagine rerum sublunarium non debeat coli, vel per invisibilitatem intelligunt talem, quæ est ob defectum apparitionis, non, quæ est ob defectum corporeitatis. Ideò scilicet vocant invisibilem, quod certum schema & imago iis nunquam sit manifestatum. Et forte hunc vel huic affinem significatum (qualis est ille quem usurpat Zieglerus p.

477.) in mente etiam habuit Paulus Rom. 1. in verbis: unsichtbares Wesen τὰ ἀόρατα. Vel denique, qui instituerunt, habuerunt eam sententiam ex revelatione. Brevisiter: in ejusmodi testimoniis non tam ad testimonia quàm ad rationes Gentilium est respiciendum.

s) vide omnino quæ habet Zieglerus d. p. 477.

t) Rom. 1. v. 18. seq. Hanc expositionem spadet integer contextus & omnino vers. 23. Apprimè verò eam juvat Liber sapientiæ c. 13. ferè per integrum, modo penitus inspicias. Etsi primà fronte videatur à nobis dissentire. Unde jam facile responderi potest ad Grot. p. 1177. Evolvendus etiam in loco Apostoli textus Græcus.

ter gentes, quæ sanctissimam ejus revelationem seposuerant, passy fuerit eas, quæ maximè rationabiles haberi volebant, in magis absurdas idololatriæ species illabi, quàm gentes barbaras. Hi enim ferè corpora cœlestia aut potentias invisibiles adorarunt. At quid absurdius cultu Ægyptiorum, Græcorum & Romanorum?

53. Non eadem difficultas erit, u) si ex solo dictamine naturæ cum illis disputare velis, qvi *Naturam* dicunt esse Deum, vel *animam mundi*, aut qvi errorem defenderunt, quod *mundus sit æternus*, x) Nam firmiter stringi potest Ethnicus, si ipsi objicias, quod qvi mundum æternum asserat, ejus aliquam causam neget, & sic ipsum Deum neget. y) Etsi enim facilè prævideam, quod responsurus sit, illationem non ex necessariis inferre, posse enim eum, qvi mundi causam negat, statuere, mundum esse ipsum Deum, vel certè mundum esse Deo coæternum, uti notum est quod Philosophi Gentiles asseruerunt duo principia coæterna, Deum & materiam primam; manet tamen objectio nostra: Nam quicumque Deum dicit, causam mundi concipit. Ergo qvi mundum ipsum Deum appellat, reverà causam mundi, & Deum tollit. Hypothesin autem illam communem philosophiæ Gentilis de materiâ primâ Deo coæternâ perspicuè refutavi alibi. z)

54. Un-

ad §. 53. u) Mutavi ob rationes circa finem hujus paragraphi dictas sensum totius paragraphi, nam in priore editione defenderam, etiam ex Lumine nature non posse disputari adversus errores

hoc paragrapho memoratos.

x) vel ejus materia. vid. Grot.

II, 20. 47.

y) vid. Dn. Pufend. I. 44. de

O. H.

z) in introd. ad Ethic. c. 3.

ad

54. Unde & non omninò placet a) institutum Scholasticorum, magno conatu attributa divina duplici *via* quàm *perfectionis* & *negationis* appellant, ex lumine rationis investigare intendunt, ita ut perfectio quæ est in homine, ea sit *eminenter* in Deo, & imperfectio, quæ in homine est, ea non sit in Deo. Nam & illud infinitis trice est obnoxium & limitationibus, certè ad demonstrationem, quàm tamen intendunt, aut in disciplinâ Theoreticâ intendere debent, parum aptum. b)

55. Potissimum enim tallet ista *via perfectionis*, si perfectio humana præsupponat aliquam imperfectionem, c) faller etiam *via negationis*, si imperfectioni humanæ opposita perfectio simul cum imperfectione sit conjuncta, d) aut si imperfectio humana moralis propter imperfectionem hominis physicam pro tali habeatur. e)

56. Ita imperfectio hominis est, quod *volare* nequeat; sed an tibi propterea cum Ethnicis alatum quendam finges Mercurium? Non arbitror. Nam hæc avium perfectio cum imperfectione est conjuncta, quod sint corporeæ.

57. Hanc imperfectiorem (corporeitatis) in Deum non cadere quomodo scires, f) si Scriptura non revelaret,

O 3

ret,

ad §. 54. a) Non improbat has vias Zieglerus ad Grotium II. 20. 45. p. 471.

b) non tantum propter limitationes & fallentias, sed etiam propter obscuritatem. Sæpè enim in creaturis perfectio videtur, quæ est imperfectio. Ut sæpè homo bonum

apparens pro vero arripit.

ad §. 55. c) Exemplum habes

§. 59. seq.

d) vide §. 56. 57.

e) vide §. 58.

ad §. 57. f) Quicquid enim intellectus concipit, concipit sub schemate corporis. Unde dum Spiritum

tum

ret, Deum esse Spiritum? Si enim inter eos qvi Scripturam S. agnoscunt, Sapientes reperti sunt, g) qvi Deum corporeum esse delirarunt, non mirandum, si Sapientissimi Philosophorum Gentilium Stoici idem dogma defenderint.

58. Ita imperfectio hominis moralis est, si homo gaudeat de alterius hominis dolore etiam ex merito eundem patientis, qvi enim ita gaudet, *crudelis* vocatur. b) At Deus ipse testatur, qvòd ridere velit super infortunio malorum. An ergo putas Deum crudelem esse? Absit. Cur ita diversè? Scilicet qvia imperfectio illa moralis in homine præsупponit imperfectionem physicam, & qvòd homo etiam in maxima dignitate constitutus cum vilissimo mendico æqualitate essentiae humanæ fruatur; at respectu Dei omnis homo pulvis est & umbra, i)

59. Ita inter perfectiones humanas l) non minima est

tum per τὸ incorporeum definimus, eo ipso adhibendo terminum negativum declaramus, nos ignorare essentiam Spiritus. Adde quod Scholasticus ex viis suis ne quidem demonstrare possit, Deum non habere corpus. Quo argumento enim demonstrabit, corporeitatem (qualis v. g. solis est) involvere imperfectionem?

g) ut olim Stoici, hodiè Hobbesius in Leviathane.

ad §. 58. h) confer infra ca-

put de pœnis §. 25. Hinc pœna etiam dicitur medicinalis.

i) Unde Deus in æternis pœnis saltem malum præteritum respicit secundum communem doctrinam, non bonum futurum.

ad §. 59. l) Cape aliud exemplum. Inter bona fortuna sunt divitiæ. Dives est, qui possidet multum pecunie, ut indigentia suæ possit succurrere. At Deus nullius rei indiget. Ita inter bona corporis est loquela, visio, auditus &c.

per-

est *virtus*, m) inter virtutes *justitia* n) *emineret*. Sed hæc quidem citra imperfectionem non poterunt concipi. Virtus enim est habitus vivendi secundum leges, o) *Justitia* est habitus suum cuique tribuendi. Jam non quidem urgebo, quod in Deum non cadat habitus, ad hoc enim fortè non defutura esset responsio, p) id saltem dico, legem Deo non esse præscriptam, nihil habere hominem, quod intuitu Dei pro suo venditare possit.

60. Igitur non auderem titulum virtuosì & justì Divinæ majestati tribuere, nisi viderem ipsius infinitam Sapientiam in verbo revelato non respuisse terminos istos q) imperfectarum perfectionum nostrarum, quod dum video, veneror humilimè, quod Deus mecum ἀνδρωπαδῶς loqui voluerit, simulque lubentissimè fateor, genuinum & exactissimum sensum istarum locutionum esse suprâ intellectum meum, adeoque pertinere ad mysteria fidei.

61. Atque sic melius me facere arbitror, quod ignorantiam meam ingenuè fatear, quam si cum Scholasticis eandem dissimulare, ac Sapientiam aliquam ostentans, inanibus verborum involucris inscitiam meam tegere conarer. Quid enim quæso est istud *eminenter*, quo

perfectio. At hæc iterum involvunt imperfectionem corporeitatis ex ratione non demonstrabilem.

m) Est enim bonum animi morale.

n) *Justitia* in sese virtutes continet omnes,

o) nam mediocritatis norma lex est.

p) distinguendo inter habitum essentialem vel acquisitum, aut simili modo.

ad §. 60. q) Terminum equidem virtuosì genericum nescio an tribuas

quo hic utuntur? Vel idem erit ac *primario*, vel pro eo, quod *impropriè* est, id supponunt. Primus significatus ad analoga pertinet, posterior ad æquivoca.

62. Si igitur volent, v. gr. *virtutem & Justitiam esse eminenter in Deo, tanquam in analogato nobilissimo*, cedò dent mihi definitionem virtutis & Justitiæ, quæ primario accommodari possit justitiæ divinæ, secundario humanæ. r) At hanc quidem frustra expectabimus: differunt enim hæ duæ justitiæ non gradibus, sed, si propriisimè loqui velim, toto cælo. s)

63. At si volunt, perfectiones divinas & humanas communi definitione non posse comprehendì, eo ipso fatentur quod *impropriè* eadem de Deo prædicentur, hoc est, quod modum prædicandi exprimere ignorent. t)

64. Jam quæso, quid lucratur Philosophia his nugis? Qvis non rideret, si quis attributa hominis ex perfectionibus pulicis demonstrare aggressus, nihil aliud afferret, quam perfectiones pulicis esse eminenter in homine? At hominis ad Deum distantia major est, quam pulicis ad hominem.

65. Sed

buat scriptura Deo, tribuit tamen in specie justitiæ. An & reliquarum virtutum? inquirendum foret. Fortis dicitur Deus vel termino huic analogo: non temperans, non liberalis, non modestus, non magnanimus, non verax (homileticè. Veritas enim justitiaria jam includitur sub justitia) non comis, non urbanus. Et sanè definitiones singula-

rum virtutum harum præsupponunt imperfectiones diversas, nec accommodari possunt Deo propriè. Imò ne quidem terminus fortitudinis.

ad §. 62. r) Analoga enim sunt, quibus una definitio competit, quamvis inæqualiter.

s) Deus in cælo, homo in terra, ad §. 63. t) Impropriorum autem quæ

65. Sed hi sunt *fructus philosophiæ gentilis*, vel potius abusus, quod Scholastici mysteria fidei ex philosophia deducere instituerunt, & philosophiam normam fecerunt Theologiæ, contra præceptum Apostoli, qui Colossenses graviter monuit, ne patiantur se decipi per philosophiam & inanem fallaciam: contra institutum Patrum, qui philosophia utebantur quandoque in rebus Theologicis, ut Philosophorum Gentilium ineptias demonstrarent. u)

66. Ad istum abusum refero penè totam Scholasticorum *Pneumaticam*, seu Philosophiam de Spiritibus, Deo puta, Angelis & Anima hominis separata. Quid enim eâ de re argumentis maximo sudore conquiritis tradiderunt, x) (exceptis paucissimis de Dei existentia & providentia) id nunquam seposito lumine revela-

P

to

quâ talium, nulla est scientia. Qui enim aliquid improprie dicit, non dicit quid res sit, sed quid non sit.

ad §. 65. u) Continet hic paragraphus synopsis eorum, quæ latius disserit B. à Seckendorff in *Christen-Staat* lib. 3. c. 7. & 8. & in additionibus ibidem, quorum potissima attulimus in diss. Proëm. §. 51.

ad §. 66. x) Res patet ex hæcenus dictis de attributis divinis. De angelis & animâ separatâ ideo non convincet, quia 1. non sine ratione de effectibus plerisque, qui angelis

adscribuntur aut animæ, dubitabit, an sint veri, & annon lateant fallacia fraudum humanarû. Deinde 2. etsi evidenter sit demonstratum, dari effectus quosdam, vires humanas transcendentes, & potentiam aliquam majorem presupponentes, quomodo convinces Ethnicum ex solâ ratione, eos effectus non esse Dei, aut ipsius animæ in statu extraordinario posite, aut essentiarum quarundam corporearum inter Deum & hominem, qualia de faunis, satyris, nymphis &c. sibi persuaserunt gentiles?

ad

to ethnicum convincet, at, si Scripturam agnoscas, omnibus ipsorum libellis non habemus opus.

67. In eo tamen inter Deum & reliquas Spirituum classes arbitramur esse differentiam, quod *Dei existentia*, ut demonstravimus, per lumen rationis investigari possit, de *angelis & animâ separata* y) ne quidem quod sint, extra Verbum Dei aliquid scire (scire dico) possimus.

68. Eo plures autem absurditates absurda hæc Scholasticorum intentio peperit, ut etiam ex physicis locum & tempus mensuras corporum ad spiritus, vel omnem mensuram, vel certè corpoream respicientes, applicaverint, unde aureum illud & centum boum mactatione dignum mysterium; v. gr. animam totam esse in toto corpore, & totam in qualibet parte corporis, quod qui exacte demonstrare per annorum centuriam poterit, is Phyllida solus habeto. z)

69. Ergone ais, nihil de Deo ratio mihi monstrat, quam

ad §. 67. y) maximopere de hac. Quod enim de eâ Scriptura nobis revelat, meritò pertinet ad mysteria fidei. Ratio enim animam separatam sibi concipere nequit. Videt enim, quod anima consistat in cogitando. At cogitatio sine corpore quale est ens? Nam non tantum in statu corrupto cogitatio nostra dependet à sensibus: sed & in statu integro, prout concipere possumus, sensus presupposuit, cum hâc differentiâ, quod in statu integro

intellectus hominis similis fuerit quoad apprehensionem speculo, cum in corrupto similis sit tabule lapideæ, quoad retentionem verò similis fuerit in statu integro tabulae neæ, uti in statu corrupto cerceæ.

ad §. 68. z) Involvit enim contradictionem. Quicquid enim totum est v. g. in digito, illius nullæ partes possunt esse alibi &c. Anima vero propriè loquendo neque totum est neque pars.

quam ejus existentiam, & quod sit ens aliquod primum? Monstrat utique, sed maximam partem confusè. Puta quod sit *independens*, quod sit *omnipotens* &c. Nam qui ens *independens* a) dicit de Deo, non tam aliquid affirmat, quam dependentiam negat; qui autem Deum *omnipotentem* dicit, id quidem dicit, Deum posse omnia, quæ non involvunt contradictionem, sed ex lumine rationis homo id saltem scit, quod absolutè contradictorium est, b) non autem omne, quod intuitu Dei contradictionem implicat, hoc est, quod cum ejus attributis in lumine revelato declaratis pugnat. c)

70. Illud verò perspicuè ratio suppeditat, quod Deo competat *Imperium* in hominem, quodque Deus hoc *Imperium* actu exercere velit.

71. Competit Deo *Imperium* in hominem quia est ejus autor. d)

72. Quod vero Deus hoc *Imperium* in hominem exercere & quod simul *negotia hominum curare* velit, id istis firmissimis demonstrationibus, quæ omnes in primo principio impossibile est idem simul esse & non esse, fundantur, demonstro.

P 2

73. I.

ad §. 69. a) & *independentia* est suprà intellectum.

b) id est, quod aperte & per rationes evidentissimas pugnat cum principio: impossibile est idem simul esse &c.

c) unde qui dicit: Deus non potest volare, quia est incorporeus: Deus non potest falsa loqui (non dico: mentiri) quia est veracissi-

mus &c. præsupponit revelationem.

ad §. 71. d) Per autorem intelligo qui quid producit sine aliâ causâ & rem quidem diversâ essentia. Unde patet, cur pater vi generationis non habuerit imperium in statu integritatis, nec hodie id ob generationem prætereundum possit, quia pater non est autor filii,

73. I. *Deus est autor hominis.* Dependet hæc assertio à definitione Dei, quando ejus existentiam supra e) demonstravimus.

74. II. *Voluit ergo Deus, ut homo sit animal rationale.* Fluit hoc ex definitione hominis.

75. III. *Eo ipso verò Deus voluit, ut homo vivat secundum normam quādam, seu legem.* Fluit hoc iterum ex definitione hominis, hoc est: essentia animalis rationalis non convenit, ut vivat exlex. f)

76. IV. *Porro voluit Deus, ut homo secundum normam præscriptam seu legem agat cum amore & metu.* Probo hoc ex definitionibus legis & obligationis, quas supra g) tradidimus.

77. V. *Ergo voluit etiam Deus curare negotia hominum, & ita imperium suum in hominem exercere.* Fluit hoc ex definitione amoris & metus; Quia frustra meruitur & amatur, qui de negotiis meis non est sollicitus.

78. *Nihil hic dubii subesse puto, nisi quod opus videatur declaratione ulteriore, quod dixi, b) animal rationale non posse vivere exlex.*

79. *Etenim quia bestia legem non habent, i) videbatur equidem præstantia hominis repugnare, ut ipse legi viveret obstrictus; cum inconveniens sit, libertatem creaturæ præstantioris coercere, ignobiliori vero concedere libertatem omnimodam.*

80. Sed

ad §. 75. c) §. 48.

ad §. 77. f) et ibi et ad §. 78. seq.

ad §. 76. g) cap. i. §. 28. et 4. 55.

ad §. 78. h) §. 75.

ad §. 79. i) Quæ hic usque ad §.

87. habentur, fufius deducuntur
Pufendorfio de J. N. lib. 2. c. 1. per
integr. Conf. de O. H. l. 1. c. 2.
§. 1

ad

80. Sed de bestiis eque res clara est. Agunt illæ utique secundum normam à sapientissimo Creatore inditam, *secundum normam externam agere nequeunt*, quoniam omnilibertate agendi destituuntur.

81. Hinc quando de *bestiis* prædicatur *libertas naturalis*, l) non denotat facultatem agendi illis insitam, sed spatium orbis terræ ei à naturâ & abstrahendo à Dominio hominum ipsis concessum, in quo locomotivam corporis sui exerceant, m)

82. Eo ipso vero, quo homo libertate voluntatis suæ gaudet, aptus est actiones suas *secundum normam externam* dirigere.

83. Necesse autem esse, ut hanc aptitudinem in actum deducat, apparet, si *naturam suam* cum animalium reliquorum naturâ conferat, tam quia corpus, quàm quoad *animum*.

84. Quia corpus, majorem deprehendit imbecillitatem, se sine ope aliorum hominum conservandi, quàm in animalibus brutis, quæ tanta est, ut necessario periret, si alii homines non obligati forent, ut ipsi succurrant, n)

85. Quia *animum*, prout ille in hoc statu post lapsum corruptus est, videt majorem pravitatem o) aliis nocendi,

P 3

à di-

ad §. 81. l) ut in Instit. §. 12. de R. D.

m) in feris bestiis sylvæ, in piscibus flumina, in volatilibus liber aer.

ad §. 84. n) sive hominem consideres ut infanciam, sive ut adultum, sive ætatem, potum, vestitum &

alias indigentias spectes.

ad §. 85. o) Bestia sibi nocet propter cibum, potum, & rem venream. Homo insuper propter honorem, inam, avaritiam. Imo & in rebus quibus indigemus, est major malitia. Bestia cibo uniformi gau-

a diversis effectibus proveniente, quibus bestiae etiam ex opinione Peripateticorum carent; quæ si non per metum majoris mali coerceretur, interiret genus humanum.

86. Sed omnium maximè, si considerat homo *animum* suum, quatenus in hoc imperfecto statu adhuc *re-ctus est*, p) apprehendit, se habere animam non ad id saltem sibi inditam, ut conservetur corpus, (quales sunt animæ bestiarum.) sed quæ potissimum facultatibus constat, q) ad metum numinis & vitam socialem instigantibus, r) apprehendit inter homines esse maximam ingeniorum & inclinationum diversitatem, qualis non est in bestiis, quæ non solum directionem legis requirit, ne per eam turbetur vita tranquilla, sed & ipsa, quatenus ad ju-
van-

gaudent, homo contra delicatus est. Ita & in potu & re venera.

ad §. 86. p) Hoc ultimum argumentum est fortissimum, desumptum ab essentia & sine hominis, priora duo saltem ab accidentibus. Unde & hoc valet in statu integro. Quicumque gaudet facultatibus nullam utilitatem sine lege habentibus, ejus naturæ repugnat ut sit exlex. Atqui homo tam quàm rationalis (ut hic in thesi,) quàm quàm animal est (& corpus animale habet. Deducit id Richardus Cumberland citatus à Pufend. de J. N. p. 149. Maximè id in manibus est conspicuum) gaudet facultatibus

ejusmodi &c. Ergo. Omnino videndus Cumberlandus, qui argumenta sumit ex mole cecrebra & sanguinis, staturâ erectâ, longevitate hominis, plexu nervoso, pericardii cum diaphragmate connexione, visu, suspiriis, lacrymis, majori proensione ad generandam sobolem, facierum diversitate, rubore faciei in verecundiâ, pallore in metu & irâ, vi oculorum & motu eorundem, manibus &c.

q) Puf. l. 2. c. 1. §. 5. *sufius*.

r) Horum vero omnium nullus est usus in vitâ ex lege & non sociali,

s) Si

vandam hominis tranquillitatem conducit, ordine aliquo & normâ habet opus. s)

87. Qvi principia hætenus de Deo tradita negant, dicuntur *Athei Theoretici*; qvos posses dividere in *crassos t*) & *subtiles*. Illos voco, qvi profitentur *non esse Deum*. Hos, qvi vel asserunt *Deum non curare negotia hominum*, vel, qvi ita dicunt curare, ut homini plane nullam libertatem agendi relinquat, hoc est, *qui comminiscuntur fatum aliquod Stoicum*. u)

88. Quemadmodum enim ille, qvi Deum dari negat, fundamentum omnis moralitatis destruit, ita similiter frustrâ sunt omnia præcepta moralia, si postremas illas duas assertiones admittas. x)

89. Nam si Deus negotia hominum non curat, nullus dabitur imperans, nullus adeò erit, cui parendum sit.

90. Porro, si omnia fato diriguntur, nulla obligatio erit ac nullus metus.

91. Sive enim per fatum ipse Deus intelligatur, fru-

s) Si enim omnes homines v. g. ad agriculturam inclinarent, non promoveretur utilitas humani generis, quis calceos v. g. suppeditare?

ad §. 87. t) vide Puf. l. 4. §. 3. Testatur autem, rob. dolor satis experientia, dari Atheos crassos etiam. Unde frustrâ queritur an possint dari? Conf. Zieglerum id negantem ad Grotium p. 476.

u) Adde hæc dicta Philosopho-

rum apud Grotium lib. 2. c. 20. §. 46.

ad §. 88. x) Demonstravimus, quod Deus sit imperans, id fluere ex definitione Dei: Ergo qui negant, Deum gerere curam hominum, negant, Deum esse Deum. Porro, qui dicit, fatum esse, negat Deum habere imperium, quia imperium præsupponit libertatem in objecto obligato.

frustra timeretur & amaretur, cujus amorem provocare & iram avertere nequeo.

92. Sive per fatum denotetur aliquid præter Deum, frustra timeretur & amaretur, qui me beatum reddere & punire nequit.

CAPVT IV.

De Interpretatione Legum divinarum in specie, hoc est, de primis principiis Juris Naturalis & positivæ universalis.

SUMMARIA.

Connexio §. 1. Quid intelligatur per primum principium Juris naturalis? §. 2. Triæ ejus requisitæ §. 3. Veritas §. 4. Adequatio §. 5. Evidentia §. 6. Convenientia cum naturâ hominis rationali est obscura. §. 7. 8. Lites antiquæ de summo bono huc pertinent §. 9. 10. 11. Triapræcepta Justinianeæ §. 12. 13. 14. Honestæ esse faciendæ, turpia omittendæ, non potest esse principium §. 15. 16. neque: suum cuique tribuendum §. 17. neque: quod quisque juris &c. §. 18. Primum principium Hobbesii §. 19. Scholasticorum convenientia cum sanctitate divina §. 20. 21. examinatur & ostenditur esse nec principium verum §. 22. nec adequatum §. 23. 24. 25. nec evidens §. 26. Origo hujus sententiæ §. 27. Querendum primum principium in ipso homine §. 28. Status humani generis est norma Juris naturalis §. 29. etiam si jus sit norma actionum humanarum §. 30. 34. An Lutheranus fingere possit? contra Valent. Albertum §. 35. 39. Utrum ad statum integritatis, an ad statum lapsus in deducendo jure naturæ respicere debeamus? Respond. ad statum lapsus §. 40-43. Ostenditur convenientiam cum statu integritatis Albertinam non esse principium verum §. 44. 45. nec adequatum §. 46. 47. nec

nec evidens §. 48. Obtinisset tamen principium juris naturalis hodiernum etiam in statu integritatis §. 49-50. Homo rationalis est §. 51. Ratio ad societatem tendit §. 52. 53. 54. Et hoc respectu dicitur socialitas. §. 55. 56. Homo extra societatem non est beatus §. 57-58. nec jucunde viveret §. 59. Ipsi misanthropi et librorum beluones extra societatem misere viverent §. 60. 61. Ipse Deus dixit : non esse bonum, hominem esse solum §. 62. Igitur per convenientiam cum natura rationali intelligitur convenientia cum socialitate hominis §. 63. 64. Ostenditur præterea hujus principii adequatio §. 65. Et evidentiæ §. 66. 67. 68. Quid sit actus conveniens et disconveniens cum socialitate? §. 69. Respondetur dubiis Anti-Pufendorffianorum contra adequationem §. 70-77. Primum principium juris divini positivi §. 78. universalis §. 79. Cur hic de interpretatione legum divinarum non agatur ulterius §. 80. 81. 82.

§. I.

JAM ordo postulat, ut cognoscamus, quænam sint summa legis Naturalis et divina positiva. Et à Lege quidem Naturali incipiemus.

2. Per primum itaque principium Juris Naturalis cave intelligas primum principium practicum, a) aut primum principium Jurisprudentiæ, vel Jurisprudentiæ divinæ in genere, quatenus à naturali & positiva præscindit. Intelligitur enim, vel certè intelligi debet propositio aliqua, sub quâ reliqua præcepta Juris naturalis omnia, tanquam sub communi axiomate comprehenduntur, ipsum autem ista duo, Deo & Imperanti esse parendum, tanquam generaliora præsupponit. b)

Q

3. Triæ

ad §. 2. a) Confundunt enim hæc communiter adversarii Pufendorffii. Ipse vero Pufendorffius subinde in Apologiâ et aliis scriptis

buc inclinât.

b) Quia Jus naturale sub jure divino, hoc sub jure in genere comprehenditur.

ad

3. *Tria ergo erunt requisita, ad quæ, tanquam ad Lydium lapidem principium ejusmodi examinabimus, ut sit 1. verum, 2. adequatum, 3. evidens. c)*

4. *Verum dico, hoc est, ut non contineat propositionem aliquam falsam. d)*

5. *Adequatum, ut illa propositio verè contineat omnia præcepta juris naturalis sub se, nec alia tamen præcepta, quam juris naturalis.*

6. *Evidens, ut id esse voluntatem divinam abstrahendo à lumine revelato, ex primo principio pratico possit demonstrari, e) tum ut connexio conclusionum cum ipso sit evidens & ferè palpari possit. f)*

7. *Rides fortè tantum apparatus, & in sinu gaudes, quod facili negotio te putes invenisse, quod hæc quærimus. Quid enim aliud erit, cogitas, quam: Fac ea, qua necessariò conveniunt cum naturâ hominis rationali, & qua eidem repugnant, omitte. Id enim jam supra, g) definitioni legis naturalis inseruimus, id deduximus h) ex fuga contradictionis. Patet igitur ejus veritas, adæquatio & evidentia.*

8. *At compesce gaudium. Meminisse simul debuisses, me supra i) fusiores discursus de convenientiâ cum naturâ hominis rationali promississe. Huc respexi.*

Nem-

ad §. 3. c) *Fluunt hæc requisita ex naturâ demonstrationis.*

ad §. 4. d) *Falsam hic voco potissimum, cujus contradictoria est vera, vel qua rarissimè in exemplis procedit.*

ad §. 6. e) *Unde fit major propositio in demonstratione.*

f) *unde minor.*

ad §. 7. g) c. 2. §. 97.

h) c. 2. §. 72.

ad §. 8. i) c. 2. §. 98.

i) *Scho-*

Nempe omnes quidem 1) rectam rationem crepant, at quid sit recta ratio, quid sit convenientia cum natura hominis rationali, hoc opus, hic labor est. Connexio sanè ipsius principii cum primo principio practico est evidens, 2) sed connexio conclusionum cum ipso principio in obscuro posita est. 3) De periphrasi autem, quam singuli dant, 4) qverendum, quod veritas lateat in pureo, una cum veritate igitur & adæquatio & evidentia est abscondita, 5)

9. Disceptarunt hic longo tempore Philosophi, Jure Consulti, Theologi, propè dixerim & Medici, postquam non ita pridem in Academia quadam Pontificia quis Leges Gentium de dolore capitis publicâ disputatione exposuit. 6)

10. Eò pertinent veterum Philosophorum disputationes de summo bono. Dicebat enim Polemo Academicus, & ab eo acceptum Zeno ac Stoici passim inculcant; summum bonum esse secundum naturam vivere. Idem Plato docuit, idem Aristoteles. 7)

Q 2

II. Con-

1) Scholastici, Juri, Hobbes, Alberti, Veltheim &c.

m) scil. Quicquid convenit cum naturâ rationali, id est faciendum.

n) v. g. Atqui servatio pactorum convenit, homicidium disconvenit.

o) Scholastici ad legem æternam, Hobbesius ad conservationem sui, Alberti ad statum integritatis, Dn. Pufendorffius ad socialitatem.

p) Si enim quid non est verum, quomodo adequatum & evidens esse potest?

ad §. 9. q) Scilicet Praga anno 87. Auctor legem sumit improprie pro naturâ rerum, & legem naturæ pro naturâ rerum quarumvis, legem gentium pro naturâ corporis humani.

ad §. 10. r) vide Horneji Ethicam l. 1. c. 7. p. m. 81. seqq.

11. Convenerunt adeo antiqui Philosophi in re ipsâ. Omnium scopus est, ut doceant, *vitam hominis cum aliis tranquillam esse summum bonum*; hanc cum distinctius proponere, & media eam acquirendi tradere debuissent, disputarunt s) de rebus inanibus, nihil ad rhombum facientibus. An enim putas magis aptum quem fieri ad summum bonum acquirendum, qui dixerit, summum bonum consistere in *virtutis actu*, quam qui putaverit, id esse *habitum* virtutis, aut qui voluerit esse *voluptatem animi*? t) Annon putas potius, ineptos istos esse ad acquirendam pecuniam, qui, aliis commercia tractantibus, strenuè litigant, utrum pecunia in corpore, an in quantitate, an in aptitudine ad alias res comparandas consistat?

12. Ergo hos quidem omnes insanienti suæ relinquamus sapientiæ. *Iustinianus* noster tria vult esse juris præcepta: *Honestè vivendum, neminem ledendum, suum cuique tribuendum.*

13. Sed hic quidem benignitate suâ nos obruit. Quærimus unam præpositionem, ipse loco unius tres nobis exhibet. Ex his elige, cui dicas: Tu mihi sola places.

14. Ad-

ad §. 11. s) Et adhuc hodiè disputant Peripatetici in libellis Ethicis, qui in doctrinâ de summo bono ferè in his questionibus saltem sunt occupati.

t) Illud affirmabant Aristotelici, istud Stoici, hoc Epicurei. Con-

ciliari possent hæ sententiæ. Operatio secundum virtutem optimam præsupponit habitum. Ceterum hic habitus non debet esse otiosus. Et hac operatio parit tranquillitatem seu voluptatem animi.

ad

14. Atque tò : *Neminem lade, qvòd sciam, nemini placuit, fortè ut nimis angustum. Reliqua duo suos invenerunt amafios. u)*

15. Videas enimurgeri graviter, x) in hoc : *Honestà esse faciendà, turpia omittendà, latere summam totius naturalis sapientiæ. Non refragamur eqvidem. Sed desideramus evidentiam. Sive enim honestum voces legi, sive rationi conveniens, neutrum erudit. Jam enim qværimus, qvòd sit conveniens rationi & legi. Ergo obscurum exponis per æqvè obscurum.*

16. Ac veremur maximè, ne cum risu totius humani generis vapulemus, si negantibus perspicuitatem axiomatis istius, vellemus *principia connata* opponere, y) eosque, tanquam si principium omnium primum negassent, virgulâ pædagogicâ coercere. z)

17. Detertio vero : *suum cuique tribue, a)* tanquam de novis insulis repertis, ut gloriemur, causam non videmus, postquam jam suo tempore Jctus id solum in definitione justitiæ inculcaverat. Mirandum enim foret, si in eo *evidentia* qvædam subesset, cur non ex tot

Q 3

Glos-

ad §. 14. u) Cui enim officia humanitatis denego, cum propriè non lade, secundum dictum in Evangelio : Amice non facio tibi injuriam. Deinde etiam sub hoc præcepto propriè non comprehenditur denegatio debiti ex promisso, per ea quæ infra in expositione ejusdem dicemus.

ad §. 15. x) à Velthemio ad Gro-

tium I. 1. c. 1. qv. 4. p. m. 258. seqq. vide supra c. 3. §. 26. seqq.

ad §. 16. y) Hoc facit Velthem dd. II. & maximè p. 272. vide supra cap. 2. §. 67.

z) supra c. 3. §. 32.

ad §. 17. a) quod ponit pro principio primo Strimesius de originibus juris naturalis.

ad

Glossatoribus antiquis, qui idem summâ cum diligentia ruminarunt, in uno saltem operationes suas ostendisset.

18. Simile quid de alio Juris Romani brocardico: *Quod quisque juris in alium statuerit, ut ipse eodem jure utatur*, dicendum arbitror; cui analogum istud: *Quod tibi non vis fieri, alteri ne feceris.* b) Sunt vera, sunt pia dicta, evidentia non sunt, neque enim sunt adequata. Non procedunt inter inæquales. c) Non applicari poterunt ad officia hominis erga seipsum. d)

19. Penè obliti fuissetus Hobbesii. Is hanc legem naturæ pro fundamentali venditat: e) *Querendam esse pacem, ubi haberi potest, ubi non potest, querenda esse belli auxilia.* Non malè protestò, si modo, quod profitetur, Hobbesius sensisset, si modo per pacem intellexisset communem. Jam paulò ante dixerat, f) *Juris Naturalis fundamentum primum esse: ut quisque vitam & membra sua, quantum potest, g) tueatur.* Atqui hoc falsum esse, quot Eruditi jamdum ostenderunt? Secundum normam istam brutorum instinctus regitur. Hominis præstantia aliâ regulâ habet opus.

20. Leviter hæctenus à triariis & tironibus campum

ad §. 18. b) *Non afferam, quod v. g. non procedat in duellantibus, in duobus adulteris mutuo uxoribus amantibus.*

c) *Nam Dominus à servo potest postulare servitia, et si nolit ista rursus servo præstare.*

d) conf. infra caput de custodiendâ æqualitate §. 21.

ad §. 19. e) cap. 2. de cive §. 2.

f) cap. 1. §. 7.

g) *b. e. etiam cum alterius damno.*

pum purgavimus, nullis instructis subsidii. At nunc aliis armis utendum. Catervatim aggrediuntur hostes: Duces præeunt strenui, *Sanchez, Rodriquez, Vasquez*, vel nominibus suis terrorem facile incutere apti. Quid agemus itaque? Fugiemus? Pugnabimus? Id quidem turpe, hoc audax. Utrumque prudens. Fugiemus, Fugit etiam Horatius.

21. Ergo penè extrà locum conflictus constituti, expectemusictum primum. Quid, ajunt, opus est, diu quærere normam rationis? Ad imaginem Dei *b)* homo est conditus, necesse est igitur, ut & in statu post lapsum radii divinæ sanctitatis & justitiæ, tanquam reliquæ imaginis divinæ, in homine resplendant. Itaque, cum Deus, quæcunque egit, *i)* secundum normam divinæ suæ sanctitatis, bonitatis, sapientiæ ac justitiæ egerit, & ita legem quasi æternam ex libera voluntate sibi ipsi posuerit, necesse est, ut ad hunc archetypum lex quoque naturalis actiones hominum dirigens sit extructa, & adeo conveniens esse cum recta ratione, idem sit, ac *conveniens esse cum sanctitate & justitiâ divinâ.*

22. Quid nos ad ista? Examinabimus modo, an hæc præpositio: *Quicquid convenit cum sanctitate divinâ, id jure naturali præceptum est; quicquid disconvenit, id jure naturali est prohibitum:* conveniat cum requisitis positis? De veritate nihil dicemus. Suprà *l)* enim jam suo loco notavimus, legem istam æternam esse figmentum Scholastico-

ad §. 21. h) vide Zentgraf. de orig. Jur. nat. art. 4. p. 88. 89. §. 2. seq.

i) Hoc latius exequitur Osiander in typo legis naturalis.
ad §. 22. l) c. 1. §. 31.

sticorum, neque Deum leginisi impropriissimè esse sub-
jectum.

23. *Adequationem* age consideremus. Et *latior* vi-
detur nobis esse ista norma normato, & alio respectu
angustior. Quid enim, an non *legem divinam positivam* pu-
tas etiam in convenientiâ cum ejus sanctitate & justitia
esse positam? At jam qværimus axioma, ex quo conclu-
siones juris saltem naturalis possimus deducere.

24. Qvod si respondeas, jus positivum fundari in
convenientiâ cum divina voluntate, jus naturale in con-
venientiâ cum ejus sanctitate antecederet ad volunta-
tem divinam, recurram ad ea, qvæ jam *suprà m)* de in-
eprâ hâc abstractione attributorum divinatorum disse-
rui.

25. Sed & *angustior* est. Jus naturale dicitur *grati-
tudinem*? At hanc virtutem qvomodo ex archetypo di-
vinæ justitiæ deduces? Qvis beneficium dedit Deo, ut
ipsi retribuatur? *n)*

26. *Evidentiam* vero omnium maximè hîc deside-
ramus. Non repetam, virtutes & justitiâ de Deo præ-
dicari *divergentia*, & improprie. *o)* Id modo perpen-
das: De imagine Dei & ejus sanctitate vel nihil, vel con-
fusa saltem ex lumine naturæ hauriri, sed Scripturam
utramque hîc facere debere paginam. Unde si ethni-
cus qværat, cur homicidium. v. gr. sit contra sanctita-
tem divinam? cur v. gr. servatio pactorum sit secundum
ejus justitiâ? aut hærebit aqua; aut necessarium erit,
Scri-

ad §. 24. m) c. 2. §. 74. seqq.

ad §. 25. n) Job. 41. v. 2.

ad §. 26. o) c. 3. §. 59. seqq.

Scripturam S. in subsidium assumere, & ita committere
μετάθεσιν εἰς ἄλλο γένος.

27. Fallor vero, annon hæc conformitas juris naturæ cum essentia divina apud Scholasticos *originem* debeat Philosophiæ gentili. De platone enim Augustinus & Clemens Alexandrinus memorant, eum summum bonum & formam virtutis posuisse in eo, ut quis Deo assimiletur. p) Stoicorum ineptiæ, Sapientem suum cum Deo comparantium, in vulgus notæ sunt. q)

28. Nos itaque dicti Apostolici memores, r) *normam* juris naturalis non extra hominem quærimus, sed in ipso homine, cujus cordibus idem est inscriptum. Esto, s) in ratione humanâ residere imaginem aut reliquias imaginis divinæ, cur tamen non potius ipsam rationem hominis in se spectamus, quàm in relatione ad aliud extra eam? Est sanè ratio humana Ens aliquod positivum, non mera relatio, cujus essentia in eo saltem consistat, ut ad aliud referatur,

29. Igitur putamus, ipsam humani generis conditionem, seu *statum totius humani generis esse normam legis naturalis*. Et cur non putemus? Sanè ipsa naturalis ratio, quam pene omnes in ore habent, est ejusmodi conditio; sanè ex definitione status supra r) tradita suâ sponte fluit, omnem statum esse suo modo normam legis.

R

30. Sen-

ad §. 27. p) vide Horneji Ethicam ferè ubi suprâ §. 10. Statuebant etiam Platonici, animas esse effluvia essentia divina.

q) Vide Lipsii & Scioppii Philosophiam Stoicam.

ad §. 28. r) Rom. II. quod jus natura sit inscriptum cordibus hominum.

s) Hic respondetur ad objectionem §. 21.

ad §. 29. t) cap. I. §. 86.

30. Sentio vero hic aurem mihi vellicari, ne, cum in eo sum, ut ex primo principio practico omnia demonstrare coner, ipse in idem impingam graviter. Dixi enim superius, *Legem esse normam actionum humanarum*. Nunc dico: *conditionem hominum esse normam legis*. An igitur lex simul erit norma hominum, & homines norma legis? Hoc pacto certè idem simul norma est, & non est.

31. Tentabo, ut ad objectionem hanc tuam ex te ipso responsionem extorqueam. Fingamus, duplex esse hominum genus in hoc mundo, nullis commerciis ac conversatione sibi mutuo cognitum, unum corpore erecto & robusto, alterum imbecilli præditum, simulque in posteriori gibbum informem cervici insidentem caput deprimere, ut non parum inclinetur ad terram. Jam finge, utriusque hominum generi à medico diætam esse præscribendam, aut à sartore vestimentum eum in finem esse applicandum, ut utrumque sustineatur erectum, neve in terrâ quadrupedum instar repat. Quid tum putas, nonne diætâ præscripta, nonne vestimentum aptatum rectè vocari poterit norma vivendi, aut norma gressionis?

32. Porro, nonne putas, medicum in præscribendâ diætâ, & sartorem in conficiendo vestimento, respicere simul debere ad qualitatem corporum, cui istæ normæ applicari debent? Sane medicus corpori imbecilli plures cibos prohibebit, quàm robusto, medicamenta etiam in minori dosi suppeditabit. Ita sartor opus habebit ut in conficiendo vestimento pro hominibus gibbosis, spatium relinquat, gibbi receptaculum. Et cum in priorum vestimentis saltem materia sufficiat inclinationem leviter

leviter impediens, hic durioribus metallis, inclinationem ad terram fortiter reprimentibus, erit opus,

33. Sed quid hæc ad me? inquires. In his exemplis nequaquam idem simul norma est & normatum. Corporis conditio est norma diætæ & vestimenti. Diætæ vero & vestimentum sunt norma non ipsius corporis, sed actionum corporearum. Atqui hæc sanè differunt.

34. Imo verò respondebo, eadem est ratio Legis & Status. *Status norma legis est, Lex vero est norma actionum*, quas homines in isto statu viventes debent edere.

35. Apage igitur, ita perges, inanibus tuis similibus, quorum opete à mea objectione non liberabis. Ficta ibi sunt omnia. *Haudquaquam u) verò convenit ei, quæ veram religionem profitetur, ut talia fingat, quæ Deus nobis revelavit aliter.* x) Neque te libertate quadam Philosophica poteris tueri, cum Philosophia tua non debeat pugnare cum præceptis veræ religionis.

36. Ego vero non memini, Scripturam S. *fictionem* prohibere, non memini Augustanam Confessionem interdixisse, ne fingamus. Fingunt multa sæpius Theologi;

R 2

logi;

ad §. 35. u) Sunt verba D. Valentini Alberti Part. I. compend. c. 1. §. 28. p. 40.

x) Respondere ad ea quæ hic dissero §. 35. 36. 37. 38. voluit D. Alberti in disputatione de Philosophiæ Christianæ existentia & essentia in genere, habita anno 186. Lipsiæ §. 13. & 14. Sed ad ista

jam regressi in dissert. proœm. §. 52. quamvis ibi nomen ejus tacuerim. Scilicet ipse non audet definire quid sit fictio, nam aliàs sophisticatio ipsius nimis aperta esset. Ostendi verò ibidem ipsum Albertum in suo Compendio fingere, ut aded apertum sit eum nescire quid sit, de quo disputet.

ad

logi; y) Fingunt plura JCrī; docet Logica, z) quomodo juvenus eruditè fingere debeat, docet Poësis. An itaque ex Jurisprudentia tractatus de fictionibus, tanquam minus orthodoxus, erit eliminandus? An Libelli Logici, tanquam hæretici, expurgandi, qui istud propositionis hypotheticæ exemplum afferunt: si asinus volat, habet pennas? An Poetæ quatenus aliquid fingunt, ejiciendi ex Republica? Non arbitror.

37. Nempe aliud est *mendacium*, aliud *fiçtio*. Esto mendacium religioni esse adversum, a) tamen ab hoc *fiçtio* toto cœlo differt.

38. Ut enim de *fiçtionibus* juris Romani b) hîc nihil dicam, *fiçtio*, prout à nobis fuit usurpata, nihil aliud est, quam

ad §. 36. y) Huc spectant omnes quæstiones de potentiâ Dei circa actus, quorum contrarium ipse revelavit aliter. v. g. an Deus potuerit plures mundos creare? an potuerit genus humanum salvare sine Christi adventu in carnem? &c. Huc pertinent omnia ea quæ Alberti in suo Compendio normaliter ex statu integritatis deducit. Huc pertinet etiam lex æterna Scholasticorum.

z) Dum tractat de Syllogismo Hypoethetico.

ad §. 37. a) quævis de hoc suo loco distinctius visuri sumus in capite de officio hominis circa sermone.

ad §. 38. b) *Fictiones* juris Romani inter alia à *fiçtionibus* Logicis vulgaribus in eo differunt: *Fictiones* Logicæ nec primam partem propositionis hypotheticæ nec secundam seorsim consideratam affirmant. At *fiçtio* juris non affirmat à priori, affirmat posteriorem. Ita v. g. in *fiçtione* postliminii ita quasi est argumentatio: si rediens perpetuo mansisset in civitate, jura ejus non fuissent extincta. Jam vero non affirmant captivum perpetuo mansisse, affirmant tamen jura ejus non esse extincta, unde fingunt, ac si perpetuo mansisset. Ac ita in reliquis, quod notandum contra eos, qui dicunt in *fiçtionibus* leges vel

Præ.

qvàm *prima pars propositionis hypothetica*, c) neque affirmans aliquid, neque negans, sed saltem ex fictione inferens consequentiam partis secundæ. Unde notum axioma: *Conditionem nihil ponere in esse*. Item: *Exemplorum non requiri veritatem*.

39. Itaque subsistit assertio: ex statu & conditione communi humani generis desumendam esse normam legum naturalium, manent immota similia, quibus pro declaranda hac thesi fuimus usi, & in posterum ad demonstranda effata affinia utemur.

40. Cum verò suprà fufius deduxerimus, duplicem esse statum hominis, integritatis & lapsus, hinc jam ordo postulat, ut videamus, *ad quem statum* in deducendo jure naturæ debeamus reflectere. Sed hic quæso, ut ipse mihi respondeas.

41. Demus, medicum d) inter homines imbecilli corpore & sanitate præditos viventem, & ipsum imbecillem, communem normam conservandi vitam contraneis suis debere præscribere. Credisne, eum præcisè debere respicere ad constitutionem hominum robustorum, de quibus forte ex itineralio aliquo confusam hausit notitiam, aut ex scriptis medici alicujus cognovit, quænam remedia soleant ipsi ad vitam tuendam adhibere? An vero putas eum, cum perspiciat, se sanitatem i-

R 3

statam

<i>Prætorum committere mendacium.</i>	<i>tunc fictionis terminus eò applicari possit. Non enim fingimus ea quæ sunt, sed quæ non sunt.</i>
c) <i>Videtur tamen prima pars propositionis hypothetica latior esse fictione, nam sic a in se spectata vera est, ut v.g. si asinus non habet pennas, non volat, non nescio an</i>	ad §. 41 d) <i>Similis ratio est sartoris in altero casu fictionis suprà §. 31.</i>

ad

statum apud suos non posse attingere, saltem utroque oculo ideam quandam sanitatis ex constitutione hominum suorum sibi formatam respicere, eamque, ut conservet aut attingat saltem, incumbere debere?

42. Jam autem, quod hinc præcipuum est, demonstravimus supra e) evidentissimè, hominem viribus naturalibus f) subnixum, non posse hanc viram vel minimum gradum perfectionis ex statu integro recuperare, sed reliquiis suis debere esse contentum.

43. Et quid verbis est opus? ipsum vas Dei electum de miseriâ hâc, & quod *inclinacionem ad malum homo non possit ejicere*, g) gravissimè conqueritur, testis, ni fallor, omni exceptione major.

44. Id vero brocardicum, quod cum pace omnium peripateticorum dixerim, admittere nequeo, eum, qui scientiam aliquam traditurus est, *ideam sibi formare debere status cujusdam perfectissimi*, b) etiamsi ille non existat, neque existere, posita hâc hominum conditione, possit.

45. Non improbo quidem eò, quod videatur originem debere Philosophiæ Gentilium, & magnam partem Platoniciæ; i) improbo, quod planè non sit aptum ad vitam civilem. Conversamur non cum ideis hominum, sed cum hominibus, qui existunt; his aptanda erunt adeo remedia quæ ipsos conservent. Nec puto gratiam

ad §. 42. e) c. 2. §. 40. 41.

f) De viribus gratiæ enim hic non est sermo.

ad §. 43. g) ad Rom. VII. v. 15. seq. ubi vide omnino scholium Lutheri.

ad §. 44. h) vide Patris disput. de statu naturali & legali & passim in annot. Philos. Præct.

ad §. 45. i) cuius ferè hypotheses primariae ex doctrinâ de ideis connatis dependent.

1) Aut

tiam aliquem initurum, qui principem v. gr. de procurandâ reipublicæ utilitate consulentem remittat ad Mori Utopiam. l)

46. Porro & in statu integro fuit *jus positivum*, m) quod si itaque convenientia cum isto statu foret fundamentum juris naturalis, sequeretur, & jus positivum normam juris naturalis esse.

47. Multa præterea sunt hodie, quæ in statu integritatis non erant, nec futura erant, n) non societates inodo, sed & status hominum particulares, eorumque officia, puta *carnificum, obstetricum, belligerantium, sartorum, chirurgorum, elemosynas dantium* o) &c. Ut taceam, multa rursus fuisse, aut futura fuisse in statu integro, quæ hodiè non habent locum; talia sunt *nuditas protoplastorum, conjugia fratrum & sororum*, & si quæ sunt similia. p)

48. Denique, si evidentiam quæramus, iterum non satis-

l) Aut qui Medicinam tradat, concipiendo sibi hominem sanctissimum. Simile quid in Jurisprudencia, si concipiam hominem ut justissimum.

ad §. 46. m) scilicet universale: ut prohibitio arboris cognitæ boni & mali. An polygamia, divortium &c. ibi etiam fuissent prohibita? Utique si homo in eo statu generasset ut hodiè.

ad §. 47. n) vide supra cap. 2. §. 43. ubi quod quædam societates vel planè non, vel aliter fuissent futura.

o) Item Metaphysicorum, Medicorum, &c. & omnium qui disciplinas hodiè docent.

p) Succurrere vult D. Alberti huic difficultati per distinctionem inter id, quod ex statu integro deducitur normaliter & formaliter, quam distinctionem ipse fusius explicat p. 44. Part. I. §. 36. seq. Quid vero eadem in recessu habeat, quam optimè intelligere poteris ex simili §. 31. dato: Ita secundum doctrinam Albertinam vestimenta hominis rectè norma essent formaliter v. g. caligarum, tibialium, calceorum

satisfiet doctrinæ Apostoli, ex lumine naturæ gentes refutari volentis. Si enim quæras, cur homicidium est contra, cur pactorum servatio est secundum statum integrum? utrobique Scriptura defectum responsionis supplere debbit. Adde multas & terè infinitas de statu integro restare controversias, quæ in utramque partem disputabiles, etiam si Scripturam adhibeas, quoniam quæ Scriptura de isto statu refert, pauca sunt.

49. Igitur nos quidem primario considerabimus naturam hominis prout est, corrupta nimirum, at, (ne cavilleris) jus quoddam corruptum) suo modo adhuc recta.

Postea

ceorum &c. hominis gibbosi: Hætenus enim inter utrosque homines in vestimentis differentia haud est. Sed intuito toge, quam inducere debet homo gibbosus, vestimentum hominis recti saltem normaliter esset norma, b. e. in constituenda parte posticâ toge pro homine gibboso sartor etiam intuebitur vestimentum hominis recti, & quoniam in ejus tunica parte posteriore nihil invenit, ad cujus normam suam tunicam aptet, refugium v. g. in tibialibus quæret, & ita argumentabitur: quemadmodum in tibialibus hominis recti cavitas quedam est relinquenda quæ suras ejusdem recipiat, sic mihi in tunica parte posteriore cavitas formanda est, quæ sit receptaculum gibbi. Est

profecto talis hac ratiocinatio, ut non melius quam admiratione excipi queat. Igitur sartoribus hominum gibbosorum gibbosis & ipsi, ars sua tantum apud homines rectos erit addiscenda, illi vero, qui sua saltem objecta, suos gibbos intuentur, & subtilitates istas, quod norma vel normaliter vel formaliter norma sit, ne quidem fando unquam audire, pro artificibus minimò habendi erunt, etiam si vestimenta consuere possint ad finem obtinendum aptissima? Quis talia non rideat, an flect?

ad §. 48. 9) e. g. de imperio conjugali in statu integritatis, de rebus publicis &c.

ad §. 49. 1) quod opponunt nihil fallor Strimesius & Alberti Dn. Puf-

fen-

Postea ex eodem principio, cum inter Christianos scribamus, s) confirmabimus ac illustrabimus sententiam nostram, ostendendo, idem principium nostrum etiam in *statu integritatis* obtinuisse.

50. Neque enim homo integer & lapsus specie differunt, uti nec homo robusto & imbecillo corpore. Conclusiones utrobique variant, t) generalia vero principia utrobique sunt eadem, quæ, uti ex sola cognitione diversi status u) non discuntur, ita aptus tamen debet esse verbi gratia medicus bonus, x) ut ex iisdem principiis generalibus, diversimodè applicatis, & robustum hominem curet & imbecillem.

51. Habet itaque homo, eam à bestiis differentiam, quod sit *rationalis*. Utinam autem noster Intellectus saltem illam haberet perspicuitatem, ut perfectam & à priori apodicticam sui ipsius cognitionem possideret. Jam necesse est, ut fere per ambages in rationis naturam inquiramus.

52. Ratio hominis in *cogitatione* consistit. *Cogitare* est connectere terminum cum termino, y) propositionem cum propositione, quod posterius *rationari* vocatur, z) *Rationari* verò non possumus, nisi per *verba*,
S eaq;

fendorffio. vide supra cap. 2. §.

42. 44. seq.

s) Ita aliquo modo recedimus à methodo Dn. Pufendorffii.

ad §. 50. t) Regula enim, quod status sit norma legis, tantum procedis in conclusionibus, non vero in primis principiis. Exemplum simile iterum est in medicina, arte sar-

toria &c.

u) Ita non discitur medicina & ars sartoria ex consideratione nudà diversorum objectorum.

x) Idem de sartore.

ad §. 52. y) Nam jam supra rejecimus primam mentis operationem cap. 1. §. 46.

z) vide cap. 1. §. 45.

eaque vel in mente retenta, vel ore prolata, undè & λόγος est vel ἐνδιάθετος, vel προφορικός, verba autem, ut infra a) videbimus, profluunt abimpositione hominum in eadem Societate viventium.

53. Porro, quicquid dicant Cartesiani, infantes à nativitate primâ non cogitant, b) sed aptitudine saltem cogitationum pollent. Ferè autem hæc aptitudo absque consortio hominum in actum non poterit deduci. Nam quæ in Historiis de hominibus inter feras educatis legimus, ea profecto ejusmodi homines nihil ferè didicisse à bestiis referunt, vel certè inter bestias aptitudinem illam cogitandi parum fuisse promotam. c)

54. Ut multa paucis contraham: Ratio absque sermone non est, d) sermonis extra societatem nullus est usus, e) nec ratio citra societatem se exerit. f) An ergo errabimus, si dixerimus, aptitudinem illam, quæ in hominibus ante rationis exercitium est, nihil esse aliud, quàm inclinationem, cum aliis hominibus ratiocinandi? Sane omnis aptitudo ad actum, tanquam ad finem, tendit.

55. Igitur, dum hominem rationalem dicimus, idem est, ac si dicamus *Socialem*. Socialitas vero est inclinatio communis, toti humano generi à Deo indita, vi cujus desiderat vitam cum aliis hominibus beatam

&c

a) In capite de officio hominis circa sermonem.

ad §. 53. b) Dixi quædam hæc de re in disputatione de jure circa somnum.

c) Credo certò, quod ejusmodi homo inter feras educatus, si ex isto post doctrinam inter homines ex-

cultam quæseris, quid cogitasset, dum fuisset inter bestias? a què nihil respondere posse, ac si quæras ex adulto, quid cogitaverit in primâ infantia?

ad §. 54. d) per §. 12.

e) per verba finalia d. §. 52.

f) per §. 53.

& tranquillam. g) Cur verò *tranquillam*? quia in statu turbulento quâ tali non ratiocinamur. b)

56. Vita autem hæc tranquilla in actum deducta dicitur *Societas*; cujus contrarium, ipsis Peripateticis factentibus, est *diffidium*.

57. *A posteriori* autem sententiam nostram probamus, quoniam *homo citra Societatem non potest esse beatus*. Non dicam hic de miseriâ summâ illâ, in qua *infantes* forent constituti absque consortio humano. i) Etiam in *adultis* vita foret misera, si non essent homines alii, qui ipsorum necessitatibus subvenirent.

58. Quid quod? ad cujusvis propriam provoco conscientiam, etiamsi fingamus, aliquem *eâ felicitate gaudere*, quam de *Psyche* Poetæ fabulantur, si tamen omni societate humanâ foret destitutus, annon potius optaturus esset in Societate humana vivere & istis sensuum delectationibus carere.

59. Adde quod, si accuratè velis loqui, rarissima & ferè nulla citra Societatem *sensuum delectatio* futura sit. l)

60. Ipsi *misanthropi*, si extra Societatem constituti forent, essent miseri. Nihil quippe deprehenderent, in quo odium suum excolere possent. m)

S 2

61. Ipsi

ad § 55. g) Conveniet, spero, hæc socialitatis definitio menti Dn. Pufendorffii, quamvis non meminim socialitatis definitionem aliquam in ejus scriptis me legisse.

h) Et quia in statu turbulento non est societas, per consensum Peripateticorum.

ad §. 57. i) vide cap. 2. §. 58. 59.

ad §. 59. l) declaratum id percurrente delectationes quinque sensuum externorum.

ad §. 60. m) Misanthropos hic voco, qui actiones omnes humani generis taxant, quorum genus exposuit Comicus Gallus.

61. *Ipsi librorum belluones, n)* & qui nunquam minus solos se putant, quam si non sint soli, miserimi forent, libris destituti. At libros unde acciperent, si Societas hominum non foret? Pone, extingui reliquos homines, quid libri prodesse, si non possent ostendere aliis, quid in hoc vel illo autore displiceat? &c.

62. Quod si dicta ex *historia Status integri* velis confirmare, habemus testimonium divinum omni prudentia, etiam Salomonea, longè majus. Erat Adamus cæterâ telicissimus. Carebat Sociâ. *Non esse bonum, pronuntiabat divina Sapientia, hominem esse solum. o)*

63. Manet itaque inconcussum: naturam hominis *rationalem* eandem esse, quam *socialem*: Et consequenter per convenientiam cum natura rationali intelligi convenientiam cum Socialitate hominis.

64. Statuimus igitur, summam legis naturalis in illo principio contineri: **FAC EA, QUÆ NECES-SARIO CONVENIUNT CUM VITA HOMINIS SOCIALI, ET, QUÆ EIDEM REPUGNANT, OMITTE.**

65. Atque sic de *veritate* hujus principii nullum restat dubium. Quod *adequatum* sit, non solum inde patebit, quod omnia præcepta specialia juris naturalis ex hoc fonte simus deducturi, sed &, quod nullum præceptum juris positivi huc referri possit.

66. *Evi-*

ad §. 61. n) Posses & hos alio in significato appellare misanthropos, quatenus aliorum hominum consortia fugiunt.

ad §. 62. o) Ostendi in disput. de crim. bigamia, dictum hoc pertinere tantum ad societatem conjugalem.

66. *Evidentia* denique sic demonstratur. Initio: (p) Si Deus voluisset hominem non ea facere, quæ cum Socialitate ejus conveniunt, non voluisset rationalem. At homo irrationalis involvit contradictionem.

67. Deinde (q) etiam evidens est connexio conclusionum cum primo isto principio. Nam quando v. gr. quæro, quomodo *homicidia, furtiva &c.* repugnant socialitati, evidenter respondeo, quia ea turbant tranquillitatem communem totius humani generis.

68. Similiter, quando quæro: quomodo v. gr. *pa-*
etorum observatio necessario convenit cum Socialitate? evidens est responsio, quia, si ea non servarentur, turbaretur eadem tranquillitas.

69. Vides simul, quod *actus necessario conveniens* cum Socialitate, ille sit, cujus omissio, & *disconveniens*, cujus commissio turbat pacem communem humani generis. Oriretur enim ferè ex ista omissione vel commissione bellum, & quidem bellum omnium contra omnes, quod certè genus humanum extingueret.

70. Non desunt tamen, quæ contra *adequationem* principii nostri solent proferri in medium. Putant alii, ex eo fonte etiam deduci posse ea, quæ longè se habent aliter, nempe & *latrones* facere ea, quæ cum (r) Societate suâ & ejus fine conveniunt; unde & hæc objectio simul veritatem axiomatis nostri impetit.

S 3 71. Sed

ad §. 66. p) Hic habes eviden-		conclusionum.
tiam principii ipsius.		ad §. 70. r) Hoc facit Ziegler-
ad §. 67. q) Hic evidentiam		rus ad Grotium.

71. Sed hi quidem apertè *Societatem* cum *Socialitate* confundunt. Tum demum Societas rectè se habet, si non cum Socialitate pugnet.

72. Et ne mireris, quâ ratione possibile sit, ut Societas pugnet cum Socialitate, cum à Socialitate dicatur Societas, cogita rationem (latronis) pugnare cum rationalitate absque ulla contradictione.

73. Plures s) autem putant, ex principio nostro deduci saltem posse officia hominis erga alios homines, non autem officia *hominis erga Deum*, erga *seipsum*, erga *bestias*.

74. De Officiis hominis *erga Deum* facilè concedemus, quatenus per ea intelligitur cultus Dei externus. Hic enim, ut mox t) demonstrabimus, ad Theologiam pertinet, non ad Jus Naturale.

75. Quod si verò sub nomine officiorum erga Deum intelligas obligationem erga Deum in genere, & sic nihil adversum nos obtinebis. Nam & id præceptum, Deo parere, non est præceptum juris naturalis, sed ejus præsuppositum. Ostendimus quippè hoc præceptum pertinere ad jus divinum in genere. u)

76. Officia vero *hominis erga se*, propriè loquendo, non dantur. Nam nemo sibi obligatus esse potest, ergo nec sibi metipsum debere officium. Quæ autem ita vocantur officia, reverà sunt officia vel erga Deum, vel erga alios homines, quatenus occasione sui ipsius homo utrisque

ad §. 73. s) D. Alberti, Strimiesius,
Velthem, & omnes quod sciam an-
tagonista Dn. Pufendorffii.

ad §. 74. t) cap. 1. libri secundî.
ad §. 75. u) vide cap. 3. §. 41.
| seqq. junct. §. 2. hujus cap. 4.

que est obligatus, adeoque illius respectu ex Scriptura, horum intuitu ex Socialitate suo loco x) deducuntur.

77. Denique officia hominis *erga bestias* non magis dantur, quam Societas hominis cum bestiis, quamvis & abusus bestiarum per consequentiam lædat Socialitatem, vel jus Dei positivum, quod & ipsum convenienti loco y) immiscebimus.

78. De primo principio Juris Naturalis hætenus. Primum principium *juris positivi* hec est: *PRÆTER EA, QUÆ NECESSARIAM CONVENIENTIAM CUM NATURA HOMINIS SOCIALI HABENT, 2) FAC EA, QUÆ TIBI DEUS FACIENDA IN SCRIPTURA SACRA REVELAVIT, ET OMITTE CONTRARIA.*

79. In specie, quod *jus positivum universale* concernit, *tria* facimus quoad principium cognoscendi ejus requisita, duo communia cum jure positivo quocunque, tertium peculiare; scilicet 1. ut actum præceptum esse aut prohibitum Scriptura indicet, 2. ut is actus ex Socialitate deduci non possit, 3. ut Scriptura indicet, Legem istam Dei pertinere ad omnes homines.

80. Ex his duobus fontibus omnes conclusiones præceptorum specialium, tanquam rivulos, deducemus. Et de *interpretatione* quidem *juris naturalis* ulterius disserere non est opus, cum in exponendis conclusionibus eâdem methodo demonstrandi atque eâdem ratiocinatione,

ad §. 76. x) cap. 2. lib. 2.

ad §. 77. y) In capite de Dominio.

ad §. 78. 2) Addidi hæc verba, quæ non extant in editione prima.

Fuerunt autem addenda, quia & *jus naturale* in scriptura inter revelationes reliquas extat. Huc pertinet & requisitum secundum in §. seq.

tionem, quâ hæcenus, finis usuri. Sed *in jure positivo* jam aliud incipiet interpretationis genus, quod loco demonstrationum utitur conjecturis, seu argumentis probabilibus. Nam jus positivum non est inscriptum Cordibus,

81. Illa argumenta probabilia, quomodo formari deberent, etiam certis regulis quibusdam generalioribus nunc exponi deberet. Sed differenda est hæc doctrina tamdiu, donec *naturam pactorum*, & officia circa pacta exposuerimus.

82. Uti enim benignissimum Numen in revelandâ lege positivâ se ad captum humani ingenii accommodavit, ac sermone humano usus fuit; atque adeo eadem regulæ hîc tenendæ sunt, quæ in interpretatione pactorum occurrent, ita non poterimus commodè istam de sermone & pactis doctrinam hîc antevertere. Accedit, quod in officiis, quæ eousque tractabuntur, de juris divini eò pertinentis expositione ferè unanimis sit

Eruditorum sententia,

FINIS LIBRI I.





INSTITUTIONUM JURISPRUDENTIÆ

DIVINÆ

LIBRI II.

CAP. I.

De Officiis hominis erga Deum.

SUMMARIA.

Officium hominis erga Deum quid sit? §. 1. Præceptum id dirigens
unicum §. 2. Quid cultus? §. 3. Cultus internus & externus
§. 4. Internus fluit ex principio generico jurisprudentiæ divinæ §. 5.
Cultus externus vel generalis §. 6. vel specialis §. 7. Cultus ex-
ternus an ex jure naturæ deduci possit? §. 8. Dignissimus est Deus
qui colatur §. 9. & justissimum, ut colatur, si coli velit §. 10. An
coli velit ex solâ ratione, determinari nequit §. 11. sive naturam
Dei respicias §. 12. sive naturam hominum §. 13. Actus irreligi-
giosi sunt contra jus naturæ §. 14. Cultus externus est maximè
licitus §. 15. Ratio sola non cognoscit necessitatem precum §. 16.
laudum §. 17. & gratiarum actionum ore prolatarum §. 18. 19.
Aliorum argumentorum imbecillitas §. 20. petitorum & testimonio
gentilium §. 21. à beatitudine reipublica §. 22. 23. Religio re-
spicit

spicit beatitudinem hominis aeternam §. 24. Multo minus autem demonstrari poterit cultus Dei specialis §. 25. Ergo hoc officium ad revelationem pertinet §. 26. neque Deus unquam ab hominibus secundum propria rationis determinationem coli voluit §. 27. Egyptii petierunt cultum suum à vera Ecclesia §. 28. Religio vel naturalis vel revelata §. 29. Religionis homonymia §. 30. Expōnitur divisio illa religionis secundum diversas religionis acceptiones §. 31. seq. Aliud religio vera, aliud salvifica §. 34. Quoad cultum externum omnis religio est revelata §. 37. Omnes religiones in revelatione aliqua fundantur §. 38. Doctrina de officio hominis erga Deum pertinet ad Theologos §. 40. Recensentur exempla quædam questionum illustrium eò pertinentium §. 41. seqq.

§. I.

Per officium hominis erga Deum hoc loco non intelligitur principium aliquod theoreticum, sed practicum. Et hoc quidem non disponens circa actiones tantum internas, sed potissimum circa externas, neque tamen principium aliquod practicum primum, sed speciale, quod per modum conclusionis ex primo principio juris naturalis vel positivi de monstrari possit.

2. Includitur id uno hoc præcepto: DEUM COLE SECUNDUM MODUM AB IPSO REVELATUM.

3. Quid per Deum intelligamus, ostendunt antecedentia, per cultum denotamus actionem exteriorem humanam oris, operis aut gestus, declarantem observantiam & honorem alii debitum.

4. Quamvis enim nonnunquam cultus divinus soleat dividi in internum & externum, a) reverà tamen cultus internus non est cultus absolutus & propriissimè dictus, sed cultus saltem externi præsuppositum.

5. Hinc

ad §. 4. a) vide Dn. Pasend. De O. H. & C. l. 1. c. 4. §. 6. seqq.

5. Hinc & ea quæ ad cultum *internum* referri solent, b) puta ut homo Deum *honoret & veneretur*, seu opinionem habeat de ejus summa potentia cum bonitate conjuncta, ut eum *amet*, tanquam omnis boni autorem & datorem, ut in eum *speret*, tanquam abs quo in futurum quoque omnis nostra felicitas dependeat, ut in divina voluntate *acquiescat*, tanquam qui pro sua bonitate omnia optimè faciat, ut eum *timeat* tanquam potentissimum, & cujus offensâ maximum sit malum conciliare apta, denique ut in omnibus humillimè *obsequatur* tanquam creatori, domino ac rectori optimo maximo; hæc, inquam, omnia, quatenus ex lumine naturali demonstrari possunt, jam præsupponimus, tanquam latentia in primo principio Jurisprudentiæ divinæ in genere, *Deopare*.

6. *Externus* igitur Dei cultus, seu *cultus Dei simpliciter*, aut *cultus Dei religiosus*, est vel *generalis* & plerisque si non omnibus gentibus communis, vel *specialis*. Ille potissimum ad tria momenta, *invocationem* Dei, *laudationem* ejus, & *gratiarum actionem* videtur referri posse. c)

7. *Specialem* voco d) modos diversos & apud gentes variantes invocandi & laudandi Deum, eique agendi gratias; quò spectat inter Christianos v. g. quod debeant aut soleant fieri in nomine Christi, animo vindictâ vacuo, publicè, extensione manuum, aperturâ capitis, etiam pro hostibus, adhibitâ musicâ, jejuniis item & auscultatione verbi. Huc pertinet etiam *Sanctificatio Sabbathi* & *usurpatione Sacramentorum*, &c.

8. Etsi itaque non ignorem, solere etiam *cultum externum* Dei à pluribus ex dictamine rectæ rationis deduci, distinctè tamen hic erit procedendum. e)

T 2

9. Dignis-

ad §. 5. b) Refert hac eò Dn. Pufend. d. 1.

ad §. 6. c) conf. Dürrii Theol. Moral. p. 65. seq. & c. c. i. fac. b.

ad §. 7. d) Dürrius. p. 66. seq.

ad §. 8. e) Putabam, cum ista scriberem, me cautè processisse in exponendâ sententiâ meâ, & scio, Theologos Lipsienses, cum prodirent Institutiones mea, sollicitè examinasse

9. *Dignissimum* esse Deum, qui ab hominibus colatur, certum est, & hoc evincunt potissimum argumenta eorum, qui cultum divinum ex lumine naturæ demonstrare aggressi sunt. f)

10. *Quin & justissimum* esse, ut homo Deum colat, si Deus cultum ab homine exigat, promptè ex principio primo Juris prudentiæ divinæ: *Deo pare*: sequitur.

11. At de eo jam quæstio est, vel certè esse debet: *Utrum ratio hominis sibi relicta demonstrare possit, Deum ab hominibus cultum exigere?* Atque hoc difficillimè procedere asserimus. g)

12. Etenim si *Deum respicias*, Deus cultu isto exteriori non habet opus. h) Quâ excusatione usus fuit Demonax Philosophus, i) cum impietatis & sacrilegii accusaretur, quod Minervæ nunquam sacrificasset. Respondit enim, se sacra Minervæ hucusque non fecisse, quod suis oblationibus eam egere non putaret.

13. Qua-

nasse hoc caput, ita tamen ut eâ dere ab ipsis mihi nunquam controversa fuerit mota. At deprehendi tamen postea, unum & alterum Sophistam & Hypocritam vitio suo non potuisse concoquere doctrinam hanc meam. Quare reasumsi eandem in Introductione Germanica ad Ethicam c. 3. §. 37. seqq. atque ibi paululum distinctius eandem proposui, quæ adeo cum hoc capite erit conjungenda.

ad §. 9. f) Quod magno conatu agit Veltshemius ad Grotium p. 1211. Sed nihil amplius evincit, quàm dignissimum esse Deum qui colatur. At quis unquàm de eo dubitavit? cum ipse Epicurus providentiam divinam negans, Deos ob excellentiam naturæ colendos statueret.

ad §. 11. g) Vides, nos asserere: Rationem humanam ignorare, an Deus externo cultu coli voluerit, minimè autem: eam negare, quod Deus coli debeat, hoc enim esset contrà §. 9. & 10. Unde si quis meam doctrinam in posteriori sensu acciperet, cavillator apertus foret.

ad §. 12. h) Unde hoc volo in istis verbis: Ratio nihil deprehendit in naturâ Dei, unde inferre possit Deum voluisse coli. Minimè istud: Quic. non opus habet cultu humano, ille non est colendus.

i) Vide Lucian. in Demonæte. Ærod. Rer. judic. lib. 1. tit. 2. cap. 5. p. 10.

13. Quantum verò *ad hominem* attinet, Hominis socialitas 1) seu vita tranquilla, seu quocunque modo beatitudinem ejus temporalem efferre velis, directè per omissionem harum actionum externarum non læditur, modò cultus internus non tollatur.

14. Igitur id quidem cognosco, blasphemiam & contemptum Dei & *quicquid cultui interno est adversum*, sive intra animum retentum, sive actionibus exterioribus declaratum fuerit, pugnare cum rectâ ratione, quia pugnat cum cultu interno ex præcepto: *Deo pare*, demonstrato.

15. Cognosco ulterius, *cultum externum* esse ex rebus *licitis in gradu eminente*, & non solum rationi hominis naturali eum non repugnare, sed & longè melius esse, si Deus colatur, quam si cultus iste omittatur.

16. At hæc omnia ad demonstrandam *necessitatem* cultus externi non sufficiunt. Ratio sibi relicta nomen rationis humanæ haud quaquam amittit, etiamsi ratiocinetur, *preces ore prolatas* ad res medias pertinere, cum Deus ut cordium scrutator suspiria exaudire possis, & ipse tanquam creator meus ac conservator, etiam sine precibus sciat, quarum rerum indigeam.

17. Sic & per *laudes* humanas eminentiæ & majestati divinæ nihil accedit, quin imò, si ab homine reverentia & timore Dei carente proferantur, recta ratio dicat, peccare graviter hominem, Deum per signa exteriora decipere intendentem. Sin homo intrinsecè Deum magnificiat, laudes exteriores superflue videbuntur rationi.

18. Idem & de *gratiarum actione* dictum esto. Accedit, quòd, ut suo loco demonstrabitur, gratiarum actio ideò inter homines sit necessaria, ut alteri demonstrem, beneficium præstitum

T 3

tum

ad §. 13. 1) Quod si dicas, hoc vitium esse hypotheseos mea, quod ex socialitate deducam jus nature, urgebo, me expetere demonstratio-	nem vel ex hypothesis status integri, vel ex hypothesis sanctitatis divina, quomodo externo cultu Adamus Deum coluerit?
--	---

tum esse acceptum mihi, meque iterum ad inserviendum alteri paratum. At intuitu Dei cogitationes meæ hæc demonstrare aptæ sunt.

19. Scilicet, ut summam dicam, preces, laudes, gratiarum *actiones, signa inter homines sunt externa*, ideo necessaria, quia homo hominis cogitationes non novit. Novit verò Deus.

20. Neque officit, si dicere velis, cultum externum Dei necessarium fuisse non propter Deum, sed *propter homines ipsos*, cum *Rerum publicarum felicitas* sine cultu externo fere non possit subsistere, & *nulla detur Respublica*, in quâ non aliquis externus Dei cultus vigeat. Adde quod & *Gentiles* cultum hunc debitum acriter inculcent. *m)*

21. Et si enim hæc satis speciosa sint, tamen jam suprà monuimus, *ex testimonio gentilium* (præterquam quod & in his disquirendum, utrum de cultu externo an interno loquantur) non firmiter probari posse, aliquid esse Juris naturalis; adeoque & usus communis gentium saltem argumentum illustrans, non probans suppeditare poterit.

22. Quod autem *felicitem Rerum publicarum* concernit, cautè dispiciendum, ne finem secundarium cultus divini pro principali arripiamus. Hactenus beatitudinem Rerum publicarum per cultum externum promoveri ratio assequi potest, ut eò melius quilibet civis alteri per signa exteriora reverentiam internam erga divinum numen tanquam fundamentum omnis obligationis declaret, ac ita fiducia sociorum erga se invicem eò magis augeatur. Cæterum *quemadmodum* hæc declaratio externa sæpius fallit, ita & omissio ejusdem per se ac necessario beatitudinem Reip. non turbat.

23. Accedit, quod si beatitudo Rerum publicarum genuinus cultus divini finis foret, ex regulâ Philosophorum receptâ, (finem

ad §. 20. m) *Ex Gentilibus vide* l. 2. c. 20. §. 44. 45. Adde D. Alberti in compend. P. 2. p. 39. l. 1. c. 1. p. 291. & ipse Grotius 41.

(finem esse normam mediorum) dicendum esset, cultum hunc pro varietate Rerum publicarum & ipsum variare, & ita utilitatem singularum Rerum publicarum cultûs divini normam esse debere, quod statuere velle impium est.

24. Et contentur quidem profectò omnes: cultûs religiosi finem verum esse *beatitudinem hominis aeternam*, at hunc finem ratio sibi relicta non penetrat, quomodo igitur posset cultûs divini tanquam medii cognitionem penetrare? *n*)

25. Sufficere hæc possunt de cultu Dei religioso, quem *communem* diximus. Intuitu *specialis* tot argumenta se suppeditant pro nostra sententia, quot circumstantiæ & modi specialis cultus se nobis offerunt, quæ singula prolixè exponere non videtur opus, cum specialis cultus generalem, cujus necessitatem à ratione percipi non posse hucusque ostendimus, præsupponat.

26. Vides adeò, quam maximè ratio nostra in officio hominis nobilissimo cœcutiat, & in quantum lumen naturæ suæ lumine revelationis caliginè sit obductum, quamque periculosè procedant, qui sanctissima Dei mysteria rationis per lapsum debilitatæ modulo metiri aggrediuntur. Atque ita simul intelligis, cur in præcepto officium hominis hæc parte dirigente addiderim: Deum colendum esse *secundum modum ab ipso revelatum. o*)

27. Quod si *historiam sacram* atque *Ecclesiasticam* evolvamus, patebit, nunquam Deo placuisse cultum à ratione humanâ inventum,

ad § 24. n) Conf. B. à Seckendorff in *teutschen Reden* p. 477. qui tamen cultum deducit alias ex jure naturæ, quia putat immortalitatem animæ & beatitudinem aeternam ex ratione demonstrari posse.

ad § 26. o) Agnovit hoc Socrates ap. Augustin. l. 1. de consens. Evang. cap. 18. unumquemque

Deum sic colere oportere, quomodo se ipse colendum esse præceperit. Quem locum cum similibus adducit D. Alberti P. 2. c. 1. §. 8. p. 43. nec sentit per eum corrucere omnia quæ iose à §. 6. ibidem differit, tanquam ea sint præcepta juris naturalis, cujus compendium ibidem exhibet.

tum, p) sed à primordio mundi voluisse divinum numen, ut verus cultus secundum normam divinæ revelationis dirigeretur..

28. Unde cum antiquior fuerit vera Ecclesia falsis religionibus, & Diabolus perpetuo fuerit simia Dei, magis probabilis videtur eorum sententia, qui putant Ægyptios ac reliquos gentiles primorum seculorum, multa hausisse vel potius retinuisse à Deo ab initio instituta, quam illorum, qui docent quòd Deus in ferendis legibus suis positivis, potissimum ceremonialibus, multa ex præceptis Ægyptiorum aut Zabiorum desumpserit. q)

29. Simul vero ex dictis patet, quid sentiendum sit de communi divisione religionis in *naturalem & revelatam*.

30. Modò homonymiam religionis prænotaverimus, quæ vel accipitur pro actibus intellectus circa Deum & res divinas, seu Notitia Dei, vel pro actibus voluntatis & quidem aut pro cultu interno, aut pro externo, vel conjunctum aut pro notitia Dei & cultu interno, aut pro utroque cultu, aut pro notitia & cultu utroque. Tot enim modis ferè à diversis scriptoribus religionis terminus supponitur.

31. Qui itaque per religionem intelligunt notitiam Dei, illi haud dubie rectè eam in *naturalem & revelatam* sub dividunt, quamvis ferè communiter notitiæ huic naturali plus tribuant quam par est. Unde huc repetenda sunt ea quæ superius r) ea derefusiùs differuimus.

32. Qui cultum internum respexerunt, neque ipsi aberrarunt, cum modò s) demonstraverimus & hunc ex primis principiis prædictis deduci.

33. Neque in eo aberrarunt, ut arbitror, dum religionem hanc naturalem primi & secundi significatus cæteris paribus ad religionem veram retulerunt.

34. Quam-

ad §. 27. p) Exemplo Vituli aurei, Saulis non obediens jussui Samuelis &c.

ad §. 28. q) De priori sententiâ vide Clasen. in Theol. Gentili. D.

Alberti. d. l. p. 48. §. 15. Posteriores defendit Spencerus peculiari opere de LL. Ceremon.

ad §. 31. r) Lib. 1. c. 3. §. 49. seq.

ad §. 32. s) hoc c. §. 5.

34. Quamvis enim à non paucis ista opinio vapulet, quòd notitiæ hæ naturales de Deo & de cultu interno ad salutem non sint sufficientes, non puto tamen hoc argumentum firmiter concludere, cum *verum & salvificum* esse differant.

35. Itaque hætenus religio *vera naturalis & revelata* in eo differunt, quòd hæc sit salvifica, illa saltem ad salutem hominis temporalem tendat.

36. Et qui aliter fieri possit? cum religio naturalis longè imperfectior sit revelatâ, & fide tantum humana, ratiocinatione subfulta, nitatur.)

37. Sed qui per religionem naturalem intellexerunt cultum aliquem *externum* divinum naturâ cognitum, illi aberrarunt à vero. Nam hoc sensu *omnis religio est revelata*.

38. Probationem jam dedimus. Accedit, quòd nulla possit in toto terrarum orbe nominari religio, quæ non revelationem aliquam prætendat. Nos veri Dei revelatione nitimur, *heretici* omnes vel interpretatione scripturæ sacræ abutuntur, vel peculiares revelationes crepant, quòd & *Judæi* faciunt. *Turcæ* revelationibus Pseudoprophetarum suorum credunt; *Ethnici*, uti ab initio revelationes diabolicas cum divinis misçuerunt, ita adhuc hodiè vel cacodæmonis mendaciis se decipi patiuntur, vel fallaciis ministrorum ejus, v. g. Braminum & similium fidem habent.

39. Itaque ex hoc significato religio revelata vel vera vel falsa est, naturalis verò vel figmentum vel certè falsæ religionis species.

40. Atque adeò non expectabitur à nobis, ut conclusiones speciales de officio hominis erga Deum ex principio suprà de cultu Dei posito deducamus. Pertinet enim hæc deductio ad Dominos Theologos.

41. Igitur non saltem omittemus expositionem præceptorum religionis *Christiana* in specie sic dictæ, sed & illorum præceptorum religionem concernentium, quæ humano generi in *Adamo* vel *Noacho* publicata fuit.

U

42. Eò

42. Eò pertinent quæstiones non paucæ in utramque ventilatæ partem de *Sacrificiis*, & illorum origine.

43. Item controversiæ plures de *Sabbatho*, & ejus culturâ, potissimum ista, quidnam in illo præcepto morale sit, quid ceremoniale. u)

44. Nec minus de *interdicto esu sanguinis* & membri animalis viventis, ejusque hodierno usu post decretum conventus Apostolici ea propter Ethnicis conversis in primitivâ Ecclesiâ repositum. x)

45. Ergò potuissimus hoc capite tanquam à Jurisprudentiâ alieno, carere, nisi contra sentientium opinioni & rationibus fuisset respondendum.

CAPUT II.

De

Officio hominis erga seipsum. a)

SUMMARIA.

Instinctus naturalis se conservandi homini cum bestiis communis §. 1. 2. socialitati tamen subordinari debet §. 3. Prima & secunda natura apud Stoicos §. 4. 5. Cultura sui ipsius præmittenda officiis erga alios §. 6. Præceptum generale: CONSERVA TE, UT TRANQUILLITATEM COMMUNEM PROMOVEAS, §. 7--10. Præceptum respiciens totum hominem: NOSCE TEIPSUM §. 11. 12. 13. Præcepta specialia quoad animam: COLE ANIMAM PRÆ CORPORE ET VO-

LUN-

ad §. 43. u) Quoad hunc & præced.
§. conf. D. Albert. d. §. 15. p. 48.

liar. dissert. adj. tractat. de LL.
Ceremon.

ad §. 44. x) De hac controversiâ
vide quæ disserit Spencerus pecu-

a) Junge cum hoc toto capite
Pufend. de J. N. l. 2. c. 4. 5. & 6.
nov. Edit.

LUNTATEM PRÆ INTELLECTU §. 14. 15. *Quid de bonis fortuna?* §. 17. & *spiritualibus?* §. 18. 19. *Homo immortalitatem animæ ex natura non cognoscit.* §. 20. -- 27. *Quoad corpus:* VITAM SANITATI, HANC INTEGRITATI MEMBRORUM PRÆFER §. 28. -- 31. NON APPETE IMPOSSIBILIA §. 32. *Specimen conclusionum ex istis præceptis deductarum* §. 33. -- 65. *Controversiarum item exinde deducendarum* §. 66. I. *de potestate hominis in propriam vitam.* §. 67. -- 69. & *an autochiria omnis sit prohibita?* §. 70. -- 79. II. *de conservatioe sui, an liceat se violenter adversus aggressorem defendere?* §. 80. -- 84. III. *Annon defensio sui violenta sit præcepta?* §. 85. -- 94. IV. *Quenam sint requisita defensionis justa?* §. 95. -- 109. V. *Quatenus liceat defendere se ob bona vitæ minora?* §. 110. IIII. *membrorum scilicet integritatem* §. 112. 113. *pueritiam* §. 114. -- 117. *metum alapa & falsum testimonium* §. 118. *honorem* §. 119. *bona* §. 120. 121. *Defensor justus non punitur.* §. 122. VI. *An necessitas limitet leges potissimum divinas? qua questio difficillima novâ distinctione resolvitur* §. 123. -- 157. VII. *De jure necessitatis intuitu abscissionis membri* §. 158. *comestionis cadaverum humanorum* §. 159. *juris in vitam alienam* §. 160. -- 167. *in res alienas, & an tunc sit furtum?* §. 168. -- 175.

§. I.

Homo uti machinam corpoream, quam vulgo vitæ animalis nomine efferunt, cum bestiis communem habet, ita utrisque indita est per modum *instinctus naturalis* à ratione revera distincti, *sui conservatio*.

2. Sed *bestiarum* quidem utpote ratione carentium locomotiva nullum alium rectorem quam instinctum istum sequitur.

3. At *homo* cum rationalis & ita socialis sit, locomotivam suam à regimine instinctus hujus eximere & *Socialitati subordinare* debet.

4. Unde Stoici & hos secuti alii Philosophi de officio hominis

U 2 *dispu-*

disputantes subinde id minus recte secundum diversam considerationem *primorum & secundorum naturæ* exponunt. *b)*

5. Nam *prima* quæ vocant *naturæ*, nihil sunt aliud, quam instinctus iste machinæ corporeæ inditus, qui adeò ad officium hominis non pertinet, sed quatenus homo eam cum bestiis habet communem, planè est *exlex*. *c)*

6. Eò magis autem cultura *sui ipsius* officiis specialibus erga alios est præmittenda, quo minus, qui sibi ipsi est inutilis, aliis inservire aptus est, eoqve magis de ea cura homo debet esse sollicitus, quo difficilius negligentia ejusdem aut præconceptæ opinionēs emendantur. *d)*

7. Posses itaque præceptum generale de hominis officio erga seipsum sic efferre: **ITA TE CONSERVARE STUDE, UT VITAM CUM ALIIS TRANQUILLAM PROMOVEAS.**

8. Hinc quæ media se ipsum conservandi *necessariò* ad societatem promovendam *requiruntur*, ea homo adhibere tenetur.

9. Quæ vero vitam cum aliis tranquillam *per se* turbant, iis homo vitam suam conservare non potest.

10. Quæ denique nec *necessariò* promovent, nec *necessariò* turbant, ea Jure naturali, nisi Jus divinum aliud ostendat, *licet* adhiberi aut omitti poterunt, pro diversis tamen gradibus *licitis*,

ad 4. §. b) vide Grot. de J. B. l. 1.

c. 2. §. 1.

ad §. 5. c) Si enim non esset *exlex*, obligarentur etiam bestie. Dico: quatenus habet communem cum bestiis. Nam cogitationes *prava* non pertinent ad istum instinctum, sunt enim pars rationis, quia sunt cogitationes. Deinde alius est instinctus conservandi individuum, alius instinctus, hoc vel illo modo legibus vetito, neque ad su-

stantionem *necessariò* id conservandi, alius denique instinctus delectandi corpus & percipiendi singularem jucunditatem. Primus homini cum bestiis est communis, posteriores duo homini proprii.

ad §. 6. d) Quia sua bona quæ possidet, non novit estimare, quemadmodum poterit estimare bona societatis? Conf Pufend. d. c. 4. §. 1. nov. Edit.

tia, prout nempe ista media magis ad promotionem auturbationem vitæ tranquillæ, etsi per accidens, faciant. e)

11. Caterum cum homo ex anima & machina corporis constet, considerandum nunc peculiariter, quodnam sit ejus officium respectu utriusque.

12. Id summum hoc Præcepto continetur: NOSCE TE IPSUM. Nam qui se non novit, non poterit ritè judicare de mediis ad colendam socialitatem aptis.

13. Pertinet autem hoc præceptum non ad solam animam, ut Cicero, erroneam sententiam Philosophorum gentilium, ac si sola anima sit essentia hominis, secutus, exposuit, sed ad totum hominem. f)

14. Quod vero in specie animam attinet, novit homo eam nobilissimam sui esse partem, cum per eam à bestiis differat, unde sequitur, quod illa rectoris, hoc ministri aut instrumenti vicem subire debeat, & hinc nascitur præceptum speciale: CULTURAM ANIMÆ, CULTURÆ CORPORIS PRÆFER. g)

15. Porro cum & supra b) ostenderimus, hominem non speculandi sed & agendi causa esse conditum, inde aliud præceptum profuit: CULTURAM VOLUNTATIS PRÆFER CULTURÆ INTELLECTUS.

16. Inculcant illa Præcepta nihil aliud, quam bonum animi

U 3

morale

ad §. 10. e) Ad applicationem horumque §. 8. 9. 10. dicta sunt, requiritur perspicacia naturalis. Ita e. g. quoad 1. homo tenetur edere, bibere, contra frigus se munire. Quoad 2. debet carere, ne per homicidia & scortationem velit se conservare. Ita quoad 3. si Christianus non obstarer, liceret ali. quando lautius vivere & inebriari, aut mollior vivere & delicatè,

quamvis & ex dictamine recte rationis hæc licentia sit gradu minor. Licentia gradu maxima exemplum esto, si quis bonam dietam sequatur & nutrimenta salubria magis, quàm delicata querat, si quis bonis literis incumbat & c.

ad §. 13 f) Pufend. §. 5. Albert.

c. 2. §. 14. p. 66. conf. §. 27.

ad §. 14. g) Puf. §. 5. & 6.

ad §. 15. h) l. 1. c. 1. §. 23. seq.

morale præferendum esse bono ejus naturali, bona vero hæc utraque præferri debere bonis corporis i)

17. Quæ vero bona *fortune* communiter appellantur, cum partim ad excolenda & promovenda bona utraque animi, partim ad sustentationem bonorum corporis requirantur, & ipsorum usus secundum modo dictas regulas erit temperandus. l)

18. De bonis animæ *spiritualibus* atque æternis fileo, quamvis & de horum cultura subinde inculcare soleant Scriptores Juris naturalis. m) Non enim video, quomodo beatitudo hominis æterna & quam hæc præsupponit, animæ humanæ immortalitas, lumine rationis demonstrari possit.

19. Quid quod & *μεταβατικῶν* hic vitamus; Ostendimus enim, hujus beatitudinis tractationem solis Theologis esse relinquendam. n)

20. Et quidem rectè hic distinguitur *possibilitas* ab *actu*. o) Et nempe id cognoscit ratio, immortalitatem animæ non esse impossibilem respectu Dei, nullius enim creaturæ duratio in æternum involvit contradictionem. p)

21. Sed animam actu immortalem esse, Deumque hanc possibilitatem voluisse in actum deducere, id philosophicè demonstrari posse nego.

22. Idque ideò, quia omnis demonstratio ultimò debet peti ex definitione rei. q) At anima perfectam sui definitionem ignorat. Et quamvis id quasi palpet, se esse ens cogitans, nulla tamen est connexio necessaria inter cogitationem & durationem æternam.

23. Hinc

ad §. 16. i) Albert. c. 2. §. 15. seq. p. 67. seq.

ad §. 17. l) ut nempe bona fortuna
1. adhibeantur ad exercendas virtutes,
2. perficiendum intellectum,
3. bona corporis, conf. Albert. c. 4.

ad §. 18. m) ut facit Alberti c. 2. §. 11. p. 64.

ad §. 19. n) vide l. 1. c. 1. §. 169. & c. 2. §. 141. seq.

ad §. 20. o) conf. Alb. c. 2. §. 10. p. 61.

p) aliud est fuisse ab æterno, quod soli Deo competit.

ad §. 22. q) per tradita l. 1. c. 3. §. 35. & passim.

23. Hincetsi per totum vitæ spatium homo animam suam, aut ea, quæ possidet bona, scrutetur, r) nihil tamen firmi sepositâ scripturâ sacra scrutabitur, ut adeo & hæc doctrina pertineat ad mysteria fidei & prærogativas Christianorum præ Gentilibus.

24. Nam quod *Gentiles* immortalitatem animæ asserentes s) attinet, eos certissimum est, vel aliorum relationi id acceptum, tulisse, quod nonnulli tacite subinnuunt, ad consensum gentium hic solùm provocantes, t) aut argumentis obscuris u) & vix probabilibus x) sententiam suam adstruentes, vel demonstrationibus fuisse usos falsam & heterodoxam hypothesin præsupponentibus.

25. Scilicet communiter Philosophi gentiles duo principia coæterna statuiebant, Deum & materiam primam.

26. Quod autem animas hominum attinet, alii eas ex potentia materiæ esse educatas opinabantur, & sic mortales, quod faciebant Epicurei:

27. Alii contrâ, ut Platonici, putabant animas humanas esse effluvia essentiae divinæ, creatasque simul in universum, ut separatim existerent, postea autem nescio qua insana contemplatione materiæ meruisse, ut corporibus velut compedibus vinciren-

ad § 23. r) quod jubet Alberti d. §. 10 p. 61. ubi simul Henricum Morum censet sine causa. Rectè enim Morus differentiam inter spiritum & corpus querit non in extensione seu amplitudine, sed in penetratione & divisione. Sed hæc ad immortalitatem animæ non pertinent. Est enim differentia inter spiritum & animam. Ille mortalis est, hæc immortalis. Sed ista non intelligit Alberti cum suis Peripateticis, intelligebat vero olim Lutherus, apertè tres partes hominis ex

scripturâ agnoscens: corpus, spiritum, animam. Dicemus alibi fufius.

ad §. 24. s) quos adducit Alberti d. l. p. 62.

t) ut Seneca Epist. 117. ap. Alb. d. p. 62.

u) ut Aristoteles ibid. ab operatione animæ propriâ, in quâ non communicat operatio corporalis, (fortè respexit ad somnum.)

x) à consensu philosophorum præclarissimorum. Alb. d. p. 62.

cirentur. Hinc essentiam hominis consistere in sola anima, eam vero ut divinæ particulam auræ esse immortalem aut certè longius duraturam. y.

28. Pergo ad corpus. Hujus machinam si homo consideret, deprehendet corporis fulturis animum sustineri, & hoc malè se habente animum quoque parum prædari efficere possè. z) Inter bona autem corporis eminet vita, post hanc sanitas corporis, tum membrorum integritas bonorum classes occupant. *Vita* sublatâ tollitur unio corporis cum anima, *sanitate* totius corporis prostrata impeditur anima in functionibus plerisque exterioribus, *integritate membrorum* violata, istæ saltem functiones, quarum gratia anima isto membro habebat opus. sistuntur.

29. Fluit exinde Præceptum: VITAM a) SANITATI, SANITATEM INTEGRITATI MEMBRORUM PRÆFER.

30. Hæc omnia tamen, quæ hæctenus speciatim exposuimus, præcepta ex primo limitationem accipiunt. Conservatio-
ni enim tranquillitatis communis subordinanda sunt bona animi
utra-

ad §. 27. y) vid. Alb. p. 66. & de Stoicis p. 63. Horum respectu ergo anima foret immortalis ferè eo sensu, quo usu Juris civilis quedam actiones sunt perpetua Adde quo ad hos tres §§. Disp. nostr. de jure circa somnum c. 1. §. 4.

ad §. 28. z) Puf. §. 14.

ad §. 29. a) Vitam etiam bonis animi naturalibus præferri vult Alberti c. 2. §. 29. 30. Unde concludit, ad vitam conservandam pati me debere applicationem medicamenti, è quo probabiliter aut certo iecutura sit ingens aut memoria imbecillitas. Hanc conclusionem

concedo, non thesin. Ideo enim conclusio vera est, non quia ingenium & memoria sunt bona animi naturalia, sed quia una cum vitâ perirent & ingenium & memoria, non igitur inter diversa bona conferenda, unius conservatio cum alterius debilitatione, sed unius conservatio cum alterius totali corruptione. An ergo putat D. Alberti, assumi debere medicamentum ex quo certò sequatur furor perpetuus, ad conservandam vitam? Ita videtur sequi ex ejus thesi, quia ratio est bonum animi naturale. Ego vero contra sentio ob dicta §. 16.

utraque, postponenda vita, sanitas, integritas, divitiæ & reliqua bona minora.

31. Ducit eò hominem contemplatio totius, hoc est unionis animæ cum corpore, ut jam sæpius inculcavimus. *b)* Præterea eadem meditatio ostendit homini, eum quoad potentias animi & vires corporis esse *substantiam finitam*, adeoque multa esse, quæ non sunt in nostra potestate, quæ appetere velle frustraneum & sic stultum foret.

32. Oritur hinc aliud Præceptum: SUPRA VIRES NON NITENDUM. *c)*

33. Ad has regulas puto commodè referri posse conclusiones omnes de officio hominis intuitu sui ipsius ab aliis fufius expositas, ac ex iisdem quæstiones controversas faciliè posse definiri.

34. Tales conclusiones sunt, *d)* ut homo iis quæ in sua potestate sunt, optimè & ad præscriptum rationis utatur.

35. Ut homo, ubi prudentiæ humanæ locus est, actiones suas cæcæ velut *aleæ* non committat.

36. Ut homo non ab eventu actionum prudentiam & justitiam tam suam quàm alienam æstimet.

37. Ut à proposito rectè formato homo per *metum* aut *voluptatem* se non patiatur abripere.

38. Ut se rebus, quas sibi accommodare nequit, *accommodet*.

39. Ut in præsentibus *securitatem*, circa futura nimiam *curiositatem* evitet.

40. Ut in secundis rebus *insolentiam*, in adversis *desperationem* fugiat.

X

41. Ut

ad §. 31. *b)* Et quia animal rationale nil aliud est quàm sociale.

ad §. 32. *c)* Puf. §. 7. & 8.

ad §. 34. *d)* In his qua sequuntur usque ad §. 66. ferè consistit cultura animi, quatenus dirigis cor-

pus. Vide Puf. §. 13. initio, quem etiam quoad has conclusiones omnino conjunge à §. 7. ad §. 15. & fufius ea demonstravi in Germanica introductione ad Ethicam per integr.

41. Ut omni studio opinionem *boni viri* conservet, eamque per calumniam aliorum laesam, quantum possibile, suo nitore restituat.

42. Ut ex factis præclaris & generi humano proficuis solùm *famam* quærat.

43. Ut *honore* utatur ad beneficiendum aliis.

44. Ut ab *Arrogantiâ* & vanâ *Gloriâ*, præprimis de rebus inanibus abstineat.

45. Ut æquo animo ferat, si *ocasio* deficiat præstantiam suam exercendi.

46. Ut sua sorte *contentus* vivat, & reliqua tanquam ad se nihil pertinentia adspiciat.

47. Ut in comparandis opibus innocentem *industriam* adhibeat.

48. Ut *paucis* sit contentus.

49. Ut partis utatur tanquam subsidii necessitatibus propriæ & beneficiendi aliis.

50. Ut animum adſerveſciat, ne *amissis opibus* coincidat.

51. Ut erogationem earum ita temperet, ne illas citra rationem *dissipet*.

52. Ut *doloribus* non necessariis abſtineat.

53. Ut *delectationibus* sensuum fruatur modicè.

54. Ut *affectus* suos in potestate habeat.

55. Ut *latitia* non utatur super alienis malis aut rebus ineptis.

56. Ut *tristitiam* exterminet, nisi quatenus ad misericordiam & pœnitentiam eâ habet opus.

57. Ut Objectum dignum & honestum ita *amet*, ne aliis officiis remoram injiciat, neve eo amisso morbus oriatur.

58. Ut *odio* hominum & *Invidiâ* planè vacuus sit.

59. Ut *Spe* super rebus vanis, incertis & impossibilibus non frustra se fatiget.

60. Ut *metus* & *ira* tanquam affectibus humanæ menti inimicis ac valdè perniciosis omni studio reſtinetur.

61. Ut

61. Ut tempeſtively honeſtum *vita genus*, ſecundum impulſum genii, corporis atque ingenii habilitatem, natalium conditionem, fortunæ bona, parentum autoritatem, imperantium civilium juſſum, occaſionem aut neceſſitatem eligat.

62. Ut *ſtudia literarum* non rejiciat, tanquam quæ hominem ineptum reddant ad negotia pacis & belli, ſed potius iis innatam bonam indolem perficiat.

63. Ut tamen non *inanibus literis* operam det, ſed utilibus aut elegantibus.

64. Ut ſtudia ad *uſum vita* humanæ attemperet, non temporis fallendi gratia, & cum neglectu aliorum Officiorum iis ſe immergat.

65. Ut *rationem* magis quam autoritatem ſequatur, & pertinationem erronea defendendi ſupprimat. e)

66. Atque in his fere conſentiunt Eruditi: Jam de *queſtionibus controverſis* videndum. Initio quidem de *potestate hominis in propriam vitam*. f)

67. Ubi id quidem nemo ſanus negaverit, non icite ſaltem, ſed & longè honeſtius eum facere, qui *probabilem occaſionem brevioris vita*, ut aliis inſerviat, elegerit, quam qui ingloriam & domi deſidem quaſierit, ut ad extremas ætatis metas pervenire poſſit. g)

X 2

68. Ne-

ad §. 65. e) Omiſſus fuit §. 14. Puſend. de cura corporis, cujus ſumma hæc eſt: Cura ut ſit mens ſana in corpore ſano, & ut illud ad laborem potius & patientiam induretur, quàm deliciis & molli otio frangatur. Diſtum de magna utilitate indurationis quoad hominem ipſum induratum, & temperantia commendata.

ad §. 66. f) Erroneas opiniones,

quaſi homo poſſit pro libitu vitam abjicere, recenſet Puſend. §. 17. initio p. 261.

ad §. 67. g) Notum emblemæ cum inſcriptione: Aliis inſerviando conſumor. Habita quidem fuit Lipſiæ diſputatio contra hanc docttrinam Dn. Puſend. §. 17. Sed autor vel lucubrando & conſcribendo iſtam diſputationem, eam ſactò reſutavit.

68. Neque illud dubium, posse quem jure ab imperante adigi, ut in *probabile mortis periculum* se pro utilitate aliorum conjiciat. *b)*

69. Quin & *citra* hujusmodi *imperium* aliquis ceteris paribus pro aliorum utilitate ejusmodi periculum subire poterit. *i)*

70. At de *Atrochiria* gravior inspectio. *l)* Prohibitu sibi vitam abrumperet in Deum & societatem humanam esse injurium, ex supra dictis patet.

71. Idem sentiendum, si quis *tadio molestiarum* & *indignatione malorum communium*, vel *metu dolorum*, quibus fortiter toleratis exemplo suo prodesse poterat, mortem sibi inferat.

72. Nec excusabitur, qui *alieno ministerio* hic utitur.

73. Multo minus probandæ *leges civiles*, vel jubentes, vel permittentes civibus nihil delinquentibus ultro vitam projicere.

74. At, si quis videat se victurum deinceps in *probrum Dei*, aut certitudine moraliter infallibili cognoscat mortem sibi paulo post ab hoste, aut sævo principe cum *cruciatu intolerabili* adferendam, aut ob *prætenso delicta*, etiam si innoxius, à principe jubeatur mortem sibi accelerare, aut ea acceleratione *ignominiam carnificis* evitare ipsi concedatur; difficillimum erit, ex *solo rationis lumine* hunc convincere, ut his casibus à propicio abstinere debeat, cum moraliter hic certum sit, ejusmodi homines servatione vitæ nec sibi nec aliis utilitatem afferre posse.

75. Eo tamen referre nolim, qui ob evitandam *quancunque ignominiam* nullo vero fundamento subnixam, mortem sibi consciverunt, (unde dissimilia sunt exempla Socratis & Catonis, quamvis hos Cicero comparet.) *m)*

76. Ne-

ad §. 68. h) Puf. §. 18.

ad §. 69. i) Si quis partem innocentem in bello adjuvet. Puf. §. 18.

ad §. 70. l) Quoad §. 70 - 79. Vide Pufend. §. 19.

ad §. 75. m) Talis enim ignominia est malum, quo tolerato, quod non difficile est, possum prodesse civitati. Locum Ciceronis habet Pufend. p. 266.

76. Neque pueros aut fœminas, qui morte voluntariâ *pudicitie* declinarunt violationem. *n*) Et si hi magis excusationem mereantur.

77. Quod si quis opinatus fuerit, *o*) *plus boni* semper esse in *vita*, quam *malietiam* in exquisitissimis doloribus, *is* forte experientia acutorum quorundam dolorum, *p*) sed patientiam communem hominis non excedentium, ad præconceptam hanc opinionem fuit seductus, vel historia *q*) Jobi, viri aliàs patientissimi, *r*) obitus.

78. At dices, *Scriptura* docet, omnes autochires absq; discrimine posito, penæ æternæ esse obnoxios. Bene inquam, si *Scriptura* hoc doceat, *s*) si autochiria ista pugnat cum beatitudine æterna. At nos de dictamine rationis & felicitate hominis temporali sumus solliciti.

79. Igitur reliquam litem *Theologis* expediendam relinquimus, quibus non magis contradicimus ac *Physicus*, inculcans quod virgo non pariat. *t*)

80. Sequitur *u*) ut videamus de conservatione sui, conjunctâ cum *propulsatione violentiæ* ab altero illatæ, quæ *defensio* appellatur. Hæc vero quatenus instituitur *sine læsione* ejus, qui malum nobis machinatur, quin licita sit, nullum habet dubium.

81. At quatenus *cum lædenti perniciæ* conjuncta est, videtur

X 3

equi-

ad §. 76. *n*) Vera enim Pudicitia non potest auferri. Et ignominia, quæ violenter supratas manet, fundamento destituitur.

ad §. 77. *o*) Sic opinatur Alberti c. 2. p. 74. init.

p) v. g. podagra, calculi.

q) Qui à nimis doloribus superatus sæpe optabat mortem.

r) Hoc notandum, aliàs exemplum huc non quadraret.

ad §. 78. *s*) Loquor conditionatè,

adeoque hic neque aliquid affirmo, neque nego. Magis tamen inclino in negativam, quia nondum vidi textum scripturæ, ita univèrsaliter loquentem.

ad §. 79. *t*) Aliud ergo est: Omnis autochir peccat. Aliud: ex lumine natura demonstrari potest, quod omnis autochir peccet.

ad §. 80. *u*) Cum his & seqq. §§. usque ad §. 123. conferendum cap. 5. lib. 2. Pufend.

equidem ea tranquillitati & utilitati societatis humanæ esse ad-
versa.

82. Sed videtur, nam tantum abest, ut adversa sit, ut potius ratio dicat, proscritionem defensionis ejusmodi violentæ haud quicquam paci sed exitio generis humani conducere. x)

83. Nec obstat *religio Christiana*. Nam quamvis aggressor in periculo damnationis versetur, si interficiatur, unde nonnulli putarunt, laudabilius eum facturum, qui tum occidi, quam occidere mavult; aut contra regulas justitiæ peccaturum invasum, si minus suum malum cum aggressoris majori malo depellere intendat, plurimæ tamen sunt rationes, quibus ad hanc objectionem responderi poterit. y)

84. Illa vero distinctio utrum is, qui invaditur, sit persona Societati utilior quam invasor, annon, ita ut priori casu defensio violenta sit licita, posteriori illicita, si eam ita generaliter spectes, ad præsens negotium plane est inepta. z)

85. Alia quæstio est, an non *defensio violenta* quam hætenus licitam esse ostendimus, etiam *homini sit præcepta*? Alii eam simpliciter affirmant, prætendentes, eum, qui illam omittat, *ἀνὸς ὀφείλει* committere. a)

86. Alii

ad §. 82. x) Pufend. §. 1.

ad §. 83. y) 1. Quia istud periculum dependet ab invadentis arbitrio, 2. quia omisso mea non est medium ipsum salvandi, 3. quia sæpissimè evenit, ut invasus non ita sit paratus, ut certissimè vitam eternam sibi polliceri possit. Pufend. §. 14. Albert. c. 3. §. 13. p. 82.

ad §. 84. z) Quia non licet invaso in tanto periculo ita scrupulosè deliberare, uter sit utilior. Porro sequeretur calibem non posse interficere uxoratum multorum liberorum Patrem, quod est absurdum. Denique singuli homines, quamvis

diversis modis, possunt societati prodesse, de quarum utilitatum prærogativâ vix diuturnâ deliberatione quid certi definiri possit. Pufend. d. §. 14. p. 299.

ad §. 85. a) quod facit Alberti d. l. p. 81. 82. sed nondum demonstravit, semper esse autochiriam. Et, si semper esset autochiria si non resisterem me interficere volenti, esset etiam autochiria, si reus capitis se non defenderes adversus carnificem. Quin necdum probatum, quod omnis autochiria sit peccatum. Vid.

§. 78. seqq. Conf. §. 92.

86. Alii præfatam distinctionem huc applicant, defensionem non ex licitis saltem sed & præceptam esse si aliorum multum interfit, ut qui invaditur sit superstes. *b*)

87. At si sibi duntaxat vivat, ad licita tantum *c*) pertinere cruentam hanc defensionem, præprimis, ubi invasoris vita multis sit utilis, *d*) & probabiliter prævideatur, eum, si interficiatur, damnationis æternæ fore reum. *e*)

88. Nobis, ut unâ fideiâ duos *f*) dealbemus parietes, id cumprimis videtur considerandum. Utrum *Invasor imperium* habeat in invasum, an non? Priori modo si imperium sit *summum*, tantum abest, ut obligari invasum ad defensionem cruentam arbitrer, ut potius obligatum putem, illam omittere.

89. Turbaretur enim profecto tranquillitas omnium Rerum publicarum, si subditis permitteretur potestas cum violentia resistendi principibus aut eorum ministris.

90. Neque excusabit invasum, si dicat, principem potestate suâ abusum fuisse, eumque injustè invasisse, quoniam inter eos, qui solâ communione juris naturalis utuntur, quales quoque sunt princeps & subditi, *g*) si nimirum inter se collidantur, *h*) justitia &

ad §. 86. *b*) Distinctio hujus & sequentis §. est Dn. Pufend. d. c. 5. §. 2. p. 270.

ad §. 87. *c*) respondeo infra §. 94.

d) Concedo, si sit magistratus per §. 88. nego, si non sit. Adde jam notata ex ipso Pufend. ad §. 84. lit. z.

e) Et hic obligatus esse possum, quia ego teneor in posterum societati prodesse per §. 94. & quia interfectio mea non est medium ipsius salutem æternam conservandi. vide §. 83. lit. y.

ad §. 88. *f*) Intelligi hoc non tantum de sententiâ D. Alberti & Dn. Pufend. in §. 85. 86. 87. sed & de utrâque questione, & quæ proponitur §. 84. (quorum pertinent verba finalia hujus §. & §. 91.) & quæ proponitur §. 85.

ad §. 90. *g*) Patebit hoc ex libro III. ubi ex jure naturæ deducemus officia principis & subditorum.

h) Aliâs subditi, quatenus non dissident à Principe, reguntur lege civili.

& iniustitia actionum non sunt remedia apta ad definiendas controversias. i)

91. Quod si invasor imperium *summo minus* habeat, non dicam equidem, laudabilius invasum esse facturum, si se interfici patiatur, l) id tamen effecturum arbitror hoc imperium, ut excusari possit invasus, si se à Domino, Patre &c. patiatur interfici.

92. Neque ut *ἀνίσχοιτο* considerari merebitur, m) aut illi, qui alieno ministerio in sui internecone utitur n) comparari; Hic enim propitium appetit & jubet, ille serio abhorret idque averfatur & saltem non resistit; quæ non resistentia, an hic peccatum fit, in quæstione est.

93. Si tamen *imperium* summum cum *minori* concurrat, ut si miles à Patre hosti inserviente invadatur, non licitam saltem, sed & cum obligatione conjunctam cæteris paribus o) defensionem violentam opinor.

94. Quod si denique aggressor in aggressum *imperio careat*, et si alius imperet, etsi invasus sibi duntaxat vivat (sibi vero vivere non debet;) obligatum hunc arbitror, ut se, etiam cum internecone aggressoris defendat, quia aggressor in aggressionem evidenter socialitatem rumpit, ac spes incertissima est, eum emendatum iri: aggressus vero obligatur utilitatem aliorum in posterum, quantum in se est, promovere, promovere autem sine hac defensione violentâ nequit. q)

95. Ut

i) Non enim incurrunt in sensus. Accedit, quod in ipsa structura monarchia subditi se abdicaverint omni iudicio de actionibus principum, cum sine hac abdicatione tranquillitas communis non possit subsistere.

ad §. 91. l) vide Dn. Pufend. d. c. 5. §. 14. ubi locum ex Platone affert.

ad §. 92. m) vide §. 85.

n) vide §. 72.

ad §. 93. o) b. e. non debet querere in acie patrem. Si tamen casu à patre invadatur, debet se defendere cum nece patris quidem sed hostis Reip. Conf. Pufend. d. l. p. 300.

ad §. 94. p) Hinc patet licentia defensionis.

q) Hinc obligatio.

95. Ut autem hæc sui *defensio* pro *justa* haberi possit, nonnulla ejus *requisita* considerari merentur, quæ sub vulgato titulo *moderaminis inculpatæ* tutelæ comprehenduntur. De quo uti multi multa, commentatores quidem juris Civilis plerumque confusè, r) Theologi vero Pontificiæ Religionis sapius impie s) scripserunt; ita res sine distinctione inter statum *equalitatis* & *imperii* seu naturalem & civilem expediri nequit.

96. Differentia autem inter utrumque statum, quod inculpatam tutelam attinet, potissimum in tribus momentis se exerit, (1) intuitu *injurie inferendæ*, (2) ratione *temporis à quo*, (3) *respectu durationis*.

97. Qui in statu *naturali* vivunt, illi *quamcunque injuriam*, etiam minimam violenter & si aliter eam evadere nequeant, etiam cum internecione adversarii, repellere justè possunt.

98. Dico *justè*, unde aliorum distinctiones t) inter impunitatem & impeccabilitatem, aut inter id quod de facto fiat inter homines, & quod secundum rigorem naturæ fieri debeat, non moror.

99. Manent enim in hoc statu inconcussa hæc axiomata: *Leso adversus hostem u)* (quamdiu in statu hostilitatis manet x) *jus competere in infinitum*; Item, *Ladentem* & ita vinculum socialitatis abruptentem, donec in statum pacis mecum redire paratus sit, *nullum habere jus officia socialitatis à me expetendi*.

Y

100. Quæ

ad §. 95. r) *Confundentes videl. statum naturalem cum civili.*

s) *Permittentes in civitate etiam interficere alterum propter metum falsi testimonii.* Conf. Pufend. d. c. 5. §. 3. & 7.

ad §. 98. t) *Sunt hæc distinctiones Albertina cap. 3. §. 24. p. 86.*

ad §. 99. u) *Aliud adversus eos, qui propriè hostes non sunt: Ut sunt*

subditi hostis qua tales, præprimis infantes, senes &c. in quos quidem licentia est, non jus.

x) *Notanda hæc limitatio. Hic enim multiplicat injurias injuriis, etiam vitam adimere paratus, si refarcire jus meum velim. Alia ratio est, si velit redire in statum pacis. Unde in victum non est jus propriè dictum in infinitum.*

100. Quæ vero in contrarium afferri solet *aqualitas* y) quam jus naturæ in resistendo hæc parte exigit, nulla ratione firmatur, & conscientia z) regulis istis opposita pro erroneâ erit habenda.

101. Caterum uti in *statu integritatis* nulla læsio metuenda fuisset, ita neque in hac, d) neque in reliquis b) quæstionibus de defensione sui ex analogia status integri aliquid nostræ sententiæ opponi poterit.

102. At in *statu civili* libertas hæc se ipsum defendendi in dubio hætenus videtur restricta, ut tantum liceat *vitam* aut aliâs *irreparabile bonum* ita defendere. c)

103. Deinde in *statu naturali* initium moderatæ defensionis incipit, cum liquido apparet, alterum circa inferendam mihi injuriam occupari, d) licet conatus suos nondum plenè expromserit, adeoque licebit adhuc noxam apparantem occupare.

104. At in *statu civili* ab eò demum tempore incipit, cum aggressor voluntatem injuria me afficiendi præ se ferens & viribus instru-

ad §. 100. y) Quod tantum esse debeat malum quod infertur, quanta fuit læsio, quæ est sententia Alberti c. 3. §. 23. 24. quasi læsio & malum passionis sint res in commercio. *Aqualitas* enim de his rebus, quæ in commercio sunt, predicatur.

z) Ad cujus tribunal pro more, quoties rationibus destituitur, provocat Alberti.

ad §. 101. a) Quod tamen facit Alberti d. §. 23. asserens, ideò non licere hic in infinitum, quoniam in statu integritatis omnis absuisset *inaqualitas*. Quamvis & hæc assertio mereatur inspectionem. Nam ipse imperium vult fuisse in statu integro. Deinde esse nulla fuisset in-

aqualitas in contractibus, tamen, nec propriè fuisset *aqualitas*, quia contractus non fuissent in statu integro, quatenus de meo & tuo fiunt. Imò nec omnes contractus præsupponunt *aqualitatem*, ut gratuiti.

b) conf. Alb. d. c. 3. §. 17. ubi de læsione innocentis. In statu integro nihil quod innocentes læsisset, fuisset adhibendum. Tracto infra §. 162.

ad §. 102. c) In reparabilibus enim sunt judicia. Voco autem reparabilia omnia, quæ sunt in commercio, ita ut spes sit, vel ea, vel eorum æstimationem per judicia recuperari posse.

ad §. 103. d) v. g. conscribere militem cum intentione me invadendi.

instrumentisque nocendi instructus, jam intra illum locum extiterit, ex quo re ipsa nocere possit, computato quoque illo spatio quo opus est, si ego prævenire quam præveniri malim.

105. *Modicus tamen excessus in vasum propter præsumptam, perturbationem animi hic excusabit. .e)*

106. Ergo nisi aggressi culpa præcesserit, non præcisè obligatur ad *fugam*, si in aperto loco fuerit constitutus, nisi fugere comòdè possit. f)

107. Inter somnia vero Moralistarum referendum est, quod multi requirant *paritatem armorum*.

108. Denique in *Civitate* defensio *durat*, donec periculum injuriæ futuræ fuerit evasum.

109. At in *statu naturali* licebit etiam injuriam illatam vindicare.

110. Ex his differentiis & potissimum ex prima g) facillimè controversiæ de defensione *bonorum vitæ minorum* dijudicari poterunt.

111. Nam in *statu naturali* eorum defensio cruenta haud dubiè erit licita, ergo quæstio saltem remanet de *statu civili*.

112. Igitur *membrorum integritatem* defendere cum intereptione aggressoris justè potero, quia periculum vitæ est conjunctum. b)

113. Unde qui ajunt, i) periculum mutilationis membri non sufficere, si vita morali certitudine salva sit, idem videntur statuere, ac si dicerem, Elephantum posse volare, si habeat alas.

114. De *pudicitia* difficilior inspectio est. l) Sive enim hanc physicè consideres, reparari poterit per æquivalens, sive moraliter, eadem auferri non poterit me invito, quia est bonum animi.

Y 2

115. Equi-

ad §. 105. e) v. g. si ostium propè fuerit apertum, quod videre facile potuerit, in perturbatione tamen non viderit.

ad §. 106. f) vide Pufend. §. 9. & omnino §. 13.

ad §. 110. g) §. 97. & 102.

ad §. 112. h) Puf. §. 10.

ad §. 113. i) Quod facit Alberti c. 3. §. 15.

ad §. 114. l) Expendenda sunt ea quæ habet Puf. l. 2. c. 5. §. 11. & de

115. Equidem hætenus putavi, licentiam defensionis cruenta hæc parte exinde deduci posse; quod virgo periculum subeat, saltem ad momentum delectationem ex alterius congressu illicito percipiendi; adeoque hunc justum de peccato alterius participandi metum pro damno irreparabili habendum esse, cum factum nequeat infectum fieri, & peccata æstimationem inter homines non recipiant.

116. Sed re curatius pensitata neque hæc ratio videtur sufficere. Præterquam enim, quod eadem non in læsione omnis pudicitia^m) procedat, illa delectatio momentanea vim patientis, si maxime peccatum est, pro tali tamen ex sola rationis lumine non poterit demonstrari.

117. Quod si tamen ex eo, quod communiter fieri solet, conjecturam de præsumptâ voluntate principum sumere velimus, dicerem; in dubio præsumi principem & hanc defensionem permittere voluisse. Nam in exemplis,ⁿ) quas historia nobis suppeditant, illi, qui Imperium habuerunt, defensiones ejusmodi, si non semper, certè plerumque laudarunt & approbarunt, nonnunquam, etiam decorarunt præmio.

118. Alapa^o) vero, aut falsum alterius testimonium in civitate per internecionem ejus à quo metuimus, avertere justè posse & rationi & moribus universalibus repugnat; Alapa enim est bonum reparabile, falsum testimonium vero ad invasiones violentas planè non pertinet.

119. Eadem de defensione honoris & existimationis dicenda sunt.^p)

120. De

de O.H.I. l. c. 5. §. 15. & Alb. c. 3. §. 26. Prior hanc rationem affert, quod quis id semina invite eripere velit, cujus integritate ejus sexus decus maxime æstimatur, & efficiat, ut hosti ex suo sanguine prolem suscitare cogatur. Posterior non putat, pro pudicitia licere aggressorem interfici, quia inter vitam & pudi-

ciam non sit proportio. Sed vide §. 100 & 102.

ad §. 116. m) Non in attentatâ pueri pudicitia.

ad §. 117. n) Quæ plura suppeditat Puf. §. 11.

ad §. 118. o) Puf. §. 7. & 12.

ad §. 119. p) Alb. c. 3. §. 29.

120. De defensionibus vero *rerum* sic tenendum. Ubi erepta subsidio Magistratus recuperari possunt, non licebit ad eadē usq; inuasoris progredi, nisi in eo casu ubi qui res nostras ereptum venit, in iudicium adduci non potest. Quo intuitu licitum est occidere *pradones*, ac *fures nocturnos*. q)

121. Id vero ad moderamen inculpatæ tutelæ neque in statu naturali neque in civili requiritur, ut *invasor dolo malo* exitium mihi intentet. Valebit enim idem adversus eum quoque, qui per errorem [etiam justum] me aggreditur. Nam ut alia taceam, jam supra posuimus canonem: errorem æquius imputari erranti quam tertio. r)

122. Simul illud patet, moderamen tutelæ cum jure nitatur, & species sit homicidii casualis, nullam mereri *pœnam*. Unde quæ à legibus civilibus casuali homicidio coercitiones quandoque fuerunt impositæ, pœnæ propriæ dictæ non sunt. s)

123. Ex dictis vero patet, hominem ad averrendum periculum vitæ non tantum instinctu naturæ ferri, sed & *jus* eidem ex dictamine rectæ rationis competere. Solet vero istud vitæ periculum, si ei nulla viâ, excepta unâ, resisti possit, uno vocabulo appellari *necessitas*. t)

124. Unde ex tribus, quas nonnulli faciunt, necessitatis speciebus, quarum alia sit *ad honestatem*, *ad incolumitatem* altera, tertia *ad commoditatem*, sola *raedia* hujus est loci.

125. Quæ, etsi communiter à Scholasticis dividatur in *summam*, quam descripsimus, & *gravem*, quam duobus vel pluribus

Y 3

reme-

ad §. 120. q.) Puf. §. 16. 17. 18. Dissent. Alb. §. 28. 30. d. cap. 3. qui nunquam putat furem interfici posse, nisi simul vitam impetat, quia bona sint minora vitâ.

ad §. 121. r) vide l. i. c. 1. §. 72. sufficit, quod ille nullum habeat jus me invadendi, ego vero habeam jus me defendendi. Ergo etsi ille mi-

hi propriè non faciat injuriam, nec ego tamen ipsi, me defendendo. Conf. Puf. §. 5.

ad §. 122. s) Ob. quam causam ejusmodi coercitiones adhibeantur, tradit Puf. §. 15. ubi simul exempla.

ad §. 123. t) Ad hunc §. & seqq. jungo Puf. l. 2. c. 6.

remediis, sed plerumque incommodo altero, altero legibus improbato, *u*) evitare possumus, reverâ tamen gravis huc non pertinet, sed potius ea est, quam modo ad commoditatem tendere diximus.

126. De nostra vero necessitate communiter regula proferitur: *Necessitas non habet legem.*

127. Dico *de nostra*; Nam ad necessitatem *commoditatis* eam falsissimè extendunt sæpius Scholastici *x*) in definiendis controversiis specialibus, quod hic semel monuisse sufficiat.

128. De necessitate vero *honestatis* canon intelligi nequit, quia hunc lex producit, at nostra legem non habere asseritur.

129. Quamvis autem axioma hoc in omnium ore versetur, ac multi de eo commentati fuerint, de sensu tamen ejus in genere dubia non omnia tollunt distinctiones ab eruditis *y*) (Scholasticorum enim & moralistarum Pontificiorum ineptias subinde, impias *z*) præterimus) jam prolata, certè illustratione aliquâ aliquando indigere videntur.

130. Igitur quæstio est: *An necessitas in legibus exceptionem tacitam faciat; ut legislator non presumatur subiectum adigere voluisse ut legem observet, si observatio cum periculo ejusmodi vitæ sit conjuncta?*

131. Equidem de *legibus humanis* ferè res controversia caret; regulariter in iis necessitatem exceptionem facere, cum utilitas communis ex utilitate singulorum constet, & regulariter conservatione singulorum magis consulatur communi utilitati, quam observatione legis humanæ. *a*)

132. Nisi

ad §. 125. u) Itav. g. pauper laborat necessitate gravi. Aut enim laborandum aut mendicandum, (utrumque incommodum) aut furandum.

ad §. 127. x) Dum putant, ablationem rei alienæ etiam esse licitam in necessitate gravi, fortè ad vitandam mendicitatem.

ad §. 129. y) Maxime à Puf. §. 2. vide infra §. 142. seq.

1) Vide modo lit. x.

ad §. 131. a) Aliam rationem dat Puf. §. 2. nempe quia legislatores per cas salutem aut commoditatem hominum promotum ierint, ergo presumi regulariter, eos ob oculum habuisse clementiam humanæ naturæ, & quàm non possit non homo refugere & amoliri illa quæ ad ipsius destructionem tendunt.

132. Nisi tamen legislator aperte contrarium disposuerit, quæ limitatio jam statui controversiæ inest.

133. Aut nisi *natura negotii*, quale v. g. est bellum, conductus aliorum &c. aliud suadeat.

134. De *legibus divinis* difficillima est inspectio. Optimum videtur, si à notioribus hic progrediamur ad ignota, & ex exemplis nobis formemus conceptum de regulâ.

135. Lex divina est: *Sabbatum esse colendum*. Hic extra dubium est, *Sabbatum non violari*, si quis aut morbo impeditus gravi domi maneat, aut res ad victum necessarias præparet.

136. Rursus tamen dubium non est, si Princeps Idololatra jubeat Sabbatum profanare actionibus eo die prohibitis, potius *mortem esse subeundam*.

137. Denique certum esse arbitror, aliquem, cui à tyranno cultus publicus metu mortis incusso prohibeatur, lege divina haud obligari ad cultum publicè periculo mortis persequendum. Exemplum enim martyrum sunt heroica, & specialem instinctum divinum præsupponunt.

138. Lex divina erat: *non comedendos esse à Laicis* (si ita licebit dicere) *panes propositionis, non comedendam esse carnem suillam*. Illud vero fame premente licebat Davidi; b) hoc non licebat Judæis, quibus ab Ethnicis metu gravissimorum tormentorum id erat injunctum. c)

139. Igitur ob rationis paritatem infero, *non licuisse* Davidi vesci panibus propositionis, si Saul v. g. id jussisset sub pœna mortis, *licuisse* vero Judæis vesci carne suilla, v. g. in obsidione Hierosolymæ.

140. Habes exempla præceptorum negativorum, in quibus necessitas modo exceptionem facit, modo non facit, jam cape exemplum, ubi *nunquam facit* exceptionem.

141. Tale est illud: *non concubendum cum matre. d)*

142. Cur

ad §. 138. b) Matth. 9. v. 2.

c) Vide historiam Maccabæorum.

ad §. 141. d.) Hoc ipse Dn. Puf.

agnoscit ita grave esse, ut potius mors sit subeunda.

142. Cur igitur sic diversè? Fortè distingvendum erit inter, leges divinas *positivas & naturales*, ita ut positivæ regulariter exceptionem necessitatis secum ferant. e) At ita obstant, quæ de profanatione Sabbathi, de omisâ à Judæis comestione carnis suillæ & modo de concubitu cum matre diximus.

143. Tentabimus an res ita procedat? Leges divinæ sunt vel *affirmativa*, vel *negativa*. Leges *affirmativa* ex natura sua f) ut quis obligetur, præsupponunt occasionem, materiam & facultatem, agendi, quæ regulariter deesse intelligitur, ubi quid fieri non potest, nisi ipse peream, quocunque modo necessitas (citra culpam tamen meam) g) adveniat.

144. Ex legibus positivis repete quæ de Sanctificatione Sabbathi dixi. Quod leges *naturales* attinet, eadem est ratio, siue sint præcepta intendentia obligationem *imperfectam*, ad officia nempe humanitatis exhibenda, h) siue *perfectam*, v. g. de promissis servandis i)

145. At in *negativis* variis distinctionibus erit opus. Initio, unde necessitas habeat *originem*; an à Deo, an à *malitiâ aliorum hominum*? tum: utrum *malitiâ hominum* principaliter intendat *mortem* inferre, an primariò quærat *transgressionem legis*? denique an *medium* evadendi suppediretur ab *instinctu naturali*, an rursus ab *hominum malitiâ*?

146. Quod si itaque necessitas adveniat à *malitiâ humanâ* principaliter *mortem* intendente, & *medium* evadendi suppeditet *instinctus naturalis*, licebit istud usurpare, etiam si aliàs à Deo sit prohibitum,

ad §. 142. e) Hæc est sententia Dn. Pufend. §. 2.

ad §. 143. f) Vide supra lib. 1. c. 2. §. 113. seq.

g) Unde v. g. qui dolo malo vel culpa consumit mutuò accepta ab aliis, non poterit prætere necesse-ritatem propriam.

ad §. 144. h) vide infra c. 6. §. 16.

i) Nam & hic non pecco si v. g. differo solutionem, in summâ necessitate constitutus. Debebat enim alter hoc casu ex officio humanitatis mihi dilationem concedere. Gravior est questio, si ipse in pari necessitate sit constitutus. Et hic tamen putarem possidentem esse præferendum.

hibitum, quia Deus non præsumitur rigorem legis suæ hic velle exercere in utilitatem nequitiae humanæ, accedit quod instinctus ad istud medium adhibendum à Deo sit, quia naturalis est.

147. Unde licuisset Judæo quem alius fame necare ex injustâ causâ volebat, vitam conservare *esu carnis suille*. Ita licebit Christiano in simili necessitate constituto *cibum alienum invito Domino capere*. l) Habes iterum exempla tam ex lege positivâ, quam naturali.

148. Sed si *hoc casu medium evadendi suppeditetur à malitiâ hominum*, non licebit eo uti, quoniam, qui ejusmodi medium offert, intendit ignominiam Dei, & acceptatio ejus plerumque tacitam abnegationem divini numinis infert, quo casu Deus potius jacturam vitæ præsentis bono meliori compensaturus esse præsumetur.

149. Ita si Judæo, quem quis fame necare volebat, tertius quidam *infidelis carnem suillam* obtulisset, abstinendum erat ab esu. Ita si *Mater* injustè incarcerato sub conditione *incestus*, aut, ut ex lege naturali exemplum addamus, si alius sub conditione *hominis innocentis interficiendi* liberationem promittat, liberatio non erit accipienda.

150. Multò minus itaq; necessitatem evadere licebit violatione legis divinæ, si is, qui *necessitatis auctor est*, statim intendat *actum legi contrarium*, ob rationis identitatem.

151. Idque procedet, si *medium suppeditetur per novam malitiam*, ut si quis ei, quem tyrannus ad *ejurandam veram religionem* mortis metu cogere vult, liberationem sub conditione *stupri vel homicidii* promittat.

152. Sive etiam *instinctus naturalis* me graviter incitet ad vitam servandam. Nam & tum postponenda erit vita contumeliæ divinæ. Ut si *Ethnicus* Judæo, ejurare patriam religionem nolenti, *nullum cibum nisi carnem suillam* proponere jusset.

153. At si *necessitas à Deo* ortum ducat, & medium etiam ab *instinctu merè naturali* suppeditetur, licebit idem adhibere, tum

Z

quia

ad §. 147. l) de quo plura infra §. 177. seqq.

quia medium est à Deo, tum quia actus non tendit ad abnegationem ejusdem.

154. Hinc tempore *famis* licuisset *carne suillâ* vesci, licebit *cibo alieno* eam sedare.

155. Alia ratio est, si *medium* eluctandi suppeditet *malicia hominum*, ob conjunctam iterum DEI contumeliam.

156. Ut si tempore *famis* sub conditione *supri* vel *homicidii* quis panem promittat.

157. His distinctionibus observatis, puto jam facile responderi posse ad *questiones speciales* quævis de jure necessitatis.

158. De *abscissione membri*, m) ut vita servetur, non est dubium.

159. Ex *carne* etiam *humanorum cadaverum* tempore *famis* nutrimentum capere, miserandus cibus est, non nefarius. n)

160. Quin & miserandum magis quàm injustum erit, in ejusmodi necessitate, ut plures servantur, *unius aut quorundam interitum* forte procurare, o)

161. Multo magis igitur, p) si duo in præsens vitæ periculum incidant, in quo utrique sit pereundum, v. g. in naufragium, in hostes; uni quid facere licebit, ex quo alteri aliàs perituro fata admoventur, ut ipse salvus sit, v. g. si ipsum à tabulâ, quæ utrumque ferre nequit, violenter repellam, si eum clausâ portâ in periculo vitæ relinquam.

162. Adhuc ergo minus dubium habet, licere alteri ex necessitate *periculum mortis* aut magnæ læsionis intendere *indirectè*, ita ut non sit propositum ipsi nocere, sed duntaxat se per talem actum, ex quo alteri probabiliter magnum damnum inferatur, defen-

ad §. 158. m) Puf. §. 3.

ad §. 159. n) Non obstat præceptum de sepeliendis mortuis, vide infra lib. 3. c. 10.

ad §. 160. o) Hic dissentit Zieglerius ad Grotium.

ad §. 161. p) Nam priores alterum ipsi interimunt, hic saltem non servat. Conf. Puf. §. 4.

defendere, quale quid accidit, si v. g. claudus aut infans, vel alius fugientem in viâ angustâ impediat. q)

163. Ratio in his tribus casibus est eadem; 'necesitas enim, vel à Deo vel à malitiâ hominum, mortem meam principaliter intendente provenit, medium vero eam evadendi suppeditatur ab instinctu naturali vitam meam conservandi.

164. At inquires, ita committitur homicidium, jure naturali prohibitum? Non arbitror. Lex enim naturalis, homicidium interdicens & ipsa habet tacitam exceptionem necessitatis, quoties malitia hominum necessitans principaliter non intendit violationem legis, & medium evadendi suppeditatur ab instinctu naturali, quod fit in adductis exemplis.

165. Aliam esse rationem arbitror ejus, qui à tyranno, nisi vitam propriam velit perdere, jubetur interficere hominem innocentem, quia origo necessitatis venit ab homine, in suppeditatione mediî principaliter intendente actum legi contrarium.

166. Neque adeo rem hic conficere videtur distinctio, utrum princeps civi suo quid mandet tanquàm actionem civi propriam, an tanquàm meram executionem ejus actionis, quæ propriè imperantis esse debeat; ac si hoc ultimo casu, ad quem etiam pertineat occisio hominis innocentis, non magis factum istud civi imputari possit, quàm gladio aut securi cædes. r)

167. Nam uti quidem ista comparatio hominis cum gladio multas patitur diversitatis rationes, ita vereor, ut jussâ interfectio hominis, quem is, qui jubetur, certò innocentem novit, possit appellari mera executio, & cum mandatâ lectione orationis, in quâ multa comprehenduntur mendacia (utpote, quæ non ma-

Z 2

gis

ad §. 162. q) Dissent. Albert. §. 17. 18. 19. cap. 3. p. 84. seq. quia in statu integro non licuisset interficere innocentem. Sed vide suprâ notata ad §. 101. Caterum questio de puerperâ, an liceat ejus vitam servare cum internectione infantis, pe-

culiarem meretur inspectionem. Quam frigide proponit & tractat Alb. §. 18.

ad §. 166. r) Defendit his rationibus illius actus licentiam Puf. I. 5. 9. & VIII. 1. §. 5. 6. & de O. H. I. 1. 24. & II. 12. ult.

gis crimen est, quam scriptura verborum blasphemorum ab auctuario iudicii facta) comparari. Aut, si eadem innocentis ad meram executionem referre velis, quærerem differentiam inter necem hominis innocentis, & mandatum stuprum matri inferendum, cujus executionem ita gravem esse ac foedam fatentur omnes, s) ut generosum habeatur, mori malle, quam ei patrandò sua membra accommodare. Uti enim hoc stuprum ad legem positivam infra referemus, ita homicidium haud dubiè lege naturali est prohibitum.

168. Restat ut videamus, an necessitas tribuat jus ad auferendas res alienas? Seu an hoc pacto committatur furtum? Varii hic procedunt variè. t) Alii enim furtum committi arbitrantur, sed nullà penà plectendum, qui contradictionem ferè videntur involvere, delictum nominantes, quod nullam penam mereatur. u)

169. Alii casum necessitatis in hac quæstione non esse dabilem putant, sed argumentatione non firmiter inferente. x)

170. Alii furtum esse negantes, in singulis furti definitionibus asyllum quærunt. Hi enim non contrectari rem alienam statuunt, y) reviviscente hoc casu communione primævâ; Illi dominum non esse jure invitum affirmant; z) Isti non subesse fraudulentam contrectationem arbitrantur, quibus & nos ad stipulamur.

171. Quoniam scilicet in casu extremæ necessitatis officia humanitatis mutantur in obligationem perfectam. Atque hoc, uti cum debitis limitationibus jam alii fufius exposuerunt, ac prætereà

ad §. 167. s) Ipse Puf. de J. N. dd. II.

ad §. 168. t) Prolixè Puf. II. 6. §. 5. 6. 7. Non omittendum hoc argumentum: Si necessitas dat jus in viam alteriq; multò magis in ejus res.

u) Hac sententiâ defenditur à multis Scholasticis. Aliud autem est nullà penà, aliud penæ mitigatio.

ad §. 169. x) Ut Zieglerus in notis ad Grotium.

ad §. 170. y) Ut, ni fallor, Grotius ipse, cui assertioni obstat obligatio de restituendâ postea re.

z) His obstat, quod Domini in justitia non omnem pauperem liberet à furto, si nempe casus necessitatis non adsit.

reâ ex dicendis suo loco a) pateſcet ; Ita vel ipſi contradicentes concedunt, communiter indigenti, ut magiſtratum adeat, (in-
dicio, perfectam ſubeſſe obligationem) conſulentes.

172. Unde profeſſo, ut uno verbo me expediam, qui in for-
matâ ſpecie furtum committi arbitrantur, furti definitionem igno-
rant.

173. Denique neceſſitas ſumma, vitæ amittendæ in quam,
ſine culpâ incidimus, jus concedit, *res alienas non pretioſiores noſtris
perdendi*, ut tamen quandoque in partem damni veniamus & ejus
æſtimationem ex parte alteri reſtituamus, unde dependet æquitas
legis Rhodiz de jactu, diſciſſio retium, in quæ navis mea impulſa
eſt. b)

174. Cæterum difficilior eſt inſpectio, an *neceſſitas circa res
noſtras amittendas* verſans ſimile jus in res alienas perdendas con-
cedat? Nam uti neceſſitas hæc, niſi cum vitæ meæ periculo conjun-
cta ſit, pro ſummâ haberi non poterit, ita quod aliqui inde de-
ducunt, acſi ei, qui pium bellum gerit, liceat occupare locum,
in ſolo pacato ſitum, ſi certum ſit periculum, ne hoſtis eum lo-
cum invadat; etiamſi cautiones ab iis addi ſolitæ obſerventur,
magis tamen ad ea pertinet, quibus venia indulgetur, quàm quæ
juris naturalis titulo defendi poſſunt.

175. Inter eos vero, qui in ſtatu civili vivunt, facilius defen-
ditur, propter juſſum potiſſimum aut tolerantiam ejus, qui
τὸ κέρδιον gerit, v. g. *deſtructio ædium tempore incendi*, *preſtatio cau-
ſionis de damno infecto*, *conceſſio itineris ad fundum meum vici-
norum fundis circumdatum*, & ſi quæ ſunt
ſimilia.

Z 3

CAPUT

ad §. 171. a) vide cap. 6. §. 20. ſeq.

ad §. 173. b) Puf. II. 6. §. ult.

CAPUT III.

De

*Officio hominis erga alios, & in
specie de custodienda aequalitate inter
homines.*

SUMMARIA.

Officia hominis vel communia sunt vel specialia §. 1. Communia vel absoluta vel hypothetica §. 2. 3. quæ distinctio tamen non magnum usum habet in controversiis definiendis, §. 4. quod ostenditur. §. 5 -- 10. Inter absoluta primum est, quod ex statu humanitatis §. 11. id est æqualitatis oritur. §. 12. Æqualitas hæc vel naturalis §. 13. 14. vel moralis §. 15. (æqualitas malitiæ §. 16. 17.) vel Christianismi §. 18. Preceptum huc pertinens: *ALIUM HOMINEM TANQUAM ÆQUE HOMINEM TRACTA* §. 19. Efficitur hoc preceptum in hac classe generale. §. 20. 21. Huc non pertinet æqualitas libertatis seu potestatis. §. 22 -- 27. Ex nostro precepto fluunt quatuor specialia: §. 28. 29. duo negativa §. 30. 31. & duo affirmativa §. 32. 33.

§. I.

Sequuntur officia hominum erga alios homines. Quæ quidem vel dirigunt homines viventes in certâ societate, a) vel respiciunt homines quosvis, in quacunque societate vivant.

2. Communia hæc vel immediate ex Dei voluntate ortum trahunt, citra & ante omnem consensum humanum, vel præsupponunt jam pacta & conventiones hominum.

3. Posses adeo illa vocare *absoluta*, hæc *hypothetica*. Quod si tamen illa *connata*, hæc *acquisita* appellare velis, non refragabimur,

ad §. 1. a) de his agemus lib. 3.

mur, cum absolutis correspondeat obligatio connata, hypotheticis acquisita. b)

4. Ferè enim doctrinæ causa c) distinctio hæc præceptorum reperta esse videtur, non magnum adeò momentum allatura, ad controversias definiendas.

5. Quod enim assertur, d) inter obligationes à superiore iunctas, & eas, quæ ex mutua conventionione oriuntur, id videri *discriminis*, quod hæ quidem statim aliquem non amplius stringant, quando alter prius ab iisdem discessit; illæ autem adhuc tenere possint ad quid præstandum, licet alter in officio mutuo respondere defierit, idque quia per autorem obligationis pensari potest, quod iste minus iusto habet, paululum obscurius est. e)

6. Sicut & illud, quod hætenus tamen obligatio ad exercenda adversus alterum officia juris naturalis, utut à supremo numine iuncta, conveniat cum obligatione ex quavis conventionione ortâ, quod ubi unus ab eâ discedat, idem ab altero illa officia postulare amplius nequeat, & præterea hic jus accipiat, istum per vim ad satisfactionem adigendi.

7. Quod si tamen, uti videtur, iste horum est sensus, in utrisque præceptis me illi, qui eadem primus violavit, nunquam obligari, obligari tamen posse extra ordinem superiori in præceptis absolutis, dari possunt instantiæ non unæ.

8. Verum est: potest Superior me adigere, ut lædenti, cui aliàs in statu naturali, quamdiu in statu læsionis manebat, non obligabar, læsionem citra satisfactionem ab ipso factam condonem. Cœterum uti hæc voluntas superioris regulariter & citra revelationem pecu-

ad §. 3. b) vide supra h. l. c. 1. §. 114. & 138. Adde Puf. III. 1.1.

ad §. 4. c) ad ostendendum connexionem capitum.

ad §. 5. d) à Dn. Pufend. III. 2. 2. cuius verba hic recensentur §. 5. & 6.

e) Clarior enim res fuisset, si Dominus Pufendorffius apposuisset exemplum.

ad §. 8. f) Hic respondetur ad §. 5. de differentia utriusque obligationis.

peculiarem non præsumitur, ita eadem non saltem in præceptis absolutis, sed & hypotheticis locum sibi vindicare potest.

9. Nam quis neget, DEUM aut alium imperantem subiectum sibi cæteris paribus adigere posse, ut alteri etiam à contractus fide recedenti fidem servet, aut rem propriam ipsi eam restituere nolenti condonet? &c. g)

10. Rursus quod dicitur, b) abstrahendo à tali superioris speciali voluntate, in utrisque præceptis lædenti me ad officium, reciprocum non teneri, id in obligatione inter pares saltem, aut intuitu obligationis, quâ superiores homines tenentur inferioribus, haud quaquam vero, nisi principia Monarchomachica sequi velimus, in obligatione, quâ inferiores superioribus obstricti sunt, procedit, sive hoc casu obligatio oriatur ex præcepto hypothetico sive ex absoluto. i)

11. Inter absoluta vero præcepta id omnium primum 1) esse videtur, quod ex statu hominum oritur, quem supra diximus statum humanitatis,

12. Quæ cum in omnibus in universum, seu imperantibus seu parentibus existat, hæc tenus æqualitatem aliquam inter eos gignit. m)

13. Et hæc æqualitas quidem diversimodè declarari poterit, partim ex dictamine rationis, partim in subsidium assumptâ revelatione.

ad §. 9. g) Obligatio vero rem alienam restituendi fluit ex Dominio, Dominium præsupponit patet.

ad §. 10. h) Responsio ad §. 6. de convenientia utriusque obligationis.

i) Non enim possunt subditi quâ tales principem ledentem ledere, aut officia humanitatis deneganti denegare, aut promissa non servanti eadem non servare, aut cum ad

satisfactionem in his omnibus cagere.

ad §. 11. l) Dn. Pufend. III. 2. istud considerat tanquam præceptum speciale, ex quo nullum aliud profluat, quin & eidem præmittit præceptum de non ledendis aliis. Vide d. l. 3. c. 1. 2. 3. ab initio.

ad §. 12. m) Hinc proverbium: Ich bin kein Hund. Ich bin so wohl ein Mensch als du.

sione. Priori modo vel secundum naturam hominis rectam, vel secundum corruptam.

14. Nam si initio consideres *essentiam hominis & existentiam* quâ animal est, ad eandem stirpem omnes homines referunt originem, eodem modo propagantur, nascuntur, moriuntur, naturæ superflua in seditatem conversa ejiciunt, n) fortunæ ludibrio omnes sunt obnoxii &c.

15. Sed hæc quidem *aqualitas naturalis* ferè homini cum be-
stis est communis, nullamque adeò ex se regulam vitæ producere apta, unde magis huc facit *aqualitas juris*, & quâ sunt homines, quod nimirum omnes, quantiscunque animi, corporis aut fortunæ bonis antecellant alios, non minus tamen juris naturalis officia adversus illos exercere debeant, ac ipsi ab aliis eadem expectant, nec plus licentiæ ipsis concedatur alios injuriâ afficiendi; quod item illi qui carent abundantia bonorum corporis, fortunæ, ac animi, non sint deterioris conditionis circa fruitionem communis juris quàm alii.

16. Quod si insuper *statum hominis corruptum* spectemus, deprehendemus insuper *aqualitatem malitiæ*, qua homines adulti æquè pollent viribus alios lædendi, & ipsis damnum inferendi, si non violentia, saltem dolo & fraude.

17. Cave tamen hanc ultimam æqualitatem hic principaliter consideres, quod fecit Hobbesius, cum potius debeat occupare locum appendicis.

18. Inter *Christianos* verò huc omnino facit à lumine *Scripturæ* dependens *aqualitas Christianismi*, quod v. gr. amici DEI non nobilitate, potentia, aut opibus, sed pietatis sinceritate, ad quam omnes æquè tenentur, æstimari debeant, ac in extremo iudicio, præmiisque ac pœnis postumis nulla sit ratio habenda eorum, quibus in vitâ humanâ mortales præ aliis se efferunt. o)

A a

19, Ex,

ad §. 14. n) Hinc proverbium: An
einen Ort gehen / da der Kaysler
in Person erscheinen muß.

bium: Am Jüngsten Tage gilt
eine Handschrift so viel als baar
Geld.

ad §. 18. o) Huc pertinet prover-

19. Ex his itaque quas hæcenus diximus æqualitatibus, potissimum verò ex æqualitate juris oritur *præceptum generale*, officia omnium hominum inter se dirigens: **ALIUM HOMINEM TANQVAM ÆQVE HOMINEM TRACTA.**

20. Esse verò hoc præceptum in ista classe *generale*, p) non solum ostendunt conclusiones reliquorum exinde deducendorum, sed maximopere probat effatum Salvatoris, summam legis officia, erga alios dirigentis hanc esse, docentis. *Diliges proximum tuum, sicut te ipsum.*

21. Unde quemadmodum cum hæc Christi formulâ nostrâ, ferè coincidit, ita affines utrique sunt aliæ ejusdem periphrases, puta: *Quod tibi non vis fieri, alteri ne feceris*, item: *Quod quisque juris in alterum statuerit, ut ipse eodem jure utatur*, quamvis non sint ita evidentes, & posterius hoc in jure Romano multò usurpetur angustius. q)

22. Non confundere autem cum eâ, quam hæcenus exposuimus, æqualitate debemus *æqualitatem libertatis* seu *potestatis*, per quam hæcenus omnes homines naturaliter ita æquales intelliguntur, quod citra antegressum factum r) aut pactum humanum nemo potestatis quid in alterum habeat, sed quilibet suarum actionum & virium sit moderator.

23. Hæc enim æqualitas non est inter omnes homines, sed eos saltem, qui vivunt in statu naturali.

24. Ei vero opposita *inequalitas*, etsi inter eos potissimum comprehendatur, quos jam suprà vivere diximus in statu civili, non tamen omnis post civitates demum fuit introducta, sed ex parte provenit à statu patrum familiâs, civitates antegresso, ut infra suo loco demonstrabitur.

25. Hinc

<p>ad §. 20. p) vide modo dicta lit. l. ad §. 21. q) tit. ff. quod quisque juris. Confer suprà l. 1. c. 4. §. 18. ad §. 22. r) Per factum respicio ad patriam potestatem, quæ ex facto</p>	<p>educationis oritur, quamvis Dn. Pufend. III. 2. 9. facti & pacti vo- cem videatur synonymicè usurpasse, quia ipse & patriam potestatem ex pacto deducit. Dicemus suo loco.</p>
--	---

25. Hinc suâ sponte fuit, quod præceptum nostrum etiam inter eos, qui quoad libertatem inæquales sunt, obtineat, sunt, enim & hi æquè homines inter se.

26. Id tamen notandum, præceptum nostrum inter eos, qui in statu naturali vivunt, plerumque s) mutuo producere jus perfectum, inter eos autem, qui vivunt in statu civili, illos, qui imperium habent, obligare saltem imperfectè.

27. Quin & in statu civili officia civium inter se ex hoc præcepto propullulantia sæpius ab imperante pro diversitate utilitatis Reip. limitari solent.

28. Ut igitur eò melius intelligas, quid per præceptum de custodiendâ æqualitate hic inculcetur, resolvemus idem in præcepta quatuor specialia, duo negativa, duo affirmativa.

29. Scilicet is æqualitatem observat, qui nec sibi plus quàm alteri, nec alteri minus quàm sibi, t) sed æqualia utrobique tribuit.

30. Itaque *primum negativum* præceptum inculcat, ne mihi plus tribuam quàm alteri, quod fit per *superbiam. u)*

31. *Alterum negativum* vult, ut ne alteri minus tribuam, quod fit per *lesionem. x)*

32. *Primum affirmativum*, ut alteri æqualia exhibeam citra pactum, quod fit per *officia humanitatis.*

33. *Secundum*, ut alteri æqualia præstem post pactum, quod fit *servando promissa.* De singulis seorsim.

Aa 2

CAPUT

ad §. 26. s) Propter officia humanitatis, de quibus infra c. 5.

§. 16.

ad §. 29. t) Prius fit per exaltationem sui, posterius per depressionem alterius.

ad §. 30. u) Per hanc mihi aliquid appono.

ad §. 31. x) Per hanc alteri quid aufero.

CAPUT IV.

De

Vitanda superbia.

SUMMARIA.

Primum præceptum negativum: VITA SUPERBIAM §. 1. *Superbia quid?* §. 2. 3. *Quotuplex?* §. 4. §. 1. *Superbia simpliciter* §. 6. 2. *Stulta superbia* §. 7. 8. 9. 3. *Contumelia* §. 10. 11. *Contumelia species* §. 12. 13. 14. 15. *Aliter contumelia vox supponitur à JCtis Romanis.* §. 16. *Doctrina de servis naturâ orta ex superbia* §. 17. *Oppositum superbia modestia.* §. 18. 19.

§. 1.

IN primo itaque præcepto negativo: VITA SUPERBIAM, a) initio ex dictis facile cognosci potest, quid sit *superbia*. Nam sensus præcepti nostri est, ut ne quis, cui peculiare jus non est quaesitum, plus sibi quam reliquis arroget, sed alios æquo secum jure frui permittat.

2. Ergo *superbia* est vitium, quo quis sibi sine justa causa, plus tribuit quam aliis.

3. Uti enim illi ad societatem quam maximè sunt idonei, qui facile eadem omnibus permittunt, ita planè infociabiles sunt, qui, dum aliis sese superiores existimant, omnia licere sibi solis volunt, omnia sibi ignoscunt, nihil aliis remittunt, & ante cæteros honorem sibi arrogat, partemque præcipuam ex rebus in medio positis, ubi nullo præ reliquis jure eximio pollent, lapidibus asperis & angulosis ad ædificia incommodis, omnino similes.

4. Exe.

ad §. 1. a) Hæc præceptum sub præcedenti ipse Dn. Pufend. comprehendit l. 3. c. 2. §. 4. 6. 7.

4. Exerit vero superbia in homine se dupliciter, vel *absque*, vel *cum contemptu* aliorum signis exterioribus, factis, *b)* verbis, vultu, risu, dono, *c)* pictura &c. declarato.

5. Utraque, sed potissimum tamen prior vel rationibus quibusdam nititur & *prætextibus*, non iustis *d)* quidem, sed saltem, plausibilibus, *e)* à virtutibus corporis & ingenii, item honore & divitiis desumptis, vel ne quidem *prætextus* allegare potest.

6. Differunt hæc superbiæ species gradibus. *Quæ* *prætextus* habet, *infimum* gradum obtinet, hominesque non reddit planè infociabiles, ac sapius cæteris paribus *f)* inter homines excusationem præbet, quam posses adeo distinctionis gratiâ nominare *superbiam simpliciter*.

7. *Quæ* rationibus omnibus caret, *absque* contemptu tamen, medio loco est posita, quando quis, cum nihil cogitet sibi inesse meriti, propter quod æstimeretur, gloriam in usurpatione putat, consistere, quasi quicquid sibi plus arrogant, ejusdem quoque plus habeant.

8. Hoc vitium tam absurdum est, ut vix credibile sit, dari, qui ita se prostituerent, ni multi essent assentatores, qui vanâ suâ laude hebetiores in istanc superbiam propellant. Nam & per se stultum est, propter nihil se magni æstimare, & alios omnes pro stultis habet, qui credit, quod ipsum citrà rationem sint æstimaturi.

Aa 3

9. Igitur

ad §. 4. b) Huc etiam refer, si detur levior alapa, Nasens tuberc. Quatenus enim per ea dolor corpori non inferatur pertinent ad meram contumeliam, non ad cap. seq.

c) Vel ratione modi donandi, vel ratione persona, qua donat aut cui donatur, vel ratione rei que donatur.

ad §. 5. d) Quia non tollunt equalitatem humanitatis,

e) Comparativè, & quatenus aliorum superbia, major est, qui hos *prætextus* non habent. Vel quia hæc prærogativa aptitudinem faciunt ad imperandum, nisi jus non tribuant.

ad §. 6. f) Si nempe non sit cum contemptu conjuncta.

9. Igitur non facile excusationem præbet ut prior species, neque tamen inter homines poena in eandem statuta, cum sibi magis quam aliis noceant, qui hoc vitio affecti sunt. Unde miseratione potius digni videntur, quam indignatione, & risum magis aliorum cient quam iram. Hinc & sæpius aliorum delectationi inserviunt. Posses adeo hoc genus vocare *stultam superbiam*.

10. Sed quæ insuper alios contemnit, *injuria intolerabilis* est, quia per eam aliorum animi asperius in iras ac ulciscendi libidinem concitantur, adeo ut multi deprehendantur, qui vitam malint præsentis periculo exponere, multo magis pacem adversus alios abruptere, quam contumeliam inultam pati. Quippe cum per hanc alter intendat violare existimationem, cujus integritate & vigore omnis animi voluptas constat.

11. Quapropter, uti hæc superbia, justam belli causam præbet, ita in Civitate justis poenis coercetur. Accedit enim quam proximè ad lationem præcepti sequentis, g) & à gentibus communiter peculiaris delicti, *contumelia* vel *injuria* nomen ipsi est impositum.

12. Posses verò *contumeliam*, abstrahendo à legibus civilibus, h) non incommode distinguere in eam, quæ fit *absque exprobratione defectus* alicujus in altero, ut si quis variis vultus, manuum, & aliis membrorum corporis figuris alteri illudat; vel quæ alteri *defectus quosdam* vel verbis vel factis, puta habitu, pictura, &c. *exprobrat*.

13. Posterior hæc vel exprobrat alteri defectus *naturales*, vel vitia *moralia*.

14. Differunt hæc tres species iterum gradibus, prima *gravis*, altera *gravior* est, tertia *gravissima*.

15. Simul patet vulnerationem, verberationem, occisionem, cum non famam & gloriam per se impetant, magis pertinere ad cap. sequens.

16. Quod

ad §. 11. g) Quomodo verò differat ab ea, vide cap. seq. §. 5. & 10.

ad §. 12. h) Quæ dividant in realem & verbalem.

ad §. 15. i) vide ibi §. 6. & 11.

16. Quod vero eadem à Jædis Romanis ad *Injuriam* relata fuerint, fortè exinde, factum est, quod damni per hæc facta dati in libero homine æstimation non esset ordinaria, adeoque non videretur quadrare ad actionem Legis Aquiliæ, 1) veram rerum & communem æstimationem intendentis. Retulerunt ergo ad actionem injuriarum, in quâ quoniam existimationis, tanquam boni extra commercium positi quasi æstimatione permitteretur actori, non videbatur inconveniens, si simile quid concederetur actori in bono sanitatis & integritatis membrorum læsis.

17. Ex dictis etiam colligitur, merito explodendam illam sententiam, ex Græcis antiquis haustam, quâ quidam homines *naturâ servi* statuuntur, m) id quod adversâ fronte cum æqualitate hominum naturali & tranquillitate communi pugnat, quatenus ii, qui se natura liberos & sapientes arbitrantur, in servos naturâ tanquam stupidos & barbaros imperium prætendunt.

18. Opposita superbiæ est *modestia*, n) semper veræ generositati comes, quæ consistit in reflexione, quam facimus super infirmitate naturæ nostræ o) & erroribus, p) quos olim potuimus commisisse aut deinceps poterimus committere, qui non minores sunt iis, qui ab aliis committi possunt.

19. Per

ad §. 16. 1) Quæ alias cap. seq. damna persequitur.

ad §. 17. m) Quamvis enim hæc doctrina Aristotelis communiter exponatur de aptitudine, unde tollerari posset; Græci tamen talem aptitudinem intellexerunt, quæ ipsis tanquam gentibus moratoribus arbitrium & facultatem det illas gentes bello subigendi. Quam doctrinam in exercitium deduxit Aristotelis discipulus Alexander M.

ad §. 18. n) Humilitatem ap-

pellat Dn. Pufend. Quia tamen superbiæ oppositum describitur, quod per id nos nemini præferamus, & verò humilitas plus intendat, nempe ut alios præferamus nobis, malui termino modestiæ uti. Accedit quod veram humilitatem planè ignores Philosophia, & ista virtus solè Christianismo videatur esse propria.

o) Quod possimus faciliè amittere bona corporis & fortune & ammi naturalia.

19. Per hanc enim efficitur, ut nos nemini præferamus, reputantes, cæteros æqvè benè suo libero arbitrio ac nos uti posse, cum eo æqvè polleant. Hujus enim legitimus usus unicum illud est, quod homo pro suo reputare possit, & quo sese q) æstimare aut despicere queat.

CAPUT. V.

De

Non lædendis aliis, & de damno dato resarciendo.

SUMMARIA.

Secundum præceptum negativum: **NEMINEM LÆDE.** §. 1. 2. Lesionis ambiguitas §. 3 -- 13. Ex lesione damnum oritur §. 14. unde præceptum: **DAMNUM DATUM RESARCI.** §. 15. 16. Damni variae species §. 17 -- 26. Differentia nostri præcepti à L. Aquilia §. 27. 28. Notabilia circa damnum per consequentiam datum §. 29. 30. 31. Damnum dolo §. 32. 33. culpa §. 34. 35. 36. & casu datum §. 37. 38. 39. Damnum cause sociæ §. 40. 41. Ordo plurium damnum simul dantium §. 42. 43. 44. 45. Differentia inter obligationem ad restituendum damnum & penam §. 46. Quanam delicta hoc præcepto censeantur prohibita. §. 47. Obligatio homicidæ §. 48. mutilatoris §. 49. Adulteri & adulteræ §. 50. stupratoris §. 51. furis & raptoris §. 52. Damnum actionum noxalium §. 53.

§. 1. Alter

p) Quoad bona animi moralia. | usus est, si homo se conferat cum
ad §. 19. q) Non alios, unde pec- | bestiis ista libertate non gauden-
cabat Phariseus. Legitimus verò | tibus,

§. I.

A *Iterum a) præceptum negativum, quod ex statu humanita-*
tis & præcepto de custodiâ æqualitatis profluit, est: **NE-**
MINEM LAEDE.

2. Est hoc præceptum uti ambitu suo *latissimum, b)* ita ob-
servatu *facillimum, c)* quin & maximè *necessarium, d)* quod citra
illud socialis hominum vita nullo modo consistere queat.

3. Cæterum *lesionis* vox est ambigua. *e)* Denotat enim
1. *denegationem juris cujuscunque* alteri debiti etiam ex obligatio-
ne imperfectâ, qui tamen significatus est abusivus. *f)*

4. 2. Sumitur pro *denegatione juris perfecti*, tam ex pacto de-
negantis nobis debiti, quam sine eo; ita in contractibus læsio in-
tercedere dicitur.

5. 3. *Pro denegatione juris tantum absque pacto ejus qui me ledit*
debiti, sive hæc denegatio intendat læsionem bonorum, quæ regu-
lariter vi injusta auferri nequeunt, qualis est honor & existimatio
mea, sive eorum, quæ læsioni injustæ etiam sunt obnoxia: ita me
lædit, qui me contumelia afficit.

6. 4. *Pro læsione bonorum saltem posterioris generis*, sive hæc sint
bona corporis, sive bona fortunæ; Ita vulneratio læsio est.

7. 5. Denique pro *læsione saltem bonorum fortunæ* v. gr. quando
quis pecudem meam interficit, res alias corrumpit aut eas furto
aufert.

8. *Primus significatus* huc non spectat, non solum quia abu-
sivus est, sed & quia quærimus hic speciale aliquod præceptum,
non generale, tum quia magis spectat ad caput sequens.

9. Neque *secundus significatus* est hujus loci, læsio enim, quæ
in contractibus intercedit, pertinet ad præceptum de fide ser-
vanda.

Bb

10. Ter-

ad §. 1. a) *Dn. Pufend. habet pro*
primo III. I. 1.

ad §. 2. b) *Obligat omnes ho-*
mines.

c) *Consistit in omissione.*

d) *Magis turbat societatem*

quàm reliqua, v. g. superbia simplex,
pæstorum violatio, ommissa præstatio

officiorum humanitatis.

ad §. 3. e) *Harum acceptionum*

una semper est latior altera.

f) *conf. c. 1. l. 1. §. 152.*

10. *Tertium* vero ab hoc capite alienum esse ostendunt ea, quæ diximus capite præcedenti. g)

11. Igitur succedit *quartus*, qui propriè huc pertinet. Unde sensus præcepti nostri est: *Non corrumpas aut auferas alterius bonum corporis vel fortuna, quod citra tuum pactum possidet, neve cum in usu ejusdem impediās.*

12. Notanter dico, *quod citra tuum pactum possidet.* Muniantur enim hoc præcepto non illa tantum, quæ immediatè nobis ipsa natura concessit, uti est vita, corpus, membra, pudicitia, libertas, b) sed & idem præceptum se diffundit ad omnia instituta & conventiones, quibus aliquid homini acquiritur, ut sunt regulariter divitiæ, modo non debeantur præcise ex conventionione lædenti. i)

13. Sed cui usui nunc erit significatus *quintus*? Illum addidi propter *Legem Aquiliam Romanorum*, quæ respiciebat ad solas divitiās. Cur non & ad reliqua corporis bona, item ad pudicitiam, ex dictis capite præcedenti l) liquet.

14. Ex læsione vero *damnum* oritur, quod adeo hoc loco est *carentia boni alicujus ob alterius factum jure destitutum.*

15. Uti autem omnia præcepta negativa sub se comprehendunt affirmativa, ita & consequens præcepti nostri est: **DAMNUM DATUM RESARCI.**

16. Si enim, ubi de facto quis læsus fuerit, *damnum* ipsi gratis sit devorandum, & qui læsit, fructu suæ injuriæ securè & citra, refusionem gaudere queat, vanum & omnino inutile foret præceptum de non lædendis aliis.

17. Sed *damnum* varias distinctiones recipit. Est enim 1. vel *positivum*, cum alicui aufero, quod jam ejus est, ut si furtum committo, aut ædes ejus comburo; vel *privativum*, quando intercipio lucrum, quod justè sperabat. m)

18 2.

ad §. 10. g) §. 10. & 11.	i) Ultima hæc verba etiam non
ad §. 12. h) Addit Dn. Pufend.	habet Dn. Pufend.
existimationem simplicem, sed hæc	ad §. 13. l) §. 15. 16.
pertinet ad caput præcedens.	ad §. 17. m) v. g. hereditatem.

18. 2. Damnum vel cum lucro ledentis conjunctum est, ut in furto, vel non est conjunctum, ut in combustione ædium.

19. 3. Damnum datur vel directo in ipsare, vel per consequentiam, v. gr. in fructibus rei, &c.

20. 4. Datur vel dolo seu ex proæresi, vel culpa sive ex omissione diligentiae debitæ.

21. Et quidem 5. vel facto commissionis, ut in furto, item si ignem supponam rei alienæ, vel facto omissionis, ut si ignem non extingvam, aut muniam, cum hæc facere debuisssem.

22. 6. Quoad factum commissionis, vel lædo alterum immediate per meum corpus, ut si manu rem alterius rumpam aut lacerem, vel mediantibus aut causis naturalibus, ut si gladio, fuste, igne rem alterius perdam, aut hominibus, ut si per emissarios ipsum lædi curem.

23. Unde 7. Damnum do vel solus vel ut causa sociæ.

24. 8. Eaque vel ut principalis vel minus principalis, vel æque principalis. n)

25. Omnia hæc damna hujus loci sunt, & in præcepto de damno dato refarciendo includuntur.

26. Cujus adeo sensus est: Ut de damno, quocunque modo ex his dato, læso, vel per restitutionem ipsius rei, vel, si hac fieri nequit, ejus æstimationis cum omni interesse satisfiat.

27. Unde simul patet nova differentia ab actione Legis Aquiliæ. Hæc enim non coercet damnum privativum, nisi per consequentiam, hoc est, quatenus damnum positivum præsupponit. o)

28. Deinde nec datur ob damnum, quod cum lucro ledentis est conjunctum. Ibi enim jam læso peculiari actione erat prospectum, furti puta, vi bonorum raptorum, interdicto unde vi &c.

Bb 2

29. Porro,

ad §. 24. n) Primi exemplum, habes in jubente, secundi in exequente, tertii in duobus paribus.

ad §. 27. o) Unde dabitur quidem, si servum meum interficias, etiam insuam hereditatis inter-

cepta. At si tantum absq; damno positivo hereditatem intercipias, dabitur actio de dolo. Neque dabitur, si usufructuarius vites non subseverit.

29. Porro, ut ad nostri præcepti sententiam recedamus, *de damno quod per consequentiam datur*, in specie notandum, illius æstimationem tum demum præstandam, si probabiliter valde bonum, quod peto, aliàs fuisset consecuturus. Unde servo ab alio herede instituto, eoque, testatore vivente, ab alio interfecto, occisor domino non præstabit æstimationem hæreditatis, præstare vero tenebitur, si mortuo testatore id fecerit.

30. Similiter considerandum est, annon *damnum per consequentiam mea potius culpa* annumerandum sit. Unde regulariter, qui furtum frumenti fecit, domino pretium servorum, ablato frumento fame necatorum, restituere non erit obligatus. p)

31. *Utriusque requisiti defectus* fortè in isto exemplo latet, si piscator retibus ablatis simul petat æstimationem piscium, quos interim, si retia non fuissent ablata, capere poterat. q)

32. Cum vero *damnum malitia & dolo* datum est, insuper is, qui in statu naturali vivit, ad cautionem læso præstandam, in statu civili ad pœnam à principe patiendam est obligatus.

33. In statu tamen naturali & hoc casu ultro rescarcionem offerenti & veniam petenti ea erit concedenda. r)

34. Si *culpa* datum *damnum* ei, cui ex contractu non obligor, quæcunque culpa mea s) fuerit, rescarcendum erit *damnum*.

35. Quod si rem ex contractu detineam, tum illam saltem, culpam præsto, quam natura contractus fert. t) Unde si in re depositâ per negligentiam *damnum* dem, non tenebor, modo eâdem negligentia simul perdata fuerit res mea.

36. Accu-

ad §. 30. p) l. 21. §. 3. ad L. Aquil.

ad §. 31. q) l. 29. §. 3. eod.

ad §. 33. r) Non tamen propterea semper in statu civili remittenda erit pœna.

ad §. 34. s) Etiam levissima.

ad §. 35. t) In contractibus enim

quandoque sibi quis imputare debet, qui cum negligente contraxit. Ubi vero quis in re mea citra contractum *damnum* dat, nihil est quod mihi imputeetur. Accedit, quod in contractibus, in quibus non omnis culpa præstatur, Dominus rei ex contractu utilitatem sentiat.

36. Accuratè enim loquendo, factum hoc meum tùm non est culpa, quia in deposito majorem diligentiam alienis rebus non adhibere teneor, quàm adhibeo rebus meis.

37. *Casus* autem, hoc est, si nec ex proxiimi damnum datum sit, neque per omissionem diligentiae debitae, non praestatur, sed hunc, ut in proverbio est, sentit dominus.

38. Unde non opus erit limitationem Doctorum addere, quod tenear praestare *casum, quem culpa mea, vel dolus praecessit*, ut si rem apud me depositam invito Domino aliunde transferam, eaque à latronibus mihi auferatur. Hic enim non casus, sed culpa mea domino rei damnum datur, non enim debuisssem rem depositam aliò transferre.

39. Quod si tamen pauper à locuplete per casum fortuitum sit laesus, *u*) liberalitati ipsius congruum erit, miserum aliquo beneficio solari. Sed hæc obligatio pertinet ad caput sequens.

40. Ut verò quis teneatur ad damnum resarciendum tantum *causa sociæ*, necesse est, ut revera causa damni fuerit, & momentum attulerit ad totum damnum aut ejus partem.

41. Igitur ubi quis ad ipsum actum, quo damnum fuit datum, realis aliquid operæ non contulit, neque, ut iste susciperetur, antecedenter effecit, neq; in partem emolumenti venit, is, licet occasione istius actus aliquo peccato obstringatur, ad restitutionem tamen damni non tenebitur. Huc pertinent qui v. gr. alienis malis *latantur*, qui perpetratum damnum *laudant, excusant*, qui antequam fiat, *optant*, dum fit, *faveant* aut assentantur. *x*)

42. Ex his, qui in impari gradu damnum dederunt, primò ad damnum resarciendum obligantur illi, qui principaliter id produxerunt, *his deficientibus* ii qui concurrerunt.

43. Adeoque primo loco tenentur, qui imperio aut alio modo ad necessitatem accedente ad factum impulerunt. *Patrator* facinoris, cui ministerium detrectare non licuit, *instrumenti* saltem

Bb 3

ratio-

ad §. 39. u) v. g. si dives, quem aggreditur alter, dum se defendere vult, adstantem pauperem laedat.

ad §. 41. x) Possunt tamen & hi puniri per §. 46.

rationem habebit. Qui *citra necessitatem* ad facinus accessit, ipse *primo loco* tenebitur, tum ceteri, qui ad facinus aliquid contulerunt.

44. Quod si à pluribus *in eadem causarum classe* constitutis idem actus profectus fuerit, in *actibus individuis*, ut sunt incendium, perfoſſio aggeris & ſimiles, ſinguli tenebuntur in *solidum*, y) *in dividuis*, ut ſit in vulneratione, ſinguli pro eo quod fecerunt, ſunt obligati, z) ſive utrobique cum conſpiratione, ſive *citra eandem* plures aliquod facinus perpetraverint. a)

45. Si tamen ab uno illorum qui inæqualiter tenebantur, vel qui ſinguli obligati erant in *solidum*, damni reparationem conſecutus fuerim, reliqui liberantur, repero enim hic rei meæ æſtimationem, quam ſi habeo, non poſſum ab alio idem bis petere.

46. Unde inter obligationem ad reſarciendum *damnum*, & *pœnam*, multæ intercedunt differentiæ, cum ea, quæ hæcenus diximus, in pœnis ſerè ſe habeant aliter, ut in quibus v. gr. laudatores & aſſentatores delicti pœnâ coerceri poſſunt, & ſæpius æquali pœnâ notantur, qui impari gradu damnum dederunt, & denique per pœnam unius reliqui non liberantur, de quibus ſuo loco.

47. Igitur per noſtrum præceptum prohibita ſunt quævis crimina, quibus alius noxa inferitur, ut ſunt *caedes*, *vulneratio*, *verberatio*, *rapina*, *furtum*, *fraus*, *vis*, item ſuo modo, & quatenus *pu-dicitia* læditur, ac maritus alienæ prolis educatione oneratur, *ſtu-prum*

ad §. 44. y) i. e. ſi reliqui non facile conveniri poſſint, vel non ſint ſolvendo, unus ex his tenetur damna data reſarcire. Nota tamen, abſtrahendo à Legibus Romanis, unius ſolutione reliqui liberantur, quia hic quærimus ſaltem de reſtutione damni dati. In jure Romano vero actio ſimul eſt pœnalis,

z) Ita ut v. g. qui fregit cruram, non debeat præſtare damnum quo alter vulneravit brachium. Ita & Romani cum qui vulneraverat, cum alter occidiſſet, non conveniebant de ſervo occiſo.

a) Hanc diſtinctionem adhibet Dn. Pufend. III. 1. 5. & de O. H. c. 6. §. 8.

prum & adulterium. Et si ex dictis facile ratio dari possit, cur pleraque horum non coerceat lex Aquilia. *b)*

48. *Homicida* iustas tenetur impensas in medicos factas, & iis, quibus alimenta debebantur à defuncto, spem alimentorum, solvere, *c)* Lucri verò, quod occisus facere poterat si vixisset, tanquam omninò incerti, hic non habenda erit ratio, uti nec vitæ in libero homine, bene tamen in servo.

49. *Qui mutilavit*, similiter tenebitur ad impensas in vulnus curandum factas, & æstimationem ejus, quod jam, qui mutilatus est, minus lucrari potest, *d)* quanquam & hic, si accuratè velis loqui, abstrahendo à legibus civilibus, non tam lucrum futurum tanquam res incerta æstimari debeat, quam alimenta læso per vulnationem, ne ipse in posterum de iis sibi prospicere possit impedito, suppeditari. *e)*

50. *Adulter & Adultera* indemnem debent præstare maritum, de alendâ prole adulterina, non tamen, ut puto, legitimis liberis rependere, *f)* si quod damnum patiuntur ex concursu ita susceptæ sôbolis ad hæreditatem, etiamsi abstrahamus à dispositione legum civilium, circa successionem liberorum adulterinorum, in bonis parentum; quia partim hoc damnum non sentiunt ab adultero, sed à voluntate parentum, partim, quia ita liberis legitimis saltem intercipitur lucrum futurum, maximam partem incertum.

51. *Qui*

ad §. 47. *b)* Conf. supra §. 13. & c. præced. §. 15. 16.

ad §. 48. *c)* Sed hæc spes estimanda arbitrio iudicis pro ætate defuncti atque eorum, quibus alimenta debentur, & intuitu viduæ, donec ad secundas nuptias pervenerit.

ad §. 49. *d)* Ita Dn. Puf. III. 1. 8.

e) Unde v. g. alimenta solvenda scribe, si manibus fte vulneratus, m- bellioni, si pedibus.

ad §. 50. *f)* Dissent. Dn. Pufend. III. 1. 9. *cujus rationes, petite ex pacto matrimonii, videntur paululum longius quesita esse, & pugnare cum natura pactorum in genere, cum pacta matrimonii sint inter maritum & uxorem, quorum respectu liberi sunt extrâ pacta. Igitur mihi quidem placet sententia, Ziegleri, contra quam ibidem disputatur.*

51. *Qui virginem imminuit*, vi aut fraude, tenetur ei rependere, quanti minoris jam ipsi deflorata valet spes nuptiarum, quod sit, si aut ducat aut dotet. *Quæ* ultro in meram libidinem, consensit, habet quod sibi imputet. Quod si quis virginem pactione matrimonii ad concubitum pellexerit, non ducere quidem eam tenebitur, g) sed in statu naturali jam duxit.

53. *Fur & raptor* tenentur rem subtractam reddere, cum suo incremento naturali b) & cum sequente damno & cessante lucro probabili, i) etiamsi pœnam insuper furti aut rapinæ nomine cogantur sustinere. l)

53. De Damnis insuper à servis vel animalibus nostris datis citra culpam nostram, leges Romanæ actiones noxales dabant, quæ, etsi ex nostro præcepto non fluant, propterea tamen pro meris inventis juris civilis non erunt habendæ, sed nituntur omnino æquitate de præstandis officiis humanitatis. De quibus statim.

CAPUT. VI.

De

Promiscuis Officiis Humanitatis.

SUMMARIA.

Preceptum primum affirmativum; ALTERIUS HOMINIS UTILITATEM, QUANTUM COMMUNE POTES, PROMOVE.
§. 1. quod deducitur ex socialitate §. 2. & custodia aequalitatis
§. 3. & ostenditur esse absolutum §. 4. & locum etiam habuisse ante Dominia distincta. §. 5 -- 10. An & in statu integritatis? §. 11.

-14. Pra-

ad §. 51. g) Ut vult Dn. Pufend.
III. 1. 10. ubi simul respondet ad objectionem de turpitudine pacti.
ad §. 52. h) v. g. cum vitulo.

i) v. g. hereditate, quam servus adire debebat.

l) Unde notatur mos judiciorum, ubi iudices rem furtivam retinent.

--14. *Præceptum hoc inter eos, qui in statu naturali vivunt, §. 15. producit obligationem imperfectam §. 16 -- 19. quandoque tamen perfectam §. 20. 21. 22. In statu vero civili obligatio diverso respectu imperfecta & perfecta est §. 23. 24. 25. Officia humanitatis sunt vel indefinita §. 26 -- 29. vel definita §. 30. Hec vel vulgaria, quorum denegatio inhumanitas dicitur §. 31 -- 33. eorum præstatio autem sit in rebus innoxia utilitatis §. 34. Huc pertinent questiones (1) de transitu personarum §. 35 -- 37. (2) de transitu mercium §. 38. 39. (3) de vectigalibus §. 40. 41. (4) de accessione ad littus, & (5) de admissione peregrinorum §. 42. (6) de receptione expulsores §. 43. (7) de commerciis §. 44. (8) de admissione admtrimonia §. 45. (9) de exclusionis unius à re ad quam alii admittuntur §. 46. vel beneficia §. 47. 48. quibus correspondet gratitudo §. 49. 50. 51. Ingratitudo vel simplex vel pragnans §. 53 -- 55. An detur actio ingrati? §. 56. 57. 58.*

§. I.

Tertium præceptum speciale ex statu humanitatis & lege de custodiendâ æqualitate descendens, inter duo affirmativa verò primum est; ALTERIUS HOMINIS UTILITATEM, QUANTUM COMMUNE POTES, PROMOVE. *a)*

2. Socialitati enim in totum non satisfacit, qui tantum abstinet à læsione alterius, & ne alteri malè sit, sed tùm demum vita beata est & tranquilla, si procuremus mutuo, ut nobis sit benè.

3. In specie verò custodia æqualitatis hominem huc ducit. Cum enim homo desideret non solum ea, sine quibus subsistere non possit, sed & aliis opus habeat, ut commodè vitam transigat, ea verò sine ope aliorum consequi nequeat, neque aliquorum saltem, sed indistincte quorumlibet, etiam vilium aliàs, operæ indigere possit; peccaret in æqualitatem, si non ipse etiam, quod

Cc

ab

ab aliis indistinctè postulat, aliis indistinctè iterum præstare sit paratus.

4. Retuli verò hoc præceptum inter *absoluta*. Neque te-
turbet, quod pleræque quæstiones speciales præsupponant distin-
ctionem dominiorum, omnis autem obligatio distinctionem,
dominiorum sequens, ut infra b) docebimus, pertineat ad præ-
cepta hypothetica.

5. Quicquid enim hujus sit, id tamen certum est, præce-
ptum nostrum, quoad primam originem, in *statu post lapsam etiam,
ante distinctionem dominiorum* habuisse locum, ut adeò subsecutâ
dominiorum distinctione novæ quidem conclusionis accesserint,
sed ex iisdem tamen principiis ut antè deducendæ.

6. Nimirum promovetur alterius commoditas vel *re meâ, s)*
vel *operis meis*.

7. His quidem vel *intuitu rerum ejus*, ut scilicet operis meis
vel *augeantur, d)* vel *conserventur, e)*

8. Vel *sine respectu ad res ejusdem*, partim ut succurram ipsi
adversus injurias aliorum, f) partim ut subsidia feram ipsi, in *cor-
rigendis defectibus propriis*.

9. Sunt autem defectus illi vel *corporis*, ut consilia suppe-
ditem sustentandi sanitatem ejusdem, g) vel *animi*, ut ea quæ ne-
scit doceam, aut aliis modis imperfectionibus *intellectus* ejus suc-
curram, h) tum à *peccatis eum* avocem, i) aut si peccatum sit,
amicè emendem.

10. Jam

ad §. 4. b) cap. 10.
ad §. 6. c) commodando, mutuo
dando, donando &c.

ad §. 7. d) in mandato, locatio-
ne operarum &c.

e) iterum in mandato, locatione
& deposito potissimum.

ad §. 8. f) Per defensionem &
tutelam, quorsum adhuc hodiè in-
clinant fœdera Principum plerâq.

ad §. 9. g) per medicinam vel
certè per consilia medica, præscri-
ptionem dietæ &c.

h) Si doceam, quomodo præjudi-
cia sint abjicienda, & in genere quo-
modo sit ratiocinandum, aut quo-
modo debilitatibus judicii, ingenii,
memoria debeat succurrere.

i) per adhortationem ad virtu-
tem &c.

10. Jam facile patet, officia hæc humanitatis, quando commoditas alterius operis meis sine respectu ad res ejusdem promovetur, etiam ante distinctionem dominiorum habuisse, usum.

11. In statu itaque post lapsum semper & fuit & est hujus præcepti usus fertilissimus. Caterum utrum & in statu integritatis locum vindicasset sibi, non ita facile definietur.

12. Nam quod attinet officia, quibus alteri re meâ aut operis meis ad conservandas & augendas res ejus proprias succurro, illa exulassent credo à statu, in quo ob summam amicitiam nil nisi communio perpetua erat futura, ut infra l) demonstrabitur fufius.

13. Reliqua vero, quibus alteri absque intuitu rerum succurro, officia, ut ex exemplis modo allatis patet, præsupponunt imperfectionem physicam, aut moralem, vel in eo cui officia præstantur, vel in aliis: quales imperfectiones in statu isto perfecto omnino abfuissent.

14. Nisi fortè ad ejusmodi officia velis recurrere, quorum desiderium non adeo magnam imperfectionem involvit, v. gr. ut errantiviam commonstrem, m) ut lumen de lumine meo accendamus n) &c. Quamvis & de his sit cogitandum ulterius.

15. Exerit autem se præcepti nostri efficacia aliter inter eos, qui in statu naturali vivunt, aliter inter eos, qui degunt in civili.

16. Inter illos regulariter producit obligationem imperfectam salutem, & hoc modo à reliquis præceptis omnibus differt, unde etiam

C. c 2

iam

ad §. 12. l) cap. 10. sibi appropriaverit, vid. c. 10. §. 76. & 82. Quanquam & hic fortè dici possit, lumen istud fuisse proprium factum intuitu consumptionis, mansisse commune intuitu accensionis. Videndum etiam, an in statu integritatis futura fuissent tenebrae?

ad §. 14. m) videndum tamen, an in statu integro homines non habuerint facultatem divinandi, aut an ibi peregrinationes fuissent?

n) Quod, quis, apprehendendo,

iam, qui adversus hoc præceptum peccat, *inhumanus*, non *injustus* dici consuevit.

17. Cum enim hoc præceptum jubeat sapissimè, alterius utilitatem tantum, non necessitatem promovere, & talem quidem, cujus defectum, si unus nolit, facile alii possint supplere, inde non opus erat, ut singuli homines obligarentur perfectè, sed magis erat gloriosum & ad eliciendum amorem aliorum, ac declarandum amorem proprium, magis aptum, ut relinqueretur pudori hominum præstatio talium officiorum, ad quæ ab altero cogi non possent.

18. Accedit quod in iis officiis, quæ cum labore nostro aut detrimento aliquo sunt conjuncta, non opus sit semper propriam commoditatem postponere alienæ, sed hic sapius valeat regula vulgata: quod recta charitas incipiat à se ipsâ. Jam cum quilibet in statu naturali priorum commodorum sit justissimus arbiter, non poterat sine turbâ totius humani generis alteri officium petenti, adversus denegantem, & ad propriam utilitatem provocantem, concedi remedium coactivum.

19. Et quid verbis est opus? ipsa *æqualitatis custodia* inculcat, præceptum hoc regulariter non nisi imperfectè obligare. Quoniam enim ad hujusmodi officia exhibenda indistinctè omnes homines ob communem statum humanitatis obligantur, non observata fuisset æqualitas, si in causa communi absque sufficienti ratione o) indigens unum præ reliquis eligere & ad hæc officia exhibenda præ reliquis voluisset cogere.

20. Caterum hæc ita procedunt *regulariter*. Nam poterit etiam inter eos, qui in statu naturali vivunt, contingere, ut obligatio ad officia humanitatis præstanda evadat perfecta. Sed quando? Responsio in promptu est, si cessent rationes modo dictæ, quæ inefficacis obligationis cause sunt.

21. Inde ut *perfectè* quis obligetur, tria constituenda erunt requisita (1.) ut is qui officium humanitatis postulat, absque
ejus

ad §. 19. o) Qualis est in cap. seq. pactum, ne ex eo des instantiam.

ejus consecutione sit *interiturus*, (2.) ut non æque *ab aliis* hominibus possit ea, quæ desiderat consequi, (3.) ut is à quo officium exigitur, non sit in *pari necessitate* constitutus; Atque hoc est quod supra p) diximus, summam necessitatem officia humanitatis mutare in jus perfectum.

22. Exemplum cape. Fingamus duos Patres familiās diversæ nationis, nullaquæ ratione particulari se attingentes, & solo humanitatis vinculo ligatos in regionem desertam per naufragium ejici, simul verò ejici res uni saltem proprias ad vitam & suam & socii sustentandam abunde sufficientes; Tum sanè hic perfectè obligabitur sociò de abundantia suâ succurrere.

23. Atque hæc de statu naturali. In *statu Civili* autem ea, quæ hæctenus diximus, in universum non procedunt. Sed hic quidem *superiores* ab inferioribus hæc officia jure perfectò postulant, quam accuratè loquendo, tum nec sint amplius officia humanitatis, quia non ex communi humanitatis statu, sed ex statu speciali subjectionis, qui plerumquæ pactum speciale præsupponit, fluunt, & jure imperiū postulantur.

24. Quod vero *subjectos inter se relatos* attinet, retinent hæc officia eorum respectu suam naturam, ita tamen, ut imperans ob utilitatem communem possit & hic per legem ei, cui ejusmodi officia debentur, actionem in certis casibus concedere, q) aut alio modo r) debentem officia ad eorum præstationem adigere, quamvis tunc iterum nomen officiorum humanitatis amittant.

25. Denique quod officia humanitatis spectat, quæ *subjecti ab imperante* quæ tali exigunt, ea quidem naturam communem intuitu obligationis imperfectæ retinent, sed in eo tamen à reliquis officiis imperantis s) non differunt, cum subjectis, quæ talibus, adversus imperantes, nulla planè potestas cogendi competat.

Cc §

26. Ha-

ad §. 21. p) cap. 2. hujus libri
§. 180.

ad §. 24. q) vide cap. præced.
§. ult. ubi exemplum.

r) Si injungat v. g. per modum
præcepti dationem elemosynarum.

ad §. 25. s) v. g. ex cap. præced.
& sequente ortis.

26. Hactenus de officiis humanitatis in genere. *Divisionem*, eorundem simul tradidimus supra, *r*) sed obiter & tanquam aliud agendo. Distinctiorem meditationem meretur alia, priori illi non multum absimilis. Officia humanitatis exhibentur vel *indefinitè*, & sine respectu ad certos homines, vel *definitè*, certis hominibus utilitatem procurando.

27. *Indefinitè* aliorum commodum promotum it, qui animam ac corpus probè excolit, ut utiles abs se actiones in alios proficisci queant, aut si per solertiam ingenii talia inveniatur, quibus vita humana reddatur instructior. *u*)

28. Unde contra hoc officium *peccant*, qui nullam artem honestam addiscunt, animamque pro sale habent, ne putrescant, numerus tantum & fruges consumere nati, & id farina alia otiosa terræ pondera.

29. Vicissim illis, qui de mortalium genere benè mereri instituant, ceteri hoc *debent*, ut ipsis ne invidiant, nec præclaris eorundem conatibus remoram injiciant. *x*) Tum, si alia non sit via, paria cum ipsis faciendi, saltem celebritatem memoriæ, famæque eorum, qui præcipuus laborum fructus est, promotum eant.

30. *Definitè* aliorum utilitati infervimus vel *absque detrimento* aut molestiâ nostrâ, vel *cum impensâ* aut operâ laboriosâ. Illud *vulgaris humanitas* dicitur, hoc *beneficium*.

31. Quod *vulgarem humanitatem* concernit, id axioma de eâ venit notandum: *Qui eam denegat alteri vel invidet, insigniter malus & inhumanus habetur*.

32. Cujus is est sensus, quod eo ipso se reddat indignum, cui officia humanitatis iterum exhibeantur.

33. Cave

ad §. 26. t) §. 6. seq.

ad §. 27. u) vide cap. 2. hujus libri §. 61. seqq. Unde pertinet hoc præceptum simul ad cap. istud 2. vel declarat potius, quoniam omnis obligatio hominis intuitu sui ipsius

ad socialitatem respicit, ad quod præceptum speciale ea pertineat, nempe ad præsens caput.

ad §. 29. x) aut eos promovere seculi nostri, statim tanquam renovatores traducant.

33. Cavē tamen pures, dum vocem insignis malitiæ audis, ac si propterea in statu naturali extra casum necessitatis, ab eo, cui vulgarem humanitatem negavit, quis possit bello peti; hoc enim repugnat iis, quæ de officiis humanitatis in genere docuimus modo, y) etsi, ut iterum ex dictis patet, in civitate ejusmodi inhumanitas pœnis coerceri possit.

34. Quæ verò sic præstantur officia, vocari solent *res innoxie utilitatis*, quæ sunt erranti comiter monstrare viam; lumen alteri de suo lumine accendere; concedere haustum aquæ; integram rem quam solus consumere nequeo, relinquere aliis &c.

35. Ab his observationibus z) dependet definitio variarum *controversiarum*, à scriptoribus Juris Naturalis passim agitarum. I. de *transitu* per nostrum territorium, tam terrestre, quam maritimum. De hominibus singulis & paucis, ferè non est dubium, quod eis ex justa causa transitum petentibus, illum denegare velle maximè inhumanum sit. De magno exercitu, aut aliis *majoribus copiis*, res non caret controversiâ.

36. Videtur tamen hic subtiliter magis quam utiliter disputari. Nam exempla in hac quæstione adducta a) casus referunt, necessitatem summam haud præsupponentes. Ergo, etiamsi in illis transitus petentibus inhumaniter fuisset denegatus, modo denegationi non addita esset contumelia, nullam illi habuissent belligerandi causam.

37. At nec inhumanitatis denegantes poterunt argui, si prætendant, non innoxium sibi fore hunc transitum, cum cautiones, quas communiter hic suppeditant, non sint sufficientes. b)

38. Similis est ratio II. *transitus mercium* alienarum per terras nostras, nisi sint ad vitam sustentandam summè necessaria. Hoc enim casu, si quis eum deneget, jure belli parari poterit.

39. Alia

ad §. 33. y) §. 16. seqq.
ad §. 35. z) quæ scilicet notavimus
§. 32. & 33.
ad §. 36. a) à Dn. Pufend. III. 3.5.
circa finem.

ad §. 37. b) Potissimum, si belli
gratia transitus petatur. Vide Puf.
d. §. 5. ubi ipse respondet p. 288.
seqq.

39. Alia est ratio *juris stipula*, vi cujus etiam citrà necessitatem summam sine latione humanitatis transeuntes adigi possunt, ut sistantur in terra nostra &c. c)

40. III. Qvòd *vectigalia*, eorumqve justitiam attinet, ratio in aprico est, cur ex mercibus, qvæ terrestri itinere transvehuntur, aliquid vectigalis possit exigi, neqve obscura est ratio vectigalium in fluminibus exigi solitorum. d) Sed in fretis difficilior est inspectio,

41. Nam qvamvis & pro his rationes non omnino contemnendæ possint afferri, fatendum tamen est, ejusmodi vectigal maritimum reliquis longè odiosius, adeoque moderatè & citrà avaritiam tractandum esse; ac præterea facile unum vel alterum tales afferre rationes posse, unde se ab isto vectigali exemptum prætendat.

42. Illos verò indistinctè pro inhumanis habere nequeo, qui IV. prætervehentibus *accessionem ad litus* & commorationem ibidem denegant, aut V. *peregrinos admittere* & hospitio comiter excipere nolunt, si modo similia à peregrinis non petant ipsi. e) Possunt enim utrobique adesse non contemnendæ denegati accessus rationes.

43. Multo minus VI. inhumanitatis indistinctè accusari poterunt, qui sedibus suis *expulsos*, etiam conditiones æquas offerentes, *recipere* detrectant, quia ejusmodi receptio non est vulgaris humanitas, sed beneficium. f) Neqve adeo ea tanquam ex jure, stricto debita peti, neqve territorium alienum etiam à cultura vacuum in salutato domino invadi justè poterit.

44. Nec

ad §. 39. c) Non opus est, ut hanc sententiam probemus. Sufficit, quod nullum argumentum possit proferri, unde probetur inhumanitas,

ad §. 40. d) Propter damna, quæ regulariter ex fluminibus patiun-

tur vicini, aut impensas in aggeres.

ad §. 42. e) aliàs peccant in jure aequalitatis.

ad §. 43. f) Fit enim regulariter cum nostro incommodo.

44. Nec VII. officia humanitatis violasse censendus est, qui cum alio populo *commercia exercere* detrectat, sive illum ab emptione rerum suarum ipsi ad vitam non necessariarum arceat, sive ab eo res emere nolit, adeoque non permittat, ut in territorio suo venum exponantur.

45. Nec VIII. inhumani titulum meretur, qui vel cum privato, vel cum integro populo amicitiam *matrimonio* necere non vult. Igitur sola denegatio matrimonii nunquam iusta belli causa erit, nisi eidem juncta fuerit contumelia. g)

46. Id verò IX. valdè improbable, jus aliquod omnibus commune, adeoque & obligationem ad aliquid omnibus præstandum oriri ex suppositione, si quid *promiscuè omnibus externis indulgeatur*; b) tùm enim, si unus ab hâc indulgentiâ excludatur, ei contumeliam fieri. i) Non negandum tamen, consultius esse, si in ejusmodi denegatione rationes addantur, vel certè denegationis verba ita temperentur, ut nulla sub iis contumelia latere possit.

47. *Beneficium* est, si quis ex singulari benevolentia & propria generositate, vel ex singulari affectu, vel ex commiseratione conditionis alienæ, gratis quid in alterum conferat, impensa aut operis laboriosa constans, quo ipsius necessitatibus subveniatur, aut insignis quæpiam utilitas eidem concilietur.

48. Quæ verò in dispensatione beneficiorum tùm intuitu dantis, & accipientis, tùm intuitu modi aut aliarum circumstantiarum l) observanda sint, & ab aliis jam fufius traditum est, &

Dd

propter

ad §. 45. g) Huc pertinet raptus Sabinarum & Benjaminitarum.

ad §. 46. h) v.g. *commercia*, *matrimonia*.

i) Adeoque bellum inde dari, cum contumelia illata belli causam præbeat.

ad §. 48. l) Loci & temporis. Ut non publicè detur beneficium sed

privatim. Bis dat qui cito dat. Huc pertinent Seneca libri de beneficiis, ubi quidem fufius, sed & sæpè confufius tractat dignissimam hanc doctrinam. Tentavi eam ex fundamento, sed breviter & succinctè proponere in der Einleitung zur Eittenlehre c. 6. n. 52. seqq. usque ad n. 81.

propter nimiam circumstantiarum varietatem exactis regulis determinari nequit.

49. Uti verò homines ad humanitatis officia exhibenda multo generatim sunt obligati, ita maior obligationis gradus est in eo, cui non vulgaris humanitas, sed beneficium est exhibitum. Vocatur enim hæc præstatio in specie *gratitudo*, quæ adeo beneficio ex adverso respondet.

50. Est autem *gratitudo*, cum is qui beneficium accepit, ostendit, istud sibi acceptum fuisse, dantiqve eam ob causam, fivet, & occasionem quarit, paria reponendi aut amplius, quantum ejus fieri potest.

51. Hujus virtutis tantà est *necessitas*, ut si absque ea foret, omnis tolleretur inter homines beneficentia & fiducia, unaqve omnis benevolentia, neq; esset inter eos quicquam gratuita opis, nec ullum gratiæ conciliandæ initium.

52. Unde etsi in animo *ingrato* per se nulla sit injuria, ^{m)} sedius tamen & magis detestabile habetur nomen ingrati, quàm injusti, cum quis ne beneficiis quidem, quæ etiam bruta demulcent, ⁿ⁾ moveri potest ad concipiendum humanitatis sensum.

53. Est autem *ingratitude* duplex. *Simplex* una, quæ denegat saltem officia humanitatis, altera *prægnans*, quæ insuper beneficium lædit.

54. *Simplex* vel denegat officia humanitatis vulgaria, vel beneficia. Illam *eminentem* vocabimus; hanc *vulgarem*.

55. *Prægnans* ingratitude uti causam belli præbet, ita nullum est dubium, quin in civitate pariat actionem. Vel potius actionem jam competentem aggravat. o)

56. De

ad §. 52. m) Conf. supra §. 31. & 33.

n) Exemplo Leonis & Androcli. Non tamen exinde sequitur, quod bruta habeant sensum & memo-

riam. Non magis, quàm quod in ipsa cadat virtus gratitudinis.

ad §. 55. o) Ut in actione injuriarum, si quis parentes, patronos injuria affecerit.

56. De *Simplici*, quæ belli causa non est, quaeritur, an ob eam actio dari possit? Non facile concedendam esse arbitror. p) Conceditamen posse, imò & apud quosdam populos concessam fuisse, non est dubium. q)

57. Scilicet si simplex ista ingratitudo sit *emittens*, in vulgari erum & hoc vix procedet.

58. Sed & id notes, si occasione eminentis ingratitudinis actio concedatur, tunc exhibitionem officiorum humanitatis vulgarium beneficio factam amittere nomen gratitudinis.

CAPUT VII.

De

Officio Paciscentium.

SUMMARIA.

SECUNDUM PRÆCEPTUM AFFIRMATIVUM: FIDEM IN PROMISSIONE DATAM SERVA §. 1. Necessitas pactorum inter homines §. 2. & inde orta obligationis §. 3. Pactum quid? §. 4. vel gratuitum vel mutuum §. 5. Causa pacti consensus, §. 6. qui resolvitur i. in promissionem. §. 7. Hæc vel perfecta vel imperfecta §. 8. 9. 10. Nuda assertio §. 11. 2. in acceptationem §. 12 -- 16. Consensus vel expressus §. 17. 18. vel tacitus §. 19. 20. qui non confundendus cum consensu presumto §. 21. 22. 23. Differentie consensus taciti & presumti §. 24. -- 33. Persona quenam ad pacta incapaces? §. 34. -- 36. Consensus opposita §. 37. I. Error §. 38. qui semper in dubio erranti debet nocere §. 39. -- 48. II. Dolus §. 49. 50. 51. Dd 2 III. Vio-

ad §. 56. p) Seneca in libr. de beneficiis negat dari posse actionem ingrati, quem oppugnavit peculiariter differtatione Bædærus, subinde tamen injuriam simplicem cum præ-

gnante & alia hic distincta confundens.

q) Vide exempla subinde apud Declamatores Quintil. Senecam &c.

III. *Violentia* §. 52. IV. *Metus vel suspicax* §. 53. 54. 55. *vel terrens* §. 56. -- 59. *An quis obligetur metum injuste incutienti?* §. 60. -- 77. *Promitti possunt ea, quæ sunt in nostris viribus* §. 78. *unde nemo tenetur ad impossibilia* §. 79. -- 84. *aut turpia* §. 85. -- 89. *aut aliena* §. 89. -- 97. *Promittitur vel purè, vel in diem, vel sub conditione* §. 98. -- 113. *Promittimus vel ipsi vel per alios* §. 114. -- 120. *Divisio pactorum differtur* §. 121.

§. I.

Quartum præceptum speciale ex statu humanitatis descendens, & ex affirmativis secundum est: FIDEM IN PROMISSIONE DATAM SERVA. a)

2. *Necessarium* fuisse, pacta inter homines oriri, inde liquet, quod officia humanitatis, & eorum præstatio ad illa omnia, quæ homines ab se invicem utiliter expectare possunt, accommodari nequeat, ob conditionem partim ejus, qui utilitatem exhibere debebat, b) partim hujus, qui eam expetit, c) partim rei, d) quæ desideratur. Accedit, quod, si in statu corrupto semel bellum inter homines ortum sit, non nisi per promissiones id iterum componi possit.

3. Cum verò maximè eum in finem ineantur pacta, ut quis alterum sibi perfectè obliget, quem alias ex solo capite de præstandis officiis humanitatis imperfectè obligatum habebat, & porro indefinite cum quibusvis hominibus pacta ineamus; perspicuum est, & tranquillitatem generis humani, & in specie custodiam equalitatis postulare, ut fides data in pactis servetur.

4. *Pactum* est duorum in idem placitum de dando aliquo vel faciendo consensus.

5. Est.

ad §. 1. a) Junge huic §. seqq.
Puf. lib. 3. c. 4.

ad §. 2. b) Poterat enim ipse indigere vel ipsius rei, vel pretii pro re vel opera.

c) Cui fortè non convenit, ab altero accipere beneficium.

d) Si sit pretiosa.

5. Estque vel *gratuitum*, cum unus duntaxat se obstringit, vel *mutuum*, cum uterque.

6. *Causa proxima* constituendi pactum est *consensus*, isque mutuus, etiamsi ipsum pactum non sit mutuum.

7. Vocatur autem ex parte ejus, qui se obstringit, *promissio*, ex parte alterius, *acceptatio*.

8. *Promissio* est vel *perfecta* vel *imperfecta*. e)

9. *Perfecta* est declaratio voluntatis, quod alteri ita obligari velim, ut ipsi liceat rem promissam tanquam debitam à me exigere.

10. *Imperfecta* est declaratio voluntatis, quod alteri velim obligari, ita tamen ut ipsi non liceat debitum à me exigere, quales sunt promissiones patronorum. f)

11. Cum neutra harum confundenda est *nuda assertio*, quando declaro g) alteri meam voluntatem, quam in presenti habeo, de commodis ejus promovendis, ita tamen, ut ne quidem ad perseverantiam me obligare velim, quæ huc planè non pertinet.

12. Ut itaque h) *promissio* ad eliciendam obligationem requiritur, quia citra eam par non potest paris inviti libertatem restringere, ita nec sine *acceptatione* pactum est, quia nemo invito vult rem suam obtrudere.

13. Quod si itaque *acceptatio* non sequatur, juri promittentis in rem oblatam nihil decedit, quia paciscens rem suam non vult pro derelicto habere. i)

14. Quod si rogatio antecessit, censetur ea durare, nisi expresse fuerit revocata, eoque casu *in antecessum* acceptatio facta intelligitur.

Dd 3

15. Modo

ad §. 8 e) Junge huic §. seqq.
Pufend. lib. 3. c. 5.

ad §. 10. f) Parentum item, principum &c.

ad §. 11. g) v g. jam cogito, quod es velim heredem meum facere.

ad §. 12. h) Junge huic §. seqq.
Puf. lib. 3. c. 6.

ad §. 13. i) Ergo non poterit tertius eam occupare tanquam rem nullius.

15. Modo tamen rogationi respondeat oblatio. Nam si hæc rogationem vel excedat, vel ab eâ deficiat, expressa requiritur acceptatio, quia sæpius mihi non consulitur, nisi tantundem, 1) quantum rogavi, accepero.

16. Idque in promissis mutuis fere non habet dubium. Sed putamus, idem etiam dicendum esse in gratiis, quamvis dissentiant leges Romanæ m) incongruâ ratione, quod major summa contineat minorem.

17. Declaratur autem ab utroq; voluntas vel *verbis* vel *factis*. Unde consensus, & intuitu hujus, pactum, dividitur in *expressum* & *tacitum*.

18. *Expressum* non est difficile, nempe ubi consensus verbis constat. Sed de *tacito* distinctius procedendum.

19. Nimirum quamvis consensus tacitus sit ille, qui factis declaratur, ac apud Scriptores ferè synonymicè supponantur, *consensus tacitus* & *presumptus*, reverà tamen post leges Romanas *presumptus* consensus à *tacito* differt, adeoque nobis horum duorum confusio eò magis vitanda erit, quo minus communiter solet evitari. n)

20. Scilicet *facta licita*, o) quibus utuntur homines, vel *sunt signa* communi quasi consensu humani generis recepta, ad declarandam voluntatem nostram, ita ut, si quis ratione utens factum istud audiat, statim inferat, me aliud quid certum ac determinatum hoc facto indicare voluisse; vel *non sunt signa* communi consensu humani generis ad declarandam voluntatem recepta, æquitas tamen naturalis vult, ut obligatio ista facta concomite- tur vel ea sequatur.

21. Qui

ad §. 15. l) Non plus nec minus.	Pufend. III. 6. 2. ubi plura exempla
ad §. 16. m) l. 1. §. 4. l. 83. §. 3.	utriusque consensus mixta depre-
de V. O. Vide omnino Tribon.	hendes.
§. 5. de inut. itipul.	ad §. 20. o) Nam ex illicito fit de-
ad §. 19. n) Nec evitat eam Dn.	licitum vel quasi.

21. Qui factis prioris generis nititur consensus, *tacitus* est, qui posterioris generis factum præsupponit, consensus *præsumtus* in legibus Romanis dicitur, ideo videlicet, quia quilibet civis bonus præsumitur consentire regulis æquitatis naturalis.

22. Ita *nutus* ostendit assensum tacitum, ita *reddictio chirographi* declarat, cæteris paribus, quod velim debitori donare debitum. Ita *postulatio cibi & potus* ab hospite diversorii infert consensum tacitum, quod velim pretium cibi solvere.

23. Contrà *negotiorum gestio, hereditatis aditio*, & in genere, omnia facta, quæ in quasi contractibus Legum Romanarum præsupponuntur, directo non inferunt consensum ad solvenda damna domino negotii data, ad præstanda legata legatariis &c. Sed regula tamen æquitatis naturalis à civilibus corroborata, hic faciunt consensum præsumtum.

24. Differt adeo ultra dicta consensus præsumtus & tacitus r. *ratione persone*; Qui suam voluntatem expresse declarare nequit, p) ille nec tacite. Ita furiosi nutus, reddictio chirographi, postulatio cibi, modo dictos effectus non producet.

25. At ex consensu præsumto obligantur etiam furiosi, v. gr. quorum negotia gesta sunt.

26. Nempe 2. consensus tacitus *obligat factum eos*, qui consensum factis declaraverunt, at præsumtus etiam illos ligat, qui nullum factum adhibuerunt; ita obligatur in genere dominus negotii ad reddendas impensas gestori etiam ignorans negotium geri.

27. Porro in relatione consensus utriusque ad consensum expressum ingens est differentia. De tacito hæc est regula: *Quo-*
nes

<p>ad §. 24. p) Intellige propter impedimentum intrinsecum, ne quis sibi objiciat surdum aut mutum vitio disjuncto, qui multis factis tacite consensum suum declarare valent, etsi non expresse per verba.</p>	<p>ubi impediuntur animæ functiones suas exercere ob vitium membrorum externorum, ad quæ pertinent etiam sensoria. Impedimentum igitur intrinsecum erit, ubi partes interne & maxime cerebrum male sunt disposita.</p>
--	--

ties constat de consensu expresse contrario, toties frustra quarimus de tacito. Ratio est, quia verba sunt signa ordinaria declarandi voluntatem suam, facta verò extraordinaria vel subsidiaria.

28. Ita si dixerim, me nolle assentiri, nolle debitum tibi donare, nolle hospiti cibi pretium solvere, nulla erit efficacia, nutus, redditionis chirographi, postulationis cibi.

29. Alia longe ratio est consensus præsumti. Etiam si negotiorum gestor, etiam si heres initio statim vel coram notario & testibus protestentur sollemnissimè, se nolle ex negotiorum gestione vel hereditatis aditione obligari, frustranea erit hæc declaratio expressa, ut adeò huc potissimum spectet axioma vulgatum: *Protestatio facto contraria nihil operatur.*

30. Vides itaque 4. ex consensu præsumto obligari etiam invidiosos, ex tacito nonnisi volentes.

31. Unde 5. in consensu præsumto, obligatio *immediatè* veniet ex lege, in tacito *lex mediante* consensu obligationem operabitur.

32. Breviter 6. tacitus consensus est *veri consensus species*. Consensus præsumtus est consensus improprie dictus. Hinc & in Jure Romano ex consensu tacito oriuntur etiam veri contractus, 9) ex præsumto saltem quasi contractus.

33. Non tamen putabis. distinctionem hætenus ostensam solum in jure Romano habere locum, hætenus enim spectaret saltem ad jurisprudentiam humanam. Exeret quippe & in jurisprudentiâ divinâ se passim r) eiusdem usus, potissimum infra, cum de officiis liberorum erga parentes dispiciemus.

34. Igitur, qui voluntate carent, promittere nequeunt. Tales sunt *infantes, furiosi, mente capti & summè ebrii.*

35. Nec obstat, quod ebrii obligentur ex delictis, saltem ad aliquam

ad §. 32. q) Ita si patiar præsens alterum pro me fidejubere, mandatum est l. 6. §. 2. l. 18. mand. Ita locatio est, si patiar diutius ma-

nere conductorem in re conductâ.

l. 13. §. ult. locati.

ad §. 33. r) e. g. in cap. 10. §. 87.

seq. 94. seqq.

aliquam pœnam. Illa enim obligatio, s) ut suo loco dicemus, venit immediate ex lege, & stringit etiam invitos, at obligatio hujus capituli pactum tanquam conditionem sine quâ non requirit.

36. Et quidem furor atque ebrietas facilius possunt ostendi, sed quousque duret infantia, in universum regulis accuratè determinari nequit. t) Unde non sine ratione hæc determinatio relinquatur legi civili, u) cui & simul incumbit prospicere adolefcentibus infantiâ majoribus de rectoribus voluntatis nondum benè formatæ.

37. Caterum consensus quasi dux sunt partes, intellectus & voluntas. Intellectui opponitur error & dolus, ille est, quando rem ignoro (late enim hic accipitur, ut ignorantiam sub se comprehendat) vel aliter se habere puto absque fallacia alterius; dolus est, quando error meus oritur ex fallaciâ alterius, vel certe hæc errori meo est conjuncta.

38. De efficacia erroris in contractibus intricatam quæstionem fecerunt leges Romanæ partim quod de hac materiâ, quotidianâ quamvis, non sub peculiari titulo fuerit ex assè tractatum, sed regulæ de eo sub variis capitibus negligenter sparstæ fuerint; partim etiam quod Jurisconsulti, ex quibus Pandectæ sunt compositz, frequenter à se dissenserint. Unde tot distinctiones x) inter errorem circa personas contrahentes & objectum contractus, tum inter materiam y) rei & ejus formam, z) de quâ contractus initus, item, si res ex duabus materiis constet, utrum hæc mate-

Ee

ria.

ad §. 35. s) Conf. Puf. III. 6. 5. ubi paulo aliter & prolixius respondet.

ad §. 36. t) Cum unus infans citius perveniat ad usum rationis, quam alter.

u) Quamvis hæc videantur infantiam nimis latè, videlicet septennio determinare.

ad §. 38. x) Vide quæ collegit Huberus in posit. ad Inst. tit. de inut. stipul. n. 21. seqq. & de emt. vend. n. 4. seqq.

y) v. g. Simensa lignea vendita fuerit, quæ putabatur esse ex metallo.

z) Si quadrangularis fuerit vendita, quæ putabatur esse oblonga.

riæ sint per confusionem quasi unitæ an separatim existant, vel facile separari possint, a) denique inter essentielle pacti & ejus accidentalialia &c. b.)

39. Quemadmodum autem jam non est hujus loci explicare Jus Romanum, ita abstrahendo à Legibus civilibus, putem æquitati naturali convenientissimum esse, si in materia promissorum repetamus regulam jam supra c) inculcatam: *Errorem in dubio semper nocere debere erranti.*

40. Cum enim in promissionibus quilibet sensû animi sui alteri declarare debeat, causâ verò contrahendi, objectum item, de quo contrahitur, & persona, cum quâ contraho, ad naturam pactorum in genere nihil faciant, nulla subest causa, cur alteri error meus, ad quem ille nec dolo nec culpâ concurrit, magis imputari debeat, quam mihi. Accedit, quod, si error meus alteri præjudicaret, facile daretur occasio ad reservationes mentales, quæ, ut ab aliis fufius deductum, turbant omnia pacta atque promissiones.

41. Limbo tamen dictum axioma, nisi circumstantia illa, in qua erravi, expresse promisso per modum conditionis fuerit adjecta. Tum enim alter, cum quo pactus sum, justam de me conquerendi occasionem non habet.

42. Distingui equidem ab eruditis in hac materiâ solet d) inter promissa gratuita & pacta mutua. De promissis gratuitis hæc formatur regula: *Ubi in promissione aliquid tanquam conditionem supposuerim, citrà cujus intuitum promissurus non fueram, naturaliter promissionis nulla erit vis, quia promissor consenserit non absolute, sed sub conditione, quâ non apparente, promissio nulla fit.*

43. Sed si promissor hanc conditionem mente retinuerit, nos quidem putamus, sibi eum imputare debere, cur non expresserit.

a) Si mensa ut aurea fuerit vendita, quæ erat vel inaurata, vel aureâ laminâ obducta.

b) Quæ distinctio potissimum ad-

hibetur in matrimonio.

ad §. 39. c) l. i. c. i. §. 72.

ad §. 42. d) Quod facit Dn. Pu-

fend. III. 6. §. 6. & 7.

ferit. Unde, etiamsi ego falso nuncio fuerim persuasus, mea negotia abs te bene fuisse gesta, eoque nomine tibi quid promiserim, me teneri puto, ubi falsum id deprehendero. Modò tuus dolus non concurrerit ad eliciendum meum promissum. Tunc enim casus planè huc non pertineret. e)

44. Sicut nec huc pertinet casus de milite, qui falso accepto nuncio de morte filiorum, in testamento extraneum heredem instituit, quoniam ultimarum voluntatum quoad interpretationem alia est ratio, quam promissionum. f)

45. In *promissis mutuis* distinguitur, g) utrum ad paciscendum quis per errorem fuerit motus, an error circa rem de qua pactum initum est, versatur. Circa prius itidem dispiciendum esse, an res adhuc sit integra, hoc est, utrum nihil adhuc ex contractu sit præstitum, an minus, si v. gr. jam res promissa fuerit exhibita. Illo casu æquum esse, ut facultas pœnitendi mihi concedatur, præsertim ubi præ me tulero, quæ me causa ad paciscendum impellat. Re verò non integra errantem rescissionem negotii non posse urgere, nisi quantum alter ex humanitate velit indulgere. h)

46. Nos contrà, etsi res sit integra, errantem pœnitere non posse arbitramur, v. gr. si Patrifamilias falsus nuncius afferatur, equos ipsius domi periisse, idque ille præ se ferens, hoc est, vendi-

E e 2

tori

ad §. 43. e) Sed potius ad §. 49.

ad §. 44. f) Partim, quoniam ex testamento non statim jus alteri nascitur, uti ex promisso, neque testamenta requirunt acceptationem. Et in testamentis etiam respiciendum quandoq; est ad leges, & ea potissimum, qua in favorem liberorum ea disposuerunt. Quid enim, si militi nuncius venisset de morte amici sui optimi, quem volebat heredem instituere, ac propterea instituisset amicum alium.

An tunc putas testamentum subverti? Minimum res valde dubia eveniet.

ad §. 45. g) Dn. Puf. III. 6. 7.

h) Sed traditio sola actus physicus est. Cur hæc jus meum tolleret, aut alteri jus daret? Et cur v. g. in conditione indebiti traditio non obstat juri meo? Scilicet quia solutio non est nisi ejus quod debetur. Ergo etiam traditio demum ejus, quoad debetur, jus transfert.

tori narrans, alios emat, etiamsi hic emtor ante traditionem equorum & solutionem nuncium falsum deprehendat, contractum servare debet. Fuit enim narratio ista de causâ impulsivâ contractus, quæ, nisi per modum conditionis inseratur pacto, est extra negotium. Nam poterit paterfamilias equos emere tam qui jam alios habet, quam qui non habet.

47. Quod verò ultimo affertur, i) si error in promisso mutuo contigerit *circa ipsam rem*, de quâ convenitur, pactum vitari non tam ob errorem, quam quia legibus pacti non fuerit satisfactum, paululum obscurius dicitur, cum non constet, quomodo istæ leges pacti, quæ hic afferuntur, ab errore sint distinctæ. l)

48. Neq; opus videtur hâc observatione ad definienda exemplaejus gratia adducta. Verum est, si professus sum, me servum emere coquendi peritum, & traditus mihi fuerit etiam citra culpam venditoris coquendi imperitus, vanus est contractus; aut si ab altero Davum emi, & is citra culpam Syrum mihi exhibuit. Sed hic in promptu causa est, quia circumstantia, in qua fuit erratum, promisso per modum conditionis fuit inserta. m)

49. Pergamus ad *dolum*. Ubi distingvendum erit: an ab eo, quocum contraximus, dolus fuerit adhibitus, an à tertio. Posteriori casu negotium erit firum, n) tertius verò dolum adhibens nobis tenebitur ad interessè. Priori in arbitrio decepti erit, utrum promissum, sive gratuitum, sive mutuum, velit pro nullo declarari, utrum salvo manente promisso læsionis pensationem exigere.

50. Ne-

ad §. 47. i) Iterum à Dn. Pufend. d. § 7. in fine.

l) Per leges pacti videtur intelligere conditiones, quæ expresse in pacto adjectæ sunt. Sed poterit tamen etiam error contingere circa rei qualitatem, quæ in pacto non est expressa. Quid ergo de his casibus statuendum?

ad §. 48. m) Et forte per leges pacti tales conditiones intelligit Dn. Pufendorffius.

ad § 49. n) v. g. si Stichum emerim, non addito, quod coquum emere velim, neque etiam venditor pro coquo venditaverit, sed tertius me dolosè persuaserit, esse coquum.

50. Neque distingvimus, o) an *dolus causam dederit* contractui, an fuerit *incidens*. Nam hæc distinctio inventum est juris Romani, ad ostendendam ex parte differentiam inter contractus bonæ fidei & stricti juris, quæ & ipsa divisio à jurisprudentiâ naturali ignoratur.

41. Accedit quod jure Romano læsus, si dolus incideret, non poterat contractum nullum declarare. p)

52. *Voluntati opponitur violentia & metus*. Ut per meram, *violentiam* quis cogi possit ad promittendum, vix concipi potest in promissis ore prolatis. Non enim ut membra exteriora per violentiam possunt trahi invita ad aliquid perpetrandum, sic & voces possunt extorqueri invito. At si quis me per vim cogat ad scribendum, aut v. gr. violenter caput meum inclinet, promissum haud dubie erit nullum, ex regulis generalibus de actionum moralium principio.

53. *Metus* duobus modis considerari potest. Initio quatenus accipitur pro *suspicionem* probabili, fore ut ab altero decipiamur, vel propter habitum ejus vitiosum, vel propter declarationem, pravi voluntatis in negotio præsentis factam. De hoc sequentes observa regulas.

54. Si ejusmodi metus adfuit tempore promissi, imprudenter feci, quod promisi; promissum tamen nec irritum est, nec sub hoc prætextu rescindi potest. q)

55. Quod si ejusmodi metum post promissum ex indiciis sufficientibus, vel novis r) vel antea mihi incognitis, s) suscipiam,

E e 3

non

ad §. 50. o) Adhibet hanc distinctionem Dn. Pufend. III. 6. 8. Priori casu dicit læsum ex ejusmodi pacto non obligari. Posteriori in arbitrio decipiti esse vult contractum penitus dissolvere, aut lesionis compensationem exigere.

ad §. 51. p) Sed habebat restitutionem in integrum.

ad §. 54. q) Quæ enim causa, non impedivit, ne contraberem, nec impedire potest, ne fidem servem.

ad §. 55. r) Si postea declaret quod velit me decipere.

s) Si jam antè ad tertium gloriatum fuerit de perfidia adhibenda.

non prius ad præstandum adigi potero, quam contra eam deceptionem mihi ab altero idoneè cautum sit.

56. Altera species metus est *vehemens animi terror* ortus ex intentato gravissimo, ni promissum aut pactum inire velimus.

57. Quem si incusserit *tertius*, valebunt pacta propter hunc metum removendum cum alio inita. t)

58. Quin & si *tertio* inferatur metus injustus, ego verò miserationis gratia, ejus intuitu metum inferenti quid promiserim, valebit promissio. u)

59. Quod si *is*, cui promitto, metu ad promittendum me adegerit, siquidem *pro imperio* in me competente id fecerit, rursus valebit promissio. x)

60. Sed si *vi omnino injusta* *is*, cui nullum in me competit imperium, promissum extorserit, utrum obligatio sequatur promissum, gravis quaestio est.

61. Alii enim y) *obligationem oriri* arbitrantur, quoniam metus non tollat omnem consensum, sed metum incutientem tamen *esse obligatum ad rem restituendam*, quoniam per incussionem metus in me deliquit.

62. A quibus parum abest sententia *juris Romani*, concedentis ei, qui metum intulerat, actionem, sed exceptione quod metus causa elidendam.

63. Alii z) *obligationem nullam oriri* opinantur, tum quod in pactis ex solo consensu meo obligatio, non nascatur, ubi alter per *jus naturæ* prohibeatur acceptare, tum quod, si quæ sit obligatio, illa

ad §. 57. t) v. g. cum iis qui sal-
tuum conductum præstant.

ad §. 58. u) v. g. si tertius latro-
ni quid promiserit, ut me non le-
dat. Jure tamen Romano hic ter-
tius haberet conditionem ob tur-
pem causam. Sed hæc conditio
non in natura contractus, sed in
jure puniendi nititur.

ad §. 59. x) Ut si fecerit prin-
ceps, dominus, pater, in quantum
quidem horum imperium se ex-
tendit.

ad §. 61. y) Ita Grotius II. 17. 17.
ad §. 63. z) Ita Dn. Pufend. III.
6. §. 10. seq. Adde Ciceronem
de officiis lib. 3. p. m. 553. &
omnino Pufend. IV, 2. 8.

illa quasi per compensationem cum eâ obligatione, quæ est in metum incutiente, ut mihi de illatâ injuriâ satisfaciât, quasi pen-
fari debeat.

64. Alii *a)* denique eum qui metu incusso promittit, *firmiter obligari* arbitrantur, quia jus naturæ dicitur pacta esse servanda. Neque obstat rationes modo dictas. Eum enim qui metum incutit, non tamen destitui jure promissum meum acceptandi, *b)* adeoque obligationi meæ respondere jus ipsius, quod ex ipso pacto meo acceperat. Deinde nec compensationem posse habere locum, cum præsumendum sit, *c)* eum qui latroni v. gr. centum promittit, simul tacitè renunciasse *d)* juri, quod habebat adversus latronem, ex læsione orto, ad petendam satisfactionem, ne aliàs pactum nullam afferat ipsi utilitatem. *e)*

65. In his sententiarum divortiis *prima f)* equidem se omnino non probat, quoniam merâ & inutili subtilitate nititur, apud Romanos verò maximam partem ad discernenda officia prætoris & Judicis pedanei erat recepta, quamvis & eo jure notum sit effectum J.Cti celebris, nihil interesse, ipso jure quis actionem non habeat, an ope exceptionis elidatur.

66. Inter reliquas verò duas arridet *media. g)* Scilicet jam supra diximus, pacta per se non producere obligationem, sed esse, saltem medium vel causam sine quâ non obligandi, obligationem verò omnem vim accipere à lege. Jam quæ lex vim & metum alteri incutere vetat, illa prohibet etiam metum facienti, ne ex illâ metus incussione jus acquirat, neque præsumenda est, promittentem

ad §. 64. a) Ita Uffelm. de oblig. quæ ex ferm. oritur c. 7. §. 4. seq. p. 83. seqq.

b) Sed obstat canon vulgatus: Qualis causa, talis effectus.

c) At in cujus favorem hæc præsumtio esset facienda?

d) Sed hæc renunciatio etiamsi

expressè fuisset facta, nullam produceret obligationem.

e) At quis dixit, quod hoc pactum ullam debeat latroni afferre utilitatem?

ad §. 65. f) Grotii & juris civilis.

ad §. 66. g) Dn. Pufendorffii.

tentem obstringere velle in favorem ejus, qui contra legem de linquit. Unde jam faciliè responderi poterit rationibus sententiæ tertie. h)

67. Ut tamen eò melius intelligatur nervus sententiæ nostræ; requirimus 1. ut moraliter certum sit, eum, qui metum incussit, non habuisse jus id faciendi, 2. ut sit metus *periculi præsentis*, & quod cadit in virum constantem, quodque aliter nisi per promissum, evitari non potest. 3. Ut promissum metu initum cessante metu non sit *ratihabitum*, vel per verba expressa, vel per facta consensum subsequenter inferentia.

68. Quibus ita positis facile jam inferre licet, nos loqui de illis promissis, quæ fiunt v. gr. 1. *latroni* 2. *quæ tali* 3. *durante metu*. Si enim cum *latrone citra metum periculi præsentis, vel hoc periculo cessante* contrahas, nullum est dubium, quin obligatio oriatur, propter defectum requisiti secundi & tertii.

69. Quod si cum eo, qui te *in bello vicit*, i) pactus fuisti, obligaberis, non tam quia sæpè cessat requisitum secundum, l) sed maxime propter defectum requisiti primi. Etsi enim victus v. gr. *persuasus* sit de justitia armorum suorum, moraliter tamen certum istud dicitur, quod & aliis possit ostendi, cum non esse & non apparere hic fere pro Synonymis habeantur.

70. Nunquam vero vincens carebit prætextibus speciem aliquam justitiæ habentibus, inque suas partes alias gentes trahentibus. Unde cum inter eos, qui pares sunt, Justitia & injustitia non sint remedia apta ad definiendas controversias, bellum tanquam remedium extraordinarium ad reducendam pacem est inventum, in quo belligerantes quasi per compromissum aleæ belli arbitrium committunt.

71. Quid

h) *Id jam factum in notis.*

ad §. 69. i) *Conf. Puf. VIII. 8. 1.*
& VII. 7. 4.

l) *Quis enim judicaret semper, utrum metus, qui ab hoste incutitur, sit talis, qui cadat in virum constantem?*

71. Quod tamen compromissum non tam à consensu eorum tacito, quàm à præsumpto dependet, & à necessitate legis naturalis. Ni enim per pacta ejusmodi finiretur bellum, turbaretur socialitas & tranquillitas generis humani in perpetuum; quid? quod facile ex bello duorum possit oriri successu temporis bellum omnium, contrà omnes.

72. Neque illud tamen diffitendum erit, eum qui bello ab altero petitus ad pacificam disceptationem sese obrulerit, & bellum deprecatus sit, si ad iniquas pacis conditiones adigatur, nullo jure prohiberi, quò minus pacis nondum impleta, exceptionem metus opponat, aut post occasione datâ reparationem injuriæ quærat. Ubi tamen cautè erit procedendum, ut videlicet ista pacis conditiones ita fiant iniquæ, ut quasi palpari possint, tum &, ut reliqua duo, quæ modo m) posuimus, requisita adsint.

73. Sed quid jam faciemus *perduellibus*, quibus sæpius à principibus ad tollenda bella civilia promittuntur vel impunitas, vel ultra impunitatem adhuc alia quædam. Sanè communiter malè audiunt principes pactorum fidem violantes; cum tamen haud dubiè causa *perduellium* sit injusta & palpabilis quidem, quoniam sæpius diximus, in societate inæquali inferiorem nunquam habere jus cogendi superiorem per bellum, etsi ab eo injuriâ fit affectus.

74. Sed prompta est responsio: dissimilem causam esse *latronis* & *perduellis*. Ille ne minimum quidem prætextum juris n) afferre poterit. At *perduellis* plerumque injuriam à principe vel sibi vel reipublicæ factam prætextit; adeoque sæpius non omni jure o) destituitur, sed in modo exercendi jus suum solum excedit. Adde, quod sæpius non liqueat, utrum status sit purè monarchicus, aut utrum potius saltem modus administrandi

Ff *de iur. iud. l. si quis* mo-

ad §. 72. m) §. 67.
ad §. 74. n) Ne quidem im-
perfecti.

o) Cum jus ejus sit imperfe-
ctum, ipse verò eo utitur tanquam
perfecto.

monarchicus sit ; p) quo pacto non erit evidens definire ,
uter ex belligerantibus in ejusmodi bello sit superior , uter in-
ferior. q)

75. Huc forte respexit Cicero , r) dum statuit prædonibus pa-
ctum pro capite pretium, si non afferas nullam subesse fraudem,
subjiciens. *Nam pirata non est ex perduellium numero definitus, sed
communis hostis omnium. Cum hoc non fides esse debet, non iusjuran-
dum commune. Sed de jurejurando quidem infra suo loco.*

76. Quod si tamen hæc ratio sola non placeat, addere po-
teris, s) plerumque in ejusmodi promissionibus, quæ sunt per-
duellibus, non adesse metum periculi præsentis, quod in virum
constantem cadat, sed subesse Martem adhuc dubium &c.

77. Unde putarem, si perduellis regem suum, nullo præce-
dente bello, vi subitâ invadat, eumque metu mortis vel simili ad
paciscendum adigat, non magis ex hoc promissio obligationem
produci, atque ex promissione, quæ piratæ fiebat. Hactenus de
consensu.

78. Promitti verò possunt solum ea, quæ sunt in nostris viri-
bus & in nostro arbitrio, idque quoniam promissio tendit ad pro-
ducendam obligationem, quæ in genere hoc axioma præsup-
ponit. t)

79. Fluit ex dictis I. Quod nemo per promissionem se ob-
ligare possit ad impossibile. Qui enim talia promittit, & qui ea ac-
ceptat, uterque signa edit non sanæ mentis, sed summæ sto-
lilitatis.

80. Modo tamen non is, cui promittitur, ignoraverit, rem
esse

p) Ventilata fuit ista contro-
versia in turbis Anglicis & Bohe-
micis.

q) Ergo cum is qui perduellis di-
citur, habebit etiam prætextum
juris perfecti.

ad §. 75. r) Cicero lib. 3. de offic.
p. m. 553. Pufend. IV. 2. 8.

ad §. 76. s) Mibi tamen magis
placet ratio præcedens, sed sub li-
mitatione tamen §. seq.

ad §. 78. t) vid. l. 1. c. 1. §. 73.

esse promittenti impossibilem, promissor verò rem extrà suam potestatem esse sciverit. u)

81. Sunt enim quædam *impossibilia omnibus hominibus*, ut volare, digito cælum tangere; quædam *impossibilia aliquibus* saltem, ut generare, dare mille vel centum &c. In horum ergo ultimis x) dicta limitatio locum sibi vindicabit.

82. Quin imo neque promissor ab omni obligatione liberabitur, qui rem promisit *possibilem*, quæ postea vel per dolum aut culpam promittentis, vel etiam per casum facta fuit *impossibilis*, quamvis pro diversitate culpæ aut casus obligatio variet. y)

83. Unde non in universum procedit, sed multis limitationibus est obnoxia sententia Hobbessii, *pacta non ad rem ipsam, sed ad summum duntaxat conatum obligare*. z)

84. Utrum verò ad impossibilia sit referendum, si quis promittat, quod nolit *resistere mortem & vulnera inferenti*? commodius infra, ubi de penis erit agendum, dispiciemus. a)

85. II. Nemo se obligare poterit per pactum ad rem legibus prohibitam. Cum enim Legislator non velit contraria, & verò jam

Ff 2

actum

ad §. 80. u) Hoc enim casu obligabitur quis promittens ad intercesse, vel certè, in quantum solvere potest. Cum hoc & seqq. §§. junge Puf. L. III. cap. 7.

ad §. 81. x) Non in prioribus. Stultus enim esset, qui putaret, alterum posse volare, non ille qui ista promitteret. Huc pertinet promissio Xanthi, quod vellet mare ebibere.

ad §. 82. y) Si enim dolo, obligabitur quis ad summum conatum, & poterit in supermalo multari. Si casu, & res sit integra, liberabitur promittens, si ei jam præstitum

quid fuerit ad id restituendum aut equipollens reponendam, si ne hoc quidem, summus conatus adhibendus, ne alter damnum patiatur. Puf. III. 7. 3. Quod intellige si casus contingat in facultate seu viribus, ut de quo jam sermo est. Unde huc pertinet exemplum de iis qui non solvendo facti sunt. Aliud, si casus contingat in re promissa, ubi promittens liberatur.

ad §. 83. z) Hobbessium prolixè refutat Pufend. d. I. §. 4.

ad §. 84. a) Vide lib. 3. c. 7. §. 75. seq. & conf. interim Pufend. hic §. 5.

actum aliquem determinaverit, non poterit sine contradictione approbare contrariam determinationem paciscentium. Igitur ejusmodi res etsi non sint ultra vires naturales paciscentium, sunt tamen extra ipsorum arbitrium.

86. Quapropter non solum re utrobique integra neuter ad implendum promissum de re turpi factum tenebitur, sed & turpi facinore ab altero patrato, promissor non tenebitur ad mercedem solvendam, aut indemnitate præstandam. b)

87. Sed si mercedem rei turpis jam dederis, sive adimpletum istud fuerit, sive minus, non poteris eandem reperere ab accipiente, quia in pari causa potior est conditio possidentis, & promissor propriam hic allegat turpitudinem.

88. Modo c) non sit turpitudine solius accipientis, etiam abstrahendo à legibus Romanis, quippe tum rationes modo positæ cessant.

89. III. Nemo promittere potest res alienas. Hæ enim partim non sunt arbitrio nostro subjectæ, d) partim in viribus nostris situm non est, eas præstare. e)

90. Scilicet non valet promissio de rerum alienarum datione, non tamen respuunt eæ omnes contractus, ubi de earum administratione, custodiâ etiam, usu & similibus disponitur. f)

91. IV. Eadem est ratio actionum alienarum, quæ nostræ directioni

ad §. 86. b) Contradicit Grotius cui respondet Puf. hic §. 8.

ad §. 88. c) Addit Dn. Pufend. hic §. 9. & illam limitationem, modo non alterius dolus & enormis laesio accesserit, & exemplum dat de meretrice adolescentem magna argenti summa emungente. De qua limitatione an, abstrahendo à jure civili, locum habitura sit, videntur ulterius.

ad §. 89. d) v. g. Si apud nos sint deposita aut nobis commodata.

e) Si eas non detineamus.

ad §. 90. f) Et hoc fit vel licitè, si mandem alicui, ut negotium amici mei gerat, vel illicitè, si rem alienam alteri commodem. Producet tamen hac obligatio effectum intuitu commodatarii ad restituendam rem, nisi justior petitio Domini obstit.

an non sunt subjecta. Quod si enim subjecta fuerint, suo modo g) in materia pactorum æquiparantur nostris.

92. Qui igitur factum alienum promittit, non obligabitur, nisi circumstantiæ ostendant, sensum promissionis esse, quod vel it operam dare, ut alter promissa præstet, ubi tenebitur omni modo moraliter possibili laborare, ut promissum adimpleatur.

93. Quod si planè effecturum se, ut tertius mihi quid præstet, promiserit, ferè ad præstationem interesse, si tertius cessaverit, se obligasse censebitur.

94. V. Denique nec super actionibus aut rebus nostris, circa quas alteri jam fuit jus questum, validè pacisci possumus. Sunt enim nostro arbitrio jam exempta.

95. Nisi forte in eum casum, ubi alterius jure expiraverit. Modò non intuitu promittentis turpe sit ejusmodi casum optare. Hinc valebit equidem mercenarii promissio alteri facta sub conditione, si tempus quo se alii addixerat, finitum fuerit, aut locatio ædium nostrarum in casum præsentis locationis finitæ. Sed promissio subjectionis in casu, si Respublica cui quis jam est obligatus, vel bello civili pessumdetur, vel alio modo intereat, pro turpi habebitur.

96. Unde non sine causâ apud Christianos principes pacta ejusmodi conditionata de matrimonio ineundo, quæ conjux vivente conjuge iniit, nulla declarantur; pœnis insuper in ejusmodi paciscentes constitutis. b)

97. Eò pertinet, quod jure Romano non valerent promissa liberi hominis, & reipublicæ sub conditione, si ille servus aut hæc privata futura esset. i)

98. Sequitur modus promittendi, qui quidem vel fit purè, vel in diem, l) vel sub conditione. Illa statim tribuit jus perfectum, ista

FF 3

imper-

ad §. 91. g) b. c. quatenus sub-
sunt arbitrio nostro, non enim sem-
per subsunt viribus nostris.

ad §. 96. h) Exemplum habet
Philippi in Usu practico institu-
tionum ad tit. de nuptiis.

ad §. 97. i) §. 2. Inst. de inut.
stipul.

ad §. 98. l) Promissionem in diem
omisit Dn. Pufend. lib. 3. c. 8, quod
alias cum hoc & seqq. §§. qui con-
ferendum.

imperfectum, donec dies advenit, hæc ante conditionis existentiam ne quidem jus imperfectum, sed *spem* saltem debitum iri ad id suffecturam, ut ante conditionis eventum promissum non possit recedere.

99. Differentia igitur inter modos promittendi posteriores in eo potissimum se exeret. Quod qui ex errore ante existentiam conditionis debitum solverit, id ut indebitum possit repetere, non iste qui solvit ante diem.

100. Ratione verò conceptuum differt dies & conditio, quod *dies* sit tempus futurum, quod certum est, quod & quando extitutum sit, vel minimum ubi certum est, quod sit extitutum. *Conditio* vero, ubi vel utrumque vel certè ipsa existentia est incerta.

101. Est igitur *promissio sub conditione facta*, ubi validitas promissionis confertur in eventum, à casu *m*) specialiter adjecto pendentem.

102. Unde conditiones propriæ dictæ non sunt, quæ omnibus promissionibus, etiam puris *tacite* insunt, v. gr. dabo tibi centum, si vis major me non impedierit, si mundus adhuc stabit &c. *n*)

103. Item conditiones ad tempus *præsens* vel *præteritum* se referentes, nisi harum tacitus sit sensus; si probatum fuerit *o*) id, quod ad tempus *præsens* vel *præteritum* refertur.

104. Tum

ad §. 101. *m*) Addit Dn. Puf. hic §. 2. à casu vel arbitrio hominis. Sed cur hæc verba omiserim vide §. 109. seq.

ad §. 102. *n*) Difficiliora sunt exempla in promissis puris, quia statim possunt peti, faciliora in ultimis voluntatibus, quia demum post mortem possunt peti: v. g. Titius

heres esto, si me superviveret, si voluerit, si ante mortem meam non deportatus fuerit, si involuntate mea permansero &c.

ad §. 103. *o*) Ergò in his, quæ facillimè probari possunt, ut notoriis, non erunt conditiones veræ, in rebus probatis difficilioribus veræ.

104. Tum conditiones *necessario* exiturae, v. gr. si cras erit dies.

105. Et, cum contrariorum eadem sit ratio, conditiones *impossibiles* etiam non erunt verae conditiones.

106. In eo tamen inter has & conditiones reliquas improprias est differentia, quod illae plerumque p) faciant promissum purum, q) in impossibili autem conditione eadem, quae supra de promissione impossibilium diximus, habeant locum.

107. Neque distinguimus inter promissa & *ultimas voluntates*, si a dispositione legum civilium abstrahamus, etsi haec non iniquè r) constituerint eas in ultimis voluntatibus haberi pro non adjectis; ne videlicet per actus nullum eventum fortituros, hominibus illudatur.

108. Turpes verò conditiones, cum ab eventu incerto deperdeant, pro impropriis conditionibus haberi non possunt, s) neque adeò sunt species impossibilium, ut communiter interpretes legum civilium, ob non rectè intellectam legem t) pandectarum, volunt. Quamvis & hic quoad effectum eadem sint repetenda, quae jam de promissionibus rei illicitae notavimus. u)

109. Possibilis igitur esse debet conditio. Hanc verò iterum uno ore juris civilis doctores in *potestativam*, *casualem*, atque *mixtam* subdividunt. Quae tamen distinctio vereor, ut citra jus civile magnum usum sit allatura.

110. Uti enim ostendimus alibi, x) *mixtam & potestativam* etiam

ad §. 106. p) Propter ea, quae de praesentibus & praeteritis modo diximus.

q) Ut tacita & necessaria.

ad §. 107. r) In poenam ejusmodi jecorum intempestivorum. Hic vero quarimus de obligatione ex consensu.

ad §. 108. s) Quod deduxi latius in disputatione de filiofamilias

sub conditione, si se filium probaverit, herede instituto, ubi plura ad doctrinam de conditionibus pertinentia explicui.

t) Est l. 15. de condit. instir.

u) vide §. 85. seq.

ad §. 110. x) In dicta disputatione.

etiam ex intentione Veterum Jctorum parum differre, ita differentia quæ inter *casualem* & *potestativam* referuntur, partim à mera subtilitate y) dependent, partim ad regulam respiciunt, quod *potestativa* habeatur pro *adimpleta*, si per promissarium non steterit, quo minus *adimpleatur*.

§. III. Sed hoc axioma non solum quoad speciales applicationes apud Jctos Romanos multis limitationibus z) est obnoxium, quin & dissensui a) notabili dedit occasionem, sed etiam abstrahendo à legibus civilibus, vix procedet, cum ex aliis circumstantiis b) adjudicari hic debeat, utrum promissor adjiciendo conditionem potestativam primario ad voluntatem promissarii respexerit, an ad casum, qui fere semper ejusmodi conditionibus admixtus est. Nam si casum respexerit, axioma istud non habebit locum.

§. 112. Quod si conditio non à mero arbitrio promissoris suspendatur, sed à casu, c) qui & ipse ex parte promittentis voluntatem præsupponit, tunc obligatio orietur, si casus iste extiterit, neque tamen indistinctè tenebitur d) promissor facere, quicquid moraliter æquum est ut illa impleatur.

§. 113. Solet & locus promissionibus adjici, e) quæ adjectio etiam jus tamdiu imperfectum producit, donec tantum
tempo-

y) Nempe ad institutionem filiorum familias, de quo usu tamen differere non pertinet ad caput præsens.

ad §. III. z) Distingunt enim, an per voluntatem alterius steterit, an per casum.

a) Quem notavi in d. disput.

b) Adeoque ex regulis de interpretatione.

ad §. 112. c) v. g. si studiosus legum adhuc tiro alteri promittat:

omnes tuas causas agam in foro, si peritiam legum mihi comparavero.

d) Quod putat Grotius. Sed forte Grotius respexit ad tale exemplum: Ducam te in uxorem, si Doctor factus fuero.

ad §. 113. e) Conf. Pufend. III. §. 6. In §. fin. dicti capitis addit differentiam inter pacta gratuita, conditionata & mutua, de qua cogitandum ulterius.

temporis elapsum fuerit, quo commode possit pervenire ad illum locum.

114. Pertinet etiam ad modos promittendi, f) quod promittamus vel *ipsi* vel *per alios* homines, quos velut internuncios voluntatis nostræ & interpretes esse voluimus. Jctorum stylo *mandatarii & procuratores* appellantur.

115. Hi igitur si *bonâ fide* egerint, neque *suos mandati* manifestos exceßerint, firmiter nos iis, cum quibus nostro nomine pacti sunt, obligant.

116. Non confundendi tamen sunt hic *ministri*, quos elegi, ut meo nomine promittant, cum iis, qui adhibiti sunt, ut promissionem saltem significant, quales sunt v. gr. *tabellarii*, quibus literæ voluntatis nostræ interpretes fuere traditæ. Minister enim si moriatur, antequam ei ad quem destinabatur, voluntatem nostram significaverit, *revocare possumus* promissum, etiam si jam alter à tertio de voluntate nostrâ certior factus promissum acceptaverit. g) Non ita, si tabellario mortuo epistolam ab alio fuerit nactus. h)

§. 117. Addunt & alteram differentiam. i) Si tabellario usus sim, revocationem meam valere, si promissum revocem antequam ab altero acceptatum fuerit, etsi revocatio tabellario non innotuerit; At si mandatario, irritam esse revocationem, nisi revocatio etiam mandatario ipsi innotuerit.

118. Mihi verò hic varii casus videntur fecernendi. Potissimum an revocatio directâ fit ad mandatarium, an ad eum cui fit promissio? utrum hæc revocatio ante acceptationem innotuerit ei, cum quo negotium est contrahendum, annon? l)

Gg

119.

ad §. 114. f) Cum hoc & seqq.
§§. conf. lib. 3. cap. 9.

ad §. 116. g) Volebamus enim
per hunc ministrum in individuo
tanquam causam intermediam ob-
ligari.

h) Quia hic non tabellarius, sed
litera erant medium obligationis.

ad §. 117. i) Quod facit Dn. Pa-
fend. hic §. 4.

ad §. 118. l) Si directâ fuit ad
mandatarium vel tabellionem, tunc
frue

119. Similiter in questione alia: *An nomine alterius, à quo nullum mandatum habeo, acceptare possim promissum?* Sola illa distinctio, *m)* an ita promissum sit: promitto *te* teste me Sejo daturum; an ita: promitto *tibi*, me Sejo daturum; scrupules omnes non videtur tollere. Sed in posteriori casu omnino videtur distinguendum esse, an ejus, cui promissio eo modo facta est, interit tertio dari an minus? *n)* Quam distinctionem neque J.Ci. Romani neglexerunt. *o)*

120. Illud verò minus dubii habet; si promissarius moriatur antequam promissionem acceptaverit, *acceptationem* non fieri posse me invito ab ejus *heredibus*, etsi id quidem certum sit, *contrahentes* regulariter heredibus etiam *presumi* voluisse *prospicere*.

121. Sequitur *divisio pactorum*. Passiva, *p)* & quæ *crucem*

sive post revocationem acceptam, sive ante eam, acceptatio à promissario revocationem ignorante facta fuerit, utroque casu promittentem obstringi arbitror. Priori tamen casu habebit actionem mandati contra ministrum vel tabellionem. Si vero directa fuit revocatio ad promissarium, & is antequam eam acciperet, promissum acceptaverit, tum decidenda est questio ex alia questione: utrum nempe post acceptationem factam, quam adhuc ignoro, possit mea promissio revocari, & an sensus promissi sit: Volo me obligari, si acceptatum fuerit, aut: Volo me obligari, si acceptatum intellexero. Quod si promissarius sciat revocationem meam ante acceptationem, non puto promissum valere; sive revocatio directa fuerit ad ministrum, sive ipsum promissarium.

Est enim tunc in dolo.

ad §. 19. *m)* Quam affert Dn. Pufend. hic §. 5: ut priore casu non oriatur obligatio, sed altero casu, si tibi placuerit, & Sejus acceptaverit.

n) Quia exceptio tua non interest, potest opponi cuilibet agenti.

o) §. 18. & 19. de inut. stipul.

ad §. 121. *p)* Aliam distinctionem habet Dn. Pufend. hic §. ult. inter pacta quæ intendunt communem utilitatem, & singulorum. Ex priori genere putat ortum duxisse sermonem, dominium, pretium, imperium. Sed omisi, quia non in unum versum procedunt, ut in singulis speciebus notavi. Nam circa hæc capita, quæ advenire solent pacta, jam alia præcepta juris naturalis præsupponunt. Igitur & connexionem capitis sequentis paululum immutavi.

cem fixit JCtis Romanis pariter ac eorum interpretibus, est illa-
dum pactum dividitur in *pactum* strictè dictum & *contractum*.
Sed cum utraque species dominiorum distinctionem & rerum
pretia præsupponant, differenda erit de hac divisione inspectio
inferius.

CAPUT VIII.

De

Officio Hominis circa Ser-
monem.

SUMMARIA.

Connexio sequentium §. 1. 2. Sermonis definitio §. 3. 4. Quomodo
differant: vox: sonus: sermo? §. 5. 6. 7. 8. 9. Generale Præ-
ceptum de sermone: *SERMONE ET RELIQUIS ANIMI SI-
GNIS UTERE AD PROMOVENDAM TRANQUILLITA-
TEM COMMUNEM* §. 10. Differentia inter sermonem & reli-
qua signa animi §. 11. quæ sunt vel naturalia §. 12. vel arbi-
traria §. 13. sq. quæ rursus varia sunt §. 15. 16. Sermonis ma-
xima utilitas §. 17. 18. 19. Origo sermonis ex arbitrio humano
§. 20. 21. 22. 23. Dicta de sermone etiam ad reliqua signa per-
tinent §. 24. inter quæ literæ quæse intermedia sunt §. 25. Tri-
plex classis præceptorum specialium de sermone §. 26. 27. 28.
I. Circa actum loquendi, ubi præceptum negativum: *TACE,
SI PER LOQUELAM TUAM OFFENDANTUR ALII, AUT
DAMNUM INCURRANT, AUT HUMANITAS, VEL PA-
CTUM, VEL PAX COMMUNIS TACITURNITATEM EXI-
GANT.* §. 29. 30. 31. Præceptum negativum: *LOQUERE,
QUOTIES EX HUMANITATE VEL PACTO AD LO-
QUENDUM OBSTRUCTUS ES, VEL TACITURNITAS
DAMNUM VEL CONTEMPTUM ALTERI INFERT, AUT*
TRAN-

TRANQUILLITATEM LÆDIT. §. 32. 34. Cur à nobis omiffum : quoties id exigit honor divinus. §. 33. II. Circa electionē signorum : VOCABULA NON IN ALIA SIGNIFICATIONE ADHIBE, QUAM CONVENTUM EST. §. 35. -- 38. III. Circa convenientiam animi cum signis. Ubi præceptum affirmativum : EA LOQUERE, QUÆ CUM ANIMO TUO CONVENIUNT, SI HUMANITAS VEL PACTUM ET COMMUNIS TRANQUILLITAS TALIA EXIGANT. §. 39. Præceptum negativum : FALSILOQUIO ABSTINE. QUOTIES PER ID ALTER LÆDERETUR, AUT CONTEMNERETUR, ET PAX HUMANI GENERIS TURBARETUR. §. 40. Quando liceat ficto sermone uti. §. 41. -- 45. Non dari aliquod jus perpetuum, ne ab altero fallamur §. 46. 47. Quid fit veritas & mendacium ? §. 48. Veritas alia Metaphysica, alia Logica, alia Ethica. §. 49. 50. Non omnis veritas Ethica est virtus §. 51. 52. Veritas homiletica incommode virtus moralis dicitur & explicatur §. 53. -- 57. Falsiloquium & Mendacium non sunt Synonyma §. 58. -- 60. Incommoda locutio : Virum veracem posse mendacium dicere, non mentiri. §. 62. Mendacia officiosa & jocosa improprie mendacia sunt. §. 63. Fides & perfidia à veritate & mendacio differunt §. 64. -- 67. Simulatio & dissimulatio quomodo differant à falsiloquio ? §. 68. 69. quomodo inter se ? §. 70. & de dissim. & simul. justitiæ §. 71. Distinctio inter dolum & donum & malum §. 72. 73. Distinctiones communes in questione de licentia falsiloquii rejectæ §. 74. 75. Quatenus liceat falsiloquio uti 1. adversus infantes & amentes §. 76. 2. adversus adultos §. 77. 3. pro utilitate reipublicæ §. 78. 4. erga tertium §. 79. 80. 81. 82. 5. erga hostes §. 83. 84. 6. erga judicem si deliquimus §. 85. quod ultimum hæud. licitum esse ostenditur §. 86. -- 95.

§. I.

PErduxit nos ordo a) ad præcepta *hypothetica*, quæ non tantum ideo sic dicuntur, quod præsupponant ex parte jam pacta & leges de fide servanda eadem concomitantes, sed vel maxime, quod ex præcepto generali de custodiendâ hominum æqualitate & quatuor ejus rivulis, tanquam theses ex hypothesi facili negotio deduci possint.

2. Igitur non miraberis, si in sequentibus, non solum hujus, sed & reliquorum capitum, ubi rationes axiomatum erunt reddendæ, sapius brevissimis digitum ad præcedentia intendero, vel etiam præcepta illa quatuor saltem ad conclusiones speciales applicuero. Simul verò in singulis capitibus speciatim ad singulorum negotiorum quæ ibi tractabuntur, finem potissimum respiciam, quoniam iste in moralibus maximum momentum affert.

3. *Sermonem* verò quod attinet, pauca de ejus definitione & origine erunt præmittenda, antequam de officio hominum sermocinantium præcepta tradamus.

4. *Sermo* est vox articulata, quâ homines sibi invicem sensa animi significant & inter se ratiocinantur. b)

5. Appellatur autem sermo *vox articulata*, ut tam à voce in genere, quàm sono distinguatur. c) *Sonus* quippe est, quicquid ab auribus ex quorumcunq; d) corporû collisione percipitur: *Vox* est sonus ab animalibus quibusvis editus: *Sermo* est vox hominum propria. Bestiis autem ut plurimum vox inarticulata, rarissime articulata, vel potius aliquid inter articulatam

Gg 3

&

ad §. 1. a) Confer cum hoc capite Puf. Lib. 4. cap. 1.

ad §. 4. b) Conf. Uffelm. de oblig. hom. quæ ex ferm. oritur. p. 23. §. 14.

ad §. 5. c) Conf. Uffelm. d. l. p. 12. seqq. ubi vocem in genere dicit so-

num articulatam, male, neque ipse hac parte constans est.

d) Etiam inanimatorum, ut sursus venti, collisio lapidum, sonus bombarde, (huc pertinet tractatus Morbosi de viro per sonum fracto)

& inarticulatam medii, e) ut pſittacis &c. competit. Sermo vero ſemper articulatus eſt.

6. Illam differentiam omitto, quod vox ſit ſignum jucundi & moleſti, ſermo verò inſuper etiam utilis ac damnoſi, honeſti itidem ac turpis, f) quoniam latet jam in differentia præcedenti, quamvis bonum utile vel hic planè omitti, vel ad vocem etiam extendi malim. g)

7. Igitur ſermo ſolis hominibus competit, quâ beſtiis contradiftinguuntur, & ratione utuntur vel ipſo Ariſtotele conſentiente. Notabilia ſunt verba Ciceronis: *Natura vi rationis hominem conciliat homini, & ad orationis & ad vitæ ſocietatem. Item: Societatis vinculum eſt ratio & oratio, quæ docendo, diſcendo, communicando, diſceptando, judicando conciliat inter ſe homines, conjungitque naturali quadam ſocietate.*

8. Vides hic rationem, ſermonem, ſocietatem à Cicerone conjungi. Rem magis illuſtrabunt ea, quæ ſupra b) circa expoſitionem ſocialitatis diſſeruiſimus.

9. Ipſe Gentium Doctör Paulus i) dum Epheſios à mendacio avocat, & veritatem iis inculcat, nullam aliam adducit rationem, quàm, *quod homines invicem membra ſunt*, non phyſica haud dubiè, ſed moralia ac ſocialia.

10. Igitur cum ſermonis ſinis primarius ſit, l) ut homines ratiocinentur inter ſe, ratiocinatio verò requirat ſtatum tranquillum, m) generale etiam præceptum de officio ſermocinantium

e) Si enim attendas, ingens erit differentia in ſono vocis Pſittaci & hominis.

ad §. 6. f) Eò inclinât Uffelm. d. l. & Puſ. hic §. 1.

g) Quoniam & beſtiæ ſigna dant per voces rei utilis, quatenus utilisres ea dicitur, quæ pertinet ad conſervationem individui. Conf.

ſuprà l. i. c. i. §. 16.

ad §. 8. h) L. i. c. 4. §. 52. ſeq. ubi oſtendit rationem non eſſe abſque ſermone, neutrum horum abſque ſocietate.

ad §. 9. i) ad Epheſ. IV. v. 25. Uffelm. p. 10. §. 12.

ad §. 10. l) Conf. Uffelm. p. 31. §. 2. m) per dicta lib. i. c. 4. §. 55.

flum erit : SERMONE ET RELIQUIS ANIMI SIGNIS
UTERE AD PROMOVENDAM TRANQVILLITATEM
COMMUNEM.

11. Sed de hoc quidem non poterit esse dubium, & specialiora haud dubie axiomata desideras, quæ statim dabo, si modo differentiam inter sermonem & reliqua signa animi ostendero. Ea verò in terminò vocis latet.

12. Scilicet signa rerum sunt vel naturalia vel arbitraria. Illa ex naturali habitudine rerum deducuntur, atque ad phyficos & medicos pertinent. Ita fumus ignis, aurora diei, pallor morbi vel amoris n) &c. fugâ timoris, indicia sunt.

13. Arbitraria sunt, quæ significant ex arbitrio hominum, eoque non singulorum; prout seorsim considerantur, sed prout mutuo consensu eadem determinarunt.

14. Cum enim his signis omnibus intendatur, ut alterius cogitationes aliis communicentur, & verò homo hominis mentem introspicere nequeat, indicia verò mentis naturalia sunt paucissima, o) eaque ab hominibus artis simulandi p) gnaris sapissime suppressantur; non prospectum fuisset socialitati, si cuiuslibet pro lubitu signis significationem quamcunque imponere fuisset liberum, sed necesse fuit, ut desuper per mutuum consensum homines convenirent.

15. Sunt verò signa ista arbitraria vel communia plerisque populis, vel propria quorundam.

16. Utraque vel à variarum earumque infinitarum rerum usu, q) vel in specie ab usu & varatione vocis humane petita sunt.

17. Po-

ad §. 12. n) Rarissime studiorum.
Conf. Uffelm. p. 16. §. 7.

ad §. 14. o) Ut rubor pudoris vel ira, lacryma penitentie vel tristitia.

p) Huc pertinet lacryme mulierum.

ad §. 16. q) Ut sunt ignes nocturni, & alia signa navibus data, signa itineris terrestrium. Ignis usus in montibus.

apud

17. Posteriora hæc & à sermonis usu orta præ reliquis ad socialitatem custodiendam *aptissima* sunt, in tantum, ut citra sermonem vix ulla aut nonnisi incultissima inter homines societas, pax & disciplina foret.

18. Et cogita saltem duos homines aliqua necessitate simul cogi, r) quorum neuter alterius linguam calleat, facilius be-
stia etiam diversi generis s) inter se sociabuntur, quam isti, etsi sint homines. Neque proderit quicquam ad confociandos homines tanta similitudo naturæ, si sensa animi propter solam linguarum diversitatem communicare nequeant; quin libentius erit homo cum canesuo, t) quam cum homine alieni idiomatis.

19. Taceo infinita incommoda, quæ ex æquivocatione reliquorum signorum vel diversi idiomatis non poterunt non oriri. Sic Italus calorem nimium aquæ ferre non sustinens, dum suum *caldo* frequenter ingeminat, à Balneatore Germano de frigore ipsum queri putante, affusione fervidæ pene fuit exanimatus. Ita Germanus in exterâ provinciâ, querulâ voce dentes monstrans, & signo isto sedationem urgentis famis quærens, dentibus miserè fuit privatus, u) putante hospite, hospitem suum laborare odontalgia.

20. Cœ-

apud Persas: Horologia. Hedera, pulsus Campanarum, hasta, tabula ædibus præfixa, tubarum sonitus, tympanorum pulsus, tormentorum displotio: Loco assurgere, via cedere, inclinari, manus osculari, caput nudare, medium digitum ostendere, barbam apprehendere &c. Conf. Pufend. §. 2. Uffelm. p. 17. §. 8.

ad §. 18. r) Verba sunt Augustini ap. Uffelm. p. 19. §. 9.

s) v. g. canis & cattus, si simul educentur.

t) Cum hoc enim facile per signa ludere potest.

ad §. 19. u) Felicior ille, qui dum caneros comedere volebat, repebat retro &c. Huc pertinet historia de homine indocto & Principe, qui inter cenandum Epigramma legens simul manibus in patinam directis dicebat: Das ist ein herrlich Epigramma &c.

20. Cœterum etsi de *origine Sermonis* x) varia fabulatifuerint gentiles historiâ creationis destituti, nobis verò ex sacris literis constet, primaviam linguam à Numine primis hominibus immediate fuisse infusam, quam ex ipsis geniti usu audiendi deinde didicerint, donec exstructio turris Babylonicae diversitati linguarum ansam dederit, in eo tamen ferè assensum præbuerunt Ethnici, sermoni non à naturâ aut intrinsecâ quadam necessitate, sed *ex mero hominum arbitrio* atque instituto inesse vim significandi.

21. Nisi fortè velis excipere, quæ contrâ apud Platonem Cratylus disputat, vana omnino & ab aliis y) jam explosa prolixius.

22. Uti verò *reliqua signa animi conventione hominum* vel expressâ vel tacitâ valent, sic & *sermo* ex iisdem fontibus z) vim significandi habet.

23. Est autem conventio ista vel *generalis*, inter integrum populum eâdem lingua utentem de rebus vulgò notis & usitatis, vel *specialis* inter artifices & eruditos de rebus populariter non cognitis, sed à communi usu remotis.

24. Quamvis verò, ut inscriptio capitis ostendit, principaliter hic de officiis circa sermonem simus acturi, dicta tamen a) ostendunt, dicenda etiam ad reliqua animi signa debere applicari, unde & in axiomatico generali hæc sermoni junximus.

25. Inter ista duo *Literæ* quasi intermediæ sunt, quapropter & usu juris Civilis modò ad verba, modò ad facta b) referuntur,

Hh

Ad §. 20. x) Uffelm. p. 19. 20.
21. Puf. §. 3. & 5.

fuit, ab his derivata applicuit ad bestias.

ad §. 21. y) Puf. §. 4. Uffelm. p. 21. Nec obstat, quod Adamus imposuerit bestiis nomina secundum ipsarum naturam. Aliud enim est significare naturam, aliud natura. Radices pro libero arbitrio im-

ad §. 22. z) Scilicet ex usu mutuo & diuturno ac per mores recepto.

ad §. 24. a) §. 12. seqq. quia homo & reliquis signis utitur ad ratiocinandum.

ad §. 25. b) In injuriis ad verba, in verborum obligatione ad facta.

runtur, accedunt tamen magis ad verba & sermonem, cujus imago sunt, uti sermo mentis.

26. His præmissis *triplicem classem* facio præceptorum specialium de officio hominis circa sermonem, quarum prima *actum loquendi*, secunda *electionem signorum*, tertia *convenientiam animi cum signis* concernit.

27. Quoniam enim sermo est index animi, tres potissimum quæstiones inde oriuntur. (1) An animi mei sensa alteri sint indicanda? (2.) An in declaratione ejus signis ab aliis inventis sit utendum? (3.) An correspondere debeant signa cum animo?

28. Procedet verò res omnium facillimè, si ad tres classes illas quatuor præcepta specialia absoluta, tum & generale hujus capitis, quod à fine sermonis petimus, applicuerimus.

29. In primâ igitur classe præceptum negativum est: c) TACE, SI PER LOQVELAM TUAM OFFENDANTUR ALII, AUT DAMNUM PRÆTER MERITUM INCURRANT, AUT HUMANITAS, VEL PACTUM VEL INGENERE PAX COMMUNIS TACITURNITATEM EXIGANT.

30. Coërcet hoc præceptum non solum *injuriam verbalem*, suo modo etiam *jaſtantiam*, *Adulationem* & *Scurrilitatem*, sed maxime *Garrulitatem*.

31. Quæ uti omnibus vitanda, ita potissimum à ministris Reip. belli ducibus, Legatis, consiliariis &c. debet esse aliena.

32. Præceptum affirmativum primæ classis eadem inculcat: d) LOQVERE, QVOTIES EX HUMANITATE VEL PACTO AD LOQVENDUM OBSTRUCTUS ES, VEL TACITURNITAS DAMNUM VEL CONTEMPTUM ALTERI INFERT, AUT TRANQVILLITATEM LÆDIT.

33. Additur ab aliis: e) *Loquere quoties id exigit honor divinus.*

ad §. 29. c) Uffelm. p. 40. seq.

50. seqq.

ad §. 32. d) Puf. §. 7. Uffelm.

ad §. 33. e) Uffelm. p. 43. 44.

præcept. 7. 8. 9. 10. 11. p. 43. 44.

45. seqq.

opus. Sed quemadmodum hæc limitatio jam ex parte sub nostra regula includitur tacite, & quatenus omnia præcepta juris naturalis honorem Dei internum tanquam principium prius præsupponunt; ita expresse hujus limitationis additione vel ideo abstinemus, quoniam ii respiciunt potissimum honorem externum & decisionem quæstionis difficillimæ: *quando fidei confessio sit necessaria, quando non?* cujus, tanquam circulos Jurisprudentiæ transgredientis, decisionem relinquimus Theologis. f)

34. Peccant verò contra hoc præceptum, qui *pericula rei publicæ vel concivi aut in genere proximo imminentia tacent*, qui *informationem professi, non sunt fideles*, qui *educationi suæ concreditos non emendant*, &c.

35. Et si autem in primâ classe duo præcepta specialia posuerimus, in secunda tamen unico erimus contenti, eoque negativo: VOCABULA NON IN ALIA SIGNIFICATIONE ADHIBE, QVAM CONVENTUM EST. g)

36. *Ratio* differentiae in eo sita est, quod taciturnitas si non majorem, certè æqualem usum socialitati præbeat ac loquela. Aliud verò dicendum sit, si quis verbis in singulari significatione citrà conventionem uti velit.

37. Utenim per singularem hanc impositionem alii facilè lædi possunt, ac ita nullatenus promoveretur utilitas humani generis; ita potissimum, ut ex notatis patet, violatur pactum seu expressum seu tacitum, quo omnem sermonem niti diximus.

38. Scio equidem, non ademptam planè esse singulis potestatem τῇ ἰσμοτοποιεῖν, potissimum philosophis. Sed hanc licentiam regula nostra non tangit, quoniam & ipsa conventione expressâ vel tacitâ ninitur. Quousque verò licentia ista se extendat, fortè exponemus alibi disunctius.

Hh 2

39. Re-

f) Huc pertinet Saldeni dissertatio de Jure Zelotarum in otis Theologicis, q. 70. ad §. 2. Puf. §. 5. 6.

39. Restat clasfis tertia. Præceptum affirmativum est: EA LOQVERE, QUÆ CUM ANIMO TUO CONVENIUNT, SI HUMANITAS VEL PACTUM ET COMMUNIS TRANQUILLITAS TALIA EXIGANT.

40. Oppositum est huic alterum negativum: FALSILOQVIO ABSTINE, b) QVOTIES PER ID ALTER LÆDERETUR, AUT CONTEMNERETUR, ET PAX HUMANI GENERIS TURBARETUR.

41. Scilicet tum teneor alteri sensa animi indicare & convenientia cum animo meo loqui, quoties is, quo cum ago, ad id *jus perfectum* aut *imperfectum* habet; id verò fit, quando unum ex quatuor istis præceptis absolutis talia exigit.

42. Quia verò sermo etiam propter nos ipsos est inventus, ideo *ubi mea aliqua non contemnenda versatur utilitas*, neque cujusquam alterius jus læditur, licebit sermonem ita formare, ut diversum ab eo, quod in animo volo, exprimat.

43. Quin & si aliorum utilitatem intendamus, ita dispositorum, ut vera loquendo detrimentum afferamus ipsis, licebit, & hoc casu ficto coloratoque sermone uti. Nam qui alicui prodesse vult, & debet, non utique id tenetur facere eo modo, quo finem suum non erat obtenturus.

44. Nam etsi natura velit, ut mentis interpretes sit oratio; vult tamen id fieri cum prudentia & cæteris paribus, vult etiam, ut sermone mutuis & communibus commodis consulatur. Atque cum hic posterior sit primarius sermonis finis, à quo alter mensuram capit, non poterit contra legem naturæ esse intentio fallendi, quæ ad hunc finem directo tendit.

45. Accedit, quod Philosophi in eo consentiant, veritatem præcipere, ut verum dicendo suum cuique tribuamus: Ergo vi oppositorum non nisi illud falsum prohibet, quod fraudi est alteri etque innocenti.

46. At,

ad §. 40. h) Sed annon falsiloquiū præceptum erit aliquando? Conf. §. 43. & 63. & quoad hæc

duo præcepta Pufend. §. 7. & de O. H. l. 10. §. 4. 5. 6. Uffelm. p. 145. §. 8. & p. 146.

46. At, inquis: *Quilibet habet perpetuò jus, ne fallatur & decipiat ab altero.* Ergo semper falſiloquium erit turpe.

47. Imo verò, quâ fronte tu hanc objectionem aſſeris, eâdem ejus univerſalitatẽ negabo. i) Ad alia diſſentientium argumenta reſpondent alii. l)

48. Ex dictis patet, quid propriè ſit *veritas*, quâ virtus eſt, quid item huic oppoſitum vitium, quod *mendacium* dicitur.

49. Nempe aliud eſt *veritas Metaphyſica*, aliud *Logica*, aliud *Ethica.* m) Prima eſt *affectio entis*, quatenus id reſertur ad exiſtentiam. Secunda *affectio propoſitionis*, quatenus id quod de Subjeto affirmatur vel negatur, reiſa ita ſe habet citra cogitationem hominis. Unde illi opponitur *Falſitas metaphyſica*, affectio non entis (vel accuratius loquendo nihil opponitur veritati metaphyſicæ, cum non entis nulla ſint prædicata.) Huic verò *propoſitio falſa*.

50. Cæterum uti *veritas Logica* conſiſtit in convenientia propoſitionis cum re extra mentem, ita *veritas Ethica* conſiſtit in convenientia ſignorum externorum maximè ſermonis cum mente.

51. Sed hic cave hanc *veritatem Ethicam* ſtatim appelles *virtutem moralem.* n) Nam *Ethica* tractat etiam de actionibus indifferentibus, non de honeſtis ſaltem aut turpibus.

52. Itaque tum demum hæc *veritas virtutis* nomen meretur, quatenus hæc convenientia verborum cum animo, juſ ſuum cuique tribuit. Unde & cum addito poterit appellari *veritas juſtitiaria*.

53. Quamvis communiter Peripatetici o) hoc additamentum uſurpent, quo hanc virtutem diſtinguant à *veritate homile-*

Hh 3 *etica.*

ad §. 47. i) Uſſelm. p. 147. eſſu-
gium querit in voluntate præſentia.

l) Puſ. §. 9. circa finem & 10.
Uſſelm. p. 28. 29.

ad §. 49. m) Conf. Patrem an-
not. 100. ad Philol. Pract.

ad §. 51. n) Quamvis vero B. Pa-
ter d. l. ita appellaverit, tamen vi-
detur ſaltem ibi rem tractaſſe obi-
ter.

ad §. 53. o) Pater annot. 66.

rica, quam studio omittimus, quoniam non pauci commentatorum virtutes homileticas vel pro virtutibus non necessariis habent, vel ornamenta potius virtutum quam virtutes appellandas esse censent.

54. In specie quod veritatem homileticam attinet, videtur magis ad virtutes intellectus pertinere, quam ad morales. Unde & Aristotelis iudicio jactator magis vanus (μαῖστος) est quam malus (κακός.)

55. Quin jactator quatenus vitium voluntatem afficit, non tam ideo peccat, quod *falsa* de se dicat (nisi quatenus ea locutio cum injuria alterius est conjuncta, ubi jam pertinet ad oppositum veritatis justitiaræ) sed quod *multa* sive vera sive falsa de se loquatur. p)

56. Simul constat exinde, non accuratè veritatem homileticam definiri, q) quod sit virtus mediocritatem servans circa dicendum de se in conversatione communi veritatem; cum dici debuisset, eam servare mediocritatem circa loquendum de se in genere.

57. Vel potius, *virtuti huic incongruum nomen veritatis esse impositum*, cum ejus essentia non consistat in convenientia signorum cum mente.

58. *Veritati Ethica* in genere sic dictæ opponitur *falsiloquium*, quod adeò consistit in disconvenientia sermonis ab animo loquentis fallere alterum intendentis.

59. *Veritati justitiaria* opponitur *mendacium*, quod hoc nomen meretur, si per istam disconvenientiam & intentionem fallendi alterius jus lædatur.

60. Hinc patet *falsiloquium* & *mendacium* non esse Synonyma, cum omne mendacium sit turpe, falsiloquium quandoque indifferens.

61. Adeoque illos qui omnem disconvenientiam signorum ab

ad §. 55. p) Conf. supra §. 30. | pateticorum definit Pater in Ta-
ad §. 56. q) Ita ex mente Peribulic Philof. Pract.

ab animo pro mendacio habent, speciei vocem improprie extendere ad genus, simulque dum mendacium ita descriptum in universum pro vitio habent, male prædicare affectiones speciei de genere.

62. Porro & inconvenientem esse locutionem, quasi *vir verax possit mendacium dicere, non mentiri. r)* Nam mentiri equidem & mendacium dicere Synonyma sunt. Differunt verò mendacium dicere & falsiloquium dicere.

63. Ulterius mendacium, quod *officiosum & jocosum* vulgo dicunt, improprie mendacium esse, quod jam Lutherus observavit, officiosum non male singularem virtutem & prudentiam esse asserens. s)

64. Denique, quod ad *veritatem fides, t)* ad *mendacium* à quibusdam referatur *perfidia*, magis convenire sermoni vulgari, quam stylo philosophico.

65. Equidem qui promissa servat, vulgariter veritatem locutus, qui perfidus est, mentitus esse dicitur.

66. Sed philosophicè *fides & perfidia* à veritate in generali conceptu differunt, cum earum essentia consistat in convenientia vel disconvenientia actionum subsequen-
tium cum signis animi præcedentibus.

67. Nam qui ab initio veritatem dixit, poterit postea perfidus fieri, & qui mentitus est, poenitentia ductus fidem servare.

68. *Affines* insuper *falsiloquio*, neque tamen cum eo confundendæ sunt *simulatio*, & *dissimulatio* in genere à falsiloquio differentes, quod illud fiat sermone, hæc facto strictè dicto, quatenus verbis opponitur. u)

69.

ad §. 62. r) Notat hoc etiam Ulfelm. Fortè tamen, qui hac propositione utuntur, per mendacium intelligunt, non falsiloquium, ut nos, sed propositionem logicè falsam. Quæ tamen & ipsa valde improprie diceretur mendacium.

ad §. 63. s) vide D. Val. Albert, disput. de simul. & dissimul.

ad §. 64. t) Quod facit etiam Ulfelmannus.

ad §. 68. u) Conf. Grot. III. 1. 8. Albert. d. disp.

69. In eo verò utraque *convenit* cum falsiloquio, quod in simulatione & dissimulatione intendam alterum fallere & decipere.

70. Differunt autem *simulatio* & *dissimulatio inter se*, quod hæc consistat in facto omissionis, quale etiam est taciturnitas, hæc in facto positivo, adhibendo nempe signa reliqua præter sermonem, ita, ut non convenient cum animo utentis.

71. Cum itaque *simulatio* magis accedat ad *falsiloquium*, *dissimulatio ad reticentiam* veri, simul facile constat, nihil novi de justitiâ utriusque hic expectandum esse, sed ea tantum quæ de taciturnitate diximus supra, hoc loco ad dissimulationem, quæ de falsiloquio, ad simulationem applicari debere.

72. Simul evidens fit, quid sentiendum sit de divisione *JCtorum* in *dolum bonum* & *malum*, à multis impugnata, & parum intellectâ. Nam cum *dolum* definiant per fallaciam, voluerunt hoc communi nomine falsiloquium, simulationem & dissimulationem conjunctim efferre.

73. Et ergo cum ostenderimus dari falsiloquium licitum, licitam item simulationem & dissimulationem, dabitur etiam *dolus bonus*.

74. Denique & illud ex dictis sequitur, facilius per tradita & magis perspicuè quæstionem de licentiâ fallendi alios esse expositam, quam si cum aliis x) distingvas inter *falsiloquium* & *reticentiam veri* y) aut hujus ex parte *narrationem*, z) item inter *mendacium* & *sermonem ambiguum*, vel tacitam quandam *restrictionem*.

75. Nam quemadmodum hæc distinctiones ex parte impiam & scelestam opinionem tegunt, qualis illa de *reservatione mentali*, ita reliquæ, quæ in *reticentia veri* & *sermone ambiguo* quærent effugium, ad litem definiendam non sunt aptæ, sed easdem limitationes admittunt, quas in falsiloquio adhibuimus. Quod ab aliis prolixius est expositum.

76. Jam

ad 74. x) vide Dn. Puf. §. 11. 12. 13. 14.

y) Ergone mihi in specula constituto liceret tacere?

z) Exemplo Jeremia & Athanasii. Pufend. d. §. 14.

76. Jam ex præcedentibus facile possumus specialiora definire. Initio [1.] non licebit indistinctè falsiloquio uti *adversus infantes & amentes*, quasi hi non habeant libertatem sermonem nostrum dijudicandi, sed cum & ipsi sint æquè homines, tùm demum fictos sermones fabulasque adversus ipsos usurpare licebit, si utilitas eorundem magis promoveatur, & quatenus nimirum nudæ veritatis non sunt capaces.

77. Eadem ratio à mendacii vitio eximet, si quis [2.] *adversus adultos* fictum sermonem bono fine & in *ipsorum* aut communem *utilitatem* adhibeat, quam plano sermone assequi non licebat, puta si v. gr. innocens protegendus, iratus placandus, mæstus demulcendus, meticuloso animus addendus, fastidiosus ad medicamenta capienda movendus, pertinacia alicujus frangenda, aut malum propositum alterius intervertendum sit; modo tamen cætera sint paria, & v. gr. id non fiat cum ludibrio numinis divini. *a)*

78. Multo magis igitur [3.] licitum erit pro obtinendâ *utilitate reipublicæ* arcana ejus & consilia, quæ interest aliorum notitiæ subtrahi, ficto sermone obvelare, *b)* aut in rebus dubiis & obscuris sententiam ferre ab animo ferentis alienam ad eruendam veritatem *c)*

79. Id verò non indistinctè admittendum, quod aliqui arbitrantur, [4.] mendacium non esse, *d)* quoties fictum sermonem ad aliquem dirigimus, qui non decipitur, etiamsi *tertius* falsam inde hauriat persuasionem, quoniam cum hoc tertio mihi nihil fuerit negotii.

80. Nam quemadmodum hæc ratio in universum non procedit, sed sæpissimè, si in communi conversatione sumus, cum omnibus, qui præsentibus sunt, negotium mihi esse censendum sit,

Ii

et si

ad §. 77. a) *Quale est factum*
Agessilai ap. Pufend. §. 16.

ad §. 78. b) *Huc pertinet suo modo factum* Papirii & alterius *Romani de ave galeata* ap. Puf. §. 18.

c) *Exemplo Salomonis, Claudii, & Nelei* ap. Puf. §. 17.

ad §. 79. d) *Quæ est sententia*
Grotii.

et si sermonem meum ad unum sociorum in specie dirigam : ita si vel maximè hanc rationem admitteremus , non tamenejusmodi actus propterea in universum à vitii nota proterit liberari , cum præter mendacium alia adhuc sint peccata sermonis.

81. Cavendum igitur hic erit quàm maximè , ne quis hoc casu in præceptum negativum classis primæ , quod supra posuimus , impingat , adeoque multæ limitationes , ab aliis e) jam exactè expositæ , hic sunt addendæ.

82. Præprimis si quis eo modo molestam & noxiam aliorum curiositatem avertere velit , opera danda , ne alii innoxii inde damnum sentiant , f) quin & ut ipse qui sic intempestivè curiosus est , malo haud magno & injucundo magis , quam damno afficiatur. g)

83. Sed [5.] cum *hostibus* apertâ vi possimus nocere , licebit etiam ipsis per fabulas aut fictos sermones illudere , modo non id fiat in pactis cum hoste initis , quia per hæc etsi non in totum , in tantum tamen ab hostilitatis statu recedimus.

84. Quæ limitatio quoque ad reliquas species , in quibus falsiloquium licitum esse diximus , erit applicanda , quoniam ut modo monuimus , præceptum de fide servanda à præcepto veritatis diversum est.

85. Difficilior est inspectio , an citra mendacii culpam [6.] reus *delictum* cujus insimulatur , negare aut *fictis* argumentis eludere queat. Mihi negativa arridet , b) non solum si agatur de solutione debiti vel restitutione damni , sed & , si potissimum quæstio sit de inferendâ pœnâ.

86. Nam cum concedatur , iudicem habere jus & facultatem

ad §. 81. e) à Pufend. d. §. 18.

ad §. 82. f) Huc iterum pertinent facta jam notata lit. b.

g) Ut si puero rem fusco amaro gilenam proponam , & ei qui literas

meas aperit , rem ingratam in literis narrem. Puf. §. 18.

ad §. 85. h) Dn. Pufendorffio affirmativa , si quis ea qua hic §. 20. habet , conferat cum iis , qua differis in capite de panis.

tem quoquo modo veritatem à reo exculpandi, sponte sua ob
suprà i) dicta (de veritate loquendâ, quoties is, quocum ago,
jus ad eam habet,) sequitur, in reo quoque esse obligationem ve-
ritatem judici dicendi. Accedit, quod jus & obligatio, ut initio i)
harum institutionum demonstratum fuit, sint correlata, quorum
unum non existere poterit sine altero.

87. Unde non intelligo, quod adversus ista regei solet; *non
cuiuslibet facultati, quæ nudum exercitium alicujus actus notat, in objecto
suo obligationem respondere, siquidem objectum istud sit homo, ut
in præsentī casu.*

88. Præprimis, cum judex habeat facultatem, istam verita-
tem exquirendi à reo, non solum adversus alios, ne ipsum in
ejus exercitio turbent, sed vel maximè adversus ipsum reum.

89. Et læderetur profecto nimium quantum respublica, si
delinquentes nullos conscientia stimulos sentirent, delicta con-
fiteendi, cum rarissimè hoc pacto finem pœnarum obtinere posset,
testibus & aliis probationum generibus in actibus istis plerumq;
occultis ordinariè deficientibus; torturæque usu hâc quidem hy-
pothesi præsuppositâ, maximè illicito.

90. Quod autem assertur, reipublicæ non valdè interesse, ut
pensatione damni factâ, puniatur delictum non notorium,
quodque adeò colore aliquo tegi & excusari possit; nescio, an do-
ctrinæ civili sit conveniens; quoniam, etsi finis pœnarum potis-
simus sit aliorum emendatio, quæ propterea & notitiam delicti
præsupponit, tamen plerumque, si non semper, delicta non sunt
notoria judici; sunt verò notoria complicibus, vel aliis concivi-
bus, vel indicia etiam, quæ ad condemnationem non sufficiunt,
ad scandalum tamen præbendum sunt sufficientia.

91. Præterea non intelligo, vel certè rarissimus erit casus,
quomodo pensionatione damni facta, delictum possit dici non no-
torium, cum vel damnum resarciendo quis delictum quasi fatea-
tur, vel in universum ferè, qui delictum negat, etiam damni re-
stitutionem detrectet.

Ii 2

92. Ne-

92. Neque obstat assertioni nostræ : neminem teneri, ut quis ultrò ad pœnam se offerat, aut nomen suum ipse deferat; ergo etiam per negationem criminis non peccari. Præterquam enim quod antecedens ulteriorem mereatur discussionem, de qua infra suo loco; consequentia insuper non videtur procedere.

93. Quippe non solum aliorum regula; quasi quæ liceat non dicere etiam aliter dicere ob rationis similitudinem liceant; & ex adverso, quæ non possunt secus dici quam revera habent, ea nec taceri queant; à quibusdam pluribus instantiis fuit impugnata, *m*) & jam aliquoties monitum fuit; locutionem & veri locutionem ad diversa præcepta pertinere; sed & in genere multa non licet denegare, si rogatus fueris, ad quæ sponte præstanda non es obligatus. *n*)

94. Denique quod adjicitur: Pœnam invito esse infligendam; ad quæ vero obligamur, ultrò & à volentibus suscipi debere; at à pœnis non posse non hominem naturaliter abhorrescere: cum præsupponat, in delinquente non hære obligationem ad pœnam, differendum est inferius, ubi hoc caput peculiariter exponemus.

95. Cum vero advocatus à reo adscitus ipsius rei Interpretem agat, ac eodem propterea defensionis modo uti debeat, quem adhibere licebat reo, hinc ex dictis hætenus simul manifestum redditur, neque hunc etiam in criminalibus posse falsa jura aut fictas sententias allegare, vel reum ad negandum instruere, aut causam salva conscientia suscipere, ubi reus crimen clam ipsi confessus fuerit. *o*)

CAPUT

ad §. 93. *m*) Vide Uffelm. de offic. hom. circ. ferm. p. 148. ubi contra Praebium disputat, & instantiam de confessione fidei & exemplo Papirii dat.

n) e. g. Servitia feudalia.
ad §. 95. *o*) Dissentit Dn. Pufend.
§. ult. eadem videlicet advocato concedens qua indulsit reo.

CAPUT. IX.

De

Officio Jurantium.

SUMMARIA.

Juramenta in subsidium corrupta natura inventa. §. 1. & 2. Moralitas ex statu integro deduci nequit. §. 3. Juramentorum licentia §. 4. 5. Juramenti definitio §. 6. Finis ex parte ejus, cui juratur §. 7. 8. Et qui jurat §. 9. 10. Juramentū vel promissorium vel assertorium §. 11. 12. ad quæ genera referuntur species juris Romani §. 13. Juramentum est oratio accessoria §. 14. Superflua divisio juramenti in promissorium & confirmatorium §. 15. Non supervacuum, quod juramentum accedat obligationi jam antea firma §. 16. Neque enim per id confirmantur actus antea infirmi. §. 17. Unde non valent juramenta super re illicita. §. 18. 19. Quid si de re in se non illicita, sed per quam impediatur majus bonum morale §. 20. -- 23. aut impossibili? §. 24. Juramentum non immutat naturam & substantiam promissi. §. 25. Unde multa quæ de promissis in genere notavimus, hic repetenda. §. 26. -- 36. Modus jurandi §. 37. -- 39. ut Deus invocetur tanquam testis & vindex. §. 40. -- 42. Juramenta per creaturas §. 43. aut res nobis caras. §. 44. Juramentum expressum vel tacitum. §. 45. Juramenta jocularia. §. 46. Juramenta non producant novam obligationem. §. 47. Igitur hic non peculiare, quod à juramenti omnis dolus & cavillatio abesse debeat §. 48. aut quod ea quandoque strictè sint explicanda §. 49. An nota interpretationis strictæ, si juratum sit in odium alterius. §. 50. -- 57. Perjurus majorem reatum contrahit, §. 58. heredes tamen jurantis pro perjuris non habendi. §. 59. Tollitur juramentum per relaxationem & dispensationem, & quæ hic observanda. §. 60. -- 64. Affinia juramenti oblatio §. 65. contestatio §. 66. promissiones injurate principum. §. 67. Officia hominum circa juramentum §. 68.

§. 68. I. *quatenus est accessio sermonis: VERITATEM LO-
 QUERE.* §. 69. *Juramentum debet esse conforme menti ejus, cui
 juratur.* §. 70. -- 73. *PROMISSA SERVA.* §. 74. *Perjurium.* §.
 75. 76. *Falsum testimonium.* §. 77. *Perfidia jurata.* §. 78. 79. 80.
Alia perjuriarum species. §. 81. -- 84. II. *quatenus habet clausulā
 juratoriam: NON JURA TEMERE, NON JURA NISI PER
 DEUM.* §. 85. -- 88. *Juramenta temeraria.* §. 89. -- 91. *Ex Lege
 naturali jurandum per Deum.* §. 92. *ex positiva per Deum verum.*
 §. 93. -- 97. *An liceat per creaturas jurare?* §. 98. -- 102. *Tres
 juramenti comites: veritas, justitia, judicium.* §. 103. *Officium
 ejus, cui juratur: NON TEMERE JURAMENTUM POSCE.*
 §. 104. *An liceat juramentum ei deferre, quem pejeraturum esse
 scio?* §. 105. -- 110. *An liceat ab infideli juramentum, quod ipse
 per falsos Deos præstat, exigere?* §. 111. -- 114.

§. I.

SI integer mansisset homo, a) juramenti quidem nullus fuisset
 usus; hoc enim in subsidium *natura corrupta* tantum introdu-
 ctum est, quia in statu corrupto non aliud suppetit nobis me-
 dium, quo in eo, qui aliquid asserit vel promittit, fallaciam aut
 perfidiam, in altero verò, cum quo negotium est, dubitationem
 & incredulitatem ex intentione nostra supprimeremus. b)

2. Dum enim omniscius & omnipotens testis simul & vin-
 dex invocatur, c) præsumtio veritatis & fidei ideò excitatur, quod
 nemo temere credatur tam impius, ut ita petulanter gravissimam
 numinis indignationem in se deposcere sit ausurus.

3. Quod si igitur officia jurantium ex statu integritatis
 vellemus deducere, idem esset, ac si cuperemus aquam accerlere
 ex igne.

4. Non tamen putandum est, juramentum esse *inventum*
 corru-

ad §. 1, a) *Consentit Alberti Part.*
 2. p. 121. §. 38. & p. 123. §. 42.

fenal. lib. 4. c. 2. & hic quidem §. 2.

ad §. 2. c) *Uffelm. de Offic.*

b) *Conf. cum hoc toto capite Pu-*

hom. circ. ferm. p. 106. §. 1.

corruptum corruptæ naturæ. Nam uti nulla hoc svadet ratio, ita in sacris literis non unâ vice juramenta sunt præcepta, & à sanctissimis viris adhibita. d)

5. Quæ verò in contrarium pro ostendendâ prohibitione juramentorum ex sacris literis solent afferri, ab aliis e) jam diu explosa sunt.

6. Definimus autem *Jusjurandum*, quod sit deliberata numinis divini tanquam testis & vindicis invocatio, in assertionis aut promissionis confirmationem.

7. *Finis* enim omnis juramenti ex parte ejus, qui sibi jurari caret, est, ut homines ad enunciandum verum aut servandum promissum firmitus adstringantur metu divini numinis omnipotentis & omniscii, cujus vindictam, si scientes fallant per juramentum, in se invocent, ubi aliàs metus ab hominibus imminens non satis efficax videbatur, quorum vires contemnere aut declinare vel scientiam se posse fallere sperabant.

8. Unde si ulli juris divini præcepto adversa est *atheismi* doctrina, est vero omni, ut ex libro primo patet, sanè regulis, quæ de officio jurantium ponemus, directè contrariatur. f)

9. Ex intentione autem ejus qui jurat, juramenti finis est *caricando* & *fides*, ut nempe alter, quocum agitur, certus & securus reddatur vel de *veritate* illorum quæ affirmantur aut negantur, vel de *fide* jurantis, sive de impletione eorum quæ promittuntur. g)

10. Quod eleganter expressit Apostolus, dum dicit : h) *Omnis controversia hominum finem ad confirmationem esse juramentum. Confirmatur enim utrobique is cui juratur, & dum certus redditur, & dum securus. Nisi fortè dicere velis, Apostolum in specie de juramento, quod litis decisorium vocant, loqui.*

11. Fluxit

ad §. 4. d) Exod. XXII. 11.
Deuter. VII. 13. X. 20. II. Corinth.
I. 23.

ad §. 5. e) *Uffelm.* p. 106. - 111.
2 §. 2-8.

ad §. 8. f) *Uffelm.* p. 106. §. 1.

ad §. 9. g) *Uffelm.* p. 113. §. 10.

ad §. 10. h) *Albert.* p. 121. not.

19. & p. 123. n. 33. *Uffelm.* d. h.

11. Fluit ex fine juramenti ejus *diviso. i*) Quædam enim promissis pactisque adduntur, ut eo majore cum religione observentur. Quædam autem adhibentur ad confirmandam alicujus assertionem circa factum illiquidum. Illud *promissorium* vocabimus, hoc *assertorium*.

12. *Promissorium* usurpatur ad assecuranda futura, *assertorium* ad confirmanda præterita.

13. Ad ista autem duo genera omnes juramentorum species referri possunt, ex divisionibus Jureconsultorum Romanorum ortæ, e. gr. quod aliud sit juramentum *testium*, cum nempe quis super alieno facto jurat; aliud, quando is, cujus proprium negotium est, juramento suo controversiam solvit, sive id fiat *deferente parte adversa*, idque tum extra judicium, quod *voluntarium*; tum in judicio, quod *necessarium* appellant, sive deferente iudice, quod *judiciale* vocant, cujus species sunt juramentum *purgatorium* & *suppletorium*. Nam universa hæc juramentorum genera pertinent ad juramentum *assertorium*.

14. Simul eò *finis* juramentorum nos ducit, ut discamus, juramenta esse *orationem accessoriam*, quæ jam aliam assertionem & promissionem, quam firmet, præsupponit, quæ observatio in multis suam utilitatem ostendet, ac propterea probè notanda est. 1)

15. Hinc abstrahendo à legibus civilibus, non magnum usum habebit distinctio juramenti *m*) in *confirmatorium*, quod accedat promissioni separatim factæ, & *promissorium*, cum quid directe promittitur jurato. Nam, ut ex jam dictis patet, utrumque hoc juramentum *promissorium* est, utrumque obligationem aliam confirmat, sive ea sit præcedens, sive concomitans.

16. Neque supervacuum est *juramentum*, quod *obligationi jam antea firmæ accedit*. Scilicet, etsi omnes non Athei credunt, DEUM violationem promissorum etiam injuratorum vindicare, *iusdem*

ad §. 11. i) Pufend. §. 18. -- 22.

ad §. 14. l) Pufend. §. 6.

ad §. 15. m) Strauch Exerc. 25.

th. 25. & 26. Puf. §. 19.

iisdem tamen haud quicquam vanè persuasum est, acerbius puniri, qui iram Dei expresse provocaverit, ac quantum in se fuit, ad ipsius misericordiam viam sibi præclusit.

17. Quare non putandum est, cum finem juramenti in confirmatione diximus subsistere, ac si per id confirmentur *actus antea infirmi* & nullam obligationem secum habentes, aut producentes, sed potius omnia fere, quæ supra de promissis & sermone in genere differuimus, hic repetenda erunt.

18. Igitur non valent juramenta super *re illicita*. n) Neque per subsequens juramentum antegressa obligatio *valida elidetur*, aut jus per eandem quæsitum tolli poterit. Inde frustra quis juraverit, se alteri debitum non soluturum.

19. Absurdum quippe est invocare vindictam divinam, ni aliquid feceris, quod cum comminatione pœnæ à Deo est interdictum; adeoque reverentia Dei velut in ipsius ignominiam abuti.

20. Porro præcedentem assertionem eò extendit Grotius, o) ut non valeat jusjurandum de re in se non illicita, *si modo per eam impediatur majus bonum morale*. Sed exempla quæ profert, pleraque sunt de re illicitâ, v. gr. si quis juret, quod alteri nunquam benefacere velit &c.

21. Etsi enim regulariter ad exhibenda officia obligatio saltem sit imperfecta, tamen & huic imperfectæ obligationi satisfacere nolle, peccatum grave est.

22. Igitur, ut de sensu extensionis Grotianæ constet facilius, assumamus casum, qui in facto contigit: p) Irâ commotus quispiam, quod agnatus suus fœminam natalibus defectam sibi desponsaret, juramento asseveraverat, *nolle se ejus nuptiis vel convivii interesse, nec ad sua quoque hilaria eum invitare velle*. Hic juramentum fuit de re non prorsus illicita, etsi per id majus bonum

Kk

morale

Ad §. 18. n) Puf. §. 6. & 9. Uff.
p. 114. §. 12.

& omnino Uffelm. p. 115. §. 13. per integr.

ad §. 20. o) Adde Pufend. §. 19.

ad §. 22. p) vid. Ziegl. apud Uffelm. d. l.

morale (major nempe amicitia, quæ familiari conversatione multum augetur) fuerit impeditum.

23. At in ejusmodi casibus probabilior mihi videtur eorum sententia, qui judicarunt, *id juramentum servandum esse, q*) præprimis si quis se declaret, ut in isto facto jurans fecerat, quod in aliis vitæ & charitatis officiis alteri deesse nolit, nec etiam repulsius sit, si sponte alter & non invitatus ad hilaria sua veniret.

24. Ita nec obligat juramentum super re *impossibili. r*)

25. Et in genere juramentum *non immutat naturam & substantiam promissi* pæctive cui accedit. Neque igitur ex condictionato facit purum, neque amplius stringit, cessante qualitate; cuius intuitu alteri quid jurato fuit promissum. *s*)

26. *Acceptatio* etiam requiritur in promisso jurato, idemque ab illo cui promissio facta, *remitti potest. t*)

27. Porro & contractus juramento sancitus, abstrahendo à legibus civilibus, rescindi poterit, si modo tales sint causæ, *u*) quæ etiam in statu naturali ad rescissionem sint sufficientes, qualis si sola sit, non est *minorennitas*.

28. Ulterius uti supra in promissionibus requirebatur *animus deliberatus* ex parte promittentis, sic & idem requisitum necessarium est ex parte jurantis. Unde juramento haud quicquam obstri-

ad §. 23. q) vid. Uffelm. d. I. *Vitium* quidem fuit in temeritate, quod de ejusmodi causa juraverat. At Christus juramenta etiam temeraria vult esse servanda.

ad §. 24. r) Puf. §. 11. Uffelm. p. 114. §. 12.

ad §. 25. s) v. g. si magistratui jurato promissi obedientiam, & officium ejus postea cesser.

ad §. 26. t) Quod non procederet ita facile, si secundum mentem Grotii in juramento Deo fieret promissio.

ad §. 27. u) An talis causa est etiam læso ultra dimidium? Ita videtur. Conf. Puf. §. 11. Sed vide infra cap. 11. §. 19. seq. Ergo restabit metus & dolus, de quibus §. 29. seq.

obstrictus est, qui simpliciter juramentum *recitando* profert, aut ejusdem verba concepta in primâ personâ alteri prærit. x)

29. Quemadmodum autem promissio *dolo* elicitâ non obligat, sic nec vinculum injicit conscientiæ juramentum, ad quod alter *dolo malo* me seduxit. y)

30. Aliud dicendum existimo de *errore* simplici, nisi & hic circumstantia, circa quam fuit erratum, juramento per modum conditionis fuerit inserta. z) Quia & in simplici pacto hic aliud docuimus *suprà*. a)

31. Quod si juramentum *metu* sit extortum à latrone, non alium effectum habebit, quam quem *suprà* probavimus prolixius, sequi promissionem injuratam piratæ factam. b)

32. Et si verò juramenta, quæ *in alterius animam* sunt, non sunt planè rejicienda, sed in ejusmodi actibus, qui admittunt procuratorem, (qualis non est, si testimonium sit dicendum,) æque ut contractus meri, illum in cujus animam juratum fuit, obligant, vereor tamen, ut ea finem juramentorum æquè benè obtineant, ac illa, quæ à promittentibus ipsis præstantur. c)

33. Poterit tamen à legibus civilibus disponi, ut juramenta, quæ in statu naturali oblationem jurantis nullam haberent efficaciam, validum actum reddant in civitate. d) Et præsumunt

Kk 2

ferè

ad §. 28. x) Unde frustra sibi timebat Cydippe ap. Ovid. Puf. §. 5. Conf. Uffelm. p. 112. §. 8.

ad §. 29. y) Ut si quis falsum mihi narraret nuncium & propter hoc ipsi jurato quid promitterem. Pufend. §. 7.

ad §. 30. z) Huc pertinet juramentum Josue Gibeonitis præstitum, de quo latius Puf. d. §. 7.

a) l. 2. c. 7. §. 39. seqq.

ad §. 31. b) Puf. §. 8. Dissentiunt alii cum Grotio, quasi per juramentum promissio Deo fuerit facta. Sed & hic tamen regerere possemus, non præsumendum, Deum in favorem hominis nequam id accepisse.

ad §. 22. c) Quia is, qui per alium jurat, non tantum horrorem perjurii percipit. Conf. Puf. §. 16. Uffel. p. 131. seqq. §. 36. seqq.

ad §. 33. d) Pufend. §. 19. Huc spectat

ferè leges ejusmodi, cum quilibet beneficio in favorem sui introducto renunciare possit, serio consultasse, an negotium sibi expediat vel non, qui juramento istud confirmare sustinuit. e)

34. Quamvis autem pro validitate juramentorum similium, quale est metu vel dolo exactum, à nonnullis afferri soleat, f) quod in juramenti clausulâ promissio fiat DEO, in cujus honorem promissum servandum sit, etiam in statu naturali, accuratè tamen ostenderunt alii, istam assertionem parum convenire conceptui de naturâ juramenti. g)

35. Aliud quippe est, promittere DEO, quod velim solvere v. gr. latroni, aliud promittere latroni cum invocatione divini numinis.

36. Quam quidem invocationem non præsumitur sanctissimum numen in favorem nebulonis athei omne vinculum socialitatis rumpentis acceptasse.

37. Ita sensim b) perducti sumus ad modum jurandi, qui & ipse dependet à juramenti *sine*, quem supra exposuimus. i)

38. Is verò est vel, qui communi gentium intentione in juramento requiritur, ut nempe *DEUS invocetur, ut testis & vindex*, vel qui ad majorem juri jurando conciliandam reverentiam pluribus solennitatibus ac symbolis adhibitis, à singulis populis priori est superadditus. l)

39. Quorum hunc si doctrinæ gratia *formam accidentalem*, illum

spectat regula vulgata Juris Canonici de juramentis, secundum quam valebunt fidejussio jurata mulieris, mutuum à filiofam. juratò contractum, quæ secundum principia pandectarum non valerent.

e) Præprimis, si consensus metu non fuerit elicitus.

ad §. 34. f) Quod facit Grotius. vide Puf. §. 8,

g) Ostendit hoc definitio juramenti. Aliud enim est, Deo promittere, aliud : Deum testem invocare. Nam & inter homines cum quis ut testis invocatur, ipse non promittitur.

ad §. 37. h) vide §. 7. seqq.

i) Conf. §. 16.

ad §. 38. l) Uffelm. p. 117. §.

illum formam juramenti *essentialem* appellare velis, non refragabor.

40. Posterior magis pertinet ad Jurisprudentiam Civilem: m) De priori verò est, quod ulterius dispiciamus; qui duo momenta comprehendit; initio ut DEUS in vocetur tanquam *testis* veritatis, tum ut *vindex* mendacii in juramento assertorio, vel perfidiæ in promissorio.

41. Horum utrumque ad juramenti finem est necessarium; non enim ad metum divini numinis, qui fidem & certitudinem in altero operari debet, sufficere DEUM ut testem invocare, si non idem timeretur perjurii vindex, neque ut vindex timeri posset, si non crederetur esse testis.

42. Non tamen necesse est, ut utraque formula exprimatur in juramento, sed una alteram *tacite* continet. Dum enim DEUS justissimus invocatur in testem, necesse est, ut invocans eum simul timeat ut vindicem, & dum omniscium implorat ut vindicem, certissimus simul est jurans, quod sit testis.

43. Quin & sæpius in juramentis *creaturarum* mentio facta apud Gentes legitur, n) quod vel ideo factum, quod jurantes vana pervasione seducti crederent, creaturas istas esse *Numen*, quo refer, quando paganos per fidera jurasse legis.

44. Vel quod *tacite* jurantes DEUM *obtestari* censerentur, ut in istis rebus tanquam sibi carissimis ultionem perjurii expeteret, quorsum spectant juramenta per caput proprium, per animam & olim & hodiè usitata; per salutem item filii, per caput, genium, salutem principis frequenter usurpata veteribus.

45. Quare posses hoc intuitu juramentum dividere in *expressum* & *tacitum*. o) Illud erit, si per Numen juretur. Hoc, si per

Kk 3

ad §. 40. m) Ut, quod v. g. *can-*
dele accendantur, manus eleventur,
precedat adhortatio &c.

ad §. 43. n) Puf. §. 3. quem &
confer. ad §. 46.

ad §. 45. o) Aliiter hanc divisio-
nem exponit Uffelm. p. 118. §. 16.
seq. *cujus meditationes requirunt*
ulteriorem disquisitionem.

creaturam quam quis pro DEO non habet, sed vindictam saltem divinam in eâ invocat.

46. Quod si vero per *creaturas vilissimas* quandoque juratum deprehendimus, pro jocularibus potius quam veris juramentis eadem habenda erunt, postquam apud plurimos pravus mos invaluit, juramenta in ornamentum ac supplementum sermonis adhibere. Huc pertinent juramenta Socratis per canem, anserem, & platanum, Zenonis per capparim &c. scilicet jurabant per eos, non ut per DEOS, sed ne per DEOS jurarent.

47. Pervenimus ad *effectus* jurisjurandi, qui quidem plerique conveniunt, quia juramentum assertorium, cum iis, quæ in capite præcedenti de sermone diximus, quæ promissorium cum iis, quæ de fide servanda supra diximus. Fluit hoc exinde quod supra notavimus, juramenta esse accessoria sermonis, quapropter abstrahendo à legibus civilibus, non producunt novam & peculiarem, obligationem.

48. Hinc quod dicitur; à *juramentis omnem dolum & cavillationem seu fraudulentam interpretationem abesse debere*, rectè se habet, sed hujus tamen assertionis causam non principaliter in eo quarerem, p) quasi interposita in juramento DEI invocatio, quem neque actu quis deceperit, & cui nemo impune illuserit, eum effectum producat. Nam debet cavillatoria explicatio ab omni assertionem & promisso abesse: & exempla à Doëtoribus eam in rem adducta, q) omnia ostendunt, peccasse cavillatores ejusmodi, etiamsi juramentum sermoni suo non addidissent.

49. Neque

ad §. 48. p) Quod facit Dn. Pufend. §. 12. *quam doctrinam videtur hausisse à Grotio, cujus hypothesis erat, quod in juramento Deo quid promitteretur, quam tamen hypothesis ipse pro falsa habet.*

q) De eo qui juraverat se in castra rediturum; de eo qui juraverat alteri, si procederet ad colloquium, cum statim ad civitatem

reversurum; de juramento Locrensum, quamdiu hanc terram calcarent, & hæc capita humeris gestarent; de Rhadamisto, qui promiserat quod nec ferro nec veneno vellet nocere; de eo qui juraverat, se neque peditem, neque equitem adversus Gallos pugnaturum; de Cleomene, quod omnia cum alterius capite transacturus sit.

49. Neque illud juramentis peculiare est, quod ea non semper latè sed *quandoque stricte* sint explicanda, r) siquidem subjecta materia id requirere videatur. Nam eandem regulam inculcavimus infra in doctrinâ generali de interpretatione.

50. An verò nota universalis stricte faciendæ interpretationis in juramentis sit, si juratum sit *in odium alterius*, & non tam promissioni *quàm minis* [ex quibus per se nemini jus nascitur] juramentum fuerit adjectum, subfisto.

51. Afferuntur equidem varia ejus regulæ *exempla*, v. gr. quod Israëlita, qui juraverant se filias suas Benjaminitis non collocaturos, rapi eas ab his passi fuerint; quod Athanaricus, qui juraverat patri, se solum Romanorum non calcaturum, in medio eorum flumine cum ipsis convenerat; quod Achæi juramento obstricti, ne decreta sua tollerent, petierunt, ut Romani ipsi, quæ viderentur, mutarent; quod Aurelianus minatus, se nec canibus vitam relicturum, jussit milites ad canes occidendos discurrere; quod Themison promittens, se jussu Etearchi executurum, filiam hujus, quam pater mari demergi jusserat, in mare dimissam salvam statim inde retraxerit; quod Timoleon Milarcho jurans, se eum Syracusis non accusaturum, celerrimè eum interfici jussit &c.

52. Sed vereor, ne ad ea omnia quis regerere possit, cavillatoriâ, hoc est, talem interpretationem in iis contineri, quæ vel cum mente ipsorum jurantium dum jurarent, vel certè cum mente eorum cui juramentum erat præstitum, non convenirent.

53. At non solum in omni interpretatione respicere debemus ad tempus illud, quo promissio fuit præstita vel assertio facta, sed & in specie, quod juramentum attinet, paulo post, s) notabimus, sensum orationis valere debere prout illum capit, qui juramentum defert.

54. Neque tamen propterea facta eorum, quæ in recensitis exemplis fuerunt allata, omnia aut his similia, injustitiæ accusanda

ad §. 49. r) *Uti videtur facere Dn. Pufend. §. 13.*

ad §. 53. s) §. 71.

sanda esse putarem. Sed potius in iudicanda eorum iustitia sic procedendum videtur. Aut juratum fuit de re licitâ, aut illicitâ; Si illud, interpretatio ista cavillatoria à perjurio non liberavit jurantes; si hoc, factum ex interpretatione ejusmodi præstitum pro superfluo magis, quam illicito erit habendum, cum vel eo omisso ob juramentum, utpote super re illicitâ factum non servatum, pro perjuriis haberi non poterant.

55. Ita v. gr. *Israelitarum* juramentum ex justo zelo præstitum servandum potius erat, quam ut cavillatione illâ solveretur, nisi forte dicere velis, *t*) non licuisse ipsis tribum Benjamin isto juramento quasi exscindere; quamvis adversus hanc objectionem non desint responsiones variae. *u*).

56. Ita *Aurelianus* occisionem canum, ita *Themison* submerisionem in mare plane omittere poterant, cum juramentum ab Aureliano de re illicitâ, exterminio nempe civitatis post victoriam, fuerat præstitum, Etearchus etiam à Themisone rem injustam postulaverat.

57. Nam istud quidem rectissime observatum, *x*) juramentum non minus ac promissiones juratas, includere tacitas conditiones & limitationes, quæ ex ipsâ rei naturâ rite fluunt. Unde si alicui, quicquid velit, petendi optionem concessi, ubi iste iniqua aut absurda petierit, haud quicquam tenebor. Quæ jam facile ad Themisonis juramentum applicari poterunt.

58. Ergone ais, nullus peculiaris erit juramentorum effectus? Nullus puto, nisi fortè eo referre velis, quod invocatio divini numinis

ad §. 55. t) Quam rationem affert
Dn. Pufend. d. §. 13.

400. de matrimonio fuerit prospectum.

u) Suppeditat eas ex parte Osiander ad Grot. p. 970. (qui juramentum pro valido habet, etsi interpretationem hanc admittat.) Adde quod jam ex Benjaminitis

ad §. 57. x) à Pufend. §. 14. ubi plura exempla habet, ut Hippolyti, jurantis Noverca, quod tacere velit, quæ ipsa dictum sit. Huc pertinet exemplum Herodis jurantis filie, Salomonis promittentis matri &c.

numinis arguat, eum qui perjurium commiserit, *atrociorem penam* expectare debere, quam eos qui aliàs mendacium dixerunt, vel injuram fidem fefellerunt.)

59. In eo tamen juramentum à promissionibus nudis abit, 2) quod etsi hæ hæredes promittentis teneant, ac multo magis promissio jurata hominibus facta, [aliud enim dicendum, si per modum voti concepta sit,] ipsa tamen *clausula juratoria*, & invocatio nominis divini jurantis personam non egrediatur, neque adeo *heres* fidem à defuncto datam fallens, pro perjuro haberi debeat.

60. Tollitur verò juramentorum, a) ut in genere omnium promissionum, effectus per *relaxationem* seu *dispensationem*, quam in generali acceptione definimus, quod sit actus, quo vel superior jurantis declarat, juramentum propter defectum potestatis in jurante fuisse nullum, vel superior ejus cui juratò promissum fuit, certis eis rationibus obligationem inde ortam juranti condonat.

61. Nam uti jam supra diximus, nemo tenetur ad impossibilia, igitur si, qui alterius potestati subiectus est, juret, semper tacita exceptio inerit juramento; salvo jure superioris.

62. Qui tamen peccabit, si dispensset, ubi nullum jus aut suum aut commune societatis cui præest, læsum fuit.

63. Ut & ille, qui citrà causam justam, [pro quali habetur delictum promissarii, & interesse publicum,] subdito suo jure ex juramento quæsitum auferat.

64. Cæterum is, qui nec juranti, nec in cujus gratiam juramentum est, superior est, dispensare nequit, unde vel ex hoc unico judicari potest, quo jure quæve injuriâ Pontifex Romanus potestatem sibi sumat dispensandi circa juramenta regum & principum. b)

L I

65.

ad §. 58. y) *Sed determinatio hujus pænæ pertinebit ad jus civile.*

ad §. 59. 2) Puf. §. 17. Uffelm. p. 132. seqq. §. 38. seqq.

ad §. 60. a) Puf. §. 24. Uffelm. p. 237. §. 46. seqq.

ad §. 64. b) *Nimis hic se macerat uffelm. d. l.*

65. *Affinitatem* cum juramento habet *obsecratio*, quæ est actus, quo quis alterum nominato DEO vel aliâ quâdam re ipsi carissimâ, vel ab ipso maximè verenda, obsecrat de veritate dicenda, qualis est Archi-Sacerdotis, c) quâ Christum obtestatur, ut diceret, utrum sit filius DEI.

66. Cum quâ non confundenda est *contestatio*, d) & ipsa juramento affinis, quâ quis comparatione rei gratissimæ asseverat, non minus sibi cordi esse veritatem in illa re, ac sibi cordi est illa res nominata. Ita contestatur Joseph per vitam Pharaonis; e) ita Elisa contestatur per vitam Eliæ. f)

67. Denique sunt quædam promissiones, g) quæ etsi non sint juramenta, æqualem tamen efficaciam inter homines habent vel propter personam promittentis, ut si princeps promittat, bey seinen Fürstlichen wahren Worten / vel propter specialem consuetudinem certi populi. Sic apud Persas firmissimum fidei vinculum erat, fides datis dexteris.

68. Atque hæc quoad juramenti Theoriam sufficere poterunt. Restat ut præcepta ponamus de officio hominum circa juramentum. Consideratur verò hoc casu juramentum vel prout est *accessio* sermonis, vel prout *clausula juratoria* invocatione nominis divini tanquam speciali formâ absolvitur.

69. Priori modo præceptum generale tam juramentum promissorium quam assertorium [hoc tamen potissimum] respiciens est: VERITATEM LOQUERE, hoc est, opera danda est, ut signa externa convenient cum animo tuo.

70. Cæterum cum in omni negotio etiam injurato, dum ad interrogationem alterius respondemus, aut ad rogationem ejus spondemus, responsio & sponsio nostra se ad interrogationem & roga-

ad §. 65. c) Matth. 26. 23.
ad §. 66. d) Confundit Osiander
ad Grotium p. 982. à quo tamen
descriptionem sumimus. Adde omni-

nò Usselm. p. 121. §. 19.
e) Genes. 42. v. 15. 16.
f) II. Reg. 2. v. 2.
ad §. 67. g) Grot. II. 13. §. ult.

rogationem alterius referat ; sequitur exinde, quod responsio nostra non divellenda sit ab animo & intentione stipulantis vel quarentis.

71. Unde vel maximè in juramentis opus est, ut *verba iurijurandi eo in sensu adhibeamus, quo alterum, cui juratur, ea adhibere probabiliter credimus*, ac propterea ambiguitas verborum, quantum fieri poterit, erit vitanda. *b)*

72. Enim verò non nobis loquimur *i)* & juramus, sed aliis quibuscum negotium est, atque ideo loquimur, ut intelligamur, ideo juramus, ut eò melius alteri de integritate nostra constet. *l)*

73. Inde ejus quoque est, cui juratur, concipere verba juramenti, atque declarare, quo sensu illa intelligere velit.

74. Speciale Præceptum & ad juramentum promissorium tantum pertinens est: PROMISSA SERVA.

75. Coërcet utrumque præceptum *perjurium*, quod vitium in latâ suâ acceptione, & mendacium juratum & juratam perfidiam sub se comprehendit. *m)*

76. Qui significatus laxior usu moderno est receptus, et si olim à nonnullis strictè pro solâ perfidiâ, *n)* à quibusdam Scriptoribus Pontificiis contrâ pro solo mendacio vox perjurii usurpata fuërit. *o)*

77. Ad mendacium juratum pertinet *falsum testimonium*, item si quis juret & tamen inde nolit obligari. *p)*

78. Ad *perfidiam juratam* non solum pertinet, si quis directè fidem juramento datam adimplere detrectet, sed & si pro-

LI 2

missor

ad §. 71. h) Uffelm. p. 113.

§. 11.

ad §. 72. i) *Quæ est generalis ratio à communi natura sermonis desumpta.*

1) *Quæ est ratio specialis à fine juramenti.*

ad §. 75. m) Uffelm. p. 153. §. 2.

ad §. 76. n) Reich. *Condit de fi-*

de politica l. 4. c. 11. n. 5. p. 565. ubi citat. Cicer. officia l. 3. n. 108. Gell. lib. 7. c. 18.

o) Ita Laymannum refutat Uff. p. 154. §. 3. & 4.

ad §. 77. p) *Quia hoc ex definitione juramenti involvit contradictionem.* Uffelm. p. 157. §. 6. & p.

112. §. 9. Puf. §. 5.

missor superiorem ejus, cui promissum est, impleret, ut ipsi juramentum relaxet. q)

79. Ut ecce, si quis juravit statuta universitatis esse servaturum, & postea à superiore precibus impetret, ut in ejus favorem circa ista statuta dispenset. r)

80. Et si enim ejusmodi dispensatio, si à superiore sponte fiat, sine perfidia nota acceptari possit, eandem tamen injuste promittens sollicitat, cum hoc factum sit aperte contra intentionem ejus, cui quid promissum est.

81. Neque eos à classe perjurorum eximendos esse censeo, qui jurato promiserunt, quod officia sua fideliter obire velint, si partem quamcunque officii neglexerint ex proaresi, etiamsi se pœnæ submittant, nam fur est etiam, qui fustigationem sustinuit. s)

82. Multo magis igitur ad perjuros erit referendus, qui circa peculiarem aliquem actum se juramento obstrinxit, si contra quid faciat.

83. Nisi diserter) in promisso quis sibi libertatem reservaverit, u) aut promissa adimplendi, aut actum contrarium multâ redimendi. x)

84. Vel ii, qui juramenti formulam præscribunt, ipsi eam sic exponant, vel publicè exponi ita patiantur, y) ut sine nota perjurii liceat contra promissa delinquere, modo delinquens

pœnæ

ad §. 78. q) Nam est hoc contra intentionem ejus, cui juratum est.

ad §. 79. r) Si enim hæc exceptio intelligeretur initio tacitè facta in promisso, non obtineretur finis juramenti. Mallem tamen hic obiter à Dn. Alberto scire, an homo in statu integritatis ejusmodi cautelis fuisset usus; & an Theologus ejusmodi fraude pia utens possit esse γνῶσκω Lubranus?

ad §. 81. s) Pœna enim humana

non tollit reatum, sed emendat salutem de futuro.

ad §. 83. t) Ergo non sufficit restrictio mentalis.

u) Et alter non contradixerit.

x) Tum enim, si modo posterius fiat, ei, cui juratum est, nullum creatur præjudicium.

ad §. 84. y) Tum enim est consensus tacitus. UHelm. p. 156. §. 5. cujus tamen rationes non sufficiunt. De pœna perjurii Idem p. 157.

pœnæ obtemperet, qualiter communiter explicari solet juramentum studiosorum, quod injurias sibi illatas consulto non vindicare, sed super iis auxilium Magistratus implorare velint.

85. *Posteriori modo*, & quâ juramentum invocatione nominis divini constat, duo præcepta notari merentur. (1.) NON JURA TEMERE (2.) NON JURA NISI PER DEUM.

86. Istud quidem *immediatè ex fine* juramenti deducitur, hoc fluit *immediatè ex ejusdem forma*.

87. Cum enim juramentum assertorium ideo inventum sit, ut via aperiatur ad decidendum aliquod factum illiquidum, & quod aliâ ratione commodius demonstrari nequit, sequitur, quod pro temerario habendum sit juramentum, ubi vel nullâ probatione opus, vel tibi aliis argumentis res commodè & demonstrari potest; aut ubi non est conveniens probationis objectum.

88. Igitur in quæstionibus juris non licita erunt juramenta, & ineptus esset ac temerarius, qui ad veritatem doctrinæ suæ demonstrandam juramentum adhiberet. a)

89. Peccant graviter adversus hoc præceptum, qui juramentum adhibent pro ornamento sermonis, & quando quis utitur eo in sensu duntaxat *enunciativo*, b) non habens intentionem dicta sua jure jurando confirmandi. Unde non malè Hobbefius illas pejerationes c) non juramenta esse dicit, sed nominis divini abusionem, natam ex pravâ consuetudine omnia nimium vehementer asseverantium.

90. Porro quamvis superius ostensum fuerit, *falsiloquium* quoddam esse licitum, adeoque inde sequatur non esse eum pro

L I 3

per-

ad §. 87. 2) Unde juramenti delatio non statim habenda pro temeraria, ubi alia media probandi suppetant.

ad §. 88. a) Conf. Albert. Erot. Lipsi. ab init.

§. 8. §. 89. b) Huc pertinet casus §. 22. Operabitur tamen hæc temeri-

tas, ut si juramentum additum fuerit actui licito, ut supra d. §. 22. obstringat jurantem ad ejus observationem. Neque enim, quod temerarium est, propterea non est servandam.

c) In sermone merè assertivo in re præsentis vel præteritis.

perjuro habendum, qui ejusmodi falsiloquio adjungat juramentum; peccabit tamen adversus præceptum de vitandâ temeritate, quoniam ut juramenta ejusmodi falsiloquiis adhibeantur, necessitas nulla exigit.

91. Pertinet adeo præceptum illud prius maximopere ad juramentum *assertorium*. Sed & ejus tamen in *promissorio* non est usus nullus. Nam temerè jurat, qui jurat in promissione rerum impossibilium, quo & iste pertinet, qui jurato promittit, quod scit à superiore suo esse prohibitum. d)

92. Quod alterum præceptum attinet, illud quatenus ex *jure naturali* deducendum est, non alium sensum habet, quam quod *jurandum sit per DEUM. quâ ex jure naturali cognosci potest.*

93. Quatenus verò *lex positiva universalis* inculcat, quis sit verus DEUS, & quomodo is colendus sit, inde hæc defectum luminis naturæ supplet:

Non jura nisi per DEUM VERUM.

94. Igitur contra *legem naturæ* peccat, qui per id jurat, quod pro DEO non habet, quoniam ita non obtinetur finis juramenti; contra *legem divinam* & præcepta religionis, qui per DEUM falsum jurat, quem pro vero habet, quod hic saltem obiter monuisse sufficiat, cum ulterior disquisitio de cultu religioso per juramenta pertineat ad Theologos.

95. Non confundenda quippe hic sunt præcepta juris naturalis circa juramentum, cum præceptis religionis, & quatenus juramentum est species cultus divini, qui propterea interdum etiam sub voce juramenti solet exprimi. e)

96. Cæterum is, qui per id jurat, quod DEUM esse non credit, *injustè* magis jurat, f) quàm ut committat *perjurium*, at, qui

per

ad §. 91. d) Qui jurat, cum aliter id non desideraret. Uffelm. p.

114. §. 12.

ad §. 95. e) Uffelm. p. 107. §. 3.

ad §. 96. f) b. c. simulat se jurare, adeoque peccat simulando. Puf. §. 4. Dissent. ex parte Uffelm. p. 126. §.

25. 26.

per DEUM falsum jurat, quem verum credit, verè jurat adeoque *perjurium* committit, si falso juret aut perfide.

97. Sicut v. gr. criminis læsæ majestatis reus est, qui principem suum interficere intendens, juratum ejus hostem ex errore violet.

98. Dependet ex dictis discussio quæstionis: *An liceat per creaturas jurare?* Velenim ex adhibentur in obtestationibus, g) aut contestationibus, tum huc non pertinent, quia ex non sunt juramenta.

99. Vel ipsarum mentio fit in *juramento*, tanquam in quibus DEUS nos punire debeat, tum erit juramentum tacitum. b)

100. Vel quatenus ipsa aliquid divinitatis habere creduntur; tum Christiano hoc vetat revelatio divina, ne idololatriam incurrat. i)

101. Vel quæ eis non quidem aliquid divinitatis tribuitur, sed tamen, quæ aliquam *relationem ad DEUM* habent, intuitu peculiaris consecrationis aut attinentiæ, m) ut quando juratur per templum, altare &c. aut quatenus creatorem innuunt, v. gr. si juratur per cælum; Et tum, etsi hæ formulæ ab injustitiæ vitio vix liberent n) cum quis illis utitur, adeoque rectius omittantur; tamen si fuerint adhibitæ, pro perjuro habendus erit, qui iisdem illicite fefellerit. o)

102. Aliud tamen dicendum de formulâ apud nos consveta:

Ita

ad §. 98. g) vide suprâ §. 65. 66.	decipiendi, dum jurare se velle præ se fert, sed non jurat per Deum.
ad §. 99. h) vide §. 44.	Huc pertinent dicta Christi Matth.
ad §. 100. i) vide §. 43.	5. v. 34. seqq.
ad §. 101. l) Uff. p. 121. §. 20.	
m) Uff. p. 122. seq. §. 21. 22. 23.	
n) Quod tales formulas adhibeat, ex quibus vel pro idololatra haberi poterit ab eo cui juratur, vel ipse intentionem habeat alterum	o) Non obstat §. 69. Is enim ex hoc §. est limitandus, nisi quis per id juret, quod attinentiam quandam & relationem ad Deum habet.

Ita me DEUS adjuvet per verbum suum, seu per Sanctum Evangelium; quæ neque impia est, neque injusta. p)

103. Quæ hæc tenus exposuimus præcepta juranti observanda, conveniunt cum tribus juramenti comitibus, q) quos vulgò statuunt; *Veritate* nempe, ne mendacium dicatur, *justitia*, ne fides frangatur, aut ne aliter quam per DEUM juretur, & *judicio*, ne juretur temere.

104. Sed neque is, cui juratur, sine monito erit dimittendus; **NON TEMERE JURAMENTUM POSCE.** Effet enim hoc iterum contra finem juramentorum & reverentiam DEO debitam, quæ fundamentum est omnium legum divinarum, ut supra ostendimus.

105. *An igitur licebit juramentum ei deferre, quem pejeraturum esse scis?* Distinguitur r) communiter inter judicem & litigantem; ita ut is excusetur, quoniam ejus officium ferè est mercenarium; sed litigans si hoc faciat, peccet.

106. Quam quidem sententiam admitterem, cum temeritas sit omnino in eo, qui à certò pejeraturo juramentum exigit; frustra enim id exigit, sed initio præsupponendum erat: an casus quæstionis sitdabilis?

107. Nego enim, *certain esse scientiam* in aliquo de futuro perjurio tertii; Nam non solum futurorum nulla est certa scientia; sed & inspecie ea quæ dependent ab arbitrio alieno, ab homine, qui corda non scrutatur, sciri nequeunt.

108. Neque hic sufficit, quod perjuriam jam sepe commiserit is, cum quo est negotium; poterit enim in præsentem se emendare.

109. **Quin**

ad §. 102. p) Habet enim hunc sensum. Ita me Deus adjuvet, per promissiones in verbo suo mihi revelatis, non quasi attribuamus verbo, prout literis constat, efficaciam. Vide omnino Uffelm. p. 125. §.

24. add. Voët Part. 3. disp. select. p. 156.

ad §. 103. q) Conf. Uff. p. 115. §. 12.

ad §. 105. r) Uffelm. late p. 128. §. 30. seqq.

109. Quin si aperte profiteatur, se pejeraturum esse, non faciet certum indicium, cum ista minæ afferri possint ad evitandum juramentum.

110. Quapropter nisi specialis casus offeratur, (quid si enim is qui jurare debet, aperte profiteatur atheismum? Sed neque hic casus facile dabilis;) mallem quæstionem istam inter inutiliter curiosas referre.

111. Majorem utilitatem habet altera quæstio, s) *an liceat ab infideli juramentum, quod ipse per falsos DEOS præstat, exigere?* Non pauci, recipi posse ab idololatrâ ejusmodi juramentum, asserunt, non exigi. t)

112. Ego & *exigi* posse puto, si modo cætera sint paria. u) Semper enim formula jurandi accommodanda est ad persuasivonem & religionem, quam circa DEUM fovet, qui jurat.

113. Fluit hoc ex fine juramenti. Nam frustra quis adigeretur ad jusjurandum per DEUM, quem non credit, adeoque nec metuit.

114. Quapropter cum jus naturæ hic non obstat, tamdiu hæc sententia defendi poterit, donec ostendatur, aliud velle præcepta religionis, quod hætenus non fuit ostensum. Ad objectiones enim respondent alii.

M m

CAPUT

ad §. III. s) Puf. §. 4. Uff. §. 25.
26. 27. 28.

t) Facit hoc Uffelm. Et posset hæc sententia declarari simili. Ita ministri Ecclesiæ non possunt exigere honoraria pro absolutione, recipiunt tamen. Conf. suprâ §. 80.

ad §. II. 2, u) Id est, si non fiat temerè. Puf. d. §. 4. Osiand. ad Grot. p. 986. Necessè enim est aliquando, ut præscribatur ejusmodi formula juranti. Ut si juramentum præstandum sit in judicio.

CAPUT. X.

De

Officio circa Res & earum
Dominium.

SUMMARIA.

Potestas hominum utendi rebus §. 1. consideratur intuitu vel creatoris, vel rerum, vel aliorum hominum. §. 2. 3. 4. Intuitu Dei non est jus §. 5. sed licentia §. 6. -- 13. non obligatio §. 14. Unde oritur præceptum negativum: *NON UTERE CREATURIS AD CON-
TUMELIAM CREATORIS.* §. 15. 16. 17. Intuitu rerum crea-
tarum non est jus §. 18. nec tamen injuria §. 19. Unde per inter-
necionem bestiis non fit injuria §. 20. 21. nec Deo §. 22. Neque
tamen inter hominem & bestias est status belli §. 23. Intuitu alio-
rum hominum consideranda: I. Obligatio utentis §. 24. 25. quæ
vel indirecta: *ITA UTERE CREATURIS, UT PER ISTUM U-
SUM NON EVERTAS BONÀ TUA VEL ANIMI VEL COR-
PORIS,* §. 26. -- 31. vel directa: *SIC UTERE CREATURIS,
UT ÆQUALITATEM CUM ALIIS CONSERVES* §. 32. 33.
II. Obligatio aliorum erga utentem: *NEMO ALTERUM IN USU
CREATURARUM TURBET* §. 34. Unde utenti oritur jus, quod vel
communio, vel Dominium §. 35. Dominium est proprietas §. 36. 37.
38. & vel Dominium stricte dictum vel Dominium commune §. 39.
Communio vel negativa §. 40. 41. vel positiva §. 42. quæ eadē cum
Dominio communi §. 43. 44. 45. Unde res vel in Dominio, vel com-
munes, vel nullius §. 45. Si unus homo esset in mundo, nec Dominiū
haberet nec communionem §. 46. -- 50. Si plures sint homines &
omnes tamen rebus equaliter uterentur, nec Dominium haberent,
nec Dominium commune §. 51. 52. Aliorum divisio dominiū in
commune & privatum §. 53. -- 56. Dominium potentiale §. 57.
Quæstia: *An in primævo hominum statu fuerit Dominium an com-
munio?*

munio? §. 58. Ostenditur esse historica & ex subsidiis historia
 sacra deducenda §. 59. 60. Potestas Protoplastorum subigendi
 creaturas, quam à Deo acceperunt, Dominium dici nequit §. 61.
 62. 63. sed fuit communio negativa, §. 64. quæ mansisset, si in sta-
 tu integro generassent liberos §. 65. -- 69. & non fuissent lapsi
 §. 70. -- 73. Perfectio status integri non infert Dominiorum di-
 stinctionem §. 74. 75. Fuisset tamen in statu integro proprietas
 in partibus minoribus §. 76. -- 78. & sic communio temperata
 §. 79. -- 81. in usu rerum fungibilium §. 82. -- 85. qui sine pro-
 prietate non potest concipi §. 86. -- 89. nec adeo ex pacto tacito
 oritur §. 90. -- 94. Non tamen fuisset jus seponendi res fungibiles
 ad futuros usus proprios §. 95. Post lapsum mansit communio §.
 96. 97. sed non diu potuit observari §. 98. Unde homines pedeten-
 tim ab ea receperunt §. 99. per occupationem §. 100. 101. & di-
 visionem §. 102. 103. ad præscindendas lites §. 104. Adamus in-
 ter Cainum & Abelem Dominia non distinxit §. 105. -- 110. nec
 Noa gentes & insulas inter filios suos §. 111. -- 118. Sensus præ-
 cepti de non turbando alterius usu rerum, duplex §. 119. 120. Præ-
 ceptum respiciens communionem: UT HOMO RES INEX-
 HALITÆ UTILITATIS, ET À QUARUM USU ALIOS AR-
 CERE VIRES HUMANAS EXCEDAT, INTRA PRIMÆVAM
 COMMUNIONEM MANERE SINAT. §. 121. Tria requisita rei
 Dominio subjicienda §. 122. [1] Ut res usum aliquem hominibus
 possit præbere §. 123. [2] non tamen sufficientem omnibus citrà
 periculum dissidii §. 124. -- 130. quod requisitum deficit in vasto
 Oceano §. 131. [3] ut apprehensioni & custodia hominum sit ob-
 noxia, §. 132. -- 134. unde iterum excluditur Oceanus §. 135.
 136. Modi acquirendi Domini §. 137. sunt vel principales vel
 accessorii §. 138. Principalis vel originarius vel derivativus §.
 139. Originarius est Occupatio §. 140. quæ aliter fit in mobilibus,
 aliter in immobilibus §. 141. -- 146. Immobilium apprehensione
 occupantur etiam iis accessoria mobiles §. 147. -- 153. Res dere-
 lictæ iterum possunt occupari §. 154. Specimen spinosarum quæ-
 stionum ex his principiis deducendarum §. 155. Derivativus niti-
 tur voluntate Domini prioris §. 156. vel expressa vel tacita §. 157.

Expressa fit aut per sola verba §. 158. aut per traditionem §. 159. -- 161. Ad eam quæ fit per verba sola, pertinet testamentum §. 162. -- 166. Modi derivativi transferendo utilitatem rei & commoditatem §. 167. 168. Dominium directum & utile. §. 169. Jus pignoris, servitus §. 170. -- 176. Tacite transfertur Dominium successonibus & Usucapione §. 177. Successio ab intestato in quaratione fundetur §. 179. -- 184. Successio descendens, adscendens & collateralium §. 185. -- 190. Usucapio vel inter gentes vel inter privatos §. 191. 192. Utriusque finis communis §. 193. Differentie in usucapione gentium §. 199. -- 205. Accessio §. 206. -- 208. quorsum pertinet fructuum & fetus acquisitio §. 209. -- 211. Quid de pictura, scriptura & nova specie? §. 212. -- 229. Summa officii aliorum hominum erga Dominum rei §. 230. -- 238.

§. I.

Postquam de sermone diximus, pergendum nunc est ad Dominium, ^{a)} cujus cum potissimus effectus in potestate utendi rebus ^{b)} consistat, de hac quædam paulò altius erunt repetenda.

2. Poterit nempe eadem considerari vel in ordine ad Creatorem, vel in ordine ad res, quibus utimur, vel in ordine ad alios homines.

3. Priores duos conceptus quod concernit, plerumque solliciti sunt scriptores morales, quomodo facultatem illam utendi rebus

ad §. 1. a) Pertinet ad hoc caput Pufend. lib. 4. c. 3. & seqq. usq; ad finem libri.

b) Nec obstat, quod usus fructus sæpius separatur à proprietate, & idem fit in Dominio utili. Re-

spondeo enim semper tamen proprietatem ideò sustineri, quod spes sit, utilitatem aliquando reddituram esse ad proprietatem, aut quod interim alia quadam utilitas à proprietario percipiatur.

rebus creatis ex *concessione divina* iustificent, tum & quomodo in specie *occisionem bestiarum* ab objectionibus aliorum tueantur. c)

4. Nobis ita res simplicissimè videtur tradi posse, si ante omnia separèmus lumen rationis à revelatione, & *facultatibus* hujus indolem penitus consideremus.

5. Constat autem ex hypothesebus initio demonstratis, eam *juris nomen* non mereri in ordine *ad DEUM*; hujus enim respectu homini nullum jus competit. d)

6. Igitur neque demonstrandum nobis erit, quo jure facultatem hanc exerceat homo; foret enim quaestio Domitiana; sed sufficiet, si modo nihil afferri possit, quod istam potestatem impugnet.

7. Nam quod nullà lege prohibitum est, quare pro ré licita non haberi debeat, nulla subest ratio.

8. Cum ergo & homo habeat potentiam naturalem utendi rebus reliquis creatis, potentia hæc tam diu pro indifferentè erit habenda, donec vel à natura vel ex revelatione adducatur limitatio eam restringens.

9. Accedit, quod *concessio divina* *quoadantenus* etiam ex *rationatione* demonstrari possit. Homo enim opus habet creaturis reliquis in hoc statu, tum ut nutrimentum ex illis capiat, tum ut adversus mala corpus suum destruentia se defendat. Unde sequitur, quod DEUS velit etiam usum earum rerum homini concedere, sine quibus vitam tanquam donum DEI conservare nequeat.

10. Sed hæc *quoadantenus* saltem demonstrantur, & quoad illum duntaxat usum, qui homini est necessarius. At cum homo sæpissimè utatur creaturis reliquis ad jucunditatem tantum & vitam commodiorem; difficulter istà viâ, quâ onus probandi in nos suscipimus, procedemus. e)

II. Ne-

ad §. 3. c) In qua re potissimum occupatus est Puf. d. c. 3.

ad §. 5. d) vid lib. 1. c. 1. §. 102. & 108.

ad §. 10. e) Inde paululum obscuriora sunt ea, quæ hic disputas Pufend. d. c. 3. §. 2. p. 520. quem §. tamèn confer. etiam ad §§. sequentes.

11. Neque enim omnibus creaturis opus habet homo; neque Aristotelis, Luciani, ac aliorum Gentilium sententia applausum meretur, quasi res reliquæ frustra essent creatæ, si homini iis uti non liceret. Nam longè compendiosius potuisset machina mundi adornari, si nihil fuerat creandum, nisi quod usum homini præberet.

12. Igitur maneamus potius in possessione libertatis naturalis, præprimis cum deprehendamus, revelationem *Scriptura Sacrae* sententiæ huic non refragari, sed potius concessionem specialem homini factam utendi rebus creatis, solidissimè exinde posse probari.

13. Neque iis solum, quibus ad necessitatem homo habet opus (quæ quidem in *statu integro* longe minor erat ad *nutrimentum* saltem restricta, cum defensio adversus mala reliqua corpus hodiè destruentia ibi non habuisset usum) sed & ad commoditatem ac voluptatem.

14. Ista verò concessio, ut in antecessum notemus, non habet vim *præcepti*, sed indulgentiam duntaxat privilegii, quo quis uti pro lubitu potest, nec ad omnimodum ejus exercitium tenetur. Aliàs enim peccaret homo in legem divinam, si animal quodpiam liberum dimitteret, aut occasionem, idem in potestatem redigendi negligeret; id quod nemo sanus dixerit.

15. Cæterum in hoc ordine ex iis, quæ generatim de officiis hominis erga DEUM diximus, fuit præceptum negativum: NON UTERE CREATURIS AD CONTUMELIAM CREATORIS. Pugnaret enim hic usus cum *cultu DEI interno*, qui fundamentum est legum omnium naturalium.

16. Unde maximè coërcetur per hoc præceptum *abusus creaturarum*, quando ex inutiliter & petulanter perduntur. Contemnitur enim hoc modo Creator benignissimus, quemadmodum contemptum interpretaretur homo, si ejus donum inutiliter perderem.

17. Posses huc quoque referre, quod Deus quietem diei
septimi

septimi etiam ad bestias voluerit extendere. Sed hoc pertinet ad præcepta Religionis, adeoque relinquendum est Theologis.

18. Porro in respectu ad ipsas *res creatas*, quibus homo utitur, usus iste *juris* nomen non meretur, quoniam cum reliquis creaturis nulla homini juris communio intercedit.

19. Neque tamen mereri etiam potest nomen *injurie*, quia neque creaturis reliquis homo est obligatus.

20. Sive ex sint vegetabiles tantum, aut his inferiores, de quibus nullum est dubium; sive insuper locomotivâ gaudeant, ut bestia.

21. De quibus etsi multa soleant objici, non opus tamen est, ut circa eorum refutationem nos detineamus, cum partim ea excipiant adversus argumenta, quibus alii jus interficiendi eas probare voluerunt, à quo probandi onere, nos ut vides, abstinemus; partim nituntur falsâ hypothesi philosophorum rationem bestiis tribuentium, simulque præceptum de non lædendis aliis ad bruta extendentium. *f)* Nos vero suprà *g)* rationem ita à bestiis exterminavimus, ut ne quidem reliquerimus sensum internum propriè dictum, cognitionem aliquam & ita cogitationem præsupponentem.

22. Neque per internecionem bestiarum *injuriam DEO* fieri inde constat, quia DEUS statûs, juris omnis expertis, inter hominem & bestiam autor est. *b)*

23. Nollem tamen propterea statum hunc hominis in relatione ad bestias comparare cum *statu belli*; *i)* Etsi enim aliqua inter utrumque statum sit convenientia, tamen plures sunt rationes disparitatis. *l)* Præterquam enim, quod bella inter homines neque sunt universalia, neque perpetua, neque licentiam in infinitum concedunt; insuper bellum est Status extraordinarius ex læsione juris ortus; at vero status iste, qui est inter homines & be-

stias

ad §. 21. f) Elegans locus Porphy. *¶* *ut est ap. Puf. §. 4. p. 524.*

g) I. I. C. I. §. 36.

ad §. 22. h) Puf. §. 5. p. 525.

ad §. 23. i) Quod facit Dn. Puf.

d. §. 5.

l) Quas agnoscit ipse Dn. Puf.

d. §. 5. in nova edit.

alias, ordinarius est, nullam juris lationem præsupponens, cum inter eos nunquam ulla juris fuerit communio.

24. Pergendum nunc ad considerationem potentiaæ utendi creaturis, hominibus competentis in ordine ad *alios homines*. Observari hinc meretur, quatenus *utens aliis obligatus est, tùm quatenus alii homines sunt obligati utenti.*

25. *Obligatio utens est vel indirecta seu mediata & quatenus homo sui conversationem debet socialitati, vel directa, quatenus homo immediate obstrictus est aliis.*

26. *Indirecta* hoc præcepto comprehenditur: **ITA UTERE CREATURIS, UT PER ISTUM USUM NON EVERTAS BONA TUA VEL ANIMI VEL CORPORIS.** Fluit hoc ex iis quæ suprà de officiis hominis erga seipsum docuimus.

27. Quod bona animi *moralia* attinet, opera danda, ne per occisionem, v. gr. bestiarum animus assuefiat *truculentia & crudelitati.* Non enim solum Plutarchus observavit, ex assuefactione necandarum bestiarum homines progressos esse ad cædes hominum & bella, sed & observationem meretur, quod scriptura Nimrodum appellet venatorem; Pythagorici contra mansuetudinem erga bestias inculcarunt, ut meditationem amoris & misericordiaæ erga homines.

28. Unde non sine causâ Athenienses ab eo, qui vivo arietem pellem detraxerat, & ni fallor Lacedæmonii, ab eo qui coturnicibus oculos eruens postea eas dimittebat, pœnam exegerunt.

29. Quoad bona animi *naturalia* peccat, qui nimio cibo ac potu usum rationis sibi tollit vel minuit.

30. Quoad bona denique *corporis* à variis intemperantiæ speciebus abstinendum erit.

31. Hinc Pythagoras, dum necare vetuit animalia, inter alias rationes discipulos suos ad faciliorem victum, unde sanitas corporis & ingenii acumen magis augeretur, assuefacere voluit.

32. *Directa* obligatio hominis erga alios ea est: **SIC UTERE CREATURIS; UT ÆQUALITATEM CVM ALIIS CONSERVES; scilicet NE ABUTARIS IISDEM AD SUPERBIAM; UT ALIOS ISTO USU NON LÆDAS; UT**
PER

PER EAS ALIIS INSERVIAS ; UT FIDEM PROPTEREA DATAM SERVES. Intelliguntur hæc faciliè ex superioribus discursibus.

33. Taceo nunc peculiare interesse reipublicæ, cui & ipsi se homo accommodare debet. Interest enim reipublicæ, ne quis re suâ malè utatur, & sæpius intermissio certi cujusdam usus promovet utilitatem civitatis. m)

34. Obligatio aliorum hominum n) erga utentem hoc præcepto includitur : NEMO ALTERUM IN USU CREATURARUM TURBET.

35. Correspondet huic obligationi in utente jus, vi cujus quietè creaturis uti potest, quod jus, quatenus alios ad usum ejusdem rei admittit, communionis nomine venit; quatenus vero alios ab usu ejusdem rei arcendi facultatem tribuit, dominium dicitur, de quibus nunc fufius erit agendum.

36. Ne vero more andabatarum disputemus, ab evolutionibus terminorum erit incipiendum. Ubi id quidem constat, ex hæcenus dictis, per dominium intelligi jus in rebus terminans, o) quatenus rei vocabulū actionibus mere personalibus p) contradiſtinguitur, sed hic conceptus tamen domini essentiâ non exhaurit.

37. Quapropter rectius describitur, q) quod sit jus, quo res aliqua alicui est propria. Proprietas vero est, quando alicujus rei veluti substantia ita ad aliquem pertinet, ut eodem modo non pertineat ad alium.

38. Proprietas enim & dominium hic sunt Synonyma, etsi quandoque à Scriptoribus usurpentur diversimodè. r)

39. Est verò proprietas seu Dominium unius rei vel penes unum hominem, vel penes uno plures. Illud Dominium simpli-

N n

citer

ad §. 33. m) Exempla vide ap. Pufend. §. 6. in fine.

ad §. 34. n) Hic incipit Puf. lib. 4. cap. 4.

ad §. 36. o) vid. Alberti cap. 7. §. 1.

p) Scilicet quæ imperio correspondet.

ad §. 37. q) vid. Puf. §. 2.

ad §. 38. r) Ut proprietas dicatur de Dominio minus pleno.

citer vel strictè dicitur, v. gr. ita Titius est dominus ædium suarum; hoc vocari solet *Dominium commune vel communio*; ita heredes Titii sunt in communione ædium.

40. Scilicet *communio* est, quando rei velut substantia ita pertinet ad aliquem, ut eodem modo pertineat ad alium. s)

41. Estque vel *negativa*, cum res ita pertinet ad plures, ut in nullius hominis, (nec in unius nec plurium,) proprietate actu sit. Ita ex hypothefi juris Romani, feræ bestia sunt in communione.

42. Vel *positiva*, cum res ita pertinet ad plures, ut in plurium conjunctim sumtorum proprietate seu Dominio sit: repetere exemplum de heredibus Titii.

43. Ergo *Dominium simpliciter* sic dictum est nobilissima Domini species, quia respuit omnem communionem, *communio negativa* est nobilissima communionis species, quia respuit omne Dominium.

44. At *communio positiva & Dominium commune*, ut vides, coincidunt, ita ut in uno eodemque exemplo conveniant & saltem differant conceptibus. Dum enim duo heredes Titii inter se referuntur, & considerantur ut singuli, hereditas eorum communis est; dum conjunctim referuntur ad alios homines non heredes, hereditas ipsis est propria.

45. Res ipsæ vero ab his tribus juribus diversas denominationes accipiunt. Sunt enim vel *in Dominio*, vel *communes*, vel *nullius*.

46. Apparet ergo, & proprietatis & communionis terminos involvere *relationem* unius hominis ad alium hominem. Ex quo sequitur, si unus homo sit in mundo, etsi is pro lubitu possit uti rebus creatis, neque tamen terminum *Domini t*) (quia nemo esset, quem ab usu ejus excluderet) neque terminum *communio*nis u) (quia

ad §. 40. s) Puf. §. 2. Unde requiruntur ad communionem partes pro indiviso. Possunt tamen esse partes inaequales.

ad §. 46. t) per §. 37.

u) per §. 40.

(quia nmo esset, ad quem usus iste simul pertineret,) ad istum usum quadrare.

47. Et qui aliter posset? cum & Dominium & communio sint juris species. Suprà verò demonstravimus, *nullum jus hominum esse, nisi sint alii homines.*

48. Nam etsi istum hominem unicum referas *ad DEUM*, non merebitur tamen ille usus nomen Domini, non solum quia in hoc respectu DEUS tantum est Dominus creaturarum, sed & quia homo nullum jus habet adversus DEUM.

49. Quod si vero referas *ad bestias*, similis erit ratio, quia inter hominem & bestias nulla est neque juris neque obligationis communicatio.

50. Malo autem hic scapham vocare scapham, quam ejusmodi facultatem utendi creaturis unico homini competentem appellare dominium indefinitum non formaliter sed concessivè, non actu sed potentiâ. y) Etsi enim hæc locutio commodè explicata tolerari possit, tamen haud dubiè terminus domini supponitur impropriè, & videtur absque ejus usurpatione doctrina domini magis perspicuè posse explicari.

51. Quin & si plures sint homines, non poteris tamen terminum domini neque simpliciter dicti neque communis adhibere, si nullus esset, quem reliqui jure ab usu certæ rei possent excludere. z)

52. Nam tum demum v. gr. hereditas Titii est in proprietate heredum duorū, quando, ut dixi, referuntur ad alios; quod si illi heredes soli essent in mundo, non amplius esset dominium commune, sed tantum ipsis eadem esset communis. Adeoque ex *communione positiva* tunc fieret *negativa*.

53. Solent alii dominium dividere in *commune & privatum*; a) Sed ex eorum descriptionibus patet, eandem esse hanc divisionem cum nostrâ, quâ dominium diximus esse vel simpliciter

Nn 2

tale

ad §. 47. x) L. I. C. I. §. 10.

ad §. 50. y) Ut facit Dn. Pufend.

§. 3. & §. 11. p. 471.

ad §. 51. z) propter §. 37.

ad §. 53. a) Vide quæ ex Bæclero

refert Puf. §. 12.

tale vel commune, nisi quod hi in applicatione confundant dominium commune cum communione negativa. *b)*

54. Quorum adeò mentem non penetrarunt alii, mirificè utramque dominii speciem circumscribentes, dum statuunt; *c)* *Adamo à DEO collatum fuisse dominium commune, toti nempe humano generi competens, & simul privatum; nempe pro me, Te &c.*

55. Quemadmodum enim in me, te &c. consistit universum humanus genus; ita non apparet, quomodo privatum dominium à communi discrepet, nisi quis forte in sublimi ista controversia, de existentia universalium citra mentis operationem, velit refugium quærere, & cruentæ pugnx Nominalium atq; Realium se immiscere.

56. Porro quoniam dominium simpliciter & dominium commune sunt species suo modo contradictoriæ, *d)* nimis subtiliter dicitur, utramque speciem in uno subiecto *e)* posse concurrere. Quamvis subtilitas hæc & ab aliis *f)* fuerit usurpata.

57. Qui adeo ob jurisprudentiæ (ad hanc enim primariò termini dominii & communionis pertinet,) ignorantiam, & in eo falsos sibi formarunt conceptus, *g)* dum putarunt etiam istud jus, quo proprietatem alicujus rei acquirere valeo, propriè dominium esse, & propterea dominium in potentiale & actuale diviserunt, cum tamen *dominium potentiale sit lux sine lumine. h)*

58. His præmissis de origine dominii nunc dispiciamus; seu an in primevo hominum statu fueris dominium an communio, eaq; vel positiva vel negativa?

59. Id verò statim vides, quæstionem hanc, ut sunt omnes de origine rerum vel jurium controversiæ, esse *quæstionem historicam*, multisque, si citra omnem revelationem eam velis tractare, con-

b) Ut Bœclerus, Zieglerus &c. vid. Puf. §. 2. p. 455.

ad §. 54. c) Ita Alberti cap. 7. §. 14.

ad §. 56. d) propter §. 43.

e) Ut in Adamo §. 54.

f) Vide iterum Bœcl. apud Puf. d. §. 12.

ad §. 57. g) Conf. Albert. c. 7. §. 29. Puf. §. 10.

h) Est saltem jus ad rem. Dominium vero jus in re.

conjecturis & per ambages quasi hic esse opus ; quamvis jam alii
 2) eruditissime ostenderint, quomodo hæc controversia , si cum
 Ethnico in notitia status primævi aberrante res sit, debeat expli-
 cari ; in ipsis conclusionibus non omnino vel certe parum à no-
 bis dissentientes. 1)

60. Nos autem , cum Christianis scribamus , & jam supra m)
 demonstraverimus , absque confusione disciplinarum assertiones
 historicas etiam in evolvendis disceptationibus juris naturalis ex
 historia sacra desumi posse , & hic non hæsitabimus , definitiones
 nostras ex revelatione divina petere , simul tamen regulas bonæ
 interpretationis , quas nobis recta suppeditat ratio , observare.

61. Dixit DEUS ad Protoplastos : *Subjicite vobis terram &
 dominamini super bestias.* Acceperunt ergo hoc passu facultatem
 subigendi sibi creaturas inferiores , eo effectu , ut scirent , DEO
 non adversari , si creaturas ad utilitatem suam applicarent. Cæ-
 terum hæc *facultas domini* nomine nonnisi improprie insignitur,
 n) sive statuas , concessionem istam divinam Adamo ante creatam
 Evam fuisse factam , sive Adamo & Evæ simul significatam.

62. Ut enim neutro modo , neque intuitu bestiarum aut re-
 liquarum creaturarum inferiorum , juris , multo minus domini
 vel communionis nomen meretur ; ita intuitu hominum , quam-
 diu Adamus solus erat , o) nonnisi jus in spe , quod & ipsum quæ
 tale , improprium est , appellari poterat.

63. Creatâ verò Evâ jus exinde proprie dictum oriebatur ,
 non tamen inde inferre poteris , ergo dominium erat , quia &
 communio jus est. p)

Nn 3

64. Uti

ad §. 59. i) Ut fecit Pufend. l. 4.

ad §. 62. o) vid. §. 47. 57.

6. 4.

1) Ut infra : an occupatio ul-
 timò fundet se in pacto ? §. 90. seqq.

ad §. 60. m) l. 1. c. 2. §. 17. 18.

ad §. 61. n) Quod facit Alb. c.

ad §. 63. p) Quatenus ii qui rem
 communem habent , referuntur ad
 se invicem , ut neuter alterum tur-
 bet.

7. §. 4.

64. Ut igitur non memini quenkam statuere, quod Adamus Evam arcere iusta ex causa usu creaturarum potuisset; q) aut quod Eva ad hunc usum exercendum speciali concessione Adami habuisset opus; ita ineptum foret, si jus Adami tum temporis dominii strictè dicti vocabulo insignire vellemus, sed necesse est, ut fuerit *communio* eaque non positiva, quamdiu Adamus & Eva soli erant, sed *negativa*.

65. Porro non generarunt equidem in statu Integritatis Protoplasti liberos, pro creassent tamen haud dubie; r) Hic igitur fortè ex communione primorum parentum negativâ, factum fuisset *dominium commune*?

66. Ino fortè non. Nam communis sententia est, protoplastos repræsentasse in concessione divinâ posteròs suos. Ergò hi statim à nativitate primâ æquale jus fuissent habituri ac parentes eorum.

67. Neque causa fuisset, cur DEUS in isto statu præ liberis dedisset parentibus prærogativam, cum in æquali perfectione fuissent generandi; quin potius probabile est, beneficia parentibus indulta pertinuisse ad liberos, quoniam poenæ facti sunt participes.

68. Quin & suprà, s) ni fallor, demonstravimus, in statu integro nullum fuisse expectandum imperium paternum; Unde ne quidem expectanda erit restrictio t) liberorum in exercendo usu rerum.

69. Ergo per generationem & multiplicationem generis humani in isto statu *communio negativa* non fuisset mutata, sed extensa saltem ad personas alias atque alias.

70. An verò in hac *communione* mansuri fuissent homines, si Adamus non esset lapsus? curiosior quaestio est. Nobis ne minima quidem se ostendit probabilitas, quæ sva deat recessione ab eadem & dominiorum distinctionem.

71. Tri-

ad §. 64. q) vide suprà §. 37.

ad §. 65. r) vide lib. 1. c. 2. §.

32. seq.

ad §. 66. s) d. c. 1. lib. 1. §. 35.

t) ut quæ semper præsupponit imperium.

71. Tritum proverbium est: *Amicorum omnia sunt communia.* Quo major ergo futura erat Amicitia (futura verò erat maxima) eò magis speranda erat communio. Inde in primitiva Ecclesiâ Christianorum communionis hujusmodi analogum fuisse legimus.

72. Adde, quod summa ibi fuisset *aqualitas*, dominiî verò distinctio multum promoveat status hominum inæquales. Certè divites & pauperes fecisset dominiorum distinctio.

73. Neque causæ ad distinctionem Dominiorum moventes aderant. Spontè proferebat omnia tellus, labor tum non erat inter molestias; Natura paucis contenta; Luxus exulabat; Nulla lis, nulla invidia.

74. Hinc valde errant, qui *distinctionem dominiorum in statu integro* propter ejus *perfectionem* quærunt, u) quia ut omnis ordo rectæ rationi consentaneus, ita pulcherrimus ordo possidendi res illi statui vel maxime convenisset. x)

75. Quasi vero perfectior sit hodie Ecclesiæ status, in quo diu propter cessationem charitatis cessavit communio, præ altero qui erat in primitivâ Ecclesiâ.

76. Neque tamen putandum est, in communione ista status integri fuisse summam *confusionem*; y) ac si propter jus commune omnium, nemini licuisset ex rebus in commune positis quasdam ad proprios usus ita accommodare, ut post earum apprehensionem aliis non integrum fuerit easdem ipsi rursus auferre. Quin potius in ipsa communione negativâ erat proprietas quædam, intuitu scilicet fructuum, quorum usus consistit in abusu. Hi enim si quis eos ad cibum vel potum adhibere voluit, statim ipsius postquam apprehenderat, erant proprii.

77. Sed

ad §. 74 u) Bæcl. ap. Pufend.
IV. 4. 13.

x) *An ergo etiam fuissent Reges, Electores, Comites, Barones, Do-*

ctores, Licentiatî, Magistri, Baccalarii? Et horum est pulcher ordo.

ad §. 76. y) Puf. IV. 4. 13.

77. Sed contradictionem involvere videtur, in communione, & vel maximè negativâ, quæ proprietatem excludit, 2) esse proprietatem.

78. Imo verò non involvit. Manere enim potest communio seu negativa seu positiva in toto aut partibus nobilioribus, vel rebus frugiferis, et si proprietas sit in partibus minoribus, a) vel fructibus.

79. Unde nascitur distinctio communionis utriusque b) in absolutam & temperatam. Absolutam voco, in qua ne minima quidem rei est proprietas. Temperatam ubi contrà.

80. Antequam Protoplasti ulla fruges ad abusum applicarent, communio absoluta erat; unâ saltem ad consumptionem arreptâ, incipiebat temperata.

81. Cave tamen per absolutam talem intelligas communionem, in quâ nulla possit esse proprietas. Hæc enim revera est non ens impossibile; quin potius hoc intuitu omnis communio esset temperata. At absoluta intuitu actus, saltem aliquo temporis spatio, et si per brevi, duravit.

82. Notanter autem dixi, c) in statu primævo per apprehensionem rei fungibilis ortum fuisse dominium, non per apprehensionem rei cujusvis. Nam si ea esset non fungibilis, sive mobilis, sive immobilis, sola apprehensio dominium non tribuebat, sed jus saltem momentaneum istâ re utendi, quamdiu eandem quis possideret, usu isto cessante alii æqualem potestatem habebant, vel habuissent istam rem ad suos usus accommodandi.

83. Sed jus quidem istud momentaneum non meretur titulum proprietatis, nec unquam, ut puto, à Jurisperitis eo fuit insignitum. d)

84. Ita

ad §. 77. 2) vide suprâ §. 43.

ad §. 78. a) à priori vero fit de-nominatio.

ad §. 79. b) Hic equidem ex pro-fesso agitur de communione negati-

va, sed poteris tamen faciliè paucis mutatis eadem distinctio applicari ad positivam.

ad §. 82. c) §. 76. in fine.

ad §. 83. d) Conf. §. 57.

84. Ita e. gr. Si Adamus sub umbrâ arboris cubaret, vel cum bestia quâdam luderet, non tamen propterea habebat proprietatem in istam arborem vel bestiam, etsi Eva illum nonnisi summa injuria à loco turbare aut bestiam auferre ipsi posset. Quod si sponte abiret vel ludere cessaret, poterat sine injuria locum vel bestiam occupare eadem.

85. Ita si Eva pomum decerperet comedendi gratia, nullum jus erat Adamo, quo id auferre conjugi potuisset, sed necesse erat, ut de alio prospiceret sibi, adeoque post apprehensionem pomi rectè dicere poterat Eva, pomum esse in ipsius dominio, quoniam videlicet maritum ab ejus usu excludere poterat in perpetuum.

86. Scilicet etsi communionem supra e) vocaverimus, quando rei substantia ita pertinet ad alium, ut eodem modo pertineat ad alterum; etsi *communio involvat jus aequale* utendi re communis; hæc tamen omnia ita intelligenda sunt, ut ex jure singulorum in rem communem non oriatur tale jus, quale est *jus omnium in omnia Hobbesianum*, quod produceret statum funestissimum belli communis.

87. Fluit exinde, quod abstrahendo ab omni pacto humano, ex ipso præcepto generali de *custodienda socialitate & pace* communis generis humani, nulla possit dari communio talis, in qua liceat socio socium turbare in usu rei non fungibilis, aut auferre ei rem fungibilem, quam consumere alter laborat.

88. Quin & præceptum speciale de *custodiendâ aequalitate* idem inculcat. Peccaret enim in eam haud dubiè, qui alterum à loco, cui incumbit, depellere, aut rem fungibilem illi auferre vellet, ut ipse in isto loco quiesceret, vel re ista frueretur.

89. Denique hæc demum licentia non posset non *summam confusionem & bellum* procurare. Nam cum istâ admisâ, æqualibus liceant æqualia, sequeretur suâ sponte, Adamum, si Eva licentiâ dictâ usa ipsi pomum abstulisset, eodem jure potuisse idem

Oo

pomum

pomum auferre Eva, & sic reciprocè in infinitum, donec is qui viribus esset superior, pomum deglutiret, & ita in reliquis; Haberes adeò bellum totius humani generis in protoplastis.

90. Unde quævis aliqui f) eruditè asseruerint, *occupationem*, quæ dominii causa est, vim hanc accepisse ex pacto primorum hominum *tacito*, limitationem tamen haud dubiè hæc eorum sententia recipiet in rebus fungibilibus, ad *presentem consumptionem* g) apprehensis, partim quod in his sine jure appropriandi per apprehensionem frustra sit omnis communio, b) utpote communem usum hominum involvens, hic verò communis usus ipse sit frustraneus, si aliis mihi iterum eripere liceat, quod ad necessariam consumptionem applicare volo; partim quod ipsi jus Hobbesianum eruditissimè refutaverint. i)

91. Nam quod alii l) objiciunt, positâ primæ facultate hominum in res, non posse intelligi, quomodo nudus *actus corporalis* unius, qualis est *occupatio*, cæterorum facultati præjudicare possit, nisi ipsorum consensus accedat; id est, nisi pactum interveniat; facile removeri potest.

92. Initio enim occupatio, quæ est *actus physicus*, proprietatem non introducit; sed *lex socialitatis* de custodiendâ æqualitate, *mediante hoc actu* physico, alios ab usu rei fungibilis ab altero jam apprehensæ excludit. m)

92. Deinde qui hanc objectionem utuntur, haud dubiè pactum pro fonte omnis obligationis agnoscunt. n). At nos suprà legem sup-

ad §. 90. f) Puf. §. 5. & 9.

g) Conf. suprà §. 76. verbis: *ad cibum & potum.*

h) Hæc verba sunt ipsius Dn. Pufend. d. §. 5.

i) Hoc enim fecit Dn. Pufend. *passim.*

ad §. 91. l) *Autor de principiis justis & decori ap. Pufend. d. §. 5. in fine.*

ad §. 92. m) Eadem fuit suprà

ratio in pacto. Eadem erit infrà ratio in generatione respectu patriæ potestatis.

ad §. 93. n) Est enim hæc hypothesis Hobbesii, quam defendere voluit Velthufius, seu *Autor de principiis justis & decori.*

supposuimus, quæ sæpè sine pacto, sine hâc nunquam pactum obligationem infert.

94. Qvod si tamen *pacti taciti* voce tam latè uti velis, ut sub se comprehendat pactum *presumptum*, lis magis circa verba erit, quàm rem ipsam. Qvippe suprâ o) demonstravimus, pactum hoc *presumptum* esse conventionem improprie dictam.

95. Illud vero non omittendum erit, non sine ratione *consumtionis presentis* nos fecisse mentionem, p) ut indicemus, haud quaquam in ea esse sententia, acsi occupatio rerum, fungibilum, cum intentione eas *seponendi ad futuros usus*, etiam citrà pactum, dominium producat. Nam qvemadmodum ejusmodi appropriationem neque communionis finis, neque socialitatis & æqualitatis custodiendæ præceptum infert necessario; ita non concipere ejus existentiam poterimus in statu isto perfectissimo. Ubi enim abundantia rerum summa fuisset futura, ubi perpetua summæ amicitiae æqualitas, ibi nulla ratio erat seponendi res fungibiles ad usus proprios; ibi hæc sepositio turbasset haud dubiè præceptum de custodienda æqualitate. q)

96. Pergamus ad *statum lapsus*. Mutata hic rerum facies. Ager tribulos proferebat loco frugum. Labor molestiam afferebat corpori humano, sine hoc vero rari fructus erant sperandi; corpus hominis adversus injuriam aëris opus habebat tuguriolis, vestimentis &c. quæ sine labore aliquo & industria non poterant confici, & extrui; bestiae sine molestia non poterant occupari & apprehendi; Harum sustentatio requirebat peculiarem industriam. Multum remiserat amor hominum, mutus communionis firmissimum sustinaculum.

97. Neque tamen propterea hæc mutatio *actualem distinctionem*

OO 2

non

ad §. 94. o) l. 2. c. 7. §. 32.

ad §. 95. p) §. 90.

q) Haud dubiè enim hæc sepositio

facta fuisset, ut quis præ aliis hominibus prerogativam haberet.

nem dominiorum intulit; r) neque DEUS post lapsum dominia rerum inter Adamum & ejus liberos de novo divisit; sed mansit concessio divina primæva, saltem in effectibus limitata & restricta. s)

98. Id vero inde secutum est: Non posse *salvâ pace generis humani communionem istam* beatissimi status amplius *observari*. Et si enim nullæ aliæ hic adfuissent rationes ulteriorem dominiorum distinctionem svadentes, suffecisset tamen vel hæc maximè, quod, si homines quidem in commune laborassent, & in commune contulissent fructus, ac de communi acervo fuissent sustentati; non potuissent non querelæ existere ob inæqualitatem laboris & fruitionis. Et inhumanum planè fuisset, si licuerit aliis turguriorum usum simul prætereundum vel vestium, quinihil ad eorum confectionem contulerant. t)

99. Non tamen propterea putandum est, *simul & semel homines à communione recessisse*; sed probabilissimè initio, quod res fungibiles concernit, conventum fuisse videtur, ut, quæ quisque ex fructibus communibus spontè provenientius comportasset, & ad futuros usus seposuisset, jure proprietatis possideret; tum quæ ex non fungibilibus, seu mobilibus, seu immobilibus occupasset, habitandi, colendi & fructus ex iis percipiendi gratia, ut & ipsa censerentur propria, & una cum iis fructus exinde provenientes, tanquam accessoria.

100. Igi-

ad §. 97. r) Sed causa tantum introducendi dominiû fuerunt, quamvis singula momentum aliquod ad introducendum dominium attulerint.

s) Per verba maledictionis.

ad §. 98. t) Hac tum scripsi, secutas Dn. Puf. hic §. 7. sed vereor jam, quod hac ratio sit sufficiens.

Potuissent enim hæc querelæ non existere, si bonus ordo in labore & fruitione fuisset observatus, prout ejusmodi ordinem finxit auctor historia Sevarambes. Ergo dic potius, malitiam hominum & cessationem amoris introduxisse distinctionem dominiorum.

100. Igitur, cum ab initio pauci fuerint homines, vastus vero terrarum sit orbis, constat, *pauca etiam initio fuisse occupata & dominio subiecta*, plura vero in communione mansisse, tamdiu donec multiplicato genere humano, & ex ipsis plurima, non tamen omnia, per occupationem aliorum proprietati accommodata fuerint. *u)*

101. *Quæ occupatio in statu post lapsum pactum omne excludere non videtur.* Et si enim & hic naturalis ratio svadeat, dominia rerum distinguere; et si svadeat, occupationem esse modum litibus terminandis maximè convenientem; tamen non præcipit præcisè, ut per apprehensionem dominium adipiscamur. *x)* Est enim inter apprehensionem rei fungibilis in instanti consumendæ, & apprehensiones reliquas ingens differentia. *y)*

102. *Prior apprehensio intendebat usum, à quo usu etiam per regulas communionis me non debebant arcere alii.* At hic usus ex natura rei non intelligi poterat, si non potuisssem alios excludere. In reliquarum vero rerum apprehensione usus meus, et si non ita commodus, esse potest, etiamsi alios à communicatione rerum harum non arceam.

103. *Quin & non improbabile est, multiplicatis hominibus, ad evitandas rixas & introducendo bono ordini, quasdam res ab ipsis mutuo consensu fuisse divisas, & cuilibet suam portionem propriam assignatam, hâc additâ conventionem, ut quæ in primâ rerum divisione in medio forent relicta, deinceps ejus possent fieri, qui primus easdem sibi per apprehensionem asseruisset.*

104. Igitur verissimum est, dominiorum in his rebus distinctionem in statu post lapsum ortam esse maximam partem, *ad*

Oo 3

lites

ad §. 100. u) Nam dantur etiam
hodie multa loca possessione vacua.

x) Potuisses enim etiam per di-

visionem, per sortem &c. fieri.

y) Illius acquisitio fuit ex destina-

tione rei communis, hujus non.

lites præscinderentur, etsi propter depravationem hominum z) bella sæpius a) de meo & tuo oriantur. b)

105. Convenit cum his quæ diximus, exactè, certè minimè iis repugnat *historia sacra*, sive filios *Adami*, sive in reparatione generis humani post diluvium *Noachi* progeniem respicias.

106. De prioribus nil memorat eadem, quam quod *Abel pastor ovium, Cain autem agricola factus fuerit*. Quæ verba uti occupationem præcedentem non excludunt, imò præsupponunt, ita multæ sunt rationes, ne statuamus, Adamo præceptum fuisse à DEO, ut in statu integro distribueret dominia rerum in liberos, hoc vero propter brevitatem temporis eum ibi facere non potuisse, fecisse ergo post lapsum, ac distribuisse partem bonorum inter Cainum & Abelem, ut ille immobilia, agros; hic mobilia, pecora campi possideret &c. c)

107. Nam præterquam quod istud præceptum divinum de dividendis partibus terrarum orbis in scripturâ non extat, sed ad figmenta cordis humani referendum est; supra d) jam ostendimus, divisionem bonorum pugnassee cum perfectione status beatissimi,

108. Neque codex sacer quicquam de divisione Adami in Cainum & Abelem, aut quod his non licuerit præter res à patre ipsis assignatas, alias possessione vacuas apprehendere.

109. Etsi enim Adamo patriam potestatem non negemus, tamen hæc, abstrahendo à legibus civilibus, ne quicquam potestatem in res liberorum infert. & in adultis quales erant Cain & Abel, per infra e) dicenda, expirat sponte.

110. Istud

ad §. 104. z) Ita idem velle firmissima amicitia est, aliquando tamen causa belli. Ita scriptura est lumen ad salutem, eadem tamen vitia hominum depravatur ad damnationem eternam.

a) *Plura tamen forent bella, si*

non introducta essent dominia.

b) *Aliquando propter solam contumeliam.*

c) *Sunt hæc verba D. Alberti p. 138. §. 20.*

d) *§. 107. d) §. 70. seq.*

e) *ad §. 109. e) lib. 3. c. 4.*

110. Istud vero inter jucundas speculationes referendum, *Abeli* in ista divisione contigisse *mobilia*, *Caino* *immobilia*: Quasi Cain non opus simul habuisset bove aratore, *f*) quasi nihil præter frumentum comedisset; quasi Abel non indiguisset pascuis, unde oves sustentaret, aut pane non usus fuisset in cibum. Nisi dicere velis, simul Adamum introduxisse commercia inter fratres, permutationes, *g*) conductiones *b*) &c. aut plura ad defendendas ejusmodi meditationes, scripturâ tacente, & propemodum reluctante.

111. *Noachi* ævum quod attinet, eandem benedictionis formulam hic adhibuit DEUS, qua utebatur erga Protoplastos, *i*) ergo & eadem hujus expositio facienda, quæ illius, in quantum nempe conditio humani generis per lapsum mutata admittit. Certè nulla sculpenda erit dominii privati introductio.

112. Quod ut eo minus haberet dubii, notanter scriptura dicit, DEUM in benedictione illâ & concessione potestatis subji-
ciendi sibi reliquas creaturas, non ad solum Noachum verba direxisse, sed simul ad ejus liberos, indicio, hos exinde jus æquale, cum patre fuisse nactos.

113. Igitur probabilissimum est, inter *Noachi* posteros etiam mediante occupatione paulatim rerum dominia fuisse distincta, cum Historia sacra divisionem inter eos à patre factam esse fileat.

114. Cujus verba nimium quantum torqueri oporteret, si quis ex iis exsculpere velit, ac si *Noa* inter filios suos distribuerit gentes & insulas, ut suam quisq; portionem tranquille possideret. *l*)

115. Etsi enim Philastrius *m*) distributionem istam tam certam esse censeat, ut negationem ejus inter hæreses numeret, non magis:

ad §. 110. *f*) Et forrè ovibus vel aliis bestiis, quæ ad res mobiles pertinent.

g) *v. g. panis cum ove.*

h) *v. g. pascui, bovis &c.*

ad §. 111. *i*) Gen. IX.

ad §. 114. *l*) Quæ est iterum opinio D. Alberti c. 7. §. 20. p. 138. provocantis ad Genes. IX. v. 26. & 27. & X. v. 32.

ad §. 115. *m*) Hæres 7. Alb. d. l. §. 21. p. 139.

magis tamen hunc hæreticem timemus, atque Jcti Baldum vel quisquis ex antiquis glossatoribus fuit, statuentem hæresin esse, si quis neget, Imperatorem esse mundi dominum.

116. Uti enim istud terribilamentum non terruit Bocharum, *n*) quin ab illâ sententiâ recederet, *o*) ita jam observarunt alii, pertinere istam traditionem de divisione Noachicâ ad fabulas Pseudo-Berosi. *p*)

117. Et quomodo Noachus gentes potuit distribuere inter filios? Nullæ fuere gentes nisi ex ipsis Noachi liberis. An ergo jam tum tempore divisionis fuerint integræ gentes? An Noachus ademit liberos unius filii, & transtulit in potestatem alterius? An vero gentes quædam remanserunt diluvio non submersæ, quas Noachus liberis suis assignaverit?

118. Igitur maximè hic cavendum, ne, dum interesse privatum respicimus, fingendo aliquid ad confirmandam novam & hæctenus inauditam hypothesin, *q*) interesse commune Christianismi prodamus, adversus defensores Præadamitarum, omnem moventes lapidem, ut ostendant diluvium Noæ non fuisse universale, sed pertinuisse saltem ad terram Judæorum. *r*)

119. Constat igitur ex dictis, quisnam sit sensus præcepti de non turbando alterum in usu creaturarum, *s*) duplex nempe; vel communionem vel dominium respiciens. Priori modo obligatur quis, *ut quamdiu per occupationem vel alium dominii acquirendi modum proprietatem non quaesierit, alios æquo secum jure in usu ejus rei frui patiatur.*

120. Po-

ad §. 116. n) Geogr. S. part. 1. lib. 1. cap. ult.

o) *Quamvis ex parte saltem, ut exponit Alb. d. l.*

p) vide Schotani Biblioth. hist.

facr. P. 2. p. 93. Conf. Perer. in Genes. c. 9. n. 206. p. 411.

ad §. 118. q) v. g. de statu integro norma status corrupti.

r) Schot. d. l. P. I. p. 168. seqq.

ad §. 119. s) vide supra §. 34.

120. Posteriori vero respectu quis est obstrictus; *Ut re alterius dominio subjecta, citra Domini voluntatem, uti, regulariter & excepto summae necessitatis casu, t) non pretendat.*

121. Porro ex causis introducendi domini & hujus definitione fuit adhuc aliud speciale praeceptum ad communionem referendum: UT HOMO RES INEXHAUSTÆ UTILITATIS ET Â QUARUM USU ALIOS ARCERE VIRES HUMANAS EXCEDAT, INTRA PRIMÆVAM COMMUNIONEM MANERE SINAT.

122. Quoniam enim omnis proprietatis finis est iste, ut quis rem communibus usibus non sufficientem, vel occasionem ad lites præbentem, si maneat in communione, sibi soli per apprehensionem acquirat, ita ut in posterum alios ab eorum usu arcere possit; inde patet, tria requiri ex parte rei dominio subjiaciendæ.

123. I. Ut res *usum* aliquem hominibus mediâtè aut immediâtè possit præbere *u)* per se, aut per coherentiam cum aliâ re. Nam planè inutilia sibi vindicare velle, supervacuum & ineptum esset. Quamvis fortè difficile sit ejusmodi rei planè inutilis exemplum proferre.

124. II. Ut res non præbeat naturâ suâ *usum* omnibus hominibus sufficientem citrà periculum dissidii. Quod si enim secus sit, peccaret quis contrà praeceptum de æqualitate custodiendâ & in specie de vitandâ superbiâ, si ab ejusmodi rerum usu alios vellet excludere.

125. Scilicet res quædam *x)* *usum* hominibus præbent *arctis* velut finibus circumscriptum, nec cum pluribus communicari aptum, quales in proprietatem ire pacis quàm maximè interest.

126. Aliæ vero res, cum *diversos* sui usus præbeant, secundum quosdam usus *exhauriri* possunt, secundum quosdam omni-

Pp bus

ad §. 120. t) Suprà c. 6. hujus
libri §. 20. seqq.

4. cap. 5. (quod caput cum §§.
seqq. quoque conferendum.)

ad §. 123. u) Puf. §. 1. & 2. lib.

ad §. 125. x) *Ut res fungibiles,*
spatia minora terra. Puf. §. 4.

bus abunde *sufficiunt*. y) Respectu itaque priori expedit, eas fieri proprias, respectu posteriori postulat lex de officiis humanitatis, ut isti usus aliis communicentur.

127. Huc referimus lumen caloremque Solis, aërem, flumina & similia. z) Igitur non malignum & inhumanum est, a) si quis has res proprietati subiciat, sed usum innoxium earum aliis denegare velle, id inhumanum foret.

128. Quod si vero res *quoad omnes usus* sufficiat omnibus hominibus, tunc demum à ratione abhorret, eam velle dividere.

129. Notanter tamen addidi, b) si ejusmodi usus proferat res aliqua à natura sua, quorum exercitium non det occasionem dissidiis.

130. Unde patet, quamvis *totius terræ* tanta sit magnitudo, ut ad quemvis usum omnibus populis sufficiat, non tamen vel ideò in communione manere potuit, quoniam post lapsum maximè ad percipiendam ex ea utilitatem requiritur *industria humana*, & præterea etiam in illis usibus, quos sine industriâ hominibus præbet, *occafio daretur litibus*, si non per partes occupare eam licuisset. c)

131. Sed exemplum desideras forte ejusmodi rei, quæ naturâ suâ usum omnibus præbeat hominibus citrà occasionem dissidendi? Dabo: Considera *vastum Oceanum*, magnis continentibus Europæ, Africæ, Asiæ, Americæ, terræ Australi & incognitæ

tx

ad §. 126. y) ut flumina, si in iis partim ad usum piscationis, partim ad usum navigationis respicias.

ad §. 127. z) Quamvis enim lumen, calor solis, aër &c. sint usus inexhausti, quatenus in se considerantur, tamen, quia his uti non possumus sine subsistentia in loco, inde hoc respectu horum usus dici poterit exhaustibilis, ut ipsius terræ,

a) Ili opinatur Dn. Puf. §. 2.

ad §. 129. b) §. 124.

ad §. 130. c) Ita v. g. in locis calidis, ubi rarior est umbra, occasio data fuisset litigiis, si quidam semel occupato loco umbratili, ab eo iterum recedere nolissent, & alios ad fruitionem umbræ admittere, quamdiu per apprehensionem ejusmodi non licebat dominium rei sibi acquirere. Adde Puf. §. 4.

te interjectum. Ex hoc quoscunque percipit usus *d)* homo, toti humano generi sufficiunt, neque industriam & culturam desiderant. Quin & occasionem dissidii non præbent, cum non sint quotidiani, *e)* ut timendum sit, frequenter homines in usu Oceani concursuros esse.

132. III. Ex parte rei ad dominium habilis requiritur, ut res ipsa *apprehensioni & custodiæ* hominum aliquatenus sit obnoxia. Quia enim proprietas includit jus alios homines ab eâ re arcendi, inutile hoc foret, nisi adversus alios in actum posset deduci, & frustra adeo proprium sibi quis assereret illud, ubi nulla ratione prohibere posset, quo minus cæteri ipso invito de istâ participant. Quo pacto peccaretur in officium hominis erga se ipsum, quod jubet, supra vires non esse nitendum. *f)*

133. Quo arctius igitur res aliqua veluti claudi & circumscribi potest; eo facilius *g)* effectus proprietatis adversus alios obtinentur, adeoque, quod aptior est aliqua res, ut injustæ aliorum manus ab illa excludantur, eo securiorem ejusdem proprietatem sibi spondere licet.

134. Uti tamen aliqua res non statim à proprietate est exempta, abs quâ non ita commode aliorum manus possunt arceri, ita si quid ita sit diffusum, ut vel impossibile moraliter sit custodia qualicunq; eam amplecti; aut ipsa custodia longè pluri sit impensarum, non solum non præsumendum *b)* est, quempiam rem tam onerosæ tutelæ sibi voluisse propriam reddere, sed & si vel maxime id quis voluerit, jure tamen voluisse non potuit. *i)*

Pp 2

135. Exem-

ad §. 131. d) *Putæ navigationis, piscationis &c.* Puf. §. 9.

ad §. 132. e) *Uti usus terræ. Est enim status extraordinarius eorum qui navigant.*

ad §. 132. f) vide supra l. 2. c. 2. §. 32. adde Pufend. §. 1.

ad §. 133 g) *Uti 1. res in specie mobiles, 2. immobiles, 3. se moventes.* Adde Puf. §. 3.

ad §. 134. h) *De præsumptione loquitur Dn. Puf. d. §. 3.*

i) *propter §. 132.*

135. Exemplum iterum cape de *vasto Oceano*. l)

136. Vides igitur, quid de controversiâ illustri de *maris dominio*, sit pronunciandum; Nempe ut paucis me expediam, partes maris, quæ ad *vastum Oceanum* referri nequeunt, per occupationem dominio subijci potuerunt, m) *Oceanus* jure non potest. Rem alii n) exposuerunt prolixius & erudite.

137. Cæterum semel introducto dominio non sufficiebat amplius *occupatio sola* ad proprietatem rerum acquirendam, cum ea tam diu saltem valeret, donec res nullius domino jam esset acquisita. Necessitas igitur humani generis atque ejus utilitas exegit, ut præter occupationem & *alii modi* usurparentur.

138. Quos ex dictamine rationis, & quatenus communiter inter gentes abstrahendo à legibus civilibus, sunt recepti, doctrinæ gratia ita commodissime *dividere* o) posses, ut alii sint *principales*, qui peculiaribus constant regulis, alii *accessorii*, p) qui reliquorum omnium regulas pro diversitate circumstantiarum participant, ipsi verò novis regulis non gaudent.

139. *Principalis* modus est vel *originarius* vel *derivativus*. q) Per illum ab initio in rem aliquam proprietas introducitur; per hunc dominium constitutum ab uno in alterum transit.

140.

ad §. 135. l) Etsi enim Dn. Puf. §. 9. dicat, *vastum Oceanum* per magnitudinē suam h. aud quicquam absolute reddi proprietatis incapacem, tamen ibi non videtur respicere ad nostram thesin, sed magis voluisse contradicere Grotio, qui propter magnitudinem dicit in oceano deficere terminos, & propterea cum esse dominii incapacem.

ad §. 136. m) Quoniam istam sal-

tem utilitatem præstant, ut possim alios arcere à terra mea.

n) Pufend. §. 5. seqq. usque ad finem.

ad §. 138. o) Aliter procedit Dn. Pufend. lib. 4. cap. 6. usque ad cap. 12. quæ capita cum sequentibus §§. sunt jungenda.

p) vide §. 206.

ad §. 139. q) vide §. 156.

140. *Originarius* modus hodie) est unicus, *occupatio*; hæc vero est *apprehensio rei nullius, cum animo sibi eam appropriandi*. Unde regula vulgaris: *Quicquid nullius est, occupanti cedit*.

141. Prout autem res ipsæ variant; ita variat etiam rerum apprehensio. Hinc *mobilia* manibus, *immobilia* ingressione adeoque pedibus apprehenduntur.

142. Est & alia inter hæc duo differentia; ad occupationem *immobilitum* sufficit solus corporis contactus, at in *mobilibus* requiritur etiam, ut ex eo loco, ubi positæ fuerunt, dimoveantur & in locum aut custodiam nostram transferantur. s) Quanquàm forte dicendum sit, & in mobilibus sufficere apprehensionem absque motione, si modo illa demonstrari possit. t)

143. Item res *mobiles* & præprimis *se moventes* occupantur instrumentis, v. gr. jaculis, laqueo &c. at *immobiles* jaculis v. gr. u) apprehendere, nunquam inter gentes receptum fuit.

144. Porro cum *mobiles* regulariter terminos certos ac fines habeant, nullum est dubium, quin si unum rei terminum apprehendam, totius rei dominium acquisiverim.

145. At in *immobilibus* quoniam hæc ferè naturaliter sibi coherant, distinguendum erit. Velenim ex fines certos acceperunt ab hominum industriâ, vel minus. In illis (quales sunt ædes, x) etiam præsumetur tota res acquisita, si pars apprehensa corpore sit, v. gr. si quis ædes sit ingressus. In his vero necesse est,

Pp 3

ut

ad §. 140. r) Olim poterat etiam esse divisio. Vide supra, §. 102. 103.

ad §. 142. s) Ita etiam si aves in nido tetigerim, ab eam tamen posita, possunt ab alio abstrahendo à legibus civilibus occupari. Simile quid in apibus.

t) e. g. acquiri feram bestiam mortuam, quam primum cornua teneo, lapillum, cum manu tango.

ad §. 143. u) Vide exemplum de Andriis & Chalcidensibus apud Puf. IV. 6. §. 8.

ad §. 145. x) Huc pertinent etiam agri, postquam certi jam termini ipsis ab hominibus sunt positi.

ut aliis signis corporeis declarem animum meum, quousque eas occupare voluerim. y)

146. Qualia signa sunt, si limites ponam, si culturam iis adhibeam &c. x)

147. Denique cum *mobilia* accedant immobilibus, non hæ istis, igitur abstrahendo à specialibus statutis, occupatione mobilium a) nunquam acquirentur immobiles. At *immobilium apprehensione* simul res mobiles his accedentes acquisitæ regulariter erunt. b)

148. Pro *accessoriis* autem habebuntur omnes *res nullius*, quæ in rebus immobilibus continentur, aut quarum sine immobilibus non est usus, siue sint mobiles in specie, ut res inanimatæ, siue se moyentes, ut bestię, siue supra terram, ut aër, siue intra eandem, ut v. gr. thesaurus. c)

149. Siue ita sint comparatæ, ut istis statim possim uti pro lubitu, siue speciali & laboriosa apprehensione ad utendum iis sit opus. d)

150. Siue sciam, ubi eas deprehendere possim, siue nesciam. e)

151.

y) In acquisitione nempe originaria. Nam in derivativa, si minimam partem fundi pedibus tangam, erit possessio acquisita. Nullum enim mobile potest esse sine immobili, saltem quoad usum hominis.

ad §. 146. 2) Unde si mercator cum sua familia per naufragium ejiciatur in insulam desertam, tantum id ex insula occupasse censebitur, quantum coinxit, aut limites posuit. Reliquæ partes ab aliis, qui per naufragium eò appellantur, oc-

cupari possunt. Adde Pufend. IV. 6. 8.

ad §. 147. a) v. g. clavium,

b) vide §. 206.

ad §. 148. c) De feris bestiis & thesauro dissentit Dn. Puf. IV. 6. §. 4. 6. 7. Sed mihi videntur rationes ejus, quas movet circa feras bestias, etiam ob stare acquisitioni bestiarum mansuetarum, alia ut jam taceam.

ad §. 149. d) Ut in feris bestiis.

ad §. 150. e) Ut in thesauro.

151. In eo tamen inter res *se moventes & motas ab alio* est differentia, quod dominium rerum *se moventium*, [quorsum etiam refero aërem] sine speciali apprehensione sit saltem momentaneum, & quamdiu eadem seipsas non movent extra rem istam immobilem; quod si verò citrà factum humanum aliunde se conferant, desinat dominium nostrum, quoniam tùm sunt accessoria aliarum. f)

152. Alia est ratio *rerum mobilium* in specie; quoniam enim hæ regulariter non nisi ab hominibus moventur, per ejusmodi motionem dominium meum non potest interverti, neque moventes earum dominium per apprehensionem acquirere, quoniam ante apprehensionem non erant nullius.

153. Quod si igitur is, qui rerum immobilium dominus per occupationem est factus, *res se moventes* g) separatim apprehendat, & ex manebunt in illius dominio, etiamsi postea seipsas in alium transferant locum.

154. Cæterum uti res semel acquisitæ per *derelictionem* desinunt esse in nostro dominio, & primaviam conditionem recipiunt; ita nullum debet esse dubium, earum rerum dominium quærendum esse per *occupationem*.

155. Ex dictis jam facile responderi poterit ad quæstiones spinosas Jctorum b) de *acquisitione ferarum bestiarum*, i) ac *amissione*

ad §. 151. f) Atque hic iterum puto eandem esse rationem *bestiarum ferarum & mansuetarum*. Et accurate loquendo, si res nullius occupata fuerit, et si ibi contineantur *bestia mansueti generis*, ut oves, gallina, revera tamen nondum essent mansueta, non enim degerent inter homines, nisi fortè in rebus derelictis.

ad §. 153. g) Sive feras bestias, sive mansuetas. Tum enim sunt *acquisita non amplius ut accessoria, sed ut principales*.

ad §. 155. h) Conf. Puf. cap. 6. §. 4. 5. 6. 7. 10. 11. 12. 13. & cap. 9. §. 8.

i) Quod non acquirantur nisi per *occupationem*, quod item potuerint occupari in fundo alterius.

sione l)) earundem, de acquisitione gemmarum in litore maris inventarum, m) de jure principis hodierno in easdem, utrum pro dominio n) sit habendum, & an subditi contra prohibitionem principis veniantes furtum o) committant? de acquisitione item thesauri, utrum ad occupationem spectet? p) Et an eò referri debeat acquisitio missilium? q) &c.

156. Cum autem utilitas rei & in eo consistat, ut invitum rem retinere non cogi possim, sed eam pro lubitu in alium transferre queam, inde sequitur jam, ut videamus modos acquirendi *derivativos*. Atque hi omnes abstrahendo à legibus, nituntur *voluntate domini prioris* & ejus in quem dominium est transferendum; nihil enim tam naturale est, quam ut voluntas dominorum rem suam in alium transferre volentium effectui gaudeat. r)

157. Et de ejus quidem, in quem dominium transferendum est, voluntate raro oriuntur controversiæ: At quod *voluntatem domini prioris* attingit, declaratur illa vel *expressè* vel *tacitè*. s)

158. *Expressè* per sola verba, v. gr. si quis contestetur, quod in favorem alterius id acceptantis renunciaret dominio suo. t)

159. Vel per verba, quibus translatio possessionis juncta est, qui modus una voce appellari solet *traditio*.

160. Quoniam vero vox audita perit, scripta etiam & testibus presentibus ore prolata quoad interpretationem varias admittit

1) Quod etiam speciatim occupatarum dominium amittatur si in libertatem naturalem se receperint.

m) Quod pertineant ad privatos inventores.

n) Quod puto propter §. 147. seq. Dissentit tamen Dn. Puf. Sed vide quæ notavi jam ad §. 148.

o) Et hoc ergo affirmo.

p) Eò refert Imperator in instit. Sed male. Pertinent enim magis ad accessionem.

q) Omnino, quamvis Justinianus referat ad traditionem.

ad §. 156. r) Adhibet ipse Imperator hanc regulam §. traditione Inst. de R. D. Conf. quoad hunc & seqq. §§. Puf. lib. 4. cap. 9.

ad §. 157. s) §. 177. seqq.

ad §. 158. t) Et hic enim obtinet regula §. 156. Et si dissentiat Jus Romanum l. 20. C. de pactis.

mittit disceptationes ; à possessione verò usus rerum ferè dependet, ac ipsa possessionis translatio litigiis non ita est obnoxia, inde patet, *evidentior*em longè esse dominii translationem , quæ fit *mediate traditione*.

161. Unde rursus sine magno labore responderi potest ad quæstionem : Utrum *traditio* præcisè requiratur ad translationem dominii ; an vero sit solius Juris Romani inventum ? *u*) Item quibus ex rationibus Romani in quibusdam negotiis & potissimum in ultimis voluntatibus *x*) translationem dominii, sine possessione admiserint ? Denique, cur legibus Romanis plures modi *fictæ* vel *Symbolica traditionis* *y*) fuerint inventi ? &c.

162. Porro quæ per *verba sola* fit dominii translatio , vel mediantibus *actibus inter vivos* & contractibus fit, *z*) vel mediante *ultima voluntate*, seu *testamento*. *a*)

163. *Testamentum* igitur hoc loco nihil est aliud , quàm dispositio verbis declarata de eo , quod quis post mortem suam fieri velit de bonis suis. *b*)

164. Nam & illud in qualecunque mortalitatis solatium , si non apud omnes Gentes , certè apud plerasque fuit receptum , ut quis vivus sua bona transferre posset in eventum mortis in eum , quem maximè amaret.

Qq

165. Cœ-

ad §. 161. *u*) Non requiritur præcisè, sed est tamen melior. *Distinctio* Dn. Pufend. §. 7. inter dominium consideratum absque possessione, & *juncta eadem*, sitem non tollit. Querebatur enim , an dominium sine possessione possit transferri ?

x) Quia hic testamentum tollit lites. Romani etiam sine traditione possessionis vacuè inter vivos transferrebant dominium, si fundus à tercio possideretur, excepta venditione.

y) Quia in *ficta* possessio jam erat translata, in *symbolica* signum evidentius adest, ut in traditione clavi-um, obsignatione.

ad §. 162. *z*) Scilicet abstrahendo à jure civili.

a) Hoc agnoscit ipsum jus civile.

ad §. 163. *b*) Sive sit de universis bonis, sive de quibusdam, ita ut sub se comprehendat etiam Codicillos secus ac de jure Civili. *Conf.* quoad hunc & seqq. §§. Puf. lib. 4. c. 10.

165. Cœterum cum antiquissimis temporibus usitatum fuisse videatur, ut imminente jam fato, palam suos heredes nuncuparent & patrimonium de manu in manum ipsis traderent, postea graves ob rationes multis populis aliud testamenti genus magis arripuit; ut nempe quocunque tempore placeret, ultimam suam voluntatem significare, vel literis tacite consignare possent, quam mutare pro lubitu liceret, & ex quâ heredibus nuncupatis aut scriptis tum demum jus nasceretur, quando testator expiraret.

166. Atque tales ultimæ voluntates licet merito magnum habeant favorem, ita tamen temperandæ erunt, prout necessitudinum ratio & utilitas civitatum requirit. Quæ & inde legibus preverunt cavere, quomodo cuique testamenta sint ordinanda. c) A quarum dispositione qui discesserit, queri non potest, suæ voluntatis non fuisse habitam rationem.

167. Quoniam autem sæpius non expedit, ut totam rem meam in alterum transferam, sed *utilitatem* saltem ac *commoditatem* d) aliquam, quâ opus habebat alius, proprietate mihi retentâ, inde & has commoditates vel per sola verba, vel per conjunctam traditionem, vel per ultimam voluntatem gentes communiter transferre consueverunt.

168. Fit vero hæc translatio ita, ut saltem intendatur *obligatio personalis*, ac nullum onus ipsi rei commoditatem illam præbenti imponatur, quod fit v. gr. in *commodato*, *locatione* &c. vel ut alter intuitu istius utilitatis *jus aliquod in re nostrâ*, salvâ tamen nobis manente proprietate, nanciscatur.

169. Et hoc quidem casu vel *proprietatis nostræ* quædam *particula*, dependens tamen atque in respectu ad nostram ignobilior unâ cum potestate utendi fruendi alteri transcribitur; unde oritur distinctio inter *dominium directum* & *utile*, cujus species sunt, *jus emphyteuticum*, *superficiarium*, & *Vasalli in Feudum*; vel *proprietas tota* apud nos remanet.

170. Quo

ad §. 166. c) Hinc solemnitates & requisita juris civilis, quæ ignorantur in jure naturali.

ad §. 167. d) Quoad hunc & seqq. §§. Conf. Puf. lib. 4. c. 8.

170. Quo pacto vel intenditur in specie *securitas* ejus, qui utilitatem nobis aliquam attulit, ut indemnitas servetur, & vocatur *Jus hypotheca vel Pignoris*; vel alia quædam quæcunque utilitas, & dicitur *servitus*.

171. Quod si illa utilitas principaliter *personam* alterius respiciat, nominatur *servitus personalis*, quales sunt, ususfructus, usus, habitatio, operæ servorum &c.

172. Quod si vero respiciat primario *utilitatem prædii alieni*, dicitur *servitus realis*.

173. Et quidem, si prædium illud spectet *ad usum urbanum* ædificiorum, appellatur *servitus urbana*, si *ad rusticum*, qui consistit in agriculturâ & pecuariâ, nominatur *servitus rustica*.

174. *Servitutis urbanae* species sunt, servitus oneris ferendi, tigni immittendi, protegendi & projiciendi, stillicidii vel fluminis recipiendi vel non recipiendi, fumi, cloacæ, luminum, ne luminibus officiatur, altius tollendi vel non tollendi prospectus, ne prospectui officiatur &c.

175. *Servitutum rusticarum* exempla sunt servitus itineris, actus, viæ, aquæ ductus, aquæ haustus, pecoris ad aquam appulsus, pascendi, calcis coquendæ, arenæ fodiendæ, cretæ lapidisque eximendi, ligna secandi, uvas premendi &c.

176. Sed de his quidem juribus explicandis maximam partem sollicita est *Jurisprudentia Romana*, quoniam ejusmodi jurium translationes frequentissimè inter privatos oriri solent. Quam adeo ob singularem æquitatem, & quia JCti Romani sæpissimè ex dictamine rectæ rationis controversias diremerunt, gentes Europæ maximam partem & in conventionibus publicis observare solent. Quatenus autem & ipsa quandoque ex rationibus merè civilibus quæstiones definivit, id commodius alibi demonstratur. e)

Qq 2

177.

ad S. 176. e) v. g. quod in usufr. locum habeat jus accrescendi etiam respectu illius, qui partem suam amisit, quod in servitute oneris ferendi resectio pertineat ad fundum

servientem, quod servitutes prædiorum non possint constitui ad tempus, quod debeant habere causam perpetuam. Conf. disput. nostr. de servit. stillicidii.

177. Ergo in viam redeamus, non neglecturi videlicet translationem domini, quam supra f) tacite fieri diximus. Locum illa habet potissimum tum in *successionibus ab intestato*, tum in *usucapione*. g)

178. *Successio ab intestato* h) tum habet locum, si quis nullum testamentum reliquerit, vel heres testamento scriptus noluit aut non potuit heres esse. i)

179. Tunc igitur moribus communibus gentium receptum est, ut res relictæ non habeantur pro derelictis & quæ occupantibus debeant cedere; partim quoniam præsumebatur potius quis mortalitate præventus esse, aut in spe sua, quam de amico quodam sibi fecerat, deceptus.

180. Quapropter ex tacitâ defuncti voluntate communiter constitutum fuit, ut is bona sibi vindicaret, qui tempore mortis *firmissimâ amicitia* â defuncto dilectus erat.

181. Quis vero hoc *amici* nomine insigniendus esset, *conjecturis* erat opus, difficilius omnino, cum homines in amicitiiis suis varient maximè.

182. Et quidem cum *amicitia* nitatur vel causis *naturalibus*, communitate nempe sanguinis, vel rationibus *spontaneis* ac *peculiaribus*; *posterior* hæc ad præsens negotium non ita commoda visa fuit, propter summam definitionis difficultatem ac propè impossibilitatem. l) Cui accedebat, quod cum hæc difficultas non incognita fuerit defuncto, & vero eidem facile per conditionem testamenti obvenire potuisset, hoc neglecto, ipse videretur declarare voluisse, non attendendos esse amicos ejusmodi.

183. Re-

ad §. 177. f) §. 157.

g) §. 191.

ad §. 178. h) Hic jungere incipe

Pas. lib. 4. cap. 11.

i) Quod dicitur destitutum. Ad nullum refer etiam, quod ipso jure

nullum est, aut ruptum vel irritum factum est.

ad §. 182. l) Non solum propter variationem, sed & quia sapius unus homo cum pluribus conversatur aequaliter.

183. Remanebat itaque *prior amicitia*, ad quam cum maioribus stimulis actus fuisse præsumeretur defunctus, quo proximior fuisset sanguinis communio, inde ferè communiter gentes in assignandâ hereditate istam fuere secuti regulam, quod *proximior sanguine debeat eandem acquirere*.

184. Porro quemadmodum regularum, quæ ex conjecturis formantur, nulla est sine *exceptione*, ita & gentes, alias prioribus addentes conjecturas, exceptiones quasdam ab illâ regula fecere; quas doctrinæ causâ in *communes*, à circumstantiâ videlicet omnibus hominibus communi desumptas, & *proprias*, quæ circumstantias uni genti vel pluribus peculiare respiciunt, *m*) dividere posses.

185. Nituntur utraq; exceptiones distinctione consanguineorum vulgatâ, in tres ordines, *descendentium*, *adscendentium* & *collateralium*.

186. *Descendentes* seu liberos quod concernit, hi quidem à præfatâ regulâ *universalem* exceptionem fecerunt, ut videlicet, quocunq; gradu sint, adscendentibus & collateralibus omnibus præferantur, *n*) ob *συνγονίαν* universalem parentum, magis semper descendentem quam ascendentem.

187. Cui cum accederet in multis casibus (& nempe, quoties liberi nondum essent adulti, *o*) ut ipsi sibi de divitiis commodè prospicere possent,) debitum naturale, *p*) quo parentes obstringuntur liberis prospicere de alimentis, eò magis creditum fuit,

Qq 3

paren-

ad §. 184. m) Et adeò magis pertinent ad jus civile. vide §. 188.

189.

ad §. 186. n) Non solum quoad ascendentes & collaterales fecerunt exceptionem à regula, sed & inter se, quippe nec hic proximior excludit remotiorem, sed moribus ferè

gentium communibus hic locum habet in perpetuum jus representationis.

ad §. 187. o) Neg, haberent jam aliunde, v. g. ex aliorum testamentis, unde se sustentare possent.

p) In hoc debito se fundat legitima.

parentes sine testamento defunctos liberis quam lautissimè voluisse prospicere, ac quæ sibi superfuerant, ipsis potissimum voluisse relinquere.

188. Sed quod *ascendentium* & *collateralium* ordines attinet, tam aperta ratio non fuit, uter ex his ordinibus alteri præferendus esset, q) cum in omnem partem non deficerent conjecturæ probabiles: sive asseras, fratres præferendos esse parentibus secundum Jus Romanum antiquius; r) sive fratres parentibus postponas cum Jure Saxonico; s) sive & parentes & fratres, cum Jure Justiniano, simul admittas. t)

189. Ne ergo litibus difficilioribus ansa daretur, necesse fuit, ut vel per leges vel per pacta disputationes hæc in antecessum tollerentur. Quapropter nulla Respublica est, nulla provincia, quæ non leges vel scriptas, vel non scriptas in materiâ successionis ab intestato sequatur.

190. Quæ simul de prærogativâ *legitimitatis* *sexus*, *ætatis*, *agnationis*, *jure representationis*, subinde disponunt.

191. Sequitur *usucapio*, u) quæ dicitur, cum quis rei alicujus possessionem nactus, eam diu quietam & non interruptam obtinuit. Tum enim pro perfecto ejus rei domino habetur, ita ut antiquum dominum, si postea rem eam vindicare velit, repellere queat.

192. Ob-

ad §. 188. q) Habet quidem Dn. Pufendorffius d. c. 11. & hic aliquam determinationem, non improbabilem quidem, at non communiter receptam.

r) Quoniam parentes regulariter secundum ordinem natura non debent sperare quicquam ex bonis liberorum, & præsumebantur adeo æquo animo laturi, si fratres defuncti id auferrent. Accedit, quod na-

turâ major amicitia sit inter fratres tanquam pares, quam cum parentibus tanquam superioribus.

s) Quia nempe in concursu alimentorum præstandorum frater postponendus est patri. Confer. infra cap. 12. §. 134. seqq.

t) Fratres ob amicitiam, parentes ob gratitudinem & alimentorum debitum.

ad §. 191. u) Hic junde Puf. lib. 4. cap. 12.

192. Obtinet autem tum inter *diversas gentes*, tum inter homines *privatos*. x)

193. Utrobique finis *communis & ultimus* est tranquillitas humani generis, cuius interest, ut dominia aliquando sint in certo, & ne fenestra aperiatur bellis, si liceret rem, quæ olim ad nos vel nostros pertinuit, vindicare. y)

194. Sed rationes *speciales* utriusque usucapionis quàm maxime variant. In usucapione *Gentium* unica est, *tacita* z) *derelictio antiqui possessoris*, qui, ratiocinatione à communi hominum consuetudine petita, rem pro derelicto habere præsumitur, quam per longissimum temporis spatium neque vindicavit, neque ejus vindicandi desiderium publicè declaravit.

195. Unde hujus usucapionis ferè unicum *requisitum* est *possessio alterius quæta per longissimum tempus*, quod adeo determinari ob circumstantiarum varietatem nequit, in genere autem tantum ejus spatium requiritur, ut demonstrari possit, per id priorem dominum scivisse, rem suam ab altero possideri, neque defuisse occasionem contradicendi. a)

196. Tale vero haud dubiè est tempus *centum annorum*.

197. Quod si igitur quocunq; modo quis intra id tempus possessori seriò *contradixerit*, non curret inter gentes præscriptio. b)

198. Hinc receptum est, ut vel sola *tituli usurpatio* præscriptionem alterius interrumpat. c)

199.

ad §. 192. x) Illa juris gentium, hæc juris civilis. vide §. 201.

ad §. 193. y) Hinc aperta est injuria reunionum Gallicarum.

ad §. 194. z) Non ergo præsumitur tantum.

ad §. 195. a) Nam si hæc requisita adsint, procedit argumentatio §. precedentis.

ad §. 197. b) Quia quoties constat de voluntate expressa, toties frustra quaritur de tacita.

ad §. 198. c) Sed addi tamen hic debent limitationes, nisi ille, qui titulum usurpat, alia facta adhibuerit, ex quibus fortiores conjectura contraria voluntatis appareant. Solet id afferri in questione: An Imperator Romanus impederit per usurpationem tituli præscriptionem Pontificis? Vide hic omnino Henning. ad Beckeri Jus publicum, ubi eruditè disputat contra Contrarium.

199. At inter homines *privatos*, ut usucapione mediante quid acquiratur, *leges civiles* non primario respiciunt ad tacitam alterius derelictionem, sed hæ principaliter intendunt *coercitionem negligentie* in subditis.

200. Unde *certum ac brevius* tempus, idque pro diversitate rerum usucapiendarum varians, anni, biennii, triennii, decennii, vicennii, tricennii &c. determinarunt, intra quod usucapio perfici possit, etiamsi antiquus possessor per illud *nesciverit*, ubi res sua sit, aut extra iudicium *protestatus* sit sæpius. d)

201. Ne tamen hoc modo iniquis possessoribus nimium gratificaretur, ulterius requisiverunt in eo, qui usucapere vult, *bonam fidem & justum titulum*, tum & intuitu rei, ut sit in *commercio* privatorum, neq; *furtiva* aut *vi possessa*. e)

202. Quoniam igitur hoc pacto non possunt non multæ conclusiones quoad usucapionem privatorum oriri, quas ignorat præscriptio Juris gentium, inde & Jcti usucapionem inter privatos rerulerunt ad *modos acquirendi Juris Civilis*.

203. Ad quos etiam pertinet, quando *lex invito priore domino*, aliàs per modum pænæ rerum dominia transfert, dum ob delicta damnatis interdum omnia bona, interdum certa earum portio eripiuntur, & vel publico vel læso applicantur. f)

204. Nam inter gentes nullus modus obtrinet, per quem invito domino res sua auferatur.

205. Etsi enim in *bello* invitis res per hostem viribus superiorem eripiuntur, raptorique acquiruntur, ad eas tamen recuperandas pari violentiâ prior dominus jus non amittit, quousque per subsequentes pacis tractatus omni prætensioni ad easdem renunciaverit. g)

206. Re-

ad §. 200. d] Unde vides, quod hæc usucapio non nitatur in voluntate tacita prioris domini.	requiruntur in usucapione Juris Gentium.
ad §. 201. e] Quæ omnia non	ad §. 203. f] Ut in actionibus penalibus.

206. Restat ut de modo acquirendi *accessorio* quædam dicamus, qui & propterea *accessio* dicitur. *b)* Absolvitur is unâ regulâ: *Accessorium sequitur dominium rei principalis*. Unde nihil novi hic expectandum erit; si enim res principalis per *occupationem*, siue per modum acquirendi *derivativum* fuit acquisita, eodem jure simul acquisita est res accessoria.

207. De *occupatione* supra *i)* jam dedimus exemplum. Ita in *traditione*, cui ædes sunt venditæ ac traditæ, simul acquisita censentur ædium accessoria. *l)*

208. In *applicatione* tamen regulæ subinde oriuntur controversiæ, quænam res pro *principali*, quænam pro *accessoriâ* haberi debeat.

209. Ubi quidem id extra controversiam esse videtur, ut *fructus* rerum pro accessionibus earum habeantur, sunt enim pars rei.

210. Ex quo sequitur, quod & *Fœtus pecudum* ex naturali ratione pertineat ad dominum fœmellæ. Hujus enim pars fuit.

211. Qui vero arbitrantur, *m)* *domino maris* partem aliquam deberi de fœtu, præterquam quod iis jam alii satisfecerint, videntur dubiâ uti hypothesi, vel, ac si fœtus sit *accessorium maris*, cum tamen non sit ejus pars, vel, ac si generatio sit modus acquirendi domini, quod ratione destituitur.

221. De aliis verò accessionibus major est controversia, *n)* v. gr. utrum *pictura* tabulæ, *scriptura* chartæ, *species* materiæ cedere debeant? Mihi sic videtur.

213. Quando duæ res (sub rebus vero includo & operas,) concurrunt, aut alio modo uniuntur, vel *ambæ sunt meæ*, & tum
R r nullum

ad §. 206. h) Junge Pufend. lib. 4. c. 7. & conf. supra §. 138.

ad §. 207. i) §. 147. seq.

l) Ita in *successione*, *usucapio* ne &c.

ad §. 211. m) Uti Dn. Ziegl. in not. ad Grot. Grotius ipse lib. II. cap. 8.

ad §. 212. n) De his enim rebus controversiam fuisse inter JCos, testantur *Pandectæ* & *Institutiones*.

nullum est dubium, quin & eadem conjunctæ sint meæ v. gr. quando ex meis medicamentis facio emplastrum, ex meo argento poculum,

214. Vel una harum nullius est, altera mea, tunc postquam illius per occupationem dominus factus fui, manet etiam mea post unionem, ut, si ex carne ferinâ cibum parem.

215. Vel una harum est alterius, tum si tantum scientiam domini alieni confusam o) habeam, hoc est, si prior dominus dominium suum probare nequeat, ratio naturalis svadet, ut sit ejus, cujus rei adjungitur, p) v. gr. in alluvione, in thesauro.

216. Quod si vero dominium istius rei possit demonstrari, verosimilius est, abstrahendo à legibus civilibus, nihil hic novi acquiri, sed utrumque nostrum esse rei istius dominum, adeoque rem utrique pro rata fieri communem. q)

217. Sive conjunctio rerum facta fuerit casu, sive voluntate utriusq; sive voluntate unius, sive ex facto tertii. r)

218. Sed quod si uterque nostrum in communione manere nolit, alia jam est quaestio; ad quem in communi dividendo judicio res pertinere debeat; quæ non tam ad modos acquirendi dominii, quam ad officium judicis aut arbitri pertinet.

219. Et huc respexerunt potissimum Jcti Romani & Justinianus, cum v. gr. de specificatione, picturâ, scripturâ, ad plumbaturâ, ferruminatione &c. controversias dirimunt. s)

220. Quo-

ad §. 215. o) Confusam voco, ubi scio quod res non sit mea, nescio cujus sit.

p) Dum enim non apparet, cujus sit, habetur pro re nullius. Nam in moralibus non esse & non apparere coincidunt.

ad §. 216. q) Id quod vult Gro-
tius.

ad §. 217. r) Quia si voluntate

utriusque, intentio nostra fuit, ut fiat communis, sin; neque casus, neque voluntas unius, neque voluntas tertii poterit alteri dominium rei sue interciperere.

ad §. 219. s) Adcoque inter Gro-
tium & Jctos Romanos non est dis-
sensus in re ipsa, sed in modis rem
efferendi.

220. Quorum sententiam prolixius examinare *t)* uti nostri instituti non est; ita fortè non incommode sic dici poterit.

221. Vel res conjunctæ *facilem admittunt separationem*, tum separentur & unicuique restituatur suum. *u)*

222. Vel *non admittunt*, tum conjungens, si res conjuncta sit *fungibilis*, alteri restituat æquivalentem, qui adeo, quod conve-
ratur, causam non habet, cum affectio non cadat in res fungi-
biles. *x)*

223. Quod si res alterius sit *non fungibilis*, per generalia axio-
mata judicis officium exponi nequit, cum circumstantiæ hic ni-
mium quantum variare possint.

224. Et si enim loco fundamenti hic ponere velis regulam, *y)*
quod id debeat pro principali haberi, sine quo alterum esse non potest, vix
tamen eadem pro normâ universali adjudicandi haberi poterit.

225. Non solum, quod multi occurrant casus, ubi illa regula
ad utriusque res accommodari poterit, ut in specificatione; *z)*
neque enim forma sine materia, neque materia sine formâ esse
poterit.

226. Sed & quod sæpius attendendum sit: ad pretium rerum,
ita ut pretiosioris dominus prævalere debeat, quod Justinianus in
pictura, mores nostri in scriptura sequuntur.

Rr 2

227. Ne-

ad §. 220. *t)* Potest certo respe-
ctu defendi, & quibusdam casibus
oppugnari, Conf. §. 224. seq.

ad §. 221. *u)* Hoc etiam obser-
vat Jus Romanum in applumbatu-
ra & ferruminatione, item com-
mixtione.

ad §. 222. *x)* Quod non observat
Jus Romanum in charta & scri-
ptura, observant tamen mores no-
stri, observat Jus Romanum in pi-
ctura, quia in tabulam non cadit
affectio, & postquam in ea pictum

fuit, desit esse tabula. Item Jus Ro-
manum non observat in actione de
tigno juncto, ubi concedit actionem
in duplum, quasi tigni sit affectio.
Non observat in specificatione, dum
poculum elegantissime confectum
adjudicat ei, cujus est argentum.

ad §. 224. *y)* Quam olim indi-
stinctè Juri Romani videntur esse
secuti.

ad §. 225. *z)* Item, si utriusque
res sit fungibilis, ut in confusione.

227. Neque omittenda est *indigentia prioris domini*, quæ & ipsa favorem ei addet, v. gr. si quis justo errore alterius agrum conferat, & annonæ caritas oriatur, iniquum foret frumentum eidem adjudicare &c.

228. Igitur in ejusmodi casibus res committenda erit prudentiæ arbitrii. Ne tamen in civitate judicium cerebrinæ æquitati decisio negotiorum committatur, rei publ. interest.

229. Quo pacto melius est, si Princeps axiomata quædam præscribat iudicibus, ab eo, quod plerumque procedit, desumpta; etsi eadem fallant in casibus nonnullis, uti Justinianus fecit in specificatione.

230. Ex iis quæ hætenus a) fusius de dominio & præcepto id comitante disseruimus, patet, *summam officii aliorum hominum*, intuitu domini, his punctis includi commodè posse. Vel *res apud dominum adhuc extat*, vel pervenit ad tertium. Illo casu tenetur quilibet pati, eum rebus suis quietè frui, neque vi aut per fraudem illas corrumpere, intervertere aut ad se trahere. Fluit hoc ex præcepto de non lædendi alios.

231. Quod si res ad tertium pervenit, tum iste est vel malæ fidei possessor, vel bonæ fidei. *Malæ fidei possessor* tenetur rem seu ejus pretium, cum omnibus fructibus omnique interesse restituere. Deducitur hæc propositio ex capite de damno dato resarciendo.

232. *Bonæ fidei possessor* vel rem ex contractu cum ipso domino celebrato detinet, v. gr. ex commodato, locato, deposito, & tunc secundum legem contractus rem domino restituere tenetur, quæ conclusio ex præcepto de fide data servanda derivatur.

233. Vel *aliàs bona fide rem cum animo sibi habendi detinuit*, ignorans videlicet, alium istius rei esse dominum. Et tum aut *res ipsa adhuc extat*, aut *fuit consumpta*.

234. *Priori casu* tenetur bonæ fidei possessor efficere quantum in se est, ut illa in potestatem legitimi sui domini redeat.

235. Po-

ad §. 230. a) §. 34. seqq. 117. | ubi tamen ferè omisit, quæ suplen-
seqq. Hic incipit Puf. lib. 4. cap. 13. | tur §. 231. 232.

235. *Posteriori casu*, si res aliena bonâ fide perita sit consumpta, tantum debet restituere domino, quantum factus est locupletior. *b)*

236. Quæ duæ assertiones partim videntur fluere ex præcepto de præstandis officiis humanitatis, partim, & potissimum, quatenus bonæ fidei possessor post scientiam bonam fidem amittit, ex præcepto de non lædendis aliis.

237. Quod si dictis rationibus addere velis universale præceptum humani generis primævi, & ex eo etiam bonæ fidei possessoris obligationes deducere, non refragabimur.

238. In *particularibus autem conclusionibus*, quas Doctores *c)* de officio bonæ fidei possessoris formant, nos non detinebimus, partim quod jam alii eas optimè explicaverint, partim quod eadem prolixius soleant disputari in Jure Justiniano, partim denique, quod illarum non pauca raro inter gentes videantur occurrere.

CAPUT. XI.

De

Officio circa Rerum Pretia.

SUMMARIA.

EX dominio orta commercia, §. 1. ex commerciis rerum pretia. §. 2. 3. 4. Unde præceptum: UT PRETIUM CONSTITUERETUR. §. 5. Pretium vel vulgare est, vel eminens. §. 6. 7. Ultriusque oratus & cause. §. 8.--11. Quoad determinationem pretii præceptum: ITA COMPARA REM TUAM AD REM ALTERIUS, UT NEQUE IPSUM INÆQUALEM TE JUDICES, NEQUE DECIPIAS, NEQUE OFFICIA HUMANITATIS NEGLIGAS. §. 12.--16. Quid pretium

Rr 3

affe-

ad §. 235. b) *b. e.* quantum lucratus est ultra pretium, quod ipse ledit.

ad §. 238. c) *Uti* Grotius & ex eo Puf. §. 7. seqq.

affectionis? §. 17. 18. In statu naturali non datur rescissio contractus ob lationem ultra dimidium. §. 19. -- 23. Pretium affectionis vel est commune, vel pretium affectionis strictè dictum. §. 24. -- 28. Fundamentum pretii communis §. 29. non est nobilitas substantia, §. 30. 31. 32. nec usus aut necessitas humana, §. 33. -- 37. sed raritas. §. 40. -- 43. Fundamentum pretii affectionis. §. 44. In civitatibus rarissimum pretium affectionis. §. 45. Commune magis in usu est, §. 46. 47. Et laxitatem aliquam habet, §. 48. unde vel infimum, vel mediocre, vel summum. §. 49. Origo rescissionis ob lationem ultra dimidium, §. 50. 51. 52. In civitate nova pretii species octa: Pretium legitimum, §. 53. 54. quod in puncto consistit. §. 55. 56. 57. De contractibus Et eorum differentia à pactis hic non agitur, §. 58. quia differentia illa ex jure Romano oritur, §. 59. quod explicatur, §. 60. -- 62. Et conclusiones inde emanantes summarim indicantur. §. 63. 64. Imperfectio Juris Romani. §. 65. 66. Ejus autoritas unde? §. 67. etiam in jure naturali, §. 68. quam deprimere incepit Grotius, §. 69. Cur de modis tollendi obligationes non agatur? §. 70.

§. I.

Post introducta rerum dominia *a)* cœperunt commercia inter homines, quæ nihil aliud sunt, quam mutationes rerum [sub quo nomine intelligo & operas.] mutux. Cum enim non omnis ferret omnia tellus, neque quilibet quibus opus haberet vel delectaretur, possideret, necesse erat, ut quæ sibi deessent, peteret quis ab altero, & cum non omnia gratis postulare poterat, ut pro illis rebus alteri aliam quandam rem ipsi usui futuram offerret.

2. Cœterum cum hoc pacto is, qui rem vel operam suam alteri donare nollat, regulariter intenderet, ut æquivalens pro re sua acciperet, & vero sæpissimè commutarentur res diversæ essen-

sentiæ b), inde simul sponte suâ secutum fuit, ut conventionem aliquâ ab hominibus rebus imponeretur affectio quædam, secundum quam res disparis naturæ invicem comparari ac exæquari possent.

3. Est vero *exæquatio* comparatio rerum plurium secundum quantitatem earum, eaque vel secundum quantitatem *mathematicam*, scilicet secundum tres dimensiones, vel secundum quantitatem *moralem*, seu valorem, quarum posterior est hujus loci, & vocatur *pretium*.

4. Est igitur *pretium* valor rerum & actionum in commercio venientium, quatenus usum aliquem & delectationem hominibus afferunt. c)

5. Postulavit itaque, ut vides, *tranquillitas* humani generis, UT PRETIUM CONSTITUERETUR, simul in specie *custodia equalitatis* & præceptum de officiis humanitatis exhibendis, quia quilibet cum quibuslibet possunt commercia quædam habere, & per horum exercitium etiam ex parte aliorum commoda d) promoventur.

6. Cæterum pretium est vel *vulgare*, cum mutuo inter se res quæcunque & operæ conferuntur, vel *eminens*, ad quod nempe cæterarum rerum pretia vulgaria exigerentur & in quo eadem continerentur virtualiter, quod appellatur nummus vel pecunia.

7. Ita

ad §. 2. b) *Intellige non solum diversam essentiam genericam, vel specificam, sed & individui ficam, quatenus ea differentia in diversis individuis ejusdem speciei, usum aut affectionem earum variat.*

ad §. 3. c) *Nam commercia omnia pro fine habent usum vel delectationem. Alias ex usu vel dele-*

ctatione pretium non augetur vel minuitur, vide infra §. 33. seqq.

ad §. 5. d) *Est enim beneficium non sit, si alteri rem meam vendam, certo respectu tamen potest referri ad officium humanitatis, quatenus alter querit utilitatem ex comparatione rei meæ, etiamsi pro pretio posita fiat. Conf. supra hoc libro c. 6. §. 44.*

7. Ita v. gr. in *permutatione* locum sibi vendicat utrobique pretium vulgare; at e. gr. in *emtionē* adhibetur pretium eminens.

8. *Vulgare* pretium antiquius est eminenti, & tamdiu videtur usum habuisse, quamdiu homines in simplicitate primavā constiterunt. Quo simplicior enim fuit populus, hoc est, e) quo magis fuit contentus rebus ad sustentationem vitæ necessariis, eò diutius permutatione mutuâ rerum & operarum fuit contentus.

9. *Eminentī* pretio partim luxuria, partim studium augendæ civitatis primitus causam dedisse videntur.

10. Postquam enim varia homines ad commoditatem aut voluptatem desiderare cœperunt, non sane in proclivi fuerat cuivis ejusmodi res possidere, quas alter suis mutare vellet, aut quæ alterius rebus æquivalerent.

11. Porro in Civitatibus, quæ culturæ ac moratiores præ aliis [quas barbarorum ideò nomine insigniverunt] videri volebant, necesse erat, ut cives secundum plures eosque variantes status dividerentur, quorum complura genera vitam planè non tueri aut agrè queant, si à luxuriâ & eminente pretio abstrahas. f)

12. Cœterum uti ex præcepto de custodia æqualitatis homines ad rerum pretia inveniendā obligatos fuisse diximus, ita & determi-

ad §. 8. e) Per simplicitatem non intellige vitium sed virtutem. Exemplo veterum Germanorum. Simplicitas enim non tantum est virtus Christiana, sed & Philosophica, quamvis ferè ubique exulans.

ad §. 11. f) Declaratum hoc exemplo infinitorum ordinum in Republica. Necessarii enim ferè sunt, quamvis diverso necessitatis gradu, agricolæ, sacerdotes, milites, præceptores, Reliqui plerumque fa-

ciunt ad solam luxuriā aut inutilem abundantiam, ut mercatorum multa species, Theologi subtiles & rixatores, Advocati, Jure Consulti Theoretici, Philosophi subtiliores, ut puri Metaphysici &c. Ex artibus mechanicis plurimæ, ut Capillitiorum confectores, Barbiconsores, quatenus tales, seu quā Barbas condecant, Sartores, (Horum enim opera, quatenus ea ad familiam est opus, posset expediri per famulitiam) deficientia in ix, ut lotrix, netrix &c.

terminatio pretii, abstrahendo à pactis gentium & legibus civilibus, ex illo præcepto per modum conclusionis est elicienda: ITA COMPARA REM TUAM AD REM ALTERIUS, UT NEQVE IPSUM SINE JUSTA CAUSA INÆQVALEM TE JUDICES, NEQVE DOLO DECIPIAS, NEQVE OFFICIA HUMANITATIS PLANE NEGLIGAS. Primum fuit ex præcepto de vitanda superbia, alterum ex præcepto de non lædendis aliis, tertium ex lege de exhibendis officiis humanitatis.

13. Ita v. gr. contra *primum* peccaret, qui rem suam fungibilem, g) v. gr. suum frumentum, suum vinum, suam pecuniam magis æstimaret alterius frumento, vino, pecuniâ ejusdem bonitatis.

14. Ita contra *secundum* peccat, qui virtutem rei quæ non adest, commendat sciens, item qui vitium rei tacet.

15. Ita contra *tertium* peccaret, qui pauperi v. gr. carius rem suam vendere vellet, quam diviti &c.

16. Quemadmodum verò, uti simul supra b) diximus, præcepta de vitanda superbia & exhibendis humanitatis officiis non semper jus perfectum producant, & officiorum humanitatis exhibitio ulterius multas requirit circumstantias non adeò in sensus incurrentes, sic inter eos potissimum, qui vivunt in *statu naturali*, regulæ ultiores i) *speciales de determinatione* pretii dari nequeunt, sed ulterior disquisitio relinquenda erit cujuslibet conscientiæ, & conventioni.

17. Unde, quoniam in hoc statu contrahentes manent æquales, sequitur, quod hîc utrobique locum habeat potissimum *preium affectionis*, hoc est, quod, si licentiam exteriorem spectes, in permutatione liceat utrique venditori pro re suâ magnam pecu-

Ss

næ

ad §. 13. g) Aliud in non fungibili. In hanc enim cadit affectio.

ad §. 16. h) Hoc libro cap. 4. §. 6. seqq. & c. 6. §. 16. seqq.

i) Hæc vox probè notanda, Ergò semper in iis, quæ dicimus §. 17.

seqq. superiores paragraphi §. 12. seqq. repeti debent.

nix summam postulare, l) emtori verò longè minorem eidem offerre. m)

18. Quorsum respexisse videntur Romani, dum dicunt: *naturaliter in emtione licere contrahentibus se invicem circumvenire*. Facit eò exemplum histriionis ni fallor, Græci, qui postquam promiserat populo, quod vellet cupidines cujusvis manifestare, verè elocutus est, *omnes cupere vilius emere & carius vendere*.

19. Igitur inter eos, qui in hoc statu vivunt, non locum habebit rescissio contractus propter lesionem ultrà dimidium.

20. Sive enim dolus unius contrahentium hic adfuit; tum rescissio locum habebit ex capite doli, etiam si læsio sit longè infrà dimidium.

21. Sive nullius dolus intervenit, tum, si sciens uterque contraxit, nulla causà rescindendi adest, ne quidem ex jure civili.

22. Sin uterque errans & ignorans, non ad dimidium hic respici poterit, quoniam inter hos, qui pro lubitu æstimant, nihil est, ad quod dimidium compares, sed necesse est, ut ad ea recurramus, quæ suprà de errore in contractibus monuimus. n)

23. Æstimabit tamen hoc casu quilibet, in quantum imperfectè licet, ipsum obstringit lex de officiis humanitatis. o)

24. Sed

ad §. 17. l) Modo res non sit fungibilis ejusdem speciei ob §. 13.

m) Modo hic non peccetur contra §. 15.

ad §. 22. n) Scil. errorem in dubio semper nocere debere erranti, nisi circumstantia per modum conditionis fuerit expressa. Ergo si massa sub nomine generali metalli fuerit vendita, etsi ab utroque fuerit erratum, putantibus eam esse argenteam, cum esset stannea, puto valere contractum, cum limitatione

tamen §. 23. Si vendita fuerit, ut argentea, quæ erat stannea, non locum quidem habebit rescissio ex lesione ultrà dimidium, sed tamen rescissio in genere ex capite erroris, quoniam circumstantia argenti hic in contractu per modum quasi conditionis fuerit expressa.

ad §. 23. o) Ut ad eò in primo casu, quem dedi ad §. præced. venditor ex humanitate alteri quid de pretio debeat reddere.

24. Sed cum per hunc æstimandi modum non multum promoveantur rerum commercia, & inter eos qui æquales sunt, æqualitatis custodia non melius observetur, quam si singuli se accommodent iudicio plurium, inde non sine ratione receptum est inter gentes, ut uterque contrahentium respicere soleant ad iudicia & æstimationem sui similium in similibus negotiis, eamque conventionem pro æqua habeant, ubi ista æstimatio fuit adhibita, pro iniquâ contrâ, ubi fuit omissa. p)

25. Ergo intuitu hujus consuetudinis posses pretium affectionis distinguere in *commune*, & *pretium affectionis strictè* sic dictum.

26. *Commune* voco, cum quis in permutandâ re suâ utitur æstimatione consuetâ aliorum.

27. *Affectionis strictè* sic dictum, cum quis rem suam peculiariter æstimat, magis quam alii soleant.

28. Quod & ipsum tamen si adhibeatur, aliquando non habetur pro iniquo, si videlicet adsint peculiares circumstantiæ, non ita frequentes equidem, sed ob quas tamen & alii res suas carius æstimare consueverunt.

29. Igitur paucis exponendum erit *fundamentum* utriusque hujus pretii inter gentes recepti.

30. *Commune* quod attinet, falluntur certè, qui id quærunt in nobilitate *substantiæ* & *prestantiæ*, quam una res habet præ alterâ.

31. Quod si enim hoc esset, sequeretur, majus esse pretium debere nequissimi Damæ præ equo generosissimo, pulicis præ plantâ saluberrimâ, petroselinî præ gemmis aut unionibus pretiosissimis, quod est absurdum.

32. Et quomodo æstimarentur operæ hominum inter se, quoniam hæc quidem substantiam non habent?

33. Neque fundamentum hujus pretii quærerem q) in aptitudine

SS 2

ad §. 24. p) Sed ita tamen, ut violatum saltem ab altero censeatur officium humanitatis.

ad §. 33. q) Quod facit Dn. Puf. de O. H. & C. l. 14. 3.

audine rei vel opera, quâ aliquid mediâtè aut immediâtè conferre potest ad vitæ humanæ necessitates, aut ad eandem commodiorem vel jucundiorē reddendam.

34. Equidem verum est: necessitatem, commoditatem aut jucunditatem rei movere contrahentes ad acquisitionem earum, non tamen movent ad determinationem pretii.

35. Unde rectè quidem dico: r) Res, quæ nullum planè usum præbent, esse nullius pretii; & rectè plerumque dico; quod res utilitatem homini afferentes sunt alicujus pretii. Non tamen dicere possum, quod res inter se comparatæ pro diversitate utilitatum sint majoris aut minoris, æqualis item pretii.

36. Quod si enim hoc foret, necesse esset, rem hominī necessariam semper magis æstimandam esse in commerciis, quam rem commodam, & hanc magis quam jucundam. At quoties annona vilius emitur gemmâ vel unione?

37. Accedit, quod multæ sint res vitæ humanæ utilissimæ, r) quibus nullum pretium impositum est, vel quia debent esse domino vacuæ, ut sunt superiores partes aëris, æther ac cælestia corpora, vastusque oceanus, vel quia ad permutationem sunt ineptæ, & inde à commerciis sepositæ, ut liber homo, vel quia in commerciis nunquam aliter quàm accessorium alterius rei considerantur, ut lumen solis, purus aër, amœna facies terræ, ventus, umbra &c. [quamvis & hæc augeant vel minuant pretium fundorum ac prædiorum] vel quod leges divinæ vel humanæ eas vetuerunt venire in commercium; quales sunt actiones sacræ, administratio justitiæ &c.

38. Quid ergo dicemus? Potissimum momentum in pretiis rerum afferre solet raritas, r) sive res hominī necessarias respicias, sive utiles solum aut jucundas. Unde vulgare: *Omne rarum carum.*

39. Ita

ad §. 35. r) Quod notat Dn. Puf. d. 1.

ad §. 37. s) Quod ipse agnoscit Dn. Puf. d. 1.

ad §. 38. t) Vide iterum Dn. Puf. d. 1. §. 4.

39. Ita *annonæ* vilis est, ubi magna ejus est copia, carior, ubi minor, carissima & sæpe nullo pretio æstimabilis tempore famis.

40. Ita rebus non necessariis, & quibus vita humana commodissime carere poterat, luxuria hominum enormia pretia posuit propter earum raritatem, & quod ex locis remotis eadem afferuntur, v. gr. *gemmis, unionibus, tulipis*, cum rariores essent &c. u)

41. In *rebus artificialibus* subtilitas & elegantia artis, fama artificis, operis difficultas, artificum paucitas & similia, omnia raritatem involvunt.

42. Eadem est ratio *operarum & actionum*, quarum pretia intendit earum difficultas, dexteritas, utilitas, necessitas, agentium raritas, dignitas, & denique ipsa artis opinio, nobilis an ignobilis illa habeatur. x)

43. Simul ratio apparer præcipua, cur gentes pro pretio eminenti communiter receperint *metalla non admodum frequentia*. Præterquam enim quod illæ substantiæ sunt valde compactæ, ut non facile deleri queant, & divisionem in plures minutas particulas admittant; raritas potissimum earum facit, ut multis aliis rebus æquivalere possint & sic easdem per eminentiam quasi metiri. y)

44. *Fundamentum pretii affectionis* 2) est affectus non frequen-

Ss 3.

quen-

ad §. 40. u) Refert Erasmus Francisci historiam de rustico bulb. *sulipa* pro cepa vulgari comedente & ita 600. florenos Belgicos consumente. Alia exempla pete à catellis, avibus peregrinis, cibis etiam nostratibus ante consuetum maturitatis tempus &c.

ad §. 41. x) Unde v. g. collegium juris plus æstimatur quam collegium

metaphysicum &c. Sed nota tamen, hic sæpe plus valere opinionem quam rem ipsam.

ad §. 43. y) Unde absque ratione Tiberius artificem interfecit, qui vitrum ita preparaverat, ut tanquam metallum tractari posset. Id tamen ex hoc paragr. apho discit, non expedire Reip. ut publicè nota sit ars Alchymistica.

ad §. 44. 2) Comf. §. 19.

quentissimus equidem, sed non paucis tamen hominibus probatus; v. gr. quod ille, à quo res in nos profecta est, maximi à nobis fiat, *a)* exprimendoque ipsius affectui data sit; aut quod eidem rei adsueverimus, *b)* aut quod insignis casus sit monumentum, *c)* aut ejusdem ope magnum malum declinaverimus, *d)* aut quia à nobismet ipsis confecta sit &c. *e)*

45. Atque hæc potissimum obtinent in statu naturali. At in *civitatibus* horum utilitas requirebat, ut tanta laxitas determinandi non relinqueretur subditis. Unde hîc rarissima sunt exempla *pretii affectionis*, utpote cujus usus ibi non nisi, ubi de restitutione damni dati agitur, neque hîc tamen in universum, esse solet. *f)*

46. *Commune* adhuc equidem frequentatur, ut nempe respiciatur ad *usum fori*, in quo præter raritatem rerum etiam solet adhiberi ratio laborum & impensarum, quas mercatores communiter faciunt in mercibus adportandis & tractandis, nec non an in magnâ copiâ ematur aut vendatur, an minutatim. Subito quod mutatur commune pretium ex copia aut paucitate ementium, pecuniæ aut mercium. Item momentum hic affert, utrum merx quærat emtorem, utrum venditor, aliàs non venditurus, ultro fuerit rogatus: Denique an paratam quis pecuniam offerat, an in diem differat solutionem.

47. In istis igitur rebus, in quibus præfatæ circumstantiæ attendendæ sunt, princeps propter miram earum variationem non poterit leges certas de pretio statuere, sed necesse est, ut determinatio relinquatur arbitrio communi contrahentium. *g)*

48. Quod

a) Ut si princeps vel patronus quid donaverit.

b) e. g. equo, servo.

c) Ut si ex incendio quid servaverim.

d) Ut si ope equi cruentum prælium evaserim.

e) Ut si ipse opus mechanicum effecerim &c.

ad §. 45. f) Sed tum demum, si alter desierit dolo malo possidere.

ad §. 47. g) id est eorum, qui contrahere & comparare similes res solent, non præcisè eorum, qui actum contrahunt.

48. Quod & ipsum arbitrium, quoniam sæpissimè variat, ideò non poterit ejusmodi rerum pretium ad punctum redigi, *b)* sed aliquatenus *laxitatem habet*, ut v. gr. si alius in eâdem Republicâ pro duobus solidis rem aliquam comparavit, alius rem similem pro duobus cum dimidio, alius pro duobus dempto dimidio; omnes tres rem justo pretio acquisivisse putandi sunt.

49. Ne verò hæc laxitas in infinitum quasi extendatur, & ita lædentibus alios conniveatur, communis pretii *tres* communiter faciunt gradus, *infimum* seu *pium*; *mediocre* seu *moderatum*, & *summum* seu *rigorosum*. Intra quam latitudinem *i)* si subsistatur, carius aut vilius res aliqua emi vel vendi possit.

50. Et eò fortè respexit Jus Romanum, rescissionem contractuum tum demum, (si quis adversarii dolum probare non posset *l)*) concedens, si quis *ultrà dimidium* læsus esset, h. e. ut ego intelligo, si quis *ultrà alterum tantum* pretii *infimi* *m)* dedisset, vel ne quidem *dimidium* pretii *summi* *n)* accepisset, quoniam videlicet has metas rarissimè excedere solent homines mercium periti, etsi in æstimatione variantes.

51. Quæ constitutio etsi non omnibus arrideat, videlicet quod is terminus sæpius iniquitatem secum ferat in rebus majoris momenti, v. gr. si quis ædes emerit pro 5000. thaleris, quæ communiter & quoad pretium *infimum* pro 3000. à nemine *ultrà* 4000. thaleros æstimantur; tamen pro justitia legum Romanarum videtur dici posse, eos succurrere voluisse iis, qui res minoris momenti emerent, in quibus videlicet non expedit, diutius

scisci-

ad §. 48. h) Ut nempe de læsione alterius ad punctum possim con-
queri.

ad §. 49. i) Ut sit in exemplis §.
præced.

ad §. 50. l) Aut probare nolle.
Nam aliàs etiam ob minorem læsio-

nem læsus poterit recedere à con-
tractu.

m) Ut si quis in casu §. 48. rem
istam comparasset pro plusquam tri-
bus solidis.

n) Ut si quis in dato casu acce-
pisset saltem solidum cum qua-
drante.

sciscitari de pretio; at illum, qui in rebus majoris momenti ita negligens esset, ut talem læsionem satis enormem incurreret, beneficio legum indignum fuisse visum. e)

52. Accedit, quod in casibus ejusmodi majoris momenti facilius alterius dolus probari posset, qui restitutionem etiam in læsione intrâ dimidium operabatur.

53. Quod si tamen princeps videat, quod ipse rerum pretia determinare possit, quod potissimum in rebus fungibilibus & domesticis, in operis item vulgaribus procedit, p) ad lites præcindendas optimum est, si hoc faciat.

54. Oritur inde nova pretii species, eis, qui in statu naturali vivunt, incognita, quæ *Pretium legitimum* appellari consuevit.

55. Quod adeo latitudinem non habet, sed ferè in puncto consistit, ut quantuloquunque excessu injustitia committatur.

56. In tantum, ut non solum *plus accipere*, sed & sæpius non liceat *plus dare*, præprimis eo casu, q) ubi determinatio pretii non tam propter utilitatem singulorum quam ob utilitatem publicam & per modum legis sumtuaræ facta sit.

57. Quin nec licebit semper *minus accipere*, præprimis si determinatio pretii ad prohibitionem monopoliorum respexerit, aut in favorem communem mercatorum lata sit.

58. Postquam de dominio & rerum pretio diximus, postulabat ordo, ut & de *contractibus*, qui ferè dominiorum distinctionem & inventa pretia præsupponunt, eorumque à *Pactis* divisione quædam nunc dissereremus. r)

59. Sed

ad §. 51. o) Nam prius inquire-
re debuisset in pretium rei tanta.
Accedit, quod in rebus majoris mo-
menti vix possit contingere, ut alter
non sit in dolo.

ad §. 53. p) Quia tunc cessant ra-

tiones §. 46.

ad §. 56. q) Aliiter distingv. Dn.
Pufend. V. I. 8.

ad §. 58. r) Id quod facit etiam
Dn. Puf. l. 5. c. 2. usque ad c. 11.

59. Sed si verum fateri volumus, ignorat Jurisprudentia divina istam pactorum & contractuum divisionem, cum ea tota, quanta quanta sit, originem debeat Romanis.

60. Scilicet volebant Romani antiquitas prospicere, ne subditi per nimiam promittendi promptitudinem seu gratuitam seu mutuum laderentur, quapropter s) statuerunt, ut ex meris promissionibus citra dationem nulla oriretur efficax obligatio, nisi quis per solennem *stipulationem* alteri quid promississet.

61. Unde antiquissimis temporibus sola *stipulatio contractus* fuisse, reliquæ promissiones omnes *nudorum pactorum* nomine venisse videntur.

62. Donec ab hac regulâ, quod pactum nudum actionem producere non deberet, quædam negotia pedetentim vel propter præstationem subsecutam, r) vel propter eorum frequentiam & necessitatem ad promovenda commercia & quotidianam utilitatem civium, u) vel propter adhærentiam contractuum, x) vel propter singularem rationem y) primavæ intentioni omnino contrariam eximerent. z)

63. Hinc distinctiones inter *pacta nuda* & *non nuda*, horum in *legitima* & *adjecta*; adjectorum in nescio quas *subspecies* obscurissimas, a) quarum singulæ infinitis litigiis inter JCtos dederunt occasionem, ortæ sunt.

Tt

64. Ei-

ad §. 60. s) Ita quidem tunc sensi. Nunc aliter arbitror. Scilicet perpetuum studium patrum plebem subjugandi, de quo dissero in Nævis Jurisprud. lib. 1. etiam hanc inventionem suppeditavit, ut formulas certas promittendi per stipulationem populo imponerent &c. Dicam latius Deo dante in comment. ad Instit.

ad §. 62. t) Ut contractus reales & innominati.

u) Ut contractus consensuales.

x) Ut pacta adjecta.

y) Ut pacta legitima.

z) Quod potissimum patet in pacto donationis.

ad §. 63. a) Scil. inter pacta adjacencia, detrahentia, alterantia, mutantia &c. vide Franzk. ad ff. de contrah. emt.

64. Eidem fonti originem debent divisiones *contractuum in nominatos & innominatos*, horum in *reales, verbales, literales & consensuales*, etsi non ita litigiis obnoxia, nisi quod divisio alia *contractuum in stricti juris & bonae fidei*, b) à diviso olim pratoris & judicis pedanei officio orta, tum & subtilitates nimiae de *formulis actionum* earumque nominibus, doctrinam pactorum & *contractuum* intricatiorem reddiderint &c.

65. Uti vero hae Juris Romani difficultates nimium quantum per inconcinnam Tribonianī rapsodiam c) auctae sunt, ita tamen invaserunt ferè *totum orbem Christianum*, partim quod Pontifices multa de contractibus, paucis quibusdam rejectis, in Decretalibus suis retinuerunt, partim quod ante pauca secula, quibus studium Juris in Italia & Germania rursus surgere incipiebat, *Jus Justinianicum* simul in Academiis & forum fuit translatum, interpretantibus id hominibus summā diligentiam praeitis, sed omni literarum & historiae studio destitutis. d)

66. Unde factum fuit, ut *Jurisprudentia Romano-Germanica privata* hodiè sit informe chaos, quae in formam artis per regulas, quibus quis tuto confidere queat, redigi omnino non possit. e)

67. Simul tamen doctrina de contractibus & pactis in *Jurisprudentia naturali*, sed ferè secundum principia Romanorum hactenus tractata fuit, partim quod *Reges Christiani* ferè unanimiter *Jus Romanum* ob multas regulas aequitatis f) inibi contentas, saltem

ad §. 64. b) Hanc divisionem non pertinere ad *Jus Gentium*, agnoscit Grotius II. 16. 11.

ad §. 65. c) Ut qui videlicet multas effecit contradictiones & alios defectus, de quibus dissero lib. 3. de Navis Jurispr.

d) Quales fuerunt Glossatores.

ad §. 66. e) Monstro hoc toto opere de Navis Jurispr.

ad §. 67. f) Ita quidem communiter. Et hoc latius jactat Arthurus Duck de autoritate Juris Rom. in territoriis Europæ. Sed re accuratius inspectâ, causa vera autoritatis illius est, quod unâ cum Academiis *Jus Romanum* simul sit in regna introductum, quod ad navos Academiarum pertinet, de quibus fortè alio loco pluribus.

saltem ex parte receperint, easque in contractibus inter se invicem passim observaverint.

68. Partim quod *Scholastici & Theologi Pontificii*, qui primus & ante Grotium doctrinam Juris naturalis ut derelictam à Jctis g) sibi vindicârunt, vitio isti hominum generi frequentissimo, falcem miserint in alienam messem, & sub prætextu, quod de Justitia & jure scriberent, exspatiati nimis fuerint in campum Juris Romani, ejusque minutias etiam secundum regulas cerebrinæ suæ æquitatis examinaverint.

69. Modestior hac parte *Grotius*, qui primus Jctis rem ab aliis hæcenus vel vi, vel clam, vel precario possessam cum successu vindicavit, & qui hunc secuti sunt, alii viri sapientes. b) Qui adeo cum jam eruditè ostenderint, in quantum doctrina juris Romani de contractibus conveniat cum æquitate naturali, non opus arbitramur, ut jam actum agamus, sed quæ hæc parte dicenda forent, reservamus discursibus privatis ad Jus Romano-Germanicum privatum.

70. Simul omittimus de *modis tollendi obligationes*, i) puta solutione, novatione, compensatione, acceptilatione disserere, cum & hæc fusius tractari soleant à Commentatoribus Juris Justiniani, & hæc parte quidem illud Jus regulas æquitatis plenissimas nec ita obscuras proponat.

T t 2

CAPUT

ad §. 68. g) Nam primi Glossatores studium Juris Naturæ non curarunt, immersi planè Juri Justiniano.

ad §. 69. h) Ut Zieglerus, Pufendorfii &c.

ad §. 70. i) De quibus agit Puf. l. 5. c. 11.

CAPUT. XII.

De

Interpretatione voluntatis Divinae & Humanæ per verba declaratæ.

SUMMARIA.

Connexio capit. §. 1. 2. 3. Interpretationis norma collectio mentis ex signis probabilibus. §. 4. Potissima signa sunt verba, §. 5. sed menti tamen subordinanda, §. 6. 7. utpote quandoque menti aqualia, quandoque latiora, quandoque strictiora. §. 8. Unde interpretatio vel declarativa vel restrictiva. §. 9. 10. Ad verba intelligenda requiritur cognitio idiotismi. §. 11. 12. 13. Verba sunt vel vulgaria vel technica, §. 14. vel perspicua vel obscura §. 15. Unde cognitione linguarum & artium est opus, ne interpreter se prostituat. §. 17. 18. Obscuritas cumabilis §. 19. ex variis fontibus oritur, & partim ex figura literarum externa, §. 20. -- 29. ubi potissimum naturali prudentia opus est, §. 30. partim ex interno verborum sensu, si verba sint obsoleta §. 31. nova §. 32. peregrina §. 33. ambigua §. 34. -- 40. perplexa §. 41. 42. pugnancia. §. 43. -- 46. Fontes conjecturarum §. 47. 1. à natura negotii §. 48. -- 56. 2. à conjunctis §. 57. -- 62. 3. ab effectu §. 63. 64. 4. ab affectione persone §. 65. 5. à qualitate personarum §. 66. 6. à ratione legis sive impulsiva sive finali, §. 67. -- 76. unde hæc due rationes non bene distinguuntur; §. 77. 78. sed ratio legislatoris non confundenda est cum ratione interpretis. §. 79. 80. Quid si ratio ipsa legis lateat? §. 81. -- 84. Ratio legis vel pacti attendenda in interpretatione declarativa §. 85. 86. similiter in extensiva §. 87. 88. ubi eadem debet esse ratio non similis §. 89. (Quid si rationes una plures? §. 90. -- 93.) item ratio debet esse efficax §. 94. -- 99.

Ratio

Ratio legis excludit cavillationes. §. 100. 101. 102. De interpretatione restrictiva examinatur sententia Grotii §. 103. -- 105. Usus regule in interpretatione restrictiva, 1. de substrata materia §. 106. -- 108. 2. de effectu §. 109. -- 116. Si due leges collidantur, quam alteri cedere debeat? §. 117. -- 142. 3. de ratione legis §. 143. -- 150. ubi tamen tres limitationes notanda. §. 151. -- 158. Cur omissa sit regule de favorabilibus & odiosis? §. 159. -- 161. quia scilicet ea nullum habet usum, quod ostenditur contra Grotium. §. 162. -- 176. In obscuritate incurabili cessat officium interpretis §. 177. -- 186. contra quam faciunt JCI in conciliandis antinomis occupati. §. 187. -- 191. Differentie quinque inter obscuritatem voluntatis divina & humane §. 192. -- 199.

§. 1.

Possemus adeò finem imponere libro secundo, & statim ad officia hominum specialia in diversis societatibus transire, nisi recordaremur, superius a) discursum de interpretatione certis ex causis interruptum, ejusque supplementum post doctrinam de pactis dilatatum fuisse.

2. Scilicet dixi suprà: Aliam esse Interpretationem Legum naturalium, aliam legum positivarum. Utramque quidem præsupponere certas regulas atque axiomata à primis principiis dependentia, sed naturales tamen niti perpetuis demonstrationibus b) etiam in conclusionibus remotis, in positivis verò conclusiones ex generali axioma per conjecturas & argumenta probabilia deducendas esse, atque hac parte usurpandas esse easdem regulas, quibus artifices in interpretandis legibus humanis & pactis utuntur.

Tt 3

3. Ubi

ad §. 1. a) l. 1. c. 4. §. ult. Cum hoc capite jungendum est Pufend. I. 5. caput 12. & caput 3. mex praxeos Logicæ, ubi doctrinam

de interpretatione reassumsi §. 19. seqq. & ibi multa emendavi.

ad §. 2. b) vide lib. 1. c. 3. §. 5. seqq. & c. 4. §. 80. seqq.

3. Ubi tamen ante omnia repetendum erit, quod loquamur de legibus positivis salutem hominum universorum temporalem concernentibus; Utrum enim & interpretatio mysteriorum fidei nitatur regulis communibus bonæ interpretationis, an vero ad eam specialis concursus & illuminatio divina requiratur, nostrum non est ut definiamus, qui Theologica Theologis relinquenda esse opinamur.

4. In foro igitur humano c) cum quilibet ad ea obligetur, quæ legislator voluit, aut ad quæ ipse se per voluntatem propriam obligari voluit, voluntas vero legislatoris [excepto Jure naturæ] & promittentis non nisi ex signis, quibus voluntatem suam declararunt, colligi ab aliis hominibus possit, inde constat, interpretationis, quam jam tractamus, normam & mensuram genuinam esse collectionem mentis ex signis maxime probabilibus.

5. Cum autem inter signa, quibus mens declaratur, potiora sint, quæ per sermonem sunt, d) igitur hic potissimum de interpretatione voluntatis per verba declarata erimus solliciti, præprimis cum regulæ, quas hic tradituri sumus, ferè applicari possint ad voluntatem factis declaratam, unde consensus tacitus oritur.

6. Porro cum verba sint signa mentis, inde in universum constat, verba menti, non mentem verbis esse subordinandam. e)

7. Unde in omni quidem lege vel pacto ante omnia ad verba est respiciendum, simul vero videndum, annon legislator vel contrahens aliud quiddam innuere voluerit, quam locutus est.

8. Scilicet aliquando præcisè verba applicamus ad mentem nostram, ut loquamur, quæ sentimus; f) aliquando verba mentem nostram

ad §. 4. c) De foro enim divino hic abstrahimus, ut quod magis pertinet ad vitam æternam.

ad §. 5. d) vide suprâ c. 8. §. 17. hujus libri.

ad §. 6. e) Igitur etsi mentem colligamus ex signis, signa tamen ista

(nempe verba) interpretamur sapius ex mente, hoc est, (ne putes subesse assertionem in circulum redeuntem,) ex aliis signis mentis præter sermonem.

ad §. 8. f) e. g. dabo tibi centum thaleros.

nostram ex parte saltem referunt, ut *minus loquamur quam sentiamus*; g) aliquando verba latiora sunt quam mens, ut *plus loquamur quam sentiamus*. b)

9. Oritur ex his diversis loquendi modis triplex quoque interpretationis species; i) *Declarativa*, quæ mentem aliorum exponit, prout verba jacent: *Extensiva*, quæ verba angustiora extendit ad alium casum sub mente comprehensum: & *Restriktiva*, quæ docet, non omnia, quæ sub verbis comprehenduntur, pertinere ad mentem loquentis.

10. Quæ tres species & in eo differunt, quod declarativa respiciat principaliter *propositionem verbis declaratam*; Extensivā vero & restrictivā *aliud quiddam*, quod verbis declaratum non est, rationem nempe, quæ aliquem ad loquendum impulit.

11. Verba igitur, circa quæ declarativa Interpretatio occipata est, vel considerantur ut *termini simplices*, vel ut *propositiones* aut integri discursus.

12. Uti autem omnis Interpretes bonus à notione terminorum simplicium incipit, ita nullum est dubium, quin debeat idem necessario gnarus esse, quid significant ea in sensu composito, cum leges & pacta minimum propositiones sint.

13. Facit enim compositio sæpius, ut verba alio planè modo significant, quam si ponuntur, ut termini simplices. Et hoc solet appellari *Idiotismus lingvæ*. l)

14. Utra-

g) e. g. Dabo tibi centum cum comodum erit, & subintelligam thaleros, & tibi.

h) e. g. Dabo tibi centum florenos & subintelligam Belgicos.

ad §. 9. i) Aliter paulò de speciebus interpretationis disserui d. c. 3. prax. Log. §. 93. seq. ubi simul ostendi peccare Jctos, singulis interpretationis generibus singulas regulas accommodantes, quos olim &

hic secutus fui. Unde poterit jam §. sequens omitti. Nam & declarativa interpretatio respicit rationem legis. vide §. 85. seq.

ad §. 13. l) e. g. à teneris unguibus, pedem in cymba Charontis habere. In Gallico: rompre les chiens: In Germ. ins Graß beissen/ sich in Finger beissen/ den Heiligen die Füße abbeissen.

14. Utraque verba (& termini & propositiones) sunt vel *vulgaria* seu popularia, vel *technica* seu termini artis.

15. Horum utraque rursus sunt vel *perspicua* vel *obscura*. *Perspicua* voco, quæ linguæ alicujus vel artis peritis satis dilucide & distinctè mentem loquentis exponunt. *Obscura*, quæ à peritis vel difficulter vel planè non intelliguntur.

16. *Perspicua* quod concernit, uti & ipsa illis, qui artis vel linguæ haud sunt gnari, etiam *obscura* sunt, (unde Philosophi obscuritatem in *subjectivam* & *objectivam* distinxerunt) ita hæc obscuritas facillè tolli potest, partim si quis iis, qui linguas docent, se fideliter informandum tradat, partim si ab artificibus discat principia & regulas artis, nec utrobique negligat lexicæ & dictionaria huic usui inservientia.

17. Porro sicut in alterutro horum parum proficiet, qui *dididaxit* hic esse velit, ita qui linguam vel artem non didicit, ab interpretatione abstinere debet, ne seipsum aliis deridendum prostituat. m)

18. Ita expositiones terminorum, quibus *Theologi* in exponendis mysteriis fidei utuntur, ipsis à *Jureconsultis* & *Medicis* relinquenda*) sunt; Ita v. gr. *Lex Aquilia*, *SCtum Vellejanum* & *Macedonianum*, *dominium bonitarium* & *Quiritarium*, *superioritas territorialis*, *Vasallagium*, &c. nihil attinent *Theologos* & *Medicos*. Ita *Alcali* & *Acidum*, & infinita morborum ac symptomatum termini ad *Theologos* & *JCtos* non pertinent. Omnium horum explicatio non spectat ad *Philosophos* &c.

19.

ad §. 17. m) Ut sit plerumque in iis, qui libros vertunt. Comparata hic versiones Gallicæ & Germanicæ autorum classicorum.

ad §. 18. *) Intellige totum parvagnathum, si quis aliam artem vel disciplinam non didicit. Ut si *Theologus* v. g. *Jurisprudentia* terminus ignovans *systema juris nature* scri-

bere & ibi multa de dominio, jure in re, contractibus &c. absque judicio immiscere velit. At vero si quis caller aliam disciplinam etsi ei non ex professo ut dicitur incumbat, inde non est arcendus sub stulto prætectu, quod vocationem ad eam non habeat. Dixi cap. 2. Prax, log. n. 2. seq.

19. *Obscura* verba vel laborant obscuritate quæ tolli potest, vel ita sunt obscura, ut nemo possit intelligere, quid loquens voluerit. Prior est hujus loci, ut fufius probabimus *infra* n)

20. Provenit verò obscuritas ista partim à *figurâ* externâ literarum, partim ab interno verborum sensu. o)

21. *Figura* externa verborum formatur vel linguâ vel scripturâ. p)

22. Quæ lingua formatur, sonus dicitur, q) cui nisi plane sit *ἀναρρητός* & inarticulatus, r) non debet interpretatio denegari. Nam & is, qui difficulter loquitur, pro loquente haberi debet, quod maximopere usum habet, si qui in ultimo mortis articulo non satis intelligibilibus verbis supremum & nunquam rediturum arbitrium profundunt, s) v. gr. si quis dixerit: *servus meus Cratinus liber esto*, & habeat solum servum *Cratistum*. t)

23. Ejusmodi obscuritas, quatenus per interpretationem tollenda est, iisdem ferè regulis subjacet, quas circa internam obscuritatem removendam trademus. u)

24. Obscuritas ex *figurâ* scribendi x) aut iis quæ scriptioni extrinsecus adveniunt, orta, provenit vel quod quis obscuris & inartificialibus ductibus literas formaverit, quod vitium multis eruditis commune est, ut in proverbium abierit, *nos docti malè scribimus*. Ita notum exemplum Medici, qui dum *apium* præscribere volebat, literas sic duxerat, ut pharmacopœus pro apio legeret *opium*.

25. Vel quod scribens *signorum* sive *notarum* obscuritates & compendiosa ænigmata, quæ *abbreviaturas* dicimus, adhibuerit,

Uu

quas

ad §. 19. n) §. 186. seq.

ad §. 20. o) Rebhahn. disput. de interpret. jur. obscuri. th. 23.

24.

ad §. 21. p) Conf. l. 38. de O. & A.

ad §. 22. q) Rebhahn. d. th.

23.

r) l. 7. in fine de suppell. leg.

s) l. 15. C. de testamentis.

t) Respondit Scævola, *Cratistum liberum esse debere* l. 54. pr. de manum. testam.

ad §. 23. u) §. 47. seqq.

ad §. 24. x) Rebhahn. d. th. 23.

quas propterea non sine ratione severe prohibuit in describendis legibus adhibere Justinianus. *y*) Ita aliquando imperitus clericus legebat: *Otto DEI gram. &c.*

26. Vel si librarius in *transcribendis* verbis erraverit. *z*)

27. Vel si scriptura *lituris, inductionibus, superinductionibus*, vel quolibet alio modo ita cancellata fuerit, ut oculis perspicere non bene possit. *a*)

28. Vel si scriptura initio incuria scribentis, *b*) vel postmodum temporis vitio *mutata* sit. *c*)

29. Vel si lectio, quantumvis sana & recta, quod ad voces attinet, sola *interpunctione* laboret, aut interpunctio *missa* ambiguitatem pariat, ut in vulgato: *Porta patens esto nulli claudaris honesto. &c. d*)

30. In his & similibus obscuritatibus, etsi non parum adjuvent regulæ mox tradendæ, tamen non diffitendum est, potissimum adjumentum ex *naturali prudentia* & singulari dijudicandi facultate, quâ unus præ altero excellit, petendum esse, unde & qui in ejusmodi interpretationibus felices sunt, *Criticorum* titulo ab eruditis insigniri solent.

31. Igitur pergo ad obscuritatem, quæ ex *interno verborum sensu* legibus aut pactis accidit. Provenit illa inde, quod loquens adhibuerit vocabula *I. obsoleta*, sive ea adhibita fuerint eo tempore, quo clara & usitata erant, qualia occurrunt in *LL. XII. Tabularum*, item in Legibus Longobardorum & aliorum populorum.

ad §. 25. y) l. i. §. 13. l. 2. §. 22.
l. 3. §. 22. C. de V. I. E.

ad §. 26. z) l. 92. de R. I. l. 24.
C. de testam. *Ita typographus ex errore pro: grande decus patriæ in carmine aliquo gratulatorio posuerat: grande pecus patriæ.*

ad §. 27. a) l. i. seqq. de his,

quæ in testam. delentur l. 1. si tabb. testam. nullæ extab.

ad §. 28. b) *Ut si quid omissum sit.*

c) l. 97. §. 9. l. 77. §. 22. de eg.
2. l. 7. C. de testam.

ad §. 29. d) vide l. 3. ff. de Ofic. Prætor. Rebhahn. d. thr. 2. in fine. Adde l. 2. §. 23. & 24. de vi bon. rapt.

rum antiquorum Germaniæ, *c*) sive eo tempore quo usurpantur, sint antiquata, ut in istâ viri docti responsione; *Rebare te fari scio* &c.

32. II. Et vocabula noviter conficta *f*) sæpius obscuritatem pariunt, cum non ex opinionibus singulorum, sed ex communi usu nomina exaudiri soleant, sive quis significatum vocum in novum sensum privato ausu detorqueat, ut si quis escarium argentum, aut penulas, aut rogas sub *supellectilis* voce comprehendere solitus fuerit; *g*) sive quis ad exprimendos fortè idiotissimos alterius linguæ vel aliâ de causâ in suâ linguâ novos per compositionem aut alio modo *formet terminos*, quorsum fortè referre possis, quando quis milites vocat:

Bombardagladio funehastafamma loquentes.

Et Scholasticorum *perfectihabeam*.

33. III. Obscuritas facile contingere potest, si quis adhibeat in sermone vocabula *peregrina*. Quemadmodum igitur, ut ea evitetur, optimum est, ut congrua eorum periphrasis simul addatur, quod observarunt diligenter leges Romanæ, dum *Scopelismum* & *chomata* memorant; *h*) ita obscuritas augetur, si ab imperitis abusivè usurpentur & in sensum alienum detrudantur, quod nostris Gallo-Germanis perquam familiare est. *i*)

34. IV. Potissimum tamen obscuritatem pariunt vocabula *ambigua*, quæ ita videlicet comparata sunt, ut duas vel plures res significent. *l*) Uti enim non insaniendum est cum Scepticis, omnia quæ existunt, & multo magis quæ verbis proferuntur, ad ambiguitatem & incertitudines referentibus, ita explosa est jamdudum Diodori sententia, contra Chrysippum defendentis; Nul- lum verbum ambiguum esse, cum plures omninò sint res quàm

Uu 2

voca-

ad §. 31. e) Rebhahn. th. 25.

ad §. 32. f) Rebhahn. th. 26.

g) l. 7. §. 2. de supellect. leg.

ad §. 33. h) l. 9. & 10. de extra-

ord. crimin.

i) v. g. es ist ein galanter Hans

toffel.

ad §. 34. l) Rebhahn. th. 26.

vocabula, & ingens copia rerum sine nomine, quas non propriis appellationibus notamus, sed alienis commodatisque. m)

35. Dum verò vocabulum plures res significat, aut horum significatum unus est *proprius*, alter *improprius*; aut *uterque proprius*. Ita *Bibliotheca* propriè significat locum, in quo libri collocati sunt, impropriè & per tropum libros ibi locatos. n) Ita *arma* propriè instrumenta, quibus in bello utimur, impropriè viros armatos: ita *ferrum* propriè certi generis metallum, tropicè arma ferrea denotat.

36. Si uterque significatus est *proprius*, tum aut unus sub altero continetur, aut *neuter* continet alterum.

37. Illud accidit, vel quòd nomen *generis* peculiari specie applicetur, v. gr. quando *mulieres* sapius opponuntur virginibus, o) item *adoptio* & *cognatio* diversimodè usurpantur; vel quòd nomen *speciei* supponatur pro individuo, v. gr. quando *homo*, *equus*, &c. promittuntur; vel quòd unum nomen *proprium* pluribus individuis commune sit, ut si quis plures *Stichos* habens *Stichum* legaverit; p) vel quòd vox *masculina* sapius sub se comprehendat sexum *fœmininum*, e. g. *homo*, *equus*; vel quòd *usus artis* latius pateat, quàm *usus populi*, exemplo *mortis* &c.

38. Illarum vero significationum variantium, quarum *neutra* continet alteram, infinitæ sunt, v. g. cum *Gallus* avem & hominem, *jus* offam aut certum locum &c. notant. Ita *meum* & *tuum* ambigüe significant in isto Poëtæ: Carmina Paulus emit, recitat *sua* carmina Paulus: Jurat capillos esse, quos emit, *suos* Fabulla, &c.

39. Est porro nonnunquam & in verbis *conjunctis* seu in contextu sermonis ambiguitas, quæ plerumque contingit ex nimia brevitate, si omiſſa sint, quæ ad absolvendum sensum omnino

m) Vide Kulpis. ad Grot. p. 86.
lit. c. Script. ad Herenn. II. 15.
Gell. XI. 12. l. 4. de præscript.
verb. Senec. II. de benef. 34.
Quintil. 7. Institut. Orat. 9.

ad §. 35. n) l. 52. §. 3. de leg. 3.
Rebhahn. th. 26.
ad §. 37. o) Pufend. V. 12. §.
5. adde Rebhahn. th. 26.
p) l. 32. §. 1. de Leg. 1.

no pertinebant, ut: Heres meus uxori meae vasorum argenteorum pondo centum, *qua volet*, dato. *Cum commodum erit*, habebis centum. q)

40. Poterit tamen etiam abundantibus & *superfluis* verbis gravatus ac involutus sermo verborum intellectum ambiguum reddere; aut obscurum; ut si quis fundum ita ut instructus est, legaverit, & adjecerit: *cum supellectili & mancipiis*; aut si legatâ supellectili, *species quasdam* ex abundantia per imperitiam nominaverit; aut si quis stipulanti responderit; *Arma virumque cano*, spondeo. r)

41. V. Obscuritatem parit sermo *perplexus*. Dum scilicet, quicquid ex duobus verum constituerimus, per interpretationem falsum apparet. Oritur verò perplexitas illa vel ex *soli verborum inspectione*, v. gr. si quis heredes sibi faciat: *Si Titius heres erit, Sejus heres esto; Si Sejus heres erit, Titius heres esto.* s)

42. Vel ex *supervenientis cujusdam casus circumstantiis*, v. gr. Lex est: *Rapta raptoris mortem eligat aut nuptias*. Est qui duas rapuit, quarum altera mortem, altera nuptias elegit. Lex est: *vir fortis quod volet poscito*. At sunt jam duo viri fortes, qui eandem postulant virginem. Lex est: *qui seditionem incepit, penas luat, qui finivit, poscat premium*: Idem seditionem & incepit & finivit, ac premium petit. Testator dixerat: *Titio do lego fundum meum, si legi Falcidia in testamento meo locus non erit*. Erat fundus iste dignus centum aureis, præter hunc verò jam trecenta legaverat, & cum moreretur, ultra quadringenta non habebat. Alius: *Titia textores meos omnes, præterquam quos testamento alii legavi, lego: Ploria vernas meos omnes, præter quas alii legavi, lego*. Aderant servi vernæ idem & textores. r)

43. VI.

ad §. 39. q) l. 125. de V. S. Rebhahn. th. 27.

ad §. 40. r) l. 12. §. 46. de instr. vel instr. leg. l. 9. pr. de supell. leg. l. 65. pr. de V. O. Rebhahn. th. 27.

ad §. 41. s) l. 16. de condit. instit. l. 85. pr. ad l. Aquil. Rebhahn. th. 28.

ad §. 42. t) l. 88. pr. ad L. Falcid. l. 36. pr. de leg. 1. Pufend. V. 12. 6.

43. VI. *Duarum etiam orationum contrarietas & pugna obscuritatis causa est.* Deprehenditur verò ista contrarietas initio in applicatione legum diversarum *verbis non contradicentium*, ad casum talibus circumstantiis præditum, ut utraque lex simul locum invenire nequeat, v.g. Lex una est: *Tyrannicide statua ponatur in gymnasio*: Altera: *Ne mulieri in Gymnasio statua collocetur*. At fœmina est, quæ tyrannum occidit. Lex est: *Qui tyrannum occiderit, quamcunque sibi rem à magistratu deposcito, & magistratus ei concedito*. Et altera lex: *Tyranno occiso, quinque ejus proximos cognatione magistratus necato*. Tyrannum uxor sua interemit, præmii-que loco filium suum, quem ex Tyranno habebat, sibi deposcit. Lex est: *Ne quis die feriato cum armis in publico versetur*: Altera: *Ne quis signo audito tumultus indice domi se contineat, sed cum armis magistratui in foro præsto sit*. Jam tumultus die feriato oritur. &c. u)

44. Uti verò ex exemplis apparet, hanc contrarietatis speciem maximè affinem esse modò præcedenti ultimo perplexitatis generi; ita si paulò intensius utriusque naturam speculemur, fortè non adeò commodè utramquè speciem ad *verborum obscuritatem & interpretationem declarativam*, cujus gratia eam doctrinam præmittimus, retulimus; sed vel ad *obscuritatem subjectivam* eadem erunt referendæ, vel ad aliud interpretationis genus, & omnium maximè ad *restrictivam* interpretationem. x)

45. Præprimis cum ejusmodi obscuritas accidere possit & sæpius accadat, in collisione *duorum præceptorum Juris naturalis*, quatenus vel à DEO publicatione repetita sunt, vel à Juris Naturalis scriptoribus communiter efferri solent, aut etiam ob externarum circumstantiarum advenientiam, unius legis sensum perplexum reddentem. Lex est: *Dandas esse Eleemosynas*: Altera:

Non

ad §. 43. u) Puf. V. 12. 6. & §. ult. p. 816.

ad §. 44. x) Non opus est amplius, ut nos in hac observatione torqueamus, postquam in Praxi Lo-

gices c. 3. §. 104. & 107. ostensum, distinctionem interpretationis in extensivam, restrictivam, & declarativam non habere usum intuitu regularum interpretationis.

Non faciendum esse factum. Furtum commisit quis, ut daret elemosynas. Lex est: *Benefico beneficium redhibendum.* Concurrent pater & qui te ingentibus beneficiis affecerat, patronus; Ita verò res tuæ sunt comparatæ, ut unum alteri posponere habeas necesse &c.

46. Magis igitur ad præfens negotium videtur quadrare ista contrarietas, dum duæ propositiones *ad se relate* citra respectum ad casum specialem, ita contradicere videntur, ut quod una affirmat, neget altera: [quamvis & hæc species videatur declarativæ interpretationi cum restrictiva communis esse] sive contrarietas hæc occurrat *in uno contextu*; [v. g. si testator in uno testamento aliquem modò purè, modo sub conditione heredem scribat, aut legatum det & adimat, aut cum Ulpianus alicubi dicit; y) patrem prius sibi debere heredem scribere, deinde filio substituere, nec convertere ordinem scripturæ: & mox subjicit; tamen valere substitutionem, si quis prius filio substituerit, deinde sibi heredem scripserit: licet conversa scriptura filii testamentum fecerit] sive in *diversis locis*, cujusmodi contradictionum exempla infinita occurrunt in Legibus Romanis.

47. His præmissis videndum jam erit de *fontibus conjecturarum*, quibus utendum ad obscuritatem verborum obvenientem tollendam. Aut igitur talis est obscuritas, quæ regulis bonæ interpretationis *tolli potest*, aut eadem nullum admittit *remedium*.

48. Priori casu respiciendum est 2) 1. ad negotium & ejus naturam, de quo legislator vel paciscentes egerunt: Unde regula: *Verba sunt intelligenda secundum substratam materiam.* Cui affine est effatum Logicorum: *Talia sunt prædicata, qualia permittuntur à suis subjectis.* Quamvis nostra sit latior, ubi non solum prædicatum æstimamus à naturâ subjecti, sed & nonnunquam subjectum determinatum à prædicato, v. gr. dum dicitur: *Canis ardet. Gallus volat*, &c.

48. Ex-

ad §. 46. y) l. 2. §. 4. & 5. ff. de V. & P. substit.

ad §. 48. 2) Puf. V. 12. 7. Rebhahn, th. 34.

49. Extendit verò se hujus regulæ usus in omnis obscuritatis generibus. Nam sæpius in verbis *obscura sono & dubiis literarum figuris* propositis, non infelicitè hariolamur sensum vocis ex substratâ materiâ. Ita si dubitem, an qui mecum loquitur vel qui scripserit, *merx* dicere voluerit, an *merces*, si de emptione sermo fuerit, prius, si de locatione, posterius vocabulum erit intelligendum. Ita si nesciam, utrum *evictum* scribere voluerit, an *edictum*, si materia sermonis fuerit emptio, pro illo erit præsumptio, nisi fortè de vitis rei venditæ disseruerit, uti facile contingere potuit, ut de *edicto* voluerit loqui. a)

50. Deinde in verbis *obsoletis, novis, aut peregrinis* nonnunquam substrata materia lucem affert. Ita plerumque qui ex adulatoribus lingvas discunt, cum magister non est ad manus, & lexicorum evolutio tædiosa est, ex verborum circumpolitorum notitiâ incognitæ vocis significationem cum successu conjectantur. Ita v. g. dum Scriptor aliquis in idiomate Germanico voces Gallicas immiscere adſvetus scripserat; Einer der eine alte aber doch reiche Weibes Person um Geldes willen heyraethet/ erlustriget sich hernach gemeiniglich zu Hause mit Caton. b) Substrata materia ostendit, eum id voluisse significare, quod ejusmodi homo se delectet cum juvencula quadam domestica; non ut alius ineptè publicâ periphrasi sensum exprimere voluit, er belustigte sich zu Hause mit Caton, das ist/ mit einem Catonianischen ernstlichen sauer sehen, &c.

51. Porro & *ambiguitatem* sæpius tollit materia substrata. Ita si *bibliotheca* v. g. c) *legata* fuerit, præsumendum erit pro libris, si *biblio-*

ad §. 49. a) Huc pertinet l. 13. §. 1. de pign. act. Venit autem in hac actione & dolus & culpa, ut in commodato; venit & custodia: vis major non venit. Ubi non malè à quibusdam emendatur textus Ita: at in commodato venit & custodia.

ad §. 50. b) Habes exemplum vocis & peregrina & nova; debuisset enim dicere: Catin. De obsoletis inquirenda exempla in legibus Longobardicis.

ad §. 51. c) Conf. §. 35. Grot. II. 16. §.

bibliotheca extrui jussa, intelligendus erit locus. Ita *ferrum deponere jussi*, satisfecerunt, si arma ferrea posuerunt. Ita si quis *tertio arma inferre* foedere prohibitus sit, intelliguntur milites, *sin hostes arma trudere* jussi, intelliguntur instrumenta bellica.

52. Ita ex eodem materia substrata loco aliquando dijudicandum erit, utrum quis significatum vocis *laxiorem* an *strictiorem* intenderit? Sicv. gr. in materiâ feudali vocabulum *heredis* denotabit masculos, non quoscunque heredes allodiales, &c. d)

53. Ita cum dicitur, *Gallum subegisse provinciam*, e) apertum est, de homine quem loqui, non de ave. Ita si dixerò: *hic liber meus est*, sine dubio intelligetur, ejus dominium à me esse acquisitum. At si quis de *suis capillis* loquatur, communiter denotabitur, non esse eos aliunde quæsitos, &c.

54. Ita in exemplo suprà adducto: *) Heres meus uxori meæ vasorum argenteorum pondo centum, *quæ volet*, dato, ubi nimia verborum brevitas[quam uno verbo testator evitare potuisset: quæ volet *ipse* vel *ipsa*] obscuritatem pariebat, substrata materia & causâ nempe *legati*, inter alia ostendit, pro uxore, non pro herede esse pronunciantum.

55. Ita si voces *abundantes* **) ambiguitatem pariant, momentum afferet materia substrata. Unde putarem v. gr. si quis promiserit *supellectilem*, & simul species quasdam recensuerit, non tamen omnes, abstrahendo à reliquis circumstantiis, in promissione gratuitâ deberi saltem species expressas, in onerosâ etiam reliquas.

56. Cogitandum nunc erit ulterius de exemplis, in quibus sermo *perplexus* aut *pugnans* ex hâc regulâ interpretationem consequi possit, hæc enim quæ hæctenus attulimus, speciminis loco potuerunt sufficere.

X x

57. Affi-

ad §. 52. d) Conf. §. 37.

ad §. 53. e) Aliud si dicam: *Gallus subegit Gallinam*. Conf. §. 38.

ad §. 54. *) Conf. §. 39. Puf. §. 5.

ad §. 55. **) Conf. §. 40.

57. Affinis huic primæ regulæ est, f) atque sub eadem contineri videtur & alia, quam communiter Doctores separatim tradunt, & ex conjunctis loco petitam asserunt: *In omni sermone interpretando accuratè ad antecedentia & consequentia esse attendendum, quibus interjecta attemperari & respondere præsumuntur.* Quorsum pertinet, quod Celsus inculcat: *Incivile esse, nisi totâ lege perspectâ, una aliqua ejus particula præposita, judicare vel respondere.* g)

58. Nam ideo potissimum contextus est considerandus, ut constet de materiâ substratâ.

59. Quod si tamen accuratius eandem pensitemus, apparebit, *affinitatem* saltem aliquam inter conjecturam à substrata materia, & conjecturam à conjunctis loco desumptam esse, non *identitatem*, cum regula de *substrata materia* locum habere possit, ubi nulla sunt antecedentia vel consequentia, & regula de *contextu* usum suum exerere possit, etiam citra respectum ad substratam materiam, puta, cum sensus uterque vocis ambiguae ad substratam materiam quadrat; vel de omni sensu dubitatur.

60. Prioris exemplum esto, si dicam: *Gallus coquitur.* h) Posterioris, si instrumentum v. g. super stipulatione confectum referat; stipulatum esse Primum *frumentum* à Secundo, Secundum spondidisse: in præfatione verò faciat mentionem, de *alio loco* modis inter contrahentes actum fuisse, i)

61. Quapropter 2. in genere ex loco de *conjunctis* ista sit regula: *Obscura locutiones explicanda sunt ex sermone ejusdem auctoris alibi planè & perspicuè expresso, sive in eodem loco, in antecedentibus puta & consequentibus, [quæ propriè conjuncta loco vocantur,] sive in diversis & alio tempore prolatis; quæ appellantur conjuncta origine.*

ad §. 57. f) Puf. de O. H. I. 17. | *dubium esset, annon sub voce Galli intelligeres etiam hominem.*

7. ex Grotio. Rebh. th. 35.

g) l. 24. ff. de LL.

ad 60. h) Notanter hoc exemplum elegi. Si enim dicas: *Gallus volat, alas movet, deplumatur,*

i) Conf. l. 134. §. 1. de V. O. Alios textus adducit Puf. V. 12. §. 9.

gine. v. g. si in Testamento alicui *partem tertiam* ædium legasssem, & in codicillis scriberem: Titio præter *partem* ædium do lego centum. (1)

62. Et huius regulæ usum se diffundere arbitror in quodcunque obscuritatis genus, ut etiam verba *obsoleta, nova, peregrina, perplexa, pugnanti* quandoque ex illâ exponi possint. Similiter judico de regulis sequentibus, quod ad eò semel monuisse sufficiat.

63. 3. Ab effectu porro regula desumitur. m) *Verba ita explicanda erunt, ne nullus inde oriatur effectus, & negotium pereat, aut ne effectus cum absurditate quadam sit conjunctus, quod fit, si expositio pugnet cum jure divino vel humano.*

64. Ita per cavillationem Athenienses in fœdere promittentes, quod agro *Bocotorum* vellent cedere, negarunt postea agrum esse *Bocotorum*, quem ipsi cum exercitu infiderent. Ita cum lex sub gravi pœna prohiberet alteri in platea sanguinem elicere, absurdum fuisset, si secundum ejus verba *barbitonsor*, qui in platea alteri venam secuerat, fuisset punitus. n) Ex eadem regulâ etiam erat definienda controversia inter *Protagoram* & *Evathlum* pro *Protagorâ*. Huc quoque pertinet casus de eo, qui *Cratinum* liberum esse volebat, cum solum haberet *Cratistum*.

65. 4. Magnum momentum etiam in interpretatione affert *personæ affectio*. Unde regula: *Verba obscura ex affectione cujusque capiunt interpretationem*. Ita si quis *Titium* heredem instituerit, inter plures *Titios* is hæres erit, quem constat à defuncto maxime dilectum fuisse. o)

X x 2

66. 5.

ad §. 61. l.] Puf. de O. H. I. 17. 7. |
Rebh. d. §. 35.

ad §. 63. m.] Puf. V. 12. 8. Rebh. |
th. 34. 35. 38.

ad §. 64. n.] Pufend. V. 12. 19. |
Conf. suprâ §. 22.

ad §. 65. o.] Rebhahn. th. 34. l. |
168. §. 1. de R. I. l. 62. §. 1. de he-
red. instit. Aliud exemplum in l.
45. solut. matrim. ubi expressè
] Cuius hanc regulam applicat.

66. 5. Affinis præcedenti est conjectura, p) quæ ex qualitate personarum desinitur: Nam sapius verba dubia exponenda erunt secundum conditionem aut dignitatem personæ, quæ loquitur aut ad quam sermo dirigitur.

67. Ita si studiosus q) alicui universas chartas reliquerit, libri debebantur, quamvis aliàs sub chartarum nomine propriè libri non contineantur. Ita si quis dotem promiserit, aut alimenta reliquerit alteri, determinanda erunt utrobique secundum conditionem & dignitatem personæ, cui relinqvuntur aut promittuntur.

68. 6. Sed potissimum considerari meretur ratio legis aut paci. Hinc: Illa interpretatio legis est sequenda, quæ rationi legis congruit, & contrariè rejicienda, quæ ab eadem discrepat. r)

69. Cæterum ratio legis duplex potissimum est, una, quæ legislatorem impulit ad legem condendam, altera, quam per legem intendit.

70. Quemadmodum verò intentio legislatoris occasione, quæ eum ad legem condendam impulit, plerumque si non semper, ex adverso opposita est; ita facile constat, ad utramque in præfatâ regulâ respici debere. s)

71. Ita cum agricolæ per exercitium judiciorum impedirentur in percipiendis agri fructibus, occasionem id dedit Romanis ad *ferias messium* concedendas, eâ intentione, ut impedimenta hæc cessent.

72. Ita caritas annonæ & ejus timor principem quandoque impellit, ut *frumenti exportationem* prohibeat, quo illa annonæ caritas evitetur.

73. Ne-

ad §. 66. p) Rebh. th. 35.

ad §. 67. q) l. 52. §. 4. de Leg. 3.

ad §. 68. r) Puf. de O. H. §. 8.

Rebh. th. 34. Ita si princeps dixerit, ob caritatem annonæ prohibitum esse exportationem frumenti,

ratio legis offendit, prohibitam esse non exportationem omnem, sed exportationem vendendi causa factam.

ad §. 70. s) Hec etiam putat Rebh. d. th. 34.

73. Neque obstat dictis, quod sæpius lex applicari soleat ad istum casum, ad quem causa impulsiva non quadrat. Ita feriæ messum etiam profunt illis, qui nullos fructus agrorum percipiunt aut colligunt.

74. Meminisse enim debebis & in hac & in reliquis regulis, nos tradere conjecturas voluntatis tacitæ, quæ cessant, quoties legis verba expressa aliud docent, ut in dictâ materiâ feriarum.

75. Quin et si aliæ circumstantiæ concurrant, quæ suadeant præter intentionem aut occasionem legislatoris esse interpretationem faciendam, fortè ut evitetur multiplicatio litium, vel quæ possunt esse similes, nec illæ sunt omittendæ. Conjectura enim cum conjectura conferenda est.

76. Ita quasi ususfructus inventus erat, ne legata corruerent, posteaquam tamen inventus erat, non malè sentiunt, qui arbitrantur, eundem etiam per pacta inter vivos posse constitui.

77. Simul tamen illud patet, quod dum in legibus Romanis ut regula inculcatur, falsam causam legatis adjectam, non vitare legatum, ^{t)} & tamen non desunt quidem casus, in quibus eadem leges vitari legatum per falsam causam admiserunt, non eruditè ad tollendam hanc apparentem repugnantiam, vel potius ad ostendendam inter ista duo differentiam, à communi Dd. scholâ proferatur distinctio inter falsam causam impulsivam & finalem, quasi non illa sed hæc legatis noceat; sed longè alias explicationis rationes hic esse afferendas. ^{u)}

78. Ita v. gr. si dixerit testator: Titio, *quia negotia mea curavit*, do lego centum. Finge falsam causam fuisse. Sed quid ope distinctionis istius definies? Utrum valebit legatum an minus? Nam si vera fuisset causa; gestio negotii erat causa impulsiva, remuneratio istius causa finalis. Et ita in similibus casibus duplex hoc causarum genus concurrèt.

XX 3

79. Non

ad §. 77. t) Vide §. 31. Inst. de leg. ibique Vinnium in notis, ut & Noricum in addit.

u) Scilicet in legatis causas ap-

positas plerumque non esse veras, sed prætextus, saltem, nisi circumstantia ostendant, testatorem eas ut veras respexisse,

79. Non confundendæ tamen sunt cum rationibus istis duabus legum vel pactorum, *rationes*, quibus utuntur Jcti in demonstratione conclusionum specialium ex legibus generalioribus, e. g. dum affertur ratio, x) cur partus ancillæ non sit in fructu, quia fructus omnes hominum gratia conditi sint, vel, ut alibi rectius & magis prudenter, quia ancillæ non ideo comparantur ut pariant. &c.

80. Nam 1. jam agimus de ratione legis aut pacti *interpretandi*, non de ratione *interpretationis* jam factæ. 2. quarimus de interpretatione, quæ nititur argumentis *topicis* & probabilibus, non de interpretatione quasi *demonstrativa*, ex axiomate generali, (v. g. quod usus fructus eum in finem constituatur, ut usufructuarius omnes fructus, cujus gratiâ res comparari solet, percipiat) conclusiones particulares deducente.

81. Quod si igitur ratio legis aut pacti ipsi pacto vel legi fuerit *inserta*, tum interpretatio non adeo erit difficilis. Sed sæpius *latet* eadem, unde novis conjecturis erit opus ad eliciendam rationem, antequam interpretatio secundum eandem fieri possit.

82. Quæ quidem regulis vel ideo non videntur commodè inculcari posse, quoniam ob circumstantiarum hic occurrentium infinitam varietatem, & ipsarum quoque infinita est variatio. y)

83. Unde ad earum felicem indagationem insignis requiritur *prudencia Politica*, quantum ad legum & pactorum publicorum interpretationem attinet, quantum verò ad pacta privatorum, eximia *prudencia æconomica*, ac si ita loqui licet, *mercatoria*, in interprete requiritur, quæ non in Academiis & Scholis, sed in conversatione politica atque familiari cum aliis in eo genere Prudentibus acquiri potest.

84. Magnum quoque præsidium potissimum in pactorum, qua

ad §. 79. x) §. 37. Inst. de R. D. ubi Vinnius in notis. *Usus hujus observationis: A ratione legis vel pacti non debemus in interpretatione recedere: A ratione Interpretum*

& Jctorum possumus recedere, si sint ineptæ.

ad §. 82. y) Conf. Rebh. th. 34. in fine.

quā publicorum, quā privatorum interpretatione afferet eruditio ex lectione diligenti *historiarum* comparata, tum notitia peculiaris eorum, quæ pacta aut fœdera antecesserunt. Unde pacificentium, qui bonâ fide v. g. ad fœdera pacifica accedunt, omnino interest, acta pacificationis publicè nota facere. z)

85. Sufficere hæc possunt de *interpretatione declarativa*. Non enim planè negligendæ sunt reliquæ duæ interpretationis species, a) *extensiva* puta & *restrictiva*, in quibus quantum ad extensivam, uti priores quinque, quas dedimus, interpretationis declarativæ regulæ, non ita frequenter fortè occurrent; b) ita regula modo expolita de legis ratione, tribus istis interpretationis generibus satis evidenter est communis.

86. Quod si enim de verborum obscuritate quâcunque tollendâ agatur, tum in dubio is vocabuli vel phræos obscuræ sensus erit retinendus, qui maximè rationi legis congruit. Quod vel maximè tum usum habet, si duplex vocis sensus sit, laxior alter, alter strictior. Hinc v. g. si Princeps *frumenti* exportationem prohibuerit, sub voce *frumenti* vel universæ species *frumentariæ*, vel saltem *triticum* aut aliud genus comprehendetur, prout nempe in omnibus aut in quibusdam saltem annonæ caritas timetur, quæ Principem ad legem condendam impulerat.

87. Quod si verò verba legis vel pacti *perspicua* sint, nec ambiguitate laborent, tunc sæpius species emergunt sub legum verbis vel comprehensæ vel minus, de quibus tamen non sine causâ dubitatur, an ad eas lex applicari debeat, an non?

88. Atque hic ferè unicè ad *rationem* legis erit recurrendum. Adeoque interpretatio *extensiva* maximam partem isto nititur
cano-

ad §. 84. z) Unde instrumentum
Pacis Monasteriense & Neomagiense
se magnam lucem accipit ex actis
precedentibus & Historia.

ter posita erant in prima editione,
ubi nimis adhuc usum triplicis interpretationis in regulis ipsis quaesiveram. Ad §. verò sequentem ad necessarium mentis mee intellectum quædam initio addidi, incuria typographi in prima editione omissa.

ad §. 85. a) vide supra §. 9. 10.

b) Mutavi hic quædam, quæ ali-

canone: c) *Ubi eadem est ratio, ibi eadem est juris dispositio. Vel: Identitas rationis facit, ut lex & pactum applicari debeant ad casum similes sub verbis eorundem non comprehensos.*

89. Eadem verò debet esse ratio, non saltem *similis*, etsi casus emergentes relati ad verba legis casibus sub lege comprehensis sint saltem similes, non iidem. d)

90. Cum verò sæpius obveniant occasiones *una plures* ad legem ferendam, & secundum tradita etiam Philosophorum unius rei plures possint esse fines, quorum singuli vel sunt æquè *principales*, vel unus *primarius*, reliqui secundarii, inde non in unum versum necesse est, ut ratio legis, secundum quam fit extensio, sit unica. e)

91. Sed hæc observatio tum saltem locum habebit, ubi *unum* tantum finem intendit legislator.

92. Quod si *plures* sint rationes unius legis, tunc si istæ sint æquè *principales*, sequitur, omnes quoque in extensione conjungendas, ne committatur aliàs fallacia divisionis, non aliter ac in rebus naturalibus, ubi necesse est, ut omnes causæ concurrant, si effectus produci debet.

93. Quod si verò ex istis una sit *potissima*, putarem sufficere, si modo ista ad casum similem quadret.

94. Uno verbo: Causa ad quam fit extensio, debet esse *efficax*, eademque considerata esse à legislatore in suâ generalitate, ita ut eandem ad præsentem quoque casum voluisset applicare, si quidem eum prævidisset, aut de eo cogitasset; idque quia alioquin lex fuisset inutilis aut iniqua.

95. Ita si lex *antrum* accipere pignori prohibeat, neque licebit vomerem accipere, si jubeat eum qui, *patrem* interfecit, *cu-*
leo insui, insuendus & qui matrem interfecit; ex *domo* in jus edu-
cere si non licet, non licebit etiam ex *tabernaculis*. Sic si pactum
fit

ad §. 88. c) Puf. V. 12. 17.

annona. Jam exportat quis fari-
nam.

ad §. 89. d) e. g. Frumenti ex-
portatio est prohibita ob caritatem

ad §. 90. e) Quod post Grotium
vult Dn. Puf. d. i.

fit inter vicinos populos, ne intra certum spacium liceat locum muris cingere, neque terreo aggere cingi poterit, si prohibitio- nis ratio fuerit, ne iste locus ad vim prohibendam fieret idoneus. Sic si aliquis in testamento caveat: Titius heres esto, si posthu- mus meus [quem utique expectabat] sit mortuus; etiam hoc casu Titius heres erit, si contingat illi testatori mortuo nullum post- humum nasci.

96. Pertinet huc elegans casus à Luciano propositus. *Lex est: Tyrannicida premio afficiatur.* Est qui in arcem descenderit, ut tyrannum necaret; Aft tyrannum non reperit, sed filium ejus, quem etiam interemit, relicto in vulnere gladio. Adveniens mox tyrannus ut filium vidit occisum, præ dolore animi eodem se gla- dio interfecit. Petit itaque is, qui filium tyranni sustulerat, præ- mium, tanquam tyrannicida.

97. Atque hic quidem non contemnendo artificio præmium petentis partes defendit *Lucianus*, f) potissimum ex eo, quod com- munitè eadem sit ratio illius qui interfecit, & qui mortis causam præbuit.

98. Sed nec etiam quicquam omisit, quod ad ostendendam petiti illius iniquitatem facit, *Erasmus Roterodamus* aliâ Oratione pro adversâ parte conscriptâ, non ita concisâ quidem ut *Luciani*, sed ubi facile tedium ex prolixitate oriundum compensare possit erudita variarum bonæ interpretationis regularum ad præsens negotium applicandarum expositio.

99. Cujus adeò opinio magis placet, potissimum quòd fu- sius ostenderit, factum id prætenfi tyrannicidæ nullo modo pro tali esse habendum, quod veram & moralem interfectionis cau- sam morti tyranni præbuerit. g)

Yy

100.

ad §. 97. f) Et cum hoc Dn. Puf.
d. §. 17. *Lucianus* inter alia urget,
duplex præmium deberi tyrannici-
dæ, quoniam duos tyrannos inter-
fecisset,

ad §. 99. g) Nam erat saltem causa
per accidens. Et posuisset tyrannus
se non interimere, sed necem filii
cum periculo totius civitatis gra-
viter vindicare. Deinde cum ty-

100. Vides verò ex adductis exemplis, quod interpretatio extensiva locum habeat in legibus tam *affirmativis* quam *negativis*: In *his* vero insignem affert usum circa diluendas quasvis *cavillationes* ac reprimendas *fraudes*, quæ à malè feriatis hominibus excogitari solent eludendis legibus.

101. Quare non malè] Cuius istam inter hæc duo ponit differentiam, *b*) quod contra legem faciat, qui facit id, quod verbis legis [rationi videlicet ejusdem correspondentibus] adversum est, in fraudem legis vero, qui salvis legis verbis committit ea, quæ cum intentione legislatoris pugnant.

102. Communiter vero ejusmodi *fraudis* quatuor species faciunt Dd. *i*) Primam, quæ fit commutatione rerum, ut si lex prohibet *pecuniam* mutuò dare filiofamilias, fœnerator vero det mutuo frumentum, vinum, &c. item si princeps vetet *frumentum* exportari aut *lanam*, & quis farinam vel oves exportet: secundam, quæ fit commutatione *personarum*, ut cum *conjuges*, qui invicem donare nequeunt, alias personas quæ donent, substituant; tertiam commutatione *contractuum*, ut si iidem conjuges res pretiosas *uno nummo* sibi vendant invicem, si fœnerator filiofamilias mutuo dandi gratia res quasdam *vendat*: quartam denique commutato *modo* contrahendi, ut si mulier, quæ *fidejubendo* non obligatur, animo intercedendi pro altero mutuum ipsa contrahat; quanquam hæc species parum differat à tertiâ, & cogitandum sit ulterius, annon plures modi, quibus quid in fraudem legis committitur, reperiri possint.

103.

ranni filium interfecit, non potuit probabiliter habuisse intentionem tyrannum interficiendi, sed saltem dolore aliquo ipsum afficiendi, si non planè præ timore id fecit, ne filius ipsum Patrè detegeret. At præcisè Tyrannicidam præmio afficere volebant leges. Denique lex volebat forte factum præmio afficere, hoc

factum erit timidum.

ad §. 101. h) l. 29. 30. de LL. Puf. §. 18.

ad §. 102. i) Puf. d. l. Ziegl. ad Grot. p. 392. Exempla plura, ubi quid sit in fraudem legis, vide ap. Puf. d. §. 18. Talis cavillator depingitur in fabula Ullenspiegelii.

103. Interpretationem *restrictivam*, quæ adhuc restat, *Gratius* petendam esse ait l) ex defectu voluntatis originario, aut ex casus emergentis cum voluntate repugnantia. *Prius* fieri vult ex alio aliquo signo voluntatis, si nimirum verba alio loco posita cum præsentī lege aut pacto per incidentem casum peculiarem pugnare videntur, &c.

104. Hic uti in conclusionibus ipsis non adeo multum diffidemus; ita videtur methodus & connexionis ratio non saltem aliquatenus esse obscurior, verum & certo respectu perplexitatem m) inferre. Cum enim, ut reliqua mittam, omnis interpretatio debeat fieri secundum probabilem voluntatem ejus qui locutus est, neque tamen eam, quam unquam antea habuit, aut post sermonem fortè habiturus est, sane suâ sponte fluere videtur, quodd restrictiva semper se fundare debeat in defectu voluntatis originario, nunquam ex casus emergentis [subsequenti aliqua] cum voluntate repugnantia, defectui originario voluntatis opposita.

105. Rursus cum restrictiva interpretatio ferè intendat, legislatorem plus locutum esse quam senserit, & de casu, de quo sermo est, tum non cogitasse, adeoque ita semper præsupponat casum emergentem voluntati loquentis repugnantem, non video iterum, quomodo defectus voluntatis originarius repugnantia casus emergentis queat opponi. Tentabimus itaque, annon res ipsa commodius hoc modo possit proferri.

106. Extensiva interpretatio ferè *unicè* ad rationem legis vel pacti respicit; At restrictiva etiam *reliquas regulas* interpretationis declarativæ admittit. Unde 1. quæ supran) diximus de *substantiâ materiâ*, hic quoque locum habent, utpote quæ semper intelligenda est obversari animo loquentis, etsi verba videantur latius patere.

Y y 2

107.

ad §. 103. l) Et ex eo retinet Puffend. de O. H. l. 1. c. ult. §. 11. seqq.

ad §. 104. m) hic contradictionē.
ad §. 106. n) §. 48. seqq. Puf. V. 12. 19. in fine.

107. Ita si feudum sit concessum alicui pro se & *descendentibus masculis*, non intelliguntur nepotes ex filia, quia natura ejusmodi feudi repugnat, quæ feminas & descendentes ex iis planè excludit.

108. Ita cum patronus prohibetur adigere libertum *jurejurando* ne uxorem ducat, materia substrata ostendit, intelligendam esse legem de liberto, qui liberos tollere potest, neque puniri patronum, qui à liberto castrato juramentum exegerit. o)

109. Deinde 2. quod supra p) notavimus, non ita interpretanda esse verba, ut nullus, aut absurdus vel iniquus *effectus* sequatur, etiam in restrictivâ interpretatione usum suum exerit. Nam nemo mentis compos absurda velle credendus est.

110. Ita si lex sit: *Vir fortis, qui postulet, habeto*, & unus qui fortia facta perpetravit, postulaverit agrum concivis sui, hic vero post aliquod tempus in præmium fortitudinis agrum suum à priorē repetat, vitatio absurditatis suadet, ut lex explicetur, ne viris fortibus sua præmia iterum eripiantur. q)

111. Inde decidenda etiam controversia inter *Protagoram* & *Evachlum*, ut hic, si à iudicibus ad solvendam mercedem fuisset condemnatus, haud quicquam se exceptione pacti tueri potuisset; quo conventum erat, ut magistro merces non debeatur, quousque discipulus causam non obtinuerit, cum absurdum sit, aliquem suo pacto hoc egisse, ut illud ipsum obftet, quò minus obtineri possit, quod ex eodem debeatur.

112. Pertinet huc interpretatio legis *secundum æquitatem*, r) quæ est correctio ejus, in quo lex deficit ob universalitatem, ubi nempe ex naturali ratione ostenditur, casum quendam pecuniariam sub universali lege non comprehendi, eò quòd alias, & si litteram legis præcisè quis sequatur, oriatur inde aliquid legibus naturalibus.

ad §. 108. o) l. 6. §. 2. de jure patron. Puf. d. i.

ad §. 109. p) §. 63. Pufend. d. §. 19, initio.

ad §. 110. q) Quia aliis effectibus legis esset frustraneus.

ad §. 112. r) Puf. V. 12. 21.

turalibus & divinis repugnans, quod meritò pro absurdo habetur, cum ad talia nemo possit obligari.

113. Ita si lex jubeat peregrinum, qui *mania adscenderit*, s) capite plecti, & peregrinus in obsidione muros ascenderit & hostem subeuntem scalis dejecerit, aut si lex pœnâ capitali *mulieres à certo quodam loco arceat*, eademque tempore oborti incendii, ejus extinguendi gratiâ, locum istum ingrediantur, cessabit utrobique pœna, quia lex naturæ dicitur, beneficium præmium mereri, non pœnam.

114. Eò refert etiam Grotius, t) si verba sequi non quidem per se & omnino illicitum sit, sed æquè rem æstimanti *nimis grave & intolerabile*; sive absolute spectatâ conditione humanæ naturæ, sive comparando personam & rem de quâ agitur, cum ipso fine actûs.

115. Sic qui rem *ad dies aliquot* commodavit, intra eos dies repetere eam poterit, si ipse valde egeat. Sic qui *auxilium fœderato* promisit, excusabitur, quamdiu ipse domi periclitatur, in quantum copius opus habet. Et concessio *immunitatis vel regalium* & tributorum intelligetur de quotidianis anniversariis, non de iis, quæ summa necessitas exigit, & quibus carere Resp. non potest.

116. Sed putarem has conclusiones magis perspicuè deduci ex regula de *materia substrata*. Sane ipse Grotius eartum rationem in eo quærit, quod actuum beneficorum ea sit natura, ut non credendus sit quisquam ad magnum suum incommodum se voluisse obligare.

117. Commodius forte ad præsens punctum referri posset, si *verba alio loco posita* cum præsentī lege aut pacto, non quidem directè pugnant, sed propter certam tēporis circumstantiam hic & nunc simul observari nequeunt, tunc enim necesse erit, ut

Y y 3

una

ad §. 113. s) Puf. §. 6. deducit ex defectu rationis. Alia exempla vide apud Grotium II. 16. 26. Ita gladius depositus non reddendus fu-	renti, aut non Domino, si Dominus concurrat. ad §. 114. t) Grotius d. l. §. 27. Puf. §. 22.
--	--

una in favorem alterius restringatur, ne aliàs neutra habeat effectum, quod *absurdum* foret. u)

118. Sed quænam ex istis duabus tunc cedere debeat alteri, quæstio est. x) In genere y) videtur ea norma observanda, quoniam leges libertatem humanam restringunt, & una tamen magis altera, ut ista lex quæ arctius ligat voluntatem hominis, præferatur isti, quæ vinculum laxius imponit.

119. Referri possunt eò regulæ speciales hæc parte à Dd. traditæ. 1. *Permissio cedit ei quod jubetur & vetatur.* 2) Ratio est evidens, quia quod permittitur, planè non vincit libertatem, adeoque, ut jam ab initio notavimus, permissio propriè non est effectus legis.

120. Ita si lege dispositum sit: *Concubinam habere cuiusvis civi Romano liberum esto*, & alià lege ita sit constitutum: *Mulierem in castris miles non habeto*, apparet, ad militem non pertinere licentiam legis prioris.

121. 2. *Quod jubetur, cedit ei quod vetatur.* a) Nam arctius limitatur libertas hominis per negativa præcepta, quàm per affirmativa, ut supra jam demonstravimus, quoniam videlicet negativa semper omitti possunt, at affirmativa certis temporibus in actum qveunt deduci.

122. Ita præposterum genus pietatis *corium furari*, & calceos pauperibus *elemosynæ* loco dare; quanquam hoc exemplum magis pertineat ad regulam sequentem quartam. Magis accommodum erit exemplum, si paululum imminutes: Non licet furari, ut creditori tuo solvas.

123.

ad §. 117. u) Conf. §. 44. & 109. Grot. II. 16. 28. seqq. Puf. V. 12. 23.

ad §. 118. x) Tractat hanc materiam Grotius II. 16. 29. ex Cicero-
ne, cuius locum tradit Pufend. V. 12. 23. ubi & regulas Grotii sup-
plet.

y) Hunc canonem generalem omittit Grotius & Dn. Pufend. Desumitur autem ex definitione legis.

ad §. 119. 2) Hic comparatur id quod non est lex cum lege. Ziegl. ad Grot. p. 395.

ad §. 121. a) Hic comparatur lex affirmativa cum negativa.

123. Quod loco rationis in præcedenti regulâ attulimus, etiam alibi quàm in concursu negativi præcepti cum affirmativo potest usum habere. Unde 3. *quod faciendum est certo tempore, præfertur ei, quod quovis tempore fieri potest. b)*

124. Ita *sanctificatio Sabbathi* præferenda officiis quotidianis. Ratio est iterum ea, quod præceptum ad certum tempus respiciens illo tempore magis stringat libertatem quàm alterum.

125. Quod si verò duæ præstationes certo temporis articulo collidantur, ut vel utraque in isto tempore sit obeunda, vel neutra commodè differri possit, tum 4. *Obligatio imperfecta cedit obligationi perfectæ. c.)* Cum enim in perfectâ sit major obligationis gradus, magis quoque eadem libertatem nostram vincere censetur.

126. Ita *solutio debitorum* præferenda dationi eleemosynarum.

127. Quod si utraqve obligatio sit perfectæ, 5. *Obligatio antiquior præferenda noviori*, cum per antiquiorem libertas mea jam fuerit restricta tempore novæ obligationis. Ita debitum antiquius prius erit solvendum.

128. Nisi fortè uni obligationi perfectæ adhæreat obligatio alia ex alio capite imperfecta, etiam intuitu ejus, cui sum obligatus, nam tunc 6. *Obligatio duplex vincit simplicem etiam antiquiorem*, propter regulam quæ est in ore omnium, quod duplex vinculum fortius liget. d)

129. Ita *debitum novius* prius solvendum homini egeno, quàm aliud etiam antiquius diviti.

130. Quod si

ad §. 123. b) Hic comparatur una species legis affirmativa cum altera. Et separat hoc à priori Dn. Puf. p. 735. Grotius vero conjunctim tradit.

ad §. 125. c) Hoc iterum specialius priori, ut & sequentia. Præ-

cepta tamen hujus §. ut & §. 127. & 128.

ad §. 128. d) Ita pauperi quamvis posteriori debitori magis teneor solvere quàm diviti anteriori, quia dives ipse est obligatus, ut pauperi det eleemosynas.

130. Quodsi vero utraqve obligatio sit imperfecta, tum
 7. *Lex beneficentia cedit legi gratitudinis, e)* quoniam ut supra diximus, ad gratitudinem quis præter legem communem humanitatis exhibenda, etiam ex accepto beneficio tenetur, adeoque iterum hic est duplex vinculum.

131. Ita si concurrat Patronus egenus cum paupere etiam cognato, hic Patrono erit postponendus.

132. Modo tamen uterque egenus sit. Nam si dives Patronus à me donum, pauper alius eleemosynam desiderat, pauper Patrono erit preferendus, quia quo major est indigentia in eo, qui officia humanitatis à me postulat, eo magis quoque, ut superius diximus, obligatio mea accedit ad perfectam; igitur tum recurrendum erit ad regulam quartam.

133. Unde facile constat, quid in concursu patris & filii, quorum uterque alimenta à me postulat, dicendum sit. Ita enim arbitror: Quamdiu filius nondum est educatus, preferendus erit patri, quia ipsi perfecte obligor, patri imperfecte. Sin jam ex potestate dimissus, patri erit postponendus, quia pater gratitudinem postulat. &c.

134. Si autem plures qui me beneficio non affecerunt, à me beneficium desiderent, tum 8. *Quò ætiori vinculo aliqua persona nobis conjungitur, eo præstationes, quæ ipsi debentur, aliis præponderant. f)* Ratio jam iterum latet in thesi. Ita uxor preferenda fratri, frater patruo. &c.

135. In universum tamen, quæ hæcenus traditæ sunt regulæ, videntur limitationem accipere à sequentibus: 9. *Inter leges quæ à potestatibus subordinatis proficiuntur, lex inferioris potestatis cedit legi superioris. Ubi utrique simul satisfieri nequit. g)* Inde Deo oportet magis obedire quam hominibus. Et jussu regum jussis patrum familias præponderant.

136.

ad §. 129. e) Puf. p. 737. reg. 8.	ad §. 135. g) Puf. p. 737. n. 9. Regule priores desunt ab objecto, hæc à causa efficiente.
ad §. 134. f) Puf. d. l. n. 11. ubi citat textus scripturæ.	

136. 10. *Inter conventiones legesque cetera aequales peculiaris præfertur generaliiori & quæ propius ad rem accedit. Nam generalia per specialia ad certi quid determinantur.*

137. 11. *Prout cujusque legis materia aliam nobilitate, utilitate aut necessitate superat, ita regulariter una alteri præponderat. b) Nam inferiori obligationi velut hæc exceptio intelligitur addita, ut præstetur, si per majoris momenti obligationem fieri queat.*

138. *Ita si lex una sit, ne quis die feriato cum armis in publico versetur, altera; ne quis signo audito tumultus indice domi se contineat, sed cum armis magistratui in foro præsto sit, & tumultus die feriato oriatur, dicendum erit, posteriorem legem habere se instar exceptionis in ordine ad priorem, hoc modo: ne quis die feriato cum armis in publico versetur, nisi tumultus causâ à magistratu evocetur. i)*

139. *Plura ejusmodi axiomata suppeditantur à Grotio, non ita aperta tamen, sed de quibus dubitare non sine ratione liceat. Tale est illud: l) Ut in prohibitionibus, illa quæ penam adjunctam habet, ei, quæ penâ vacat, & quæ majorem penam minatur, ei, quæ minorem, præferatur.*

140. *Quemadmodum enim prohibitio sine ullâ penâ nullius videtur momenti, m) ita regula, quod ex duobus malis minus sit eligendum, in malis moralibus non procedit.*

141. *Ita quod addit Grotius: n) Juratum pactum si concurrat cum alio, cui abest jurisjurandi religio, huic præferendum esse, fuit ex istâ hypothese, quod Grotius arbitratur, jusjurandum,*

ZZ

novam

ad §. 137. h) Quoad 10. & 11. regulam confer Puf. ibid. n. 4. 5. & 10.

ad §. 138. i) *Alia exempla repere ex suprâ dictis §. 43.*

ad §. 139. l) Grot. II. 16. 29.

ad §. 140. m) Puf. p. 736

ad §. 141. n) d. §. 29. *Sed exemplum, quod in notis ibidem adducit, planè nihil probat. Addit equidem Puf. d. p. 736. istam limitationem, nisi pacto jurato injuratum tanquam exceptio & limitatio sit insertum. Sed hoc non intelligo, & exemplum desidero.*

novam obligationem promisso superaddere, cuius contrarium jam supra demonstravimus.

142. Denique dum concludit: *Id quod postremo dictum est, debere vincere*, non tam ad interpretationem restrictivam pertinet, & casum, ubi duæ leges apparenter colliduntur, sed ubi omnis interpretatio cessat, & vera subest antinomia.

143. Sufficiant hæc ad ostendendum usum regulæ de vitandâ absurditate ac iniquitate in restrictivâ interpretatione. o) III. denique *ratio legis* maximopere ad restringenda verba legis generalia momentum affert. Unde axioma vulgatum: *Cessante ratione, cessat ipsa legis dispositio*.

144. Uti verò supra p) quoad interpretationem extensivam fecimus, ita & hic quoque distinguendum erit, utrum unica fuerit ratio legis vel pacti, an plures: *Si unica*, tum si ea cesset, restringendam etiam esse legem, nulla restat dubitatio.

145. Verum ubi legis *plures* fuerint rationes, non statim unâ earum cessante, reliquæ expirant aut minus validæ sunt ad sustinendam legis efficaciam: interdum tamen *unicâ* saltem deficiente ratione restrictio procedit. q)

146. Nimirum si lex aut pactum plures habeat rationes *æquæ principales*, r) sufficiet ad restrictionem, si vel una earum deficiat.

147. Unde facilius possunt emergere casus, in quibus recta ratio fradeat interpretationem coarctari, quàm extendi. Scilicet ut in omnibus rebus ut effectus non sequatur, satis est unam causarum deesse; sed ut nascatur, omnes convenire oportet, ita in actibus obligationem producentibus ut interpretatio restringatur, satis est, unam causam deficere, sed ut extendatur, omnes congruere necesse est. s)

148. Sed

ad §. 143. o) vid. §. 109. Adde Puf. nd. §. 10. 17. 19. 20.

ad §. 144. p) §. 90. seq.

ad §. 145. q) Puf. §. 10. ubi tamen hæc ultima omisit, ut & ratio-

nem disparitatis inter hæc duo.

ad §. 146. r) Conf. §. 92.

ad §. 147. s) Poterit declarari

exemplo pulchritudinis, lineæ rectæ

&c. Conf. supra §. 92. Puf. §. 17.

148. Sed si ex pluribus rationibus una sit *principalis*, reliquæ *secundariae*, illa modo cessante non abstinebit à coarctatione interpretis, etiam si ex his aliquæ ad casum obvientem queant applicari. Sed harum una cessante non locum habebit interpretatio restrictiva, si modo principalis applicari possit.

149. Exemplum interpretationis restrictivæ ob rationem deficientem dabit species ista. Lex est; *qui propter tempestatem navim reliquerunt, omnia perdant; eorum navis ceteraque sint, qui in navi remanserint.* Magnitudine tempestatis omnes perterriti navem reliquerunt, & in scapham conscenderunt præter unum, ægrotum, qui propter morbum exire & fugere non potuit. Casu navis in portum incolumis delata est. Illam ægrotus possidet, Navim petit, cujus fuerat.

150. Hic sane *ratio legis* fuit, ut qui ob navim servandam vitam suam periculo exposuit, aliquo præmio gaudeat. Quod ægrotus hic prætereundum non potest, qui neque eo fine in navi remansit, neque ad eam servandam quicquam contulit.

151. Notandæ tamen sunt limitationes quædam regulæ nostræ. 1. Accidere sæpius, ut legis alicujus ratio sit non solum *ignota*, sed & talis, ut generalis aliqua æquitatis regula *aliud spondere videatur*. Si tamen voluntas superioris hâc parte se perspicuè determinaverit, subjectis merito pro ratione esse jubetur, & ad producendam obligationem sufficiet, donec ipse Princeps, qui hoc soli relinquendum est, ex æquitate legem correxerit. 1)

152. 2. Valebit regula nostra tum demum, si ratio ejus cesset *in universum*, hoc est, in aliis casibus similibus sæpius evenientibus, non si in casibus certis rarissimè contingentibus.

153. E.g. Lex est: *Impubes ne faciat testamentum*; Ratio, quia nullum est ejus animi iudicium. Datur impubes, cui est prudentia ante pilos: Quæritur, an possit testari? non potest, u)

Zz 2

154. A-

ad S. 151. t) Puf. §. 10. Huber. posit. ad Pand. tit. de LL. n. 12. 13.

Huc pertinet exemplum de non manu mittendo servo uxoris adulterii

suspecta, etiam si longè abfuerit.

u) Hub. d. l. §. 14. & 15. Conf. omnino Grotium l. 3. 5. sect. 3.

154. Aliud : lex est ; *ne bona minorum alienentur absque necessitate*, idque commodo illorum constitutum est, ne rebus suis temerè spoliarentur. Datur casus, quo sit utile minori rem alienare citra necessitatem : quæritur, an id liceat judici ? Non licet.

155. *Magnam* affinitatem cum præcedente observatione habet x) 3. Quod non sufficiat, si ratio legis, quoad *actum* cessaverit, sed satis sit ad interpretationem restrictivam impediendam, si non deficiat quoad *potentiam*.

156. Sensus est : Lex vel conventio, in quâ legislator vel paciscentes respexerunt rationem aliquam, puta ut periculum aut incommodum evitarent, non solum in iis casibus valet, quando istud revera est secuturum ; sed in illis quoque, ex quibus probabiliter aut saltem non adeò difficulter existere posse creditur.

157. Ita si lex sit ; *ne quis noctu cum facibus per plateas ambulet*, non excusatur quis, si dicat, se ita circumspicere iis uti, ut nemini damnum inde proveniat.

158. Ita si inter duos populos fœdere cautum sit, *ne exercitus aut classis intra certum locum deducatur*, licet ratio conventionis fuerit, ut ne inde damnum actu alicui inferretur, haud quicquam tamen licebit exercitum aut classem eò deducere, utut animus nocendi abfuerit. Nam sufficit, quòd alteri facile noxa qveat inferri ab eo, qui intra illum locum versatur.

159. Penè obliti fuissimus regulæ, quæ & usitatissima est, & communiter ambitu suo amplissima esse creditur, ut in omni interpretationis specie sibi locum vindicet, quæ nimirum in divisione materiæ, prout hæc vel favorabilis est, vel odiosa, nititur.

160. Quippe quòd interpretationem *declinativam* concernit, nihil notius est, quàm quòd dici soleat : *Favorabilia esse latius, odiosa strictius interpretanda*. y)

161. A quo alteram parum differt : *Favorabilia esse extendenda, odiosa restringenda* ; nisi quòd hoc magis ad interpretationem *extensivam* & *restrictivam* respiciat.

162. Sed

ad §. 155. x) Puf. d. §. 20.

ad §. 160. y) Vide Grotium II.

16. 10. Puf. V. 12. 12. & de O. H.

1. 17. 9.

162. Sed nescio, an hujus axiomatis is sit usus, qui communiter creditur, & non potius rectius sit, si in datis regulis maneamus, & entia præter necessitatem non multiplicemus.

163. Nam si initio *fundamentum* ejus respicias, nititur id divisione materiæ, de qua sermo est; adeoque nihil obstat, quo minus hoc intuitu id referre possis ad regulam de materiâ: quod verba secundum materiam substratam sint intelligenda.

164. Deinde si disquiras, quid sit *favorabile*, quid *odiosum*, deprehendes nimium quantum variare Dd. Grotius tres species dicit eorum, quæ *promittuntur*, alia *favorabilia*, alia *odiosa*, alia *mixta* sive media.

165. *Favorabilia* vocat, quæ æqualitatem in se habent, & quæ communem spectant utilitatem, quæ quò major sit atque latius pateat, eò majorem ait esse promissi favorem. Ergo eorum quæ ad pacem faciunt, majorem esse, quam eorum quæ ad bellum; bellum item ob tuitionem suscepti majorem, quam aliis de causis.

166. *Odiosa* autem esse statuit, quæ partem alteram tantum aut plus alterâ onerant, quæ pœnam in se continent, & quæ actus faciunt irritos, & quæ de prioribus aliquid immutant.

167. Quod si *mixtum* sit aliquid, ut mutans quidem priora, sed pacis causâ, id pro magnitudine boni & mutationis modo favorabile, modo odiosum censei, ita tamen, ut cæteris paribus favor censeatur potior.

168. Hic igitur si primò spectes, quod Grotius divisionem hanc in *promissis* adhibeat, dubium oriri possit, an eadem etiam in legum interpretatione habeat locum? Sanè quæ Grotius de æqualitate & inæqualitate assert, ad leges, quæ semper inæqualibus feruntur, accommodari nequeunt. Et tamen nihil frequentius est, quam quòd Jcti eandem regulam ad leges extendant, dum v. g. asserunt: *Beneficia Principis esse extendenda; Leges penales restringendas*, item: *statuta & omnem legem derogantem admittere saltem interpretationem restrictivam.*

169. Secundo cum negotiis humanis sic est comparatum, ut nullum reperire queas, quod ex omni parte favorabile aut odiosum

appellare possis, *a*) cum hi termini non rei ipsius essentiam, sed relationem ad utilitatem aut damnum, quod homines inde sentiunt, exprimant, & verò ubique quod uni damnosum est, alteri utilitatem afferat; aut si vel maxime hoc contingere possit, unam eandemque rem pluribus utilitatem afferre, inter hos certè nulla desuper erit contradiçtio, ut interpretatione pacti aut legis ad eam tollendam sit opus.

170. Tercio. Et si verò Grotius in eo occupatus sit, ut regulas certas de discernendis favorabilibus ab odiosis tradat, vereor tamen, an eæ magnum momentum afferant, si à regulis, quas supra dedimus, abstrahas. Ita quod *favorabilia* concernit: quid si in fœdere pacis conventum sit *captivos utrinque restitui*? *a*) Et una pars, quæ longè plures captivos detinebat, pro singulis singulos velit reddere; altera vero omnes pro omnibus; ex Grotii notis hæc posterior pro se afferet, *favorabile* esse negotium, cum *ad pacem ineundam* sit directum, adeoque extendendam esse locutionem; prior verò urgebit, *odiosum* ita pactum esse, quæ partem alteram *plus alterâ oneret*, atque adeo in se non habeat utilitatem.

171. Ita si fingamus legem esse, quæ *frumenti exportationem prohibeat*, *pœnâ gravi in exportantem statutâ*, & quis *farinam exportaverit*, si regulam de favorabilibus & odiosis quis hic applicare velit, facillè videri potest, exportantem non esse puniendum, quia lex ista ad *odiosas* ex dictis Grotii referenda esset, non solum quia de priori licentia aliquid immutat, sed & quia *pœnam* in se continet; cum tamen certum sit, legem illam ad præsentem casum, ob rationis identitatem, pertinere.

172. Non eqvidem ignotum est, in legibus Romanis sæpius ex favore rei decisionem peti in ambiguis, *b*) ut in causis *libertatis*, *dotis* &c. Sed tum vel in applicatione simul ad unam regularum præcedentium respicitur, vel, quod ita decidendum sit, juri civili

ad §. 169. 2) Inde natum mihi corollarium: Favorabilia defini non posse, & ob istud corollarium controversia cum Clarissimo Placido, de qua vide appendicem post si-

nem hujus lib. II.

ad §. 170. a) Conf. Puf. V. 12. 13. p. 722.

ad §. 172. b) Vid. omnino Rebhahn. th. 36.

civili deberur, determinanti quid pro favorabili habendum sit, citra quara determinationem si fuisset, negotium non potuisset expediri. At jam quærimus de regulis interpretationis ex dictamine rectæ rationis solum hauriendis.

173. *Quarto*: Quod regulas concernit, quas Grotius de usu favorabilium &c. in doctrinâ interpretationis format, (& in summam contractæ id volunt. c) 1. In *non odiosis*, h. e. ut intelligo, in *mixtis*, sumenda verba in usu populari & latissimo. 2. In *favorabilibus*, si artifex sit, qui loquatur, verba etiam in sensu artificibus peculiari, non tamen planè improprio, nisi ad evitandam absurditatem vel iniquitatem, accipi poterunt. 3. In *odiosis* sermo figuratus aliquantulum admittitur, ut onus vitetur: ad illas cum uno saltem vel duobus exemplis universalitatem haud quaquam inferentibus illustret, multæ instantiæ dari poterunt, in quibus si solum regulas istas applicare velis, d) dubium & obscurum sermonem tollere non poteris, aut si applicatio cum dictamine rectæ rationis non pugnet, etiam citra istas ex superioribus regulis de materiâ subtrata, effectum, ratione &c. isti dubio satisfieri possit.

174. Ita dum jus Romanum pollicetur actionem, si quis de possessione rei suæ *dejectus* est, rectè Grotius notat, id etiam extendendum esse ad eum, qui vi *vetitus* est ad suum accedere; sed non tam ex ratione regulæ primæ, de *non odiosis*, quam ex ratione legis, quia jus Romanum omnem violentiam privatam voluit hoc modo coercere.

175. Ita dum Caligula eorum, qui pro se & *posteris* civitatis jus impetraverant, *nepotibus* jus civitatis negabat, quasi non intelligi deberent posterius ultra primum gradum; non opus est ad convincendum iniquitatis Caligulam ad primam Grotii regulam refugere, sed sufficit, quod in *posterorum* voce nulla sit obscuritas, ipse

ad §. 173. c) Grot. II. 16. 12.
Puf. V. 12. 13. ubi ex his facit quin-
que regulas.

d) Conf. §. 171. juncta regu-
la 3. hic.

ipse vero Caligula omni ratione, quæ restrictivam interpretationem suadeat, destituitur.

176. Ita ex regulâ ultimâ de *odiosis* defendere nollem e) factum Aureliani, qui eo tempore, quo proficiscebatur ad bellum Orientale, *bilibres coronas* populo promisit, si victor rediret, post reditum verò suum *coronas de panibus siliginis* singulis donavit. Erat enim hoc evidens verborum cavillatio, quamvis neque populus à stultitiâ excusari poterit, quod speraverit aureas.

177. Quæ hætenus dicta sunt, procedunt in *obscuritate*, quæ sic comparata est, ut adhibitâ arte rectæ interpretationis legitimo aliquo modo superari exponique possit f) nam in cæteris quæ adeo obscura sunt, ut humano intellectui nullam discernendi facultatem relinquunt, frustra suam curam operamque interpres consumserit.

178. Puta v. g. si quis loquatur planè *sine ullâ vocis significatione*, si id quod scriptum est, *prorsus legibile non sit*, neque oculis possit perspicui, neque intelligi, quid significet. g)

179. Si deficiat item *omnis conjectura voluntatis*. Ut si testator Titium liberis suis tutorem dederit, sintque Titius pater & filius, nec appareat, quem dederit, neuter Tutor erit. Aut si dixerit: *Si Stichus heres non erit, liber & heres esto*, non valebit substitutio. h)

180. Aut si voluntas loquentis nullum exitum invenire possit, ut in verè perplexis, quorsum etiam referre possis exemplum modò memoratum de Stichio si bimetipso substituto.

181. Ita Iulianus illam institutionem: *Si Titius heres erit, Sejus heres esto; si Sejus heres erit, Titius heres esto*, ut perplexam scribere se inutilem, cum conditio existere non possit. i)

182. Mihi

ad §. 176. e) Defendit tamen Puf.
d. p. 723.

ad §. 177. f) Vide suprâ §. 74.
Rebhahn th. 16.

ad §. 178. g) Rebhahn. th. 43.
l. 7. de supell. leg. l. 9. de Edil.
Edict. l. 1. pr. de his quæ in te-

stam. del. l. 2. de his quæ pro
non script. hab.

ad §. 179. h) l. 30. de test. tut.
l. 10. §. ult. de V. & P. S.

ad §. 181. i) l. 16. de condit.
inst. conf. suprâ §. 41.

182. Mihi verò, quod pace Juliani dixerim, videtur Testator non id voluisse, ut neuter *ante alterum* heres sit, quomodo Julianus eum intellexit, sed ut neuter *sine altero* heres esset, ac si dixisset: *Titius & Sejus heredes snto*; *si unus eorum heres non erit, nec alter heres esto, l)*

183. Nam cum verba institutionis & hanc interpretationem admittant, putamus eam expositioni Juliani esse præferendam, quoniam magis convenit cum regulâ, quam supra *m)* ex loco de effectu inculcavimus.

184. Magis ad hunc locum videtur spectare illustre exemplum conventionis inter *Paridem & Menelaum*. Conventionem fuerat, ut *victori* cederet Helena; In repetitione ejusdem ante pugnam dictum erat: Ut ei cederet Helena, qui alterum *interfecisset*. Paris succumbens fugâ sibi consulebat. Perebat Menelaus sibi Helenam adjudicari ut *victori*, contradicebat Paris, quod ipse adhuc *viveret*. Quæstio erat, *an posterior repetitio conventionem priorem ambiguum explicuisset, utrum in posteriore mentio interfectionis saltem exempli loco facta fuisset?* Pro utraque sunt conjecturæ non contemnendæ, *n)* ac, ut nobis videtur, decisionem ejusdem in æquilibrio suspendentes.

185. Similiter si *manifeste sunt pugnancia* in sermone aliquo, cessat interpretatio, quia nemo eodem tempore contraria potuit voluisse. Hinc leges Romanæ inculcant: *Ubi pugnancia inter se in testamento juberentur, neutrum ratum esse. Scripturas etiam di-*

Aaa

versas

ad §. 182. l) Ita v. g. contingere potest, ut unus amicus ad alterum dicat: *si tu vis expatiari, & ego volo. Et alter respondeat eodem modo.*

ad §. 183. m) §. 63. Adde, quod conditio hæc, etiamsi subtiliter loqui velimus, possit habere exitum.

Quid si enim Sejus & Titius simul & uno momento se declarent, quod velint heredes esse. Item: conditio impossibilis habetur pro non adjecta. Nisi dicere velis, conditionem impossibilem differre à perplexa. Conf. supra §. 179.

ad §. 184. n) vid. Pufend. §. 9.

versas fidem invicem sibi derogantes ab unâ eademque parte prolatas nihil firmitatis habere: o)

186. Nisi forte unus sermo sit altero posterior. Nam quod posterius inter contrabentes placuit, derogabit prioribus, & ubi duæ contrariae leges sunt, semper antiqua obrogat nova.

187. Peccatur vero contra hanc ultimam observationem de pugnantibus, etsi graviter, communiter tamen ab interpretibus juris Romani, qui nullas *antinomias* in legibus Justiniani deprehendi asserunt.

188. De iis loquor, qui vel legem in aliâ parte corporis Justiniani aperte abrogatam cum abrogante, vel leges in unâ eademque parte sibi invicem aperte contradicentes mediis quibuscunque conciliare allaborant.

189. Nollem adeo JCto alias magni nominis, *p)* dum contra Wissenbachium disputat, sæpius excidisse has voces: Ad evitandas antinomias potius quibuscunque distinctionibus pugnam esse dirimendam.

190. Scilicet hæc est *ἰδία ἡμίλουσις*, *q)* quam alii rectè contrariis bonæ disputationis accensent, quâ quis ad ejus voluntatem quam suscepit interpretandam, suum intellectum non accommodat, sed, ad suam voluntatem alterius intellectum detorquet.

191. Sed de eo alibi fusius. Tu modo discè, hâc viâ impossibile esse, ut quis evadat JCtus; cum ea à tramite interpretationis justæ deflectat, sed fieri aliquem Sophistam, & verborum cavillatorem.

192. Antequam huc abeamus, monendum, ne quis ea, quæ hætenus tradidimus indistinctè arbitretur, ad *voluntatem divinam* esse applicanda. Etsi enim supra *r)* assertum fuerit, legibus divinis exponendis easdem inservire interpretationis regulas, quibus

ad §. 185. o) Puf. §. 6. l. 188. pr. de R. I. l. 14. C. de fide instrum.

ad §. 189. p) Strauchio in disert. Justin.

ad §. 190. q) Rebhahn. th. 43.

ad §. 192. r) §. 2. & 3. hic.

bus utimur in expositione sermonis humani ; non tamen putandum est acsi quoque omnia, quæ de obscuritate verborum, ejusque divisione fufius differuimus ad voluntatem divinam pertineant.

193. Manet enim *scriptura perspicuitas* illæsa, & si unus alterve ejusdem locus sit explicatu difficilior, s) in quibus regulæ bonæ interpretationis vel ideo addibendæ erunt, tum ut ignorantia tollatur nostra, tum ut evitemus verborum Scripturæ cavillationes.

194. Sunt igitur multæ *differentiæ* inter obscuritatem voluntatis divine & humane, quarum quasdam saltem brevitatis studio tangemus.

195. I. Obscuritas voluntatis divinæ magis est in intellectu humano, quam in sermone divino : At in voluntatis humanæ declaratione sæpius vitiū hæret in scripto & verbis, non in interprete. t)

196. Unde II. Scripturæ difficultas confundit aliquando indoctos & Sophistas ; obscuritas vero voluntatis humanæ doctissimos & sapientissimos plus unâ vice in angustias redigit. u)

197. Itaque III. Si adhibeas regulas interpretationis, & maxime ex loco de conjunctis origine petas subsidium, difficultatem istam in præceptis divinis x) facile superare poteris. At obscuritas voluntatis humanæ sæpius est inexplicabilis.

198. Neque enim IV. perplexitatem deprehendes in legibus divinis, bene tamen in legibus & pactis hominum.

199. Neque V. pugnam genuinam in præceptis DEI poteris ostendere, infinita verò ostendi poterunt in legibus humanis ; quicquid etiam hic protestetur Tribonianus quispiam &c.

Reliqua pete à Theologis,

FINIS LIBRI II

Aaa 2

APPEN-

ad §. 193. s) H. Petr. 3. v. 16.
Dannh. Hermen. Sac. p. 50. 51.
Calixt. de præcip. cap. relig.
disp. 4. th. 81. seqq. p. 83.

ad §. 195. t) Dannh. d. I.
ad §. 196. u) II. Petr. 3. v. 16.
ad §. 197. x) Aliud in præceptis
divinis. Dannh. d. I.

APPENDIX

Ad Librum II. Institut. Jurispr. Divina:

Quaestio inter Clarissimum Placcium
& Autorem; De Definitione favorabilium
& odiosorum &c.

HISTORIA CONTROVERSIAE.

Fere Triennium est, cum per postam Hamburgensem literas acciperem à Pseudonymo ad me scriptas, & sigillo figuram confusam arabicis literis non multum abfimilem representante signatas. Referebat in iis autor, quanti me & mea studia æstimaret, non tamen potuisse omittere ex amore virtutis & pietatis, quin me amice admoneret de insigni & impio errore in Institutionibus Jurisprudentiæ divinæ à me commissio, utpote qui (in cap. ult. lib. 1. prioris, & cap. 1. lib. 2. præsentis editionis) negarem, cultum Dei externum ex jure naturæ esse demonstrabilem. Igitur orabat, ne ægrè ferrem, quod notas ejus ipsi in lectione libri mei ortas mecum communicaret, & me certiore jubebat esse, quod nemo sciret quæ mecum ageret, cum in mei gratiam ipse manu propria omnia ista ad me scripserit, nec amanuensis sui opera voluerit uti. Insequabantur scholia ad dictum caput libri mei de officio hominis erga Deum, liberius & videlicet non ea deliberatione conscripta, quæ in epistola fuerat adhibita, cum eo tempore haud dubie non cogitaverat, quod ea aliquando mihi exhibere vellet. Summa eorum eo respiciebat, quod ea, quæ ibi dissero de insufficientia luminis naturæ ad demonstrationem cultus divini externi, cum
in

in sensum acceperat, ac si ex lumine natura negare voluisssem, Deum cultu externo esse honorandum, & quod responsiones meas & instantias ad argumenta, quæ quis forte pro assertione cultus externi formare posset, ita interpretatus erat ac si argumenta mea essent pro demonstranda negatione cultus externi, quo pacto non poterat non sententia mea sana aliàs & innoxia, in pestilentissimam ac planè impiam detorqueri, unde in ipsis subinde scholiis allocutiones ad me & adhortationes tanquam atheum & blasphemum legebantur. Claudebat literas istas Epilogus, in quo per mixturam blanditiarum & minarum me adhortabatur, ut scandalum publicè datum publica confessione & revocatione tollerem, promittens, si id facturis essem, quod tum verum nomen suum profiteri vellet, quod si in impia sententia essem perseveraturus, publice eum me accusaturum esse. Ego vero facilè errorem Autoris hujus ejusque originem detegens, causam mutandi sententiam meam nullam videbam, simul miserebar hominis, qui, quicumque etiam esset, toto literarum contextu ejusmodi animum proderet, qui ex præcipitantia, hypocrisi & pertinacia esset compositus. Lubentissimè respondi, si scivisssem, cui literæ meæ inscribendæ fuissent. Igitur inquirendo in autorem, monstrabam aliquibus ex auditoribus meis illam Epistolam, & cum inter ipsos etiam Hamburgensis aliquis esset, persuadere is mihi conabatur, ductus literarum esse iis simillimos, quos Clarissimus Placcius scribendo efformaret. Sed credere nolebam, partim quod mihi imaginari non possem, virum jam olim doctrinam, de interpretatione præceptis includentem, tam insignem agere verborum meorum cavillatorem, partim quod mores, qui ex literis ad me datis elucebant, non videbantur quadrare moribus, quos in Clarissimo Placcio ante aliquot annos Hamburgi ipse me observasse putabam, & quos de ipso alii fando retulerant mihi. Interim cum aliter Pseudonymo isti sententiam meam declarare non possem, & verò tum temporis videlicet *d. 4. April. 1691.* publica à me habenda esset disputatio *de Nevīs Jurisprudētiæ*

Romana ex Historia Juris ab ejectis Regibus ad publicatas leges XII. Tabularum deductis, corollaria sequentia dictæ disputationi adjeci, quæ ob rationes mox dicendas hic apponam integra. I. Omnis cultus religiosus ex revelatione ortus est, nec datur Religio naturalis, per ea quæ latius deduxi in Institut. Jurisprudentiæ Div. lib. 1. cap. ult. II. Cum officium Jcti consistat in justa legum interpretatione, cavendum ipsi maximè est ab extraneis interpretandi regulis vulgò receptis, quæ vel obscuræ sunt, & ipsæ interpretatione difficillima habent opus, atq; sic magis asyla ignorantie & clypei sophistarum sunt, quàm arma, quibus Jctum decet esse armatum, vel apertè falsa. III. Talis est illud brocardicum Jctorum & vulgaris cynosura interpretationis extensiva & restrictiva: Favorabilia esse extendenda odiosa restringenda: neque enim definiri potest, quid sit favorabile, quid odiosum. IV. Sequentes autem rivuli ex illo fonte deducti apertè falsi sunt. Scilicet: Leges pœnales & statuta particularia non admittere interpretationem extensivam, sed esse restringenda, quia pertineant ad odiosa. V. Item illud vulgare: Beneficia Principis tanquam favorabilia esse extendenda & latè explicanda. Quod tamen à regulis præcedentis numeri in eo differt, quod illarum saltem quadam exempla quamvis pauca, nec ad axioma inde formandum sufficientia dari possint, hujus verò, fremant omnes licet, hætenus ne unicum quidem exemplum verum & adequatum reperire potuerim. VI. Talis etiam est ista communis regula, qua utuntur in interpretatione declarativa: Verba in dubio propriè sunt exponenda, nisi necessitas nos adigat ad interpretationem figuratam, vel ex propriâ significatione sequatur absurdum. VII. Ulti denique & ista ex priori deducta: Testamenta non admittere acceptionem verborum impropriam seu figuratam. Ex his corollariis, ut faciliè intelligis, primum directè oppositum erat Pseudonymo isti, ut videlicet ipsi, cum aliter non possem, publicè declararem, quod hypocritica ejus epistola ad publicam, quam à me exigebat, revocationem me non movere potuerit, & ut ipsi indicarem, quod si me doctrinam meam non revocantem, secundum minas epistolæ, publicè accusare velit, id quantocyus facere possit. Reliqua

qua autem corollaria tūm quidem eā occasione mihi enata erant. Tractaveram jam in prima editione Jurisprudentiæ meæ divinæ *lib. 2. cap. ult.* de falsitate regulæ vulgaris in doctrinā de interpretatione receptā: favorabilia esse extendenda, odiosa restringenda. Tum vero de aliis similibus pseudoregulis non cogitaveram. At successu temporis deprehenderam adhuc alia vulgata juris brocardica non melioris momenti esse quam istam regulam. Igitur ut occasionem darem Consultissimis JCtis, quibus jam tum temporis municipium hoc abundabat, ut in majori frequentia mecum publicè opponendo conferrent, summatim istam doctrinam de pseudoregulis corollariis istis inclusi, putans fore, ut sententiam adeo paradoxam eo plures oppugnarent, quanquam ne unicus quidem opposuerit, sed vel ob evidentiam assertionum mearum, vel aliis ex rationibus tacendo eas approbaverint. Sed ut ad Pseudonymum meum redeam, nihil post aliquod tempus, vel publicè quantum mihi constat ab eo editum fuit, quod meam sententiam publicè accusaret, vel per alias literas ad me scriptum, quod mihi patefaceret, quomodo perseverantia mea in doctrina semel proposita ipsi placeret. Sed ut causam tamen ipsi etiam redderem, quæ me moverit, ut per objectiones ipsius non commotus fuero, simul vero fundamentum erroris ipsi placidè demonstrarem, totam doctrinam de officio hominis erga DEUM publicè reassumendam, & ea, quæ Pseudonymo occasionem errandi dare potuerant, sine ejus mentione tamen, clarius ponenda esse duxi. Unde quemadmodum quæ in corollariis reliquis de falsis interpretationis regulis succinctè asserueram, paululum distinctius postea exposueram in *Præxi Germanica Logices, capite 3. §. 107. seq.* ita anno 1692. in *introductione Germanicā ad Ethicam c. 3. n. 33. seqq.* ita tractavi & explicavi sententiam meam de cultu externo DEI ex solâ ratione non demonstrabili, ut putaverim, Pseudonymo isti jam ex asse esse satisfactum, & scrupulos omnes, quos prætereundum poterat esse exemptos. Sed non sivit me diu manere in istâ opinione, quam

quam de ipso conceperam. Quin potius mox alias ad me, sed breviores literas dedit, cum prioribus & ductu literarum & sigillo omnino convenientes, nisi quod in posterioribus ex Pseudonymo se mutaverit in Anonymum. Placet autem epistolam illam secundam referre totam, si tamen epistola dicenda est, quæ non nisi quæstionem continet; *J. N. J. C. Queritur: Annon Clariss. Dn. Christianus Thomæsius in Jurisprudencia suâ NB. divinâ inscriptâ, & introductione ad Philosophiam Moralem, Germanicè postmodum divulgatâ docens: DEUM quidem, ut Ens perfectissimum interno amore cultuque, ac paritione vi lucis naturalis venerandum agnosci: negans interim, pro summo Bono eundem habendum, vel externo cultu prosequendum ex eadem posse perspicere; participet de peccato Gentilium inexcusabili atque contradicat Apostolo: Rom. I. 21? Videbam ex hac quæstione, Anonymum legisse cum cura introductionem meam ad Philosophiam moralem: Videbam, eum nihil deprehendere ibi potuisse, per quod objectiones suas primas sustinere valeret; sed interim tamen veritati cedere noluisse, verum objectionem aliquam satis inconvenientem illâ quidem anxie conquisivisse, ut impietatis notam mihi inureret, cum tamen apertè Apostolus dicto loco contra eos disputet, qui cultum externum juri naturali etiam repugnantem adhiberent, & idololatria maximè irrationali se commacularent. Quamvis autem objectio ista per modum nudæ quæstionis esset proposita, facile tamen colligere licebat, quærentem non ea intentione quærere, ut ipsi responderetur. Quomodo enim responderetur anonymo, qui nec ubi degeret, in literis adnotaret? Accedebat, quod gravior aliqua suspicio scribentem oneraret, eum magis sollicitum esse, ut famæ meæ apud viros honestos detraheret, quàm ut inquireret veritatem, cum eandem omninò quæstionem & illud instar literarum ad Theologum aliquem pium & eruditum, cuius amicitia maximè delector, eodem die transmiserat, quod certè quâ intentione factum fuerit, quilibet non longè quæsitis conjecturis assequi potest. Publicaverat postea anno superiori Clarissimus Placcius opuscula*

seula quædam juridica, secundæ editioni de Jcto perfecto adjuncta, inter quæ sextum in ordine refutando meo corollario de favorabilibus & odiosis destinatum videbam. Cui paulo post in quæstionibus promiscuis Historico-Philosophico-Juridicis modestè respondi. Repetit quætionem istam meam Vir Clarissimus non ita pridem, ad eamque annotationes quasdam imprimi curavit. Simul vero literas ad me dedit, quas ubi evolvi, statim agnovi ductum literarum eundem cum eo, quem Epistolæ Pseudonymi & Anonymi exhiberent, agnovi styli similem ei, quo prima epistola conscripta erat, scilicet blandientem, meticulousum & pacem accipietatem ferè ubique præ se ferentem. Jam quid facerem lector? Si ante aliquot annos talia mihi accidissent, fortè tali modo respondiissem Clarissimo Placcio, qui Pseudonymo isti & Anonymo displicuisset. Nunc cum alia mens sit, & vanitatem vindicationum ejusmodi per DEI gratiam agnoscam, nil mitius excogitare potui, quam ut Lectori quætionem istam meam cum scholiis Clarissimi Placcii & succinctis meis responsionibus, tum & ejus epistolam ad me eapropter scriptam communicem, non alium in finem, quam ut doctrina ista de inanitate regulæ vulgaris de favorabilibus & odiosis modestè corroboretur, & si Anonymus iste fortè ad alios de me sic infidiosè scribere vel loqui pergat, lector veram causam cognoscat, cur mihi sine causâ lites istæ fuerint motæ. Ipse vero Clarissimus Placcius non ægrè feret hanc responsionem, præprimis si illud pensitaverit, quod ob multas rationes ex dictis non difficulter colligendas, in posterum ipsi nihil amplius sim responsurus.

Bbb

* Quæstio

* Quæstio mea à scholiis Clarissimi Placcii, quia separata est, facile distingui poterit. Responsiones autem meas ad ista scholia, notatione alicujus literæ ex alphabeto scholiis Placcianis, brevioribus tamen lineis sunt addita.

QUÆRO.

An Favorabilia & Odiosa * in doctrina de interpretatione definiri possunt?

Non videtur.

I. N. J. C.

IN doctrina de interpretatione.) *Quorsum hac Status Controversiæ immutatio? a) Sane in Corolla-*

a) Ignoscer mihi Clarissimus Vir. Statum Controversiæ non mutavi. Hoc sophistarum est. At vero verba diversa idem significantia in diversis locis adhibere, vel certè talibus uti, quæ ex antecedentibus aut alibi dictis facilem interpretationem admittunt, si non incidant in manus interpretis præjudicio occupati, id non est statum controversiæ mutare. Egi in capite ultimo libri II. Inst. Jurispr. divinæ de interpretationis regulis & subinde in tractatu isto indicavi, quod putem easdem esse regulas interpretandi pacta & leges, aut alia negotia hominum, in quibus voluntatem suam verbis declarant. Dixi *ibid.* §. 160. *seqq.* quod falsa regula interpretationis sit; favorabilia esse extendenda odiosa restringenda. Dixi *in* §. 169. *ibid.* quod nullum negotium humanum reperiri possit, quod omni ex parte favorabile, aut odiosum appellari possit. Dixi *in* §. 170. *seqq.* quod *χρησιμα* quæ Grotius de discernendis favorabilibus ab odiosis suppeditat, sint insufficientia. Ergo dum postea in
corolla-

corollariis asserui, quod regula de favorabilibus & odiosis sit erronea in interpretatione juris vel legis, non mutavi statum controversiæ. Si enim est erronea in interpretatione in genere, etiam erronea erit in interpretatione juris.

rio (1.) restringebantur hæc, ad doctrinam de interpretatione Juris solam: b) quæ nunc ad omnem inter-

b) Nollem hæc tanta fiducia assereret Vir Clarissimus, quæ aperte falsa sunt. An enim usquam in corollario particulam restrictivam vel extensivam adhibui? An oblitus fuit Vir Clarissimus: Unius positionem non esse exclusionem alterius?

pretationem extenduntur. c) (2) Generatim definiri posse

c) Ergo hic nulla est extensio, sed potius propositio quæstionis, uti ab initio fuit proposita in Institutionibus Juris divini, quas se legisse Vir Clarissimus non potest diffiteri.

Favorabilia & odiosa negabatur. Nunc in doctrina de interpretatione sola. d) Quod adeo nec satis assequi me fa-

d) At in institutionibus §. 169. 170. ita perspicuè disserui, ut quilibet intelligere posset, me id velle, quod non habeantur definitiones tales favorabilium & odiosorum, ut in applicatione regulæ illius vulgatæ per eas favorabilia & odiosa discernere possimus. Si vero etiam in Institutionibus mentem meam non ita explicuisssem: Annon regula veræ interpretationis est: verba, etiam generalia, id est in præsentī negotio indefinitè posita, intelligenda esse secundum substratam materiam.

teor, quamente fiat. e) Certe vereor, ne ad alias, nec dum

e) Homo suspicax sine justa suspicionis causâ, aliis de se suspicandi occasionem præbet.

hactenus inter nos agitata, & agitata magis ambagiosas, & tortuosas quæstiones, hinc à prima, & unica mihi cum Cla-

rissimo Thomasio invite f) admodum agitari cepta, aufer-
f) Sed quæ causa voluntatis? Et quatenam violentia aut
necessitas Virum Clarissimum adegit, ut controversiam
istam p. 269. de J. Cto perfecto & p. 176. Opusc. Jurid. vel mihi mo-
veret, vel circa eam litem publicè contestaretur?

mur. g) Nempe (1) Annon bene, ac philosophice definita se-
g) Nulla vero causa, ut vidimus, verendi ista aderat.
Nec sum ille, qui tortuosas, & ambagiosas quæstiones amat.
Certè has tres, quas ipse Vir Clarissimus hic excogitavit, ne
quidem omnes intelligo.

mel: tam in doctrina de interpretatione, quam alibi, ma-
neant bene definita? An (2.) si definiri possint maxime favo-
rabilia, & odiosa; in doctrina de interpretatione definiri
queant: tum absolute, quod ad suam naturam; tum (3) re-
spective, quod ad methodum docendi non violandam? &c.

§. I.

IN omnium ore sunt regulæ, dum de interpretatione
 pactorum & legum agitur: *Favorabilia esse latius, odio-*
sa strictius interpretanda: Item: Favorabilia esse extenden-
da, odiosa restringenda, quarum explicationem potissi-
imum suscepit Hugo Grotius in capite de interpretatione
Libri II. de J. B. & P. Intendi vero in Institutionibus meis
Jurisprudentiæ divini Lib. II. cap. II. §. 160. usque ad 176. osten-
dere, has regulas nullum habere usum in materia inter-
pretationis, quin () potius aptas esse, ut sub earum præ-*
textu interpretationes cavillatoria & ineptæ possint sal-
vari. Rationes ibi vide. Est vero inter eas non infima,
quod obscurissimum sit, quid sit favorabile vel odiosum,
cum omne, quod uni favorabile est, alteri odiosum sit,
adeoque favorabilia & odiosa non possint describi. vid.

d. l. §.

d. l. §. 169. Postea cum Halæ Anno 1691. de nævis quibusdam Jurisprudentiæ disputarem, inter corollaria disputationis sententiam illam repetii: *Falsum esse Brocardicum Jctorum de favorabilibus extendendis & odiosis restringendis, neque enim definiri posse, quid sit favorabile, quid odiosum?* Ad §. 1.

Potius aptas esse.) *Hoc commune habent cum omnibus rebus humanis optimis, quæ pravo usu pessima evadunt: per se interim nihilominus, ob usum optimum optima permanent, & excoluntur, ac assimantur. b)*

b) Nescio, quid hac Glossa velit Vir Clarissimus. Dixi: regulas illas nullum habere usum, *quin potius* aptas esse ad salvandas ineptas interpretationes. Hic evidenter istud: *quin potius* non est particula causalis rationem reddens prioris assertionis, sed amplians & augens. At si glossa Viri Clarissimi me ferire debet, debuisse afferere: *ideo* inutiles esse, *quia* aptæ sint &c. Ergo necesse est, ut Vir Clarissimus hic vel officium boni disputatoris vel officium boni interpretis neglexerit.

§. II.

Res autem ipsa ostendit, hic non agi 1. de definitione favoris & odii, sed de definitione favorabilium & odiosorum, (*) neque sequi, definiri posse favorem, ergo & favorabile, non magis quam definiri posse amorem, ergo & amabile. Etenim non sufficit dicere, quod favorabile &c. sit objectum favoris, (*) non enim quæ-
rimus notionem generalem conceptus nostri de favorabili, sed definitionem rei ipsius, ita ut per eam favorabilia ab odiosis in exemplis omnibus aut certe plerisque (*) discernere possimus. Deinde cum favorabile
vel notet enst favore dignum aut favorem merens, vel

ens, quod pro favorabili ab hominibus habetur, quorum illud possis appellare favorabile juris, hoc favorabile facti; patet 2. favorabile juris pertinere ad Philosophiam (*) moralem, & à praesenti quaestione (*) esse alienum, cum interpretatio pertineat (*) ad Logicam, & quærat, non quid homines pro favorabili habere debeant, sed quid in pactis aut legibus pro favorabili (*) habuerint. Nam interpretatio non quærit (*) primario, quid alter dicere debuerit, sed quid voluerit. 3. Adeoque ad favorabile facti (*) pertinere etiam id, de quo agit Jus humanum. Quia legislatores non solum (*) non semper in legibus id observant, quod debebant, sed & quod leges humanæ versentur in rebus indifferentibus, ad utilitatem Reipublicæ pertinentibus, quæ utilitas cum variet, & res, quibus faveant in ferendis legibus, variare necesse est.

Ad §. 2.

1 Neque sequi.) Imo vero sequitur, i) vel ex eo inter
i) E. peto à Viro Clarissimo ut det mihi bonam definitionem & perspicuam amabilis.

alia, quod Paronymorum, sicut in se alias ordinario; ita hic præcipue, tam affines sunt conceptus: ut vel pro iisdem l) ha-

l) An ergo affines conceptus possunt esse iidem?

beantur; m) & Doctores tam favorabilia quam favores ex-

m) An quicquid pro eodem habetur, idem quoque est?

tendi, tam odia quam odiosa restringi, ut aequipollentia, dicant. n)

n) An quicquid Doctores dicunt, verum & rectè dictum est?

2 Non enim quærimus.) Ego vero non quæsi, nec quærendum si aliud unquam nomine definitionis, (ne dum

dum descriptionis, qua vel sola contentus est Vir Clarissimus §. prox. precedente,) quidquam, præter conceptum generalem rei definita distinctum, o) id est, à confusione cum aliis notionibus p) mentes præmunientem.

o) Bene quod hanc vocem addat. At ita mihi non contradicit, qui dico, me non querere notionem generalem, conceptus nostri, hoc est, ut contextus ostendit, confusam, nec distinctam.

p) Addendum erat: à confusione cum aliis *rebus* etiam mentes præmunientem. Quid enim juvaret notiones distinctas habere, res notionibus notatas non posse discernere.

Discernere possumus.) *Hoc genus definitionis, quod 3*
singulis exemplis, non aliunde realiter cognitis, inde solum discernendis sufficiat; fateor me ignorare: illiusque exemplum saltem unicum desiderare. Nec aliud enim à meis definitionibus, aut aliis philosophicis ullis habeo polliceri: quam ut exempla, sive singularia sub iisdem comprehensa, vitio confusa notionis universalis, confundere prohibeant, cum aliis aequè notis singularibus. E. gr. virtutem ac virtuosum definiendo, non id assequor, ut quemlibet hominem inspectum, nec aliunde notum, queam illico virtuosum, aut vitiosum pronunciare. Sed ne ob confusum conceptum virtutis, etiam probe cognitos virtuosos, cum vitiosis confundam, v gr. prodigos cum liberalibus &c. q).

q) Mirè hic ludit Vir Clarissimus. Finis omnis definitionis est ut res ita reddatur clara, ut mediante definitione ista possim omnia singularia sub ista definitione comprehensa ab aliis singularibus secernere. Et nescio, quid velit per suam cognitionem realem aliunde venientem, nisi fortè intelligit initium perceptionis, quod per sensus fit, de quo planè

planè hic sermo non est. Ipse suppono casum interpreti satis esse cognitum & notum, & tamen nego, quod applicare statim possit definitionem favorabilis aut odiosi ad istum casum. At vero si virtutis aut vitii accuratam definitionem & claram possideam, necesse est, ut eam virtutem in virtuoso fecernere possim à vitio in vitioso. Quod autem ait, per definitionem virtutis & vitii me non assequi, ut quemlibet hominem inspectum nec aliunde notum queam illicò virtuosum aut vitiosum pronunciare, in eo seipsum ferit, dum ad §. 1. dixerat ab uno Paronymorum sequelam nec tunc posse ad alterum. Videt adeò conceptus affines non esse eosdem ac Doctores favorem & favorabilia non benè pro iisdem reputare.

- 4 **Moralem.**) *Late sumtam, ut omne Jus naturale, quae publicum, quae privatum complectatur. Quippe cujus etiam ex principis, vel maxime favores, & publici, & privati, quae per se, quae ex ratione status multiplices, debent speciatim deduci. r)*

r) Admitto hoc scholium.

- 5 **Esse alienum.**) *Non magis quam à studio Juris, & interpretationis Juridicae, studium Philosophiae moralis. s)*

s) Qualis cavillatio haec est in voce alieni? Sensus est evidens. Quaestio à me proposita est Logica, favorable juris autem pertinet ad Philosophiam moralem, ergo ab hoc loco est alienum, id est, in quaestione non intelligitur, sed favorable facti. Longè alia quaestio est, an studium Philosophiae moralis sit à studio juris alienum?

- 6 **Ad Logicam.**) *Neque totam, neque solam; t) sed ma-*

t) Imò. Dixi in cap. 3. *Praxeos Logicae.*

xime Juris interpretatio (de qua potissimum hic agitur, neque per mutatam initio Quaestionem me abstrahi nunc patiar) u) ex

u) Sed dicta lit. a. ostendunt, istam mutationem esse merum ens rationis.

Jure atque Philosophia Practica sibi vendicat plurimum, vel Clarissimo Thomasio ipfomet alibi, si memini recte, sic docente. x)

x) Nil aliud docui, quam in interprete omni requiri notitiam ejus disciplinæ, ad quam interpretatio Logica debet applicari. At hoc Virum Clarissimum non adjuvat: Et si enim v.g. ipsi cognitum sit, quid sit frumentum? quid exportare? Tamen exinde definire non poterit, an prohibita exportatio frumenti sit favorabile an odiosum?

Habuerint.) Imo utrumque. y)

7

y) Nego. Logicus non quærit, quid alter velle debuerit, hæc quæstio moralis est, sed quid voluerit. Loquor autem de Logicâ verâ, non de syllogisticâ.

Primario.) Ergo saltem secundario. Quod tantisper mihi concessum hic suffecerit. z)

z) Nec hoc aliquid proderit Viro Clarissimo. Dum enim dico: Interpretationem non quærere *primariò*, quid alter dicere debuerit, per *primariò* intelligo, quatenus est Logica, utpote quæ species interpretationis *primaria* est, adeoque hîc Logicam interpretationem oppono interpretationi Legalis. *Vide omninò, quæ dixi d. c. 3. Prax. Log. §. 153. seq.* At interpretatio Legalis ad hanc quæstionem non pertinet. Ergo hoc non sufficiet pro Viro Clarissimo.

Pertinere etiam.) Utique, sed non solum. a)

9

a) Imò solum: ob rationem quam do, quia utilitas Reip. quam respiciunt Leges humanæ, maxime variat, ad quam nihil respondet Vir Clarissimus. Unde non opus habeo, ad Scholion sequens aliquid addere.

Non semper.) Attamen sæpe, imo, qua possunt, ut plurimum. Quod in practicis solum habet locum. Imo & in dubio, vel obscuro, præsumuntur id fecisse, donec contrarium probetur. Quibus ergo casibus omnibus, Favorabile

Ccc

Juris

Juris philosophice definitum, coincidet cum positivo, facti dicto, & neutiquam erit à presenti questione alienum.

§. III.

Quibus ita præmissis, ad oculum patet, sententiam meam à natura rei esse petitam. Ea, quæ facti sunt, non possunt definiri, quia infinitis modis variant affectus humani, neque certam normam sequuntur. Unde & laudabile, & amabile, & favorabile, & in genere omnia affectuum humanorum objecta nullâ definitione possunt comprehendi, sed uti quid laudatur ab his, culpatur ab illis, ira & rei alicui faveretur ab his, non faveretur ab illis. Adde quod, cum dixerimus, omne, quod in pactis & legibus uni favorabile est, alteri odiosum esse & vice versâ, & vero, etiamsi concedamus, à potiori faciendam hic esse denominationem, tamen libra expendendi id, quod potius est, hîc deficiat; etiam inde illa impossibilitas definitionis elucescat, cum duo possint pro diversitate affectuum, unam eandemq; rem diverso favoris & odii gradu prosequi.

Ad §. 3.

Ignoscat, quaeso, Clarissimus Thomasius, si post tantam lucem, nobis in hoc argumento, de iis, quæ demonstrari, ac definiri possint, vel non possint, jam ab Aristotele in Analyticis olim accensam; & à Feldeno, (cujus operi illustrando hanc meam opellam nunc recusam præcipue, vel titulus, & tot hinc inde loca tam aperte præ se ferunt) illustratam: non cogitavi, quenquam unquam Professore Philosophia fore, qui illa, quæ facti sunt meri, philosophice statueret definienda. b)

b) Ignoscat Vir Clariss. quod ego non capiam, quomodo hæc lucis Aristotelicæ prædicatio me feriat. An ego, qui nego, ea, quæ facti sunt, definiri posse, unquam statui, quod possint definiri?

Unde

Unde in illam sententiam detorquere generalem negationem definitionis, (atque nunc etiam descriptionis) ejuscemodi, favorabilium & odiosorum, contra communes nobis inter nos regulas interpretandi, non debui. c) *Interim*

c) Hocunde planè non concludit. Inverto. Si non potuit cogitare Vir Clarissimus, quenquam unquam Professore Philosophiæ fore, qui illa, quæ facti sunt meri, statueret definienda, cogitare secundum communes interpretationis regulas debuit, eum qui favorabilia definiri posse negat, ita intelligi debere, quod loquatur de favorabilib⁹ facti, quia in dubio sequenda est interpretatio, ne sequatur absurdum. At absurdum fuisset, si negassem definitionem favorabilium juris. Accedit, quod apertè in Institutionibus Juris divini me ita explicuerim.

quoniam nunc d) *ita lubet, suam auctori mentem restringe-*

d) Hoc nunc cavillatorium est ob dicta ad tit. lit. a.

re: lubens accepto. Nec quidquam amplius inter nos hac in parte Controversia, sed omnis res in vado est: & veritas utrinq, æque ac animus pacis amantiſſimus, & quietis, ac benedolentiſſimus meus erga Dominum Auctorem, conspirat amice. Nempe de favorabilibus & odiosis facti, sensit ipse. Quod ego non intellexi. An mea, vel illius culpa: baud in magno equidem nunc discrimine, certe non in lite ponam. Judicent lectores, e) ut volunt, & valent. De Favorabilibus

e) Præprimis ex dictis hîc lit. c.

& Odiosis Juris, ego præcipue sensi. Quod ipse largitur, initio §. VI. Itaque Pax inter nos esto. f) *Quam quo for-*

f) Sed an unquam bellum fuit? An pro bello habet Vir Clarissimus, si quis modestè ipsius sententiæ contradicat?

te minus vel imprudens violẽm: non deducam nunc, qualiter etiam circa ea, quæ meri sunt facti, sæpenumero ex mente, &

voluntate facientis declarata, (ut explicite sit vel in primis in Jure, etiam mere positivo, nec moralis juris confirmatorio, per leges publicatas,) ad analogiam scientificarum definitionum procedi quandoque possit: g) saltem ne non possint describi, b)

g) Fateor, me hæc planè non intelligere. Aliàs quærem ex Viro Clarissimo, an dum hæc scripsit, cogitaverit, *quenquam unquam Professorem Philosophiæ fore, qui illa, quæ facti sunt meri, philosophicè statueret definienda?*

b) Video valdè scandalizare Virum Clarissimum, quod descriptionem & definitionem secundum lucem Aristotelicam non distinguam. Sed hoc ideo fit, quod non curem subtilitates regularum Aristotelicarum de definitionibus, ut dixi in introductione ad Logicam cap. 12. n. 42. 43. 48. 49. 50. Unde licebit mihi aliquando cum pace Aristotelicorum descriptionem & definitionem synonymicè usurpare, quas aliàs & ipse evidenter distinxit. d. l. n. 47. 48.

quod §. 1. dicebat V. Cl. Donec ubi ne hoc quidem potest, historia mera incipiat: ubi Philosophia, & quidquid illi analogum est, desinit. Quæ tamen ipsa etiam historica notitia, non unam, ex philosophica præmissa, opem, interpretationi suæ sperare possit.

§. IV.

Quæ cum ita evidentissime se habeant, fateor, me mirari, quid moverit Clarissimum Placcium, ut in nova editione tractatus de Jcto perfecto, non solum capite IX. p. 269. hoc corollarium meum notaret, sed & in adjunctis eidem Musis Juridicis huic corollario meo refundendo peculiare opusculum in ordine sextum, cui titulus: *Idea Tractatus Juridici Methodici Theoretico-Præctici de favorabilibus & odiosis in jure (*)* destinaverit, cum tamen nil minus ibi differuerit, quam quod sententiæ huic meæ

meæ contradicat, sed revera aërem verberaverit, non meum corollarium. Age videamus. *Ego vero*, ait, p. 177. *Musar. Jurid.* postquam corollarium meum recensuisset, jam dum ante annos bene multos *Ideam* banc in chartam conjeceram, & cum auditorum meorum aliquibus, etiamnum eandem asservantibus, communicaveram, & ODI, atque FAVORIS affectus in Rhetoricis meis excerptis, quin & Ethices compendiolo ita definitos dederam, ut nihil inde facilius existimarem, quam definitiones FAVORABILIMUM & ODIOSORUM conficere, vel certè quod confici possint, videre. Neque sine meis hisce scriptis, vel ex Aristotele adeò, idem non confici etiamnum posse mediocri meditatione, putem. Et si quidem non possint talia definiri: de totius Ethices & Rhetorices optimis partibus scientificè tradendis desperata res foret. Quippe quæ non minus facilius definitu affectuum, distincta notitia & scientifica, sine accuratis definitionibus nullo habenda modo, nituntur. Imò & de illâ ipsâ, quam vel præcipuè Vir Celeberrimus, ut sibi primitus constitutam vindicat, latentes animi affectus & mores divinandi arte, conclamatum foret omnino. Quid opus tot verbis in adstruenda possibilitate definitionum favoris & odii? Quis eas negavit? Cur fluctus in simpulo movet Vir Clarissimus? A favore aurem & odio ad favorabile & odiosum jam negavi consequentiam §. 2. quam si non ostendat, uti propter dicta §. 3. (*) ostendere nequit, verba illa omniamodò recensita in casum sunt prolata.

Ad §. IV.

Destinaverit.) Nihil vero minus. i) Antequam Cla-

i) Nimis audax hæc negatio. Cum istam non solum refellat istud; quamobrem, quod legis initio §. sequentis §. Sed

& diserte istam destinationem confessus fuerit Vir Clarissimus initio dicti opusculi p. 176. *Ex dictis in JCto meo perfecto - apparet, quae potissimum causa hujus tractatus Ideam publicare me pra aliis -- maxime nunc impellat. Nempe quod -- Christianus Thomaeus Sc.* Et tamen jam negat, se istud opusculum corollario meo refutando non destinasse. Quid ipse faceret Vir Clarissimus, si tam audacem facti mei negationem susciperem ego? Sed condono haec cum reliquis ipsius affectui animum occaecanti.

risimum Thomaeum natum scirem, hujusce jam opusculi mihi fuisse conceptam Ideam, p. 269. JCti mei videre est. l)

l) Sed quo pudore haec ad negotium praesens afferuntur? An ego haec negavi? Annon assertionem eandem in §. ipso hoc quarto, ipsius verbis adductis fassus sum? An antequam natus essem ego, etiam destinavit eam, ut additamentum fieret secundae editionis tractatus de JCto perfecto, & inter Musas ibidem Juridicas legeretur? Atqui de hoc mihi sermo erat.

Ostendere nequit.) Imo quivit §. II. n. 1. & seq. m)

m) Imò nequivit per dicta §. 2. lit. i. l, m, n,

§. V.

Pergit : Quamobrem opera omnino pretium duxi, haecce meditamenta mea oppidò quàm imperfecta modeste proponere, ut Practica Philosophia Rhetoricaque artis tam nobiles partes, aequè ac JCtorum tot numero tantaeque autoritatis consensum, à suspitione tam indigna ipsis & noxia liberarem : aut certe in quonam illud aduocari definiendi tam obvia consisteret, amplius edocerer. Cui sanè rei non suffecerit fortè meas definitiones vellicasse vel evertisse, si fieri queat etiam, penitus : sed solidà demonstratione ostendisse oportebit, meliores etiam & sufficientes, vel speciatim saltem explosis adeò novè, regulis

lis interpretandi, iisdem superstructis, nullas dari. Quod
 qui fecerit, na is erit mihi magnus Apollo, meque illi Minerval
 debere, nunquam diffitebor. Equidem mihi nec cum Phi-
 losophia Practica, nec cum Rhetorica hîc quicquam ne-
 gotii (*) intercedit. Loquitur ipsum corollarium, quod 1
 in regulis interpretandi aliquid moneam. Auctoritatem
 tot Jctorum istam Pseudoregulam adhibentium si de-
 fendere voluisset Vir Clarissimus, non debuisset com-
 mittere (*) aut affectare ignorantiam Elenchi. Vix enim 2
 mihi imaginari possum, quod Vir Clarissimus revera
 ignoraverit, de qua re agatur. Etsi enim objectiones
 suas saltem contrâ corollarium direxerit, multas tamen
 rationes habeo, quæ mihi persuadent, Institutiones
 meas Jurisprudentiæ divinæ ab ipso non obiter (*) fuisse 3
 lectas. Ipsa (*) obliqua censura, qua p. 116, in Idea Jcti 4
Romano-Germanici perfecti, quæ & ipsa pars est Musarum
 juridicarum, doctrinam meam de Jure divino positivo
 universali notat, id abunde testatur. In specie verò ca-
 put meum de interpretatione ipsi probè lectum esse,
 ostendit censura similis in ipso tractatu de Jcto perfecto c. 2.
 p. 27. Jam si legerat, quæ in dicto capite de interpreta-
 tione §. 164. 169. dixeram, cur favorabilia & odiosa defini-
 ri nequeant, rationes illas meas (*) aggredi, & Grotium, 5
 contrâ quem ibidem disputo, defendere debuisset, non
 inanes querelas contra me movere. Definitiones ipsius
 non vellicabo, quia nihil ad me. Demonstrationibus non
 amplius opus, quia (*), jam factæ sunt. Et tamen nec 6
 minerval exigo à Viro Clarissimo, nec ut me pro magno
 Apolline habeat, postulo contentus, si me sinat esse
 Thomassium, & monitiones has meas, ut promisit, non
 ægrè

- 7 ægrè ferat, aut ad §. 3. hujus disputationis (*) respondere velit.

Ad §. V.

- 1 Intercedit.) Imo vero intercedit, Nec enim sine his, Interpretatio Juris, (necum, uti nunc Quaestio habet, Interpretatio in genere,) scientifica artis & erudita, non plebeja, vel dialectica mere, unquam absolvetur. n)

n) Respondi ad hoc Scholion jam lit. s. & γ. §. II.

- 2 Aut affectare.) Istud asperum nimis. Aliud lenius fodes! Quid enim me, quaso, impulerit, affectare ignorantiam, ut Clarissimo, & Amicissimi Patris Amico Filio publice contradicerem, in hoc genere scribendi exercitatisimo: Me, tantopere ab hoc genere contentioso scribendi abhorrentem; ut bucusque viventium nulli me publice impetentium plurimum, quidquam publici opponere scripti sustinuerim. o)

o) Si id asperum nimis est, cogitare potest Vir Clarissimus, annon mihi magis asperum visum fuerit, dum legem in literis Pseudonymi & Anonymi, me accusari impietatis, blasphemiae, peccati inexcusabilis &c.? Et poterit Vir Clarissimus valde probabiliter impelli ad affectandam ignorantiam Institutionum mearum divinarum, ne videretur esse una persona cum isto Pseudonymo vel Anonymo.

- 3 Fuisse lectas.) Fuere lectae utique. p) Sed qua sum in-

p) Præter rationes, quas in thesi adduco, erant & illæ rationes conditionales. si Vir Clarissimus esset Autor iste Pseudonymus & Anonymus.

felicitate memoria, toto tempore libri hujus mei reconcinnati, non fuisse me recordatum ejus loci, sancte testor. q) Quod ut

q) Credo tamen, quod Vir Clarissimus, quantâ etiam infelicitate memoriæ laboret, non oblitus sit doctrinæ meæ de officio hominis erga DEUM. Cur ergo memoria in una doctrina

doctrina mea retinenda felicioꝛ est, quam in altera? Et cur Vir Clarissimus, cum Institutiones meas de favorabilibus & odiosis legeret, quam lectionem fatetur, non scandalum inde sumsit, dum ibi *d. §. 169. seq.* doceo, non reperiri negotium omni ex parte favorabile vel odiosum, nec dari criteria sufficientia favorabilia ab odiosis secernendi? Cur demum in lectione Corollariorum istorum assertio mea Viro Clarissimo affectum movit? Si idem est Vir Clarissimus cum Pseudonymo meo & Anonymo, contra regulas bonæ interpretationis non peccabo, si istam conjecturam afferam, quod in corollariis istis primum, quod ibi posui de repetita assertione mea de officio hominis erga Deum, Viro Clarissimo ita animum commoverit, ut paradoxior ipsi apparuerit doctrina mea de favorabilibus, quàm apparuerat in Institutionibus Juris Divini. Accedit, quod, etsi infelicitas memoriæ Virum Clarissimum impediverit, ut in lectione Corollariorum non recordatus fuerit loci illius, officium tamen boni Interpretis requisiverit, querere doctrinæ in corollariis succinctè positæ uberioꝛem explicationem in tractatu, in quo non poterat non ignorare de interpretatione ex professo à me tractari. (Adde notata infra ad §. 10. lit. s.)

eo magis mihi accredatur: addo, etiamsi ante oculos habuissem eum locum; cur quidquam debuisssem immutare, nondum me perspicere. r)

r) Ergo meum est, ut operam dem, quò jam perspiciat. Si ante oculos habuisset locum *d. §. 169. seq.* vidisset Vir Clarissimus, quod agam de favorabilibus juris. Nec opus habuisset dicere, quod supra ad §. 3. dicit. *De favorabilibus & odiosis facti sensu ipse, quod ego non intellexi.* Non opus habuisset de me suspicari, quod statum controversiæ mutaverim.

Obliqua censura.) *Si tamen ἐπὶ τῶν ἐξων ἐστὶν ὀβλῖγα* cen-

sura, s)

Ddd

s) Hæc

5) Hæc sunt verba Viri Clarissimi d. l. *Id quod* (jus nempe divinum positivum merum ac indemonstrabile, attamen communiter obligans) superioribus annis V. C. Christianus Thomaeus editis peculiaribus Institutionum Juris divini cum naturali conjunctim uno quidem opere, at ab invicem planè tamen distinctum, representare satagit. Cujus tamen satis nec dum assentientes etiam alios opera pretium sit hic examinare, non modo antequam ipsius jurisprudentia divina prodisset, verum & post illam editam scribentes. Ubi quidem omnis Quaestio, ni fallor eo recidet: Annon ea quæ pro communi jure merè positivo divino habetur à Clarissimo Thomae, possint vel ad naturale vel ad Forense ac Politicum Hebrais peculiare penitus revocari? Ut adeò tota illa species merè positivi communisque simul omni humano generi Juris divinitus sanciti in nihilum recedat? Quam hic decidendam nobis NONDUM sumimus. Atqui hoc nondum non est ἐπὶ χεῖν. Et si esset istud ἐπὶ χεῖν Rhetoricum, non est ἐπὶ χεῖν morale. Quid si quis dicat v. g. Multi de Titio loquuntur, quod hoc vel illud delictum perpetraverit. Quaestio omnis eo recidet: Annon Titii defensiones pro sua fama possint in nihilum redigi? quam nondum decidendam mihi sumo. An putat Vir Clarissimus, hoc esse ἐπὶ χεῖν & non obliquam censuram? Judicent alii.

6) Aggredi.) *Id superfluum credidi, & adhuc credo, intelligentibus ea, quæ per me dicta sunt hic, & antea docta circa hæc, toto precedente tractatu. Multo minus ad me quidquam pertinet, Gronium, quem ipse hac in parte neutiquam probo, contra Clarissimum Thomae defendere.* f)

1) Dixi: Debuisse; si legerat. Et tum omnino id superfluum non fuisse, ostendunt dicta lib. q. & r.

6) Jam factæ sunt.) Ubi quæso? u)

u) d. §. 169. seq. Instit. Jurispr. div.

Respon

Respondere velit.) *Factum puto, quantum opus, superioribus annotatis, x)* 7

x) Nihil factum esse, docent responsiones meae add. §. III. lit. b. c. d. e. f. g. h.

§. VI.

Ergo transeant illa omnia, quæ Vir Clarissimus pag. 179. 180. 181. de favoris & odii definitione, deque favorabilibus & odiosis in jure differit, quippe quæ salvâ sententiâ meâ, vel rectè vel secus (*) se habere possunt. Propius ad me pertinent (an pro me planè contrâ ipsum Virum Clarissimum faciunt?) quibus ideam hanc claudit. Ita enim inquit. *Quamvis autem ex hisce fundamentum peti possit omnium favorabilium & odiosorum juris: quia tamen 1. varia in eandem personam, rem, & actionem coincidere possunt, quorum alia sunt odiosa, alia favorabilia, 2. in actionibus plerisque plures persona conveniunt, aut opponuntur, alia aliis minus odiosa vel favorabiles, 3. varii sunt gradus favoris & odii, prout magis aut minus egent ac merentur personæ vel earum actiones: Hinc multa adhuc meditatione in istis omnibus comparandis, ac decidendis, opus erit, ad specialia, imo specialissima, proindeque praxi circa singularia versanti demum maxime accommodata præcepta, methodicè scientificèque elaborata sistenda. Necesse namque fuerit, certas favorabilium singulorum proportionibus, certa momenta sive pondera, & fortassis horum iterum certos gradus constituere. Quod ipsum sanè perquam erit difficile, quemadmodum illud expertus est Claramontius, in causis moralis Semeiotices lib. 4. ponderandis. Atqui hoc ipsum est, de quo in Instit. Jurispr. div. d. c. 11. lib. 2. §. 169. & hic §. 3. conquestus sum, nisi quod ego dixerim, talia definire esse impossibile, Vir Clarissi-*

- 2 mus autem (*) difficile esse saltem iudicet. Accedit,
 3 quod (*) ego, ut dixi, loquar de favorabilibus facti,
 ipse autem apertè de favorabilibus juris differat. Unde
 novum meae sententiae accedit robur. Si enim Vir Cla-
 rissimus valde difficile esse confiteretur definire favoriabi-
 lia juris, quid dixisset, si perpendere voluisset, senten-
 tiam meam de favorabilibus facti esse conceptam, aut
 quid ipse asseruisset, si modo considerare voluerit illam
 4 infinitam variationem favorabilium (*) facti?

Ad §. VI.

- 1 Se habere possunt.) *Accepto. Et multo minus, quam credideram, inter nos erit litis.* y) *Vide supra notata ad §. III.*

y) Atqui lis nunquam fuit, sed amica disquisitio.

- 2 Difficile esse saltem.) *An ergo haec parum differunt? Quorum illud omnem, etiam idoneis, & pronis ad superanda difficultatis gloriam, spem successus adimit: quod expressius fit adhuc §. VII. Hoc vero etiam excitat, incrementa scientiae interpretandi molituros.* z)

z) Melius excitaret, si Vir Clarissimus ipse hic aliquid auderet, nec, ut describit ad §. 7. n. 4. haberet causas fonticas, graves & bene multas, partim nec publicandas, quo minus id agere posset.

- 3 Ego, ut dixi, loquar.) *Si nunc a) de illis solis: Pax inter nos esto. Vide supra notata ad §. III.*

a) Non nunc saltem, sed semper.

- 4 Facti.) *v. §. II. not. 3. b)*

b) Et vide ibi à me dicta lit. q.

S. VII.

Sed fortè novum argumentum adversus me desu-
mi poterit ex illa norma, quam Vir Clarissimus suppe-
ditat circa justam definitionem etsi difficilem favorabi-
lium juris. Age ex ipsomet cognoscamus. Ita enim suam
hanc Ideam Tractatus Juridici Methodici Theoretico-
Practici de Favorabilibus & Odiosis in jure claudit: *Qua
de causa lineolas hasce ulterius deductas, nedum coloribus suis
vivis illustratas, dare nunc prohibemur: aliis otio & ingenio
pravalentibus id laboris etiam relinquentes. Quem non pa-
rum sublevabunt collectaneae tot ab aliis editae, nec omnia aequè
inordinata & confusa, quin huic nostra methodo satis facile
queant adaptari, tum de favorabilibus & odiosis in genere,
tùm de personis & rebus actibusque certis variis speciatim, quae
ex Lipenii aliorumq. Bibliothecis, meisq. excerptis describere,
ac disputationes non contemnendas, eodem pertinentes, ex
mea etiam Bibliotheca illis adscribere, nunc non vacat. Usuro
tamen cuiq., & hoc opus aggressuro, non denegabo. Cui, ut
quam optimè labor hic cedat susceptus, ex animo precabor
etiam, & quae posse me siverit ipse, Deusq., adjuvabo & lu-
bens. Mallem, talia non excidisse Viro Clarissimo. Mal-
lem, considerasset, quod titulus opusculi promittat ideam
tractatus de favorabilibus, adeoque Lectorem haud qua-
quam (*) spe inani lactasset. Qui certè nil minus expe-
ctare potest in hac idea, quam generalia saltem & com-
munia de favorabilibus in genere, de quibus nemo du-
bitat, sed titulum hunc legens, vel maxime expectat pri-
mas saltem lineas circa modos istam difficultatem defi-
niendi favorabilia in specie. Ergo hic Rhodus erat. Quid
dixisset Vir Clarissimus, si ego ideam tractatus cujusdam*

- 2 (*) adversus ipsum promissum, & postea ubi ad rem per-
ventum esset, & potissima capita, alios ad id opus con-
ficiendum promissione libellorum meorum aut loco-
rum communium, vel ablegatione ad Bibliothecam
3 Lipenii fuisset adhortatus? Hoc non est Ideam (*) justii
tractatus delineare, sed alios ad formandam sibi aliquam
ideam de re, cujus nos ipsos ideam non habere inviti
profitemur, excitare. Ego verò tuadeo illis, qui otio
& ingenio abundant, ut ea non frustra impendant, cum
apertè videant, neque Lipenium, neque excerpta, ne-
que disputationes, Viro Clarissimo quicquam profuisse,
ut ipse sibi justam ideam de favorabilibus & odiosis for-
4 mare (*) fuerit ausus,

Ad §. VII.

Spe inani.) *Quia temere concepta: per adstringere vo-
lentem ad ideam justam, justii tractatus, illum, qui diserte
fuerat prefatus, de medicamentis oppido quam imper-
fectis, nec unquam perficiendis sibi, sed derelictis elabora-
tioni volentis ac valentis ulteriori, (qua ipse jam tituli ver-
ba sunt,) Ideam promisit solam. Qua sane, quantumlibet ru-
dis, & confusa; tamen idea nomen retinebat: ac adeo ne ty-
pum quidem delineatum, nedum characterem systematicum,
multo minus his omnibus aliquid etiam perfectius, sperare ju-
bebat. c)*

c) Fateor me non intelligere, quid sit Idea injusta & con-
fusa Tractatus Juridici Methodici &c. Et manet quaestio, an
ideæ nomen mereantur generalia & communia, de quibus
nemo dubitat?

Adversus ipsum.) *Pernego, negatum jam supra*
2 not., 2. §. IV. d)

d) Sed qua fronte, dixi ibidem lit. i. & l.

Justi

Justi tractatus.) *Nec hoc promisi, e) sed contrarium, 3*
vid. not. i. b. §.

e) Sed ita est titulus: *Idea tractatus Juridici Methodici Theoretico-Practici &c.* Inter ejusmodi ideam & ideam justii tractat⁹ &c. nullam scio differentiam, nisi quis tractatum Juridicum Methodicum Theoretico-Practicum injuste seu *apud eos* elaborare vellet, quod absurdum foret.

Fuerit ausus.) *Non ad audendum vero, sed si auderem, 4*
quod non ausurum prædixeram, v. not. i. b. §. ad perficiendum
debent prodesse. f) *Nunc quo minus circa id occuper, causæ*

f) Confundit semper hic Vir Clarissimus ideam tractatus cum tractatu ipso. Hic debebat perfici & elaborari. At illa promittitur tanquam jam formata, & postea non præstatur. Secundum hæc effugia titulus debuisset esse: *Idea*
idea tractatus Juridici &c.

sunt fontica, graves, & bene multæ, partim nec publicanda:
neque tamen eo minus Viro Clar. si tanti foret ea cognoscere,
privatis ad eum literis approbandæ, g)

g) Mea non interest: At præstet saltem & exhibeat Vir Clarissimus publice *Ideam* discernendorum favorabilium ab odiosis, aut fateatur, se eam ipsummet ignorare. Quæ enim causæ fonticæ hic possunt esse, ut ideam istam, si haberet, publicè non declararet. Ferè enim moraliter impossibile est, ut per hanc propalationem aut religio, aut imperium Romano-Germanicum, aut civitas Hamburgensis, aut ipsius res familiaris possit damnum incurrere.

§ VIII.

Quamquam & id monitum addere jubeat suprâ §. 2. exposita negotii, de qua agitur, natura, Virum Clarissimum & in titulo & in operis delineatione non debere *)
 distinxisse favorabilia juris moralis, à favorabilibus juris positivis. Definitiones in delineatione traditæ pertinent
 ad

- ad favorabilia juris moralis. At quæ in tractatu de JCo
perfecto cap. 9. p. 269. seq. prolixè de interpretatione favora-
 2 bilium (*) collegit, ad favorabilia juris positivi pertinent.
Ex mente itaque, ait p. 271. seu Justiniani, seu Triboniani, fa-
vorabilia sunt &c. quæ nos merito supra d. §. 2. ad favora-
 3 bilia tacti (*) retulimus. Aliud enim est scire, quid Ju-
 stinianus pro favorabili habuerit, aliud, quid pro favora-
 bili habere debuerit. Favet Justinianus in favorem Con-
 jugis sexui muliebri in mitiganda pœna adulterii, qui
 favor tamen non magis ac error jus facit. Nec est, quod
 opponas, favorabilia tamen hæc, etsi tacti, per dicta à no-
 bis d. §. 2. pertinere ad doctrinam interpretationis. Nam
 respondeo. Si ipsa lex dicit & inculcat, Justinianum rei
 4 alicui in legibus fuisse, interpretatio hujus legis (*)
 Grammatica est, non Logica, quam quærimus. Neque
 poterit iste favor in regulis interpretationis Logicæ ad-
 hiberi, si non velimus dare occasionem interpretationi
 calumnianti. Ita notum est, quàm ineptè, quàm impiè
 sæpius Pontificii, favorem causarum piarum (quem &
 ipse Vir Clarissimus p. 271. in catalogo rerum favorabi-
 5 lium refert,) adhibeant ad extensiones nescio quas. (*)
 Ita rideretur, si quis seductus favore Justiniani erga fe-
 xum foemineum, illum vellet adhibere ad mitigationem
 pœnæ in delictis aliis, &c,

Ad §. IIX,

- 1 Distinxisse.) *Non credidi, cuiquam hac me scribere, qui*
Jus naturale & positivum sine me distinguere: ac intelligere,
in utroque favorabilia, & odiosa fore memoranda, non vale-
ret. b)

b) Mira

b) Mira excusatio. Ita omnis amethodia excusabitur, si quis dicat, se credidisse futurum lectorem tam methodicum fore, ut ipsi confusio ista non noceat.

Collegit.) *In exempla nempe, & documenta usus Philosophiae Practicae, & universalium suorum, in Jure Civili: vel in horum exemplorum plerisque, cum moralibus, & jure Naturae congruente,*

Retulimus.) *Vide supra not 7. & seqq. §. II. i)*

i) Et responsiones nostras ibidem *lit. γ. z. a.*

Grammatica est, non Logica.) *Imo & hujus generis, & Philosophicae Practicae esse queat, multis modis. l)*

l) Crederem, si probasset Vir Clarissimus.

Ita rideretur.) *Et merito. Nempe contra Reg. 119. m)*

m) Ego tot centurias regularum in interpretatione non agnosco, sed quinque saltem aut sex. Et ejusmodi ineptae extensioni non opono regulam. Sed dico saltem, eam esse irrationabilem, quia nulla nititur regula. Et quia regula non est: Favorabilia esse extendenda.

adhibens, loco affectuosa Interpretationis, rationabilem. Quod idem fieret, si favorable Justiniano judicatum, ex opinione erronea, vel ratione speciali Politica, vel alia causa, tanquam naturaliter & moraliter favorable interpretaretur. Qua occasione id etiam, ad satisfaciendum, si fieri queat, aliquantulum postulato n) Clarissimi Amici §. VII. vel saltem ad

n) Ego vero nihil in d. §. 7. postulavi à Viro Clarissimo, sed saltem ostendi ipsius opusculum non convenire titulo. Unde ignoscet mihi, si non intelligam, quorsum ista, quae jam sequuntur in hac nota.

probandum illi desiderium satisfaciendi, qua nunc licet, (non licet autem, nisi obiter, ac in transitu,) hoc addere lubet,

E e e

bet,

bet. Quod ad Jus positivum Civile applicaturo doctrinam, mihi Philosophice potissimum fere delineari, tenuiter nimis (fateor,) ac imperfecte adhuc, cœptam, de Favorabili & Odioso: sit observandum (præter moraliter, & per omnes Juris naturalis partes, adeoque species consortiorum, & negotiorum inibi definitas, talia,) Quid sit favorabile & odiosum habitum Legislatoribus Reip. Romanæ, vel simialis nunc, Romano Germanicæ, à Jure morali & naturali diversum.

1. Ex politica speciali, Reip. Imperii, ad Politicas rationes.

2. Ex opinionibus Legislatoris.

3. Ex affectibus, quo pertinet exemplum Clarissimi Auctoris.

4. Ex consuetudine.

5. Ex vi aliqua, & necessitate accidentaria: totidem inde mihi distinctis interpretationum speciebus nempe adiuvandis.

§ IX.

Addo: neque coherere regulas Viri Clarissimi de interpretatione favorabilium & odiosorum. Ex pluribus, quæ in hanc rem afferri poterant, pace ipsius unum saltem exemplum afferro. P. 274. dicit Vir Clarissimus: *Odiosa strictius esse interpretanda, & inter odiosa ibidem refert pœnarum inflictionem earumque exasperationes. Ipse tamen in Musis Jurid. opusc. 1. p. 27. inter erroneas regulas refert illam: pœnales leges non esse extendendas. Scio quidem, ex comuni sententia posteriorem hanc propositionem pertinere ad interpretationem extensivam, priorem ad declarativam (secundum Virum Clarissimum Musar. Jurid. p. 94. 95. 96. ad interpretationem hypercri-*

percriticam electitiam internam perfectivam,) adeoque non videri contradictionem subesse. Sed scio etiam, communiter Doctores, qui statuunt pœnalia tanquam odiosa strictius interpretanda esse, dicere: Pœnalia non esse extendenda, à quibus adeò Vir Clarissimus per istam distinctionem non bene videtur dissentire. Si enim (*secundum ipsum*) pœnales leges rectè extenduntur, multò magis (*contra ipsum*) eadem in laxiori significatione sunt explicandæ. Rem declaro exemplo. Lex pœnalis est qui frumentum exportat, puniendus est. Hæc lex quamvis pœnalis, rectè extenditur ad farinæ exportatores. Cur ergo eadem non etiam in lata acceptione esset explicanda, ut sub se omnes frumenti species comprehendat, si modo ratio legis non obstet. At si hæc obstat, tum stricta interpretatio certe non desumetur ab eo, quod lex est odiosa.

Ad §. IX.

Per accidens in hoc exemplo o) quod fit; eo, quia

o) Miror, cur Vir Clarissimus saltem ad exemplum respondeat, taceat ad vim rationum mearum. Hoc est effugium utcunque quærere, ut non cogamur fateri, nos errasse.

sensus latior, & rationabilior hic coincidunt: id ubi non accidit eos coincidere, (quod plerumpue non fiet) aliter sese habebit; & distinctionem harum regularum evidenter necessariam probabit.

p) E. gr. Lex pœnalis de fundente sanguinem innoxium,

p) Cur non & ipse unicum saltem exemplum affert, ubi regula de Odiosis restringendis genuinum usum habeat.

extendetur q) rectè ad occidentem noxios, in quos ipsi nullum

q) Fortè non, prout erit ratio legis. Ergo regula de ratione legis definiet controversiam, non favor, non odium, non lex pœnalis.

erat jus coërcendi : at non recte sanguis lato sensu capietur , ut vena sectionem quoque contineat : r) vel ipso Clarissimo Auctore alibi recte monente.

r) Sed non ob favorem, neque ob odium, sed ob vitandam absurditatem. Ergo exemplum hoc valde quidem impertinens est, nec ullum usum præbet, nisi, ne Vir Clarissimus videatur nihil ad hunc §. reposuisse.

§. X.

Eadem observatio suppeditat adhuc aliud monitum
 1 circa totum ejus tractatum. (*) Suggillat Vir Clarissimus
p. 27. tractatus & Dn. Pufendorffium & me, quod cum
 meliora Grotio dare desperaverimus, ferè *κατὰ μόδα* eum
 sequamur. Sit ita, quamvis adhuc non pauca adversus
 hæc regerere possimus. Quæro ex Viro Clarissimo :
 2 (*) Quem usum habeat ipsius tractatus de Jcto perfecto,
 3 seu de interpretatione Legum ? Lego in indice (*) cen-
 4 tum species interpretationis, (*), quas ipse excogitavit,
 5 ad quas intelligendas (*) minimum anno opus est. Pu-
 6 tatne Vir Clarissimus, (*) effictione terminorum novo-
 rum melius Grotio se illustrasse doctrinam de interpre-
 tatione ? Putatne, meliores progressus facere juvenem,
 si discat : regulam aliquam pertinere ad interpretatio-
 nem hypercriticam electitiam internam perfectivam,
 quam si notet secundum doctrinam communem, eam
 pertinere ad interpretationem declarativam ? Atqui
 7 hoc est (*) rem intricare, non explicare. Porro regu-
 las interpretationis in tractatu numerat omnino 344.
 Quanto tempore putat Vir Clarissimus opus esse, ut ju-
 venis eas non dicam, intelligat, (nam pleræque nihil
 signi-

significant, & sunt meri (*) sine mente soni,) (*) sed me- 8.9
 moria teneat, & si teneat, cui usui? (*) Non jacto mea, 10
 sed si quæ bene posui, divinæ gratiæ ea adscribo, si quæ
 malè, mihi. Interim ut paucis me expediam: Repetii
 post Grotium & Pufendorffium, Duumviros de inter-
 pretatione optime meritos, doctrinam meam de inter-
 pretatione *in Praxi Logices cap. 3.* Constat tota doctrina
 paucis pagellis, & regulis omnino quinque vel sex,
 ostendique ibidem, doctrinam de speciebus interpreta-
 tionis rem obscurare potius. Jam suppeditet Vir Cla-
 rissimus (*) exempla, quæ non æquè benè & longè faci- 11
 lius ex paucis regulis meis, quam ex suo apparatu tanto
 possint definiri, aut, si quæ sunt, quæ quis ex regulis
 meis interpretari nequeat, quæ ex ipsius tractatu (*) re- 12
 solvi possint? Quod si hæc facere nequeat, cogitet, quid
 communes interpretes Juris de ipsius libro (*) dicturi 13
 sint, contra quos *Musar. Jurid. p. 27.* sic dislerit: *Nos hasce*
tricas, tanquam cruces ingeniorum superfluas & sine ratione
excogitatas, meritò rejicimus: contenti, nostra præcepta suis
fundamentis superstruxisse.

Ad §. X.

Suggillat.) *Verbum meo facto durius, certe mea sen- 1*
tentia. Si tamen ita velit vel alteruter vestrum, jam nunc
deprecor, s)

s) Verba Viri Clarissimi hæc sunt: *Propius ad Juris interpretatio-*
nem Philosophicam accessit tandem incomparabilis Grotius, incompa-
rabili de Jure belli & pacis scripto. — Quem, cum meliora dare me-
ritodesperaret, apertius hic etiam atque in reliquis omnibus &
κατὰ πόδα fere sequi se non dissimulat Pufendorffius -- & qui alicubi

etiam refutando quasi deterit Grotiana Thomafius lib. 2. c. 11. (Et tamen non erubuit suprà ad §. 5. n. 3. asserere Vir Clarissimus: Sed qua sum infelicitate memoria toto tempore libri huius mei reconcinnati non fuisse me recordatum ejus loci sancte testor.) Deprecatione autem non est opus. Vota eruditorum in Republica literaria de scriptis aliorum sunt libera. Et si quis durius quid de altero pronunciet, non eum, contra quem dictum est, sed dicentem ista durities afficere censendum est.

- 2 Quem usum,) Eum qui non assequitur, ex ipsa lectione totius operis, & prefationum; neque hic spes mihi est efficiendi ut assequatur: nisi quatenus sibi tantisper satisfieri patiatur annotationibus 7. 9. & 12. b. §. t)

t) Videbimus & quæro hic usum talem, qui non æquè benè ex quinque vel sex regulis capi possit.

- 3 Centum species,) Imo nomina, quæ vel dena, vel plura uni speciei possint applicari, u)

u) Eo major ergo est confusio.

- 4 Quasi ipse excogitavit,) Imo vero improbavit, x) explosit magnam partem earum, y) certe paucissimas primus denominavit ipse.

x) Ego vero collectivè loquor, quod nemo hætenus qui de interpretatione scripsit, tot species vel specierum nomina effecerit.

y) Remanent tamen in indice plus minus sexaginta interpretationis species (ut ipse index nominat) Viro Clarissimo definitas & typo à speciebus Doctorum secretas.

- 5 Minimum anno,) Neminem adhuc tam stupidum auditorem habui, quin paucis horis, z) me interprete, species à me excogitatas intellexerit omnes. Vid. Mus. jurid. p. 199. in fine.

z) Non

2) Non equidem invideo: Quamvis allegata p. 199. *Mufar. Jurid.* quadrimestris spatii mentionem faciat. Sed repeto quaestionem *lit. t.* cui usui?

Effictione terminorum novorum.) *Illos vero me 6*
nemini obtrudere, diserte monui cap. IX. §. ult. nedum illi, qui
anno opus habeat ad illos intelligendos. Is rem ipsam capiat,
si capere potest. Relinquat terminos, soli expeditiori repe-
tionis, vel communicationi, cum eisdem recipere volentibus,
servituros. a)

a) Repeto quaestionem cui usui?

Rem intricare.) *Vetus ea, & trivialis querela est il-*
lorum, qui accuratorem non ferunt philosophicam, & vere
artificialem: b) sed sola facilia, juvenibus, & festinantibus &c.

b) Sed an accuratio philosophica & verè artificialis est,
 quæ rem intricat, non explicat & nullius est usus? Ista accu-
 ratio philosophica & verè artificialis efficit, ut sapientiam ve-
 tam & divinam & humanam amiserimus, & fastuosi, invidi,
 rixatores, adulatores, hypocritæ &c. facti simus.

idonea, c) *quando Philosophi accurati, d) summam humanæ*

c) At veritas sola facilis & idonea ac utilis est. Quicquid
 difficile & nemini idoneum est, cur id discamus?

d) Quinam vero sunt illi? Certè non ii, qui res in infinitum
 in intellectu distinguunt, ad agendum vero & utilita-
 tem doctrinæ monstrandam causas fonticas & graves præ-
 texunt.

naturæ possibilem in quoque perfectionem, e) et si viris demum,

e) At summa humanæ naturæ perfectio non consistit in
 abstractionibus infinitis, sed in reali usu humani generis.

imo senibus, potissimâ sui parte profuturam, f) querere la-

f) Sed quæro jam & quaestionem sæpè iteratam repeto:
 ad quid profit Viro Clarissimo jam viro vel seni intricata
 ista de interpretatione doctrinæ?

borant. Unde tamen & juvenibus, imo vel pueris, & incapacioribus aliis, ob facultatem & voluntatem deficientem, sua cuique pars, ad captum & votum potest decerpi: docendo καὶ ἀνθρῶπων, introductiones, compendia, breviaria, typos, ideas g) deniq; ac elementa sola proponendo.

g) Hoc nihil ad me: Et an fortè usus in eo consistet, ut distinguamus inter ideam justam & non justam, aut confundamus ideam tractatus cum tractatu ipso. Vide notata *suprà* ad §. 7.

- 8 Sine mente soni.) *Id vero inopinatum plane, atq; horrificum auditu mihi accidere fateor: non in me solum, sed in conspectu meis dicentes Imperatores, Jctos, Legislatores, Interpretes, qua veteres, qua novos b) pronunciarum! Quos*

b) Sed quis horum dixit interpretationem hypercriticam electitiam internam perfectivam & similia?

uti copiose satis ad plerasque regulas margo inferior exhibet: ita infinito plures quomodo liceat coacervare, i) ac alias etiam

i) At coacervatio non est actio Philosophi accurati sed Sophistæ.

regulas plerisque iisdem firmare, sub finem præfationis posterioris habeo commonefactum. Cum hisce omnibus, imo vel cum solo Feldeno, damnari me à Clarissimo Thomasio, annon gloriosum l) sit aque, ac illi olim cum Phocione? Interim an-

l) Ergo quid queritur Vir Clarissimus?

non hic verba sua reddam Auctori tempestive multum? Mallem talia non excidisse Viro Clarissimo. Mallem considerasset, quod favorabiles etiam sint infortunati conatus, modo alias boni, nedum publice bene mereri occupati. m)

m) At hoc in quæstione est. Ego nihil agnosco publicè esse bonum, quod non est publicè utile.

Et

Et quidem in scientia tanti momenti promovenda. n) Unde

n) Sed hoc iterum in quaestione est, an scientia hæc tanti momenti tot inutilibus interpretationis speciebus & regulis promoveatur?

nil magis amovere meliores me possit, quam tot annorum labor tali contemptu o) exceptus. Sed ne favorable hic etiam

o) Contemptus non est, si eum, qui tot annis sine fructu in labore aliquo est occupatus, admoneamus, ut ad utiliora se conferat. Misericordia est, officium humanitatis est. Sed ita comparatum est in vita humana, ut sincera admonitio pro injuria, blanditiæ & adulationes pro beneficio habeantur.

odiosum videatur, & inanum querelarum denuo accuser, taceo. Quamvis adhuc non pauca adversus hæc regerere possumus.

Sed memoria teneat.) Nec illud exegi unquam ab iis, qui æque parum ad hoc, atque ego, vel à natura, vel ab artificio sunt instructi. Sufficit, si secretis ad hoc ipsum typo majori, primariis regulis, vel horum saltem universalioribus, quousq; memoriæ vis unicuique permittit, procedant. Specialiora, quoties opus sit, per causas, unde sunt demonstrata, specialius ipsimet prompte deducere: vel quoties nec hoc possint; & tamen de applicatione sint specialiori dubii: tanquam Lexico Philosophico, specialissimis hic demonstratis, (& ut ulterius etiam, & exactius, ei usui deducantur, optatis,) uti norint. Ecce usum unum, ni fallor, satis illustrem, & magnum. p)

p) Non vero operis quod melius Grotio doctrinam de interpretatione illustret, aut JureConsultum perfectum reddat, sed Lexici varias variorum regulas de interpretatione coacervantis & subtiliter (sed absque usu in ipsa interpretationis applicatione) distingventis, & nomen adeo scientiæ interpretandi non merentis.

10 Non jacto mea.) *Annon suspecta hac sententia in propria causa absolutoria, q) ab accusatione, & litem nondum mota, nedum peracta?*

q) Sed quis pro sententia absolutoria venditavit? Assertio est, & vera assertio. Unde poterat cavillatione hac abstinere Vir Clarissimus.

11 Exempla.) *Ea vero non longe forent petenda, r) Suffragio Cedo unum Vir Clarissime. Hic enim Rhodus. Aliis quilibet præjudicio vacuus, legendo hoc scholion sibi persuadet, quod nullum invenire potueris, & ita causa cecideris. fecerint interpretationes meorum dictorum à Viro Clarissimo facta, & suorum, contraria meis, obtrusa, s) Sed oporteret*

s) Hæc vero responsio nimis putida. Ostendunt id responsiones nunc meæ.
me omnem Prognosin Semeiotices moralis decoxisse, si huc prolaberer. t) Vel sola hoc §. dicta ex adverso, amoveant manum de tabula.

s) Potius caveat Vir Clarissimus, ne lector putet, ipsum omnem verecundiam perdidisse, dum ad incitas redactus, veritatem tamen & humanitatem (cum errare humanum sit) confiteri non vult, sed potius omnia alia tentat, ut peritiam obteget.

12 Resolvi possint.) *Siquidem vestra facultas, vel naturalis ingenii felicitate, vel exercitatione, vel utraque pol- lens, u) eo porrigatur usque; ut ex quinque vel sex illis regu-*

u) Minimè omnium, sed simplicitatem veritatis humiliter sequens, neque veritatem in subtili & fastuosa, inutili tamen accuratione quærens.

lis, nulli non x) de hoc argumento aliquid ex professo molito-

x) Atqui hoc ipsum angit Pseudo-Eruditos, quod veræ sapientiæ studiosi ex rebus vulgaribus, ac à Philosophis istis accuratioribus contemptim habitis utilia humano generi efficiant vel agant. Ignorantes videlicet, veritatem esse vulgare quid & ubivis obvium.

rum, inter alias memoratus, sine specialiori deductione, dextre positis obscuras leges omnes interpretari, gratulor. Nobis non datur esse tam beatis. Nedum ut erudite, id est, distincte, explicite, ordinate, scientifice, ad conscientiam non modo nostram, sed & aliorum convictionem, per suas causas possumus deducere, quare sic, & non aliter in quolibet casu interpretemur. Plebejum in morem confuse, vel dialectice saltim; imo & accedente ad naturalem ingenii prestantiam exercitatione longa, tandem soliditatem aliquam, sed implicitam tamen & confusam, nec satis ad redarguendos obloquentes semper valituram suppeditante, id agere: vel sine ullis adeo preceptis contigit aliis, item bonis, imo continget, taliter instructum à natura ingenium exercentibus, universis. Vid. Arist. Nic. VI. 8. & Metaph. c. 1. Quemadmodum in omni arte prius artifices, quam artis precepta, satis illustres fuisse, notum est, & alibi etiam in hoc argumento monui diserte. Interim non hic magis, quam in omni alia Scientia, demonstrationum solidarum, & scientificarum usus erit frustraneus. y)

y) Utinam Vir Clarissimus affectus seponere & considerare vellet, quantum sophistam hic agat, & quantam occasionem suppeditet omnibus, qui stultitiam vanæ Philosophiæ per divinam gratiam cognoscunt, ut ejus ex animo misereantur. Debat exemplum suppeditare quod non ex simplicioribus & paucis illis regulis æquè bene si non melius resolvi possit ac ex ipsius farragine & lexico regularum. Nullum exemplum afferre potest. Ut vero non cogatur inanitatem Philosophiæ, cui insenuit, agnoscere, putat lectorem facile occæcari posse, si Aristotelem, si demonstrationes solidas & scientificas ac convincentes crepet, atque alios id quod ipse crepat, re ipsa prestantes plebejos, confusos, dialecticos & ita porro nominet. Ego repeto quæstionem sæpè factam. Cui usui Vir Clarissime

tam intricare doctrinam interpretationis simplicem & planam? Cedo exemplum. Aut si non potes, agnoscevanitatem Pseudo-Philosophiæ. Relinque Aristotelem, qui tibi in anxietate hac constituto nullam responsionem convenientem suppeditare potest, & reliquum quod Tibi restat temporis, ad utiles meditationes ethi plebejas impende.

jectiones magis me, quam omnes circa interpretationem Juris, aut aliam, imo circa nullam non Scientiam Practicam fusius quid, & accuratius molitos premunt, z) Quarum nulla non,

z) Sed si æquè premunt ac te, nec melius inde se expedire possunt, mihi id non imputabunt, quod non fusius quid sed confusius, non accuratius quid, sed subtilius, sed inutile, sed sophisticum, sed miserandum moliti fuerint. Solamen miserum, socios habuisse malorum, in quæ ipsi nos propria culpa conjecimus, nec aliis admonentibus, inde nos extricare volumus.

paucis præceptis, imo nullis, at egregia natura, & experientia instructo, queat in laudabilem praxin deduci. Nec eo dein minus, si vel æque ac Poëtica, sine arte à natura cunctis suppeteret, interpretandi facultas. (Quemadmodum nimis multi male capiunt illud tritum, quo natura omnes judices fecisse perhibetur) verum manebit illud Ciceronis pro Archia: Cum ad naturam eximiam atque illustrem, accessit ratio quædam, confirmatioque doctrinæ: (quo scientifica magis, hoc confirmatiorem se probatura. & suum etiam Discipulum redditura,) tum illud, nescio quid præclarum, atque singulare solere existere. Quod hic locus longius adducere nunc non permittit. a)

a) Neque enim jam desideratur à Viro Clarissimo, ut locum hunc Ciceronis explicet. Desideratur, ut usum tractatus

Etatus sui de interpretatione ostendat, & exemplum aliquod, ut diximus, suppeditet. Atqui hoc non potest.

Dicturi sint.) *Nempe alii alia, pro suo quisque captu, 13*
& affectu: Soli saniores, & intelligentes id, quod res est. Nempe illas tricas merito rejectas, ut earum loco scientiæ demonstratione b) substituerentur.

b) Sed nullum usum habentia.

§. XI.

Credo & spero, Virum Clarissimum responsiones has meas atque brevia monita non ægre laturum, sed promissionis publicæ *Musar. Jurid. p. 178.* recordaturum esse. Rationes adhibui, non verbainiqua. Quod si tamen & in ipsa veritate amarum quid propositum fuit, id tanquam præter intentionem factum deprecor, eumque invito & rogo: velit id, quod *Musarum Jurid. p. 116.* obliquè indicavit, proximè expedire, & rationes suas proponere, (*) per quas putet, demonstrationem juris positivæ universalis à me in Institutionibus Jurisprudentiæ divinæ tentatam, in nihilum redigi posse. Cedam semper rationibus firmis, ipsique valde obstrictus ero, si me errantem in veritatis semitam (*) reduxerit. 2

Ad §. XI.

Per quas putet.) *Non scripsi c) me putare, sed ex-* 1

c) Benè. Non scripsit. Sed contextus tamen verborum *suprà ad §. 5. lit. p.* recensitorum ostendit, quod ita senserit.

preste, decidendam hanc quæstionem mihi nondum sumere. Quo jure ergo demonstratio à me exigatur? d)

Fff 3

d) Non

d) Non exigo, sed invito & rogo. Interest Reipublicæ literariæ, ut, si ista demonstratio mea in nihilum redigi possit, id fiat, quia ab ea dependent multæ quæstiones utilissimæ & quotidie obvenientes. Quod si ita honestè invitatus id detrectet præstare Vir Clarissimus, facile Lector suspicari posset, istum Viri Clarissimi locum ex jactantiæ affectu prodixisse.

2 Reduxerit.) *Hoc infelicitè, ut video, nimis tentatum semel, e) iterare publice, qui sustineam? Quin potius grates*

e) Ubi Vir Clarissime, & quando? Ego quidem non possum non hæc aliter interpretari, quam quod ad litteras Pseudonymi & Anonymi respicias. Quod factum nollem. Nam istæ quidem in errorem me ducere voluerunt, ne quid acerbius dicam.

solennes hic & publicas ago: quod durius non sim tractatus. f)

f) An conscientia Virum Clarissimum admonuit, quod Pseudonymus & Anonymus duriora fuerit meritis? An ego is sum, qui mecum controvertentes durius tractavi? Delicatis ingeniis & qui alios contradicentes ferre nequeunt omnis veritas dura est.

Obstrictum etiam beneficio novo, & magno me habiturus: si ulterioris publica concertationis onere, ac invidia exsolvar. g)

g) Per me quidem licebit. Et quis Virum Clarissimum adigit, ut scholia hæc pararet? Non veritas, ut ostensum, sed affectus & amor erga fœtum suum.

Ne non ut hætenus feci, pacate philosophando, b) circa tam

b) An ipsi bellum intuli? An pacem ipsius turbavi?

multa etiamnum inelaborata, pro virili pergam. Quod sane perquam honestè fieri nunc potest. Postquam de principali quæstione, in qua possim aggressor habitus esse, quantum exigebatur,

batur, concessi. i) Quod ad nova cætera vero, etiam acer-

i) Scilicet cum ad ipsam rem ventum est, Philosophiam accuratam crepando, & plebejos animos ac fiducia ingenii fretos publicè prostituendo.

bius ingesta, non tam mea sit causa, quam communis tot aliorum. l) Quos me nominatim propugnatore publico nec egere

l) Nechòs timet veritas. Et poterat interim à tot aliis exemplum pètere Vir Clarissimus, ad demonstrandum usum communis causæ.

puto præ aliis, nec an gavisuri sint, satis ausim polliceri. Privatim si qua de re mea expetetur sententia: quantum potuero, & ex amicitia nostra putavero, ad eandem aperiendam, semper, ut & ad omne aliud officiorum genus, me paratissimum exhibebo. m)

m) Ego vero & ad publica & ad privata officia me semper paratum fore publicè promitto, istud officii genus publicè repetens, ut Virum Clarissimum admoneam, velit tempus quod ipsi restat, studio & praxi veræ sapientiæ, relicta inani & inutili, impendere.

I. N. J. C.

I.N.J.C.

J. N. J. C.

INCLYTO

Varia Virtutis, ac Eruditionis

laude VIRO

CHRISTIANO THOMASIO

VINCENTIUS PLACCIUS

S. P. D.

DEstinaveram Tibi Exemplar Jcti meiligatum, una cum Epistola. Sed elusit melator earundem, abiens me in salutato: non tam sua culpa, quam casu. Eo quod rusticatum digressus ex Urbe, morbo corporis reditum ultra tempus constitutum distulisse. Vides fatum. Absq; quo si fuisset, credo scriptio- nis tuae publicae amarulentiam, quam ipse met agnoscis, sed veritati, (eam quidem meo judicio non deposcenti,) vis imputatam, deprecari opus non habuisses. Certe enim illis lectis, ignorantiae me affectatae nunquam inculavisses. Multo minus Disputatiunculae illi nostrae, litem novam totuplicem, imo de totius mei operis inutilitate, infamem mihi sententiam impingere, publice unquam, credo, sustinuisses. Quo sane convitio, quid durius in me statuere potuisses, si quam gravissime Te antea offendissem, non video. Et vero ni multis jam abhinc annis, hoc omni cura egissem sedulo; ne quis mihi sensus ad ejuscemodi superesset: erat hic mihi longe acerbissimus unus omnium facile futurus. Quo ne nunc quidem nullo penitus me tangi, tanto dissimulare

lare debeo minus: quanto & Te, & candorem apertum deamo magis. Unde maluissem quoque hanc disceptationem privatis litteris, ut alias haecenus omnes, etiam publice mihi notas, componere: nisi non tam impetitur, quam impetuisse visum, offerente se provocato, pugnam detrectavisse nimis ignaviter, me iudicatum iri a plerisque, praevidissem. Quam tamen, quanta depugnaverim moderatione, iudicabis ipse. Certe ut facerem, non modo, quantum in me, conatus sum fideliter: sed adhibito etiam in consilium pari amicorum, facile huius Civitatis, & in hoc genere studiorum, & pietate, ac modestia pra multis eminentium. Quos exoravi, ut quidquid in hisce meis extemporalibus Notis, vel minimae offensionculae tuae ansam praebiturum ullo modo suspicari possent, id, quanta vellent scrupulositate, scrutarentur. Neque vel subinnuere quidquam adeo minutum potuerunt: quin expungerem illico, aut, quoad ipsis probaretur, emollirem. Quamvis talia erant omnia, ut non dum partem eorum quidquam revera aegre te laturum fuisse. Quo certius nunc ab ingenuitate tua mihi promitto, imo spondeo, Te agniturum satis: quantum amicitiae nostrae, & pudoti tuo, ac opinioni maxime apud tuos Auditores, cui vel tantillum me nocere, summa mihi sit religio, parcitum iverim. Idque cum detrimento etiam certo famae apud plerosque meae. Qui non poterunt non palmam a me Tibi publice traditam iudicare. Quandoquidem nullatenus, ut potuissem, ac vel tuo exemplo, debuisssem, *in ipsa veritate amarum quid prepositum volui.* Ostentando puta effugiorum illorum naturam, ac indolem, quibus uteris; Quando definitionem favorabilium, non nisi quatenus facti meri sunt, citra omnem universalis rationis respectum, vis negavisse. Quin imo tale genus definitionum exiges: *quale nec est, nec erit, dum res humana rotabit.* Haec si ego Tibi affinxissem: quid diceres de mea interpretandi ratione, tam omnibus tuis & meis regulis adversante! Ne quid nunc addam de noviter motis a Te litibus, Quibus abstinere profecto praestitisset longe. Nec §. IX.

examinem, cujus exemplum sane multum abest a recta interpretatione ratione, sive extensiva, sive declarativa. Cujus adeo vi, vel capite plecti possit innoxius maxime. Ut alias, si expetis, privatim clarissime demonstrabo. Nam §. X. plane non tango: ne moveam Camerinam. Quam, sicuti reliqua multa, pressi etiam publice, quantum potui: ne quis facile vel subodoraretur. Nempe ad hoc unum omnia: ut pacem & quietem publicam, quovis precio mercarer. Imo, si fieri posset, optima inter nos, ex hoc principio, etiam non nimis bono, familiaritas, ut saepe fit inter bonos, coiret: privato inter nos literarum commercio, rectius longe, si quid superest, aut de novo nasceretur dissensionis (quod dispariter tractantibus idem argumentum, non fieri non potest) composituris. Ad quod ipsum Te adeo quam humanissime nunc, & humillime invitatum volo. Vel ad hoc inprimis, ut si quid est, aut fuit aliquando a me factum, scriptum, aut dictum, quod Te offenderit, aut pro tali ad Te relatum sit ab aliis: hoc prius, & aequae ac modo ipse, quid in Te desiderem, aperte des significatum. Ne quid ulceris non expurgati utrinque remaneat. Crede mihi, privatim in me licebunt Tibi omnia, in Te mihi nihil, nisi quod voles. Cæteroqui, fateor, me non videre, quid disjungere animos nostros vel minimum debeat, si vel maxime de multis philosophicis dissentiamus. Cum & tanto terrarum intervallo, & ratione docendi, ac scopo, & Auditorii natura simus tantopere separati. Nempe subtilissimam ego, secundum Analytices præcepta, utique accuratorem, senibus dignam, quero. Tu Juventuti tuæ idonea, & ad praxin properantibus necessaria, quam ingeniosissime, & jucundissime proponere allaboras. Euge! pergamus utrinque ἀνεπαρόδισι, invicem inoffenso pede: nec alter alterius detrahimus industriæ. Sine me saltem pacate tam infelicem esse, ut in hoc pistrino, in quod divinitus sum conjectus, inhonoratus, & obscurus satis, sine ulla remuneratione me fatigem; Dum ego Te sino esse Thomassium, ut poscis: hoc est, summo cum fructu, applausu, & lucro docere minus tetrica, & difficilia.

Hæ si placent, uti spero, imo confido, pacis & amoris inter nos conditiones: erimus utrique magis quam omni alia ratione,, hac in parte quidem, (quæ sane Tibi ex tuamet ipsius doctrina,, facile humanarum omnium potissima est,) beati. Ego certe desideria tua, qua potero, implere, imo, si potero, superare fideliter annitar. Utere me, meisque meditationibus, ut lubet. Exige, postula ulteriores, quibus par esse queam. Videbo quantum in me sit, ne lactasse spe inani vota tua videar. Quod ne verbis solis, sed re ipsa vel ex tempore faciam: Ecce adjuncta quæpiam Excerpta de Substantiæ & Accidentis natura, quam sollicitè adeo indagas, prima & ultima doctissimarum tuarum Disputationum. Ea num aliquàlter tuæ satisfaciant voluntati, scire si me feceris: an publice sint proponenda, statuam. Poteruntq; tum hæ lacinix, ni tenues nimis atque soloces videantur, assumenta fieri, cujuscunque tuarum texturarum volueris. Interim tamen ista premi rogo. Nec enim quidquam tam reformido, quam cruda huic arguto seculo propalare. Qualia mea omnia, reputo, donec publicationi a memetipso sint præparata; quantumvis alias, Flacco monente, nonnum in annum pressa. Quemadmodum sane illa, ex quibus hæc sunt Excerpta, Annotata Ethici Systematis mei plenioris, quorum margini nunc etiam tuarum Disputationum citationem apposui, uti vides, bis nonnum annum, & amplius jam apud me latent. Hæc si non displiceant, addam proxime alia etiam plura: fortassis etiam, quæ petiisti Exempla Interpretationum mearum: ac monita insuper sub finem hujus Disputationis, quæ cupis, alia super scriptorum tuorum philosophicorum locis diversis: Speciatim de Vanitatis quoque definitione, cujus indaginem peculiari Disputatione dignatus es, meam sententiam, si jubes, dabo: imo definitionem, ipsam, plusculis jam abhinc annis conceptam, quanta licuit Analyticorum præceptorum Aristotelis observatione philosophica. In qua sola, & in nullo studiorum genere alio, patiar me cum eruditis aliis componi: nedum Tecum, cujus ego præ multis alijs

ingenium excellens, & industriam commendabilem *suspicio, venerorq; lubens.* At enim cætera omnia *παρέρχεται* mihi fuere mera: hoc *ἔργον* triginta nunc amplius annis. Postquam Feldenianis Mstis, & ipsius Textus Aristotelici Græci Analyticorum priorum & posteriorum resolutione accuratissima, Disciplinarumque Mathematicarum notitia nonnulla instructus, accessi ad hocce saxum. Quodvolvendo nitens omnibus nervis, tam parum adhuc promoveo: ut plus mille definitionibus philosophice elaboratis, nondum eo rem perduxerim: quin reformare, vel reformari ab aliis earundem aliquas subinde optem; Examinari certe semper ab intelligente quovis, in lucro ponam. Tua melior longe fors est interim: tot aliis jucundioribus hoc, ut *παρέρχεται*, intermiscitis. Sed jamdudum ambigo, satisne recte hæc ad Te scribam. Quæ quo animo a Te legantur, fateor, me ope totius Semeiotices Moralis meæ, pro certo nondum definire posse. Hoc solum scio: sine ardentissimo amore Tui, & pacis, atque amicitia colendæ si foret; me tota hac scriptione superfluum. Quæ ratione corporis, & animi, publice, privatimque nunc impedito magis, quam alio forte tempore, accidit laboriosa. Quo vehementius deprecor: ne saltim eo animo hæc accipias scripta, quo accepturus esses, si ego inutiles tuos labores, & plerosque nihil significantes, meros sine mente sonos scripsissem: quibus tamen Tute post Præceptoris tui professum publice ultra quinquaginta annorum laborem, supra tricesimum annum insudasses. Quod sane in te mihi cum nollas, an satis Christiane in me scripseris, Tibimet examinandum relinquo. Equidem haud invito credo, Tibi ac tuis Auditoribus hæc inutilia maximam partem esse. Qui, quantum video, id non agitis: ut ad Analytices exquisitissimam accurationem resolvere, ac interpretari textum ullum ita contendatis: ne ulla mentis operatio, non ad præcepta, solide per suas causas demonstrata, tanquam ad normam mathematicam, examinetur, atque dijudicetur; qualis sit, an, quomodo, quare, quatenus cohæreat, nec ne. Ut reflexiva tali notitia quam plenissime,

nissime, distinctissimeque, conscientiae nostrae & alienae satisfiat, causis, quare satisfiat, scientifice reddendis. Quod tantum abest, ut ab omnibus, etiam eruditissimis alias, exigendum pronunciem: ut non nisi paucissimos id laboris vel tentare saltem debere, lubens concedam, imo saepe contendam, defendam semper. Interim illis, qui ad hoc divinitus sunt vocati pauci, tanto minus erat contemtu publico illudendum. Potius eorum labore, quemadmodum Mathematicorum subtilissimorum, ad praxin omnigenam, erat utendum grato animo, erga ipsos, & magis erga Deum, datorem nobis eorum munerum, sine nostro tam scrupuloso, tetrico, scholastico, aut quocunque velis dicto labore: impendendo interim Tibi ut facilioribus, sic utilioribus ad multos, majori cum gloria, & lucro. Qualia proinde amantes prae meis, etiam Juvenes plerosque omnes, merito tuae potius, quam meae informationi commendo, & commendabo semper; modo ne mea interim publice dehonestare pergas. Vale, Vir Indlyte, ac imminentis anni novi Calendas auspicasimas, plurimum auspicasimorum anteaambulones habe.

Dab. Hamburgi 1693.

d. 23. Decembris.

* Possem in singulis paginis observare atque ostendere, quare Viri Clarissimi nullo fundamento niti, atque subinde sub mediis blanditiis, quibus Epistola haec repleta est, me durius tractari. Sed nolo Virum Clarissimum ad omnem veritatem valde impatientem irritare. Condone publicè injuriam mihi in Pseudonymi & Anonymi Epistolis factam, & valde ipsius vices doleo, publicè confitentis, se in pistrino laborare, & saxum Aristotelicum per tot annorum spatium volvendo, tam parum adhuc promovisse, ut plus mille definitionibus philosophicè elaboratis nondum eò rem perduxerit, quin reformare vel reformari ab aliis earundem aliquas subinde optet. Doleo serio, quod pistrinum

num hoc nihilominus pro accuratiore sapientia ac Dei dono venditet, doleo, quod in id divinitus se conjectum prædicet. Precor animitus, velit Deus Optimus Maximus, qui veræ sapientiæ & non Pseudo-Analyticæ istius ac carnificinæ humani generis autor est, oculos mentis Viri Clarissimi aperire, ut pestem istam & animi & corporis abjicere, ex pistrino Gentilis Philosophiæ exire, & ad unicam, veram, humilem, perspicuam, utilem, atque salutarem sapientiam se convertere quàm proximè incipiat.

Exaudi me Deus, qui ipse sapientia es.

Amen.



INSTI-



INSTITUTIONUM JURISPRUDENTIÆ

DIVINÆ LIBRI III.

CAPUT. I.

De

Officio Hominis erga socios in genere.

SUMMARIA.

Connexio. §. 1. 2. Naturales societates duplicis generis. §. 3. 4. 5. 6. 7. Non ex appetitu corrupto provenit, quod homo magis appetat societatem nuptialem, quam civilem. §. 8. 9. Societates finibus discernuntur. §. 10. Fines trium societatum simplicium, §. 11. à quibus Finis societatis domestica non differt realiter. §. 13. 14. Fines vici vel pagi, §. 15. 16. item civitatis. §. 17. Differentia communis inter vicum & civitatem examinatur. §. 18. -- 32. Societas gentium etiam est naturalis, & falsum, civitatem esse societatum omnium perfectissimam, §. 33. 34. quod ostendit etiam societates

cietas Fœderatorum, §. 35. 36. Ratio methodi dicendorum §. 37. -- 45. Probatur, dari societatem Gentium, §. 46. 47. 48. eamque esse naturalem, §. 49. 50. nec confundendam cum societate mundi, §. 51. nec commodè dici universalem Rempubicam omnium hominum, §. 52. Societas Gentium est imperfectior civitate, §. 53. Dari posse societatem inter homines ignotos, §. 54. 55. 56. Præceptum officia sociorum in societate mixta in genere dirigens: HOMINI, CUI IN ISTA SOCIETATE COMPETIT IMPERIUM, PARE. §. 57. -- 62. Non omne imperium, ex pacto est, §. 63. 64. 65. Aliud præceptum: FAC EA, QUÆ FINEM CUIUSQUE SOCIETATIS NECESSARIO PROMOVENT, ET OMITTE EA, QUÆ ISTUM NECESSARIO TURBANT, §. 66. -- 70. Tertium: SI CERTUM SIT, à PERSONIS, QUÆ SOCIETATEM INIRE VOLUNT, FINEM SOCIETATIS PRIMARIUM OBTINERI NON POSSE, NULLA ERIT SOCIETAS. §. 71. -- 75.

§. I.



Consideravimus hactenus ^{a)} officium hominum quorumvis in quacunque societate viventium, jam pergendum ad præcepta dirigentia societates singulas,

2. Quid sit societas & quotuplex, initio exposuimus. ^{b)}

3. Ubi simul species naturalium societatum recensuimus, nuptialem, paternam, herilem, domum, vicum, provinciam, rempublicam, denique societatem gentium.

4. Ex his quædam naturales dicuntur, quod homo à natura, etiam citra voluntatem suam in iisdem sit constitutus, talis est societas Gentium. Quædam verò sic appellantur, quod natura homi-

ad §. 1. a) vide supra lib. 2. c. 3. §. 1.

ad §. 2. b) l. 1. c. 1. §. 91. seq.

hominem eò ducat per specialem instinctum, qui hominem ad eandem *ex voluntate* obeundam impellit.

5. Atque hic *instinctus* *vel* est *utrique statui* & integro & corrupto communis, quorsum pertinet societas *nuptialis* & *paterna*, *vel statui corrupto* proprius, quò spectant *herilis*, *vicius*, *municipium*, *provincia*, *respublica*. Quorum utrumque jam ab initio demonstravimus. c)

6. Posses etiam priorem instinctum commodè vocare *internum*, cum à DEO homini sit concreatus, posteriorem vero *externum*, cum indigentia & metus periculorum eum potissimum elicerit,

7. Atque ut hoc quidem fusius deducemus infra, ubi de societate civili agendum erit, ita de priori non sinit dubitare historia sacra,

8. Ut adeò in divinum Numen & in historiam status integri maxime injurii essemus, si statuere vellemus, ex appetitu *corrupto* provenire, quod homines magis *societatem nuptialem*, quam civilem appetant, quasi nempe jucunda magis, quam honesta prosequantur. d)

9. Quod ipsum etiam Aristoteles, e) et si Ethnicus, agnovit. Homo, ait, magis ad conjugium factus est à naturâ, quam ad societatem civilem, & tanto quidem magis, quanto prior magisque necessaria est domus, quam civitas, quantoque filiorum procreatio animantium omni generi communior est,

10. Quemadmodum vero in moralibus potissima ratio in fine negotiorum sita est, ita & societates inter se quam maxime à finibus discernuntur, certè discerni debent.

11. Ac de tribus simplicibus quidem nullum fere remanet dubium, conjugalis enim liberorum procreandorum, paterna educandae

Hhh

sobo-

ad §. 5. c) d. l. §. 95. 97.

ad §. 8. d) Ita Alberti P. 2. c. 10.

§. 1. n. 2.

Ad §. 9. e) Nicom. VIII. 12. p.

m. 269. edit. Rachel. Provocat

tamen ad hunc Philosophi locum Alberti d. l. Sed videtur deceptus esse ab iis, quae posuit B. Pater Tab. 39. Phil. Praët. quem adeo absq; judicio exscripsit.

sobolis & herilis comparandarum rerum ad vitam necessariorum gratiâ initur.

12. De *compositis* videndum distinctius. Quod *domum* seu familiam attinet, non disquiremus prolixè, utrum *paterna* societas ad eandem requiratur, nec ne? Verius: ad perfectam familiam requiri triplicem conjunctionem Patrisfamilias cum uxore, liberis & servis. Deficiente ex his uno fieri imperfectam familiam magis aut minus, prout deficiens membrum magis aut minus est necessarium. f)

13. *Finis domus* dicitur esse *usus quotidianus* patrisfamilias, quo ipso vel idem finis, qui est in herili societate, intenditur, vel, quod probabilius, conjunctio trium finium, quos observant societates simplices; nam & generationem sobolis & educationem non male usum quotidianum patrisfamilias appellare possis. g)

14. Revera igitur novus finis intuitu domus non inculcatur, aut diversus à societatum fine simplicium.

15. Sequitur *vicius* seu *pagus*. Et si enim hæc duo secundum nonnullos ita differre dicantur, ut *vicius* sit, in quo nihil est, quam vicinitas incolarum sine ullo magistratu vel Rectore proprio, *pāgus* vero certo regendi ordine consistat, h) tamen communi philosophantium usu hæc voces usurpantur promiscue, ut pro diversitate hypotheseos vel de vico affirmetur regimen, vel etiam id negetur de pago. i)

16. Con.

ad §. 12. f) Conf. Patr. Tab. 37. Huber. de jure Civit. l. 2. c. 1. th. 17. 19. p. 353. Albert. c. 13. §. 1. In utramque partem sunt loca apud Aristotelem l. 1. Polit. c. 1. p. m. 4. & c. 3. p. 9. Edit. Conring.

ad §. 13. g) Non, quod quotidie obveniat, sed quod quotidie, id est tempore incerto, obvenire possit. Conf. Patr. tab. 37. & disput. de minim. num. pers. famil. th. 6. seqq.

ad §. 15. h) Huber. de jure civit. lib. 2. c. 12. n. 3. & 4.

i) Vide Patr. annot. 186. Conf. infra §. 23. Inquirendum tamen esset, annon antiquitus Grecis illa differentia fuerit inter *pāgum* & *vicum*, ut *vicius* denotet eum *Deff* / *pāgus* districtum, eime *Bevö* / & constaret ex pluribus *viciis*. Vide Meursium de pagis Atticis. Ita eodem sensu in antiqua Germanica Historia vox *pagi* sumitur,

16. Constituitur verò à Peripateticis *finis vici*, *usus non quotidianus*; scilicet, ut arceatur ab ovilibus *lupus*, & pellatur à tecto *fur nocturnus*, ut *incendia* restinguantur, & erigantur *sepes* vento dejectæ &c. l)

17. At *civitatis fines* duo proponuntur, m) unus ultimus, *εὐδαιμονία*, id est, vera beatitudo civilis, non uni homini sed toti populo insinuanda, subordinatus alter, *αὐτάρχεια* sive bonorum & præsidiorum externorum sufficientia, ut scilicet paulo elegantius, quam in pago vivamus, nec furunculum modo nocturnum, sed & validam latronum manum arcere queamus.

18. Ex dicta itaque finium discrepantia oritur ipsis etiam differentia *materia* inter *vicum & civitatem*. n) Nempe *vici materiam* esse *familias una plures*, numero indefinito, quod nimirum ad usum non quotidianum sufficiant, *civitatem* vero constare ex *pluribus vicis*, cum plures utique familiae hic requirantur, quam in vico, tam ad priorem finem, quia sine justa multitudine nec magistratus varii commodè haberi, nec legibus vis coactiva firmiter conciliari potest, tam ad posteriorem, quia præter agricolas, qui pago utcunque sufficiunt, oportet esse mercatores, opifices, milites.

19. Nobis autem sententiam hanc profundius expendentibus, videtur eadem non omnibus carere dubiis. Initio enim non accuratè *terminis effertur ista finium differentia*, quoniam haud dubie etiam *αὐτάρχεια* referri poterit ad usum hominum non quotidianum, ut adeò hac parte finis pagi à fine civitatis non tam specie quam gradu differat.

20. Deinde etsi regerere velis, in eo tamen manere ingentem differentiam, quod unicus vici finis sit, usus non quotidianus, at *αὐτάρχεια* esse saltem civitatis finem secundarium, adeoque hic magis ad beatitudinem civilem tanquam finem ultimum esse respiciendum, qui in vico non possit obtineri, quoniam in hoc, ut vicinus vicinum ex viro malo bonum reddat, nulli vici

Hh h 2

qua

ad §. 16. l) Vid Patr. tab. 38. &
d. disp. th. 46.

ad §. 17. m) Pat. tab. 39.

ad §. 18. n) Pat. tab. 38. 39.

qua talis conventionē comprehendatur, o) tamen & hic quæ respondere possumus multa, suppetunt.

21. Ut enim per *beatitudinem civilem* nulla alia intelligi potest, quam pax & tranquillitas communis; quacunque etiam periphrasi ejus utaris, ita vel maximè tranquillitas hæc per præsidia externa contra violentiam ad turbationem ejusdem promovetur, quæ adeo magis ad *ὑποστροφίαν* referre velim, quam ad *ἀντάρκειαν*; at & hæc suo modo obtinebitur in vico, quam vis impari rursus gradu, dum videlicet dicitur, ad finem vici pertinere propulsationem *furis nocturni*, ad civitatis, defensionem contra validam *latronum* manum. p)

22. Accedit, quod nec vici qua talis conventioni adversum videatur, ut *vicinus vicinum ex viro malo bonum reddat*. Qui enim id adversum esse inculcant, præsupponunt, ad vici qua talis, constitutionem requiri, æquales esse vicinos, ut nulli in alterum jus competat puniendi. q)

23. Sed hæc quidem ratio non solum petit id, quod est in principio, sed & ipsum Aristotelem habet dissentientem, qm̄ videlicet inculcat, r) *maximè ex natura pagum esse coloniam domus, ac uti domus omnis regatur ab eo, qui maximus natu est, ita & colonias regi propter cognationem.*

24. Tertio quod exempla attinet, quibus à Peripateticis *usus non quotidianus* vici explicatur, videas & hic à nonnullis s) talia afferri, quæ nullam ferè, certè exiguam inter vicum & civitatem relinquant differentiam, dum eo referuntur *emere, vendere, pugnare, arare, mercari* &c. qui adeo supra t) memoratis, ad pagum solos agricolas requirentibus, satis apertè contradicunt.

25. Quæ-

ad §. 20. o) Pat. tab. 39. lin. 30.

ad §. 21. p) Vide suprâ §. 16.

17.

ad §. 22. q) Vide omnino Patrem annot. 176. ad philos. pract.

ad §. 23. r) I. Polit. l. c. 1.

ad §. 24. s) Vid. Manutii disp.

de societ. compos. th. 6. n. 2.

t) §. 18.

25. Quarto, quinimo & ipsa exempla superius n) adducta, parum discernunt vicum à familia, præprimis si illa non sit redacta ad minimum personarum numerum. Cur enim *paterfamilias* aliquot servis instructus, non posset *lupum* arcere, *furem nocturnum* fugare, *incendium* obortum, cæteris paribus, extinguere, *sepes* erigere? &c.

26. Porro ut ad *materiam vici & civitatis* pergamus, quemadmodum quinto non audent Peripatetici *minimum numerum familiarum* ad pagi constitutionem requirendarum exprimere, x) ita sexto id universale non erit, quod ad civitatem necessario requirantur *plures vici*.

27. Quid enim obstat, quo minus in uno vico tot possint congregari familiæ, ex quibus quidam patresfamilias magistratum vices gerant, alii agricolarum, mercatorum, opificum, militum. y)

28. Exemplo sit *Respublica Romana*, initio suo uno vico circumscripta, quam pro civitate qui habere nollent, is negaret civitatem, ubi esset respublica, hoc est essentiam rei, ubi adesset forma.

29. Hinc diximus supra, z) civitatem modo immediate ex pluribus familiis, modo ex pluribus vicis, modo ex pluribus provinciis componi, indicio, *vicos & provincias* non tam à civitate differre specie ac finibus, quam ut partes à suo toto.

30. Prout enim civitas magna aut parva est, plures vel pauciores etiam partes habet, sic ut quandoque eam in plures provincias, provincias in plures vicos, vicos in plures familias dispescere possis, quandoque etiam, si adhuc diffusius sit territorium, provinciarum in plures *diaceses* seu districtus, hi demum in plures vicos dividi possint. a)

H h h 3

31.

ad §. 2 f. u) §. 16.

ad §. 26. x) Vid. Patr. dict. disput. th. 16. & 21.

ad §. 27. y) Conf. Patr. annot.

157. n. 1. & annot. 173.

ad §. 29. z) l. 1. c. 1. §. 97.

ad §. 30. a) Conf. Huber. de

jure civit. lib. 2. c. 12. n. 11.

31. Atque hæc etiam fortè fuit ratio, cur Aristoteles in politicis post considerationem trium simplicium societatum statim pergeret ad tractationem de Republica, ac domus & vici saltem summam & quasi obiter mentionem injiceret, *b)* nullam plane provinciarum, & quæ possunt aliæ esse magnarum civitatum particulæ, quoniam nempe hæc societates destituuntur *peculiari fine* à civitate diverso.

32. Igitur nec à nobis aliud expectabis, quam ut perpenſis *officiis hominum in societatibus tribus primis*, statim pedem promoveamus ad *civitatem*.

33. Et in hac quidem subsistunt communiter Peripatetici, ultra non pergentes ad *societatem gentium*, etsi & hæc, ut mox apparebit, ad societates naturales pertineat. Causam istam tradunt, quod *civitas sit societatum omnium perfectissima*, pro fine videlicet habens beatitudinem civilem, quæ in aliis societatibus civitate majoribus non obtineatur. *c)*

34. Nos vero hac ratione non obstante tendemus ulterius, partim quod ea nihil firmi videatur inferre, partim quod adhuc dubium sit, civitatem in universum esse societatem perfectissimam.

35. Etsi enim facile majorem perfectionem ei concedamus, quam societati gentium communi, propter modo dicenda, non tamen propterea omnibus societatibus majoribus præferenda est, certe non præferri meretur societati, quæ est inter *plures res publicas confederatas*. *d)*

36. Fœdera enim plerumque ineuntur propter *commercium*, aut propter *auxilia bellica*. Ista *διὰ τὸν ἐμπορίου* intendunt, hæc *ἐν δυνάμει*. Utraque declarant, civitates solas sæpius non esse aptas ad finem suum consequendum, unde tum non erunt societates perfectissimæ.

37.

<i>ad §. 31. b)</i> l. i. c. 1. & 2. Polit.	<i>ad §. 35. d)</i> <i>Quod tamen putat</i>
<i>ad §. 33. c)</i> Conf. Epstein ad	<i>Pater d. annot. 157. n. 4. junct.</i>
Horn. p. 228. Patr. tab. 39.	n. 3.
membr. 3. & lin. 33. añot. 157. n. 4.	

37. Itaque etsi fœderatorum societas non sit naturalis, sed arbitraria, etsi novum finem præ civitate non intendat, quoniam tamen civitatis fines sapius melius obinet, & inter arbitrarías quam proxime ad naturales accedit, & de fœderibus post civitates quædam dicemus.

38. Neque supersedebimus adeò post fœdera de officiis in societate communi gentium differere, etsi hæc civitatis perfectionem non attingat, ista enim ratio, quod alterum erat, nobis non sufficit.

39. Nam aliàs nec de societariis simplicibus aliquid dicendum foret.

40. Nec obstat, quod in statu naturali dicatur satis esse, si quis progrediatur usque ad perfectissimum. e) Jam enim supra f) removimus Peripateticorum sententiam, quasi qui disciplinam aliquam traditurus est, ideam sibi formare debeat status cujusdam perfectissimi.

41. Majus dubium nobis, ut ab hujus societatis tractatione abstineremus, injicere poterat, quod eadem præ civitate novum finem non videatur habere, sed solam tranquillitatem seu beatitudinem intendat.

42. Sed salva res est. Aliud enim est beatitudo civilis, aliud beatitudo communis humani generis.

43. Hoc tamen diffiteri non possumus, talia præcepta specialia, quæ in reliquis societatibus simul occurrent, non expectanda esse in societate gentium, quoniam nempe hujus societatis finis est norma communis finium reliquorum in societatibus minoribus, unde, quæ hic valebunt axiomata generalia, necesse quod est, ut valeant in reliquis societatibus.

44. Hæc vero nulla alia erunt, quam quæ jam libro præcedenti præoccupavimus.

45. Neq;

ad §. 40. e) Pater annot. 157. n. 4.

f) l. 1. c. 4. §. 44. seqq. Conf. l. 1. c. 2. §. 47. 48.

45. Neque tamen & sic sterilis futura erit disceptatio de *officio gentium inter se*, cum occasionem nobilissimam ex præceptis istis generalibus conclusiones speciales formandi, suppeditatura sint duo capita Juris Gentium potiora, Legatorum inviolabilitas, & jus sepulturæ. *)

46. At, inquires, frustra hæc omnia disputabuntur, *si non datur societas gentium*. Ita est equidem, sed *datur utique* societas inter gentes, quia universum humanum genus natura unitum est ad certum aliquem finem. g)

47. De *sine* jam diximus, quod sit pax communis & tranquillitas. *Unio* vero hominum quorumcunque ad hunc finem exinde demonstrari potest, quod inter omnes homines sit juris quædam ad istum finem obtinendum communio, b)

48. Videlicet ligat hanc societatem gentium si non aliud, certè præceptum absolutum de æqualitate conservandâ & quatuor inde dependentiâ vincula, quæ præcedenti libro indicavimus.

49. Quæ quoniam sunt absoluta & omnem conventionem humanam anteverrunt, simul innuunt, *societatem inter gentes vel maxime naturalem* esse, non arbitrariam, i) Convenientissime adeo eam Grotius l) *societatem rationis & sermonis* appellat, & nos hactenus eandem sub voce *status naturalis* simpliciter positâ, quatenus opponitur statui civili, denotavimus.

50. Agnovit ea, quæ posuimus, Camillus apud Livium, m) *sibi cum Faliscis eam esse societatem* asserens, *quam ingeneravit natura*, & universi generis humani societatem ex sapientibus sæpius inculcat Cicero. n)

51. Non

ad §. 45. *) *Disputo ad hominem. Nam ex mea opinione non datur jus sepultura.* vide cap. penult. hujus libri.

ad §. 46. g) *Atqui hæc erat definitio societatis* l. i. c. i. §. 91.

ad §. 47. h) Conf. d. c. i. §. 100. seq.

ad §. 49. i) *Dissentit Roxbor-nius.* Vide Epstein. ad Horn. p. 227.

l) Grotius III. 19. 1. Conf. O-siandr. ad Grot. p. 238. seqq.

ad §. 50. m) l. 5. c. 27. Grot. d. l.

n) *Loca Ciceronis allegat* Epstein. d. l.

51. Non confundenda tamen est hæc societas cum *societate mundi*, cujus plus una vice mentionem injiciunt Philosophi Gentiles, & Stoici potissimum, o) quippe quam adhuc latiore esse societate gentium opinabantur, comprehendentem nimirum complexu suo Deos pariter & homines; Quod uti erroneum est, ita de societate hominis cum Deo, quantum ad jurisprudentiam divinam sufficit, pauca præsupposuimus, & fusius eandem explicavimus alibi, *)

52. Neque convenienter locutos esse opinamur, qui hanc gentium societatem nomine *universalis Reip. omnium hominum* insigniverunt. p) Non est Resp. sine imperio, at Societas Gentium imperio caret humano, & sola inter naturales in statu post lapsum *æqualis* est. q)

53. Et vel ob hoc ipsum societas Gentium est *imperfectior civitate*. r) Etsi enim hæc societas libertatis nomine & immunitatis ab omni subjectione insigniter blandiatur, eadem tamen in hoc corrupto statu præ civitate plurima habet adjuncta incommoda, cum securitati parum ibi sit consultum. s) Ibi enim quisque propriis tantum viribus protegitur, in civitate omnium; ibi fructus ab industriâ suâ nemini certus, hic omnibus; ibi imperium affectuum, bellum, metus, ignorantia, feritas; hic imperium rationis, pax, securitas, scientia, benevolentia.

54. Nec est, quod dicas, *inter eos non esse societatem*, quorum unus alterum quoad faciem, vel famam, vel alio quocunque modo non novit; quales v. g. sumus nos & homines in Nova Zembla.

Iii

55. Nam

ad §. 51. o) Loca vide apud Patrem ann. 157. n. ult. Adde Horn. de civit. II. l. 15. 38. p. m. 193. Confundit hæc duo Epstein ad Horn. d. l. p. 227.

*) l. l. c. 1. §. 92. seq. & conf. disp. nostr. de philos. juris.

ad §. 52. p) Quod facit Boxhornius ap. Horn. p. 189. 192.

q) Supra l. l. c. 1. §. 98.

ad §. 53. r) Conf. Epstein. d. l. p. 228.

s) Conf. Puf. de O. H. l. 2. c. 1. §. 9.

55. Nam hæc obiectio id saltem infert, in hac societate non ita arctam esse amicitiam, ut in aliis, ut plane nulla sit societas, non inde inferri poterit.

56. Si enim inter concives imperii, v. g. inter Saxonem & Bavarium, si inter concives unius Principis v. g. inter Lipsiensem & Dresdensem, si inter concives municipii unius est societas, uti profecto est, etsi neuter alterum unquam noverit, cur non & inter homines istâ ratione non obstante, societas esse posset?

57. His ita præmissis, inquirendum nunc paucis in præcepta, quæ officia sociorum in genere dirigunt, ubi nullum quidem superesse arbitror dubium, ex iis, quæ præcedenti libro prolixius ostendimus, omnia ac singula præcepta ibi incultata obtinere, etiam in singulis hominum societatibus.

58. Præter ea, ante omnia respiciendum ad societatis divisionem, quâ superius t) eam diximus esse vel mixtam, vel æqualem, (nam inequalis, qualis est sola inter Deum & homines, ad hunc librum nunc pertinet.) u) In æquali enim, seu societate gentium ista præcepta sufficiunt.

59. At in mixta, quales sunt naturales reliquæ, quatenus ea imperium in se continet, accedit prioribus præceptum aliquod speciale, ad inferiores & subiectos pertinens: HOMINI, CUI IN ISTA SOCIETATE COMPETIT IMPERIUM, PARE.

60. Fluit hoc non solum in genere ex primo, quod initio x) demonstravimus, principio practico, sed in specie ex definitione societatis mixtæ, y) quæ talis non esset, si imperantiâ reliquis non foret præstanda obedientia.

61. Tum & ex custodiâ socialitatis, quoniam pax & tranquillitas humani generis nimium quantum turbaretur, si in societatibus specialibus humanis inferiores superioribus nullam præstarent

ad §. 58. t) vide c. i. l. i. §. 93.

u) Præbet enim illa fundamentum omni juris prudentiæ divinæ, ut libro primo indicavimus.

ad §. 60. x) l. i. c. 3. §. 34.

y) Quam vide lib. i. c. i. §. 93. Conf. d. c. 3. §. 35.

rent obedientiam, cum sic finis plerarumque 2) istarum societatum, de quomox plura, in hoc corrupto statu non possit obtineri.

62. Quid quod & præceptum *de pactis* servandis sæpius hanc paritionem ex parte inculcat, quoniam imperia *plerumque* mediantibus pactis introducuntur.

63. Dico: *plerumque*. Hic enim vitanda erunt duo extrema, unum ejus sententiæ, quæ statuit, *omne imperium oriri ex pacto*; alterum opinionis huic adversæ: *Omne imperium oriri immediate ex voluntate divina circa pactum. a)*

64. Nos vero quoddam *immediate à DEO*, quoddam *mediate pacto*, (eo videlicet modo quo suprà aliquoties pactum ad productionem juris vel obligationis alicujus concurrere diximus) produci opinamur. Res optimè patebit ex dicendis in singulis societatum speciebus.

65. Sed istud tamen hâc occasione simul notandum, non confundendam esse *originem legis*, quæ jubet, imperanti esse parendum, cum ipsa *imperii origine*. Lex enim hæc in universum naturalis est, & ex ratiocinatione cognoscitur, citra revelationem, vel divinam, vel humanam. At imperium huic vel illi in societate competere, non semper ratiocinatione assequi poteris, sed quandoque erit, ut notitiam conventionis habeas, in quem videlicet per pactum imperium sit translatum, ut in civitate, quandoque etiam revelationem divinam præsupponit & jus positivum universale, ut in societate conjugali.

66. Porro inter societates mixtas tres *simplices*, & ex compositis *respublica* specialibus gaudent finibus, ut hæc tenus demonstravimus. Igitur harum singulis accedit præceptum specialissimum juris naturalis: FAC EA, QUÆ FINEM CUJUSQUE

Iii 2

SOCIET-

ad §. 61. 2) Excipio enim societatem conjugalem. | fallor, Hobbesii est, ad quam ferè inclinât Dn. Pufendorfius. Possè-

ad §. 63. a) Prima sententia, ni | rior est Hornii.

SOCIETATIS NECESSARIO PROMOVENT, ET OMITTE EA, QUÆ ISTUM NECESSARIO TURBANT.

67. Aliàs enim *societas non esset societas*, quia finis eidem dat essentiam.

68. Aliàs peccaretur contra *primum principium jurisprudentiæ divinæ*, quod DEO sit parendum, qui societatis alicujus autor est, aut etiam contra præceptum de *pactis servandis*, quatenus societates à pacto sumserunt originem, vel contra aliud præceptum speciale libri præcedentis, v. g. *de officiis humanitatis*, quatenus finis societatis cujusdam in illo præcepto nititur. b)

69. Cum vero unius rei *plures* possint esse *finis*, & idem in societatibus etiam obtineat, ut unus earum finis sit principalis, alius vel alii secundarii, recta ratio dicitur, canonem nostrum procedere de *sine primario*, quia ab hoc societas specificatur.

70. Unde & hic in concursu cum finibus secundariis semper iis erit præponendus.

71. Quin & respectu constituendæ societatis, SI CERTUM SIT, A PERSONIS, QUÆ SOCIETATEM INIRE VOLUNT, FINEM SOCIETATIS PRIMARIUM OBTINERI NON POSSE, NULLA ERIT SOCIETAS, neque admitenda eadem, etiam si possit obtineri finis secundarius, si hic extra societatem illam aliàs non toleretur.

72. Dico: *si certum sit*. Si enim spes adsit mediis naturalibus à personis ad tempus impeditis finem primarium aliquatenus posse obtineri, etsi melius sit, ut personæ à societate tunc abstineant, admitti tamen eadem poterit.

73. Deinde loquor de *constituenda societate*. Si enim à personis initio capacibus semel inita sit societas, non statim cessabit eadem, etiam si postea personarum una vel utraque fiat incapax, citra spem recuperandæ habilitatis, neque enim tum licebit in unum universum uni alterâ invitâ à societate recedere, quin aliquando ob prohibitionem superioris, non licebit utrisque consentientibus.

74. *Ufus*

ad §. 68. b) Ut de conjugali dicemus in cap. seq.

74. *Ufus harum observationum se passim exeret in singulis societatibus, maximè in conjugali.*

75. In quibus adeo, quantum ad Jurisprudentiam naturalem, nihil ulterius expectare debes, quam ut præcepta hæcenus summatim exhibita, ad *eandem applicemus*, partim *speciales conclusiones* inde formando, partim *questiones quasdam controversas* eisdem definiendo.

CAPUT. II.

De

Officio Hominis Intuitu societatis conjugalis.

SUMMARIA.

Causæ difficultatis doctrina de societate conjugali. §. 1. -- 4. Hypotheses huc pertinentes ex superioribus repetita. §. 5. -- 12. Consensus Gentium non probat jus naturæ. §. 13. -- 20. Instinctus hominis ad conjunctionem cum sexu diverso, quatenus differat ab instinctu bestiarum, §. 21. -- 37. Et quam hic cecutiat ratio sibi relicta. §. 38. -- 41. Instinctus hominis ad conjugium ineundum. §. 42. -- 46. Unde primum præceptum: **INEUNDUM ESSE MATRIMONIUM**: §. 47. -- 51. quod ex natura sua non singulos, nec omni tempore obligat. §. 52. -- 59. Transitus ad definitionem matrimonii: §. 60. Fines matrimonii generatio sobolis & libidinis extinctio. §. 61. -- 64. Prior est finis primarius, posterior secundarius. §. 65. -- 73. Quatenus mutuum adiutorium sit finis conjugii. §. 74. -- 80. Ex finibus formantur duo axiomata de matrimonio: §. 81. 82. (1.) Societatem quæ generanda sobolis gratia initur, esse nuptialem. Ex quo deducitur [1.] Consensum facere nuptias, §. 83. 84. qui excludit metum, §. 85. dolum, §. 86. errorem, non tamen omnem, §. 87. -- 97. [2.] Abstrahendo à Lege positiva, non minus feminam quam mare[m] posse

sibi peculiariter sobolē querere. §. 98. [3] Ad eum vero finem obtinendum nec continuam cohabitationem, nec imperium unius conjugis in alterum necessario requiri. §. 99. [4] Neque adeo ad essentiam conjugalis pacti necessario requiri, ut fides det viro femina, quod nemini praterquam ipsi corporis sui usuram velit concedere. §. 100. 101. [5] Aut ut uxor viro continuam cohabitationem promittat. §. 102. 103. 104. [6] Neque ex pacto matrimonii resultare marito imperium propriè dictum in uxorem. §. 105. -- 110. [7] Non ob stare tamen aliquid quo minus per pactum possit imperium in maritum transferri. §. 111. 112. 113. [8] Maritum ex jure naturæ nihil habere potestatis in bona uxoris. §. 114. [9] Non pertinere ad essentiam societatis conjugalis, ut incatur ad dies vite. §. 115. -- 122. [10] Nullo tempore determinato nihil ob stare, quo minus sine conjugii semel obtento, conjux à conjugē etiam invito recedere possit. §. 123. -- 130. [11] Pacto conjugali ad dies vite inito, licere tamen à societate abire ob malitiosam desertionem, & pertinacem debiti conjugalis denegationem, §. 131. aut, si femina contra pactum alteri copiam corporis fecerit, §. 132. aut, si sterilitate laboret conjux, §. 133. aut ob mores intolerabiles, §. 135. 136. neque hic cognitam esse separationem quoad thorum & mensam. §. 137. (II.) Non habendam esse eam societatem pro nuptiali, quæ non intendit generationem sobolis. §. 138. Unde hic agitur de moralitate libidinis, §. 139. qua definitur, §. 140. & dividitur §. 141. in scortationem & concubinatum. §. 142. De quibus asseritur [1] scortationem non esse conjugium. §. 143. [2] Non tamen inde inferri posse eam esse societatem inhonestam §. 144. [3] nec hoc probari exinde, quod societas turbetur si scortationi unice & semper operam dent homines. §. 145. -- 150. [4] Horrendum Sodomie crimen parū aptè exinde demonstrari, quod in eo applicentur membra contra naturam: §. 151. 152. Neque enim usum membrorum contra naturam semper peccatum esse. §. 153. -- 156. [5] Idem crimen neque ex doctrina de pudore & dignitate hominis exactè oppugnari posse. §. 157. 158. [6] Neque posse ex solaratione responderi Gentili, licentiam scortationis asserenti, §. 159. -- 164. aut in certo casu ejus
honest-

honestatem defendenti, §. 165. & à nobis permissam conjunctio-
nem cum uxore gravida urgenti, §. 166. 167. [7] Denique ex
Lege natura non posse concubinatum oppugnari, §. 168. -- 172.
Circa personas preceptum: EAS CONTRAHERE DEBERE
CONJUGIUM PER QUAS GENERATIO SOBOLIS OB-
TINERI POSSIT, §. 173. 174. Ergo requiri marcem & fami-
nam, §. 175. 176. & à matrimonio excludi infantes, §. 177.
Eunuchos, §. 178. arctam, §. 179. (Respondetur ineptis defenso-
ribus conjugii Eunuchorum, §. 180. -- 187.) non tamen inde pla-
nè arceri spadones, steriles, senes ac vetulas, §. 188. 189. nec
improbanda esse conjugia in ultimo mortis articulo, §. 190. Ex
hac tamen assertione nihil accedere sententia defendenti conjugia
Eunuchorum, §. 191. -- 199. Ostenditur: Polygamiam non esse
jure naturali prohibitam, neq; virilem, §. 200. -- 205. neque
muliebrem, §. 206. -- 213. Resolvitur questio: An mero jure na-
tura liceat inire matrimonium cum ea, quæ jam alteri nupta est,
aut eo, qui jam uxorem habet? §. 214. 215. Quo respectu adul-
terium juri naturali repugnet? §. 216. 217. 218. an & leno-
cinium? §. 219. Incestum ex jure naturali non posse impugnari.
§. 210. -- 224. Ubi ostenditur: incestum parentum & liberorum
vulgò malè impugnari, §. 225. ex ætatis disparitate, §. 226. ex
confusione vocabulorum necessitudinis, §. 227. 228. ex commu-
nitione sanguinis, §. 229. ex reverentia debito, §. 230. -- 237.
& pudore naturali, §. 238. -- 246. multò minus incestum reli-
quarum personarum ex jure naturali posse oppugnari, §. 247.
Matrimonii definitio §. 248. Preceptum de officiis conjugum:
FACIENDA ESSE AB UTROQUE CONJUGE EA, QUÆ
PRUDENTIA DICTAT, AD PROPAGATIONEM SOBOLIS,
ET POST HANC AD LIBIDINIS EXPLETIONEM ESSE
APTA. §. 249. Unde deducuntur officia specialia mariti, §. 250.
uxoris, §. 251. utriusq; §. 252.

§. I.

Incipiemus autem à *simplicibus societatibus*, quoniam ex his componitur civitas. Inter eas maximè naturalis est *societas conjugalis*, a) quia communiter omnes homines in se deprehendunt *instinctum* ad eandem ineundam.

2. Cujus intuitu quodnam *officium* cuique incumbat, tanto *difficilius* est exponere, quanto intricatius hoc negotium reddidere illustres controversiæ à Theologis, Jctis, Philosophis in utramque partem acrius sæpè & subtiliter magis, quàm perspicuè & distincte ventilatæ.

3. Videtur verò ejus *difficultatis ratio* potissimum in eo sita esse, quod plerumque jura *divina humanis* fuerint mixta, & maximam partem jus *naturale* cum *jure positivo universali* ex ignorantia confusum, aut *eorundem separata tractatio* nonnunquam ex institutione & operis argumento fuerit omissa.

4. Si enim fateri volumus, quod res est, nulla est ex humanis societas, quam divinum numen tot specialibus præceptis muniverit, quàm conjugalis, quam adeò sedulo dabimus operam, ut à legibus naturalibus secernamus, *ab his initium facturi*, ut eò melius postea declarare possimus, quid revelatio rationi superaddat.

5. Repeto autem ante omnia ex *hypothesibus* hucusque demonstratis præcipuè istas. 1. Per *legem naturalem* nos haud aliam intelligere, quam eam, quam superius b) definivimus, & cujus fundamentum demonstravimus situm esse in necessaria convenientia & disconvenientia cum natura hominis sociali, id est, pacifica. c)

6. 2. Conclusiones vel *questiones*, quæ hic occurrent, examinandas esse secundum ductum *axiomatum præcedenti* capite indicatorum, quæ omnia ex fonte illo propullulant.

7. 3. Ex quo suâ sponte fluit, actuum hic tractandorum, *justitiam* aut *injustitiam* ex istis regulis fore dijudicandam, illosque adeò, ad quos eadem plane non pertinent, abstrahendo à revelatione divinâ, pro *licitis* esse habendas.

8. 4. Hoc

ad §. 1. a) *Junge cum hoc capite*
Pufend. lib. 6. c. 1.

ad §. 5. b) l. 1. c. 2. §. 97.
c) l. 1. c. 4. §. 64. & 69.

8. 4. Hoc tamen probe notandum erit, cum actionis *licita* vocabulum non sit absolutum, sed respectum ad legem habeat, denotetque eam, quæ nec lege præcepta est, nec prohibita, *d*) cavendum tibi esse, dum in priori hujus capitis parte terminum actus *liciti* audis, ne putes, eum omni jure naturæ esse licitum, cum saltem de jure naturæ loquamur, multa verò lege positiva severissime sint prohibita, ad quæ lex naturalis non attingit.

9. 5. Uterius etsi ea, quæ *licita* dicuntur, inter præcepta & prohibita quasi *intermedia* jaceant, tamen istud *medium* non intelligendum esse in puncto, sed cum aliqua laxitate, ita ut modo prohibitioni, modo præceptioni sit propinquior, ferè ut Peripatetici mediocritatem suam virtutis explicant.

10. Nam quæ socialitatem aut finem societatis alicujus etsi non necessario, *promovent*, sed *per accidens*, à *præceptis* propius absunt, quæ è contrario *turbant per accidens*, *prohibitioni* propiora sunt, adeoque abstrahendo à revelatione divina, illa laudabilius committuntur, hæc omittuntur. Igitur & hic *gradum licentie* simul adjiciemus.

11. 6. Non mirari tamen debes, si *posterior pars* ostenderit, etiam ea, quæ mero jure naturæ *præceptis propiora* videbuntur, à DEO lege positiva esse prohibita. Non enim metienda est divina prudentia secundum regulas prudentiæ humanæ, & sufficere nobis debet, quod actus ejusmodi ad socialitatem non sit necessarius, præprimis cum sæpius accidere possit, ut in uno actu plures occurrant circumstantiæ, quarum una magis ad promotionem, altera magis ad turbam pacis communis inclinet, quo pacto, si absque revelatione divina foret, fluctuaret profecto ratio nostra sæpius, utrum laudabilius esset, ejusmodi actionem committere an omittere.

12. Neque illud 7. omittendum, quod supra *e*) inculcavimus; non valere *istam illationem*: Hic actus in sacris literis præ-

K k k

ceptus

ad §. 8. d] vide lib. 1. c. 1. §. 146.

ad §. 12. e] lib. 1. c. 2. §. 70.

ceptus aut prohibitus, etiam à *Gentilibus* fuit pro honesto vel turpi agnitus, ergo ejus *determinatio à lege naturali* provenit.

13. Unde non sine causa commentatoribus suis vapulat Grotius, quod *ad probationem juris naturæ putaverit f) adhibenda esse testimonia Philosophorum, Historicorum, Poetarum, Oratorum.* Et si ipse hoc argumentum pro demonstrativo aut quod indiscretè adhibendum sit, non ventilet.

14. Nam quod ait: *Ubi multi diversis temporibus & locis idem pro certo affirmant, id ad causam universalem referri debere, quæ in questionibus juris alia esse non possit, quam aut recta illatio ex natura principis procedens; aut communis aliquis consensus; illam jus naturæ indicare, hanc jus gentium, quorum tamen discrimen non ex ipsis testimoniis, sed ex materie qualitate intelligendum sit; id plures meretur observationes.*

15. Initio enim id valde dubium restat, quod dicit: *affirmationem multorum diversis temporibus & locis factam à causa quadam universali oriri.* Per istos enim multos, per Philosophos, Historicos, Poetas, Oratores ad quos provocat, haud dubiè intelligit scriptores Græcos aut Romanos. At horum consensus si alia argumenta deficiant, ut causæ universali adscribatur, nulla persuasiva ratio, quoniam isti populi haud longâ terrarum intercapedine à se invicem discreti ex perpetuo commerciorum usu belli pacisque publicis negotiis & vitæ quâdam atque morum convenientiâ facile in quasdam conditiones tacito consensu transire potuerunt. g)

16. Deinde dum Grotius causas universales testimonia Gentium elicientes recenset, insufficientem earum enumerationem tradit, dum saltem ad dictamen rectæ rationis & communem consensum provocat, sui videlicet ipsius oblitus, quod initio eruditi sui operis inter leges universales totum humanum genus adeoque & gentes obligantes, etiam recensuerat *legis divina voluntaria ali-*
quæ

ad §. 13. f] In Proleg. n. 40.

ad §. 15. g] Vid. Henniges ad Grot. d. l. p. 37.

quam speciem, quam neque ad illationem ex naturæ principiiis, neque ad communem consensum gentium referre poterit ipse.

17. Atque hanc plus una vice causam fuisse testimoniorum à Philosophis gentilibus petitorum, simul ostendimus superius. b)

18. Ubi simul rejecimus, i) *jus gentium proprie dictum à jure naturalis specie differre*, quare non opus est, ut adversus id quidquam urgeamus amplius, quod porro Grotius de *consensu & jure gentium* hic immiscet.

19. Denique ipse Grotius faterur, non tam ex testimoniis Gentilium quam ex *materia qualitate* dijudicandum esse, quid sit juris naturalis, quid non, quo pacto evidens evadit, tutius isto argumento de consensu Philosophorum Gentilium hic abstineri.

20. Et ista quidem vel ideo paulo fufius hic fuerunt monenda iterum, quod sæpius scriptores, qui officia conjugalìa exponere aggressi sunt, in definiendis controversiis difficilioribus, dum actum aliquem jure naturali prohibitum esse asserunt, nullam prohibitionis rationem tradunt, sed quasi re bene gestâ, loco rationis exhibent *testimonium Philosophi gentilis*.

21. Jam ad rem. Quilibet homo, dum seposita revelatione naturam suam meditatur, deprehendit in se *occultam quandam propensionem & acres stimulos ad conjunctionem cum individuo diversi sexus*, cujus & ipsius inclinationes si inquirat, cognoscit, affectum istum à DEO, ut *mutuum* utrique sexui inditum esse. l)

22. Cognoscit ulterius, stimulos istos magis à *dispositione corporis quam animi* ortum suum ducere, non solum, quod sæpè eos alia omnia cogitando sentiat, aut plerumque cogitationes suas antevertere & excitare percipiat, sed & quod similes ejusmodi stimulos inveniat in *bestiis*, unde occasionem nanciscitur hoc passu naturam suam conferendi cum bestiarum structura. m)

Kkk 2 23. Has

ad §. 17. h) l. i. c. 2. §. 70.

ad §. 18. i) l. i. c. 1. §. 104.

ad §. 21. l) Puf. §. 2.

ad §. 22. m) Conf. Cumberland. de LL. Naturæ. p. m. 119.

23. *Has equidem videt certis anni temporibus à stimulis istis actos conjungi, eamque conjunctionem naturaliter ad generandum sui simile esse destinatam. Eâ vero peractâ videt masculum ferè derelinquere fœmellas, hasque solas postea omni edendi factus, editumque nutriendi ferre.*

24. *Suas vero propensiones non limitatas esse sentit ad certa anni tempora, sed quodammodo perpetuas, considerat sanguinis sui partes agiliores, & majorem vim vasorum suorum, destinatum tamen etiam ad sobolem per similem conglutinationem generandam. n)*

25. *Ulterius pensitat, cum inclinatione istâ in se conjunctum esse affectum bestiarum incognitum, amorem videlicet, vi cujus etiam contra corporum communicationem in benevolentiam certâ cujusdam personæ majorem felicitatis suæ partem positam esse credit quàm in benevolentia aliorum, ob odium verò aut aversionem ejusdem contristatur, ipsius delectationibus ferè magis afficitur quam propriis, doloresque ejusdem graviter sentit ipse.*

26. *Porro cum bestiarum nullum discrimen faciant individuum, in se deprehendit homo nimirum variantes instinctus, quorum causas plerumque reddere non novit, e) ut nimirum erga unum individuum vel nullos planè, vel adversos etiam sentiat amoris stimulos, eosdem vicissim magis ad hanc quàm ad istam personam inclinantes.*

27. *Præterea & masculi in se detegunt singularem quandam inclinationem in sobolem à fœminâ conceptam pariter & editam.*

28. *Denique in se communiter utriusque sexus homines peculiarem ad concubitum stimulum sentiunt, etiam quando sobolem per eum generare aut concipere non possint, ut si fœmella jam sit gravi-*

ad §. 24. n) Cumberl. d. l. p.
152.

quamvis arbitremur, illam ignorantiam inde provenire, quod non

ad §. 25. o) Huc pertinet illud
Pötte: Non amo te Volusi &c.

nos ipsos nec affectus nostros cognoscimus. His cognitis causam amoris facile posse reddi.

gravida, aut ubi vitæ civilis vel tranquille vivendi ratio non ferat, ut societatem generandæ sobolis gratia ineant, sentiunt utique & singularissimam in generationis actu *delectationem*, quæ fere istius irritamenti primariò movens causa est, p) quæ omnia si exactè rem pensitent, in *bestiis aliter se habere* cognoscunt.

29. Nam & difficulter mutum animans post conceptionem ingressorem admittit, & bestias nulla vitæ civilis aut tranquille vivendi ratio, utpote quâ destituuntur omninò, *impedire potest*, ut instinctum naturalem generandi traducant in actum.

30. Et si loqui volumus, quod res est, nullam proprie percipiunt bestix *delectationem* ex congressu, quoniam videlicet ratione & sensu interno easdem destitui suprà diximus, sed *simulacrum* saltem ut rationis, ita ejusmodi *delectationis* in bestiis apparent. q)

31. Quilibet enim propriâ experienciâ in se deprehendere poterit, *delectationem esse cogitationem* vel simplicem vel cum meditatione conjunctam, *voluptatis vel præsentis*, vel *præteritæ*, vel *futuræ*. Neutrum de *bestiâ* prædicare poteris, quia eadem nullo modo cogitat vel meditat.

32. In eo tamen inter has tres *delectationis* species est differentia, *præsens* voluptas miris modis hominem præ aliis afficit, cuique recordationem specialem phantasiæ & memoriæ hominis imprimit, quâ dum *præteritam* voluptatem profundius cogitat, sapius etiam absente objecto vehementer ad appetendum de novo irritatur, & ad cogitationes prolixiores *futuræ* *delectationis* disponitur.

33. Quod si vel maximè *delectionem hominis* hac parte cum *delectationis* simulacro, quod in *bestiis* deprehenditur, comparare velis, deprehendes, actum ex quo *delectatio* illa oritur, ita *communiem esse homini cum bestiis*, ut rationis (quæ hominem alias à brutis secernit) imperium quam maxime excutere nitatur idem, & sapissime excutiat.

K k k 3

34.

ad §. 28. p] v. g. si liberos & uxorem quis non possit alere, si quis jam laboret abundantia liberorum, si

quis concubitum appetat cum uxore gravida vel aliena &c.

ad §. 30. q] Conf. Puf. §. 2.

34. Quemadmodum enim *bestia* ita fortiter stimulis generandi aguntur, ut, si acrius iisdem sint commotæ, vix verberibus aut vi majori, facilius aliàs ipsorum inclinationes reliquas reprimente, retineri possint; Ita profecto in *hominibus* momentum præsentaneæ jucunditatis tam svaviter ideam ejus homini repræsentat, ut nullum majus in isto momento bonum concipere valeat, etsi mox ratio à delinimentis illis liberata, contrarium evidentissime eidem demonstret.

35. Quin & *frustratum* diutius *conjunctionis desiderium* ita, aliquoties homines extrà se rapuit, ut res nunquam aliàs committendas perpetraverint.

36. Nam etsi & *aliorum affectuum* excessus subinde homines ad actiones, quæ cum rationis dictamine pugnant, abripiant, tamen istius rei ratio vel pravæ educationi aut consuetudini, vel certe peculiari alicui circumstantiæ, quam facilè homo minimum aliquo ante excessum tempore reprimere poterat, describi potest.

37. At *libidinis æstrum* [de quo hactenus r] locuti sumus] ita *communis* est omnibus hominibus, ita aliquando *homines bene educatos & ratione suâ rectè utentes*, à rationis tramite avertit, ut parum à *furore* differat.

38. *Originem* vero hujus rei homo revelatione carens ignorat, s] unde non poterit non, si ratiocinatione sola hic uti velit, inferre *physicam libidinis* uti *furoris* esse causam.

39. Quid quod, cum sentiat *furorem* à rationibus specialioribus provenire, *libidinem* vero omnium hominum naturæ cohære- re, istam inter hæc duo necessario faciet comparisonem, ut *furorem* pro accidente præter vel contra naturali, *libidinem* pro naturali affectu habeat.

40. Denique cum sciat, hominem non habere naturam suam à seipso, uno absurdo admissio id ex consequentiarum connexionne sequetur, ut putet, *conditorem hominis* ipsi hunc affectum tribuisse.

41. Vi-

ad §. 37. r] à §. 28.

ad §. 38. s] Quia ignorat statum integritatis, ut lib. I. probavimus.

41. Vides ergo, quantum *ratio nostra lumine scriptura deflitum cœcutiat*; Unde jam non difficulter præsumere poteris, an semper solidi quid sperare debeas, si meditationes præcedentes, quarum veritatem cuilibet proprius demonstrabit sensus, conferas *cum præceptis juris naturalis & regulis ejusdem* hæctenus expositis.

42. Equidem si initio *officium hominis circa ineundum conjugium* consideres, non aberrabit adeo à voluntate divinâ ratio tua, quatenus adhuc recta est, si eam sequaris. Dictabit enim *discrimen sexus & naturalis facultas* hominibus indita commixtis corporibus sese propagandi, *voluntatem creatoris esse*, ut hanc potentiam naturalem traducant in actum. t)

43. Idque eò magis, quo *maiores in se præ bestiis agnoscit esse sexuum in se invicem propensionem mutuam*, simulque ardentissimum in prolem affectum, cujus rationem inter alia & in eo sitam esse videt, ne fortasse per incuriam aut ob molestias partus vel educationis, & quia liberi sæpe materiam dolendi, semper laborum & curarum præbent, nobile istud opus omitteret, citra, quod mortalium genus durare non poterat.

44. Ut itaque circa alia, ad quæ *naturali appetitu* homo fertur, ut est *conservatio sui ipsius, amor & educatio sobolis*, jus naturale præcepta cordibus hominum inscripsit, ita & iidem sentiunt circa *generationis actum obligationem* quandam sibi esse inditam.

45. Neque enim putandum est, in his & similibus actibus lege non fuisse opus, cum jam antea *instinctus & appetitus sensitivus* in talia sat valide propellat; quin potius invertenda erit rationatio, naturam ista, utpote incolumitatem generis humani immediate conservantia, quam accuratissime voluisse observari, dum velut diffusa soli rationis dictamini eidem succenturiari jus sit instinctum ita vehementem, ut difficulter admodum homo in contrarium niti queat.

46. Secernendi tamen hic probe sunt *instinctus*, ne quis nobis affingat, ac si indistinctè ab instinctu hominis metiremur ejusdem obligationem. Qui *incolumitatem humani generis* non inten-

intendunt, qui ex facto aliquo illicito oriuntur, qui pugnant cum lege naturali jam demonstrata, ut vides, ab intentione nostra alieni sunt. Unde frustra nobis oppones *instinctum matris ad prolem interficiendam ex metu & fuga infamiz ortum. u)*

47. *Primum* itaque Præceptum, officia hominis circa societatem nuptialem dirigens erit istud: **INEUNDUM ESSE MATRIMONIUM.**

48. *Generalis* ejus ratio consistit in præcepto de custodienda socialitate. Cum enim socialis vitæ fundamentum sit matrimonium, homines quoque ad idem obligabuntur, prout tenentur ad omnia, quæ ad eum finem necessario faciunt. x)

49. In specie autem præceptum de custodienda æqualitate illam obligationem elicit. y) Uti enim unum par hominum ad vitam in hoc statu tranquille agendam non sufficit, sed multiplicatione generis humani ad eam obtinendam est opus, qua obligatione inducti nostri (quicumque & quotcunque simus) parentes nosmet generarunt; ita æqualitatis studium nos impellit, ut & nobis & sociis nostris de futuris iterum prospiciamus sociis, cum alias, quotidie aliis post alios per mortem abreptis, facile evenire possit, ut omnium longævissimi vitam ducerent miserrimam,

50. Simul vero hæc ratio ostendit, ad quam classem præceptorum ex axiomatico isto generali æqualitatem inculcante, præceptum nostrum referri debeat, nempe ad legem illam, quæ exhibitionem officiorum humanitatis inculcat, quia per sobolis generationem indistincte & etiam citra pactum aliis profumus.

51. Neque illis solummodo, qui nobiscum jam societate aliqua juncti sunt, sed & ipsis posteris nostris, in lumbis nostris adhuc constitutis, nam & hi, secundum regulam vulgatam, quoties de ipsorum commodo quæritur, habentur pro jam natis.

52. Indicant autem rationes allatæ, præceptum nostrum ad

ad §. 46. u) Obscurius ad hanc
objectionem respondet Puf. d. §. 3.

ad §. 48. x) Puf. §. 7.

ad §. 49. y) Hanc rationem omi-
sit Dn. Pufend.

indefinita & indeterminata pertinere, quæ non singulos necessario & quovis tempore obligant. 2)

53. Nam non solum in genere præcepta affirmativa ad sui impletionem requirunt occasionem, sed & in specie hic repetenda sunt ea, quæ supra de *præstatione officiorum humanitatis*, quod eadem obligent imperfectè & cum respectu ad commoditates proprias, distinctè inculcavimus. a)

54. Hinc *matrimonii contrahendi occasio*, non ex sola ætate aut generandi aptitudine metienda est, sed ut copia quoque sit decentis conditionis, nec non facultas alendi uxorem & prolem nascituram, ac ut mas quoque sit idoneus ad gerendum partes patrisfamilias. Aliquando etiam præsentium temporum & incumbentis functionis conditio de matrimonio cogitare non patitur. b)

55. Igitur non modo non est necessarium, sed stultum insuper, *juvenes animum ad uxores applicare*, qui sibi suisque nil nisi strenuam esuritionem possint polliceri, ac civitatem mendiculis sint impleturi, aut qui ipsi suprâ pueros parum sapiunt.

56. Imo recte faciunt, *qui matrimonium differunt*, quo commodius per cœlibatum animum excolant, ac ad præstanda egregia societatis humanæ ministeria sese præparent, id quod uxoratis per mores civitatis aut genium fœminarum non ita licebit.

57. Nec reprehendendus erit illorum *calibatus*, qui probabiliter prævident, sese in cœlibe vita, ad quam per continentiam exigendam habiles se deprehendunt, plus humano generi aut civitati suæ utilitatis posse præstare, quam uxoratos, qui adeò ne-

LII

quid

ad §. 52. 2] Puf. d. §. 7.

ad §. 53. a] Priorem rationem tradit Dn. Puf. d. l. de qua suprâ egimus etiam lib. 1. Posteriores omisit. videl. 2. c. 6. §. 17. seqq.

ad §. 54. b] Ad hunc §. usq. ad §. 60. conf. Puf. §. 7. Huc refer dictum

sanè explicatum, *Virum Politicum* carere debere uxore, & institutum primorum Christianorum, quo non quidem interdicebatur sacerdotibus conjugium, sed pro præstantiori tamen vita habebatur, si quis abstineret.

quidquam putandi sunt per naturam obligari, ut omnino præclaris suis conatibus per muliebres illecebras velut remoram injiciant.

58. Multo minus reprehensio metuenda est illis, qui cum ex priori matrimonio liberos habeant, hisce prægravem *novercam aut vitricam superinducere nolunt*, quanquam propterea *secunda nuptie* non sint habendæ pro illicitis, cum non semper malè per eas liberis prius genitis consulatur.

59. Hæc omnia tamen sic intelligenda sunt, ut *non turbetur humanitas*, ut non turbentur *fines* matrimonii.

60. De quibus adeo ordo postulat, ut jam dispiciamus. Non enim sufficit, ut sciamus, præceptum esse de ineundo matrimonio, nisi etiam cognoscamus, *quid sit matrimonium*. Hujus autem, ut in aliis societatibus fieri diximus, *essentia* dependet à *sine*.

61. Jam constat, inter gentes communiter nomine *matrimonii* venire illam *societatem*, quæ *concumbendi gratia* initur. Itaque quos *concubitus fines* esse natura dicitur, sequetur etiam, *matrimonii fines* esse habendos.

62. At jam supra diximus, *duplicem* ob causam hominem ad appetendam conjunctionem ferri, ut *generetur soboles*, ut *libido reprimatur*.

63. Horum utrumque homo sibi relictus pro *naturali* habet. *illum*, quoniam videt, feminis humani nullum alium esse usum, quam ut ex eo formetur foetus. *Hunc*, quoniam communiter omnes homines instinctu intrinseco ad voluptatem illam capiendam ferri, per experientiam docetur.

64. Unde sequitur, ut idem istos duos *fines* pro *veris* matrimonii finibus habeat. d)

65. At plerumque evenit, ut in *veris* finibus uno pluribus unus magis intendatur, aut intendi debeat, quam alter, quorum ille finis *principalis* appellatur, hic *secundarius*,
ergo

ad §. 62. c] §. 21. seqq.

ad §. 64. d] Non pro fine per ac-

ciens, ut dicemus de mutuo adjutorio,

ergo & de hoc discrimine in istis duobus matrimonii finibus nunc inquirendum erit.

66. Si ex sola comparatione naturæ humanæ cum bestiali obiter inspectâ res definienda foret, videri posset, *sedationem libidinis matrimonii finem primum* esse, quoniam supra e) diximus, procreationem sobolis homini cum brutis esse communem, libidinis irritamentum homini ferè proprium.

67. Verum non patiemur, ut hæc caligo lumen veritatis obnubilet. Nam initio simul supra ostendimus, in bestiis, etsi non sit libido propriè dicta, esse tamen eidem valde affine libidinis simulacrum. f)

68. Quod simulacrum uti ibidem g) hanc similitudinem cum libidine hominum habere asseruimus, ut libido fere rationis imperium excutiat, ita id, *quod magnopere rationi adversatur, non poterit societatis rationalis esse finis primarius.*

69. Quapropter & communiter non solum latino, sed & aliorum populorum idiomate, vel eminentiores concubitus merè libidinosi, vel in genere omnes, *bestialitatis* nomine audiunt.

70. Denique in quæstionibus juris naturalis definiendis non respiciendum est primario ad secundarias & accidentales essentialium inter hominem & bestias differentias, sed ad *primariam*, quæ consistit in *ratione*, ratio in *socialitate*, socialitas in *tranquillitate*, hæc in *præceptis* generalibus hætenus expositis.

71. Quæ omnia cum colliment in *utilitate communi humani generis*, secundum quam utilitates singulorum erunt ordinandæ, simul necessario sequetur, *sobolis generationem matrimonii principalem esse finem, libidinis extinctionem secundarium.*

72. Nam illa generi humano prodesse studet, hæc singulis seorsim.

73. Cui & hoc adde, quod *generatio sobolis simul extinguat libidinem*, non vice versa *omnis libidinis extinctio generet*. Igitur ille

LII 2

ad §. 66. e] §. 28. seqq.

ad §. 67. f] §. 33. 34.

ad §. 68. g] vide §. 33.

ille actus magis naturalis erit, quam hic, cum in eo & communis & singulorum utilitas sit conjuncta.

74. Præter hos duos conjugii fines communi eruditorum consensu, additur *tertius*, *mutuum* nempe *adjutorium*, quod ut rectius intelligas, notandum, societatem nuptialem vel confiderari *in se*, absque respectu ad alias societates, vel *in ordine ad familiam*, cujus pars est.

75. *Priori* modo duobus istis finibus absolvitur. *Posteriori* intendit simul *mutuum adjutorium* in familia.

76. Sed hic iterum *mutuum* istud *adjutorium* distinguere posset in *ordinarium*, quod semper in familia societatis nuptialis proprium est, & *extraordinarium* seu subsidiarium, quod supplet defectum alterius societatis.

77. *Ordinarium* illud voco, dum amor *adjutorium* præbet marito in educandâ sobole, regendis servis, acquirendis vel conservandis bonis.

78. *Extraordinarium* est, si paupertate v. g. laboret paterfamilias, ut servos & ancillas alere non possit, tum enim ob defectum *societatis herilis* necesse erit, ut maritus servi vices gerat, uxor ancillæ.

79. Puto autem ex dictis apparere, *utrumque* hoc *mutuum adjutorium* inter *secundarios* conjugii fines esse numerandum, *prius*, quod afficiat matrimonium in relatione ad extra, *posterius*, quod præsupponat defectum.

80. Hoc tamen jam velut obiter notes, per *mutuum adjutorium* communiter à scriptoribus indicari aliquid à prioribus finibus duobus distinctum.

81. Cum igitur societates humanæ specificentur à finibus primariis, & vero hæcenus demonstratum sit, generationem sobolis esse finem primum societatis nuptialis, inde facile sequens axioma conficitur: **Societatem, quæ generandæ sobolis gratiâ initur,** abstrahendo à re-

vela-

velatione) esse societatem nuptialem. Item-
que: Non habendam esse eam societa-
tem pro nuptiali, quæ non intendit
generationem sobolis.

82. Antequam itaque ad præcepta conjugibus observanda
progrediamur, necesse erit, ut ostendamus *conclusiones*, quæ per
optimam consequentiam ex istis duabus positionibus inferri
possunt.

83. *Affirmativam* quod concernit, initio ex doctrina de so-
cietatibus in genere id apertum est, *essentiam* societatis nuptialis
non incipere ab adimplemento finis, & ipso actû conjunctionis, sed hic
valere regulam vulgarissimam; finem esse primum in intentione,
ultimum in executione, adeoque *statim post consensum interposi-
tum de hoc fine impetrando subsistere nuptias*.

84. Atque huc pertinet assertio communis JCtorum: *Con-
sensus, non concubitus facit nuptias*, quæ tamen non solum id, quod
modo diximus, innuitur, sed & quod *concubitus absque consensu*
pro societate conjugali haberi nequeat, quoniam tum videlicet
non constat, utrum primario cum intentione procreandæ sobolis,
an saltem libidinis extinguendæ gratia factus fuerit; de quo mox
in expositione positionis posterioris negativæ videbimus. b)

85. Porro quæ supra quoad naturam pactorum in univer-
sum de consensu notavimus, ea quoque hic in consensu de socie-
tate nuptiali erunt repetenda, quapropter in contrahentibus de-
bet *sufficiens usus rationis* adesse, nec minus abesse debet *metus* ab
alterutra parte injuste incussus. i)

86. Eadem erit ratio *doli mali*, l) ut abstrahendo à revela-
tione divina & moribus gentium, non distinguamus, an dolas in-

LII 3

cide-

ad §. 84. h) Ad hunc & præce-
dentem §. vide Pufend. §. 14.

ad §. 85. i) Puf. §. 16.

ad §. 86. l) Dolum ab errore se-
orsim hic non considerat Pufend.

ciderit in essenziale conjugii, an in ea, quæ vocantur accidentalia, ut si persuaserit una pars alteri, se esse *divitem, nobilem, virginem &c.* Nam ut de iis nullum est dubium, quin nulla sit societas nuptialis, ita quoad hæc ad definitionis identitatem nos ducit regula suprà exposita, *m)* quod nunquam dolus prodesse debeat lædenti, sed quod in arbitrio læsi sit, utrum negotium rescindere, an ad supplementum læsionis alterum adigere velit.

87. Nec circa *errorem* mutamus quicquam, quatenus nempe dolo contradistinguitur. Diximus enim ibidem, *n)* Errorem in dubio semper nocere debere erranti, nisi circumstantia illa, in qua erravit, expresse promisso per modum conditionis fuerit adjecta.

88. Ex hoc inferimus: *o)* *Errorem circa personam*, si *dolus* unius ex contrahentibus interveniat, quidem nullum reddere matrimonium, quale quid contingebat Jacobo, sed si *hic absit*, subsistere matrimonium, ut si quis v. g. Titix promittat nuptias, quam putet esse Cajam, modo non dixerit, quod velit cum ipsa tanquam cum Cajâ contrahere.

89. Deinde *errorem circa virginitatem*, si sponsus de eâ in promisso non injiciat sermonem, mero jure naturali non præjudicare conjugio. *p)*

90. Aliud, si erratum fuerit in *sexu vel generandi potentiâ*, quia sic non potest finis conjugii obtineri, adeoque hæc duæ qualitates semper adhærent promisso per modum conditionis.

91. Quod si circa *pulchritudinem, nobilitatem, divitias &c.* erratum fuerit, si quis non expresse v. g. de certâ dote convenit, sed tacitâ duntaxat spe sponsæ suæ opes non investigatas devoravit, non licebit ei dissolvere nuptias, vel earum ritè pactarum summationem detrectare.

92. Si

m) Vide lib. 2. cap. 7. §. 49. seqq.

ad §. 87. n) d. c. 7. lib. 2. §. 40.

seq.

ad §. 88. o) Dn. Pufend. §. 26.

indistinctè errorem circa personam dicit vitare matrimonium.

ad §. 89. p) Videtur dissensire

Pufend. d. §. 26.

92. Si vero *per modum conditionis* & has qualitates quis pacto matrimoniali inferuerit, jure naturali nihil obstat, quo minus errore deprehenso retractari possit societas inita, ut si dixerit; *repudiabo te*, si tantum dotis mihi non attuleris.

93. Ita si quis promisso hanc clausulam expresse addiderit, eâ lege sibi aliquam fore uxorem, si nobilis sit genere, si tantum dotis attulerit, utique non prius ad matrimonium consummandum tenebitur, quàm illa conditio appareat.

94. Quin & si quis neglectâ inquisitione in conditionis istius existentiam, matrimonium consummaverit, non videbitur tacite isti conditioni renunciasse; adeoque si, quæ sperabantur, deinceps non repræsententur, putarem, sufficientem divortio præberi causam. q)

95. Neque enim regulariter *renunciationes* tanquam odiosæ ita facile præsumuntur, neque inter pares *negligentia* poterit aliquem jure alias competente privare, præprimis si eadem *dolo* alterius fuerit elicitæ, qui hic fere abesse non poterit, si conditiones istæ pacto fuerint additæ.

96. Neque obstat etiam, in dato casu non ita fuisse contractum; *repudiabo te*, si tantum dotis non attuleris; sed ita: *non ducam te*. r) Nam & hoc ultimum sufficiet, quia & hoc modo deficiet consensus, si illa tantum dotis non attulerit.

97. Atqui, inquis, *consummavit tamen matrimonium*, dum concubuit. Fuit inquam, non vera consummatio, quia modo notavimus, concubitum absque consensu non facere nuptias. s)

98. Porro cum *pacta*, quibus societatem aliquam inimus, nullam aliam *essentiam* ex naturâ rei habeant, quam *que dependet à fine societatis* utpote hujus essentiam absolvente, constabit, si inter homines in naturali æqualitate & libertate constitutos matrimo-

nium

ad §. 94. q] Dissentit Dn. Puf. | urget Dn. Pufend. d.l.
fend. d. §. 26.

ad §. 97. s] vide modò §. 84. &

ad §. 96. r] Quam objectionem | Puf. ipsum §. 14.

nium ineatur, contingere posse, ut non minus *fœmina* t) quàm *mas* sibi peculiariter sobolem cupiat querere, in quam ipsa jus obtineat. Cui fini necessarium est, ut pactum inter marem & fœminam ineatur de præbendo invicem corpore.

99. Hoc pactum itaque si simplex tantum fuerit, solam procreationem respiciens, & non conjunctam habeat conventionem circa continuam cohabitationem, neque uni in alterum imperium conferet, & neutri in alterum quicquam juris erit, præterquam ad præbendum corpus procreandæ sobolis gratiâ.

100. Ex quo sequitur, mero jure naturæ ad essentiam conjugalis pacti non requiri, ut ante omnia fidem det viro fœmina, quod nemini præterquam ipsi, corporis sui usuram velit concedere. u)

101. Nam etsi afferre velis, conditionem humanæ naturæ exactius examinanti videri, utriusque sexus indoli magis congruere, ut pactum connubiale à viro incipiat, adeoque vir quærat uxorem, non uxor virum; ex quo pateat, virum sibi querere sobolem propriam, non supposititiam aut adulterinam; vereor tamen, ut quæ de initio pacti conjugalis à maribus faciendo adducta sunt, ex natura sexus demonstrari queant, & non potius moribus gentium, educationi fœminarum, aut aliâ causâ ex revelatione hauriendæ sint adscribenda.

102. Neque istud ad essentiam pacti connubialis naturaliter requiri arbitror, ut uxor viro continuam cohabitationem promittat, eidemque domicilii constitutionem liberam relinquat; adeoque non possit uxor invito marito peregrinè abire aut secubare. x)

103. Nam sicut hæc assertio aliquatenus à priori hypothesi dependet, ac si naturaliter maritus uxore in suam adsciverit familiam, non vice versâ, cujus ille utique caput & director existat; ita præter ea, quæ modo regessimus, maritus non à naturâ familia caput est, sed aliunde.

104. Ita-

ad §. 98. t] Quoad hunc & seq. §. conf. Puf. §. 9. ubi exempla de Thabstri, Regina Saba, & Amazonibus. ad §. 100. u] Dissent. Puf. §. 10.

cujus objectionem recenseo §. seq. ad §. 102. x] Dissent. Pufend. §. 10. ob rationes, ad quas respondeo §. 104.

104. Itaque etsi non diffiteamur, à *decoro ordine* multum abhorere vitam vagam ac desultoriam, incerto lare, nulla fortunarum sede; tum communis sobolis educationem commodissimè institui posse conjunctis utriusque parentis operis, ac præterea cohabitationem continuam plurimum continere jucunditatis inter conjuges benè compositos; tamen hæc omnia saltem ostendunt *perfectius esse pactum*, ubi hæc promittuntur, præ altero simplici, simplex istud naturæ ad versum esse non ostendunt; ac præterea rationes has vir non solum adversus uxorem urgere poterit, sed & sibi easdem dictas esse arbitrabitur.

105. Deniq; mero jure naturæ ex principali pacto matrimonii perfecti non resultat *imperium proprie dictum in uxorem*, y) etiam si concederemus, uxorem à naturâ obligari ad fidem marito dandam de corporis usu alii non concedendo, & continuâ cohabitatione.

106. Nam non statim imperio alterius est subiectus, qui incerto actuum genere ipsius voluntatem sequi tenetur. Inde, utut in negotiis matrimonio peculiaribus uxor ad voluntatem mariti se componere teneretur, non tamen statim quoad alias quoq; actiones imperium huic in illam necessariò competeret.

107. Deinde *matrimonii finis* non, uti civitatum, est defensio & securitas hominum, quæ sine imperio non poterunt obtineri, neque adeo civitates sine imperio intelligi, sed propagatio generis humani, quæ solo pacto & amicitia *citra imperium* contineri posse videtur.

108. Id tamen, si ad præcedentia ista duo uxorem obligari à natura statuamus, sequetur, pactum conjugale naturam *fœderis inæqualis* æmulari, in quo uxor marito observantiam maximè, hic illi protectionem debeat.

109. At cum & illa rejecerimus, consequens est, ut asseramus etiam, *istam inæqualitatem*, non à natura provenire, sed abstrahendo à revelatione dependere à liberâ paciscentium voluntate.

M m m

110. Ne-

110. Neque licebit ad *naturalem prerogativam sexus* hic provocare. *z)* Nam etsi & hæc foret; produceret saltem majorem aptitudinem in marito ad recipiendam observantiam, obligationem in femina, ut marito per pactum observantiam promitteret, non operaretur. *d)* Jam autem valde vereor, ne communiter philosophi, qui sexui masculino prerogativam naturalem attribuant, vel laboraverint ignorantia historię sacrę de lapsu primorum parentum, vel iterum educationem communiter à gentibus receptam, quę genuina causa imperfectionum est in sexu muliebri, confuderint cum natura sexus.

111. Ergo mediâ viâ hic incedentes, non putamus tamen jure naturali quicquam ob stare, quo minus uxor etiam per pactum propriè dictum *imperium* mariti subeat.

112. Nam istud argumentum, *b)* quod uxor non habeat potestatem maritalem, ergo per pactum etiam non possit eandem in maritum transferre, jam sæpius ab aliis est excusum.

113. Scilicet vulgatus canon: *Quod quis non habet, in alium transferre nequit*; valet tantummodo in juribus quę terminantur in rebus. *c)* Nam si de iis quę in personis terminantur, quale est imperium, eundem velis intelligere, infinitæ dari possent instantiæ. *d)*

114. Si igitur maritus à naturâ non habet imperium in personam uxoris, multò minus quicquam potestatis in bona uxoris
ipſi

ad §. 110. *z)* Quod facit Dn. Puf.
d. §. 11.

ad §. 112. *b)* Quod arget Harmonius ap. Pufend. §. 12. ubi & eidem respondet, quāvis paulo aliter ac nos.

ad §. 113. *c)* Neque tamen & hic in omnibus. Ita res propria nemini servit, & tamen jus servitutis per consensum meum in alium

transfere. Valet ergo potissimum in translatione domini.

d) De omni jure ad petendum factum. Nemo enim à seipso potest factum petere. Ita consensus sponsæ, patris, sacerdotis dant jus eoncumbendi cum sponsa, quod non habent sponsa, pater, sacerdos. Ita singuli non habent Harmoniam, & tamen ex collatione vocum ea oriuntur.

ipsi à natura competet, sed itidem hoc punctum ex conjugum conventionem aut legibus positivis dependebit.

115. Porro nec minus acriter disceptatur hæc quæstio, an jure naturæ matrimonium sit *societas solubilis*? ubi duo momenta videntur discernenda esse, e) initio an lex naturæ dicat, ad *essentiam societatis nuptialis* pertinere, ut eam contrahentes pactum ineant, quod velint in illa *ad dies vite* permanere? deinde; an non posito, quod ejusmodi pactum iniverint, possint juxta quædam existere causæ, quarum intuitu non obstante isto pacto una pars possit ab altera *invita facere divortium*.

116. Prius quod attinet, id equidem moribus communibus omnium gentium receptum est, ut *momentanea* quasi *cobabitatio* unius saltem conjunctionis causâ facta pro matrimonio nusquam fuerit habita, videlicet, quod, & si etiam ista unica conjunctione congregientes procreationem sobolis intenderint, certi tamen esse nequeant, an finem conjugii unica ista corporum communicatione obtinuerint, sed hæc res longius aliquod temporis spatium, & sæpius frequentatam conjunctionem desideret.

117. Cui accedit, quod in genere, quamcunque societatem respicias, ea vix societatis nomen mereatur, si saltem ob consortium momentaneum facta sit, unde forte & Ulpianus dubitavit, an contractum societatis admitteret inter eos, qui communi consensu rem emerunt, ut statim eandem dividerent. f)

118. Non tamen exinde opus est, ut in alterum dilabamur extremum. Haud quicquam enim ita procedit illatio, societas conjugalis non potest esse momentanea, ergo debet esse perpetua; sed potius mero jure naturali societatis conjugalis nomine non indigna erit illa societas, ubi paciscentes *post conceptam sobolem* recedunt iterum, obtinuerunt enim societatis finem.

119. Neque enim putandum est; legem naturalem homines obligare, *ut in infinitum procreent sobolem*. Nam si certis cas

Mmm 2

fibu-

ad §. 115. e) *Quæ non ita expresse secernit Dn. Puf. §. 10.*

ad §. 117. f) l. 31. ff. pro socio,

sibus, quos supra enumeravimus licite facit, qui planè hanc societatem non init, poterunt quoque casus existere, quo quis legi naturæ satisfecit, si unicam prolem generavit, adeoque etiam pro societate nuptiali habenda erit, quæ in hunc saltem finem initur.

120. Deinde, etsi quis indistinctè obligaretur ad multiplicationem generationis, non tamen lex naturæ dicitur eam esse præcise cum uno individuo iterandam; ergo posset hoc non obstante vir aut mulier post finem illum primum intentum novas nuptias cum aliâ personâ inire.

121. Quod si igitur liceret à societate, tam citò recedere, multo magis, pro societate nuptiali habenda esset *cohabitatio viri & uxoris continuata, donec proles edita sit, & adhuc magis, donec eadem sit educata*, omnium tamen maximè, si ad dies vite matrimonium ineatur.

122. Ergo differrent quidem ex ratione naturali istæ societates, variis modis initæ, gradibus perfectionis, neutra tamen habenda esset pro irrationabili.

123. Quo præsupposito vel vir & uxor initio societatis initæ determinassent tempus, quamdiu in eadem permanere velint, vel non determinassent.

124. Hoc si factum fuisset, nullam sufficientem rationem obstare video, cur non licere debuisset uni conjugum ex mera ratione naturali, sine conjugii vel semel obtento, etiam ab invito altero recedere. g)

125. Nam etsi objicias; id habere quodvis pactum ut una pars ab eodem non possit discedere, nisi alterius consensu aut pacto ab altera parte violato; ergo hoc utique juri naturali repugnare, si unus conjugum ab altero invito discedat, ubi ab hoc nullum caput pacti matrimonialis fuerit violatum, tantum ut meliorem sibi conditionem paret, aut quia sic placet; responderem tamen, obje-

ad §. 124. g) *Exempla Gentium* } rationes profert, ad quas respondet
hec ita observantium vide apud } mus §. 4. sequentibus.
Pufend. §. 10. p.m. 784. ubi & illas

objectionem istam à diversis inferre, cum conjux in casu prout à nobis formatus est ab altero invito discedens, non recedat à pacto suo, sed recedat saltem à societate, ad quam perpetuo continuandam nunquam se obligavit.

126. Quod si forte contingat, ut per illam societatis renunciationem alteri conjugum damnum inferatur, præceptum quidem de non lædendis aliis obstringeret renunciantem ut alteram partem indemnem præstet, ad omittendam renunciationem tamen non obligaret.

127. Ulterius, quamvis in matrimonio utrique conjugum in alterius corpus jus fuerit quæsitum, ne mini vero invito jus suum auferri debeat, in quæstione tamen hoc loco versatur, an jus istud fuerit perpetuum, an temporarium vel revocabile?

128. Denique si afferres, ne quidem consensu mutuo matrimonia dissolvenda esse citra gravissimam a liquam causam, quoniam id indecens & noxium sit, cum sc. per ejusmodi divortiorum licentiam non possint non & familiæ & publicus civitatum decor gravissime convelli, regerem, nos jam sollicitos esse de justo non de decore.

129. Item nos jam occupari in expositione societatis nuptialis abstrahendo à statu civili, adeoque interesse civitatis, ad quod respiciendum est in legibus civilibus, non miscendum cum fine societatis nuptialis, de quo nunc agimus. *b)*

130. Eadem porro dicenda esse ad interesse familiæ, quæ etiam est societas separata à conjugio, ad quam directè non pertinet finis conjugii primarius, *i)* quanquam necdum evidens sit, in quo familiæ decor per istud divortium, quod bona gratiâ fit, detrimentum capiat.

131. Nunc de *posteriori* membro videndum, si videlicet vir ad dies vitæ se femine, ac hæc ipsi obligasset, aut alio modo determinatio temporis facta fuerit, annon ab hoc pacto ex justis

M m m 3

causis

ad §. 129. h) Que duo distinxit ipse Dn. Puf. §. 11. vide quæ ex eo adduximus suprâ §. 107.

ad §. 130. i) Conf. quæ suprâ de mutuo adjutorio diximus.

causis una pars postea recedere potuisset. Ubiquidem mero jure naturali *l)* alter conjugum vinculo pacti haud dubie liberaretur propter *malitiosam* alterius *desertionem*, ut & *pertinacem* atque *ultroneam debiti conjugalis denegationem*, quoniam ad finem conjugii obtinendum necessaria est corporum præbitio, & hoc omnibus aliis pactis inter pares commune est, ut ubi illorum capita saltem primaria ab altero fuerint violata, pars læsa nanciscatur facultatem ab iisdem discedendi.

132. Eadem ratio suadet, ut, si vir cum fœmina convenit, *m)* ut ipsi prolem tollat, non adulterinam, item ut & extra procreationem sobolis & nave jam onerata vectores non admittat, pro justâ causâ divortii habeatur, si uxor *alteri ultrò & non coactè corporis sui copiam* faciat.

133. Cæterum cum in omnibus societatibus personæ eadem ineuntes pacta ad societatis finem dirigant, inerit quoque pactis jure naturali exceptio tacita, *si finis obtineri non possit*; inde putarem abstrahendo à lege positivâ etiam *infœcunditatem* aut *sterilitatem* alterutrius, qui alias ad copulam idoneus est, sufficere ad *divortium, n)*

134. Nam etsi fœcunditatem præstare penes hominem non sit, ex eo tamen sequitur saltem, quod sterili nulla culpa sit imputanda, sed infœcunditas pro casu haberi debeat. At casum regulariter is sentire debet, quem proximè afficit; neque adeo posset postulare conjux sterilis, ut alter consecutione finis, quem frustra in illâ societate quærit, defraudetur, nec aliunde eum ipsi invenire liceat.

135. Quod si ulterius, *o)* ut naturaliter fieri solet, cum procreatione sobolis, personæ matrimonium ineuntes, stipulentur fami-

ad §. 131. l) Puf. §. 21.

ad §. 132. m) Nam modo demonstravimus §. 98. seq. à natura rei has conditiones pacto non inesse.

ad §. 133. n) Dissent. Dn. Puf.

d. §. 21. ad cujus rationem respondeo in §. seq.

ad §. 135. o) Puf. *quamvis paulo aliter* §. 22. *quem & confer* ad §§. duos seqq.

familiarē & amicā conversationē, jure naturali propter intolerabiles mores sēvāve tractationē, liceret vinculum conjugale plane abrumbere, neque necesse esset, cohabitatione continua & familiari cessante, propagationem sobolis continuare.

136. Etsi enim in genere, si pactum ineatur pluribus capitibus constans, eidem clausula addi possit, ut, licet ab uno fuerit discessum, in ceteris explendis pergatur, adeoque licet uxor ad cohabitationem continuā importunis moribus se reddiderit ineptā, præstationem ejus debiti, quod ad prolem procreandā pertinet, continuare possit; tamen quia non est probabile, ad hoc debitum se sat commodā præbiturā, cujus conversatio fuit intolerabilis, aut aliquem non penitus aversatū corpus, in quo tam tetricus hospes stabulatur, cum vix quispiam optet prolem tollere ex ea quam odit, inde in ejusmodi pactis ubi simul de præbendo corpore & familiari conversatione conventum est, hæc duo ita mutuo velut implicita judicari debent, ut cum uno quoque alterum simul abrumpi videatur.

137. Inde Juri naturali repugnat ob mores intolerabiles & nimiam sævitiam conjuges separare à consortio mensæ thorique, salvo tamen vinculo matrimonii, quo de alia conditione sibi prospicere prohibeantur; nisi fortè ad tempus & in vicem castigationis ea separatio sit injuncta frangendæ pertinaciæ, & ut penitus exploretur, an aliqua morum emendandorum spes sit.

138. Venio ad alteram positionem, eamque negativā, quam supra p) ex doctrina de fine societatis nuptialis formavimus: *eam conjunctionem corporum, quæ non sit propaganda sobolis gratiæ, haud esse pro societate conjugali venditandam.*

139. Cæterum cum conjunctionis ejusmodi nullus alius possit esse finis, quam expletio libidinis, ut ex supra q) deductis constat, inde jam ad difficillimam quæstionem prolapsi de *moralitate libidinis* ex dictamine rationis abstrahendo à revelatione divina

ad §. 138. p) §. 64.

ad §. 139. q) §. 21. seq.

vina deducendæ, operam dabimus, ut nos breviter, succincte tamen expediamus.

140. Itaque per *libidinem* intelligimus desiderium primario delectationem percipiendi ex actu venereo.

141. Quæ adeo erit *duplex*, vel ut planè *non intendatur* sobolis generatio, vel ut ea *intendatur* quidem, sed *per accidens*.

142. Unde melioris distinctionis gratia actum illum, qui libidinem *prioris* generis intendit, vocabimus *scortationem*, (voce hic late accepta, ut sodomiam, stuprum, & fornicationem aliasque species sub se comprehendat, r) qui *posteriorem* pro fine habet, appellabitur *concubinatus*. De *scortatione* vero faciemus initium.

143. Atque hic pro ejus turpitudine demonstranda non sufficit, si dixerimus, eam non dirigi ad finem conjugii primarium; non tam ex ratione ea, quod jam supra ostenderimus, extinctionem libidinis etiam esse finem conjugii, quamvis secundarium, quam quod illa ratio saltem inferat, *scortationem non esse conjugium*; non vero inde concludi possit, omnem actum vel omnem societatem, quæ non est conjugium esse societatem inhonestam.

144. Porro id quidem non erit diffitendum, si in universum reciperetur, s) ut omnes sibi membra generationi destinata SOLI libidini exercendæ data crederent, eique usui UNICE applicarent, decoram inter homines & tranquillam societatem subsistere non posse; sed an hæc ratio sufficiens sit ad probandum, jure naturali eas *libidines in universum* prohiberi, plures rationes sunt, quæ id tuto affirmari posse mihi quidem dissuadere videntur.

145. Nam ratio prioris assertionis, haud dubie in eo fundatur, quod si SOLI extinctioni libidinis UNICE vacarent homines, peccaretur contra præceptum superius traditum, quod inculcat, ineun-

ad §. 142. r) Ita usurpat etiam hanc vocem Lambertus Velthuyssius de principiis iusti decori, & peculia-	ri tractatu de scortatione. ad §. 144. s) Quæ ratione utitur Pufend. §. 4. p. 753.
--	--

ineundum esse conjugium; at hoc periculum non est timendum, si quandoque saltem quis libidinem suam expleat.

146. Deinde jam supra notavimus, esse illud præceptum indeterminatum & generale, quod non *perpetuam & continuam* obligationem intendat, sed cujus effectus nonnunquam cessent.

147. Ulterius idem præceptum deduximus ex fonte de exhibendis officiis humanitatis, quæ si in universum cessarent, turbaretur quidem tranquillitas humana, non autem, si remittatur earum præstatio ad tempus.

148. Igitur siue res *licitas*, siue *præcepta* jure naturali consideres, videtur istud axioma: *Quicquid turbat societatem humanam, si ei soli & unice homines incumbant, id in universum est prohibitum; multas pati instantias. 1)*

149. Ita v. g. aliquam ex cibo & potu capere jucunditatem, lucrum aliquod per mercaturam acquirere, ludere &c. rebus indifferentibus facile annumerabuntur, etsi societas humana haud dubiè damnum pateretur, si illis rebus solis & unice homines darent operam.

150. Ita defensor libidinis, facile spicula adversus nos ipsos retorquens, procreationem sobolis, quam præceptam tamen esse demonstravimus, eodem argumento ut turpem impugnare posset, quia profecto nimium quantum turbaretur tranquillitas humani generis, si nihil aliud agerent homines, quam ut genus suum propagarent.

151. Neque magis dubitationem omnem tollunt, quæ communiter pro demonstrandâ injustitiâ flagitiosæ illius fœditatis, quâ quidam in *brutorum* corpora aut *parem in sexum* feruntur, solent afferri. Summa eo redit: Reliquas libidinis species minori gradu esse peccaminosas, quoniam membra ibidem adhibeantur *præter finem* à naturâ destinatum, ad hoc crimen nefandum

N n n

omnem

ad §. 148. c) Adducit quidē Puf. in N. Edit. p. 835. sententiam Cumberlandi, sed ea huc non pertinet, quia non continet istud UNICE &

SOLI. Deinde Cumberlandi propositō est affirmativa, Dn. Pufendorffii negativa,

omnem excedere turpitudinis notam, quia in eo applicentur membra *contra naturam. u)*

152. Nam etsi ut plurimum de hujus rationis veritate non inquiremus, quoniam videlicet de conclusionis assertione sumus convicti, reverâ tamen erudito homini multum interest, ut veram assertionem non deducat ex falsis præmissis, tum ne ipse à regiâ veritatis inquirendæ viâ in devia seduci se patiatur, atque sic admissio uno absurdo involvatur pluribus, tum ne ab hominibus impiis, quaslibet veritates hodiè oppugnare paratis, ad eas angustias redigatur, ut, si præconceptam opinionem dimittere nolit, quod tunc quidem non adeò decorum foret, cogatur in quibuscunque distinctionibus reverâ nihil significantibus & apud eruditos, qui neutrarum sunt partium, proflituentibus ipsum, x) miserum ignorantiae suæ effugium quærere.

153. Igitur inquirendum, *an usus membrorum contra vel præter naturam semper peccatum sit*, & tale quidem, quale nefandum, istud esse perhibetur? y) *Os & stomachus, gula & œsophagus facta sunt ad hominem nutriendum, & nos docent & ducunt ad sumenda alimenta per os, & ad ea deglutienda & demittenda in stomachum: Sed an ideo tantum nefas est hominem nutrire per clysteres, quemadmodum medici quidam in magnis morbis talem clysterum usum commendant? Aut an peccatum contra naturam esset, infusione lactis in venas hominum nutrire & recreare, quia natura alia nutritionis & sanguificationis organa fabricavit.*

154. Fa-

ad §. 151. u) *Conf. Pufend. §. 4. initio, ubi exempla Gentium, quæ hoc crimen admiserunt.*

ad §. 152. x) *Quales sunt pleræque in controversia de prohibitione polygamie à nostratibus adhibite, & propterea acriter exagitæ à*

Theophilo Aletheo in Polygamia Triumphatrice.

ad §. 153. y) *Quæ sequuntur usque ad §. 158. desumpta sunt ex Velthuyso de scortatione p. 197. 199.*

154. Fabrica humani corporis talis est, ut cibus per os sumtus & in stomachum demissus per *alvum* excernatur. Estne tantum crimen destinato vomitu illum rejicere per os?

155. *Lingua* homini data ad exprimendos animi sensus, *manus* ad machinationes & artes. An itaque is peccatum contra naturam committit, qui manibus vice *linguæ* utitur ad sua cogitata proximo declaranda?

156. Quamvis vero aliqui, ut has objectiones evitent, respondere soleant, exempla hæc ab instituto esse aliena, quia ad *Venerem* non pertineant, revera tamen horum responsio est obscurior, quamdiu rationem disparitatis claram & distinctam non proferunt, cur in actionibus *venereis* iste canon saltem procedat, fallat in reliquis.

157. Quod ut faciant, solent provocare in genere ad *pudorem* homini inditum & *dignitatem hominis*, addentes: usurpationem partium naturalium alienam à primo suo usu, cujus in exemplis modo memoratis facta est mentio, non esse ponendam in vitio, quia in illâ nihil committatur contra pudorem naturalem; neque aliquid in eâ culpandum esse, si ostendi non possit eâ hominis dignitatem naturalem imminui. Aliam rationem esse, delictorum *Venereorum*, utpote quibus vel peccetur contra *pudorem*, quo referunt *pudendorum revelationem* & *incestum*, vel certè contra *dignitatem hominis*, quod & fieri statuunt per *scortationis* genera & *polygamiam*.

158. Verum quemadmodum ista quidem methodus demonstrandi à pudore & dignitate hominis desumpta, multa mihi videtur petere concedenda, quæ sunt in principio, & arripere multas assertiones pro veris, quas magis per assuefactionem, aut aliorum persuasionem imbibimus, quam ut demonstrationis trutinam sustineant, adeoque si rudita analysi in ejusdem hypothèses inquiras, non adeo firmo eadem nitantur fundamento; ita forte facile ostendi posset, saltem ad hominem disputando, vomitum per os factum & contra pudorem naturalem esse & dignitati hominis repugnare.

159. Itaque vulgaræ rationes, quæ scortationi obijciuntur, vereor ut Gentilem Terentianâ sententiâ imbutum, quâ, non esse turpe adolescentulum scortari statuit, convincere valeant, timendum potius, ne personam respondentis hætenus non malè non sustinens eò audacia progrediatur, ut ex respondente fiat oppo-
nens.

160. Quid enim, inquiet, rationi adversaretur omnis libidinis extinctio? cum *affectum istum omnibus hominibus inditum*, esse cognoscam, 2) quomodo verò inditum esse poterit ejusmodi quid, quod cum ratione, hoc est cum essentiâ hominis pugnet.

161. Nec est, quod dicas (ita perget) instinctum istum tendere ad procreationem sobolis, ergo huic eundem esse subordinandum, cum ipse suprà a) concesseris, sentire homines stimulos istos acriter, etiam si certum sit, non posse per concubitum procreationem sequi, aut ubi civilis ratio non ferat ut conjugium ineat; cum concesseris, b) hoc ultimo casu non obligari hominem ad ineundum matrimonium; An igitur his saltem casibus legi naturali quid adversum committet homo, si impetum non peculiarem, qui à perversa educatione oriri poterat, sed communem humano generi, & ipsos etiam homines justissimos agentem, sequatur, & voluptatem aliquam ex eo, ad quod natura ipsum fert, capiendo, Veneris æstrum reprimat.

162. Quod si urgeas, dictare rationem tamen, turpe id esse, cui adeò obsecundandum non sit, quod sæpius homines *extra se rapiat*, ut actus alios legi naturæ vetitos committant, c) regeret, effectus hos non tam affectui ipsi & inclinationi, sed pertinaciæ, quod homo istam inclinationem reprimere conatus fuerit, esse adscribendos, adeoque invertendam potius esse illationem, ac vel ideò in tempore laxandas esse habenas stimulis urgentibus, ne rationem de throno turbare queant.

163. Ita

ad §. 160. 2) Conf. suprà §. 28.

ad §. 161. a) d. §. 28.

b) §. 35. seq.

ad §. 162. c) Conf. §. 35.

163. Ita *cupido* naturalis, sic illustrabit sententiam suam, *edendi & bibendi* naturalis est, neque lege naturæ prohibita, at si cibum & potum non suppedites stomacho, fames inde orietur & sitis, sapius homines eo adigens, ut æque magna, si non majora, scelera perpetraverint.

164. Ergo *tum demum*, inferet, *scortatio* legi naturali adversa erit, si per eandem quis bona sua corporis aut animi destruat, si contumeliam alteri aut aliam læsionem inferat, si pacta violet.

165. Quo pacto parum aberit, quin progrediatur ulterius, & quam modo pro indifferente & licitâ saltem venditavit, *honestatis specie* commendare audeat. Quid si enim ad officia humanitatis provocet, & *teneram proponat virginem*, ex defectu concubitus graviter ægrotantem & *vita periculum* subeuntem? Quid si ad utilitatem reipublicæ provocet, *cujus interfit lupanaria erigi*, ut matronarum ac virginum honestarum pudicitia paucioribus insidiis foret obnoxia. d)

166. Addet denique per modum corollarii quæstionem,; an putemus, *concubitum mariti cum gravidâ esse peccatum* rationi adversum? petetque ut ex ratione ipsi demonstremus, cur hic actus, etsi pro fine habeat solum extinctionem libidinis, mediis adscribi mereatur, neque id tamen extendi debeat ad actus alios similes.

167. Hic profecto sentiant alii quod velint, & Philosophi nomine me judicent indignum, cogor fateri, rationem meam, omnibus licet disputandi regulis, omnibus ratiocinandi principiis suffultam, succumbere, & nescire quomodo ex hoc labyrintho se expedire queat, nisi filium Ariadneum ipsi suppeditet Jurisprudentia Christiana.

168. Unde faciliè jam prævidere poteris, quæ de *concubinato* e) ex legibus naturæ dicenda restent. Denotatis regulariter consortium viri & mulieris continuatum libidinis explendi gratiâ, ita tamen, ut generatio sobolis non excludatur, quod adeò à matrimonio strictè sumto maximam partem duratione differt, quod

N n n 3

hoc

ad §. 165. d) Conf. Pufend. §. 4. in fine.

ad §. 168. e) Conf. supra §. 142. Puf. §. 36.

hoc sit perpetuum, illud quodcumque contrahentibus placuerit, dissolubile, & quod in concubinato præsumptio sit, eum principaliter propter stupri consuetudinem contrahi, in matrimonio contra sit præsumptio, id principaliter iniri sobolis generandæ gratiâ, etsi reverà sæpius conjuges primario intendant expletionem libidinis.

169. Quod itaque *dissolubilitatem concubinatus* concernit, cum suprà *f)* dixerimus, lege naturæ ad matrimonium individuam vitæ consuetudinem non requiri, patet, etiam hac parte in concubinato vitium ex rationis dictamine demonstrari non posse.

170. At quod *intentionem primariam libidinis explendæ attinet*, peccabitur utique à concubinariis, quod ductum naturæ ejusque fundatoris invertant, & cum conjunctionem suam ad procreandam pariter sobolem & extinguendam libidinem dirigant, illam tamen secundo saltem & per accidens desiderent, cum tamen sciant ex ductu rationis, eam esse finem matrimonii primarium.

171. Caterum cum hic magis peccetur intentione quam actu exteriori, inde simul patet, quod abstrahendo à revelatione, hoc delictum magis violet præceptum primum Jurisprudentiæ divinæ in genere, & *officium hominis erga Deum*, quam ut pertineat ad *Jurisprudentiam naturalem* stricte dictam, actiones externas hominis erga hominem potissimum respicientem. *g)*

172. Solet & *concubinatus* nomen aliquando usurpari pro matrimonio secundo, *h)* in quo vel uxori vel liberis non tanta relinquuntur bona, aut tam abundantia alimenta suppeditantur, quanta alias ipsorum conditio vel dignitas requisivisset, quam legi naturali non esse adversam, non nisi ab hujus disciplinæ imperitis dubitari potest.

173. De

ad §. 169. f) §. 115. seq.

ad §. 171. g) Adde elegantem lo-

cum Augustini adductum in disp. de crim. bigam. §. 34.

ad §. 172. h) Puf. d. §. 36.

173. De fine conjugii hætenus plus satis diximus. Sed cum in qualibet societate præter finem etiam *persona* considerationem mereantur, restat, ut de his quoque dispiciamus, ita tamen ut & hic utroque oculo ad finem conjugii adhuc respiciamus, quia commune dictærium Philosophorum est, secundum finem dirigendam esse societatum materiam; ita enim personas appellant.

174. Adeoque Thesis primaria hic erit : **EÆ PERSONÆ SOCIETATEM CONJUGALEM CONTRAHANT, PER QUAS GENERATIO SOBOLIS OBTINERI POTEST.** Fluit ea exinde, quod hæc sit finis principalis nuptiarum, in capite vero præcedenti i) jam adstruxerimus, ab hoc fine in societatibus personarum electionem dependere.

175. Ergo requiruntur *mas & femina*, non *masculus & masculus*, neque *femina & femina*, nam hæc quidem generare sobolem nequeunt.

176. Nisi forte statuere velis, fœminas per fortem imaginationem concipere posse, aut absque femine maris, quorum utrumque absurdum est.

177. Porro necesse est, ut fœminæ pariter & mas *habilitate generandi* polleant. l) Unde excluduntur *infantes*, qui nondum ad annos pubertatis pervenerunt.

178. Neque conjugium est cum *Eunuchis*, cui nempe vel membrum generationi destinatum planè est ademptum, vel quem vasa seminaria deficiunt, quorum illud apud populos Orientales, hoc apud Europæos magis receptum est.

179. Neque cum *arctis*, quæ scilicet tali corporis vitio laborat, ut congressum maritalem, ob nimiam angustiam, planè non admittat.

180. Ac de hac quidem ut & Eunuchis orientalibus nullum est dubium, quoniam neque ad generationem, neque ad libidinis expletionem apti sunt.

181. At de *Eunuchis Europæis* sæpius acriter disceptatum fuit, m) quo

ad §. 174. i) cap. I. §. 72.

ad §. 177. l) Pur. §. 25.

m) quoniam hi, etsi ad prolis generationem sint inepti, tales tamen plerumque sunt, ut custodia Gynæcei ipsis commendari tuto non possit, strenui videlicet scortatores & pseudoadulteri.

182. Mihi secundum ductum præcedentium id quidem demonstratum esse videtur, conjunctionem eorum cum fœminis neque ex dictamine solius rationis *pro matrimonio* esse habendam, ob deficientiam finis primarii.

183. Quod verò in contrarium à quibusdam affertur, sufficere eosdem *ad libidinis extinctionem*, initio à multis in dubium vocatur, prætendentibus, fœcis ejusmodi congressibus libidinem excitari magis quàm extingui, quamvis mihi quidem contrarium videatur verius.

184. Demus ergo dissentientibus, hæc ita esse, an unicum societatis exemplum afferre poterunt, quæ aperte deficiente fine primario à secundo denominationem admiserit.

185. Et mirandum profectò, quod scortationem aut stuprum iidem non habeant pro matrimonio, quoniam & hic libido expletur.

186. Magis ridiculum est, quod ad *mutuum adjutorium* provocent, in gubernatione puta familiæ & curâ corporis; quasi matrimonium foret, si mas cum masculo, aut fœmina cum fœmina hujus rei gratiâ inierint societatem.

187. Alia quæstio est, *an jure naturali societas Eunuchi cum fœmina idcò, quod nuptialis esse non potest, plane non sit toleranda.* Ubi repetenda erunt, quæ modo de libidine disseruimus in genere, & reliqua quæstionis hujus decisio ad sequens caput erit differenda.

188. Restant *spadones, steriles, senes* itidem ac *vetula*, quorum conjugia cum admittant mores nostri, & de his quædam dicenda erunt, præprimis cum Patroni Eunuchorum inde sententiæ suæ nimium quantum accedere arbitrentur.

189. Nam

*ad §. 181. m) Vide responsa vau- | nuchi, collecta ab Hieronymo quor-
ria in hac materia de conjugio Eu- | dam Delphino.*

189. Nam si his, ajunt, conjugia permittuntur, etsi in universum nec ipsi propagent sobolem, etsi senes ne quidem ad libidinis extinctionem apti sint, sed solum mutuum adjutorium utcunque obtinere queant, cur Eunuchi præcludendi forent, qui præter adjutorium delectationi ex asse satisfaciunt. n)

190. Fateor, multos exercuisse speciem hujus objectionis, præprimis cum simul viderint, comunibus Gentium moribus admitti conjugia in ultimo mortis articulo celebrata, præprimis in legitimatione liberorum naturalium, ubi tamen similiter ob proxime instantem alterius mortem neque procreatio sobolis, neque ullus conjugii finis obtineri potest.

191. Unde nonnulli isto responsionis medio se liberare conati sunt, o) consensum in extremo mortis articulo declaratum, non quidem ad præsens matrimonium pertinere, quasi nunc demum incipiat esse matrimonium, sed testari saltem de affectione, quæ retrò fuit, facereque præsumptionem pro matrimonio.

192. Sed quemadmodum ista quidem responsio videtur adversari communi gentium intentioni, & ex eadem illud insuper inconveniens sequeretur, eum, qui extra matrimonium liberos generavit, & postea ex accidenti Eunuchus factus fuerit, posse in ultimo mortis articulo matrimonium cum concubina celebrare liberorum legitimandorum gratiâ; ita nec in universum ad omnia ejusmodi matrimonia applicari eadem posset, cum multa fiant, etiam ubi nulli liberi, qui legitimentur, adsunt, etiam cum eâ, cum quâ quis nunquam antea consuevit.

193. Igitur ut uno ictu hæc omnia tollantur, ita breviter dicendum: Ea *Spadonum, sterilium, senum, in ultimo mortis articulo hærentium* conjugia ideo tolerari, quia in his omnibus spes est, naturaliter ab iisdem generationem sobolis obtineri posse.

194. *Spadones* enim dicuntur, qui morbo aliquo impediuntur,

O o o

tur,

ad §. 189. n) Puf. §. 25.

ad §. 191. o) Id facit Strauch. in
Exercit. Justin. IV. th. 7. ubi vide

qua differui ibidem in notis, &
junge qua hic respondeo in §§.
seqq.

tur, ut actu non statim generare possint, multi tamen sublato isto impedimento generarunt.

195. Ita in *sterilibus* causæ sterilitatis latent absconditæ, & non desunt exempla, fœminas steriles etiam à medicis ut incurabiles derelictas sobolem edidisse.

196. Quod *senes* attinet & *vetulas*, etsi à Physicis masculis pariter & fœminis certum annorum spatium assignetur, quo generare & concipere desinant; ejus tamen determinatio ab eo, quod plerumque fieri solet, desumpta est, & quotidiana docet experientia, senibus nasci sobolem.

197. Nec est, quod objicias, incertum esse, annon aliorum industria hic cooperaverit; nam præterquam, quod adversum ista valeat præsumtio, quemlibet vivere honeste, cui non demonstratum est contrarium; ita pro ipsis validas conjecturas suppeditant historiæ experienciâ corroboratæ, & *vetulas* parere. Quod itaque in uno sexu sperare licet, cur non & liceat sperare in altero?

198. Quanquam non sit diffidendum, melius obtineri conjugii finem per juvenes, aut personas nondum senectute laborantes, unde nec malè legibus quibusdam civilibus cautum fuit, mulierem quinquagenaria & virum sexagenario majorem nuptias inire non posse. p)

199. Denique & in istis, qui in ultimo mortis articulo sunt constituti, spes superest, posse omnes conjugii fines obtineri, siquidem per hunc non intelligendum est ultimum momentum, quo anima à corpore abit, sed illud spatium inter vitam & mortem, quo homines rationibus Medicorum subnixi, de salute ægroti jam desperant. Quot enim & hic referri possent, qui desperationem istam medicam evaserint?

200. Perduxit nos ordo ad illam quæstionem: an ad generationem sobolis obtinendam requirantur unus mas & una fœmina? seu: *an Polygamia sit jure naturali prohibita?*

201. Fuit

201. Fuit ea hæcenus acriter ventilata, postquam quidam homines fanatici anxie defendere conati sunt, polygamiam unius viri cum pluribus fœminis esse lege divinâ præceptam, magistratusque Christianos peccare graviter, si eam subditis non permittant.

202. Ubi non diffitendum, ex variis scriptoribus illos, qui ex dictamine rationis monstrum istud opinionis suffocare intenderunt, ansam dedisse, ut potius illud spiritus sumpserit, & magno impetu imbecilles hos aggressores prostraverit.

203. Scilicet, sicut alibi jam ostendimus, q) non poterit *polygamia virilis* ex lege naturali impugnari, quia tantum abest, ut per eam directò turbetur *socialitas humani generis*, aut generatio sobolis impediatur; ut potius rationi sibi relictæ eadem multum facere videatur ad multiplicationem generis humani. r)

204. Rationes verò ab aliis versus eandem adductæ, de Zelotypia, de discordiis domesticis, de odiis novercalibus in ipsâ prole continuandis, & quæ sunt alia incommoda domestica, jam sæpius à multis sunt rejectæ. s)

205. Quod si præcedenti argumento à priori desumpto, rationem à posteriori adversus Christianos valituram velis superaddere, eandem optimè suppeditabit *dispensatio divina*, t) qua DEUS in veteri testamento populo Judaico, vel certè Patribus eandem permisit, quàm & inter *beneficia Davidi præstita* recensuit, quod ipsi plures uxores dederit. Quis enim putaret, DEUM id inter beneficia referre, quod essentiam hominis turbat ac jure naturali prohibitum est?

206. De muliebri Polygamia, seu unius fœminæ cum pluribus viris conjunctione, major equidem consensus est eruditorum, eam juri naturali adversari, quoniam videlicet pugnet cum 1. pro-

O o o 2

crea-

ad §. 203. q) De crimine bigamiæ §. 24.

r) Facit huc, quàmvis testè Puf. §. 16. 17. 18. 19.

ad §. 204. s) Conf. Puf. d. §. 17.

ad §. 205. t) Dict. disput. §. 24.

creatione sobolis, 2. mutuo adjutorio, 3. imperio maritali, 4. per eam sola libidinis expletio intendatur, 5. DEUS vero nunquam eandem admiserit, quæ rationes si quid valent, valebunt etiam contrà *communione uxorum*. Quare & quæ nos dicemus, ad communionem uxorum erunt extendenda.

207. Sed quid rationes istæ in recessu habeant, partim ex hæcenus dictis facile occurrere potest, partim de singulis alibi prolixius ostendi. *n*)

208. Ex quibus non difficile erit respondere ad argumenta secundaria; *x*) si polygamia muliebris aut communio uxorum admittatur, multas rixas esse orituras inter mares circa formosas fœminas; magnam imbecillitatem prægnantis fœminæ & alieni auxilii indigentiam esse futuram, neminem vero marium opem laturam esse, nisi ex se prægnantem norit, quod in ista communione fieri nequeat; tum partus educationem, quam nemo ex maribus ex identitate rationis suscepturus sit, fœminæ unicè laboriosam nimis ac sumtuosam futuram, ita ut eidem vix sustentura sit; denique isto casu, nullas cognationes sat distinctas, nulla quoque patrimonia posse existere, quibus tamen sublatis magna pars commodorum, quibus vita humana sustentatur, aut exornatur, peritura sit.

209. Quod si verò nihil aliud haberemus, quod argumentis istis objicere possemus, sufficeret, eas desumptas esse ferè ab incommodis domesticis, quibus alia ratione facile occurrì posset, & quæ ex accidenti saltem advenirent, adeoque hic repetenda essent ea, quibus responderi solet ad incommoda polygamie virilis. *y*)

210. Taceo, quod Stoici tradiderint, uxores apud sapientes communes esse debere, ut quilibet illi congregiatur, quæ sibi prior occurrit; Fore enim sic, ut omnes patrum instar æquâ caritate sobolem

ad §. 207. u) Dict. disp. §. 25. 26. Adde Pufend. §. 5. & 15.

ad §. 208. x) Desumpta ex Pufend. §. 5.

ad §. 209. y) Conf. §. 204.

bolem diligant, utque tollatur adulterii suspicio & Zelotypia; & quod Plutarchus naturali & civilirationi convenientissimum judicaverit, si aliquibus casibus communes cum aliis habeantur uxores. 2)

211. Id tamen operabuntur rationes contra *polygamiam muliebrem* adductæ, potissimum ea, quod per illam non ita benè fœbolis procreatio & generis humani multiplicatio possit obtineri, ut appareat, eandem *infimum gradum licentia obtinere & prohibitioni propriorem esse* quam præcepto; secus atque conjugium unius cum unâ, aut *polygamiam virilem*. a)

212. Inter has vero conjunctionis species, si in gradus licentiæ velis inquirere, & utra ex iis pro magis decorâ & perfectâ conjugii specie habenda sit, ex ductu rationis sibi relicta definire, valde vereor, ne *polygamia virilis* plurimos in suas partes tractura sit, cum, ut dixi, finis primarius conjugii per eam magis promoveri videatur, quam per monogamiam, & quies ac tranquillitas domestica à populis polygamia hâc utentibus satis benè fuerit obtenta, ac denique Zelotypia fœminarum ferè præsupponat jus aliquod ex consensu acquisitum, adeoque si acquisitio ista cesset, necesse sit, ipsam valde diminui, præprimis si talis sit populus, ubi non obnoxii nimis mariti uxoribus vivunt, quique educationem fœminarum sic temperet, ut ne erecta nimis evadant illarum ingenia. b.)

213. Quo pacto tamen *monogamia* haud quaquam juri naturali adversari putanda erit, sed medio quasi loco inter utramque polygamiam posita esse à ratione censebitur, c) vel ut exactius loquar, se ad præceptum habere, ut v.g. numerus quinquarius ad septenarius, polygamia virilis contra ut senarius, & muliebris ut binarius.

214. Simul verò à dictis dependet decisio quæstionis, an mero jure natura liceat inire matrimonium cum ea, quæ jam alteri nupta

O o o 3

est,

ad §. 210. 2) Puf. §. 15. p. 774.

ad §. 211. a) Conf. supra §. 9.

ad §. 212. b) Puf. §. 17. p. 776.

ad §. 213. c) Dissent. Puf. §. 18.

est, aut eo, qui jam uxorem habet? Nam si vir & fœmina sibi mutuò fidem dederint de perpetua cohabitatione, corpore alii non communicando, haud dubiè questio neganda est, quia alias peccaretur contra præceptum legis naturalis, quod fidem datam servandam esse vult. d)

215. Quod si istud pactum abfuerit, aut una ex polygamia speciebus sit recepta, nullam poteris afferre rationem, quâ, solâ ratione utentem, convincere possis de istius actionis turpitudine.

216. Igitur vides, quo respectu *adulterium* juri naturali repugnet; sive enim id describas cum Romanis per violationem tori conjugalis, sive cum hodiernis Jctis per conjugalis fidei violationem, utrobique persona conjugata notam legis naturalis, quæ pacta servari jubet, incurret, ibi solâ fœmina, cum maritus saltem apud Romanos haberet jus tori, hic uterque, propter fidem mutuam.

217. Solutus autem & soluta, quæ cum conjugate alieno rem habet, adversus innocentem peccabit, quod violet præceptum de non lædendis aliis,

218. Quin etsi alteruter ex conjugibus consentiat, ut alter corporis sui copiam alii faciat, quomodo velles ostendere, tum nihilominus communicationi huic inesse naturalem turpitudinem? Sane quilibet juri suo ex pacto quæsito renunciare poterit, ni obstet præceptum superius, quod hætenus in ratione frustra quæsimus.

219. Hinc difficillimum foret, *lenocinii* turpitudinem vel certè multarum ejus specierum ex eâ disciplinâ, ubi solam rationem sequimur ducentem, demonstrare. e)

220. Restat, ut videamus, an personæ, inter quas est necessitudo sanguinis vel alia huic affinis, naturaliter ad societatem conjugatam

ad §. 214. d) Puf. §. 27. } dandam. De quæstu dispiciendum
 ad §. 219. e) Fit enim lenocinium } foret, an hæc res apta nata sit, ut
 vel propter quæstum, vel propter } naturaliter recipiat commercium.
 honorem, vel propter famem sc.

jugalem aptæ sint ? seu: an incestus quidam juri naturali adversetur ?

221. Etsi igitur apud omnes gentes, f) quibus morum aliqua est cultura, communi persuasione receptum deprehendatur, à quarundam personarum nuptiis esse abstinendum; ejus rei tamen solidam rationem, & quæ ex sociali hominis naturâ, uti reliqua præcepta, liquido fluat, assignare, oppidò quàm difficile est.

222. Nonnulli hic simpliciter ad *abhorrentiam humanorum affectuum* confugiunt, quasi omnes, qui per pravam educationem aut vitiosum habitum non sunt corrupti, in ipsis sensibus deprehendant aliquid tali commixtioni repugnans, id quod claro sit indicio, eandem naturali jure prohiberi.

223. Sed his satisfecerunt jam alii. g) Plutarchi vero ratio de *latius spargendis amicitiiis* per diffusas affinitates, non tanti est ponderis, ut quod contra fiat, irritum aut illicitum censi debeat, etsi eandem sequatur Augustinus.

224. Res omnium optime procedet, si separemus *incestus species*; est enim alius, qui committitur ratione *consanguinitatis*, alius cum personis *affinibus*; Uterq; vel in *linea recta* vel in *collaterali*.

225. De eo qui inter *consanguineos linea recta* committitur, ante omnia dispiciendum. Nam consanguinitas est affinitatis præsuppositum, linea recta verò est fundamentum lineæ collateralis.

226. In illorum ergo conjugio sapientissimus Socrates nihil aliud culpandum invenit, præter *ætatis disparitatem*; unde sequatur aut sterilitas, aut male conformata soboles, quod profectò oppidò quàm jejunum est.

227. Alii ejusmodi conjunctionum *scdritatem* inde ostendere voluerunt, quod per eam diversa planè *necessitudinum vocabula confundantur*. Sed hi nescio, cur res ex vocabulis metiri voluerint,

ad §. 221. f) Puf. §. 28.

ad §. 223. g) Puf. d. §. 28. Conf. Grotium II. 5. 12.

luerint, obliti vulgati axiomatis, rerum gratia inventa esse vocabula, haud quaquam res propter voces. *b)*)

228. Accedit, quod nullo jure, quantum constat, prohibitum sit conjugium filii cum novercæ matre, etsi hic filius fiat socer patris & novercæ vitricus, noverca vero privigni privigna & matris suæ focrus &c.

229. Qui verò nihil aliud hic afferunt, *i)*) quam, quod jure naturali matrimonia adscendentium in infinitum sint prohibita *propter communionem sanguinis*, quæ in prioribus gradibus omnino detur, illi nodum arctant, non solvunt; obscurissimum siquidem est, quomodo communicio sanguinis physica possit producere effectum moralem.

230. Restant duæ rationes, quæ plus in recessu videntur habere, *reverentia debitum & pudor naturalis*. Nam nec maritum, ajunt, qui superior est lege matrimonii, eam *reverentiam* posse præstare matri, quam natura exigit, nec patri filiam, quia, quamquam inferior ea sit in matrimonio, ipsum tamen matrimonium talem inducere societatem, quæ illius necessitudinis reverentiam excludat. *l)*)

231. Sed non desunt, quæ adversum ista reponi possunt. Si enim *reverentiam à pudore abstrahas*, non adeò videtur absurdum esse, matrem cum filio sui juris jungi, cum non repugnet, maritum uxori ob virtutem, sapientiam, aut nobilitatem reverentiam exhibere; multò magis cum obsequio conjugali etiam filialem reverentiam patri marito filiam uxorem exhibere posse, ni pudor obstet. *m)*)

232. Ac poterit hæc assertio omnium optimè declarari exemplis. Majorem utique, quam liberi parentibus, reverentiam debent *subditi imperantibus*, & hoc non obstante tamen haud quicquam

ad §. 227. h) Quoad hunc & præced. §. conf. Puf. §. 32.

ad §. 229. i) Ut Alberti cap. 10. §. 11.

ad §. 230. l) Grotius II. 5. 12. & Alb. d. 1.

ad §. 231. m) Puf. §. 32.

quicquam juri naturali adversari videtur conjugium *principis cum subditi*, *reginæ cum subdito*, etsi utrobique uxor & maritus characterem subditorum retineant, adeoque illa marito, hic reginæ uxori reverentiam illam exhibere teneantur.

233. Fuit nihilominus, cum putaverim, *n*) *reverentiam* esse prohibitionis causam in lineâ rectâ; neque feriri hanc sententiam ab instantiâ allatâ, quoniam à reverentiâ ex facto humano ortâ, adeoque dispensabili, ad reverentiam à naturâ immediatè debitam & irremissibilem non valeat consequentia.

234. Sed re penitus exacta, ista quidem responsio objectionem non tollit, non quod falsum sit, reverentiam subditorum mediante facto humano oriri, (quæ quidem communis est opinio, de quâ infra suo loco) adeoque reverentiæ Principibus debitæ cum reverentia, qua parentibus obstricti vivimus, eadem sit ratio, sed, quod non omnino veritati videatur esse consentaneum, *reverentiam erga parentes esse irremissibilem*.

235. Etsi enim, ubi ad societatem paternam pervenerimus, demonstraturi simus, quamdiu liberi à parentibus educantur, necesse omnino esse, ut reverentiam iisdem exhibeant, cum sine reverentiâ obsequium, sine obsequio educatio non possit intelligi, & ita parentes ad educationem obstricti reverentiam iisdem remittere haud possint; simul tamen ex ibi dicendis patebit, post educationem absolutam obsequio cessante, solam remanere reverentiam in memoriam pristini beneficii parentibus exhibendam, cui ipsi quia in parentibus merum jus absque concomitante obligatione respondet, non video, cur non eidem etiam parentes renunciare, illudque liberis remittere possint, præprimis cum in honesta familiaritate nulla sit turpitudine.

236. Ita videmus, sæpius patrem etiam honesta in conditione positum cum filio adulto judicio pollente & bonis moribus prædito amica & tali conversatione uti, cujus exempla rarius inter homines æquales allegare possis; neque tamen propterea quisquam eos criminis adversus rectam rationem commissi infi-

ppp mulat;

ad §. 233. n) In disp. de Philos. juris §. 49.

mulat; ut taceam, frequentissimas familiaritates matrum cum filiabus nuptis.

237. Accedit, quod, quantum ad nuptias filii cum matre; jam supra ostenderimus, *reverentiam marito à conjugē ex lege naturali non deberi*, adeoque, etiamsi reverentiam filialem irremissibilem statueremus, quid obstaret tamen, quo minus mater in pacto conjugali reverentiam exigendi jus, quod jam habet, sibi etiam in posterum reservaret?

238. Sequitur ut in *pudorem* inquiramus, ad quem jam suo ævo respexit Paulus Jctus, *contrà pudorem esse asserens, filiam suam uxorem ducere. o)* Atque hic quidem vel ut *communis* causa producit, cur nuptiæ inter personas cognatas & affines sint interdictæ, vel *in specie*, quod conjunctioni parentum & liberorum obsit.

239. Priorem opinionem attentius discutere prolixum nimis foret, quare repetenda solum hic erunt ea, quæ supra p) occasione scortationis de eâ inonimus.

240. Quà *posteriorem* præsupponitur, q) *pudoris* circa partes genitales actumque generationis *duplicem* causam esse. *Primo*, quia istæ vicinæque partes tetram materiam ac fœtidam ejiciunt, unde ne ista imbecillitatis indicia ullatenus pateant, sollicitè superbam hominis indolem ac gloriæ decorisque cupidam cavere solere.

242. Deinde, quia affectibus per lapsum corruptis prava libido per eas partes magno velut cum impetu erumpere arideat, & verò cardo quasi omnis decori ordinis in societate humanâ in hoc vertatur, ut propagatio sobolis sanctis legibus circumscribatur; igitur dignitati suæ conservandæ studentem naturam istum pudorem commentam esse, quo & sollicitè ista membra tegerentur, ne oculis semper exposita irritarent libidinem quovis tempore paratam, & eò magis Venere illicita abtineretur, quod

ad §. 238. o) L. Adoptivus §. serviles de R.N. Grot. II. §. 12.

ad §. 239. p) §. 159.

ad §. 240. q) Recensetur hic & in §§. duobus sequentibus sententia Pufendorffii ex §. 31.

quod & legitimam non nisi tectè & remotis arbitris obire pudoris teneritas subigeret.

242. Istum porro pudorem *insigniter intendi* adversus illas personas, quibus natura *reverentiam* quandam debemus, aut adversus quos *gravitatem* quandam præ nobis ferre debemus, quales præcipuè sunt *parentes & liberi*, ita ut, qui per eundem non reprimatur, quo minus in familiarem istam corporum commixtionem descendere non vereatur, effronti prorsus ingenio, & qui nullum aliud facinus sit formidaturus, judicetur; quare propter hunc potissimum pudorem jure naturæ inter ascendentes & descendentes in recta linea connubia censerì prohibita.

243. Hic ut nihil dicam; *pravam libidinem*, quæ potissimum fundamentum pudoris verè ponitur, ex rationis ductu vix esse demonstrabilem, istud maximè considerandum videtur, quod ratio prohibitionis in *pudore & reverentia* conjunctim quærat.

244. Nam uti de *reverentia sola* sejuncto pudore modo fusius differuimus, *r)* ita, si de *pudore solo* sequestrata reverentia sermo foret, videretur sequi, nulla conjugia esse admittenda, cum omnes homines causam pudoris in se deprehendant, pudoremque adeo inter se sectari teneantur.

245. At, etiamsi *pudorem cum reverentia conjungas*, vereor, ne recurat responsio, quod parentes reverentiam istam possint *remittere*, ne urgeat iterum instantia de *connubio principum cum subditis*.

246. Igitur mallem & hic *imperfektionem rationis nostræ* agnoscere & asserere, connubia parentum & liberorum non esse objectum legis naturalis, sed alterius legis divinæ.

247. Unde & de *reliquis personis*, cum quibus *incestus* hodiè committitur, facillè judicandum erit, incestum illum lege naturali non determinari, quod jam alii demonstrarunt prolixius, *s)* & à multis jam, relicta priori sententiâ, quasi connubia fratrum & sororum etiam contra naturalem legem essent, est receptum.

Ppp 2

248. Si

ad §. 244. r) Conf. Puf. §. 32.

ad §. 247. s) Puf. §. 34. seq.

248. Si itaque hæcenus dicta in summam velimus contrahere, ista quidem *conjugii*, quatenus ex lumine rationis cognosci potest, *definitio* oriretur, quod sit *societas maris & femine generanda sobolis gratiâ*.

249. *Officia conjugum* verò quod concernit, includuntur ista præcepto unico: FACIENDA ESSE AB UTROQUE CONJUGE EA, QUÆ PRUDENTIA DICTAT AD PROPAGATIONEM SOBOLIS, ET POST HANC, AD LIBIDINIS EXPLETIONEM ESSE APTA.

250. *Maritus* igitur obligabitur, ut, quantum ad conceptionem opus est, cum uxore concumbat, neque conceptionem, per nefarios amplexus impediatur, tum ut libidinem uxoris pro viribus restringat, sicutamen, ut hic caveatur, ne proli conceptæ per istud opus damnum aliquod inferatur.

251. *Uxor* autem similiter officium est, ut corporis communionem marito præstet, non solum ad procreationem liberorum, sed etiam extinctionem libidinis.

252. Quare *uterque* graviter adversus suum officium peccant, si poculo *sterilitatis* conceptionem fœtus impediant, aut conceptum *abortum* procurent.

CAPUT III.

De

Legibus Positivis officia conjugalia concernentibus.

SUMMARIA.

Connexio §. 1. Deus conjugium ab initio humani generis munivit legibus positivis, §. 2. 3. non ubique verbis expressis, sed & facta institutionis declaratis, §. 4. 5. 6. 7. quorum I. CRESCITE ET MULTIPLICAMINI, §. 8. per quod tamen lex naturalis

non aucta sed saltem reperita fuit. §. 9. Unde male ita circum-
scribitur: matrimonium ab omnibus hominibus esse ineun-
dum, §. 10. aut exinde deducitur, quod is qui facultate generan-
di pollet, mortaliter peccet, si non uxorem ducat. §. 11. -- 19.
In conjugii institutione Deus respexit etiam ad generationem sobo-
lis: §. 20. an etiam extinctionem libidinis? §. 21. -- 27. Post
lapsum tamen hic finis à Deo toleratur. §. 28. Mutuum adjuto-
rum, qui hodie est tertius finis, in institutione conjugii sub verbis
mutui adjutorii non intelligitur. §. 29. 30. Jus divinum quoad do-
ctrinam de metu, dolo vel errore nihil immutavit, §. 31. & di-
stinctio inter substantialia & accidentalia conjugii hic adhibita
à Legge humana est, §. 32. 33. aut distinctio, utrum sponsus aut
sponsa coacta sit. §. 34. II. QUÆLIBET UXOR MARITO
SUBJECTA ESTO, §. 35. qua lex in statu integritatis non
fuisse §. 36. -- 46. est tamen hodiè universalis. §. 47. 48.
III. CONJUGIUM SIT SOCIETAS INDISSOLUBILIS. §. 49.
Ostenditur fundamentum hujus legis. §. 50. 51. 52. Ejus exceptio-
nes, §. 53. circa quas dissensus Judæorum ob diversè expositam le-
gem Mosaicam recensetur, §. 54. 55. definitus à Christo in dispu-
tatione cum Phariseis. §. 56. 57. Sed circa hanc definitionem,
mira contentiones iterum inter Christianos ortæ sunt, quarum
historia recensetur & indefinita relinquitur. §. 58. -- 70. IV.
OMNEM CONCUBITUM LIBIDINOSUM VITA. §. 71. Un-
de profuit prohibitio scortationis simplicis, bestialitatis, stupri,
concubinatus, §. 72. 73. 74. Concubitus cum uxore menstruata.
§. 75. V. OMNIS POLYGAMIA SIMULTANEA ESTO
PROHIBITA. §. 76. Ostenditur fundamentum hujus prohibitionis
esse in institutione primæva conjugii, §. 77. -- 90. à qua lege Deus
in Veteri fœdere dispensavit totam populum Judaicum. §. 91. 92.
93. Igitur lege divina latius extensus fuit conceptus adulterii,
quam jure naturæ, §. 94. 95. 96. ex dispensatione vero apud Po-
pulum Judaicum iterum suo modo restrictus. §. 97. VI. LENO-
CINIUM NON COMMITTE. §. 98. VII. quoad incestum:
ABSTINE à CONJUNCTIONE PARENTUM ET LIBERO-

RUM FRATRUM ITEM ET SORORUM, ET QUI TIBI PARENTUM ET LIBERORUM LOCO SUNT, QUIQUE DICTIS RESPECTIBUS TIBI SUNT AFFINES §. 99. Circa, quam tamen multa sunt litigia. Supponitur [1] eam esse positivam, §. 100. [2] universalem §. 101. [3] nihil interesse utrum, in statu integritatis etiam obtinuisset. §. 102. [4] Quaestionem hic prejudicalem esse : an prohibitio Dei etiam pertineat ad personas in prohibitione non nominatas ? §. 103. Ad cujus decisionem notatur : omnem legem admittere regulam de extensiva interpretatione ob identitatem rationis : §. 104. rationem legislatoris preferendam rationi interpretis : §. 105. Et rationem Dei rationibus hominum, §. 106. etiam Rabbiorum. §. 107. Recensentur rationes Rabbiorum, §. 108. 109. Et refutantur prolixius. §. 110. -- 127. Explicatur præceptum memoratum distinctè. Per conjunctionem intelligi etiam scortatoriam. §. 128. Rationem legis divina communem à Deo ipso poni in proximitate, §. 129. hanc tamen non opponi debere rationibus specialibus, §. 130. sed hætenus valere tamen, ut, ubi eadem sit sanguinis proximitas, ibi quoque sit eadem prohibitio. §. 131. Computatione graduum hic non esse opus, §. 132. nec inquisitione in rationis rationem. §. 133. -- 135. Initium prohibitionis sumi à conjugis parentum et liberorum §. 136. -- 138. I. regulam specialem esse : JURE DIVINO IN LINEA RECTA NUPTIÆ SUNT PROHIBITÆ IN INFINITUM. §. 139. -- 143. Respondetur dissentientibus §. 144. -- 147. II. IN LINEA COLLATERALI ÆQUALI NUPTIÆ TANTUM SUNT PROHIBITÆ INTER FRATRES ET SORES. §. 148. 149. Ostenditur : Jure divino etiam prohiberi conjugium cum comprivigna, si frater communis adsit. §. 150. -- 171. III. IN LINEA COLLATERALI IN ÆQUALI NUPTIÆ TANTUM SUNT PROHIBITÆ INTER EAS PERSONAS, QUÆ SIBI PARENTUM ET LIBERORUM LOCO SUNT, ETIAM EX UNO LATERE IN INFINITUM §. 172. -- 183. IV. QUÆCUNQUE PERSONÆ RATIONE CONSANGUINITATIS CONJUGUM SUNT INTER-

INTERDICTÆ, ILLÆ ETIAM PROHIBITÆ SUNT ALTERI CONJUGI PROPTER AFFINITATEM. §. 184. -- 210. *Controversia de conjugio cum defunctæ uxoris sorore summatim proponitur.* §. 198. -- 204. *Jus Divinum ignorat tria genera affinitatis,* §. 211. 212. *nec prohibet conjugium vitrici cum privigni vidua aut privigni cum vitrici vidua, quod fufius ostenditur, & dissentientibus respondetur.* §. 213. -- 224. *Princeps non potest aliquid permittere vel dispensare, quod est contra leges has divinas.* §. 225. -- 232.

§. 1.

DEmonstravimus hætenus, quantum ex solo lumine naturæ de officiis conjugalibus doceri possit, unde non mirari debemus, si videamus, sæpius Gentiles in deducendis assertionibus, quarum ratio à nobis, qui Christiani sumus, evidentissime reddi potest, fluctuaverint, & ad jus aliquod non scriptum, vel connatum, aut aliud quid simile, obscuro sensu provocaverint.

2. Nimirum noluit divina Sapientia, hominem societatem hanc maxime naturalem & seminarium humani generis, secundum ductum solius rationis inire, ne quidem in statu integro, sed statim conditis primis parentibus ipsa matrimonium instituit, idque certis legibus munivit *positivis* omnes homines obligaturis, quibus postea & in statu post lapsum alias superaddidit, officia conjugum concernentes.

3. In rationem verò hujus divini instituti, & cur DEUS etiam in statu isto *perfecto* leges positivas legibus naturalibus superaddiderit, ut inquiramus, à nobis non expecta, utpote quibus debitum submississima reverentiæ erga DEUM summum inculcat, noxiè curiosas ejusmodi quæstiones, in rationes factorum divinorum, quas Creatori revelare nobis non placuit, otiose inquirentes omittere. Sufficiet, eas quas ipsius Benignitas legibus promulgatis addidit, pie ac devotè speculari, quatenus iis ad interpretationem, qua declarativam, qua extensivam & restrictivam, est opus.

4. Sem-

4. Semper autem hic ad ea, quæ suprà posuimus *legis positiva divina requisita* respiciemus, & quod Rabbiorum traditiones attinet, ita versabimur, ut eas quidem non plane simus rejecturi, perpetuo tamen easdem subordinaturi scripturæ.

5. Porro cum leges divinæ duplici quasi modo publicatæ sint, *verbis expressis* in scripturam redactis, tum & *facto institutionis divina*, de illis quidem, quin genus humanum obligent, nullum restabit dubium, de his verò præsupponendum est, quod latius demonstrare solent Theologi, *omnem divinam institutionem simul esse divinam legem*.

6. Utque de *institutione conjugii* eo minus dubium restare possit, eam vim legis obtinere, ipse Salvator optimus & authenticus legum divinarum interpret sapius ex primæva illa institutione tanquam ex lege controversias matrimoniales definivit. *a)*

7. Fortè igitur non inconveniens foret, si *leges has divinas* secundum ordinem temporis proponeremus, ab illis videlicet, quæ *statum integrum* comitata sunt, incipiendo, ac inde progrediendo ad *leges lapsum* infectas; quoniam tamen de nonnullis dubium est non parvum, ad alterutrum hominum statum earum promulgatio referenda sit, ut fortè monebimus suo loco, & præterea timendum, ne animus studiosi, cui primario scribimus, distrahatur, si alia methodo hic incederemus, quam capite præcedenti factum fuit, sequendum potius esse istum ordinem judicavimus, perlustraturi adeo, in quantum præcepta juris naturalis à DEO aucta fuerint, & actus quidam lege naturali indifferentes lege positiva præcepti fuerint vel prohibiti.

8. Ergo quod initio præceptum naturale de ineundo matrimonio concernit, *b)* repetiit illud DEUS in prima benedictione, verbis; CRESCITE ET MULTIPLICAMINI, quæ non nudam facultatem hominibus tribuunt, ut subsequenter, & *Do-*
minamini super terram, sed haud dubie obligationem simul ad-

9. Quo-

ad §. 6. a) Conf. disput. nostr. de crim. bigam. §. 37.

ad §. 8. b) Conf. cap. præced. §. 47. Albert. cap. 10. §. 4. p. 171.

9. Quoniam autem DEUS ibidem *legem naturalem saltem repetiit*, & facile consentientibus omnibus, ejus obligationem non auxit, aut hominum libertatem arctius, quam jam per dictamen rationis factum erat, stringere voluit, inde necessario sequitur, ea, quæ superius *c)* præcepto de ineundo matrimonio per modum explicationis & limitationis addidimus, hic quoque esse repetenda.

10. Hinc vereor, ut rectè vis & efficacia voluntatis divinæ circumscribatur: *d)* *Matrimonium ab omnibus hominibus esse ineundum*: Nam, etsi dictamen rationis de conjugio ineundo indefinite universum humanum genus obliget, tamen minus accuratè præcepta de præstandis officiis humanitatis, quorsum & hoc præsens retulimus, *e)* applicantur distributive ad singulos homines. Nam v. g. etsi indefinite homines obligentur ad dandas *elemosynas*, incongruè tamen loqueretur, qui vellet: ab omnibus hominibus dandas esse elemosynas.

11. Ulterius, quia omnia præcepta affirmativa ad sui adimplerionem requirunt occasionem commodam, ideo nimis crasse loquuntur, qui vulgo tantam hujus præcepti obligationem esse volunt, ut is, *qui facultate generandi pollet, mortaliter peccet, si non uxorem ducat. f)*

12. Quasi DEUS velit, ut juvenes, qui sæpius ultra pueros sapiunt parum, & ad personam patrum familias gerendam sunt inepti, animum ad uxores applicent, aut qui sibi suisque nil nisi strenuam esuritionem possunt polliceri: civitatem mendicabulis impleant. *g)*

13. Quæ sententia fortè originem sumsit ex Doctrina *Rabbinorum, h)* docentium, ex præcepto illo divino, crescite & mul-

Qqq

tripli-

ad §. 9. c) d. §. 47. seqq.

ad §. 10. d) Ita circumscribit Alberti d. l.

e) d. c. præced. §. 50.

ad §. 11. f) Vide Schvverneri

disput. an Politicus debeat carere religione, pudore, uxore?

ad §. 12. g) Conf. cap. præced.

§. 54. 55.

ad §. 13. h) Vide Pufend. §. 6.

tiplicamini, omnes masculos teneri, ut ante expletum annum vigesimum uxorem ducant, nisi aut assiduo legis studio quis incumbat acriori libidinis stimulo immunis, aut partium, quibus viri sumus, defectu, generationi sit impar.

14. Et hanc conjecturam juvat valdè, quod vulgo easdem limitationes soleant addere, *i*) quas Rabbini addebant, nullum hominem subterfugere licitè conjugium, nisi obstat præceptum superius, de vocatione nempe divinâ ad *donum continentie* servandum, aut *impotentia*, quasi res sit conclamata, si modò hæc duæ limitationes observentur.

15. Nam uti de *impotentibus* nullum est dubium, quin ad matrimonium sint inepti, uti etiam cœlibatus eorum, quibus donum continentie divinitus indultum est, non solum pro actu licito, sed & maximè pro justo est habendus; *l*) ita praxis totius Christianismi repugnat, quod ii omnes peccent, qui *donum continentie non habentes* post annos pubertatis, vel etiam annum vigesimum uxores non ducunt.

16. Cum enim exempla horum, qui ante vigesimum annum uxores ducunt, sint rarissima, sequeretur profectò, *enormia peccata ab omnibus Christianis Principibus cujuscunque religionis tolerari*; sequeretur, insigniter peccari à *Theologis & concionatoribus*, quod Politicis non persuadeant, quò per leges pœnales omnes puberes ad matrimonia sine discrimine mediorum sustentandi & commoditatis ineunda compellantur.

17. Neque dicere poteris, homines nostros prærogativam habere præ Gentilibus, eosque omnes aut plerosque, qui à matrimonio abstinent, habere donum continentie, quippe non solum vita communis, & subsequencia quotidie conjugia contrarium evincunt, sed & Theologi inculcare solent, *donum continentie* hodiè inter rarissimè contingentia esse referendum, adeoque præsumi non debere. *m*)

18. Sed

ad §. 14. i) Vide Alb. d. c. 10. §. 4.

ad §. 15. l) Vide Havemann. Gamol. p. 370. seq.

ad §. 17. m) Vid. Alberti §. 5.

18. Sed, inquires, vel ideo omnes ac singulos homines ad generandum aptos stringet præceptum de ineundo conjugio, quia est affirmativum, n) *affirmativa autem præcepta æquè ac negativa obligant semper & pro semper*, hoc est, omni loco & tempore, solamque hanc admittunt exceptionem, si obstat præceptum superius.

19. Hic vero regeram ego, falsum esse, quod hic asseritur, & vel ex instantia de lege divinâ, *que orandum esse præcipit*, (quoniam hæc ut divinum cultum concernens superius præceptum non habet) refutari potest. Et si enim Apostolus inculcat, orandum esse sine intermissione, quis tamen inde inferret, orandum esse omni loco & tempore, ita ut peccet, qui orationem intermitat per aliquot momenta, ut corpus modicè refocillet, aut functiones alias honestas impleat.

20. Pergo nunc ad ipsius matrimonii considerationem, cuius finem duplicem superius demonstravimus, sobolis procreationem & extinctionem libidinis. o) *Illam præ hæc principaliter etiam à DEO intentam esse in institutione conjugii*, ostendunt verba historiae sacre, quibus indicatur, ob mutuum adiutorium Deum condidisse Evam, quoniam ex bestiis nulla Adamo adiutorium præstare poterat, hoc est, non sufficiebant bestię ad sui simile procreandum, etsi sufficiant eadem ad extinctionem libidinis.

21. An verò & in statu integro extinctio libidinis finis conjugii secundarius fuerit, difficile dictu est. Sunt enim, qui putant p) libidinem omninò à statu integro abfuisse, sunt tamen qui arbitrantur, Adamum, etiamsi mansisset integer, magnam delectationem ex congressu conjugali sensurum fuisse, ac cum uxore gravida fuisse concubiturum. q)

Qq q 2

(22. No-

ad §. 18. n) Ita Alb. d. §. 4.

ad §. 21. p) Vide Albert. cap.

10. §. 26. p. 184.

ad §. 20. o), Vide cap. præced. §. 64. seqq.

q) Vide Velthuyf. de scortatione.

22. Nobis hic videtur separanda esse significatio *libidinis physica*, quæ consistit in delectatione tactus venerei, à *moralis*, cujus descriptionem suprà dedimus. r)

23. *Illæst actus indifferens*, & non magis exulasset à statu integro, quam honesta delectatio esum & potum comitans, vel alia hominis sensoria afficiens; fuit enim illa ex dispositione & structurâ mirandâ corporis, quæ eadem fuit in statu perfectio atque est hodie, cum jam Theologi ostenderint, peccatum non affectis substantiam hominis.

24. *Hæc vero peccatum est*, & peccati originalis non minima particula, quæ non solum à genuino fine, cur instinctum ad unionem corporum homo sentiat, aberrat, sed rationi quam maxime repugnat & refragatur, unde non potuit adesse in primævo ac beato statu.

25. Nunquam enim ad solam delectationem protoplasti usu fuissent cibo ac potu, ergo multo minus re venerea.

26. Accedit, quod maxime in præsentivita libidinem augeat abundantia seminis orta ex luxuria & intemperantia edendi ac bibendi: At in statu integro omnis quoque luxuria exulasset.

27. Quæ omnia conjunctim cum & maritum impellant ad congressum cum uxore gravidâ, non probabile est, protoplastos post conceptionem factam fuisse concubituros.

28. At in statu post lapsum DEUS hunc finem in matrimonio ut secundarium tolerat. s)

29. Duobus his finibus addidimus etiam t) *mutuum adjutorium in negotiis domesticis*, quod uti haud dubiè in statu post lapsum institutioni divinæ non repugnat, ita mirandum, inter Christianos reperiri, qui id ipsum etiam in statu integro per verba: *Faciamus homini mutuum adjutorium*, fuisse à DEO intentum opinantur. u)

20.

ad §. 22. r) Cap. 2. §. 140.
ad §. 28. s) *Inculcat enim Paulus*: ob scortationem quemlibet habere debere uxorem propriâ.

ad §. 29. t) cap. 2. §. 74. seqq.

u) Vide Dn. Becman. *Medit. Polit. dissert. 7. th. 9.*

30. Quasi non ipsa sobolis generatio in illis verbis denotetur, x) & quasi opem Evæ deliderasset Adam ad acquirendas & conservandas opes, ad regendos servos, educandam sobolem, utpote quos actus omnes ignorasset status primævus.

31. Porro quæ supra y) fufius differvimus de *consensu per metum, dolum vel errorem* impedito, iis nihil novi adjecit jus positivum universale, sed relinquit legibus humanis augenda tranquillitatis civilis gratia specialiora superaddere.

32. Unde ortum suum traxit distinctio inter *conjugii substantialia & accidentalia*. Nam jus divinum universale nulla substantialia conjugii novit, quam quæ ad sobolis generationem faciunt.

33. Hinc etiam est, quod leges civiles in determinatione substantialium sapius varient. Nam jus Canonicum *virginitatem* negat esse qualitatem essentialem, pro tali vero eam habent mores nostri, haud dubie ad jus Forense Mosaicum respicientes, utpote quo, si quæ pro virgine se gesserit, post deflorata fuerit deprehensa, non tantum licite repudiabatur, sed & pœnæ insuper erat obnoxia. z)

34. Quorsum etiam pertinet, quod legibus Ebræorum civilibus id peculiare quoad metum erat, ut si sponsa *vi aut metu* coacta fuisset, irrita forent sponsalia, non item, si sponsus coactum se diceret, quoniam neque de vi eidem illata, neque de ipsius metu æque præsumebatur, & repudiare eandem pro arbitrio poterat, si conditio displiceret. a)

35. Venio ad *imperium mariti*, quod citra consensum uxoris ex dictamine rationis demonstrari non posse satis, ut puto, deduximus: b) sed hic superaddit lex divina universalis præceptum: QVÆLIBET UXOR MARITO SUBJECTA ESTO.

Qqq 3

36. Extat

ad §. 30. x) Conf. §. 20.

ad §. 31. y) Cap. 2. §. 85. seqq.

ad §. 33. z) Puf. §. 26.

ad §. 34. a) Puf. d. §. 26.

ad §. 35. b) Cap. 2. §. 105. seqq.

36. Extat hæc lex inter *pœnas lapsus*, simile quid in *statu integritatis* à DEO fuisse conditum, scriptura non revelat, ergo cur nos tale quid fingeremus?

37. Præprimis cum mox ab initio docuerimus, c) non svadere rationis dictamen, DEUM in statu integro Evam subijcere voluisse Adamo, quoniam communis causa imperii inter homines est *imperfectio*, quæ Evæ tum temporis tribui non poterat.

38. Quod argumentum tamen, ut vides, saltem eò tendit, quod imperium mariti ex ratione demonstrari non possit, non verò, quod idem rationi sit adversum.

39. Unde nos nequaquam feriet, si quis daturus sit instantiam *de Angelis*, d) tanquam in quos nulla cadat imperfectio, cum tamen hoc non obstante inter ipsos sit regimen & subiectio, quoniam Dominationum & potestatum titulos de iis prædicat scriptura.

40. Nam etsi hic responsi loco afferre possemus, adhuc esse dubium, an hæc nomina sint solius ordinis, an & imperii simul; foret tamen evidentior responsio, rationis dictamen nullam causam suppeditare, ut inter angelos imperium asseramus, neque tamen rationi id repugnare omnino, ergo cum id scriptura nobis inculcaverit, credi à nobis, non sciri; simile quid verò de imperio mariti dici non posse.

41. Itaque cum in rebus à revelatione divina dependentibus nihil temere debeamus fingere, fortè non sine causa quis in admirationem rapi posset, què evenerit, ut communiter scripturæ interpretes statuerint, *Evam marito etiam ante lapsum fuisse subiectam*, & saltem istam subiectionem post lapsum in pœnam ejus fuisse auctam, ut cum antea se sponte directioni mariti submisisset, postea cum renitentia & dolore animi id fieret, cum tamen expositionem hanc & textus & prægnans destituat ratio.

42. Sed

ad §. 37. c) l. i. c. 2. §. 29.

ad §. 39. d) *Quæ instantia nobis data fuit ex Col. 1. Ephes. 1, à*

Theologo quodam venerando, cum quo meditationes nostras communicaevramus.

42. Sed videlicet causam huic opinioni videtur præbuisse insignis aberratio à regulis analyséos Logicæ, cum nempe legerunt ab Apostolo docente, e) quod non conveniat, ut uxores imperent maritis, duas addi huic doctrinæ rationes, unam, quod Adamus prius creatus fuerit Evâ, alteram, quod non Adamus, sed Eva fuerit à serpente seducta.

43. Quippe si ex rationis ductu resolvere doctrinam Apostoli velis, ista quidem evadet periphrasis. Non convenit, ut uxores imperent maritis, sive statum integritatis respicias, sive consideres statum post lapsum. Ibi enim; quo jure pretendere potuisset imperium fœmina, (posito quod imperium fuisset in statu integro) cum tamen Adamus in summâ libertate à DEO fuerit conditus, & postea nihil commuerit, ut Creator ipsum libertate privaret suâ; ac Eva ex ipso Adamo fabrefacta subjiceret, sed potius convenientius fuisset, si ex conjugibus unus in illo quidem statu alteri debuisset subjici, ut Eva tanquam posterius creata, neque adeo ante Adamum libertate omnimodâ pollens regimini mariti fuisset addicta. At in statu post lapsum tantum abest, ut uxor vindicare sibi imperium debeat in maritum, ut potius eadem propterea, quod prius se seduci passa fuerit, in penam commissi criminis mariti imperium agnoscere fuerit coacta. &c.

44. Illi vero contra præcepta Logicæ & contra intentionem Apostolicam, statum controversiæ seu thesin Apostoli mutarunt, & quas ipse contra imperium uxorum adduxit rationes, ac si pro imperio mariti stabiliendo ab ipso allatæ fuissent, interpretati sunt, eo modo, ut per posteriorem probaretur imperium mariti in statu post lapsum, per priorem vero in statu integro eidem assereretur, quam expositionem haud dubie promovit, quod viderent posteriorem rationem in utriusque assertionis comprobationem valere, unde putarunt idem procedere in priore.

45. Ostendit autem simul periphrasis nostra, non frigere illuminationem Paulinam, etsi ultra nostram interpretationem non extendatur, adeoque exinde facile satisfieri posse objectioni, si quis afferre

afferre velit, nullam esse sequelam; Adam prius creatus est, non Eva, ergo uxor marito imperare non debet; nisi ex illa prioritate, ad quam Spiritus digitum intendit, de imperio judicandum esset.

46. Quod si ulterius instare velis, non sine Myſterio Evam non modo non ante Adamum, sed nec cum eo esse conditam, ut nimirum nec ipsi imperaret, nec par & æqualis ipsi sed subiecta foret, responderem, committi fallaciam non causæ, ut causæ, & valere hoc saltem argumentum ad illustrationem assertionis de imperio mariti jam demonstratæ, non valere ad solidam ejusdem probationem. f)

47. Ergo maneamus inconcussi in doctrinâ nostrâ, pertinere hoc præceptum solum ad statum lapsus, quo pacto tamen nihilominus erit *positivum universale* omnes uxores afficiens, quemadmodum pœna Adamo dictata afficit omnes masculos.

48. Simul illud exinde inferimus, quoniam hæc subiectio à DEO fœminis injuncta fuit non in favorem & præmium mariti, sed in odium & pœnam sexus fœminei, cujus quasi executor saltem maritus à DEO est constitutus, igitur non esse in mariti arbitrio positum, vel per pacta connubialia vel per tacitam conniventiam imperii domestici habenas relinquendi uxori, g) sed qui hoc faciunt, non minus peccare ac v. g. magistratus inferiores, pœnas delinquentibus non inferentes, & jus aggratiandi, quod soli Legislatori relinquendum est, sibi arrogantes.

49. Rursus, quod quæstiones h) de dissolubilitate conjugii concernit, noluit divinum numen ejus decissionem relinquere
ratioci-

ad §. 46. f) Huc pertinet aliorum observatio: Evam non creatam esse ex capite Adami, ne prætenderet imperium, neque ex pedibus, quia non fuerit subiecta viro, sed ex femore utpote sociam.

ad §. 48. g) Neque tamen amor conjugalis per illam legem est sub-

latus. At amor coactionem excludit. Igitur distingue. Peccat maritus, si uxori imperium tradat, non peccat, si illud in morigeram non exerceat.

ad §. 49. h) Quas ventilavimus in §. 115. seqq.

rationationi humanæ, sed obicem eidem posuit promulgando legem positivam: CONJUGIUM SIT SOCIETAS INDISOLUBILIS.

50. Publicata fuit lex ista ¹⁾ in Conjugii institutione, etsi verbis disertis eadem à Mose non ibidem memoretur, sed latet tamen in istis verbis institutionis: *Propterea deferet homo patrem & matrem, & adglutinabitur uxori sue, & erunt duo in carnem unam.*

51. Etsi vero non negemus, varia argumenta eaque non in-erudita afferri posse, si quis secundū regulas interpretationis doctrinalis ex istis verbis argumentum contra divortiorum licentiam, velit extruere, præciduntur tamen omnia uno ictu, quod Salvator noster in disputatione adversus Phariseos ex illis verbis conclusionem istam intulerit: *1) Itaque jam non sunt duo sed una caro. Quod ergo Deus copulavit, homo ne separet.*

52. Nam interpretatio authentica, qualis est illa Christi, non adstringitur regulis interpretationis doctrinalis.

53. Quemadmodum autem leges positivæ subjacent limitationibus & dispensationibus legislatorum, ita & præsentī limitationem indulsit clementissimum numen, de cujus tamen expositione maximè variant scriptores, in tantum, ut eam quæstionem pro latebrosissima jam suo tempore agnoverit Augustinus. *m)*

54. Nimirum cum Moses in legibus forensibus concesserit Judæis, ut uxoribus ob causam turpitudinis libellum repudii darent, de sensu legis hujus statim ortæ fuerunt dissensiones, cum alii putaverint, *cogi maritum*, ut in causâ adulterii uxorem dimittat, alii contra *licentiam* saltem indultam esse docuerint. *n)*

Rrr

55. Ite-

ad §. 50. i) Vide disput. de crim. bigam. §. 40.

ad §. 51. l) Matth. XIX. 3. seq.

ad §. 53. m) Vid. Strauch. tit.

35. Jur. publ. p. 176. Locum Augustini refert Seldenus de Uxore Hebraica l. 3. c. 31. p. 447.

quem ad hunc & seqq. §§. usque ad §. 72. conf. etiam d. l. 3. à cap. 18. usque ad finem libri, & disput. Linckii de divortiis.

ad §. 54. n) Vide disput. de crim. bigam. §. 38. in fine.

55. Iterum Schola Schammæana per turpitudinem à Mose intelligi tantum *adulterium* voluit, Hilleliana verò de *quavis causa*, ob quam mulier viro non placeat, legem dictam exposuit, quæ posterior sententia etiam magis à Judæis videtur in praxi fuisse observata. o)

56. Quare omnino ad istam litem videntur respexisse Pharisei, Christo quæstionem proponentes : p) *an liceat divortium, facere ab uxore, qualibet ex causa ?* &, cum Christus negative responderet, atque ad primam conjugii institutionem eos remitteret, simul ad legem antiquam, quod nempe *jusserit* Moses dare libellum repudii, provocantes.

57. Ipse vero Salvator non obscure Schammæanam doctrinam ibidem probat, asserendo, omnem qui uxorem suam dimittat, excepta causa *fornicationis*, & aliam ducat, committere adulterium, alteramque sententiam de *jussu* legis Mosaicæ tacite improbat, ostendendo, quod Moses saltem repudium ipsis ob cordis duritiam permiserit.

58. Non minor autem quoad *interpretationem verborum*, Christi ortus est dissensus, cum initio nonnulli fuerint, qui putaverint, ea, quæ Redemptor ibidem cum Phariseis disputat, pertinere *ad solos Judæos*, Christianis verò non licere repudium dare, ne quidem ex causa fornicationis. q)

59. Alii contra id quidem *licere* arbitrati sunt, non autem *præceptum* esse, quod posterius tamen etiam, qui defenderent, non defuerunt, fuit siquidem ea de re sententiarum divortium inter *Hieronymum & Augustinum*. r)

60. Porro alii, qui licentiam divortii Christianis ex causa adul-

ad §. 55. o] d. disp. ibid. Vid. Seldeni Uxor Ebr. lib. 3. c. 20. p. 325. seqq. ubi dicitur, quod secta Hilleliana per filiam vocis fuerit confirmata.

ad §. 56. p] d. Matth. XIX. 3. seq.

ad §. 58. q] Vide Pufend. §. 23. in fine, ubi citat Buxtorffium. Ambrosium citat Lincke d. disp. p. 30.

ad §. 59. r] Vide Havemann. Gamol. l. 3. tit. 6. n. 3. & 4.

adulterii indulserunt, non convenerunt, *utrum maritus vicā adulterā aliam ducere posset, nec ne. s)*

61. Denique etsi in eo conveniant ferè scriptores, à Christo sententiam Hillelis & adeò divortiorum laxitatem fuisse improbatam, id tamen adhuc acriter disputari potest, an sub voce, *πορνεία*, [fornicatio] solum delictum adulterii vel concubitus illiciti, an vero & alia delicta majora intelligantur, quæ aliàs in scripturâ sacrâ vocabulo fornicationis denotari solent. t)

62. Quibus posses & istam controversiam addere, an licentia divortii ob adulterium etiam ad feminas pertineat? Sane Justinus narrat, de muliere Christianâ, quæ pietatis causâ marito infideli & flagitioso Anno Christi 150. repudium dederit, adducunturque familia exempla Teclæ & Fabiolæ. u)

63. Sed non minimum scrupulum injicit lex Constantini M. quâ licentiam divortii coarctat, ut femina marito ob solum homicidium, crimen medicamentarium x) & sepulcrorum dissolutionem, maritus verò femina tantum moecha, medicamentaria & conciliatrici y) repudium dare possit. Vides enim in causis, ob quas femina maritum dimittere poterat, non esse adulterium. z)

64. Et tamen non prætereundum est, cum istam legem promulgaret Constantinus, patres Nicænos plerosque in vivis fuisse, eique in rebus Christianismi à consiliis, quin & clerum apud eum ita gratiâ sub id tempus polluisse, ut Episcoporum judicio, ac ferme soli, causas undiquaq; omnimodas permiserit. a)

65. Neque illud omittendum, dubium antehac fuisse, quî Paulus, præter adulterium & *malitiosam desertionem* admittens, cum Christo conciliaretur, quâ in're tamen propè conspirant, Christum loqui de causis, ob quas divortium fieri possit, Paulum

Rrr 2

vero

ad §. 60. s) Seldenus l. 3. c. 31. p. 441.	ad §. 63. x) Veneficii crimen.
ad §. 61. t) Seldenus d. l. 3. c. 28. & 31.	y) Lena.
ad §. 62. u) Strauch. d. l. p. 173.	z) Seldenus l. 3. c. 28. p. 412. seqq.
	ad §. 64. a) Seldenus d. l.

vero non de causis repudii mittendi, sed de tuendâ libertate conjugis innocentis, à quâ alter injustè fecit divortium.

66. Istæ autem controversiæ docebunt, non adeò mirandum esse, quod ex Jctis etiam nostratibus, quidam magnæ auctoritatis, defenderint, *adhuc hodiè in arbitrio potestatis publicæ esse, plures causas, præter adulterium & desertionem præscribere, quibus divertere liceat, causâ tamen in judicio cognitâ.* b)

67. Nec adeò levis & de nihilo judicanda sententia *Miltonii, c)* etsi passim vapulet, defendentis, etiam per principia religionis Christianæ *mores intolerabiles ac disparitatem & renitentiam animorum* inter conjuges sufficientem esse divortii causam, imò si qui tam malè comparati deprehendantur, omnino separari debere.

68. Etenim quæ de *disparitate animorum* ipse assert, d) non magnam discussionem mereri videntur, cum ipse nescio quam ideam mulieris, viri sapientis & literati genio potissimum congruentis, formet, quæ studiorum sese consortem ferre queat, aut meditationibus festum argutis jocis recreet, curisque ac tristitia correptum eleganti oratione erigat, quo pacto pauca invenies matrimonia virorum sapientum, quæ ex eâ causâ non possent dissolvi.

69. At quod de *moribus intolerabilibus* asseruit, etsi rationibus non omnino justis propugnaverit, videntur tamen pro eo paucis afferri posse, quod, ut modo diximus, nondum determinatum sit inter Christianos, *utrum Christus in disputatione contra Phariseos solum adulterium excipere voluerit, nec ne?* e)

70. Quod si hoc maximè concedas, posses tamen fortè à *malitiosa desertione* argumentum pro ipso afferre. Quoniam enim passim Consistoria desertioni isti æquiparant *pertinacem debiti conjugalis denegationem, f)* videndum erit, annon regulariter cum mori-

ad §. 66. b) Srauch d. I. Jur. publ. p. 176.

ad §. 67. c) Vide Pufend. §. 24. Conf. Linkii disp. de divortiiis.

ad §. 68. d) Vide Puf. d. I.

ad §. 69. e) Puf. d. I. Conf. §. 61.

ad §. 70. f) Ita respondit Consistorium Liplienſe anno 87. Adde Lanck. disp. de divortiiis.

moribus ejusmodi intolerabilibus denegatio debiti fit conjuncta, aut an debitum conjugale à personâ, cujus mores intolerabiles sunt, honestè exigi possit?

71. Sed litem tot seculis actam, ego quidem non definio, pergo potius g) ad *moralitatem libidinis* secundum doctrinam legis positivæ, quæ id præceptum addit: OMNEM CONCUBITUM LIBIDINOSUM VITA.

72. Ubi repetendum, quod paulò ante ostendimus, *libidinem in statu integritatis* non fuisse, sed sequi vel concomitari eandem peccatum originale. Quare non poterit non concubitus, qui solam libidinis extinctionem intendit, esse peccaminosus, quoniam sic peccatum in actum deducitur, unde non solum *scortationis simplicis & stupri*, sed & maxime *bestialitatis* turpitudine dependet.

73. Et ne dubium remaneat, non solum Deus in specie criminibus, quibus gentes se conspurcasse dicuntur, accenseret *utriusque generis sodomiam*, h) indicio, hoc delictum initio vel per *institutionem primæ conjugii*, vel in aliis legibus Adamo vel Noacho publicatis esse prohibitum, sed & sapius inculcat, *scortatores & adulteros* non perventuros esse in regnum cælorum.

74. Porro, quoniam Apostolus docet, propter *evitationem scortationis quemlibet habere debere uxorem propriam & vice versa*, adeoque solum matrimonium remedium unctionis DEUS esse voluit, inde fluit, quod & *stuprum*, in quo per accidens intenditur sobolis generatio & *concubinatus* jure divino sint interdicti.

75. Quin & id præsumendum est, *concubitus cum uxore menstruata* i) primis temporibus fuisse interdictum; non solum, quod iterum gentes dicantur se hoc crimine polluisse, sed & quod ejusmodi concubitus primario non obtineat generationem sobolis.

Rrr 3

sed

ad §. 71. g) Vid. cap. præced.
§. 140. seqq.

ad §. 73. h) Lev. 18. v. 22. seqq.

ad §. 75. i) Omisit hoc præceptum
Seldenus & in libris de Uxore He-

braica, & in libris de Jure Naturæ & Gentium secundum disciplinam Hebræorum. Confer tamen Daffov. in Coll. MSC. ad Leviticum c. 18. v. 19.

sed saltem per accidens. Huc pertinet, quod quidam referant, ^{l)} Hebræorum legibus patri fœtus, qui mutilus erat editus, pœnam lapidationis fuisse dictatam, tanquam qui ab uxore immundâ abstinere non potuisset.

76. Jam *polygamiam* tangit ordo, quam superius, ^{m)} siue sit virilis, siue muliebris, ex Jure naturali demonstrative oppugnari non posse, ostendimus; Alia est ratio legis positivæ universalis, quæ dictat: OMNIS POLYGAMIA SIMULTANEA ESTO PROHIBITA, quoniam DEUS in conjugii institutione, quæ vim legis habet, unum uni fœminæ junxit, ergo simul prohibuit polygamiam utramque.

77. At, inquires, ⁿ⁾ si institutionem conjugii ad polygamiam prohibitionem extendimus, sequeretur, hominibus & *alias circumstantias*, quæ in primæva institutione affuerunt, per modum legis esse observandas v. g. quod protoplasti nudi fuerint, quod institutio facta fuerit *sub dîo*, quod à DEO ipso, *sine sacerdotis interventu*, *sine præsentia parentum & cognatorum*, *sine hospitibus*, *sine musica*, *sine cibo & potu*, *sine arrha & annulis* &c. quæ singula si hodiè in matrimoniis vellemus observare, non solum foremus ridiculi, sed & peccaremus in quibusdam contra dictamen rectæ rationis. ^{o)}

78. Ut hoc dubium removeatur, solent aliqui inter *essentialia* conjugii & *accidentalia* distinguere; ita ut argumentatio de vinculo institutionis primævæ locum habeat quidem in conjugii essentialibus, *materia* nempe ejusdem, seu personis contrahentibus,

1] P. Ærod. rer. judic. f. 86.

ad §. 76. m] vid. cap. præced. §. 200.

ad §. 77. n] vid. disp. de crim. bigam. §. 41. 42. 43. 44. ex quibus excerpti sunt b. l. §. 77. seq. usque ad §. 90. Habes hic summam tot librorum hoc seculo pro licentia Polygamie & contra eam scripto-

rum, Lyseri modo sub Sinceri Wabrenbergii, modo sub Theophili Alethæi, modo sub Athanasii Vincentii, modo sub alio nomine latentis, Musæi, Christiani Vigiliis sive Gesenii, Feltmanni, Diecmanni, Brunsmanni aliorumque.

o] e. g. si quis vellet nuptias sine consensu Parentum inire.

tibus, & forma, seu indivulso maris & fœminæ vinculo, at non procedat in accidentibus id concomitantibus, de quibus formata sit objectio. Sed ostendimus jam alibi, hanc responsionem implicare magis, quam ut nodum solvat.

79. Quare potius dicendum, omnes circumstantias negotii à DEO instituti hominibus per modum legis esse observandas & pro essentialibus habendas; modo appareat, DEUM in iisdem singulare quippiam & ad negotium ipsum pertinens intendisse, aut easdem ex post facto non iterum sustulisse.

80. Jam igitur constat, DEUM primum par protoplastorum eum in finem creasse, ut per ipsos mediante matrimonio genus humanum propagaretur. Quod si itaque voluisset permittere, ut una fœmina pluribus viris vel unus vir pluribus fœminis posset in conjugio jungi, haud dubie plures masculos aut plures fœminas creasset, præprimis cum ab initio multiplicatione generis humani, quam potissimum urgent polygamix virilis defensores, magis quam hodiè fuerit opus.

81. Infero exinde, per hanc circumstantiam *unius maris & unius fœminæ* DEUM singulare quid ratione ipsius conjugii intendisse, adeoque eandem ad essentielles circumstantias esse referendam.

82. Nec obstat, quod defensores polygamix dicant, ideo DEUM unum tantum par hominum creasse, quod voluerit, ut ab uno sanguine omne genus hominum descenderet. Quemadmodum enim hæc assertio nobiscum non pugnat, cum unius circumstantiæ DEUS potuerit plures habuisse rationes, & prætereà hæc ratio etiam singulare aliquod circa ipsum conjugium intendat, quod nobis sufficit, ita nescio, an exinde firmum aliquid inferre possint.

83. Et si enim statuant, hunc finem non fuisse obtentum, si DEUS plures fœminas creasset, easque Adamo junxisset, vereor tamen, an hæc sententia demonstrari queat, cum non solum verior nobis videatur Physicorum opinio, statuentium, ex semine masculino saltem prolem generari vel certè vivificari, sed & ipsa scriptura

scriptura frequentius phrasi ista: *Hominem generari ex sanguine maris*, utatur, & in Jurisprudencia etiam fratres, qui ab uno patre descendunt, consanguinei non sine ratione dicantur.

84. Jam quod instantias polygamorum concernit, quis non videt, *nuditatem* primorum parentum circumstantiam esse, quæ non specialiter ad ipsum matrimonium pertinet, sed & haud dubie, si homo mansisset integer, etiam in cœlitibus habuisset locum, ut taceam, ipsum DEUM nuditatem primorum parentum post lapsum obtegisse eamque sustulisse.

85. Quod *sub dio* primum conjugium fuerit celebratum, iterum ad ipsum conjugium in specie nihil facit, cum tum temporis nulla fuerint ædificia, & præterea circumstantia loci fere semper inter accidentales referri debeat.

86. Ipsum vero DEUM nolle conjugia hodierna hominum copulare, exinde constat, quod non ita nobis cum, ut cum Adamo DEUS conversetur.

87. Denique, quod de *Sacerdote*, *parentibus*, *hospitibus* & *reliquis circumstantiis* urgetur, nihil adversus nos facit, cum asseruerimus saltem, nullam circumstantiarum, quæ in institutione negotii alicujus à DEO facta, affuerunt, homini esse omittendam, non vero, nullas alias esse addendas; possunt enim accedere & aliæ decoris in vita humana observandi gratia, modo per eas primæ non tollantur. *p*)

88. Sed quid opus disputatione prolixiore ex regulis interpretationis doctrinalis desumptæ? Ipse Christus, cujus explicatio utique pro authentica haberi debet, in disputatione cum Pharisæis superius recensita clarissime ostendit, bigamiam utramque & muliebrem & virilem in institutione primæ esse prohibitam, dum ad institutionem conjugii provocat, dicens: *Initio non erat sic. q*)

89. Quam-

ad §. 87. p] *Simile quid obtinet in administratione sacramentorum.*

ad §. 88. q] Conf. hujus cap. §. 49. seqq.

89. Quamvis enim de Polygamia disputatio ista non fuerit instituta, licebit tamen ex ejus assertionem firmissimè thesin nostram per argumentum deducere. Nam si fœmina, quam vir tamen dimiserat, nubendo alii adulterium committit, multo magis adultera erit, quæ non dimissa à priore marito alium assumpsit. Quod si mœchatur, qui dimissa priore uxore seu invita seu volente, aliam ducit, multo magis mœchabitur, qui retentâ priore seu volente seu invita superinducit alteram.

90. Connexio tam firma est, ut ulteriorem probationem non admittat. Et quamvis mirè sudent polygamiae amasii, ut eam infringant, quam ob rem asserunt: Adulterium, in dicto loco Christi, non committi per ductionem alterius, sed per ipsum repudium, commentum tamen hujus vanitatem jamdudum demonstrarunt alii. *)

91. Jam facilis est responsio ad exempla polygamiae virilis, de cujus licentia potissimum disceptatur in populo Judaico. Qui polygamiam ex Jure naturali impugnant, necesse habent, aut dispensationem admittere in Jure naturali, aut asserere, DEUM tollerasse saltem polygamiam, non approbasse.

92. Neutrum procedere commodè potest. Jam enim supra *) ostendimus, jus naturale non admittere *Dispensationem*. Tolerantiam autem DEI nudam præter alias rationes impugnat, quod DEUS inter beneficia Davidi præstata numeret, quod ipsi plures uxores dederit. Ut taceam, non præsumendum esse, quod patriarchæ & viri reliqui sancti veteris testamenti vixerint in peccato continuo.

93. Quapropter cum horum tantum intuitu specialis dispensatio facta esse nunquam legatur, mallet dicere, DEUM ab observatione legis hujus positivæ universalis per modum dispensationis exemisse totum populum Judaicum, sed usque saltem ad adventum Salvatoris.

Sss

94. Ex

ad §. 90. 1] *Musaüs contra Lyserum* à §. 18. ad 52. *Diecm.* in Brev.

Exam. & in vindic. iterat. §. 28. 29. 30.

ad §. 92. 5] *Lib. 1.*

94. Ex dictis vero apparet, quod lex positiva divina *extendat conceptum adulterii*, cuius turpitudinem secundum ductum solius rationis supra *t)* deduximus saltem ex eo, quod sit contra præceptum de fide data servandâ & præceptum de non lædendis aliis.

95. At ex lege divina etiam pro adulterio habendum erit, si quis potestatem cum alio vel alia concumbendi *per pactum sibi reservare voluerit*, aut concubitus fiat *consentiente* altero conjugē, quia tunc videlicet peccatur contra præceptum de *libidine & polygamia* vitandis.

96. Simul illud patescit ex lege institutionis primæ, adulterium *tam à marito*, etiam si *cum soluta* rem habeat, quam ab uxore committi posse, unde huic maximè convenit definitio adulterii à nostratibus recepta, quod sit violatio fidei conjugalī.

97. Denique & ratio non est occulta, *cur apud Judeos pro adulterio saltem fuerit habitum*, cum quis cum uxore aliena concumberet, non si soluta concumberet cum marito, *u)* quia nempe polygamia viris erat indulta. Neque adeo mirandum, eandem definitionem adulterii à Romanis fuisse retentam, quia hi à Græcis leges suas habuerunt, Græci multa acceperunt mediante philosophia Barbaricâ ex moribus Judæorum.

98. Igitur & ea lex divina ex prohibitione polygamix & libidinis per modum conclusionis deducitur *x)* **LE-NOCINIUM NON COMMITTE.** Scilicet & vulgare illud, & quod in specie à conjugibus, marito maxime, patrari solet.

99. Ultimo loco & de *incestu* videndum. *y)* Atque hunc quidem disertissimè prohibuit lex divina universalis, cuius dispositionem his verbis summam circumscribimus. AB-

STINE

ad §. 94. t) vid. cap. præced. §. 216. seqq.

ad §. 97. u) Adde Levit. 18. y. 20.

ad §. 98. x) vide cap. præced. §. 219.

ad §. 99. y) Conf. cap. præced. §. 220. seqq.

STINE A CONJUNCTIONE PARENTUM ET LIBERORUM, FRATRUM ITEM AC SORORUM ET QUI TIBI PARENTUM ET LIBERORUM LOCO SUNT, QUIQUE DICTIS RESPECTIBUS TIBI SUNT AFFINES.

100. Quæ dispositio, si ulla, multis litigiis fuit & est subjecta. 2) Ut ordine procedamus, probamus initio, eam ad legem positivam, quia suprà demonstravimus, ex ratione naturali turpitudinem ne quidem intuitu linear rectæ ostendi posse.

101. Spectat autem non ad ceremonialem & forensem, quia Deus satis manifestè dixit, contra prohibitiones istas peccasse Ethnicos, quibus adeo necesse est, legem istam fuisse promulgatam, quod vel per Noachum vel per Adamum factum fuit.

102. Cæterum an eadem prohibitiones obtinissent in statu perfectionis & integro, nos non tangit, qui quæstionem hanc pro merè curiosâ habemus, cum Deus sapientissimè ejus decisionem non revelaverit nobis; veremur tamen, ne multum hic sit sudandum iis, qui statum integrum normam faciunt corrupti, si rationibus & non autoritate humanâ velint agere.

103. Jam quid velit ipsa lex, dispiciendum. Deus uni regulæ, quod nos fecimus, prohibitionem non inclusit, sed varias personas enumeravit, à quarum conjugio sit abstinendum: Unde origo dissensionum circa personas ibi non expressas, ad quas tamen ratio prohibitionis pertinet, ut & de rationibus ipsis.

104. Nos præsupponimus, omnem legem admittere præter interpretationem declarativam etiam restrictivam

Sss 2

&

<p>ad §. 100. 2] Conf. Havemanni Gamol. l. 2. tit. 5. posit. 6. p. m. 233. seqq. Huc pertinent omnia scripta in controversia hoc seculo acriter ventilatâ de conjugio cum</p>	<p>uxoris sorore, inter Strauchium, Bucholzium, Havemannum &c. Item responsa Theologorum & Jurorum in causa Oettingensi.</p>
---	--

& *extensivam*, si modo constet de ratione legis, & Legislator extensionem fieri non prohibuerit. Fluit hoc ex iis, quæ supra in cap. de interpretatione demonstravimus.

105. Deinde & illud postulatam suâ radiat luce, præferendam esse *rationem* quam *Legislator ipse* legibus suis apposuit, rationi quam suppeditant *interpretes*. Quia omnis interpretationis finis est assequi voluntatem Legislatoris, quæ ubi obscura est, conjecturis est opus; quod si ergo voluntas est aperta, cessant conjecturæ, neque conjecturæ valent, quæ non sunt ad mentem Legislatoris.

106. Ergo multo magis, quas Deus rationes legis suæ suppeditat anteponendæ erunt iis, quas homines, cujuscunque alias sint autoritatis, omnes tamen in relatione ad divinam sapientiam fatui, inculcarunt.

107. Quod si hæc notassent & adhuc in universum notarent illi, qui causis matrimonialibus dijudicandis præsunt, facile cessarent erroneæ assertiones ex hoc primo fallo, quod *tradita Rabbīnorum* prælata fuerint *verbo Dei*, copiose ortæ, facile tolleretur dissensus, etiam inter eos qui uni religioni addicti sunt frequens.

108. Nempe *Ebræi veteres* a) duas potissimum rationes allegant nuptiarum in Levitico interdictarum, unam de sumtam à *naturali pudore*, qui non finat autores ortus seu parentes cum sua sobole aut in seipsis, aut etiam per personas sanguine aut nuptiali commixtione proximè cohærentes misceri.

109. Alteram inde deducunt, ne quorundam personarum *convictus quotidianus* & inobservatus stupris & adulteriis ansam daret, si tales amores nuptiis possent conglutinari, unde v. g. inf. runt, interdictum esse matrimonium *amite*, non vero *filie fratris*, quia nempe viri juvenes assidue frequentant domos avorum & aviarum, aut etiam in iisdem simul cum amitis

habitant.

ad §. 108. a) Puf. ex Grotio §. de J.N. & G. l. 5. c. 10. p. m. 617. 35. p. m. 813. Conf. Seldenum | seqq.

habitant, ad domos vero fratrum minus frequens ipsis est aditus nec ibi tantundem habent juris.

II. Jam cum ipsi Rabbini rationibus istis & aliis levioribus non multum innitantur, b) & disertè fateantur, magistros traditionum nihil certi ea de re accepisse, mirandum, quod plurimi ex Christianis, c) iis plus justo tribuant, quasi ingens sapientiæ thesaurus inibi lateat. Nobis vero, quid eadem veri contineant, eò distinctius videndum, quod istis prostratis conclusiones multæ à vera expositione legis divinæ recedentes, utpote quæ, si accurate in earum fundamenta inquiras, huic fulcro vel unice vel certè maximè superstructæ sunt, sua sponte corruant.

III. Initio vero id velut obiter notamus, sequestrarari à Rabbistorum sectatoribus ferè rationem omnibus prohi- tionibus communem, de quâ mox, quæ tamen his specialioribus erat omnino præmittenda, cum ex generalioribus in morali-

SSS 3 bus

ad §. 110. b) vid. Selden. d. l. p. 619.

c) Ut faciunt omnes qui defendunt conjugium cum sorore uxoris & quod lex divina non debeat extendi ad personas ejusdem gradus in lege non nominatas. Confronino Brunneman. in jure Ecclesiastico, Pruckneri decisiones matrimoniales. Grotius lib. 1. c. 5. §. 14. eas vocat rationi consentaneas. Pro non absurdis habet Dn. Pufend. p. 813. Cum vero evidenter ostenderim, istas rationes omnino & regulis bonæ interpretationis & rationi à Deo in prohibitio-

ne dista aperte repugnare, rogo omnes defensores adversæ sententiæ sive Theologos, sive JCtos, sive Singulos, sive Collegia integra velint vel rationes has meas refutare, vel in honorem Dei errorem fateri, & ita precavere, ne ab omnibus Divinum verbum & veritatem amanti- bus atque timentibus pro iis habeantur, qui propter vanos honores aut lucellum verbum Dei & veritatem produnt. Convertat eos Deus atque à spiritu ambitionis atque avaritiæ liberet. Ego adjuvante divina Gratia semper paratus ero, ad honorem Dei veritatem hanc calamo, ore, voto defendere.

bus specialiora limitationem vel interpretationem accipiant. Sic enim duæ rationes secernebantur, ut prior magis ad lineam rectam, altera ad collateralem pertineret.

112. Jam quod priorem concernit, vel præcedens caput d] ostendere poterit, quantum robur insit argumento à pudore desumpto, si exinde turpitudinem naturalem conjunctionis personarum in lineâ rectâ demonstrare velis.

113. An autem Deus eandem ut rationem *arbitrariam* legis arbitrariæ in prohibitione conjunctionis inter parentes & liberos simul respexerit, videbimus statim.

114. Ergo de priore nihil adjiciemus amplius. *Posterior* non ita leviter nobis dimittenda erit, quia manifestam *absurditatem*, multorum errorum fontem continet, si ipsam in se consideres, si ejus applicationem ad personas in prohibitione expressas siue conclusiones inde deductas de personis non expressis, siue denique deducendas, quas tamen ipsi hujus rationis amassii habent haut dubiè pro absurdis.

115. In se spectata tolerari fortè posset ea ratio, ut *secundaria*, cur Deus in personis collateralibus ibidem prohibitis, commixtionem corporum noluerit admittere, si subordinaretur rationi generali, in proximitate sanguinis constitutæ, non sine causa à divino numine etiam in personis collateralibus repetitæ, e) ut omnis excludi debeat cavillatio; Ast cum huic communiter opponatur, ita ut ratio à Deo exhibita cedere debeat huic humanæ, id est, ut ea personæ pro prohibitis non sint habendæ, in quibus etiam si eadem adsit proximitatis ratio, cesset tamen ista de convictu quotidiano causa, id vero est, sapientiam divinam velle corrigere, id est, committere absurditatem Christiano homini non condonandam.

116. Deinde applicatio ejusdem satis quidem benè procedit inter fratres & sorores cujuscunque generis siue germanas siue unilaterales, quia hi simul habitant & communi con-

ver-

ad §. 112. d] cap. præced. §. 237. seqq. & §. 159.

ad §. 115. e] Levit. XIX. v. 12. 13.

versatione utuntur. At quod *amitam* & *materteram* attinet, maxime hic claudicare incipit ista Rabbiorum ratio.

117. Nam quod *cohabitationem* concernit, uti apud alias gentes, ita & apud Hebræos, nisi fallor, vel ipsis morum Judaicorum scriptoribus consentientibus, prerogativa non una *agnationis* fuit præ *cognitione*, cui illud accenferi solitum fuit, ut post mortem parentum filia in nupta magis apud *fratres* quam *sorores* fuerint educata, quo pacto sæpius quidem contingere potuit, ut *juvenes* cohabitarent cum *amitis*, quam cum *materteris*, adeoque, si DEUS in promulgatione prohibiti incestus conversationem quotidianam primario respexisset, omnino discrimen inter *materteram* & *amitam* æque fuisset observandum, atque illi inter *amitam* & *fratres* filiam observatum fuisse volunt.

118. Huic scrupulo, ut se explicent Hebræi, nova effugia quærunt, in *frequenti visitatione familie avita* à viris juvenibus instituta, quasi nempe, cum ab his æque avi materni atque paterni ædes frequentata fuerint, vel ob hanc causam *matertera* pariter & *amita* conjunctio fuerit interdicta. Sed videamus an hæc panacea & reliquas absurditates sit sanatura.

119. Mox enim prohibetur concubitus *cum patrui uxore*. f) Cedo rationem, qui sputa Rabbiorum lingis. An putas patrui una cum uxore in *avi domo*, quam ita frequenter adiisse fratris filium arbitraris, *habuisse*? Non arbitror. An vero *viduam patrui apud socerum degisse* opinaris? Id adhuc minus probabile, si quis communia odia inter socrum & nurum reputet. An denique *fratris filium frequenter ivisse ad patrum* dices? qui ne quidem fratrum conversationem pro frequenti habes.

120. Eadem est ratio prohibita *uxoris fratris*. Nam nec hanc poterunt in domo foci commode collocare, nec metum stupri adeo conversatio quotidiana injicere poterit, si in mentem revocent, quod docuerunt, ad domos fratrum minus frequentem fuisse aditum, nec ibi tantundem eos, ut apud avos habuisse juris.

121. Sed fortè effugium quærent in eo, quod diximus, fratres & sorores post parentum mortem apud fratres & agnatos fuisset educatos, ergo omninò ob hanc conversationem interdicendum fuisse conjugium cum uxore fratris & patui, quoniam non raro evenerit, ut frater aut nepos ex fratre ibi habitaverint. Benè, inquam ego, sed si vos tot effugia pro demonstranda ratione personarum expressarum in prohibitione quæritis, cavete ne ansam mihi suppeditetis ostendere absurditatem, quam committitis in deducendis conclusionibus de personis ibi non expressis. Equum enim est, ut libertatem, quâ utimini, & mihi indulgeatis viventi vobiscum in literariâ Republica, in qua omnes æquales sunt.

122. Nam ut de *fratris filia* incipiam, cui cum patruo nuptias interdictas haud esse adstruebatis, *g*) initio quærere liceat, quâ ratione nitatur assertio ista, quod ad fratrum domos minus frequens juvenibus fuerit aditus, quam ad domos avorum, nec ibi tantundem habuerint juris. Sanè repugnant mores omnium populorum, neque de Judæis quicquam peculiare hac parte ex Historiis ostendi poterit.

123. Scio equidem indulgentius communiter haberi pueros solere ab avis, quàm à fratribus, sed procedit id in infantibus aut infantix proximis. In puberibus, ad quos maximè legislator respexit, alia est ratio. Etsi enim & hi blandius, quàm fortè a parentibus, tractentur ab avis, non tamen quicquam solidi adduci poterit, cur frequentatio ædium fraternarum ipsis jam ex magna parte educatis reddi debeant odiosa. Quin & propè dixerim juvenes libentius conversari in familia fratris quam avi, quoniam quantumcunque benignitatis gradum observent parentes secundi gradus, conjuncta tamen est ista conversatio cum magna reverentia ipsis debita, quæ in ista ætate magis magisque se exerit. At hæc reverentia ut exhibeatur fratribus etiam natu majoribus, nulla causa postulat. Ubi verò major æqualitas, ibi major amicitia, ibi major societatis appetitus.

124. Verum demus ipsis & hoc paradoxum. Parum lucra-
buntur, si & nos utamur illô effugiô, quôd non raro liberi fra-
trum à patris fuerint educati. *b)* Ergo & hic quotidiana conversa-
tio patris cum fratris filia postulare prohibitionem.

125. Aut, si neque hoc placeat, annon juvenula æquè ut
juvenes visitarunt avos aviasque, ac ita occasionem habuerunt
patris familiariter utendi? Annon sæpius accidit, ut avi edu-
carent neptes ex filio? Certè nihil frequentius est, quàm ut avia
neptes suas amore ad excessum usque prosequantur, easque mul-
tum frequentata conversatione dignentur.

126. Eadem suo modo & ad *sororis filiam* applicari possunt,
ut de aliis personis non expressis jam non sim prolixior.

127. Quin imò, si DEUS ad personarum quarundam con-
victum quotidianum & inobservatum in lege hac respexisset, ne-
cesse fuisset etiam prohibere conjugia inter *duorum fratrum aut so-
rorum liberos*, certè inter *liberos fratrum*, quoniam & hi vel apud
avos non raro educabantur, aut aliàs ibi occasionem familiariter
conversandi habebant, aut quia, ut diximus, fratris filius patre
mortuo apud patrum tanquam agnatum proximum educaba-
tur. Breviter si ob familiarem conversationem prohibita fuit pa-
trui uxor, ob eandem causam æquè & imò magis interdiciendæ
fuissent nuptiæ cum filia patris. At horum conjugia lege divina
prohibita non esse patet ex sequentibus.

128. Ergo nos potius, relictis istis rationibus haud genui-
nis, maneamus in revelatione divinâ, & in illâ solâ, utpote hac
parte maximè perspicuâ, demonstramus legem de incestu, prout
eam suprâ formavimus. Notanter verò diximus: abstinendum
esse à CONJUNCTIONE cognatorum & affinium, prohibetur
enim ibi non solum concubitus matrimonialis societatem nuptia-
lem intendens, sed & vel maximè concubitus fornicatorius, cujus
malitia incestu gravatur.

129. Deinde non sine ratione DEUS prohibitionibus spe-
cialibus generalem præmittit: *i)* *Neminem debere concumbere cum*

T t t

ea,

ad §. 124. h] vide §. 121,

ad §. 129. i] Levit. 18. v. 6.

ea, quæ ipsi sanguine proxima est, ut ostendat, ad hanc legem tanquam generalem homines in dubio, tanquam ad rationem communem in interpretandis prohibitionibus specialibus recurrere debere.

130. Dico in dubio. Unde si leges sequentes specialiores /) apertè suppeditant novam rationem, quæ à proximitate sanguinis abit, communia principia bonæ interpretationis dictitant, iis potius esse inhærendum, easque extendi debere ad personas, in quibus non est eadem sanguinis proximitas.

131. Operabitur tamen ista generalis ratio perpetuò, ut ubi eadem est sanguinis proximitas, ibi eadem quoque sit prohibitio etiam in personis non expressis. Et si rationes specialiores indicaturæ sint, in quibus casibus ultra proximitatem sanguinis prohibitio locum sibi vindicet. Breviter: valebit argumentatio ex ista ratione affirmativè, non negativè.

132. Quare non opus erit, ut, quod multi faciunt, prolixè inculcemus doctrinam de computatione graduum, quoniam rationes à DEO nobis traditæ ostendent, sensum prohibitionum commodè absque mentione certorum graduum posse exponi.

133. Quod si quæras, quænam sit rationis ratio, & cur Deus ob proximitatem sanguinis conjugia quædam interdicere voluerit, respondebo, id ut inquiramus non esse necesse, quia non interpretamur legem humanam, in qua communiter scrutari solemus utilitatem Reipublicæ, quam Princeps in legibus suis respicere debet, sed divinam, cujus rationes non indicatas subtilius inquirere velle, pugnat cum reverentia ipsi debita.

134. Quin & si non omnium, quæ legibus civilibus constituta sunt, dari potest ratio, & multò minus rationis ratio, sed sapius lex etiam si dura, tamen quia scripta est, observanda est à subditis, multò magis homines rationem suam compefcere debent in revelationibus divinis, ut non tendant plus ultra, cum certissimum sit, DEUM omnia sapientissimè agere, etiam si rationes sapientiæ ejus non capiamus.

135.

ad §. 130. 1) Ut fit in prohibitionibus linea recta & collateralis inequalis.

135. Et nisi me omnia fallunt, potentissimum Numen in verbis, quæ legi isti generali addidit: *Nam sum Jehovah Dominus tuus*, præter alia, quæ per eadem innuuntur, etiam curiositatem humanam præscindere voluit, ut non ulterius de ratione prohibitionis hujus philosopharentur, sed id saltem cogitando, esse DEUM Optimum Maximum, qui hæc velit, sancto terrore pruritus ulteriorum meditationum compescant.

136. Ergo nunc ad specialia. Dixi prohibitam esse conjunctionem PARENTUM ET LIBERORUM. De *consanguinitate* enim incipiendum est, & ab hac pergendum ad *affinitatem*, utpote quæ est conjunctio personarum cognatarum cum cognati conjuge. Inter cognatos *linea recta* præcedit collateralem, itaq; prius videndum de parentibus & liberis, & ab his etiam ipse Deus incipit.

137. Prohibet vero concubitus *cum patre & matre, item cum filii aut filia filia, m)* istam rationem suppeditans intuitu matris; esse illam matrem, ac propterea nuditatem ejus non esse detegendam; intuitu liberorum; quod sit propria parentum nuditas, quo ipso, ni fallor, divinus legislator innuere voluit, ob reverentiam parentibus à liberis debitam, quæ perpetua est, hos abstinere debere à concubitu cum parentibus, cum pater & mater maneant pater & mater, etiamsi liberi maximè sint adulti, illos contra propter pudorem debere abstinere ab incestuosa commixtione, quoniam maxime impudicum habetur, si quis propriam nuditatem detegat.

138. Sentio autem quid velis. Id scilicet mones, quod capite præcedenti rationes prohibitarum nuptiarum in lineâ rectâ à reverentia & pudore desumptas rejecerim. Ita est. Sed rejeci saltem sub ea limitatione, quod hæ rationes non inferant demonstrativè, abstrahendo à revelatione, nuptiarum illarum prohibitionem ex lege naturæ. Recordari ergo debuisses, nos jam occupatos esse in legibus positivis, quæ uti præter rationem quid jubent aut prohibent, ita regulariter rationes iis adjunctæ sunt præ-

T t t 2

ter

ter dictamen naturale. Non tamen statim, quod præter rationis dictamen est, est etiam contra illud.

139. Ex ista itaque prohibitione speciali formo primam regulam: JURE DIVINO IN LINEA RECTA NUPTIÆ SUNT PROHIBITÆ IN INFINITUM. Quod sint prohibitæ, nullus dubitat. Probandum igitur solum, quod hæc prohibitio tendat in infinitum.

140. Probo 1. ex terminis. Voces *patris* & *matris*, *filie* item & *filii* in legibus etiam ex idiomate Hebræo sumuntur vel latè, vel strictè. Hoc modo pro solis parentibus & liberis primi gradus. Illo pro gradu quocunque in infinitum. Media acceptio, ut forte gradum tertium aut quartum saltem cum exclusione ulteriorum denotent, non datur. Necesse igitur erit, ut alteruter horum significatum & hic subintelligatur.

141. At stricta acceptio huc non quadrat, tum quia hac parte consentiunt omnes interpretes Christiani, proavos & abavos interdicto contineri, tum quod quæ DEUS de *filie* *filia* addit, ex necessitate relationis evincunt, sub patre etiam avum comprehendi. Sequitur igitur, ut DEUS latiore acceptionem intenderit.

142. Probo 2. ex ratione legis, sive eam secundum interpretationem nostram spectes, sive etiam in verbis hæreas. Nam avia tua etiam in decimo gradu *mater tua est*, quoniam ex ejus sanguine es natus, & neptis tuæ in decimo gradu constitutæ nuditas *tua nuditas est*, quia & hæc de sanguine tuo participat.

143. Porro quo magis ascendis, eo majorem reverentiam debes ascendentibus tuis, quoniam his & qui intermedii sunt, reverentiam debent omnes, tu verò insuper & intermediis omnibus. Et quo magis descendis, eo major est pudendi ratio, utpote quæ reverentiæ cohæret.

144. Dissentiunt ab hac regula pauci, n) in linea recta ultra *abaviam* & *abneptem* nuptias non prohiberi asserentes, ineptè, cum ferè loco rationis à DEO expressæ fundamentum quarant in mixtura

ad §. 144. n) Thomas Angelus in statuta morum. Ex Pontificiis Bellarminus vel Baronius.

tura physica quatuor temperamentorum, aut elementorum, aut participatione de identitate essentia, vel aliâ simili.

145. Rectius isti, o) qui tradunt ita in infinitum hic esse prohibitas nuptias, ut nec *Adamus*, si resurgeret, ullam ex hominibus in uxorem ducere posset.

146. Sed iste quidem dissensus est curiosus magis, quam ad applicationem utilis. Neque enim Adam eum in finem resurget, neque hodie casus accider, ut vel effœta atavia atnepotis sui concubitus vel matrimonium appetat, aut atnepotis consuescat cum atavo.

147. Ergo relicta lineâ rectâ transeo ad collateralem, & initio quidem ad FRATRES & SORES. Prohibet inter has personas DEUS incestum apertissimè; *ne quis detegat nuditatem sororis suæ, quæ patris ipsius aut matris est filia, domi vel foris edita. p)*

148. Hinc oritur secunda Regula: IN LINEA COLLATERALI ÆQUALI NUPTIÆ TANTUM SUNT PROHIBITÆ INTER FRATRES & SORES. Ipsa propositio demonstratur per verba legis divinæ modò adducta. Exclusiva regulæ adjecta, inde deducitur, quia in lineâ collateralī æquali post fratres & sorores sunt fratrum & sororum liberi, de quibus nulla extat prohibitio. Et quamvis Jus humanum Ecclesiasticum etiam inter Christianos circa licentiam *conjugii consobrinorum* aut *fratrum patruelium* maxime variaverit, nemo tamen unquam defendit, ista conjugia esse contra legem divinam, exceptò solò Ambrosio, qui tamen assertionis suæ nullum attulit fundamentum. Neque enim habuit. q)

149. Cæterum fratres sunt vel germani, vel unilaterales, illi que vel uterini, vel consanguinei. De singulis perspicuè loqui-

Ttt 3

tur

ad §. 145. o) *Quod etiam defendit Alberti in Compendio.*

ad §. 147. p) *Levit. 18. v. 9.*

ad §. 148. q) *Vide omnino Sharrok. judicia de variis conti-*

nentia speciebus p. m. 186. seqq. & maxime p. 207. *Ita jure Saxónico conjugia hæc quidem sunt interdicta, sed princeps tamen dispensat in iis.*

tur lex divina. Sororem germanam intelligit per eam, quæ *domi nata* est, unilateralem, quæ *foris*, id est ex alio conjugio, uterinam, quæ est matris tua filia, consanguineam, quæ patris. r)

150. Transirem ad aliam legem specialem, nisi iterata prohibitio ulteriorem meditationem postularet. Mox enim DEUS subjicit: *Non deteges turpitudinem filie uxoris patris tui, genita patri tuo, & ita sororis tue. s)* In hunc sensum reddidit Lutherus & ferè reliquæ versiones. Et communis horum verborum est expositio, quod hic iterum interdicitur conjugium cum sorore consanguinea.

151. Sed fuerunt tamen, quamvis pauci, alia omnia hac prohibitione subintelligi opinantes, & nempe vetari conjugium cum *comprivignâ*, cujus mater peperit patri meo. t)

152. Rationes, quas afferunt, potissimum duæ sunt, 1. communem expositionem esse otiosam, quia hoc pacto committeretur tautologia, utpote cum modo in præcedentibus soror consanguinea inter reliquas satis distinctè fuisset prohibita. At Spiritum Sanctum non esse tautologum.

153. 2. In lingua Sancta extare *Moledeth*, non *Muledeth*. Istud esse participium activæ significationis, hoc passivæ. Male igitur secundum passivum significatum vocem accepisse versiones communes, cum potius ita fuisset reddendum: *Non deteges turpitudinem filie uxoris patris tui* (id est *comprivignæ tuæ*) *postquam ea* (noverca) *peperit patri tuo* (sororem vel fratrem tibi cum *comprivigna* communem) *& ita* (*comprivigna* mediante istò fratre communi) *soror tua facta est,*

154.

ad §. 149. r) Alii ita explicant: Domi, quæ in conjugio, foris, quæ extrâ conjugium.

ad §. 150. s) Levit. 18. v. 11.

ad §. 151. t) Ut Antonius Matthæi, Samuel Boblius, vide Havemannii Gamol, p. 307. seqq. Numer Elias Schneegass seu Antonius

à Maria de conjugio *comprivignorum* hanc sententiam defendit, sed apertè jus naturæ & divinum positivum aliæque multa miſcens, eamque prohibitionem perſiſtionem ad alia conjugia extendens, contra quam sententiam disputamus infra §. 213. seqq.

154. Quamvis verò multi hoc dogma tanquam novum, ut fieri solet, refutare aggressi fuerint, u) si tamen fatendum est, quid sentiam, non responderunt ex asse ad illa duo argumenta.

155. Quin & plerique vel ex hoc fundamento istam opinionem destruere sunt conati, quod comprivigni neque cognati sint neque affines, neque cognatio inter eos aut affinitas per nativitatem fratris communis oriatur, quod facile ex definitionibus cognatorum & affinium omni Jure receptorum demonstrant.

156. Sed hoc, ni fallor, est leges humanas normas facere, ex quibus debeat interpretatio Juris divini sumi, cum tamen potius res sit invertenda. Est, Jure humanò tantum prohiberi propter cognationem & affinitatem nuptias, an propterea DEO ligandæ sunt manus, ut prohibitionem suam non possit extendere ulterius?

157. Quin imò & leges humanæ x) ob alias quoque rationes civiles conjugia interdiciunt præter cognationem & affinitatem; annon idemliceret DEO?

158. At, inquires, DEUS in istis prohibitionibus, quas inter controversa hæc ferè medio in loco collocata est, continuâ serie agit de interdictis ob proximitatem sanguinis, hoc est, ob consanguinitatem & affinitatem. Ergo inconveniens foret istam legem de alia causa velle interpretari.

159. Admittam & hoc, sed tum urgebo, ipsum satis apertè asserere in hoc casu proximitatem sanguinis (sive affinitatem eam velis appellare, sive consanguinitatem, sive ex horum utroque aliquid mixtum) ortam ex generatione fratris communis: ut nempe illa, quæ cum fratre meo proximitatem sanguinis habeat, habeat

ad §. 154. u) Vide Havemannum d. l. & scripta varia Boblii & contra eam edita. Ex hodiernis J. C. t. s plerique contra Boblium disputant, nisi quod Magnif. Dn. Ordin. noster in notis ad Instit. Boblii senten-	tiam sequatur, quamvis in notis ad Brunnem. Jus Ecclesiast. p. 638. controversiam solum narret. ad §. 157. x) Ut tutoribus, presb. dibus, senatori, raptori & c.
--	---

habeat intuitu hujus medii & mecum, & adeo fiat mea soror, quoniam fratris mei soror est.

160. Nec obstat, quod hunc modum, consanguinitatem & affinitatem augendi ignorent leges, & quod consanguinitas atque affinitas sint termini technici. Nam hic iterum committitur *μετάβασις*. Permitte illis, ut in sua arte loquantur, ut velint. Annon DEUS autor sermonis potestatem habebit, in sua arte significationem vocis extendere ad eum casum, quem alia disciplina ignorat?

161. Ita non raro evenit, ut inter homines unus artifex vocabulò utatur in alia significatione, quam alter, qui diversam artem proficitur. γ)

162. Imo sapius unam artem excolentes terminis utuntur diversimodè.

163. Quare potius aberrarunt homines, quod in hoc casu nullam sanguinis proximitatem admiserunt, quam tamen perspicue pro tali habuit DEUS.

164. Eadem prohibitionis ratio obtinebit in casu simili, si *noverca mea*, quæ nullam comprivignam ad patrem meum attulit, peperit tamen patri meo, postea eò mortuò, ad alia vota transiens *filiam* edat. Ergo ne hanc ducere potero. z)

165. Quod si autem *noverca* patri meo partum non ediderit, possem a) ejus filiam ab altero marito, cui post mortem patris mei nupsit, conceptam matrimonio mihi jungere, etsi hæc filia

ad §. 161. γ) *Exemplo mortis, quæ aliter sumitur in philosophia, aliter in jure.*

ad §. 162. z) *Ita dictum textum de hoc casu exponere jus Canonicum C. si qua mulier 3. C. 35. q. 10. notat Dominus Ordinarius ad Brunnem. p. 638. verba Canonis ex Romanâ Synodo hæc sunt: Si*

qua mulier ad secundas nuptias transierit, & ex eis sobolem genuerit, nullo modo potest ad consortium cognationis viri prioris perfringere.

ad §. 165. a) *Et de hoc casu loqui Jus Canonicum, notat Dn. Ordin. d. l.*

filia nata sit, postquam noverca cum patre meo una caro facta erat, nam lex divina rationem prohibitionis non in unione carnis ponit, sed in partu fratris communis.

166. Igitur & valeret conjugium cum comprivigna, si noverca sobolem ex patre meo non edat, quia & tum deliceret medium nos uniendi.

167. Sed quid si hoc casu, postquam jam quis duxit comprivignam, nascatur frater & soror communis. An postea conjugium bene formatum erit rescindendum ob metum incestus? Non arbitror.

168. Adeoque simul notabis *differentiam inter hanc prohibitionem & reliquas omnes*. In reliquis incestuosis nuptiis separatio omnino facienda, quoniam omnes commixtiones sunt incestuosæ. At hic non sunt.

169. Scilicet in *incestu* respicitur ad *initium* commixtionis, si hæc incestuosa sit, & reliquæ omnes pro talibus habendæ, sin minus, nec reliquæ vitium contrahent, etiamsi circumstantia superveniat, quæ si ab initio adfuisset, fecisset incestum.

170. Ita si frater tuus misceatur cum tua uxore aut vidua, quia primus fratris tui concubitus est incestuosus, & reliqui omnes erunt.

171. At si tu adulterium & incestum condones uxori, absque incestu cohabitare porro ei poteris, etiamsi jam cum fratre tuo sit una caro facta, quia initio conjugii tuum incestu erat vacuum, quod idem incestuosum fuisset, si jam eo tempore, quo tu id contrahebas, frater tuus cum istâ sœminâ rem habuisset. Et ita in cæteris.

172. Jam ad lineam collateralem inæqualem, ubi incipit controversiarum & dissensionum fertilitas. Nos viæ cœptæ insitemus. Interdicit Deus *revelationem nudatis amica tua, eò quod patris tui proxima consanguinea sit, iidem & matertera, utpote matri tua proxime. b)*

Uuu

173.

ad §. 172. b) Levit. 18. v. 12. 13.

173. Hinc formo tertiam regulam: IN LINEA COLLATERALI INÆQUALI NUPTIÆ TANTUM SUNT PROHIBITÆ INTER EAS PERSONAS, QUÆ SIBI PARENTUM ET LIBERORUM LOCO SUNT, ETIAM EX UNO LATERE IN INFINITUM.

174. *Parentum loco* dicuntur esse omnium ascendentium meorum fratres & sorores. *Liberorum loco* omnes fratrum vel sororum meorum liberi. Ideò verò hæ personæ ad invicem parentum & liberorum loco esse dicuntur, quia post parentes proximi sunt in consanguinitate, ad quos adeo parentibus mortuis communiter onus transit educandi & quandoque alimentandi liberos fratrum.

175. Et si itaque Deus mentionem saltem in prohibitione, faciat *amitæ* & *matertera*, tamen *ratio divina* satis clarè ostendit, respexisse Deum ad istum quasi respectum parentelæ & filiationis, ut inde rectè inferatur, cuilibet prohibitum esse conjugium cum iis, qui parentibus ejus in latere proximi sunt.

176. Ergo in linea collateralis ascendente prohibitæ erunt nuptiæ cum *patruo* & *avunculo*, cum *amita* & *matertera*, in descendente cum *fratris* aut *sororis filio* aut *filiâ*.

177. Ulterius in infinitum se extendit ista prohibitio, quoniam in toto hoc capite, ut suprà innuimus, vocabulum patris & matris accipitur in lato significato pro omnibus adscendentibus. Igitur si hoc loco strictè supponeretur, haud dubie id Deus expressisset.

178. Accedit, quod ratio divina, à *proximitate attinentia ad personas parentum* desumpta, si jungatur cum ratione, cur nuptiæ in lineâ rectâ sint interdictæ, id velit, quod quemadmodum inter adscendentes & descendentes nuptiæ propter *reverentiam* & *pudorem* cessare debent, ita & ob eandem *reverentiam* fratrum liberi debent abstinere à connubiis patruorum aut amitarum &c. & ob eundem *pudorem* avunculi aut matertera inter vetita numerare matrimonia cum neptibus aut nepotibus ex sorore &c.

179. Quoniam igitur hæc ratio augetur in avorum, proavorum & ita in infinitum fratribus aut sororibus, necesse erit, ut & prohibitio in infinitum extendatur.

180. Denique dixi in regula, quod hæc lex divina spectet etiam ad fratres & sorores *unilaterales* parentum, quia non solum in præcedentibus fratrum & sororum termini ita latè fuerunt usurpati, unde & hic eadem præsumenda est vocabulorum significatio, sed &, quia ad hos æquè quadrat ratio divina, sunt enim & ipsi proximi parentum nostrorum, nisi quis afferre velit, quod jure Saxonico fratres unilaterales censeantur uno gradu remotiores, quam germani, quod tamen profectò, hic esset argumentari à baculo ad angulum. c)

181. Qui dissentiunt, illi partim negant prohibitam esse nuptias inter *patrui* & *fratris filiam*, item inter *sororis filiam* & *avunculum*, partim indulgent nuptias *nepotum* aut *neptum fratris*, cum *avi* & *avia* *sororibus* & *fratribus*, partim arbitrantur prohibitionem regulæ nostræ saltem pertinere ad fratres & sorores parentum *germanas*.

182. Sed hi omnes nituntur solum isto *fundamento*, quod prohibitio divina non sit extendenda ultra personas hic expressas, quodque ante legem Mosaicam nuptiæ in linea collaterali non fuerint interdictæ, & quod adeò lex ista, tanquam corrigens & restringens libertatem præcedentem, pro odiosa haberi debeat, quæ non admittat extensionem.

183. Quod non solum paulò ante destruximus in hoc capite, sed & suprà, ubi de interpretatione tractabamus, ostendimus, leges corrigentes perperam haberi pro odiosis.

184. Major dissensus est circa prohibitionē intuitu *affinitatis*, ubi dixi, quod illorum omnium, qui hæctenus DICTIS RESPECTIBUS INTER SE SUNT AFFINES, matrimonia non procedant. Verba legis divinæ eò tendunt: *Non deteges nuditatem uxoris patris tui, quia est nuditas patris tui. Non deteges nuditatē uxoris patrui tui, quia*

est Uuu 2

ad §. 180. c) Vide Dn. Ordin. ad Brunnem. Jus Eccles. p. 618. seqq. ubi habebis dissentientes.

est affinis tua. Non revelabis turpitudinem nurus tue, est enim uxor filii tui, quare non revelabis ejus nuditatem. Non deteges nuditatem uxoris fratris tui, quia est nuditas fratris tui. Non revelabis turpitudinem uxoris tue & filie ejus, filiam filii ejus & filiam filie ejus non sumes, ut reveles ignominiam ejus, quia caro illius sunt, & talis concubitus scelus est.

185. EX his verbis struo ultimam regulam: **QUÆCUNQUE PERSONÆ RATIONE CONSANGVINITATIS UNI CONJUGUM SUNT INTERDICTÆ, ILLÆ ETIAM PROHIBITÆ SUNT ALTERI CONJUGI PROPTER AFFINITATEM.**

186. Planissime enim ad hanc regulam ducunt rationes, quas Deus in legibus recensitis prohibitioni addidit: quæ etiam si aliquantum varient, cum modò dicat, *quia est nuditas patris item fratris tui*, modò: *quia est affinis tua*, modò, *quia est affinis tua*, modò, *quia est uxor filii tui*: modò, *quia est caro (vel proxima) uxoris tue*, tamen re ipsa coincidunt.

187. Nam duplici intuitu quis affinis dici potest, unò, respectu consangvineorum uxoris suæ, alterò, respectu uxorum, quæ nupservnt consangvineis ejus.

188. Ad priorem respectum pertinent interdicta conjugia, cum marito & privigna. Hic verò ratio est, *quia privigna est proxima uxoris tue*, hoc est, quemadmodum uxor tua non poterit misceri cum carne sua, ita tu, qui factus es una caro cum uxore, non poteris te conjungere cum ejus carne.

189. Ad posteriorem respectum pertinet prohibitio *noverca* item *fratria*; ubi iterum additur ratio, *quia est nuditas patris & fratris tui*, hoc est, quemadmodum tu non poteris jungi adscendentibus & sorori, ita nec poteris ducere eam, quæ propter unitatem per nuptias cum patre & fratre facta est mater & soror tua.

190. Evidentior res est in ratione, quæ apponitur prohibitioni conjunctioni cum uxore patrui, *quia est affinis tua*. Lutherus reddidit: **Denn sie ist deine Waise**: Alii: *quia est amita tua*. Ut sensus sit: Quemadmodum nuptias inire nequis cum amita, ita nec cum uxore patrui, quæ ob unionem cum patruo æstimatur ac si sit amita.

191. Itaque jam subsumimus. *Inter affines in lineâ rectâ nuptiæ sunt prohibiti in infinitum.* Nam uti patris vocabulum omnibus adscendentibus est commune, ita vox filii denotat iterum omnes descendentes.

192. Quare ex una parte prohibiti sunt nuptiæ in lineâ adscendente cum vitrico aut novercâ, in descendente cum genero aut nuru, quia horum nuditas est patris tui vel matris, item filii tui vel filiarum. Et ita in provitrico & progenero in infinitum.

193. Ex alterâ parte interdicta est conjunctio cum socero vel socru, cum privigno vel privigna, quia hi sunt caro mariti aut uxoris. Et ita in prosocero & proprivigno in infinitum.

194. Atque de harum personarum prohibitione non credo esse dubitatum, nisi ab his, qui prohibitionem ratione consanguinitatis ne quidem in lineâ rectâ ultra quartum gradum volebant extendi debere, ergo multò minus admittent prohibitionem propter affinitatem ultra gradum quartum.

195. Porro inferimus. *In lineâ collateralî equali nuptiæ sunt prohibiti inter eas personas, quæ se habent in affinitate, ut frater & soror.*

196. Atqui tales sunt ex unâ parte Levir & Fratris, ex alterâ Sororius & uxoris soror.

197. De priori nullum est dubium, propter expressa legis divinæ verba.

198. De posteriori acriter, ut notum, disceptarunt inter se Theologi & Jcti, an quis possit in matrimonium ducere defunctæ uxoris sororem? d) Ne verò tedium sustineas magna volumina perlegendi, momenta utrobique sunt ista.

199. Qui licentiam hujus conjugii asserunt, fundantur iterum in doctrina Rabbínica, quasi leges hæc divinæ non valeant in personis non expressis.

Uuu 3

100.

ad §. 198. d) Vide notata supra | 9. à Paris 1684. p. 119. -- 154.
ad §. 100. 110. lit. z. & c. Confer | ubi deprehendes collectanea elegantia huc pertinentia.

200. Qui pro turpi verò habent istam conjunctionem, magnam occasione litigandi suppeditarunt, quod probationem assertionis suæ quæsierint in *verbis expressis* legis divinæ, ubi Deus disponit, quod nemo debeat ducere sororem uxoris suæ, ut ipsa inuisa & vivente revelet turpitudinem ejus.

201. Ut enim taceam, hic disceptatum fuisse non sine rationibus, utrum per sororem uxoris intelligatur ejus consanguinea, an quælibet gentilis, uti sæpius in jure Mosaicò per fratrem denotatur quilibet judæus; istud sane integer contextus ostendit, in illo loco principaliter disponi de *polygamia*.

202. Adeoque sensum esse vel istum (si per sororem quælibet judæa intelligitur,) quod in polygamia virili hætenus quidem dispensatum sit in Veteri Testamento, modo ne quis uxore invita aliam superinducat.

203. Vel istum (si denotetur cognata uxoris,) polygamiam virilem hætenus permitti, ut aliam uxorem priori quis etiam invita addere possit, modo non sit uxoris soror.

204. Igitur cum in defendenda quacunque doctrina quilibet operam dare debeat, ut stringentes rationes afferat, etsi paucas, maneamus potius in *ratione divina legis*. Sororius non poterit ducere sororem uxoris, quia ea est caro uxoris seu ejus proxima. Et soror uxoris non potest nubere sororio, quia nuditas hujus est nuditas sororis ejus.

205. Denique concludimus. In *linea collateralis* inæquali *nuptia sunt interdicta cum cognatorum, qui sunt parentum & liberorum locò, maritis & uxoribus, & cum cognatis, qui ad alterum conjugem respectum parentum & liberorum habent.*

206. Id est, ex una parte non valet conjugium cum patrui & avunculi aut propatrui & proavunculi & ita porro in infinitum uxoribus, tum & cum amita & matertera, & ita porro, maritis: in linea descendente, cum uxore fratris filii, vel sororis filii & ita porro, aut cum marito neptis ex fratre vel sorore. Ratio est, quia nuditas eorum est nuditas proximorum tuorum.

207. Ex altera parte illicita sunt matrimonia cum uxoris aut maritis

mariti tui amita & matertera, patruo aut avunculo & ita porro, item cum eorum fratris aut sororis filia & filio, ac ita deinceps. Ratio iterum est, quia sunt proximi mariti vel uxoris tuæ.

208. Dissidentes saltem concedunt prohibitionem inter uxorem patrui & mariti fratris filium, inter uxorem avunculi autem & mariti sororis filium, item inter amita & matertera maritos atque uxoris fratris aut sororis filias nuptias haud quaquam interdictas esse arbitrantur.

209. Multo minus vero admittunt extensionem prohibitionis ad gradus ultiores, unde nec interdictas ajunt nuptias inter mariti fratris nepotem & uxorem propatrui.

210. Quoniam autem hic nihil novi afferunt, sed solum rationibus aliquoties memoratis innituntur, non opus erit, ut & nos quicquam responsionis addamus.

211. Istud verò non omittendum, quod, ut notum, Jus Canonicum faciat tria genera affinitatis, ita ut genus affinitatis mutetur, quoties personæ affini accedit alia persona diversi sexus per nuptias. Ita privigni uxor est affinis vitrico mariti in secundo genere. Ita eadem uxor privigni est in tertio genere affinis illi foeminae, quam postea mariti vitricus duxit in matrimonium.

212. Hæc generum variatio *Juris Canonici figmentum* est, inventa etiam ad augendum fiscum Pontificium. Eam verò ignorat Jus Divinum, & hæcenus adducta ostendunt, nullam personarum secundo aut tertio affinitatis genere aliam attinentium in lege divina memorari: quamvis non improbandum sit, si magistratus civiles publici decori causa prohibitionem ad secundum genus extendant, moderate, quod faciunt leges nostræ.

213. Igitur etiamsi *illa* non admittant conjugia inter vitricum & privigni viduam aut inter privignum & vitrici viduam, etiamsi ejusmodi conjunctiones etiam à *jure Romano* improben-
tur, non tamen deduci poterit ista prohibitio ex *lege divina*, quamvis non defuerint viri eruditi, qui id asseruerunt, e)

214. Qui quidem non contemnendam rationem pro sua
sententiâ

sententia attulerunt, quod nempe *extensiva eorum interpretatio iisdem regulis utatur*, quibus nos *usi fuimus* in deductione, quod prohibitio legis divinæ spectet ad personas in lege non expressas. Sicuti enim nos intulimus, v.g. conjugia cum uxoris sorore, aut cum avunculi uxore esse interdicta, quod vel nos cum uxoribus nostris, vel uxores alienæ cum cognatis nostris factæ sint una caro per concubitum, adeoque ex rationis identitate verba legis ad casus sub verbis non comprehensos extendimus, ita & ipsi ex *identitate rationis* thesin suam derivant.

215. Quemadmodum enim, dicunt, vitricus haud dubie privignam non potest ducere, quod vitricus sit una caro cum matre privignæ, & privigna sit proxima uxoris vitrici, & iterum noverca non potest nubere privigno ex iisdem rationibus; ita nec vitricus poterit matrimonium inire cum privigni vidua, quoniam hæc vidua erat una caro cum privigno, neque privignus cum vitrici vidua, quia hæc erat una caro cum vitrico, adeoque ista carnis unio facta per concubitum id operata est, ut ibi privigni vidua repræsentet privignam, hic vitrici vidua haberi debeat pro noverca.

216. Non diffitemur itaque, *speciem habere* istud argumentum, sed quæ faciliè repelli poterit, si modò exactè attendas ad *naturam interpretationis extensiva*. Si illa locum habere debet, poterit quidem extensio fieri ad *casum similem* sub verbis non comprehensum, modo maneat identitas rationis, quæ si & ipsa extendatur ad casum, qui habeat saltem *similem rationem*, non eandem, vitiosa fiet interpretatio. f)

217. Et nos quidem, ut puto, perpetuo in hoc capite regulam bonæ interpretationis observavimus. Nam v.g. ideo diximus à conjugio cum uxoris sorore aut cum avunculi uxore esse abstinendum, quia evidens erat, *eandem rationem*, quam DEUS quærebat in unitate carnis, quæ conjugibus intercedit, & proximitate sanguinis, quæ est inter unum conjugem & ejus cognatos, ut adeo nullum sit dubium, quod quemadmodum frater fratri

pro-

propinquus est, & uxor fratris una caro est cum marito, ita & eodem modo soror forori propinqua est, & maritus sororis est una caro cum uxore sua, item, quod quemadmodum nepos ex fratre proximitate attinet patruum, & patrum uxor unita est cum patruo, ita idem proximitatis genus est inter nepotem ex sorore & avunculum, eadem carnis unio inter avunculum & uxorem ejus.

218. At in isto dissentientium argumento non evidens est applicatio rationis ad vitrici aut privigni viduam. Et si enim vitricus erat una caro cum matre privigni (à qua tanquam à consanguinea proxima privigni, ut semper sit in affinitate, prohibitio transferbatur ad vitricum, ut is v. g. non posset ducere privignam) tamen non evidens, sed valde dubium est, an vitrici vidua sit una caro cum matre privigni, & in altero casu, an privigni vidua sit proxima consanguinea uxoris vitrici.

219. Quod si dicas, dubium hoc facile tolli posse, si à pari argumenteris, ut quemadmodum vitricus est una caro cum matre privigni; ita & vidua vitrici sit una caro cum vitrico, & quemadmodum privignus est proximus consanguineus uxoris vitrici, ita & privigni vidua sit una caro cum privigno; respondebo, apertum jam esse, non subsumi à dissentientibus casum similem sub eadem ratione legislatoris, sed extendi rationem legislatoris ad aliam rationem similem.

220. Ideo enim DEUS prohibet conjugium inter vitricum & privignam, quia nuditas vitrici est nuditas matris privigni, & quia privigna est proxima uxoris vitrici: At dissentientium ratio se ita habet: quia vidua vitrici nuditas est nuditas vitrici, & quia vidua privigni nuditas est nuditas persone uxori vitrici proxima: quæ à priori in hoc discrepat, quod ibi DEUS nolit, ut quis consanguineorum conjuges & conjugum consanguineos ducat, hic vero interdicitur conjugium cum affinium conjugibus, & conjugum non consanguineis, sed horum consanguineorum rursus conjugibus.

221. At facile, inquires, posterior hæc ratio poterit resolvi, ut sit eadem cum ratione divina. Nam vel ideo quod nuditas viduæ vitrici est nuditas ipsius vitrici, & nuditas vitrici est nuditas

matris privigni, nuditas viduæ vitrici erit simul *nuditas matris privigni*, cujus revelationem privigno vetabat lex divina. Et vel ideò, quòd viduæ privigni nuditas sit nuditas privigni, privignus autem sit proximus uxoris vitrici, vidua quoque privigni erit *proxima uxoris vitrici*, cujus nuditatem DEUS retegere prohibebat vitrico.

222. Sed facile etiam, respondebo, hæc resolutio poterit rejici, quoniam procedit non ex rei veritate, sed per *fictionem*. Si quidem revera vidua vitrici non est una caro cum ejus priore uxore, sed per imputationem saltem duplicis conjugii.

223. Neque juvabit quicquam, si ad DEUM provoces, etiam ipsius rationem, dum dicit, novercæ nuditatem esse nuditatem patris &c. respicere ad *fictionem* seu imputationem moralem.

224. Nam hic non solum obstat istud, quod *factio hominis* nequaquam operetur illud, quod sequitur ex *fictione legislatoris*, sed & opponi poterit vulgatus canon JCtorum; non admittendam esse *fictionis fictionem*, quod tamen in ista argumentatione fiebat.

225. Cum verò ea, de quibus hætenus disseruimus, pertineant ad legem DEI positivam quidem, sed universalem & quæ omnes homines stringit, hincfacile patet, quæ sit potestas relicta *legislatoribus humanis intuitu conjugii*. Nimirum ea, ut quæ DEUS præcepit, non possint prohibere, quæ prohibuit, non possint admittere, sed circa res & actus medii saltem generis boni ac decori ordinis gratiâ in civitate speciales contrahendi matrimonii regulas ferre.

226. Quare, uti injustum foret, si legislator indistinctè omnes homines sine consideratione facultatum & conditionum vellet ad *conjugium adigere*, uti stolidi insuper esset lex, quæ omnibus civibus *matrimonio vellet interdicare*, ita nihil videtur ob stare, quo minus per legem civilem *calibes tantum ad munus aliquod* in civitate, quod longè commodius illi, quam conjugati obire possunt, *admittantur*, modò tanta sit copia ejusmodi hominum, quibus castam agere vitam concessum sit, quam ad illud munus requiritur.

Ita

Ita licebit lege civili *tempus aetatemque & statum* connubio jungendorum definire. g)

227. Deinde ex suprà b) dictis jam inferre licet, peccare principem Christianum, si per legem *maritos imperio uxorum sub-
jicere aut uxores saltem eximere à subjectione maritorum* velit; simul alia disputatio superius i) instituta ostendet, quare in altera controversia, *an princeps ultra malitiosam desertionem & adulterium
adhuc alias quasdam divortii causas admittere valeat?* judicium nostrum suspenderimus.

228. Porro non poterit princeps permittere publicè *con-
cubitus libidinosos*, l) quo pacto legi divinæ est adversum habere *lu-
panaria publica*. Alia quæstio est, *an princeps omnem libidinem gra-
vibus pœnis coercere & in clandestinam libidinem exacte inquirere tenea-
tur?* quæ ex infra dicendis in capite de pœnis est definienda.

229. Ulterius pugnat cum Christianismo, si admitteretur *polygamia* utraque *simultanea*. m)

230. Denique quod *incestum* attinet, in gradibus lege divina *probitis princeps non poterit dispensare*, multo minus per leges quicquam, quod cum jure divino hac parte pugnat, disponere. Unde etsi Papa, ut Pseudovicarius DEI, ferè potestatem hic dispensandi sibi vindicet, non immerito tamen, etiam ab ipsis Principibus Pontificiæ religioni addictis, potissimum in Gallia, hæc potestas dispensandi in dubium fuit vocata. n)

XXX 2

231.

ad §. 226. g) v. g. *ne nobilis ple-
bejam, senator libertinam, civis pe-
regrinam ducant, quamvis opera
danda sit legislatoribus ne rationes
ejusmodi prohibitionum posite sint
in vana ambitione.*

ad §. 227. h) Vide suprà §. 48.

i) Vide maximè §. 67. seqq.

ad §. 228. l) Ob dicta §. 72.
seqq.

ad §. 229. m) Ob §. 77. seqq.

ad §. 230. n) Vide Librum suprà
ad §. 198. lit. d. citatum, & Lu-
cien Soefvè dans le nouveau re-
cueil des Arrests passim.

231. Cæterum in gradibus à DEO prohibitis non solum impediendum est matrimonium contrahendum, sed etiam *dirimendum est semel contractum*. Quod non solum ex verbis legis divinæ, quæ vult, ut *extirpentur persone incestuosæ*, clarum est, sed vel maxime ex *natum incestus* demonstrari potest, quippe incestus fit per conjunctionem carnis cum persona prohibita. Tot ergo in matrimonio incestuoso occurrunt actus incestuosi, quot concubitus. Ergo si Princeps Christianus non dirimeret conjugium cum persona prohibita initum, reverà vindicaret sibi potestatem dispensandi in lege divina.

232. Unde non difficile est perspicere, quid sentiendum sit de sententia quorundam scriptorum, aut de observantia quorundam judiciorum, ubi, si vel insciis Magistratibus in gradu divinâ lege prohibitò, matrimonium contractum sit, aut à Magistratibus malè informatis, aut dolosè inductis illud permissum sit, asseritur, non posse post consummatum matrimonium, aut celebratas nuptias tales conjuges dirimi, extra casum connubii interadicendentes, quia scandalum majus postea inde nasceretur, & conscientia conjugum gravissimè laderentur, &c. o)

CAPUT

<p>ad §. 232. o] Vide Havemanni Gamol. p.m. 281. seqq. Huc per- tinet quæstio à Schiltero ventilata Exercit. 36. ad Pand. th. 45. seqq.</p>	<p>utrum conjugium incestuosum in li- nea recta affinitatis sit dirimen- dum?</p>
---	---

CAPUT IV.

De

Officiis Parentum & Liberorum.

SUMMARIA.

Connexio. §. 1. Variè dissentiunt Dd. in deducendo jure Parentum, §. 2. & prerogativa eorum quoad exercitum illius juris. §. 3. Methodus dicendorum. §. 4. Sola societas paterna inter humanas sine directo consensu mutuo initur. §. 5. -- 9. Etiam sine tacito consensu infantum. §. 10. -- 27. Finis primarius societatis paterna est educatio sobolis, imperium parentum & obsequium liberorum finis secundarius. §. 28. -- 30. Unde primum praeceptum: PARENTES LIBEROS SUOS EDUCENT, §. 31. 32. 33. profluens ex lege de praestandis officiis humanitatis, §. 34. -- 44. & secundum: LIBERI, QUAM DIU IN SOCIETATE PATERNA VIVUNT, PARENTIBUS OBTEMPERENT. §. 45. Quomodo differant obsequium & reverentia? §. 46. -- 50. Duratio societatis paterna. §. 51. -- 59. Finita ea cesset obsequium, manet reverentia. §. 60. -- 63. Quaestiones de officiis liberorum resolvi in duo tempora. §. 64. 65. Resolutio quaestionum specialium 1. Cui ex parentibus principaliter competat potestas in liberos, matri an Patri? §. 66. 67. 68. 2. An potestas patria se etiam extendat ad bona liberorum? §. 69. 70. 71. 3. An per alium parentes officio suo possint satisfacere? §. 72. 73. 74. 4. An reverentia parentibus perpetuò debita, magis ex generationis quam educationis beneficio dependeat? §. 75. 5. An liberis liceat nuptias contrahere in vitis parentibus? §. 76. -- 79.

§. I.

Post societatem conjugalem, considerationem meretur ea, quæ est inter *Parentes & Liberos*, quæ communiter *societas paterna* appellari consuevit. Intenditur siquidem, ut diximus, liberorum procreatio in conjugio: Hanc comitatur societas paterna.

2. Maximè autem variare solent scriptores in deducendo jure *Parentum in liberos*; aliis ad *generationem* hic provocantibus, a) aliis id derivantibus ex *voluntate divinâ*, b) aliis ad *legem naturalem* provocantibus & *consensum tacitum*. c)

3. Similis dissensus est de prærogativa parentum, quoad *exercitium juris istius*, quibusdam primario *ad patrem* hic respicientibus, d) quibusdam primas partes indulgentibus matri. e)

4. Nobis, ut negotium tractetur ordine, initio in *differentiam generalem* hujus societatis à reliquis naturalibus, inquirendum videtur, tum de *sine* ejusdem erit dispiciendum, ex quibus rectè cognitis *questiones occurrentes* suâ sponte resolvi poterunt. Deinde perpetuò operam dabimus, ut separemus hic jus naturale à lege positiva.

5. Ergo cum in confesso sit, *esse quandam societatem inter parentes & liberos*, & nulla gens sit tam barbara, quæ eandem non agnoscat, id præprimis animadversione dignum est, quod, cum reliquæ societates omnes, *consensum personarum* in societate illâ viventium præsupponant, etiam conjugalis, quamvis à Deo ipsò sit instituta; sola *societas paterna* sine *directo & speciali consensu* mutuo ineatur.

6. Nam initio, quod *parentes* concernit, etsi illi quodammodo in hanc societatem *consentire* videantur, dum scientes & volentes *generationi liberorum* dant operam, dum consentiunt in

ad §. 2. a) Ut Grotius. Puf. Lib. 6. c. 2. §. 1. quod caput totum cum hoc nostro conferendum est.

b) Ut Hornius.

c) Ut Pufend. ipse. §. 4. item Hobbesius. Puf. §. 2. & 3.

ad §. 3. d) quod facit iterum Hornius

e) quæ Hobbesii doctrina est.

in *nuptias*, quarum finis est sobolis procreatio, tamen consensus iste *immediatè* tendit ad societatem nuptialem, à qua societas paterna specie est diversa, & *præposterè* ex consensu in *generationem* deducitur consensus in societatem paternam, quamdiu non demonstratum est, quod generatio sit fundamentum patriæ societatis.

7. Quare nec obstat regula vulgata, *quod qui vult antecedens, velit etiam necessarium consequens*, quippe jam quærimus, quæ ratione societas paterna pro necessario consequenti societatis nuptialis vel generatæ sobolis haberi debeat.

8. Deinde, etsi daremus, consensum adesse ex parte parentum, nulla tamen societas ex consensu orta dici potest, ubi non adest *mutuus* consensus, qui ex parte *infantum* deficit.

9. Quoniam enim societas paterna mox post partum editum incipit, quomodo infans posset consentire, qui ad edendum ullum *actum animæ rationalis* est incapax.

10. Simul verò necesse est, ut corruat *consensus infantum tacitus*, quoniam suprà ostendimus, nullum esse posse consensum tacitum ejus, qui expresse consensum suum non valet declarare. f)

11. Unde, qui fundamentum juris patrii quærunt g) in pacto tacito infantum, quasi nempe infans propter latitantem adhuc rationis usum reciproca officia parentibus expresse quidem non possit promittere, ex ipsa tamen parentum operâ obligationem erga eos non minus contrahat, quam si expressus ipse consensus accessisset: (præsumi enim, si usum rationis eo, quo sublatum est, tempore habuisset, ac perspexisset, vitam sese citra parentum curam junctumque illi imperium servare non posse lubenter ipsum in idem consensurum, commodamque educationem sibi ab iisdem fuisse stipulaturum, qui consensus cum ratione præsumptus pro expresso valeat, non secus ac in legibus Romanis consensus præsumptus ejus, cujus *absentis* & *ignorantis* negotia *gesta sunt*;) illi apertè satis loco consensus *taciti* suppeditant consensum

præ-

ad §. 10. f) vide lib. 2. cap. 7. §. 19. seqq.

ad §. 11. g) Quod facit Dn. Pufend. §. 4.

presumptum, quem à tacito multis modis differre, ibidem ostendimus. *b)*

12. Quos inter & iste erat, quod *consensus prescriptus* non sit propriè dicti consensus species.

13. Facit maximè ad sententiam nostram confirmandam, quod à *domino negotii gesti* ad infantes inferebatur, nam negotiorum gestionem, cum omnibus quasi contractibus, ad exempla taciti consensus, non referri debere simul notavimus.

14. Sed & illa ratio videtur ostendere, societatem paternam ex consensu deduci non posse, quod *consensus*, quocunque titulo veniat, seu expressus seu tacitus, locum habere propriè ut *origo obligationis* non possit, nisi in *actionibus ante consensum liberis*. Atqui nec patri liberum est nec filio educationis jura cum annexo cuique debito declinare. *i)*

15. Neque hanc rationem puto destrui, si quis fortè adversus eandem excipiat; *l)* non repugnare sibi, aliquid oriri ex *præcepto legis naturalis* & oriri ex *consensu tacito*. Sanè enim, homini non esse liberum, DEO non parere, & tamen DEUM à fidelibus obsequium fœdere stipulari voluisse. Sic civem utique munia militaria debere Reipublicæ, & tamen cum miles scribitur, consensum ejus accedere & sacramentum. Sic quare dici non possit, infantis consensum tacitum intelligi, dum parens actu ejus educationem suscepit, cujus hic sit effectus, ne querendi causam habeat, quasi imperium paternum invito sibi & frustra sit impossibile. Nam adversus istam exceptionem multa possent in medium afferri.

16. Initio per *originem juris vel obligationis* hic non intelligi *originem ultimam*, quam suprà suo loco semper in lege quærendam esse declaravimus, sed *immediatam*, quæ nonnunquam etiam, imò sæpius ex *consensu* derivari poterit, & hæcenus non erit dubium, quod

h) d. l. 2. c. 7. §. 24. seqq.	disput. de patria potestate §. 49.
ad §. 14. i) Hanc rationem Dn.	ad §. 15. 1) Ita excipit Dn. Puf.
Pufendorffio objecit B. Pater in	d. §. 4. in nova edit. p. 908.

quod repugnantia non sint, aliquid oriri ex præcepto legis naturalis & oriri ex consensu tacito.

17. Sed ut *obligatio* dicatur *immediatè oriri ex consensu*, necesse est, ut ea ante consensum vel *plane non affuerit*, vel non affuerit intuitu *certain persone*, aut in *eodem obligationis genere*.

18. Ita citra consensum subjectionis *non sum obligatus*, ut ulli homini servitia præstem, quare *obligatio servi rectè ex consensu oriri dicitur*.

19. Ita & obligatio, quæ *inter conjuges est*, consensui originem debet, quia ante consensum in utriusque libertate erat positum, cui *personæ* fidem conjugalem promittere vellet, etsi jam adesse poterat obligatio *ad ineundum matrimonium*.

20. Ita si *pauperi dives centum promittat*, utique dives rectè ex consensu obligatus dicitur, etsi ante consensum obligatio ad promittenda centum adesse poterat, sed ea quidem *imperfecta*.

21. Quod si verò vinculum præexistentis obligationis per consensum sive expressum sive tacitum in *eodem obligationis genere* saltem duplicetur, non videtur, abstrahendo à legibus civilibus, *origo* obligationis istius *consensui accurate loquendo adscribi* posse. Sed tum consensus saltem ad contestandam promptitudinem satisfaciendi obligationi, aut ad majorem securitatem alterius adhiberi solet.

22. Ita, si v. g. *in fœderibus* nihil aliud promittatur, quam ad quod paciscentes jam antea ex lege naturali erant obstricti, obligatio non commodè ex fœdere isto orta esse dicitur, quin & istæ pactiones vix fœderum nomine dignæ censebuntur. *m*)

23. Ita si promissum jam antea, firmem *juramento*, obligatio nequaquam ex juramento oritur, sed ex promisso.

24. Eadem est ratio exemplorum allatorum. *Fideles* ante stipulationem Deo, jam sunt obstricti, *cives* ante sacramentum militare Reipublicæ debent munia militaria. Itaque his obligationibus quidem stipulatio vel consensus *accedit*, ita tamen, ut exinde obligatio *ortum* non ducat.

Yyy

25. Deni-

25. Deniq; nec consensus tacitus infantis in societate paterna videtur esse necessarius ad illum effectum, *ne querendi causam habeat*, quasi imperium paternum invito sibi & frustra sit impositum, quia & citra eundem liberi causam querendi non habent.

26. Nam *multa sunt obligationes*, quæ homines *invitos* obligant, quales sunt omnes illæ, quæ ex præceptis absolutis libro secundo expositis descendunt. Neque *superior* opus habet ad introducendam obligationem consensu subiecti.

27. *Frustrâ* verò non esse imperium patris filio impositum, ostendent modò dicenda.

28. Nam *finis* societatis paternæ communiter ponitur in *educatione sobolis*, n) cui, etsi addere velis *imperium parentum*, mox tamen collatio utriusque finis ostendet, *educationem sobolis* esse finem *primarium*, imperium parentum, & quod illi correspondet, *obsequium liberorum*, finem *secundarium*.

29. Haud dubiè enim is finis pro primario erit habendus, qui *perpetuò* in societate attenditur, quique est *norma* alterius, & quo obtento societas solet *desinere*.

30. Sed *educatio sobolis statim* post partum editum se exerit, antequam liberi obsequii sint capaces: Ipsum imperium patris nil aliud est, quàm *medium*, sine quo educatio obtineri nequit; educatione absolutâ *naturaliter solvitur* societas paterna.

31. Ergò primum præceptum in hac societate dirigit officium Parentum erga liberos: PARENTES LIBEROS SUOS EDUCENT.

32. *Educatio* hoc loco nihil est aliud, quàm sobolis à primâ infantia ad maturitatem tum corporis tum animi conveniens perductio. o)

33. Continet igitur sub se *duas partes*, *alimentationem*, quæ ad corpus infantis pertinet, & *doctrinam*, quæ animum ejus respicit.

34. Fluit hoc præceptum ex lege *de præstandis officiis humanitatis*. Quod ita demonstro.

35. Dum

ad §. 28. n) vid. Patr. Phil. Pract. Tab. 36.

ad §. 32. o) Pater d. Tab. 36.

35. Dum *infantes* in hanc lucem eduntur, haud dubiè constat eos esse *homines*. Et si enim philosophi & moderni & antiqui de initio humanitatis, quam diu infans est in utero dissenferint graviter, & adhuc dissentiant, quibusdam, qui traducem defendunt statim ad conceptionis tempus respicientibus, quibusdam, quibus hodie infusio animarum placet, incertum quoddam intervallum, ex quo fœtus animatus esse incipiat, constituentibus, quibusdam, ut olim Stoicis, planè animam humanam in partu demum supervenire defendentibus, in eo tamen consentiunt unanimiter, quod *infantes recens nati hominibus sint accendi.*

36. Quia igitur homines sunt, necesse est, ut *jurium, quæ hominibus competunt*, & ex statu humanitatis in libro secundo deducta sunt, quantum admittit ipsorum conditio, *sint participes.*

37. Unde adversus præceptum de *vitanda superbia* in ipsos aliquatenus peccari potest, si quis eos nimis contemptim habeat; & quamvis, præter corporis bona, bonis omnibus & animi & fortunæ destituantur, saltem illorum respectu *lædi possunt.*

38. Igitur parentes, qui liberos *interficiunt*, aut alia bona corporis iis *corrumpunt*, non tam in specie contra officium parentibus peculiare peccant, quàm id violant, quod ipsorum liberis alii etiam, & quod ipsi vicissim omnibus hominibus debent, quamvis qualitas parentum augeat ejusmodi dilecta, utpote qui non solum non lædere debebant liberos, sed & insuper commoda ipsorum quàm maximè promovere.

39. Etenim non solum præcepta *negativa* intuitu infantum sunt observanda, sed & *affirmativa*; Et istud quidem, quod *pacta servare* jubet, non adeò magnum hic exerit usum, quoniam infantes, ut diximus, pacti sunt incapaces, nisi quatenus alii homines ipsorum personas hac parte repræsentant, ut sunt in civitate tutores & curatores. Ast præceptum de *exhibendis humanitatis officiis* potissimum hic observari meretur.

40. Nam cum certum sit, si nemo infantes alimentis sustentet vel doctrinis imbuat, fame interituros eos esse, aut

eorum vitam bestiis non fore abfimilem, necesse est, ut alii homines eorum *commoditates* hactenus promoveant, ut & *vivant & cum ratione vivant.*

41. Et si verò aliàs obligatio ad exhibenda humanitatis officia *indefinitè omnes homines* fringat, quoniam tamen educatio liberorum pertinet ad officia, quæ *impensâ & operâ laboriosâ* constant, & vulgari adeò humanitati non adscribenda est, sed inter beneficia caput exerit, p) & præterea *periculum hic est in morâ,* cum liberi ipsi aliorum opem implorare nequeant, necesse fuit, ut lege naturali *certa persona* ex genere humano determinentur, qui statim sciant, præ reliquis sibi hoc beneficium incumbere.

42. At quicum communiter ad exhibenda alteri beneficia unus homo majori gradu obstrictus sit quàm alter, & multum contribuat *proximitas* ad obligationis augmentum, sua sponte fluit, quod *parentes*, utpote qui propter generationem proximi sunt, & quibus adeò, quod infantes vitam semel acquisiverint, præ reliquis hominibus maximè imputari potest, hoc munus in se suscipere debeant.

43. Quod ergo *alimentorum suppeditationem* attinet, non opus erat, ut in liberis obligatio peculiaris corresponderet, cum jam instinctus naturalis eos, quæ animalia sunt, ad eadem recipienda impellat, & quæ hoc passu ipsis incumbit obligatio, ex regulis communibus officia hominis intuitu sui ipsius dirigentibus dependeat.

44. Alia ratio est *doctrina*, quæ quoniam in hominibus adultis vix, in infantibus verò ne vix quidem sine disciplina & jure coercendi concipi potest, sequitur, ut parentibus jus competat cum *coercitione dirigendi* actiones liberorum.

45. Habes hoc pactò secundum præceptum hujus societatis. exponens officium liberorum erga parentes: LIBERI QUAMDIU IN SOCIETATE PATERNÀ VIVUNT, PARENTIBUS OBTEMPERENT.

46. *Obsequium* est vinculum libertatis, vi cuius homo obligatio-

gationem in se deprehendit, ut actiones suas, externas potissimum, secundum voluntatem ejus, qui superior est in societate, instituat.

47. Cum autem obsequium, ut omnis obligatio, simul cum metu pœnæ conjuncta sit, si contra voluntatem superioris quid fiat, & verò hic metus inter eos, qui familiares invicem sunt, esse non possit, necesse est, ut familiaritas illa in societate paternâ cesset, quæ cessatio in parentibus *gravitas*, in liberis *reverentia* appellatur.

48. Vides adeo, *obsequium* & *reverentiam* istam esse quidem conjuncta, non tamen eadem. Unde poterit quidem obsequium non esse sine reverentia, reverentia tamen poterit esse absque obsequio.

49. Scilicet *reverentia* in se est actus, quo quis actionibus externis sponte & citra jussu specialem declarat, eum, cui actum istum exhibet, à se æstimari ut sui superiorem.

50. Cum ergo *superioritas* alia sit *imperii*, alia *beneficii*, alia *dignitatis*, alia *ordinis*, q) tot etiam erunt *reverentia* species, quot superioritatis, quare & nobis erit opera danda, ut ne istas species inter se confundamus.

51. Debent autem liberi obsequium cum reverentia parentibus, *quandiu societas paterna durat*, tantisper enim imperium parentum quoad actiones liberorum vires suas exerit.

52. Neque enim societas paterna est *indissolubilis*, ut conjugalis, sive jus naturale, sive legem positivam universalem spectes, sed hic valet regula vulgata: cessante fine cessat actio, cessat adeo & status ex pluribus actionibus compositus.

53. Quare *naturaliter expirare debet societas paterna*, cum liberi ipsi capaces sunt de alimentis sibi prospicere, & educatione amplius non habent opus.

54. Quæ duo *conjunctim* requiro, requiruntur enim regulariter *conjunctim ad fundandam societatem paternam*.

Yyy 3

55. De-

55. Deinde etsi demus, aptos esse liberos, ut de *alimentis* sibi prospiciant, aut aliunde jam habere, unde se sustentent, sed multa adhuc desiderari in *gubernatione* actionum propriarum, necesse erit, ut duret societas, quoniam hujus respectu parentibus primariò competit imperium.

56. Contrà si liberi ipsi quidem capaces sint ad *dirigendas actiones* proprias, non verò possint *alimenta* sibi comparare, etsi hic videbatur imperio nullo esse opus, quasi cessante fine imperii, quoniam tamen regulariter, qui beneficium mihi præstat, exigere à me potest jure suo, ut durante beneficiò actiones meas secundum ipsius placitum, sub pœna beneficii amittendi, institutam, necesse est, ut & hanc potestatem concedamus parentibus.

57. Accedit, quod, cum vivamus in statu imperfecto, in quo mores humani perpetuo augmentum assument, vel eò habent opus, abstrahendo à legibus civilibus, nullis regalis certis determinari possint fines & termini bonæ educationis, sed hæc res relinqui debeat arbitrio & conscientiæ patris, tanquam naturâ prudentioris.

58. Quare & hoc exinde sequitur, r) in statu naturali *patrem posse filium desidem & immorigerum etiam invitum ejicere* ex familia, si ad annos discretionis pervenerit, etsi modò pater ipse non defecerit in educationis officio.

59. Sed *filius contra non poterit regulariter recedere à societate invitò patre*, nisi evidentissimis argumentis iniquitatem paternam & virtutes proprias demonstrare valeat.

60. Ulterius si maximè societas paterna est finita, remanet tamen perpetuo in liberis *debitum reverentiæ* ob *beneficia* scilicet alimentionis & educationis exhibita, quæ semel facta non poterunt unquam infecta fieri. s)

61. Sed *imperium* tum cessat, quod probè notandum, quoniam plerumque scriptores hæc duo confundunt.

62. Hoc

ad §. 58. r) Ad hunc & seq. §. Conf. Puf. §. 13.

ad §. 60. s) Puf. §. 10.

62. Hoc est, liberi obstricti sunt eo tempore, ut parentibus signa honoris exhibeant, & actiones, quæ aliquod momentum afferunt ad familiam paternam, ex parentum consilio & beneplacito, si fieri potest, suscipiant, tum & beneficia ipsa beneficiis compensent, in tantum, ut graviter peccent, si id facere negligant.

63. Quod si tamen id facere detrectent, parentibus nullum amplius competit jus cogendi liberos ad actiones istas, quin imò, si parentes tum per evidentem iniquitatem consensum suum denegent, liberi absque vitio actiones ipsas non commodè differendas suscipere posse arbitror.

64. Ex his patet, in liberis, cum de officio ipsorum erga parentes quaritur, regulariter spectari *duo tempora*, dum sunt in potestate parentum, & dum sunt eadem liberati, etsi alii *tria* constituent, *1*) prius videlicet subdividentes in tempus *imperfecti* *judicii* & *judicii perfecti* liberorum, *adulorum*, in familiâ tamen paternâ constitutorum.

65. Quæ divisio quamvis tolerari possit, nescio tamen an magnum sit usum præbitura, cum illa tempora *judicii perfecti* & *imperfecti* differant solum ratione *gradus educandi* & *imperandi*, qui major est in infantibus, ut quorum actiones minima emendatione opus habent, quam in adultis, de quo ferè non est dubium.

66. Ex dictis jam faciliè definiri possunt *controversiæ speciales*, I. Cui ex parentibus principaliter competat potestas in liberos, *matri an patri*? Respondemus enim, ex merâ ratione naturali competere *utrique*, quoniam ad fundamentum hujus potestatis concurrunt uterque, nisi ipsi parentes in societate nuptiali conveniant aliter. *u*)

67. At si *legem divinam positivam* spectes, potiores haud dubiè erunt partes *patris* quam *matris*, cum iste & *matris* actiones ad utilitatem familiæ dirigere valeat.

68. Nisi

<p>ad §. 64. t] ut Grotius. Vide Pufend. §. 7. ad §. 66. u] Conf. §. 41. 42.</p>	<p>Adde Pufend. §. 1. 2. 3. 4. 5. ubi disputat prolixè contrà Hobbesum, qui eam matri tribuit.</p>
--	--

68. Nisi pater præcipiat ea, quæ jam lege divina, vel alius superioris sunt interdicta, tum matris jussus erit præferendus, qui tamen tunc propriè non consideratur ut jussus matris.

69. II. *An potestas patria se etiam extendat ad bona liberorum?* Quod regulariter negandum, cum educatio tendat ad actiones liberorum, non ad res, alimentatio verò sit onus, non titulus, aut modus acquirendi.

70. Igitur parentes in liberis primæ ætatis, x) quidem prospicient, quid utile sit iis, ut acquirant, quid non, & ipsorum personas in acquisitione & administratione repræsentabunt, adultis verò leges acquisitionis præscribere poterunt, ut tamen utroque filio dominium acquiratur.

71. Quoniam tamen parentes jure stricto non tenentur alimenta exhibere liberis, si ipsi possideant bona ad sustentationem sufficientia, non peccabunt, si vel alimenta desumant ex bonis liberorum vel aliquatenus lucrum ex operis & bonis liberorum alimentatione respondens capiant.

72. III. *An per alium parentes officio suo possint satisfacere?* y) Quod affirmandum, non solum, quod sæpe accidat, ut finis educationis & alimentationis aliter obtineri nequeant, sed &, quod morali æstimatione idem habeatur, si quis per alium agenda peragat, quoties industria personæ non est electa, quod hic dici nequit, quoniam generatio, ut fundamentum obligationis paternæ, nullam peculiarem parentibus præ aliis industriam tribuit.

73. Ergo parentes non solum præceptoribus idoneis filii informationem rectè committent, sed & eundem alteri adoptandum dare possunt, siquidem exinde in filium aliquod emolumentum sit redundaturum. Et, si nulla alia ratio sit prolem alendi, potius quam inopia extinguatur, parentes eum oppignorare aut vendere in tolerabilem servitutem possunt, saltem sub lege retractus, ubi parentes ad lautiorum fortunam pervenerint aut quispiam ex cognatis istum redimere velit.

74. Quod

ad §. 70. x) Pufend. §. 8.

ad §. 72. y) Puf. §. 9.

74. Quod si verò parentes per inhumanitatem prolem exposuerint & abjecerint, is qui eandem sustulerit atque educaverit, in parentum quoque jus succedet, ita ut iste alumnus educatori suo filialem observantiam & obsequium debeat.

75. IV. *An reverentia & observantia, quæ parentibus perpetuò debetur magis ex generationis quàm ex educationis beneficio dependeat?* Ubi præter rationes ab aliis fufius adductas vel superius dicta jurisconsultis, quæ modo notavimus, ostendunt, magis pro educatione esse pronunciandum. 2)

76. V. *An liberis liceat nuptias contrahere invitis parentibus?* Ubi distinguendum a) erit inter liberos, qui in patria potestate vivunt & eos, qui ex familia paterna exierunt. Illi jure obsequii consensum requirere debent in tantum ut citra eundem putem nuptias esse ipsò jure nullas, quoniam hic actus est maximi momenti, & simul interesse parentum potissimum respiciens, quibus alias vel in vitis accresceret onus alendi personam adductam, vel auferretur invitis jus patrum.

77. Quod si verò liberi jam se separaverint à parentibus, in reverentiæ debitum peccant, si conjugium ineant in scitis parentibus, ipsum tamen conjugium non erit nullum; Quin &, si parentes consensum suum rogati sine justa causa denegent, sine violatione observantiæ istius consummare idem poterunt liberi.

78. Denique si liberi jam educati & adulti matrimonium contrahere cupientes parati sint exire familiam paternam, parentes vero ob duritiem & morositatem evidentem nec eos dimittere nec in matrimonium consentire velint & tum liberos, salva in reliquis pietate & reverentiâ sibi prospicere poterunt.

79. Hæc tamen omnia, quæ hæcenus in hoc capite disseruimus intellige de officio parentum & liberorum abstrahendo à legibus civilibus; quare si his aliud quid sit constitutum, id neque à nobis hoc locò impugnatum esse, neque nobis contradicere arbitrare.

Z z z

CAPUT

ad §. 75. 2] vide Puf. §. 10. Ad-
de §. 60. j. §. præced.

ad §. 76. a] Aliter paulo distinguit
Dn. Puf. §. 14.

CAPUT V.

De

Officiis Dominorum &
Servorum.

SUMMARIA.

Societatis Herilis ortus §. 1. 2. 3. & finis. §. 4. Requiritur ad eam consensus mutuus. §. 6. Ex fine prosuit imperium & subiectio, §. 6. 7. 8. non tamen jus vite & necis. §. 9. 10. 11. Præcepta duo. 1. PRÆSTA DOMINO OPERAS PROMISSAS. 2. EXHIBE SERVO CONVENTAM MERCEDEM. §. 13. 14. 15. 15. Servus non potest vendi. §. 16. 17. 18. 19. Alia servitus juris Gentium, quæ à societate herili, quatenus juris naturalis est, in quibusdam differt §. 20. -- 31.

§. I.

Societatem herilem a) in statu integritatis non obtinuisse demonstravimus librò primò.

2. Quin & in statu post lapsum nullus fuit locus huic societati, quamdiu obtinuit communio bonorum & dominia non fuerunt distincta. Indigentia enim hujus societatis ultima est origo. At ubi bona omnia sunt communia, non dominus esse potest, qui peculiariter sibi præ reliquis acquirere studeat, nec servus, qui sustentandi sui gratiâ alterius dominio se subiciat.

3. At post distinctionem dominiorum, cum quilibet paterfamilias necesse habuerit de acquirendis opibus ad sustentationem familiæ facientibus tum & de administrandis iis & conservandis prospicere, alius vero opibus destitutus, & ad acquirendas easdem

ex

ad §. 1. a] Cum hoc capite junge Puf. de J. N. lib. 6. c. 3. & de O. H. I. 2. c. 4.

ex ingenio proprio fuerit ineptus, necesse fuit, ut ille *servum* sibi quæreretur, quo tanquam instrumentô domesticô uteretur, hic sibi circumspiceret de *domino*, à quo alimenta pro operis expectaret.

4. Adeoque *finis* societatis herilis ex parte *domini* est *acquisitio & conservatio divitiarum*, ex parte *servi* *sustentatio vita per alimenta*.

5. Et si verò *indigentia* ista *mutua* homines ad ineundam societatem herilem impellat, requirit tamen eadem ordinarie *consensum mutuum* ad sui existentiam.

6. Ipse autem finis, quem dominus intendit, ostendit, ipsum consensum in societatem herilem naturaliter ex parte servi includere *subjectionem*, ex parte domini *imperium*.

7. Nam acquisitio & conservatio opum ob infinitam circumstantiarum varietatem infinitis modis variat, quare illi modi in pacto societatis determinari nequeunt, sed relinquendi sunt determinationi futuræ unius ex contrahentibus toties exponendæ, quoties est opus.

8. Ergo cum dominus hac parte principalis causa sit & servus instrumenti vices gerat, necesse est, ut *dominus* dirigat actiones servi.

9. Et quidem, si à legibus civilibus abstrahas, cum *coërcitione*, quantum ad istum finem obtinendum est opus, quoniam sine ea directio actionum esset frustranea.

10. Hæc tamen regulariter ad *gravem corporis afflictionem*, multo minus ad *mortem* propria autoritate sumendam procedere nequit; quoniam his pœnis finis societatis herilis non obtinetur, neque ea servorum negligentiam in opere exequendo expellunt, neque mores ad decus & tranquillitatem familiæ componunt.

11. Quod si *atrox delictum* servos admiserit, si in alium extra familiam, expelli inde poterit, idque ei, qui læsus est, extra civitatem sufficiet, si in ipsam familiam, dominus id per extrema in servo vindicare poterit, non quidem ut servo, sed ut hoste.

12. Ergo officium *servi* summatim istô præcepto continetur: PRÆSTA DOMINO OPERAS PROMISSAS, & vice

versa Domini: EXHIBE SERVO CONVENTAM MERCEDEM.

13. Cæterum, prout indigentia aut hebetudo ingenii major vel minor est, vel in perpetuum servitium quis sese addicere solet domino, vel ad breve & determinatum tempus, quandoq; etiam ad determinatas operas.

14. Hic utrobique conventa merces & opera præstanda sunt: Ibi dominus perpetua alimenta & quæ alia vitæ necessaria sunt, servus perpetuas operas, quascunque dominus præscripserit præstare debet, & quicquid ex illis provenit, domino fideliter consignare.

15. In imponendis tamen operis dominus virium & dexteritatis servi humaniter rationem habebit, ne vires ipsius excedentem laborem cum asperitate exigat.

16. Non tamen *invitus* alteri vendi poterit servus perpetuus, quia ultro hunc & non alium dominum adscivit, & ipsius interest utri serviat. b)

17. Accedit, quod consenserit saltem in *imperium* & hætenus adhuc personæ vicem sustineat, alienatio vero præsupponat dominium rerum. c)

18. Denique alienatio nihil facit ad obtinendos fines societatis herilis.

19. Alia ratio erat *liberorum*, utpote quorum societas cum parentibus non oriebatur ex consensu, & ubi alienatio obtinebat sæpius finem istius societatis, neque liberorum intererat, à quo educarentur.

10. Et

ad §. 16. b) Puf. de J.N. §. 7.

ad §. 17. c) Unde hoc est inventum morum humanorum: quod servi habeantur pro mortuis, pro rebus, quod non habeant statum, quæ ultra effectus civiles non sunt extendenda. Unde & quatenus jus

natura aut jus divinum positivum universale in ipsis læditur, ipsis injuria fieri dicitur, §. 2. ad §. 18. d. Inst. de his qui sui vel af. jur. sunt, quatenus injuriarum actio juris civilis remedium est, servis non fieri injuria asseritur. §. 3. Inst. de injuriis.

20. Et hæc obtinent in *societate bellicæ naturaliter* consideratâ. Aliam *servitutem* introduxerunt *mores* quarundam *Gentium* in bello *captis*, ut ii, quibus vita donata esset, *servitia* perpetua pro alimentis exhiberent.

21. Et in istos quidem servos à plerisque *durius* agi cœptum, quod hostilis adhuc iræ quid in eos superesset, & quia ipsi extrema nobis nostrisque fortunis intentaverant. Quamprimum tamen inter ejusmodi victorem victumque mutua fides circa *consociationem* in familiam intercessit, omnis antegressa hostilitas remissa censetur.

22. Et tunc utique *injuriâ* etiam taliter adquisito servo facit *dominus*; si vel necessaria ad victum non suppeditet, vel citra rationem in eum se viat, multoque magis si citra condignum delictum eundem occidat.

23. Circa illos quoque servos, qui bellicâ vi in eam conditionem fuerant abstracti, receptum, ut non secus ac *aliæ res nostræ* in quemcunque placeret transferri, & ad instar mercium venire possent. Sic ut ipsum corpus servi domini esse intelligeretur.

24. Ubi tamen humanitas jubet, ut nunquam obliviscamur, servum utique hominem esse; adeoque nequaquam cum ita tractemus, velut alias res nostras, quibus pro lubitu uti abutique, easque destruere possumus. Et ubi talem servum alienare placet, ne iis datâ operâ aut præter meritum addicatur, apud quos inhumana ipsum tractatio est mansura.

25. Denique id passim receptum, ut, quæ ex servis parentibus nascitur *proles*, servilis & ipsa sit conditionis, pertineatque tanquam mancipium ad dominum matris.

26. Id quod isthoc argumento defenditur, quod cujus est corpus, ejus quoque pars sit fructum esse, qui ex eo corpore provenit. Et quia ista proles nascitura planè non erat, si dominus jure belli in parentem usus fuisset.

27. Quibus adde, quod parentes ejus nihil habeant proprii, unde nulla ratio prolem ejusmodi alendi superest, nisi ex

bonis herilibus. Cum igitur dominus alimenta præbeat ejusmodi proli diu ante, quam ipsius opera utilis esse queat, & sequentes operæ sui temporis alimenta non multum ferè excedant; effugere eidem servitutem invito dominò non licebit.

28. Manifestum tamen est, cum ejusmodi vernæ nullâ suâ culpâ in servitutem perveniant, nullum esse prætextum; quare isti durius debeant tractari, quàm conditio *perpetuorum mercenariorum* admittit.

29. Cæterum ista servitus etsi non æquè naturalis sit, ut præcedentes duæ species, quæ conditionem communem humanæ naturæ sequuntur, non tamen est adversa dictamini rationis, quin potius, si aliter mihi ab hoste cautum esse possit, d) ex ejusdem dictamine rectè deducitur.

30. Nempe ut *licita* & jure exercita, non ut præcepta, unde nec peccaverunt gentes, apud quas illa servitus rursus *exolevit*, ut inter Christianos.

31. Qui tamen nec ipsi peccarent, etsi eandem rursus etiam inter se *introducerent*, quoniam videlicet ista servitus neque cum lege positiva universalis pugnat, neque regulis Christianismi est adversa. e)

CAPUT

ad §. 29. d) Sed videndum an casus sit dabilis hujus conditionis. Vel enim hostis extremè malus est, tum nec per servitutem illam gentium mihi cautum est, vel fiduciam habeo, quod se emendaturus sit, tum sufficiet illa servitus naturalis.

ad §. 31. e) De hoc tamen cogitandum foret ulterius. Certè inter

eos qui utrobique veri Christiani sunt casus non est dabilis. Ergo quæstio eò rediret: An Christianus cum Pseudo Christiano salvis regulis Christianismi bellum gerens, possit salvis regulis Christianismi hunc Pseudo Christianum devictum adigere ut pactum ejusmodi cum ipso ineat, Conf. Albert. c. 12. §. 8.

CAPUT. VI.

De

*Officiis Viventium in
Civitate.*

SUMMARIA.

Connexio. §. 1. *In statu integritatis non fuisset Respublica.* §. 2. 3. *Fines civitatum : beatitudo civilis & omnium rerum sufficientia.* §. 4. *Forma ordo imperantium & parentium.* §. 5. *Unde oritur Civitatis definitio.* §. 6. *Etsi civitas sit societas naturalis, falsum tamen hominem à natura appetere societatem civilem.* §. 7. -- 11. *Metus est causa primaria impulsiva constituendarum civitatum.* §. 12. -- 17. *Metus tamen isse non confundendus cum vehementi terrore animi.* §. 18. 19. *Indigentia non est causa civitatis.* §. 20. *Necesse fuit, ut homines in civitatē coirent.* §. 21. -- 25. *Ad constitutionem civitatis requiruntur pacta duo & unum decretum.* §. 26. -- 31. *A forma regiminis civitates dividuntur in regulares & irregulares.* §. 32. *Regulares vel monarchia vel Aristocratia vel Democratia.* §. 33. *Civitates sunt vel sanæ vel morbidæ.* §. 34. *Vitia seu morbi sunt vel hominum, §. 35, vel status. §. 36. 37. Respublica irregulares sunt infinitæ. §. 38. 39. Omnes irregulares respublica sunt morbidæ vicio status. §. 40. Ostenditur latius, non peccari in officium boni viri, vel boni civis, si quis rempublicam aliquam ostendat esse morbidam vel irregularem.* §. 41. -- 56. *Dantur etiam Systemata civitatum.* §. 57. *A nostra divisione rerum publicarum quatenus abeat vulgaris divisio.* §. 58. -- 61. *Civitas constituta.* §. 62. *definitur.* §. 63. 64. *Civium vox ambigua.* §. 65. *Majestatis causa immediata non est Deus.* §. 66. -- 88. *Modi imperium acquirendi.* §. 89. -- 92. 1. *Occupatio.* §. 93. -- 103. 2. *Electio.* §. 104. -- 107. *Unde regnum vel electivum vel successivum.* §. 108. *Successivum certis regulis non nititur.* §. 109. -- 114. *Majestatis definitio.*

tio. §. 115. *Potestas summa quid?* §. 116. -- 119. *Monarchomachi.* §. 120. 121. *An dari possit Monarcha temporarius?* §. 122. -- 126. *Majestas vel absoluta,* §. 127. 128. *vel limitata* §. 129. *per leges fundamentales.* §. 130. 131. *Regnum vel Patrimoniale vel usufructuarium.* §. 132. -- 141. *Majestatis partes seu regalia sunt vel immanentia vel transeuntia,* §. 142. *secundum alios vel majora vel minora.* §. 143. *Aliorum divisio à finibus rerump.* §. 144. -- 155. *Habitudo religionis ad remp.* §. 150. -- 153. *Respublica mixta est respublica morbida.* §. 156. -- 160. *Præcepta hic respiciunt vel imperantem,* §. 161. *ubi primum: DISCE QUÆ AD PLENAM COGNITIONEM OFFICII BONI PRINCIPIS PERTINENT:* §. 162. *Secundum: SALUS POPULI SUPREMA LEX ESTO,* §. 163. 164. *vel subditos.* §. 165. *Horum officium generale constat præceptis tribus:* §. 166. *Primo: RECTORIBUS CIVITATIS PRÆSTA REVERENTIAM, FIDELITATEM ET OBSEQUIUM* §. 167. *Secundo: SALUTE ET INCOLUMITATE TOTIUS CIVITATIS NIHIL HABERE CARIUS* §. 168. *Tertio: CUM CONCIVIBUS VIVE AMICE ET PACIFICE* §. 169. *Commune præceptum circa officia specialia: NON AFFECTA, NEC SUSCIPE OFFICIUM IN REP. AD QUOD TE INEPTUM DEPREHENDIS* §. 170. *Specialia tot sunt, quot sunt officia* §. 171.

§. I.

DE Officiis viventium in civitate a) facilis esset discursus, nisi quoad theoriam ipsius societatis civilis, sine qua frustra de officiis differitur, difficultates multas nobis peperissent nimia adoratio dictorum Aristotelis, vel potius interpretum, ejus mentem non rectè percipientium, tum studium erroneè sentientibus, rationibus undecunq; conquisitis, contradicendi, locorum itidem scripturæ contra regulas bonæ interpretationis & præcepta logica facta expositio, & deniq; medi-

ad §. 1. a] Junge cum hoc §. seqq. Puf. lib. 7. c. 1.

meditationes hominum inutiliter curiosorum, statum integritatis tam profundè rimantium, ut illi nescio quas societates elegantia gratiâ affingerent.

2. Non futuras fuisse *respublicas* & civiles societates in isto *perfecto statu* demonstravimus libro primo, b) unde pro flosculo rhetorico haberem ad persuadendam plebem apto, si quis afferret civitatem cum *perfectissima* sit societas, *perfectissimum* statum dedecere non potuisse. c)

3. Uti enim istud dogma Peripateticorum de *Civitate societate perfectissima* jam supra d) expendimus, ita ad istam allusionem idem haud dubiè responderem, quod mihi responduri sint alii, si simili modo assererem ædificia perfectissime structa, cibum delicatissimum, vestes pretiosissimas, medicamenta saluberrima *perfectissimum* istum statum dedecere non potuisse.

4. Jam ut ulterius progrediamur, tentabo annon ex concessis possim disputare cum Peripateticis. Nam in eo consentimus, e) Finem civitatis esse duplicem *principalem* & ultimum *ευδαιμονίαν*, id est veram *beatitudinem* civilem, non uni homini, sed toti populo insinuandam, & *subordinatum* alterum *αὐταρκειαν*, seu omnium rerum & bonorum externorum sufficientiam, quippe jam supra f) observavi, præsidia externa contra violentiam magis pertinere ad *ευδαιμονίαν* quàm ad *αὐταρκειαν*, cum beatitudo civilis sine pace & tranquillitate communi non possit concipi.

5. Consentimus & in eo: quod *forma civitatis* sit *respublica*, hoc est, ordo imperantium & parentium, item summi imperantis & inferiorum magistratuum. g)

Aaaa 6.Unde

ad §. 2. b] l. 1. c. 2. §. 37. seqq.

c] *Quæ Philosophia Albertina est*
c. 14. §. 1. p. 209.

ad §. 3. d] L. 3. c. 1. §. 36. seqq.

ad §. 4. e] vide Patr. Tab. 39.
Phil. Pract.

f] L. 3. c. 1. §. 21.

ad §. 5. g] vid. Tab. 39. & 42.
Phil. Pract.

6. Unde videtur suâ sponte fluere *definitio civitatis à formâ & fine*: Civitas est societas naturalis summum imperium continens, omnis sufficientiæ & beatitudinis civilis gratiâ. *b)*

7. Neque enim & illud negamus, *i)* civitatem esse *societatem naturalem* aut cujusquam absurditatis arguimus Aristotelem, quod dixit, hominem φύσει esse ζῶον πολιτικόν, sed exinde tamen non sequitur, quod interpretes Aristotelici postulant, hominem non ferri solum naturâ ad civitatem, sed *rapi* ita ut *natura sit principalis causa impulsiva* ineundæ civitatis, reliquæ omnes, & inter eas quoque indigentia & metus, pro causis saltem secundariis & accidentalibus sint habendæ.

8. Nam verbi gratiâ *societas berilis* nihilominus naturalis est, etsi homines propter indigentiam eam invenerint. *l)*

9. Deinde, dum qualitas aliqua creaturæ naturâ inesse aut illa ad aliquid apta nata esse dicitur, per illam locutionem quædamque notatur aliquid actu inesse rei cuiuspiam per naturam, citra omne antegressum ipsius aut alterius factum, quo sensu v. g. piscis aptus natus est, ut natet, avis ut volet, quercus ut glandes ferat.

10. Interdum autem notatur alicui rei inesse aptitudinem seu habilitatem recipiendi perfectionem quampiam per culturam & disciplinam, quæ ut ipsi insit, natura intendit, aut saltem tanquam sibi congruum & non repugnans approbat: quo sensu natura aptus est v. g. equus, ut gressus superbos glomeret, id quod asino negatum, psittacus ut garriat, ager ut frumentum, collis ut vitem ferat, ipse homo ut sermocinetur, ut varias artes & scientias addiscat.

11. Atque hoc sensu hominem etiam τῇ φύσει esse ζῶον πολιτικόν, vel certè non instinctu intrinseco naturæ, sed ex-

trin-

ad §. 6. h] Addit Pater: immediate composita ex pluribus vicis. Sed cur ea verba omiserimus, patet ex dictis l. 3. c. 1. §. 30.

ad §. 7. i] Ad hunc & seqq. §§. Puf. §. 2. 3.

ad §. 8. l] Conf. supra lib. 3. c. 1. §. 4. 5. 6.

trinfeco impulsu potissimum ferri ad societatem civilem jam demonstravimus, etsi de genuino sensu phraseos Aristotelicæ, quæ & ipsa forte non incommode pro nostrâ sententiâ explicari poterit, nullam litem sectatoribus ejus moturi simus, utpote quibus magis curæ est quid Aristoteles dicere debuerit, quàm quid dixerit.

12. Statuimus igitur, non instinctum aliquem naturæ intrinsecum ut in societate nuptiali & paterna fiebat, sed *ab extrâ metum malorum quæ homini ab homine imminent*, esse causam principalem, quæ homines ad societatem civilem impulit, indigentiam verò bonorum ad vitam sustentandam necessario esse causam secundariam.

13. Prius probamus inde, quia *si naturali instinctu* homines ferrentur ad Rempubl. necesse foret, ut etiam *in statu ingratæ* Respublicæ æquè ut conjugium & paterna societas futuræ fuissent. At hujus contrarium jam evicimus.

14. Nec est quod ad *naturam corruptam* provocare velis, five enim intendas *corruptionem hominis moralem*, & ex hujus instinctu civitatem deducas, sequeretur, civitatis appetitum esse peccaminosum, five ad imbecillitates *naturales* respicias, haberem quod volo, quia indigentia & metus illarum imbecillitatum notæ sunt. *m)*

15. Et quid multis est opus? vel ex *finibus civitatis* sententia nostra firmari potest. Suprà *n)* ostendimus causam impulsivam & finalem actionis alicujus sibi invicem esse oppositas, unde, quicquid reluctantur Peripatetici, necesse est, *metum esse causam primariam* impulsivam ad civitatem ineundam, quia huic correspondet finis primarius, tranquillitas communis, & *indigentiam causam secundariam*, quia opponitur huic omnium rerum sufficientia ut finis secundarius.

Aaaa 2

16. Et

ad §. 14. m) Indigentia quidem imbecillitatem corporis, metus imbecillitatem animi denotat.

ad §. 15. n) l. 2. c. ult. §. 70. seq.

16. Et quod *metum attinet*, de quo potissimum lis est, si statuunt dissentientes citra eundem etiam civitatem concipi posse (quod necesse est, si metus foret tantum causa secundaria) inde sequeretur, ut aut frustra quis appeteret civitatem, qui jam in tranquillitate est constitutus, aut appeteretur civitas sine tranquillitate.

17. At utrumque hoc vel ex ipsorum doctrina absurdum est: quippe non solum, *cessante sine cessat actio*, sed & civitas sine fine primario est non ens, quippe cum fateantur, societatum differentias dependere à fine.

18. Repetenda verò hic ex iis quæ docuimus librò secundo o) *distinctio metus*, quoniam per eum hic non intelligimus vehementem animi terrorem ob intentatum grave malum, sed suspicionem læsionis futuræ & diffidentiam.

19. Quo ipso eluditur quorundam argumentum, qui objecerunt, p) tantum abesse ut metus causam civitatibus constituendis dederit, ut potius, si homines mutuò se metuissent, *ne conspectum quidem mutuum potuissent ferre*, sed dum unus hac, alius alia sese proripit, perpetuò separati mansissent. Nam ii apertè satis metum in priorè acceptione supponunt, & cogitare debuissent, quod & hoc sit metuentis, providere ne probabilem metus causam habeat.

20. Uti verò qui doctrinam Aristotelis sequuntur, de indigentia, quod illa sit causa civitatis secundaria, litem nobis non movent, ita adversus alios tamen, qui homines ut in civitatem coirent, per indigentiam fuisse motos arbitrantur, q) tenendum, id quidem certum esse, vix miserius fore animal homine, si singuli solis sibi relinquantur citra ullam ab aliis hominibus accedentem opem, & nec illud quidem negari posse, ad delicias usque vitam humanam excoli cœptam, postquam in civitates fuit concessum, interim tamen nec illud negari poterit, jam ante civitates, quando adhuc per familias segreges disperfi

ad §. 18. o) l. 2. c. 6. §. 53. seqq.

ad §. 20. q) Puf. §. 6.

ad §. 19. p) vide Puf. §. 7. p. 950.

ſperſi agebant homines, ſatis conſultum fuiſſe neceſſitatibus vitæ, inventa agricultura & pecuariâ, viniculturâ, veſtiariâ aliſq; artibus, unde patribus familias, qvî affatim agri, pecoris qve ac ſervorum poſſident, nihil deest ad tolerandam hanc vitam, aut ſi quid deſit, per commercia id ſuppleri poterit.

21. Illuſtrari dicta maximam partem poterunt tum ex *conſideratione conditionis humane*, qvatenus eadem cum vita civili comparatur, tum ex *meditatione ſtatus naturalis* & ejus incommodorum. *Illa* firmabit, qvôd homo natura non appetat ſocietatem civilem; *hec* oſtendet, cur metui iſti ingruentium homini malorum ab aliis hominibus citra civitatem non potuerit ſatis fieri.

22. *Homo* per inclinationes congenitas fertur, ut nemini ſubjectus eſſe & omnia ſuô agere arbitrio velit, & vix per metû pœnarum ad id adigi poterit, ut imperantibus obſequium præſtet, & ferociam, ac in plurima vitia, qvorum nec ſimulacra in beſtiis deprehenduntur, proclivem animum deponat.

23. *Qvî* verò *civis* fit, libertatis naturalis jacturam facit & imperio alieno, qvôd jus vitæ & necis complectitur, & cujus juſſu plurima facienda, abs qvibus qvis alias abhorrebat. *Bonus* verò *civis* ille dicitur, qvî juſſis imperantium promptè paret & ad bonum publicum omnibus viribus nititur, etiamſi id à bono proprio videat diſcrepare.

24. Porro, etſi lex naturalis præcipiat, ut ab omnibus injuriis inferendis homines abſtineant, etſi eadem ſatis inculet, non impune laturos, qvî alios injuria affecerint, tamen *ejus legis reverentia id præſtare non poteſt hominibus*, ut in libertate naturali ſatis tutò degere qveant, qvîa magna ibi hominum turba datur, qvibus omne jus vile eſt, qvoties ſpes lucri arriferit, & fiducia propriarum virium aut ſolertia qva repellere aut eludere laſcos ſeſe poſſe ſperant; neqve metus divini numinis neqve conſcientiæ morſus ſat validam deprehenduntur vim habere qvorumvis hominum malitiæ coercendæ, cum multi præſentibus tantùm immineant, futurorum parum curioſi ac non niſi iis moveantur, qvæ in ſenſus incurrunt.

25. Quodsi urgeas, hominis naturam non considerandam esse, prout *corrupta* est, sed in sua *perfectione*, respondebo, non solum jam in libro primo r) explosum esse dogma, quod inculcat, disciplinas & scientias tradendas esse secundum ideas status alicujus perfectissimi, etiamsi ille non existat, sed & parum per hanc objectionem te esse lucraturum, cum jam toties dictum sit, nec in naturâ perfecta ob summam perfectionem, fuisset Respublicas futuras.

26. Excussa igitur causa, quæ homines ad ineundam societatem civilem movit, proximum est, ut investigemus, *qua ratione civitates sint extructæ.* s) Ubi illud quidem manifestum est, adversus mala ab hominum pravitate imminencia singulis hominibus neque locum aliquem, neque arma, neque animantia-bruta commodum satis & efficax præsidium posse suppeditare; sed ad id necesse esse alios homines eosque *conjunctos*, neque paucos, sed *insignem hominum multitudinem*, neque subito & inconsiderato coeuntes aut sententiis distractos tendentes in diversa, sed *consentientes circa adhibenda media ad eundem finem idonea*, & in *consensu isto perseverantes.*

27. Cum verò isti fini obtinendo in hominibus multis sui juris & à se invicem non dependentibus duo potissimum vitia obstant; unum *diversitas inclinationum & judicii*, hebetudo itidem ingenii, & *pervicacia* propria placita mordicus defendendi; alterum *torpor & aversio* ultrô faciendi quod in commune utile, sed cum labore conjunctum est, necesse est, ut istis vitiis occurratur, *priori* quidem unitis in perpetuum voluntatibus omnium, quod fit, si unusquisque suam voluntatem voluntati unius hominis, aut unius concilii subjiciat, *posteriori* verò, si constituatur aliqua potestas, quæ præsens & in sensus incurrens malum infigere possit communi utilitati reluctantis, quod fit, si omnes & singuli se obligaverint, quod eo modo vires suas sint applicaturi sicut illa potestas voluerit.

28. Ubi

ad §. 25. r) l. i. c. 4. §. 44. 45.

ad §. 26. s) Hic incipit Pufend. l. 7. c. 2. de J. N. & de O. H. l. 2. c. 6.

28. Ubi igitur voluntatem & virium unio facta fuerit, tunc demum multitudo hominum in validissimum corpus, *civitatem* nimirum animatur.

29. Ex dictis patet, regulariter ad coalitionem civitatis requiri *duo pacta & unum decretum*. *Primum pactum* ineunt multi in libertate naturali hætenus constituti, inter se singuli quod in unum & perpetuum cætum coire & concives mutuo fieri velint; in quod pactum *omnes & singuli*, ut consentiant necessum est, nam qui non consenserit, is extra futuram civitatem manet.

30. Post hoc pactum oportet, ut *decretum* fiat, qualis forma regiminis sit introducenda.

31. Post decretum circa formam regiminis *altero pacto* opus est, 1) quo constituuntur ille vel illi, in quem vel quos regimen nascentis civitatis confertur, quo quidem pacto hi ad curam communis securitatis & salutis, reliqui ad obsequium his præstandum se obstringunt, suasque voluntates & vires illius vel illorum voluntati & directioni subijciunt.

32. Cum verò à *forma regiminis* ipsæ civitates dividantur, hæ *divisiones* paucissimis erunt tradendæ, 2) sunt enim formæ civitatum vel *regulares* vel *irregulares*. *Regulares* sunt, ubi imperium summum in uno subiecto ita est unitum, ut illud indivisum & inconvulsam ab una voluntate per omnes civitatis partes atque negotia sese dispenset. Ubi hoc non deprehenditur, irregularis forma civitatis erit.

33. *Civitatis regularis* tres sunt formæ; aut enim regimen collatum est in unum hominem, qui dicitur *monarcha*, & civitas *monarchia*, aut in concilium, & hoc quidem vel ex selectis civibus seu *optimatibus* constans, & vocatur *aristocratia*, vel ex *universis* patribus familias seu populo, & est *democratia*.

34. Con-

ad §. 31. t] Dissentit Hobbesius, [respondet Puf. §. 9. 10. 11. 12.
qui nullum pactum inter imperan- ad §. 32. u] Hic incipit Pufend.
tes & subditos agnoscit, cui fusius lib. 7. cap. 5.

34. Contigit verò sæpius ut regimen alicubi *benè*, alicubi *pravè* & imprudenter administretur. Unde fit, ut aliæ civitates *sane* aliæ *morbide* & corruptæ dicantur, etsi propter istiusmodi morbos peculiare formas aut species rerum publicarum comminisci necessum non sit, sicuti nec homo sanus ab ægroto differt specie.

35. Eorum autem morborum, quibus civitates infestantur, alii in *hominibus*, alii in *ipso statu* hærent. *Vitia hominum* sunt, si, quibus imperii administratio incumbat, ad id munus gerendum sint inepti, vel officiò suò negligenter aut pravè fungantur, & si cives, quibus sola obsequii gloria relicta est, frenum mordeant.

36. *Vitia status* sunt, ubi leges aut instituta civitatis non sunt attemperata ad genium populi aut regionis, aut ibi eadem cives disponunt ad turbas internas, aut ad justa vicinorum odia incurrenda; aut si eosdem ineptos reddunt ad obeundas functiones, quæ Reipublicæ servandæ sunt necessariæ, aut si leges fundamentales ita sint dispositæ, ut per eas negotia publica non possint non tardè & difficulter expediri.

37. *Morbis* ejusmodi Rebus publicis multi peculiaria quoque vocabula applicant; ita ut vitiosa monarchia vocetur *tyrannis*; vitiosus status paucorum obligarchia; vitiosus status popularis *ochlocratia*. Etsi frequenter contingat, ut multi per isthæc vocabula non tam morbum Reipublicæ, quam suum affectum aut displicentiam in præsentem statum, imperantesve exprimant.

38. *Respublica irregularis* est, in qua non ita perfectè unio illa, in qua essentia civitatis consistit, deprehenditur: idque non per modum morbi, aut vitii in administratione Reipublicæ hærentis; sed ut publica lege aut consuetudine ea velut legitima sit recepta.

39. Cum autem aberrationum à rectitudine *infiniti esse modi* queant, non possunt etiam irregularium Rerum publicarum certæ & definitæ species constitui. Indoles tamen ejus ex uno aut altero exemplo plane potest intelligi, v. g. si in aliqua Republica senatus & populus summo utrinque jure negotia publica tractent, ita ut neuter alteri obnoxius sit. Aut si in regno aliquo procerum poten-

potentia ita invaluerit, ut regi deinceps non alio modo quam inæquales fœderati subsint.

40. Cæterum vel descriptio Reipublicæ irregularis ostendit, si præcedentem divisionem Rerum publicarum, secundum quam aliæ sanæ erant, aliæ morbidæ, huc applicare velis, irregulares morbidis esse accensendas, non quidem vitio imperantium tales, sed vitio status, x)

41. Equidem vulgus impium planè & injurium esse putat, si quis certam rempublic. aliquam pro irregulari & morbida prædicet, tanquam hoc pacto contra reverentiam summis potestatibus debitam & contra boni civis officium peccetur, utpote qui optimè de republica, in qua degit, sentire, & mutationem nullam eidem inferre vel desiderare debeat.

42. Sed hi profecto sophisticè differunt, ne quid dicam gravius. Initio quippe *morbidum* esse in se haud quaquam *contumeliosum* est, aut, quod semper culpam ejus, qui morbo laborat, importet, quippe cum sæpius dispositio imbecillis structuræ corporæ, aut conditio vivendi honesta & necessaria &c. morborum causæ existant; ita v.g. vita sedentaria eruditorum multorum morborum occasionem præbet.

43. Similiter & in rebus publicis morbidis, etsi vitia quædam comitentur *statum*, ista tamen nequaquam imputari debent ipsis *imperantibus* aut parentibus, sed si non semper, certè sæpius, necessitas ingens Reipublicæ, puta, v.g. pacis & tranquillitatis turbatæ iterum recuperandæ studium, illum morbum in *statum* introduxit.

Bbbb

44. Et

ad §. 40. x) Notum est, Monzambanum Remp. Romano-Germanicam habere pro irregulari. Hic cum Dn. Pufendorffius Monzambanum defendens inter alia ab adversariis inculparetur, quod haberet eam pro morbida, in responsio-

nibus suis subinde distingvit: aliud esse morbidum, aliud irregulare. Nos concedimus, in hac materia morbidum & irregulare idem esse, at negamus, crimen esse, si quis Remp. sub quavis, morbidam esse asserat.

44. Et quamvis, ut diximus, naturalis Reipublicæ ortus pacto & consensui libero ineuntium rempublicam debeatur, unde videbatur dicendum esse, quod vitia status imputari quoque debeant ipsis civibus; rarius tamen evenit, ut prima origo Reipublicæ alicujus nobis nota sit, in mutationibus verò ejusdem sæpius unius partis voluntas non ita est libera, sed à multis exterioribus turbis graviter inclinatur. Quiri imò non putandum est, vitia status *ab initio* statim formatæ Reipublicæ adfuisse, sed pleaque rempublicam jam constitutam *sensim* invaserunt.

45. Quemadmodum ergo per declarationem morbi, utpote rei per se non contumeliosæ, in reverentiam reipublicæ & imperantibus debitam non peccatur, ita non omnis, qui *morbidus* terminum de aliquo prædicat, id *animo contumelioso*, qui injuriam importet, facere confendus est, quid? quod sæpius peccaret contra officium suum, *si morbum dissimularet*.

46. Exemplo sit in corpore humano *Physicus & Medicus*, quibus non solum vitio verti non poterit, si morbum homini aperiant, sed &, ut ignorantia aut malitia imputaretur, si corpus morbidum tanquam sanitate perfectæ præditum sit, deprædicarent.

47. Eandem rationem esse puta *Doctōris & Consiliarii* in morbis Reipublicæ. Peccaret *Doctōr*, y) si rempublicam pro sanâ vendicaret, quæ talis non est, non solum, si à Principe ea de re quæretur, sed &, si à quovis alio, cui veritatem profiteri ex pacto vel aliàs obstrictus est, quemadmodum peccaret *Physicus*, qui à discipulo interrogatus, tertium ægrotantem defenderet esse sanum. Peccaret *Consiliarius*, si Principem quærentem remedia conservandæ Reipublicæ persuaderet, nullis remediis esse opus.

48. An verò officium boni civis esse putas, ei, cui veritatem loqui obstrictus sum, falsum dicere, hoc est mentiri?

49. Sed fortè toleras ista, si quis ea loquatur intra privatos parietes, & peccatum in eo quæris, quod quis opinionem suam
publice

ad §. 47. y) Doctorem comparo Physico, Consiliarium Medico.

publice divulget, hoc enim pertinere ad contemptum Reipublicæ, cum potius navi domestici sint dissimulandi.

50. Quasi ea prudenter dissimulemus, quæ omnium oculos incurrunt, quæque publicis legibus exponuntur omnium scientiæ, quasi *Medicus* pro contemptore & irrisore habeatur, qui sæpius publicè exempla personarum morbo aliquò periculosò laborantium adducit, quatenus nempe tales morbi sunt, qui ægrotis non imputantur.

51. Denique sicut istud axioma, quod *omnis mutatio Reipublicæ sit perniciosa*, infinitis limitationibus & declarationibus est obnoxia, ita potissimum id intelligendum est de mutatione in personis imperantibus.

52. At hanc quidem non intendit, qui *Doctoris* munus gerit, sed saltem morbum declarat, curam ejus relinquendo aliis.

53. Qui & ipsi tamen peccarent contra regulas prudentiæ & pietatis, si posito & cognito Reipublicæ morbo, *consilia* suppeditarent de tollendis imperantibus, quemadmodum stultus pariter & injustus esset *Medicus*, qui cognito morbo hominis, medicamenta eidem suppeditaret, caput, animæ sedem, corruptionem.

54. Quin potius uti officium boni *Medici* sapius est, in corpore multis impuritatibus repleto, camarinam medicamentis plane non movere, ne totus homo destruat, sed potius suppeditare confortantia partes maximè vitales, sic *Consiliarii* sapius erit, morbum, qui in Republica altas radices egit, tolerare inconcussus, & saltem consilia eò dirigere, ne latius serpat malum.

55. Neque tamen cuilibet erit integrum, *privato consilia sua* hac parte sponte offerre Reipublicæ, cum omnino pro vitio (etsi satis obvio) haberi debeat, si quis talia tentet, sed pro vitio magis *imprudentiæ* quàm *injustitiæ*, quale nempe est vitium ejus, qui non vocatus ab ægroto, medicamenta sua eidem offert.

56. Sed vereor ut & isti, qui publicè declamant in assertores Rerum publicarum irregularium & morbidarum, à simili in-

eptitudinis vitio se liberare possint, cum sane non rogati *vindicationem honoris & reverentia Reipublica debita sibi arrogent*, quasi ipsis incumbat Atlas curanda tranquillitatis publica, principe interim quieto, & istos togatos milites vano conatu hostes sibi fingentes, & stramineis armis oppugnantes, ridente.

57. Cui controversia Politica cognita sunt, digressionem hanc nostram fortè non judicabit intempestivam. Jam in viam. Cum istis, quas huc usque recensuimus formis rerum publicarum non confundenda sunt *Systemata Civitatum*, ubi nimirum plures perfecta civitates aliquo peculiari vinculo vel communis regis vel perpetui federis ita connectuntur, ut ipsarum vires fere pro unius civitatis viribus haberi queant.

58. Cave vero *divisionem hanc formarum Reipublica eandem* esse arbitreris cum ea, quæ communiter proponitur. Nam *primò* doctrina de *systematis civitatum* planè negligitur, quæ, si comparando ad reliquas terminis distinctis circumscribere velis, fortè appellare posses *respublicas compositas*, illas vero *simplices*.

59. Non tamen puta, ac si *secundo* distinctio hæc in *simplices & compositas* coincidat cum divisione communi Reipublica in *simplicem & mixtam*. *Mixtam* enim vocant, quam nos *irregularem* dicimus, etsi nec dum terminus mixta Reipublica exhaustat ambitum Reipublica irregularis. 3)

60. *Tertio* nos Rempublicam irregularem *morbida* accensuimus, illi mixtam suam omni præconio extollunt; quam bene, mox dicemus.

61. *Quarto* illi divisionem Reipublica in *rectam & corruptam* habent pro divisione in species; quamvis hoc leve sit.

62. Diximus hætenus de *constitutione civitatis*. Civitas *constituitur* ad modum unius personæ concipitur, unoque nomine ab omnibus

ad §. 59. 2] Quia *respublica mixta* tantum dicitur quæ *composita* est ex *Monarchia*, *Aristocratia* & *Democratia*: At *irregularis* etiam denotat *compositam* v.g. ex *Monarchia & Systemate Civitatum*.

omnibus particularibus hominibus distinguitur atque dignoscitur, habetque peculiaria jura ac res proprias. a)

63. Unde jam *civitas* plenius *definiri* potest, quod sit *persona moralis composita*, *cujus voluntas ex plurium pactis implicita & unita*, pro voluntate omnium habetur, ut singulorum viribus & facultatibus ad pacem & securitatem communem uti possit.

64. Non verò difficile est concipere, quomodo *voluntas civitatis* se exerat, quoties penes *unum* hominem regimen civitatis est. Verum ubi id est collatum in *concilium* plurium hominum, regulariter illud habetur pro voluntate civitatis, in quod consenserit *major pars concilii*, quoniam commodior alia litium & dissensuum evitandorum ratio haberi non potest, nisi expresse statutum sit, quota pars concilii consentiens requiratur ad repræsentandam voluntatem universitatis.

65. Civitate sic constituta, ille, in quem imperium est collatum, *Imperantis* nomine gaudet, reliqui *subditi* audiunt vel *cives*, quamvis & in lata acceptione *civium* vox utrumque ordinem sub se comprehendat.

66. Potestas verò imperantis in civitate uno vocabulo *Majestas* appellatur, de qua profecto magnos in sinpulo fluctus excitarunt, qui *eius causam immediatam DEUM esse defenderunt*. b)

67. Scilicet, ut sæpius contingit, falsâ aliquâ sententiâ ortâ; ut eam refutare aggrediantur Viri docti pariter & semi-docti, solidis istî rationibus adversarios impugnantes, hi ineptis & ridiculis; ita & evenit, cum *Machiavelli* scripta de Principe, in quibus Autor vel impius vel satyricus principem omnia ex utilitate propria metiri, callidè tamen & clandestinè jubebat, avidè legerentur, ut inter eos, qui huic doctrinæ se opponebant, aliqui in alterum extremum prolapsi, qui communiter *Monarchomachorum* appellatione veniunt, docerent; principem ita teneri ad procurandam utilitatem publicam, ut si secus faceret, populo ad rationes reddendas, quin & ad penam esset obstrictus.

B b b b 3

68. Sed

ad §. 62. a) Conf. Puf. de O. H. & C. lib. 2. c. 6. §. 10. seq.

ad §. 66. b) Hic incipit Pufend. lib. 7. cap. 3.

68. Sed hos quidem uti solide ex genuinis principiis politicis refutarunt Viri quidam celebres, c) ita non defuerunt tamen, qui in novum extremum ruentes, nimum quantum sobriæ Politicæ adversus tradita Monarchomachorum accedere putarent, si thesis ista, *quod DEUS sit causa immediata majestatis*, omnibus viribus d) propugnaretur.

69. Quare & in Gallia aliquando à certa ordinum classe propositio ista ut in publicis comitiis approbaretur, & autoritate regia confirmaretur, fuit postulatum, tanquam sine qua tranquillitas publica in regno non sit speranda. Sed res effectu caruit, reliquis ordinibus demonstrantibus, in ea salutem Galliæ non esse sitam, sed controversiam istam cathedris scholasticis esse relinquendam. e)

70. In Germania verò simile quid vel tentatum saltem esse non meminimus, sed affectui magis suo quam veritati indulgisse arbitramur, qui publicæ traditionis autor fuit: f) *Non tutam fuisse Germaniam*

ad §. 68. c) Puf. d. l. §. 3. & 4.

d) Non providere tamen poteram, dum ista scriberem, eventurum esse, ut aliquot annis post Hector Gottofredus Masius ignem Carnificis Hafniensis ad defendendam istam sententiam absurdam sit adhibiturus. Nolle factum, non meigratia, utpote cui vis ista vana nec in bonis corporis, nec in bonis animi, nec in bonis fortuna nocuit, sed Optimi Regis intuitu, cujus Nominis & Autoritate Masius hac parte fuit abusus, imo ipsius Masii & Ministri Regii Masium adjuvantis gratia, ut qui hac carnificis flamma indelebilem malitie an stultitie maculam fama propria apud

posteritatem & meliorem hujus seculi partem inusserunt, quasi scilicet veritas à carnifice possit extingui. Det Deus, ut Masius stultitiam hanc agnoscat & ad sanam mentem redeat. Quamvis id quidem sit optandum magis quam sperandum.

ad §. 69. e) Vide Grammond. Hist. Gallic. lib. I. Conf. quæ dixi in Cogit. jocosæ. anni 88. mense Decembr. p. 771. seq.

ad §. 70. f) Scilicet J. F. Hornius in præfat. ad lib. de civitate. Quod si fortè Hornius ad Constitutionem de anno 1338. respexerit, quam refert Goldastus lib. 2. der Reichs-Sakungen, & ad hanc respondit d. mens. Dec. p. 773. seqq.

Germaniam Galliamque, antequam solennibus comitiis sanciretur: Deum esse solam causam Majestatis, qui aliter doceret, castigandum deportatione. g)

71. Ergo vanum istud terriculamentum cerebrinæ alicujus deportationis non terrebit, quin sententiam nostram de *causa Majestatis* aperiamus liberè, *h)* de qua tres præcipuæ sunt opiniones. Una, *populum* regulariter consensu suo in reges transferrèdum imperium *Majestatem* producere, *DEUM* verò salubre hoc hominum institutum probare. *i)*

72. *Alienæ*, illa eminentium Monarchomachicæ sectæ oppugnatorium: *l)* *DEUM* non solum esse autorem & *originem* *Majestatis*, sed & ejusdem *causam immediatam*, non solum in primis & antiquis Rerumpublicarum temporibus, sed & hodie semper, quotiescunque Princeps aliquis vel consensu populi, vel vi bellica, sive justa sive injusta, regnum nanciscitur; nam consensum populi & reliquos modos esse quidem media ad acquirendam *majestatem*

g) Similis, ut videtur, opinio *Masii*; Non tutam fore *Daniam*, antequam solenni edicto sanciat: Deum esse solam causam *Majestatis*, qui aliter doceat; ejus scripta castiganda per ignem carnificis; aut pasquillos *Siegfriedi* cujusdam *Benzenii* vel similis furfuris *Pseudo-Ministrorum* verbi.

ad §. 71. *h)* Neque hodie terret vanius adhuc terriculamentum *Masii*, quo minus hanc doctrinam repetamus. Carnificem agat & Pasquillantem, quotiescunque ipsi libuerit, mille scurras *Benzenium* equantes vel superantes contra me excitet; ipse *Benzenius* vel sub suo nomine publice in famam meam

grassetur, vel sub larva cujusdam *Ehrenboldii* aut alterius nominis ficticalumnias atrocissimas evomat. Ego quidem per istas vanitates non moveor, neque tranquillitas animi mei, etiamsi rumpantur, per hac inania nequaquam turbatur. Deum potius precor, ut ipsis ignoscatur, quia nesciunt quid faciant, ita affectu ambitionis, invidiæ, adulationis, & furentis iracundiæ abrepti sunt.

i) Quæ est *Grotii*, vid. *Puf. §. 2. ad §. 72. 1)* Ut *Hornii*, Commentatorum *Grotianorum* & communiter *Theologorum Lutheranorum*, unde & *Masius* eam tanquam nostræ religioni præcipuam commendavit,

majestatem, non verò causas medias, & v. g. populum quidem eligere principem, huic verò lecto majestatem immediatè conferri à DEO, &c.

73. Nobis *tertia* eaque media placet opinio *m)* statuentium; revera DEUM *antecedenter* præcepisse hominibus, ut societates civiles instituantur, quoniam sine iis pax & tranquillitas humani generis subsistere non potuit, adeoque DEUM rectè dici *autorem* imperii in civitate seu Majestatis, non demum ex postfacto illud probasse, & ita *originem* Majestatis ad DEUM utique pertinere, tanquam ad autorem legis naturalis.

74. Sed ut imperium *immediatè* in civitate producat, *proximè* ex *pactis*, per quæ civitas coalescit, & quæ hactenus exposuimus, promanat, dum nempe populus vires suas & voluntatem principi submittit, princeps verò istam subjectionem acceptat.

75. Et hinc est, quod *unus Apostolorum n)* Imperium politicum vocat *ordinationem divinam*, respiciens ad divinam ejus originem, *alter o)* id refert ad ordinationes humanas, referens se ad ejusdem ortum specialem.

76. Sed fortè scire cupis, quibus rationibus illi, qui DEUM immediatam causam faciunt, sententiam suam defendant? *Omni-no nullis*, nisi imbecillis maximè, & ad quæ tyro facilè respondere possit, quare nec memorabimus quidem.

77. Ergo opus fuit, ut defectum *rationum* specie *pietatis* supplerent, coacervando multa *scriptura dicta*, de divina Majestatis origine quidem testantia, sed de *immediate* nihil firman- tia, nisi fortè apud vulgus & logicæ imperitos homines.

78. Ad quos alliciendos maximè conducere videbatur dictum Apostoli: *Non est potestas nisi à DEO, ubi verò est potestas, à DEO est.* Quid enim? dixerunt, annon satis apertum est, Apostolum hic utramque assertionem nostram probare, & quod Majestatis origo sit à DEO, & quod nullam aliam causam agnoscat præter

ad §. 73. *m)* Dn. Pufend. d. §. 2.

ad §. 75. *n)* Paulus ad Rom. XIII. 1. seq.

o) Petrus I. 2. v. 13.

præter DEUM; adhibet enim particulam *nisi*, quæ exclusiva est, & omnes alias causas præter DEUM excludit. Necessè verò est, ut quæ causa sola sit, sit etiam immediata.

79. Quo pacto parum absuit, ut non simul se egregiè præcepta ratiocinandi observasse gloriati sint, cum analysis logica doceat, propositionem exclusivam in se continere duas propositiones communes, unam affirmativam, alteram negativam.

80. Sed ad hoc quidem *sophisma* facillima est responsio. Nam initio *contextus* ostendit, Apostol. ibi per potestatem intelligere non solum summam illam, quæ majestas dicitur, sed & *subordinatas* omnes, quæ magistratibus competunt. Si ergo in locutione ista: *Non est potestas, nisi à DEO* voluisset innuere: DEUM esse causam immediatam potestatis illius, de qua loquitur, sequeretur etiam illud absurdum, quod DEUS sit causa immediata potestatis in quocunque magistratu etiam infimo. At hoc nec ipsi dissidentes admittunt.

81. Deinde commiserunt insignem errorem logicum & in doctrinam de æquipollentiis, & in caput de *propositionibus exclusivis*, dum istam propositionem: *Non est potestas, nisi à DEO*, quæ nulli alii æquipollet quam illi: *Non datur potestas, quæ non sit à DEO*, seu: *Omnis potestas est à DEO*; habuerint pro exclusiva: ac si Apostolus dixisset: *Potestas est non nisi à DEO*. Nam hæc verè exclusiva esset, illi æquipollens: *Potestas est tantum seu immediate à DEO*.

82. Res ita clara est, ut puderet, ulterius quid addere, nisi hic impigissent sæpius homines non de turba. Ergo liceat illud in super paucis monere, non solum Apostolum perspicuè periphrasin prioriphrasi omnis dubii tollendi gratiâ adjecisse, dum statim subjicit: *Ubi vero est potestas, à DEO est*, cum alias dicere debuisset, *ubi vero est potestas, tantum à DEO est*, sed & veritatem dictorum illustrari posse simili exemplo.

83. Ita rectè dico: *Non est homo, nisi ab Adamo (à DEO)* sed hæc profecto propositio non æquipollet illi: *Homo est non nisi ab Adamo (à DEO)* quæ simul etiam falsa est.

84. Vides adeò, eos, qui cum ejusmodi armis Monarchomachos aggrediuntur, *bonam causam malè defendere*. Nam uti sine hoc somnio iidem non difficulter vinci possunt, ita fallor, an non ex eadem hypothefi *Monarchomachi* spicula possint retorquere adversus suos aggressores.

85. Cum enim illi statuunt, omni principi, etiamsi injustissimè v. g. per regicidium ad regnum pervenerit, à DEO immediate majestatem infundi, sequitur ex communi Politicorum hypothefi (quod majestas non solum in monarchia, sed & in Aristocratia & Democratia locum sibi vindicet), idem dicendum esse de populo regem suum injuste de solio deturbante & Monarchiam transmutante in statum Democraticum.

86. Quidsi itaque urgeant Monarchomachi, etsi majestas sit immediate à DEO, exinde tamen nequaquam sequi, injustum esse, ut populus regem, potestate divinitus concessa abutentem deponat & puniat, quin imo, dum DEUS rege fortè interempto *majestatem ab ipso in populum transferat*, vel ex hoc clarum esse, quod *interemptio regis non sit injusta.* p)

87. Nisi fortè illud absurdum admittere velint isti Anti-Monarchomachi; *DEUM* esse, non dicam causam peccati, sed quod majus est, *peccati*, qua talis, ut ita dicam, *premiatorem*.

88. Ex his angustiis, quomodo se extricare velint, equidem non video, nisi refugium quærant in distinctionibus nihil significan-

ad §. 86. p) Commune argumentum Theologorum nostratum contra Monarchomachos est: Quicumque potestatem suam immediate habet à Deo, illis homines non possunt eam auferre per pœnam. Atque Reges &c. E. Quidsi igitur Monarchomachus 1. responderet negando majorem, & det instantiam de sacerdote delinquente, qui haud dubie justè deponitur in pœ-

nam, etsi ex communi etiam plurimorum Theologorum sententia potestatem suam immediate à Deo acceperit? Quidsi 2. opponat: Quicumque post depositionem regis à Deo immediate majestatem accipit, ille non injustè regem deposuit. Atqui invasor regni ex vestra hypothefi &c. E. Hic mallem scire, quid responsuri sint defensores communis sententia.

ficantibus, aut ad vanum terriculamentum autoritatis propriæ provocent, ostendentes videlicet barbam & pallium.

89. Cæterum etsi consensus populi, ut hæcenus diximus, ad imperium legitimè acquirendum requiratur, *modi* tamen, quibus iste consensus elicitur, variant, unde jam ordo postulat, ut pauca de *modis acquirendi imperii* differamus. q)

90. Cum autem in disquisitione, quo quis modo imperium acquisiverit, regulariter præsupponatur, diversum esse eum, qui imperium dicitur acquirere, ab illis, à quibus vel in quos idem acquiritur, & verò in *monarchiis* istud discrimen longè clarius se pandat, quam in Aristocratia & Democratia, de *monarchia* hic potissimum erimus solliciti, à quâ postea ad Aristocratiam & Democratiam suo modo facillè poterit fieri applicatio.

91. Etsi enim *successio* rarius in *Aristocratia*, nunquam in *Democratia* r) habeat locum, ad hanc etiam nec *electio* propriè accommodari posse videatur, tamen ad utramque speciem poterit accommodari distinctio inter modum acquirendi *violentum & non violentum*,

92. Nam si per seditionem pulsus optimatibus & rege *Democratia* constituitur, etsi populus regem ejiciens, non possit dici violento modo imperium in seipsum constituisse, cum in *Democratia* imperantes & subiecti non physicè sed morali saltem respectu distinguantur, revera tamen violento modo regi vel optimatibus imperium abstulit, s] quod hic sufficit.

93. Imperium igitur *monarchicum* vel acquiritur per *violentiam*, vel *ultroneo* populi consensu. *Violentia* vel *justa* est vel *injusta*.

Cccc 2

ad §. 89. q) Hic incipit *Pufend.*
lib. 7. cap. 7.

ad §. 91. r) Nam qui in *Democratia* senatores sunt, non habent *majestatem*, sed ejus saltem *exercitium*. Totus vero populus, qui hic *majestatem* habet, semper idem est,

etsi singuli succedant in locum singulorum. *Successio* vero & *electio* præsupponunt diversa subiecta.

ad §. 92. s) Dissent. Dn. Pufend.
§. 1. & Conf. §. 5. n. 3. ubi tractat, quando populus libertatem consequatur hoc pacto,

injusta. Per quamcunque imperium acquiratur, modus iste appellari solet *occupatio*, quæ cum illa occupatione, quæ res domino vacuæ per solam apprehensionem dominio nostro subjiciuntur, non est confundenda.

94. *Iusta violentia* imperium acquiritur, si quis iusta bellandi causa subnixus, favente vi armorum & fortunâ populum aliquem eò redigit, ut ipsius deinceps imperio se subicere cogatur.

95. Ergo non statim post victoriam imperium habet in victos, ita ut consensum subjugatorum non expectare debeat, quomodo enim ex statu belli in pacem poterit descendere sine *interveniente pacto*?

96. Illud duntaxat habent iusto bello victores, ut consensum devictorum non per ambitum aut preces eblandiri necesse habeant, sed eundem per intentata extrema mala possint extorquere.

97. Idque duplici ex fundamento. Nam primò victor, si rigore belli voluisset uti, vitam planè victis adimere potuisset, atque sic, dum minore istos incommodo defungi patitur, clementiæ insuper laudem nanciscitur.

98. *Secundo*, qui cum altero in bellum descendit, quem ipse antea læserat, & cui æquam satisfactionem præbere renuit, omnes suas fortunas alex Martis exponit, sic ut jam in antecelsum quasi tacitè consenserit in quamcunque conditionem, quam eventus belli ipsi sit assignaturus.

99. Quod *invasorem injustum* concernit, prius discernendum est, an per vim *democratiam* verterit in monarchiam, an *monarcha* ejecto in ejus locum se immiserit.

100. *Posteriori casu obligatio restituendi* non prius expiatur, quam aut expulsus rex ipsiusque hæredes, quibus ad regnum ejus quæsitum fuerat, sint extincti, aut ipsi pro derelicto id habuerint.

101. Interea tamen temporis, etiam quamdiu adhuc invasis conscientia laborat, *subditos* post consensum suum fides

fides data valide stringit, siquidem tunc demum eandem derunt, quando pro expulso rege, t) quicquid ab ipsis postulari potuit, fecerunt.

102. Circa priorem casum probabilissimè videtur dici, cum populus æquè in monarchia quam democratia felix esse queat, facile esse, popularis libertatis desiderium digeratur, si rempublicam novus iste rex bene gubernaverit, id quod etiam ex modici temporis patientia atque assuetudine præsumi potest. Et hoc facto acquisitionis vitium purgatum intelligitur.

103. Quodsi autem aliquis post mutatam violenter rempublicam cives miseris modis habeat, vitium ejus ne diuturnitate quidem temporis purgabitur, quia diuturna possessio hic nihil aliud erit, quam diu continuata injuria.

104. Ultroneo autem consensu populi paratur regnum interveniente electione, qua populus constituendus aut jam constitutus uliro certum hominem suo judicio imperii pacem designat, cui quando decretum populi fuerit significatum, idque ille acceptaverit, promisso populi obsequio imperium confertur.

105. Dixi *uliro*: id est, non adigente ad id populum eo per vim majorem, qui regnum adipiscitur. Cæterum ad hanc classem referri meretur, sive populus ex solo studio commoditatis suæ promovendæ & instinctu quodam quasi intrinseco aliqui transferat imperium, sive ad id compulsus fuerit necessitate quodam extrinseca, metu nempe vis majoris ab alio imminens, fame &c. Ostendet tamen hæc instinctus diversitas mox u] suum usum, ubi ad affectiones imperii civilis pervenerimus.

106. Dixi: electionem fieri à populo vel constituendo vel constituto. Posterior præ priore id habet peculiare, quod susci-

Cccc 3

piatur

ad §. 101. t) *Ap. Puf. §. 4. in utraque editione legitur: adversus expulsum regem, quod arbitror esse sphalma.*

ad §. 105. u] §. 139.

piatur rege priore defuncto & tunc regulariter illam antecedit
interregnum.

107. In *interregno* licet ad imperfectam formam recidat civitas, dum cives primo tantum pacto inter se connectuntur: multum tamen firmitatis ei adhuc addit nomen & affectus communis patriæ, civiumque plerorumque fortunæ isti loco fere affixæ; quæ bonos cives subigunt, ut ultro tantisper pacem inter se colant, & quantocyus ad plenum imperium instaurandum incumbant. Et si magnopere ad incommoda ex interregnis oriri apta, evitanda faciat, si in antecessum constituantur, penes quos solio vacante interim Reipublicæ administratio esse debeat.

108. Cæterum alicubi quidem singulis monarchis defunctis nova instituitur electio: Alicubi autem regnum eâ lege in alterum confertur, ut citra novam intervenientem electionem in alios per successionem transeat. Illud si fiat, vocatur regnum *electivum*, si hoc, *successivum*.

109. Jus autem *successionis* constituitur vel arbitrio regis, vel arbitrio populi, prout nempe regnum est vel *patrimoniale* vel *usufructuarium*, de qua distinctione mox x) plura.

110. Horum uterque si voluntatem suam manifestaverit *expresse*, bene est, quod si id non fuerit factum, difficillimæ ibi oriuntur controversiæ, quoniam deficiente voluntate expressa recurrendum est ad voluntatem *tacitam*.

111. Cujus certæ quædam exactæ regulæ tradi non possunt, non solum, quod *voluntas humana*, si ullâ in re, certè in translatione bonorum suorum infinitis modis *variet*, sed &, quod, si ad *equitatem* fortè respicere velis, nullus facile reperiat modus succedendi ab intestato receptus, qui non aliquam æquitatem secum habeat. y)

112.

ad §. 109. x) §. 132. seqq.

ad §. 111. y) Declamatum hoc
exemplo parentum & fratrum de.

functi in successione concurrentium,
intuitu Juris Romani antiqui, novi,
& Juris Saxonici.

112. Neq; verò illa conjectura hic obtinet, quod in *regnis* eadem *successio* debeat observari, quæ recepta est in *bonis privatorum*, ob magnam differentiam inter regna & hæc bona.

113. Igitur in similibus controversiis sæpius inter principes oris, uti facile est conjecturas reperire conjecturis contrarias, cum fundamentum conjecturandi sit lubricum, ita ingenio saltem opus est, ad jura principis hac parte defendenda, ut non mirandum sit, si in tali negotio quatuor diversissimæ partes vel plures jura sua publicis scriptis deducere fuerint ausæ, & si unquam axioma aliquod firmitatem obtinuit, certè hic obtinet vulgatum istud: *Beati possidentes*.

114. Si tamen controversiæ adjudicandæ sunt secundum id, quod *plerumque fieri solet*, 2) non dissitemur, prævisse hæc parte Viros Celebres, qui fuscæ regulas quasdam suppeditant, quibus instar normæ plerumq; uti solent scriptores de questionibus ejusmodi disceptantes.

115. Definitur a) verò *imperium* in civitate, quod unò vocabulò *majestas* dicitur, de cujus origine & modis acqvirendi hætenus differuimus, quod sit *summa potestas dirigendi actiones civium*, & cum iis qui extra rempublicam sunt, nomine civitatis negotia pacifica pariter & bellica suscipiendi, ad obtinendos civitatis fines.

116. Dico: *potestas summa*, id est, in sui exercitio à nullo homine tanquam superiore dependens, sed ex propriò iudiciò se se exferens, sic ut ejusdem actus à nemine tanquam superiore qveant irriti reddi.

117. Inde etiam est, quod idem imperium sit *ἀνυπεύθυνον*, seu nemini mortalium obstrictum ad reddendas rationes, eo cum effectu, ut si eas alteri non adprobaverit, pœnis humanis aut coercitioni, velut à superiore profectis, eò nomine sit obnoxium.

118.

ad §. 114. 2) Sed hic modus argumentandi est probabilis, non demonstrativus.

ad §. 115. a) Hic incipit Puf. lib. 7. cap. 6.

118. Cui conjunctum est, ut idem summum imperium *legibus humanis* & civilibus ut talibus sit *superius*, iisdemque adeò directè non obstringatur. Istæ enim leges à summo imperio tam in origine quam in duratione dependent. Inde fieri non potest, ut per istas idem obligetur; cum alias idem seipso, *superius* foret.

119. Neq; ulterius concipi commodè poterit summitas imperii, nisi simul conjunctam eidem esse arbitremur peculia-rem *sanctimoniam*, b) ut non solum ejus jussis legitimis resistere nefas sit; sed & ejusdem asperitas non secus atqve à pro- bis liberis parentum morositas, à civibus sit patienter ferenda. Quin & ubi atrocissimas injurias intentaverit, singuli potius fuga sibi consulunt, aut quantamcunq; calamitatem sustine- bunt, quam ferrum in durum quidem, sed tamen parentem patriæ stringent.

120. Ergò cum sanctimoniam hanc impugnent *Monarcho- machi*, inepta secta, & ab aliis jam dudum profligata, necesse est, ut eorum rationes simul summitatem tollant, utque adeò majestas, quam ipsi regibus tribuunt, talis non sit.

121. Quorsum etiam pertinet ipsorum distinctio *Majesta- tis in realem & personalem*.

122. Occasione autem *summitatis*, quæ Majestati cohæ- ret, Politici quæsierunt: *an dari possit monarcha temporarius?* hoc est, cujus imperium certo ac definito temporis spatio sit adstrictum, ut finito eò iterum privatus fieri debeat, & ad id jure cogi possit?

123. Mihi videtur quæstio *affirmanda* esse, quia *summum* esse & *temporarium* esse non implicant, & si illorum principum potestas revera pro majestate habenda est, qui sponte abdica- runt imperium, & vitam privatam amplexi sunt, nulla ratio videtur obstare, cur non & istorum, de quibus loquitur quæ- stio.

124. Nam etsi hi ad depositionem jure cogi possint, coactio autem jasta repugnet summitati, non tamen antè locum habet coactio, quam tempore finito, quo potestas eorum cessavit summa esse.

125. Modo ejusmodi monarcha temporarius non sit obstrictus, ut deposito imperio *rationes reddat* populo, aut *pene* ob rem male gestam sit obnoxius. Nam tum imperium ejus non est *αὐτεὺς δυνον*, ergò nec summum, sed potius habendus erit pro magistratu aliquo majore.

126. Alia controversia est, ubi de dictorum applicatione est quæstio, ut dum quæritur; *an Dictator Romanus habuerit veram majestatem?* Hic enim præsupposita ista ad circumstantias factorum ex historiis eruendas debent accommodari, quod hujus loci non est.

127. Porro neque cum summitate imperii pugnat restrictio ejusdem, quin potius idem in monarchiis potissimum & aristocratiis dividi potest in *absolutum & limitatum*.

128. *Absolutum* imperium monarcha habere dicitur, qui illud administrare potest proprio ex judicio, non ad normam certorum ac perpetuorum statutorum, sed prout præsens rerum conditio videtur exigere, quiq; adeò proprium ad arbitrium salutem Reipublicæ, prout ejusdem tempora postulaverint, procurat.

129. Verùm quia unius hominis judicium ab erroribus non est immune, & voluntas in prava flexilis, in tanta cum primis libertate; quibusdam populis consultum visum, ejus imperii exercitium *certis limitibus* circumscribere.

130. Id quod factum, dum ad *certas leges* circa administrationem *partium* imperii in delatione regni regem adstrinxerunt; & si, quando negotia summam rerum spectantia, quæque in antecessum definiri nequeunt, inciderent, voluerunt ea suscipi non nisi *præsciente & consentiente* populo, aut ejusdem deputatis in comitia convocatis, ut eo minor occasio regi prabeatur à salute regni aberrandi.

131. Vocantur autem istæ leges, quæ potestatem principum ita limitant, *leges fundamentales*, voce legis improprie & abusive acceptâ, cum potius sint *pacta*. c)

132. Denique Rex cum summo imperio aut habet etiam potestatem alienandi regnum idque dividendi pro lubitu, aut eadem destituitur.

133. Priora regna melioris distinctionis gratia Grotius vocavit *Patrimonialia*, posteriora *Usufructuaria*, quoniam nempe usufructuarius rem, in qua usumfructum habet, alienare non potest, qui in pleno patrimonio potest.

134. Meminisse ergo debeant ii, qui hanc divisionem Grotio impugnaverunt, denominationem istam non extendendam esse ultra tertium, in quo Grotius quærebat similitudinem, & adeo recordari vulgati proverbi, quod *omne simile claudicat*.

135. Quamvis non diffidendum sit, commodiorem fore denominationem regnorum posterioris classis si locò usufructuarius vocarentur *fideicommissaria*, quod & alicubi facit Grotius.

136. Cæterum cum à priori quæritur, quænam regna pro usufructuariis habenda, quænam in patrimonio? sic tenendum: Si populus in pactis, quibus consensum suum declaravit, potestatem alienandi transtulit in regem, tum haud dubie regnum erit in patrimonio.

137. Quod si id factum non fuerit, pro *patrimoniali* tamen habendum erit illud, quod armis sibi quæsit rex, aut quod raro contingit, ubi suum sibi populum ipse fecit, exemplo Romuli.

138. Ex illis verò, quæ *ultroneo consensu* in principem translata sunt, pro usufructuariis habenda erant, quæ populus noluit esse *successiva*, cum eo ipso satis declaraverit, se nolle alienationem principi concedere, cum ne quidem ad progeniem ejus regnum transire voluerit.

139. In *successivis* (aut ubi dubitatur, an regnum sit electivum an successivum) illa pro usufructuariis (& *electivis*) haberem, d) ubi

ad §. 131. c) Inde dicitur in simili: pacta dare legem contractui.

d) ubi populus instinctu quasi *intrinseco* solo motus, absque impellente gravi necessitate exteriore regem elegit, ista pro *patri-
monialibus*, (& *successivis*) ubi necessitas gravis *exterior* populum ad querendum sibi regem impulit.

140. Nam si de hac questione ab initio delati regni mentio fuisset injecta, præsumendum est, in priori casu regem accepturum fuisse regnum adempta ipsi alienandi & succedendi potestate, in posteriori populum assensurum fuisse regi potestatem alienandi & successionem postulanti.

141. Regulariter enim in contractibus leges præscribit alteri, cujus minus interest, contractum fieri, is verò conditiones quamvis duras acceptat, ad quem major ex contractu redundat utilitas. At si populus nulla ad id necessitate adactus sibi regem eligat, majus interesse regis est, quàm populi; si necessitas gravis populum urgeat, magis populi interest quàm regis.

142. Exerit autem se majestas, ut in definitione e) diximus, non solum in relatione ad subditos, sed & in ordine ad pares extrarepublicam, unde particula summæ potestatis, quæ communi nomine *regalia* dici consueverunt, commodè dividi possunt in *regalia immanencia*, ubi prior respectus attenditur, & *intranscuntia*, ubi posterior. f)

143. Nam divisio alia, quæ regalia dividuntur in *majora* & *minora*, uti multis tricus est obnoxia, ita magis usum præbet in controversiis ex jure humano, cui etiam ortum debet, definiendis, quam in jurisprudentia naturali, ubi minora æque ad obtinendos fines reipublicæ requiruntur atque majora.

144. Majorem cum primâ divisione convenientiam habet ea, quæ à *finibus* rerumpublicarum est desumpta. Promoven-
tur enim illi tum, si omnia bene & ordine gerantur in Republica

Dddd 2

&

ad §. 139. d) Conf. *suprà* §. 139.

ad §. 142. e) §. 115.

f) *Idem & dividit Pater in Tabb. Phil. Præb.*

& cives à vi intrinseca reddantur securi, tum, si defendantur adversus vim extrinsecam tempore belli. g)

145. Itaque regalia vel diriguntur *primario ad unum* horum modorum promovendi fines Reipublicæ, vel inserviunt *communiter utrique. b)*

146. Ad *pacis* tempora pertinet quam maxime *potestas legislativa, i)* qua imperantes civibus significant, quæ ipsorum circa negotia ad salutem civitatis facientia sit voluntas, cui se cives in pacto constituendæ civitatis submiserunt.

147. Eodem pertinet *potestas pœnas sumendi*, qua intenditur, ut cives tuti sint adversus damna & injurias, quæ à concivibus invicem inferri possunt & solent, & sine qua potestas *legislatoria* foret frustranea.

148. Tum & potestas *judiciaria*, qua deciduntur controversiæ super rectâ legum applicatione ad facta singularia & factis civium contra leges ortæ. Unde inservit hoc regale potestati *legislatoriæ & juri puniendi.*

149. Denique cum singulorum actiones à sua cujusque opinionione regantur; plerique autem de rebus ita soleant judicare, prout assueverunt, & prout communiter judicari vident; paucissimi proprio ingenio vera & honesta dispicere queant, inde civitati expedit, ut publicè ejusmodi doctrinis personet, quæ cum recto fine & usu civitatum congruunt, simulque animi civium à puero istis imbuantur. Ejusmodi igitur doctrinas, qui doceant publice, summi imperii est constituere. Quare huc pertinet jus erigendi *Scholas & Academias*, item *jus circa sacra strictè sic dictum.*

150.

ad §. 144. g) Huc pertinet princ.
procem. Inst. Hic incipit Pufend.
lib. VII. cap. 4.

transseuntia, [v.g. jus belli gerendi.]
Communia sunt iterum immanentia.

ad §. 145. h) Quæ respiciunt tem-
pus pacis, sunt immanentia, quæ
tempus belli, partim immanentia
(v.g. jus conscribendi militem) vel

ad §. 146. i) Pertinet potestas le-
gislatoria etiam ad bellum sed se-
cundario, dum leges militares con-
stituuntur. Cum illis enim, quibus
hæc leges dantur, certe pax est.

150. Cave autem putes, nos docere, ac si præcepta religionis debeant dirigi *secundum utilitatem singularum rerum publicarum*. Hæc enim esset cavillatoria explicatio verborum nostrorum, qui de *sine communi civitatum* loquimur.

151. Cujus adeo habitudo ad religionem est ista, ut religio illa *falsa* habeatur, quæ aperte pugnat cum tranquillitate rerum publicarum, quoniam DEUS nunquam voluit ejusmodi doctrinis imbui homines, neque etiam voluisse potuit, quia est autor rerum publicarum, nec adeo potuit voluisse contradictoria.

152. Sed quoniam unius finis obtinendi plura poterunt esse media, non valet inverso ordine argumentatio; *hæc religio congruit fini civitatis, ergo est vera*: quoniam supra l) ostendimus, ad veram religionem requiri, ut sit a DEO revelata.

153. Id tamen exinde sequetur, principem, qui religionem falsam in republicâ tolerat, quæ tamen non repugnat fini civitatis, non peccare contra *jus naturale* & officium boni principis, sed contra legem divinam *positivam universalem* & officium boni Christiani: Quare Jurisprudentiæ Naturalis defectum hic supplere debet Theologia.

154. Ad tempora belli spectat jus belli & pacis, itemque fœderum feriendorum, m) quo pertinent jus legendi, armandi & uniendi milites & similia.

155. Utrique tempori æqualiter inserviunt *jus magistratuum constituendorum* & *indicendi tributa*.

156. Sunt autem istæ partes summi imperii naturaliter ita *connexæ*, ut siquidem regularis forma civitati constare debeat, omnes & singulæ penes unum n) radicaliter esse debeant. Nam si una vel altera planè *abfuerit*, mancum erit imperium, nec ad finem civitatis procurandum idoneum.

Dddd 3

1570

ad §. 152. l) l. i. c. ult.

non inutilia quidem, non tamen etiam necessaria.

ad §. 154. m) Dantur quidem fœdera in pace, sed hæc sunt fœdera

ad §. 156. n) Sive unum hominem, sive unum collegium.

157. Sin autem istæ *dividuntur*, ita ut quædam radicaliter sint penes unum, reliquæ penes alium, irregularem rempublicam & male coherentem emergere necesse est, quoniam non solum tum una potestas orto dissidio aut inanis erit aut alterius ministræ, sed & deficiente hoc pacto voluntatis unione, quæ est anima Reipublicæ, in statu hoc corrupto maxima occasio datur bellis civilibus. o)

158. Hæc quanquam manifestissima sint, dantur tamen non pauci, qui divisionem partium summi imperii propugnent, ut exinde *respublicas mixtas* concinnent, quæ, ubi rite temperatæ fuerint, felicissimam, si diis placet, rempublicam producere sint aptæ.

159. Cui fini quidem *Aristotelis p)* autoritatis nequidquam imploratur, qui de longè diversâ mixtura, quàm quæ ad divisionem partium summi imperii spectet, loquitur.

160. Quemadmodum autem *non impossibile* est, dari ejusmodi respublicas irregulares seu mixtas, q) ita, si dantur, necesse est, ut eadem morbidis annumerentur, & frustra se torquent Peripatetici, hac in parte nimium quantum inter se dissidentes, ut mixturam aliquam comminiscantur, quam expetendam atque exoptandam esse jactare possint.

161. His præmissis exponendum nunc paucis erit *officium imperantium & parentium. r)* Quibus præceptis officium summorum *imperantium* constet, ex indole ac fine civitatum, nec non expensis summi imperii partibus perspicuè colligitur.

162. Quemadmodum verò nemo, in quocunque statu vivat, officio suo satisfacere potest, si non exactam obligationis suæ notitiam habeat; ita principi vel maxime incumbit, ut hoc præ-

<p>ad §. 157. o) Puf. §. 9. 10. 11. 22. 13. 14. ad §. 159. p) IV. Polit. c. 8. & 9. ad §. 160. q) Quod quidem latè defendit vult Horvius de civitate.</p>	<p>Vide Patr. Tab. 43. lin. 44. & Tab. 49. membr. 3. Conf. Puf. §. 13. 14. ubi de sententia Grotii. ad §. 161. r) Hic incipit Pufend. lib. 7. cap. 9.</p>
---	---

præceptum ante omnia observet : DISCE, QUÆ AD PLÈ-
NAM COGNITIONEM OFFICII BONI PRINCIPIS PER-
TINENT.

163. Tum generalis lex summorum imperantium est hæc :
SALUS POPULI SUPREMA LEX ESTO. Ea enim inten-
tione in istos imperium est collatum, ut per id procuraretur finis,
ob quem civitates sunt institutæ. Indè credere iidem debent, ni-
hil sibi privatim expedire, quod non idem expedit civitati.

164. Ad hunc finem dirigendum est exercitium particula-
rum summi imperii. Hoc est: *Cives bonis moribus imbuendi; Com-
mode leges ferenda; Eadem executioni danda. Pœna rectè temperan-
da; Injuria civium mutua prohibenda; Idoneis & probis ministris uten-
dum; Tributa rectè exigenda & collocanda; Facultates civium promo-
venda; Factiones prohibenda; Adversus invasiones exterorum vires
paranda.*

165. Officium *subditorum* s) est vel generale, vel spectale. Illud
oritur ex communi obligatione, qua isti imperio civili sunt sub-
jecti. Hoc verò ex peculiari munere & functione, quæ per sum-
mum imperium singulis est injuncta.

166. Officium generale respicit vel rectores civitatis, vel totam
civitatem, vel concives.

167. Unde præceptum primum: RECTORIBUS CIVI-
TATIS PRÆSTA REVERENTIAM, FIDELITATEM ET
OBSEQUIUM.

168. Secundum: SALUTE ET INCOLUMITATE TO-
TIUS CIVITATIS NIHIL HABE CARIUS.

169. Tertium: CUM CONCIVIBUS VIVE AMICE ET
PACIFICE.

170. Circa specialia officia commune præceptum est: NON
AFFECTA NEC SUSCIPE OFFICIUM IN REP. AD
QVOD TE INEPTUM DÉPREHENDIS.

171. Quod singulas officiorum partes attinet: qui consilio
suo rectoribus civitatem assistunt; qui publicè constituti sunt ad

sacr a

sacra obeunda; queis publicè inunctum, variarum rerum scientia animos civium imbuere; qui juri dicundo præficiuntur; quibus armorum cura commissa; qui ad militandum conducti; quorum opera civitas apud externos utitur; qui opibus civitatis colligendis aut dispensandis præsumt, illi omnes actiones suas eò dirigere debent, ut tranquillitas publica tam intra quam extra civitatem conservetur, & opum abundantia comparetur, hoc verò potissimum fieri sibi persuadebunt, si præscriptam hac parte ab imperantibus normam observent.

CAPUT VII.

De

*Officiis Viventium in Civitate
Circa Pœnas.*

SUMMARIA.

Connexio. §. 1. In difficili doctrina pœnarum separande ante omnia. quæstiones otiosæ §. 2. 3. 4. Per pœnam hic non intelligitur conventionalis §. 5. sed quæ ob delictum inferitur invito. §. 6. In qua vel respicitur persona 1. ad id quod inferitur §. 7. quod vel est ablatio lucris §. 8. vel positio damni §. 9. vel positio damni in bono corporis vel honore, §. 10. vel 2. ad personam inferentem, quæ vel Deus §. 11. vel homo quicumque §. 12. vel superior §. 13. vel 3. ad intentionem inferentis, quæ vel respicit damnum illatum §. 14. ut aut reparetur, §. 15. vel malum futuram, in aliis ut asscurentur, in delinquentibus ut emendentur §. 16. unde quatuor sunt fines pœnarum §. 17. Et pœna hoc intuitu sumitur tripliciter. §. 17. 18. 19. Ex prima classe hæc pertinet positio damni in bonis quibusvis §. 20. 21. Ex secunda ea, quæ inferitur à superiore §. 22. 23. Ex tertia, quæ intendit primariò emendationem §. 25. 26. 27. Quibus notatis formatur definitio pœnæ §. 28. Et ad aliorum defi-

definitionem respondetur §. 29. 30. *Pænam non posse puniri à pari* §. 31. *Ostenditur : emendationem esse primum pænarum finem.* §. 32. -- 44. *Et sub ea reliquos fines comprehendendi* §. 45. *Differentia accurata pæna et vindicta* §. 46. 47. 48. 1. *intuitu status* §. 49. 2. *intuitu persone inferentis* §. 50. 3. *intuitu intentionis* §. 51. *Et pæna et vindicta vel justa est, vel injusta* §. 52. 53. 54. *Pæna propriè dicta medicinalis est* §. 55. *An detur plant officium hominum intuitu pænarum?* §. 56. *Non posse hanc questionem deduci ex statu integritatis.* §. 57. 58. *Resolvitur questio in partes.* I. *An detur officium punientis?* §. 59. *Princeps obligatus est ad pænam inferendam* §. 60. *non tamen debet pænam illi qui deliquit* §. 61. 62. *sed obligatus est Reipublicæ* §. 63. *Laxior est obligatio Principis quàm magistratus,* §. 64. *Nec obstat, quod princeps habeat jus puniendi, quia hoc jus habet intuitu delinquentis* §. 65. 66. II. *An detur officium puniendi?* *Delinquens debet pænam* §. 67. *scilicet pati* §. 68. *Quid hic denotet pænam pati* §. 69. -- 77. *scilicet teneri ad actus pænam antecedentes vel concomitantes peragendos, et ad solvendam mulctam pecuniariam* §. 78. 79. *Respondetur dissentientibus obrationes: quod nemo obligetur ad impossibilia.* §. 80. 81. *quod delinquentes vinculis constringantur* §. 82. -- 85. *quod inutilis sit conventio de non resistendo in pæna* §. 86. -- 96. *quod pæna debeat inferri invitis,* §. 97. 98. 99. *Præcepta. Unum respiciens delinquentem; PREFER POENAM à SUPERIORE INFLICTAM* §. 100. *Generale respiciens punientem: PUNI DELINQUENTES, QUANTUM AD UTILITATEM REIPUBLICÆ OPUS EST.* §. 101. *Speciale primum: PUNI ACTUS, DAMNUM REIPUBLICÆ INFERENTES ET EMENDABILES.* §. 102. *Unde non puniendi actus merè interni* §. 103. 104. *lapsus minutissimi,* §. 105. 106. *actus, quorum contrarii coactionem respuunt,* §. 107. *delicta leviora,* §. 108. *res obscurissima disceptationis* §. 109. *vicia animi omnibus hominibus communia* §. 110. 111. *inolitæ mala, qua tolli nequeunt* §. 112. *Hec omnia obtinere regulariter et pati exceptiones.* §. 113. -- 117. *Præceptum speciale secundum; PU-*

NI, QUANTUM AD EMENDATIONEM COMMUNEM EST OPUS. §. 118. Pœna debent esse proportionata delictis §. 119. 120. Quenam requirantur ad proportionem illam invenientdam §. 121. -- 128. Præceptum juris Divini positivi; IN HOMICIDIUM ET ALIA DELICTA LEGE DIVINA EXPRESSA POENA CAPITALI ANIMIMADVERTE §. 129. -- 131. Unde Princeps in iis non potest dispensare §. 132. sed tamen certis casibus pœnam differre §. 133. Quenam sint illa delicta? §. 134. -- 140.

§. 1.

Dispiciendæ nunc forent in specie partes summi imperii, & quæ circa ea peculiariter observanda occurrerent. Sed quoniam hic quidem non adeo magnæ aut difficiles ortæ sunt controversiæ, & quæ hac parte notanda veniunt, jam aliis a) exposita sunt fusius, atque distincte, quibus, quod addamus nihil superest; ista quidem transeant.

2. Non ita transire patiemur illam partem, quæ in pœnis inferendis est occupata, quoniam circa eandem multæ quæstiones se offerunt intricatæ, & in quarum expositione sudarunt excellissima ingenia. b)

3. Ubi tamen mox separandæ erunt quæstiones otiosæ ab iis, quarum non pudere debeat eum, qui veram, non umbratilem sectatur sapientiam.

4. Ad otiosas refero illam, ad quam justitiæ speciem pœnarum irrogatio pertineat? Ubi variè dissident; aliis ad justitiam universalem, aliis ad commutativam, aliis ad distributivam, aliis denique ad tertiam aliquam justitiæ particularis speciem, cum quibus & nos

ad §. 1. a) Vide Puf. lib. 8. cap. 1. 2. 4. 5. 6. seqq.

ad §. 2. b) Caput de Pœnis uti in Grotio est prolixissimum, ita & cir.

ca singulas ferè lineas, quod ibi tarent, invenisse se putant Commentatores Grotiani, Dn. Pufendorffius doctrinam hanc traxit d. l. 8. Cap. 3.

& nos facimus, provocantibus. Sed cui usui? cum suprà totam hanc iustitiæ divisionem ut inutilem rejecerimus. c)

5. Quod reliquas attinet, præmunendus antea intellectus est distinctò conceptu pænæ, quoniam vocabulum hoc multis ambiguitatibus est obnoxium. d)

6. Id maximè indubium est, per pœnas hic intelligi aliquid, quod hominibus propter delicta & invitis quidem accidit, unde sequitur, pœnam conventionalem, à qua stipulatio pœnalis denominatur, hujus loci non esse.

7. Eorum autem, quæ hominibus delinquentibus accidunt, varia sunt genera, sive ipsum id, quod propterea inferitur delinquentibus, respicias, sive personam inferentem, sive inferentis intentionem.

8. Intuitu ejus, quod inferitur delinquentibus; Pœna I. dicitur latè, ut sub se comprehendat ablationem lucri, quod delinquens revera habet, vel quoad rem ipsam velejus æstimationem, vel certè habuit, si eandem consumserit aut perdiderit vel donaverit. Ita dicitur: *lucra delinquentibus in pœnam esse auferenda.*

9. II. Strictè pro positione solum damni, quando delinquenti bonum aliquod aufertur, in quo lucrum ex delicto non habuit, sive id bonum sit bonum fortunæ, sive bonum corporis: Ad illa refer divitias & honorem, ad hæc sanitatem (per quam non tam intelligo absentiam morbi quàm doloris) membrorum integritatem, vitam. Ita pœna opponitur reparationi damni.

10. III. Strictissime pro positione damni in bono corporis vel etiam in honore, & ita pœna pecuniaria multa dicitur & sæpius pœnæ opponitur.

Eeee 2

11. In-

ad §. 4. c) L. I. C. I. §. 106.

que eruditis in hac doctrina acciderunt, quas omnes, ut spero, facillimè evadere ac observare poteris, si

ad §. 5. d) Mibi quidem videtur neglectus homonymiæ in vocabulo pœnæ & vindictæ præcipua causa esse tot & tantarum collisionum,

modo ea, quæ hic à §. 6. ad 27. & à §. 46. ad 54. notavimus, probè concoquas.

11. Intuitu *personæ* inferentis itidem pœna supponitur I. *Latè* pro illa etiam, quæ à *DEO* hominibus ob quævis delicta inferitur, sive id fiat immediatè, sive mediantibus hominibus. Ita *morbis* & alia *mala*, quæ casibus annumerare solemus, pœnarum nomine veniunt, quatenus nempe *DEUS* per eadem delicta nostra punit. Sicitem *vulnerationes* & *incendia*, aut *rapine* ab hominibus illatæ pœnæ sunt, quatenus *DEUS* his instrumentis utitur.

12. II. *Strictè* pro ea, quæ ab *homine* inferitur homini, sive ille inferens sit *par*, sive *superior*. Ita *vindicta* & *pœna* sapius sumuntur promiscuè.

13. III. *Strictissimè* pro ea, quæ à *superiore* dictatur delinquenti subiecto. Et tum *pœna vindictæ* opponitur.

14. Denique intuitu *finis*, quem intendit inferens, pœna variè accipitur; quod, ut rectius intelligatur, notandum, hoc passu vel respici ad malum *præteritum*, vel ad *futurum*.

15. *Præteritum* vel est *damnum* illatum *personæ læsæ*, ut illud *reparetur*, vel est delictum ipsum & *contemptus superioris*, ut *expiciatur*.

16. *Malum futurum* vel consideratur in *læso* & *aliis*, qui iterum vel similiter lædi possunt, ut *assécurentur*, vel in *delinquente* & *aliis*, qui iterum vel similiter peccare possunt, ut *emendantur*.

17. Habes adeò *quatuor* fines, quos intendere possunt, qui delinquentibus aliquid inferunt, *reparationem*, *expiationem*, *assécurationem* & *emendationem*. Horum respectu pœna accipitur I. *latè*, ut omnes hos *quatuor* fines sub se comprehendat & ita etiam *reparationem*.

18. II. *Strictè*, ut *reparationi* opponatur, & reliquos *tres* saltem fines intendat: Sic tamen, ut ex istis vel *principaliter* intendatur *assécuration* vel *emendatio*.

19. III. *Strictissimè* pro ea, quæ solam *expiationem* intendit.

20. Jam videndum, quænam ex tot acceptionibus sit *hujus* loci. Ex *prima* classe hic exulat *ablatio* *lucris*, ut quæ est pœna improprie dicta, & pertinet ad caput libri secundi de non lædendis aliis. Unde & in *jure* separantur actiones *rei persecutoria* à *panalibus*,

21. Deinde etsi poena, quæ *bonis corporis vel honori* infertur, haud dubiè sit nobilior species poenæ quam *multa*, tamen hoc loco sub poena etiam comprehendimus *multam*.

22. Ex *secunda* classe aliena à nostro instituto est poena latè accepta, quia de jure *DEI* in homines hoc loco non agimus, sed de officiis hominum inter se, & quia tractatio de poena divina non pertinet ad *ICTOS*, sed Theologos.

23. Iterum huic non quadrat, quæ infertur ab homine *pari*, quia jam occupati sumus in exponenda particula majestatis, quæ locum habet in civitate inter imperantes & parentes, & quia id quod inter pares infertur propter delictum, magis vindicta est, quam poena.

24. Ex *tertia* classe poena, quæ tendit ad *reparationem* damni, est improprie dicta, quia & hæc pertinet ad caput de non lædendis aliis.

25. Illa verò poena, quæ solum tendit ad *expiationem* propter delictum tantum, ad species poenarum divinarum pertinet, quia homo nunquam debet in puniendo spectare solum malum præteritum, sed semper reflectere ad bonum aliquod futurum.

26. Denique quæ magis intendit *asscurationem* præ emendatione, potius vindicta est quam poena.

27. Igitur remanent ex tot significatibus & quidem ex classe *primâ* poena, quatenus infert *propositionem mali* cujuscunque, ex classe *secundâ* poena, quæ à superiore dictatur inferiori, ex *tertiâ* poena, quæ intendit *primariò emendationem*.

28. Ex his jam formamus *definitionem poenæ*, quod sit *positio mali seu dolor, quem propter delictum infert superior inferiori invito, in emendationem communem civium*.

29. Alii ita definiunt, e) quod sit *malum passionis*, quod *infligitur ob malum actionis*; contra quam definitionem varii varia asserunt, alii, quod poena aliquando consistat in *actione* delinquentis, alii, quod non omne delictum sit *actio*. Sed ad ista quidem facilis est responsio, & poterunt ea omnia evitari, si istam definitionem

Eeee 3

tionem

ad §. 29. e) Ut Grotius & Pufendorfius.

tionem brevi & succincta periphrasi circumscribas, quod faciunt alii: *pœna est dolor illatus propter delictum. f)*

30. Nos verò ideo ab ista definitione abstinemus, quoniam omittit mentionem *persona* pœnam inferentis & *finis*, quam princeps in pœnis intendere debet: per quæ tamen requisita pœna quàm maximè differt à vindicta. Ad vindictam autem poteris applicare præcedentem pœnæ definitionem.

31. Quod *personam* pœnam inferentem concernit, notum quidem est, quod Grotius *pari* quoque tribuat potestatem pœnæ inferendæ, illi nimirum, qui simile delictum non admisit. Sed quemadmodum Vir summus per *pœnam* sæpe nihil aliud intelligit quàm *coercitionem verbalem*, deceptus forte, in eo quod hæc, ut pœna nostra intendat emendationem, quæ tamen in se admonitio potius est, quam pœna, aut pœna non nisi impropriissimè dicta g) ita arbitrat, quasi per vitam à delictis abstinentem homo nanciscatur *superioritatem* aliquam in alterum hominem, cum tamen hic non sufficiat superioritas qualiscunque, sed requiratur superioritas imperii.

32. Pœnarum *finem* quod attinet, multifariæ sunt Doctorum, quæ veterum qua recentiorum dissensiones, b) in eo tamen ferè conveniunt, *reparationem & restitutionem damni* proprie hujus loci non esse.

33. Sed quod *expiationem, assurationem & emendationem* concernit, duo hic probanda erunt, initio, quod ex his *emendatio* & quidem non delinquentis, sed *communis civium* sit *primarius* pœnæ proprie dictæ finis, deinde, quod sub hoc fine reliqui *secundariò* lateant.

34. Prius non melius demonstrare possumus, quàm si reliquos fines à classe finis primarii removeamus. *Expiationem* quod concernit, poterit equidem *DEUS*, ut creator hominis, multa in hominem

f) Ut Dn. Becmannus in Mediation. Polit.

g) Ut Dn. Becmannus in Medi-

ad §. 31. g) Unde & nos hunc | *pœna significatum omisimus.*
| *ad §. 32. h) Quæ recensent Gro-*
| *tius & Pufendorffius.*

nem, quæ homini non licent. Et uti nullum est dubium, quin potentissimum numen, salvâ suâ sanctitate creaturas possit in nihilum redigere, ita multo minor ratio dubitandi est, quin possit in pœnis delinquentium intendere primariò solam expiationem.

35. Et profectò nullus alius est finis *pœnæ æternæ*, quippe quæ post hoc ævum neque ad assècurationem neque ad emendationem est opus.

36. Homo autem id facere *nequit*, tum quoniam deficit ratio, quâ mediante concipimus, quod DEUS sine contradictione morali hunc finem possit intendere; Neque enim homo hominis creator, neque inter hominẽ & hominem tam infinita essentiarum distantia est, quæ est inter DEUM & hominem. Et jam supra inculcavimus, quod nulla sit societas hominum verè inæqualis, sed omnes sint mixtæ.

37. Quare cum *summus princeps* etiam subditis suis teneatur ad officia humanitatis, *inhumanum* esset, si ob solum malum, præteritum homo vellet afficere hominem, præprimis pœnitentem & veniam commissi postulantem.

38. Accedit, quod ius pœniendi *sit particula majestatis*. At verò has, diximus jam, subordinari debere tranquillitati reipublicæ tanquam bono futuro.

39. Unde non mirare, quod si homo in pœnis tantum respiciat malum præteritum, id ad vitia spectet, & *crudelitatis* nomine insigniatur, sin Deus id faciat, vitium non fit, quia cum Deus homo non sit, neque id omne quod inhumanum est, contradictionem in Deo involvit.

40. Restat *assècuratio & emendatio*. *Utramque* equidem princeps in pœnis intendit, ut mox dicemus, sed *magis tamen emendationem* quam assècurationem, quia hic quærimus potissimum finem, qui distinguat *pœnam à vindicta*, at assècuratio etiam in vindicta locum habet.

41. Scilicet *emendatio assècurationem* sub se comprehendit, non vice versâ assècuratio emendationem.

42. Nem-

42. Nempe *par* tuetur saltem *libertatem suam* adversus *pa-*
rem & tranquillitatem propriam, quâ si fruatur, ipsius non in-
terest, bonus sit iste, cum quo vivit in hoc orbe, an malus; at in *Re-*
publica princeps studet *bonos* efficere suos cives propositione præ-
miorum & pœnarum.

43. Denique quod *emendationem* attinet, illa est vel *delin-*
quentis, vel *aliorum*, qui similiter delinquere poterant. Prior *sepe*
intenditur, *posterior semper* in pœnis à republica inflictiis, quia
nempe in emendatione communi latet etiam emendatio *delin-*
quentis, non vice versâ. Facit quod omnia regalia magis respi-
ciant utilitatem communem quam singulorum.

44. Docet hoc exemplum *pœnarum capitalium*, in quibus
nullô modò respicitur ad emendationem delinquentis.

45. Jam facile patet, etsi *emendatio* communis sit finis *prima-*
rius pœnarum, quod tamen eadem sub se comprehendat & *expia-*
tionem & *asssecurationem*. Nam si v. gr. homicida capite puniatur,
finis pœnæ est, ut alii delinquentes *exemplum inde capiant* & peccare
deducant; quod si fiat, communiter simul *asssecurantur* cives, ut
ipsi sint de tali crimine securi, principi autem *pariter* de *contemptu*
delinquentis, quantum fieri potest, *suis sit*.

46. Ostendamus modò, quomodo à *pœna* differat *vindicta*,
cujus tot propè sunt acceptiones quàm pœnæ, quia *vindicta* &
pœna sæpius promiscuè usurpantur à scriptoribus. i)

47. Quamvis verò non facile apud scriptores antiquos depre-
henderim, *vindicta* vocem usurpari de eo actu, qui tendit ad *pro-*
pulsationem injuria imminentis, ex modernis tamen nonnulli hoc
vocabulum eo extendunt, sed abusive puto.

48. Cæterum uti iterum non subest dubium, quin hujus lo-
ci non sit *vindicta divina*, de qua Theologi plura docent, ita quod
humanam concernit, differentia *vindictæ* à pœna optimè appare-
bunt ex illius definitione. Est enim *vindicta* propriè dicta *positio*
mali,

ad §. 46. i) Vide omnino, quæ
prolixè de *vindicta* differit & cum
Struvio controvertit Dn. Henniges

in comment ad Grotium, quæ
controversia tamen fortè notata
vindictæ homonymia tolli posset.

mali, quæ infligitur delinquenti à pari, quem læsit in statu naturali, eum in finem, ut ipsi læso in posterum caveatur.

49. Ergò *pœna* 1. locum habet in *statu civili*, *vindicta* inter eos, qui degunt in *statu naturali*.

50. 2. *Pœna* infertur ab imperante subdito, *vindicta* pari à *pari*.

51. 3. *Pœna* primariò intendit *emendationem communem*, *vindicta* *affecurationem propriam* læsi. Nam etsi in *statu naturali* quilibet pro se actiones suas dirigere debet, ut non lædatur tranquillitas communis, tamen nullus habet potestatem eo dirigendi actiones aliorum, quippe ad quod requiritur imperium.

52. Utrumque vocabulum & *pœna* & *vindicta* ex eorum genere est, quæ à justitia & injustitia abstrahunt, unde & *pœna*, & *vindicta* dividuntur in *justam* & *injustam*. Nos utrobique *justam* definivimus tanquam analogatum nobilissimum.

53. Nam quod *pœnam* attinet, illa *injustitia* notam contrahit, si eam inferre velit *par*, aut si superior inferat eandem ob *solum delectationem*, propter contemptum sibi illatum &c.

54. *Vindicta* autem *injusta* est, si *par* in *civitate*, ubi locus judicii est, se vindicare velit, aut ubi *par* in *statu naturali* in *vindicta* intendat primariò *emendationem delinquentis vel aliorum*, aut *affecurationem communem* aliorum.

55. Appellatur verò *pœna* propriè dicta, quam definivimus, communi Politicorum stylo *pœna medicinalis* eleganter & apposite, quia ut medicus adhibendo medicamenta intendit sanitatem individui humani ægrotantis; ita Princeps adhibendo pœnas intendere debet rectitudinem corporis moralis, id est, reipublicæ laborantis morbis moralibus.

56. Et profectò si ulla doctrina moralis illustrari potest simili physico, certè doctrina de pœnis potest, in tantum, ut nulla ferè quæstio sit pœnas concernens, in qua non ab officio boni Medici ad officium punientis aptissimè institui possit argumentatio, modò *quæstionem præjudicialem* difficilem illam & intricatam: an detur

planè officium hominum intuitu pœnarum? excipias, utpote quæ aliunde quæsitæ argumentorum pondera requirit.

57. Id tamen exinde jam apparet, si jus pœnarum & quæstiones circa idem occurrentes *ex statu integritatis* vellemus deducere vel formaliter vel normaliter, æquè nos ineptos fore, ac si remitteremus medicum de officio suo sollicitum ad statum illum perfectum morbis & vitiis carentem.

58. Quin & fictionem committeremus Christiano hominiparum convenientem, si ex isto fortè præsupposito, quod in statu integro omnes actiones Magistratus in commodum subditorum directæ fuissent, aliquid ad quæstiones de pœnis faciens vellemus inferre, quia aliquoties jam demonstravimus, in statu integritatis nullas futuras fuisse Respublicas.

59. Ad rem: quæstio: an detur aliquod officium hominis intuitu pœnarum? in duas partes dividenda est, quarum prior quærit *de officio punientis, altera de officio puniendi.*

60. Quod priorem attinet, assero; *superiorem in Republica obligatum esse ad pœnam inferendam.* Hujus assertionis veritas perspicua erit, si modo declaraverimus, cui superior obligatus sit & quodnam sit fundamentum obligationis.

61. Vulgaris locutio est: *pœnam deberi illi, qui deliquit.* l) Quæ tamen locutio planè est *ad usum*. Nam cui proprie debetur aliquid, is in debitorem jus habet, ut debitum illud ab ipso possit exigere: Quis autem dixerit delinquentem jus habere, ut à magistratu pœnam sibi infligendam postulare queat?

62. Neque tamen propterea arbitrarer, sensum locutionis esse istum, m) quod magistratus à fontibus pœnam legibus definitam jure suo possit exigere. Nullum enim fortè poterit exemplum dari locutionis similis, per quam qualitas aliqua activa per contrariam circumscriberetur; quin potius id putarem indicari per illam locutionem: *Magistratum alii debere, ut pœnam inferat delinquenti.*

63. Ne-

ad §. 61. l) Vid. Puf. §. 5. p. | ad §. 62. m) Quod putat Dn.
1155. N. Edit. | Puf. d. I.

63. Neque enim valet illatio, pœna non debetur delinquenti, ergo superior nemini obstrictus est, ut eam exigat. Cui ergo tenetur? Haud dubiè *Reipublica*. Probationem pete ex capite præcedenti, ubi ex lege generali officia summi principis concernente: *Populi salus suprema lex esto, mox deduximus*) officium speciale de pœnis rectè temperandis. Sine pœnarum enim irrogatione salus publica non potest consistere.

64. Quoniam verò determinatio salutis publicæ in Republica pertinet ad principem, non ad privatum, & quia princeps in republica superiorem non habet, magistratus verò inferior est sub principe, inde sequitur, laxiorem esse obligationem principis quàm magistratus. Illius quidem cum potestate aggratiandi quandoque conjunctam (de qua mox) & imperfectam, hujus autem perfectam & potestate veniam concedendi destitutam.

65. Nec obstat, si dicere velis, *superiorem* habere tamen jus ad pœnam inferendam, ergo respectu unius ejusdemque actus citra fugam contradictionis eum non posse obligatum esse. Nam ista contradictio saltem apparens est, quoniam hæc duo prædicata non ad idem referuntur. *Jus* habet superior intuitu delinquentis & aliorum, qui ipsum in exercitio hujus actus impedire volunt; obligatus est intuitu DEI & *Reipublica*.

66. Ita pater jus habet coërcendi & emendandi filium, & tamen DEO & *Reipublica* tenetur, ut hoc jus traducat in actum. Ita minister publicus jus habet faciendi, quod Princeps ipsi præcepit, sed nihilominus Principi tenetur ad factum præstandum.

67. Id tamen, ut ad alteram quæstionis partem veniam, ex ista objectione firmissimè poteris inferre: *delinquentem propriè teneri ad pœnam, seu: à delincente deberi pœnam.* o) Nam si superior habet jus erga delinquentem ei inferendi pœnam, necesse est, ut huic juri in delincente correspondeat obligatio, quia jus & obligatio sunt correlata, quorum unum sine altero existere nequit.

Ffff 2

68.

ad §. 63. n) Et quidem ex ipso Pufendorffio. Vid. cap. præced. §. 163. 164.

ad §. 67. o) Dissent. Puf. §. 4. p. 1048. Ed. prim.

68. Imo hoc ipsum jus suo modo nos ducet ad declarandam obligationem delinquentis ad pœnam. Nam quia jus superior *habet ad inferendam pœnam*, delinquens obligatus erit non nisi ad pœnam *patiendam*.

69. Sed *pati pœnam* est phrasis ambigua. Etsi enim pœnam definiverimus per positionem mali vel doloris, tamen *pœna executio* sub se comprehendit *plures actus* alios antecedentes proximè illationem doloris, quare & pœna hoc loco sumitur pro complexu illorum actuum omnium & *malum immediatè inferentium*, & *proximè antecedentium*.

70. Ad *antecedentes* illos actus refer, v. g. ad scensionem scilicet ad patibulum ducentis, porrectionem colli ad pœnam gladii, vel ad circumdandum laqueum, haustum veneni.

71. Actus verò, qui *immediatè dolorem* inferunt & ita formale quasi pœnæ continent, vel sunt ita comparati, ut *naturæ hominis animalis* repugnent, vel ita, ut dolorem in homine excitent, *quatenus homo est* & à bestiis differt.

72. Ad *priorem classẽ* refer eos, qui vitam tollunt & strueturam ac cohererentiam partium corporis, qua internarum, qua externarum, solvunt & destruunt.

73. Ad *posteriores* pertinent illi, qui hominem privant divitiis & honore, *multa* nempe & *infamia*.

74. Etsi vero utrobique homo *repugnantiam* aliquam sentiat, dum alterutro modo pœna ipsi infertur, ibi quidem *per instinctum physicum* & animale, hic *per inclinationem communem* hominum famam & divitias conservare studentium, tamen hæc repugnantia est ejusmodi, ut homo recta ratione utens & se debito modo præparans, utrobique eandem vincere possit, modo *dolor* non sit *nimis acutus & durabilis*.

75. Ergo *pati pœnam* vel denotat *non resistere potestati publicæ*, dum ipsum *dolorem* ipsi infert, vel denotat *non resistere potestati publicæ*, sed potius sponte quasi peragere actus pœnam proximè antecedentes vel concomitantes.

76. Prior significatus hujus loci non est. Nam etsi, ut diximus, homo ad istos patienter ferendos natura sit aptus, tamen rarissima sunt hominum ejusmodi exempla, ut adeo legislatores communiter non censeantur voluisse subditos suos ad hunc gradum patientiæ obstringere, tum quia princeps in imponenda obligatione subditis suis regulariter, & ubi summa necessitas & utilitas Reipublicæ non exigit contrarium, non eam perfectionem exigere debet, cujus homo in idea quasi perfectus capax est, sed memor esse humanæ imbecillitatis, tum quia hæc obligatio nullam utilitatem afferret Reipublicæ, & imò finem communem, pœnarum nempe emendationem communem non adeo commodè assequeretur, si non delinquentes in ipso actu ultimo pœnæ aliquam repugnantiam declararent; tum quoniam non raro per pœnas inferuntur dolores acuti & durabiles, ad quos patienter perferendos ne quidem Stoicorum aut Epicuri sapiens esset sufficiens.

77. Excipiendam tamen esse arbitror ab hac pœnarum classe *multam pecuniariam*, utpote in qua cessant rationes memoratæ. Neque enim ad eam patienter ferendam requiritur tolerantia extraordinaria, sed communis, neque ipsa ad emendationem ut forte aliquod remedium adhibetur, sed est infimus pœnarum gradus.

78. Ergo dum diximus, delinquentem esse obligatum ad pœnam patiendam, *hic sensus est*, teneri eum *ad peragendos actus immediate pœnam antecedentes, vel eandem concomitantes*, per quos tamen ipse dolor immediate non producat, aut teneri *ad solvendam multam pecuniariam*.

79. Nec obstat, quod videatur appetitus humanus ex natura sua etiam illos actus abhorrere, quos certo secuturos esse scit malum aliquod dolorem inferens, quippe observationem hanc multas pati instantias, vel exemplo vitiorum hominum declarari potest; & nota est historia de eo, cui sub metu visus amittendi Medicus vinum interdixerat, poculum nihilominus maximo appetitu arripiente & exclamante: Vale amicum lumen.

80. Jam paucis respondendum est ad erudita dubia, quæ contra opinionem nostram proponi solent. Nam initio illud afferri posset; supra p) nos dixisse, rem publicam naturaliter originem debere pactis populi cum rege, ex natura verò *pactorum* constare, quod *ad impossibile* nemo se obstringere valeat, q) jam autem mortem, vulnera vel alia corporis damna ferre, & ea inferenti non resistere homini esse impossibile, cum hæc mala necessitate naturali, quantum possit, fugiat, nec aliter facere possit. r)

81. Sed, uti jam diximus, non videri absolutè rem humana constantia majorem, s) mortem citra reluctantiæ admittere, ita simul concessimus, cum ut plurimum ea res constantiam mortalium vulgarem superet, non præsumi hominem ultro per pactum suum sese ad tale quid voluisse adstringere. Quippe cum non minus leges humanæ ferri quam pacta iniri debeant cum sensu humanæ imbecillitatis.

82. Deinde quod assertur, t) ei, qui pacto tenetur, credi, ad supplicium autem, qui ducuntur, eos *vinculis* constringi, aut satellitibus custodiri; indicio, quod non videantur pactis ad non resistendum *satis obligati esse*, ad id varia regeri poterunt.

83. Nam primò mutatur controversiæ status. Quæritur, an quis se pacto ad penam ferendam obligare possit? Alia est quæstio: an per pactum delinquens *satis obligatus esse credatur*? Prior ex natura pactorum & hominum in statu corrupto quidem, sed quatenus adhuc rectus est, viventium deducenda est, posterior respicit ad homines corruptos qua tales.

84. Secundo multæ dari possent instantiæ, si quis ex eo, quod vinculis constringantur delinquentes, inferre velit, quod non satis se obligare potuerint per pacta. u) Nam in genere illis, qui
revera

ad §. 80. p) Hoc libro 3. cap. 6.

q) Per dicta libro 2. cap. 7.

r) Vide quæ ex Hobbes. refert

Puf. III. 7. 5. p. 360. seqq.

ad §. 81. s) Dn. Puf. d. l. p. 361. seq.

ad §. 82. t) ap. Dn. Puf. d. l. p. 362. ex Hobbesio.

ad §. 84. u) Puf. d. p. 362.

revera mediantibus pactis tenentur, non ita absolute creditur, quin violenta sæpius præsidia cautè disponantur prohibendæ ipsorum perfidiæ.

85. Tertiò vinculis constringuntur delinquentes, non tam propter actus antecedentes proximè poenam aut concomitantes, sed propter fugam naturalem actuum immediatè dolorem ponentium.

86. Ulterius solet distinctio inter modos pacificendi afferri; x) Sic frequenter pacta iniri, nisi constituta die hoc fecero, interfice, id est, jus habebis capitale supplicium à me exigendi, nisi hoc fecero. At tale pactum: Nisi fecero, interficienti non resistam, iniri, & injustatum esse & inutile, siue duo concives ita pacificentur, siue civitas cum cive, siue duo, qui in libertate naturali vivunt.

87. Etenim concives inter se ita pacisci non posse, quia jus interficiendi in civitatibus privato concedi non potest. Ut civitas cum cive tale pactum ineat, inutile esse, sufficere enim, ut ipsa possit nocentibus poenam infligere, si singuli cives fidem dent, quod non velint eum, à quo supplicium sumendum, per vim defendere. Iis qui in libertate naturali vivunt, itidem tale pactum inutile esse. Nam in statu merè naturali, si occidere cupias, jus habere ex ipso statu, unde hic ne quidem pacto opus esse, ut interficere liceat, nisi præcesserit pactum de non interficiendo ante præstitutum diem. Quin nec tum pacti hujus efficaciam aliquam se exerere, quoniam si præstitum non sit die veniente, non obstante hoc pacto, redeat status hostilis, in quo omnia licent, adeoque & resistere.

88. Hic fateor equidem suò modò vera esse: quod si ita pactum fuerit; interfice me, si hæc non præstitero, inutile esse alterum pactum; nisi hæc fecero, interficienti tibi non resistam, quatenus nimirum inutile accipitur pro superfluo & quod non novum producit effectum. Nam, ut modo diximus, eo ipso, dum in alterum

jus

ad §. 86. x) Quoad hunc & de crim. petimus, quæ habentur
 §. 89. 90.
 §. 8. vide iterum doctrinam Hob-
 besii ap. Dn. Pufend. d. p. 362. un-

jus seu potestatem me interficiendi sub certa conditione transfero, eo ipso promitto, quod ipsi jus suum exercenti nolim resistere, quia jus ridiculum est, quod non possum securè in actum deducere, & simile aliàs foret hæc translatio potestatis interficiendi invitationi illius, qui hospites convocabat, & claudebat fores.

89. Ergo quemadmodum in statu naturali *omnium pactorum* vis huc redit, ut non solum *intrinsecam necessitatem* afferant conventiona præstandi, sed & utrique *jus dent* recusantem vi compellendi malo aliquo ipsi intentato: adeoque in hunc sensum pacta in genere resolvuntur: *spondeo me tibi hoc præstiturum, ni fecero, habebis potestatem vi & malo intentato me compellendi*; ita in genere pactis ejusmodi, ut aliud superaddatur de non resistendo illud malum intentanti, per quod priora firmarentur, inutile esset & absurdum.

90. Nam si in priori non satis cautum esset paciscenti, nec per hoc posterius cautum magis foret; quin potius hoc iterum alio pacto pænali foret sanciendum hoc modo: si tibi vim inferenti resistero, tunc aliquo malo me multandi habebis potestatem. Ex quo manifestè apparet, per alterum pactum primo nihil esse additum. Nam jam ex primo licebat pacti violatorem malo multare, & eadem facilitate posterius pactum violaretur, quàm prius. Quid ergo opus esset, unum pactum per aliud velle fulcire, cum non difficilius sit decem, quàm unum perrumpere.

91. Si verò, ut ex objectione apparet, ea sit intentio, *pactum de non resistendo* ita esse inutile, ut omninò nullum effectum producat, & quod eo non obstante liceat resistere; tunc non difficiles equidem erimus in assensu præbendo, quod *privatos concives* hòc modò paciscentes attinet, ob rationem adductam. Alii verò omnia arbitramur de pacto ejusmodi à duobus viventibus in *naturali statu*, & à *civitate cum cive* inito.

92. Priores quod concernit, ratio quæ in contrarium afferebatur de statu hostili, hypothesin sapit jam diu explosam, quin potius ex dictis inferimus: *Omne pactum affert intrinsecam necessitatem conventiona præstandi, ergo & hoc pactum de non resistendo, sive expresse fuerit*

fuert promiffa non refiftentia , five fimpliciter *præftatio rei cujusdam alicui fponfa fuerit* , quia & hoc in fe continet tacitè claufulam , quod tunc alter debeat habere poteflatem vi me cogendi. Nam & ifta , puto , quæ tacitè pactis infunt , neceffitatem intrinsecam conventa præftandi (quod hõc locò per non refiftentiam fit) afferunt.

93. Idem ergo de *civitate* dicendum erit , quatenus pactum in it cum futuro fuo cive , quoniam & hic tempore pacti hujus adhuc in libertate naturali eft , & civis futurus faltem. Præterea tamen etfi ipfum pactum ejusmodi expreffum , inter civitatem & civem celebrari pro *superfluo* habeamus , effectum tamen pacti illius feu obligationem ad non refiftendum pro *superflua & inutili* in civitate habere non possumus.

94. Quod enim dicebatur , *fufficere* civitati , ut ipfa poffit nocentibus poenam infligere , fi *finguli cives* fidem dent , quod non velint eum , à quo fupplicium fumendum , *per vim defendere* , id equidem parum fecuritatis afferet principi , qui hoc modo cogeretur ipfe fuam vitam exponere in periculum , poenam exigendo à delinquentibus.

95. Sed forte plus fenferunt difsentientes , putantes , *fufficere* civitati , fi *finguli cives* fidem dent , quod velint vires fuas conjungere adverfus delinquentem ad fumendum fupplicium. Hic certè fpeciofior fit objectio , non tamen verior. Nam quid fi *ingens multitudo* aut *magna pars populi* deliquerit , quod nonnunquam contigit. Hic fanè non ita fufficiens eft remedium ad reducendam tranquillitatem civium reliquorum affiftentia adverfus delinquentes *de juftitia refiftentia fua perſuafos* , quam fi iidem vanè iftâ perſuafione vacui , & ftimulis confcientiæ turbati , vel *timidius refiftant* , vel *ſponte poenis ſe ſubjiciant*.

96. Quod fi nobis regeras , velex noſtra tamen ipſorummet doctrina non obligari delinquentes ad patientiam actuum immediate mortem vel vulnera inferentium , ergo & ex noſtra hypotheſi non ita benè promoveri tranquillitatem Reipublicæ , reſponderem ; fufficere ad illam beatitudinem , ſi modo delin-

G g g g

quentes

quentes non resistant in actibus pœnæ illationem proximè vel remotè etiam antecedentibus. Nam tum delinquens turbare pergit pacem communem, si capere eum volentibus armata manu resistat, si tempore executionis appropinquantibus violentè se liberare tentet. Quod si jam gladius collum feriat, si laqueo guttur sit obstructum, resistentia ejus non præjudicat Reipublicæ.

97. Ultimò & illud proponitur, y) propriè dici non posse ad pœnam aliquam teneri, quia pœna significet aliquid, quod invito est imponendum, & voluntatis averfionem ab illa involvit. At verò ad quæ propriè tenemur, talia esse intelligi, ut ad eadem præstanda alirò & libenter moveri debeamus.

98. Etsi enim sæpius etiam in rebus reliquis præter pœnam homo, qui ante volens se obligavit, postea ex malitia fit invitatus, & hæc ejus voluntas ipsum ab obligatione non liberet, ratio tamen haud dubiè tunc illa subest, quod debeat hic velle. Sed in pœnis non debet velle, sed nolle, cum alias pœna non foret pœna, nec emendaret, si non imponeretur invito.

99. Hæc omnia concedimus, si de actibus ultimis pœnæ sermo sit. Hi inferuntur invitatis. Ergo ad hos delinquens non est obligatus. In antecedentibus & concomitantibus aliud est, quia ad hos quidem definitio pœnæ non quadrat.

100. Facile jam judicari potest, quibus præceptis includatur officium civium intuitu pœnarum; Delinquentis unicò absolvitur: PERFER POENAM A SUPERIORE INFLICTAM. Ita, ægroti unicum officium est, applicare sibi medicamenta à Medico præscripta.

101. Principis pœnam inferentis officium respicit præceptum generale: PUNI DELINQUENTES, QUANTUM AD UTILITATEM REIPUBLICÆ OPUS EST. Ita Medici officium est, medicamenta præscribere ægrotis, quantum ad obtinendam sanitatem est opus.

102. Fluunt ex hoc præcepto duo specialia, unum respiciens

actus

actus puniendos, alterum puniendi modum. Prius est: PUNI ACTUS DAMNUM REIPUBLICÆ INFERENTES ET EMENDABILES. Ita Medicus non propter omnem aberrationem medicamenta præscribit, sed propter eam, quæ morbum parit & medicamenti tolli potest.

103. Inde pœnis humanis regulariter eximuntur *actus merè interni*, i. e. cogitatio delectabilis de peccato aliquo, cupiditas, desiderium, destinatio citra effectum; etsi postea per subsequenter confessionem ad notitiam aliorum perveniant. Nam cum ejusmodi motu interno nemini noxa inferatur, nullius quoque hominis interest, ut ob eundem quispiam puniatur.

104. Ita Medicus ordinariè non medicamenta adhibet ad coercendam inclinationem hominis ipsum moventem ad excessum in cibo & potu, si modo ipse homo inclinationem istam superet.

105. Durum quoque nimis foret, pœnis humanis subicere *minutissimos lapsus*, quos in isthac naturæ conditione non datur effugere, quantamcunque attentionem quis adhibere instituat.

106. Ita Medicus modicam aberrationem à diætâ etiam frequentatam non statim medicamenti corrigere satagit.

107. Præterea dissimulant leges humanæ multos actus, *quorum contrarii splendidiore futuri sunt*, si non ex intuitu pœnæ videantur suscepti, ut in virtute liberalitatis & officii humanitatis, quemadmodum medicus etiam ad enormem aberrationem à diætâ non statim medicamenta applicat.

108. Ulterius, sicut multi sunt *levissimi morbi*, ubi operæ pretium non est Medicum inquietari, ita & multa sunt *delicta leviora*, ubi operæ pretium non est inquietari iudices.

109. Iterum si res *obscurissima sit disceptationis*, sapius à pœnâ abstinendum est, sicuti medicus à medicamenti abstinere solet, si incertissima adsunt morbi indicia.

110. Deinde ob defectum *emendabilitatis* à pœna humana eximi necesse est illa *vitia animi* ex corruptione mortalium communi resultantia, quæ ita *frequentia* reperiuntur, ut defuturi es-

sunt, quibus imperaretur, si severis ista pœnis plectere velis, quousque in enormes actus non eruperunt; uti est *ambitio*, *avaritia*, *inhumanitas*, *ingratus animus*, *hypocrisis*, *invidia*, *superbia*, *iracundia*, *simultas* & *similia*.

111. Ita nunquam officium *medici* eo est extendendum, ut intendant tollere imbecillitatem stomachi naturalem, causam plurimum morborum, sed sufficit, si eam temperet, ne in morbos erumpat.

112. Quin & si *inolitum planè malum* citra convulsionem totius civitatis tolli nequeat, puta, si tanta sit multitudo peccantium, ut supplicii civitas exhauriretur, frustra pœnas adhiberet princeps, uti frustra medicamenta adhiberet *medicus* in inveteratò morbo, & qui tales radices egit, ut citra præsentaneum vitæ periculum expelli nequeat. Sed utrobique sufficiet, si princeps & medicus legibus & medicamentis vitium & morbum coerceant, ne latius serpent.

113. Quæ tamen hæcenus diximus, intelligenda sunt obtinere *ordinariè & regulariter*: quia possunt circumstantiæ occurrere, ut ea se quandoque habeant aliter. Ita v. g. *cogitationes*, quatenus in notitiam pervenerunt, aliquando puniri possunt, v. g. in crimine læsæ majestatis; Ita si necessitas & utilitas reipublicæ suadeat, princeps edictis pœnalibus ad exercenda *officia humanitatis* potest adigere, non aliter ac *medicus* nonnunquam medicamenta adhibet ad expellendam inclinationem nimiam ad vorandum & belluandum, si videat eam ex pravâ dispositione oriri, ac multo magis post crassiores aberrationes à diæta medicamenta ad corrigendum stomachum suppeditat non raro.

114. Vice versâ & in iis, quæ propter periculum in *emendabilitatis* pœnæ non videbantur obnoxia, quandoque regula fallit, si æquale aut gravius subit periculum, si pœna omitteretur. Unde non deerunt exempla, quod v. g. in rebellionibus aliquo hominum centuriæ trucidati per modum pœnæ fuerint. Sicut *medicus* enî rescindit partes humani corporis notabiliores etiam cum periculo aliquo mortis, si majus citra rescissionem sit periculum, ut pars sincera trahatur.

115. Neque etiam putandum est, semper *neceſſe eſſe pœnam* exigi, quoties adſunt *peccata patrata pœnis humanis idonea*; Sed uti bonus *medicus* præter conſiderationem morbi reſpicit ad naturam & conſtitutionem patientis, neque adeo v. g. ruſtico, febre laboranti, applicat ſtatim medicamenta, quæ fortè præſcriberet homini imbellici; item ad alias circumſtantias, v. g. an morbus duret, an verò ſponte ceſſaverit? an indicia adſint, eum ſponte ceſſurum eſſe? &c. ita & princeps, qui in pœnis ſemper ultimo reſſectitur ad *utilitatem Reipublicæ*, ſimiles circumſtantias ponderat.

116. Inter quas ſunt, ſi *ſines pœnarum in certo caſu non videantur neceſſarii*, aut ſi *venia majorem quàm pœna producere utilitatem ſit idonea*; aut, ſi *ſines pœnarum alia via commodius obtineri poſſint*. Item ſi, qui deliquit, *allegat ſua aut ſibi conjunctorum eximia in rempublicam merita*, peculiari præmio digna, aut, ſi *ab alia quapiam re inſigni commendetur*; puta, à raro aliquo artificio; aut, ſi *ſpes ſit fore, ut peccatum illud egregiis factis eluatur*: præſertim, ubi aliqua ignorantia, licet non planè inculpabilis, intervenerit, aut, ſi *particularis ratio legis in aliquo facto ceſſaverit*.

117. Quare conſtat, erroneum eſſe paradoxon Stoicorum, nunquam licitum eſſe ſtatuentium, *ignoscere aut veniam dare*. Eorum enim argumentis ex dictis facile ſatiſferi poteſt. 2)

118. Venio ad puniendi modum, ubi præcipitur: **PUNI QUANTUM AD EMENDATIONEM COMMUNEM EST OPUS**: Quod enim pœnæ genus & quantum præciſè ſingulis peccatis ſit infligendum, jus naturale non determinat, ſed ſummo imperio civili definiendum relinquit, quod hic unice utilitatem reipublicæ præ oculis habere debet, uti medicus ſanitatē corporis curandi.

119. Unde fieri poteſt & ſolet, ut *eadem pœna imponatur duobus delictis inequalibus*. Nam quæ æqualitas iudicibus circa reos obſervanda præcipitur, illa intelligenda eſt de reis, qui idem ſpecie delictum commiſerunt hætenus, ut quod in uno vindictur

Gggg 3

delictum,

ad §. 117. 2) Vide omnino Dn. Puſend. VII. 3. 19.

delictum, alteri citra gravissimam causam condonari non debeat. Ita *medicus* sæpe unum medicamentum adhibet ad expellendos duos morbos diversos.

120. Quamvis igitur exactissimæ regulæ propter infinitas circumstantias tradi nequeant, summa tamen eo redit, quod princeps in pœnarum irrogatione prospicere debeat, ut pœna adhibeatur proportionate delictis, hoc est, ut illæ tantæ sint, quantæ sufficiunt ad reprimendam libidinem mortalium, qua feruntur in peccatum, nam & *medicus* medicamenta adhibet proportionata morbis.

121. Ut hoc autem commodè fieri possit, æstimanda est gravitas ipsius delicti, tum & respectus habendus ad personam delinquentem, quia & *medicus* in præscribendis medicamentis eadem & ad morbum & ad patientem accommodare debet.

122. Gravitas delictorum æstimatur ex objecto, effectu & frequentia, uti gravitas morbi ex loco quem occupavit, ex symptomatis & ex diuturnitate.

123. Ex objecto in quod peccatum fuit, prout illud nobile & pretiosum habetur, graviora sunt delicta, quæ lædunt DEUM, tum quæ imperantes, inde quæ pares quoad vitam, honorem, bona &c.

124. Ex effectu, prout multum aut parum damni in rempublicam inderedundat.

125. Ex frequentia, si leviores pœnæ malum non extirpent; nam tunc vulgatum obtinet: crescentibus delictis crescunt pœnæ.

126. Persona delinquens consideranda est, tum quoad habitudinem ad delinquendum, tum quoad applicationem pœnæ. Ita & *medicus* in partibus corporis humani sæpius perpendit earum proclivitatem ad morbum & dispositionem ad recipiendum medicamentum.

127. Habitus ad delinquendum ex pravitate intentionis judicatur. Hæc verò ex variis indiciis colligitur, puta si facile potuit resistere causis, quibus quis ad peccandum fuit impulsus; aut si præter communem rationem peculiaris quædam accessit, quæ à peccan-

à peccando debebat abstergere, aut ubi circumstantiæ singulares factum aggravant, aut si animum quis habuerit idoneum ad resistendum peccatorum illecebris. Sed & considerari solet, primus quis, an aliorum exemplo seductus, semel, an sapius, & post consumtas frustra admonitiones quis peccaverit.

128. *Habitudo ad recipiendum dolorem* judicatur ex qualitatibus, quæ sensum pænæ augere & minuere possunt, quales sunt ætas, sexus, status, opes, vires & similia.

129. Restat, ut ostendamus, quid præceptis Juris naturalis in doctrina pænarum addat *lex divina*. Addit verò aliquid præcepto illi *officium principis* dirigenti quoad *modum puniendi*: IN HOMICIDIUM ET ALIA DELICTA LEGE DIVINA EXPRESSA POENA CAPITALI ANIMADVERTE.

130. Voluit enim DEUS certis de causis *quorundam delictorum pœnas ipse determinare*, cui adeo tanquam sapientissimo, & cui interesse Rerum publicarum optimè cognitum est, obsequium præstare tenentur principes, voluntatis divinæ hac parte executores. Uti haud dubie tenerentur *medici*, si DEUS medicamentum ali-quod generi humano revelasset, ad certam morbi speciem expellendam idoneum.

131. Sed potuit tamen etiam DEUS in ista determinatione non præcise respexisse ad tranquillitatem generis humani, *sed ad alias rationes nobis incognitas*, quamvis id certum sit, DEUM, ut generis humani & rerum publicarum autorem, nihil ibi determinasse, quod generi humano noxium sit.

132. Fluunt ex ista observatione *duæ illationes*. Primo, quod princeps, etsi alias jus aggratiandi & mitigandi habeat in pœnis, si aliqua Reipublicæ utilitas, quamvis in spe & aliquatenus incerta, id suadeat; tamen in *delictis jure divino notatis* aggratiandi & mitigandi *jus in ejusmodi casibus citra peccati labem exercere nequeat*, quoniam utilitas incerta Reipublicæ debet cedere voluntati divinæ certæ.

133. Quod si tamen *citra certissimum Reipublicæ periculum pœna jure divino dictata* exequi non valeat, non peccabit, si eandem *omittat*.

omittat, aut cerè differat. Huc pertinet exemplum Davidis intuitu Joabi.

134. Tantum in recensio*ne ejusmodi delictorum* difficultas oritur. De homicidio non finunt dubitare expressa scripturæ verba, quibus voluntatem suam Noacho & ejus liberis significavit Deus. a) *Quisquis effuderit sanguinem hominis, sanguis ejus iterum effundendus est*, quæ verba non solum comminationem, sed approbationem, non factum nudum, sed jus continent. b)

135. Per reliqua delicta intelligo illa, quæ in Levitico recensita sunt cum declaratione, quod per istas abominationes polluerint se Gentiles, & quod, qui ea facit, extirpari debeat de populo suo. c)

136. Sunt verò 1. omnes incestus species supra d) expositæ. 2. concubitus cum menstruata. 3. adulterium. 4. immolatio seminis Molocho fracta. 5. sodomia.

137. Dissentiunt equidem communiter Doctores, in adulterio & plurimis incestus speciebus, determinationem pœnæ principi relinquentes, concubitum vero cum menstruata planè negligentes, e) ac scio etiam, ita communi Christianorum praxi observari. Sed jam quidem non exponimus, quid fiat, sed quid DEUS fieri velit.

138. Clara verò & perspicua sunt legis divinæ verba: *Quicunque istas abominationes perpetrant, eorum anima extirpari debet de populo suo.* f)

139. Quæ pro lege saltem forensi haberi non poterunt solos Judæos spectante, quia præcesserat de gentibus, quod propter illa crimina DEUS easdem extirpaverit, & quod similiter ob eadem velit extirpare populum Israeliticum: neque DEUS dicit: de populo tuo, vel vestro, sed: de suo.

140.

ad §. 134. a) Gen. IX. 6.

b) Confer. Grotium lib. 1. cap. 2. §. 5. & ibi commentatores.

ad §. 135. c) Vide Levit. cap. 18. & 20.

ad §. 136. d) Hoc libro cap. 3.

ad §. 137. e) Imo quibusdam circumstantiis Medici Christiani concubitum ejusmodi suadenti Theologis tacentibus.

ad §. 138. f) Levit. 18. v. 29.

140. Nec est, quod putes, quasi antiquitatum Judaicarum ignarus non intelligam, quid velit phrasis: *extirpare de populo*. Notum enim probè est, quid Rabbinì de *extirpatione illa & excisione*, tum & de phrasibus parallelis g) *portatione peccati, morte sine liberis* &c. somnient, sed notum etiam est, somnia illa fundamentò destitui & repugnare contextui & locis parallelis. b)

CAPUT VIII.

De

Officiis Fœderatorum.

SUMMARIA.

Definitio Societatis fœderatorum. §. 1. -- 7. Unicum hic præceptum: *SERVA, QUOD IN FOEDERE PROMISSUM EST.* §. 8. Fœderum divisio varia §. 9. -- 27. Non omne fœdus inaequale summum imperium diminuit. §. 20. 21. Distinctio fœderum in realia & personalia pertinet potissimum ad monarchiam §. 22. -- 25. & est distinctio equivoci §. 26. In dubio fœdus pro reali habendum §. 27. Differentia inter fœdera & sponsiones. §. 28.

§. 1.

Societas fœderatorum est societas plurium Rerumpublicarum, certæ cujusdam utilitatis causa. a)

2. Dico plurium Rerumpublicarum, nam si duo privati uti-

Hhhh

litatis

ad §. 140. g) Levit. 20. v. 19. 20.

h) Vide Selden. de J. N. & G. l.

7. c. 9. p. 872. Havemann. Gamol.

p. 257. seqq. Tenzelii menses

Germanicos de anno 1690.

mensē Decemb. p. 1085. Dassov.

Coll. MSC. ad Levit. c. 20. sect. 2.

Ita quidem tum. Jam malle sententiam illam Rabbinorum pro

somniis non habere, vel propter unicum locum Gen. XVII. 14. ubi eadem phrasis occurrit, & tamen non potest pœna capitalis intelligi. Igitur meretur hac controversia ulteriorem disquisitionem.

ad §. 1. a) Junge cum hoc cap. Puf. lib. 8. c. 9. & de O. H. lib. 2. c. 17.

litatis causa inter se conveniant, pactum est seu contractus, non fœdus. Eadem ratio est conventionis inter *principem & privatum* sive suæ, sive alterius Reipublicæ.

3. Quin etsi *princeps cum principe* paciscatur utilitatis privata gratiâ & non *Reipublica* nomine, pactum potius est, quam fœdus.

4. Sed meminisse etiam debebis, quod vocavim *societatem* Rerumpublicarum, non pactum. Nam etsi societas fœderatorum semper pactum præsupponat, aut fœdus sit species pacti Rerumpublicarum: non tamen omne pactum Rerumpublicarum societatem producit, nec adeo omne earum pactum est fœdus.

5. Scilicet *pacta Rerumpublicarum* possunt etiam fieri de re statim expedienda, ut si una respublica alteri quid vendat; at fœdera requirunt unionem voluntatum inter duas respublicas longiori aliquo temporis spatio duraturam.

6. Quod tamen ex natura fœderum communi indefinitum est, ita ut ejus duratio relinquatur conventioni partium, nec adeo requirat *unionem perpetuam*.

7. Denique dixi, fieri fœdera *certa utilitatis gratia*, per quæ verba differt societas fœderatorum à *systemate civitatum*, quæ indefinitæ utilitatis communis causa sunt, & simul regulariter tendunt ad unionem perpetuam. b)

8. Dirigit hanc societatem unicum præceptum: SERVA, QVOD IN FœDERE PROMISSUM EST, idque tanquam conclusio ex præcepto generali de pactis servandis deducitur, nec aliter potest, quia fœdera diximus esse pactorum species. Unde nec est, ut quicquam addamus.

9. Nisi *divisiones fœderum & differentias eorum à sponsonibus*. Fœdera intuitu *materiæ* possunt dividi in ea, quæ constituunt de aliquo officio invicem præstando, quod jam antea *lege naturali* præcipiebatur; & quæ officiis legis naturalis aliquid *superaddunt*, aut saltem eadem, ubi indefinita videntur, ad *certi* quid determinant.

10. Prio-

ad §. 7. b) Dissentire videtur Pufend. de O. H. d. c. 17. §. 6.

10. *Priora vel respiciunt complexum praeceptorum juris naturalis, ut quibus simplex duntaxat amicitia, citra peculiarem praestationem sancitur, vel certam solum juris naturalis regulam.*

11. *Et vel de noxa non inferenda, vel de simplici duntaxat humanitate exercenda, quorum pertinent ea, quibus simplex jus hospitii aut commerciorum, quatenus id jure naturali debetur, stabilitur.*

12. *Ex his tribus speciebus prima & secunda vix merentur foederum nomen, quia non producant novum finem, qui ante foedus non jam adfuisset, unde nec hodie sunt adeo in usu, olim vero ob vanam persuasionem, qua Ethnici licitum putabant in non foederatos latrocinia exercere, non erant infrequentia.*

13. *Tertia vero, quae de praestandis officiis humanitatis initur, eum saltem effectum producet, ut, cum ante foedus non liceret denegatum ejusmodi officium bello vindicare, id jam liceat post foedus.*

14. *Sed & his tamen nobiliora sunt posterioris classis foedera, quae iterum sunt vel aequalia vel inaequalia. Illa sunt, quae utrinque eodem se modo habent, seu quando non solum aequalia utrinque promittuntur, simpliciter aut observata proportionem virium; sed & aequali modo, ita ut neutra pars praeter altera sit deterioris conditionis aut alteri obnoxia.*

15. *Et potissimum ineuntur vel ad commercia, vel ad communitatem belli seu auxilia mutuo praestanda in bello offensivo aut defensivo, vel ad alias res.*

16. *Foedera aequalia circa commercia varia esse possunt, puta si conveniatur, ne cives utriusque foederati alterutrius terras aut portus accedentes ullum vectigal solvant, aut non plus quam in praesens solvitur, aut ne supra certam quantitatem, aut ne plus quam cives vel alii focii solvant &c.*

17. *Circa societatem bellicam, si conveniatur, ut utrinque paria praestentur auxilia militum, navium, aut alterius apparatus bellici, idque vel utroque tempore, sive bello alteruter invadatur, sive alteri bellum velit ipse inferre, vel si alteruter bello impetatur. Quandoque etiam auxilia promittuntur ad certum duntaxat*

taxat bellum, aut contra certos hostes, aut contra omnes quidem, sed exceptis utriusque fœderati fociis.

18. Denique æqualia fœdera circa *alias res* sunt, ne in confinio alterius alter arces habeat, ne subditos alterius defendat aut recipiat, aut, ut comprehensos alteri transmittat, ne iter alterius hosti præbeat, & quæ sunt alia.

19. Poterit tamen hæc fœderum æqualium divisio applicari etiam ad *inequalia*, quæ sunt, quando vel inæquales præstationes invicem exhibentur, vel altera pars est deterioris conditionis. Promittuntur autem inæqualia vel à *fœderato digniore*, vel à *minus digno*. Prius fit, si potentior promittat alteri auxilia, nec restipuletur, aut si majori proportionem quàm alter promittat. Posterius contingit, si fœderatus inferior plura teneatur præstare, quàm ab altero recipit.

20. Eorum, quæ à *fœderato inferiore* præstantur, quædam sunt conjuncta cum imminutione summi imperii; puta si conventum sit, ne inferior socius partem aliquam summi imperii exerceat, nisi cum consensu superioris. Quædam autem summum imperium non diminuunt, licet adjunctum habeant aliquod *onus transitorium*, seu quo simul & semel licet defungi; puta si ex fœdere pacis alter teneatur stipendium solvere alterius militibus, belli sumptus restituere, certam summam pecuniæ solvere, mœnia diruere, obsides dare, naves, arma tradere &c.

21. Imò nec quævis *perpetua onera* summum imperium diminuunt. Qualia sunt; eosdem cum altero amicos & hostes habere, sed non recipere; ne liceat certis locis munitiones extruere, ne ad certa loca navigare, &c. Item si unus sociorum alterius socii majestatem comiter teneatur colere, seu reverentiam quandam ipsi exhibere, & sese ad ejusdem placitum modestè attemperare.

22. Celebratur etiam communiter divisio fœderum in *realia & personalia*, quorum hæc sunt, quæ cum rege intuitu personæ ipsius ineuntur, eoque defuncto simul expirant. Illa verò sunt, quæ non tam ipsius regis ut talis, quàm reipublicæ & regni intuitu contrahuntur, ac perdurant, istis licet mortuis, qui eorundem autores fuerant.

23. Ex definitione verò utrorumque apparet, distinctionem hanc non pertinere ad omnes Reipublicæ formas, sed maximè ad *Monarchiam*.

24. Nam quod democratiam concernit, paucissimus ejus est usus, quia populus non interit, nec successorem habet, sed semper morali æstimatione est idem. Eadem dicenda sunt de statu Aristocratico.

25. Quin et si status Reipublicæ democraticæ aut aristocraticæ mutetur in monarchicum, fœdus mansurum est, reipublica licet mutata, quia & hic idem populus manet.

26. Porro quod monarchiam attinet, magis hanc distinctionem haberem pro distinctione *equivoci*, non pro divisione vera, quia quod *personale* fœdus vocavimus, magis *pactum* est quàm *fœdus* per dicta superius. c)

27. Quo pacto non opus habemus ad cognoscenda *νευθησια*, quæ fecernant fœdera realia à personalibus, quæ à variis proponuntur variè. d) Nam cum Rex in dubio, quæ agit, præsumatur agere ut rex seu caput Reipublicæ, in dubio quoque pacta regum pro fœderibus realibus erunt habenda, nisi verbis expressè aliud fuerit conventum, aut natura negotii ostendat aliud. e)

28. A fœderibus differunt *sponsiones*, f) quæ propriè vocantur ista pacta, quæ à ministro summæ potestatis circa negotia ad eandem spectantia sine ipsius mandato ineuntur. Quibus uti summus imperans non tenetur, nisi postquam eadem rata habuerit; ita si minister easdem absolutè contraxerit, & rari habitio secuta non fuerit, ipse viderit, quomodo satisfaciat illis, qui ejus fidem secuti inanibus pactis decepti sunt.

Hhhh 3

CAPUT

ad §. 26. c) h. c. §. 3.

ad §. 27. d) vid. Puf. d. l. 8. c.

9. §. 7. & 8.

e) Uti si rex in fœdere alteri pro-

mittat filiam. Hoc enim non pro-

mittit ut Rex, sed ut Pater.

ad §. 28. f) Conf. disp. nostr.

de sponsione Caudina §. 47. seq.

CAPUT IX.

De

Officiis Erga Legatos.

SUMMARIA.

Connexio. §. 1. 2. Legatorum homonymia & species. §. 3. -- 8. Variæ distinctiones hic considerande §. 9. -- 13. Officium erga Legatos consistit vel in admissione, vel in inviolabilitate. §. 14. De admissione præceptum: **LEGATI SINE CAUSA JUSTA NON SUNT REICIENDI.** §. 15. Fluit ex debito officiorum humanitatis, §. 16. pertinet & ad legatos, qui ab hoste mittuntur, §. 17. & ad tertium, cuius fines legatus peragrat. §. 18. Ob Legatum non admissum non oritur justa belli causa. §. 19. Causa justæ rejiciendi Legatum, §. 20. 21. inter quas an sit, quando Legatus idè rejicitur, quod veniat ab hoste armato, §. 22. 23. aut, quod sit atheus vel hæreticus? §. 24. An hodiernæ Legationes assidue residentium possint rejici? quod affirmatur & respondetur dissentientibus. §. 25. -- 32. Desinitur inviolabilitas Legati. §. 33. 34. 35. Præceptum circa eam: **LEGATOS INNOCENTES, IMO ET REGULARITER NOCENTES NON LÆDE.** §. 36. Inquiretur in rationem hujus præcepti distinctè, §. 37. circa Legatum innocentem rogatum, §. 38. 39. & sagatum, tum antè admissionem §. 40. -- 42. tum post eam, §. 43. -- 46. Quid adeò observandum sit Legato sagato, si inviolabilitatem pretendere velit? §. 47. -- 50. Circa Legatum nocentem distinguitur. I. Si delinquat ipse Legatus solus §. 51. ubi queritur [a] Quibus delictis excidat Legatus sanctimonia? §. 52. Ubi quidam statuunt ex omni, §. 53. 54. quidam ex nullo, §. 55. quidam verius distinguunt: §. 56. ut excidat ex delicto manifesto & atroci. §. 57. -- 60. Criteria delicti levis & atrocis. §. 61. -- 64. [b] Quales tum Legato possint opponi vindiciæ? §. 65. -- 72. II. Si delinquat jussu Principis sui. §. 73. -- 76. III. Si delinquat Princeps infcio legato. §. 77. -- 81. Inviolabilitas legati intuitu Comitum, §. 82. -- 85. ubi & de jure asyli §. 86. item intuitu rerum ejus mobilium §. 87. 88.

§. 1. Restat

Restat *societas Gentium*, in qua jam suprà a) diximus neque novum finem neque nova præcepta esse expectanda, sed solum applicationem præceptorum communium librò secundò expositorum ad duo *Juris Gentium* capita potiora de *legationibus & jure sepulture*.

2. Neque enim hic opus erit ad jus quoddam *voluntarium humanum* recurrere, quia ab initio mox demonstravimus, *Jus Gentium* ad jus voluntarium non pertinere, sed esse speciem *Juris naturalis*.

3. Res ipsa verò loquitur, dum de societate *Gentium* jam sumus occupati, de *legatis* b) loqui nos velle *diversarum rerum publicarum*, non de *legatis*, qui connectunt societatem Dei cum hominibus, aut hominum in societate civili viventium, aut singulorum hominum in diversis rebus publicis. c)

4. Quare & exulare debet *legatio titularis* eorum, qui privati tantum negotii causa in aliam Rempublicam discedentes favoris & honoris ergo cum titulo legati, sed absque ullo Reipublicæ ad alteram mandato dimittuntur.

5. Rursus eorum, qui ab una Republica ad aliam rempublicam mittuntur, alii vel *representant* per fictionem rempublicam ipsam, à qua sunt missi aut ejus Principem, qui *legati* simpliciter & strictè dicuntur, vel *sine characterè* isto mandatum publicum exequuntur.

6. Tales hodie sunt, quos *Agentes*, vel *Agendarios* vocant, qui rebus pacatis, *Heraldi* item, *Tubicines* ac *Tympanotribæ*, qui turbò ferè ac bellicò statu adhibemur. d)

7. *Priores legati* moribus nostris sunt vel *temporarii* seu

extra-

ad §. 1. a) lib. 3. c. 1. §. 46.

de Legat. inviolab.

ad §. 3. b) Junge cum hoc capite

c) Pater §. 7. seqq.

Grotium & ejus commentatores

ad §. 6.) Conf. ad §. 4. 5. 6. Patrem d. l. §. 12. 14. 15.

lib. 2. c. 18. Patrem disput. pecul.

extraordinarii, stylo publico Ambassadors, vel perpetui, seu ordinarii qui Residentes. e)

8. De utriusque generis f) *legatis dicemus, & de iis, qui characterem principis gerunt, & qui eo destituuntur, potissimum tamen de illis, quia sunt species nobilior.*

9. *Qui adeo duplici modo considerari possunt, semel sub principis sui, iterum sub sua persona. g)*

10. *Quin & si nexum spectes, qui ipsi cum comitibus suis, familia item ac rebus intercedit, poterit legatus concipi vel ut totum physicum, hoc est, in sua solius persona, quæ tamen hic principis imaginem non excludit, vel ut totum morale, simulque adeo in iis, quæ ipsi connexa sunt. b)*

11. *Porro legati in genere respectu mittentis vel ab hoste veniunt, vel ab amico principe, quo nomine & is censetur, qui non est hostis, & qui bellum saltem sub conditione indicit curat, sicut is hostis etiam est, qui consilia pacis proponat. Illum sagatum appellare poteris, hunc togatum. i)*

12. *Denique Legatus vel referri potest ad mittentem, vel ad eum, ad quem est missus, vel ad illum, cujus fines peragrat. l)*

13. *Prima relatio huc non pertinet, quia cum eo, qui legatum misit, Legatus vivit in societate civili, non gentium. Reliquæ duæ hujus loci sunt, potissimum tamen secunda. m)*

14. *Officium verò erga Legatos potissimum in duobus momentis n) consistit, in admissione, & inviolabilitate. Admissionem hic tam latè usurpo, ut audientiam & dimissionem sub se comprehendat.*

15. *De admissione illud est præceptum: LEGATI SINE JUSTA CAUSA NON SUNT REJICIENDI. o)*

16. Ra-

*ad §. 7. e) Pater §. 47. seqq.
ad §. 8. f) Pater de posterioribus
planè non tractavit. Vide §. 14.*

ad §. 9. g) Pat. §. 35.

ad §. 10. h) Pat. §. 49.

ad §. 11. i) Pat. §. 43. 44.

ad §. 12. l) Pat. §. 35. seqq.

ad §. 13. m) Pat. §. 37. & 38.

ad §. 14. n) Grotius §. 3. Pat. §.

61. & ibi lit. p.

ad §. 15. o) Grot. §. 3.

16. Ratio dependet à præcepto de *præstandis officiis humanitatis*. p) Quoniam enim & rebus publicis inter se invicem mutua commercia intercedunt, & officiorum communicationes, & his alendis necessarium est, ut altera alteri voluntatem significet suam, id verò non commodè per colloquia ipsorum principum, neque adeò bene etiam per literas semper, commodissimè verò per nuntios expediri potest, peccaret in officia humanitatis, qui legatos sine justa causa rejiceret.

17. Quod & ad eos extendo, qui *ab hoste* ad hostem mittuntur. Nam & in medio statu belli, humanitas postulat cogitare de pace & audire alterius pacis consilia.

18. Similiter præceptum nostrum etiam ad *tertium* pertinet, cujus fines legatus peragrat, quatenus & is obligatus est mutua aliorum humanitatis officia humanitate sua promoveri, cujus respectu tamen præceptum hoc magis pertinebit ad Legatum, qui ab amico mittitur, quàm qui ab hoste tertii.

19. Illud verò ex ratione præcepti illius fuit, quod tantum ob non admissum Legatum non oriatur *justa belli causa*, nisi legationem extorserit extrema necessitas. Ita enim supra demonstravimus, ob violata humanitatis officia regulariter alterum bello peti non posse.

20. Cæterum diximus *sine justa causa*: Harum autem uti infinitæ sunt, quæ in genere aliquem à præstatione officiorum humanitatis excusare poterunt, ita & hic eadem certis regulis includi nequeunt, sed potius cujuslibet conscientia propria atque prudentia erunt relinqvendæ.

21. Tales sunt q) v. g. si certum sit, Legatum non super pace aut negotiis publicis, sed ad seditionem concitandam civiumque sollicitandos animos venisse, si non Legatus, sed explorator, si ad tempus extrahendum, eaq; morâ rebus domini sui consulendum, & alteri, ad quem missus est, nocendum venerit. Si simili fallaciâ jam sæpe aliis illufit, aut aliis modis Legati ingenium suspectum sit.

Iiii

22. Illa

ad §. 16. p) Conf. Patr. §. 1. 2. 3.

ad §. 21. q) Hennig. ad Grot. p. 783.

22. Illa verò causa *in universum* iusta non est, si quis velit legatum repudiare eò, quod veniat *ab hoste armato*, r) quia neque pax neque induciæ neque ullæ aliæ conventiones inter belligerantes iniri facile possunt, nisi per Legatos. Hos ergo qui ex isto solum prætextu respuerent, omnem tollerent reconciliationis & pacis reparandæ spem.

23. Dico *in universum*. Unde neque factum Periculis statim culpæ vellem, s) qvò autore Melesippus Lacedæmoniorum Legatus dimissus est extra fines agri Attici, quòd ab hoste armato veniret. Nam quemadmodum aliàs in statu pacis non peccat, qui, cum ejus non in pari gradu intersit, contractum celebrari, alteri pacifici volenti leges quasdam pacti & conditiones præscribit, ita & qui bello superior est, cæteris paribus non peccabit, si alterius de pace tractare cupientis Legatum non antea admittat, quam ipse arma deposuerit.

24. Porro uti in universum propter solum atheismum aut hæreseos labem Legati non videntur esse rejiciendi, quia jus Gentium pertinet ad officia populorum quæ talium, non quæ Christiani sunt aut Ethnici, ita tamen rursus nollem taxare factum Lyfimachi, qui audire noluit Theodorum, qui à Θεός vocabatur, à Ptoleomæo ad se missum. Quia regulariter alteri cui aliquid nunciari volo, liberum est, cum quo nuncio negotium tractare velit. t).

25. Id verò rectè asseri arbitror: Optimo jure rejici posse, quæ nunc in usu sunt, *Legationes assiduas residentium*, non quidem ex ea ratione, quod mos antiquus, cui illæ ignoratæ sint, ostendat, quod ipsis non adeò sit opus, quoniam officia humanitatis non solum necessitatem, sed & utilitatem aliorum promoveant. u)

26. Sed

ad §. 22. r)	Ziegl. ad. Grot. p. 412.	413. Henn. p. 784.
ad §. 23. s)	Grot. §. 3.	ad §. 25. u) Grot. §. 3. in fine.
ad §. 24. t)	Grot. §. 3, Ziegl. p.	Ziegl. d. p. 413. Kulpis de Legationibus p. 30.

Et, a) cum ipsi non possint esse testes in causâ propriâ, & unius principis magis interfit has legationes admitti, quàm alterius.

32. Id tamen non diffiteor, uti in omni rejectione Legatorum togatorum, ita hic maximè cautè esse procedendum, ne rejeccio fiat cum contumelia vel Legati, vel Principis, qui Legatum misit, quia tum peccaretur in præceptum de vitanda superbia & iusta proinde belli causa oriretur. Quin potius facienda est rejeccio cum contestatione perennis benevolentia.

33. Pergo ad *inviolabilitatem*, per quam intelligo debitum Legato præstandum, quod expletur actu non lædendi. b)

34. *Læsionis* voce hic utor in lata acceptione, ita ut sub se etiam comprehendat contumeliam, & quatenus alias sit vel inferendo alicui malum, vel auferendo, quod habebat, bonum.

35. Etsi verò aliàs communiter læsio dicatur de *innocentis* violatione, in materia tamen Legatorum eadem tam latè supponitur à scriptoribus, ut extendatur quandoque etiam ad vim *iustam*, quæ infertur homini nocenti & delinquenti.

36. Quo pacto tale evadet præceptum, quod Legatorum *inviolabilitatem* concernit: LEGATOS INNOCENTES, IMO ET REGULARITER NOCENTES NON LÆDE.

37. Sed in exponenda ratione genuina hujus præcepti & declaranda ejusdem ampliacione scriptores non conveniunt. Nobis videtur, adhibendas esse distinctiones 1. inter Legatos *innocentes* & *nocentes* 2. inter *togatos* & *sagatos* 3. inter eum ad quem Legatus mittitur & *tertium*.

38. Quod Legatos *innocentes* eosque *togatos* attinet, illorum *inviolabilitas* haud dubie munitur præceptis communibus juris naturalis de *vitanda superbia* & *non lædendis aliis*, sive cum principem consideres, ad quem Legatus missus est, sive *tertium*; ejusmodi enim *inviolabilitas* indistinctè debetur omnibus homini-

ad §. 31. a] Ita provocat Dn. Kulpifius p. 31. ad declarationem Regis Gallia.

ad §. 33. b] Pater §. 57.

minibus, adeoque hac parte in Legatis nihil est peculiare, neque opus est, ut quantum privilegium eorum contra vim injustam attinet, hic refugium queramus in maiestate principis, quem representant. c)

39. Neque adeo dubium est, si innocentibus legatis ab amico missis, contumelia vel damnum datum fuerit, iuste id vindicari per bellum, eoque pertinet exemplum Legatorum Davidis.

40. Legatorum Sagatorum, qui ab hoste veniunt, securitas ante dimissionem dependet à solo præcepto de præstandis officiis humanitatis. Cum enim regulariter hostis hostem lædere possit, semper verò, etiam abstrahendo à promisso, in medio bello officium humanitatis utrumque hostem inclinare debeat ad studium pacis, inde hoc casu princeps sive tertius, sive is, ad quem Legatus mittitur, si Legatum non admissum interficiat, præceptum de non lædendis aliis, quod inter hostes non observatur, haud violat, sed violat saltem humanitatis officia.

41. Adeoque hoc passu novam causam iusti belli non præbet, sed veterem tantum, si antea iusta fuerit, firmat.

42. Dico si antea iusta fuerit, nam si antea fuerit iniusta, hoc est, si is, qui legatum mittit, alteri, ad quem legatus mittitur, injuriam intulerit, ne quidem violationem Legati putarem belli iustitiam ab una parte transferre in alteram, d) nisi fortè lædens per legatum obtulerit conditiones pacis, hoc est satisfactionem de injuria illata. c)

43. Post admissionem verò Legatorum securitas firmatur insuper pacto, tam intuitu ejus ad quem missus est, quam intuitu tertii, quod ipsum, si innocenter vivat, lædere nolint.

Iiii 3 44.

ad §. 38. c] Quod facit Hørnius, ejus locum vide ap Henning. d. l. p. 777.

ad §. 42. d] Quia officia humanitatis producant saltem jus imperfectum.

c] Quia tum officia humanitatis obligant perfectè, si quis in extrema necessitate est constitutus, quod tum dicendum est, quia p. ix sine legatis non potest fieri.

44. Rariùs tamen hoc pactum *expressis verbis* initur, sed plerumque tacitis pactis annumerandum est, & exinde colligitur. Quoniam ut diximus, etiam in bello de negotiis pacis sine internunciis tractari non potest, & verò sine inviolabilitate Legatorum negotiura vel non haberet *initium*, quia nemo facile sub hoc periculo suscepturus esset legationem, neque Respublica etiam homines bene meritos (qui maximè ad legationem requiruntur,) honestè ad eam cogere posset; *f)* vel *nullum* haberet *exitum*, si Legatus impunè posset interfici, vel certè *difficilem*, si impunè posset vexari; igitur positis his circumstantiis, & quia pacta tacita frequenter se in eo fundant, *quod qui concedat finem, concedat etiam media ad obtinendum finem ducentia*, semper verò inferunt, quod in dubio homines etiam facta pro ejusmodi signis usurpare velint, qualia ea esse voluerint communiter alii homines, quilibet homo recta ratione utens ita concludit; Admisit Legatum; ergo securitatem promisit.

45. Loquor verò de pactis *tacitis*, non de *presumptis*, de quorum differentia latius egi libro secundo. Neque enim obligatio post admissionem alium fontem habet quàm consensum verum, neque citra consensum alia lex principes obligat ad inviolabilitatem, quam illa saltem de præstandis humanitatis officiis.

46. Igitur hoc pactum tacitum *novum tamen effectum* producet, ut si Legatus innocens violatus sit post admissionem, iusta belli causa oriatur, vel certè à lædente ad principem læsi transferatur, quia pacta transferunt jus perfectum.

47. Fluit ex dictis, quod Legatus *Sagatus* tum demum inviolabilitatem stricto jure prætendere possit, si à principe altero fuerit *admissus*, certè nullam conquerendi causam habet, si prohibitus accedere venerit tamen, nisi in quantum tunc officia humanitatis Principem alterum ligant. *g)*

48. *Quin*

ad §. 44. f) Pater §. 90.

ad §. 47. g) Pater §. 113.

48. Quin imò si Princeps Legatum sagatum non admittat, nisi *sub hac conditione* expresse, ut libertatem lædendi ipsum sibi reservet, putarem & tunc per læsionem violari saltem principis, cuius est Legatus, jus imperfectum. Neque enim ex admissione poteris consensum tacitum principis inferre ob regulam vulgatam, quod frustra quæramus de consensu tacito, quoties constat de expresso contrario.

49. Et hoc insuper ex dictis deduci potest, quod Legatus, Sagatus maximè, maturè personam præmissò ministro vel alio signo à Gentibus recepto *significare alteri* debeat, *b)* quoniam citra hanc significationem, princeps tertius vel ad quem mittitur, est in iusta ignorantia, nec poterit accuratè dici, quod Legatum admiserit.

50. Denique & hætenus dicta eò extendimus, ut procedant etiam in Legato, *qui finienda pacis & indicendi belli causa missus est*, quoniam moribus gentium per præconem aut legatum facta belli indictio, fuit & est tacita quædam professio, ejus ex præscripto rectæ rationis, hoc est, cum intentione pacifica gerendi. *i)* Quapropter è contrario bellum prorsus implacabile significatur *ἀνέροκτον* illud vocabant, id est, non denunciatum. Adde quod Legatus hoc ipsum munus pacatè exequatur, hoc est, verbis innocentibus, non armis pugnacibus, quo respectu salvari potest sententia Torquati Tassi, dicentis, omnem Legatum pacis virum esse.

51. Hætenus de Legatis innocentibus. Restant *nocentes*, quorum noxa tribus modis considerari poterit: *l)* Vel enim deliquerunt *ipsi* citra jussum principis sui, vel *exequuntur* delictum, quod *princeps* eorum jussit, vel agitur de imputando ipsis delicto *solo principis ipsorum*.

52. Primam classem quod attinet, duo quærenda sunt. *m)*

Quibus

ad §. 49. h]	Conf. Patr. §. 112.	Etionem Pater. Conser tamen §. 128.
ad §. 50. i]	Pater §. 92. 93.	& 132.
ad §. 51. l.]	Omittit hanc distin-	ad §. 52. m)] Pater §. 127.

Quibus delictis excidat Legatus sanctimoniam? Deinde quousque excidat? seu quæ vindiciæ delictis ejus opponi jure possint?

53. De priori tres sunt sententiæ, quarum una ex omni cujuscunque formæ delicto privilegium securitatis abjudicat Legato, altera ex nullo, tertia non ex omni tantum, n)

54. Prima fortè procedet o) in nunciis personam principis non referentibus, propter mox dicenda, vel etiam in Legatis ab hoste missis, non solum, quia, qui alteri dat damnum, quæ talis non poterit petere officium humanitatis, sed &, quia ratio, ex qua ex admisione Legati sagati intulimus p) pactum tacitum de concedenda securitate, tantum valet pro innocentibus, non pro notis,

55. Secunda verò omnino iniqua est, q) deteriorem faciendo conditionem principis quam Legati, adeoque peccans in præceptum custodiendæ æqualitatis, fontem reliquorum omnium, quæ homo homini debet.

56. Tertia verò securè inter duas extremas mediò locò incedit, nec omni delicto jus tutæ legationis perimi, nec nullo. Non omni, ne legatum detrudamus ad scabella vulgarium peregrinorum: Neque nullo tamen, ne cuius flagitio aperiatur fenestra. r)

57. Quo ergo? Brevissime, 1. manifesto. 2. atroci.

58. Considerandum enim esse diximus Legatum eminenter ita dictum, ut repræsentet personam principis sui, igitur quod delictum principi suo non condonandum foret, neque ipsi ignoscendum & vice versa,

59. Propterea si non manifestum est crimen, non poterit lædi Legatus, quia non est subditus alterius, ut in ipsum inquisitio possit institui. s)

60. Quin & si manifestum sit, non atrox tamen, sed leve, condonandum potius est, & dissimulandum, quoniam ita dissimularet

ad §. 53. n) Pat. §. 128.

ad §. 54. o) Hæc notare omisit Pater.

Pl§. 44.

ad §. 55. q) Pater §. 131.

ad §. 56. r) Pat. §. 135.

ad §. 59. s) Pater §. 138.

mularet ex legibus amicitiae princeps, si ab ipso ejus principali tale quid fuerit admissum.

61. Sed nova hic se aperit difficultas definiendi delicti *levis & atrocis*. Neque enim consentire possumus illi descriptioni, r) quod atrox delictum sit illud, quod lex naturae capitaliter punit; Leve, quod mitius, quia jam supra u) diximus, legem naturae nullam poenam dictare.

62. Fortè commodius ita dicemus, illa delicta esse *atrocia*, quae tendunt ad turbandum statum publicum, qui vitam subditis Principis, apud quem degit Legatus, auferunt, aut alias eosdem in honore & bonis enormiter laedunt, praecipuis si sint personae principi carae.

63. Unde jam facile patet, quae delicta habeam pro *levibus*, inter quae etiam refero aliqua in ipsum principem admissa, v. g. si speculatorem agat, si lingua procaciter abutatur ad maledicta leviora, aut minas. x)

64. Quamvis neque displiceat sententia eorum, qui statuunt, *disimulandum* esse delictum leve in *privatum* commissum; si in *Principem*, finibus jubendum excedere Legatum, & sine responsione dimittendum. y)

65. In altera quaestione: *Quales Legato crimen atrox & manifestum patranti opponi possint vindictae?* distinguo an crimen illud directò statum aut dignitatem principis laedat, an *privatum* z)

66. Illo casu delictum sive inerme sit, sive armatum, hoc est, sive ad seditionem inclinet animos subditorum, aut conjuret ipse, aut conjurantibus consilio adsit, sive cum rebellibus aut hostibus gladium educat, aut comites suos contra statum publicum armet, vindicari poterit, etiam per *internecionem* Legati, non quidem ut

K k k k

subditi,

ad §. 61. t) Quam das Pater §. 139. vis loquatur de maledictis in genere.

u) cap. praeced. de poenis.

ad §. 64. y) Pater §. 147. 149.

150.

ad §. 63. x) Pater §. 148. quam-

ad §. 65. z) Pat. §. 152.

subditi, sed ut *hostis*, quia nec ipse princeps ejus si talia tentaret, meliorem tractationem expektare deberet. a)

67. Neque refert, conjurationem illam adhuc esse inermem, nisi putemus, nefas quoque esse dormientem hostem opprimere, aut inter molimina certa deprehensum praevenire.

68. Quod si contigerit, ejusmodi Legatum incolumem evadere, poterit perire à principe ejus, ut *dedatur*, neque hic se liberare poterit, si ad ejus pœnam se offerat, quia tum Legatus se gessit ut hostem; at hostes non puniuntur à tertio, sed coercentur ab eo, cujus hostes sunt. b) Adde quod hic pœnarum finis cesset.

69. Hoc verò casu si crimine atrocilæserit *privatum*, non statim pro hoste principis, ad quem missus est, haberi debet, sed que modum ipse ejus princeps, si tale quid admitteret, antequam bellum liceret ei decernere, compellendus prius esset de satisfactione spontanea, ita eadem ratione æquius hic est, ut Princeps, apud quem delictum commisit, eum cum elogio, ad suum principem remittat, & aut *deditionem* ejusdem, aut *pœnam* ab illo demandet. c)

70. Ita tamen, ut *Dominus Legati electionem* habeat, an punire, an dedere velit. Vergeret enim in contemptum Domini, si Princeps alter ipsum punire vellet, qui tamdiu personam domini sui repræsentat, quamdiu apud alterum est, eam vero deponit demum, si ad principem suum redierit. Quare, cum ob dictam rationem forum delicti commissi hic locum sibi non vindicet, contentus erit privatus iste casus foro domicilii, vel certè fingendum est, ac si Legatus demum post reditum in domicilio delictum commiserit. d)

71. Dixi *remittendum* esse Legatum. Etsi enim etiam Princeps, in cujus territorio peccatum est, possit fontem tenere in vinculis,

ad §. 66. a) Pat. §. 166. 167.
& (ad seq §.) §. 168.

ad §. 68. b) Aliam rationem
suppeditat Pat. §. 169.

ad §. 69. c) Pat. §. 162.

ad §. 70. d) Ita malo dicere cum
Bodino ap. Patrem §. 161. quam
asserere cum ejusdem §. 156.
Legatum, delinquentem in priva-
tum, fieri subditum.

culis, donec alter vel eum avocet ad pœnam, vel hunc subditum abdicare se testetur, remissio tamen non saltem est modus civilior, sed etiam magis alendæ paci facere videtur. e)

72. Ista enim detentio non solum declararet aliquam diffidentiam erga Dominum, Legati, sed & vergeret in contemptum ipsius principis, cujus characterem adhuc Legatus gerit. Adde, quod regulariter, qui non habet jus puniendi, non habeat etiam jus apprehendendi.

73. De *secunda classe f)* delictorum à *Legatis* commissorum ex sui *Principis jussu* eadem definitiones erunt repetendæ, quas hæcenus recensuimus, quia & hæcenus Legatum consideravimus, ut characterem principis sui gerentem, nisi forte dicere velis, tum Legatum privatum atrociter lædentem ad principem suum imprudenter remitti, quoniam princeps illius, ut delicti confors neque probabiliter puniturus Legatum, aut dediturus sit.

74. Ergo hic putarem, tamdiu Legatum vinculis constringi posse, donec ipsius dominus satis caveat de satisfactione tam ob injuriam à Legato, quàm à se illatam.

75. Communes verò *nuncii* & qui personam principis non gerunt, ut tubicines, nullam conquerendi causam habent, si v. g. ob verba contumeliosa jussu domini sui in alterum effusa statim interficiantur.

76. Illud autem absurdum est, quod quidam arbitrantur, g) *impune licere Legato* exequi, quicquid sibi à principe est mandatum, delictum verò soli principi imputandum esse. Nam hoc pacto Legato plus liceret in alieno solo, quam ipsi ejus, si adesset, Principi, & contra minus posset in sua ditione princeps, quàm in domo sua Paterfamilias.

77. Circa *ultimam classem, b)* & si *princeps* Legati infcio Legato delictum commiserit in alterum principem, distinguendum

Kkkk 2

erit,

ad §. 71. e) Pat. §. 164.

ad §. 73. f) vide suprâ §. 51.

ad §. 76. g) Pat. §. 131, 172, 173.

ad §. 77. h) Pat. §. 192. seqq.

ubi tamen paulò aliter.

erit, quid liceat læso intuitu *Legati*, & quid liceat intuitu *principis lædentis*.

78. Intuitu *principis lædentis* equidem hætenus licebit legatum lædere, quatenus mutua delicta non solum in privatorum actionibus, sed etiam in bellis principum compensationi locum faciunt.

79. Sed tamen erit hæc licentia *imperfecta*, quia neutrum reddit securum in conscientia, sed uterque auctori juris naturæ pœnas debet, quemadmodum privati mutuis delictis non possunt compensare pœnam à principe inferendam.

80. Intuitu igitur *Legati* dicendum est, *illicitam* plane esse ejus læsionem, quia character principis, quem gerit, privilegium ipsi affert, non adeo invertendus in ejus damnum, & quia alias, accuratè loquendo, neque subditorum peccata principi, neque principis subditis, si modo cætera sint paria, debent imputari.

81. Unde non solum crudelis foret princeps, si *legatum* innocentem *trucidaret* eò, quòd Dominus Legati Legatum ejus innocentem interfecerit, sed & eos à crudelitatis nota absolvere nolum, qui *tubicines* v.g. literas contumeliis plenas, quarum tamen contenta ignorabant, afferentes, trucidarunt.

82. Consideravimus, 1) inviolabilitatem Legati in ipsius persona, non omittenda etiam illa, quæ Legato connexa sunt, puta *comites* & *res* ejus mobiles.

83. *Comites* 1) inviolabiles sunt accessorie & proinde quatenus legato videtur. Itaque si quid gravius deliquerint in privatos, postulari à Legato poterit, ut eos dedat.

84. Quod si *dedere* nolit, vi non erunt abstrahendi, sed eadem hic erunt adhibenda, quæ de delicto ipsius Legati diximus.

85. Sed quid si Legatus *comites* suos ipse *punire* velit? Præjudicium est: An Legatus jurisdictionem habeat in familiam suam? Quod putamus ex concessione pendere ejus, apud quem agit.

86. A

ad §. 82. 1] vide suprâ §. 10.

ad §. 83. 1] Grotius §. 8.

86. A qua itidem pendet, an jus asyli sit fugientibus in domum Legati? m)

87. Res mobiles habentur etiam accessio personæ Legati. Itaque invito Legato pignoris causâ aut ad solutionem debiti capiri non possunt, nec per judiciorum ordinem, nec manu regia, quia hoc tenderet in contemptum domini ejus. n)

88. Si quid ergo debiti contraxit, & ut sit, res soli eo in loco nullas possideat, ipse compellendus erit amicè, si detrectet, is qui misit, ita ut extremum usurpentur ea, quæ adversus debitores extraterritorium positos usurpari solent.

CAPUT X.

DE

Officio Erga Mortuos.

SUMMARIA.

Platonis justitia etiam circa defunctos se exercit. §. 1. Unde videtur ortum duxisse obligatio ad sepeliendos mortuos §. 2. 3. & doctrina de jure sepulture, quod tamen nec ad jus Gentium voluntarium nec ad jus naturale referri potest §. 4. 5. 6. Mortuis alii homines non sunt obligati. §. 7. Neque debetur sepultura mortuorum aliis viventibus §. 8. seqq. Sepulture definitio §. 9. 10. Respondetur dissentientibus. §. 11. -- 18. Neque sepultura à lege divina universali præcepta est §. 19. sed non repugnat tamen juri nature §. 20. & dependet ab arbitrio principis §. 22. 23. Frustrâ disputatur: an jus sepulture debeat hostibus & facinorosis? §. 24. 25. 26. Neque datur justa belli causa ob denegatam sepulturam §. 27. 28. 29.

K kkk 3

§. 1. Plato

ad §. 86. m) Vide disputationem | rum ædibus competente.
nostram de jure Asyli Legato. | ad §. 87. n) Grotius §. 9.

§. I.

Plato *justitia* tria statuit genera, primum circa Deos, alterum circa homines, tertium circa *defunctos*. Nam & qui sacra secundum leges faciunt, sacrarumque rerum curam habent, religiosi in Deos ac pii sunt. Qui verò mutua & deposita restitunt, justi erga homines sunt. Qui autem vita functis iusta persolvunt, tertiam illam justitiæ partem exequentur. *a)*

2. Haud dubiè verò philosophus iste officium erga mortuos deduxit ex illa opinione, quod putaret, *animas hominum esse partes divinæ essentie*, easque separatas à corpore de rebus humanis curam habere, quin & virorum honoratiorum animas *dæmones* effici, quorum sepulchra sint colenda & adoranda. *b)* Et notum, à Romanis etiam sepulchra ad res *divini juris* fuisse relata.

3. Unde non rarò lex de sepeliendis mortuis à Gentilibus *Lex divina* & *divinus* datus *ov* dicitur. Nam & cultum sepulcrorum ab oraculis repetebant. *c)*

4. Nobis verò istæ Ethnicorum nugæ seponendæ, & videndum adeò, *an aliunde officia erga mortuos deduci possint*. Plerumque jus sepulturæ dicitur esse pars *juris Gentium voluntarii*. *d)* Sed jus Gentium voluntarium non agnoscimus. Alii ex præcepto *juris naturalis de officiis humanitatis* idem deducunt, ita tamen, ut principaliter illud referant ad capita *juris naturalis*, quod officia hominum in *societate gentium* dirigat. *e)*

5. Sed neque hoc nobis videtur accuratè dictum esse, quia nullum est dubium, quin æqualiter ac fortè magis homines in *societate civili* viventes sepeliant mortuos, ergo potius debitum sepulturæ, si debitum est, pertineret ad præcepta absoluta, & quæ in

ad §. 1. a) Anton Matth. Proleg. de crimin. c. 3. §. 5. ex Diog. Laertio.

ad §. 2. b) Vide Platon. lib. XI. de LL. f. m. 972. & lib. 5. de Rep. f. 661.

ad §. 3. c) Grot. II. 19. 1. sect.

2. 3. Plato d. f. 662.

ad §. 4. d) à Grotio & Kulpisio

ad Grotium d. 1.

e) Ut plures apud Grotium d. §.

1. n. 4. Puf. II. 3. 22. p. 197.

in omnibus societatibus sunt observanda, quam ad *societatem gentium* in specie.

6. Deinde, quod *officia humanitatis* attinet, obscurius ostendi solet, quomodo ex praecepto de officiis humanitatis deducenda sit conclusio de sepeliendis mortuis, unde nimium quantum hic variare solent. f) aliis ad humanitatem, aliis ad mansuetudinem, ad misericordiam aliis, item ad religionem, pietatem vel justitiam aliis provocantibus, quibusdam asserentibus, hoc officium non tam homini, quam humanitati, id est, non tam personæ, quam naturæ humanæ præstandum esse. g)

7. Nos ut ex his fluctibus emergamus, putamus initio, verum esse, quod *mortuis ipsis* alii homines jure naturali non sint obligati. Vel enim spectas cadaver, vel animam separatam. Hoc, ut res inanima, nullius nec juris nec obligationis est capax. Animam separatam ratio sibi relicta ignorat, sed quicquid hac de re scit, id ex revelatione habet. Dico *quicquid scit*, unde non curo argumenta scholasticorum, vel revelationem rationi miscendum, vel falsis & ineptis demonstrationibus hac parte utentium.

8. Ergo si quæ subest obligatio sepeliendi mortuos, ea talis est in ordine *ad alios homines viventes*.

9. Præsuppono autem, quod per *sepulcrum* hic intelligatur asservatio cadaveris humani in peculiaribus locis terrestribus, ita ut idem non relinquatur pastui avium ferarumque, neque etiam devoretur à viventibus.

10. Quo pacto tamen sumitur iterum vel *latè*, quatenus præcedentem corporum concremationem præsupponit, ut apud Romanos, vel *strictè*, quatenus eandem excludit, ut apud nos Christianos.

11. Quocunque modo sepulturam consideres, non poteris officium illud ex praecepto *legis naturalis* officia hominum inter se dirigentis demonstrare.

12. Qui

ad §. 6 f) Grot. §. 1. se §. 4.

g) Ut Kulpis p. 95.

12. Qui enim ideo hoc debitum à natura repetunt, quod *hominis corpus ex terra ortum habeat ac terra iterum debeatur*, quod DEUS Adamo edixit, *b)* ii profectò non utuntur ratione à naturâ hominis petità, sed ex revelatione divina, cum homo sibi relictus nesciat, quid DEUS Adamo dixerit, ac, etsi apud Ethnicos similia reperiantur dictèria, jam aliquoties monuimus, multa hausisse Gentiles ex conversatione cum Israëlitis.

13. Eandem confusionem admittunt illi, *i)* qui sepulturam deberi mortuis *ob spem resurrectionis* putarunt. Quanquam & hic nulla subsit necessitas consequentiæ. Quid enim? annon putandum est & homines ab anthropophagis devoratos, aut à bestiis dilaceratos resurrecturos esse?

14. Quamvis igitur his simplicius sit, asserere, cum homo cæteris animantibus præstet, indignum visum esse, si ejus corpore alia animantia pascerentur, quare inventam sepulturam, ut id, quantum possit, caveretur; vel etsi tales abessent injuriæ, propter tamen ac lancinari corpus humanum, quod alienum maximè sit ab hominis *dignitate*; quo pacto sanè demonstrata videtur esse conclusio hæc ex præcepto de præstandis humanitatis officiis; tamen ne hæc rationes ad probabilitatem, tantum abest, ad demonstrationem, sufficiunt.

15. Quæ enim de *dignitate* hominis hic afferuntur, quem admodum petunt id, quod est in principio, cum jam suprà *l)* in quæstionibus conjugalibus istam methodum demonstrandi à dignitate hominis vel pudore desumptam, quatenus non nititur peculiari aliquo juris naturalis præcepto, rejecerimus; ita & multa alia afferri possunt, quæ ostendunt, dignitati isti vel veræ vel fictæ neque per sepulturam contuli.

16. Quid enim an indignius putas, *m)* cadavere humano pasci *aves* & quadrupedes, quàm si *vermes* illud devorent aut *igni* absumat? An indigniores creaturæ sunt *aves* & *feræ* quam *vermes*

mes

ad §. 12. h) *Conf. Grot. §. 2. sect. 2.*

ad §. 13. i) *Grot. d. l. sect. 3.*

ad §. 15. l) *lib. 2. cap. 2. §. 159.*

ad §. 16. m) *De Persarum Ma-*

gis vide Ziegl. ad Grot. p. 424.

mes, ignis aut terra? An vero soli illi populi dictamen juris naturalis observarunt, qui cadavera condivere? Romani & Christiani non observarunt?

17. Et mallet audire, si ex dignitate naturæ humanæ res foret decidenda, quomodo anthropophagis respondere velles, sæpe gloriantibus, & alios populos iridentibus, quod non dignius sepulchrum noverint, quam si mortuos suos in succum & sanguinem redigant. Qvis verò non commendat factum *Artemisia*?

18. Porro si sepulturam latè & strictè dictam inter se comparare velis, utrum dignius est, cadaver in terra putrescere, quam per ignem redigi in cineres? Sanè præstantius elementum ignis à multis statuitur præ terra.

19. Sed fortè lex divina positiva præceptum de sepeliendis mortuis inculcavit. n) De particularibus seu forensibus seu ceremonialibus inquirere hujus loci non est. *Universalis* nulla extat. Neque enim ista pænæ dictatio, quod Adamus debeat redigi in pulverem terræ, unde ortum sumpserit, præceptum sepulturæ continet.

20. Quid ergo tandem dicemus? Statuimus sepulturam à Christianis usitatam juri naturali non repugnare, & tutissimè ab iisdem retineri, quoniam in Historiâ sacrâ vident, à primis orbis conditi temporibus homines terræ fuisse mandatos. o)

21. Neque tamen *alias gentes*, quibus alia sepulturæ ratio arrisit, in leges divinas universales peccasse.

22. Quin & in Republica Christiana ad Principem pertinere, modum & ceremonias præscribere in sepulturis adhibendas, easque absque peccato *mutari* posse, quod non solum de legibus à principe expresse latis intelligo, sed & de ceremoniis moribus utentium & tacitò principis consensu introductis.

LIII

23.

ad §. 19. n) Grot. §. 4. Conf. Sel.
den. de J. N. & G. p. 783.

ad §. 20. o) Conf. Ziegl. ad Grot.
p. 419.

23. Quare siue diurno siue nocturno tempore, siue cum concionibus, siue absq; iisdem, siue cum comitatu, siue absq; eodem cadaver terræ mandetur, legibus quidem divinis adversum aliquid committi dici non poterit, si quis rationibus magis quam ex affectu velit differere.

24. Unde jam faciliè patet, multa hic ab iis, qui jus sepulcræ ex lege vel naturali vel Gentium deducunt, frustra disputari, potissimum an jus sepulcræ *hostibus* debeatur, & insigniter *facinorosis*?

25. Quod *hostes* attinet, uti bene facit, qui istos sepulcræ mandat, ita nullò argumentò demonstratum fuit peccasse, qui eos reliquerunt insepultos. Neque testimonia Gentilium hic curamus, quorum falsam hypothesin deteximus initio. p)

26. De *facinorosis* statuere principis est, quinam ex iis ad emendationem aliorum sepultura carere debeant, neque lex divina aut gentium huic potestati refragatur, aut principi in determinatione hujus pœnæ regulas præscribit. q)

27. Illud verò planè pro injusto habeo, r) si quis ob denegatam sepulturam alterum *bello petere* velit, etiamsi daremus, ex lege humanitatis deduci posse aliquod sepeliendi officium; nam officia humanitatis producant jus imperfectum.

28. Quod autem legitur, olim à Græcis nonnunquam bella ex hac causa orta fuisse, nobis non obstat, qui non exemplis judicamus, sed ratione.

29. Ut taceam, Græcos ex falsa persuasione, ac si ex lege divina & præcepto religionis jus sepulcræ descendat, forte ad id fuisse commotos, s)

CAPUT

ad §. 25. p) Grot. §. 3. Textor	§. 4. & 5.
de jure Gent. 15. n. 26. seqq.	ad §. 27. r) Quod putat Grotius
ad §. 26. q) Ziegl. ad Grot. p.	§. 5. in fine Kulpis d. p. 95.
410. Kulp. p. 95. Dissent. Grot.	ad §. 29. s) vide Grot. §. 1. n. 3.

CAPUT XI.

De

*Applicatione Legum Divi-
narum.*

§. 1.

Diximus initio, duas partes Jurisprudentiæ Judicialis esse, leges interpretandi & eas applicandi. De prudentia *interpretandi* hucusque egimus, a) restat, ut quædam dicamus de prudentiâ *applicandi*, sed paucis.

1. Siquidem interpretatio legum divinarum quidem in multis differt ab interpretatione legum humanarum, b) sed applicatio utroque est eadem.

3. Sumitur verò *applicatio* vel pro habitu *intellectus*, vel pro habitu *voluntatis*.

4. Pro habitu *intellectus* est prudentia *apre* & *justè* accom-
modandi leges divinas.

5. Utrumque requiritur tum in *Advocato*, tum in *judice*.

6. Ut *apre* fiat, necesse est, ut ex facto, quod defendendum vel judicandum est, eruantur omnes circumstantiæ, etiam minimæ, quia minima circumstantia variat jus.

7. Etiam ex, quæ factum antecedunt & consequuntur, quatenus & hæ sæpe momentum aliquod ad ipsum factum as-
ferunt.

8. Media ad eruitionem facientia in factis antiquis sunt historicorum lectio, in recentibus testes & documenta.

9. Atque per hæc media *advocatus* non tantum sibi factum proponit, sed & de ejus circumstantiis *judici* vel *arbitro* fidem facit, hic autem an rectè an secus adhibita fuerint, judicat.

10. Quam ad rem quidem non subtili aliqua prudentia est opus, quoniam plerumque demonstratio talis adhibetur, quæ in sensus incurrit.

11.

ad §. 1. a) Conf. l. i. c. 1. §. 160. 161. & c. 3. §. 1. seqq.

ad §. 2. b) l. i. c. 4. §. 80.

11. Nisi fortè per argumenta artificialia probatio sit instituta, aut testes & documenta sibi contradicant.

12. Ibi enim *judex* instructus esse debet prudentiâ bene ratiocinandi, & peritiâ illius disciplinæ, ex qua argumentatio est petita.

13. Hic verò naturalis aliquva vivacitas requiritur ex falso eruendi verum, ad quam augendam multum conducit lectio historiarum de iudicibus prudentibus, & meditatio ingeniorum humanorum, tum & instructio, quam communiter, qui de processu inquisitorio scripserunt, dant iudicibus, circa formandos articulos inquisitorios.

14. Quod si probationes sunt maximè intricatæ, in dubio pronunciandum erit pro reo vel possessore.

15. Ut *justè* fiat applicatio, jam ab aliis fufius est expositum, qui de officiô & conscientia iudicis vel Advocati, scripta prodiderunt.

16. Ad applicationem pro habitu *voluntatis* acceptam requiritur experientia, ut quis sæpe & aptè & justè leges divinas applicet ad facta obvenientia.

17. Neque tamen hic expectare quis debet, donec à partibus rogetur, ut eis patrocinium aut arbitrium præstet, quia ex historia antiqua tam sacra quàm profana multa facta prostant, in quibus ingenium exercere possit. Specimen dedimus in dissertatione de Sponsione Romanorum

Caudina.

FINIS LIBRI TERTII.



CHRISTIANUS THOMASIIUS
DISPUTATIONES PUBLICAS,
SUPER THESISIBUS, EXCERPTIS
EX
INSTITUTIONIBUS JURIS.
PRUDENTIÆ DIVINÆ,
IN DIALOGO DE DEFINITIO-
NE SUBSTANTIÆ
INTIMAT.

DE
DEFINITIONE SUBSTANTIÆ
DIALOGUS,
COLLOCUTORES
CARTESIANUS. PERIPATETICUS.
PHILALETHES, TIRO.

CARTESIANUS. Accessimus ad Te, Domine, ut de sponfione, quam iniimus, sis arbiter. Dum heri colloqueremur de variis rebus eruditis, inter alia etiam substantiæ injecta fuit mentio, & quæstionis Tux, quid sit substantia? Putavit præfens Dominus, quod jocatus saltem fueris nec seriò promiseris, te aliam dare velle substantiæ definitionem, cum ipse certus sit, nullam aliam dari posse. Ego vero contrarium sustinui, teque defendi, quod haud dubiè aliam definitionem scias. Certavimus sponfione. Præmium victor auferet 6. cantharos vini Rhenani optimi, cum victo tamen ebibendi. Tu, Domine, Hospeseris, si clarè & perspicuè ostenderis, uter ex nobis pro veritate certaverit. PHILALETHES. Percepi vestram mentem, honoratissimi Domini. Percepi dignam vestro charactere, vestraque Philosophia sponfionem. Ignoscetis vero, quod nec vestro petito, nec invitationi satisfacere queam. Vos Bacchus decet. Ego Philosophiam aqueam sorbeo. Scitis insuper, quod in propositione quæstionis meæ promiserim, quod velim informationem aliorum expectare per annum, ac tum demum tentare, utrum veram, perspicuam & distinctam substantiæ definitionem tradere possim? Accedit, quod nec aptus sim ad controversiam vestram dirimendam. Lis est, ut audio, an aliam definitionem *sciam*? Atqui hoc ipse ego nescio. Promisi *me tentaturum*, an dare possim? Vides Domine Cartesiane, quod qui tentare vult, ipse de suis viribus dubitet. Expectate, donec annus elapsus sit, tum ipsimet de tentamine meo, & uter vestrum

strum victor sponsonis sit, judicate. Interim, si placet, poteritis mecum aquam potare, ut postea vinum eò melius sapiat.

PERIPATETICUS. Nonne prædixi Tibi, Amice, quod talem responsonem accepturi simus. Omnium Novatorum mos est, ut eludant ejusmodi dilationibus eruditos alios. Elapso anno ipsi alia effugia non deerunt. Credisne, si meliorem definitionem substantiæ haberet, quod tamdiu ipsam celare possit. Abeamus & nugas has non audiamus amplius. PHILALETHES. Equidem. Vir Clarissime, quod mihi, quamdiu annus iste nondum præterit, irascaris, causam non video. Levia illa sunt dubia, quæ hætenus proposui. Si ista non potestis concoquere, quid fiet, si graviora propositurus sim? Quid si dicam, me nescire, quid sit Corpus? quid Spiritus? Sanè quod de corpore dicitis, esse ens extensum, non satisfacit. Si enim extensum esse, est habere partes extrà partes, seu unam partem extrà aliam, totum & extensum non different, adeoque extensum esse erit affectio entis in genere, etiam spiritus, & igitur à spiritu non secernet corpus. Quod si secundum Philosophiam Cartesii corpus est ipsa extensio, neq; corpus erit substantia, quia extensio est actio, actio est accidens, neq; differet amplius actio à passione, quod est omnes disciplinas subvertere, cum sublata differentia actionis & passionis corruat physica, matheſis, philosophia moralis, medicina, Jurisprudentia, Theologia, Spiritum vero quod attinet, quid illud est, quod Peripatetici dicunt, spiritum esse substantiam incorpoream? Hoc est iterum dicere, quid res non sit, cum tamen definitio debeat explicare rei essentiam. Vestra vero Cartesianorum opinio, quod spiritus sit substantia cogitans, partim eodem dubio premitur, quod modo circa definitionem corporis attuli, quod, dum spiritum dicitis esse ipsam cogitationem, non potestis non eum inter accidentia collocare, partim in eo egregiè fallitur, quod putet, cogitationis conceptum in homine existere sine reflexione ad corpus, partim spiritum cum mente, & mentem cum spiritu confundit, cum sint spiritus, qui non sint

M m m m :

mens,

mens, & mens à reliquis spiritibus creaturarum inferiorum nobiliiori actione quam cogitatione differat. Quodsi itaque neque corporis, neque spiritus claram & distinctam cognitionem habeamus, quid restat in philosophia, cujus claram & distinctam cognitionem habere possimus, cum spiritus & corpus sint primæ substantiæ species, cum quibus uti tota substantiæ categoria corrui, ita iis sublati quid est in toto terrarum orbe, quod remaneat, quippe cum accidentia sine substantiis non subsistant, & sublati rebus rerum quoque modi sublatis censi non cessario debeant?

CARTESIANUS. Atqui hoc pacto dilabemur in Scepticismum. Caveas igitur Domine, ne te ipsum facias Scepticum, qui nuper & Cartesianam & Aristotelicam Philosophiam plusquam Scepticas asseruisti. PHILALETHES. Non meo periculo ista dissero, sed vestro, nec ex mea sententia, sed ad hominem, disputo ex hypothesibus vestris. Quodsi enim non aliam corporis & spiritus definitionem exhibeatis, tentabo similiter, ut in substantia, annon alio modo & evidentius longè & verius corpus & spiritus possint definiri? CARTESIANUS. Sed quis credet, nisi prius fidem tuam liberes proponendo aliam substantiæ definitionem. Age igitur & non diutius nos & alios plures in spe ista dubia atque incerta detine. Licebit anticipare terminum præfixum. Nec melius evitare poteris aut avertere suspicionem Peripateticorum aliorumque, quasi Scepticismus & peior fortè Philosophia sub doctrina tua lateat. PHILALETHES. Ego vero parum curo, quid alii odio aut aliis præiudiciis excæcati de me sentiant. Ipsam vero substantiæ definitionem quod attinet, velim expendatis, eam non ita difficilem esse, uti arbitramini. Dabit eam, qui præsens est Tiro in Philosophia. Quærite ex ipso. Per me licet.

PERIPATETICUS. Abeamus amice, nec amplius sustineamus, ut nugis iste suis abutatur patientia nostra. Quid enim istud novæ rei est, quod nos ad tirones ableget? An existimationi

tioni nostræ & auctoritati conveniens esse ducis, ut, qui docendo hæcenus longissimi temporis possessione infenuimus, nunc demum à tirone philosophiæ parum subtilis discamus? **CARTESIANUS**. Conveniens tamen erit, ut examinando Tironem illum adversarium nostrum confundamus. Certus enim sum, quod nihil solidi aut veri simus à juvene illo audituri, contra quod non infinitas dare queamus objectiones, si à regia illa & hæcenus recepta substantiæ definitione recedere aut novam proponere audeat. **PERIPATETICUS**. Placet consilium. Tu igitur Juvenis ornatissime accede, & desideratam definitionem substantiæ exhibe.

TIRO. Facerem lubenter, Viri plurimum Venerandi, nisi certus essem, vosmet ipsos jam scire satis, quid sit substantia. **PERIPATETICUS**. Mali corvi malum ovum. An & tu nobis illud scire vis? Si sciremus, non quereremus ex te. **TIRO**. Mihi vero facile videtur ostendi posse, vos scire definitionem substantiæ, & saltem ob præjudicia quædam à Vobis amata ignorare, quod sciatis. **PERIPATETICUS**. Deliras Juvenis. Sunt enim contradictoria, scire aliquid, & ignorare tamen, quod sciamus. Unde argumentor: Quæcunque sunt contradictoria non possunt esse in uno subjecto simul. Atqui scire & ignorare sunt contradictoria. Ergo non possunt esse simul in uno subjecto. Absurdum argumentum. **TIRO**. Non opus videtur in hoc. Ut enim homines sæpè plus de opibus suis sperant, quam possident, ita & sæpè ignorant divitias suas quas possident. Ita & intellectus humanus præjudiciis fasciatus sæpè veritates quas possidet, ignorat. **PERIPATETICUS**. Eja, hoc non est formaliter disputare. Responde ad argumentum. **TIRO**. Non est opus, cum alio modo vos de veritate asserti mei convincere possim. Quid enim? Annon certò persuasi estis, hunc canem esse substantiam? **CARTESIANUS**. Cave ne Sophistam agas, mi Juvenis. Mises personas. Nos sumus quærentes, tu nobis respondere debes, haudquaquam

nos tibi. Tuum est, suspensionem Scepticismi quàm maximè evitare. Sceptorum est, semper querere, nunquam respondere. Ita & Socrates vester agebat, perpetuò videlicet aliorum objectiones vel quæstiones suis quæstionibus eludens. Igitur omitte quæstiones illas & da nobis desideratam definitionem substantiæ. Tum nostrum erit judicare, an eandem jam ipsi possederimus, & uter ex nobis, Nos vel Doctor tuus præjudicii laboremus? TIRO. Injustam suspensionem de me fovetis. Nulla alia intentione quæstionem hanc proposui, quàm ut vobis ostenderem, nosminimè esse Scepticos, cum Vobiscum asseramus, entia quædam esse substantias. Simul vero leges bonæ disputationis à vobis hætenus observatas & præscriptas & ego observare volui, jubentes, ut quæstioni quid sit res? præmittatur quæstio an sit? Igitur ut ordine procedat disputatio nostra peto saltem à Vobis, ut exempla quædam enumeretis ex Entium classibus, quæ pro substantiis habeatis, ut videamus, an in iis conveniamus, ut adeò de iisdem rebus quaramus definitionem substantiæ, an vero opus sit, ut prius conveniamus in istis exemplis, ad quæstionem an sit? pertinentibus, circa quæ fortè dissensio aliqua inter nos esse potest. Tum etiam, si occurreret in discursu nostro terminus Philosophicus in cuius expositione variare solent Doctores, similiter mihi non vertetis vitio, si, ut omnis ambiguitas tollatur, quæserim, quo sensu illum accipiat. Si illa saltem mihi licebunt, tum amplius desiderium vestrum non frustrabo, sed suppeditatis exemplis statim exhibebo definitionem substantiæ. CARTESIANUS. Non videntur, Collega honoratissime, desideria Juvenis esse injusta, igitur, si consentias, dabimus exempla substantiarum.

PERIPATETICUS. Id vero facillimè fieri poterit. Ecce, nominabo tot, quot volueris. Deus, Angelus, Homo, Canis, Planta, Lapis, Ignis, Aer, Aqua, Terra. Visne plura? TIRO. Equidem Vir honoratissime benignitate Tua me obruis. In istis autem

autem exemplis, nisi grave erit, separemus exempla perspicua & certa à dubiis, ut eò melius postea ex definitione exemplorum certorum judicare possimus, utrum illa dubia sint substantiæ nec ne? PERIPATETICUS. Recte mones, sic enim & procedit Philosophus, dum *lib. 7. Metaph. cap. 2.* antequam definitionem tradat, supponit, dari substantias, & exempla manifestissima ex corporibus exhibet, ut animalia, plantas & earum partes, ac naturalia corpora, ut ignem, aquam, terram, cæterorum quoque singula & quæcumq; aut horum partes aut ex his sunt, aut partibus aut omnibus, ut cælum & ejus partes, sydera, Lunam & Solem. Tum subjungit, quod quidam corporis terminos, ut superficiem, lineam, punctum & unitatem substantias esse, & magis quam corpus & solidum putaverint. Item, alios præter sensibilia non putasse aliquid esse substantiam, quosdam plura & quæ magis sempiterna sunt, (sicuti Plato fecerit, cujus opinionem quod idææ sint substantiæ refutat *cod. Lib. 7. cap. 14.*) & ipsas species & mathematica duas substantias asseruisse, tertiam vero sensibilibus corporum substantiam. Speusippum vero etiam plures substantias fecisse, ab uno extendisse substantias ad principia cujusque substantiæ, quorum aliud sit numerorum, aliud magnitudinum, aliud animæ. Denique quosdam fuisse qui species & numeros, non autem lineas & superficies, neque cælum & sensibilia habuerint pro substantiis. Igitur necesse est, ut & nos conveniamus, quænam habeamus pro substantiis. Miror vero, quod exempla certa desideres, cum ego, Philosophum secutus certissima dederim, nempe corpora naturalia. Neque credo, Deum negabis esse substantiam, quem & inter substantias statim memorat Philosophus *lib. 7. Metaph. c. 1.* At vero si Deum substantiam esse asseris, cur de Angelo qui æque spiritualis naturæ est, dubitares? An vero fortè statuis, angelum esse accidens? TIRO. Non tam quærendum est, quid nos statuamus, quam de quo dubitent alii, qui & ipsi substantias clari asserunt. Credo enim, quod quæritis definitionem substantiæ, quæ

quæ non sit tantum ad gustum nostrum, sed & quæ appro-
bati debeat à Philosophis hodiernis reliquis, qui de substan-
tiis loquuntur. Querenda igitur erunt exempla talia de qui-
bus alii non dubitent, ut horum definitione tradita postea de
illis circa quæ dubitatur, iudicium procedat. Uti vero hodie
neminem scio, qui neget sensibilia esse substantias, aut affirmet
entia mathematica esse substantias, ita de DEO & Angelis ad-
huc dum abstrahamus, partim quia DEUS est incomprehensibilis,
partim, quia inter Philosophos hodiernos disceptatur, utrum
DEUS sit in prædicamento substantiæ, nec ne, partim quia
spiritualia, quod tamen cum venia Domini Cartesiani dictum
sit, difficiliora cognitu & magis dubia corporalibus esse, te-
cum, Vir honoratissime & cum Philosopho sentio. Æque
de igne abstrahamus, quæ scis, Helmontium, ni fallor asse-
ruisse, ignem esse accidens. Aeris eadem erit ratio, quia
videtur & Aristoteles quæstionem hanc inter dubias retulisse,
quia in loco à te modo ex *Lib. 7. Metaph. c. 7.* adducto
ignem aquam & terram quidem inter substantias recenset,
aerem vero omittit. Igitur nisi grave erit, retineamus e-
xempla de substantiis aqueis & terrestribus. Atque ut eo cla-
rius evadat mens nostra ac consensus de exemplis, uti assumo,
hominem, animal, plantam &c. esse substantiam, ita tamen
liceat quærere, an putetis hanc plantam, & hunc hominem, an
vero plantam, & hominem, quæ genera vel species sunt, esse ta-
les substantias, quarum definitionem quæritis?

CARTESIANUS. Quæso tu, Vir Excellentissime, & pro
me respondeas. Cum enim subtilissimus Cartesius in doctrina
de substantia nihil innovaverit, tu vero tradita Aristotelis melius
noveris quam ego, hac vice quidē in Tuos discursus compromitto.
PERIPATETICUS. Cum secundum Philosophum Universalia
non sint substantiæ, *d.l. 7. Metaph. cap. 13.* intelligo hoc animal, hunc
hominem, hanc plantam &c. Neque adeo quæro quid sit notio
anima-

animalis hominis, plantæ, quæ sunt nomina rerum in mente ab entibus realibus abstractarum, sed quæro, quid sit res ipsa extramentem, quæ semper existit ut res singularis? TIRO. Ergo de hoc convenimus. Videamus & de aliis. Non asseris haud dubie, Vir Honoratissimè, hunc acervum lapidum esse substantiam. PERIPATETICUS. Minimè. Nam substantia est unum per se, at acervus lapidum est unum per accidens. Acervus lapidum non est substantia, sed substantiarum cumulus. TIRO. Ergone hanc domum habes pro substantia? PERIPAT. Neque hanc, nam & domus est unum per accidens, constans ex pluribus substantiis, lignis, lapidibus &c. TIRO. Quid de duobus asseribus conglutinatis sentis? PERIPAT. Non sunt substantia, sunt enim unum per accidens. TIRO. Peto haud gravatim, ut illud unum per se & per accidens distinctius explices. Cum enim hunc lapidem habeas pro uno per se, & verò hic lapis æque partes similes habeat, ex quibus sit compositus, uti corpus ex pluribus asseribus conglutinatis constans, videbatur etiam hoc esse, unum per se, aut danda est inter hæc duo differentia. PERIPAT. At vero gluten est diversæ naturæ, uniens asseres. TIRO. Ita tamen & forma lapidis uniens partes illas materiæ lapideæ est diversæ naturæ à partibus ipsis. PERIPAT. At gluten tamen est ipsa materia, formæ vero substantiales unientes partes substantiæ materialis sunt principium à materia distinctum. TIRO. Vereor hunc discursum placere Domino Cartesiano, observavi enim, quod rugas in fronte contraxerit, auditis formis substantialibus. Sed transeant hæc. Sufficit mihi, quod & in hoc consentiamus, corpora naturalia esse unum per se, artificialia unum per accidens, adeoque illa, non hæc pertinere ad classes substantiarum. PERIP. Rectè. TIRO. Audivi antea ex Aristotele fuisse relatum, partes animalium & plantarum esse substantias. Putasne igitur manum meam esse substantiam? PERIP. Nequaquam, quia substantia est totum quid. Ergo manus non est substantia, sed pars substantiæ. Quod autem philosophus dicat, partes animalium & plantarum esse substantias, intelligendum est,

Nnnn

est,

est, quatenus partes illæ sunt à toto separatæ. TIRO. Igitur, manus ideo non erit substantia, quia non est à corpore separata? PERIP. Ita. TIRO. At video tamen separatim à corpore reliquo figuras pollicis, digitorum &c. PERIPAT. Sufficit, quod non videas circumcirca terminos figuræ manus. Postquam autem separata est, vides circumcirca terminos. TIRO. Igitur si ita lapidem verbi gratia dividam in duas partes, ut partibus istis prope invicem positis divisionem non videat alius, lapis iste in duas partes divisus adhuc remanebit una substantia, an evadent duæ? PERIP. Haud dubiè singulæ partes erunt singulæ substantiæ. Etsi enim tunc terminos circumcirca non videas, sufficit tamen, quod terminos circumcirca habeat, nec amplius sit cum suo toto unita. TIRO. Sed an aquam habes pro substantia? Aqua enim terminos circumcirca non habet, sed continetur termino alieno. PERIPAT. At vero substantia erit, modo terminos circumcirca habeat, sive proprios sive alienos. Vides enim guttam aquæ, dum v. g. in terram decidit, esse unum quid terminos circumcirca habens. TIRO. Igitur guttam aquæ habes pro substantia? PERIPAT. Quis dubitaret? TIRO. Sed an etiam pro substantia habes, si est in vitro aqua pleno? PERIPAT. Non, nam tùm iterum est pars substantiæ. TIRO. Cujus? Vitri? PERIP. Nugæ. Aquæ vitro contentæ. TIRO. Ergo aquam vitro inclusam pro substantia habes? PERIPAT. Habeo. TIRO. At non subsistit per se, quia est in alio, nempe in vitro. PERIPAT. Sed non tanquam in subiecto. Cum enim habeat, partes unitas circumcirca terminantes circa vitri interiores superficies, habet etiam subsistentiam citra vitrum. Sed quando absolves hæc dubia puerilia? Da definitionem substantiæ promissam.

TIRO. Dabo. Substantia est ens per se subsistens. PERIP. An hæc nova definitio est? Hæc nostra est à Tuo Doctore rejecta. TIRO. Imo verò non est vestra. Aut si vestra est, non est à Doctore meo rejecta. Non negavit Doctör meus: substantiam esse ens per se subsistens, negavit, explicationem vestram

τῇ per se subsistere aptam esse ad definitionem substantiæ, cum explicueritis conceptum positivum rei positivæ per conceptum negativum. Debuissetis igitur vel τὸ per se subsistere exponere per conceptum positivum clariorem, vel istam expositionem clariorem loco novæ definitionis suppeditare. PERIPAT. Tu ergo, si vir es, istud præsta, & jactatam illam τῇ per se subsistere expositionem positivam, aut clariorem istam definitionem suppedita. TIRO. Ego juvenis sum, non Vir. Vos viri estis, vos ipsi dedistis, & adeo valde miror, quod adhuc dum ignoretis ea, quæ scitis. PERIPAT. At quando dedimus? TIRO. Modo. Vix momentum elapsum est. PERIPAT. Impudentiam Juvenis! An oblitus sum eorum, quæ mihi nunquam venerunt in mentem? Audivisti ne Collega Honoratissime, quod dederim, definitionem substantiæ? CARTES. Nunquam. Ipse jam suspirari incipio, quod Juvenis nobis illudat. TIRO. Absit. Statim ex vestro discursu dispersam substantiæ definitionem colligam atque in unam summam computabo, id unicè adhuc præmittens, ne in voce definitionis scrupulus remaneat: An putetis, ea quæ faciunt, ut substantia sit substantia, & quæ eam à non substantiis fecernunt, pertinere ad definitionem? PERIPAT. Quidni? explicat enim definitio quid res sit?

TIRO. Ergo ita assero vobiscum: **Substantia est ens per se seu naturaliter unitum, terminos circumcirca habens.** Assero vobiscum, hoc esse per se subsistere. Assero vobiscum, hanc definitionem esse maximè perspicuam, quia quilibet concipit, quid sit unum naturale? quid sit terminos circumcirca habere? PERIPAT. Ista quidem tu asseris. At vero nos nunquam diximus, istis asseritionibus absolvi definitionem substantiæ. TIRO. Sed dixistis, ideo lapidem substantiam esse, & ab acervo lapidum & asseribus conglutinat, à domo item atque non substantiis differre. Ideo dixistis manum separatam à corpore substantiam esse, junctam

non item. Ideo dixistis, guttam aquæ separatam, item aquam in vitro esse substantiam. Denique modo dixistis, ea quæ faciunt, ut substantia sit substantia, & ab aliis, quæ non sunt substantia, secernatur, dare definitionem rei.

CARTESIANUS. Verè illudimur à Tirone. Tu, Domine, approbasne hanc ejus audaciam, approbasne hanc ejus Pseudo-definitionem substantiæ. PHILALETHES. Cur non approbem definitionem, quæ cum re evidentè convenit & quam ipsi suppeditastis? PERIPAT. Quid? audesne & Tu sustinere, quod hanc definitionem dederimus? Absit. Absit. Aliud est assertio simplex, aliud est definitio. Falsissima est illa substantiæ definitio, quia sequeretur exinde, neque Deum, neque ignem, neque aerem, neque spiritum esse substantias, sequeretur, Reverendos Theologos vanam litem cum Flacio instituisse, in quaestione: an peccatum sit substantia? Sequeretur, Patres Ecclesiæ sanctos sine justa causa pugnavisse pro consubstantialitate. Alia absurda ut jam taceam. PHILAL. Ipsi videritis. Si hæc absurda sunt, & ex illa definitione sequuntur, cur non meliorem suppeditastis? Me vero quod attinet, dico, quædam ex istis non esse absurda, quædam exinde non sequi. Dico: divisionem in substantiam & accidens non esse entis in genere, (ut nec e. g. totum & pars sunt affectiones entis in genere,) sed esse divisionem aut potius diversos considerandi modos in corporibus terraqueis. CARTES. PERIPAT. Quæ novitates? Corrueret tota Philosophia nostra, notionibus substantiæ & accidentis tanquam notionibus generalissimis superstructa, si hæc admitteremus. PHILAL. Rectè facis Domine Cartesiane, quod hac parte te jungas Aristotelicis, nam definitio ista etiam mundum tuum vel efficiet finitum, vel efficiet, ut non sit substantia. PERIPAT. Igitur responde objectionibus nostris. Negamus enim & pernegamus, istam esse substantiæ definitionem. PHILAL. Ignoscetis Domini, quod hac vice ob alia negotia petito vestro satisfacere nequeam. Obtinivistis ea, cujus gratia huc venistis. Jam potestis ipsimet judicare, uter vestrum sit victor in sponsione quam fecistis, Quodsi tamen alia

occasione velitis dubia vestra proponere, mihi id gratissimum erit. Et offeret quidem se mox occasio talis, cum constituerim. Deo dante post finitas nundinas Lipsienses, singulis diebus Jovis horis antemeridianis à decima ad duodecimam, Respondentibus quibusdam juvenibus Nobilissimis, Theses, quas simul Vobis exhibeo, ex Jurisprudentia Divina excerptas publicè disputare. Poteritis igitur cum aliis Viris Honoratissimis, qui in veritatem thesium istarum opponendo inquirent, dubia vestra etiam circa definitionem hanc substantiæ, & quæ alia in discursu hoc à me fuerunt asserta, proponere. Atque id quidem Vobis magis gloriosum erit, si de me publicè triumphaveritis. PERIPATÉT. CARTESIANUS. Accipimus conditiones. Non emanebimus. Interim Vale.

TIRO. Vidistine Domine, observationem de notione substantiæ, quam Vir Celeberrimus Dn. G. G. L. actis Lipsiensibus mense Martio hujus anni inseri curavit? PHILALETHES. Vidi. Et mallem ut dedisset Vir Celeberrimus suam de notione substantiæ definitionem. Interim valde gavisus sum, dum ejus assertiones de vi activa & nifu legi, cum penè similes hac hyeme habuerim, ut ex dictatis meis in historiam Ecclesiasticam observationibus Tibi constabit. Verè enim vis activa ex accidentium & qualitatum classe eximenda est, cum ab ea dependeat essentia omnium corporum. Id tamen scire mallem à Viro Celeberrimo, si occasionem cum ipso conferendi nactus sim, an putet: Materiam & corpus esse unum idemque? An putet: illam vim agendi inesse ipsi materiæ? Nisi enim cautè hic procefferimus, utilisima illa dynamices scientia, quam pollicetur, fundamento destituetur. Scis enim, quod hætenus in dictis lectionibus ostenderim, materiam omnem esse ens mere passivum, Vim agendi autem ipsam, spiritus essentiam, adeoque omne corpus constare ex materia & spiritu. Tu vero, facies quod commendavi. Id est, inquires, cum otium erit; utrum volam aut vestigium deprehendere

possis, quod ullus Philosophus Græcus essentiam & substantiam diviserit; & quando apud Latinos ista divisio inceperit? inquires item; quænam sit differentia in Patrum scriptis & veterum Philosophorum inter hypostasim & substantiam seu essentiam? Multa enim hæc conducunt ad historiam Ecclesiasticam rectè atque aliter ac vulgo fieri solet, cognoscendam. TIRO, Faciam.

Quæro: Quomodo differt in loco Aristotelis in dialogo adducto punctum ab unitate? An aliquid in corpore minus est puncto?


THESES XLVIII.
EX
INSTITUTIONIBUS
JURISPRUDEN-
TIÆ DIVINÆ

EXCERPTÆ,
ET IN
UNIVERSITATE FRIDERICIANA
SUB PRÆSIDIO
CHRISTIANI THOMASII,
Jcti & P. P.

DISPUTATIONIBUS XII.

ANNO M. DC. XCIV.

PUBLICÆ PROPOSITÆ,



DISPUTATIO I.

RESPONDENTE

Dn. GUSTAVO GRANATENHIELM,
Eqvite Sveco,

- Thes.* 1. Omnes habitus theoretici, qui pro fine tantum habent speculationem, etiam si multas veritates ostendant, ad Stultitiam pertinent, non ad sapientiam. *Dissentunt*, communiter Philosophi. v. Lib. I. C. 1. §. 23. seqq.
2. Lex non est dictamen rectæ rationis sed iussus imperantis, obligans subiectos &c. *Dissent.* Scholastici vid. I. 1. 28.
3. Pactum nunquam obligat sine Lege. *Dissent.* Hobbesius, fontem obligationis ex Pactis deducens. Vid. I. 1. 29.
4. Deus non agit secundum Legem & Lex æterna est Figmentum Scholasticorum. *Dissent.* Scholastici. Vid. II. 1. 31.

DISPUTATIO II.

RESPONDENTE

Dn. CHRISTIANO ALBERTO Richter /
Soraviense Lufato,

1. Nihil est in intellectu, quod non prius fuerit in sensu, etiam Chiliogonon Cartesianorum, etiam Spiritus, etiam Deus. *Dissent.* communiter, quia ignorant, quid sit corpus, quid sit Spiritus, quid sint ipsi? vid. I. 1. 51.
2. Error in dubio semper debet imputari erranti. *Dissent.* J. Cri communiter, variis distinctionibus doctrinam de errore, involventes, rem obscurantibus, non evolventibus. vid. I. 1. 72. II. 7. 39.

3. Dispu-

3. Disputationes de justitia commutativa & distributiva, universali & particulari sunt grilli inutiles. *Dissent.* communiter, vid. I. 1. 106.
4. Datur dominium eminens. *Dissent.* Wittebergenses absque ulla ratione. vid. I. 1. 125.

DISPUTATIO III.

RESPONDENTE

Dn. BARTHOLOMÆO Wagner /
Noribergo-Fürthensi.

1. Sapientia una est, ejusque partes ita coherent, ut una absque altera esse non possit. Consistit ea in quatuor momentis, in noticia hominis, Materia, Spiritus, Dei. Quilibet ad hanc cognoscenda vocationem habet. Quod autem in Academicis quatuor Facultates distinctæ sint, id saltem ex ea ratione factum est, ne turbetur ordo in Lectionibus publicis. *Dissent.* communiter. confer I. 1. 164. seqq.
2. Divisio Legis divinæ in moralem, ceremonialem & forensensem obscura est, & communiter cum Lege morali confunditur jus Naturæ & Decalogus. *Dissent.* communiter Theologi. vid. I. 2. 3.
3. Jus naturæ etiam à voluntate Dei non à Sanctitate ejus antecedenter ad voluntatem ortum habet. *Dissent.* Scholastici. vid. I. 2. 7.
4. In statu integritatis uxor non fuisset sub imperio Mariti. *Dissent.* communiter Theologi. vid. I. 2. 29. conf. III. 3. 41. seqq.

DISPUTATIO IV.

RESPONDENTE

Dn. HENRICO OTTONE Bogel /
Herfordia-Westphalo.

1. In statu integritatis non fuisset Respublica. *Dissent.* cum aliis Bæclerus & D. Valent. Alberti. vid. I. 2. 37.

O o o o

2. In

2. Infantibus non insunt prima Principia Practica per modum, Habitus connati. *Dissent.* Scholastici. vid. I. 2. 67.
3. Inepta est assertio, quicquid Gentiles sciverunt esse justum vel injustum, id pertinet ad jus naturale. *Dissent.* communiter. vid. I. 2. 70.
4. Omnes actiones sua natura sunt indifferentes, nec datur actio antecedenter ad voluntatem divinam honesta vel turpis, neq; obligatio in jure Naturæ ex objecto se diffundit in Præceptum. *Dissent.* Scholastici. vid. I. 2. 74.

DISPUTATIO V.

RESPONDENTE

DN. HENRICO OTTONE Bogel /
Herfordia-Westphalo.


1. Lex Gentium actiones Gentium inter se dirigens, non est species juris voluntarii humani, sed juris naturalis. *Dissent.* Grotius & Rachelius. vid. I. 2. 104.
2. Datur jus divinum positivum universale. *Dissent.* Hieronymus Brucknerus. vid. I. 2. 119.
3. Unum est Principium Theoreticum, unum etiam Practicum, sed hoc illi subordinatum. *Dissent.* communiter, potissimum D. Valentinus Veltheim. I. 3. 26.
4. Via Perfectionis & Negationis in Pneumatica Scholasticorum confundit animum de Deo meditantem. *Dissent.* Scholastici. vid. I. 3. 54.

DISPUTATIO VI.

RESPONDENTE

DN. ENGELBERTO Dünge / Salis-
Ufflenia Lippiaco.

1. Primum Principium juris Naturalis, quod malè confunditur cum primo Principio Practico, neque ex convenientia cum Sanctitate divina, neque ex convenientia cum Statu integritatis,



- gritatis, sed ex sola socialitate deducitur. *Dissent.* communiter Scholastici, Alberti, Veltheim. &c. vid. I. 4.
2. Poterit Lutheranus salva Religione talia fingere, quæ Deus nobis revelavit aliter. *Dissent.* Alberti. vid. I. 4. 35.
 3. Homo ex Ratione sibi relicta non potest demonstrare, Deum externo cultu esse prosequendum. *Dissent.* communiter, potissimum Veltheim & Clar. Placcius. vid. II. 1. & append. ad Lib. II.
 4. Non omnis avtochiria jure naturæ est prohibita. *Dissent.* communiter. vid. II. 2.

DISPUTATIO VII.

RESPONDENTE

Dn. JOHANNES JACOBO REICH /
Kronweissenburgo-Palatino.

1. Nec ob Transitum negatum, nec ob Commercia interdicta, nec ob denegata Matrimonia justa Causa belli est. Unde Raptus Sabinarum defendi non potest. *Dissent.* communiter. vid. II. 6. §. 35. 44. 45.
2. Nemo obligatur injuste metum incutienti. *Dissent.* Jcti, Grotius, Uffelmann, vid. II. 7. 60.
3. Falsiloquio, simulatione, dissimulatione uti aliquando licet, imò præceptum est. *Dissent.* communiter vid. II. 8. 40.
4. Ex juramenti nova obligatio non oritur, neque enim hic Deo quid promittitur. *Dissent.* Grot. vid. II. 9. 47.

DISPUTATIO VIII.

RESPONDENTE

Dn. GEORGIO GRIM, Saxa-
Hohnsteinensi.

1. Fuit olim Communio primæva, neque Adamus dominium accepit à Deo, neque bona inter liberos divisit, neque Noachus

Gentes & Insulas. *Dissent.* communiter & Potissimum Alberti. vid. II. 10. §. 58. 61. 105. 111.

2. Usucapio est etiam modus acquirendi juris Gentium, eaque sola derelictione præsumpta nititur. *Dissent.* communiter JCTi. vid. II. 10. 191.
3. Interpretatio genuina paucis atque perspicuis regulis nititur, ac vitio Doctorem multis inutilibus & falsis Regulis obscuratur, quales sunt: Favorabilia esse extendenda, Odiosa restringenda: Beneficia Principis esse latè explicanda, Statuta verò & Leges pœnales strictè: Verba in dubio, potissimum in testamentis esse propriè accipienda &c. *Dissent.* comuniter Theologi, JCTi, Clar. Placcius. vid. II. 12. & append. ad Lib. II. confer Praxin Logicæ c. 3.
4. Præceptum de conjugio ineundo & Jure Naturæ, & Jure divino positivo omnes quidem homines indefinitè, sed non singulos obligat, & cœlibatus conjugio sanctior status est. *Dissent.* communiter. Vide III. 2. 52. seq. & III. 3. 10. seq.

DISPUTATIO IX.

RESPONDENTE

Dn. MATTHIA Dolschlau/
Siege Nassovio.

1. Consensu dolo elicitò jure Naturali matrimonium nullum est, siue dolus afficiat matrimonii substantialia siue accidentalia, cum hanc distinctionem Jus Naturæ & in genere Jus divinum in hac quæstione ignoret. *Dissent.* communiter. Vide III. 1. 26. & III. 3. 31. seqq.

2. Mero

2. Mero Jure Naturæ ad conjugii essentiam non requiritur, ut uxor viro continuam cohabitationem promittat, aut marito imperio subiecta sit. *Dissentiunt* communiter. Vide III. 2. 99. seqq. III. 3. 35. seq.
3. Mero Jure Naturæ ad essentiam conjugii non requiritur, ut ad dies vitæ ineatur, jus vero divinum positivum postulat, ut conjugium regulariter sit societas indissolubilis. *Dissent.* quoad prius communiter. Vide III. 2. 116. III. 3. 49.
4. Etiam si fides in conjugio ad dies vitæ data sit, mero tamen Jure Naturæ divortia possunt fieri ob mores intolerabiles, & separatio quoad thorum & mensam perpetua salvo vinculo rationi repugnat. Neque jure divino positivo hic quicquam mutatum est. *Dissentiunt* communiter Theologi & Jcti. Vide III. 2. 135. seq. & III. 3. 67. seq.

DISPUTATIO X.

RESPONDENTE

DN. CHRISTIANO SIGISMUNDO Richter/
Soravia Lusato.

1. Meris rationibus naturalibus non potest demonstrari omnem concubitum libidinosum, etiam ad bestialitatem, qui pertinet, aut concubinatum aut lenocinium esse prohibitum. Jus tamen positivum universale hæc omnia prohibet. *Dissentiunt* quoad prius communiter. Vide III. 2. 143. seq. 219. III. 3. 71. seq. 98.
2. Concubitus cum uxore menstruata æque horrendum crimen est ac Sodomia. *Dissent.* communiter. Vide III. 3. 75.

3. Polygamia & Virilis & Muliebris mero jure naturæ non est interdicta, Jure tamen divino universali, quod & Principes stringit, graviter prohibita est. *Dissent.* communiter quoad prius membrum, & pauci quoad posterius. Vide III. 2. 200. seq. & III. 3. 76. seq.
4. Eunuchi non contrahunt conjugium eorumque conjunctio juri naturæ repugnat, non ita conjugium senum, spadonum, sterilium, item conjugium in ultimo mortis articulo. *Dissentiunt* multi Theologi & JCTi. Vide III. 2. 178. seqq.

DISPUTATIO XI.

RESPONDENTE

Dn. WILHELMO LUDOVICO MASCOSKY,
Göppinga Würtembergico.

1. Nullus incestus juri naturæ repugnat. *Dissentiunt* communiter Theologi & JCTi. Vide III. 2. 220. seqq.
2. Jure divino universali prohibitus est incestus in linea recta in infinitum, in collateralis inter fratres & sorores, in linea collateralis inter personas quæ parentum & liberorum loco sunt, in infinitum. In Affinitate eadem prohibitio est, quæ in consanguinitate. *Dissent.* communiter Theologi & JCTi asserentes ex falsa sententia Rabbiorum, prohibitiones Levitici non esse extentendas ad personas ibi non nominatas, Vid. III. 3. 99. seqq.
3. Conjunctio cum comprivigna, cujus mater peperit patri tuo, est incestus jure universali prohibitus. *Dissent.* communiter Theologi & JCTi. Vide III. 3. 150. seqq.
4. Jus Divinum non nisi unum affinitatis genus agnoscit, neque conjugium vitrici cum privigni vidua juri divino repugnat. *Dissent.* multi ex Theologis. Vide III. 3. 213. seqq.

DISPU-

DISPUTATIO XII.

RESPONDENTE

Dn. MATTHIA Holzflau /
Siega-Nassovio.

1. Patria potestas quatenus juris naturalis est , nec ex jure sanguinis nec ex pacto tacito oritur , nec jus in bona liberorum infert. *Dissent.* communiter. Vide III. 4.
2. Non natura sed ambitio & metus sunt causæ constituendæ civitatis. Neque Deus est causa majestatis immediata. *Dissent.* communiter & Philosophi & Theologi. Vide III. 6. 12. seqq. & 66. seqq.
3. Delinquens obligatur ad pœnam patiendam. *Dissent.* Dn. Pufend. Vide III. 7. 67. seqq.
4. Sepeliendos esse mortuos nec jure divino universali, nec jure naturali præceptum est , nec Christianismus ad id nos obligat. *Dissent.* communiter Theologi & Jcti. Vide III. 10. Sepeliri tamen mortuos in templis Juri-Naturali repugnat. *Dissent.* communiter.

F I N I S.



THE UNIVERSITY OF CHICAGO
LIBRARY

1000 N. EAST 58TH ST.
CHICAGO, ILL. 60630

ON JAN 15 1964
BY THE UNIVERSITY OF CHICAGO

ON JAN 15 1964
BY THE UNIVERSITY OF CHICAGO

LIBRARY OF THE UNIVERSITY OF CHICAGO
1000 N. EAST 58TH ST.
CHICAGO, ILL. 60630

Donated by the University of Chicago

CHRISTIANI THOMASII,
PHILOSOPHI & JURISCONSULTI,
QVÆSTIONUM PROMISCUARUM,
HISTORICO-PHILO-
SOPHICO-JURIDICA-
RUM,

IN
ACADEMIA FRIDERICIANA

Anno MDC XCIII.

*Publicè ventilatarum, maximam partem
Paradoxarum*

D O D E C A S.



HALÆ MAGDEBURGICÆ,
TYPIS CHRISTOPHORI SALFELDII, REGIMINIS ELECT.
BRAND. TYPOGR.

SERENISSIMI ET POTENTISSIMI
ELECTORIS BRANDENBURGICI
&c. &c.

CONSILIARIIS INTIMIS ET
MINISTRIS STATUS

Atq;

ACADEMIÆ FRIDERICIANÆ
SUPREMIS CURATORIBUS,

Illustrissimis & Excellentissimis
Dominis

DN. JOHANNI FRI-
DERICO de RHEZ,

HEREDITARIO IN Großenbähnitz / c.

&

DN. DANIELI LUDO-
VICO de DANCKELMANN,
SUPREMO MILITIÆ ELECTORALIS COMMIS-
SARIO &c.

Dominis meis Gratosissimis.

ILLUSTRISSIMI & EXCELLEN-
TISSIMI DOMINI,

DOMINI GRATIOSISSIMI,

In signem habere usum Disputationes, & potissimum publicas, vel ex fine earum, qui intendi debet ab hominibus ratione verâ utentibus, apparet. Debebant homines ideò disputare, ut collatione duorum vel veritas eò facilius inveniretur, vel falsitas & error eò melius evitari possit. Quò magis igitur publicè ejusmodi collationes fiunt, eò major debebat spes adesse, ut fines disputationum eò citius obtineri possent, cum quilibet de populo ad placidam collationem hîc admittatur, & adeò vix videatur possibile, ut veritas, quam ita unitis animis quærunt plures, in occulto manere possit, utpote quæ aliàs non ita difficilis inventu est, si modo quis vel solus præjudicia deferere velit. Sed diffiteri tamen haud possumus, eò ferè dilapsas esse disputationes publicas, ut, quod ni fallor Luthero tribuitur, de plurimis earum jure dici possit, disputando effici, ut veritas amittatur. Potissimum autem duo enormia vitia malorum horum fontes sunt. Debebant Respondentes & Opponentes animos pacifice ad inveniendam veritatem unire, & legibus amicitiae quàm maximè in disputando

uti. At pax bellum, amicitia dolum respuit & adulatio-
nem, cum amicitiae, docente Plutarcho, nil magis adverfe-
tur, quam adulatio. Si verò examinare velis mores dispu-
tationum hodiernarum, vel ferociter belligerantes in iis de-
prehendes, vel impudentes Adulatores, quorum illi maxi-
mè operam dant, ut veritas eripiat, hi, ut falsitas & error su-
stineantur. Circa utramque à Respondentibus pariter atq;
Opponentibus, potissimum autem ab his peccari consuevit.
Nihil notius, simul tamen nihil absurdius, quam quod in ore
omnium est: Disputationes esse instar bellorum, aut: esse
bella incruenta. Inde uti in bello pars, quæ nullam habet fi-
duciam virium suarum, pugnam detrectat, & interim apud
suos milites hostem contemnit, aut coram illis de justitia cau-
sæ & felici eventu multa vana differit: ita & in Disputati-
onibus, in quibus publici errores tanguntur, etiam si cuilibet po-
testas publicè opponendi concedatur, multi tamen sunt, qui
cum erroribus adoleverunt, aut quorum interest, ne veritas
populo cognita fiat, qui adeò collationes publicas sub vanis-
simis prætextibus detrectant, inque iis magis muti assident
quam pisces, at è contrario è cathedris suis, ubi non est lo-
cus contradicendi, plurima in adversarios heroicè, & cum
applausu miseræ plebis declamant. In ipsis autem disputa-
tionibus nihil frequentius, quam ut disputantes vel Sophisti-
cè invicem agant (habet enim & Respondens modos Sophi-
sticos objectionem eludendi,) fraudulentisquæ technis unus
alterum à veritatis semita seducere intendat, vel clamoribus
auditoria repleant, & medios sermones indecorè interpellent,
vel interrogatiunculis ad auditores, ridiculisque gesticula-
tionibus præoccupare animos eorum gestiant, vel apertè
rixentur, vel mutuas injurias easque atroces evomant, vel
denique, si aliter non possint, pœnis civilibus argumenta pro-
posi-

posita resolvant, aut etiam, si uterqve publicè se prostitue-
rit, de obtenta victoria magis ridiculè certent, & ambo tri-
umphum canant, atqve applausum auditorii expetant. Ita
facies rerum mutantur, & ex Auditorio Palæstra fit, ex Di-
sputantibus Pugiles, sæpius & Andabatae, cùm sæpe clamo-
res illi & Sophismata utrobiqve nihil nisi aërem verberent.
Sed pensitemus etiam scenam adulationis, à priori scena in
tantum diversam, ut ibi Tragœdiarum, hic Comœdia-
rum simulacra deprehendas. Tempus hic laudationibus
insumitur mutuis, & cùm inter viros virtute præditos ita
receptum sit, ut impudentiæ indicium sit, alterum in faciem
laudare, penitus amissi pudoris, laudes ejusmodi hilari fron-
te excipere, quasi ex compromisso publicè de impudentiæ
præmio certatur. Osculis excipiuntur insulsissimæ vel ob-
jectiones vel responsiones; parentum, patronorum, pa-
triae, imò universi ferè orbis literarii felicitas deprædica-
tur, & nulliter, si unquam, nomine totius populi, sed absq;
mandato, vota solennissimè adduntur. Exulat hîc Veri-
tas, regnat Autoritas. Contra hanc qui hiscere audet, læ-
sæ majestatis reo judicatur neqvior. Comparanti autem
inter se ista duo vitia, vix apparebit, quodnam majora da-
mna veritatis studio inferat. Videtur tamen contra adula-
tionem esse pronuntiandum. Vexatio in bellicis istis con-
gressibus minimùm vexatis intellectum dat. At adulatio
suâ naturâ ita apta est, ut ex sapientissimis etiam reddat stul-
tos, & ita vel maximè noxa hoc disputandi modo infertur
incautæ juventuti. Et tamen hoc quoqve vitium tam fre-
quens esse incipit, ut pro injuria ferè haberi soleat, si quis
cordatè, modestè tamen, errores publicè admissos publi-
cè ostendere satagat, & triumphum ignorantiae dubium
reddere firmissimis rationibus audeat, in tantum, ut fama

retulerit, non deesse ignorantiae defensores publicos, intempestiva consilia pro Academiarum incremento suppeditantes, è re videlicet novarum Academiarum esse, ut indulgeatur aliquid, & calcar quasi addatur fratribus ignorantiae ad honores & gloriam tendentibus. Quamvis vix credibile sit, ista seriò a quoquam prolata esse. Quis enim sine impietatis nota ex Academiis theatra aucupandae vanae gloriae faceret? Quis sine justissima censura novas potissimum Academias vellet habere pro Asyulis ignorantiae, in quibus excrementa aliarum scholarum solatium invenirent & protectionem? Quis non potius ad officium Professorum pertinere justissimè contenderet, ut omnibus modis operam dent, quo utrumque hoc Disputationum vitium è novis potissimum Academiis exulet, & legitimae Disputationes instituantur, & Sophismata pariter ac rixae, atque adulatio illa pestilens in tempore consilium abeundi accipiant? Ego, quantum in me est, sive Respondentis, sive Opponentis vice fungar, semper ita me soleo gerere, ut litigia praescindantur, Sophismata placidè ostendantur, mense eorum cum quibus confertur, distinctè proponatur, dubia vel perspicuè exhibeantur, vel perspicuè solvantur, rationes adhibeantur, non verba inania, denique & juvenus ad justae disputationis normam & praeceptis & exemplo assuefiat. Specimen aliquod industriae meae, sed debitae, & forte minoris, quam à me exigebatur, sistit exercitium praesens; quod eura pedes VESTROS, ILLUSTRISSIMI & EXCELENTISSIMI DOMINI deponam, non longè quaerendum est. Constituit **POTENTISSIMUS ELECTOR BRANDENBURGICUS** VOS Curatores Academiae Fridericianae. Justum est, ut
VO-

VOBIS rationes reddam, & rerum hic à me gestarum, & intentionis, quâ motus disputationes has institui, &, DEO dante, absolutis iisdem, singulis septimanis, quantum aëris tempestas permittet, disputationibus aliis continuare decrevi. Suscipite igitur pro eâ, quâ me hætenus indignum profecuti estis, Gratiâ, fœtum hunc ingenii exiguum, & imposterum quoque libertatem, quam SAPIENS PATER PATRIÆ, dum me ad hoc munus vocaret, clementissimè mihi indulgit, sub tutamine curæ VESTRÆ, gratiosissimè protegite. DEUS VOS SERVET.

ILLUSTRISSIMARUM EXCELLENTIARUM VESTRARUM

Dabam in Academiâ Fridericianâ
Anno 1693. mense
Octobri.

Fidelissimus Client

CHRISTIANUS THOMASIVS.

INDEX CONTENTORUM IN PRÆSENTI DODECADE.

Dedicatio & Prefatio differit de vitiis disputantium.

Qv. I. ostendit, non dari justam substantiæ definitionem, eam tamen dari valdè interesse Philosophorum, Medicorum & Theologorum.

Qv. II. defendit, Wenceslaum Imperatorem non legaliter esse depositum, nec tantis ac tot vitiis fuisse commaculatum, uti communiter asseritur.

Qv. III. monstrat, jam tempore Socratis sutores fuisse Philosophos, & parum aptè adeò eos, qui Böhmiū impugnant, argumentum inde desumere quod sutor fuerit.

Qv. IV. tentat definire actionem vanam, & proponere quomodo differat à turpi, ad conciliandas pugnas varias Eruditorum, v.g. de licentiâ saltationis & similium artium.

Qv. V. asserit, quæstiones ejusmodi paradoxas publicè proponere nec illicitum esse, nec sine notâ injustitiæ prohibendum.

Qv. VI. probat, doctrinam juris Romani de Servis non magnum habere usum in Servis nostris à Turcis captis.

Qv. VII. respondet objectionibus Clarissimi Placcii, directis contra assertionem Autoris, quā dixerat, Regulam interpretationis de Favorabilibus extendendis & odiosis restringendis, nullius esse momenti, cum favorable & odiosum de finiri nequeat.

Qv. IIX. inquiri, an detur manumissio Turcarum captorum per baptisum, quam celebris quidam ordo Juridicus effinxerat.

Qv. IX. ostendit, Wenceslaum Imperatorem propè inter martyres esse referendum, & odium adversus Clerum Pontificium, atque protectionē Hussi primarias causas videri, cur tam malè audiat.

Qv. X. Ex Conringio contra Conringium disputat, dispositionem Reformationis Friderici III. de anno 1441. contra Doctores Juris & Jus Romanum, non ita iniquam esse.

Qv. XI. Probare satagit, & Philosophiam communem Peripateticam & Cartesianam esse plus quàm Scepticas.

Qv. XII. refutat communem definitionem Accidentis prædicamentalis, & inquiri in definitiones modi & Attributi Cartesianorum.

AD
VENTILATIONEM PUBLICAM
DISSERTATIONUM
CELEBERRIMI AUTORIS

De

RATIONE STATUS,

ET

ADJUNCTARUM

QVÆSTIONUM HISTORICO-
PHILOSOPHICO-JURIDI-
CARUM

LECTORES BENEVOLOS

decenter invitat

CHRISTIANUS THOMASIUS, Jctus,
CONSILIAR. ELECT. BRANDENB. PROF. PUBL.
ET ACADEMIÆ FRIDERICIANÆ ATQVE FACUL-
TATIS IBIDEM JURIDICÆ SENIOR.

b

Olim



Olim cum in Academiis disputationes publicæ haberentur, paucæ quædam Theses ad ventilandum proponebantur, qui mos etiam hodiè in Academiis Pontificiis solet observari.

Mutata est nostra consuetudo apud nos, an in melius an in deterius? ego determinare nolo. Vulgare habetur nimis ac ineptum, collectione paucularum thesium, ut quod nec laboris nec artis est, specimen velle eruditionis edere. Nostri Juvenes longè majora & fortiora scientiæ ac doctrinæ argumenta suppeditant, dum autores fiunt disputationum elegantissimarum de selectis juris materiis, quæ Theoreticis quæ Practicis, sæpius in iusti tractatus formam excrescentium. Sed, ni fallor, aberravimus à scopo Majorum nostrorum. Illi specimen eruditionis non quærebant in disputationis elaboratione aut collectione thesium, sed in earundem defensione. Ostendebant ibi Respondentes profectus tum in disciplinis ipsis, ex quibus theses excerptæ essent, tum in artificio disputandi. Hoc, quoniam frequens exercitium, ut omnes artes, præsupponit, addebatur Præses Directoris loco, ne à methodo disputandi disputantes aberrarent, cujus adeò partes plerumque erant rariores, ut plurimum benè se gerentibus thesium defensoribus. At nostri mores de defensione thesium non ita multum sunt solliciti. Non est turpe, crede mihi, adolescentulum respondere ex Tacito, aut Confutio, egregio illo Sinensium Philosopho. Totus mundus cum nomina rerum transmutet, quidni id liceat studiosis, qui tot privilegiis sunt ornati in jure, ut subinde ex Præsidibus faciant

ciant respondentes, ipsi verò Præsidum personam sustineant in cathedra inferiori, & cum melius quicquam addere non possint, modestiam suam declarent silentio? Quid verbis, id est, responsionibus opus est, ubi Præsidis & amicorum testimonia in Epistolis aut carminibus gratulatoriis disputationi præ- & sub-missa, adsunt? Esto: publicet Præses disputationes sub suo Præsidio habitas, postea collectas sub suo nomine. Sufficit, quod interim respondens, dum matrimonium fortè aut officium ambiit, dum in iudicio exceptio inhabilitatis ipsi fuit opposita, specimen illud eruditionis suæ in succum, quod ajunt, & sanguinem converterit. Neque falsum committitur, dum quis se Autorem scribit disputationis, cujus nec lineam sæpius elaboravit, sæpius nec intelligit. Vitium in interprete latet. Notum est: verba intelligenda esse secundum substratam materiam. In materia præsentis autor est, qui autor fuit, ut Præses disputationem conscriberet. Sed & longè alios mores esse hodiernos à veteribus istis majorum institutis, quantum ad oppositantes attinet, cuiusvis faciliè patet. Curabant olim --- At quid studiosorum vitia enarro, quæ in disputationibus obtinent? Nostrum id, nostrum est, quicquid hac parte peccatur. Quid enim dissimulem? ubi notorium sit vitium, & ubi vel me tacente pleræque disputationes nostræ (absit, ut me ipsum eximam!) id non loquantur, sed clament. Ambitio nostra est, quæ nos movet, ut hac parte indulgeamus imprudentiæ Juvenum, famam sæpè in dedecore quærentium. Volunt decipi, ergo decipiantur. Sufficit, quod fama nostra disputationibus istis nitidius elaboratis augeatur. Avaritia nostra est, cujus impulsu Juventutem aliàs ad lapsum pro-

b 2

nam

nam adhortamur, ut se prostituat. Ita sumimus pecuniam, & sæpè (neque enim hæc quærelæ ad rariora juvenum eruditorum, quorum laudi adeò nihil detrahitur, exempla pertinent,) mittimus ineptos in inferiorem cathedram. Est lucri bonus odor ex re qualibet. Inficitia nostra est, quæ nos impedit nonnunquam, ut nævos ipsos studentium, vel non videamus, vel nequeamus emendare. Cæcus cæcum subinde ducit, & filium Ariadnæum Dialecticæ à plerisque, dum discentes sumus, negligitur, igitur & generoso contemptu idem suspiciendum est, dum Doctores evasimus. Audaces fortuna juvat. Defectum justarum responsionum supplere possunt contradictio, clamor, blanditiæ, & cujus maxima perpetuò autoritas fuit, autoritas. Inde fit, ut in plerisque Germaniæ Academiis non inrequens sit, ut Respondens dextrorsum prodeat, opponens sinistrorsum, Præses, quod felix laustumque sit, retrorsum aut antrorsum. Justum est igitur, ut, cum Ductores esse debeamus Juvenum, ne in errores incidant, ipsi met de propria emendatione incipiamus cogitare, imò justum est, ut ego, cum honoratissimi mei Collegæ jam dudum & exemplo & doctrinâ suâ juventutem ab erroribus strenuè revocent, non ulteriorem moram hac parte committam, sed & quod in me est, ipsos præeuntes, quamvis non gressibus æquis, seqvar. Obtuli igitur non ita pridem publicè studiosæ Juventuti opellam meam in directione ad artificium disputatorium. Non ingrata fuit ipsis hæc oblatio. Proposuerunt enim sibi Generosi & Nobilissimi Juvenes sequentes, absque præjudicio eruditionis & ordinis sorte locati

DN. LAURENTIUS THOMAS, Ofchwizio-Varisc.
DN. ENNO RUDOLPHUS Brenneisen / Esena-

Frisius,

DN. JACOBUS CONRADUS Reef / Lindaviensis,

DN. DAVID STAVINSKY, Borussus,

DN. PETRUS BOJE, Dithmarso-Holsatus,

DN. JOHAN. HENRICUS Schlüter / Berolinensis,

DN. JOHAN. DANIEL WOLFART, Hanoviens.

DN. HENNINGUS ADOLPHUS Rod / Hoyensis,

DN. JOHAN. du CLOS, Metensis Gallus,

DN. JOHAN. ADOLPHUS Metzsch / Eqves

Anhaltinus,

DN. Gottfried Scheuerer / Serveftâ Anhaltinus.

DN. ANTONIUS GUNTHERUS Windelmann /

Oldenburgensis,

quod & respondendo & opponendo sub meo Præsidio
& Directione, secundum regulas bonæ disputationis se
inposterum publicè exercere, atque ita ad ulteriora
exercitia quasi præparare velint. Inserviunt ejusmodi
intentioni præprimis disciplinæ, quæ non certò vera,
sed verosimilia tractant, ut sunt Historia, Politica, Jus
publicum, & si quæ sunt aliæ similes. In his enim & fa-
cilius rationes dubitandi deprehendunt opposcentes, &
non ita difficulter ope distinctionum ex natura negotii
desumtarum, dubia illa expedire possunt respondentes.
Neque de Autore diu solliciti esse debuimus, postquam
superiori anno bibliopola noster *Celeberrimi Autoris*, titu-
los omnes & encomia nostra meritis suis dudum super-
gressi, *tractatum de Ratione Status*, olim in Universitate
Viadrinâ disputationibus publicis agiturum, & hætenus
ob singularissimam, quam spirat, eruditionem, diu desi-

deratum , tertiâ vice edidit. Continent eâ theses selectissimas Historico-Politico-Juridicas ad nobilissimam Juris Publici Romano-Germanici doctrinam potissimum pertinentes , quæ , etsi quidem olim , & antequam Ministerio Aulico admoveretur *Vir summus* , ab ipso conscriptæ fuerint , & ita umbram saltem sapientiæ *Ejus* , interim longissimo negotiorum gravissimorum , & ad totius Sacri Romani Imperii utilitatem pertinentium , usu ad summum fastigium perductæ , erudito exhibeant orbi , næ tamen vel ex hac umbra de ipso corpore judicare , & quod in proverbio est , ex ungue leonem licebit agnoscere. Postulavit autem reverentia maxima , quâ *Ipsius* canitiem veneramur , ut veniam petierimus dissertationes istas iterum revocandi in cathedram Academicam , quam & pro ea , qua nos immerentes hactenus prosecutus est , benignitate , gratiosè nobis indulget , quod beneficium submissâ gratitudine publicè agnoscimus atque deprædicamus. Jungam ego singulis actibus quæstionem unam , modò Philosophicam , modò Historicam , modò Juridicam , typis publicis inscribendam , quæ , ut ne cum dissertationibus *Celeberrimi Auctoris* misceatur , aut , ne vilis iste pannus purpuræ *Ejus* intexatur , istis legibus ex pacto disputationes nostras habebimus. Disputabitur duodecies , ita ut singulis vicibus ex dissertationibus viginti quatuor *de Ratione Status* binæ ventilari debeant. Fiet id diebus Jovis ab hora octava matutina ad duodecimam. Primis duabus horis Respondentem & duos Opponentes Collegas occasione dictarum dissertationum de Ratione Status fideliter ac diligenter exercebo , ut & , ubi in regulas bonæ disputationis impingunt , ipsis modestè & mansuetè ostendam ,

dam, & utramque partem vel in objectione vel in re-
sponſione deficientem adjuvem, ac ita in ipſo conſi-
ctu exemplis obvenientibus methodum diſputandi vel
doceam, vel corroborem. Auditâ decimâ ceſſantibus
Opponentibus ordinariis invitabimus Auditorium, ut ſi
quis contrâ quæſtionem à me propoſitam velit oppone-
re & dubio meo ſatisfacere, ſurgat, vel alio ſigno nobis
dato dubia noſtra deſtruere incipiat, & ita ubi copia op-
ponentium extraordinariorum erit, continuabimus
ad duodecimam uſque. Iſtâ verò copiâ deficiente con-
tinuabunt Collegæ ordinarii, quibus liberum erit, utrum
in diſſertationibus de Ratione Statûs pergere, utrum
quæſtionem meam impugnare velint. Simul verò his
duabus ultimis horis Collegis liberiores conſictum
permittam, ut ipſi ſentiant, quantum diſtet diſputatio ad
regulas juſtè exacta, ab iſto liberiori diſcurſu, atque eò
magis artificio diſputandi adſueſcieri ſtudeant. Uti verò
non deſpero, ſtudioſam juventutem, quorum res agi-
tur, non infrequenter exercitiis iſtis interfuturam, atque
eandem decenter invito, ita majorem in modum rogo
omnes eruditos hujus urbis, omnesque Eruditorum Pa-
tronos ac Mecænates abſque ullo dignitatis aut func-tio-
nis diſcrimine, velint potiffimum eo favore atque amo-
re me proſequi, & dubia mea in quæſtionibus publicè
proponenda vel ipſi eximere, vel per alios eximi bene-
volè curare. Non diffiteor, me & in Philoſophia &
in Jure non paucas fovere opi-niones, quæ à ſententia
communiter receptâ abeunt. Cumque tempus videat-
ur eſſe, ut & Philoſophiam & Jurisprudentiam meam,
DEO annuente in ordinem redigam, ne temerè quid a-
gam, conſtitui, non ſolum durante hoc exercitio, ſed &
in

in posterum singulis septimanis quæstionem aliquam
proponere, vel ad fundamenta Philosophiæ aut Juris-
prudentiæ meæ pertinentem, vel ex iisdem deductam,
cujus responsio semper sit paradoxa, & vel communi
eruditorum sententiæ, vel certè multorum Excellen-
tium ingeniorum & hodiè in Philosophia ferè regnan-
tium doctrinæ adversa. Ne verò in leges modestiæ
peccem, non audaci determinatione dissentientibus in-
iultabo, sed per: *non liquet: subsisto: videtur*, & similes
dubitandi formulas informationem tacitè expetam, ra-
tiones verò dubii mei breviter quidem, sed perspicuè
subjungam. Abundat urbs nostra viris, summis hono-
rum Academicorum titulis in omnibus quatuor facul-
tatibus præfulgentibus. Polliceor mihi ex tanta copia
vel unum & alterum futurum esse, qui vel mei misertus,
sicubi erravero, insigni humanitatis officio me in verita-
tis semitam sit redacturus, vel amore erga dogmata
communiter recepta ductus, eorum veritatem contra
dubia mea sit defensurus. Habebunt utique, habebunt
magnam objectionum aut emendationum copiam, aut, si fer-
tè aliquando eadem deficiet, adsunt in vicinis Academiis ce-
leberrimis tot lumina eruditionis, qui consilia & objectiones
plurimas suppeditabunt. Et, ne materia disputandi unquam
desit, semper liberum erit contra quæstiones quasvis, etiam
antè ventilatas insurgere. Igitur publicè eorum opem im-
ploro, & vel ut sui ipsius rationem habeant, obtestor, ne po-
steritas, si qua futura est, sibi persvadeat, quod silentio suo er-
rores meos, si qui suberunt, approbaverint, aut errores pro-
prios confessi fuerint, aut ne, ubi post istud silentium loco du-
biæ responsionis fidentem assertionem elegero, & tum demum
vel vivâ voce, vel scriptis easdem sint aggressuri, ipsis oppo-
nam exceptionem, non dicam præscriptionis, sed occa-
sionis ad litigandum elapsa.

TANTUM.

Q. F. F. Q. S.
IN ACADEMIA FRIDERICIANA
CELEBERRIMI AUTORIS

De

RATIONE STATUS

Dissertationem I. & II.

De

JURIS PUBLICI ORIGINE
AC DEFINITIONE,

Deque

RATIONE STATUS
IN GENERE,

Cum adjuncta Quæstione

QUID SIT SUBSTANTIA?

Publicè ventilabunt

Die 27. Jul. MDCXCIII, horis matutinis ab 8. ad 12.

CHRISTIANUS THOMASIUS,

JCtus & Prof. Publ.

& Respondens

LAURENTIUS THOMAS, Oschwizio-Variscus,

HALÆ MAGDEBURGICÆ,

LITERIS CHRISTOPHORI SALFELDII,

ELECT. BRAND. TYPOGR.

Quæro. I
Quid est Substantia?

Ego quidem nescio.

§. 1.



Iste paululum cogitationes
Lector, nec præcipitante Judicio quæstionem
excipe, quasi quæstionem Domitianam posue-
rimus; & asininam ignorantiam affectaveri-
mus; quasi quæstio hæc sit inanis, & non nisi
grillum Logicum vel Methaphysicum concer-
nens, cum omnes Logicorum libri resonent, substantiam esse
ens per se subsistens, & scientia mysterii hujus nihil vel parum
profit. Age videamus.

§. 2.

Olim quatuor philosophorum sectas è celebrioribus fuisse,
Platonicam, Stoicā, Epicuream & Aristotelicam, alibi diximus. In
PLATONE de substantia aut ejus prædicamento nihil deprehen-
di. Nec verosimile est, cum de conceptu substantiæ multum fuisse
solicitem, cum ex ejus *Sophista* constet, Platonem conceptum en-
tis in genere subjecisse conceptui *Unius*, & entis quinque nume-
ralle genera, *essentiam, idem, alterum, statum & motum*. Habes
prædicamenta Platonica. Ubi nihil de substantia. STOICI dupli-
cem classem entium faciebant, in una reponebant *corporalia*, in
altera *incorporalia*. Senec *Epist.* 89. *Corporu* voce tam latè uteban-
tur, ut etiam *Deum & materiam* corpora esse assererent, & quatu-
or saltem *incorporea*, teste *Sexto Empirico*, agnoscere: *Id quod*
dicatur, (quod Seneca Epistol. 117. effatum seu enunciatam appellat:)
Vacuum, Locum, Tempus. Vide omnino *Lipsium lib. 2. Physiol. Stoi-*
ca. Dissert. 5. EPICURUS apud *Laërtium lib. 10. in Epistola ad Herodo-*
tum paulo post initium, cum sententiam suam de complexu
entium seu Universo aperuisset, subjungit; *Universum constare*
ex corpore & inani seu vacuo, additque, præter hæc duo nihil
intel-

intelligi nec comprehendī, quatenus res ut *per se subsistentes*,
 (καθ' αὐτὰς φύσιν λαμβανόμενα,) & non tanquam earum *con-*
juncta vel *eventa* (συμπτάματα καὶ συμβεβηκότα) considerentur. Ex
 quo patet, Epicurum per res *per se subsistentes* idem voluisse intel-
 ligere, quod alias *substantia* dicitur, & per *conjuncta* seu *eventa*,
 quod *accidentia* vocamus, nisi quod vacuum etiam ad res per se
 subsistentes retulerit. Vid. Gassend. in notis ab lib. 10. Laërtii f. m.
 99. Simul verò id patet, Epicurum, uti nec substantiæ meminit
 expresse, ita & non posse dici, quod substantiæ justam tradere vo-
 luerit definitionem.

§. III.

Jam ad Summum *ARISTOTELEM* progrediamur, & defini-
 tionem substantiæ in eo quæramus. Nescio vero, quo pacto
 factum fuerit, ut Aristotelis de grege oviculæ sibi & aliis per-
 suaserint, substantiæ illam communiter receptam definitionem, quod
 fit *res per se subsistens & sustinens accidentia*, definitionis locum ex
 mente Præceptoris sui sustinere posse. Agè ex ipso ostendamus,
 quod vel non definiverit Aristoteles substantiam, vel ipse a-
 gnoverit, hanc circumscriptionem pro vera definitione vendita-
 ri non posse. Duo autem loci sunt, in quibus primario de sub-
 stantia & dilucidè tractat, unus in *Categoriis* in *Methaphysicis* alter.
 In *Categoriis* cap. 5. fol. 13. Edit. Casaub. substantiam primam definit,
 quod fit, quæ neque de subjecto aliquo dicitur, neque in sub-
 jecto aliquo est, ut quidam homo & quidam equus. At cum in-
 dividua non possint definiri, quis vellet hanc orationem pro
 definitione vindicare? Pergit n. 2. substantias secundas dici
 species & genera, in quibus primæ substantiæ insint. Nec
 hic video definitionem. Pergit n. 12. commune omni sub-
 stantiæ, primæ & secundæ esse, *non esse in subjecto*. Nec hoc defi-
 nitionem efficere poterit, partim, quia ab Aristotele recensetur
 saltem ut proprietās substantiæ, (perinde ut illæ, substantias non
 recipere magis & minus, substantiis nihil esse contrarium,) quæ
 proprietates non constituent essentiam rei, sed ejus constitu-
 tionem sequuntur, partim, quia involvit conceptum negativum,
 exponens, quid res non sit, non quid sit. In libris *Methaphysi-*
corum, quantum ego quidem ex curiosis istis subtilitatibus,
 Scholasticorum ingeniis dignis, percipere potui, Princeps Philo-

phorum per integros duos libros, septimum videlicet & octa-
vum, definitionem substantiæ quæsit, non tamen invenit. Ex-
cerpamus saltem potissima. Supponit *cap. 2. lib. 7.* dari substanti-
as, ut naturalia corpora, ignem, aquam, terram, item cælum &
ejus partes. At hæc pertinent ad quæstionem, an sit, neque
hanc negamus, aut de ea dubitamus. In *cap. 3.* homonymiam
substantiæ tradit. Pergit; *quasi in figura dictum esse, quid sit sub-*
stantia, quod non de subiecto, sed de quo carem. Oportet autem non
ita solum, non enim sufficiens est, & hoc namque ipsum non esse manife-
stum. Atque & hoc pro nobis est. *Cap. 5.* determinat, quod solius
substantiæ definitio sit. Et hoc pro nobis. Ergo quæstio nostra non
Domitiana, quia istam definitionem quærimus. *Cap. 13.* dispu-
tat, *nullum ex universalibus esse substantiam.* Quam bene, non dispu-
to. Saltem id patet, hoc assertum parum facere ad substantiæ defi-
nitionem, uti & illud, dum *cap. 15.* asserit, *sensibilem substantiarum*
singularium, neq; definitionem esse posse, neq; demonstrationem, & asser-
tum cap. 16. quod nulla ex substantiis sit substantia, *Librum 8,* excerpere
superfedeo. Peto saltem, ut Aristotelici mihi definitionem sub-
stantiæ vel ibi, vel alio in loco ostendant.

§. IV.

Sed lingvamus Aristotelem, & consideremus, annon sufficiat
ista definitio communiter recepta *ARISTOTELICORUM* ad defi-
niendam essentiam substantiæ, etsi Aristoteles illam non habue-
rit? Non videtur. Nam communiter *per se subsistere* exponitur: non
esse in alio tanquam in subiecto. Et convenienter ad mentem Ari-
stotelis, qui dum in *cap. 1. libri 8.* repetit ea, quæ dixerat *libro 7.*
in quo nonnulla differuerat, de non esse in alio, ita effert, quod
determinaverit de *secundum se, καὶ αὐτὸ.* Sed hic recurrit, quod
hic conceptus sit negativus. *Sustinere accidentia* est conceptus re-
lativus. At conceptus relativus non exprimit essentiam entis
realis, quale substantiam esse, cum Aristotele in exemplis modo
adductis supposuimus.

§. V.

Accedamus ad *CARTESIUM*, qui uti omnia ex mente asse-
clarum restituit in integrum, sic & fortè definitionem substan-
tiæ. *Per substantiam* ait *P. I. principiorum Philosophia n. 51.* nihil aliud
intelligere possumus, quam rem, quæ ita existit, ut nullâ aliâ re indigeat
ad exi-

ad existendum. Malè secundum Accursum. Ita nec mens nec corpus substantiæ forent. Ita solus Deus substantia esset. Mi-
ccuit subtilissimus Cartesius conceptum *τὸ per se subsistere*, cum
conceptu: *à se subsistere*. Sensit ipse Cartesius hanc objectionem.
Unde mox n. 52. substantias creatas definivit, *quod sint res, quæ*
solo Dei concursu egerint ad existendum. Obscurissime & insufficien-
ter. Particula exclusiva conceptum negativum facit. Si sensus
est, quod substantiæ creatæ sint à solo Deo, etiam accidentia à
solo Deo sunt. Ergo accidentia erunt substantiæ. Accedit,
quod hic conceptus involvat solam relationem ad causam effici-
entem. At efficiens non debet ingredi definitionem substantiæ,
quicquid etiam Cartesiani de excellentia definitionum à causa effi-
ciente desuntarum differant. Videtur & ista subodoratus esse
Cartesius. Ergo statim addit; *Veruntamen non potest substantia*
primum animadverti ex hoc solo, quod sit res existens, quia hoc solum
per se nos non afficit. Sed facit ipsam agnoscimus ex quolibet ejus at-
tributo. &c. Ex hoc enim, quod aliquod attributum adesse percipia-
mus, concludimus, aliquam rem existentem sive substantiam, cui illud
tribui possit, necessario etiam adesse. Respondeo 1. Ex hoc solum
inferitur, quod sit substantia, non quid sit, 2. Attributum sub-
stantias distingvit, non communem conceptum format. 3. Non-
dum declaraverunt sufficienter Cartesiani, quid sit attributum.
& quomodo à substantia & modo differat.

§. VI.

Ergo non miraberis si ipsi Cartesiani, quoad definitionem
substantiæ inter Magistri sui & Peripateticorum traditiones flu-
étuent, aut potius Cartesium deserant. CLAUBERGIUS in On-
tosophia p. m. 10. substantiam dicit rem, *quæ ita existit, ut aliquo ad exi-*
stendum subiecto non indigeat. RÆUS contra in opusculis Philosophi-
cis adjunctis clavi Philos. naturalis in dissert. pro vera Metaphysica th. 52.
seq. definitionem Cartesii dum explicare nititur, obscuriorem
reddit. Summa eò redire videtur: Per τὸ per se subsistere in de-
finitione substantiæ intelligi, *ab alio ut causâ non pendere.* Atque
hanc notionem claram esse & clariorem illâ, *non esse in alio tanquam*
in subiecto, cum hoc ultimum non possit intelligi considerando
substantiam in genere, sed recurrendo ad particularia. Verum
premunt Ræum eadem difficultates, quas objecimus ipsi Carte-
sio.

§. VII.

BENEDICTUS SPINOZA videns, *Cartesio* licuisse salvâ reverentia in Definitione substantiæ recedere ab Aristotelicis, eandem licentiam sibi sumsit dissentiendi ab utrisque. *Per substantiam*, ait, *P. I. Ethic. defin. 3. intelligo id, quod in se est, & per se concipitur: hoc est, id cujus conceptus non indiget conceptu alicuius rei, à quo formari debeat.* At nolo me in examinanda definitione deceptoris huius detinere, cum quilibet videat, eum & obscurissima & falsissima definitioni in istum saltem finem immiscuisse, ut virus atheismi sui, & horrendum dogma, solum *DEUM* esse substantiam, in eo occultare potuerit.

§. IIX.

Notavit jam ista Philosophorum Cartesianorum acutissimus *PETRUS POIRET* in fundamentis Atheismi everfis *p. m. 737.* Utinam & ita feliciter definitionem Spinosianam emendasset, sed loco unius definitionis substantiæ tradit sex, quarum una est obscurior alterâ. Ad nostrum scopum pertinent illæ dux, *p. 741.* *Substantia dependens est Ens actuale, cujus idea & existentia fundamentum ab alio, in alio, & per alium (qui Deus est) est & concipitur, etsi respectu omnium eorum, quæ Deus non sunt, est independens, eatenus, ut non in illis & per illa, sed in se & per se sit & concipiatur, possitque esse sine cæteris, sive cæteris ad ejus essentia & existentia rationem nihil conferentibus.* Item: *Idea substantia dependenti in homine est conceptus seu notio, realitatem substantia repræsentans magis vel minus, perfectius aut imperfectius, clarius aut obscurius, distinctius aut confusus, magis aut minus complete, prout ad ideam divinam magis minusve acceditur, & ingeniorum diversa sunt sortes.* Quoad posteriorem nihil addo, quia revera non est Definitio. Prior vel idem dicit, quod per se subsistere Aristotelicorum, vel aliud. Si prius, non morabimur. Si aliud, non intelligo, quid sit: *Substantiam concipi in se.* Cum enim nihil possit esse subjectum sui ipsius, non etiam potest concipi in se. Non intelligo, quomodo possit dici, *substantiam concipi per se*, cum non possit concipi absque accidentibus. Non intelligo, *Substantiam posse esse sine cæteris*, cum v. g. supposuerimus, (nec diffitebitur *Poiret*) hominem canem

canem &c. esse substantiam. At homo sine aëre & aliis rebus, quæ ipsum sustentant, esse nequit, adeoque illæ ad ejus essentiam & existentiam omnino quid conferunt.

§. IX.

Ergo ad vos me confero, Clarissimi *Philosophi*, Experientissimi *Medici*, *Theologi* maxime Reverendi, & à vobis quæro: *Quid sit Substantia?* Idque non tam mei gratiâ, quam Vestri, Nostra non adeo interest, ut sciamus, quid sit substantia? *Joc* sive circa justitiam & entia moralia occupati sint, entia moralia non sunt substantiæ, sive circa pecuniam, pecunia quantitas est, non substantia.

§. X.

At vestra interest, Acuti *PHILOSOPHI*, sive *ARISTOTELICI* sitis, alias enim totum vestrum Substantiæ prædicamentum corruet, & cum eo prædicamenta omnia accidentium, utpote quæ vobis fatentibus, sine substantia non subsistunt. Ita collabuntur omnes artes & scientiæ; sive *CARTESIANI* sitis. Quomodo enim de clara & distincta vestra cognitione gloriari potestis? quomodo aliis persuadere audebitis, vos possidere distinctum conceptum mentis & corporis (quibus duobus fulcris tota Philosophia vestra nititur) si distinctum conceptum substantiæ non habitis, è quo conceptus mentis & corporis oriri debent? Vestra interest, Excellentissimi *MEDICI*. Sine scientia corporis naturalis ars vestra nihil est, sine scientia substantiæ scientia corporis vana est.

§. XI.

Vestra denique omnium maxime interest, Magnifici *THEOLOGI*. Quomodo *Spinoza* *Atheismum* destruere potestis, si non perspicuam tradatis substantiæ definitionem? Aut si hæc quæstio vobis cum Philosophis communis est, vel his planè relinquenda: Quid est illud, quod Apostolus *fidem* appellat *invisibilem substantiam eorum, quæ speramus?* Quid est panis *ἐν τῷ*

in Oratione Dominica? Aut si & in his quæstionibus effugia vobis præstò sint: Quâ de causâ Orthodoxi Patres in Concilio Nicæno tanta pertinacia litigarunt cum *Arianis de consubstantialitate aut æquali -- substantialitate*, si nondum constat, quid sit substantia? Quâ de causa Majores nostri tam atrociter damnaverunt *Elacium* de Ecclesia nostra aliàs tam benè meritum, saltem eo, quod peccatum dixerit substantiam hominis? Cur distinctionem *Elacii* inter substantiam materialem & formalem admittere noluerunt, & Virum optimum Manichæismi accusarunt? *Conf. Carpzov. Isagog. ad Form. Concord. p. 1159. seq.* Ergo Vestra interest, dubium hoc eximi, ne occasio detur credendi, tanta litigia orta esse de re, quæ à nemine intelligitur, aut, aliam causam tantarum turbarum & tumultuum fuisse, quam studium veritatis.

§. XII.

Ergo adhuc quæro: *Quid est Substantia?* Ego quidem nescio. Expectabo informationem Vestram per annum. Eâ non secuta tentabo, utrum ego minimus eruditorum, veram, perspicuam & distinctam substantiæ definitionem tradere possim.

T A N T U M,



2 F. F. 2 S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem III. & IV.

De
RATIONIS STATUS NATURA,
Deque
ARCANIS STATUS ET CONSI-
LIORUM SILENTIO,

Cum adjuncta Qvæstione
An Imperator Wenceslaus legaliter sit
depositus, & tantis vitiis contaminatus, ut
vulgo creditur?
Publicè ventilabunt

Die III, Augusti M DC XCIII, horis matutinis ab 8, ad 12.

CHRISTIANUS THOMASIUS,
Jctus & Prof. Publ,

& Respondens
ENNO RUDOLPHUS BRENNEISEN,
Esenâ Frisius.

B. *prolegomena* Qværo



Qværo II.

An Wenceslaus Imperator legaliter
fuerit depositus, & tantis vitiis commaculatus,
ut vulgò creditur? Non videtur.

§. I.



On qværimus, utrum Electo-
ribus competat Jus deponendi ex causis præ-
gnantibus Imperatorem, nec ne? Age enim id
supponamus, aut tanquam conditionem ponamus;
si Electoribus Jus deponendi competit:
An legaliter fuit depositus Wenceslaus? Cum
autem nunquam lex de depositione lata sit, nec etiam depositio
consuetudine introducta, & sic certis solennitatibus prædita fue-
rit; *legaliter* hîc significat, quod conveniens est regulis æquitatis
naturalis & principiis moralibus ac Politicis, item Juris publici
Germanici: In quaqvæstione magnum momentum facit; an Wen-
ceslaus tam vitiosus fuerit, ut depositionem fuerit meritus? quam-
vis ea sola ad legalem depositionem ostendendam non sufficiant,
quia legalis non esse potuerit depositio, etiam si Wenceslaus de-
positione dignus fuerit, puta si depositio v.g. non facta fuerit ab
iis, quibus Jus deponendi competit, si deponentes æqvè vitiosi
fuerint, si per depositionem turbis implicatum fuerit imperium
&c.

§. II.

Jam utut communiter omnes Scriptores, quos legi, Wencesla-
um pro monstro hominis habeant, & ita nemo de dignitate ejus,
ut deponeretur, dubitaverit, de legalitate tamen depositionis
Autores in duas partes abire sentio, quibusdam magna fiduciâ
& præ-

& præsumptione legalitatem depositionis asserentibus, ut Gabriele Schwedero *Introd. ad Jus Publ. Part. Spec. Sect. 1. c. 32. §. 8. p. 699.* Carolo Scharfshmidio *ad Schüzii Jus publ. Part. 1. Exerc. III. th. 30. p. 218.* & Joh. Limnæo *Jur. Publ. lib. 2. c. 11. n. 29. seqq.* & in utroque additionum *Tomo ibid.* quibusdam eandem negantibus, aut certè de eadem dubitantibus, ut Bœclero, *Notit. Imper. l. IV. c. 1. p. 63.* Illustri Rhetio *Instit. Jur. Publ. l. 1. tit. 4. in fine p. 184.* & Stamlero *de reservatis §. 17. n. 4. seq.* Licebit adeò & nobis pro libertate Academica & de legalitate & de merito depositionis dubitare.

§. III.

De merito incipiemus. Nostrium verò non erit probare: nam quilibet præsumitur esse bonus. Ergo demus Wenceslao accusatorem, & quem alium, quàm ex Doctoribus adductis Limnæum, Scriptorum Juris Publici antesignanum, qui totus in eo est, ut omnia ex antiquis colligat, quæ ad denigrandum Wenceslaum faciunt. Cuspinianus, ait d. l. *in vita Wenceslai hunc dignum scribit, qui non diadema in capite, sed laqueum in collo gestaret, nec inter Reges vel Romanos vel Bohemos, sed inter bistriones ac potius porcos numerandus.* Magna accusatio, si vera est. Ego non credo. Cuspinianus, Æneas Sylvius, Historici Bohemi, fidem non merentur adversus Wenceslaum. Sunt Pontifex, Monachi, Bohemi, omnes inimici Wenceslai, ut ex sequentibus patebit. Igitur probatione opus erit.

§. IV.

Certè quod alii, (ita pergit Limnæus) postquam in lucem præ-rumpens & naturam (mater enim in partu extincta) & Deum (nam sacro fonte baptismatis abluendus, baptisterium, ventrem exonerando conspurcavit, imò ferè biennis in Regem Bohemiæ coronatus, aram, in qua sedebat, onere ventris sædavit turpissimè) offendisset, prædixerunt, illud omne exitus comprobavit. Dubito, an indignatione an misericordiâ dignæ sint istæ ineptiæ. Quis homo sanæ mentis inter crimina referret, & infanti imputaret, quod mater in partu extincta, quod ventris onus decorè retinere non potuerit? Indicia malæ causæ sunt, loco criminum stercora infantis conquirere. At, inquis, præsagium tamen est, quod in loco sacro, in baptisterio, in ara ventrem exoneraverit. At, inquam ego, præsagia ista sunt præsagia digna pro laicis, qui sibi imponi patiuntur à Clero, sanctitatem in lapidibus

& templis, salvâ cordis profanitate, qvarente. Qvoties infantes nostri talia committunt? Ridemus mulierculas nostras de ejusmodi præsagii sollicitas, ac dicimus, si infans cacet, præsagium esse, qvod nutrix debeat lavare fascias. Indicium malæ educationis est, qvod puer ferè biennis, nondum assvetus fuerit actus istos naturæ certo tempore aut debito loco peragendi. Sed hoc vitium nutricum est, non infantis, & adhuc hodie, etiam in liberis magnatum, non infreqvens.

§. V.

Sed audiamus jam, qvomodo id præsagium exitus comprobaverit. Nam, ait Ludvvcl. prater cedes, quas perpetraverat, crudelitatis insignia documenta edidit. Assidue penes se carnificem habebat, quem compatrem appellabat, & tam familiariter eo utebatur, ut aliquoties uno eodemqve eqvo secum vehi illum passus fuerit. Dubrav. lib. 13. Hist. Bohem. p. m. 219. Pertinent ad hanc imputationem & ea, qvæ Ludwellus adjecit in Tom. II. Addit. ad istum locum, p. 62. Quando Rex Wenceslaus bibit excessivè, & ad ebrietatem, incurrebat in furiam, & fuit tunc multum perversus, & periculosus, & dicitur qvadam vice coqvum suum, qui ad voluntatem suam, sed secundum appetitum suum cibos non paraverat, ad veru ligatum assari jussisse. Item qvodam tempore ad experiendum, qvud decapitandi sub tempore executionis cogitarent, accersivisse spiculatorem, cujus compater fuit, & flexis genibus oculisque suis velatis præcepisse, ut se decollaret, & qvâ spiculator ense nudo dissimulans ipsum cum platro in collum percussisset, surrexisse Regem, & dixisse spiculatori, ut poneret se super genua, qvem sic velatis oculis tunc decollavit. Accidit etiam qvodam tempore, dum Rex causâ venationis ad nemus pergeret, & monachum in viâ reperiret, ut statim à mangone bodistam peteret, qvâ tensâ, & ex pharetra (qvam semper ad latus suum ferebat) sagittâ extractâ, monachum sic sagittâ percussit, ut inde mortem obiret, dicens adstantibus, se feram singularem sagittasse, quibus dicentibus, non feram, sed monachum, respondit, monachum esse & debere manere in suo claustro, non in sylva, ubi habitatio & conversatio ferarum. Ita legitur in magno Chronico Belgico p. 327, edit. Pistorii.

§. VI.

Hic non laudabo Wenceslaum, non omnia ejus facta semper excutabo, id meum erit dispicere, utrum ea facta sufficiant ad depositionem? Neque disqviram, qvalia & qvanta facinora requiran-

qvirantur, ut possit dici, Principem dignum esse, ut deponatur; Saltem disputabo ex concessis. Pauca cades privatorum, uti Principem non faciunt hostem Republicæ, ita omnes, ut puto, concedunt, eas etiam non sufficere, ut quis dicatur Tyrannus exercitio, ut deponi possit. In privato, qui pes aut digitus &c. Reip. est, hoc sufficere potest, ut ense rescindatur. In capite vitia ejusmodi et si graviora, toleranda & ferenda sunt. Quibus præsuppositis, in genere respondeo ad præcedentem positionem Ludvvelli, eam saltem afferre pauca exempla privatorum à Wenceslao interfectorum, ergo nihil ad rem. Addo responsiones plures speciales. I. Illud ridiculum: Wenceslaus assidue carnificem penes se habebat. Ergo crudelis. Ergo & Consules, Dictatores Romani omnes fuissent crudeles. At carnificem compatrem appellavit, familiariter eo usus est. Et hoc ridiculum. Est enim II. locus quidam, in Marchia satis cognitus, ubi carnifex tantæ est existimationis, ut multi ex viris honoratioribus, nobiles pariter & ignobiles, ipso familiariter utantur, & fortè etiam sint aliqui ex ipsis illius compatres. An ergo hi viri honoratiores propterea insignia crudelitatis documenta eo ipso edunt? III. Familiariter vulgò receptum est, ut eos, qui curru ducunt homines ab uno loco in alterum, sive aurigas eos velis appellare, sive alio modo, appellemus idiomate Germanico Herr Schwager. An propterea crudelitatis vel ignominie signa edimus? IV. Homines ebrios vino furibundiores devonire, est effectus naturalis, qui crudelem non facit, cum crudelitas sit vitium hominis jejuni & sobrii. V. Et si propter hunc furorem tempore ebrietatis orientem, Principes essent deponendi, qualia absurda inde sequerentur? VI. Jussit coquum assata Wenceslaus. Benè. Sed an fuit assatus? De hoc historia testis est vix puto. Sed fuerit assatus. Crudeles fuerunt ministri ebrio Regi obsequium in re injustissimâ præstantes. Ipsum Regem in foro humano ebrietas excusat. VII. Dubito de veritate totius hujus historię. Ipse Ludvvell per ñ dicitur eam circumscribit, quod ferè est nota incertitudinis. VIII. Ipsa verò fabella de decollato carnifice ne quidem verosimilis est, & multis indiciis prodit, autorem ejus non benè caluisse artem mentiendi. Rationes in conflictu suppedirabimus. IX. Quod monachum in sylva interfecerit Rex, antequam ad eam

historiam vel fabellam respondeam, audiam prius, quid respondeatur ab adversariis ad excusationem ipsius Wenceslai: Monachos debere manere in monasterio, nec vagari in sylvis.

§. VII.

Restat ultima criminatio Ludvvelli. Inter verò purpuratos suos crebro sermone usurpabat: Ego si me diripiendis urbibus Italia fors praesentem dederit, catenarum rerum pradam militibus impertiar, vini tantum apud me spolia reservabo. Si quis autem in cellam vinariam fuerit ingressus, gladio ferietur. Aeneas Sylvius in Alphons. Pamph. l. 2. c. 15. Unde de eodem veriverbium ortum est, esse auri contemptorem & vini amatorem. Cui indubitata postea adiecit fidem, cum à Noribergensibus pro remissione iuramenti fidelitatis offerentibus viginti millia aureorum, spreta pecunia peteret vini Rhenani optimi aliquot plaustra, (in manuscriptis Chronicis Noribergensibus fit mentio triginta millium aureorum, & quatuor cuparum Sürstemberger Weins) ex Bucholcero Matth. Stephani l. 2. de Jurisd. part. 1. c. 5. n. 48. Fortuna utique dignus Fiolmi, veterum Suecorum Regis, qui nimia familiaritate subditorum computationibus indulgens, per lasciviam in cerevisiae dolium conjectus interiisse scribitur. Adjuvemus Ludvvellum. Si enim meliorem advocatum sententiae communis invenire potuissemus, dedissemus. Huc ergo pertinet, quod ad Schüzii systema d. l. p. 218. annotat Scharschmidius. De Wenceslao referunt, quod contemptim habuerit depositionem, dicens: Er sey wohl zufrieden / wenn man ihm nur jährlich vier Wagen voll Francken Weins gen Prag brächte / und er solchen auszutrincken hätte.

§. IIX.

Sed vide quæso Lector, quo nos ducat affectus, odium, aut praëiudicium alienae auctoritatis. Si Iustus inter celebres non infimus, non praësupposuisset veritatem opinionis communis, haud dubie tam misera argumenta ad eam corroborandam non protulisset. Quot propè verba recenset, tot nobis ob insufficientiam illationis suppeditat responsiones. Paucissimas saltem huc collocemus. 1. Wenceslaus vinum valde amavit, ergo iuste ab Imperio est depositus, vel dignus depositione fuit. Si ego hoc argumentum defendendum susceperem, vererer, ne ab adversariis meis de violata Principum plurimorum maiestate accusarer. 2. Si Prin-

Princeps depositione dignus est, qui relicta reliqua praeda, municio quodam capto sibi omne vinum reservat, quid de istis fiet Principibus, qui & vinum & reliquam pradam reservant sibi. 3. Fortè de illo dictorio post depositionem adhuc dubitare possemus. Aliam longè responsionem refert ex Historia Bohemica Lehmannus in Chronico Spirensi. Als er vernommen / daß er des Ráyserthumbs ensetzt / und Chur-Fürst Rupertus Pfalz-Gräfe beyrn Rhein zum Ráyser erwáhlet / sol er gesagt haben: Wir seynd des Lasts vom Reich gerne überhaben / hoffen / wir wollen nun mit bessem Nuß das Königreich Böhmen verwalten.

§. 9.

Hactenus accusatorem Wenceslai audivimus; audiamus & sententiam depositionis. Eam refert Goldastus in *Constitut. Imper. f. 379*. Accusatur ibi de indecentibus ac detestabilibus in imperando moribus, quod Ecclesiæ Orbisque Christiani defectibus noluerit mederi, quod pacem in Ecclesia non promoverit, quod Mediolanum & Provinciam Longobardiæ Duci Mediolani & Comiti Papiensi vendiderit; quod membranas plures raras, sive tamen Majestatis sigillo munitas vendiderit; quod bella & reliquas turbas Germaniæ non curæ habuerit; quod reverendos sacrorum Antistites, Sacerdotes & spirituales personas truculenter peremerit; quod sæpius admonitus tamen sacræ Ecclesiæ & Imperio opem ferro noluerit, aut mores emendare; denique quod citatus ad Collegium Electorum, non comparuerit, ut adeò opus fuerit in contumaciam ferri sententiam depositionis.

§. X.

Hic regero: Non fuit auditus Wenceslaus, & hæc imputationes ipsi non sunt probatæ. At cur citatus non venit? Non quæram, an fuerit obligatus ad veniendum? id urgeo, habuisse ipsum justissimam exceptionem loci non tuti. Probabo in conflictu. Ergo de Mediolano vendito videndum foret, si fuisset auditus, quamvis nec hoc suffecerit ad justam depositionis rationem. Deinde fuit status illo tempore turbulentissimus, ita ut non sit probabile, potuisse Wenceslaum extingvere turbas Germaniæ. Oriebantur turbæ ab ipsis Proceribus, fortè à quibusdam ex Electoribus,

ribus, cur hi non puniebantur? Cur ipsi singuli in suis territoriis pacem publicam non promovebant? De pace Ecclesiæ mox videbimus seorsim.

§. XI.

Adde, quod ista sententia legatur saltem à Moguntino concepta, nomine quidem reliquorum Electorum, sed de quibus non constet, an in concipienda sententia fuerint omnes præsentēs ac consentientes, an omnes ad istum actum fuerint citati. Neque enim præsumptio est pro Moguntino homine nequissimo, (ut mox apparebit.) Adde, quod Rupertus Successor Wenceslai fuerit depositionis autor. *Lehmann. d. l. c. 59. p. 825.* Adde, quod Rupertus post depositionem Wenceslai à multis pro Rege non fuerit agnitus Wenceslao adherentibus, quod schisma fuerit inter Cæsares, duobus Rupertis pro Cæsaribus se gerentibus, quod Rex Sigismundus Germanus Wenceslai, per literas fuerit conquestus de depositione Wenceslai, atque post Rupertum in Imperatorem electus, noluerit Imperium sine consensu fratris suscipere. *Vid. Limn. Tom. II. Addit. p. 63. 64.* Quæ omnia indicia sunt depositionis illegalis & turbulentæ.

§. XII.

Ergo adhuc responsio mea ad quæstionem propositam manet verosimilis. Verosimilior fiet, si ostendam causam communis erroris, & cur communiter sic exosus fuerit Wenceslaus. Fiet id in quæstione peculiari. Deliberandum enim est, annon planè pro martyre Wenceslaus haberi mereatur? Videbimus, Deo dante, alio tempore.

TANTUM.



Q. F. F. Q. S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem V. & VI.

De
REVELATIONE ARCANO-
RUM ET DE EXPLORA-
TORIBUS,

Cum adjuncta Quaestione

An Sutor possit esse Philosophus?

Publicè ventilabunt

Die X. Augusti M DC XCIII. horis matutinis ab 8. ad 12.

CHRISTIANUS THOMASIUS,
Jctus & Prof. Publ.

& Respondens

JACOBUS CONRADUS Keesl/
Lindaviensis,

STATE OF TEXAS

County of _____

Know all men by these presents, that _____

of the County of _____ State of Texas, for and in consideration of the sum of _____ Dollars, to _____ of the County of _____ State of Texas, the receipt of which is hereby acknowledged, have granted, sold and conveyed, and by these presents do grant, sell and convey unto the said _____ of the County of _____ State of Texas, all that certain _____



Qværo III.

An Sutor possit esse Philosophus?

Videtur.

§. I.

Variæ Variorum hodie lites

sunt de scriptis Jacobi Bœhmii & ipso autore, & solet in istis disputationibus sæpe oppugnari, & Boehmius & ejus scripta, eò, qvòd sutor fuerit Bœhmii. Cum enim quidam Bœhmi affecit eum ex amore Philosophum Teutoni-

cum appellare soleant, & verò adversariis ejus maximè contradietorium esse videatur, sutorem esse Philosophum, notum est, qvòd ab his ferè uno ore rursus appellari soleat sutor Philosophus & per ironiam ejus Philosophia, Philosophia sutoria.

§ II.

Jam uti istam litem meam non facio, ita liceat jam ex libertate Academica, vel abstrahendo à Bœhmio, qværare, an talis sit repugnantia inter Philosophum & sutorem, ut non possint combinari in uno tertio? Neque enim hoc multum nocebit adversariis Bœhmii, cum, etsi sutor possit esse Philosophus, non tamen propterea omnis sutor sit statim Philosophus, & mille possint illis subesse rationes, ex quibus sibi victoriam in ista controversia promittere possint, etsi sutorum in genere causam his thesibus paululum egerimus.

§. III.

Id quidem constat, si statum hodiernarum Academiarum consideres, & divisionem eruditorum in quatuor facultates, non

C 3

habere

habere spem futores, ut aut Baccalaurei aut Magistri Philosophia possint evadere. Neque enim solemus talia prædicata aptare talibus subjectis, quia proffiterentur Academix & facultates Philosophicæ, atque sacrosanctis statutis communibus adversi quid committerent, si futoribus summos in Philosophia honores tribuerent, qui tamen neque depositi esse solent, neque alio Academico inscripti, neque Latinam linguam callent, & ita non possunt lectiones Dominorum Professorum frequentare, aut dictata eorum excipere, multo minus Chriam in tentamine promotionis elaborare. Sed jam non quarimus de titulis honorum sed de re ipsa. Uti enim multi sunt Philosophi titulares, qui Philosophiam nesciunt, ita possunt esse multi Philosophi, veri titulis Academicis destituti.

§. IV.

Præterea olim Philosophia totam sapientiam denotabat, olim quatuor facultates artium & scientiarum ignorabat mundus, olim lingua peregrina non faciebat Philosophum, sed Græci Græcè, Latini Latinè philosophabantur; Olim celeberrimi ex Philosophis non involvere intendebant Philosophiam suam terminis abstractissimis & obscurissimis, sed ita aliqui ex iis philosophabantur, ut & futores eam possent intelligere; Olim ridebatur, qui peculiarem vocationem & privilegium requirebat, ut quis sapientiæ daret operam, aut qui putaret, peccare futorum contra vocationem à Deo ipsi datam, ut futoriam exerceat, si artem suam exercendo, cogitationibus sanioribus simul operam dare allaboraret. Et tamen olim, credo, erat res Philosophiæ, etsi neque Socrates, neque Plato, neque Aristoteles titulis Academicis fulgerent.

§. V.

Est vulgatus Canon Metaphysicæ Scholastico-Aristotelicæ: Ab actu ad potentiam valere illationem. Igitur responsionem meam ad quæstionem propositam non melius puto, probare potero, quam si exemplum afferam hominis, qui & egregius Philosophus fuerit, & bonus artifex in arte lutoria. Sistit eum Diogenes Laërtius in viris Philosophorum lib. II. p. m. 87. Simon Asbeniensis Coriarius. Quædam ad ejus officinam perrexisset Socrates, at-

que differeret, omnia quæ meminisse poterat natabat. Unde & ipsius Dialogos
Socraticos appellant, quod inter ejusmodi opifices sint habiti. Sunt autem nu-
 mero triginta tres, qui uno ibidem Codice comprehenduntur: De Diis,
 de bono, de honesto, quid sit pulcrum & honestum, de justo duo, de vir-
 tute quod doceri non possit, de fortitudine sive virilitate tres, de lege,
 de popularitate, de honore, de poesi, de bona valetudine, de amore, de
 Philosophia, de scientia, de Musica, quid sit pulcrum, de disciplina, de
 differendo, de judicio, de eo quod est, de numero, de diligentia, de ope-
 rando, de avaro, de jaſtantia, de honesto. Alii autem de consulendo, de
 ratione sive aptitudine, de maleſcientia. Fertur hic primus omnium So-
 craticos sermones differuisse. Cum autem Pericles polliceretur, si ad se
 veniret, cuncta illi se necessaria exhibiturum. libertatem inquit, vendere,
 consilii non fuerit. Fateor me maximè attonitum fuisse, cum pri-
 ma Laertii verba legerem: *Simon Athenienſis Coriarius*. Obvenie-
 bant enim mihi statim uno momento omnes illæ rationes, om-
 nia illa dictæria, quæ tot Viri magnâ autoritate & potentiâ
 prædiri, sutori Bœhmio objecerunt, ut tacitè in mente exclama-
 rem: *Quid coriarius inter Philosophos?* Volui græcum Laertii tex-
 tum consulere, (cum in mea Bibliotheca Latinum Codicem
 saltem habeam,) utrum fortè in Græco aliud vocabulum extet
 quod coriarium non significaret, sed cum is non statim ad ma-
 nus fuerit, suppono rectè se habere versionem illam, quâ utor.
 Ergo sutor fuit Philosophus.

S. VI.

Fuit & Philosophus egregius. Nam primus omnium Socrati-
 cos sermones differuit, ut Diogenes noster ait. Fuit Socrates sa-
 tentibus ferè omnibus, Philosophorum summus. Summi Philo-
 sophi doctrinam ita capere, ut eam sibi convenientem iterum
 exhibere valeamus, indicium excellentis ingenii est. Magnifici-
 mus Platonem, maximi eum fecerunt Patres primitivæ Eccle-
 siæ. At quid aliud sunt ejus libri, quàm doctrina Socratis dia-
 logis exposita? Si sutoris nostri dialogos habuissent Patres, for-
 tè magis adhuc eum existimassent, quàm Platonem. Certè eo
 honore non fuisset indignus, quia si primus Socraticos Sermo-
 nes differuit, ergo ante Platonem. Et fortè, uti videtur, simpli-

ci ingenio & sincero fuisse; magis puram ac limpidam Socratis doctrinam exhibuit atque Plato. *Ajunt enim, Socratem, cum Platonis Lyfidem audisset recitari, probè Dii immortales! dixisse, quàm multà de me mentitur adolescens, referente eodem Laertio lib. 3. de vita Philosophorum.*

§. VII.

Ulterius quæ scripsit futor noster, ad universam Philosophiam pertinent, taliaque sunt, aut certè de talibus materiis, de quibus vix celeberrimis hodiernorum Philosophorum constat. Ad primam philosophiam pertinent dialogi *de Philosophia, de scientia, de disciplina, de diligentia, de eo quod est, ad Oratoriam fortè de differendo & de numero* (nisi ille ad Logicam, hic ad Arithmeticam referendus est, quod jam, cum Codex Græcus deficiat, definire non possumus,) ad poësin dialogus *peculiaris*, ad Theologiam seu Metaphysicam dialogus de Diis, ad Physicam *de bona valetudine*, ad Philosophiam activam dialogi plurimi, quos inter maximè doleo dialogos de amore & de pulcro interiisse, tanquam de rebus & cognitu difficilibus & utilissimis. Quod verò virtus doceri non possit, videtur quidem primâ fronte paradoxum esse, sed faciliè defendi potest, si is sit sensus: vel vulgarem doctrinam virtutis per definitiones & divisiones &c. non reddere virtuosum, sed posse etiam ejus rei scientiam inesse vitiosissimo, vel: appetitum & sensum virtutis non posse ullâ doctrinâ dari hominibus. Quia autem Socrates morum doctrinam maximè populariter & perspicuè tradidit, & verò Simon noster nullam præsumptionem contra se habet, quod altiori proponendi modo ac subtiliori fuerit usus, imo potius majori popularitate eum ista proposuisse vero sit simile, quod dialogos illos, teste Laertio, tanquam inter opifices habitos conscripserit, inde iterum ex hoc capite etiam præferrem Philosophiam futoris hujus Philosophiæ Socraticæ à Platone traditæ, subtilioris sæpè & obscurioris quàm vel Philosophia Socratica, vel etiã veræ eruditionis scopus (utilitas & felicitas generis humani) postulabat aut admittebat. Est enim sapientia vera ita apta nata, ut perspicua sit & humano generi communis, unde necesse est eam etiam ab ingeniis opificum intelligi posse.

posse. Unde multo magis libros hos futoris deploro, quam si omnes libri Aristotelis interiissent. Idque credo, fieri posse pace philosophorum Aristotelicorum. Loquor enim de meo gustu. De gustibus verò non est disputandum.

§. IIX.

Et illud ad præcellentiam hujus futoris Philosophi pertinet, quod usus fuerit methodo verâ atque legitimâ pervenienti ad sapientiam. *Quoties*, ait Laertius, *ad ejus officinam perrexisset Socrates atque dissereret, omnia quæ meminisse poterat, notabat.* Notum est, Socratem non scamna posuisse auditoribus, non certam horam ipsis dedisse, non textum iis aut autorem explicuisse, non dictasse, ut ex parte sequentes Philosophi Græci faciebant, & nos hodiè facere consuevimus, sed ibat per plateas & loca publica immiscens se congregationibus hominum frequentioribus, vel etiam in officinis opificum, in quibus confabulandi causâ homines conveniebant, se sistebat, & ibi pro re natâ, ex discursibus quibuscunque obviis occasionem sumebat præcepta moralia docendi in media confabulatione. Igitur dum futor noster dicitur notasse ea, quæ Socrates apud eum disseruit, non putandum est, quod discursum Socratis calamo ex ejus ore exceperit, sed cum Socrates in ipsius officina, ipso laborante & calcæos aptante, cum aliis collocutus esset, solus postea discursum Socratis repetens in mente & notabat sibi, & ita, quod ajunt, in succum & sanguinem convertebat Philosophiam Socratæam. Atque hac methodo si uterentur Juvenes hodierni, nâ brevi tempore experiri possent, quantum illæ ruminaciones & adnotationes profint. At vero istam methodum à Juvenibus postulare non possumus docentes, nisi & ipsi perspicuè atque populariter doceamus.

§. IX.

Frustrâ verò inculcatur Philosophia atque docetur, nisi in ipsa vita exemplo quoque tuo te probes esse Philosophum. Probavit & noster. Atque eò pertinet, quod *cum ei Pericles pollicetur,*

retur, si ad se veniret, cuncta illi se necessaria exhibiturum, libertatem, inquit, vendere consilii non fuerit. Voluit verosimiliter Pericles servitio Simonis uti, at servire nescit animus Philosophi. Nemini nisi virtuti servit, & omnibus virtuosis actiones suas sponte accommodat, fugit imperium potentum atque divitum, & contemnit. Si necessitate coactus serviat, corpus servit, animus liber est. At libertas hæc in spontanea servitute conservari nequit. Non habebatur Pericles pro vitioso homine, potens erat & autoritate conspicuus apud Athenienses, uno verbo, secundum modum loquendi hodiernum, erat magnus Politicus. Sed uti plerumque magni Politici non magni sunt Ethici, ita & Periclem ad hanc classem pertinuisse, vel ex discursu ejus, quem cum Alcibiade habuit de definitione Legis, apud Xenophontem in memorabilibus Socratis lib. 1. junctis iis, quæ de ipso subinde memorat Thucydides, verosimile est. Philosophus autem verus Ethicam, hoc est sui ipsius cognitionem & emendationem, facit normam Politicæ, quærendarum videlicet opum & autoritatis.

S. X.

Igitur verosimile est, tutorem non solum posse esse Philosophum, sed & excellentem atque perspicuum, & methodicum Philosophum, Philosophiam suam exemplo exprimentem esse posse. Quod si verum est, uti videtur, verum quoque erit, in posterum oppugnatores Bæhmii bene facturos esse, si in Disputatione illa argumentum aut scomma de Philosophia tutoriâ omitant, atque de aliis firmioribus, quæ nunquam iis, qui veritatem tuentur, deesse poterunt, circumspeciant. Nam istud quidem Appellis: *Ne tutor ultra crepidam* parum ad rhombum facit. Non, quod alias pictoribus & Poetis quidlibet audendi semper fuerit potestas æqua, sed quod apophthegmata pariter ut similia, non sint extendenda ultra tertium. Nos verò ad tutorem nostrum reversi, tacite cogitemus, quia Philosopho clamare non convenit: *VIVAT PHILO-*

SOPHIA SUTORIA!

TANTUM.

2 F. F. 2 S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem VII. & IIX.

De
EXPLORATORIBUS, & CAPITE
STATUS RATIONEM TRA-
CTANDI,

Deque
MONARCHICO REGIMINE
& USU MINISTRISIMIS,

Cum adjuncta Qvæstione

Quomodo differat actio vana à turpi?

Publicè ventilabunt

Die XVII. Augusti M DC XCIII. horis matutinis ab 8. ad 12.

CHRISTIANUS THOMASIUS,
Jctus & Prof. Publ.

& Respondens

DAVID STAVINSKY Borussus.

HALÆ MAGDEBURGICÆ,

TYPIS CHRISTOPHORI SALFELDII, REGIMINIS ELECT.
BRAND. TYPOGR.



Qværo IV.

Qvomodo differt actio vana à turpi? Videtur,
qvod vanæ dicantur illæ, qvæ sunt indifferentes,
qvatenus hæ ab indifferentia ad turpi-
tudinem moventur.

§. I.



Actio humana moraliter con-
siderata est vel *honestæ* i. e. legibus præcepta,
vel *turpis* i. e. legibus prohibita, vel *indifferens*,
i. e. qvam lex nec præcepit nec prohibuit. Per-
missio enim, rectè monente Grotio, non est
legis actio, sed actionis negatio. Regulariter
autem omnis actio humana suâ naturâ i. e. physicè considerata,
est *indifferens*, sit verò *honestæ* vel *turpis* ob circumstantias mo-
rales accedentes. Ergo actio *indifferens* est, qvæ non habet cir-
cumstantias morales. Cave verò circumstantias morales crudè
intelligas illas, qvæ communi includuntur versiculo: *Quis, quid,*
ubi &c. Nam alias non daretur ulla actio *indifferens*, qvia non
potest concipi actio ulla, sine aliqua ex his circumstantiis. Tùm
demum hæ circumstantiæ morales fiunt, si aliqua ex iis legibus
præcepta sit vel prohibita. Ita edere domi, est actio *indifferens*, etsi
habeas circumstantias *quid* & *ubi*; vorare est actio *turpis*, qvia
connotat circumstantiam *qvomodo aut cur*, legibus prohibi-
tam.

§ II.

Jam autem nomina actionum humanarum talia sunt, ut
vel connotent circumstantias *semper prohibitas*, ut furtum, rapi-
na, incestus, vel *semper præceptas*, ut pietas, castitas, temperantia,
&c. vel denique *circumstantias indifferentes*. At hæc ultima spe-
cies iterum videtur triplex esse; aut enim nomen actionis illius
plerumque connotat ejus *abusum*, ut homicidium, vel plerumque

circum-

circumstantiam præceptam, ut obedientia liberorum, vel ab utroque planè præscindat, ut edere, bibere. Cum igitur communis regula sit, quod à potiori fieri debeat denominatio, non mirandum, quod actiones indifferentes primæ classis communiter inter turpes, & secundæ classis inter honestas referantur. Mirandum magis, quod hanc observationem non notantes Viri eruditi, de rebus facillimæ compositionis magnas lites moverint. Notum est, quid inter utriusque Religionis Protestantium assèclas controvertatur de indifferentia saltationis, in tantum, ut ex quæstione morali Theologica evaserit, quibusdam ex Reformatis omnem saltationem damnantibus, quibusdam ex nostris in tantum defendentibus saltationem, ut se hoc maximè γυνήσους Lutheranos exhibere posse opinentur, si, ut loqui amant, in odium Calvinianorum saltent, in quos graviter invehitur Cunradus Dietericus in Concionibus Germanicis super Ecclesiasten. Poterat, ut vid. s, tota lis tolli observatione modo dicta, nec opus erat tantâ vehementiâ utrobique defendi sententiam utrobique falsam, aut de vocibus tanta litigia movere, multò minus dissidia in articulis religionem spectantibus leviori reverà dissidio augere. Id verò non multum decoris, credo, sectæ nostræ attulit, quod inter notas hominis Lutherani ita à quibusdam relata fuerit defensio actionis etsi indifferentis, attamen vanissimæ & parum sapientis.

§. III.

Vanitas vanitatum, ait Ecclesiastes, & omnia vanitas. Vanitas autem cum eo in loco latè accipiatur, quatenus de omnibus creaturis prædicatur, non erimus solliciti, quomodo Commentatores istam vanitatem definiant. Videamus saltem, quid denotet, dum de actionibus humanis dicitur. Ita de vanitate scientiarum scripsit Henricus Cornelius Agrippa utilissimum libellum, & lectione Studioforum dignissimum, quamvis ob eum multa indignè passus sit à Pseudo-Theologis & Philosophis superioris seculi, de quo fortè alibi. Ita ipse Ecclesiastes recensendo vanitates mundi, cap. 3. plurimas actiones humanas enumerat, pro stabilienda vanitate generis humani, puta loqui, tacere, amare, odisse, flere, gaudere, saltare &c. Scio equidem, quod Ecclesiastes non dicat directò actiones has esse vanas, scio, quod plerumque

que in præfata controversiâ afferri soleat, actiones ibi recensitas ab Ecclesiastæ pro indifferentibus haberi, non pro turpibus, quia dicatur, eas omnes requirere tempus suum. Sed scio tamen etiam, quod necesse sit per bonam consequentiam eas referri debere ab ipso Ecclesiastæ inter vanitates, quia totum hominem & omnes actiones ejus pro vanis habet, idque ostendere vult in toto libro.

§. IV.

Jam quid dicemus? Si indifferentes sunt illæ actiones ibi recensitæ, (uti certè al quæ, ut loqui, tacere, flere, gaudere &c. absque dubio indifferentibus videntur accensendæ,) non haberi possunt pro illegitimis. At si vane sunt, (uti modò diximus, omnes actiones humanas esse vanas,) omninò pro turpibus videntur haberi debere, nam ipsa vox *vanitatis turpitudinem* videtur involvere. Necesse, quod dicas, divisionem actionis in honestam, turpem & indifferentem esse desumptam à relatione actionum ad legem, vanas verò dici actiones humanas ob instabilitatem, adeoque questionem: *utrum vana actio pertineat ad honestam an ad turpem?* &c. æque ineptam esse, ac si quis quærat, utrum sonus testudinis conveniat cum colore rubro an nigro? Nam respondeo, quod non diffitear eundem, Ecclesiastem in toto libro vanitatem exprimere potissimum per instabilitatem, sed istam instantiam de sono & colore huc non quadrare arbitror, quia & vanitas & honestas aut turpitudine sub eodem genere comprehenditur. Et, si omnis actio humana aut honesta est, aut turpis, aut indifferens, necesse est, quod & vana actio vel ad unam ex tribus speciem referri debeat, vel sub omnibus comprehendatur. At solum *vanitatis* nomen ostendit, plus per id dici, quàm ut sola *indifferentia* actionis eo exprimat. Quid ergo? Certè non *honestas*, ergo, quia nihil amplius restat, *turbando*. Et quid opus est ulteriori disquisitione? ab actionibus vanis homo vanus dicitur. At homo vanus nunquam sumitur in bonam aut mediam partem. Ergo quid dicemus?

§. V.

Contradictionem hanc paragrapho præcedente repræsentatam ut evitemus, non melius nos facturos esse arbitramur, quàm si & naturam *indifferentia* & naturam *vanitatis* consideremus.

mus. Hæc enim meditatio apertè ostendet, *vanitatem inferre plus quàm indifferentiam, minus quàm turpitudinem*. Est *vanitas nihil aliud quàm entis affectio, quatenus illud mutationi & interitui est obnoxium*. Indifferentia actionis verò notat actionem quidem lege nec præceptam nec prohibitam, sed quæ tamen vel levi aliqua circumstantia accedente, præcepta vel prohibita fieri possit, ergo multò magis etiam apta sit, ut levi circumstantia accedente magis vel minus ad honestatem vel turpitudinem inclinet. Jam igitur, uti omnis vanitas instabilitatem denotat, ita *actio vana*, quatenus etiam de indifferenti aliàs prædicatur, involvet conceptum, quod *actio ista indifferens mutationi & interitui obnoxia sit*. Et homo vanus erit, qui in actionibus ejusmodi instabilibus, *etsi indifferentibus aliàs, quietem querit atque felicitatem, cum tamen propter adhaerentem vanitatem, nullam quietem & felicitatem ei dare possint*.

§. VI.

Jam habemus definitionem. *Actio vana est actio hominis naturâ suâ indifferens, in qua homo falsam quietem querit, unde ipsa actio ab indifferentia movetur ad turpitudinem*. Ita loqui, tacere, amare, odire, flere, gaudere, sunt actiones suâ naturâ indifferentes, ita ut singulæ, si debito tempore fiant ab homine in ipsis quietem non quærentes, sed, ut mediis ad debitum finem destinatis, iis cum indifferentia utente, in indifferentia maneamt, nec vanarum actionum nomen assumant. At si quis loquelâ, taciturnitate, amore, odio, fletu, gaudio, tanquã rebus bonis delectetur, & iis tanquã finibus omnes aut multas actiones suas subordinet, vanus evadit, & ipsas actiones vanitate suâ inficit, ut & ipsæ vanarum nomen assumant. Quo magis autem falsæ huic quieti incumbit, eò magis vana actio sit, in tantum, ut si summum aut magnum bonum in iis quærat, *vanissima* fiant, & in vitium planè degenerent. Fiet enim ex loquente loquax, ex tacente insidiosus, ex amante mollis, ex osore crudelis, ex flente querulus, ex gaudente stultus.

§. VII.

Non igitur est, quod tempus perdamus, aut characterem religionis quæramus, in defensione saltationis, tanquã rei omnino indifferentis; non est, juvenes dilectissimi, quod vanitati cordis vestri indulgeatis, ex eo, quod à viris maximæ autoritatis legatis defensionem saltationis fuisse susceptam, vobis persuadendi, ac si rem laudabilem & Patriæ vobisque proficuum suscipiatis in saltationibus vestris. Agite, ipsimet judices estote in causa saltationis. *Est saltatio actio indifferens.*

Qvis negaret? Saltavit & David gaudio sancto repletus. Vel ideo
 vero, quia indifferens est, *potest fieri turpis*. Saltavit & filia Herodis de
 capite Johannis. Imò sit saltatio actio omnino indifferens, *est tamen*
actio vana, si in ista saltatione delectationem, in ista delectatione
 quietem quis quærat, aut eadem tanquam medio ad alias actiones
 vanas vel turpes uratur; Ergo, *non est actio*, quæ aut Patriæ aut pro-
 ximo, aut ipsi homini multum prodest, ut inter honestas vel saltem lau-
 dabiles referri mereatur. Fluit enim id ex præcedentibus. Et nunquam
 saltatio patriam ab hoste liberavit, aut dissidia civium sustulit, aut
 meliorem Christianum, Theologum, Jurisconsultum, Medicum, vel Philoso-
 phum effecit, aut ad conservandam sanitatem necessaria fuit, vel re-
 parandam, (nam quæ de ictis à Tarantula communiter recensentur,
 quod nonnisi per saltationem curentur, ad nos non pertinent, qui de
 hominibus sanæ mentis loquimur, quæ privantur, qui à Tarantula
 icti sunt.) Neque ullum usum habet indifferentem, quam ut apti fiamus per
 saltationem gressus & inclinationes corporis in communi conversatione magis ad
 decorum formandi, utque si ista sciamus, alii homines, qui fortè ope nostrâ in-
 digent, ob illam aliqualem conformationem cum ipsorum moribus non ita à nobis
 abhorreant. Reliquus usus omnis vel apertè vanus vel turpis esse vide-
 tur. At jam considerate quæso, quàm facile hic usus indifferens in
 vanum vel turpem degenerare possit, puta, si v.g. decorum istud, cui
 nos adaptamus, non sit indifferens, sed vel vanum vel turpe; (quo-
 modo autem id fiat, summam in primo & secundo capite introducit nostra
 ad Ethicam diximus) si absque saltatione, solâ observatione & imitatio-
 ne aliorum gressus & inclinationes nostras ita formare possimus, ut sal-
 tem pro indecoris haberi non debeant; si quæramus saltatione nostrâ
 placere aliis hominibus, vel sexui sequeiori, vel etiam masculis. Cum
 enim sapiens nunquam amicitiam suam det ob saltandi artem, facile
 cognoscere possumus, quales sint illi, quibus placere studemus. Qua-
 les simus nos, qui illis placere allaboramus, cum similis simil gau-
 deat.

unius IIX. restat de his intelligendum

His perpenſis examine cor vestrum aut passiones animæ vestræ,
 ut deprehendatis, utrum saltationem discere cupiatis tanquam rem
 indifferentem, an tanquam vanam, an tanquam turpem? Dabo vobis
 exemplum. *Affectus*. Volo discere saltare. *Ratio*. Quamotrem?
A. Quia volo. *R.* Atqui hoc non sufficit. Scis enim quod omnia tibi
 indulgeam si cum ratione velis, semper vero resistam, si absque eâ.

Ratio.

Rationes mihi non defunt. Pater ipse, Præceptor, iste vis, magna
autoritatis &c. mihi hoc consilium dederunt. At vero Parentibus
& Præceptoribus obediendum est. R. Bene, sed cur non ita promptus
es ad studendum, ad te emendandum, ad benefaciendum aliis, cum
& id Pater, Præceptor &c. tibi consuluerint? Vides igitur aliam subes-
se rationem. A. Est utique. Medicus svasit, quod debeam motione
aliquâ sanitatem corporis conservare, præ reliquis vero hæc mihi
potissimum placet. R. Vides igitur, quod consilium Medici non sit
causa appetitus tui, sed id, ob quod præ reliquis motionibus hæc
præcisè placet. Atqui hoc scire aeo. A. Quia unâ fideliâ possum du-
os dealbare parietes, & motione corpus sustinendo, & idem ad gres-
sus decoros aptum reddendo. R. Rectè facis. Ad hunc finem poteris
mensis unius spatium discere quod sufficit. A. Eja, intra unum men-
sem vix possem primum & simplicem saltandi modum (la courante
simple) discere, & cogerer desinere antequam magis decoras illas figu-
ratasque saltationes (la bourrée, la menuët, la gavote &c) discerem. R.
De his non dixisti, sed de gressibus saltem decoris, quæ in simplici illo
saltandi modo addisci possunt. Curigitur & reliquos vis discere? A.
Vivo inter homines, & posset facilè contingere, ut in conversatio-
ne essem, ubi risui exponerer, si saltare non possem? R. Et quid si ri-
tui exponeris? Tu contrà ridebis te sine justâ causâ ridentes. Sed
transeant ista. Dabo duos menses, si diligens esse vis, poteris satis
discere, ut non ridearis. A. At vero non potero in hac arte perfectus
reddi tantillo temporis spatio, non possum me ita insinuare ami-
cis sexus sequioris, quas non inhonestas quæro, sed honestas, sal-
tando enim nihil inhonesti committitur. Et scio eqvidem saltatio-
nem esse vanitatem, sed quia sexus sequior magis involutus est vani-
tatibus quam noster, non tam nostrâ quam ipsius gratiâ nos aliqua-
tenus iis in rebus indifferentibus debemus accommodare, ut occa-
sionem nanciscamur ipsas ex præjudiciis eruendi. Nosti Titium,
quam egregiè saltet, quam æstimetur communiter, quam tamen ho-
nestè in conversationibus se gerat. Hunc imitari volo. R. Jam Te
teneo pessime. Verè imitari vis Titium. At ego scio, tumet ipse
scis, quantus scortator, quamvis clandestinus sit Titius. Novî ma-
litiam tuam. Ipse te prodidisti, cum nuper, ubi saltantem Titium
videbas, ipsi postea diceres, quod tibi in saltatione istâ, cujus figu-
ra liberæ inventioni sœminæ relinquitur (dans la menuët) quam ma-
ximè

ximè placeat, quod oculi oculis perpetuò sint affixi, quod in variâ illâ corporis commotione necesse etiam sit variò modo moveri oculos, ita ut alter sexus alteri cogatur quasi monstrare motus oculorum maximè patheticos; quod porrò modò corpus corpori proximè accedat, modo iterum paulatim recedat, quod infinitis gestibus semper ex opposito personæ, cum quâ saltamus, passionem nostram declarare valeamus. Hæc est veraratio petiti tui, hic est scopus quem quæris. Nimis rigidus semper & suspicax es. &c. Certus sum si simili modo examinatis vos ipsos in actionibus vestris, vos non opus habituros esse laboriosâ disquisitione circa quæstionem: an v. g. saltare sit actio indifferens vel turpis? sed statim magis necessariam quæstionem definire vos valituros esse: utrum vos ipsi saltationem ut indifferentem, vel vanam, vel turpem actionem appetatis? Quæstiones enim illæ omnes generales & earum enucleatio magis nocent, quam prosunt, si absquæ applicatione id fiat ad nos ipsos. Hæc vero facilis est, etiam si quæstiones illas generales non ita exactè dirimere noverimus.

§. IX.

Possem dicta illustrare alio exemplo de *ludo pile in Sphæristerie*, quæ tot periculis non est subjectus ut saltatio, & tamen si non cautè & hic agatur, potest & ipse degenerare in actionem vanam & vitiolam. Sed quoniam discursus præcedens sub manu crevit, & vero illustratio ista non difficulter fieri possit à quovis ad imitationem eorum, quæ de saltatione diximus, subsisto, simul monens lectorem, nè ea, quæ de saltatione prolixius disseruimus, considerare velit, tanquam digressionem ad ipsam quæstionem parum pertinentem; cum illa maximè contineant usum quæstionis propositæ. Proponere enim institui quæstiones non inanes, sed quæ usum suum exerunt in vitâ humanâ.

T A N T U M.

* Dedi in programmate invitatorio libertatem Dnii. opponentibus, in singulis actibus etiam in veritatem quæstionum præcedentium inquirere. Netamen libertas illa confusionem pariat, constitui intersitium quasi aliquod Disputationum propositarum frære, & futuris duabus septimanis die 24. & 31. Augusti Deo dante, solus cathedram ascendere, atque ibi ab horâ 8. ad 12. audire dubia, quæ circa omnes quatuor quæstiones hæctenus propositas Lectoribus restant, ut postea remotis illis dubiis omnibus, in propositione novarum quæstionum, possimus pergere.

2. F. F. 2. S.
IN ACADEMIA FRIDERICIANA
CELEBERRIMI AUTORIS

^{De}
RATIONE STATUS
Dissertationem IX. & X.

^{De}
POLYARCHIS, FOEDERIBUS,
ET IMPERIO ROMANO,
^{deque}
IMPERATORIS MONARCHICA
POTESTATE,

Cum adjuncta Quaestione

*An liceat in benè constituta Republ.
publicè quærere?*

Publicè ventilabunt

*Die XIV. Septembr. M DC XCHL. à X. ad XII.
& pomeridianis à III. ad V.*

CHRISTIANUS THOMASIUS,
& Respondens
PETRUS BOJE, Dithmarſo-Hollatus.

E

QVE



QVÆRO V.

An liceat in benè constitutâ Repu-
publicâ publicè qværare? Videtur.

§. I.



Ophista. Mihi non videtur, proba.
Philosophus. Atqvi mihi non incumbit proba-
tio, cur enim non liceret qvod nullo jure pro-
hibitum est? Tuum igitur si mihi vis contra-
dicere, erit, probare & ostendere qvo jure hoc
non liceat. Ne tamen de re obscurâ disqui-
ramus, paucis cum pace tuâ liceat sensum qvæstionis paulu-
lum explicare. Alibi jam dixi; qvod interrogare, dubitare, &
investigare usurpem synonymicè, adeoque uti interrogatio &
investigatio jam communi *qvæstionis* nomine notari solet, ita &
sub eâdem comprehendo dubitationem. *Publicè* id appello,
qvod vel nullâ intentione occultandi sit in loco etiam priva-
to, etsi paucis notum sit, vel qvod etiam sit in loco publico, ita
ut reipsâ in plurium perveniat notitiam. Per *benè constitutam*
Rempublicam non intelligo rempublicam secundum ideam sta-
tus perfectissimi, sed talem, qvæ in negotio, de qvo qværitur, non
aliquid admittit rectæ rationi repugnans. Denique per *licentiam*
intelligo non tam externam seu impunitatem, qvàm internam
seu tranquillitatem conscientiæ. Qvo pacto duplex quasi in
qvæstione proposita continetur qvæstio. An qui in Republicâ,
ubi id non est prohibitum, publicè dubitationes suas proponit,
in conscientia tranquillus sit? Et: An, si Respublica hanc
licentiam per legem civilem tollat, committat aliquid contrâra-
tionem? Utrumqve videtur. Jam, si lubet oppone.

§. II.

S. Ergo de omnibus dubitas. *Cartesianus es, Atheus es.* Non es tolerandus in bene constitutâ Rep. *P.* Vide quam multas in paucis verbis iniquitates adversus me committas. *Cartesianus non sum. Et si essem, Atheus non essem. Et si Atheus essem, (quod Deus avertat!) propterea tamen ex bene constitutâ Republicâ non forem ejiciendus.* *S.* Quid audio? *Atheos in bene constitutâ Republicâ esse tolerandos? Qvalis dementia?* *P.* Quæso ne responsionem meam interpellas, nondum enim absolvi. Ne â scopo dilabamur, argumentum de tolerantia Atheorum jam ad aliam disputationem reponamus, & ut interim tibi non planè absurdus videar; peto ut id pensitare velis, â vobis in bene constitutâ Republicâ tolerari, non dicam scortatores, adulteros, fures, latrones, sed ebrios, vanos, superbos, avaros, & si omnia deficerent, stultos. Jam in viam. *Cartesianus non sum, quia non dico dubitandum esse de omnibus, non dico, dum dubito, me etiam id, de quo dubito, interim negare, sed saltem nescire, & id quærere.*

§. III.

S. Non dubitas de omnibus? De quibus ergo rebus putas dubitari posse? de quibus non? Aliàs enim non possum tibi opponere. *P.* Jam explicui meam mentem in *Praxi Logices c. 1. n. 49. usque ad 86.* Non de propositionibus, quæ statim in sensus incurrunt, & quæ ab iis absque longâ ratiocinatione abstrahuntur, sed de primis cognoscendi principiis, & conclusionibus remotioribus â sensu. *S.* Ista non quæro. Putasne etiam de rebus Theologicis dubitari posse? *P.* Mallem ista ommitteres, jam enim magis de quæstionibus Philosophicis quàm Theologicis sum sollicitus. *S.* Sed tamen informationis gratia hæc quæro, nec dubito, quin mihi humanitatem responsionis non sis denegaturus. *P.* Ergo & responsionem accipe. De rebus Theologicis quam maximè, quia maximè hic interest veritatem nosse. Cave vero per res Theologicas intelligas litigia inania, & quæ ad salutem hominis non conducunt. Nam de omnibus

inanibus cujuscunque generis sunt, illicitas quæstiones esse arbitror, quia pro fine vel stultam voluptatem, vel inanem gloriam, vel execrandum odium habent.

§. IV.

S. His quidem effugiis non evades Hypocrita. Firmiter enim te teneo. Spinofista es, Atheus es, libertatem philosophandi cum præceptore isto Tuo, a tot eruditis & piis viris nostratibus, etiam à Patre Tuo impugnatam defendis. P. Enimvero ego recriminari nolo, quamvis apertum sit, te non informationis gratia mihi, ut præ te ferebas, quæstionem proposuisse, verum ut mihi laqueum poneress, quem tamen per Dei gratiam facile evadam. Cur crimina quæris, cur sectarum nomina adducis, ubi de veritate assertionis aut falsitate quæstio est? Veritas nec vitium est nec virtus, idem de falsitate dicendum est. Sim qui sim, prudens an insanus, quid id ad Te? Oppone contrà thesin. Insaniam Atheus, insaniam Spinosa: Quid id ad quæstionem præsentem? Nonne inbenè constitutâ Republicâ licebit insanire? Sed falleris amice, Spinofista non sum. S. Tu non es Spinofista? Annon Spinosa scripsit *tractatum Theologicum Politicum*, in quo, ut titulus ejus apertè præ se fert, ostenditur, *Libertatem Philosophandi non tantum salvâ pietate & Reipublicæ pace posse concedi: sed eandem nisi cum pace Reipublicæ ipsâque Pietate tolli non posse*. Annon tu idem dicis? P. Enimvero si eadem dicerem, quæ alicubi Spinosa dicit, propterea Spinofista non essem. Dicit Spinosa v. g. *Part. III. Eth. p. m. 153. Superbiam esse, si quis plus justo sentiat de se præ amore sui*. Poteris & tu Amice eandem sententiam fovere, & tamen Spinofista non esse. Sed transeat hoc: nego me illa dicere, quæ continet titulus Libri Spinofiani. S. Probo: Libertas Philosophandi nihil aliud est quam libertas tua quærendi. Dum enim quæris, nonne philosopharis? Vapulat Spinosa, quod hanc libertatem Philosophandi extendere ad res Theologicas. Et tu cum eadem facias, non vis Spinofista esse, non vis vapulare. P. Non facio eadem. Inverto: Qui quærit non Philosophatur. Philosophari est rem affirmare cum ratione, aut negare cum ratione. Spinosa vero philo-
pha-

phari est affirmare aut negare cum ratione etiam ineptâ, seu absque recta ratione. Ita enim se ipsum explicat *d. tractatu Cap. ult. Ostenditur in liberâ Republicâ unicuique & sentire quâ velit, & quæ sentiat dicere licere.* At ego quæro, non an liceat sentire, sed an liceat dubitare? non an liceat dubitare, quæ quis velit? sed an liceat dubitare cum ratione? non: an liceat errores quoscunque propalare? sed an liceat errores oppugnare & veritatem investigare?

§. V.

S. Transeat Spinosâ. Novam objectionem formo. Si liceat in benè constituta Republicâ etiam de rebus Theologicis quærere, turbabitur tranquillitas Reip. turbabitur ordo publicus, qui jubet quatuor distinctas esse facultates, neque Juris, Medicum aut Philosophum debere involare in castra Theologorum. P. Utinam vos hoc monitum observaretis, & vel Philosophiâ cum Theologia, vel Theologiam cum Philosophiâ non confunderetis! Minimè turbant quæstiones meæ distinctionem facultatum. Ego Theologiam doceri nolo à Juris, Medico, vel Philosopho. Non docet quæstio veritatem, sed eam inquiri. Permittetis credo, ut Juris, Medicus vel Philosophus possit veritatem à Theologo investigare. Nolumus involare in castra Theologiæ, expectamus informationem in vestibulo. S. Certè non pertinent hæc quæstiones ad Cathedram tuam. P. Neque etiam in cathedrâ meâ vel proposui eas, vel proponam. Relinques vero locum, si talia vellem quærere in subselliis auditorum vel opponentium, qui nihil aliud quam quærentes esse debent.

§. VI.

S. Minimum valdè periculosa est hæc licentia. P. Periculosa utique, sed errori, sed vitio. At eo major utilitas inde in Rempublicam redundabit. Periculosa etiam res aliquando quærenti, quia veritas odium parit, quia qui veritatem quærent, multa damna patiuntur à potentia errantium & vitiosorum. Sed hoc indicium esset malè constitutz Reipublicæ. Et si non esset etiam, quid istud periculum ad te?

§. VII.

S. Imò potius periculosa toti Reipublicæ, quia possunt sub prætextu hujus licentiæ etiam errores valde perniciosi in Republicâ disseminari. Nam quid si quis v. g. ex principiis Jesuiticis quæreret: *Annon liceat principem interficere?* Et responderet, id sibi videri? *P.* Is haud dubiè peccaret, non quærendo, sed respondendo, quia etiamsi responsionem pro dubitatione vellet habere, dubitaret tamen sine justâ ratione. At defendendo saltem licentiam dubitandi cum ratione. Et magis vos ferit hæc objectio quam me. Quot extant disputationes de tyrannicidio? quot limitationibus additis admittitur interfectio principis tyranni? aut si non admittitur, sed magno conatu omne tyrannicidium refutatur, minimum iste refutans sententiam quam refutat, habet pro verosimili, vel dubiâ, eo ipso quod tanto conatu refutat. Quis enim unquam disputavit contrâ hominem v. g. negantem bis duo esse quatuor? aut contrâ Cartesianum, qui dum vigilat, dubitat, an habeat manus vel pedes: an vigilet vel dormiat? antequam istud suum: cogito, ergo sum, invenit. Uti enim contrâ negantem principia non est disputandum, ita contra dubitantem absque ullâ ratione etiam disputandum non est.

§. VIII.

S. Sophista es, vis me per hunc discursum averterere à scopo. Per alias necessarias consequentias possum ostendere damnosam esse Reipublicæ licentiam tuam. *P.* Audiam, modo sint tales consequentiæ necessariae, quas necesse non sit prohibere. Scies enim haud dubiè, istam licentiam nec tendi necessarias consequentias, quâ multi abutuntur in contumeliam honestorum virorum, in turbas Reipublicæ, hic per Dei gratiâ esse prohibitam. Neque graviter ferēs, quod hæc moneam, quia jam sæpius contumeliosis nominibus me insectatus fuisti. *S.* Apage. Ista potius turbæ, ista calumniandi licentia ex tua doctrina sequitur. Quid si enim quis cum ratione aliquâ verosimili quærat? Annon Titius sit scortator. Iatro, improbus? &c. Vides quanta fenestra aperiatur omnibus nequitiis.

P. At

P. At quis tibi dixit, quod hæc licentia sequatur ex doctrina meâ? Annon suprà dixi, illicitas esse quæstiones, quæ pro fine voluntatem, gloriam & odium habent? Quod si hæc nondum videantur satis clara, aliis modis evitabitur ista objectio: Permittatur licentia quærendi, sed ne quid fiat in fraudem legum, ne quid fiat contra bonos mores. Aut: Permittatur licentia quærendi publicè, circa universalia, circa singularia maxima adhibeatur cautio.

§. IX.

S. Sed cur præcisè prætendis licentiam quæstiones ejusmodi publicè proponendi. Si privatim fierent, tolerari possent. At publicè si fiant, multa possent oriri scandala. *P.* Vide quam insidiosè agas. Si de privatâ licentiâ quævissem, dixisses, eam esse criminis suspectam, quia privata esset, nunc cum suspicionis hujus avertendæ causâ publicam elegi, suspicio scandalorum adest. Ita nunquam quæ vobis displicent, sine scandalo sunt. Et ipsa adeo veritatis inquisitio vobis scandalosa est. Est scandalum acceptum Domine, non datum, est scandalum pro Hypocritis & Sophistis, non pro veritatis & virtutis amatoribus.

§. X.

S. Quid si ergo Princeps aliquis hanc licentiam tibi tolleret, diceresne: Principem erga te peccasse? *P.* Responde mihi prius, si Princeps tibi sine causa licentiam exspatiandi extra portam auferret, diceresne: Principem erga te peccasse? *S.* Jam ego ex te quæro. Tuum est mihi respondere. *P.* At hæc quæstio inanis est, quia pro fine odium habet, quia hac quæstione novam causam criminandi quæris, quia crimine læsæ majestatis, more seculi Tiberiani, me involvere cogitas. Est hæc quæstio injuriosa in *PRINCIPEM OPTIMUM*, à quo absit, ut Eum suspicemus rem justissimam & utilissimam prohibiturum esse. Absit, ut timeamus tempora ni fallor Dionysii, sub cujus imperio non licebat publicè colloqui aut flere.

§. XI. §.

§. XI.

S. Ain vero licentiam hanc quærendi habere usum in Republicâ? P. Equidem magnum. Veritatem invenire absque quæstione non possumus, quæ quæstio quò magis publica est, eò magis occasio datur aliis nos in hac intentione adjuvandi. Errores & Ignorantiam quæ sub larvâ sapientiæ regnant, non melius oppugnare possumus, quàm quæstionibus. Assertionibus si eam aggrediamur, parata est excommunicationibus, igne, gladio, fuste, exilio. At dum ignorantia quæstiones proponim9, dum ignorantiam nostrâ profiteremur, & oramus informationē quàm dare non potest, dum nihil firmiter asserim9, non potest ita facile quæstio pro crimine traduci, non potest non ignorantia seipsam publicè prostituere. Ita Socrates Sophistas aggressus est, ita Christus Phariseos confudit. Et hæc causa est, cur licentiam hanc nemo magis odio prosequatur, quàm Sophistæ & fratres ignorantia.

§. XII.

S. Quid ais pessime? An me pro Sophista habes? Non quiescam, nisi te cum licentiâ tuâ è Republicâ ejecero, ne quid dicam gravius. P. Addendum erat: Si Deus voluerit, Qui si voluerit, in ipsius placito acquiescam. Neque enim hæc objectio distinctione resolvitur, sed patientia.

TANTUM.



Q. F. F. Q. S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem XI. & XII.

De
**ORDINUM IMPERII LIBERTA-
TE, AC DE ÆRARIO ET
COLLECTIS,**

Cum adjuncta Qvæstione

*An doctrina juris Romani de Servis
magnum habeat usum in Servis
nostris à Turcis captis?*

Publicè ventilabunt

*Die XXI, Septembr, M DC XCIII, à X, ad XII,
& pomeridianis à III, ad V.*

CHRISTIANUS THOMASIUS,
& Respondens
JOHANNES HEINRICUS Schlüter /
Berolinensis.



QVÆRO VI.

An doctrina juris Romani de Servis
magnum habeat usum in servis nostris à Turcis
captis ? Non videtur.

§. I.



Vi magnum usum Juris Romani in
foris Germaniæ esse defendunt, de primâ ta-
men personarum divisione communiter fa-
tentur, Institutiones Justiniani non ma-
gnum usum habere, partim quod differen-
tiæ libertinorum & horū ab ingenuis à Justi-
niano ipso jure novo sint sublata, partim quod & totum jus Ju-
stinianeum ob servitutem inter Christianos sublatam, hâc par-
te applicationis occasionem ad facta apud nos obvenientia
nullam habeat. Quæ ratio si sola esset, uti communiter sola
profertur, sequeretur minimum, jus Romanum aliquem usum
habere in servitute, quæ hodiè moribus Germaniæ non est sub-
lata, qualis experienciâ testante, obtinet intuitu infidelium
â nobis captorum & vice versâ intuitu nostrorum ab infideli-
bus captorum, quia servi etiam sunt apud Romanos, qui ab ho-
stibus capti sunt.

§. II.

Sed nos alias subesse rationes arbitramur, quod jus Roma-
num apud nos in hâc materiâ nullum habeat usum, quia vi-
delicet ut alibi docuimus, non latius usum habet Jus Roma-
num, quàm quatenus in Germaniâ est receptum, uti verò in
paucissimis materiis receptum esse ibidem diximus, ita & vide-
tur in materiâ servitutis, quæ apud nos adhuc frequentatur, non
esse receptum, imò (quatenus Civile est, & capita juris naturæ

ac gentium circa servos non repetit,) nec recipi potuisse. Posset hæc materia justo tractatu expediri; at cum & temporis & chartæ sit habenda ratio, per indicem saltem ac summam eam tractabimus, & propterea nec leges Romanas allegabimus. Cave tamen putes nos absque lege loqui. Is enim cum lege loquitur, non, qui plauftra legum allegat, sed qui loquitur ea, quæ legibus continentur.

§. III.

Et initio quidem apud nos servi tales nascuntur ex ancillis nostris, quia ratio naturalis hoc vult, ut partus sequatur ventrem. At non fiunt ex captivitate omni, uti apud Romanos, sed saltem si ab infidelibus capiantur. Cur vero sit sublata servitus inter Christianos, communiter hæc ratio assertur, quod sit inter eos bellum plus quam civile. Quæ mihi semper fuit suspecta visa. Et si enim thesis ipsa de bello plus quam civili rectè explicata tolerari possit, connexionem tamen non video, quia eadem ratio svadebat quoque bella esse non debere inter Christianos. Sepono tamen disquisitionem eâ de re ad occasionem aliam. An & nostri capti ab infidelibus apud nos pro Servis habeantur? valdè dubito. Sed puto eos & patriam potestatem, & jus Conjugii, & Dominium rerum suarum, & testamenti factionem &c. retinere, cum in his capitibus magis sequamur Jus Divinum & Jus Gentium, quam Jus Romanum, & Peregrinis conjugium, patriam potestatem, Dominium & testamenti factionem sine dubio indulgeamus. Unde nec fictio legis Corneliz, nec fictio juris Postliminii, nec aliz subtilitates Romanæ huc pertinentes habebunt locum apud nos.

§. IV.

Fiebant etiam servi apud Romanos, si quis liber homo pretii participandi causa se venundari passus sit, si sententiâ in servitutem condemnatus fuerit, si ingratus à patrono fuerit revocatus, quæ omnia etiam in Turcis manumissis apud nos

cessare arbitror , quia causa quæ Romanos ad illam primam
pœnam impellebat, apud nos cessat, quia servitus pœnæ sub-
lata est, quia ingratitude causas Romanis hoc passu usita-
tas ignoramus, & genius Germanorum est, ut ingratitude apud
iplos tanto rigore non puniatur.

§. V. *Germanorum ad gloriam*

Igitur si statum Germaniæ cum statu Italiæ & Romano
conferre velimus, deprehendemus, quod alius longè status sit,
liberorum hominum & horum servorum apud nos quàm olim
apud Romanos. Magna privilegia Civium Romanorum e-
rant, quibus etiam viliores de plebe gaudebant, quæ liberi &
cives, neque distinctio hâc parte erat inter rusticos & urba-
nos homines, nisi fortè in eo, quod rusticarum tribuum cives
olim apud Romanos pro nobilioribus habebantur, quàm ur-
banarum. Ipsi Romani cives magnis abundabant opibus,
& plurimi inter ipsos Principes divitiis, splendore, luxu æqua-
bant. Inde tot servorum diversissima munia, inde tantus
mancipiorum numerus, ut Lege Fusiâ Caniniâ cautum
fuerit, si quis ultrâ centum servos haberet, non posse manumit-
ti, nisi partem quintam, ita tamen ut ultrâ centum manu-
mittere non liceret, h. e. etiam si quis ultrâ quingentos habe-
ret, quem casum frequenter fuisse obvium verosimile est, aliàs
de eo non fuisset lex concepta. Servi ipsi in tantâ copiâ edu-
cabantur & aptabantur ad mores Romanos, & nulla differentia
videtur observata fuisse, quàm conditionem apud Suos obtine-
rint capti, ita ut etiam nobilissimi in servitute retinerentur,
& sæpè plebejis servirent, neque alia spes emergendi quàm
applicatio vel ad bonas artes, vel ad insigniter malas, & cum ma-
gnâ astutiâ conjunctas. Hinc non solum multi servi, præpri-
mis novioribus temporibus, ubi Jus vitæ & necis erat subla-
tum, reipsâ non deterioris conditionis erant, si non melioris,
quàm apud nos Aulici apud quosdam Principes vel parum po-
tentes, vel parum divites, sed & sæpè spem habebant partici-
pan-

pandi imperii summi, quod tot querele apud Historicos de Potentiâ Libertorum testantur. Apud nos autem pleraque sunt inversa. Olim quidem, cum adhuc sciremus, in eo Romanis eramus æquales, quod nobilissimi essent rustici & vilissimi atque mancipia urbes incoherent. At hodiè cultura morum uti alia damna infinita, ita & hanc introduxit, quod ambitio urbanos quidem suprâ rusticos extulerit, sed & his tamen nobilitatem ademerit. Unde libertas solâ potentiâ & divitiis æstimatur, viliores de plebe nomine liberi sunt, re mancipia ditiorum & potentum, rustici verò in multis locis, non dicam durius tractantur quam nequissimus vappa inter servos Romanos, sed quam bestiarum, cum multi canes delicatius sustententur cibo, potu, lecto, quam multi rustici. Et tamen isti divites, isti potentes, ad potentiam & divitias civium Romanorum ne minimam partem comparandi sunt. Et quotus quisque est inter nos privatos, qui vel viginti mancipia sustentare possit? unde nec alia ferè officia servorum nostrorum sunt, quam ut stabularii sint, vel pedisequi. Servi ipsi in tantâ copiâ apud nos non sunt, & per brevissimi temporis spatium hætenus vix mille mancipia per totam Germaniam dispersa in bello cum Turcis capta sunt. Horum ingenia horrida, ferocia, truculenta, & ad culturam parum apta. Neque curamus eorum educationem, aut aptationem, qui ne liberorum quidem nostrorum debitam habemus curam. Præterea vilissimos cepimus, & qui apud Gentem suam in aliquâ dignitate fuerit, inter mancipia vix conspicitur. Et tamen sæpè his hominibus tot & tanta crimina indulgemus, ut reverâ magis liberi sint, quam qui liberorum nomine gaudent, & non inaudita sint exempla etiam stuprorum violentorum in liberas ab iis impunè commissorum.

§. VI.

Status diversitas diversum Jus facit, & status modo memoratus liberorum pariter atque servorum, apud Romanos occasionem dedit multis legibus servos concernentibus, quæ non

possunt non ad statum Germanorum diversum parum apta esse. Consideremus paululum potissima earum legum capita. Habent Domini nostri nullum jus vitæ & necis in servos à Turciscaptos, non quod Jus Romanum ista disponat, sed quod jus vitæ & necis nullus privatus apud nos habeat. Coercitio modica Dominis concessa est, quæ ex Jure Gentium provenit, non ex Jure Romano. Possset & ex eodem Jure Gentium Dominus per Turcos captos acquirere, sed tam exigua sunt quæ ipsis donantur, ut turpe habeatur, si Dominus id lucellum Turcæ suo velit auferre, nisi fortè vestimenta magis luxuriantia ei perillas donatiunculas comparet. Si heredes instituerentur apud nos servi ejusmodi, locum quidem obtineret non solum Jus Gentium, sed &, si quæ hæc parte specialia disposuit Jus Romanum, quia in materia testamentariâ est receptum in Germaniâ; sed rationes, cur apud Romanos non ipse Dominus institueretur, sed servus, in nostris Turcis vix locum habebunt, ut casus aliquis sperandus sit, quo mancipium Turcicum sit institutum. Testamenta non faciunt quidem Turcæ nostri, non tam quod servi sint, sed quod nihil habeant de quo testentur, etiam si Domini, ut dixi, donaria iis relinquant.

§. VII.

Multa dicuntur in Jure Romano de servorum peculio, quia & ditissimi erant Romani, qui servis peculia varia concedere possent, & aptissimi servi ad ea administranda. Utraque ratio cum in Nobis & Turcis nostris non inveniatur locum, inde & exiguum usum habebunt illæ quæstiones Romanæ de peculio servi legato, cui post manumissionem peculium debeatur, &c.

§. VIII.

Actiones noxales plus æquitatis naturalis habent, quam subtilitatis civilis. Sed cum alibi dixerimus, apud nos cessare actionem furti & vi bonorum raptorum, cessabunt haud dubiè etiam istæ noxales. De damno dato & injuriâ possent obtinere, sed

sed partim quod potentiores saltem ejusmodi mancipia habent, contra quos viliores parum obtinent, partim quod noxae deditio plus oneris quam commodi allatura sit plerumque auctori, & has rarissime in usum venire arbitror,

§. IX.

Jus naturæ dicitur, rem meam vendi posse. Unde & mancipia Turcica vendi poterunt. At dispositiones Juris Romani non habebunt locum in mancipiis nostris. Credo superfedere posse advocatum in addiscendis tricis Juris Romani, quæ in titulo de Ædilitio Edicto occurrunt, circa venditionem mancipiorum Turcicorum. Si enim ne quidem in venditione jumentorum observatur Jus Romanum, multo minus observabitur in venditione mancipiorum, præprimis quia in Nævis Jurisprudentiæ Romanæ ostendimus probabiliter, Ædiles hoc edictum publicasse, ut dissidia multiplicarentur in populo. Taxatio etiam servorum, quæ in constitutione Justiniani de communi servo manumisso præscripta est, apud nos non habebit locum, partim quia distinctiones officiorum aut qualitatium, secundum quas diversa ibi taxa imponitur, ad nostros Turcas non quadrant, partim quia quæ ibi de notariis, medicis, evnuchis disponuntur, ex rationibus desumpta sunt, quæ apud nos longè aliter obtinent.

§. X.

Manumissio servorum hodiè fieret saltem Jure Gentium ex Regulâ, nihil est tam naturale, quam ut voluntas Dominorum, de re suâ disponentium effectum sortiatur. Unde quemadmodum jam tempore Justiniani manumissio per censum exoleverat, ita haud dubiè rideretur, si quis privatus vellet Turcam suam manumittere, vindictâ. Neque in Ecclesiis id commodè fiet, quia manumissio in Ecclesiis ideò olim facta, quod omnes contractus alicujus momenti ibi celebrabantur. Illa tamen in testamento habebit locum. Inter amicos & per Epistolam etiam adhiberi posset, sed duobus saltem testibus ad-

adhibitis, cum quinque testes apud Romanos videantur ex eadem causâ esse adhibiti, ex quâ quinque testes in testamento olim adhibebantur, quæ ratio apud nos non obtinet.

§. XI.

Quodsi tamen manumittatur, id parum proderit Domino ad jus Patronatus. Quî enim illud exercere posset, cum Turca manumissus non possit fieri civis, quippe neutri ex tribus Religionibus quæ in Imperio tolerantur, addictus. Ergo non in alium finem obtineret manumissio, quam ut possit securè in patriam redire. Id tamen obiter notes, parum cohærere mores nostros, qui religiones omnes tolerant in mancipiis, non in liberis hominibus, adeoque mancipia melioris conditionis sunt hoc respectu, quam liberi. Qualis absurditas?

§. XII.

Sed ponamus, etiam apud nos manere manumissos. Non videtur jus Patronatus ad mores quadrare. Operæ fabriles propriè ad id non pertinent, quia debebantur ex promisso. Sed honorariæ & officiales ex moribus magis Romanis oriebantur, quas si apud nos manumittens exigeret à manumisso. v.g. ut in curiam comitaretur, in templum &c. rideretur, nisi post manumissionem ex contractu locationis id debitum deduceretur. In materia successionis ab intestato non sequimur ubique Jus Romanum, & ubi sequimur, (quod & de successionē testamentariâ intelligendum est,) saltem recepimus & introduximus in successionē liberorum hominum. Igitur quæ

Jus Romanum de Successione Patroni disposuit,
quia apud nos receptum non est,
non obtineret.

TANTUM.



L. F. F. L. S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem XIII. & XIV.

De
**ELECTORIBUS, COMITIIS,
COMPARATIONE ORDINUM
ET VOTIS IN COMITIIS.**

Cum adjuncta Quaestione

*An Favorabilia & Odiosa in materia
de interpretatione definiri
possint?*

Publicè ventilabunt

*Die XXIX, Septembr. M DC XCIII, horis antemer. à X. ad
XII. & pomeridianis à III. ad V.*

CHRISTIANUS THOMASIUS,
& Respondens
IOHANNES DANIEL WOLFART,
Hanovjensis.

G *Quæstio* QVÆ-

QVÆRO VII.

An Favorabilia & Odiosa in doctrina de
interpretatione definiri possunt?

Non videtur.

§. I.



Nomnium ore sunt regulæ, dum de in-
terpretatione pactorum & legum agitur: *Favorabi-*
lia esse latius, odiosa strictius interpretanda: Item: *Fa-*
vorabilia esse extendenda, odiosa restringenda, quarum
explicationem potissimum suscepit Hugo Grotius
in capite de interpretatione Libri II. de J. B. & P. Inten-
di verò in Institutionibus meis Jurisprudentiæ divini Lib. II. cap. 11. §. 160.
usque ad 176. ostendere, has regulas nullum habere usum in materia
interpretationis, quin potius aptas esse, ut sub earum prætextu in-
terpretationes cavillatorix & ineptæ possint salvari. Rationes ibi vi-
de. Est verò inter eas non infima, quod obscurissimum sit, quid
sit favorabile vel odiosum, cum omne, quod uni favorabile est, al-
teri odiosum sit, adeoque favorabilia & odiosa non possint descri-
bi. *vid. d. l. §. 169.* Postea cum Halæ Anno 1691. de nævis quibusdam
Jurisprudentiæ disputarem, inter corollaria disputationis senten-
tiam illam repetii: *Falsum esse Brocardicum J. Ctorum de Favorabilibus exten-*
dendis & odiosis restringendis, neque enim definiri posse, quid sit favorabile,
quid odiosum?

§. II.

Res autem ipsa ostendit, hic non agi 1. de definitione favoris &
odii, sed de definitione favorabilium & odiosorum, neque sequi, de-
finiri posse favorem, ergo & favorabile, non magis quam definiri
posse amorem, ergo & amabile. Etenim non sufficit dicere, quod
favorabile &c. sit objectum favoris, non enim quærimus notionem
generalem conceptus nostri de favorabili, sed definitionem rei ipsi-
us, ita ut per eam favorabilia ab odiosis in exemplis omnibus aut
certe plerisque discernere possimus. Deinde cum favorabile vel no-

tet

tet ens favore dignum aut favorem merens , vel ens , quod pro favorabili ab hominibus habetur , quorum illud possis appellare favorabile juris , hoc favorabile facti ; patet 2. favorabile juris pertinere ad Philosophiam moralem & à præsentī quæstione esse alienum , cum interpretatio pertineat ad Logicam , & quærat , non quid homines pro favorabili habere debeant , sed quid in pactis aut legibus pro favorabili habuerint . Nam interpretatio non quærit primariò , quid alter dicere debuerit , sed quid voluerit . 3. Adeoque ad favorabile facti pertinere etiam id , de quo agit Jus humanum . Quia legislatores non solum non semper in legibus id observant , quod debebant , sed & quod leges humanæ versentur in rebus indifferentibus , ad utilitatem Reipublicæ pertinentibus , quæ utilitas cum variet , & res , quibus faveant in ferendis legibus variare necesse est .

§. III.

Quibus ita præmissis , ad oculum patet sententiam meam à natura rei esse petitam . Ea , quæ facti sunt , non possunt definiri , quia infinitis modis variant affectus humani , neque certam normam sequuntur . Unde & laudabile , & amabile , & favorabile , & in genere omnia affectuum humanorum objecta nullà definitione possunt comprehendī , sed uti quid laudatur ab his , culpatur ab illis , ita & rei alicui favetur ab his , non favetur ab illis . Adde quod , cum dixerimus , omne , quod in pactis & legibus uni favorabile est , alteri odiosum esse & vice versâ , & vero , etiamsi concedamus , à potiori faciendam hîc esse denominationem , tamen librâ expendendi id , quod potius est , hîc deficiat ; etiam inde illa impossibilitas definitionis elucescat , cum duo possint pro diversitate affectuum , unam eandemque rem diverso favoris & odii gradu prolequi .

§. IV.

Quæ cum ita evidentissimè se habeant , fateor , me mirari , quid moverit Clarissimum Placcium , ut in nova editione tractatus de *Jcto perfecto* , non solum capite IX. p. 269. hoc corollarium meum notaret , sed & in adjunctis eidem Musis Juridicis huic corollario meo refutando peculiare opusculum in ordine sextum , cui titulus : *Idea Tractatus Juridici Methodici Theoretico-Practici de favorabilibus & odiosis in jure* destinaverit , cum tamen nil minus ibi disseruerit , quàm quod sententiæ huic meæ contradicat , sed reverà ærem verberaverit , non meum corollarium . Age videamus . Ego verò , ait , p. 177.

Musar. Jurid. postquam corollarium meum recensuisset, jam dum ante annos bene multos Ideam hanc in chartam conjeceram, & cum auditorum meorum aliquibus etiamnum eandem asservantibus communicaveram, & ODII atque FAVORIS affectus in Rhetoricis meis excerptis, quin & Ethices compendiolo ita definitos dederam, ut nihil inde facilius existimarem, quam definitiones FAVORABILIIUM & ODIOSORUM conficere, vel certè quod confici possint, videre. Neque sine meis hisce scriptis, vel ex Aristotele adeò idem non confici etiamnum posse mediocri meditatione putem. Et si quidem non possint talia desiniri, de totius Ethices & Rhetorices optimis partibus scientisè tradendis desperata res foret. Quippe quæ non minus facilius definitu affectuum, distincta notitia & scientifica, sine accuratis definitionibus nullo habenda modo nituntur. Imò & de illà ipsà, quam vel præcipuè Vir Celeberrimus, ut sibi primitus constitutà, latentes animi affectus & mores divinandi arte concludatur foret omninò. Quid opus tot verbis in adstruenda possibilitate definitionum favoris & odii? Qvis eas negavit? Cur fluctus in simpulo movet Vir Clarissimus? A favore autem & odio ad favorabile & odiosum jam negavi consequentiam §. 2. quam si non ostendat, uti propter dicta §. 3. ostendere nequit, verba illa omnia modò recensita in cassum sunt prolata.

S. V. Pergit: Quamobrem opera omninò pretium duxi, hæc meditationa mea oppidò quàm imperfecta modeste proponere, ut Practica Philosophia Rethoricaque artis tam nobiles partes æquè ac Jctorum tot numero tantæque autoritatis consensum à suspitione tam indigna ipsis & noxia liberarem: aut certè in quonam illud aduvarum desinendi tam obvia consisteret, amplius edocerer. Cui sanè rei non suffecerit fortè meas definitiones vellicasse vel evertisse, si fieri queat etiam, penitus, sed solidà demonstratione ostendisse oportebit; meliores etiam & sufficientes, vel speciatim saltem explosis adeò novè regulis interpretandi iisdem superstructis, nullas dari. Quod qui fecerit, na is erit mihi magnus Apollo, meque illi Minerval debere, nunquam diffitebor. Equidem mihi nec cum Philosophia Practica, nec cum Rhetorica hîc quicquam negotii intercedit. Loquitur ipsum corollarium, quod in regulis interpretandi aliquid moneam. Autoritatem tot Jctorum istam Pseudoregulam adhibentium si defendere voluisset Vir Clarissimus, non debuisset committere aut affectare ignorationem Elenchi. Vix enim mihi imaginari possum, quod Vir Cl. revera ignoraverit, de qua re agatur. Et si enim objectiones suas saltem contrà corollarium direxerit, multas tamen rationes habeo, quæ mihi persvadent, Institutiones

tiones meas Jurisprudentiæ divinx ab ipso non obiter fuisse lectas. Ipsa obliqua censura, quæ p. 116. in *Idea Jcti Romano-Germanici perfecti* quæ & ipsa pars est Musarum juridicarum, doctrinam meam de Jure divino positivo universali notat, id abundè testatur. In specie verò caput meum de interpretatione ipsi probè lectum esse ostendit censura similis in *ipso tractatu de Jcto perfecto cap. 2. p. 27.* Jam si legerat, quæ in dicto capite de interpretatione §. 164. 169. dixeram, cur favorabilia & odiosa definiri nequeant, rationes illas meas aggredi, & Grotium, contrà quem ibidem disputo, defendere debuisset, non inanes querelas contra me movere. Definitiones ipsius non vellicabo, quia nihil ad me. Demonstrationibus non amplius opus, quia jam factæ sunt. Et tamen nec minerval exigo à Viro Clarissimo, nec ut me pro magno Apolline habeat, postulo, contentus, si me sinat esse Thomasiū, & monitiones has meas, ut promissit, non ægrè ferat, aut ad §. 3. hujus disputationis respondere velit.

§. VI. Ergo transeant illa omnia, quæ Vir Clarissimus p. 179. 180. 181. de favoris & odii definitione, deque favorabilibus & odiosis in jure disserit, quippe quæ salvâ sententiâ meâ, vel rectè vel secus se habere possunt. Propius ad me pertinent, (an pro me planè contrà ipsum Virum Clarissimum faciunt?) quibus ideam hanc claudit. Ita enim inquit. *Quamvis autem ex hisce fundamentum peti possit omnium favorabilium & odiosorum juris, quia tamen 1. varia in eandem personam, rem & actionem incidere possunt, quorum alia sint odiosa, alia favorabilia, 2. in actionibus plerisque plures personæ conveniunt, aut opponuntur, alie aliis minus odiose vel favorabiles, 3. varii sunt gradus favoris & odii, prout magis aut minus egeat ac mereatur persona velearum actiones: Hinc multa adhuc meditatione in istis omnibus comparandis ac decidendis opus erit ad specialia, imò specialissima, proindeque praxi circa singulariâ versanti demum maximè accommodata præcepta, methodicè scientificèque elaborata sistenda. Necessè namque fuerit, certas favorabilium singularum proportionēs, certa momenta sive pondera, & fortassis horum iterum certos gradus constituere. Quod ipsum sanè perquam erit difficile, quemadmodum illud expertus est Claromontius in causis moralis Semeiotices lib. 4. ponderandis. Atqui hoc ipsum est, de quo in Instit. Jurispr. div. d. c. 11. lib. 2. §. 169. & hic §. 3. conquestus sum, nisi quod ego dixerim, talia definire esse impossibile, Vir Clarissimus autem difficile esse saltem judicet. Accedit, quod ego, ut dixi, loquar de favorabilibus facti, ipse autem apertè de favorabilibus juris disserat. Unde novum meæ sententiæ accedit robur. Si enim Vir Clar., valde difficile esse constitetur definire favorabilia juris,*

G 3

quid

quid dixisset, si perpendere voluisset, sententiam meam de favorabilibus facti esse conceptam, aut quid ipse asseruisset, si modo considerare voluerit illam infinitam variationem favorabilium facti?

§. VII. Sed fortè novum argumentum adversus me desumi poterit ex illa norma, quam Vir Clar. suppeditat circa justam definitionem et si difficilem favorabilium juris. Age ex ipsomet cognoscamus. Ita enim suam hanc Ideam Tractatus Juridici Methodici Theoretico-Practici de Favorabilibus & Odiosis in jure claudit: *Qua de causa lineolas hasc & ulterius deductas, nedum coloribus suis vivis illustratas, dare nunc prohibemur: aliis otio & ingenio praevalentibus id laboris etiam relinquentes. Quem non parum sublevabunt collectanea tot ab aliis edita, nec omnia aequè inordinata & confusa, quia huic nostrae methodo satis facile queant adaptari, tum de favorabilibus & odiosis in genere, tum de personis & rebus actibusque certis variis speciatim, quae ex Lipenii aliorumque Bibliothecis, meisque excerptis describere, ac disputationes non contemnendas eodem pertinentes ex mea etiam Bibliotheca illis adscribere nunc non vacat. Usuro tamen cuique & hoc opus aggressuro non denegabo. Cui, ut quam optimè labor hic cedat susceptus, ex animo precabor etiam, & quae posse me siverit ipse, Deusque, abjuvabo & lubens. Mallet, talia non excidisse Viro Clarissimo. Mallet, considerasset, quod titulus opusculi promittat ideam tractatus de favorabilibus, adeoque Lectorem haud quaquam spe inani lactasset, qui certè nil minus expectare potest in hac idea, quam generalia saltem & communia de favorabilibus in genere, de quibus nemo dubitat, sed titulum hunc legens vel maxime expectat primas saltem lineas circa modos istam difficultatem definiendi favorabilia in specie. Ergo hinc Rhodus erat. Quid dixisset Vir Clarissimus, si ego ideam tractatus cujusdam adversus ipsum promississem, & postea ubi ad rem perventum esset, & potissima capita, alios ad id opus faciendum promissione libellorum meorum aut locorum communium, vel ablegatione ad Bibliothecam Lipenii fuisset adhortatus? Hoc non est Ideam justae tractatus delineare, sed alios ad formandam sibi aliquam ideam de re, cujus nos ipsos ideam non habere inviti profiteamur, excitare. Ego verò svadeo illis, qui otio & ingenio abundant, ut ea non frustra impendant, cum apertè videant, neque Lipenium, neque excerpta, neque disputationes, Viro Clarissimo quicquam profuisse, ut ipse sibi justam ideam de favorabilibus & odiosis formare fuerit ausus.*

§. IIX. Quamquam & id monitum addere jubeat supra §. 2. exposita negotii, de qua agitur, natura, Virum Clarissimum & in titulo & in operis

operis delineatione non debetè distinguere favorabilia juris moralis, à favorabilibus juris positivi. Definitiones in delineatione traditæ pertinent ad favorabilia juris moralis. At quæ in tractatu de Jcto perfectò cap. 9. p. 269. seq. prolixè de interpretatione favorabilium collegit, ad favorabilia juris positivi pertinent. *Ex mente itaque*, ait p. 271. *seu Justiniani seu Triboniani, favorabilia sunt* &c. quæ nos meritò suprà d. §. 2. ad favorabilia facti retulimus. Aliud enim est scire, quid Justinianus pro favorabili habuerit, aliud quid pro favorabili habere debuerit. Favit Justinianus in favorem Conjugis sexui muliebri in mitiganda poena adulterii, qui favor tamen non magis ac error jus facit. Nec est, quod opponas, favorabilia tamen hæc etiam facti, per dicta à nobis d. §. 2. pertinere ad doctrinam interpretationis. Nam respondeo. Si ipsa lex dicit & inculcat, Justinianum rei alicui in legibus fuisse, interpretatio hujus legis Grammatica est, non Logica, quam quærimus. Neque poterit ille favor in regulis interpretationis Logicæ adhiberi, si non velimus dare occasionem interpretationi calumnianti. Ita notum est, quàm ineptè, quàm impiè sæpius Pontificii, favorem causarum piarum, quæ & ipse Vir Clarissimus p. 271. in catalogo rerum favorabilium refert, adhibeant ad extensiones nescio quas. Ita rideretur, si quis seductus favore Justiniani erga sexum fœmineum, illum vellet adhibere ad mitigationem poenæ in delictis aliis, &c.

§. IX. Addo; neque coherere regulas Viri Clarissimi de interpretatione favorabilium & odiosorum. Ex pluribus, quæ in hanc rem afferri poterant, pace ipsius unum saltem exemplum assero. p. 274. dicit Vir Clarissimus: *Odiola strictius esse interpretanda*, & inter quodiosa ibidem refert *penarum inflictionem* earumque exasperationes. Ipse tamen in *Musis Jurid. opuscul. 1. p. 27.* inter erroneas regulas refert illam: *pœnales leges non esse extendendas*. Scio quidem ex communi sententia posteriorem hanc propositionem pertinere ad interpretationem extensivam, priorem ad declarativam (secundum Virum Clarissimum Musar. *Jurid. p. 94. 95. 96.* ad interpretationem hypercriticam electitiam internam perfectivam), adeoque non videri contradictionem subesse. Sed scio etiam communiter Doctores, qui statuunt pœnalia tanquam odiosa strictius interpretanda esse, etiam dicere: Pœnalia non esse extendenda, à quibus adeò Vir Clarissimus per istam distinctionem non bene videtur dissentire. Si enim (secundum ipsum) pœnales leges rectè extenduntur, multò magis (contra ipsum) eadem in laxiori significatione sunt explicandæ. Rem declaro exemplo. Lex pœnalis est: qui frumentum exportat, puniendus est. Hæc lex quamvis pœnalis, rectè extenditur ad farinæ exportatores. Cur ergo eadem non etiam in lata acceptione esset explicanda, ut sub se omnes frumenti species comprehendat, si modo ratio legis non obstat. At si hæc obstat, tum stricta interpretatio certè non desumetur ab eo, quod lex sit odiosa.

§. X. Eadem observatio suppeditat adhuc aliud monitum circa totum ejus tractatum. Suggillat Vir Clarissimus p. 27. tractatus & me, Pufendorffium & me, quod cum meliora Grotio dare desperaverimus, ferè *κατὰ μόδα* eum sequamur. Sit ita, quamvis adhuc non pauca adversus hæc regere possimus. Quæro ex Viro Clarissimo: Quem usum habeat ipse tractatus de Jcto perfectò, seu de interpretatione Legum? Lego in indice centum species interpretationis, quas ipse excogitavit, ad quas intelligendas minimum anno opus est. Putatne Vir Clarissimus: effictione terminorum novorum melius Grotio se illustrasse doctrinam de interpretatione? Putatne meliores progressus facere juvenem, si discat: regulam aliquam pertinere ad interpretationem hypercriticam electitiam internam perfectivam, quam si notet secundum doctrinam communem, eam pertinere ad interpretationem declarativam?

tivam? Atqui hoc est rem intricare, non explicare. Porro regulas interpretationis in tractatu numerat omnino 344. Quanto tempore putat Vir Clarissimus opus esse, ut juvenis eas non dicam, intelligat, (nam pleræque nihil significant, & sunt mei sine mente soni,) sed memoris teneat, & si teneat, cui usui? Non jacto mea, sed si quæ bene posui, divinæ gratiæ ea adscribo, si quæ malè, mihi. Interim ut paucis me expediam: Repetii post Grotium & Pufendorfium, Duumviros de interpretatione optimè meitos, doctrinam meam de interpretatione in *Praxi Logices cap. 3.* Constat tota doctrina paucis pagellis, & regulis omnino quinque vel sex, ostendique ibidem doctrinam de speciebus interpretationis rem obscurare potius. Jam suppeditet Vir Clarissimus exempla, quæ non æquè benè & longè facilius ex paucis regulis meis, quam ex suo apparatu tanto possint definiri, aut, si quæ sunt, quæ quis ex regulis meis interpretari nequeat, quæ ex ipsius tractatu resolvi possint? Quod si hæc facere nequeat, cogitet, quid communes interpretes Juris de ipsius libro dicturi sint, contra quos *Musar. Jurid. p. 127.* sic dissert: *Nos hæc tricas, tanquam cruces ingeniorum superfluas & sine ratione excogitatas, merito rejicimus; contenti, nostra præcepta suis fundamentis superstruxisse.*

§. XI.

Credo & spero, Virum Clarissimum responsiones has meas atque breviam monita non ægre laturum, sed promissionis publicæ *Musar. Jurid. p. 178.* recordaturum esse. Rationes adhibui, non verba iniqua. Quod si tamen & in ipsa veritate amarum quid propositum fuit, id tanquam præter intentionem factum deprecor, eumque invito & rogo: velit id, quod *Musarum Jurid. p. no.* oblique indicavit, proximè expedire, & rationes suas proponere, per quas putet, demonstrationem juris positivi universalis à me in Institutionibus Jurisprudentiæ divinæ tentatam in nihilum redigi posse. Cedam temper rationibus firmis, ipsique valde obstrictus ero, si me errantem in veritatis semitam reduxerit.

TANTUM,



2. F. F. 2. S.
IN ACADEMIA FRIDERICIANA
CELEBERRIMI AUTORIS

De,
RATIONE STATUS
Dissertationem XV. & XVI.

De,
VOTORUM PLURALITATE ET
ARBITRIO IMPERATORIS, DEQUE
REGIMENTIS IMPERII, DEPUTATIONE, CIRCULARIBUS, CONVENTIBUS, ET VISITATIONE CAMERÆ,

Cum adjuncta Qvæstione

An Mancipia Turcica per Baptismum manumittantur.

Publicè ventilabunt

Die V. Octobris M DC XCIII, horis antemer. à X. ad XII. & pomeridianis à III. ad V.

CHRISTIANUS THOMASIUS,

& Respondens

HENNINGUS ADOLPHUS Koch/

Hoyensis.

H

QVÆ-



QVÆRO VIII.

An Mancipia Turcica per Baptismum
manumittantur?

Non videtur.

§. I.



Diximus quæstione 6. non magnum usum
habere Jus Romanum in Mancipiis Turcicis. Revo-
cavit ea quæstio in mentem dubium jam ante aliquot
annos conceptum. Videlicet disputavit Amicus an-
te quadriennium in vicinâ Academiâ cum consen-
su & autoritate Magnifici ibidem JCtorum ordinis;
de Mancipiorum Turcicorum Manumissione Baptismo implicitâ, eamque ma-
teriam per totam servitutis doctrinam fusius executus est. Putavi
tùm statim disputari de non ente, sed autoritas ordinis Juridici ex
alterâ parte me dubium fecit, ut præsumerem, Consultissimum istum
ordinem JCtis pluribus atque celeberrimis constantem, autoritatem
suam non interpositurum fuisse, nisi ipsis de existentia hujus manu-
missionis constaret. Sed successu temporis dubium pro parte negativâ
magis magisque corroboratum est, unde, quoniam de materiâ practi-
câ agitur, non ægrè laturos arbitror & Amicum Disputationis Præsi-
dem, & Inclutum istum JCtorum ordinem, si ipsis dubia mea propo-
suero, paratus informatione debitâ accedente in ipsorum castra
transire.

§. II.

Si quæstionem: An sit? dissertationi suæ præmisset Clarissi-
mus Autor, fallillimo negotio dobia mea expedire possem. Jam au-
tem cum existentiam hujus manumissionis præsupponeret, paulo alit-
us res videtur esse rependa. Præsuppono igitur, etsi aliâs quilibet
de re sua disponere pro lubo possit, noluisse amen plerasque gentes
ob interesse publicum, & potissimum Romanas manumissionem ser-
vorum sine aliqua solennitate fieri, adeoque modos manumittendi
lege

lege publicà definivisse. Jam autem manumissio per baptismum est
ens Juri Romano planè incognitum, neque de eà diligentissimus an-
tiquitatum Romanarum in re præsentì indagator Wilhelmus a Loon
de manumissione servorum apud Romanos quicquam meminit. Neque ju-
ri Justinianæo hanc manumissionem cognitam esse indicio est, quod
Judæis in specie interdictum sit habere mancipia Christiana, quâ pro-
hibitione opus non fuisset, si per Christianismi professionem quis ex
servitute in libertatem transivisset. Jus Canonicum quod attinet,
neque in eo quicquam deprehendere potui, quod manumissioni huic
per baptismum faveret, multa vero argumenta visus mihi fui depre-
hendisse, quæ contrarium indicarent. 1. Servi non potuerunt pro-
moveri ad sacros ordines, nisi à Dominis libertatem consecuti fue-
rint. Si tamen servus sciente Domino fuerit ordinatus, ex hoc liber
habebatur & ingenuus. *Lancellotti. Instit. Juris Canon. lib. I. tit. 25. §. 2.* Er-
go servi etiam Christiani fuerunt, neque baptisma pro manumissione
valuit, sed ordinatio. 2. Servus si prius ignorante Domino ad sacra
ministeria ordinatus monachus fieri elegerit, jugum servitutis eva-
dere hoc ipso potuit, aliàs intrà unius anni spatium Domino &
servilem fortunam probare & servum suum recipere licebat. *Lancell. l.*
1. tit. 30. §. 6. Ergo monachismus demum manumissionis efficaciam ha-
buit, non baptismus. 3. Idem Lancellotus *l. 2. t. II. §. 7.* dicit, servum à
sacramentis Ecclesiæ & à matrimonio non esse removendum. Ergo
mancipia per baptismum non sunt liberata à servitute.

§. III.

Neque moribus hæc manumissio est introducta. Qvin poti-
us iidem contrarium testantur. Ipse ego in illo loco, ubi Disputatio
dicta fuit habita, patrini personam in baptisinate ejusmodi mancipii
Turcici sustinui, & nihilominus tamen Dominus æquè post baptis-
mum Dominium in servum istum retinuit, atque antè habebat, eum-
que non diu post donando alii, alienavit. Adde quod & utilitati
publicæ & principiis Christianismi videatur aliquo modo repugna-
re, si per baptismum fiat manumissio. Nam id certum est
baptismum non denegandum esse mancipiis quibuscunque
infidelibus ad Christianismum adspirantibus, etiam invitis Dominis.
At si per baptismum simul consequerentur mancipia libertatem, oc-
casio daretur, ut multi propter bonum temporale simularent d fide-
rium Christianismi, aut ut Christiani fierent propter utilitatem tem-
poralem, non propter veritatem & salutem spiritualem. Quamvis
autem notet B. Brunnem. *Juris Eccles. lib. 2. cap. 18. §. 9. p. 696.* non esse

Simoniacum, expressâ promissione alicujus rei temporalis aliquem alligere ad Baptismum vel religionem suscipiendam, graviter tamen addit Illustr. Dn. Ordin. p. 715. sine dubio illum, qui Baptismum vel religionem spe præmii temporalis recipiat, gravissimum committere peccatum. Nec ab hoc eum absolvendum esse, quia alterum spe præmii alligat. Aliis argumentis utendum, quod ad religionem adducatur infidelis, & non temporaria sed divina ipsi demonstranda retributio. Replereur adeo civitas malis hominibus, & Dominorum jura sine ulla utilitate aut necessitate publicâ infringerentur. Deteriores essemus Pontificiis, apud quos, notante B. Zieglero ad Lancelott. p. m. 166. ideo prohibita fuit ordinatio servorum, non quod servus Clericus esse non posset, sed ne fides Christiana malè audiret, ac si Dominorum jura per ea inverterentur.

§. IV.

Jam videamus quid ex Disputatione Viri Clarissimi pro existentia hujus manumissionis colligere possimus. Sunt vero omnino duo. Primum est in cap. 1. §. 2. ubi adducitur, quod Pontifex Gregorius M. in Epistolâ quâdam ad Fortunatum Neapolitanum, cujus fragmentum continetur in can. 15. dist. 54. decreverit, cogendos esse Dominos, ut sua mancipia, quæ ad Christianam fidem converti & baptizari desiderant, pro pretio dimittant, adeoque locorum Episcopos omni sollicitudine eò laborare debere, ut omnibus modis in libertatem vindicentur. Sed si allegatum canonem §. distinctius percipias, deprehendes hunc ejus sensum esse: Si quis de Judæorum servitio, sive Judæus sive paganus, intra tres menses (postquam Judæus eum emerat,) ad religionem Christianam, converti voluerit, pretium ejus Judæo ab emtore Christiano debet solvi. Si post tres menses id contingat, absque restitutione pretii & absque venditione liber debet fieri. Hic textus cum de Judæis Dominis disponat, ad Christianos Dominos non potest applicari, quia cessat ratio applicationis. Ideo enim hæc constitutio concepta est; quia Judæus non potest habere mancipium Christianum. Deinde etiam hoc casu baptismum non semper vim manumissionis habuisse patet, quod, si intra tres menses primos ad religionem Christianam se convertere voluerit mancipium Judæi, idem in potestate Domini Christiani, qui pretium Judeo solverat, manserit.

§. V.

Secundum est in cap. ult. §. 10. ubi sic Clarissimus Autor: *Quamvis absurdum non videatur illos, qui in bello Turcico capti sunt, servos etiam permanere debere arg. l. §. 2. ff. de capt. quamvis ejuraverint religionem habu-*
me anam

metanam & Christianam imbuti sint, cum sententia sit probata servitutem personarum, & dominicam potestatem legi divina non adversari. Habu ad Wesenb. tit. ff. de capt. n. 1. nec Evangelium abolere Politias 1. Cor. 7, 21. Quam ob causam in Lusitania aliisque regionibus adjacentibus adhuc moris esse dicitur Bodino, ut capti Turca servipermanere debeant, licet Religionem Christianam fuerint amplexi. Quæ fortè & initio, cur usus mancipiorum & vernarum etiam duraverit per tempus inter Christianos, in tantum, quod etiam Ecclesie suos servos habuerint. Attamen cum charitate Christianorum paululum crescente inter eosdem servitus evanuerit, &c. ideò palam est, quod mancipia Turcica post baptismum non amplius pristinam immanem servitutem subire, sed potius veram Christianorum libertate frui debeant. Continet hic paragraphus Viri Consultissimi & rationes dubitandi & decidendi. Rationes dubitandi quod attinet, (quas forte Hahnus ab ipso citatus, qui jam ad manus non est, ex Gudelino magnam partem hausit, quem vide de Jure Novissimo l. 1. c. 4. p. m. 6.) illæ quidem, cum pro mea sententia faciant, possunt manere intactæ, nisi quod illud obiter saltem moneam, me non videre, quale argumentum pro illa sententia ex l. 5. §. 2. de capt. extrui possit, ubi Pomponius; in pace, inquit, quoque postliminium datum est, nam si cum gente aliquâ, neque amicitiam, neque hospitium, neque fœdus amicitia causâ factum habemus, hi hostes quidem non sunt. Quod autem ex nostro ad eos pervenit, illorum sit, & liber homo noster ab eis captus servus sit, & eorum. Idemque est, si ab illis ad nos aliquid perveniat. Hoc quoque igitur casu postliminium datum est. Dubito, an paragraphum hunc intellexerit Vir aliis eruditissimus, Dionysius Gothofredus. Nam notæ, quas ad eundem confecit, planè à paragrapho alienæ sunt. Intendit Jctus latrocinium gentis in gentem, tum temporis valdè receptum, de quo vide integram disputationem B. Patris. Sed quid latrocinium gentis in gentem cum mancipiis Turcicis commune habet?

§. VI.

Venio ad rationem decidendi, quæ hæc affertur, quod ideò manumissio per baptismum introducta fuerit, aut introduci debeat, quod crescens charitas Christiana moverit gentes Christianas, ut servitutem planè tollerent. Quæ ratio ob varias causas id quod probare debebat, mihi probare non videtur. i. enim nullum est dubium, quod tempore Apostolorum in primitiva Ecclesia major fuerit charitas quàm seculis subsequentibus, & illis, ubi servitus inter Christianos fuit sublata. Si ergo excellentia illa charitatis Christianæ non impulit Christianos primos, ut servos etiam fideles manumitterent, uti non impulit, Ephes. 6. v. 9.

1. *Tim. 6. v. 2.* causa non est, ut dicamus eandem successu temporis & in seculis remotioribus, ubi Christianismus jam multis principiis Antichristi erat deterior redditus, id effecerit. 2. Falsum est eo tempore, quo servitus inter Christianos fuit sublata, crevisse Christianam charitatem, quæ profecto multo tepidior fuit & frigidior, quàm esse debebat, utpote cum illo tempore & ambitio, & avaritia & voluptas nomen charitatis sibi falso vindicarent. Ergo cum ista charitas crescens sit non ens, non potuit hunc effectum produxisse. 3. Servitus eo tempore saltem in tantum evanuit, ut Christianus à Christiano captus servus non fieret, mansit autem ad nostra usque tempora servitus, ut Turcæ capti servi fierent. Ergo si Christiana charitas illius temporis non impedivit initium servitutis in Turcis, non potest etiam allegari, quod impulerit eos ad Turcas manumittendos per baptismum. 4. Supponit illa ratio, quod erat in quæstione. Probari debebat, introductam fuisse manumissionem per baptismum, & loco probationis inquiritur in causam, cur introducta eadem fuerit. Alia plura ut jam taceam.

S. VII.

Sed pergit Vir Consultissimus: *Id quod luculentissimè confirmat Pius V. Papa, constitutione suâ de anno 1566. latâ. quæ habetur in Magni Bullarii Romani Tomo I. sub n. 17. quod edidit Laertius Cherubinus Jctus Romanus, in qua disposuit Pontifex captivos eorumque prolem à servitute liberari debere, suscepto SS. baptismo.* Video similia asseri à Gudelino d. l. p. 6. *Verum, ait, recens est Pii Quinti Constitutio extans apud Petrum Matthæum in summa Constitutionum summorum Pontificum, captivos fieri liberos suscepto Baptismo qui sub tutelam civis cujusque Romani confugerint.* Respondeo 1. Constitutio Pii V. qualiscunque etiam sit, non probare potest, quod manumissio per baptismum sit introducta tempore eo, quo ex hypothese Consultissimi Autoris, Christiana charitas movit gentes Christianas, ut servitutem abrogarent, quia illa constitutio Pii V. est multò recentior abrogatione illa servitutis. 2. Si Pius V. demum introduxit hunc modum manumittendi per baptismum, non pertinet ad nos Germanos, quia obligat saltem eos, quibus lata fuit. At nos protestantes in Germania post reformationem (quo tempore latam esse illam constitutionem fatetur ipse Consultissimus Autor,) non agnovimus Papam legislatorem, imo nec Pontificii cives in Imperio eo tempore Papam Legislatorem agnoverunt. Ergo probare debebat Consultissimus autor, Constitutionem illam Pontificis in Germania esse receptam.

§. VIII.

Sed fortè etiam id non constituit Pius V. quod constituisse fertur Mallem ut mihi licuerit ipsam constitutionem inspicere. Quæsi vi eam in Septimo Decretalium, quem librum Petrus Matthæi edidit, sed ibi non inveni. Istum vero librum quem Gudelinus allegat, non habeo. Adduxit quidem Consultissimus Autor ex prædicto Bullario verba prolixius. Sed exinde mihi videtur parum probari posse. Contraham rem in summam. Provocat Pius V. ad constitutionem Pauli III. qui redintegraverit facultatem & privilegia Conservatorum & Populi, mancipia (seu Sclavos,) post baptismum ad Senatus Camerae officium ac illius conservatores confugientia, secundum veterem consuetudinem ab aspero servitutis iugo liberandi. Hanc Constitutionem Pauli III. Pius V. confirmat, & servos prædicto modo per Senatum Camerae & Urbis Conservatores liberatos vult haberi plenissime procivibus Romanis. At vero ut taceam 1. istam constitutionem specialem ad districtum urbem Romæ pertinentem malè extendi ad Germaniam, non potest 2. sensus illius constitutionis perspicuè cognosci, si non & ipsa Pauli III. Constitutio, ad quam se refert Pius V. inspicatur, quia referens sine relato interpretari non possumus. 3. Ipsa constitutio apertè ostendit, neque ex mente Pii V. aut Pauli III. manumissionem tum per ipsum baptismum factam fuisse, sed per dationem specialem Conservatorum & Senatus Camerae, postquam mancipia baptizata ad ipsos confugissent, ergo baptizati eò non confugientes manebant servi. 4. Quia & Paulus III. ad veterem consuetudinem provocat, à verò non est ab simile, totam constitutionem utriusque Pontificis non loqui de mancipiis baptizatis omnibus, sed de mancipiis Judæorum vel aliorum infidelium. Confer supra §. 4. Quod si esset, eadem responsiones essent hic repetendæ, quas jam supra d. §. 4. dedimus.

§. IX.

Ergo si nulla datur in Germania manumissio per baptismum, uti hætenus adhuc videtur, frustraneæ sunt quæstiones à Viro Consultissimo de hac manumissione per baptismum moræ, v.g. an maritus mancipium uxoris possit ita manumittere? an uxor possit invito marito? an Proprietarius ita manumittere possit servum usufructuarium? an socius invito sacro possit? vid. cap. 1. §. 12. usque ad 27. frustraneæ sunt assertiones: differentiam esse inter hanc manumissionem & reliquos modos manumittendi, quod in illis olim apud Romanos invito libertatem consecuti fuerint l. 15. §. 2. C. de testam.

manum.

manum. ad hanc vero invitus non cogatur; (*d. c. 1. §. 42. & 43.*) item quod ad hanc manumissionem omnes admittantur etiam Jure Romano inhabiles, ut servi plagiarii, Candidati torturæ, servi oppignorati &c. (*d. c. 1. §. 47. seqq.*) quod manumissi per baptismum gaudeant jure civitatis & fiant municipes in illo loco, ubi Patronus sit municeps, debeantque inter opifices recipi & tolerari; quod munera patrinorum pertineant ad manumissorum patrimonium, nec sint peculium; quod habeant testamenti factionem activam & passivam, & possint ab intestato succedere; quod sint capaces honorum & dignitatum in Republicâ; quod Uxor infidelis Turcæ baptizati gaudeat iisdem honoribus quibus maritus, non vice versa &c. (*vid. cap. ult. §. 30. 31. 32. 33.*) Id saltem duobus verbis addere liceat (1) falsum esse, quod apud Romanos inviti libertatem acceperint servi, non obstante, quod in *d. l. 15. §. 2. C. de manum. testam.* dicatur: *nemini servorum licere Romanam civitatem recusare.* Pertinet enim hæc assertio ad flosculos errorum Triboniani. 2. Occasionem dari ad malitiam, si per baptismum quis manumitteretur, vel eò quod hoc casu servi oppignorati in fraudem creditorum manumitterentur, quod juri naturali est contrarium. 3. Repugnare praxin morum nostrorum assertioni, quod munera patrinorum non pertineant ad peculium, quod est in proprietate Domini. Pluribus observationes declarabimus in discursu.

T A N T U M.



Q. F. F. Q. S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem XVII. & XIX.

De
**REVISIONE, CONVENTU
PRINCIPUM, REGIMENTO PERPE-
TUO, REGALIBUS STATUUM
IMPERII, ET TERRITORIO.**

Cum adjuncta Qvæstione

*Cur Imperator Wenceslaus, Princeps
non optimus quidem, sed tamen nec etiam malus,
communiter tam male audiat?*

Publicè ventilabunt

Die XII. Octobris M DC XCIII, horis antemer. à X. ad
XII. & pomeridianis à III. ad V.

CHRISTIANUS THOMASIUS,
Jctus & Prof. Publ.

& Respondens

**JOHANNES du CLOS, Metensis
Gallus.**



QUÆRO IX.

Cur Imperator Wenceslaus, Princeps
non optimus quidem, sed tamen nec etiam ma-
lus, communiter tam male audit? Videtur, odium Cleri
Pontificii, & protectionem aut tolerantiam Hussi-
anam iniquioris ejusmodi famæ
dedisse.

§ I.



Robavimus in quæstione secunda,
verosimile esse, Wenceslaum legaliter non fuis-
se depositum. Hic duo probanda sunt: I. Wen-
ceslaus non fuit Heros inter Principes, sed
tamen Princeps, qui magis, si non laudem, sal-
tem excusationem quam vituperium meretur.
Fuit enim Princeps timidus quidem, piger, vino deditus, nec
ad magna natus, sed sincerus, benignus, clemens, & nequitia
osor ac veritatis amans, certè non hostis. II. Causa pessimæ ejus
famæ fuit, partim quod ipse & oderit Clerum Pontificium, &
ipsis iterum fuerit valde exotus, partim quod veriore[m] Hussi-
doctrinam, quantum status turbulentus Bohemæ & Genius
ipsius Imperatoris admittebat, defenderet.

§ II.

Non justum tractatum scribo, sed breve Schediasma. Igi-
tur melius facere non possum, quam si ex duobus saltem vel
tribus autoribus fide dignis, (quia omnes more communi Wen-
ceslaum increpant,) quædam huc facientia excerpsero. Quare
non tam ad eorum verba, quam ad rem ipsam, quam narrant
respiciendum erit. Et valde mirandum, quod communiter om-
nes Historici, etiam Protestantes & moderni, Wenceslaum
tam petulanter increpent, cum tamen jam suo tempore Aven-
tinus

tinus referente Boxhornio *Historia Univers.* p. m. 337. postquam secundum opinionem communem recensuisset scelera Wenceslai, amore veritatis victus addiderit: *Complura de eo alia scelera referuntur, quae ego falsa atque conficta (ita sunt ingenia hominum,) ab inimicis esse reor.*

S. III.

De Wenceslao hæc refert Lehmannus *Chron. Spir. lib. 7. cap. 60. p. m. 826.* Demnach die Böhmen an Kaysers Wenceslao gespürt, daß er seinem Vater an Tugenden und Verstand sehr ungleich, haben sie wenig von ihm gehalten. Der Kaysers vermercket die Verachtung / macht es wette / und thät dergleichen gegen die Böhmischen Herren / zog zu sich Teutsche / und bestellte mit denenselben die fürnehmste Amts-Verwaltung. Daher erwachsen zwischen beyden Nationen eyferige Verbitterung. Die Böhmen machten Bündnuß wider die Teutschen / und bedrängten sie / wo sie Gelegenheit hatten. Deßhalben ließ der Kaysers am Sambstag nach Ostern die Fürnehmste der Verbündnuß verhaften / und den Montag hernach öffentlich enthaupten. Hernach berufft der Kaysers alle Rathes-Personen der Alten und Neuen Stadt Prag zu Hof / und als sie erschienen / hat er sie heißen zu seiner Tafel sitzen. Als sie gegessen / ist der Scharfrichter / des Kaysers Gevatter / ins Zimmer vor den Kaysers getreten / und hat gesagt: Gnädigster König und Herr: Aus was Ursachen bin ich hieher erfordert? Der Kaysers antwort: Lieber Gevatter / wart draußen / nach der Mahlzeit wil ich dir zu schaffen geben. Den Gästen ist Herz und Muth gesunken / denn sie wol gewußt / daß der Kaysers zuvor mehrmals Schuldigen und Unschuldigen mit gleicher Maß gemessen. Nach verrichteter Mahlzeit hat ihnen der Kaysers unterschiedliche Befehl und Beschwernuß aufgegeben. Darauff die Rathes-Personen ein jeder allen Gehorsam / darzu ihr Leib und Leben vor Ihre Majestät aufzusetzen allerwilligst versprochen. Welches der Kaysers mit Gnaden angehört / und weil er sie zu seinem Willen gewonnen / wieder unbeleidigt hingehen lassen.

Observa ex hac historia, subditos irreverentes & rebelles Imperatori occasionem dedisse severa remedia ad eorum coercitionem adhibendi Ipse tamen, si adeo crudelis fuisset, uti describitur,

bitur, tàm benignè istos Senatores omnes non dimississet, præ-
missis cum multò verisimilius sit, eorum aliquos rebellionis
fuisse implicitos, & hanc causam timoris fuisse, quam quod
juxta Lehmannum, Imperator assuetus fuerit incentes cum
fontibus punire.

S. IV.

Pergit Lehmannus *Cap. 61.* Im Jahr 1393. ist der Kåyser - gen
Beraun verweist/ daselbst - verkleidet - ins Kloster gangen/ zu beschen/
wie sich die Mönch in ihren Orden verhalten. Im Kloster ward er
von 16. Mann unversehens - überfallen / und in geheim gen Prag
- in ein Gefängniß mit Namen Schpinka geführt / darinn er 15.
Wochen - gelegen. - Eines Tages ließ er den Rath bitten / sie wol-
len ihm erlauben im nächsten Bad am Rath - Haus zu baden / mit
Verheißung / daß er nach dem Bad wieder ins Gefängniß
wolt gehen. - Dem Kåyser zu willfahren / haben sie ihm vier
vertraute Diener zu Verwahrung und Wiederlieferung zugeord-
net / - der Diener haben zweeh mit ihm gebadet / zween die Nacht
gehalten. Nach langen Baden sagt der Kåyser / er wolle sich an der
Luft erköhlen. Das ließen die Diener zu. Das Bad - Haus war
im nächsten an der Mulde gelgen / dabey ein Fischer - Nachen an-
gehengt. Der Kåyser fragt eine Bad - Magd / ob sie mit dem Na-
chen fahren kont / da sie ja geantwortet / bat sie der Kåyser / den
sie doch nicht gekennet / sie wolt ihn eilends überführen / und ver-
sprach ihr ein gut Trinck - Geld. Die Magd thats / rudert eilends
hinüber. Im Aussteigen stieß der Kåyser den Nachen vom Land/
daß die Magd nicht wieder drein kont kommen / sagt / sie solt mit
dem Ruder eilends nachfolgen / so wolt er sie mit hundert Gilden
begaben. Sind also beyde - gegen dem Dorff Kuchel gelauffen/ da
selbst sie wieder einen Nachen gefunden / und seynd wieder übers
Wasser gefahren / und - biß zum Neuen Schloß gangen davor
sie zu Abend gar spat ankommen. Der Kåyser hat dem Thorwar-
ter zugeruffen / der erkennt im finstern die Stimm / meldt den Kåy-
ser beym Hauptmann an / der ihn alsbald eingelassen / und als
nackenden sambt der Bade - Magd Susann genannt / nach Ber-
mögen bekleidet / und mit einem Imbiß ergötzt. Der Erledigung
erfreuet sich der Hauptmann samt allen den Seinen. Nach dem
Essen

Esßen ließ der Kåyser hundert Gilden an Gold herbey bringen/ liefert sie der Susanna mit Dancksagung - sagt ferner / weil sie seine Erbserin/ sein Geseß und Fischgenosß gewesen/ so sol sie auch sein Schlassgesell seyn / welches die Baderin geschehen lassen. Als der Kåyser auff dem neuen Schloß mit seiner Susannen sich etlich Tag fröhlich gemacht/ ist er hernach samt derselben gen Ziebrack verreist / dahin er die Herren von Prag zu Gast beruffen. Aber es wolt niemand erscheinen / sagten/ sie hätten zu Prag besser / als auffm Ziebrack. Sicit hęc Historia Wenceslaum Optimatibus rebellibus exosum, á plebejis & suis valde amatum, Monachis non faventem, & ab iis iterum non amatum, voluptuosum, & erga beneficos gratum.

S. V.

Sequenti cap. 62. narrat Lehmannus, qvomodo mox Imperator iterum á subditis suis rebellibus captus, occulto Viennę captivus duriter detentus, & á piscatore iterum liberatus fuerit. Excerptam saltem exitum. Seynd hernach (der Fischer und der Kåyser) durch einen Wald und andere Umbwege in Böhmen am Tag Martini vor das Schloß Wischerad ankommen und eingelassen worden. Der Kåyser sagt zu den Unterthanen / welche seine Getreue wären/ die solten zu ihm treten / deren alsbald auff zwanzig Personen herbey gelauffen. Demnach er von ihnen verstanden / daß der Hauptmann des Schlosses vorm Rath zu Prag in der alten Stadt dahin gesetzt / hat er denselben zu verhaften befohlen / und in dessen Nahmen ein Schreiben an gedachten Rath gefertiget / des Inhalts/ daß sie in Eyl dahin kommen solten. Inmittelst den Scharffrichter des Orts auff das Schloß beruffen. Der Rath zu Prag ist aufs Hauptmanns Beschreiben als in eilfertiger schwerer sürgefallener Sach mehrentheils im Schloß angelangt / welchen der Kåyser von Stund an die Hände zusamen knüpfen / und einen nach dem andern samt dem Hauptmann des Schlosses die Köpfe lassen abschlagen. Nach solcher Verrichtung hat der Kåyser wieder sein Anwesen zu Prage angestellet / andere Raths- Personen eingesetzt / viel mit guten Worten wieder zu Freunden gemacht / die sich widerseßig erzeigt / denen ist er mit seinem Vatter dem Scharffrichter und andern Scherganten vors Hauß geritten / hat dieselbe heraus lassen reissen / und öffentlich vorm Hauß lassen enthaupten. Bißweilen hat er sich gegen männiglich hohes und niedern Standes grosser Fröhlichkeit angenommen/ und jederman gnädigen guten Willen erwiesen/ daß man

sich seines Wandels zu Zeiten erfreuet / zu Zeiten höchlich zu beschweren gehabt. Hans Grundeln den Fischer hat er samt Weib und Kind / die er von Wien lassen abholen / in stattliche Nahrung gesetzt / und ihnen alle Gnad und Beförderung beständig erwiesen. *Ecce iterum Wenceslaum prudentem, severum, justum, benignum, gratum. Verosimile, ex hoc ejus justæ severitatis exemplo ortam calumniam de ejus crudelitate.*

§. VI.

Pergit Lehmannus, p. 828. Der Kaysers ist von Natur des Gemüths gewesen / daß er vor den gemeinen Nutzen nimmer eysfrige Sorge getragen / die Armen / und vor den mächtigern Berübte und Betrangte nicht gehöret / noch vor Gewalt beschütz. Die Höhere und Mächtigere haben des Kaysers Wesen ihnen lassen wolgefallen / sagten / der Kaysers wäre ein frommer gütiger Herr. Die Geringere / so unter der Preß gesteckt / führten hierüber unersättliche Klag und Beschweruß / sagten hingegen / daß er unachtsam und böß wäre. Diese Redem von beyden Theilen sind dem Kaysers fürkommen / darüber er zur Antwort geben / wenn einem etwas wil zu schwer seyn / so lege ers nieder / ist einer in Angst / mag er den Dampff von Herken hinweg reuspern. Ne Jupiter quidem omnibus placet, ut in proverbio est. Quid Wenceslaus placeret omnibus? Quamvis Wenceslaus melior fuerit Jove Gentilium. Laudatur ab his, culpatur ab illis. Causæ odii injustæ fuerunt, ut præcedentia ostendunt, ex quibus etiam, quæ hîc contra Wenceslaum allegantur, facile refutantur. Non poterat defendere oppressos Wenceslaus, etsi voluisset, cum ipse sæpius jam à subditis duriter tractatus fuisset. Non adeo vana timoris causa, & metulaborabat, qui etiam in virum constantem cadit.

§. VII.

Jam quædam ex Michaelis Saxonis Kaysers Chronica excerpamus. Is cap. 2. ejus symbolum sic refert: *Morosophi Moriones pessimi: vel: Moriones docti moriones mali.* Quod non odium ejus erga eruditionem, sed justum odium erga Clericos illius temporis corruptissimos indicat, qui falsâ eruditione turgidi, nil nisi morionum pessimorum personas sustinebant. Accusatur cap. 3. lascivix tantæ, daß er andere Weiber und Jungfrauen geschändet mit List und Gewalt / wo er gefont. Quod si verum esset, non fuissent obliti Electores in accusatione ejusdem. Sed non factum, & probabile est, eum à lascivia non fuisse planè quidem alienum, occasionem verò ad hanc calu-

calumniam dedisse Imperatorem, quod minus decenter cum liberatrice scâ Sufannâ, ut memoravimus, vixerit. *Cap. 5.* memorat autor, quod Carolus IV. morti vicinus ipsi consilium dederit, quomodo feliciter regnare possit. Wenn du wilt wohl und friedlich regieren / so halte dich also. 1. Habe die Pfaffheit / Pâbst und Bischöff lieb. &c. Hinc illæ lacrymæ. Hinc Carolus IV. tam laudatus à virtutibus & prudentiâ (vide suprà §. 3. initio.) Hinc frater Wenceslai Sigismundus adeo commendatus ab Historicis, quod Clericorum sputa lingeret, & fidem Hussi datam violaret. Eodem *cap. 5.* hæc refert Sachsæ: Den Münch Bartoldum Schwarz hat er erlöbten lassen / darum daß er die Büchsen erfunden hatte / zu geschwinden Erödtung der freudigsten und stärcksten Menschen. Justissimum factum. Pestilentissimæ inventionis autor, qui vitam Deo voverat, non poterat mitius puniri. Sed hoc non erat ferendum, ut Imperator tam memorandum exemplum in sacram Monachi personam exerceret. Confer simile exemplum suprà *qvæst. 2. §. 5.* Hinc illæ querelæ Electorum *ibid. §. 9.* quod reverendos sacrorum Antistites, Sacerdotes & Spirituales personas truculenter peremerit. Cum tamen ipse ejus accusator & testis potissimus, Johannes Archi-Episcopus & Elector Moguntinus Latro & Sicarius notoriè fuerit, Fridericum Brunsvicensem, invito ipso in Imperatorem post depositionem Wenceslai electum, per assassinos interficiens.

§. XIX. *uv. 12. 6.* *Historia*
Finem imponant excerpta quædam ex Theobaldi Hussiten-Krieg:
Is Part. 1. l. 3. postquam narrasset, Clericos irritatos valde fuisse contra Hussum, subjungit: Drumb solches durch die Geistlichen für den König bracht wurde / durch welches Hülffe sie vermeineten dem Hussen alsbald Brief in ein anders Kloster zu geben. Aber was geschach. Der so mehr um andere unnütze Sachen bekümmert war / lachet / sagende: Ey ey / laß ihn nur gehen / die Sack wird mir güldne Eyer legen. Hinc accusatio Electorum, quod Ecclesiæ noluerit mederi, quod pacem in Ecclesia non promoverit, & quod sacræ Ecclesiæ opem ferre noluerit. Res magis patet ex sequentibus. *Ibid. cap. 7. p. 20.* Der Erzbischoff von Prag wie er vernommen / daß sich König Wenceslaus in die Sack nicht flechten wolte / sondern ließ alles / wie es gieng / gehen / machet sich auf / zog in Hungarn zu dem Kaysers Sigismundo, begehrt bittlichen von ihm Hülff mit Vermeiden / daß man sonst den Ketzereyen nicht wehren könte / wo er nicht aus besonderer Lieb zu der Christenheit selbst persönlich ins Land Böhmen kâm / das glimmende Feuer ausleschet. Er beklagt sich auch hoch über des Kaysers Bruder Wencesla-

um, Böhmischem König/so alle Kaysersliche Heilighumen/so bey der Schloß Kirchen/so wol auch bey den Capellen Corporis Christi in den Gerölben unter der Erden/so mitten auf dem Neustädter Marckt stehet/nehmen/und auf das Schloß Carlstein wider der Prager Willen führen/verschließen und verperschieren lassen/darumb dann die Prager allbereit fleissig sollicitirt/daß er ihnen den Rug nicht nehmen/nicht anders aber zur Antwort bekomen/dann: Gehet hin erstlich zu euern Bömischen Magistern in die Collegia, und fraget sie/wer ihnen den Ehrgeitz gegeben/daß sie dreyer Stimmbegierig worden sind/dargegen die Deutschen eine haben sollen/dadurch sie alle Studenten aus Prag vertrieben/deren ihr besser als dieser Heilighümer genossen habt. Diemeil sie euch dann eine Unordnung gestiftet/warumb wolt ich euch nicht die andere anrichten? Haben euch eure Magistri das eine fürnehmste Einkommen genommen/so könnet ihr die andern auch entrathen. *A vero haud absimile est, Wenceslaum id fecisse in favorem Hieronymi Pragensis, de quo idem autor pag. statim sequente 23. narrat, quod contra cultum reliquiarum fuerit concionatus. Non potuit non hoc modo odium Cleri incurrere Wenceslaus, unde cum postea ex omnibus cathedris tonarent contra Hussum, (welches der König wohl wuste/aber nichts sagte/ließ es gehen/wie es wolte/enthielt sich auf dem Schloß Ročnick) ut noster ait p. 30. non poterat justo metu plura contra eos tentare. Huc faciunt ea, quae sequuntur p. 33. Der Pabst war erzürnet/schrieb König Wenceslao, drohet ihm ernstlich/wor er die Lehr Wicleffs nicht unterdrücket/welches alles vergebens war. Der König so sich vor Aufruhr des Volcks befahrt/nahm sich keiner Sachen an/biß daß Huß und Hieronymus verbrennet/die Krieg entstanden/und alles bund übergieng. P. 77. efert, quomodo Cardinales vanâ spe lactaverint Wenceslaum de Imperio recuperando. P. 132. Status Bohemici Regem rogant, ut ad ipsos Pragam veniat. Respondet, er fürchte sich vor der Spinckel/ (vide supra §. 4.) Sey vor denen Böhmen weder im Kloster noch in dem Königl. chen Hoflicher gewesen. Postea promittentibus statibus fidelitatem, Pragam rediit. & Hussi a seclis quaedam templa concessit, in welchen sie beyde das Volk nach ihren Willen lehren/und die Sacramenta nach Christi Einsegnung austheilen mochten. P. 37. Wenceslaus Ziscam famigeratissimum Hussitarum postea Generalem benigne dimississe narratur, ipsique concessionem indulgisse, die Schwach zu rächen/so ihm ein Gelstlicher/der seine Schwester supiriret/ugeßig/welche Vergünstigung der König mit angehängtem Siegel bekräftiget/quamvis Theobaldus putet hoc factum esse a Wenceslao ex contentu Ziscæ, quod pauper esset, & simplex ipsi videretur.*

§. IX.

Concludo: Si ad martyrium sufficeret, quod quis injusta propter veram religionem pateretur, martyr esset Wenceslaus.

TANTUM.

Q. F. F. Q. S.
IN ACADEMIA FRIDERICIANA
CELEBERRIMI AUTORIS

^{De}
RATIONE STATUS
Dissertationem XIX. & XX.

^{De}
TERRITORIALI POTESTATE
CIRCA SACRA IN COMMUNI,
^{De}
EADEM IN IMPERIO, ET DE JURE
REFORMANDI.

Cum adjuncta Qvæstione

Quid sentiendum de articulo 5. & 7.

*Reformationis Friderici III. de anno 1441. contra
Doctores Juris & Jus Romanum?*

Publicè ventilabunt

*Die XIX. Octobris M DC XCIII. horis antemer. à X. ad
XII. & pomeridianis à III. ad V.*

CHRISTIANUS THOMASIUS,
Jctus & Prof. Publ.

& Respondens

JOHANNES ADOLPHUS METZSCH,

Eqves Anhaltinus.

K

QVÆ.



QVÆRO X.

Quid sentiendum de Reformationis Friderici III. de anno 1441. articulo 5. & 7. contra Doctores Juris & Jus Romanum? Videtur ejus intentio fuisse maximè salutaris,

§. I.



Extat illa reformatio apud Goldastum *p. 166. seq. der Reichs-Sagungen* / & dicitur, quod proposita fuerit in Comitii Imperii Moguntia anno 1441. habitis. Constat illa XII. articulis & declarationibus horum articulorum. Sunt, qui dubitant de veritate hujus Reformationis, & fatendum, eam stilo consueti Recessuum aut Constitutionum Imperii non esse conceptam, neque memini, me legisse, quod antiquior Historicus mentionem faciat conventus Imperii Moguntia isto anno habiti. Lehmannus in *Chronico Spirensi lib. 7. c. 98.* expresse dicit, Fridericum III. primam diatam indixisse 1442. Francofurti, cujus recessus extat in vulgari editione Recessuum Imperii, statim post auream bullam. Ipse Goldastus in vindicatione hujus reformationis, *p. 312.* variat, modo enim dicit, ab ipsomet Friderico Cæsare Ordinibus propositam esse, multis autographis doceri posse, modo: eam in medium adductam esse in Comitii regni Germanici à Germania Urbibus. Conringius de *Orig. Jur. Germ. cap. 32. p. 199. seq.* neutrum horum ceriò vult asserere, id tamen constare dicit, in comitiis libellum hunc publicæ deliberationi propositum esse, & actum esse illà ætate de tota Republ. rectius in posterum instituendâ, magno studio & multo labore, & *p. 202.* præterea tum temporis cum alibi, tum in superioris potissimum Germaniæ præcipuis urbibus cæpisse Juris Doctores senatoriâ dignitate excludi, quod jam Besoldo & VVinthero fuerit annotatum, denique *p. 204.* Fridericum Imperatorem de Juris Doctoribus minus benigne sensisse, ut qui teste Cuspiniano in ejus vita, dixerit, juris ab eis æquitatem

tatem inverti justitiamque fœdari. Mihi sic videtur, propositos fuisse articulos ab urbibus Imperatori, declarationem articulorum vel à reliquis statibus, vel à Consiliariis Imperatoris. Res patebit è sequentibus.

§. II.

Excerptare autem volumus ea saltem, quæ ad Doctores Juris pertinent & ad Jus Romanum. De Doctoribus juris conceptus est articulus 5. Alle Doctores der Rechten / sie seynd Geistlich oder Weltlich im H. R. R. E. N. sollen nach laut der fürgenommenen Reformation an keinem Gericht bey keinem Rechten / auch in keines Fürsten oder anderen Rächthen mehr gelitten / sondern ganz abgethan werden. Sie sollen auch fürbasshin vor Gericht oder Recht nicht weiter reden / schreiben oder Rath geben. Einmals Gott dem Menschen mit seiner eigenen Weißheit begnadet und versehen hat / so mag er in der neuen fürgenommenen Ordnung seines Rechtens selb wohl warten.

§. III.

Declarationes supra hunc articulum sunt quatuor ap. Goldast. f. 171. seq. Summas saltem afferemus. 1. In omnibus Universitatibus tres Doctores Juris debere sustentari, qui Jura benè fundata & recepta explicare, & si de jure interrogentur in casibus dubiis, conjunctim intra 30. dies debeant respondere. 2. Doctores Juris non debere admitti in ullis judiciis, neque superioribus neque inferioribus, tanquam judices aut assessores, quia jus iis magis sit occultum quam Laicis, & quia sint mercenarii, non heredes Juris &c. 3. Et quia sint vitrici Juris, non debere etiam Procuratores aut Advocatos esse in judiciis &c. additur: Das hat euer verkehrte Lehr inner fünfzig Jahren zu wege bracht/wo ist es vor erhört worden? 4. Permissum esse omnibus statibus uti Consiliis Doctorum, sed non debere admitti in consiliis ordinariis, sed separatum consilium, si quis eis velit uti in causis difficilioribus, formari debere. Denn bey ihnen ist nichts verschwiegen / sie seynd nichts anders Rath / denn des Golds und des Geiſs. Verba dura, sed quis non videt, per Declarationem primam & quarram eludi totum articulum, adeoque hæc verba ad decipiendos incautos fuisse adhibita?

§. IV.

Articulus 6. quamvis affinis sit, & de Clericorum remotione à negotiis civilibus conceptus, tamen brevitatis studio omittetur. Sequitur articulus septimus. Alle Kaysersliche weltliche Recht / so bißher in H. R. R. E. N. gebraucht und darfür gehalten seynd / sollen alle todt und ab seyn; allein

allein die / so durch die Rechtverständigen mit lauterm Grund und klarer
Wahrheit ohne Argelist rechtlich erkandt sind / sollen gehalten und bestättig
get werden / damit der Rrim so viel Freyheit und Zugangs habe im Rech
ten als der Reich / und ob er schon ein Fürst wäre / sonder Argelist und Ge
fährde.

§. V.

Declarationes iterum sunt quatuor f. 173. Constituenda esse in
Imperio 1. Cammer Gericht/ 4. Hof Gericht/ 16. Land Gericht/ 64.
Frey Gericht. Forma eorum maxime favorabiliter ibi depingitur. Sed
in fine additur: Man mag sich auch an all den Gerichten der Kayserli
chen Rechten recht gebrauchen / die mit Rechten wahren Grund erkläret/
angezeigt und zugelassen seynd / laut der Gerichts Ordnung. Qvis non
videt iterum tolli rev erà articulum? Et hæc ratio fortè est, quod cum
sentirent urbes, aut ii, qui proponebant articulos, quod ita falsè ri
derentur, non amplius urgere voluerint rem desperatam, sed rem
dimiserint.

§. VI.

Quicquid hujus sit, de utilitate aut damno hujus intentionis
queramus. Sunt, qui postea assertunt, & Reipubl. gratulantur,
quod rabulæ non obtinuerint. Sed ni fallor contrarabulas tum actum
fuit, non arabulis. Et celeberrimi etiam Juris Doctores possunt esse
celeberrimi Rabulæ. Ergo ne cum turba nobis res sit, audamus judi
cium Conringii d. t. 32. p. 202. seq. Postquam retulisset ultimam De
clarationem articuli 4. subjungit: Quam equidem periniquam judico &
longè durissimam. Enimvero in atrocem adeò sententiam itum est procul dubio
non alia de causa, quàm quod illi ordini Doctorum permisti quidam rabule,
pessimis forè Pontificii moribus tranquillitatem Germaniæ tum perturbassent. Illi
scilicet curiæ debetur, quicquid est rabularii negotii. Et verò primorum apud
nos Juris Doctorum plerique in Italia educati sunt, ut mirum non sit, scabiem
Aule Pontificiæ illorum multis affricam. Quin ex Italis ipsis nonnulli in Ger
maniam tum transierunt. Quomodo ex Italia secum adduxit Bogislaus decimus
Pomeraniæ Dux Petrum Ravennatem, ejusque filium Valentinum. Itali quoque
fuerunt, qui Matthiæ Hunniade Rege, Hungariæ subito litibus repleta, effece
runt, ut ipsum Jus Romanum, ubi pedem intulisset in Regionem illam, vicissim
mox inde pelleretur. Caterum utut illi peritorum Romani juris ordini quidam
fuerint permisti tum vitiligatores, non tamen paucorum vitio totus laudatis
simus ordo proscindi meruit. Et verò quid vel Romani vel Pontificii juris peri
tia bonis consiliis obstat vel judicandi prudentiæ? Ex adversoq; omni ævo visum
prudentioribus, eum ad Rempubl. utilissimum, qui Ulyssis exemplo; Multorum
mores

morei populorum novit & urbes. Taceo nunc, ea tempestate commodè Rempublicam nostram geri non potuisse sine legum illarum notitia, saltem ob aule Pontificia etiam in mediâ Germania auctoritatem, & Italia Galliaque viciniam, quæ jam leges illas observabant. Omnis hominum ordo sua carcinomata habet. Ipse sanctissimus Apostolorum cætus, scelus ingens intrâse aluit. Si paucorum crimen in omnium culpam trahendum, actum est profecto de universo humano genere.

§. VII.

Hic nescio, an Conringius Declarationem saltem, an etiam articulum impugnet? An serio defendat Doctores Juris, an saltem hæc adscripserit, ne odium eorum incurrat? Quia verba modo allata non exhibent modum disputandi Couringianum. Opponamus Conringium Conringio, & ex ipso adducamus, quæ ad defensionem articulorum videntur facere. Ita verò ait cap. 33. p. m. 215. *Ex quo judicia Romani illius juris Doctoribus commissa sunt, fieri vix aliter potuit, quin eorum multi, illius juris, cujus audiebant Doctores, quam priscarum Germanie legum ac consuetudinum cum peritiores, tum observantiores hujus Romani juris usum sensim introducerent, præsertim apud populum quoque enata juris illius utunt ignoti, præ antiquis institutis singulari existimatione. Et cap. 34. p. 228. Contentionibus & litibus forensibus immane quantum ab illo usque tempore Germania omnis infecta ac contaminata. Quod quam sit Reipublicæ noxium, in propatulo est. Neque verò justitiæ suus locus est in litium illâ multitudinē, tum diuturnitate, justitiæ autem utique anima est omnis societatis. Arguit verò hoc, nisi fallor, sole clarius: saltem leges forensium actionum judiciorumque haud vacare vitio.*

§. IIX.

Res ex eodem paulò altius repetenda est. Constat, Augustum, ut populum eò magis in devotione retineret, multiplicandarum litium gratiâ Jctis dedisse potestatem publicè respondendi, de quo diximus in *Navis Jurisprud. Rom. Germ. For. lib. 2.* Fortè eodem consilio ab ipso missi Jcti in Germaniam. Germani tum temporis simplici processu assveti, occiso Varo maximè sævierunt in causarum patronos: Aliis oculos, aliis manus amputabant; unius os sutum, recisâ prius lingvâ: quam in manu tenens barbarus: tandem, inquit, vipera sibilare desiste. *Florus l. 4. c. 12. Conring. de judiciis Reipubl. Germ.*

§. 17. p. m. 225. Et tamen illo tempore apud Romanos processus brevi tempore & ad summum regulariter anno finiebatur. Et verosimile est inter occisos causarum patronos fuisse multos viros egregios, Trebatius, Alsenis, Javolenis nostris non cedentes. Ejusmodi processum brevem ac simplicem Germani usque dum cum Academicis Jus Romanum introduceretur, retinuerunt: Vide Conring. de O. I. G. c. 28. p. 173. De Italis, apud quos etiam ante Cæsaream auctoritatem legum Romanarum mansit auctoritas, notabilis est historia, quam refert Conr. ibid. c. 23. p. 141. Fridericus I. Imperator in Italia aliquando cum assessoribus Bulgaro, Marrino, Jacobo & Hugone ipse audiebat & terminabat negotia. Videns autem multitudinem eorum, qui cruces bajularent (is enim Italarum mos erat, ut habentes quarumque relas crucem manibus præferrent) misertus illorum, ait: Mirari se prudentiam Latinorum, qui cum præcipue de scientia legum glorientur, maxime legum invenirentur transgressores, quamque sint tenaces justitiæ sectatores, in tot esurientibus ac sitientibus justitiæ evidentem apparere. Eodem tempore S. Bernhardus ad Eugenium Papam (apud Conring. d. l. p. 142.) *Quotidiè perstrepunt in tuo palatio leges, Sed Justiniani non Domini. Rectius etiam? Istud tu videris. Nam lex Domini immaculata convertens animas: ea autem non tam leges, quam lites sunt & cavillationes, subvertentes judicium.*

§. IX.

Seculo 13. Jus Pontificium in Germania cœpisse Conringius docet *ibid. cap. 26.* & ut observaretur publicâ sanctione à Friderico II. Imperatore constitutum fuit. *ibid. p. 156. seq.* Nam eo tempore Clerici ad judicia sua etiam traxerant causas seculares. Conring. de judic. Reipubl. Germ. §. 80. p. 298. Taxat hunc processum *Idem ibid. §. 70.* ob iniquitatem, quod actoribus maxime adversus sit, & reis nimium faveat, & tamen magis faveat multiplicandis litibus in damnum Reipub. *Conf. §. 81. p. 299.* Auctoritas verò Juris Romani in Germania cœpit seculo 15. præprimis, cum Imperator Sigismundus in Concilio Constantiensi disposuerit de sustentatione Doctorum Juris. *Conr. de O. I. G. cap. 32. p. 198.* Fuisse autem tam statim lites mirum in modum multiplicatas ex eo patet, quod ante illa tempora in judicio Aulico tam paucæ causæ per Appellationem eò deductæ ventilatæ fuerint,

fuerint, ut uno opus fuerit saltem iudice & actuario. Hoc vero seculo in tantum creverunt lites, ut non solum tempore Friderici III. de ejiciendo iterum Jure Romano cogitatum fuerit, sed & mox opus fuerit, Judicium Camerale instituere. *Conring. de judic. lib. 97. 98. 99.* Quamvis verò ibidem iterum potissimam causam turbarum juri Pontificio velit adscribere, ex eo tamen refutatur, quod hoc jam seculo 13. in Germaniam fuerit receptum, & quod Ju Pontificium multa quoad processum ex Jure Romano Justinianéo desumerit.

§. X.

Notabilis est noxa, quam notat *Idem differt. § 59. 60. p. 272. seqq.* Id quoque planè novo more cepit, quod ipsimet Principes aut Caesar ipsemet non amplius jam vacent adjudicandis controversiis suis ut antebac: sed omnem hanc curam in Romanarum legum peritos plebei licet generis, ministros suos, soleant rejicere. Cui rei mos patrius ab omni retrò ævo hactenus observatus plurimum adversatur. Non potuit verò non hoc obtinere, ex quo pro legibus majorum Romane atque Pontificia in Germania invaluerunt, quod ab ætate usque Maximiliani quàm maximè cepit. Neque verò effici temerè poterit, ut Principes ipsi Romanum & Canonicum jus addiscant, quæ hujus doctrina est prolixitas, & plerumque aulicæ educationis indulgentia. Ut taceam, ingeniorum, quæ nonnunquam est, ruinitatem. Imò & alia studia, ad quæ cum Principes omninò debeant institui, præripitur tempus addiscendo Juri Romano impendendum. Igitur, ex quo non potuit in Principibus esse juris peritia, ex eo coacti quoque iidem sunt, judicia etiam maxima aliis committere. Secus quàm antebac solitum, cum leges & consuetudines patrias nemo paulò intelligentior ignoraret, & pleraque ex æquo & bono componerentur. Huic rei consequens est mutatio circa diuturnitatem litium. Namque multum profectò lites illæ Principum solito factæ sunt diuturniores, ex quo per alios & coram aliis, quàm qui sunt sui ordinis, litigare caperunt, &c. Porro unà cum legibus Romanis simul etiam ea in foro procedendi ratio, quæ Papali Curia laudatur, opinio-nem in Germania accepit eximia prudentia pariter & æquitatis &c. Jam verò constat, cum aliunde, tum ex querelis Ordinum Imperii publicis, jam tam seculo quinto decimo effusis, eo tempore, quo leges Romanæ caperunt pedem in Germaniam inferre, artis tabulariæ quoque sparsam in mores nostros se-mentem, uberrimâ fruge brevi divitem &c.

§. XI.

Denique eadem differt. §. 107. pag. 323. dum remedia suppeditat, sic differt: Emendari fortassis poterit Germania, si in temerè liti-gan-

gantes omnes, & seorsim in litium iniquos patronos gravissimis poenis animadvertatur, si iudicibus nihil ex partium sportulis aut muneribus sit expectandum, sed cogantur illi suis ex publico stipendiis esse contenti; si processus iudiciarius ad priscam simplicitatem, quâ tot seculis floruit Germania, quæquæ in omnium veterum rerum publicarum optimarum foris, in suis Hebraeorum ab ipso Deo fuit probata, si non omni ex parte, saltem potiore reducatur; si postremo quacunque in controversiam trahi solent, singulis in locis legibus plebi etiam, quoad fieri potest, perspicuis definiantur &c.

§. XII.

Sed quid ita cum Doctoribus juris fieret? Præprimis cum Academicis? Sudat hîc Conringius, *de O. I. G. circa finem p. 244.* ut ipsis persvadeat, eorum nihil interesse, etiamsi mutationes istæ contingerent. Tandem tamen liberè subjungit; *Sed & licet schola velint in posterum fastidire illa Romana & Pontificia jura, quoniam pauci amant discere, quod in usum non est; Reipublicæ tamen commodissima esse hæc, quæ nos in medium consulimus, manifestum est. Et verò non ex scholarum improbo more componenda Respublica; sed hanc illarum normam oportet esse.*

§. XIII.

Omnia, quæ hætenus recensuimus, Conringii sunt. Liceat duo verba addere. Fiat justitia, & pereat mundus. Fiat justitia & pereant Leguleji ac Rabulæ. Is verò alterutri classi accensendus Doctor Juris, qui sublatâ Legulisticâ & Rabulisticâ, nil aliud didicit, unde Reip. inservire possit. Si qui sunt, quorum intersit, ut

veritatis hujus defensione Studiosis non aperiuntur oculi,

illi humanissimè invitantur ad oppo-

nendum.

T A N T U M.



L. F. F. L. S.

IN ACADEMIA FRIDERICIANA
CELEBERRIMI AUTORIS

De

RATIONE STATUS

Dissertationem XXI. & XXII.

De

PROTESTANTIUM STATU, ET
DE JURE EMIGRANDI,

Cum adjuncta Qvæstione

*An Philosophia communis tam Peri-
patetica quàm Cartesiana Dogmatica
sit an Sceptica?*

Publicè ventilabunt

*Die XXVI. Octobris M DC XCIII. horis antemer. à X. ad
XII. & pomeridianis à III. ad V.*

CHRISTIANUS THOMASIUS,

& Respondens

GOTTFRIED Scheuerer/

Servestâ Anhaltinus.

L

QVÆ-



QVÆRO XI.

An Philosophia communis tam Peripatetica quam Cartesiana Dogmatica est, an Sceptica?

Videtur plus quam Sceptica.

§. I.



Eripateticus. Spero hactenus te satis percepisse doctrinam de Prædicabilibus, jam ad alia in lectionibus nostris Logicis pergendum. *Discipulus.* Ignosce Præceptor, quod, antequam ad ulteriora progrediaris, quædam ex te quæram. *P.* Quære liberè, erit gratissimum. *D.* Quid est Philosophia Sceptica & Dogmatica, & quomodo hæc duo genera Philosophandi à se invicem differunt? *P.* Cur ista quæris? Sæpè monui, quod non debeas in Sectis aliis curiosus esse, alias non magnos progressus facies in unicâ verâ Philosophiâ, quam doceo. Dicam tamen. Philosophi *Dogmatici* dicuntur, qui aliquid affirmant vel negant, & verum aliquid esse, idque ab hominibus inveniri posse, asserunt. *Sceptici* contra de omnibus rebus dubitant, & nihil verum esse, aut si aliquid verum sit, id tamen ab hominibus inveniri non posse putant. Sunt vero *Sceptici duplicis generis*, alii *Academici*, qui veritatem quidem dari sed non inveniri posse dicebant, & hanc solam propositionem pro certò verâ venditabant, nihil esse certum, seu nihil sciri; alii *Pyræonii* seu *Sceptici strictè dicti*, qui & verum non inveniri posse dicebant, & an aliquid verum sit, hæsitabant, nec illud certum esse dicebant, quod nihil sciatur. *Dogmatici* contra in varias sectas distribuuntur, quas inter eminuerunt olim illæ quatuor, *Platonica, Stoica, Epicuræa, Aristotelica*, hodiè vero sola præ reliquis merito

rito suo fulget Aristotelica tanquam inter stellas Luna minores. D. Adhuc unum lubentissime quærerem, si id cum pace Tua fieri possit: *An Aristotelica Philosophia, & quidem illa quæ hodiè in Academiis docetur, Sceptica sit an Dogmatica?* P. Qvalis hæc est quæstio? Jure Consulti quæstiones ejusmodi vocant quæstiones Domitianas. Qvis ita absurdus esset, ut Aristotelicam Philosophiam haberet pro Scepticâ, quæ tot egregias Disputationes suppeditavit contra Scepticos, quæ tantâ cum constantiâ Dogmata sua defendit, & pro veritate doctrinæ suæ & refutandis adversariorum doctrinis nihil non suscipit?

§. II.

D. Nec ego contradico. Sed audiui tamen hominem, qui heri in conversatione familiarii, sermò defendere volebat, Aristotelicam Philosophiam quæ in Academiis docetur, plusquam Scepticam esse, quia Sceptici pugnaverint saltem adversus alios, imò non tam impugnaverint alios, quàm contra eorum insultum se defenderint, ipsi vero permiserint quælibet opinione suâ frui, & eos certè qui de sectâ eorum erant non insectati fuerint. Sceptici item inserviebant hypothesi, & cum disputabant, regulariter conclusiones eorum primis eorum principiis, aut accuratius primis eorum dubitationibus cohærebant. At Aristotelicam Philosophiam, dicebat impugnare non saltem alias sectas, sed & ipsam iterum in varias sectas pessimò more inter se litigantes secerni. *Scholasticam*, videlicet, & *Libere philosophantem*, (si modo Philosophia simul libera esse possit & sectaria,) *Nominalem*, *Realem*, *Thomisticam*, *Scotisticam*, *Albertisticam* &c. Adhæc id maximè miserandum esse in Philosophia Aristotelica, quod fundamenta habeat Philosophiæ Scepticæ simillima, & his tamen fundamentis superædificata et dogmata, quæ ratione longe peior connexio sit in Philolopia Aristotelica, quàm in Scepticâ.

§. III.

P. Ex Discursu tuo facillè divinari possum, quis sit autor hujus calumniæ. Qvis alius esset quàm iste novator, qui sub larvâ Philosophi Eclectici est ipse periculosissimus Scepticus. Quoties te monui, ô dilecte, ut tibi ab occulto veneno istius hominis caveres! Nil nisi apertissimæ calumniæ sunt, quas effutit, & pos-

sem in iis refutandis centum rationes asserere, si dignæ essent ut refutentur. Talia enim narrando, aut audiendo saltem solidissimè jam refutata sunt. Habent hoc omnes Sectæ, ut iterum novæ Schismata facta sint ab iis, qui genuinam semitam deseruerunt, & pugnandum est pro veritate, quicquid etiam dicant errorum patroni, qui libertatem aliquam philosophandi ineptiis istis introducere satagunt. Et quæso quàm apertissima injuria est, asserere, Philosophiam Aristotelicam habere fundamenta Philosophiæ Scepticæ simillima. Necesse est, ut omnem pudorem ejuraverit homo nequissimus, qui contra veritatem evidentissimam talia profert. Quid? Logica nostra, instrumentum istud instrumentorum, quo mediante semper prostravimus Scepticos, Cartesianos, Gassendistas, Spinosistas, Hobbesianos & omnes quoque in Theologiâ adversarios, Logica inquam hæc Sceptica esset? Logica quæ in ipsâ statim definitione pro dogmate primario, quod Logica sit ars, non habitus, pugnat, hæc Logica esset fundamentum Philosophiæ Scepticæ simile? O Corydon Corydon!

§. IV

D. Quæso ne irascaris. Nam quæ sequuntur Logicam nostram tangunt propius. Vel ideo enim dixit, Philosophiam Aristotelicam esse plusquam Scepticam, quia disciplinas Dogmaticas superædificarent Logicæ plusquam Scepticæ, quæ non doceret, quomodo quis consequi deberet veritatem, imò quæ de eâ aperte desperaret. P. Quantæ injuriæ! Sed perge. D. Atque hanc assertionem ita se monstrare posse dixit. Non urgere se velle, quam incerta apud vos sint omnia in Logicis, & quantæ Disputationes per singula Logices vestræ capitula in utramque partem ventilentur; se saltem assumere velle ea, quæ ferè unanimi consensu doceantur à Vobis. Communiter ventilari Syllogismum pro medio inveniendi veritatem. At Syllogismo veritatem inveniri non posse. Sive enim Syllogismum consideres formaliter bonum, quem solum Logica vestra doceat, eum posse constari ex propositionibus falsissimis, sive etiam materialiter bonum, hunc non posse extrui, si non quis habeat quæstionem & medium terminum. At vero hoc pacto veritatem haberi ante Syllogismum, non per Syllogismum investigari. Deinde, ait, Veritatem in com-

mani-

munibus Libellis Logicis dici esse finem Logices externum, finem externum vero definiri, quod sit talis finis, qui sit extrâ potestatem Artificis. Et itaque Veritatis inventionem ex mente vestrâ non esse in potestate Logici, hoc est, Philosophum per Logicam non posse invenire veritatem. Nec diffiteor Domine, valde me constrinxisse has rationes, ultimam potissimum. Quid si enim eam huic Syllogismo includerem:

Quæc. Philosophia ventilatur pro Dogmatica, & nullum suppetat instrumentum veritatem inveniendi, imò quæ in eâ disciplinâ, quæ veritatis inventionem se docere profitetur, fatetur inventionem veritatis esse extrâ potestatem illius disciplinæ; illa Philosophia est plusquam Sceptica.

Atqui Philosophia Aristotelica ita comparata est. Ergo. quid Tu respondere velles? Ego enim non video quid responderi possit?

§. V.

P. Ah! jam de Te actum est. Venenum istius hominis jam totum te infecit. Qualis impudentia? Vix absolvimus doctrinam de Prædicabilibus, & tu me jam de universâ Logicâ quæ si examinare vis? Et non erubescis contrâ disciplinam à tot gravissimis viris, quibus ex quarto præcepto reverentiam debes, tam turpes ineptias proferre? Abi, abi ad Tuum istum Novatorem. Es enim indignissimus, ut responsio tibi ostendatur, quia eam ipse tu facillimè posses invenire, nisi isto pestilentissimo veneno oculi mentis tuæ jam essent excæcati. Abi inquam, nam ego Te omnino desero. D. Memiserum! qui bonâ ex intentione dubium proposui, sine causa vapulo. Præceptorem amitto, virum aliàs optimum. Jam quo me vertam nescio.

§. VI.

Cartesius. Salve adolescens optimæ spei. Audiavi omnia quæ inter Te & Præceptorem acta sunt. Non despera. Seqvere me. Ego te viam ducam quâ scilicet ad veritatem itur, quâ solâ Sceptici efficacissimè refutantur. D. Ago gratias decentes Vir Honoratissime pro benevolè promisso officio. Tu vero quis es? C. Seqvor vestigia acutissimi Cartesii. D. Multa aliàs sed confusè audiavi de istâ Philosophiâ. Nisi grave sit, valde me tibi obstringe-

res, si methodum saltem aperire velles, quâ Scepticos aggreditur Cartesius, quia valdè vereor, ne in Scepticam incidam Philosophiam.

§. VII.

C. Lubentissimè faciam: Initio dubita. D. Benè, sed de quibus rebus? C. de omnibus. D. At quomodo dubitare possim v. g. me tecum jam loqui? C. Cur non? Annon putasti aliquando te videre baculum curvum in aquâ, qui tamen fuit rectus? Ita etiam poteris dubitare an verum sit quod me videas. D. Mihi nulla videtur consequentia, quia infers à diversis, aut à particulari ad universale. Sed transeat. Quomodo dubitare possim quod v. g. habeam manus & pedes? C. Equè benè. Annon aliquando putasti in somno te habere cornua, aut manum esse abscissam? & tamen res aliter se habuit. D. Ita quidem est Domine, sed tum dormiebam. C. At nescis utrum dormias an vigiles. Quoties enim in somno te putasti vigilare? D. Videris iterum mihi m. l. è somno ad vigiliam inferre. Nunquam enim vigilans putavi me dormire. Sed transeat & hoc. Quomodo dubitare possim de certissimis quibusdam axiomatibus v. g. Totum esse majus suâ parte, aut de veritatibus Mathematicis v. g. bis duo esse quatuor. C. Imo verò, quia potest ens aliquod potentius te esse, quod te & in his deceiverit. D. At qui omnis internus assensus hic ref. agatur, qui potius dicitur impossibile esse ut in his & præcedentibus decipiar. Quomodo ergo de illis dubitare possem? C. Non poteris aliter evadere præjudicia, quæ in tenerâ juventute contraxisti. Neque dubitabis solum de his omnibus, sed utile quoque erit, ut illa de quibus dubitas, habeas pro falsis. D. Sed quomodo hoc possem, si ne quidem dubitare possum? Et quomodo pro falsis habere possum, de quibus dubito? Quia si pro falsis habeo, non dubito amplius. C. Imò hæc omnia facienda sunt, ut tantò clarius, quidnam certissimum & cognitu facillimum sit, inveniamus.

§. VIII.

D. Dic mihi seriò Domine. Esne Scepticus an Dogmaticus? C. Sum utique Dogmaticus. Expecta saltem, mox audies quomodo post dubitationem de omnibus per rō Cogito, ergo sum, Scepticos refutem. D. At tu potius expecta paulisper, ut antea videam, utrum Sceptico me committam an Dogmatico?

Videris

Videri esse plus quam Scepticus. Initio enim dubitas de omnibus. Idem facit & Scepticus. Deinde ea de quibus dubitas, simul negas. Eò temeritatis ne Scepticus quidem progrediebatur.

§. IX.

C. Confundis dubium Scepticum & Dogmaticum. Illud dubitat, ut semper dubitet: Hoc dubitat ut veritatem inveniat. *D.* Non confundo. Nego saltem dubium de omnibus rebus posse referri ad dubia Dogmatica. *Qvi* enim dubitat ut verum inveniat, veri aliquid præsupponit, verum aliquid dari in quibusdam propositionibus certò persuasus est. Ergo non de omnibus dubitat. *Qvi* vero de omnibus dubitat, quomodo potest dicere se dubitare, ut veritatem inveniat, præmissis si omnia pro falsis habeat? Est enim apertissima contradictio, omnia habere pro falsis ut aliquid verum esse deprehendam. Et considera quæso: annon methodus tua eò me perducatur, ut incipiam Scepticus esse, ut Scepticus esse desinam. Jam si semel sum Scepticus, impossibile est ut supposito hoc principio Dogmaticus sim, quia jam istud commune & indemonstrabile postulatum Dogmaticorum omnium, dari aliquid verum, eo ipso quo de omnibus dubito, sustuli. Et ut videas te nihil agere posse methodo tua erga Scepticos, assumam in Tui gratiam illud tuum principium. Dubito de omnibus & ea pro falsis habeo, quid tum postea?

§. X.

C. Atquidum dubitas, tamen cogitas. *D.* Nescio, quia dubito de omnibus. *C.* Atqui de hoc non poteris dubitare, quia impossibile est ut, dum dubites, non cogites. *D.* Fortasse possibile est: quia dum videbam baculum in aqua, cogitabam etiam illum curvum esse. Ergo si una cogitatio me decipit, non est fiducia ponenda in cogitationibus. *C.* Tamen non poteris non cogitare. *D.* Sæpe deceptus sum, quod putaverim me nihil cogitasse, & tamen postea admonitus recordatus sum me cogitationis fuisse oblitum, ergo possum etiam decipi, si putem me cogitare, ut dum hoc puto, non cogitem. *C.* Infers à diversis. Cogitas utique. *D.* Fortè. Fortè etiam non, quia poterit aliquid ens potentius me esse, quod me etiam decipiat, si putem me cogitare.

re. *C.* Minimè. Nam fallat me quantum potest, nunquam tamen efficiet, ut nihil sim, quamdiu me aliquid esse cogitabo.

§. XI.

D. Si Scepticum continuare vellem, saltem perpetuò tibi contradicerem. At satis quidem istam personam sustinui, jam ad me redeo, & rehero. Fallat me quantum potest, nunquam tamen efficiet, ut totum non sit majus suâ parte, ut bis duo non sint quatuor, ut ego integer & vigilans non habeam manus ac dedes, ut baculus extrâ aquam rectus sit curvus, ut nos jam non loquamur invicem. Ergo non est dubitandum de omnibus. Ergo falsa est tua methodus. Ergo non opus est, ut plusquam Scepticus fiam, ea fine ne fiam Scepticus, præprimis cum cum Sceptico planè non sit disputandum, quia hoc æquè frustraneum est, atque, quod communiter profertur, quod Scepticus verberibus erroris sit convincendus, de quo tamen jam quidem differere nolo.

§. XII.

C. Falleris optimè Adolescens, & quantum percipio, mentem meam non rectè percepisti. Qui Mathematici non sunt, non possunt ista percipere benè, fortè alio tempore fies ad hæc cognoscenda magis habilis. *D.* Hoc audiui coramune effugium Dominorum Cartesianorum. Sed hoc indicium malæ causæ est. Mifera philosophia, quæ non potest intelligi, nisi ab affectis. Quæ hæcenus differuimus, Mathesin præcedunt, quia jussisti & de veritatibus Mathematicis dubitare. Ego ista Fundamenta Philosophiæ meæ ponam. Malè agit, qui sine firmâ ratione & cum primis veritatibus connexâ quid certò asserit, ut sit in Philosophiâ vulgari. Et malè agit, qui sine justa ratione de re aliquâ dubitat, ut sit in Philosophiâ Cartesianâ.

T A N T U M.



Q. F. F. Q. S.
IN ACADEMIA FRIDERICIANA
CELEBERRIMI AUTORIS

De
RATIONE STATUS
Dissertationem XXIII. & XXIV.

De
JURE EMIGRANDI ET TOLE-
RANTIA DISSIDENTIUM,

Deque
TERRITORIALI POTESTATE CIR-
CA REGIMEN SECULARE,

Item de
FORMA ET REFORMATIONE AC
DECREMENTO IMPERII,

Cum adjuncta Qvæstione
Quid sit accidens Prædicamentale?
Quid attributum & modus Cartesiorum?

Publicè ventilabunt

*Die II. Novembris M DC XCIII. horis antemer. à X. ad
XII. & pomeridianis à III. ad V.*

CHRISTIANUS THOMASIUS,
& Respondens
ANTONIUS GUNTHERUS Wincelmann/
Oldenburgensis,

M

QVÆ-

THE NEW YORK PUBLIC LIBRARY

ASTOR LENOX TILDEN FOUNDATION

25 FIFTH AVENUE

NEW YORK

1900

LIBRARY

THE NEW YORK PUBLIC LIBRARY

ASTOR LENOX TILDEN FOUNDATION

25 FIFTH AVENUE

NEW YORK

1900

LIBRARY

THE NEW YORK PUBLIC LIBRARY

ASTOR LENOX TILDEN FOUNDATION

25 FIFTH AVENUE

NEW YORK

1900

LIBRARY



QVÆRO XII.

Quid est accidens prædicamentale?

Quid attributum & modus Cartesianorum?

Ego nescio.

§. I.



Uæsiuimus qvæstione I. quid sit Substantia? Hactenus nemo certam definitionem nobis tradidit. Liceat jam progredi ulterius, & qværare etiam de accidente. Communis enim Peripateticorum doctrina est: Ens esse vel substantiam vel accidens. Communis doctrina est, accidens esse vel prædicabile vel prædicamentale. Prædicabile, quod opponitur rei essentia, prædicamentale, quod opponitur substantia. De prædicamentali autem nobis sermo est. Utrumque accidens Græcè *συμβεβηκός* dicitur: Uti utrumque quod utrique huic accidenti ex communi doctrina opponitur, (scilicet essentia & substantia,) Græcè *σύν* audit.

§. II.

Atque hîc præmoneo, me distinctionem illam inter accidens prædicabile & prædicamentale, inter substantiam & accidens, supponere atque indulgere Peripateticis, utrumque dari. Nam multas aliàs possem afferre rationes, cur jure dubitem, an unquam Aristoteli fuerit cognita Substantia ab Essentia diversa; & adeò, an unquam cognitum fuerit ipsi accidens prædicamentale diversum à prædicabili. *σύν* regulariter essentiam denotat, & ita apud Platonem communiter sumitur, Reddenda

ergò foret ratio Peripateticis, cur vocem *ἰσῑας* apud Aristotelem per *substantiam* explicaverint, & hanc substantiam *essentie* contradistinxerint, cum tamen loca, ubi Aristoteles de *ἰσῑα* ex professo loquitur, ut in categoriis, capite *περὶ ἰσῑας* & in lib. 4. Metaphys. c. 8. *ἰσῑα ποσαχῶς λέγεται* commodissimè possint de essentia etiam intelligi, (præprimis si notes, essentiam vel sumi pro ipso ente reali, vel pro idea, quâ homo ens reale concipit.) Ex quo capite obiter in usum sequentium illud notes, quod Aristoteles videatur *ἰσῑαν*, quam vulgo substantiam reddunt, restringere ad corpora. Deinde quod accidens attinet prædicamentale, in ipsis categoriis, ubi tamen sedes materiæ erat de accidente prædicamentali, sive de prædicamento accidentis, nihil apud Aristotelem deprehendi. In lib. 4. Metaphysicorum cap. 30. seu ult. iterum ex professo de accidente tractat: quot modis dicatur accidens: & incipit: *Accidens est, quod inest alicui*. Sed videtur mihi & hoc caput saltem de accidente prædicabili loqui, quamvis verba ultima dicti capituli sint maxime obscura. Certè non arbitror perspicuè posse doceri, intelligi accidens tale, quod sub se comprehendat novem categorias reliquas.

§. III.

Sed uti dixi, transeat illa quæstio de Aristotele. Concedo Peripateticis dari accidens prædicamentale, & exemplum de: quantum, quale &c. Quoniam autem potest lis oriri, utrum ens aliquod debeat ad substantiæ an accidentis classem locari, nec possum litem istam dirimere sine justa definitione, quæro, quid est accidens? Non pigebit autem hîc ea præmonuisse, quæ notavimus §. præced. Si enim Aristoteles ignoravit istud accidens prædicamentale, neque definitio ejus etiam quærenda est apud ipsum. Ergo quæramus apud Sectarios Aristotelis. Ita vere communiter definiunt: *Accidens prædicabile est, quod potest adesse & abesse sine subjecti corruptione*. Desumpta est hæc definitio ex Isagoge Porphyrii, deque ea nihil addo. *Accidens prædicamentale est, quod inest alii* (i. e. substantiæ,) *tanquam subjecto*. Unde hæc definitio sit, nescio. Si ex libro 4. Metaph. c. 30. esse debet, recurrit objectio mea in §. 2. Sed sit, unde sit: quæro rursus, quid est: *inest alicui tanquam subjecto*? Respondent: *ita inest alicui rei*
ni sine,

ut sine illa re non fit. Ita communiter explicatur. Hic ingenuè fateor, me nescire, quid dicant, imò videri potius, falsam esse definitionem accidentis,

§. IV.

Hoc ut intelligatur eò melius, suppono jam, novem reliquas categorias esse debere accidentia prædicamentalia. Ad *quantitatem* refertur oratio, numerus, tempus, locus. (an bene? jam non disputo.) Locus non inest rei, sed est extra rem; tempus & numerus rebus non in sunt, nam v. g. dum sum quadraginta annos natus, quadraginta anni non in sunt mihi, sed perierunt, dum sum tertius in ordine aliquo, tertium illud vel numerus ternarius mihi non inest. Oratio ore prolata, quæ hæc intelligitur, antequam proferretur, inerat mihi quidem, sed prolata, non amplius inest. Inter *qualitates* forma & figura non inest rei, sed eam terminat, & ideo, quia terminat, extrinsecum quid dicitur. Qualitates sensibiles malè dicuntur inesse rebus, cum jam dudum à novioribus demonstratum sit, v. g. nullum colorem esse in re, sonum, humidum, calorem, frigus &c. provenire à motu rei, aut dispositione externâ partium. *Relatio* non inest rei, quia vi ejus res refertur ad aliam extra se. *Actio*, certè transiens est motus proveniens à substantia, ergo non inest; *Passiones* pleræque tangunt saltem substantiæ extrinsecum, ergo non in sunt. *Quando* & *Ubi* pertinent ad tempus & locum, de quibus jam diximus. *Situs* non inest, neque enim sessio, neque ambulatio, neque statio mihi inest. *Habitus* non inest. Si nudus sum, nihil inest, si vestitus sum, extra me quid est; si calceatus sum, nec calceus nec calceatio in sunt. Et tamen hæc omnia sunt accidentia. Ergo vel accidentia non in sunt substantiis, vel non intelligo, quid sit inesse, & justam causam habeo querendi definitionis istius explicationem.

§. V.

Uterius. Si accidens est, quod est in alio tanquam in subiecto, sequitur *substantiam esse accidens*. Si id, cui alterum inest,

tanquam subiecto, est substantia, sequitur *accidens esse substantiam*. Probo consequentiam utramque uno exemplo. Creaturæ omnes sunt in loco & tempore, tanquam in subiecto. Ergo locus & tempus erunt substantiæ, & creaturæ accidentia. Probo, quod sint tanquam in subiecto, quia sine loco & tempore nullæ creaturæ esse possunt. Probo, quod non esse possint, quia per *esse* hic (in propositione; Id est in alio tanquam in subiecto, quod sine illo alio *esse* non potest,) non intelligitur concipi, sed existere. Nam virtus, albedo &c. concipi potest sine respectu ad aliquod subiectum, sed non existit sine subiecto. At verò nec creaturæ existere possunt sine tempore & loco. Ergo rursus non intelligo, quid sit accidens prædicamentale.

§. VI.

Nescio, an has difficultates subodorati fuerint Cartesiani, quod communiter cum magistro suo abstineant voce *accidentis*, & loco ejus modi aut attrinuti vocem adhibeant. Utinam verò per istos terminos modi & attributi rem non implicent magis quàm explicent. Ipsorum singulorum sententias evolvere nolo, quia dulcius ex ipso fonte bibuntur aquæ. Ita verò Cartesius *Part. 1. Princip. Philos. n. 48. seq.* (1) *Quæcunq; sub perceptionem nostram cadunt, vel tanquam res rerumve affectiones quasdam consideramus, vel tanquam æternas veritates, nullam existentiam extra cogitationem nostram habentes.* (2) *Ex iis, quæ tanquam res consideramus, maxime generalia sunt substantia, duratio, ordo, numerus, &c.* (3) *Non autem plura quàm duo summa genera rerum agnosco, unum est rerum intellectualium &c. sive ad substantiam cogitantem pertinentium; aliud rerum materialium, sive quæ pertinent ad substantiam extensam, &c.* (4) *Cum autem agnoscimus, fieri non posse, ut ex ex nihilo aliquid fiat, tunc propositio hæc: Ex nihilo nihil fit, non tanquam res aliqua existens, neque etiam ut rei modus consideratur, sed ut veritas quædam æterna, quæ in mente nostra sedem habet, vocaturque communis notio, sive axioma. Cujus generis sunt, impossibile est idem simul esse & non esse &c.* (5) *Quantum autem ad ea, quæ tanquam res vel rerum, modos spectamus, opera pretium est, ut singula scorsim*
conside-

consideremus. Per substantiam nihil aliud intelligere possumus &c. (vid. qvæ excerptimus qvæst. 1. thes. 5.) (6) Ex quolibet attributo substantia cognoscitur, sed una tamen est cujusque substantie præcipua proprietas, quæ ipsius naturam essentiamque constituit, & ad quam alia omnes referuntur. Nempe extensio in longum, latum & profundum substantia corporea naturam constituit, & cogitatio constituit naturam substantie cogitantis &c. (7) Duratio, ordo & numerus à nobis etiam distinctissime intelligentur, si nullum iis substantie conceptum affingamus, sed putemus, durationem rei cujusque esse tantam modum, sub quo concipimus rem ipsam, quatenus esse perseverat, & similiter nec ordinem nec numerum esse quicquam diversum à rebus ordinatis & numeratis, sed esse tantum modos, sub quibus illa consideramus. (8) Et quidem hic per modos planè idem intelligimus, quod alibi per attributa vel qualitates. Sed cum consideramus substantiam ab illis affici vel variari, vocamus modos, cum ab ista variatione talem posse denominari, vocamus qualitates, ac denique cum generalius spectamus, tantum ea substantia inesse, vocamus attributa. Si verba adspicias, videtur hîc omnia Cartesius clarè & distinctè proposuisse, si rem, ego quidem fateor, me nihil planè intelligere, neque graviter ferent Cartesiani, si ipsis sequentia proponam dubia, occupata circa istas quatuor voces, quibus hîc utitur Cartesius; *Res, rei modus, attributum, aterna veritas.*

§. VII.

Qværo I. An aterna veritas differat à re & rei modo? Videtur affirmandum, ob verba expressa in n. 1. & 4. excerptorum. Videtur negandum, quia dicit Cartesius, utrobique eas in mente nostra sedem habere, ergo sunt modi mentis. Qværo II. An res & substantia sunt idem? Videtur affirmandum ob num. 3. item num. 5. verbo: *seorsum*, junctis verbis: *Per substantiam autem.* Videtur negandum, quia sub re comprehenditur duratio, ordo, numerus, n. 2. qvæ non sunt substantiæ n. 7. Qværo III. An res & rei modus differunt? Videtur affirmandum, ob n. 1. 3. 5. 8. Videtur negandum, quia duratio & res est per n. 2. & rei modus per n. 7. Qværo IV. An modus, attributum &c. idem est cum eo, quod vulgò dicitur accidens? Videtur affirmandum per n. 8. & potissi-

potissimum ibi verba finalia. Videtur negandum, quia duratio, numerus &c. sunt accidentia, & tamen sunt Cartesio res ipsa durans & numerata *n. 7.* Quæro V. An attributum & modus differunt realiter? Videtur negandum, per *n. 8.* Videtur affirmandum, per *n. 6.* & quia communiter à Cartesianis attributum dicitur aliquid nobilius esse modo. Quæro VI. An attributum sit res an rei modus? Videtur esse ipsa res, quia Cartesius alibi dicit: mentem & corpus, quæ sunt res per *n. 3.* esse ipsam cogitationem, ipsam extensionem, quæ sunt attributa per *n. 6.*

§. IIX.

Si hæc dubia non resolvant Cartesiani, tota earum philosophia non intelligi potest, ut quæ his notionibus est superstructa. Puto autem esse talia dubia, quæ non aliter resolvi possint perspicue, quam si clara & distincta definitio rei, attributi, & modi detur, quam quæro.

§. IX.

De usu verò quæstionis præsentis non puto esse, quod rideant Philosophi Peripatetici, (quamvis aliqua Facultas talis Philosophica in Academia quâdam vicinâ, censurâ suâ approbaverit risum nonneminis intempestivum super quæstione, quid sit substantia?) Si enim dubia mea non resolvant, fortè quæstiones meæ, si ita, uti incepti, sim perrecturus, destruerent possent omnia eorum prædicamenta, & imò totam scalam prædicamentalem substantiæ, cui tota eorum Physica & Pnevumatica est superstructa.

TANTUM.



1

NÆVORUM
JURISPRUDEN-
TIÆ ROMANÆ
ANTEJUSTINIANÆÆ
LIBRI DUO

editi

à

CHRISTIANO THOMASIO Jcto,

Consil. Elector. Brandenburgic. & Univ. Frider.

Prof. Publ. Senior.

*Præfatio indicat summam Nævo-
rum Jurisprudentiæ Justinianæ & hodiernæ
Romano-Germanicæ.*

Accefferunt ob similitudinem argumenti

1. Disputatio Academica de Nævis Juris-
prudentiæ Romanæ sub Regibus ad tempora Legis
XII. Tabb. 2. Programma de Causis inutilium doctrinarum
in studio Jurisprudentiæ, 3. Vindiciæ Corollarii de exiguo
Pandeectarum usu in foris Germaniæ adversus
Programma Wittebergense.

HALÆ MAGDEBURGICÆ,

Typis & Impensis CHRISTOPHORI SALFELDII,

Regimin. Elector. Brand. Typographi

1695.

NEW YORK

THE ROMANCE

of the

of the

of the

of the

of the

of the

of the

of the

of the

of the

of the

of the



P R Æ F A T I O

ad Lectorem

DEstinaveram ante biennium & quod ex-
currit in Lectionibus publicis occasio-
ne Historiæ Juris exponere Auditori-
bus meis nævos ultra 60. graves Ju-
risprudentiæ Romano - Germanico-
Forensis, ut ostenderem & palpandum
illis darem communem Jurorum hodiernorum errorem
secundum quem multi ex docentibus atque Pragmati-
cis sibi ac aliis persvadent Jurisprudentiam esse in Statu
florentissimo, nec opus habere emendatione, cum ad
summum ferè perfectionis apicem in Germaniâ perve-
nerit. Proposueram autem simul, meditationes meas
hâc de re typis publicare, partim ut auditores tædio de-
scribendi privarentur, partim, ut & alii, qui paradoxon
hoc concoquere difficulter possent, sentirent, quod non
absque ratione idem defenderem ac docerem. Et præ-
stiti quidem prius per discursum, in quo non solum næ-
vos Jurisprudentiæ Ante-Justinianæ, sed & Justinia-
næ, & hodiernæ Romano-Germanicæ distinctè fuerunt
inonstrati. At publicatio meditationum mearum variis
negotiis impedita fuit, postquam Libris duobus priori-
bus absolveram nævos Jurisprudentiæ Romanæ ante
Justinianum. Cum tamen sperarem, impedimenta illa
mox remotum iri, distuli publicationem illorum duorū
librorum qui jam exhibentur, donec alia atque alia ne-
gotia sibi succedentia persvaderent differendam esse ul-
terius elaborationem vel potius collectionem testimo-
niorum

PRÆFATIO

niorum pro monstrandis nævis Juris Justiniani & hodierni Romano-Germanici Forensis. Quare factum est, ut titulus interior quidem ante lib. I. cap. 1. præferat Nævus Jurisprudentiæ Romano-Germanico-Forensis: Titulus vero totius tractatûs saltem nævos Jurisprudentiæ Romanæ Ante-Justinianæ.

2. Nævi ipsi ex principiis Politicis ac Moralibus deducendi parum difficultatis habent. At eorum applicatio ad Jurisprudentiam Romanam & Germanicam ideo difficilior redditur, quod hîc opus sit genuinâ Juris utriusque Historiâ, quæ tamen, si verum fateri debeo, adhuc in medio tot Historiarum Juris scriptorum, inter desiderata in studio Jurisprudentiæ numeranda esse videtur. Historia Juris Romani Ante-Justiniani corrupta est, & nævi dissimulati. Unde mihi opus fuit ex Livio, Dionysio Halicarnassæo &c. veram Statûs Romani & inde profluentis intentionis Legislatorum historiam & connectionem juris indagare ac colligere ut ex libris his duobus patet.

3. Historia Juris Justiniani eodem modo se habet. Nil hîc ferè deprehendes quam adulationes Justiniani & Justiniani juris, saltem crassitie ac subtilitate differentes. Fundamenta adulationum desumpta ex Procopio, Agathia Nicephoro &c. Unde sua ex novioribus vitæ Justiniani scriptoribus sumserant Giphanius & Gvinerus, quamvis hic ultimus adulationes novas adiniscuerit nauseam parituras vel ipsis Panegyristis aliis. Turbavit valde horum & Jctorum Justiniani adoratorum circulos Nicolaus Alemannus Custos Bibliothecæ Vaticanæ anno 1624. Lugduni Publicans Procopii Anecdota, Justinianum, Theodorum & totam Justiniani aulam pessimis

peffimis coloribus depingentia. Non patiendum id erat admiratoribus Justiniani. Igitur Johannes Eichelius, Vir in Aristotele & Justiniano Jure valdè eruditus, fuppreffis aut omiffis Alemanni observationibus nequam ineruditis, defenfionem contrà Procopium & Alemannum fufcepit, prolixiorẽ illam quidem & laboriofam, fed fi accuratè infpicias, nonnifi affectibus & fophismatibus repletam ac in fingulis paginis à tramite juftæ ratiocinationis aberrantem. Effecit tamen viri Autoritas & amor Noftorum erga Justinianum, ut utrâque manu defenfionem hanc Justiniani amplecterentur. Ut adeò fruftrà videantur proponi Lectorib⁹ nævi Juris Justiniani, nifi antea removeatur illa Eicheliana defenfio atque fallæ ratiocinationes & fuma fophifticationum capita, atque injuriæ hinc inde & Procopio & Alemanno factæ, liquidò oftendantur. Quare novam editionem meditor Hiftoriæ arcanæ Procopii, conjunctis & Alemanni & Eichelii differtationibus ac notis, ac interfperfis utrobique meis observationibus, affectus utriusque & aberrationes à regulis verofimilitudinis indicantibus.

4. Atque eò magis utilem arbitror effe ejusmodi operam, quo plura adhuc in doctrinâ de fide Hiftoricâ reftant Præjudicia feu errores communes, magnum præjudiciũ facientia non folum inquisitioni veritatis invitâ Justiniani & Hiftoriâ Juris Justiniani, fed & in altioribus facultatibus & contròverfiis gravioribus. Laudabilis eft intentio Clariffimi Eifenharti, Profefſoris in Academia Juliâ, diligenter colligentis in tractatu de Fide hiftoricâ, quæ huc pertinent. Sunt tamen & hic circa potiora & præcipua, dubia non pauca nec parvi momenti, quæ in aliam abire ſententiam ſvadent, de quibus ſuo lo-

PRÆFATIO

to. Fortè & Vossii aliorumque libelli de arte Historica suppediabant observationes de officio & virtutibus Historici in quibusdam aliter ponendas ac vulgo fit.

5. Meretur etiam ulteriorem dispectionem comparatio historiarum publicarum & arcanarum, præprimis cum Eichelius ubique eam neglexisse videatur, Procopium ex iis, quæ dixerat in historiâ publicâ, refutare intendens. Notavit eam in rem facientia Varillasius nonnulla in præfatione ad Anecdota sua historiarum Florentinæ. Et in specie quoad historiam Procopii discursus est in operibus Matthæi Vayerii Gallicis. Non malè Celeberrimus Leibnizius, in Præfatione ad Codicem Juris Gentium diplomaticum, comparat duplicem hanc historiarum speciem, cum duplicibus bellorum causis apud Grotium, justificis & svasoriis, quamvis applicationem ibi non faciat. Ego historiam publicam svasoriis, arcanam justificis compararem. Id vero notabile, & in paucis verbis multa latent, dum ait: *Duas esse Historia leges, sed quæ aequaliter observari ambe in utroque historia genere non possint. Nam Historia publica esse: nihil falsi dicere; Arcana præterea, nihil veri non dicere, ut illa uno pede claudicare videatur.* Et reverà omnes Historiarum publicarum multa cum Romanciis mihi videntur habere communia, etsi haud dubiè hæc sententia multis vel durior vel ridicula videbitur. Huc tamen refero, quæ ibidem pro excusando defectu Historiarum publicarum afferuntur. *Fatendum est, ut in scenico opere machinas apparare indecorum esset; ita Historiam aliquando nonnihil de pulcritudine amissuram, si causa vera semper cernerentur, appareretque, Heroas subinde puerili studio, aut Muliebri libidine, aut etiam servili cupiditate, egisse.* Quamvis & plura ibi sint allata ad ostendendam prærogativam

Histo-

AD LECTOREM.

Historiæ publicæ præ arcanâ, nescio tamen an probanda omnibus, si ad lydiū veritatis lapidem exigantur.

6. Mihi sic videtur. In historiis omnibus, humanis etiam de rebus non longè remotis multa incertitudo. Exempla præbent v.g. Relationes variæ & contradicentes sibi, de vitâ & moribus Mariæ Stuartæ matris Jacobi Regis Britannia, de morte Gustavi Adolphi Regis Sveciæ, de perduellione & interitu Seriniorum, Nadaſti, Frangipani &c. Causa incertitudinis partim ignorantia Historicorum, partim affectus. Ignorantia provenit, quod scribant ex auditu, & sua colligant ex novellis, aut ex rumoribus, aut ex archivis etiam, quorum fides in controversiis ipsorum principum inter se, non est omnī exceptione major. Aliter Philosophi aut Historici judicant, aliter leges. Qui hæc non capit, conferat Historiam duplicem ejusdem Autoris, Historici sine pari, sed ex duobus archivis scriptam? Brandenburgicam & Svecicam. Tres potissimum affectus sunt Historicorum: Timor, Benevolentia, Odium: qui omnes veritati præjudicant, & pariunt adulationem ac maledicentiam. Regnat tamen ex illis affectibus frequentius timor & benevolentia, rarius odium. Et quotidiana experientia docet, ex his quæ in historiis arcanis adversa de Principibus scribuntur plura esse vera, quam ex iis, quæ virtutes eorum deprædicant in Historiis publicis. Iterum, Leibnützius: *Sapè unam noctem principis malè dormientis, & inde consilia acerba ex præſenti animi vel corporis habitu capta, mox multa miserorum millia suo sanguine luerunt. Interdum muliebris impotentia maritum vel amatorem impellit. Sapius affectus ministrorum in Dominos contagio transferuntur. Cum quibus parum cohærent, quæ mox sequuntur. Ita-*
que

PRÆFATIO

que nec facile fides illis adbibenda est, qui de Principibus indigna narrant, sed occultiora, quæ à paucis nosci possunt. Et tamen cum adulatoribus parum credatur, satyram scribentibus nimis prona præbentur aures. Historia publica Principes describit ut coram populo publicè apparent, arcana, ut in locis secretioribus existunt. Publica fucatam, arcana nativam eorum mentis formam adumbrat.

7. Historia juris Hodierni planè à JureConsultis neglecta, quia neglecta est Historia Juris Germanici, quod tamen regulæ locum adhuc habere fatentur ferè ex Hodiernis Justiniani Admiratoribus cordatiores, dum Jus Justinianeum rectè asserunt esse jus subsidarium. Turpe vero quod communiter tantoperè solliciti sint de historiâ juris subsidarii & historiam juris ordinarii derelinquant. Videlicet si melius excoleretur, palparent studiosi, usum Juris Romani hodie tantum non esse, quantum jactatur. Glaciem quidem hîc fregit Conringius in tractatibus de Orig. Juris Germanici & de Antiquitatibus Academicis, item etiam de Judiciis Germaniæ. Sed tamen multa adhuc reliquit curæ ac diligentiae aliorum, Potissimum res ex doctrinâ de augmentis & incrementis Academiæ eruenda, ubi multa notabilia hinc inde occurrunt in scriptoribus Germanicis nondum observata Conringio. Sed ea colligere hoc opus, hîc labor est.

8. Nævorum porro reliquorum ostensio etsi fundamentis historiæ ritè jactis sit facilis, quia tamen Juris studiosi autoritate eorum, qui adversa inculcant, fascinati sunt, & præterea etiam Politici, & qui ad Gubernacula Reipublicæ sedent, eodem fascino abrepti horrent jura Germaniæ, & sacram Jurisprudentiam Justinianeam venera-

venerabundi adspiciunt, veram autem doctrinam, ut pestilentem & periculosam vel infamant, vel fugiunt, ideo & horum præjudicio aliquid dandum & ex præstantissimis & superioris & hujus ævi JCtis ostendendum est, quod jam dudum ante nos observati fuerint illi nævi & notati, etsi timidius subinde aut sparsim. Hâc ratione inductus malui in libris duobus prioribus, nævos Jurisprudentiæ Ante-Justinianæ notantibus, quoties occasio se obtulit, aliorum JCtorum loca, etsi prolixiora quandoq; descripta ipsorum verbis propriis exhibere, etsi stili inæqualitas inamœnitatem paritura sit. Similia vero testimonia in exponendis nævis Jurisprudentiæ Justinianæ & hodiernæ colligere plus otii & temporis requirit, etsi nullum sit dubium apud Hottomannum, Balduinum, Duarenum, Antonium Fabrum &c. multa extare ad nostrum scopum apprimè facientia, & fortè plures adhuc nævos suppeditantia, quam hætenus numeravimus.

9. Ergo ut appareat cuivis, nos non tam argumento, quam tempore ad amplificationem necessario hætenus fuisse destitutos, summam nævorum hucusq; notatorum exhibebimus. Sunt igitur *Nævi Jurisprudentiæ Justinianæ*.

I. Insufficiëntia Triboniani & Justiniani ad hoc opus. Hic duæ quæstiones non miscendæ. (1.) An Justinianus fuerit alphabeticus planè & literarum rudis? quod puto negandum esse inducto rationibus Eichelii *p. 63 seqq. conf. Maßert. l. 1. dubit. 2. p. 7. seq.* (2.) an fuerit princeps prudens & verè eruditus, adeoq; sufficiens ad arduum hoc opus corrigendi & emendandi Jurisprudentiam? quod nego, non obstantibus rationibus ejusdem Eichelii *p. 61 66.* utpote quæ probant saltem, fuisse principem superstitiosum, metaphysicum & eruditione Scholasticâ re-

pletum. Quod Tribonianum attinet, fatendum quidem, eum fuisse prudentissimum vel potius astutissimum suorum temporum, sed propterea tamen nihilominus fuit insufficiens ad hoc opus. Vide omnino Hotomann. *Anti Tribonianum* c. 11. p. 55. seqq. potiss. p. 59. Res ipsa ostendit, & defectus mox indicandi. *Conf. Eichel. p. 242. 273.*

II. Imperfectio & ineptitudo Codicis Justiniani. Fraudes & ineptias intuitu Codicis Theodosiani saltem à Compilatoribus Codicis Justiniani commissas refert Jacob. Gottofr. *in proleg. ad Cod. Theod. cap. 4. p. 191.* ex quo intelligi poterit, quantum licentiæ sibi sumserint intuitu Codicis Gregoriani & Hermogeniani.

III. Excerptio Pandectarum ex diversis & dissentientibus Jctis. Impossibile enim ita fuit, cohærens aliquod opus perficere. Declaravimus id in discursu exemplo systematum ex omnibus quatuor Facultatibus Disciplinarum desumpto. Ratio hujus impossibilitatis imperfectio intellectus nostri, & obscuritas connexionis conclusionum remotarum cum primâ aliquâ hypothesi, tantum abest, ut accuratè penetrare possit aut memoria retinere, tot diversas hypotheses, quot sibi posuerunt Autores, ex quibus Pandectæ collectæ, & connexionem aut habitudinem conclusionum ad easdem. Nec obstat, si quis nobis objiciat Centones ex Poëtis factos, ut est Cento Virgilianus Ausonii &c. quos admiramur ob elegantem connexionem rerum antea dispersarum, Est enim inter illos Centones & Centones Pandectarum ingens differentia, In Centonibus Poeticis centum & plura cogitata aliorum aptamus aut potius detorqueamus & mutamus ad unum scopum mentis nostræ, & sic unimus. At in excerptis ex dissentientibus eruditis in usum unius systematis colligendis,

gendis, deberet unus intellectus noster distribui in centum & ultra cogitata diversa & sibi invicem repugnantia, quod impossibile est moraliter.

IV. Multitudo operariorum in conficiendis Pandectis. Quæ primâ fronte videbatur equidem defectum præcedentem tollere, cum oculi plus videant quam oculus, sed re accuratius ventilatâ potius augeat eundem, quia horum virorum neuter scivit, cogitata alterius, & quam hypothesin unus præ altero fuerit secutus. Nam probabile est, opera J.Ctorum fuisse distributa ad excerptandum. At hoc pacto, absolute necessarium fuit, ut antinomiæ fuerint insertæ.

V. Virorum horum imperfectio quoad eruditionem. Probatur tum ex nævo i. quia Tribonianus fuit eruditissimus; tum quod ipsorum in Vitâ Justiniani apud Historicos Veteres ferè nulla fiat mentio. Facit & huc barbaries illorum temporum.

VI. Corruptio legum in pandectis partim per deductionem, partim per additionem juris novi. Scripsit hoc de argumento Wissenbachius peculiarem tractatû, quem inscripsit: Emblemata Triboniani. Sed præter ea Emblemata, quæ Wissenbachius ibi observavit, sunt adhuc plura alia. Quædam observavi subinde in notis ad Strauchium, in Scholiis ad Huberum, in disputationibus passim. Hic duæ quæstiones non sunt confundendæ. 1. An Tribonianus peccaverit, arrogando sibi hanc potestatem, quod nonnulli arbitrantur, sed sine ratione. Contrarium patet ex §. 7. *Constit. Deo Auctore*. 2. An sapienter hoc fecerit? Quod negamus. Quia (1) hoc pacto omnes regulæ bonæ interpretationis interpretibus sunt obstructæ, dum vident, quædam asserti, quæ sunt contra

PRÆFATIO

veritatem Historicam, ut: dum lex julia in Institutionibus dicitur adulterium gladio punire, dum *in l. 1. de inter. act.* Callistratus affirmat, interrogatorias actiones usu esse desisse &c. (2) quia necesse est, ut inde fiant antinomiarum, dum illi collaboratores non æquales habuerunt cogitationes, adeoque quod unus in hoc Jcto interpolavit, alter in alio in tactum reliquit: (3) quia nulla ita est coherrentia in Jurispr. Justinianea, dum sæpe conclusiones ex assertione interpolata profluentes fuerunt retentæ, e. g. quod transactio de adulterio olim erat illicita, ratio erat, quod adulterium esset crimen non capitale. Istam conclusionem retinuit Tribonianus, cum tamen suo tempore esset capitale. Unde Dd. torquent se in inveniendâ ratione exceptionis à communi regulâ. Tolerari adeo potuisset hæc interpolatio, si per signa quædam certa demonstrasset, ubi ea facta fuerit. Quamvis per hoc saltem primæ inconvenientiæ fuisset satisfactum.

VII. Repetitio & geminatio eorundem verborum, rerum, legum contra instructionem quæ est in §. 9. *Const. Deo Autore*. Excusat quidem id Tribonianus in §. 14. *Constit. Tanta*, sed rationibus insufficientibus & falsis. Falsum enim est, paucas leges similes contineri, quæ idem inculcant. Vide *Mülleri discursum de Studio Juris feliciter instituendo*, ubi magnam farraginem legum concordantium & geminatarum recenset ex Gvidone Pancirollo *Thef. Var. lect. l. 1. c. 78*.

IIIX. Positio multarum Antinomiarum in Pandectis contra §. 8. *Constitutionis: Deo autore*. Negat quidem id Tribonianus in §. 15. *Constit. Tanta*. Sed impudenter latis, quamvis hanc ejus negationem adorent multi. Dari autem ejusmodi antinomias plurimas in Pandectis, pro-

probatur 1. ex necessitate ob n̄vum 3. & 4. 2. exemplis infinitis, quæ notavi subinde in Disputationibus Lipsiensibus & ad Strauchium ac Huberum. In discursu respondi dissentientium rationibus (1) ex d. §. 15. *Constit. Tanta*. (2) Leges nōn amplius considerandas esse ut leges veterum Jctorum, sed ut Triboniani, (3) omnia potius admittenda esse, quàm ut statuamus antinomias. Comparatio etiam fuit instituta inter duas has sententias, & ostensum: thesin, quod dentur antinomiæ esse convenientiorem Theoriæ, quia rem definiat ex justis regulis bonæ interpretationis, cum adversa sententia utatur distinctionibus nihil significantibus, & faciat sophistas, atq; simul responsum objectioni, quod confessio antinomiarum sit asylum ignorantix. Deinde demonstratum, majorem utilitatem doctrinæ hujus se exerere in praxi, cum adversa hypothesis faciat cavillatores legum, & pactorum, atque sæpè faciat, ut partes processus amittant & causâ cadant, si advocatus nimiam suâ fiduciam habeat.

IX. Incapacitas Antecessorum ad proprio Marte conficiendas Institutiones. Probatur ex *Constitutione Tanta* §. 11.

X. Electio Caij præ aliis. Quia Cajus à temporibus Justiniani nimis fuit remotus & Jus post illa tempora maximè mutatum; neque erat Jctus acutissimus. Et hoc ipso factum fuit contrà instructionem in d. §. 11.

XI. Selectio trium virorum ad hoc opusculum. Confer n̄vum IV.

XII. Defectus & omissio necessariarum & potissimarum doctrinarum in institutionibus, ut adeo falso jactentur, esse totius legitimæ scientiæ prima elementa. Ita omissa divisio personarum in cives & peregrinos, materia dotium, pactorum, contractuum in nominatorum, jurisdictionis, processus &c. Ut nihil dicam de toto Jure Publico & sacro, quod tamen fusè tractatur in Codice & Novellis, & nobilissima pars est legitimæ scientiæ.

XIII. Recensio juris antiquati & antiquandi. Jus antiquatum sæpè nimis prolixè recensent e. g. in titulis de Attiliano tutore, testamentis ordinandis, fideicommissis universalibus. Jus

PRÆFATIO

antiquandum continent titulus de exheredatione liberorum & tituli de successione ab intestato.

XIV. Inepta methodus non solum generalis quam jam notavit Leibnützius, sed & specialis in singulis titulis, ubi paragraphi sæpissimè inconvenienter ordinati, quasi studio factum esset, e. g. in titulo: *quib. mod. tutela finitur*. Scio artificium, quo quidam utuntur, singulos titulos Pandectarum, singulos paragraphos Institutionum per dichotomias combinando, idque incautæ juventuti tanquam arcanum ingens sub fide juratâ carè vendunt. Sed ostendi in discursu, quod id artificium nullius usus sit & saltem ad decipiendum paratum, cum per id facillimè mille res diversissimæ confusissimo & quoc. fortuito ordine collocatæ, ex tempore sic combinari possint.

XV. Inconvenientes & sæpè ridiculæ verborum phaleræ; quoties ad suas constitutiones provocat Justinianus, adhibentes sæpè medios terminos, qui summam Juris Romani ignorantiam produunt. e. g. in titulis de Lege Æliâ Sentia, & Lege Fusia Caniniâ.

XVI. Positio jurium in Pandectis, jam in Codice Justiniano abrogatorum. Probavit hoc Wissenbachius ad Codicem p. m. 4. ubi ex Codice repetitæ prælectionis enumeravit Constitutiones Pandectis derogantes quæ ex Codice Justiniano in alterum illum Codicem translatae sunt.

XVII. Relictio adhuc plurium antinomiarum in Pandectis. Probabile enim est eas saltem in Codice & Novellis esse sublatas, quæ coram tribunalibus eo tempore occurrebant.

XIX. Positio multarum Antinomiarum in Codice repetitæ prælectionis. *Vid. Wissenb. ad Cod. p. 5.*

XIX. XX. XXI. Iidem Nævi in Codice Repetitæ prælectionis repetiti, quos jam notavimus in Pandectis N. III. IV. V.

XXII. Interpolatio legum Codicis. Confer suprâ Nævum II. & VI. & Emblemata Wissenbachii.

XXIII. Tædiosa verba & tautologiæ obscurantes mentem

AD LECTOREM.

tem Imperatoris & cruces figentes interpretibus in Novellis e. g.
in Nov. 115. 118. &c.

10. Ad *Navos Jurisprudentia Romano - Germanica* refero.

I. Introductionem Juris Pontificii in Germaniam.

II. Introductionem Juris Justiniani cum Academicis.

III. Multiplicationem litium statim post introductionem
horum jurium ortam.

IV. Glossatorum primorum ignorantiam historię & philosophię Veterum Juris.

V. Nimium Glossatorum studium conciliandi antinomias.

VI. Variantium opinionum ex præcedentibus raris necessarium ortum.

VI. Ramistarum curas & methodum causalem infelicitè
Jurisprudentię applicatas.

VII. Multiplicationem Systematum & Compendiorum juris.

VIII. Cæcam defensionem, non dari antinomias.

IX. Vanam persuasionem, Institutiones esse libellum aureum.

X. Doctrinam, quod, si concurrat Jus Justinianicum cum
Juribus Germanię, in dubio Jus Romanum Germanico præferendum.

XI. Dissensus infinitus Collegiorum Juridicorum, etiam in territorio unius Principis, etiam in uno municipio.

XII. Mutationem frequentem observantię Judicialis etiam intuitu unius collegii.

XIII. Neglectum philosophię tam a docentibus quàm
discipulis.

XIV. Inde ortam ignorantiam arrogantem & cum opinione singularis Jurisprudentię conjunctam.

XV. Omissionem diligentię debitę & nimiam properantiam in cursu juris.

XVI. Neglectum Juris Germanici & Historię pariter ac
Antiquitatum Germanicarum.

XVII.

PRÆFATIO AD LECTOREM.

XVII. Vana studia & consilia Jctorum quorundam, emendandi defectus inemendabiles.

XIIX. Persuasionem docentiam. Jurisprudentiam esse in statu florentissimo, nec opus habere emendatione &c. &c.

11. Uti autem ex dictis patet, spectant hinc omnes ad Jurisprudentiam Romano-Germanicam Forensē i. e. ad *privatam*. At privata saltem aliqua nec præcipua Jurisprudentiæ pars est. Nobiliores sunt Jurisprudentia *naturalis*, *Publica*, *Ecclesiastica*. Habent & singulæ suos naves nec paucos, sed cum illâ differentiâ. Nituntur hæ primariò Legibus Divinis, uti privata humanis; Ergo in his navi non tam afficiunt ipsam Jurisprudentiam, quam sunt saltem Jctorum navi. De quibus alibi dixi, & de navis Juris publici modò in allocutione ad Auditores præmissâ novæ editioni Monzambani.

12. Affinitas denique materiæ loquitur, cur Accessiones in titulo memoratæ tractatui huic fuerint adjunctæ. Putabam, equidem, doctrinam de exiguo Pandectarum usu aliquando in salvo futuram esse. Sed nupera nimis palpabiliter affectata insultatio dicam, an vellicatio? ostendit, vindicias illas nondum, esse concoctas. Insultatorem facile excusatum habeo, cum alias actiones non permittat motus sanguinis, quo agitur. Sed qui talia foveat & promovent, modestè & placidè rogo, velint vel illum jactatum Pandectarum usum tandem aliquando ostendere, vel vindiciis istis meis per rationes respondere, & promittò, quod tunc inter primos sim futurus, qui errorem meum publicè sim recantaturus. Quod si neutrum fecerint, omnem perdent operam, similibus ejusmodi technis & vexationibus, quæ me, DEO adjuvante, nullo modo unquam movebunt, ut contrà movear, aut collisione aliquâ in positas insidias incidam. Dabam Halæ Magdeb. d. 21. Septembr. 1695.

NÆVI



NÆVI JURISPRUDENTIÆ
ROMANO-GERMANICÆ FORENSIS,
deducti

EX

HISTORIA JURIS.

LIBER I.

De Jure Romano ante Julium Cæsarem.

CAPUT I.

De Jure tempore Regum seu Legibus Regiis.



Urbem Romam à principio Reges habuere, (1) sub quo statu initio sine Legge & Jure certo Populus Romanus vixit, cum omnia manu à Regibus gubernarentur (2) & Romulus feré, ut libitum esset, imperitaret. (3) Postea auctâ civitate Romulus ipse leges quasdam curiatis ad populum tulit. Tulerunt & sequentes Reges. (4) Nam Numa Religionibus & divîno jure maximè populum devinxit: repertaqve quædam à Tullo & Anco. Sed præcipuus Servius Tullius sanctorum legum fuit, quibus etiam Re-

A

ges

ges obtemperarent. (5) Ejectis verò Regibus & pulso Tarquinio omnes istæ leges Regiæ exoleverunt, & populus incerto iterum jure & consuetudine magis quam lege certa uti cœpit. (6)

(1) Tacit. *I. Ann. l. 1.* (2) Pomp. *l. 2. §. 1. de O. J.* (3) Tacit. *III. Ann. 26. §.* (5) Pomp. *d. l. 2. §. 2.* (5) Tacit. *d. III. Ann. 26. §.* (6) Pomp. *d. l. 2. §. 3.*

Explicatio.

Dictum summatim de origine urbis Romæ & septem ejus Regibus. Quid manus Regia? Romuli quædam facta, ut asylum, fratricidium, raptus Sabinarum ad regulas morales & Politicas exacta. Status Reip. Romanæ sub Regibus an monarchicus absolute fuerit an temperatus? Numæ Pompilii singularis sapientia & studium pacis. Quid Tacitus per leges Tullii intelligat, quibus Reges obtemperarent? Leges Regiæ utrum lege Tribunitia fuerint abrogatæ an desuetudine deletæ. Eberlinus notatus, quod asserat non omnes leges Regias exolevisse. Collector Legum Regiarum Papirius. Fabulam sapere, quæ de Papirio isto, matris curiositatem eleganti mendacio eludente narrant Gellius & Macrobius. &c.

NÆVUS I.

Non parum turbavit Jurisprudentiam Romanam, quod ejectis Regibus simul omnes Leges Regiæ exoleverint.

Explicatio.

Dictum summatim de causis, ex quibus Jurisprudentiæ corruptio oritur. De vitiis Legislatorum, si leges ferantur ex intentione dissidia inter cives multiplicandi, aut eorum libertatem supprimendi, si Legislatores non sint sapientes, h. e. si non intelligant officium Principis. Verus sensus dicti Platonici, de beatitudine Rerumpublicarum, si Philosophi regnent &c. Vitia Legum, à vitiis legislatorum orta, si leges contradictoriæ, irrationabiles, rationes earum summe obscuræ

securæ & sibi oppositæ, inter se male cohærentes, sapissimè mutatz. Maximum vitium incertitudo juris. Vitia Jure-Consultorum seu Legis interpretum, Si sint Leguleji, & Calumniatores. Quomodo differat Legulejus, Calumniator, & Rabula, Legum Regiarum singularis æqvitas & præstantia. Non habuisse Populum Romanum justam rationem tollendi leges Regias, sed nimium excedens odium erga Reges, & Regiam potestatem illos eò impulisse. Damnum exinde in Jurisprudentiam emergens juris incertitudo. Hanc tamen corruptionem Jurisprudentiæ ad nos non multum pertinere.

CAPUT II.

De Legibus XII. Tabularum.

Variis intereà iisque gravibus disidiis inter Patres & plebem ortis (1) tandem evenit, ut consensu communi tres legati mitterentur in Græciam, ut inde leges describerent atque colligerent. (2) Quibus reversis Decemviri creati sunt juris communis condendi gratiâ, qui etiam decem tabulis jus conditum populo publicè proposuerunt, idque ad nutum populi emendarunt. (3) Sed cum viderentur adhuc quædam leges deesse, aliæ adhuc tabulæ à Decemviris adjectæ sunt, quæ tamen demum abrogato iterum Decemviratu à novis Consulibus vim legis acceperunt, & ita leges XII. Tabularum appellatæ sunt (4) quæ adeò sunt fons omnis Juris Romani (5) & leges sequentes ferè pro augmentis earum haberi debent.

- (1) Livius lib. 2. § 3. dec. 1. (2) Liv. l. 3. c. 31. p. m. 113. Dionys. Halicarnas. l. 10. f. m. 676. edit. Sylburgii in folio. (3) Liv. d. l. 3. c. 23. seq. Dionys. d. l. 10. f. 657. seq. 680. seq. (4) Liv. d. l. 3. c. 34. & 35. Dionys. d. l. 10. f. 681. (5) Livius d. c. 34.

Explicatio.

Democratiarum felicitatem consistere in exæquatione Patriciorum & plebis, horumque inter se benevolentia mutuâ. Neglectum utriusque apud Romanos post ejectos Reges causam fuisse omnis mali. Recensita ex Livio & Halicarnassæo historia dissidii Patrum & Plebis, à morte Tarquinii usque ad creatos Tribunos plebis, propter nimiam sævitiam seneratorum in pauperes debitores plebejos. Maximam hic culpam patrum fuisse Aristocratiam affectantium. Indultam provocationem ad plebem & introductionem Tribunorum Plebis plus damni dedisse Reipublicæ, quam si plebs senatoriæ dignitatis fuisset particeps facta. Historia novorum dissidiorum populi Romani occasione legis Agrariæ, & de ferendis legibus utrique ordini æquis. Ex isto dissidio ortas esse Leges XII. Tabularum. Harum decem saltem initio cur publicatæ fuerint à Decemviris? Historia tyrannidis Decemviro- rum, & datæ plebiscitis efficaciam legum, cur item dux potestremæ Tabulæ prioribus decem fuerint adjunctæ?

NÆVUS H.

Imperfectionem vel statûs Romani, vel Legislato- rum sapit, quod Leges XII. Tabb. à Græcis petitiæ sint.

Explicatio.

Legislatorem in Legibus scribendis solum populum, cui leges fert, non alios respicere debere. Non excusari Romanos, quod Leges Græcorum fuerunt optimæ & instituto Romanorum aptissimæ. Petentem Leges ab aliis propriam turpitudinem allegare, & amittendæ libertatis periculum subire. (Digressio de Fabula Accursiana, quâ disputationem inter sapientem Græcum & stultum Romanum præcessisse legum Græcarum impetrationem narrat. Conjectura: autorem, quisvis etiam sit, fabellæ hujus fortè respexisse ad nævum præsentem.) Non juvare Romanos, quod ex Legibus Græco-

rum

rum felegerint Leges sibi convenientes. Petitionem hanc indicare, statum Romanum fuisse turbidum, & Senatores per hanc petitionem moras quæsiuisse decipiendæ plebis, ipsosque Romanos prudentiâ legislatoriâ fuisse destitutos.

NÆVUS III.

Imperitia Legum condendarum & astutia ex modo, quem Decemviri in conficiendis Legibus XII. Tabb. adhibuerunt, elucet.

Explicatio.

Hermodorum, Ephesium tabulas decem nomine Decemvirorum conscripsisse, Decemviris & Græci sermonis planè ignaris & prudentiâ legislatoriâ omnino destitutis. Decem priores tabulas ad rumorem hominum plebejorum, & insipientum fuisse correctas, duas tabulas postremas ad fovendas dissensiones inter Plebem & Patres à Decemviris fuisse adjectas. Encomium Decemvirorum, quod ipsis sub Crassi persona Cicero tribuit, hyperbolicum aut catachresticum esse.

NÆVUS IV.

Non ubique æquitatem observarunt Leges XII. Tabb.

Explicatio.

Communiter JCtos encomia LL. XII. Tabb. absque judicio colligere. Parum inferri pro præstantia & æquitate Legum harum ex encomio Crassi apud Ciceronem & Taciti, dum eas finem æqui juris appellat. De rigore juris veteris, furri actionem adversus eos indulgentis, qui re aliter atque convenerat, fuerat usus. De disceptatione Favorini apud Gellium contrâ æquitatem legis XII. Tabb. De pena viginti quinque assium & talionis contra injurias. Immanitatem legis XII. Tabb. ex concessa creditoribus dissectione corporis debitoris obzati, esse conspicuam. Parum aptè immanita-

tem hanc à Cœcilio contra Favorinum defendi. Aliam iniquitatem Legis XII. Tabb. ex prohibitione conjugiorum inter Patres & Plebem apparere, neque eam tolli rationibus Rittershuffii. (Digressio: An ejusmodi conjugia sunt utilia Reipublicæ? Adductum caput ex Historia Sevarambes de sublata in ista Republica differentiâ nobilium & plebejorum.)

NÆVUS V.

Non parum impedit studium Jurisprudentiæ quod Legibus XII. Tab, careamus.

Explicatio.

Leges XII. Tabularum fuisse fontem reliquarum legum & adeo earum interitum maximum defectum asserre interpretationi juris Romani. Quando Leges hæc interierint? Earum restauratores & encomium Jacobi Gothofredi.

CAPUT III.

De Disputatione Fori.

Circa augmenta Legis XII. Tabularum cum ad Capicem ob historiæ obscuritatem deduci nequeat, quo ordine eadem sint infecuta, (1) sequemur communem Doctorum sententiam ad Pomponium porissimum respicientem. Paucae erant & satis obscurae Leges XII. Tabularum, (2) inde mox orta interpretatio prudentum & disputatio fori, quæ primis temporibus tacito populi consensu vim juris obtinuit, atque propria parte aliquâ non appellatur, sed communi nomine vocatur jus civile, (3) item media Jurisprudentia. (4)

(1) Vide Commentatores passim ad l. 2. §. 5. seq. de O. F. (2)

Gellius lib. 20. c. 1. Cicero II. de LL. (3) Pomp. d. l. 2. §. 5.

(4) §. media inst. de legit. agnat. success.

Explicatio.

Rectè quidem duplicem interpretationem legum facit Holtermannus *de orig. juris* p. 16. unam rabularum, quæ consistat in temerariis explicationibus & corruptionibus Jurisprudentiæ, alteram verorum Jctorum, sed quod addit illam posteriorem hîc intelligi, quæ facta fuerit ab iis, quibus experientia & longus rerum usus prudentiam & auctoritatem comparaverit, id à vero valde est disimile. Neque enim fuerunt ista tempora tam felicia, ut Rabulæ veris Jctis non fuerint immixti. Imò contrarium præsumendum est, cum interpretationes tacitâ populi approbatione vim juris acceperint. Natura autem populi est, ut veros Jctos pro idiotis, Rabulas & Legulejos pro Jctis habeat.

Nota est communis objectio ex §. *Responsa Prudentum de J. N. G. & C.* quod responsa prudentum pertineant ad Jus scriptum. Nota quoque est communis responsio, quæ placet, & melior videtur distinctione, quâ utitur Strauchius *dissert. 1. th. 13.* post Galvanum. *Vid. Schilterum. Ex. II. th. 2.* Non diffiteor equidem, interpretationem etiam fieri posse citra responsa, at responsa rarò fiunt citra juris interpretationem, adeoque utrobique & juris interpretatio reliqua, & quæ per responsa prudentum fit, intelligitur. Et imò magis ultima, etiam hîc, ob l. 2. §. 35. de O. I.

Per mediam Jurisprudentiam in d. §. 3. de leg. Agnat. success. intelligi interpretationem prudentum, non legem singularem Voconiam monstrat Dn. Schilter. d. l. §. 1. Et in hoc sensu elegantem libellum scripsit Pandulphus Prateius sub titulo de *media jurisprudentia*.

NÆVUS VI.

Et paucitas Legum XII. Tabularum, & brevitates earum atque inde subsequuta obscuritas ad nævos Jurisprudentiæ Romanæ referenda est.

Explicatio.

Disputat equidem contra Corasium & Lipsium Rupertus ad *Enchiridion Pomponii* p. 96. seq. Istis paucitatem, hoc multitu-

titudinem commendantibus. Sed media via merito tenenda est. Paucitas mater obscuritatis est & insufficiens ad casus omnes determinandos. Multitudo occasionem cavillationibus dat, antinomiis &c. exemplo Juris Justinianei, de quo infra suo loco.

Quod obscuritatem attinet, Polybius l. 3. cap. 22. *Veteris, inquit, lingvæ Latinæ tanta diversitas est ab illa, quæ hodie utuntur, ut vel peritissimi nonnulla ægrè, ubi animum attenderint, explanare queant.* Unde quemadmodum nequaquam apud Gellium lib. 16. c. 10. ridetur ille, qui, cum Jurisperitus vocari vellet, verba XII. Tabb. prisca nec tenebat nec interpretari aut enarrare poterat, uti quidem perperam allegat Eberl. de O. J. p. m. 36. ita etiam neque jure rideri poterat, sed bene respondit: *Dicere ac interpretari hoc deberem, si jus Faunorum & Aboriginum didicissem, sed enim cum -- omnis illa duodecim tabularum antiquitas -- consopita sit, studium, scientiamque ego præstare debeo juris & legum vocumque earum, quibus utimur.* Quamquam neque Julius Paulus antiquitatum illarum gnarus encomio suo sit defraudandus. Ornamenta Jcti sunt ista, quibus si quis careat, pro fordido tamen haberi nequit. Meretur locus integer Gellii, ut inspiciatur. Igitur hic nævus Jurisprudentiæ & legibus quidem adhæret, fortè tamen nec legislatoribus nec Jctis imputandus est. Pulcrè iterum Gellius l. 20. c. 1. *Obscuritates non assignemus culpæ scribentium, sed inscientiæ non assequentium, quamquam hi quoque ipsi, qui, quæ scripta sunt, minus percipiunt, culpâ vacant.* Nam longa ætas verba atque mores veteres obliteravit, quibus verbis moribusque sententia legum comprehensa est. Fortè tamen legislatores hac parte non planè extrâ omnem culpam; quos non improbable est ex Græcorum legibus, quæ excerpserant, nec quid vellent, intelligebant, obscuris verbis extulisse in hac lingua, aut potius Hermodorum Ephesium legum Græcarum, ut cap. præced. diximus, interpretem non satis calluisse idioma Latinum. Pertinet huc aliquo modo locus Ciceronis II. de LL. c. 23. p. m. 1202. *Lessum veteres interpretes, Sextus Ælius L. Acilius non satis se intelligere dixerunt, sed suspicari vesti-*
menti

menti aliquod genus funebris; L. Aelius Lessum quasi lugubrem ejulationem, ut vox ipsa significat; quod eo magis judico verum esse, quia lex Solonis id ipsum vetat.

NÆVUS VII.

Magna juris incertitudo introducta fuit per disputationem fori.

Explicatio.

Maximè continuata fuisse plebis dissidia cum patribus (de quibus cap. 2. in explic.) etiam post publicatas leges XII. Tabularum ex Livio apparet. Notabilis ejus locus lib. 3. cap. 65. Magna contentio plebis cum patribus de tollenda lege XII. Tabb. connubia patrum cum plebe interdicente memoratur lib. 4. capp. prioribus, de qua judicium nostrum dedimus in disputatione de navis jurispr. observ. 4. §. 9. Renovatæ sæpius quærelæ justæ populi adversus patres de lege agraria, nimio rigore creditorum erga debitores pauperes, & suppressâ quantum fieri poterat, libertate plebis. Prima enim cura patrum erat, ut plebs in paupertate detineretur, unde perpetuo ipsi denegata justa agrorum divisio, & cum crudelitate adversus ipsos, si debitores essent, sævitum fuit. Sævitum fuit imò in ipsos Patres aut Patricios, qui injustitiam reliquorum detestabantur, & populo succurrebant. Mox enim benigni ejusmodi homines sub prætextu rebellionis aut regni affectati miserè trucidati sunt. Pertinet huc miseranda mors Sp. Melii quæ eam solam causam, quod largitiones frumenti plebi fecerit, quicquid etiam pro coloranda justitia internecionis illius affectat Livius d. l. 4. c. 13. 14. 15. Istæ enim omnes circumstantiæ ostendunt, processum injustissimum subfuisse, & criminationem saltem Melii, nullam probationem. Veritatem rei exponunt, & nihil aliud summatim memorant, quam quod Livius ipse fusiùs enarraverat, illæ conciones, quas se ditiosas quidē vocat Livius d. l. 4. c. 35. sed nulla ratione suffultus, nisi quod semper pro seditione habitum fuerit, si pars imbecillior, cu-

B

jus

jus libertas in Rep. à potentiore invaditur, conquerratur, & libertatem suam defendere intendat. Evidens est, in fraudem plebis creatos tribunos consulari potestate omnes patritios ap. Livium *l. 4. c. 44.* Memorabilis patrum astutia in solvenda tribunicia potestate, cum dissidium de legibus agrariis oriretur, legi poterit *c. 48. d. l. 4.* Adde similem astutiam & justas querelas plebis *cap. 50. in fin. & c. 51. init.* In dissidio de hibernaculis Vejenfibus prolixior quidem pro patribus adducitur oratio Arrii Claudii, quam pro populo tribunorum plebis *lib. 5. c. 2. - 7.* sed ipse Livius initio *d. c. 7.* ut ea persvaderet, necesse habet casum vocare in subsidium, Plebejis tribunis militum creatis *lib. 5. c. 13.* non memoratur quicquam in odium patrum illo tempore gestum, sed quanta invidia patrum id factum fuerit ex *seq. cap. 14.* videri potest. Non nisi per fraudem, & ut populum delinirent agros plebi divisos recenset *cap. 30. d. l. 5.* Sceleffissimo facto M. Manlius ut regni affectati reus occiditur, verus patriæ pater, & meliori fortunâ dignus, atque Bruto Tarquinii exturbatori tanto magis præferendus, quanto major erat tyrannis, quâ plebem subigebant Patres præ tyrannide Tarquinii: Lege & judica apud Livium *lib. 6. cap. 11. usque ad 20.* Verissima sunt, quæ Manlius dicit *cap. 18. in fine* de dictatura & consulatu tollendo; & quæ sequuntur, apertè ostendunt accusationem de regno affectato ipsi per calumniam fuisse intentatam. Ingratissimam plebem & stultissimam ostendit *cap. 20.* neque pœna diu emansit. Vide, quæ habet *cap. 34. d. l. 6.* Notabile plebiscitum de agris, pecuniis, & consule plebejo est in *cap. 35. lib. 6.* ubi & quod Patres antequam id admitterent, citius passi fuerint tribunos solos per integrum quinquennium Magistratum gerere. Tandem cum plebs vinceret, aliâ viâ rem aggrediendam putarunt, à plebe impetrantes redhostimenti loco, ut ex patribus Prætor unus crearetur, qui jus in urbe diceret, & ludorum causa ex patribus crearentur ædiles curules. Prætextus ludorum honor Deorum, vera causa, ut mollis fieret populus. Unde & ludi scenici simili prætextu tum ortum duxere. *Conf. Liv. l. 6. c. ult. l. 7. c. 1. & 2.* Plura jam afferre supersedeo,

Ex quibus vel hoc saltem observari velim; quanta cura potestatem juris dicendi sibi vindicaverint patres, & quantâ imprudentiâ eam admiserit plebs. Ante hæc tempora Consules jus reddiderunt, *Vinnius in notis variorum ad l. 2. §. 27. de O. I. p. m. 45. edit. Leevij.* Jam cum Patres adigerentur consultum cum Plebe communicare, sufficere sibi putarunt, si potestatem juris dicendi sibi solis reservarent, & non tam Consulibus, quàm Plebi adimerent, gnari, quantum valeat ad summam rerum potestas juris dicendi, de quo pluribus infra.

Præter autem hanc juris dicendi potestatem sibi solis antea vindicarunt etiam potestatem legum interpretandarum, *ut cap. seq.* dicitur pluribus, quo pacto etiam magnum frenum libertati plebis injectum est, cum potestas interpretandi, (libera illa, & quæ æqualem ferè vim habet cum interpretatione authentica) tantum valeat, quantum potestas legislatoria. Maximè verò valuit incertitudo juris per disputationem fori necessario orta ad detinendos in perpetuo dissensu plebis animos, & impediendos adeò, ne concordia apti fierent ad libertatem suam defendendam.

Incertitudinem juris necessariò ortam fuisse ex disputatione fori, patet, quia necessarium erat, ut ex ista disputatione fori dissentirent JCti. Non afferemus jam conjecturam non improbabilem, fortè ad dissensum plebis augendum studiò sæpius dissensisse JCtos. (ut hodie fit à Rabulis, cum partes divites in ipsos incidunt,) Fingamus, non fuisse Rabulas inter ipsos JCtos primorum temporum. Fuerunt homines iisdem animi vitiis subiecti, quibus hodie sumus, putà variis præjudiciis autoritatis & præcipitantiæ, quæ cum hominibus adolescunt, amor lucri, (prout videbant legis expositionem favere parti, qui ipsos consuluerant) odio & æmulationi erga alios æquales, cupiditati gloriæ ex contradictione eruditâ acqvienda. Adde quod Leges XII. Tabb. non conditæ fuerint secundum regulas artis, ut ita dicam, aut systematicè, seu ut leges connecterentur, & ex communi princi-

pio deducereitur. Ubi autem hoc non fit, necessarius est dissensus interpretum in deducendis conclusionibus ex ipsis legibus.

Hic de effectus quò major & ex principis erat, ita debuisset majori curâ & in tempore ipsi occurrere per legem novam. Sed hoc non erat ad palatum patrum. Igitur potius tacito consensu sententia ista JCtorum dissentientium vim legis acceperunt, quo pacto incertitudo juris fuit necessario aucta.

CAPUT IV.

De Legis Actionibus.

Vindicantur igitur sibi Patres vel Patricii non solum potestatem interpretandi leges, sed & juris dicendi, (1) & populo certas solennesque formulas, ne, prout vellet, actiones institueret, praescribendi, quæ appellantur legis actiones. Residebat autem potestas hæc interpretandi & formularum potissimum apud collegium Pontificum, qui olim etiam ex solis Patriciis legebantur, (2) ex quibus postea continebatur, quis quoque anno præflet privatis interpretando & respondendo de jure. (3)

(1) *Vid. Exposu. novi 7. cons. l. 2. §. 35. de O. L.* (2) *vide Livium lib. 10. cap. 6.* (3) *Pomponius l. 2. §. 6. de O. L.*

Explicatio.

Repetendum ex *explicatione cap. 2.* neglectum ex æquationis patriciorum & plebis in Rep. Romanâ, eorumque odium mutuum causam fuisse omnis mali in Rep. Romanâ. Ex hoc fonte igitur malum etiam quotidie longius invasit ipsam Jurisprudentiam, præprimis cum Patres magnopere dederint operam legum interpretatione atque jurisdictione ibi reservatis plebis libertatem conculcare, non ita facile sentiente hæc astutiam patrum plebe, uti cum agros detineant, & crudeliter

deliter cum debitoribus suis procederent. Ergo omnis intentio patrum in iure jurisprudentie eò collinavit, ut vel potestate legislatoriâ, aut vi, aut fraude pleben excluderent, vel subtilitates nimias sub prætextu deceri aut iusti in legum interpretationem & formam juris administrandi introducendo, jus incertissimum redderent, & ita pleben in perpetuo dissenfu deinerent. Ostendunt, id ex parte ea, quæ in *explicatione capituli 2. & nati 7.* ex Livio excerptimus. Continuabimus pedetentim in hoc & seqq. quibusd. capitibus, jam quidem ea, quæ ex Livii *lib. 7. usque ad 11.* huc pertinent, excerpturi.

Cum iterum, quamvis post satis frequentempatrum procrastinationem, consul plebejus crearetur, difficilinares & plerumque parti utrique, semper alteri gravis de pecunia fœnebræ & solutione nominum placidè fuit ad tempus sopita. *Livius l. 7. cap. 21.* Dictator Publius Philo tres leges secundissimas plebi, adversas nobilitati tulit: unam: ut Plebiscita omnes Quirites tenerent: alteram, ut legem, quæ comitiis centuriatis ferrent, ante initum suffragium Patres auctores fierent: tertiam; ut alter utique ex plebe, cum eo ventum sit, ut utrumque plebejum consulem fieri liceat, censor crearetur. *Livius lib. 8. c. 12.* C. Salpiti Longo, & Ælio Peto Coss. Q. Publius Philo Prator primum de plebe, averseante Sulpicio Cos. qui negabat, rationem ejus se habiturum, est factus. *Liv. lib. 8. c. 15.* Paulò post plebi Romanæ vult aliud initium libertatis factum est, quo ob L. Papirii insignis fœneratoris libidinem nequi desierunt, iussique Coss. fere ad populum, ne quis, nisi qui noxam meruisset, donec penam lueret, in compedibus aut in nervo teneretur; pecuniæ creditæ bona debitoris non corpus obnoxium esset. *d. 8. cap. 28.* Successu vero temporis Appius Claudius solus censuram invito P. Sempronio, invitisque aliis sex tribunis, ob intercessionem trium aliorum tribunorum retinuit. *Liv. l. 9. ap. 33. seq.* Eod. *lib. 9. c. 46.* memoratur factum Flavii, evulgatis jus civile Pontificum, de quo *cap. seq.* Porro cum in honoribus plebs Patri-

bus ferè esset exæqvata, & nihil præter sacerdotia, quæ nondum promiscua erant, deesset, M. Valerio, & Q. Apulejo Coss. tribuni plebis rogationem promulgarunt, ut cum quatuor Augures, quatuor Pontifices eâ tempestate essent, placeretque augeri Sacerdotum numerum, quatuor Pontifices, quinque Augures, de plebe omnes allegarentur, & obtinuerunt. Eodemque anno etiam lex de provocatione tertium renovata fuit. *Livius lib. 10. c. 6. seqq.* Mansisse tamen patribus altâ mente repositam illam plebis exæqvationem, vel origo aræ publicitæ plebejæ ap. *Liv. d. l. 10. c. 23.* docere potest.

His præmissis jam facilè ostendi potest quoad intellectum capitis præsentis, primariam causam, cur Legis actiones inventæ fuerint & à Pontificibus directæ, in eo consistere, ut hoc pacto Patres imperium clam sibi firmarent. Erant enim legis actiones non solum ad disceptationes forenses restrictæ, sed in genere solennes ritus, secundum quos omnes ferè actiones civium momentum aliquod in civitate habituræ instituebantur sub pœna nullitatis aut graviori. Conf. Eberl. hic *c. 7. p. m. 40. N. V. p. 14.* Neque parum abfuisse eos à ritibus illis, quibus apud nos utuntur opifices in conventibus suis, aut quibus utuntur Depositores Beanorum, vel ex antiquis manumissionis, & emancipationis ritibus tironibus notum est. Quamvis verò non sit diffidendum solennitatum præscriptionem per se non tribuere imperium, & magnam adeò esse differentiam inter justum, quod ab imperantis voluntate, & decorum, quod dependet ab arbitrio ejus, qui auctoritatem habet in societate aliquâ, facilè tamen patet, quod quo magis is, qui auctoritatem (est autem autoritas opinio de alterius virtute conjunctâ cum potentiâ,) habet, aliorum animos spontè devictos tenet, eò facilius is etiam possit grassari ad imperium, præprimis cum moribus perversissimis & antiquis & modernis Aula, Sacerdotes, eruditi, plebs justum in decoro actionum exteriorum quarant, non in animo. Præterea solent ii, quibus norma decori committitur, haberi pro prudentioribus. At prudentiores etiam imperio digniores sunt.

Ergo

Ergo vana est verborum Pomponii (*ne populus prout vellet, actiones institueret*) interpretatio, quam affert Eberlinus d. p. 40. hoc est, ne temere aut pro libitu, arbitrio suo ageret, scientiamque longe sacratissimam profanaret. Qua ratione enim disciplina decori, quæ à mero ingenio humano dependet, & in dies variat, ac potissimum vanitatem, luxuriam & stultitiam hominum pro fundamentis habet, possit sibi titulum scientiæ sacratæ vindicare, nisi apud homines superstitiosos & præjudicio autoritatis immersos? Apertè Pomponius: *ne prout vellet actiones institueret*: id est, ut aliorum voluntati sub prætextu decori actiones suas submitteret, quæ est pronissima ad libertatem amittendam via. Clarius Cicero lib. 1. de orat. Veteres illi, qui huic scientiæ præfuerunt, obtinende atque augende potentiæ suæ causâ per vulgari artem suam noluerunt. Quid evidentius dici poterat? Iterum Pomponius d. l. 2. §. 35. de O. I. In omnibus, qui scientiam nacti sunt, ante Tiberium Coruncanium publicè professum neminem traditur. Ceteri autem ad hunc vel in latenti jus civile retinere cogitabant, solamque consultatoribus vacare potius quam discere volentibus se præstabant. Jam si consideres, Tiberium Coruncanium primum ex plebe fuisse Pontificem Maximum creatum, uti in Epit. Livii lib. 18. legitur, iterum constabit, reliquos ante eum Patricios ideo in latenti retinere jus cogitasse, ut ne imperium ab ordine suo auferretur, Tiberium Coruncanium contra ut aliquo modo plebem pedetentim ex servitute tolleret, primum Juris Professore fuisse.

Stabilitur ulterius sententia nostra, si Pontificum originem & officia consideres. Vide Coccejum in N. V. hic p. 15. Eberlinum p. 40. 43. Numa Pontifices primus ex patriciis instituit, haud dubie ex familia regia, ut imperium Regibus hac parte eò magis firmaret. Non senserunt vim & momentum officii hujus, de plebe homines, alias id post Reges ejectos per tantum temporis spatium solis patriciis non reliquissent. Summatim potentiam eorum ex Cicerone colligere licet, initio orationis pro domo suâ ad Pontifices. Cum multa divinitus, Pontifices, à majoribus nostris inventa atque instituta sunt, tum nihil
præcla-

præclarius, quam quod Vos eisdem & religionibus Deorum immortalium & summæ Reipublicæ præesse voluerunt, ut amplissimi & clarissimi cives Remp. bene gerendo, Pontifices religiones sapienter interpretando Rempublicam conservarent. Quod si ullo tempore magna causa Sacerdotum Populi Romani judicio ac potestate versata est, hæc profectò tantæ est, ut omnis Reipubl. dignitas, omnium civium salus, vita, libertas, aræ, foci, Dii, penates, bona, fortuna, domicilia, vestræ sapientie, fidei, potestatiqve commissa creditaqve esse videantur. Adde omninò, quæ prolixè congeffit Alexander ab Alex. Gen. dier. lib. 2. c. 8. p. m. 303. Ubi inter alia ex Plutarcho affertur, quod dignitas Pontificum proximè accesserit ad dignitatem Regiam.

Dabant igitur Pontifices formulas agendi: quarum potissima capita summatim indicat Qvintilianus lib. 3. c. 8. In omnibus ferè causis, in quibus cecidisse quis formulâ dicitur, hæ sunt quæstiones. An huic? an cum hoc? an hæc lege? an apud hunc? an hoc tempore liceat agere? At putabam, inquis, formularum forensium dationem pertinuisse ad Prætorem. Sed initio non erat Prætor, ut mox videbimus distinctius, & jam supra duobus verbis monuimus. Deinde differentiam inter dationem formularum Pontificiam & Prætoriam hanc exponit Holtermannus de Orig. Juris Historica. p. m. 27. seq. Post Pontifices, ait, Prætores dedere actiones, imo etiam cum illis, sed aliter atqve aliter. Pontifices monstrabant jus & formam experiundi, quâ instructus actor, post in jure Reo actionem, quâ usus erat, edebat, tumqve eam à Præторе sibi dari, hoc est, concedi, eoqve nomine judicem sibi dari postulabat. Prætor reo audito & ejus exceptionibus cognitis in vim concedendæ actionis rem complectebatur formulâ, quæ contineret actionem & exceptionem, & cum illa actorem mittebat ad judicem &c. Pontifices ergo ostenderunt jus suum in jure proponendi sine peccato, formulam ritè & sine peccato agendi, ne quis causâ caderet & formulâ excideret, quod si factum apud judices privatos, Prætor eos restituebat. At Prætor dabat potestatem actione editâ jus suum prosequendi, imò

imò Magistratum suum iniens edicto, quod proponebat, pollicebatur, se ex certis causis Juris Civilis, vel interpretandi vel supplendi causâ judicium vel actionem daturum, agere permissurum, & agendi potestatem facturum promittebat, vel edicebat se negaturum actionem vel judicium, & non daturum. Hactenus Holtermannus. Qui an omnia hic acu tetigerit, jam non disquiro, & fortè mox eâ de re dispiciam ulterius.

NÆVUS VIII.

Incertæ fuerunt, variantes & incognitæ populo hæ legis actiones.

Explicatio.

Jus norma esse debet actionum civilium. At quæ felicitas potest redundare in Remp. si norma ista quotidiè variet & magnæ populi parti sit incognita?

Istos verò nōvos inhæsisse legis actionibus & formulis istis, partim ex dictis constat, partim ex istis locis duobus apparet. Sic Cicero *pro Muræna* c. 11. *Possset agi lege, nec ne, pauci quondam sciebant; fastos enim vulgò non habebant. Erant in magna potentiâ, qui consulebantur, à quibus etiam dies tanquam à Chaldeis petebantur.* Ita & Amm. Marcellinus *lib. 26. p. 311.* *Hec nondum extentis fufius regnis diu ignoravere Romani, perque secula multa obscuris difficultatibus implicati, tunc magis errorum profunda caligine fluctuabant, cum in Sacerdotes potestatem transfussent intercalandi: qui licenter gratificantes publicanorum vel litigantium commodis, ad arbitrium suum subtraherant tempora vel augebant. Hocque excepto emerferunt alia plurima, quæ fallebant, quorum meminisse nunc supervacuum puto.* Conf. Rupertum *hic p. 114.*

NÆVUS IX.

Nimis subtiles erant istæ formulæ, & iniquum, quod si litigatores præeuntibus Jure-Consultis in pronunciando vel syllaba deerrassent, formulâ cecidisse aut causâ dicebantur, id est causam perdidisse.

C

Ex.

Explicatio.

Vide Cicer. 2. de invent. Quintil. lib. 7. Sueton. in Claud. cap. 7. Unde & hæc verborum aucupia à Constantio sublata sunt l. 1. C. de formul. & impet. sublat.

Excusare vel temperare hunc nævum studet Rupertus hic p. 109. Qvis hic curiæ Romanæ furor? quæ improvisa fortunarum clades? Inter Anthropophagos sit ista lex, non inter illos, qui verbo Plinii l. 2. c. 5. numine Deum electi, ut ritus mollirent, & humanitatem homini darent; vel judicio Strabonis, gentes antea feras pro agresti vita civilem docerent. Quid enim aliud hoc esse dicam, quàm sanguinem humanum bibere? Ecce in hoc procelloso formularum pelago quot juvenum imperitorum, quot innocentum naufragia? Sed bona verba quæso. Ad quod enatarent innoxii vel fraude circumventi, humanitas Romana patere voluit tanquam salutare litus, ipsum Prætozem, à quo in integrum restituebantur. Docet Seneca ep. 48. Quid enim aliud agitis, quam eum, quem interrogatis, scientes in fraudem inducitis, quam ut formulâ cecidisse videatur? sed quemadmodum illum Prætor, sic hos Philosophia in integrum restituit. Hæc Rupertus. Mihi nihil minus docere Seneca videtur, quam restitutionem eorum, qui formulâ ceciderant: Agit de restitutione ob dolum. Hæc ad restitutionem eorum, qui formulâ ceciderant, nihil facit. Ergo comparatio Senecæ non est extendenda ultra tertium, & manet adeò iniquitas ista à Jureconsultis Pontificibus eum in finem introducta, ut eo magis subigerent plebem & reliquum populum.

CAPUT V.

De Jure Flaviano.

Postea cum Cn. Flavius invitis nobilibus Aedilis curulis factus esset, formulas istas evulgavit, & fastos in albo reposuit, ut à toto populo quotidiè cognosceret

sci possent. (1) Unde appellatur Jus Civile Flavianum, quamvis Flavius de suo nihil adjecerit. (2) Graviter vero cum hoc tulerint Jurisconsulti, novas quasdam agendi formulas excogitarunt, easque certis quibusdam notis vulgo incognitis descripserunt. (3) Verum Sextus Ælius & has publicavit peculiari libro, qui appellatur Jus Ælianum. (4)

(1) Val. Max. l. 2. c. 5. Livius lib. 9. in fine. A. Gellius lib. 6. c. 9.

(2) Pompon. l. 2. §. 7. de O. I. (3) Cicero pro Murena c. 11.

(4) Pompon. d. §. 7.

Explicatio.

Pomponius d. §. 7. refert, quod Flavius Ædilitatem & Tribunitiam potestatem in præmium vulgatarum formularum acceperit, quorsum & inclinatur Plinius *Hist. Nat.* l. 33. c. 1. Sed verosimilior sententia Valerii Maximi, Livii atque Gellii, præprimis cum hi duo posteriores ad annales antiquos provocent, & modus proponendi, prout eum Valerius refert, factus fuerit in albo (ædilitio.) Publicavit igitur, ut Livius narrat, quia se contemptum viderat à nobilibus & ante susceptam ædilitatē, & in ipsâ ædilitate. *Vide omnino citatos autores.* Quemadmodum autem ægrè tulerunt Patres, cum Flavius Ædilis fieret, in tantum, ut annulos abjicerent, ita nullum est dubium, quin magis adhuc eos affecerit publicatio formularum & fastorum, quas probabiliter ab Appio Claudio acceperat, cujus scriba fuerat, Pompon. d. §. 7. Dicit Pomponius, Appium hunc Claudium in formam redegisse has actiones, quod explicatur in *Notis Variorum* p. 16, quod in ordinem eas redegerit. Puto fuisse meram collectionē aut ad justū ordinem non satis exactam. Cicero l. 1. de Oratore c. 41. Deinde postea quam est editum (Jus Civile) expositis à Cn. Flavio primum actionibus, nulli fuerunt, qui illa artificiosè digesta generatim componerent. Post publicationem vero Juris hujus Flaviani alias formulas fuisse compositas à Jctis, præter Ciceronem pro Murena c. 11. etiam ex d. §. 7. Pomponii

appareret, si lectio illa, quam affert Eberlinus p. 49. approbaretur: *Augescente civitate, qui praeerant, quadam genera agendi composuerunt.* Miror verò, quod de Jure Æliano nihil amplius reperiam, quam apud Pomponium, & interpretes ferè hac parte taceant. Videndum adeò, an Jus hoc Ælianum sit idem cum tripartitis Sexti Ælii, de quibus idem Pomponius d. l. 2. §. 38. de O. L.

NÆVUS X.

Jus Flavianum incertitudinem quidem formularum sustulit, sed nequaquam subtilitatem. Quin imò Jcti novas legis actiones & notis quidem incognitis excogitando, incertitudinem auxerunt.

Explicatio.

Ex facti expositione nævus hic jam satis patet. Igitur nihil addam, quam ut ex Cicerone ostendam Legulejis nostris, quam non committat crimen læsæ majestatis, qui nævos Jurisprudentiæ & ineptias Jctorum detegit. Loci duo sunt ita pulcherrimi, ut non possim non, quin eos integrè adscribam. Unus est de Oratore lib. 1. *Jureconsultus ipse per se nihil nisi legulejus quidam cautus & acutus, præco actionum, cantor formularum, auceps syllabarum.* Alter prolixior in oratione pro Murena cap. 11. *seqq. qui maximè conducit ad intellectum hætenus dictorum. In vestro (Jctorum) artificio, nihil est, quod aut plurimas gratias, aut firmissimas amicitias, aut maxima studia pariat. Primum dignitas in tam tenui scientia, quæ potest esse? Res enim sunt parvæ, prope in singulis literis atque interpunctionibus verborum occupatæ. Deinde, etiam si quid apud majores nostros fuit in isto studio admirationis; id, enunciatis vestris mysteriis, totum est, contemptum & abiectum. Posset agi lege, nec ne, pauci quondam sciebant: fastos enim vulgò non habebant; erant in magna potentia, qui consulebantur: à quibus etiam dies, tanquam à Chaldeis, petebantur. Inventus est scriba quidam Cn. Flavius, qui cornicum oculos, confixerit, & singulis diebus ediscendas fastos populo proposuerit, & ab ipsis cautis Jurisconsultis eorum sapientiam compilarit. Itaque irati illi, quod sunt veriti, ne, dierum*

ratione

ione pervulgata & cognita, sine sua opera lege posset agi, notas quasdam composuerunt, ut omnibus in rebus ipsi interessent. Cum hoc fieri bellissime posset: Fundus Sabinus meus est: imò meus; deinde judicium: noluerunt: Fundus, inquit, qui est in agro, qui Sabinus vocatur. Satis verborum, cedo, quid postea? Eum ego ex Jure Qvir. meum esse ajo. Quid tum? Inde ego te ex Jure manu consertum voco. Quid huic tam loquaciter litigioso responderet ille, unde petebatur, non habebat. Transiit idem Jureconsultus, tibicinis Latini modo: Unde tu me, inquit, ex jure manu consertum vocasti, inde ibi ego te revoco. Pretor interea, ne pulchrum se, ac beatum putaret, atque aliquid ipse sua sponte loqueretur, ei quoque carmen compositum est, cum ceteris rebus absurdum, tum verò in illo: Suis utrisque superstitiis, presentibus: istam viam dico: inite viam. Presto ademat sapiens ille, qui inire viam doceret: Redite viam. Eodem duce redibant. Hac jam tum apud illos barbaros ridicula, credo, videbatur, homines cum recte atque in loco constitissent, juberi abire: ut, unde abiissent, eodem statim redirent. Eisdem ineptiis fucata sunt illa omnia. Quando te in Jure conspicio; & hac: Sed anne tu dicis, qui causa vindicaveris? quæ dum erant occulta, necessario ab eis, qui ea tenebant, petebantur: postea verò pervulgata, atque in manibus jactata & excussa, inanissima prudentia reperta sunt, fraudis autem & stultitiae plenissima. Nam cum per multa præclare legibus essent constituta, ea Jureconsultorum ingeniis pleneque corrupta ac depravata sunt. Mulieres omnes propter infirmitatem consilii majores in tutorum potestate esse voluerunt; hi invenerunt genera tutorum, quæ potestate mulierum continerentur. Sacra interire illi noluerunt, horum ingenio senes ad coëmptiones faciendas, interimendorum sacrorum causa reperti sunt. In omni denique Jure Civili aequitatem reliquerunt, verba ipsa tenuerunt: ut, quia in alicujus libris, exempli causa, id nomen invenerant, putarunt, omnes mulieres, quæ coëmptionem facerent, Cajas, vocari. Jam illud quidem mihi mirum videri solet, tot homines tamen ingeniosos, per tot annos etiam nunc statuere non potuisse, utrum diem tertium, an perendinum: judicem an arbitrum: rem an litem dici oporteret. Itaq. (ut dixi) dignitas in ista scientia consularis nunquam fuit, quæ tota ex rebus fictis commentisque con-

flaret, gratia verò multò etiam minores. Quod enim omnibus patet, & æquè promptum est mihi & adversario meo, id esse gratum nullò pacto potest. Itaque non modò collocandi beneficii spem, sed etiam illud, quod aliquandiu fuit, licet consulere, jam perdidistis. Sapiens æstimari nemo potest in ea prudentia, quæ neque extra Romam usquam, neque Romæ, rebus prolati quicquam valet; peritus idè haberi nemo potest, quod in eo, quod sciunt omnes, nullò modò possunt inter se discrepare; difficilis autem res idè non putatur, quod & perpaucis & minimè obscuris literis continetur. Itaque si mihi homini vehementer occupato stomachum moveritis, triduo me Jurisconsultum esse profitebor. Etenim quæ de scripto aguntur, scripta sunt omnia: neque tamen quicquam tam angustè scriptum est, quò ego non possim, quæ de re agitur, addere. Quæ consuluntur autem, minimò periculò respondentur. Si id, quod oportet, responderis, idem videre respondisse, quod Servius, sin aliter, etiam controversum Jus nosse & mutare videre.

Nihil elegantius, fremant omnes licet, & ad Jurisprudentiam forensem hodiernam convenientius dici potuisset, quam quæ hîc commemoravit Cicero. Quæ adeò ut præ oculis haberent omnes, qui inani fastu turgidi Rabulisticam illam pro ingentibus thesauris venditant, & se sapientissimos omnium mortalium esse sibi primum persvadent, tum si alit id credere nolint, irascuntur; maximoperè optandum esset. Sed vix sperandum. Loquor autem, ne cavilleris, non de Jurisprudencia hîc in genere, nobilissimâ disciplinâ ac Dei singulari dono, sed de Jurisprudencia Legulejâ & Rabulisticâ, qualem & ipsam Cicero depinxit, & quam tamen Juvenes sapius vitio vel manu ductorum, vel suo, pro genuina Jurisprudentiâ amplectuntur.

CAPUT VI.

De Plebiscitis.

Porro evenit inter istas dissensiones Patrum & Plebis, ut & Plebs quandoque potestatis legislatoriæ partem

partem ad se traheret, potissimum per secessiones, quarum tres memorantur. Prima in montem sacrum Servilio & Appio Coss. Ann. Urb. 259. in qua Plebs obtinuit, ut haberet suos Tribunos plebis, (1) qui potestatem habebant, ut quod ad plebem tulissent, quodque plebs jussisset, id ratum esset, quæ Plebiscita vocata sunt. (2) Secunda secessione Anno Urb. 303. in montem Aventinum, cum velut in controverso jure esset, tenerentur Patres Plebiscitis, L. Valerius & Horatius Coss. legem centuriatis Comitibus ad populum tulere, ut, quod tributim plebs jussisset, populum, teneret. (3) Verum cum ea ipsa Lex Horatia populi tantum mentionem faceret, patresque populi nomine se appellari negarent, ideò Lege Publiliâ à Q. Publilio Philone in dictaturâ datâ anno urbis 416. est renovata, statutumque, ut ejusmodi Plebiscitis omnes Quirites tenerentur. (4) Denique cum patriciorum ambitione legi huic iterum esset derogatum, ad ultimum Qv. Hortensius dictator, in tertia plebis in janiculum secessione eam revocavit, anno urb. 467. (5)

- (1) Livius lib. 2. c. 33. (2) Coccejus in *Notis Variorum ad l. 2. §. 8. de O. I.* (3) Liv. l. 3. c. 55. (4) Livius lib. 8. c. 12. Eberl. de O. I. p. 54. (5) Pompon. d. l. 2. §. 8. hinc Epitome Livii lib. 11. & Freinshem. in supplement. lib. 1. c. 26. August. l. 3. de C. D. c. 17. Plinius lib. 16. hist. nat. c. 10.

Explicatio.

Patres populi appellatione se contineri aliquando negasse, quamvis apud Livium & antiquos non deprehendam, sed solum apud Eberlinum, à vero tamen non est ab simile. Nec obest §. 4. *Instit. de I. N. G. & C. 1. §. 2. cod.* neque enim asserimus, patres ex rei veritate ita legem Horatiam exposuisse, se,

se, sed per cavillationem. Cum igitur in tertia demum secessionē plebiscita lege Hortensia plenum robur acceperint, non iniquē fecit Pomponius, quod hujus solum mentionem fecit in d. §. 8. Rupertus *bic p. 120. ubi & p. 123.* Ampe-
lium quatuor secessiones memorantem refutat. Exempla horum plebiscitorum vide apud Eberlinum *bic p. 55. seqq.*

NÆVUS XI.

Damnum sensit aliquod Jurisprudentia Romana; quod Plebi potestas legislativa fuerit tali modo communicata.

Explicatio.

Aliquoties dixi; beatitudinem Democratiarum consistere in exæquatione Patrum & Plebis. Antequam hanc admitterent Patres, potius alia omnia sibi magis noxia, & inter hæc etiam hanc Plebiscitorum extensionem admiserunt. Ceterum, ne putetis, qui Autoritatis præjudicio estis immersi, me hominem scholasticum ineptè differere de rebus Politicis, efferat pro me distinctius hunc nævum Vir summus Joh. Freinshemius d. c. 26. *supplem.* Inde minor aliquamdiu ordinum in urbe dissensio fuit: sed imperii sensim deformata dignitas, cum plebe ad ambitiosorum hominum fraudes parum cauta, & vel potestatis exercenda causa, quibuslibet rogationibus accipiendis facili, multa sciscerentur, quæ Reipublica decus, & ad extremum ipsa fundamenta convellerent. Documentum insigne res regentibus, ne vulgus, si re familiari commode uti possit, majorem non cogitaturum, injuriis opulentiorem ad cupiditatem potestatis, quâ uti non didicit, adigi patiantur.

CAPUT. VII.

De Edictis Prætorum.

EAdem dissensio inter Patres & Plebem originem dedit, ut Prætor crearetur (1) primum ex Patribus, (2) mox ex plebe, (3) primum unus, mox duo, & successu temporis adhuc plures. (4) Potestas eorum in jure reddendo primum constabat, (5) postea variis modis aucta fuit, (6) in tantum, ut non solum ipsorum Edicta, quæ in Albo proponebant, (7) certam juris speciem constituerent, (8) sed & ut adjuvare, supplere & corrigere eis jus civile liceret. (9)

- (1) Livius *lib. 6. c. ult. l. 7. c. 1.* (2) Livius *d. l.* (3) Livius *lib. 8. c. 15.* (4) Alex. ab Alex. *lib. 2. dier. gen. c. 15.* (5) Livius *d. l. 6. c. ult. & l. 7. c. 1.* (6) Alex. ab Alex. *d. c. 15.* (7) Alex. ab Alex. *l. 2. c. 8. p. m. 305.* unde actio de albo corrupto *l. 7. de jurisd.* (8) Pomponius *l. 2. §. 10. de O. J.* (9) Papinianus *l. 7. §. 1. de J. & J.*

Explicatio.

Cur hîc ordinem turbemus, & de edictis Prætorum ante, quàm de SCtis agamus, ex dicendis capite sequenti constabit. Ipsa verò historia de Prætorum edictis & potestate maximè obscura & intricata est, quamvis glaciem aliquatenus fregerit Alexander ab Alexandro *d. c. 15. libri 2. dier. gen.* quem communiter absque judicio exscribunt noviores. Nos potissima pro more notabimus.

Recensuimus jam supra *c. 3. p. 10. & c. 4. p. 13.* summam ex Livio occasionem & creati primum Prætoris, & postea communicati hujus quoque honoris cum plebe. Ex quibus constat, utrique huic negotio causam dedisse iniquitatem & absurdissimam ambitionem patrum. Jam res distinctius

D

perlu-

perlufranda. *Vix dum*, ait Livius d. l. 6. c. ult. *perfunctum eum* (L. Furium Camillum dictatorem) bello atrocior domi seditio excepit, & per ingentia certamina dictator Senatusque victus, ut rogationes tribunitie acciperentur, & comitia consulum adversâ nobilitate habita, quibus L. Sextius de plebe primus Consul factus. Et ne is quidem finis certaminum fuit, quia patricii se autores futuros negabant. Propè ad secessionem plebis res terribilesque alias minas civilium certaminum venit; cum tamen per dictatorem conditionibus sedata discordia sunt, concessumque ab nobilitate plebi de consule plebejo: à plebe nobilitati de Pratore uno, qui jus in urbe diceret, ex patribus creando. &c. Et lib. 7. c. 1. Annus hic erat insignis novi hominis consulatu, insignis novis duobus magistratibus, praturâ & curuli adilitate. Hos sibi patricii quasivere honores pro concesso plebi altero consulatu &c. Principio anni & de Gallis, quos primo palatos per Apulejam congregari jam fama erat, & de Hernicorum defectione agitata mentio. Quum de industria omnia, ne quid per plebejorum consulem ageretur, proferrentur, silentium omnium rerum ac justitio simile otium fuit, nisi quod non patientibus tacitum tribunis, quod pro consule uno plebejo tres patricios magistratus (prætorem unum, duos ædiles curules) curulibus sellis prætexatos tanquam consules sedentes nobilitas sibi sumisset, prætorem quidem etiam jura reddentem, & collegam consulibus atque iisdem auspiciis creatum, verecundia inde imposita est senatui, ex patribus jubendi ædiles curules creati, primò ut alternis annis ex plebe fierent, convenerat, postea promiscuum fuit.

Quæ cum ita sint, patet apertè falsam esse causam introducti Prætoris, quam refert Pomponius l. 2. §. 27. de O. I. Cumque consules avocarentur bellis finitimis, neque esset, qui in civitate jus reddere posset, factum est, ut Prator quoque crearetur, &c. Neque moramur Rupertum, qui cap. 13. Enchirid. Pompon. Vem, ait, causa creatorum Prætorum, quam dedit Pomponius. Cicero ad Plancum. Placuit nobis, ut statim ad Cornutum Prætorem urbanum literas deferrent, qui, quod Consules aberant, consulare munus sustinebat more majorum. Livius lib. 31. Comitibus Prætorum perfe-

Etis SC. factum est, ut Q. Fabio extra ordinem urbana provincia esset, isque potissimum Consulibus ad bellum profectis, urbi præesset. Nihil ad rem. 1. Non sequitur: successu temporis, aut demum tempore Ciceronis Prætor absente Consule jus dixit, ergo hæc etiam fuit causa introducendæ Præturæ. 2. Et Cicero & Livius (certè hîc posterior) in iis locis loquuntur non de potestate ordinaria Prætoris, seu de ejus jurisdictione, sed de extraordinaria. 3. Creatus fuit Prætor anno 388. Et jam diu Consules bellorum causa absuerant, & tamen jurisdictionis gratiâ non opus erat creare Prætorem. Unde igitur tam nova necessitas fuisset orta? Magis ineptæ nobis videtur combinatio harum duarum causarum, genuinæ ex Livio, & falsæ ex Pomponio, quâ postquam semel usus erat Alexander ab Alexandro d. l. 15. p. m. 381. securè & ex reverentia in Pomponium eum sequuntur communiter interpretes. Vide Coccejum in not. Variorum ad d. §. 27. l. 2. de O. I. p. m. 45. Eberlinum de O. I. c. 23. n. 3. p. 212.

De Prætore ex plebe idem Livius lib. 8. c. 15. Eodem anno (C. Sulpitio Longo, P. Ælio Pæto Coss. Anno U. Cond. 416. cum primus Prætor creatus fuerit Anno 388. Vinnius & Coccejus in notis Variorum ad l. 2. §. 27. de O. I.) Q. Publilius Philo Prætor primum de plebe, aversante Sulpitio Cos. qui negabat rationem ejus se habiturum, est factus: senatu, cum in summis imperiis id non obtinisset, manus in præturâ intendente. Hæc ultima verba satis ostendunt, plebejum prætorem creatum esse propter ambitionem Patrum & justam diffidentiam plebis erga Patres. Vanâ igitur ratio Eberlini, quam assignat de O. I. cap. 33. n. 4. p. 212. seq. Hic honos (præturæ) diu apud patricios non mansit. Licet enim initio de præturâ nulla querela, nullaque plebis vox exaudiretur, ob id fortasse, quod cum unus Prætor crearetur, eum ipsum locum appetere impudentiâ videretur; Prætorum tamen numero postea aucto, ne Magistratus alicujus plebs particeps non esset, Prætura etiam cum Plebej hominibus communicari cæpta est, primusque omnium Q. Publilius Philo &c. Etenim ipsa verba Livii quæ adduxi-

mus, ostendunt, tum temporis cum Philo crearetur Prætor, nondum numerum Prætorum auctum esse, & id jam observavit Alexander ab Alex. d. c. 15. p. m. 382. qui postquam rem de Philone narrasset ex Flori Epitome Livii lib. 19. subiungit: *Sed cum Prætores magis ex usu Reip. viderentur, ita brevi illorum numerus auctus fertur, profecto ut mirum sit, quam facile coaluerint.* Quippe latius propagato & aucto imperio, quo tempore Attilius Calatinus primo Punico bello dictator, extra Italiam duxit exercitum, cum obire tantum munus solus non posset, duo Prætores creati, exque his alter urbanam alter peregrinam jurisdictionem sortiti fuere.

Narrat Alexander in sequentibus fusius, quomodo postea ex duobus Prætoribus quatuor, tum sex, postea decem, paulò post duodecim facti sint, donec Augustus sedecim expleverit numerum, quem numerum non excessurum Tiberius iurejurando firmaverit &c. quæ omnia apud ipsum latius videri poterunt.

Potestatem Prætoris primum in jure reddendo fuisse positam, verba Livii ex l. 6. c. ult. & l. 7. c. 1. initio expositionis præsentis descripta ostendunt. Summatim eam potestatem exponit Eberlinus de O. I. c. 33. n. 7. 8. 9. p. 215. seqq. & fortè eà de re pluribus infra in nãvis. Statuit Eberlinus in facinorosos animadvertere Prætori non licuisse. Contrarium asserit Alex ab Alex. d. c. 15. p. m. 389. quam & ipsam litem meam jam non facio. Peculiari lege potestatem hanc Prætori datam esse notat Alexander d. l. p. 386. Denique, ait, nullo præfinito numero tot fuere, quot expedire Reipublicæ visi sunt, quod lege prætorie cavebatur, cujus verba subjeci. Juris disceptator, qui privata judicet, judicari jubeat, Prætor esto, juris civilis custos esto, huic potestati parento: quotcumque Sænatus creverit, populusque jussit, tot sunt. Quam assertionem post alios ab ipso citatos repetiit Camillus Borellus de magistratuum Edictis lib. 2. cap. 17. n. 21. p. 235. Sed notat Tiraquellus ad Alex. d. l. Hæc verba sunt Ciceronis lib. 3. de Legibus. Cavendum autem hic ab Alexandro, qui legem

legem Ciceronis fictitiâ de Prætoris imperio vâguisse existimat, ubi lege prætoriâ cautum ait, quam scilicet ipse Cæcero de imperio Prætoris sue Reipub. ut alias complures ad instar Platonis consinxerat.

Sed propterea non omninò cum Prætoribus nostris comparari debet Prætor Romanus, quippe cujus potestas & ab initio non multum à potestate consulari differebat, & successu temporis variis modis aucta fuit.

Ob honorem & majestatem jurisdictionis cui præerat, eadem insignia & ornamenta concessa erant, quæ Consulibus. Sellâ curuli, trabem candidâ & equis albis utebatur, lictores cum fascibus præeuntes adhibiti & nivei ad frena Quirites subministrabant. Et cum iisdem cum Consulibus auspiciis, comitiis centuriatis Prætor crearetur, Consul collegæ habitus est, licet Consulis imperium majus, Prætoris consulari minus fuit. Fuerunt & hasta, & gladius prætorie jurisdictionis insignia, quod de civilibus causis cognoscences pro tribunali hastam, & in facinorosos homines animadvertentes gladium erigerent. Inde venditiones sub hasta, quæ publicâ autoritate hastâ appositâ fiebant. Ita Simon Leevvius in Not. Var. ad l. 2. §. 27. de O. I. p. m. 46. ad cujus declarationem non pauca conducent, quæ disserit Eberlinus d. c. 23. n. 5. & 6. p. 213. seq. & Alex. ab Alex. d. lib. 2. c. 15. p. m. 382. (Edit. Belgic. cum Not. Var.) & 392. qui eâd. p. 382. observat, quod & aliquando sicut Consules provincias sortiti fuerint, hisque & exercitibus cum imperio præesse cœperint. Jus dicentis officium latissimum esse l. 1. de jurisd. notat Ulpianus, ad quæ verba Bartolus an Baldus (uter enim horum sit, memoriâ excidit) elegantem quæstionem proponit, cur Jus dicentis officium latissimum dicatur & non longissimum? & adhuc elegantius respondet, homo haud dubio pusilli corporis sed magnæ stoliditatis, quod longi homines rarò sint sapientes. Quam latum autem Prætorum officium in jure dicundo fuerit, recenset idem Alex. ab Alex. p. m. 387. seq. simul addens p. 390. quod tam plebeji & humiles, quam ædiles & quæstores reliquique magistratus, qui nec vocationem nec prehensionem habent, apud Prætorem in jus

vocare, cuius potestas sit. Apud Græcos autem Prætoræ officium maximi momenti fuisse præter alia, quæ hunc in finem adducit idem *p. 393. seq.* exinde apparet, quod Dionysius cum in eo magistratu esset, gradum ad tyrannidem fecerit. *Justinus lib. 21.* quamvis & vocabulum Prætoris apud veteres tam latè fuerit sumtum, ut omnis magistratus, qui iure & exercitum præiret, hoc nomine fuerit appellatus. Vide autores, quos citat Eberl. *cap. 10. n. 3. p. 80.*

Venio ad Edi&cta Prætorum. Sunt autem Edi&cta ea, quæ Dionys. lib. 5. Romanos τὰς τὰν δικαίων ἡ ἀδίκων διαγρὰφὰς appellasse scribit, in quibus videlicet notum sit subiectis, quid magistratus fieri vel omitti velit. Unde & Ædiles curules, Consules, Censores & Tribuni Plebis sæpius apud historicos edixisse, vel edi&cta proposuisse referuntur. Vide Eberlin. *d. c. 10. n. 1. & 2. p. 79. seq.* qui & circa diversitatem inter Edi&cta urbana & provincialia *n. 5. p. 82.* evolvi meretur. Edi&cta hæc annua fuisse & in Albo esse proposita; notum est. Cæterum id non vulgare esse opinor, quod Razvardus observat *lib. sing. Protrib. c. 4. p. m. 887.* aliud fuisse album edi&ctorum, aliud formularum sive actionum. Posterius album quod communiter aliàs cum primo coincidere creditur, exinde deducit. Posteaquam Cneius Flavius actionum illarum, quas Appius Claudius composuerat & ad formam redegerat librum surreptum populo tradidisset, actiones à pontificibus peti tandem desisse. Et cum primum creatus esset Prætor qui inter privatos jus diceret, in ordinem cum iis quas Sextus Ælius & alii composuerant, directas & publicè propositas fuisse, actionesque directas sive constitutas appellari cœpisse, quæ antea legis actiones dictæ fuerint. Quod si ita se haberet, verosimile esset, hoc album Prætoris jam olim fuisse perpetuum, album edi&ctorum autem singulis annis variasse.

Prætorum edi&cta non modicam obtinere juris auctoritatem, & hoc jus honorarium solere appellari, atque Ædilium Edi&ctum juris honorarii portionem esse, Tribonianus asserit

asserit §. 7. *Inst. de J. N. G. & C. ex Cajol. 2. §. 10. de O. I.* Notatur communiter: Jus honorarium genus esse, cujus species aut portio æque sit Jus Prætorium atque jus Ædilium. *Vid. Eberl. d. c. 10. n. 15. p. 87.* Nisi dicere velis, Prætoris vocem in latâ, quam modo innuimus, acceptione usurpare Cajum. Magis urget, cum Jus Prætorium dicatur saltem non modicam habere juris auctoritatem, indicio, quod non æquiparandum sit reliquis juris scripti speciebus eò, quod Prætor potestate Legislatoriâ caruerit, qui fiat tamen, quod Papinianus l. 7. §. 1. de J. & J. jus prætorum definiat, quod Prætores invenerint adjuvandi & supplendi ac corrigendi juris civilis gratiâ. Quomodo enim quod minorem auctoritatem habet quam leges reliquæ, reliquas tamen leges, quæ, ut notum, in oppositione ad jus prætorium jus civile dicuntur, corrigere potest? Sed de hoc commodius differemus in nævis.

NÆVUS XII.

Prætor mala intentione ad decipiendam plebem creatus, eiqve clanculum & insidiosè indulta potestas legislatoria Jurisprudentiam Romanam maximè obscuram & intricatam reddidit.

Explicatio.

Prætorem malâ intentione & ad decipiendam plebem creatum fuisse, ex præcedentibus constat, quia videlicet idè creabatur Prætor, ne plebs participando de consulari dignitate, participaret de exercitio potestatis omnis, sed ut præcipuam reinerent patres potentiam judicandi de fortunis imò & (si, aut quatenus Prætori merum imperium aliquando fuit indultum) de corpore & vitâ civium. Non ergo mirandum, quod & Patres illam contradictionem moralem admiserint, & Prætori, qui saltem magistratus inferior erat, potestatem legislativam indulserint, quia ipsi hac parte nihil perdebant; sed ipsi ordini Senatorio (contra cujus interesse

Prætor

Prætor in legum emendatione nihil committebat,) potius aliquid accrescebat. Non mirandum, quod plebs passa fuerit legistoriam potestatem magnâ ex parte magistratui inferiori indulgeri, quia quæ ita indulgebantur, non indulgebantur sub speciei potestatis legistoriæ, sed sub specie interpretationis æquissimæ aut adjumenti & quæ sunt similia. Plebs autem facile decipitur, si nomina mutantur, uti historia omnium seculorum testatur.

Jam igitur facile patet, cui contradiçtio, quæ subesse videtur in legibus Romanis, hac parte imputari debeat? Dicit Tribonianus §. 7. de J. N. G. & C. Prætorum edicta non modicam obtinere auctoritatem. Rectè ait Eberl. cap. 10. n. 4. p. m. 81. Tanta enim ut reliquæ juris partes potestatis & efficacia non sunt. Nam lex tutorem facit, Prætor tutorem facere non potest. (Describo saltem sententiam Eberlini absque allegatis) Lex heredem facit, Prætor non idem; Lex quicquid facit, vi suâ & ipso jure facit, ita ut alio facto opus non sit; Prætor vero non æquè, sed si quid præstat, per exercitium jurisdictionis suæ b. e. ministerio suo & facto partis id præstat. Plebiscita, SCta, placita Principum legi similia sunt, vicemque legis obtrinent; Prætoris edictum simile legi non est. Etenim Plebiscitum lege Hortensiâ non minus valet quam lex; SCtum vice legis est, siquidem & vice populi senatum consuli traditur. Placita principum verò legis vigorem habent, quæ omnia de Prætoris edicto non dicuntur, sed hoc solummodo, quod non modicam obtineat juris auctoritatem. Et quamvis interdum legis nomine edictum Prætoris appelles, propriè tamen id non fit, sed κατὰ ἑρμηνείαν, ac propriè quidem Prætoris edictum pars juris est, pars legis verò minimè, cum secundum proprietatem Jus Prætorium à Jure Civili perpetuo distinguatur &c. Vides quam se torqueat Eberlinus ut id exponat, quod Prætoris edictum minus sit reliquis speciebus juris. Si dixisset, debuisse ex naturâ officii Prætorii, tanquam magistratus inferioris Edictum Prætoris minorem obtinere auctoritatem, id tamen dolo senatus non esse observatum, brevissimis se expediisset. Nunc cum regiam hanc veritatis semitam dese-

rit,

rit, dum se expedire vult, magis se implicat, ita ut levissimo negotio possim ferè ex ipsiusmet rationibus contrariam ab ejus sententia defendere. Quid si enim dicerem: *Edictum Prætoris æqualem habuit auctoritatem atque alia juris species*. Prætor enim etsi heredem non dedit, dedit tamen bonorum possessorem, qui in effectum fuit heres, aliquando plus quam heres. Prætor etsi ipso jure non faciat, sed ministerio suo, hoc tamen ministerium æqualem habet effectum cum eo, quod ipso jure fit, cum factus fateatur; nihil interesse ipso jure quis actionem non habeat, an ope exceptionis elidatur. Verum est: de Prætoris edicto non talia dicuntur, quæ de legibus, Scitis aut Principum placitis; at nos non de iis querimus, quæ dicuntur, sed quæ sunt. De uxore, quæ præcario vel clam regnat, imperium non dicitur, habet tamen. Misera verò distinctio est inter partem juris & legis, cum jus cujus pars dicitur edictum Prætoris, hic pro lege sumatur. Esto: Jus Prætorium contradistinguitur Juri civili, non contradistinguitur tanquam genus generi, sed tanquam species speciei. Ergo Eberlinus explicando assertionem Triboniani effecit, ut nihil explicuerit.

Si fiduciam in sapientia Triboniani aut Justiniani aliquam ponerem, provocarem ad Novell. 24. & 26. In Nov. 24. pr. ita dicitur: *Veteres Romani suos Imperatores Prætores appellabant, simulque illis præbebant, ut militaribus præirent copiis, (de quo jam supra in expositione historica capituli hujus egimus,) & descriptis ab illis præbebant legibus, & prorsus erat hic magistratus ex ambobus contemperatus, præ se ferens & ostentans tam in instruenda acie robur, quam in inferendis legibus rectum & decentem ordinem*. In Nov. autem 26. c. 1. *Si Prætor Romanorum Imperatoris simul & legislatoris locum in sua Republica tenuit, in confesso est, quod nihil perinde hujus magistratus (Prætoris Thraciæ) appellationem deceat, quam nomen Prætoris*. Sed cum ego non adeo magnificè sentiam de sapientia horum virorum, adduxi saltem hæc ἀνθρακας, ut valeant contrà eos, qui sputa Justiniani lingunt. Et mallem audire, quomodo cum Eberlino conciliare velint ista cum illa doctrina communiter receptâ, quod Edicta Præ-

torum non habuerint æqualem vim legum reliquarum, & quod Prætor non exercuerit potestatem legislativam. Mihi sufficiat, quod sapientissimus J.Ctorum Papinianus *d. l. 7. §. 1. de J. & J.* Jus prætorium definiat, quod id Prætores introduxerint, adjuvandi, vel supplendi vel corrigendi juris civilis gratia, propter utilitatem publicam. Atqui hæc omnia excedunt officium Magistratus inferioris, qui minister est & interpretis legis. Nam adjuvare plus est quàm interpretari, supplere plus quàm adjuvare, corrigere plus quàm supplere, ut adeò is, qui adjuvare, supplere & corrigere legem possit, necessario exercitium habeat potestatis legislativæ.

Miror acutissimum Bachovium, ut mitigaret hunc excessum Prætorum, verba hæc J.Cti explicatione planè incommodè exposuisse, dum in *πρώτος p. 55.* ita dixerit: Credibile est initio Prætores ea tantum proposuisse Edictis, quæ ad modum & formam Jurisdictionis & dicendi juris pertinere videbantur, postea autem sensim progressu temporis id usurpasse, ut etiam jura constituerent. Quod ipsum non legislativæ autoritate factum, præter id, quod diximus Prætorem magistratum fuisse, & nihil amplius, multa insuper confirmant. Et 1. quod populus, cujus suprema potestas erat, nec Prætori leges condendi unquam dedit potestatem, sed propter æquitatem eorum, quæ edicebat Prætor, populus eo jure lubens & ulterò usus est. 2. Quod nihil contra leges statuere, nec leges ullas abrogare poterat Prætor, l. cum sponsus 12. §. si res 4. de publ. in rem act. l. non est 12. §. 1. de bon. poss. Sed tantum præter jus aliqua statuebat, & de iis edicebat, quæ lege sancita aut expressè vetita non erant. Nam sanè cum L. XII. Tabb. sui tantum vocarentur, satis hoc ipso emancipati excludi videbantur. Attamen quoniam expressè hi à successione prohibiti non erant, suo Edicto Prætor eos admisit. Quæ quædam species est correctionis, quomodo accipiendum est, quod Papinianus respondet, in l. 7. de Just. & Jur. Jus civile corrigi per jus Prætorium &c. Hic id verum est, Prætorem usurpasse potestatem legislativam, & quod populus ei nunquam hanc potestatem concesserit. Falsum est, quod populus propter æquitatem

eo jure ultrò & lubens usus fuerit. Æquitas consensum non infert. Poterit tyrannus & inuasor multa æqua statuere, ex quibus tamen non inferendum, populum isto jure ultrò & lubenter uti. Senatus utebatur lubens, plebs utebatur decepta novitate nominum & fictionum. Falsum ulterius, tantum Prætorum præter jus quædam statuisse, & hoc innui per correctionem, de qua loquatur Papinianus. Confundit Bachovius *suppletionem cum correctione*, in illa præter jus aliquid statuit Prætor, hîc contrà Jus, e. g. dum bonorum possessionem & secundum & contra tabulas concessit, quarum utriusque Juri civili contradicitur. Unde etiam falsum est, quod Prætor nihil contrà leges statueret, quamvis id & Paulus & Ulpianus asserat; ille *d. l. 12. §. 4. de publ. in rem act.* Si res talis sit, ut eam Lex aut Constitutio alienari prohibeat, eo casu Publiciana non competit, quia his casibus neminem Prætor tueretur, ne contrà leges faciat. Hic *d. l. 12. §. 1. de B. P.* Ubicumque Lex vel Senatus vel Constitutio capere hereditatem prohibet, & bonorum possessio cessat. Nam non novum est, falsas assertiones aut rationes contineri in corpore juris.

Ergo consensit Senatus huic invasioni prætoris ex ratione suprà dictâ, qui alias facile technas & cavillationes prætorias olfacere potuisset. Videntur & Jcti consensisse, fortè eò, quod sæpè in disputationibus fori similem artem decipiendi plebem usurpaverint. Et videtur illa ars summatim in duobus momentis constitisse, fictionibus, & novis nominibus pristinam rem significantibus.

Quantum vero per hæc duo capita obscurata sit Jurisprudentia Romana, facile demonstrari potest. Difficillima est tota materia fictionum, quæ si non in totum, saltem maximam partem invasioni & Prætoris & Jctorum in potestatem legislatoriam videtur originem debere. Hinc maxima difficultas intelligendi naturam actionis publicianæ, & dominii illius ficti, ex quâ profluit, quærelæ inofficiosi testamenti & fictionis in qua ea fundatur.

Porro quod nova nomina attinet, notum est, quantis difficultatibus prematur doctrina de actionibus in factum, aut si hoc exemplum displiceat, quantis tricis non est involuta doctrina de bonorum possessionibus? Sudat Studiosus Juris, dum videt heredem juris civilis manere heredem, & tamen ex hereditate nihil accipere, bonorum possessorem contra heredem non esse, & tamen habere omnia commoda heredis; hereditatis petitionem possessionariam dari ei, qui heres non est, contra heredem &c. Pertinet etiam ad hanc istius artificii partem, quod Prætor novas leges cudendo, aliquando nomina retinebat antiqua, tollebat definitiones. Ita cum certi modi essent constituti, quibus per leges ipso jure tolleretur actio, & hi non adessent, deberetque Prætor actionem concedere, novo invento se expedivit: Dedit actionem, sed exceptione elidendam. Unde nova crux. Actio est remedium obtinendi juris. Hæc inventio Prætoris Actionem format, quæ nihil obtinet. Et quanta difficultas est in cognoscenda differentiâ exceptionum & modorum, quæ actiones ipso jure tollunt? Sufficiant hæc per modum primarum linearum. Alii distinctius hunc nævum expédiant.

NÆVUS XIII.

Maxima Juris confusio ex mutatione frequenti edictorum Prætoriorum orta est.

Explicatio.

Res ipsa per se patet, cum omnis mutatio juris frequens ejus incertitudinem, incertitudo confusionem pariat. Saltem mutatio probanda est. Ne aliquid innovasse videar, malo rem verbis aliorum juris Interpretum quam meis efferre. Ita vero Simon Leevvius in *Not. Var ad l. 2. §. 10. de O. I.* Sollebant Prætores statim initio Magistratus edicta de multis rebus proponere, secundum quæ toto anno jus redderent. Superiorum Prætorum edicta ut plurimum sequebantur, nisi fortè dignum ipsis aliquid visum fuisset,

fuiſſet, quod adderetur aut mutaretur, aut novo edicto caveretur, cuius rei perquam erant cupidi, (vide ergo annon melius feciſſet Leevvius ſi paulo ante ſcripſiſſet; ſuperiorum Prætorum edicta ut plurimum non ſecutos fuiſſe ſucceſſores,) ut aliquid viderentur ipſi à ſe excogitaſſe, & in publicam utilitatem nonnihil de ſuo contuliſſe. Et paulo poſt: Turpe habitum eſt nec minus reprehendiſſibile, edictum ſuum mutare, quo nomine reprehenditur à Cicerone Verres, quod ex edicto ſuo non ſemper jus dixiſſet. Neque quod Romæ edixiſſent de jure communi ſine aliquâ ſua infamiâ in provinciali Prætura, ſi quam poſtea fuerint adepti, mutare, teſtante eodem Cicerone adverſus Verrem. Et iterum: Uti & magiſtratus, ita quoque & ſorum edicta annua erant, cum id honori eorum tribueretur &c. Sed cum hæc edictorum inconstantia & mutabilitas magnam Prætoribus tribueret licentiam, arbitrio ſuo quidvis decernendi & ſtatuendi, prout quiſque avaritiâ aut ambitione duceretur, quo factum, ut cum ſingulis annis nova edicta proponerentur, ipſum jus ob edictorum varietatem turbaretur, C. Cornelius Balbus Tribunus plebis, quem Cicerone defendit, eſſi nemo repugnare auſus fuerit, multis tamen invitis legem tulit: Ut Prætores ex edictis ſuis perpetuis jus dicerent. Quæ lex multum autoritatis & gratiæ ſuſtulit ambitioſis Prætoribus, qui variè jus dicere aſſueverant. Vide Dion, l. 36. Conf. Eberl. cap. 10. de O. I. n. 8. p. 84.

Obscura ſunt, quæ de Lege Corneliâ & edictis Prætorum perpetuis hæc differit Leevvius, triplici ſenſui ſubjecta, quali nempe 1. poſt illam legem Prætores nec Antecellorum edicta mutare potuerint, aut 2. ſua ſaltem, ſive illa ſolum, quæ initio anni promulgaverant, ſive 3. illa etiam, quæ in prima prætura (ſi fortè iterum Prætores fierent) jam propoſuerant. Primum ſenſum videtur in mente habuiſſe Leevvius. Sed is mihi parum verofiſimilis videtur. Potius tertius videtur eſſe huius loci & conſtitutum eſſe lege Corneliâ, ut ex Edictis ſemel à ſe propoſitis perpetuò jus dicerent, nec illa amplius mutare poſſent, quæ eſt ſententia Antonii Auguſtini de LL. popul. Roman. tit. de LL. Cornelii, ut & Weſenbe-

cii in Paratitl. ad Tit. de Offic. Præt. Et admodum syadetur per insignem locum Asconii Pediani in Orat. Cicer. pro Cornelio, ubi inquit, quod Cornelius per legem hanc Corneliam gratiam Oratoribus ambitiosis sustulerit, effeceritque, ne ab iis, quæ semel publicè proposita essent, recedere possent. Conf. Franzkium ad Pand. de O. I. Maximè res patet ex iis, quæ Dio Cassius narrat Hist. Rom. lib. 36. p. m. 20. ex interpret. Xylandri. Prætores solebant iura ea, secundum quæ essent iudicaturi, scripta edere. Neque enim Prætores id ius quod ad contractus dirigendos positum erat, observabant, neque id unquam fecerant, neque scripto iuri steterant: sed sæpè numero ea variaverant, crebroque per gratiam & odium certorum hominum, veluti fieri assolet, multa gerebantur. Igitur rogationem tulit, ut & statim à principio Prætores prædicerent, quo jure essent usuri, & deinde nequaquam ab eo desisterent.

Subjungamus pauca ex Holtermanno, in prælectionibus de O. I. p. m. 54. seq. Quare post hanc legem edicta proposita toto illo tempore, quo quis Magistratus erat, durabant, & in causis incidentibus non ante, quam causa finita, finiebantur, atque ita ratione intentionis Prætorie perpetua dicta, licet aliâ ratione & respectu edicta hæc ita perpetua fuere annua, sicut ipsi Magistratus, unde res successorem tanquam parem obligabant l. 41. de arbitr. ita ut non posset diversum statuere. Hinc Cicero in Verrem 3. hanc legem annuam dicit, cui adferant finem Calenda Januariæ. Res tamen ipsa, hoc est ius in eo propositam (mallem dixisset: Sententia tamen Prætorum & ius ex iis aut ex Edicto quæsitum. Hoc enim probant sequentia, non de jure in Edicto proposito. Imo si de jure in Edicto proposito hic loqueretur, contradiceret sibi ipsi in præcedentibus) non fuit annuum sed duravit, quia sequentibus novis Prætoribus, novis suis edictis à decessorum propositis iuribus diversum temere proponere, & ita ius alterius rescindere & convellere non erat licitum. Ius enim ita in bonè constitutâ Republ. in libidine quasi & arbitrio Magistratum non debebat esse, attamen hoc testantur actiones Prætorie, quæ licet ad exitum anni Prætura cujusque nata, tamen annuum vivere non continuum quo absolvebatur Magistratus, sed utilem, quare
post

post annum Prætores actionem dederunt l. 1. pr. de vi & vi arm. l. 4. de vi bon. rapt. imò & pleræque perpetuæ fuerunt l. 35. de O. & A. pr. Inst. de perp. & temp. act. Testatur id etiam hoc, quod diu ante Hadrianum & illius edictum perpetuum, ex quo ille jus reddi voluit, Juri in componendo Edicto Prætoris, quasi unum & non multiplex esset jus Prætoris occupati fuere, quod frustra fuisset factum, si cum cujusque Prætoris imperio jus à quoque propositum expirasset. Testatur id vox: translaticium apud Cicer. in Epist. l. 3. Ep. 8. quæ propriè significat id, quod crebro de uno loco in alterum transfertur, quia usurpabatur præcipuè de capitibus sive partibus edictorum, quæ omnibus edictis ferè eodem sensu & iisdem verbis repetita inferebantur & sic in aliud transferebantur. Cic. lib. 1. in Verr. In re tam usitatâ satis est ostendere, omnes antea jus ita dixisse, & hoc vetus edictum translaticiumque esse, & hinc eadem accipitur notione, quâ aliàs dicimus vulgare, receptum, solenne, quod passim occurrit. Petron. Intelligebam me non translaticiam deformitate esse insignitum, i. e. me valde esse deformem. Svet. Aug. c. 10. Ac ne publicum quidem & translaticium jus ulla in re sibi sine factione gravissimæ mercedis impartiante. Proponebantur etiam edicta Prætorum jurisdictionis perpetuæ causâ, non prout res inciderent l. 7. de Jurisd. quæ ideo perpetua dicta. Ideo extant sub liberâ Rep. leges, quibus Prætores jussi ex edictis suis perpetuis jus dicere. Tum recenset locum Dionis supra datum. Sunt verò in hoc loco Holtermanni multa obscura, dubia, & inconvenienter dicta, quæ discursui reservamus.

NÆVUS XIV.

Dolendum est, quod Chronologiam actionum à Prætoribus inventarum non habeamus.

Explicatio.

Fluit hic defectus ex præcedenti, quamvis magis ad casus pertineat quam ad vicia. Cum sequentes Prætores sæpius corripuerent aut emendarent vel supplerent Edicta antecessorum, sæpè eveniebat ut actio aliqua inveniretur, quæ
cum

cum præcedente aliquâ affinitatem habebat aut pingvior erat, ut adeo post illam posteriorem, prioris vel nullus vel exiguus usus esset. Igitur si Chronologiam actionum habere-
mus, possemus evitare multas difficultates in jure ideò obve-
nientes, quod nesciamus, quænam actiò Prætoria sit prior
alterâ.

Ita jam alibi in *dissertatione de Usu actionum pœnaliû in fo-
ris Germaniæ* exemplum dedi de *Vi bonorum raptorum actione*.
Circa hanc enim se torquent communiter Dd. ut declarent
juventuti, quâ de causâ Prætor eam invenerit, cum actio
furti manifesti multo pingvior sit, videlicet tota pœnalis, &
raptor manifestus sit fur haud dubiè improbior, & tamen a-
ctione vi bonorum raptorum saltem pœnâ tripli coërceatur.
Unde manet objectio ex *pr. Inst. h. t. Ridiculum est, quod levio-
ris conditionis sit, qui vi rapit, quàm qui clam amovet*. Res omnis
hîc sita videtur in Chronologia. Ex conjecturis verosimili-
bus olim furti actio ex Jure Civili dabatur in duplum indi-
stinctè, sive fur manifestus esset, sive nec manifestus, sive clam,
sive vi res abstulisset. Postea Prætor aliquis sentiens majorem
malitiam esse raptoris quàm furis, invenit actionem vi bono-
rum raptorum cum pœna tripli. Huic succedens alius postea
ob furem manifestum actionem furti in quadruplum invenit.
Quo facto manebat adhuc distinctio inter furem & raptorem
non manifestum, & videbatur adeò necessarium esse, ut eti-
am actio vi bonorum raptorum in raptore manifesto ad eam
proportionem extenderetur. Hoc si fieri debuisset, debuisset
augeri actio vi bonorum raptorum in quintuplum & qui-
dem tanquam meram pœnam. At hoc non admittebat sti-
lus Curiarum Romanorum, apud quos actiones ultra quadru-
plum non dabantur. Ergò nihil amplius restabat, quàm
in raptore manifesto augere actionem vi bonorum rpto-
rum in quadruplum, ut hoc casu merè pœnalis sit, sed nec
hâc inventione opus erat, cum in rapinâ posset etiam quis
formulâ actionis furti manifesti, uti, quia utique raptor fur
est,

est. Et ita mansit actio vi bonorum raptorum intuitu raptoris manifesti intacta. Sed haud dubiè post inventam actionem furti manifesti ejus hoc casu nullus amplius vel exiguus usus fuit.

Similiter circa §. 6. & 7. *Inst. de Actionibus* occasione actionis Paulianæ & Servianæ quærunto Doctores: quid opus sit actione Paulianâ, cum per missionem in possessionem bonorum quis accipiat pignus Prætorium, & sic habeat actionem Quasi Servianam seu hypothecariam, quæ pingvior sit actione Paulianâ, cum in actione hypothecariâ non debeat probari, an alienatio facta sit fraude an minus. Quamvis autem non sim nescius, etiam post actionem hypothecariam Paulianam habere usum intuitu rerum ante missionem impetratam alienatarum, quæ per hypothecariam repeti nequeunt, manet tamen dubium, quid opus sit, quod Pauliana data sit non tantum de rebus ante missionem alienatis, cum de rebus post missionem alienatis jam adfuerit hypothecaria? Hic ergo dico, vel Paulus Prætor ante Servium præturam gessit, adeoque dum Pauliana introduceretur, Serviana nondumerat in usu, aut, si Servius etiam ante Paulum Servianam suam stabiliverit, quia illa tantum de rebus coloni dabatur, saltem Servianam demum post Paulianam à Jctis ad omnes hypothecas esse extensam, & ita minimum Quasi Servianam esse posteriorem Paulianâ &c.

NÆVUS XV.

Distinctio officii Prætorii ab officio Judicis Pedanei moribus nostris non recepta, difficilem maxime reddit Jurisprudentiam Romanam.

Explicatio.

Ordinariè Prætor processum saltem ordinabat, ipse non judicabat, nec probationes coram ipso fiebant, sed coram judice pedaneo, quem dabat, & cui formulam senten-

tionandi præscribebat. Si Prætor ipse cognosceret, & partes dirimeret, dicebatur id fieri extra ordinem, *S. ult. Inst. de interdicitis*. Hæc officiorum Prætoris & Judicis distinctio uti erat quasi fundamentum primarium Processus Romani, ita exinde, quod hodie moribus nostris (dico: *moribus nostris*; Nam quamvis communis sententia Doctorum statuatur, quod idem obtineat etiam de Jure Justiniano, notabimus tamen in Comment. ad Instituta, id nondum adeo certum esse,) idem homo sit Prætor & Judex, multæ distinctiones Juris Romani, quæ in ista divisione Prætoris & Judicis fundabantur, quia non sunt ad mores nostros, obscurissime & tradi solent ab interpretibus & intelligi.

Ita *juris & judicii* distinctio in Pandectis sæpius obvia, item *res jus dicere & judicare* non semper à Lectoribus aut Interpretibus, uti fieri debebat, attenditur. Ita citatio hodierna non solum abest longè ab *in jus vocatione*, sed & ab ipsa *citatione* antiquâ. Ita aliud est deferere *vadimonium*, aliud, *eremodici-um*, circa quorum terminorum expositionem etiam acutissimi JCTi aliquando hallucinantur. Ita *notio & jurisdictio mandata* toto cælo differunt ex principiis Juris Romani, ista tamen differentia sæpè in doctrina de Commissariis confusè & obtorto collo applicatur. Ita differentia *actionum bonæ fidei & stricti juris* à sola hac officiorum divisione & potestate judicis pedanei oritur, adeoque hodiè, quicquid etiam dicant JCTi fortè omnes in contrarium, nullum usum habet. Ita totus titulus *Instit. de divis. stipul.* & quod alix *stipulationes* sint *Prætorie*, alix *Judiciales*, alix *communes*, istâ differentiâ sublata suâ spontè corrui. Ita quod *Exceptiones* alix dicantur *facti* alix *juris*, aut convenientius, quod quidam sint modi tollendi obligationem *ipso jure*, quidam *ope exceptionis*, ad distinctum Prætoris & Judicis officium pertinent, quo confuso istæ subtilitates Juris Romani hodie nullum habent usum, quamvis iterum ferè unanimiter Doctores statuunt, modos tollendi obligationem *ipso jure* posse opponi etiam anteli-

tem contestatam, exceptiones solum post eam, quod assertum tamen esse falsissimum videbimus ad Instituta, ubi & de reliquis punctis hîc per indicem saltem notatis dicemus distinctius.

Id saltem hîc noto, ex non observatâ hac distinctione inter *jus dicentis* & *judicis* officium, à multis antinomiam statui inter *l. 10. ff. de jurisd.* & *l. 77. de judiciis*, cum tamen nihil minus sit. In priori lege Ulpianus: *Qui jurisdictioni præest, ait, neque sibi jus dicere debet, neque uxori vel liberis suis, neque libertis vel ceteris, quos secum habet.* Ratio est aperta, quia in causa suorum est suspectus ille, qui processum dirigit. In posteriori lege autem Africanus asserit. *In privatis negotiis pater filium vel filius patrem judicem habere potest.* Nam *judicis* officium ad formulam est adstrictum. Quare quæ Tribonianus in *l. seq. 78.* ex Paulo inseruit, *quippe judicare munus publicum est*, ea à ratione legis præcedentis videntur esse alienissima. Et fortè in *l. 77.* emblemata Triboniani sunt verba: *In privatis negotiis.* Nam non video, cur non & in publicis esse judex possit ex juris Romani principiis? Sed hæc obiter.

NÆVUS XVI.

Maximè obscura redditur Jurisprudentia Romana, quod non habeamus accuratam descriptionem Processûs antiqui judiciarii Romani.

Explicatio.

Diversissimum fuisse processum juris Romani antiqui à noviore & hodierno maximè communiter recepto nullum dubium est, & loquuntur id plurima vel tyronibus juris cognita, puta distinctum officium Prætoris & Judicis pedanei, in jus vocatio privata autoritate facta, litis contestatio in actionibus realibus super re præsentî, formulæ solennes hinc inde in negotiis coram Prætore ventilatis, deductio ad album, & alia infinita. Sunt tamen adhuc plurima, quæ non ita accuratè vel sciuntur, vel quomodo ex aliis circumstantiis profluxerint, & cum iis connexæ sint, pensitantur, sine quibus

bus tamen jus Romanum, & Pandectæ potissimum, utpote quod ad ea sæpissimè respicit, vel planè non intelligi possunt, vel erronea doctrina juris animis studiosorum non potest non instillari.

Ita v. g. quod *domus* dicatur turissimum cujuslibet refugium, ut non possit inde in jus vocari *l. 18. de in jus voc.* ratio in violenta & privata in jus vocatione consistit, quæ in hodierna citatione cessante, absurdus foret, si quis eam observationem ad citationem nostram vellet applicare, etsi alias Dd. in multis observationes ad in jus vocationem pertinentes transferant ad citationem.

Ita eadem ratio in jus vocationis introduxit *missionem in possessionem bonorum l. 19. eod.* quæ adeò cum toto cælo diversa sit à missione hodiernâ in possessionem bonorum post sententiam, non potest non magna confusio oriri, si ex legibus Romanis de missione in possess. loquentibus advocatus omnes sine selectu velit pro jure clientis sui allegare in processu nostro.

Ita editio actionis in processu Romano alio longè modo fiebat ac hodie, & cum obscurissimum sit, quid JCtus velit in *l. 1. §. 1. de edendo* atque Commentatores in expositione & lectione textûs insigniter discrepant, similiter & ratio ejusd. *l. 1. §. 2. de editione* sine die & consule adhuc maximè lateat, constat, quod & totus ferè titulus de edendo erroneæ expositioni subjiçiat, si in istis capitibus principalibus erroneos conceptus quis sibi formaverit, & multò magis erronea applicatio ad editionem hodiernam timenda sit.

Ita dum JCti de differentia *vadimonii* & *eremodicii* litigant, & de vadimonio an id antequam ad Prætorem quis veniret, an coram Prætore, an utrobique promissum fuerit, dubiè inquirunt, multi textûs Juris Romani simul incertam & dubiam expositionem nanciscuntur.

Ita dum alia ratio erat *cautionis à reo præstande* propter in jus vocationem, ac hodiè, admiratur studiosus juris differ-

ren-

sentiam juris hodierni à veteri, si causas differentiarum ignorat.

Ita dum ad *fidejussorem idoneum* illo tempore etiam id requirebatur, ut & ipse non latitaret, (alias enim actor ipsum non potuisset in jus vocare) & id dicebatur, quod fidejussor locuples vel idoneus sit conveniendi facilitate *l. 2. pr. qui satisd. cog.* ex dictis quis facile judicat, cur hodie conveniendi facilitas judicetur saltem ex eo, si quis sit sub ejusdem judicis jurisdictione, cum tamen *l. 7. pr. ff. eod.* idoneitas fidejussoris & identitas fori tanquam omnino diversa notentur. Istam autem ratione ignoratam facile *d. l. 7.* ipsum torquebit.

Ita si quis consideret naturam *citationis antiquæ* quod & cur viva voce præconis facta fuerit, *l. 7. pr. de in integr. restit.* deprehendet minus appositam à Georgio Obrechtio in *Exercitio juris antiqui p. 25.* citationem hanc ita fuisse exhibitam, quod viator reum ex domo evocet, eumque, qui jam fidejussorem dederat, citet, ut in jus die perendino veniat; deprehendet, minus appositam Doctores plurimos deceptos processu hodierno, edictum peremptorium in *l. 68. seqq. ff. de judic.* ad citationem referre, cum tamen citatio in *l. 73. ff. eod.* edicto opponatur, & edictum magis vices in jus vocationis quam citationis videatur supplevisse, si videlicet actor nesciverit, ubi reus habitaverit, quod in urbe magnam facile contingere potest.

Ita si quis modum & formulas *litis contestationis circum præsentem* examinet, & quod in rebus immobilibus ob eam solennitatem *gleba fundum* repræsentaverit, quodque formula quam Prætor judici præscribebat, satis aperte indicaverit initium processus coram iudice à probationibus incepisse, *litis contestationem* autem coram Prætore fuisse peractam, is simul cognoscet, errorem sapere commune Pragmaticorum observatum, ea quæ antiquitus coram Prætore gesta sint, applicari posse ad ea, quæ hodie fiunt in judiciis nostris antelitem contestatam, ea verò, quæ coram iudice pedaneo sint peracta, spectare ad ea, quæ hodie à *litis contestatione* ad finem iudicii peraguntur; cognoscet, inepte Doctores quos-

dam concipere hodie formulas libelli in actione ad exhibendum; cognoscet, insigniter fuisse lapsum Georgium Obrechtum *in d. Exercitio p. 28. 31. & 47.* ubi triplicem format litis contestationem in rei vindicatione, unam coram iudice pedaneo, duas coram Prætoribus, alteram antequam gleba ex fundo, de quo agebatur, apportetur, alteram postquam gleba apportata fuerit, &c.

Ita dum ex dicta ratione *gleba* in jure *fundi* nomine quandoque veniat, & vero facile concipi possit, extra litis contestationem hunc significatum non fuisse in usu, sequitur, errare quosdam Doctores, dum in materia legatorum loco dubii proponunt; An fundo legato legatum debeatur? dum & gleba fundus sit, & constet legatum non valere, si genus legatum possit venire ad rem minimam, ut si quis animal, vinum &c. leget.

Ita si quis consideret, ex qua ratione Prætor in processu Romano quasdam interrogationes in jure institutz actioni, siue reali siue personali, præmiserit, & adversus malè respondentem in pœnam mendacii actiones interrogatorias indulserit; is & obscurum aliàs titulum *de interrogationibus in jure faciendis* facile intelliget, & errorem eorum notabit, qui hodie quamvis interrogationibus sublati, eum, qui in litis contestatione super rei vindicatione negaverit se esse possessorem, putant possessione postmodum probatâ condemnandum esse, quamvis actor dominium non probaverit, non sentientes, simile quid in jure Romano constitutum fuisse solum propter usum actionis interrogatoriæ. Denique iterum deprehendet, Obrechtum *d. Exercitio p. 51.* malè instruere Actorem suum, ut coram Iudice probet, Reum possidere fundum, quod Reus jam confessus fuerat Prætori, & de qua probatione nunquam in formula Rei vindicationis iudici præscripta aliquid continebatur. Alia ut jam taceam.

Optandum igitur esset, ut Processus iste juris Romani à Jcto aliquo, quoad historiam fuerit descriptus. Sed hic defe-

defectus jam videtur tempore Tribonianî Jurisprudentiam irrepsisse. Alias enim credo, nobis in tertio Institutionum capite de actionibus non exhibuisset tam jejuna fercula ex Gajo suo, sed probabiliter historiam illam additis mutationibus suis in istud caput transtulisset.

Nostris temporibus qui id præstiterit, nondum aliquem novi. Laudanda quidem industria Georgii Obrechtî, qui in *dicto Exercitio Juris antiqui* tolerabilem in defectu meliorum adumbrationem Processus Romani dedit; & nævi, qui hinc inde in eo deprehenduntur magis gentio sæculi, quam ipsi videntur adscribendi. Scripsit enim istum libellum anno 1600. (recusum tamen Francofurti 1682.) quo tempore Germani Jcti rarius antiquitati Historicæ operam dederant. Interim tamen, quia nævi illi, ut modo quosdam exhibuimus, satis notabiles sunt, accuratius aliquod scriptum non immerito desideratur.

Scripsit & Franciscus Polletus Duacensis Jctus *Historiam fori Romani*, recusam Francofurti in 8. 1676. libellum satis doctum, & additionibus quibusdam ab ejus genero Philippo Broidæo illustratum. Sed dolendum, quod morte præventus tractatum non absolverit, & in ipso processu causarum privatarum, quem in libro quinto delineare voluerat, morte præventus desierit. Quamvis enim Gener à cap. quarto dicti libri quinti ad finem usque suppleverit defectum, non tamen hoc supplementum correspondet operi ipsi.

Interim non diffitendum, multa subsidia hodie suppetere, si quis laborem hunc non omnino inutilem in se velit suscipere, & ex antiquitate historiam hanc Processus Romani eruere. Multa præter centones Pandectarum latent in Plauto, Cicerone, aliisque, maximè in Ciceronis orationibus. Dolendum est, eximium Jctum sui temporis Franciscum Balduinum, quamalicubi promisit Jurisprudentiam Ciceronianam ad perfectionem non perduxisse. Dolendum, nostros Criticos, qui in edendo Cicerone occupati sunt, magis in
colli-

colligendis Notis Variorum de literis & syllabis quàm de rebus esse sollicitos, nec esse inter ipsos, qui justam commutationem in orationes Ciceronis tentent.

Quod si quis scripta excellentium Jctorum, qui studio antiquitatis famam sibi acquisiverunt, puta Duarenorum, Alciatorum, Connanorum, Hottomannorum, Raxardorum, Cujaciorum, Balduinorum, Briffoniorum &c. percurrat, & capita ad processus notitiam pertinentia notet atque digerat, non adeo magno labore putarem eum multa egregia ad hunc finem pertinentia, & colligere & in ordinem redigere posse.

CAPUT. IIX.

De Edictis Ædiliū.

Eodem tempore, quo Prætor creatus fuit, etiam Ædiles curules ortum sumserunt, quorum primitus cura in suspectione ludorum publicorum consistebat, (1) postea potestas eorum aucta fuit, ut & viarum & venditionum publicarum curam gererent, atque eo nomine Edicta proponerent, quæ similiter vim legis habuerunt. (2)

(1) Livius lib. 6. in fine. (2) t. t. ff. de Ædil. edict.

Explicatio.

Origo Ædiliū Curulium omnium optimè ex Livio hauriri potest. Qui postquam de Prætura à plebe patribus in compensationem communicati cum Plebe Consulatus, egisset, subjungit: Ita ab diutina irâ tandem in concordiam redactis ordinibus, cum dignam eam rem Senatus censebat esse, meritoque id si quando unquam alias, Deum immortalium causâ libenter facturos fore, ut ludi maximi fierent, & dies unus ad triduum adjiceretur; recusantibus id munus Ædilibus plebis, conclamatum à patribus est jure
ntibus

vibus, se id honoris Deum immortalium causâ libenter acturos, ut Ædiles fierent, quibus cum ab universis gratia acta essent, factum SCtum, ut duos viros Ædiles ex patribus dictator populum rogaret, patres auctores omnibus ejus anni comitiis fierent.

Pomponias pro more causas Prætoris creati cum causa Ædilium institutorum miscet l. 2. §. 26. de O. I. Deinde ait, cum placuisset creari etiam ex plebe Consules, ceperunt ex utroque corpore constitui. Tunc ut aliquo plures patres haberent, placuit duos ex numero patrum constitui, ita facti sunt Ædiles Curules. Rupertus ut Pomponium defenderet, ita arbitratus est Comment. ad Enchirid. Pompon. p. m. 240. Consilius negat hanc veram esse causam, sed illam potius: ut ludi maximi fierent. Sed nullum consequens: Ædiles Curules creati sunt propter ludos maximos, ergo non creati sunt, ut plus dignitatis accederet patriciis. Sunt enim unius rei plures causa. Et si quid ex statu temporum illorum colligere possum, prior videtur causa, quam Pomponius tradidit, vulgatâ illâ cæterorum historicorum. Victus Senatus saviensis populi consensu, dat potestatem creandi plebeji Consulis. Contrâ ut patres aliquid recipiant à plebe, petunt & impetrant Prætores. An credibile est, Patres sic acquievissè, nec ultrâ quicquam excogitasse ad stabilendam dignitatem suam, qui contra plebem omnes calliditatis artes semper advocârunt? Imò machinati sunt hoc ipsum, quod scribit Pomponius. Vulgatur speciosissimè. Cum ab diutinâ irâ demum in concordiam redacti sint ordines, in honorem Deum immortalium ludos faciendos esse, feriisque Latinis diem addendum ad triduum. Sciebant versutissimi, Ædiles plebis hoc oneris oneribus suis vix adjuncturos, & præterea reconciliatâ plebe per communicatum Consulatus honorem, magna novî magistratus indispensabilis erat. Igitur plebeji Ædilibus novum onus recusantibus, nec attendente calliditatem patrum nimîâ lætitiâ plebe, conclamatum à patriciis est juvenibus, se honoris Deum causâ libenter facturos, ut Ædiles fierent. Ita verò compositum fuisse patriciorum consilium, credere nos jubent tum priora Senatus adversus plebem acta, tum ea, quæ postea secuta sunt. Nam ut scribit Livius, statim illo ipso anno 387. in concionibus querebantur Tribuni Plebis, quod pro uno

Consule plebejo tres patricios magistratus curulibus sellis prætextatos, tanquam Consules, nobilitas sibi sumisset. Igitur ex post facto penam causam sagaciter eruit Pomponius, neque scriptorum aliorum silentium nostro præjudicare debet, qui causam creatorum Ædiliū curulium solummodo vulgatam prodiderunt. Breviter: Distinguit Rupertus inter causam veram & prætextum. Illam à Pomponio, hanc à Livio fuisse expositam. Distinctionem ipsam ejusque applicationem ad historiam rei gestæ approbo: Applicationem ad sagacitatem Pomponii nego, quippe quem nil minus intendisse quam hoc, ostendit, quod in §. seq. de orig. Prætorum, nec prætextum nec causam veram nariet, ut in cap. præced. contra eundem Rupertum ostendimus. Interim gratias agimus Ruperto, quod hac responsione nobis ansam dare voluerit cogitandi de novo quodam Jurisprudentiæ novo, de quo paulò post.

Magnam autem fuisse auctoritatem Ædiliū plebis sub prætextu ludorum, ex Cicerone patet in 5. Verr. Nunc sum, inquit, Ædis: habeo rationem, quid à populo Romano acceperim: mihi ludos sanctissimos maximā cum carimonia Ceveri, Libero, Liberaque faciendos: mihi Floram matrem populo plebique Romano ludorum celebritate placandam: mihi ludos antiquissimos, quo primi Romani sunt nominati, maximā cum dignitate ac religione Jovi, Junoni, Minervæque esse faciendos; mihi sacrarum adium procurationem, mihi totam urbem tuendam esse commissam: ob earum rerum laborem & sollicitudinem fructus illos datos, antiquiorem in Senatu sententia dicenda locum, togam prætextam, sellam Curulem, jus, imagines ad memoriam posteritatemque prodendam. Et fuisse hunc nobilium juvenum illustrissimum principatum observat Polybius lib. 10.

Probabile est sub prætextu inspectionis ludorum publicorum maximis cerimoniis aëtorum, Ædiles etiam nactos esse curam viarum publicarum, eoque pertinere edictum, ne quis animal quod nocere possit, habeat in via publica, ne scilicet in ludis publicis alicui damnum fiat. Cura vix publicæ & fori facile postea ad se traxit curam venditionum, quæ in

in foro fierent, qvo spectant reliqua ediēta in Pandētis, qvz, qvoniam speciem utilitatis publicæ præ se ferrent, facile tacito consensu à populo approbata sunt. Nam & hodie ejusmodi dispositiones ad vias publicas & venditiones in foro pertinentes, non tam legum, quam ordinationum nomine venire solent, ad administrationem officii magistratuum pertinentium, exqve magistratibus inferioribus apud nos permittuntur à Principibus, etsi potestas legislatoria iis nequam indulgeatur.

NÆVUS XVII.

Creatio Ædiliū in odium plebis facta, suspecta reddit eorum Ediēta, qvōd per ea non semper utilitatem publicam, sed magis ut plebs multis litibus involveretur, intenderint.

Explicatio.

Ædiles in odium plebis creatos esse modo vidimus ex Ruperto. Consideremus tamen rem paulò distinctius. Viderant Patres, plebem obtentu Consulis Plebeji inebriatam esse, ut non sentirent damnum ipsis accedens per creationem Prætoris, de qvo *cap. preced.* Ut ergo insatiabilis est ambitio, tentabant per insidias ei omnem libertatem tollere. Ludis maximè delectatur plebs, ludis tempore pacis mollescit, ut inepta fiat ad fortia facta tentanda, unde antiquum consilium eorum, qui tyrannidem affectant, populum delinire per ludos. Non affectabant Patres Ædilitiam dignitatem, probe gnari, qvōd Ædiles plebis onus cerimoniarum ordinandarum tanquam earum ignari non sint suscepturi. His detrectantibus Patricii ad ludos & cerimonias inanes aptissimi, (ut nostra juvenus) ex composito se offerunt. Prætextus: se vellem munus in honorem Deūm suscipere. Semper enim ambitioni prætexta fuit pietas. Non ignari erant, curam viarum, fori, ediēta secutura. Ineptissimus populus gratias agit pro hac

amica hostilitate hostibus juratis. Sed mox sentit fraudem, communicatur honor cum plebe &c.

Jam quis istis præsuppositis, magnificè vellet de Edictis Ædilium sentire, quemcunque prætextū etiam honestatis aut necessitatis habeant? Tria de iis restant in titulo de Edicto Ædilitio. Transeat, quod curam viarum respicit. Duo reliqua de venditione Mancipiorum & jumentorum primâ fronte æqvissima videntur. Si paulò penitius spectes, videntur saltem ad multiplicandas lites esse proposita. Lege titulum de Ædilitio Edicto & quæstiones inanes, sæpè ridiculas de morbis servorum & jumentorum, quibus omninò occasionem dabant Edicta Ædilium. Videbimus pluribus, Deo dante, ad Pandectas. Jam saltem nota, quod hæc fortè causa sit, cur rigorem istum Edicti Ædilitii non observent mores nostri. *Confer, quæ dixi dissert. de usu act. penal. cap. 3. §. 33.*

CAPUT IX.

De Senatus Consultis.

Referuntur quidem communiter Senatus Consulta inter augmenta legis XII. Tabb. (1) sed verius est Senatum tempore liberæ Reipublicæ potestatem Legis condendæ non habuisse.

(1) l. 2. §. 9. de O. I. §. 5. Inst. de J. N. G. & C.

Explicatio.

Pomponius d. l. 2. §. 9. Deinde quia difficile plebs convenire cœpit, populus certè multò difficilior in tanta turba hominum: necessitas ipsa eum Reipublicæ ad Senatum deduxit. Ita cœpit Senatus se interponere, & quicquid constitueret, observabatur, idque jus appellabatur Senatus Consultum. Ex quo in suas institutiones transtulit d. §. 5. Tribonianus, Senatus Consultum est, quod Senatus jubet atque constituit. Nam cum auctus esset populus Romanus in eum modum,

luna, ut difficile esset in unum eum convocari legis sancienda causâ; æquum visum est, Senatûm vice populi consuli. Adducerem pro hac sententia Ulpianum in l. 9. ff. de LL. ubi dicit: Non ambigitur, Senatûm jus facere posse, si non verosimile esset, Ulpianum loqui de temporibus Imperatorum, non de temporibus liberae Reipubl. De temporibus Imperatorum autem suo loco videbimus.

Ita communiter adoratores Legum Romanarum sententiam Pomponii & Triboniani sequuntur, quam cum optimè refutaverit Bachovius in *περὶ τοῦ* p. 38. seq. non injucundum erit locum hunc quamvis paulò prolixiorem legere. Diximus suprà in tribus consistere administrationem totius Reipublicæ, in judiciis, magistratibus & Senatu; qui plurimum Romæ potuit, & maxima habitus dignationis. In hoc de legationibus, provinciis, bello, fœderibus &c. tractabatur, sed ita, ut fere Senatûs placita rata non essent in rebus gravioris momenti, nisi à populo fuissent probata: itaque quæ Senatui placuerant, ex auctoritate ejusdem à Consule ad populum referri, ut quasi lege lata confirmarentur, solebant, quod infinitis Livii locis contestatissimum est. Nobis de tota potestate Senatûs & objectis istius consilii tractare propositum non est: sed tantùm de ea parte, quæ legis sancienda potestatem concernit. Diximus ea, quæ Senatûs decreverat (exceptis quibusdam) non fuisse rata, nisi populus ea rata esse jussisset, apud quem tum summa Reipublica erat: Et certum est, Senatûm jus & potestatem Legis condenda non habuisse, sed eam populi fuisse potestatem: quin hoc jus populi fuisse etiam sub Regibus (ex horum ipsorum voluntate,) locuples testis est Dionys. Halicarnas. lib. 6. antiquit. Rom. apud quem Consul in Senatu ita loquitur: Scitis, nobis legem esse ab urbe condita, quæ omnia ponit in arbitrio & potestate Senatûs, præter magistratuum creationem, inferendi belli deponendique arbitrium, & legum contendarum potestatem: & hac tria esse penes populum. Quæ magis sub libera Reipubl. præsertim, cum potestatem, quam expulsis Regibus optimates sibi vindicarent, extorsissent sibi contestantur, & perpetuo propria fecit & usurpavit: & postremis quoque temporibus paulò ante oppressam Reipubl. populum usum esse, quæ Plutarchus in La-

cullo, Cesare, Pompejo, Mario, Cicerone, Gracis &c. & Dio Cassius 35. & 36. histor. & alii scribunt, faciunt plenam fidem. Et quid igitur est, quod sub nomine Pomponii scriptum legimus in l. 2. §. deinde 9. de Orig. Jur. & ex eo in §. Senatus Consultum 5. Inst. de Jur. Nat. cum auctus esset populus Rom. in eum modum, ut difficile esset in unum eum convenire, placuisse, Senatum vice populi consuli. Et quid enim, an ante populum ita auctum, non fuit consultus Senatus? Hoc nihil falsius dici potest: cum istud consilium publicum statim ab urbe condita fuerit, & perpetuo manserit, porro etiam maxime aucto populo temporibus posterioribus, nihilominus ut antea, leges à populo latas fuisse, modo relati autores liquidissime docent: & jus istud ad Senatum nunquam translatum fuisse à populo, oppido quam certum est. Nec superest aliud, quam ut liberè loquamur, & falsum esse fateamur, quod in d. l. 2. §. deinde 9. de Orig. Jur. & in d. §. Senatus consultum Inst. de Jur. Nat. scriptum est: quod nec ullo colore potest defendi, & manifestò historica veritati repugnat: maxime si id cum Theophilo ad §. 5. explices, placuisse τὴν σύγκλητον μόνην νομοθετεῖν, ut Senatus solus leges ferret, quod omnino falsissimum est: Et in huiusmodi, quæ ex principiis Politicis, Ethicis, aut ex Historicis deducenda sunt, autoritas sive Pomponii sive Triboniani, sive cuiuscunque tandem, sicubi ejus assertio illis repugnat, facile contemnitur, imò contemnenda est. Illud quidem non negarem, Senatum quædam aliquando ad se traxisse, quæ populi erant: veluti Asconius scribit in Cornelianæ in pr. cum nemo legibus solvi posset, nisi lege ad populum lata, Senatum tamen hoc usurpasse, ut ipse legibus solveret. Et Cicero in Topicis Senatus consulta refert inter partes Juris Civilis. At, quoniam, quod ita placuerit, vice populi Senatus expediret ea, quæ ad populum pertinebant, & leges suo jure ferret, prorsus falsum est. Observandum insuper est, quod quæ Consulibus referentibus decernebantur à Senatu, non perpetuum, sed tantum annuum robur habuerint, ut scribit Dion, Halicar. 9. antiq. Rom. & pluribus tractat Bodin. 1. de Republ. 10. An forte quia Consulum imperium & ipsum anno finiebatur? An fortè à Gracis hoc acceptum? Demosthenem: in orat. contra Aristocratem: ὁ νόμος, inquit, ἐπέτεια κελύει τὰ τῆς βασιλῆος εἶνεκα ἡ πόλις.

Ἰνφίσματα. Lex decreta Senatus jubet esse annua. Atque hinc apud Romanos teste Halicarn. in fin. lib. 11. πρὸς δέλευμα siebat quotannis: quoniam precedentis vires cum anno expirabant: & populi demum accedente consensu, quæ Senatus decreverat, perpetuò ita manebant. Ἰσθαφάντος τῶ πρὸς δέλευματ', καὶ ἐπικυρώσαντ' τῶ δήμῳ, ubi decretum scriptum seu Senatusconsultum populus firmasset, at loquitur idem autor lib. 8. & 10. Objicitur tamen hic l. non ambigitur 9. d. Legibus, ubi dicitur, nec ambigi, quin possit Senatus jus facere, cui rei tot SCta, quæ legimus in jure nostro adspiciuntur; quorum sane non annua, sed perpetua autoritas fuit. Res repetenda paulò altius est. Augustus cum Rempubl. post Cæsarem occupasset, populo concessit adhuc non pauca, & quod Dion Cassius prolixè exequitur, etiam provincias quasdam populo, leges etiam adhuc populi suffragiis per tribus ferri permisit: sicuti constat sub Augusto Falcidiam legem promulgante seu rogante Tribuno plebis à populo sancitam fuisse. Sed hanc potestatem mox Tiberius populo ademit: quippe Tyrannorum præcipuè interest, ut quàm minimum populus possit: ideoque Tiberius populi minuit potestatem, & eam ad Senatum, à quo minus metuebat, transfudit. Tacitus 1. annal. (ubi de Tiberio,) Tum primum è campo comitia ad patres translata: nam ad eam diem, etsi potissima arbitrio Principis, quedam tamen studiis tribuum siebant. Hactenus Tacitus: & rem ita se habuisse, coætaneus Taciti Plinius ostendit 3. Epist. penult. Itaque sicut magistratus creandi, ita & Juris faciendi potestas quodammodo à populo in Senatum fuit translata; quæ re deceptus videtur, quisquis ille fuit, qui in d. l. 2. §. deinde 9. de orig. Jur. de Senatusconsf. scripsit, quod repugnare fidei historica probavimus. Ex hoc ipso autem, quod dicimus, efficitur, quod Senatus non propria, sed precaria quasi autoritate jus & legem constituerit: nam & quod plurimi textus juris nostri ostendunt, pleraque SCta precedere solebant orationes Principum, quod boni Principes, quæ volebant obtinere, modestia causâ ad Senatum referre solerent. Quod si citra hujusmodi orationes Senatus quid statuisset, id haud dubiè ad Principem referendum erit, penes quem tum sola juris statuendi erat potestas. Postquam autem in orientem fuit imperium sedesque ejus translata,

cum abesset Roma Princeps perpetuo, non amplius eam potestatem Senatus fuisse Romani, nec Constantinopolitani, haud dubium est: quod & ratio soadet, & ostendit satis l. ult. C. de LL. ubi Justinianus refert & verè ait, solius esse Imperatoris, condere legem, & humanitatis est, quod in l. humanum §. C. de legibus sancitur, ut leges promulgande in & à Senatu approbentur, & insuper quod de firmitate Senatus consultorum sancitur in l. un. C. de Senatus consultis, non ad nova, sed ad vetera & ante recepta Senatus consulta haud dubiè pertinet. Novissimè eandem sententiam defendit Jctorum Belgarum decus Ulricus Huberus in digress. Justin. l. i. c. 3.

Pro Pomponio vero contra Bachovium prolixè pugnat Rupertus ad Enchirid. Pompon. cap. 10. p. 125. seq. Verba prolixiora sunt quam illa Bachovii, adeoque responsionem ad singula reservo discursui. Huc saltem transfero verba finalia disputationis illius. Absente populo SCrum fieri poterat sine lege, sed de rebus minoribus. In rebus verò maximi momenti vel aderat populus, vel absens agebat per tribunos suos, & SCrum fiebat subscribente Tribuno, vel etiam cum lege. Certè majorum nihil transgebatur, vel validum erat, absque voluntate populi. Utrumque igitur verum, quod Pomponius dicit, explicandus de SCtis prioris generis, & quod illi historici, quorum autoritatibus in Pomponium ire cogitabat Bachovius, sed frustrà. Si igitur nihil aliud haberemus, quod Ruperto regereremus, sufficeret, quod ipse concedat, SCta non habuisse vim legum, & expressè p. 126. hac in parte deferat Tribonianum in d. §. 5. de J. N. G. & C. quodque explicatio ipsius de SCtis minoris momenti, non videatur quadrare ad mentem Pomponii propter rationem, quam Pomponius dat, de difficultate convocandi populum, (quid enim opus convocatione populi in rebus minoris momenti, quæ ad officium Senatorum quæ talium pertinent?) quam rationem etiam Rupertus d. l. non defendit, cum tamen perspicuum sit, eam esse vanissimam, ut alias in aliis capitibus, jam notatis.

NÆVUS XVIII.

Propter tot variantes leges, Plebiscita, Edicta, necesse fuit etiam multiplicatum esse dissenfum Jctorum in Explicatione eorundem, & per hunc auctam fuisse juris incertitudinem.

Explicatio.

Necessaria fuisse incrementa dissenfus Jctorum, patet ex iisdem rationibus, quas suprà cap. 3. navo 7. pag. 11. adduximus.

Sed quid faciemus Pomponio, qui iterum d. l. 2. §. 47. de O. I. de Labeone & Capitone dixit: *Hi duo primum velut diversas sectas fecerunt, nam Atejus Capito in his, quæ ei tradita fuerant, perseverabat, Labeo ingenii qualitate & fiducia doctrine, qui & ceteris operis sapientie operam dederat, plurima innovare instituit.* Aut ergo falsum, quod nos hîc asserimus, jam diu ante dissenfum & adeo sectas fuisse cognitæ ac frequentatas, aut falsum, quod dicit Pomponius, sectas demum sub Augusto cepisse. Videtur dicendum: Vel Pomponio nihil de dissenfu illo ante Labeonem & Capitonem constitisse, vel aliud esse dissentire, aliud sectas facere. Ante Capitonem & Labeonem pro Libertate Reipublicæ (saltem in ordine Senatorio & Patronorum atque paucorum ex plebe selectorum,) singuli dissentiebant à singulis dissenfu Eclectico. Tempore Augusti & Tiberii, tibi etiam Senatores vilissimis adulationibus asvescebant, adeoque libertas animi cum libertate civili peribat, sectæ factæ sunt, ubi dissenfus non nitebatur ratione cujusvis, sed autoritate Præceptoris, etiam quod mireris, in discipulis Labeonis, qui tamen, ut Pomponius tradit, ipse à Præceptoribus suis recebat, & multa innovabat, sive quod discipuli Labeonis in culpâ fuerint, non eâ libertate præditi ut Labeo, sive fortè

H

etiam

etiam vitio ipsius Labeonis , quod ambitione seductus libertatem , quâ ipse usus erat , nollet & auditoribus suis relinquere. Commune hoc vitium est , & alibi diximus. Plato , Zeno , Epicurus , Aristoteles & in universum omnium sectarum capita Eclectici fuerunt , ipsi tamen sectas non post se reliquerunt , sed studio fecerunt.

Incertitudinem juris ex isto dissensu ortam quod attinet , nescimus , quo medio tum temporis iudices usi fuerint in hoc dissensu quoad praxin tollendo. An communior opinionem secuti sunt ? An singuli iudices , qui & Juris Consulti erant , propriam ? An quia iudicis officium à Prætoribus dependebat , Prætor secundum amicorum suorum & agnatorum sententias actiones dabat ? Quocumque nos vertamus , deprehendimus miserrimum vel ex hac incertitudine , jam tum temporis fuisse statum Jurisprudentiæ Romanæ.

manx.






LIBER II.

*De Jure Romano à temporibus Julii Cæsaris
ad Justinianum.*

CAPUT I.

*De intentione Julii Cæsaris emendandi
Jus Civile.*

btinebant ista, quæ hætenus recensui-
mus in libera Republica, in qua successu
temporis nævos Jurisprudentiæ simul fuisse
auctos natura vitiorum persuadet. Unde
inter primas ac præcipuas curas Julii Cæsaris fuit, novo
Juris systemate proposito emendare istos defectus, nisi
morse eum prævenisset. (1)

(1) Svetonius *in ejus vitâ c. 44.*

Explicatio.

Nævos crevisse successu temporis ut probemus, opus non
est. Dato uno absurdo ex natura rei sequuntur plura. Ergò
multò magis datis tot absurdis. Neque causæ nævorum cessa-
runt, sed odium patrum & plebis perpetuò continuatum, imò
factionibus inter patres ipsos ortis, & inde subsecutis tot bel-
lis civilibus non potuit non Jurisprudentia simul magis ma-
gisque reddi incerta. Neque enim ulla ejus emendatio feriò
fuit tentata. Donec Julius Cæsar de emendatione cogitaret,
de quo ita Svetonius *d. l. Jam de ornandâ instruendâq; urbe, item*
H 2 *de*

de tuendo ampliandog, imperio plura ac majora indies destinabat &c. Jus Civile ad certum modum redigere, atque ex immensâ effusâq, legum copiâ optima quæq, & necessaria in paucissimos conferre libros &c. Talia agentem atq, meditantem mors prævenit. Fuit Julius Cæsar magnis vitiis commaculatus, fuit invasor imperii, non diffitemur, habuit tamen & magnas virtutes, atque non intendit tyrannicè imperare, sed maximoperè defectuum Reipub. emendandorum studio incubuit, & capaci ingenio ad emendationem potissimum Juris quam tentabat, atque judicio fuit præditus. Vide iterum de ejus institutis ad utilitatem publicam pertinentibus Svetonium cap. 40. 41. 42. 43. Ad nos propius pertinet, quod memorat cap. 40. quod Julius Cæsar fastos correxerit jampridem vitio Pontificum per intercalandi licentiam adeò turbatos, ut neque messium feriæ æstati, neque vindemiarum autumnino competere. Fuisse hanc fastorum confusionem probabiliter etiam ob Jurisprudentiæ confusionem à Pontificibus factam, non dubitare sinunt ea, quæ suprà disseruimus l. 1. c. 4. p. 15. seq. & cap. 5. nov. 10. p. 20. ex Cicerone, Cap. 43. refert Svetonius, quod Jus laboriosissimè & severissimè dixerit &c.

NÆVUS XIX.

Dolendum, quod morte præventus Julius Cæsar Jurisprudentiam nævis tot insigniter laborantem emendare non potuerit.

Explicatio.

Malo nævum hunc verbis Consultissimi Huberi quam meis efferre. Ita verò hîc in *Auspiciis domest. orat. 5. p. m. 177. seqq.* Nec minus Jurisprudentia legum multitudine & interpretum copiâ non sine magno judiciorum dispendio & omnium rerum confusione laborabat. Adcò quidem, ut Cæsar Julius inter præcipuas ordinanda Reipublicæ curas huic morbo non nisi magno & audaci remedio succurrendum judicaret. Quippe ex infinita legum & Disputationum mole supereritua seligere & in paucos conferre libros, ut multis postea seculis à Justiniano factum

factum, probatissima quæq; decreverat. Quod, nisi mors eum infausta & hac utiqve parte inauspicata occupasset, cis paucos menses incredibili cum posteritatis fructu absolvisset. Per me quidem frui conscientia tua, Brute, & quantum vis, imputa Idus Martias populo Romano. Consulisti tamen immortalitati tuæ potius quam orbi terrarum, pessimo dicam an pulcherrimo facinore. Manes tuos non insectamur, nec Tyrannicide statum invidemus, sed rose ac lilia sepulchrum tuum non ornent, qui nimis crudo servitii odio & improspere festinatione saluberrimi conatus fructum generi humano interceptisti. O quam præstitisset, corruptos & degeneres tuos cives legum & imperii obsequio licentiam exuere, quam ancipiti & piaculari libertate intempestivè onerari! cujus ad ò incapaces & indigni erant, ut ne traditam quidem & inculcatam à vobis recipere & conservare potuerint. Si carunculam Senis expectare, & tantisper indomitam regni impatentiam cohibere, quam Rempublicam in casum dare, & civilibus bellis involvere maluisses. O quam præclaro Magni Dictatoris beneficio Jurisprudencia frueretur! Quanto cultius Justiniano (ignoscant sacratissimi manes) Caji Cæsaris ingenium, quantum melior & doctior Triboniano Sulpicius, quam dispare Doctrotheo nescio cui, vel Theophilo, Scævola atq; Trebatius, quantum beatiora florentis Roma quam jacentis & à Gothis oppressa tempora, tanto elegantius, tanto concinnius & eruditius (confessionem vis veritatis extorquet) Julianum præ Justiniano Compendium extaret. Non versaretur in ore doctorum tristis querela, fractum nobis & lacerum, & enervè Juris corpus esse relictum. Non representarent deliciae nostræ Pandectæ, quasi rudera Magnificentissimi aedificii pulvere multo dissipata, quasi tabulas ornatisima classis ex infelici naufragio reliquas, aut merces pretiosissimas irreparabili jactura mari vasto fluctuantes. Ille, qui ingeniosâ Calendarii emendatione suas anno tempestates, suas vices Soli & Cælo restituerat, quantum non lucem foro idem ac tribunalibus, id est, ipsi Justitiæ, unico societatis humanae præsidio, immortalis posteritatis bono infudisset. Non hoc solo, quantumquam fortuna major, Patre fuisti minor Auguste! Qui potentia securus & otio affluens, cum abjecto Triumviratu, jura dares, quibus pace & tanquam Principe populus uteretur, institutum Divi Julii adco non persequeris, ut potius de cumu-

landis legibus augendaq; fori disceptatione cogitares. Interpretes Juris non modò auctoritate, quàm & olim populari consensu obtinebant, sed insuper immensa Legislatorum potestate armasti. An ita dominationi visum expedire? ut nova responsa vetus Edictum & Prudentium auctoritas judiciale regnum Prætoris everteret? An ut otii dulcedine plebs emollita, nobilioresq; animi civilibus studiis ac forensi occupatione partium & armorum obliti, pristinam ferociam & atrocem Reipubl. memoriam deponerent? Sed interim gloriæ ac dissentendi libido docentium copiâ & dignitate aucta, non modò judicium religionem multitudine sententiarum distraxit; Sed & Græculorum exemplo scholasticas contentiones & sectarum nomina sanctissimis auditoriis intulit.

CAP. II.

De relictis aut mutatis Juris veteris speciebus
sub Augusto & Successoribus.

Imperio ad Augustum delato necesse fuit aliam etiam faciem Legum & Jurisprudentiæ fieri. Res tamen pedetentim processit. Leges initio in speciem libertatis non paucæ latæ, (1) ipsæ constitutiones Principum per modum Sctorum propositæ, (2) Responsa Prudentum sanctione corroborata, ut judiciab iis recedere non liceret, (3) Ædilium & Prætorum potestas coercita, (4) Prætorum edictum in perpetuam formam reductum, (5) formulæ sublata, (6) & ipsum denique collegium Pontificum extinctum fuit, (7)

- (1) Jac. Gothofr. *Hist. Jur. c.3.* (2) Gothofr. *d.l.* Struv. *Exerc. I. ad Pand. tb. 10.* (3) *l.2. §. ult. de O. 7. §. 8. Inst. de J. N. G. & C.* (4) Eberl. *c.22. n. 6. p. 210. & c.24. n. 11. p. 217.* Rupertus *ad Enchir. Pompon. p. 245,* (5) Gothofr. & Struv. *ad, ll.*

dd. ll. (6) l. i. C. de formul. & impet. sublat. (7) Coccejus
innot. Var. ad l. 2. §. 6. de O. I. p. m. 15.

Explicatio.

Fuit Augustus princeps astutus, omnes artes adhibens, ut imperium partum confirmaret. Inde primum inter initia Principatus, sunt verba Gothofredi d. l. p. 12. *leges adhuc complures à populo, veteri ritu, Augusto autore, tantum non Julio latas, deprehendere licet (unde Julius legibus tot nomen) Comitibus de Campo Martio ad Patres nondum translatis: quod à Tiberio demum factum. Ita veteris libertatis instar umbræ, & simulacrum quoddam ab Augusto relictum, à Tiberio ademptum, ne aliquin vis principatus (ut ejus verba erant) resolveretur: Cujus ea conditio est, ut non aliter ratio constet, quàm si uni reddatur.*

Secundò Senatui quoque, inquit Struvius & Gothofredus dd. ll. *Simulacrum aliquod pristinae auctoritatis in jure constituendo relictum l. 9. de LL. Nam quæ Principes de jure privato constituturi essent, orationibus in senatu prius complectebantur; de his censendi arbitrio Senatui relicto; eas deinde orationes SCtum sequebatur l. 1. de reb. cor. l. pen. ad Tertull. l. 1. pr. de fer. l. 60. pr. & l. 16. pr. d. r. n. l. 8. pr. de transact. l. 16. de Sponsal. l. 32. pr. de donat. inter vir. & ux. Hinc quod uno loco oratione introductum dicitur, vid. d. l. 8. pr. de transact. d. l. 1. de reb. cor. l. 60. §. 5. de r. n. id alibi SCto tribuitur l. 23. §. 2. de condict. indeb. l. 7. C. de interd. matrim. Add. Briffon. i. sel. antiq. 26. Atque hæc sunt illa Senatus Consulta, quorum tam multa mentio in jure. Quæ sanè observare est ibi incipere, ubi leges desinunt, id est, à Tiberii Principatu: desinere verò, seu procurrere ad Marcum Imp. usq;: ultra quem nulla amplius Senatusconsultorum de jure privato conditorum mentio occurrit.*

Tertiò & JCtorum scientia, ita pergit Gothofredus d. l. p. 13. *sua stetit & quedam auctoritas: in tantum, ut & JCti ex Principis, jam inde ab Augusto, auctoritate, non ut antea privata, publicè responderent, & rursus scripto non verbo, atq; ita major Juris hujus auctoritas facta*

facta fuerit. Addatur his, magna *ſ*ctorum frequentia circumſuſos Principes, ex quorum ipſi conſilio jura dicebant, condebant, ut non plures aut potiores Prudentes alia etas tulerit, quam hujus etatis prima epocha: in tantum, ut quorundam tandem Scriptis, vim Lectionis (ut loquebantur) vel auctoritatem allegationis in judiciis, vimq; legis Principes tribuerint. Diſertè Pomponius l. 2. §. ult. de O. I. Et ut obiter ſciamus, ante tempora Auguſti publicè reſpondendi Jus non à Principibus dabatur: Sed qui fiduciam ſtudiorum ſuorum habebant, conſulentibus reſpondebant, neq; reſponſa utiq; ſignata dabant; ſed plerumq; judiciſ ipſiſ ſcribebant, aut teſtabantur, qui illos conſulebant. Primus Divus Auguſtus, ut major Juris auctoritas haberetur, conſtituit, ut ex auctoritate ejus reſponderent, & ex illo tempore hoc pro beneficio caput. Et apertius Trebonianus §. 8. de J. N. G. & C. Reſponſa Prudentum ſunt ſententiæ & opinionones eorum, quibus permiſſum erat, de Jure reſpondere. Nam antiquitus conſtitutum erat, ut eſſent, qui Jura publicè interpretarentur, quibus à Caſare Jus reſpondendi datum eſt, qui Jurisconſulti appellabantur; quorum omnium ſententiæ & opinionones eam auctoritatem tenebant, ut judici recedere à reſponſis eorum non liceret; ut eſt conſtitutum.

De Ædilibus Curulibus habemus quidem fragmenta in titulo de Ædilitio edicto, ſed Claudius tamen ipſorum poteſtatem, quæ à Calliſtrato notatur in l. eos. 12. inf. de decur. aliquantum cohibuit, dum coërcitionem popinarum illis ademit, autore Spet. in illius vita c. 38. quam Nero anguſtiorẽ fecit, dum ſtatuit, quantum Curules, & quantum plebei pignoris caperent, vel pænæ irrogarent; reſte Cornel. Tac. lib. 13. annal. p. 373. Tandem in municipiis, in quibus & ipſiſ Ædiles fuiſſe conſtat ex l. qui in ſulam 30. §. 1. inf. locati & d. l. eos qui 12. inf. de decurionibus. Spart. in Hadrian. p. 142. Perſ. Satyr. 1. in fin. & Juvenal. Satyr. 10. ante med. ad Decurionis officium eorum omninò translatum eſt. Eberl. d. l. p. 210. ſeq. De Edicto Prætorio agemus peculiariter cap. ſeq. Ipſorum Prætorum poteſtas valde etiam Cæſarum temporibus imminuta eſt, ita ut ex Jurisdictione priſca & imperio pauciſſima retinuerit, & ſerè ea ſolummodò, quæ

qvæ à Constantino referuntur in l. 1. C. de officio Prætor. & lult. C. de præd. minor. Unde Boëtius 3. de consolatione, Pratura, inquit, magna olim potestas, nunc inane nomen, & senatorii ordinis gravis sarcina. Unde factum etiam est, ut propter Jurisdictionis illius parvitatem, & quod onus tunc potius quam honos esset, Prætores in urbe esse non potuerint, nisi qui in ea domicilium haberent; l. 2. C. de offic. Prætor. cum tamen aliàs nulli patriæ suæ administratio permitteretur, r. t. C. ut nulli patriæ suæ admin. sin. spec. perm. pr. perm. l. 10. C. de adseff. & l. 1. C. Theod. cod. Eberl. c. 24. n. 11. p. 217. Magis dicta illustrat Rupertus ad Enchirid. Pomponii cap. 13. pag. 244. seqq. Sub Principibus, ait, accesserunt & alia muneri Prætorum, ut cognoscerent de histrionibus, eorumq; fautores immodestos exilio mulctare possent; quod factum sub Tiberio, docet Tacitus l. 1. Ann. c. 77. in reb. anni 767. ut adversus publicanos jus redderetur, quod est apud Tacitum l. 13. Ann. c. 51. in rebus anni 710. cum rerum potiretur Nero. Datum eorundem honori, ut sententiam in senatu dicerent: quod factum sub Augusto A. V. 744. ut scribit Dio l. 55. Idem Augustus ludorum omnium curam injunxerat, eodem Dione teste l. 54. Duravit hic magistratus ad novissima Imperii Romani tempora. Meminit in rebus Valentiniani Amm. l. 26. p. 309. Ubi Valesius: illo die, quò Prætor magistratum iniret, b. e. Kal. Jan. deductum fuisse ab honoratis & plebejis officii causa, sicut Consules solebant. Et quemadmodum supra de Coss. docuimus, ad eadem Apostolorum veniebant, gratias acturi DEO; ibiq; pecunias ac vestes distribuiebant in pauperes. Fuit autem reverà illis temporibus potius onus, quàm bonos propter immanes sumtus, quos facere cogebantur, ut pluribus docet Salmas. ad Spart. p. 9.

Formularum sublationem à Constantino factam ita refert Tribonianus l. 1. C. de formul. & impetr. sublati. Juris formulæ aucupatione syllabarum insidiantes cunctorum actibus radicitus amputantur, & asserit idem Rupertus d. l. c. 7. p. 111. Tandem, ait, à Constantino M. obviam itum juri non juri. Nazarius in Panegy. V. c. 38. laudare videtur his verbis: Novæ leges regendis moribus & frangendis vitiis constitutæ. Veterum calumniose ambages recisæ captandæ simplicitatis laqueos perdiderunt & c. Legunt tamen quædam editiones

in inscriptione leges illius 1. loco Constantinus, Constantius, & notabile est, quod d. l. 1. in Codice Theodosiano planè non extet, unde malæ fidei accusat Tribonianum Jacobus Gothofredus ad l. un. Cod. Theodof. de omiffa act. impetr. (l. 2. tit. 3. f. m. 95.) quæ est l. 2. in Cod. Just. de formul. & impetr. sublati: Est verò hæc lex, ait, pars proluxa admodum Theodosii Jun. Constitutionis, quæ is veteres & scrupulosas Actionum, Nuptiarum, Dotium, Donationum, Sponsalitorum formas & formulas solennes, multasq; alias scrupulositates antiquavit: & qualiacunq; jam verba, qualescunq; ritus sufficere in his actibus voluit: cujus constitutionis, præter hanc l. septem insuper fragmenta occurrunt, l. ult. de sponsalibus: l. ult. de nuptiis: l. ult. de dotibus: l. ult. de naturalibus filiis: l. ult. de legitimis hæredit. Item l. 2. C. de bonis quæ liberis: l. extraneum 11. C. de heredib. instit. quæ proinde omnes huic nostræ coaptanda veniunt, velut unius ejusdemq; constitutionis partes, atq; eodem spectantes, ad formarum videlicet formularumq; veterum scrupulositatumq; aliarum abrogationem: quæ hætenus obtinebant. Constantinus enim longè ante in testamentis, seu testamentariis tantum formulas susculerat, si fides adhuc auctori vitæ Constantini habeatur lib. 4. c. 26. in f. si fides inquam: lib. rorum enim ejus hætenus, non verò Constantini hæc de re Constitutiones extant in l. 15. C. de Testamentis, & l. 21. C. de legatis: & verborum seu formularum subtilitatem Constantinus in testamentis tantum parentum inter liberos sustulit, quod docet l. 1. inf. de famil. ercisc. Sed enim ingentem lectori fucum facit Tribonianus, cum sub Constantini vel Constantii nomine in l. 1. C. de formulis: omnes omnino juris formulas ab alterutro horum Principum cunctorum actibus rudiculus amputatas proponit: id enim non à Constantino, non à Constantio, verum à Theodosio Jun. nunc demum factum ex superioribus omnibus constat.

De Pontificalis collegii sublatione ita Coccejus d. l. p. 15. Post mortem Julii Casaris, pontificatum per vim invasi Lepidus. Quæ mortuò illum suscepit Augustus teste Dione lib. 54. sub anno 741. à quo deinceps omnes Romani Imperatores, (ut, qui cum totius imperii professione essent adepti, supremam etiam divinarum rerum auctorita-

tem haberent) Pontificum Maximorum titulum & Regimen sibi reser-
varunt. Usque ad Gratianum, qui primus amictum sacerdotalem à Pon-
tificibus sibi oblatum aversatus est, teste Zosimo. Et paulò post ipsum Pon-
tificum Collegium à Theodosio Seniore, cum omni alio gentili sacerdotio
sublatum est, reditibus eorum fisco applicatis,

NÆVUS XX.

Maximum damnum Jurisprudencia passa est, quod
Augustus facultatem respondendi per modum benefi-
cii concefferit, & iudicibus necessitatem imposuerit, ut
ne à responsis JCTorum recederent.

Explicatio.

Ante omnia quaestio facti est: An Augustus iudicibus
necessitatem imposuerit non recedendi à responsis JCTorum?
Non pauci JCTorum id negant, arbitantes verba ultima §. 8.
Inst. de J. N. G. & C. pertinere non ad Augustum, sed ad Valen-
tinianum, qui haud dubie sequuntur doctrinam Jacobi Go-
thofredi in *Comment. ad l. 1. Cod. Theod. de respons. Prud. (lib. 1. tit. 4.)*
f. m. 32. Constitutum ait Tribonianus, non ab Augusto, quod Cujacius
aliq. voluere, cujus utiq. nulla ea de re constitutio proferri potest, quodq.
totius Juris Historia ejerat, verum à Valentimiano Tertio h. l. quæ à
Theodosio Juniore quoq. inter alios probata est, quando eam huic Codici
suo inferi passus est: & ab aliis fortè paulò anterioribus Imperatoribus,
qui superstiribus quoq. nonnullis vopodetmny dōuauu quādam tribue-
runt, ut de Innocentio quodam Chrysantii avo memorat Eunapius in ejus
vita. Eò scilicet paulatim deventum per gradus, ut veterum JCTorum
quorundam celeberrimorum scripta, quæ passim Imperatores ipsi consti-
tutionibus suis allegare seqvig. soliti, (quod de Diocletiano Imp. jam o-
stendi ad l. casus majoris C. de testam. & par et quoq. ex l. 3. in f.
inf. de testam. ubi Scævole auctoritas cum elogio adhibetur) collapsa
in Jarisprudencia, vel ad summum evecta, in iudiciis allegarentur. Et
iterum fol. 35. Hujus legis sententia ita perspecta, apparet liqvidò eam

responsorum seu Jurisconsultorum confirmationem, de qua hoc tit. agitur, longè aliam esse ab ea, qua Divus Augustus, ut major Juris autoritas haberetur, constituit, ut Jurisconsulti ex autoritate ejus responderent: Superstitibus enim id respondendi tantum jus ab Augusto datum; & quicquid illud est, quod datum fuit, non vim legis responsis Prudentum tribuit: quomodo & antea ex Cicerone patet, orat. pro Cæcinnâ, pro C. Plantio, & pro L. Muræna: Prudentum responsa atque decreta sæpè everfa. Etsi fatendum, magnam fuisse horum responsorum ante hæc tempora jam olim dignitatem, eaq; privata religione paulatim pro jure fermè habita, vid. Senec. ep. 94. Sed quod pace Gothofredi & qui eum sequuntur, dixerim, istæ quidem rationes non probant, vel Trebonianum respexisse ad tempora Valentiniani, vel post concessionem Augusti responsa prudentum non mox vim legum accepisse. Quæ ipse de autoritate horum responsorum antiquâ adducit, magis conjecturas addunt sententiæ nostræ. Potissimum locus Senecæ d. Epist. 94. p. m. 555. ubi ait, quod JCtorum responsa ex autoritate ipsorum valeant, etiam si rationem non reddiderint. Et miror virum summum pro suâ istâ opinione stabiliendâ provocasse ad Ciceronis illa loca, in quibus ait, responsa prudentum sæpius fuisse everfa, quasi hæc Cicero non scripserit ante Augusti beneficium JCtis indultum. Quod verò primam assertionis istius rationem ponit, quod constitutio illa Augusti non extet, parum facit. Non extat etiam constitutio Augusti, ut JCti ex autoritate ejus responderent, & tamen Pomponius d. l. 2. §. 47. de O. I. dicit, eum hæc constituisse. Quin imò illud ipsum, ex Autoritate Augusti respondere inferre videtur, ita respondere, ut eandem auctoritatem habeat, ac si Augustus ipse respondisset, unde Feltmannus ad d. §. 47. de O. I. f. m. 85. non malè infert, jam ab illo tempore legis vigorem habuisse responsa prudentum, arg. d. §. 8. de J. N. G. & C. l. 1. §. 1. ff. de Const. Princ. junct. c. 82. de R. I. in 6. l. 1. §. 1. de offic. Pref. Pret.

Igitur

Igitur jam videamus, quâ de causâ id fecerit Augustus. *Antea*, inquit Pomponius d. §. 47. ex periphrasi Feltmanni, *Respondendi jus non à Principibus* sive ipso Augusto antequam id constituerat, sive ab ejus Patre Cajo Julio Casare dabatur, sed qui fiduciam studiorum suorum habebant, quâ labore, vigiliis, assiduitate paritur, non poculis, voluptatibus, illecebris, quod utinam hujus ætatis scholastici perpenderent, ne non crescentibus admodum studiis ipsi modico freti studio decrescerent: Jampridem scripsit suo tempore Zasius ad h. §. 1. 2. *Consulentibus respondebant, neque responsa utique*, id est, cerè Gloss. in l. 16. pr. ff. de R. V. *signata dabant, sed plerumque iudicibus*, à quibus consulebantur ipsi Jurisconsulti scribebant respondendo, quod sibi de negotio proposito videretur, aut testabantur, id est, sententias exponebant civibus, qui illos consulebant & de jure rogabant. Hæc verò cur innovavit Augustus? Ut major juris autoritas haberetur, iterum dicit Pomponius. Benè, si secundum periphrasin Feltmanni, ita intelligatur: ut major juris autoritas haberetur responsis prudentum. Malè, si ita; ut à contemptu vindicarentur responsa, omnibus ante ipsius constitutionem, se promiscuè ingerentibus, ut exponit Eberlinus p. 371. Quorsum etiam inclinat Franzkiius ad ff. de O. I. n. 59. p. m. 36. Quò ipso Augustus & sublimem hanc functionem admerentes & probata fidei eruditionisque viros, pravia, ut videtur, diligenti indagatione restrinxit, & simul dignitatem Jurisprudentie à contemptu hominum vindicavit, quippe ita comparatum est, ut nimia familiaritas contemptum, & promiscua licentia audaciam pariat, quâ imperiti sibi sapientes videntur. Atque ita ante tempora Augusti de hac ipsa disciplina iudicium fuisse, Cicero non obscure subindicat, quando in libr. 1. de Orator. inquit, jus profitentur qui nesciunt; itaque si mihi homini vehementer occupato stomachus moveretur, intra tri-

duum me Jurisconsultum esse profitebor. Et in Epist. ad Atticum l. 3. Valerium inquit, JC. valde tibi commendo, sed ita, etiamsi non est Jurisconsultus, melius enim ei cavere volo, quàm ipse aliis soleat.

Scilicet, ut rectè jam judicavit Huberus in loco, quem dedimus ad nexum præcedentem, ita dominationi videbatur expedire. Non quidem tam ob illas rationes, ut nova responsa vetus Edictum, & Prudentium autoritas judiciale regnum Prætoris everteret, aut ut otii dulcedine plebs emollita ne b.ioresq; animi civilibus studiis ac forensi occupatione partium & armorum obliti pristinam ferociam & atrocem Reipublicæ memoriam deponeret, (quas rationes ibidem reddebat Huberus) quam ideò, ut propter necessarium ex negotii naturâ dissensum, aut potius ob dissensûs infinitam multiplicationem lites inter privatos multiplicarentur, & ita populi infinitis istis dissidiis & jure incertissimo distractus non uniretur ad repetendam antiquam libertatē. Non poterat autoritas JCtorum contemni, quod aliqui, adde etiam multi ante hanc constitutionem Augusti Juris parum periti vanâ fiduciâ virium propriarum aggredirentur, & ipsi de jure respondere. Hoc non poterat detrahere auctoritati verorum JCtorum, quin potius ut pulcritudo gratior apparet inter deformes, ita JCti genuini melius fulgent inter medios Rabulas. Et annon major metuenta erat auctoritatis Responsorum Juris labes. Etatio, cum à Principe per modum beneficii peteretur, quod quis viribus propriis præstare debebat. Necessè erat, monopolis ejusmodi viam intercludi multis egregiis ingeniis dona divina expediendi publice, & allici fratres ignorantia ad honores ambiendos favore, gratia, argento. Aut fortè alia tempora tum erant atque hodiè. Et fortè ibi non regnabat in aulis fraus, dolus, ambitio, avaritia, insipientia. Credat hoc Judæus Apella.

Cæterum an singulis concessa fuerit illa potestas, ut Judex non possit recedere; an vim legis habuerint responsa, an saltem in certis causis valuerint, & quomodo in dissensu sub
orte

orto iudex se expedierit? distinctè proponit Frantzkus d. l. n. 59. seqq. Ceterum responsa illorum, quibus per Augustum jus hoc concessum erat, eam auctoritatem habebant, ut iudici ab illis recedere non liceret, d. §. respons. licet rationem nullam reddiderint, quod non tantum si omnes vel plures conjunctim, sed & singuli respondissent, verum puto, siquidem & antehac, si omnes consensissent, illorum sententia pro lege habita sunt, & non tantum pluribus simul conjunctis, sed & singulis potestas illa concessa est, d. l. 2. §. final. vers. ergo Sabino & quidem cum delectu & indagatione singulari doctrina, arg. l. Magistr. 7. C. de profess. & Med. l. b. o. quorum opiniones non immerito pluribus non probatis aequipollent, inò anteferuntur, nec minus indicio est, quod responsa sua non uti antea qualicunque scriptura vel contestatione, sed signata dederint, d. l. 2. §. 47. vers. & ut obiter h. t. Valuerunt tamen & pro jure habita sunt illa responsa saltem in illa causa, non in aliis, in quo adhuc differunt à receptis sententiis, quæ indistinctè valuerunt. Planè ita singulorum etiam opiniones auctoritatem juris in singulis causis habuerunt, ut & postmodo Imperator Theodosius Papiniani, Pauli, Caji, Ulpiani & Modestini scripta universa approbavit, l. un. C. Theod. de respons. Prudent. Quod si inter se dissenserunt, ut facile fieri potuit, & jam tempore Augusti inter Attejum Capitonem & Labconem, à quibus, ut mox dicemus, Secta Sabinianorum & Proculianorum orta sunt, contigit; verisimile est magis, communem sententiam obtinuisse, arg. §. cum ex aliena 25. Instit. de R. D. §. 2. l. 1. de Emt. vend. Sed non omnes JCtos hinc convenire, argumento sunt ea, quæ disferit Feltmannus in paraphras. ad d. §. 47. l. 2. de O. J. num. 15. & 16. Et ex illo tempore peti cepit hoc Jus Imperatoris auctoritate respondendi pro beneficio, ut nemo ita respondere posset, ne ab ejus sententia & opinione iudici haut liceret recedere, nisi cui specialiter à Principe ea potestas data esset. Qui verò hanc impetraverant, illi signabant responsa, ut iudices cernere possent ex charactere, an is, qui responsum dedisset, esset è numero eorum, quibus Imperator hoc Jus concesserat. Seneca 7. de benefic. ib. Si tamen quid sentiam, quæris, & vis signare responsum? Lipsius ibid. Coccejus noster moram nobis facit, cum Bachovium aliosq. sectans doceat, hunc locum non de singulis JCtorum respon-

responsis, sed de eorum receptis sententiis capiendum esse. Hilliger. Don. enucl. 21 c. 3. in not. lit. a. in fin. Mæstert. lib. 1. de Just. LL. Röm. dub. 14. At perperam! nam ita efficies, illa responsa fuisse jus, quod consuetudo approbavit, h. l. 2. §. 5. ubi dixi. Cujus non modicam principio Monarchici Imperii fuisse potestatem, multis ex locis probari potest. Manebant etiam vestigia morientis libertatis. Tacit. 1. Annal. 74. Dicat quis, & quærat, quâ ratione difficultas, quam inde necit D. Coccejus, quod duo pluresve diversa sentire potuerint, adducens l. 43. ff. de act. empt. tolli possit? Respondeo, dividendum esse, an non auditâ alterâ parte ad unius desiderium responderint de Jure d. l. 43. l. 49. §. 2. ff. de legat. 2. vel exercitii causa quid scripserint, l. 40. ff. de reb. cred. an verò facti quæstio, sive à judice, sive ab ipsis, quos res tangebatur, esset proposita, ut hoc, non illo casu legis vigorem habuerint responsa, & iudicibus ab iis recedere non licuerit, cum & ipsa Principum rescripta non aliter valeant, quàm si preces, ad quas fuere data, nitantur veritate, l. 2. C. si contra Jus vel util. publ. l. 7. pr. C. de divers. rescript.

Mihi sic videtur. Singulis omnino JCtis potestatem indultam esse, & circa hanc quæstionem jam satisfecisse Franzkium & Feltmannum. Cæterum etsi non dubitem, responsa JCtorum de illâ ipsâ causâ, de quâ litigabatur, data, in ea causâ prævaluisse responsis datis in causâ simili ab aliis JCtis, uti hodiè sententiæ Facultatis alicujus Juridicæ prævalent aliis in causâ simili datis, interim tamen planè nullius autoritatis fuisse sententias JCtorum in causis aliis mihi non persuadebitur. Saltem partibus infinitas occasiones præbuit dissensus ejusmodi litem protrahendi in judicio, aut fortè Judicem hinc inde commovendi, & sollicitandi, ut sententiam pronunciari curaret ab hoc vel illo JCto, qui in simili casu vel pro Actore vel pro Reo respondeat, aut contra hunc vel illum protestandi, uti hodiè apud nos in simili dissensu collegiorum Juridicorum fieri solet. Denique dubium de medio, quo Judex usus fuerit, ut se à frequentissimo dissensu expediret, non tollunt nec responsio Franzkii, nec Feltmanni. Ut enim sententia aliqua fieret communis, multo tempore, & multis v. g. Sabi-
niano-

nianorum & Proculianorum altercationibus opus erat. Debebatne adeò Judex sententiam suam in JCtorum dissensu differre per aliquot annos, donec videret, quænam sententia communior evaderet? Aut quid si & tùm sententia communis esset contra communem? Feltmannus autem, si dixisset responsa à partibus producta non obligasse judicem, sed saltem ea, quæ per Judicem à JCtis essent impetrata, fortè aliquid attulisset, cum non sit præsumendum, unum Judicem à duobus JCtis contrarias sententias impetrasse. Jam cum concedat à partibus etiam producta responsa, si modo vera facti species ab eis fuisset proposita, vim obstringendi judices habuisse, manet dubium. Quid si enim utraqve pars, ut necesse est sæpiùs evenisse, pro se responsum produxerit? Et imò principiis Juris Romani convenientius videtur, responsa JCtorum regulariter à partibus fuisse producta, non à Judice impetrata. Ipsi JCti erant & dabantur Judices, formula præscribebatur à Præatore. Ignominia sibi duxissent, si ipsi ab alio JCto responsum petiissent. Manet ergo res dubia. Illud verò certum est, quocunque remedio tunc usi fuerint judices difficultatem hanc expediendi, Jurisprudentiam per hoc inventum Augusti redditam fuisse incertissimam & intricatissimam.

NÆVUS XXI.

Effecit ista potestas respondendi per beneficium indulta Sectas. Sectæ incertitudinem juris auxerunt. Huic incertitudini & his dissensionibus non in tempore obviam iverunt Imperatores.

Explicatio.

Referuntur à Pomponio d. §. 47. l. 2. de O. I. Antistius Labeo & Attejus Capito, quod primum diversas sectas fecerint,

rint. Quid hoc est, quod primi fecerint sectas? An ad hæc usque tempora Jcti non dissenserant inter se? Imo magis dissenserant, cum in libertate, ubi singuli fiduciâ doctrinæ qui poterant, respondebant, singuli pro libertate dissentiebant à singulis. Igitur nomen Sectæ hîc non tam dissensionem quàm ineptam & à præjudicio autoritatis ortum consensum denotat. Habebant in liberâ Republicâ singuli libertatem respondendi qui possent. Ergo parum ibi valebat autoritas. Sub Augusto per beneficium petebatur potestas respondendi. Patronis ad id opus erat, qui beneficium impetraret. Ergo regnare incipiebat autoritas. Dissentiebant inter se Patroni, dissentiebant ergo & clientes. Et ita sectæ fiebant. Ita ex sectis odia oriebantur. Hæc multiplicabantur in discipulis. Unde cum antea ex libertate dissensiones adhuc essent tolerabiles, in sectis ambitio, adulatio, invidia, odium, eas in infinitum extendebant. Imperatores verò hisce non ibant obviam in tempore, cum dissensiones adhuc numerari poterant, partim quod sibi persvaderent sua interesse, ut hæc ita fierent, uti de Augusto modò diximus. & de Tiberio non est dubitandi ratio, partim quod nimis turbæ statûs publici curas eorum aliò vocarent. Maximè enim turbulenta tempora erant seculo primo ante Trajanum &c. Non possum non hæc occasione capitâ prima sectarum inter se comparare, & ita differentiam inter Jurisprudentiam liberam & sectariam ostendere. Sed repetam saltem ea, quæ alibi in Programmatibus ad Disputat. super posui. Huberi fufius eâ de re disserui. Sectarum in Juris arte celeberrimum Sabini & Proculi capitâ duo Antistius Labeo & Attejus Capito uti insigni prudentiâ fuerunt præditi, ut non immeritò duo pacis decoratos appellaverit Tacitus, a) ita non mirum est, eosdem diversum sensisse cum etiam diversissimis ingeniis & moribus fuerint conspicui. Labeo quippe incorrupta libertate b) gaudebat, ab ambitione honorum vacuus. Nam & D. Augusto jam Principe & rempublicam obtinente ratum

pen-

a) III. Ann. c. 75. n. 4. b) Tacit. d. 1.

pensumq; nihil habuit, nisi quod justum sanctumq; esse in Romanis antiquitatibus legisset, & à Tribunis pl. per viatorem vocatus, ut veniret, & mulieri cuidam responderet, iussit enim, qui missus erat, Tribunis dicere, jus eos non habere, neq; se neq; alium quemquam in causa vocandi, cum ipsis praebeo saltem competat non vocatio, c) & porro in senatus lectione Marcum Lepidum hostem Augusti & tunc exulantem legit, interrogatusq; ab Augusto: An essent alii digniores? suum quemq; iudicium habere intrepidè respondit; d) deniq; cum offerretur ei ab Augusto consulatus, quo suffectus fieret, honorem istum suscipere noluit. e) At Capito dominantibus obsequium praestitis, honorumq; fuit non parum cupidus. Refert enim Tacitus, f) L. Ennium equitem Romanum Majestatis esse postulatum, quod effigiem Principis promiscuum ad usum argenti vertisset; recipi verò Casarem inter reos eundem vetuisse, palam adspernante Atejo Capitone, quasi per libertatem, dicenteq;: Non debere eripi Patribus vim statuendi: neq; tantum maleficium impune

K 2

ha-

- c) Gell. Noct. Att. XIII. 12. d) Sveron. in Augusto c. 54. quancquam Dio l. 54 paulò aliter Aristum Augusto respondisse asserat: scilicet non videri sibi rem indignam hanc à se factam, quod eum virum in senatu retinisset, quem ipse Augustus adhuc pateretur Pontificem Maximum: ubi & aliud exemplum refert à prioribus non absimile: Labeonem cum mentio aliquando in senatu illata esset, convenire, ut Augustum ipse per ordinem singuli custodirent, nec contradicere audientem, neq; etiam assentiri volentem, somnolentumq; se & excubitis pro eo agendis inhabilem esse dixisse. Conf. Eberl. de Orig. Jur. c. 42. n. 5. p. m. 356.
- e) Pomponius l. 2. §. 47. de O. F. Cum hac Pomponii assertionem pugnare Taciti verba putat Henelius (de Vet. Jur. p. m. 33) agentis (d. l.) Augustum accelerasse consulatum Capiti, ut Labeonem Aristum dignatione ejus Magistratus anteciret, Labeonemq; intra Praturam stetisse Ego verò Pomponium cum Tacito optime convenire arbitror, cum Taciti verba id saltem innuere videantur, studuisse Augustum, ut Capito ante Labeonem ad Consulatum pergeret. Quam verò fuerit causa, cur Labeo consulatum recusaverit, incertum est. Aliqui asserunt, fuisse ominosum in demortuo locum suffecti, vid. Eberl. de O. F. d. l. Sed hanc sententiam refutat à Boekelen de divers. famil. Vet. Jur. p. m. 18 sqq. ut & alteram, quasi nimirum Labeo consulatum meritis suis inferiore esse existimaverit. Pompon. d. l. Studiorum gratia id factum fuisse affirmat. Forè & indignatus fuit Labeo, Capitonem antea sibi fuisse praelatum.
- f) d. l. 3. c. 70.

habendum, sanè lentus in suo dolore esset, Reipublica injurias ne largiretur. Similiter Suetonius g) & Dio h) narrant, cum Marcellus Tiberium voce non latina usum reprehenderet, Capitonem exclamasse, & esse illud vocabulum latinum, & si non esset, futurum, atq; in gratiam Tiberii inter antiqua referendum. Atq; propter hoc obsequium Capitonem La-beoni in Consulatu praelatum fuisse nullum restat dubium. i) Doctrinam quod attinet, Capitonem in his, quæ ei tradita fuerant, perseverasse, Labeonem autem ingenii qualitate & fiducia doctrina plurima innovare instituisse notat Pomponius. k) Fuerunt igitur, ut apparet, JCris istis & navi sui, fuerunt & virtutes. Laudatum Labeonem & ob incorruptam libertatem famâ celebratiorem commendatumq; fuisse ex injuria, quod praturam intra stetisset, Taciti elogium est. l) Gellius m) eundem Juris civilis doctrinam principali studio exercuisse, & consulentibus de Jure publicè responsisse, cæterarum quoq; bonarum artium n) non fuisse expertem ait, & in Grammaticam atq; Dialecticam literasq; antiquiores altioresq; penetrasse, latinarumq; vocum origines rationesq; percalluisse, eaq; præcipuè scientia ad enodandos plerosq; juris laqueos fuisse usum, o) optimo certè instituto, cum in Jure nulla ferè occurrat quæstio, quam non vel ex vocis proprietate, vel ipsa rerum significatarum natura & substantia decidi oporteat. p) Cui jungi meretur insignis erga studia amor, quibus plurimum operam dedit Labeo Antistius, & totum annum ita divisit, ut Roma sex mensibus cum studiosis esset, sex mensibus secederet & conscribendis libris operam daret. q) Illud verò primo loco commemorandum, quod Labeo proprium ingenium ad decidendas Juris controversias attulerit, neq; cæca sequela aliorum tradita ap-
pro-

- g) De illustr. Grammat. c. 22. h) l. 39. i) consi. quod modò recensuimus lit. e. k) d. l. 2. §. 47. de O. I. l) d. III. Ann. c. 75. m) l. 13. c. 10. cum quo conuenit encomium, quo eum Attejus Capito insigniuit apud eund. Gellium d. l. 13. c. 12. eò magis attendendum, quod à Capitone profectum. n) has videtur etiam intelligere Pomponius d. §. 47. dum Labeonem & cæteris operis sapientia operam dedisse notat. o) Exemplum ex h. de peculis, l. 1. §. dolum malum. ff. de dolo malo. p) Quod latius deducit Henel. d. p. 37. simulq; vulgatum illud Bartoli: De verbis non surare JCrum refutat. q) Pomponius d. §. 47.

probaverit. Nituntur enim plerique juris capita certis regulis sua ratione fultis, & Jurisprudentia prudentia est, quam ex dictamine recte rationis haurimus, neque adeo credenda proponit, sed scienda, non male propterea à Jctis scientia nomine insignita. 1) Atque hæc Labconis virtutes ejusdem nexos si non tegunt, certe minuunt. Non enim diffidendum est, eundem libertatis amori plus justo indulgisse; 2) unde & Horatio infans audit, 3) & Atteio Capitoni 4) homo libertate quadam nimia & vecorde actus, quamvis non videantur hæc testimonia magni aestimanda esse, hoc quippe ab amulo profectum, illud ab Augusti adulate. 5) Præterea etiam nimium dissentienti studium in eo quandoque fuisse apprehenditur, tradita aliorum subtilius quam debebat examinante, & nunquam in scirpo quærente nodum, 6) verborumque non semel magis quam rerum curioso, quod tamen vicio sectæ potius quam ipsi Labconi attribuendum esse videtur. 7) At Capitonis vitia virtutem quam præditus erat, nescio annon penitus obfuscaverint. Quamvis enim divini humanique juris sciens, 8) aut, ut Gellio 9) audit, publici privatique juris peritissimus, & Macrobio 10) Pontificii juris inter primos peritus fuerat, eo tamen insignitior fuit ejus infamia, quod hæc prudentiæ præditus adulatione suâ nimiam egregium publicum & bonas domi artes debonestavisset, 11) cui adeo magis quam studiis suis debere videtur, quod principem in civitate locum assecutus fuerit. Hinc etiam cum Labconi ex injuria commentatio orta fuisset, ipsi, quod consulatum adeptus fuerit,

K 3 odium

r) l. 10. §. 2. ff. de Just. & Jur. 1) Unde non male Gellius d. l. c. 12. responsioni ejus Tribunus plebis data hanc subnectit epigrammā: Labconem vana fiducia juris alienius antequam ad Tribunos vocatum non esse. Quæ enim (malum) ratio fuit vocantibus nolle obsequi, quos consicere jus habere præbendendi. 1) lib. 1. fas. 3. u) apud Gell. d. c. 12. x) Conf. Huber. in prælect. ad Instit. de R. D. n. 20. pag. m. 79. Lambin. in not. ad Horat. d. l. 3) Vid. l. 25. ff. quæ iustitiam a facere possunt. Conf. à Bakelen d. l. p. 23. 2) Labconem Stoa sectæ addictum fuisse probare intendit à Bakelen d. l. pag. 16. sqq. Stoicarum vero Disputationum magnam partem circa voces consumi, ex Creatione aliisque notat à Grotius de J. B. & P. l. 2. c. 20. §. 23. Conf. Senec. Ep. 45. a) Tacit. Ill. Ann. c. 7. n. 4. b) l. 10. c. 10. c) l. 7. Saturn. c. 13. d) Tac. d. l.

odium ex invidia natum est. e) Nec male adeò, hæc quidem in parte, adulationem ejus ac plus quàm servilem submissionem coërcuit Marcel-
lus, Capitoni Solæcisimum Tiberii defendenti respondens: Cer. e men-
tiris Capito: Cæsar enim civitatem dare quidem hominibus
potest, verbis non potest. f) Ut taceam & hoc multum ejus existi-
mationi detraxisse, quod promiscuâ traditorum custodiâ magis ingenio
alieno sapere voluerit quàm suò, g) cum viro prudenti ac cordato à su-
premo Numine non alium in finem rationis exercitium sit concessum,
quàm ut in disciplinis & facultatibus, quæ à ratiocinatione dependent,
idem adhibeat, & judicium excolat. Atq; hæc inter, nō fallor, imprimis
numerari debet Jurisprudencia, veni, ut Jctus loquitur, non simulata
Philosophia, h) h. e. veris suis ac genuinis non inanibus principiis
nixa. Unde nescio, quàm mihi semper præ Capitonis secta Labeonis se
approbaverit hæresis, à nevis tamen suis & Labeonis purgata. Uti enim
omniñò in nostris consiliis est aliquid, quo mediante liceat etiam sub prin-
cipalibus inter abruptam contumaciam (Labeonis) & deforme obse-
quium (Capitonis) pergere iter ambitione ac periculis vacuum, k)
ita &

nullius addictus jurare in verba Magistri
cavere poterit, imò debet, ne studio contradicendi, aut inclarescendi ab
aliis dissentiat, sed solius veritatis amore se duci patietur, & sententia suæ
probè gnarus aliorum rationes exactè trutinabit, siq; fortiores suis depre-
benderit, opinionem etiam multorum annorum mutare non turpe sibi pu-
tabit, rerum inquisitioni deniq; magis quàm verborū, his tamen non planè
neglectis incumbet. Hæc ex primo programm. Ex altero ista cape:

Ma-

e) Tac. d. c. 75. f) Sæeton. de Grammat. d. c. 12. g) Notabile certe est ex Capitonis
Libris nullam Legem in Pandectas esse relata, vid. à Bockelen d. l. p. 24. Quam
ob causam non definiam. Fortè tamen ideo, quod nihil aut parum adduxerit, quod
non ab aliis jam fuerit notatum. h) l. 1. §. 1. de Justitia & Jure. i) Com-
munem sententiam: In Moralibus non aq; ut Mathematicis disciplinis certi-
tudinem inveniri, optime refutavit Dn. Pufend. de J. N. & G. l. 1. c. 2. q. 8. q. 8. d.
& suò modò ad Jurisprudenciam applicare possemus, si hujus loci foret. k) Tac.
cit. 4. Ann. c. 20. n. 7.

Magna profectò Jurisprudèntia Ecclètica conciliatur auctoritas per auctoritatem Labeonis Principis hujus secta, quam suò avò præ Capitone fuit affectus. Summa ejus capita exposuimus non ita pridem. Ferè potissimum omisimus, quod Tribonianus, nescio unde, in pr. Instit. de Codicillis suppeditat. Codicillorum Jus ante Augustum non erat in usu, cum Lentulus Imperatoris amicus in Africa decedens ejusmodi Codicillos conficeret testamento confirmatos, in quibus ab Augusto & filia sua, quos antea in testamento hæredes instituerat, legata & fideicommissa quædam relinqueret, quæ postquam Augustus amore Lentuli ductus solvisset, consuluit idem Jctos, inter quos eos Trebatium; an usus Codicillorum salvâ juris civilis ratione possit subsistere? quibus etsi Augusto suffragantibus, non ausus tamen legitur postea aliquis ex populo, ut Codicillos componeret, donec Labeo noster idem fecisset. Post hæc enim tempora nemini amplius dubium erat, quin codicilli jure optimo admitterentur, non quidem quod actus Labeonis unicus consuetudinem introducere valuerit, utpote cum ad hanc plures requirantur l. 32. ff. de LL. neque quod Labeo suâ auctoritate legem condere, & jus antiquum immutare potuerit, spectat enim hæc facultas ad solam majestatem, & diversa planè ab hac est potestas, quæ Jctis ab Augusto concessa fuit. §. 8. Instit. de Jure N. G. & C. neque denique, ut Voëtius arbitratur ad d. pr. Instit. de Codicill. n. 7. p. m. 869. quod Principis antecesserat probatio; nam si hæc fuisset genuina ratio, & ante Labeonis usurpationem codicillorum invaluisset usus; sed quod populus firmiter sibi persvaserit, rectè & jure quod Labeo fecisset, factum fuisse prætulit igitur hæc parte plebs Romana approbationi Imperatoris & auctoritati præceptoris Trebatii exemplum discipuli

puli Labeonis vid. l. 2. §. 47. Inst. de Q. J. idg, nec immeritò. Nam quod ad Imperatorem; praterquam quod approbatio ejus jure singularis nec in consequentiam facile trahenda amicitia niteretur magis, quàm jure communi, poterat populum insuper à confectione Codicillorum absterrere, quod post consultationem cum Jureconsultis, potestatem condendi codicillos publicâ sanctione non confirmasset. Quantum verò ad Trebatium, quamvis hic à Pomponio §. 45. d. l. 2. commendetur à Jurisprudencia, àq, Triboniano in d. pr. quod tunc maximæ autoritatis fuerit, predicetur, vix tamen hoc persuadere sinunt ea, quæ passim apud Ciceronem Trebatio maximè familiarem leguntur. Est siquidem autoritas opinio de alterius majore scientia & prudentia cum probitate conjuncta, vide celeb. Dn. Pufend. de J. N. l. 5. c. 4. §. 12. At Trebatium moribus quidem simplicissimis fuisse praditum, prudentia verò & scientia parum claruisse, lib. 7. Epistolarum Famil. Tullii hinc inde ostendit. Jam enim ipsi pigritiam & ignaviam objicit Cicero, vid. Epist. 17. & 18. jam ob ineptias & stultitiam objurget Epist. 6. & 8. jam faceto vetuli nomine eum alloquitur Epist. 16. quasi qui atate senex, simplicitate puer esset, Heinsh. II. de Sat. Horat. p. 149. jam deniq, per Ironiam ei gratulatur, quod nemo illo uno Samarobrevia juris peritior esset, quodq, aliquando in ista loca venerit, ubi aliquid sapere videatur. Epist. 16. & 10. Ipse Pomponius d. §. 45. Trebatii scripta minus frequentari asserit, haud dubiè ob præceptum & lubricum Trebatii judicium, etiam à Cicerone d. l. 7. Epist. 22. notatum; unde & evenit, ut sententia ejus in pandectis sæpius rejici soleat, vid. l. 69. de hæred. institut. Eberl. de O. J. c. 40. n. 24. pag. m. 347. Non mirandum itaq, quod populus

Romanus assensu Trebatii se commoveri non fuerit passus, sed Labeonis demum exemplo firmiter persuasus sit, jure & rectè factum, quod Labeo fecisset, siquidem & Trebatius quæ Augusto svaserat, poterat magis studio placendi Imperatori, quàm amore jurisprudentiæ svasisse, qualis suspicio in Labeonem non cadebat, utpote qui, ut alibi ostendimus, ab omni adulatione vacuus erat, prætereag, nihil ratum pensumq, habebat, nisi quod justum sanctumq, esse in Romanis Antiquitatibus legisset.

CAP. III.

De Edicto perpetuo.

Intendit equeidem Imperator Hadrianus incertitudinem juris ex Edictis diversis, & fortè etiam ex dissensu Jctorum ortam confectiõne edicti perpetui tollere, quâ in re operâ Salvii Juliani usus est, (1) sed non fuit ista intentio sufficiens ad novos memoratos tollendos.

(1) l. 2. C. de V. J. E.

Explicatio.

Collegerat jam sub Augusto A. Ofilius edicta prætorum diligenter, ut refert Pomponius l. 2. §. 44. de O. I. Sed cum post Ofilii privatam hanc compositionem alia prætorum edicta accesserint variantia, & Ofilii compositio vim legis non haberet, centum & quæd excurrit post Ofilium annis, (verba sunt Jac. Gothofredi c. 3. man. Jur. p. 1. 4.) 15. Hadriani anno ejusq, jussu circa A. D. 132. Edictum perpetuum à Juliano J. C. ordinatum fuit, non modò Prætorum edictis compilatis, & in ordinem ac titulos coactis; verum

L

& de

Et de suo aliqua multis additis, aliis detractis, immutatis. Et opus hoc adeo probatum fuit, ut antiquatâ jam lege 12. tabb. in quamplurimis hæc major & potior Jurispr. pars extiterit. Hicq; jam fundus ejus habitus, eoz; velut æquissimo Jure Imperatores uti voluerint: atq; exinde jam dimidia ferme pars sententiarum in Pandectas relatarum, constet. Quod de suo quædam addidisse Julianum dicit Gothofredus, de Salviano interdicto, & edicto de conjungendis cum emancipato ejus liberis est intelligendum. Vide Eberl. de O. I. c. 10. n. 11. pag. 85.

Hoc Edictum perpetuum (ita pergit Gothofredus in Bibliothecâ Juris cap. 1. p. 46.) libris Manualium Equinarius Barro colligere cæperat; verum probabili minus instituto, utpote qui sciens ea sapius Edicta confingat, quæ nunquam fuerunt, sed quæ sunt ex Jurisconsultorum placitis, moribus Romanorum, antiquis legibus, vel etiam novis Principum Constitutionibus. Atquin multum interest, hæc non turbide misceri, sed probe distingui. Quare secuta industria Gvilielmi Ranchini, qui A. D. 1597. Parisiis in 8vo. Edictum perpetuum ejusq; reliquias anxie collegit, alienis refecatis, easdemq; collectas consinnavit; ita quidem, ut ipsa Edicti verba uncialibus literis & majusculis excudiretè voluerit, cetera minutioribus. In hoc tantum subsedit ejus industria, quod non ad genuinum, verum ad Justinianicum ordinem capita Edicti disposuerit: Verum quod sibi tam defuisse etiam ultro Ranchinus fassus est, nova alicujus opera materia aliquando ea nobis futura, genuino videlicet ordine Edicti perpetui instaurato seu restituto, quem è veterum Jurisconsultorum Commentariis ad Edictum (puta Juliani, Ulpiani, Pauli, Gaji & ceteris) eruere proclive erit. Præstitit hoc, quod ibi promiserat Gothofredus in Fontibus Juris Civilis, ubi elegantissimis tabulis & ordinem

dinem Edicti perpetui, & libros præcipuorum JCtorum, qui ad id commentati erant, recenset.

Caterum, ait Franzkius *ad ff. de O. I. n. 66. compositio Juliani industria & autoritate Hadriani Imperatoris publicato perpetuo edicto*, diverse schola sectatores tandem esse desierunt, adeò quidem, ut Papinianus, Paulus, Ulpianus, Cæjus & alii, quideinceps subsecuti Prudentes juris nullius omnino secta ex professo nomen darent, sed interdum Sabinianorum, interdum etiam Proculejanorum traditionibus acquiescerent, nonnunquam ab utraque schola recederent, nonnunquam utriusque sententias, licet diversas, speciebus diversis accommodarent. Rævard. *ad l. 84. §. 1. de R. J. p. 311. ubi hoc pluribus deducit.* Verum etsi concedamus, JCtos post Edictum liberius sensitse quàm antea, nec certæ sectæ ita adhæsisse, id tamen parum profuit Jurisprudentiæ Romanæ. Ut enim taceam, etiam ipsos Sectarios ante edictum perpetuum aliquando sensitse cum adversariis, cujus rei exempla suppeditat idem Rævardus *ad d. l. 84. §. 1. de R. I.* reducta saltem est per edictum perpetuum res, ut singuli dissentirent à singulis: Et omninò res ipsa loquitur, ipsum edictum perpetuum, ad quod commentabantur, ipsis multas occasiones suppeditasse in ejus interpretatione à se invicem dissentiendi. Potissimum Paulus & Ulpianus totidem ferè vocibus dissentiunt, quot de eadem materiâ responderunt: quâ de re suo loco infra pluribus. Ad eoque Edictum quidem Prætorium Jurisprudentiam parum reddidit certiore.

NÆVUS XXII.

Laboravit & Edictum perpetuum suis nævis.

Explicatio.

Conjecturis hîc opus est, cum Edictum ipsum non habeamus, 1. Si autorem consideremus, fuit is Salvius Julianus,

L 2

(quem

(quem cum nepote Salvio Juliano ab aliis confusum distincte fecernit Rupertus in *Enchirid. Pomp. p. 469. seqq.*) Jaboleni discipulus, ex sectâ adeo Atteji Capitonis, *vid. l. 2. in fine de O. I. Nicol. Henel. in vitis fctorum p. 93.* Homo adeo, si ex sectâ eum judices, qui in MSC. Præceptorum suorum juraverat. Et quamvis laudes ejus & encomia ex jure Romano prolixè collegerit Eberl. *c. 48. n. 5. d. p. 396. seq.* nos tamen ea non tangunt, utpote qui in præcedentibus vidimus, Attejum Capitonem Legulejum eximium æquè magni habitum fuisse. Optarem haberemus etiam collectionem Ofilii, ut utramq; conferre possimus & videre, utrum Julianus additamentis & mutationibus suis rem non deterioraverit? Scribit equidem Eberlinus *c. 10. n. 9. p. 84.* Julianum composuisse Edictum perpetuum, quia id Ofilio non admodum commodè processisse visum fuerit, & longè felicius Julianum id præstitisse. Sed ista quidem sunt somnia Eberlini, in cerebro ipsius nata, cum nec autorem citet, nec ipse collectionem Ofilii viderit. Est potius magna præsumptio pro Ofilio, ex encomio, quod ipsi dat Pomponius, *d. l. 2. §. 45. Ex his Trebatius peritior Cascelio, Cascelius Trebatio eloquentior fuisse dicitur; Ofilius utroq; doctior.* Dicunt communiter Imperatorem Severum abrogare voluisse edictum hoc perpetuum Juliani, atque eam ob rem ad Spartianum provocant in *Vitâ Severi c. 17. vide Eberlin. d. c. 10. n. 12. p. 85. Feltmann. in pamphr. ref. ad Sult. l. 2. de O. I. f. m. 87.* Quamvis verò Severus id non obtinuerit, præsumptionem tamen faceret contra hoc edictum perpetuum, quod non sine ratione ob hævos haud dubiè quosdam istam abrogationem intendit Severus. Neque enim ullâ ratione conjecturam suam probat Feltmannus, dum id à Severo factum esse ait in invidiam Didii Juliani antecessoris sui. Sed ego quidem arbitror, nondum constare, an Severus edictum perpetuum Juliani tollere voluerit? Verba Spartiani ista sunt: *Salvii Juliani decreta jussit aboleri, quod non obtinuit.* Non video quâ ratione Edictum perpetuum possit nomine decretorum Salvii Juliani venire. At, dices, quænam ergo sint alia decreta

Salvii Juliani? Respondeo: Cur non potius legis pro *Salvii, Didii*, aut cur non sine mutatione lectionis sub nomine *Salvii* ipsum Didium intelligis, sensu aperto & optimo? Sane Rupertus in genealogiâ Salvii Juliani relatâ in *Enchir. Pompon. p. 471.* antecessorem Severi appellat Petronium Didium Salvium Julianum Severum. Sed hæc obiter.

2. Methodum Edicti perpetui quod attinet, vel inepta methodus Pandectarum, secundum methodum Edicti perpetui ordinarum ostendit, eam fuisse inconcinnam. Et quamvis Jacobus Gothofredus in *Fontibus Jur. Civ.* methodum Edicti perpetui paulò aliter recensuerit, tamen nec multum à methodo Pandectarum differt, nec multum melior est.

3. Denique & eo incommodo videtur laborasse edictum perpetuum, quod actiones illi insertæ fuerunt; quæ tamen tum temporis non magnum habebant usum, quod ideò factum, quia Julianus non videtur respexisse ad chronologiam actionum à Prætoribus vel J. C. is &c. inventarum, quæ tantum ad explanationem earundem & utilitatem ostendendam multum conducit. Unde non solum actio vi bonorum raptorum & actio furti manifesti, item actio Pauliana & hypothecaria, (de quibus vide dicta superius lib. 1. c. 7. novo 14. p. 40. & seq.) sed & actio negatoria fillicidiorum, & actio aquæ pluviz arcendæ edicto perpetuo fuerunt insertæ: cum tamen utraqve actio penè coincidat, & videatur saltem una fuisse antiquior alterâ. Quod si observasset Julianus, occasionem non dedisset commentatoribus edicti perpetui, tam subtiliter de differentia harum duarum actionum differendi. Vid. l. 1. §. 17. 19. 20. ff.

de aqu. pluv. arcend. & quæ differui in *Disput. de*

Servit. fillicidiorum §. 93.

§ 94.

CAP. IV.

De Constitutionibus Principum.

Cum verò potestas Legislatoria sit potissimum, Regale Majestatis, & ipsi Imperatores Romani Leges novas condiderunt, initio quidem majestatem dissimulantes per modum SCtorum, (1) deinde ferè à temporibus Hadriani directò, quæ Constitutiones Principum appellantur. (2)

- (1) vide supra l. 2. c. 2. (2) §. sed & quod Principi. Inst. de J. N. G. & C. t. t. ff. de Const. Princ.

Explicatio.

Constitutiones Principum generale nomen Legum Imperatoriarum est, sive ipsi inter partes cognoscerent, decernerent, unde Decreta & Cognitiones Imperatoriz: sive ad libellos privatorum & Consultationes Magistratuum rescriberent, unde Rescripta Principum: sive generale Jus publicè constituerent & edicerent, unde Constitutiones propriè & Edicta Principum: sive JCtorum dissensiones deciderent, unde Decisiones: cujusmodi sunt 50. Justiniani. Gothofr. Man. cap. 3. p. 15. Quod verò à temporibus Hadriani demum constitutiones ita directò datæ fuerint, non sic intellectum volo, quasi negem ante Hadrianum non fortè unum & alterum Imperatorem, nomine suo, absque consensu senatûs aliquid edixisse, (quod mihi nec etiam id affirmare certò ausim,) sed quod ejusmodi constitutiones ante Hadrianum fuerint rariores. Sane ipse Gothofredus d. c. 3. p. 13. asserit, SCtorum de jure privato conditorum mentionem saltem usque ad Marcum Imperatorem occurrere (ut jam supra c. 2. hinc excerptimus,) adeoque verosimile est, in Hadriano cœpisse constitutiones Principum & SCra

& Sc̃ta desisse. Qṽod notandum erit, propter anxietatem, in qṽam se sine ratione conjecit Gothofredus circa qṽaestionem, cur in Codice Gregoriano & Hermogeniano nullius constitutio Principis ante Hadrianum fuerit memorata. Sanè Plinius in Panegyrico Trajani maximam auctoritatem Senatûs sub hoc Principe memorat passim. Potissimum verò hûc pertinent, qṽa dissērit cap. 76. p. m. 368. Jam qṽam antiquum, qṽam Consulare, qṽod triduum totum senatus sub exemplo tui sedit? cûm interea nihil præter Consulem ageres. Interrogavit quisqve qṽod placuit; dissētire, discedere, & copiam judicii sui reipublica facere tutum fuit; consulti omnes, atqve etiam dinumerati sumus; vicitq̃, sententia non prima, sed melior. At qvis antea loqvi, qvis bisserere audebat, præter miseros illos, qvi primi interrogabantur? Cateri quidem defixi & attoniti, ipsam illam mutam ac sedentariam assentiendi necessitatem, qvo cum dolore animi, qvo cum totius corporis horrore perpertiebantur? Unus solusqve censebat, qṽod sequerentur omnes, & omnes improbarent, inprimis ipse, qvi censuerat. Adeo nulla magis omnibus displicent, qṽam qṽa sic fiunt, tanqvam omnibus placeant. Fortasse Imperator in senatu ad reverentiam ejus componebatur. Caterum egressus, statim se recipiebat in Principem, omniaqve consularia officia abigere, negligere, contemnere solebat. Ille verò ita consul, ut si tantum consul foret: nihil infra se putabat, nisi qṽod infra Consulem esset. Ac primum ita domo progrediebatur, ut illum nullus apparatus arrogantia principalis; nullus præcursum tumultus detineret; Una erat in limine mora, consultare aves, revereri qve numinum monitus. Nemo proturbabatur, nemo submovebatur: tanta viatoribus qvies, tantus pudor fascibus, ut plerumqve aliena turba subsistere & Principem & Consulem

cogeret. *Ipsius quidem officium tam modicum, tam temperatum, ut antiquus aliquisqve magnus Consul, sub bono Principe incedere videretur. Iter illi sæpius in forum, frequenter tamen & in campum: nam comitia Consulum obibat ipse, & tantum ex renunciatione eorum voluptatis, quantum prius ex destinatione capiebant. Stabant candidati ante curulem Principis, ut ipse ante consulis steterat: adigebanturqve in verba, in qua paulò antè ipse juraverat Princeps: qui tantum putat esse in iurejurando, ut illud & ab altis exigit. Reliqua pars diei tribunali dabatur. Ibi verò quanta religio æquitatis? quanta legum reverentia? Adibat aliquis ut Principem? respondebat, se Consulem esse. Nullius ab eo magistratus jus, nullius auctoritas imminuta est: aucta etiam, si quidem pleraqve ad Prætores remittebat: atqve ita, ut collegas vocaret, non quia popolare gratumq, audientibus: sed quia ita sentiebat.*

NÆVUS XXIII.

Incertain jus reddebant etiam ipsi Imperatores eò, quod plerumqve unus alterius, qui antecesserat, leges mutaret.

Explicatio.

Non opus est hæc fusè exponere. Res ipsa loquitur. In primo seculo cum jus creandi Imperatores milites sibi de facto vindicarent, & natus Imperatorum aliorum tolleretur, atqve ita in odium antecessoris quæ poterat, mutaret, necesse est, maximam confusionem Jurisprudentiæ exinde ortam fuisse. Neque hoc cacoethes in primis tribus seculis fuisse extinctum docet Historia Augusta. Unde quod Didius Julianus v. g. constituerat, intendebat tollere Severus, (vide *suprà nævum præced.*) Severi aut Bassiani constitutiones Macrinus, & ita porro. Neque

Neque putes, sub Christianis Imperatoribus majorem concordiam fuisse. Fuit minor, cum Arriani & orthodoxi rixis suis ex utraque parte parum Christianis, Imperatores in partes trahere (omissis DEI partibus) studerent, & ita constitutiones contrarias ferè quotidiè extorquerent.

CAP. V.

De Codice Gregoriano & Hermogeniano.

Fuerunt autem Imperatores Romani partim Gentiles, partim Christiani. Gentilium constitutiones dispersas collegerunt duobus Codicibus Hermogenianus & Gregorius. Unde Codex Hermogenianus & Gregorianus.

Explicatio.

Explicationis loco sistemus prolixiorem paulò locum Jacobi Gothofredi ex Prolegomenis ad Codicem Theodosianum cap. 1. f. m. 183. seq. Et si singulorum Imperatorum Constitutiones in unum corpus collectas olim scimus, veluti Divorum fratrum à Papyrio justo, attamen qui veterum acervatim ad sua usq; tempora Imperatorum Romanorum Constitutiones, nobilis saltem alicujus epocha, unum in Codicem compingeret ante Diocletiani & Maximiani vel Constantini Magni tempora neminem reperimus. Per ea verò demum duo Codices editi emerfere, Gregorianus & Hermogenianus: qui etsi temporum injuriâ interciderint, eorum tamen etiamnum una quadam fragmenta supersunt, ab eadem manu, quâ Theodosianus, decurtati. Quibus integris usi olim B. Augustinus lib. 2. ad Pollentium de Adulterio cap. 8. ubi nobilem quandam Constitutionem Antonini è Gregoriano memorat: quæ Codice Justiniano pratermissa est: usus est & autor collectionis legum Mosaicarum passim, in cujus avum postea inquiremus: usus est & Tribonianus; at breviario ejus tantum usi veteris consulta-

tionis autor & Papinianus libro responsorum aliq; deinceps. In hos verò Codices relata fuerunt Imperatorum Constitutiones ab Adriano Imperatore in tetrarchiam Diocletiani usq; certè, Tusco & Anulino Coss. 1. A. D. 295. In Hermogeniano refertur lex 2. de calumniatoribus, & exinde memoratur à veteris consultationis autore: ex Gregoriano vero lex 5. de nuptiis laudatur nobilissima Diocletiani lex ab autore collationis legum Mosaicarum, tit. de incestis nuptiis 6. cujus pars exstat l. 7. C. Justin. eod. tit. Imò ex eodem Gregoriano refertur lex 32. adnotato consulatu Diocletiani, qui congruit A. D. 296. qui decennio Constantini Magni initia præcurrit. Et hæc quidem de duobus illis Codicibus certa sunt: ut mirer Cujacium scribentem diversarum Epocharum & Principum Constitutiones horum Codicum autores sibi proposuisse. Illa imò eadem utriq; Epocha proposita fuit, ut vel ex superioribus constat. At enim de plaribus aliis circa hos Codices nondum liquet: veluti publicæ ne, an privatæ autoritate ii scripti fuerint; quomodo certè Egiptiæ testis, advocatos hujusmodi Codices sibi privatim confecisse τὰς ἑσπέρους τοῖς συντάκταις, καὶ συνενόηταις ὅτι αὐτῶν ὀνομαζομένης ἡγενοῦ διανομήας συντάγμασιν. Deinde incertum, qui eorum autores sint: De Hermogeniano equidem ita censeo, ab Hermogeniano Jurisconsulto eum conscriptum, qui & Juris epitomen sex libris edidit: nam & hæc eum ætate scripsisse mox ostendam, cū Eugeniū Hermogenianus PP. nescio quis memoratur paulò antè sub Diocletiano & Maximiano ex Actis Sabini apud Baronium A. 301. num. 18. Quod Gregorianum attinet, fortè is à Gregorio PP. conscriptus, qui sub Constantino Magno A. D. 336. fuit: cujus memoria extat in l. 3. C. Theod. de annona & tributis, l. 2. eod. C. de contrahenda emtione, & l. 1. C. Justin. de naturalibus lib. de quo est etiam locus Optati Milevitani lib. 3. p. 32. ubi Donati in eum convitium memorat, quæ quidem animi mei in incerto conjectura est, sicut neq; illud liquidò dixerim, uter alterum præcesserit, quod tamen nonnulli colligi posse putant, nempe Gregorianum antevertisse ex collatione seu argumento ab ordine litera, tit. de novo Codice faciundo, & de Justin. C. confirmando, & ex Harmenop. Prochiri lib. 1. tit. 1. §. 7. De illo quoq; quari possit, cur ab Adriano initium illi duxerint, neq; alius assurrexerint, Putem ego, quod

quod Adrianus novæ cujusdam Jurisprudentiæ autor extiterit: condito inter alia Edicto perpetuo, cujus materia ordoq; deinceps pro cynosura archetypi Juris fuisse, quod nobilissimum fuit corpus Juris Romani, & universæ Jurisprudentiæ, quæ nobis relicta est, caput, atq; ad eam formam imprimis relati, quos nunc legimus: & verò Hermogenianus ipse libris epitomarum ejus ordinem secutum sese proficitur l. 2. ff. de statu hominum. Sed & officia publica & palatina, nec non & militia in eam formam ab eodem Adriano statuta, quæ paucis per Constantinum immutatis postea perseveravit, teste altero Victore seu Victorino in Adriano: haud aliter atq; Theodosianus codex postea cœnovæ cujusdam Jurisprudentiæ, de quo mox corpus Constitutionum fundusq; constitutus est. Quare in re obscuram ita sentiam, codices illos continuatos, cum ad Constantinum M. Imperatorem ejusq; filios deventum fuisset, à Jurisconsultis Gentilibus, ut ita veteris Jurisprudentiæ gentilitiæ instar quoddam exhiberetur, quæ sub Christianis Imperatoribus passim novis legibus immutabatur. Sanè Hermogenianum Jurisconsultum sub Constantini M. liberis scripsisse haud inani conjecturâ ducor: nam & Prefectorum prætorio meminit, à quibus appellari non posset, (quod & Arcadius Charisius Jurisconsultorum novissimus scribit l. un. ff. de off. PP.) quod utiq; Constantini M. liberi sanxere, l. 16. C. Th. de Appellat. Meminit idem & Correctorum l. 10. ff. de off. præsidis, qui sanè nunc instituti, & quidem per Italiam: Idem Juris novi meminit l. 25. ff. de manum. vind. quod à Constantino M. vel ejus liberis invecum fuit, argumenta eorum, quæ scribit autor vita Constantini, lib. 4. cap. 26. in fin. quæq; sanciuntur l. 15. C. de testam. l. 21. C. de legat. l. 1. C. de formulis. Tandem ipse satis inquit non uno loco, plures tunc in imperio Romano Principes seu Imperatores fuisse: puta l. 4. ff. de excusat. l. 10. ff. de publicanis: l. 46. de Jure fisci: quod de Constantini liberis accipiam,

Eundem Hermogenianum Gentilem fuisse, colligi potest ex l. 17. ff. de manum. perperam enim in contrarium adducitur lex 60. §. 1. ff. de donat. int. vir. & ux. ubi agitur de divortio propter sacerdotium: nam quod rectè à Ravardo l. conj. 2. animadversum est, Tertull. quod non uno loco ostendit, inter Gentiles propter sacerdotium divortia solennia fuisse,

lib. de monog. exhort. ad cast. & lib. 1. ad uxor. Stylus etiam intrinsecus & horridus, barbarus Hermogeniani, longe à veterum JCrorum stylo recedens iudicium facit de seculo ejus. Idem deniq, ut omittam alia, meminit muneris camelasie l. 1. §. 2. ff. de munerib. cujus nulla mentio, nisi eo seculo occurrit etiam apud Arcadium Charisium l. ult. §. 11. ff. de munerib. & apud Am. Marcellinum lib. 17.

Ergo & Gregorius & Hermogenianus eandem operam navaverunt, ita quidem, ut alter alterius opera & industria quid adjecisset, velut amuli videatur: Certè in nonnullis dissensisse eos discimus ex autore collationis legum Mosaicarum tit. 6. & ex vetere consultore: diversas enim illi constitutionum subscriptiones ex illis duobus Codicibus afferunt. Superioribus addendum, quod scribit Sedulius in præfat. Evangelicæ præfæ, Hermogenianum doctissimum Jurislatorem tres editiones sui operis confecisse. Quod Codicum deniq, illorum auctoritatem attinet, penè ex Augustino & autore collationis legum Mosaicarum, & Triboniano ipso satis colligimus, publicè eos receptos fuisse. Sed & interpres Codicis Theodosiani ad l. unic. C. Theod. de responsi. prudent. auctoritatem his datam constitutione aliquà docet.

Quod Gothofredus hic meministi, Cujacium scripsisse, quod Gregorius & Hermogenes singuli diversarum Epocharum & Principum constitutiones sibi proposuissent, mallet, ut locum Cujacii allegasset. Fortè tamen ista fuit sententia Cujacii, quam fortè etiam ex isto retinuit Struv. in Synt. Ex. 1. tb. 65. Ex illorum Principum Constitutionibus eas, quæ ab Hadriano Imperatore (qui regnavit A. C. 120.) & sequentibus ad Valerium & Galienum usque (qui imperarunt A. C. 254.) latae sunt, collegit Gregorius JCrus: & porro succedentium Impp. Claudii scilicet & aliorum, constitutiones usque ad Constantinum M. (ab A. C. 268. ad 306.) similiter in Codicem quendam conjecit Hermogenes JCrus.

Ad quæstionem: Cur ab Adriano initium duxerint? jam præoccupavimus rationem reddere in expositione capituli præcedentis. Quibus quidem obstare videntur, quæ habet

Gothofredus in Manuali *cap. 4. p. 16.* ubi dicit: *Ab his omnibus (imperatoribus etiam ante Hadrianum) ut variae constitutiones processerant, quarum mentio passim fit, tum apud Historicos, tum in scriptis JCtorum, & in Principum posteriorum constitutionibus &c.* Sed respondeo: Si adduxisset loca Historicorum & JCtorum Gothofredus, deprehendisset, provocari quidem ad ea, quæ Principes illi constituerunt, sed non sub nomine constitutionum, verum sub nomine SCtorum.

NÆVUS XXIV.

Dispersio constitutionum Impèratoriarum ante collectiones Gregorii & Hermogenis incertam reddidit Jurisprudentiam.

Explicatio.

Diximus Constitutiones Imperatorias variasse. Ergo una quidem alteram abrogavit, sed interim valere omnes, quæ non fuerunt abrogatæ. Ergo cum non collectæ essent in unum volumen, necesse fuit, ut plerique homines ignorarent, quænam abrogatæ essent, quæ minus. Ex hac incertitudine verò dabatur advocatis & iudicibus maxima occasio cavillandi & injustas ferendi sententias. Facile enim quisquam diligentior ex tot variantibus Principum constitutionibus poterat aliquam deprehendere, quæ sibi faveret, secundum quam pronunciandum erat, vel injustus iudex sciens pronunciabat, quia pars adversa minus versata in constitutionibus ignorabat ejus abrogationem

&c.

CAP. VI.

De Codice Theodosiano.

Christianorum Imperatorum Constitutiones ad sua tempora usque collegit Theodosius Junior, reliquorum Imperatorum constitutionum ad Justinianum usque collectio Legum Novellarum nomine venit. (1)

(1) Jacob. Gothofr. *Man. jur. c. 5. § 6. p. 17. seqq.*

Explicatio.

Habes leges istas Novellas post Codicem Theodosianum. De ipso Codice audiamus dissertationem diligentissimi ejus Collectoris Jacobi Gothofredi, excerptam ex ejus *Prolegom. c. 1. § 2. p. 184. seq.* Ad Codicem Gregoriani & Hermogeniani exemplum seculo ferme post integro Codex Theodosianus editus est. In quem jam conjecta fuerunt Imperatorum Christianorum Constitutiones; à Constantino Magno videlicet, qui primus veneranda Christianorum religione Imperium munivit, Ubi venit primò disquirendum, quis ejus autor fuerit, quove is anno conscriptus fuerit, quando nonnulla à vulgi erroribus hâc parte vindicanda sunt, illustrari alia deprecant, Prosper igitur Aquitanicus hujus Codicis à Theodosiano Jun. conditi meminit his verbis, priore loco *Chronicorum*. Theodosianus, inquit, liber omnium legum legitimorum principum in unum collectarum editus. Ubi Prosper legitimos Principes, Christianos vocat, qui scilicet verâ fide leges, Christiana imbuti erant: quomodo etiam legis appellatione Christiana verâq; religio jam olim designabatur, de quo in *Glossario*. Meminit ejusdem & Isidorus Hispalensis, & ex eo *Originum lib. 5. cap. 1.* Leges, inquit, novæ à Constantino Cæsare cœperunt, & reliquis succedentibus, erantq; permixtæ & inordinata-

dinatæ. Postea Theodosius minor eas ad similitudinem Gregoriani & Hermogeniani Codice factæ Constitutionum à Constantini temporibus sub proprio cujusque Imperatoris titulo disposuit, quem à suo nomine Theodosianum vocavit. *Quo Isidori locò leges novæ duplici sensu dicuntur. Primò, quæ Constitutionibus Gregoriano & Hermogeniano comprehensis posteriores erant ; quâ causâ etiam autor collationis legum Mosaicarum tit. 14. in fin. Novellas Constitutiones eas vocat. Uti vice versa constitutiones hoc Codice posteriores præteritis Novella dictæ, veluti Theodosii ipsiusmet, Valentiniani Tertii & similium. Pariter ut quæ post Codicem Justinianum promulgatæ : quod etiam Paulus Warnefridus notavit in Justiniano, & lib. 1. historiæ Longobardicæ cap. 21. Secundò novæ leges dixit Isidorus, quæ nova jam reipubl. forma, & Jurisprudentia à Christianis Imperatoribus inducta editæ fuissent : uti contra Jus antiquum dicitur l. un. C. Theod. de domin. rei quæ poscitur, & jus vetus in l. 3. C. Theod. de contrah. emt. quod Constantinum præcessit. Et certè Constantinus M. is est, qui novis legibus rem Christianam erexit, veteresque morèsvertere cepit, usque adeò priscum civile mutare. Quare Nazarius Panegyrico ad Constantinum M. A. D. 321. Novæ leges, inquit, regendis moribus, & frangendis vitiis constitutæ, veterum calumniosæ ambages recisæ, captandæ simplicitatis laqueos prodiderunt. Cui rei fidem faciunt innumera Constitutiones Constantini M. hoc Codice Theodosiano : vide saltem eas, quæ occurrunt A. D. 319. 320. 321. 322. Et Julianus ideò, autore Marcellino, Constantini memoriam, ut novatoris turbatorisque priscarum legum & Juris antiquitus recepti, multis convitiis vexavit : quod etiam ejusdem leges testantur. Conditus igitur hic Codex, non à Theodosio M. verùm à Theod.*

à Theodosio Juniore, vel Prosperi & Isidori testimonio; de quo alioquin fidem faciunt dua ipsiusmet Theodosii Jun. novellae: prior de Theodosiani Codicis autoritate; posterior de confirmatione novellarum Theodosii ad Valentinianum Tertium: & hujus Novella inter Theodosianas 35. fidem faciunt tot Arcadii, Honorii, Constantii, Valentiniani Tertii Theodosii Jun. post Theodosii M. diu mortem, constitutiones in hunc Codicem relatae. Quare insigni nexo laborat Idacii Vulgati Chronicon, cum id tribuit Theodosio M. Undecimo, inquit, anno Theodosius Regni sui Romam cum filio Honorio ingressus, legesq; Romanorum integrâ emendatione edidit. Quod postremum tamen abest ab Idacii Chronico nuper vulgato. Et viri tamen quog; docti nonnulli hac tempestate Idaciani Chronici autoritate abrepti, id tradidère; tracto etiam eo Claudiani loco lib. I. in Rufinum:

Justitia insultat, vitiisq; à stirpe recisis
Elicit oppressas tenebroso è carcere Leges.

Quod tamen nego ab Idacio aut à Claudiano eò sensu dictum. Illud equidem verum, Theodosium M. A. D. 389. post devictum Maximum Tyrannum, Romam ingressum cum filio suo Honorio, multas leges edidisse, emendandis pravis moribus, qui tùm invaluerant, ut testatur Sozocrates lib. 5. cap. 18. & videre est quog; ex legibus tum ab eo latis, quag; hoc Codice occurrunt, puta l. 2. de feriis, l. 18. de hereticis; l. 11. de maleficis; l. unic. de mancipib. l. 5. & de sicariis; l. 5. de aquæ ductu. Quod emblematis illius Idaciani auctori fortè errandi materiam praebeuit, sed eundem Theodosium Magnum integrâ emendatione leges Romanorum edidisse, id verò falsum est. Et hac de hujus codicis conditore seu Imperatore, cujus auspiciis conditus est anno etatis ejus 38. (natus enim Theodosius Jun. A. D. 401.) Nunc de tempore seu anno. Quò anno conditus is fuerit, tertio loco dispiendum est: nam & hac parte vulgò hætenus ab omnibus non parum erratur, ob mendam, quæ in subscriptione Novellæ de Theodosiani Codicis autoritate etiamnum hæret: unde factum, ut eam Novellam primus Chronologie Theodosiana

doſiana autor in annum D. 435. retulerit, (quam referre debuit in annum 438.) & deinceps ita quoque Chronologi omnes eam retulere. Verum in ea Novella pro Theodoſio A. XV. reponendum clare XVI. idemque error tollendus eſt in ſubſcriptione l. ſ. Cod. Theod. de Apoſtatis & Novellæ 4. Sic igitur conditus & promulgatus hic Codex fuit Theodoſio A. XVI. Coſ. & qui fuerit nuntiatus i. A. D. 438. idque quatuor argumentis. Primùm, ſuperiori teſtimonio proſperii, qui id diſertè refert in annum Theodoſii Jun. poſt Honorii Imp. mortem decimum quintum : At qui mortuus Honorius circa extrema A. D. 423. à quo ad annum 438. quindecim anni ſunt. Secundò, id efficitur apertiffimè ex tot legibus, & quidem quindecim numero, quæ per annum 435. 436. 437. latae, in Codicem Theodoſianum relatae, poſtერიorem diei & conſulum notam præferunt. Tertium argumentum ex inſcripto illi Novella Florentii PP. Orientis nomine ; Anno enim demum 438. Florentius præfecturam Prætorianam Orientis geſſit, quam Iſidorus per annum 435. & 436. adhuc gerebat, & poſt Iſidorum Darius parte ultima anni 436. & anno 437. poſt Darium tandem anno 438. Florentius, ut docet de Iſidoro l. 8. de princip. ag. lex ult. de cohortalibus, l. 187. 188. 189. 190. 191. de decurion. l. ult. de frum. Alex. l. ult. de Alex. pleb. primatib. leg. ult. de indulg. debitor. l. 3. de indictionib. de Dario lex ult. de annona & trib. l. ult. de decur. & ſilent. De Florentio quoque Iſidori ſucceſſore in præfectura Prætoriana orientis teſtis Theodoretus ep. 47. ad Proculum Ep. Conſtantinopol. Poſtremò, argumentum iſtud habeo, quod Theodoſius Junior eâ Novellâ, Valentinianum filium ſuum vocat, pariter ut d. l. ult. de decur. & ſilentiaris, quæ data eſt A. D. 437. quoque omnium ultima eſt earum, quæ in Codicem Theodoſianum relata ſunt Conſtitutionum : quod utique facere non potuit ante A. D. 436. Eò quippe demum anno Iſidoro & Senatore Coſi, Valentinianus

Theodosiū filiam uxorem duxit, teste Socrate lib. 7. cap. 43. Quod & ipsum in sequentem annum referunt Prosper, Marcellinus, & Chronicon Alexandrinum. Inde verò enata inter eos parentis & filii appellatio. Quare tam fædo deinceps errore liberentur Chronologia omnes, Codicisq; Theodosiani ara conditi adscribatur A. D. 438.

Quoniam verò consilio, quā causā hunc Codicem condidit voluerit Theodosius Jun. nunc porro videndum est. Id verò ipsum ex parte prodit Novellā illā suā quā cum firmavit. Nempe, queritur ipse initio statim, quod tam pauci etate sua proximāq; (nam id ita accipio) extiterint, qui Juris Civilis scientia ditarentur, & soliditatem verā doctrinā receperint: mox hujus rei causas adscribit, immanem videlicet librorum copiam, actionum diversitatem, molemq; constitutionum Divinalium, quæ velut sub crasso caliginis & obscuritatis vallo demersa sui notitiam humanis ingeniis intercluserint. Hoc igitur consilio adductum se ait, ne Jurisperitorum ulterius severitate mentita, dissimulata scientia velut ab ipsis adytis expectarentur formidanda responsa, revelatisq; adeò legibus inventa majorum obscuritatis injuriā vindicaret. Nempe, ut hac illis frentur, vetus & sincera Jurisprudentia jamdiu in urbe Rom. fermè decoraverat, sive quia in paucos è plebe Juris scientia reciderat, sive quia severitate mentita à Jurisconsultis responsa dabantur, velut oracula ex adytis: sive quia, quod addendum, mutata jam Reipubl. formā, inde à Constantino Magno jurisq; adeò disciplina, abolitisq; inter alia plerisq; veterum solennitatibus, constitutionum nominatim memoria fugeret, paucis eorum notitiam sibi vindicantibus & vendicantibus. Quid pertinent frequentes hoc seculo querelæ: Martianus in gratiarum actione pro consulatu ad Julianum:

Juris

Juris Civilis scientia, quæ Manlios, Scævolas, Servios in amplissimum gradum Dignitatis extulerat, libertorum artificium dicebatur. Cui Mamertini loco congruit quoque, quod Asterius Amusia Episcopus circa A. D. 400. apud Photium Homilia 7. in servum Centurionis, quem Dominus sanavit, scribit de servo quodam Scythæ, empto à cive quodam Antiocheno, cujus & ipse discipulus fuerit, qui etiam Jurisprudentiam professus sit, καὶ νόμων ἐν Φθί διδάσκαλος. De immensa verò Juris librorum mole testis quoque, Eunapius in vita Aedesii p. 72. qui eos scribit tum fuisse ὡς ἀν' ἀχθῶ καμύλων ποδάων. De contumelietate legum, & ex eo collapsa Juris scientia, tum & de mentita Jurisconsultorum severitate ingens est Amm. Marcell. quærela lib. 30. ubi inter alia: Secundum est genus eorum, qui Juris professi scientiam, cum repugnantium sibi legum abolevere diffidia, velut vinculis ori impositis retinente jugi silentio umbrarum sunt similes propriarum; Hi velut fata natalitia præmonstrantes aut Sybillæ oraculorum interpretes, vultus gravitate ad habitum composita tristiores, ipsum quoque venditant, quod oscitantur. Hi ut altius videantur Jura callere, Trebatium loquuntur & Casellium, & Alphenum, & Auruncorum Sicanorumque jamdiu leges ignotas cum Evandri matre abhinc seculis obrutas multis: Et si voluntate matrem tuam finxeris occidisse, multas tibi suffragantes absolutionum lectiones reconcitas pollicentur, si te senserint esse nummatum. Et mox: E quibus ita sunt rudes nonnulli, ut tanquam se codices habuisse meminerint. Et si incirculo doctorum auctoris veteris inciderit nomen, piscis aut edulii peregrinum esse vocabulum arbitrantur; & mox: Utque permultati Juris præferatur lectio una, septem vendibiles introitus præparant &c. Valentiniiani quoque tertii, Theodosii nostri in imperio Occidentali collega, ante duodecennium ferme l. un. C. Th. de responsis Prudentum, haud obscure indicat, quantum opere vetus

Jurisconsultorum Jurisprudencia in Occidente collapsa fuerit, cujus ἀνακτισις & ipse quovq; oratione illa sua ad Senatum instituere necesse habuit: de quo mox. At procul dubio non minus in Oriente Jurisprudencia conciderat: etsi ante duodecennium Theodosius in melius augende erigendq; incumbens, duos Jurisconsultos, qui Juris ac Legum formulas panderent, in Constantinopolitana Academia instituisse l. ult. C. Theod. de studiis liber. V. R. & Constantinop. ejusmodi etiam nominatim Leontium Jurisperitum memorat l. unic. de professor. qui in urb. Constant. quæ illi socianda est: Ergo tandem ad hanc Codicem animum adjecit Theodosius Jun. ut Constitutiones ab obscuritatis injuria vindicarentur, earumq; repurgatio fieret, discussisq; tenebris & compendio brevitatis, lumen legibus daretur: Et sic, quod ipse ait, detersâ nube velaminum, in quibus multorum nihil explicantium ætates attritæ sunt, compendiosam Divalium constitutionum scientiam ex Divi Constantini temporibus roboravit: sanctione additâ, ne cui liceret ad forum & quotidianas advocaciones jus principale deferre, vel litis instrumenta componere, nisi ex his libris &c. Deniq; in hoc opere duo hæc præstitit Theodosius Jun. leges revelavit, atq; instauravit, lucemq; brevitatis his intulit: adversus obscuritatis hinc injuriam, inde adversus molem librorum. Neque id etiam abruptè Theodosius præstitit, verum cum & Valentinianus III. jam ipsius in imperio collega, vel per eum potius ipsemet Theodosius A. D. 426. in Occidente, proluxa ad Senatum Urbis Roma oratione, Jurisprudencia, Juris, inquam, & Constitutionum Imperatoriarum, Jurisconsultorum item ἀνακτισιν singularem seu repurgationem quandam instituisse, l. un. C. si contra Jus; l. 7. C. de precibus Imper offer. & ipse biennio post A. D. 428. proluxa constitutione veteres & scrupulosas actionum, nuptiarum, dotium, donationum, sponsaliorum

tiorum formas & formulas veteres, multasq; alias scrupulositates sustulisset, cujus constitutionis octo fragmenta supersunt, ut cateroq; in Princeps hic, quod ipsemet testatur l. ult. C. Theod. de donat. observationem Juris contrahendam censuit. Hac igitur quodammodo bujus Codicis praeludia fuere, & ἀναγκαστος. Tenemus Exemplum, Auctorem, Aetatem, Consilium & praeludia bujus Codicis conficiendi. Adjutores huic operi consummando delegit sibi Theodosius Jun. octo viros nobiles, ut ipse ait, explorata fidei, famose doctrina, jure omnibus veteribus comparandos: tres videlicet Illustres, quing. spectabiles; quorum nomina & dignitates apponit in dicta Novella. Quod nomina eorum attinet, reliquorum memoria latet: unius tantum Antiochi Ex Praefecti Pratorio & Ex Cos. qui & primus videtur ἀρχηγός in hoc opere memoratur, mentio alibi quoque extat. Nempe dua illi leges ejusdem Theodosii Jun. inscribuntur; anno 430. lex 6. C. Theod. de collatione donatar. & anno 431. lex 5. de his, qui ad Eccles. confug. Ejusdem meminit & Marcellinus in Chronico A. D. 448. Meminit & jam mortui Theodosius ipse Novellâ suâ 33. quâ d. l. 6. de collat. donat. indicatur. Agit & de eo Suidas in voce Ἀντίοχος, & ὁ κύριος, in voce Θεόδωρος. Imò ad hunc extat quoque Theodoretii Epistola 95. Quod dignitates horum octo virorum attinet, quibus vel functi illi jam erant, vel fungebantur, omnes sanè singularem juris & constitutionum cognitionem desiderabant, 1. Praefectura Pratoriana scilicet summam judiciorum & juris tenebat. 2. Praefectores Palatii, ut ipsemet Theodosius loquitur, Cassiod. 5. variar. 4. eminentes omni genere literarum & Principis fidei interpretes, imò legum interpretes, & à quibus legum peritia postulabatur, & toti se legibus & responsis Prudentum tradebant: ac nominatim Palatii precum arbitrierant, legum con-

ditores, & ex culti legum condendarum sanctionum usu; armarium legum, vox Legum, Principis mentem loquebantur & arcana; quam in rem notissima sunt Symmachi, Claudiani, Cassiodori, Corippi loca, quorum multa jam collegit Juretus in Symmachum lib. 2. Ep. 8. 3. Comites quoque, Consistoriani spectabiles; de quibus est Arcadii lex unic. C. de comitib. Consistor. l. un. qui à præbit. tyr. l. 15. 18. de extraord. munerib. l. unic. qui conductores rei priv. Sacri Consistorii arcanis interesse poterant l. 28. C. Theod. de Prætorib. atque intra Consistorii arcana admitti merebantur, & actibus interesse, & Principis audire responsa, l. ult. de honor. codicillis. 4. Magister memoria; ut ex Notitia Imperii discimus, Annotationes Principis omnes dictabat & emittebat, & precibus respondebat. 5. Magister libellorum: cognitiones Principis & preces tractabat. Unde apparet, ex to hominum genere delectos ad hunc Codicem consiciendum, qui juris scientiâ maximè præstabant. Sanè ut de postremo hoc adhuc agam, Julius quoque Paulus J. C. dum esset à libellis Antonini Caracalla, sex libros decretorum seu Imperialium sententiarum in cognitionibus prolatarum composuit. Tandem & Justinianus ipse postea ad ἀνακρίσις suam eadem ipsa fermè hominum genera adscivit, ut docent Constitutiones ejus super hac re. Non est etiam prætereundum hic elogium, quod Maximino Ex-Questori tribuitur: Eminenti omni genere literarum. Ut fortè hic ille sit, qui ejusdem Theodosii Jun. l. un. de Professor. qui in urbe Constantinopolit. Maximus Sophista vocatur. Et verò in quibusdam Codicibus in d. Nov. l. Maximus hic vocatur. Et hac quoque de adjutoribus.

Neque dubium mihi, quod sextum, communicatum cum Valentiniano Tertio, suo in Imperio collega, consiliò, ad id
acces-

accessisse Theodosium. Quod certè colligere est ex vers. his adjicimus d. Novell. 1. & ex Novell. 2. Et sic ex pacto opus hoc susceptum: Certè Valentinianum sua quoque Occidentis scrinia Theodosio ejusque adjutoribus dedisse apparet: imò suas quoque constitutiones idem contulit, quæ triginta numero hoc Codice continentur, tum Aquileja, tam Roma, tum Ravenna ab eo data, inde ab A. D. 425. Et in his d. l. un. de responsis Prudentum, quæ Juris & Actorum ἀνάκριτον continet, ut dixi.

Quantum verò temporis in hoc Codice conficiendo insumserint Conditores isti, non liquet: cum nullum extet Theodosii hac de re mandatum, nulla formula, quæ extat Justiniani ad suos adjutores: verum sola operis jam consummati confirmatio Novella 1. quæ is confecto codici vires auctoritatemq; tribuit, ut ipsemet loquitur Novella 2. Sanè non minus eos hoc opus precipitasse, quàm Justiniani Codicis conditores, liquerebit ex iis, quæ proximo capite notabimus.

Illud tandem videndum est, quidnam hæc parte in Constitutionibus hæc in codicem referendis adjutoribus his licere voluerit Theodosius: quidq; adeò illi præstiterint. Id verò his verbis ipse indicat: Verum exegimus negotium temporis nostri, & discussis tenebris compendio brevitatis lumen legibus dedimus, electis nobilibus viris exploratæ fidei, famosæ doctrinæ: quibus delegata causa civilis officii, purgatâ interpretatione, retroscita Principum vulgavimus. Ubi nos andam obiter, civile officium legislationis & Legum repurgationes hæc vocari pater, Et apud Anonymum, ejus verba antea protuli ad differentiam militaris officii & bellici. Et mox: Quamobrem detersâ nube voluminum, in quibus multorum, nihil explicantium ætates attritæ sunt, compendiosam Divalium constitutionum scientiam ex D. Constantini temporibus roboramus. Tandem: Ma-

net

net igitur, manebitq; perpetuò elimata gloria conditorum, nec in nostrum titulum demigrabit, nisi lux sola Brevitatis, &c. Ergò datum hoc adiutoribus negotium, non tantum ut leges, quæ in abdito erant, ab obscuritatis injuria vindicarent, in unum corpus colligerent, compingerent; verum etiam ut eas purgarent, compendiosè referrent, brevitate quâ fieri posset: & sic negotium datum purgandarum, inq; compendium redigendarum constitutionum, quæ Epitoma vel Ecloga lex est, (non verò mutandarum, cujus ἀρπὰν ἡ ἐξοίαν suis adiutoribus dedit postea Justinianus:) rescatis videlicet præfationibus nihil explicantibus, singulisq; legibus seu sententiis in suos titulos relatis. Qui exemplum luculentum videre volet hujus Eclogæ, stante nihilominus eadem sententiâ, componat is vel legem 4. C. Theod. de his, qui ad Eccles. confug. cum integrâ Theodosii Junioris Constitutione, quæ extat inter Acta Concilii Ephesini. Item 1. 2. Cod. Theod. de religione cum integris mandatis, quæ occurrunt in collatione Carthaginensi. Quod quidem Theodosii factum & consilium ad fidem verè longè præstabilius quàm Justiniani, qui summo jure sibi & auditoribus suis dato omnem rei fidem & Historiæ veritatem inverterit: Sic ibi Principibus sæpè ea tribuuntur, quæ in mentem eis nunquam venerunt, neq; sæculo eorum satis conveniunt, de quo postea. Tandem quanam quantaq; hujus Codicis conditorum religio fuerit, circa leges in hunc codicem referendas, postea viderimus.

Ingens profectò Christianorum Imperatorum Constitutionum sylva erat, ob quam utriusq; imperii Scrinia excutere hujus Codicis conditoribus necesse fuit, hinc adeò & hac ingens per sexdecim libros sparsa & diffusa. Nam si tempora spectes, centum viginti septem annorum epocha est, fere à Constantini temporibus, ut ipsemet Theodosius ait ab A. D. 312. ad 438. Imperatores sedecim, quorum constitutiones hîc continentur, ii sunt: Constantinus Magnus tresq; ejus filii, Constantinus, Constantius, Constans, Julianus, Jovianus, Valentinianus, Valens, Gratianus, Valentinianus Junior, Theodosius M., Arcadius, Honorius, Theodosius Junior, Constantius, Valentinianus Tertius: Si species Constitutionum quæras, hic occurrunt non Edicta tantum, sed & Rescripta varia ad consultationes magistratuum smisso; Epistola item, seu littera ad

Magistratus, Orationes ad Senatum, Pragmatica, Acta habita in Consistorio Principum, itemq; in Principiis, mandata deniq; data Reſtoribus provinciarum, Cenſtoribus peregratoribus miſſis, Cognitoribus futuris in collatione de religione. Huc, inquam, congeſta omnia illa, quæ aliquam Juris ſententiam & definitionem continerent, neq; ulla Juris ſive privati ſive publici pars hic intacta, quod vel titulorum recensuſ & librorum argumenta teſtantur. De Conſtitutionibus ad privatum Jus ſpectantibus, quæ quinq; priores ſerme libros occupant, ita quoq; ipſe Theodoſius Codicem ſuum commendat: Cum liquidò pateat, quò pondere donatio deferatur, quâ actione petatur hereditas; quibus verbis ſtipulatio colligetur, ut certum vel incertum debitum ſit exigendum. Quod publicum Jus attinet, hic Officia Magiſtratum deſcribuntur, Dignitatum notitia explicatur, res militaris diſponitur, Officialium munera diriguntur, criminales actiones ſtabiliuntur, jura ſiſci declarantur, Annona & tributa diſponuntur, Curis civitatum conſulitur, profeſſiones & Politia, ut vocatur, urbium diſponuntur, ſua quoque ſunt leges poſita operibus & ornamentis publicis & ſpectaculis; pacis item & tranquillitatis cura habetur; tandem Eccleſiaſtica negotia deſiniuntur; ut proinde nulla publici Juris pars hic intacta maneat.

Ipoſorummet porro Principum tituli ſeu nomina hic intacta relictæ: Quod & ipſe Theodoſius Junior pluribus conteſtatur Novellâ ſuâ: Nulli, inquit, retro Principum æternitas ſua detracta eſt, nullius Latoris occidit nomen: imò lucis gratia mutati, claritudine Conſultorum anguſta nobiſcum ſocietate junguntur: Manet igitur, manebitq; perpetuò elimata gloria conditorum, nec in noſtrum titulum demigrabit, niſi lux ſola brevitatis. Et quamvis noſtris auſpiciis totius operis inſtauratio deberetur, attamen magis Imperatorium, magisq; credidimus glorioſum, ſi fugatâ invidiâ perennitatis Jure memoria remaneret autorum: nobis ad fructum bonæ conſequentiæ abundeque ſufficit, revelatis legibus, inventa majorum, obſcuritatis injuriâ vindicaſſe. Ita quidem Theodoſius, qui ſatis habuit invidiæ ſe ſe ſubducere. At enim publicè id quoq; perquam utile; cujuſq; Conſtitutionis auctorem tenere, appoſitis etiam perſonarum, locorum, temporum caracte-

O

riſmiſ,

rismis, de quo in posterioribus prolegomenis. Hac, egregia omnia & gloriosa,

NÆVUS XXV.

Multis nævis Jurisprudentiam turbantibus laboravit Codex Theodosianus,

Explicatio.

Si, ut cœpimus, in singulis capitibus Jurisprudentiæ Romanæ singulos nævos numerare vellemus, facile ex hoc unico Nævo 14. & ultra nævos distinctos facere potuissimus. Sed placuit istum numerum in unum colligere, ne tadium pariamus lectoribus haud dubiè magis sollicitis de nævis Juris Justiniani distinctè percipiendis, quam de numerandis nimis exactè nævis Juris ante Justinianum. Cæterum tamen & in hoc negotio otium iterum nobis fecit Jacobus Gothofredus, ex cujus cap. 2. Proleg. f. 187. ista cape: *At enim fatendum, haud pauca ab hujus Codicis Conditoribus admissa, quæ sive apud rigidos censors, sive apud æquos etiam notam merentur: in tam exiguo præsertim opere, cui tot tamq. præstantes jurisconsulti incubuere, quibus suâ etiam sæpè sæculi constitutiones integra obversabantur.*

I. Miretur quis, tot omissas ab iis de Jure Constitutiones, quæ tamen alibi occurrunt; non de iis nunc dico, quæ in Codice Justiniano occurrunt ejusdem Epochæ, seu eorundem Imperatorum: procul dubio enim ea integro Codice Theodosiano comprehensa fuerant: De iis nunc loquor, quæ ab aliis Scriptoribus memorantur: velut eam, cujus meminit D. Ambrosius ep. 32. Joviniani Imp. Theodoretus lib. 4. cap. 4. Valentis apud Hieronymum 2. adversus Jovinianum, Valent. in cap. 4. 11. 9. 1. Honorii 79. distinct. cap. 51. dux 8. & 97. distinct. cap. 2.

II. Nolo etiam in Conditoribus adeò notare nimiam sæpè brevitas rationem, in excerptis Juris sententiis, ut omni luce sæpè eas privaverint, & cum eas ab obscuritatis injuria vindicare debuerint, ob-

*seurissimas reddiderint; concisis adeò verbis, omnique saepe veste detra-
cta; expunctis & reiectis, hinc proæmiis, inde connexis & coherentibus,
quæ magnam vim habent ad intellectum legum; omissa eadem atq; à
corpore suo divulsa summam obscuritatem pariunt.*

III. Nolo etiam adeò hic urgere leges totidem ferme verbis repe-
ritas, sub eodem etiam titulo, veluti l. 143. 144. de decurionibus:
vel sub diversis titulis, quarum indiculus hic esto, pariter ut repetitarum
Constitutionum in libris Juris Justiniani Indiculum alii confecere, inter
quos Pancirolus l. Var. 78.

Nempe l. 7. de diversis rescriptis repetita l. 20. de Annona
& tributis.

Lex 2. de Nuptiis in l. 5. ad l. Jul. de adult.

Lex ult. de testam. in l. ult. de inoffic. testam.

Lex 1. de tabulariis in l. 31. de decurionibus.

Lex ult. de cohortalibus, in l. 188. de decurionibus.

Lex 1. de militari veste, in cap. 4. de susceptoribus.

Lex 1. de executorib. in l. ult. de feriis.

Lex 1. de donationibus in l. 2. de adu. tut.

Lex 16. de pœnis, in l. 57. de Appellat.

Lex 17. de bon. proscript. in l. 23. de petitionibus.

Lex 11. de Jure fisci, in l. 14. de susceptoribus.

Lex 50. de decurion. in l. 4. de lustrali collat.

Lex 49. de operib. public. in l. ult. de eqvorum collat.

*Id, inquam, repetitionis vitium hic objectare nolim, cum utilitatem
suam quandam id habeat, & paratitorum instar exhibeat: nisi quod anci-
pitum hac conditorum animum arguunt, hærentium, quoniam potissimum
quidq; referendum esset, quæ adeò repetere maluerunt, quàm perire.*

IV. Renovatas etiam leges repetitasq; in eandem sententiam vel
ab eodem Imp. leges rursus usurpatis prioris legis verbis. Ex l. 140. lex
148. de decurionibus. Ex l. 157. finis legis. 158. cod. Ex l. 4.
l. 9. de scænicis. Ex l. 15. l. 18. de scænicis. Ex l. 30. de Episc. l. 22.
de extraord. Ex l. 35. de Episcop. pars legis 2. de Episcop. Jud.
Ex l. 2. de honor. codicill. lex 24. de decurionib. Paucis additis;

¶ l. 50. § 6. 64. de hæreticis. *Paucis mutatis*; ut l. 21. 22. de divers. offic. l. 12. 13. de bon. præscriptor.

V. *Contrarias quoque tot leges se invicem destruentes abrogantesque hic positas haud ideo reprehendere velim: cujusmodi plures occurrunt, tit. potissimum de decurionibus: & tit. de hæreticis, in negotio Eunomianorum l. 17. 23. 25. 27. 36. 49. 58.*

VI. *Nolim etiam arguere tot similes in sententiam eandem: nam & suam hæc bodie summamque utilitatem habent ad historiam Juris probe noscendam: & contrariae leges profuse in publ. sæpe aptari possunt: & in singulis quamlibet similibus, singulare quid sæpe semper occurrit, singulisque adeo sua quasi condimenta ferculis conveniunt, non ut in Æsopi patinam omnia. Ab utroque certe quantum potuit sibi postea cavuit Justinianus, cui id facilius erat, cum omnia ad suam mentem resingeret, & tamen nec quicquam cavuit, quin multæ similes & contraria exciderint.*

VII. *Nolim & eas quoque leges hic notare, quæ plurimæ extant chronice aut locales: quæ in certum tempus vel certo loco late, atque ad perpetui juris formam non pertinent: quas Tribonianus ideo vel in totum omisit, vel aliquid ex iis detraxit, ratione loci, temporis vel personarum. A posterioribus verò Principibus priorum Principum leges renovatæ & in novam transfuse sicut, ut ex l. 7. de filiis mil. apparit. lex 83. de decurionibus, ex l. 7. C. 12. de desertoribus, ex l. 5. l. 17. de Navicul. ex l. 7. de fil. mil. apparit. pars l. 9. eod. ex l. 10. de accusat. l. 16. eod.*

VIII. *Nolo etiam rubricas nigro latiores notare, velut tit. de mancipiis thermarum & subvectione lignorum. Equis enim scis, an eotitulus lex aliqua interciderit?*

IX. At sequentia in hujus Codicis conditoribus quis ferat? primò quidem quod impias leges plures in eum retulerunt: cum tamen hujus Codicis condendi studium idè in se receperint, ut inde ad forum & quotidianas advocaciones jura peterentur, in jure proferrentur, vim legis obtinerent. Non illud jam urgeo, quod in illis Julianum Divi appellatione dignari videmus; item quod Conditores ejusdem Juliani passim Constitutiones haud obscure Christianorum Principum Constitutionibus & instituto contrarias huc retulerint. Verùm illas nunc Constitutiones urgeo, quæ expressam impietatis notam hodie continent: ut Constantini M. l. 1. de paganis, de licito haruspiciæ usu: ut & Valentiniani Senioris de cujusque religionis libertate, ejusdemq; haruspiciæ tolerantia, l. 2. 3. 9. de mal. & mathem. quæ etsi tùm cum ferrentur, tolerabiles erant, nondum re Christianâ in solio solidòq; prorsus locatâ, postea tamen versò rerum statu, expunctas eas oportuit, & ab eo Codice abesse, qui ad usus publicos & forenses proponerentur, firmatâ jam re Christiana. Multò magis quis non damnet Conditorum operam, cum Juliani leges 4. 6. de sepulchris violatis, gentilitiæ superstitionis plenas eadem resulerunt? Quis ferat Valentiniani Jun. legem ult. de fide Catholica, ibidem legi pro Ariminensi Synodo? Quis ferat ibidem Arcadii leges 1. 4. 5. 6. de his qui super religionem, quæ & ipsa Catholicis adversa erant, & adversus Chrysostomum & Joannitas late? Nisi quod hæc innoxie videntur, historicâ causâ ignoratâ: & superiores omnes hodie nos servatas nobis gratulamur, quæ tamen solarii species à Theodosii proposito aliena erat, neque ad ejus defensionem quidquam facit.

X. Sequuntur fugitiva leges, eaq; in triplici genere. Primum enim integra quædam leges, quæ etsi non alieno prorsus titulo posite sint, commodiorem tamen locum stare poterant, ut ecce lex 4. de Constitut. Principum, melius posita fuisset sub tit.

de immunitate concessa: l. 1. de nupt. apertius sub tit. de secund. nupt. lex 5. 8. de re militari, & lex 1. sub tit. de filiis milit. apparit.

Secundum fugitivarum legum genus est, earum quæ integræ nullò modò iis titulis, sub quibus posita sunt, conveniunt, sed ob homonymiam vocis in eos relatae sunt, ut sunt complures leges sub tit. de Principibus agentium in rebus, quæ conveniunt titulo de Principibus cornicular. &c. item l. 1. 6. de Palatinis S. L. quæ ad Palatinos omnes pertinent. Complures item leges lib. 7. quæ non ad militiam armatam pertinent, verùm ad officialium militiam: item lex 4. 5. de quæstionib. exerrant eo titulo, & in titulum de pœnis referri debuerunt.

Postremæ leges fugitivæ sunt, quarum pars tantùm titulo sub quo posita, convenit, pars alia verò in titulos alios conjici debnit, ut ecce pars legis 3. finium regundorum: pars legis 6. unicæ de Burgariis. pars legis 2. de veteranis. pars legis 9. & 11. de curiosis: pars legis 4. de adulteriis: pars posterior legis 2. tributa in ipsis speciebus: pars potissima legis 1. de expensis ludorum: pars legis 24. de paganis.

XI. In hoc potissimum censu ponende sunt leges à se invicem ita divulsæ, distractæ, dilaniatæ, ut nullum certum sensum habeant, imò quandoquæ etiam constructionis ibi ratio non constet, veluti lex 48. de operibus etiam publicis; lex 1. de privileg. eorum, qui in S. Palat. quare omni ope annitendum, ut ea rursus quasi dissecta & lacerata Virbii membra copulentur: in quibus etiam relativæ voces supersunt. Hujusmodi verò, præter d. l. 48. & d. l. 7. duodecim occurrunt, ubi nullus scilicet sensus constat integer, imò ne constructio quidem. In l. 3. de postulando, nisi jungatur cum l. 6. de possessoribus, ita pariter jungi debet, ut sensus ei constet

Lex 3. de inoffic. cum l. 1. de libertis.

Lex

Lex 6. de inoffic. testam. cum l. ult. de Jure liberorum, & cum l. ult. de diversis rescriptis.

Lex un. de peculio cum l. un. quod jussu.

Lex ult. de testimon. cum l. 2. de pœnis.

Lex 64. de decur. cum l. 6. de re militari.

Lex 184. de decur. cum l. 14. de privil. eor. qui in S. P. & cum l. 28. de cohortalibus.

Lex 2. de collegatis cum l. 25. de cohortalibus.

Lex un. de professoribus, qui in urbe Constantinop. cum l. 3. de studiis liberal. U. R.

Lex ult. de operibus publicis cum d. l. 3. de stud. libera. lib. U. R.

Lex 1. de his, qui super relig. cum l. ult. de fide catholica.

Lex 24. de paganis cum l. 23. eod. tit.

XII. In hunc censum quoque referenda est lex 25. de navicul.

qua nihil omnino ponit aut desinit.

XIII. Preposterationis quoque nemo laborat alicubi hic Codex: nam cum Imperatorum & Consulum ordinem in disponendis legibus sequi in animo habuissent conditores, sapientius tamen ab hoc scopo suo exciderunt. Exemplum in l. 7. de pactis. l. 12. 13. 14. 15. 16. de pratorib. l. 1. de veteranis. l. 14. 15. de Jure fisci. l. 63. 147. 182. de decurion. l. 112. de suariis, l. 20. 21. de navicul. l. 56. de hæreticis.

XIV. Vitium quoque frequens in inscriptionibus & subscriptionibus legum, veluti in Imperatorum nominibus adscribendis vel mittendis: in consulatibus item non rectè designandis: quod videre est in Constantinianis & Valentinianis: Unde ea Chronologia confusio enata, quam restituere hodie operosum sæpe videatur; uti l. 1. de veteranis; leg. 5. 6. de cursu publ. l. si vindicat. de pœnis. Quamquam pro conditoribus dici possit, in eos partim errores illos jam antea admissos incurrisse, vel partim post deum a librariis commissos fuisse.

Re-

Recensuit Gothofredus n̄vos à Compilatoribus admissos, possemus iisdem addere n̄vos admissos ab ipso Theodosio : scil. XV. Qvòd confectionem hujus Codicis non uni mandaverit, sed pluribus. XVI. Qvòd potestatem abbreviandi & ita obscurandi illis dederit, (vide qv̄a in explicatione hujus capitis ex Gothofred. adduximus.) Sed cum hos n̄vos fufius explicaturi fimus in Jure Justinianéo, ubi recurrent, h̄c prolixiores esse nolumus, pr̄primis, cum non sit diffidendum, potestatem horum collectorum non ita fuisse laxam, uti sociorum Triboniani, nectanta damna inde fuisse metuenda.

CAP. VII.

De Responsis Prudentum à Theodosio limitatis.

SEntiebat Theodosius, n̄vum ex eo ortum, qvòd Augustus judicem adstrinxerat, ut responsa prudentum sequeretur. Igitur incertitudinem inde ortam eo remedio tollere allaboravit, ut certorum saltem Jctorum Scripta jufferit valere in judiciis, & in allegatione eorundem plures pr̄valere paucioribus, ex paribus illos, inter qvos esset Papinianus, inter pares deniqve absqve Papiniano judicis arbitrio locum esse. (1)

(1) *l. un. Cod. Theod. de respons. Prud. l. i. tit. 4.*

Explicatio.

Meretur Constitutio Theodosii & Valentiniani, ut t̄ta apponatur: Papiniani, Pauli, Gaji, Ulpiani atq; Modestini scripta universa firmamus ita, ut Cajum atqve Paulum, Ulpianum & ceteros, comitetur autoritas lectionis, qv̄a ex omni opere recitatur. Eorum qv̄oqve scientiam, qvorum tractatus atqve sen-
ten-

sententias prædicti omnes suis operibus miscuerunt, ratam esse censemus, ut Scaevola, Sabini, Juliani atque Marcellini, omniumque, quos illi celebrarunt. Si tamen eorum libri propter antiquitatis incertum, codicum collatione firmentur. Ubi autem diversa sententiae proferuntur, potius numerus vincat Autorum: vel si numerus equalis sit, ejus partis præcedat auctoritas, in qua excellentis ingenii vir Papinianus emineat: qui, ut singulos vincit, ita cedit duobus. Notas etiam Pauli atque Ulpiani in Papiniani corpus factas (sicut dudum statutum est) precipimus infirmari. Ubi autem pares eorum sententiae recitantur, quorum par censetur auctoritas, quod sequi debeat, eligat moderatio judicantis. Pauli quoque sententias semper valere precipimus.

Meretur explicatio Gothofredi, ut textui illi simul jungatur: Primò, ait, quinque veterum Juris Consultorum, Papiniani, inquam, Pauli, Gaji, Ulpiani & Modestini scripta hac l. confirmat Valentinianus, eaq. in judiciis recitari & obtinere jubet: id enim est, quod his verbis significatur: comitetur auctoritas lectionis, quæ ex omni opere recitatur. Quomodo & mox: Ubi autem pares eorum sententiae recitantur. Recitari scilicet, proferri (ut hac quoque, leg. dicitur) non Principum modò Constitutiones, leges, seu Jura publica, ut ex Paulo liquet, 5. sentent. 25. §. 5. Sed & Juris Consultorum probatorum publicè responsa, seu Prudentum edicta in judiciis mos erat: quod hæc lex quoque probat, quorum videlicet auctoritatem Judices in judicando sequerentur. De quo more Cassiodorus quoque non unò locò, ac nominatim lib. 6. var. 8. Et appellabatur abusivè judicium, ubi non allegabantur à Partibus dicta Prudentium. Hanc proinde constitutionem, & si quas similes hujus ævi, intellexit Justinianus, cum in §. Responsa Prudentum 8. Inst. de Jure Naturali scripsit; Jurisconsultorum sententias & opiniones eam auctoritatem tenuisse, ut judici recedere à

Responsis eorum non liceret, hoc addito: ut est constitutum &c. Quæ sequuntur verba, recensuimus suprâ cap. 2. pag. 67. Sequuntur illa: Quo quidem in censu quinque Jurisconsulti hac leg. memorantur, Papinianus inquam, Paulus, Gajus, Ulpianus & Modestinus: ita quidem, ut si in b. l. pro: & ceteros, legamus: ut ceteros, quod mihi aliquando in mentem venit, exinde colligatur, ante Valentinianum jam duorum Jurisconsultorum, Papiniani videlicet & Modestini scripta probata fuisse, atque in judiciis passim pro autoritatibus & authenticis allegari solita: Ceterorum verò trium nondum adeò. De Papiniano certè fidem facit jam lex utere 14. Cod. de przd. & aliis rebus minorum. Nempe nulli majorem inter Jurisconsultos famam hâc a vò meruere, quam Papinianus & Modestinus, ut ex eorum elogiis passim colligas: quorum hic ultimus verorum & γνησιων Jurisconsultorum & conditorum reuera fuit, post eum nullus. Verùm hac conjectura tantùm est; nam & ceteri quoque in Constitutionibus laudati, inq. Judiciis recitati, etsi haud æqua omnes autoritate: de quo mox. Lektionis autoritas b. l. est dignitas, autoritas Scriptorum, responsorum, quæ in judiciis legi solita: l. Titius 43. w. de acti empti: l. ult. π. ad l. Corn. de falsis. l. 5. π. de probat. Lectio hac sempestate pro περὶ τῶν, textu, allegatione, autoritate, testimonio, sanctione undecunque decerpta, quæ adducebantur, recitabantur in judiciis, scriptis, & in Ecclesia quoque &c.

Secundo hujus legis capite confirmantur pariter quatuor Jurisconsultorum anteriorum, puta Sævola, Sabini, Juliani, Marcelli nominatim, aliorumque scripta, scientiam quorum, tractatus & sententias superiores illi Quingveviri operibus suis miscuerunt, eosque celebrarunt. Quæ quidem scripta hæc adhuc a vò extabant, sed suo jam ævo Galliam intra re-

gnumque Theodosianum intercidisse Interpres hujus leg. testatur: At non in Oriente sub Justiniano, utpote è quorum postea scriptis Tribonianus in Pandectas suas complurima retulit. Quod Scævola attinet, Arcadius quoque jam l. 3. de testamentis, Scævola autorem prudentissimum Jurisconsultoremque vocaverat, ejusque sententiam ibi secutus comprobaverat.

Tertio capite continentur jam cautela, seu leges certae: quibus Jurisconsultorum illorum Scripta tunc in judiciis legi, recitari, allegari possent: Nempe jubet Valentinianus Scripta eorum ad Codices emendatos exigi, ut ita Lectio ex his seu auctoritas desumi tunc possit: propter antiquitatis, inquit, incertum, nempe, quod in emendati passim Codices circumferrentur, librariorum stupore, causisque aliis &c.

Quarto hujus legis capite Valentinianus definit, quid factio opus sit, si diversa Jurisconsultorum sententia proferatur, quatuor in id sententiis. Primo, ait, in hac sententiarum diversitate, potius Juris Auctorum numerum vincere, seu preferri oportere. Numerari igitur, non ponderari Jurisconsultorum sententias voluit Imperator. Quod & in Jure Romano in dubiis questionibus quandoque obtinuit: quò certe pertinet, quod Ulpianus scribit, l. 8. de adoptionibus, item quod Gajus l. 18. dig. de in jus vocando. Sic in questione illa, utrum servus proprius institui rectè sine libertate possit, secundum plurium sententiam in Negativam concessum fuit, ut docet pr. Inst. de hæred. inst. cum Attilicini uni jam olim aliter videretur. Sed enim mens alia meliorque Justiniano quoque postea sedit, qui ut æquior in illa, quam modò dixi questione Attilicini unius sententiam amplexatus est, ita hanc nominatim Valentiniani Tertii constitutionem hac parte suggillat.

gillat. l. i. §. cumq; Cod. de veteri Jure enucl. *Etsi non negem, si de veteri illa Jurisprudencia qvaritur, eorum qui Juris conditores autoresqve fuere, in dubio ferme potiore numerum jure apud posteros pralatum: magnum enim istud de consensu concentuqve potioris partis prajudicium est: At enim qui hodie inolevit, perditus mos, ille est, quo communes opiniones Autorumqve congeries, imò nubes, pro omni ferme ratione obtenditur.* De plurium sententia in judiciis & suffragiis sequenda, de qua agitur l. 36. c. de re judicata, ab hac leg. aliena jam qvæstio est. Et hac quidem Valentinianus, ubi inequali numero disparesqve sententia essent. Quid verò si pares existant? Hic jam Papiniano hanc prerogativam tribuit, ut si numerus æqualis sit, ejus partis præcedat autoritas, in qua excellentis ingenti vir Papinianus eminet, seu à qua ipse stat, qui ut singulos vincit, ita cedit duobus: hoc altero *ἁπορίῃ* insuper addito, ut Pauli & Ulpiani notæ in Papiniani corpus factæ, sicut & antea dudum statutum fuerat, infirmentur; quæ quidem omnia de Papiniano, præterquam quod is primus ceu *ῥητορικὴ* qvæ viralis, de quo supra, Collegii Præsul & *ἐξάρχῃ* ponitur, singularia admodum decora & *ἁπορίῃ* sunt. Primum Papiniani *ἁπορίῃ* istud est, quod æquali inter se dissentientium seu dissidentium numero, ea sententia prævalere jubetur, in quam Papinianus inclinavit: *ἀλλὰ ὅτι ἡγεανλῆς*. Quæ & ipsa prerogativa Bartolo quondam in Hispania & Lusitania decreto Regio tributa fuit, si verum est, quod refert Joannes Baptista de Gazalupis de S. Severino, in tractatu de modo studendi in utroque Jure, qui subjectus est vocabulario Juris p. 254. Similis & major etiam Joannis Chrysostomi prerogativa fuit; nam in interpretandis Scripturis ita felici divinoqve aded ingenio praditus est, ut quamvis ceteri Ecclesia

Patres communibus suffragiis locum aliquem scriptura secus
 quam ipsi visum esset, interpretarentur, contra omnes unius
 praeponderaret sententia &c. Secundum Papiniani hac l.
 παρὸν istud est, quod Valentinianus Notas Pauli & Ulpiani
 in corpus Papiniani factas (bi enim duo Jurisconsulti, Papi-
 niani ipsius discipuli, ejusque in Praefectura Pratoriana adses-
 sores, ad Papinianum notas scripserunt) infirmari praeceperat.
 Addito, sicut dudum statutum est. Ubi dubium est, quando
 id statutum, & dudum quidem fuerit. Constantinus M, certè
 in ea quaestione, qua de agitur l. un. infr. de sententiam passis,
 remotis Pauli atque Ulpiani notis, Papiniani sententiam pra-
 tulerat: at non idèd, quod Valentinianus h. l. adstruit, hanc in
 re paulò liberalior, infirmat & penitus Nota illa omnes fuerunt.
 Et melior iterum in hoc tertio mens Justiniano sedit, qui eas
 notas non statim neque promiscuè respici voluit, verum pro-
 batas seligi, Papinianeisque etiam Responsois & Quaestionibus
 subjici d. l. i. §. Sed neque 6. Cod. de veteri Jur. enucl. cujusmo-
 di Pauli ad Papinianum octo nota referuntur, l. i. in f. de offic. ejus,
 cui mandat. Jurisd. l. i. §. 6. de publiciana; l. 72. in f. de con-
 trah. empt. l. i. §. 2. de usuris, l. ult. de his qui in testam. l. 42.
 in pr. de bonis libertorum. l. i. 16, in pr. de verb. obl. l. 8. in
 pr. de stipul. Prætor. Ulpiani unica quod sciam l. 31. §. 2. de
 negot. gest. Neque immeritò, id enim praestant Nota illa, ut com-
 moda interpretatione, vel rationibus Papiniani dicta utiliter
 firment, vel ex eodem aequitatis fonte, & ex iisdem Juris prin-
 cipiis similes, vel contrarios casus decidant, extensionibus vel
 exceptionibus apposis: Quod & alii fecere, qui ad veterum
 Jurisconsultorum libros notas scripserunt; Exemplo aliorum
 Criticorum, quorum optimi & antiquissimi Græci, Latini non
 tantum obelis falsa, suspecta, dubia consingere soliti, sed etiam
 χρίσιμα lectori prae monstrare. Quamquam neq. à vero abest,

sape iniquè & mordaci dente nimidum his notis Papinianum perstringi; ut exemplo esse potest lex 116. π. de verbor. oblig. collata cum l. 98. § qui stipulatur π. de solutionibus. Et fortè etiam sensisse potuit hic Valentinianus, de hujusmodi Notis, quibus à Papiniano abirent illi, non verò de his, quæ idem subjecere, adminiculanda vel sufflaminanda Papiniani sententia. Et hac de Papiniani prerogativis, & illa quidem, ut dissidentibus sententiis ea vinceret, à qua Papinianus staret. Quid si verò pares Jurisconsultorum sententia sint, quorum par quoque censetur autoritas? Judici jam eligendi potestatem tribuit Valentinianus h. l. quod sequi debeat, eligat moderatio judicantis: & sic arbitrarium id, seu inter casus arbitrarios censerit vult. Moderatio, id est, justa & æqua aestimatio, & quidem in sp. hujus legis Moderatoris seu Rectoris Provincia, vel alterius Judicis: Ita enim moderationis vox passim accipienda, hic & l. 20. de cursu publ. l. 119. de decur. Tandem sine hujus leg. Pauli quoque sententia semper valere precipiuntur. Quo quid opus erat, cum jam initio legis, Pauli scripta (exceptis in Papinianum notis) universa firmentur? Certè viri cujusdam doctissimi interpretatio hic minus placere debet, quasi superius in genere Pauli Scriptis Juris autoritas tributa sit; his verò postremis verbis, peculiariter libris ejus sententiarum hac autoritas tribuatur, ut hi vincant omnes Autores, omnesque libros Juris, & per hoc ipsum etiam Papinianum, & libros Papiniani; idque indicetur his verbis: semper valere, quæ extensionem habeant ad omnes casus, in quibus libri hi sententiarum aut soli producerentur, aut juncti cum libris aliorum Autorum, aut ab illis disjuncti ac dissidentes. Quod prerogativis supra Papiniano tributis, planè adversatur. Quid igitur? Ego band absurdè crediderim, id à Gothorum manu esse, quibus tantopere Paulus, id est,

est, Pauli sententia placuerunt, ut inde quodque corpus suum Alaricianum conficerent: ut ex fine interpretationis huius legi subdita apparet: ubi & duo ab Interprete addita, de quibus nihil in contextu legis habetur, de quibus nos in Prolegomenis,

NÆVUS XXVI.

Modus iste tollendi incertitudinem ex responsis Jurisprudentum contradictoriis ortam, novam incertitudinem introduxit,


Explicatio.

Displicuisse Justiniano & Triboniano hanc legem Theodosii & Valentiniani in multis capitibus, patet ex l. i. §. 5. & 6. C. de V. l. E. Cumque hac materia summi nostri numinis liberalitate collecta fuerit, oportet eam pulcherrimo opere extruere, & quasi proprium & sanctissimum templum Justitiae consecrare. Et in libros quinquaginta, & certos titulos totum (Jus) dirigere, tam secundum nostri Codicis constitutionem, quam Edicti perpetui imitationem, prout hoc vobis commendum esse potuerit: ut nihil extra memoratam consummationem possit esse derelictum: Sed his quinquaginta libris totum Jus antiquum per mille & quadragesimos penè annos confusum, & à nobis purgatum, quasi quodam muro vallatum, nihil extra se habeat: omnibus autoribus juris aequè dignitate pollentibus, & nemini quodam prerogativa servanda: quia non omnes in omnia, sed certi per certa vel meliores, vel deteriores inveniuntur. Sed neque ex multitudine autorum,

quod

quod melius & æquius est, judicatote, cum possit unius (forsitan) & deterioris sententia & multas & majores in aliqua parte superare. Et idèdè ea, quæ antea in notis Æmilii Papiniani ex Ulpiano & Paulo, nec non Marciano adscripta sunt, quæ antea nullam vim obtinebant propter honorem splendidissimi Papiniani, non statim respuere; Sed si quid ex his ad repletionem summi ingenii Papiniani laborum, vel interpretationem necessarium esse perspexeritis; & hoc ponere legis vicem obtinens, non moremini; ut omnes, qui relati fuerint in hunc Codicem prudentissimi viri, habeant auctoritatem, tanquam si eorum studia ex principalibus Constitutionibus profecta, & à nostro divino fuerint ore profusa: omnia enim meritò nostra facimus, quia ex nobis omnis eis impertietur auctoritas: nam qui (non) subtiliter factum emendat, laudabilior est eo, qui primus invenit. Sed magis ista ex æmulatione videntur scripta, quam ex prudenti defectuum agnitione. Non in eo nævus erat, quod Papinianus fuerit aliquo modo reliquis JCtis prælatus, aut quod Ulpiani & Pauli notæ fuerint abrogatæ: Nec tam in eo, quod multitudo possit sequi deteriorem sententiam, hæc enim ratio nihil obstat, quo minus in omnibus collegiis vota non ponderentur, sed numerentur; verum in eo nævus latet, quod isto modo incertitudo juris fuerit aucta, & jus maximè varians introductum fuerit. Dependebat enim sententia tum ex ingenio vel potius ex memoria advocati. Finge in duabus causis unius ejusdemq; juris, unus idemq; advocatus coram duobus diversis iudicibus postulabat, hic pro actore, illic pro reo. Adversarii autem homine utebantur non ita in Scriptis JCtorum versato. Hic advocatus ille pro lubitu JCtos recensabat pro sententia quam defendebat, hic Papinianum fortè & Paulum solum, ut Papinianus vinceret, qui pro actore faciebat, illic Paulo addens
Ulpia-

Ulpianum vel alium ut Papinianum numero vincerent, quia hi fauerent reo. vel dic potius, penitiores Advocatos semper in numero habuisse Jctorum numerum pro utraqve sententiâ, quo imperitiõribus adversariis, prout res postularet, imponerent. At, inquis, Judicis erat cognitos habere libros Jctorum, non id dependebat ab arbitrio advocatorum. Respondeo 1. id vero est contra *d.l. un.* ubi dicitur quod tum demum electionem habeat judex, si proferantur aut recitentur à partibus vel advocatis utrobique, æquales sententiæ. 2. Etiam judicibus hoc pacto occasio data fuisset ex favore sæpè eligendi pluralitatem, prout placeret. 3. Quid si Judicum unus peritior fuisset altero? Ita hac occasione certè unus ita, alter alio modo pronunciaffet & in certitudinem introduxisset.



CHRISTIANI THOMASII, Jcti.

DISSERTATIO ACADEMICA,

De Nævis Jurisprudentiæ Romana ex historia

Juris ab ejectis Regibus ad publicatas Le-
ges XII. Tabb. deductis.

Habita Halæ 4. April. 1691.

RESPONDENTE

CAROLO AUGUSTO GUEINTIO.

PRÆFATIO.



Ivimus in seculo, in quo Jcti, quotquot ho-
die existunt, ad duas propè classes viden-
tur referri posse. Pleriqve Corpus Juris
Civilis tanquam idolum aliquod suspiciunt,

Q

& sub-

& submississimâ veneratione etiam ipsissima Juris excrementa colunt, atq; piaculum esse existimant, si quis non optima quæque de Triboniano & Justiniano cogitare saltem ausus fuerit, & tanquam temeritatem mortepiandam publicè privatimque traducunt, si quis ultra ingenium Viri Magnifici, Magistri & Exqvæstoris sacri Palatii Justinianeï, nec non Exconsulis, §. 3. *Proëm. Instit.* sapere, & nævos Jurisprudentiæ ex fragmentis veterum Ictorum hinc inde ostendere voluerit. Unde non solum in historia Juris omnes colores ad ornandam Jurisprudentiam Romanam conquirunt, sed & omnium maximè in Historia Juris à Justiniano emendati invidiosissimis verborum præconiis heroicum hoc & ex ipsorum mente Divinum factum in cælum extollunt. Alii sed paucissimi tamen, amore plusquam puerili Triboniani & Justiniani non ita infatuati, & magis acutum cernentes, quàm aut Aquila aut Serpens Epidaurius, diversum à priore affectum, odium scilicet in hos Duumviros, non nullo quidem fundamento nixum, paululum vehementius se abripere patiuntur. Et cum plurimos Jurisprudentiæ nævos in emendatione ista deprehendant, omnem hujus mali originem misero Triboniano adscribunt, & in facta ejus quæcunque, etiam licita aut certe dubia, maximâ verborum acerbitate invehuntur. Tum miserum Jurisprudentiæ statum considerantes, nimis properanter de remediis adversus ista mala sunt solliciti. Unde alii violentis emendationibus Corpus Justinianæum emendare & Jurisprudentiam Romanam in formam artis redigere satagunt; alii Consilia de novo Codice faciendò suppeditant, alii Jurispruden-

dentiam à Rabulistica purgare variis remediis student. Si ramen fatendum quod res est, nihil hæctenus consilii istis promotum fuit, sed omnia potius in pejus quotidiè ruerunt. Unde nonnulli tacitis suspiriis incurabile Jurisprudentiæ vulnus deplorant, & tanquam in re desperatissima manus in sinu recondunt, omnem operam frustraneam esse opinantes. Mihi semper visum fuit, officium boni & sapientis Jcti hodie in eo consistere, ut intuitu Jurisprudentiæ non aliter se gerat, atque circumspectus Medicus facere solet. Hic quotiescunque ipsi homo graviter decumbens offertur, omnibus affectibus vacuus in primam morbi originem & incrementa inquirat, quo cognito non statim ad communia remedia morbo isti resistentia properat; sed ante omnia considerat utrum ægrotantis corpus & vires ita comparatæ sint, ut à remediis consuetis salus & restitutio sanitatis sperari possit. Sæpius enim si materia peccans, ut Medici loqui amant, in corpore abundet, & ægrotans viribus & Spirituum copiâ destituatur, abstinendum est à remediis aliàs optimis, ne irritando pravos humores malum augeatur, & ægrotanti loco sanitatis mors & interitus acceleretur. Unde in ejusmodi casibus prudens Medicus saltem sollicitus est, ut talia remedia ægrotanti præscribat, quæ non crescere sinunt morbum, & pedetentim maximè ac tenuiter morbi causas evacuent, ut, si sanitas ægroto non possit restitui, saltem mors differatur. Simili modo etiam Jure Consulto incumbit, ut cum certissime sentiat graviter ægrotare Jurisprudentiam, nullò affectu abreptus tranquille in primas hujus mali origines inquirat, nec contentus sit vitia se-

culi & crescentem quotidie Rabulisticam, aut errores Pragmaticorum à Glossatoribus Jurisprudentiâ genuina destitutis in forum introductos, aut intempestivam Triboniani curam increpare, sed potius à primis Jurisprudentiæ fontibus consideret nævos qui simul fontes fuerunt omnium errorum sequentium, & porro augmenta, quibus quotidie malum altiores radices sumsit, pensitet. Tum ut hoc opere absoluto vulgaria remedia examinet, & ex principiis rectæ rationis demonstraret: utrum ea successum habitura sint nec ne? Denique etsi deprehendat incurabilem esse Jurisprudentiæ morbum, ne tamen opem ferre desistat, sed ut detalibus remediis sit sollicitus, quæ & malo, ne latius serpat, viam præscindant, & non difficulter effectui etiam dari possint. Atque hæc est intentio libri, quem jam aliquot annis meditor, *de defectibus Jurisprudentiæ*, cujus in præsentî Disputatione specimen sisto, ex Historia Juris Romani ostensurus, *qui navi Jurisprudentiam statim ab ejectis Regibus ad publicatas leges XII. Tabularum invaserint.* De reliquis alio tempore disseram. Faxit Deus feliciter!

THESIS HISTORICA I.

URbem Romanam à principio Reges habuere, (1.) sub quo statu initio sine lege & Jure certo populus Romanus vixit, cum omnia manu à Regibus gubernarentur, (2.) & Romulus fere ut libitum esset, imperitaret. (3.) Postea auctâ civitate Romulus ipse leges quasdam curiatus ad populum tulit. Tulerunt & sequen-

quentes Reges. (4.) Nam Numa Religionibus & Divino Jure maximè populum devinxit; repertaque quædam à Tullo & Anco. Sed præcipuus Servius Tullius sanctorum legum fuit, quibus etiam Reges obtemperarent. (5.) Ejectis vero Regibus & pulso Tarquiniò, omnes istæ leges Regiæ exoleverunt, & populus incerto iterum Jure & consuetudine magis, quam lege certâ uti cœpit. (6.)

- (1.) Tacitus *I. Ann. l. 1* (2.) Pomponius *l. 2. §. 1. de O. J.* (3.) Tacitus, *III. Ann. 26. 5.* (4.) Pomponius *d. l. 2. §. 2.* (5.) Tacitus *d. III. Ann. 26. 5.* (6.) Pomponius *d. l. 2. §. 3.*

ANNOTATIO. SUMMARIA.

Papirius quis? §. 1. Fabulam sapit historia de Papirio Prætextato §. 2. Fragmenta legum Regiarum §. 3.

§. 1.

LEges Regias collegit olim statim in statu Regio Papirius *d. l. 2. §. 2. d. O. J.* de quo quisnam fuerit anxie disquirere nostrâ non interest. Et relinqvamus adeò ingeniis otio abundantibus dispicere, utrum hic Papirius Sexti prænomen habuerit, prout eum citat Pomponius *d. l. 2. §. 2.* utrum Publii, uti ab eodem Pomponio vocatur *d. l. 2. §. 36.* utrum idem sit cum Papirio, quem Dionysius *l. 3. c. 49.* Cajum, & *l. 5. c. 1.* Manium appellat; vel utrum denique sit Papirius ille Prætextatus, cujus mentionem injiciunt Gellius *Noct. Attic. l. 1. c. 23.* & Macrobius *l. 1. Saturnal.*

c. 6. Qui elegantius ejusmodi delectatur, poterit hâc de controversia consulere Rupertum *ad Enchiridion Pomponii* c. 3. p. m. 53. sqq. & Cujacium *inter Notas Variorum* ad d. l. 2. de O. J. ex editione S. Leevvii.

§. 2. Illud, sed obiter, notatu non videtur indignum, quod observat idem *Rupertus* d. l. p. 61. Nota est pueris etiam nostris historia, quam de Papirio Prætextato refert Gellius, & ex hoc descripsit Macrobius *ad* ll. quomodo videlicet eleganti mendacio de duabus uxoribus uni viro jungendis intempestivam Matris curiositatem arcana Senatus scire cupientis, eluserit. Solet ista proponi in exemplum adolescentibus nostris, nec memini me quenquam legisse, qui de ejus veritate dubitaret. Ipse Philippus Caroli sagacissimus alias Gellii, vel, si mavis, Agellii commentator *in animadvers. ad* d. c. 23. gratias habet Agellio, quod è Catone vetustissimam Papirii adolescentis historiam ad nos transmissit. At fabulam sapere quilibet facile perspicere poterit, qui modò consideret, quàm à prudentia populi Romani alienum sit, pueros prætextatos participes facere arcanorum Reipublicæ, quod tamen pro fundamento istius historiæ ponitur, & à Gellio & à Macrobio, & ob factum demum Papirii hujus Senatusconsultum promulgatum fuisse dicitur, ne pueri cum patribus posthac in curiam introeant. Quare non sine ratione sva iludii cujusdam commentum esse suspicatur Rupertus d. l. & hoc ipsum perstringi videri à Polybio *lib. 3. c. 20.* (mihi 5. p. 189.) *Quam absurdum illud, inquit, quod incredibilem Senatus mæstitiam memorantes, simul adjiciunt, filios duodecim duntaxat annis majores à parentibus in Senatum inductos, qui publicorum consiliorum facti participes nemini propinquorum quicquam illorum, quæ enunciari nefas, aperuerint; quæ sunt omnia à vero aliena, & palàm falsa, nisi hoc quoque præter cetera Romanis fortuna, si Diis placet, largita est, ut inde à pueris statim fu- perent.* Quæ nemo non videt pulcherrimè quadrare in scriptores illos, à quibus narrationem suam de Prætextato accepit vel Gellius vel ex quo ista Gelliushausit, Cato, qui fortè fuerunt Chereas vel Solilius. *Vide Polyb. d. l.*

§. 3. Sed amissimus istam collectionem legum Regiarum, à Papirio factam, non tamen amissimus fragmenta earum; etsi in Jure Justiniano vix unius vestigium extet in *l. 2. de mortuo inferendo*. Collegerunt enim illas ex Plutarcho, Festo &c. viri quidam Clarissimi Doctissimiqve, ut Antonius Augustinus, Fulvius Ursinus, Justus Lipsius, Franciscus Modius. Vid. Rittershus. *ad LL. XII. Tab. Proleg. cap. 4. p. m. 9.* quibus adde Pighium, ex quo præcipuas excerptit Rupertus *d. l. p. 51. seq.* & Eberlinum *de Orig. Juris c. 4. p. 14. seq.* Et eleganti commentatione leges Romuli illustravit rarissimæ eruditionis J. C. Franciscus Balduinus.

OBSERVATIO I.

Non parum turbavit Jurisprudentiam Romanam, quod ejectis Regibus simul omnes Leges Regiæ exoleverunt.

SUMMARIA.

Requisita justæ legum interpretationis in genere, tam intuitu legum interpretandarum, quam intuitu Interpretis. §. 1. Quid insuper requiratur, si quis leges certæ Reipublicæ in formam artis redigere velit. 2. Causæ ex quibus Jurisprudentia corruptio oritur in summa propostæ tam ex parte legum ipsarum, quàm ex parte J. Ctorum. 3. Ad quas aded in examine corruptionis Jurisprudentiæ Romanæ semper respicietur. 4. Facta injusta, quibus fundatum fuit regnum Romanorum. Inter hæc etiam referri debet Raptus Sabinarum, sine ratione ab aliis defensus. 5. Legum Regiarum singularis æquitas & præstantia. 6. Non habuit populus Romanus justam rationem tollendi leges Regiæ. 7. Sed nimium excedens odium erga Reges & regiam potestatem illos eò impulit. 8. Leges Regiæ non lege Tribunitiæ abrogatæ sunt, sed tacitâ desuetudine. Damnum quod Jurisprudentia inde passa est. 9. Notatur Eberlinus, quod asserat, non omnes leges exolevisse. 10. Hæc tamen corruptio Jurisprudentiæ ad nos non multum pertinet. 11.

§. 1. Præ-

§. 1.

Praesuppono Juris Consulti officium in eo consistere, ut interpretetur leges, quibus Civitas utitur, easque ad ea, quae in ipsis rerum argumentis obtinent, applicet. Legum autem omnium interpretatio certis quibusdam regulis nititur, quae docent, mentem legis dubiam, ambiguam & obscuram, ex conjecturis verosimilibus elicere. Ut vero regulae ejusmodi rite ad leges has vel illas accommodari possint, requiritur ante omnia, ut leges ipsae ita sint conceptae ab homine usu rationis gaudente, ut consonantia non solum sit in contextu, sed &, ut ratione sua ex utilitate Reipublicae desumpta lex gaudeat, & ipsae legum rationes inter se cohæreant, tum ut ambiguitas aut obscuritas talis sit, quae attentione debita tolli possit, & quae forte alia sunt requisita, similia in ipsa legum-latione observanda. Tum necesse est, ut legum interpretes ingenio & acumine polleat conjectandi legum rationes saepe latentes, quam in rem historiae & Politicae studium multum inservit, quo adeo probe instructus esse debet, qui legum interpretationem aggressurus est. Sed & attentione insuper opus est, ad considerandas exacte omnes circumstantias ad legum interpretationem momentum afferentes, & ponderanda sunt antecedentia & consequentia legum ac loca parallela; Denique & judicium maximè in eo desideratur, quo & rationes varias variarum legum inter se conferre, ac trutinare, ex pluribus sensibus ambiguus genuinum eligere, atque loca in speciem sibi adversantia conciliare possit. Praeprimis autem justitiae & honestati eum addictum esse convenit, ut non ex malitia ad promovendum interesse privatum locò justae interpretationis cavillatorie legem in alienum sensum contorqueat.

§. 2. Quemadmodum autem dicta ad quamlibet legum interpretationem esse necessaria facile patet, sic ubi Jure Consultus certas leges unius Reipublicae interpretandas sibi proponit, solet ad promovendam civium utilitatem operam dare sedulo, sicubi leges plures sunt, ut non à quibuslibet facile cognosci valeant, ut

scien-

scientiam earum legum justis definitionibus & axiomatibus in formam artis redigere queat. Quod uti fieri nequit, nisi omnia illa requisita §. 1. memorata, tam intuitu legum, quam intuitu Juris-Consulti adsint, ita insuper hîc necesse est, ut communi jure & consonante omnes aut potissima civium pars utantur, tum ut leges non subinde variant, & sine prægnante ratione non mutantur; ipse JCtus autem debet esse illô habitu præditus, ex singularibus accuratè eliciendi universalia, eaque justo & amœno ordine collocandi. Dicerem unô verbô, debet esse bonus Logicus, nisi vitio seculi egregium hunc titulum ad se traaxissent & ita contentui cordatorum hominum objecissent Sophistæ, ne quid gravius dicam.

§. 3. Quæ cùm ita sint, ad oculum patet, causas corruptæ Jurisprudentiæ partim in legibus esse quærendas, partim in JCtis. Neque enim poterit non insana & pessimè cohærens interpretatio aut doctrina legum evadere, si leges ipsæ contineant verè contradictoria, si contra rectam rationem lex aliqua ex impetû bestiali sit lata, si rationes legum latentes sint adversæ & repugnantes, si obscuritas aut ambiguitas legum tanta sit, & sententia earum sic perplexa aut præpostera, ut nec Oedipus mentem legislatoris elicere possit; si nulla sit connexio inter leges unius provinciæ, diœceseos, municipii, collegii, & lèges quas cives in reliquis societatibus observant, aut si leges sæpius vel æquè frequenter mutantur atque calendaria, aut si variatio fiat citra justam rationem. Rursus necesse est, plusquam Domitianam oriri interpretationem & doctrinam Juris, si Jure-Consulti officium involet stupidus homo & bardus, subsidiis historicis ac Politicis destitutus, præcipitantis insuper ac vagi ingenii, judicii verò ita nullius, ut non solum glandula pineali sed & omni omnino cerebro privatus esse videatur sapientioribus, & animal ἀλογικόν. Quod si insuper ex proposito leges calumniari & obtorto collo ad commodum privatum ac momentaneum torquere velit, næ evadet inde Ars iniqui & mali, quô prædicato nihil magis à Jurisprudentia alienum est.

§. 4. Examinemus jam Jurisprudentiam Romanam ad istam normam, & consideremus, utrum tum intuitu legum ipsarum, tum intuitu Juris Interpretum aut collectorum multa hic veniant desideranda, an minus, ut inde appareat, an corruptio Jurisprudentiæ levis sit, & quæ facilem emendationem admittat, an verò in tantum eadem sit depravata, ut de cura omni desperandum esse videatur.

§. 5. Quod igitur initio statum Regium & leges à Regibus latas concernit, non equidem initia urbis Romæ & foundationem status ipsius Regii magnis prædicabo laudibus, cum tot hic occurrant crimina, ut eorum justa trutinatio justum volumen videatur requirere. Sive enim atyli institutionem consideres, quò mediante ex congerie omnis generis nebulonum aut levis certè notæ macula notatorum populum sibi quæsit, Romulus apparebit evidenter, eam Juri Gentium omnib⁹ modis fuisse adversam; Sive fratricidium & muros urbis Romæ sanguine fundatos pensites, dignum isti populo Regem fuisse Romulum fateri necesse habebis. Ipsa connubia raptu Sabinarum quæsit ita omnis rectæ rationis regulis atque legibus adversa sunt, ut non tam mirari debeas, cur idem raptus ante aliquot annos in Academia Wittebergensi ex instituto dissertatione publica fuerit defensus, (neque enim in Dissertationibus Academicis, ubi sæpè controversiæ ex imperio magis quàm rationis dictamine solvi solent, semper exactam judicii ἀκριβειαν quærere nos decet:) quàm quod idem Augustino, Grotio, aliisque viris summis, quamvis obiter saltem, fuerit vel excusatus vel approbatus, cum tamen ne ipse quidem Livius egregius aliàs & exactus, si quisquam alius, Romanarum actionum deprædicator aut defensor, raptum hunc ab injustitiæ nota, sine particulâ dubitationis indicè eximere audeat.

§. 6. Sed quod leges tamen Regias attinet, quantum quidem ex fragmentis earum dijudicare possumus, fuerunt illæ non solum statui Monarchico satis congruæ, sed & quæ sitam per easdem à Regibus esse promotionem justî ordinis & tranquillitatis publicæ,

publicæ, cuilibet statim ostendi poterit, si modò quis scopum earundem paulò attentius velit trutinare, in tantum, ut nonnullæ earum Imperatoribus Christianis vix indignæ esse videantur; de multis optandum sit, ut apud nos observentur. Ex legibus Romuli huc refero sequentes: *Populus Deorum fabulas ne credunto. Nocturnas in templo vigilas cum mulieribus non habento. Ne quis ante fœminas obscœna verba facito. Marito uxorem adulteram, veneficam, partus vel clavium suppostricem repudiare, deq; his criminibus cum cognatis judicare liberum esto. Mulierem, si vinum biberit domi ut adulteram puniunto.* Vide Eberlinum d. l. c. 4. p. 14. seq. Ex Numæ Pompilii legibus huc pertinet non solùm illa, cujus mentio fit l. 2. de mortuo inferendo: *ne mulier qua pregnant sit humetur, antequam partus ei excidatur.* Vid. Rupertum d. l. p. 52. Forsteri bistoriam Juris lib. 1. c. 7. p. 35. sed & vel maximè ea quam apud supra memoratos collectores non deprehendi. Clemens enim Alexandrinus apud Eusebium lib. 9. præp. c. 3. dicit. Numam Pythagoricum fuisse, & Mosaicâ nixum doctrina, legem dedisse Romanis, nullam imaginem DEO attribuire. Vide Georg. Hornii Hissor. Philosoph. lib. 4. c. 3. p. m. 232. Aliorum leges ut jam taceam.

S. 7. Quæ cum ita sint, videtur omnino populus Romanus contra jus fasque fecisse, quod unâ cum Regio nomîne & potestate leges quoque Regias omnes ejecerit. Neque enim prætere potuerant, factum Tarquinii imputandum esse præcedentibus Regibus, cum ipse Livius testetur: tyrannidem Tarquinio soli adscribendam, Antecessores autem ejus de Republica optimè fuisse meritos. *Libertas, ait lib. 2. c. 1. ut latior esset, proximi Regis superbia fecerat. Nam priores regnarunt, ut haud immerito omnes deinde conditores partium cæptæ urbis, quas novas ipsi sedes ab se aucta multitudini addiderunt, numerentur. Neque ambigitur, quin Brutus idem, qui tantum gloriæ Superbo exacto Rege meruit, pessimopublico id facturum fuerit, si libertatis immatura cupidine priorum Regum alicui regnum extorsisset &c.* Tarquinii adeo leges, si quas tulit, abrogandæ fuissent, ut quæ haud dubiè ad stabiliendam Tyrannidem tenderent. Ex priorum Regum legibus saltem illæ,

illæ, quæ Regium Statum tuerentur, quarum tamen paucissimæ fuerunt. Reliquæ enim vel respexerunt defensionem Imperii, at æqualem & regimini populari æquè communem ac regno; vel cultum sacrorum; At & hic parum immutatus fuit ejectis Regibus, & religio à Numa instituta etiam in statu liberæ Reipublicæ propagata est; vel deniquè negotia privatorum, ubi non solum exempla si. præcedentis ostendunt, quam sanctæ fuerint hæc parte leges Regiæ, sed & Dionysio Halicarnasseo teste *Antiq. Roman. lib. 5. p. m. 421.* Leges Servii Tullii, de contractibus humanæ admodum & populares erant, quas etiam propterea tanquam ad propositum suum parum aptas in universum Tarquinius sustulerat. Unde facile jam intelligis, quid Taciti verba velint, quæ in thesi adduximus; *Tullium sanctorem legum fuisse quibus ipsi Reges obtemperarent*, quæ aliàs intellectu difficilia sunt. Cum enim contractus ita sint Juris naturæ, & ita paritatem contrahentium requirant, ut æque Reges ac privatos obligent, non dubium est, quin Tacitus illis verbis leges contractuum à Tullio promulgatas, quæ idèò Dionysio populares vocantur, quod in iis conditio Regis & populi æqualis fuerit, intelligat. Etsi verò hæc de causâ etiam, memorante eodem Dionysio, istæ leges paulò post ejectos Reges & in odium Tarquinii à populo fuerint revocatæ, tamen non debebant in odium Tarquinii leges præcedentium quoque Regum desuetudine tolli.

§. 8. Ergo nulla alia ratio mutationis restat, quàm nimium regii status odium, quod etsi forte intuitu originis justum fuit, illud tamen modus fecerat iniquum maximè & rationi rectæ adversum; cum & nomen Regium & Tarquiniorum nomen potissimum ita horreret populus, ut eam ob causam vel vana instituerent, vel injusta plane & nullo jure defendenda susciperent. Nec obstant ea quæ differit Dionysius d. l. p. 420. *Quoniam, inquit, multa magna beneficia collata videbantur in rempublicam à Regibus, volentes hoc nomen in urbe servari perpetuò, jusserunt ut Pontifices & augures designarent unum aliquem è senioribus ad hoc idoneum, qui sacris tantum præesset, immunis à militia, vocareturque Rex sacri-*
ficulus,

*ficulus, primusque hunc honorem Roma accepit Manius Papirius vir Patricius, quietis amantissimus. Etenim si verum fateri volumus, videtur Dionysius verum quidem factum narrando genuinam, facti causam non posuisse. Tantum enim abest, ut hic sacrificulus rex in honorem Regum præcedentium fuerit institutus, ut potius id factum sit in eorum contemptum. Audi rursus Livium d. l. 2. c. 2. Rerum deinde divinarum habita cura, & quia quadam publica sacra per ipsos Reges facilitata erant, nec ubi Regum desiderium esset, regem sacrificulum creant. Id sacerdotium Pontifici subjecere, ne additus nomini honos aliquid libertati, cujus tunc prima cura, officeret. Sed quid verbis est opus, cum ipse Livius istum, quem memoravimus odii excessum non dissimulet, sic enim statim subjicit: *Ac nescio, an nimis undique eam (libertatem) minimis quoque rebus muniendo modum exceßerint, Consul enim alterius, cum nihil aliud offenderit, nomen invisum civitati fuit. Et quid magis barbarum excogitari potuisset, quàm Tarquinium Collatinum, stupro uxoris suæ tam indigna ab ejectis Regibus perpeßum, & strenuum Bruti in liberanda Republica comitem ac adiutorem, ideò saltem, quod nomen Tarquinii gereret, precibus & svasionibus, sed quæ vim minarum viro constanti etiã metum incutere valentium, haberent, eo adigere, ut Consulatu ex libera Populi voluntate vix suscepto se non solum abdicaret, sed & civitate cederet & extorris fieret. Ut de summo illo juris rigore, quo perpeßi sunt ut Brutus erga proprios liberos lubrico ætatis magis quàm ex malitia criminis reos justitiæ administratione faviret, ac de injusta affectati regni suspitione, quâ Valerius Consul gravatus fuit, aliisque multis istius odii speciminibus, à Livio & Dionysio dd. ll. adductis, jam nihil dicam.**

§. 9. Igitur exoleverunt leges Regiæ, non quidem lege, Tribunitia, ut vulgares Juris Justiniani editiones legunt, in d. l. 2. §. 3. de O. 7. (Hoc enim neque verbum *exoleverunt*, neque quæ de memoratone incerti Juris ibidem sequuntur, admittunt, & jam monuit Rittershusius in *Comment. ad LL. XII. Tabb. d. l. p. 9.* sensum Pomponii esse, lege Tribunitia ejectos esse Reges, non,

verò abrogatas esse leges Regias) sed tacitâ desuetudine, dum videlicet propter odium commune erga Reges nemo auderet, in obvenientibus privatorum controversiis ad leges Regias provocare, sed Consules aut alii magistratus pro arbitrio causas dirimerent, & etiam si aliquando contingeret, ut secundum sententiam legum regiarum pronunciaretur, non tamen fiebat amplius ex earum præscripto, quia poterat magistratus arbitrium suum dirigere in sententiam planè adversam, & ita factum fuisse non solum modò memoratæ circumstantiæ, sed & status maxime turbulentus Reipublicæ, prout à Livio & Dionysio describitur dubitare non sinunt. Quo pacto non potuit non jus incertum ac varians oriri, ut Pomponius *d. §. 3.* dicit, & sic Jurisprudentiæ quoque circuli, quæ antea in Jure Civili Papiriano normam satis exactam agnoverat, nimium quantum turbabantur, cum non possit non esse incerta Jurisprudentia ubi Jus incertum est. At incerta Jurisprudentia est flamma sine lumine.

§. 10. Non puto ea, quæ hæcenus recensui, sic comparata esse, ut cuiquam dubium movere possint, nec memini etiam ab aliquo vel Historico vel in Pomponium Commentatore aliquid afferri, quod nobis contradicat, nisi quod fluctus in simpulo moveat Georgius Eberlinus *de orig. jur. cap. 4. num. 15. seq. p. 22. seq.* defendens, non omnes leges Regias exolevisse, sed quasdam, at ita infirmis rationibus, ut sola earum recensio penè ipsas refutet. Videamus. Qui tamen, (Jctus) inquit, de omnibus legibus accipiendus non videtur sed de iis solummodo, quæ ad mores regios statumque regni pertinebant. Has enim & similes ad regiam dominationem constituendam pertinentes, à Junio Bruto Tribuno Celerum abrogatas esse, verisimile est: non eas, quæ vel divinas vel humanas res spectarent. Nam cum omnes Reges præter Superbum ita regnarent, ut quemadmodum Livius *d. libr. in pr.* tradit, Brutus idem, qui tantum gloria Superbo exacto Rege meruit, malo publico vel maxime id facturus fuerit, si libertatis immatura cupidine, priori Regum alicui Regnum extorsisset, consentaneum quoque est, ejusmodi leges ad popu-

lum eos tulisse, quæ è re, vel maxime civitatis fuerint, & sine quibus tuta esse communis salus nequiverit. Unde eas omnino sublatas esse, credendum non est, sed quasdam ex illis, quæ utiles accommodatæque Reipublicæ visæ sunt, licet non Regio nomine, more tamen ac consuetudine retentas fuisse atque observatas. Hinc patria potestas, quam Jure Romuleo constitutam esse ex superioribus constat, moribus recepta dicitur in l. Patre furioso 8. inf. de his qui sunt sui vel. al. jur. Imò nonnullas ex istis nominatim & repetitas & confirmatas esse, ostendit Dionysius lib. 5. antiq. Rom. fol. 205. Ubi νομοὶ συναλλαττινὰς Servii Tullii, hoc est, leges de contractibus, à Tarquinio Superbo sublatas, à Junio Bruto renovatas asserit, quod populares essent, & humanitatis æquitatisq; plenissima. Et Livius lib. 6. in pr. ubi post captam incensamque à Gallis urbem Tribunos militum consulari potestate creatos, de nulla re prius, quam de religionibus Senatam consuluisse, imprimisque sædera ac leges, quæ duodecim Tabula, & quædam Regiæ Leges fuerant, conquiri quæ comparerent jussisse significat. Idem lib. 24. p. 369. ita sub Valerii Tribuni plebis persona de Oppia lege loquitur: Hæc cum ita natura distincta sint: ex utro tandem genere ea lex esse videtur, quam abrogamus? an vetus Regia lex simul cum ipsa urbe nata? an (quod secundum est) à Decemviris ad condenda Jura creatis in XII. Tabulis scripta? Sine qua cum majores nostri non existimaverint, matronale decus servari posse, nobis quoque verendum sit, ne cum ea pudorem feminarum abrogemus. Denique Leges Regias post Reges ejectos usu ac consuetudine observatas, tandem in XII. Tabulas à Decemviris omnino conjectas fuisse, ita ut prioribus quatuor Tabulis Regiæ LL. continerentur, convincit Sex. Festus de verb. sig. p. 359. in voce Reus, ubi Numa legem secundam ex secunda Tabula producit. Et pag. 214. in voce Nuptias, citat l. Parens ex tabula tertia, dum ex Scaligeri re-stitutione inquit: Ob quam causam legem quoque parens, tab. 3. jubere caput ejus obnubere, qui parentem necavisset, &c. Nam eam legem Regiam fuisse, retulimus ex Festo supra in verb. Plorare. Sic Romuli legem illam, quæ patribus liberos ter vendendi potestas concedebatur, revocatum, ac in XII. tabb. quartam, 300. deinceps anno, relatum esse, testatur Ulpian. in fragm. §. 1. tit. 10. Dionys. lib. 2. antiq. Rom. ante medi,

medi. & Coccinus Ennead. 2. lib. 2. col. 241. in fine, quemadmodum & illa revocata & confirmata est, qua mulier, si pragnans mortua sit, humari vetetur antequam partus ei excidatur, cujus Marcellus meminit in l. negat. 2. inf. de mortuo infer. His Eberlini argumentis locò responsionis opponimus ea, quæ ex Cujacio ad l. 2. de O. J. notat Loewius p. m. 8. Sine exceptione omnes. Noli dicere eas tantum leges exolevisse, quæ fundabant Regiam potestatem. Nam & Jus omne certum ut prorsus exoleverit necesse est, si, ut subjicit, iterum P. R. incerto Jure uti cœpit. Non nego latæ XII. Tab. legibus, in eas plerasque ex Regiis fuisse revocatas atque descriptas, à prima origine eas potius Regias appellari, quam XII. Tab. resumpta antiqua appellatione. Quemadmodum Papinianus legem de patria potestate, & Marcellus de muliere pragnante non afficienda ultimo supplicio, legem Regiam vocaverunt, & lex quoque Regia de Imperio Caesarum qua populus eis summum cessit Imperium, cum non illi se Reges appellarent, sed dictatores & Principes.

§. 11. Sed videtur tamen primus hic defectus damnum, magis attulisse populo aut Reipublicæ, quam in specie Jurisprudentiæ, cum non videantur illo tempore fuisse, qui Jurisprudentiæ operam darent, & leges interpretarentur. Refert quippe, ex Cicerone Forsterus in *Historia Juris lib. 1. cap. 6. p. 34.* quod Romulus studia populi sic distribuerit, ut sellularias ac sordidas & turpibus cupiditatibus inservientes artes, ut corporibus atque animis tractantium noxias, servis & exteris exercendas commiserit: ingenuis duo tantum studia reliquerit, rei militaris ac rusticæ. Et institutum hoc Romuli à subsequentibus Regibus vel etiam initio liberæ Reipublicæ non mutatum fuisse, non dubitare finunt mores populi Romani, quatenus eos Livius describit & Dionysius, agrestes adhuc & feri, & nondum per disciplinam sapientiæ emolliti. Ad quæ tamen regere poteris: Jurisprudentiam & Jcti officium non esse ad legum professores, commentatores aut advocatos restringendum, sed idem omnino & vel maximè in sanctis Magistratuum vel Judicum personis debere subsidere, adeoque illam Juris incertitudinem vel Senatoribus & Patribus Conscriptis fuisse præjudicio, ex quibus qui Rempubli-

publicam administrarent & plebi Jus dicerent, tum eligebantur. Quidquid tamen hujus sit, illud diffiteri non possumus, corruptionem istam Jurisprudentiæ Romanæ quæcunque aut quantacunque etiam fuerit, ad nos parum pertinere, cum eidem nequaquam imputari possint difficultates hodiernæ. Nostra enim Jurisprudentia Romana, quâ utimur, in corpore Juris Justiniani continetur, ad cujus leges doctè interpretandas nihil faciunt leges Regiæ, sed initium potius erudito Juris Romani interpreti inde sumendum est, ut fontem illum omnis publici privatiq; Juris, ut Livius *lib. 2.* Leges XII. Tabellarum appellat, exactè noverit. Quare si harum intuitu nullos defectus annotare poterimus, erit forte in salvo Jurisprudentia Romana. Age videamus.

THESIS HISTORICA II.

Variis interea iisque gravibus diffidiis inter Patres & plebem ortis (a) tandem evenit, ut consensu communi tres legati mitterentur in Græciam, ut inde leges describerent atque colligerent. (b) Quibus reversis Decemviri creati sunt juris communis condendi gratia, qui etiam decem tabulis jus conditum populo publice proposuerunt, idque ad nutum populi emendarunt. (c) Sed cum viderentur adhuc quædam leges deesse, aliæ adhuc duæ tabulæ à Decemviris adjectæ sunt, quæ tamen demum abrogato iterum Decemviratu à novis Consulibus vim legis acceperunt, & ita leges XII. Tabellarum appellatæ sunt, (d) quæ adeo sunt fons omnis Juris Romani, (e) & leges sequentes ferè pro augmentis earum haberi debent.

(a) Livius *lib. 2. & 3. decad. 1.* (b) Livius *lib. 3. c. 31.*
p. m. 113. Dionys. Halicarn. *l. 10. fol. m. 676. edit.*

Sylburgii in folio. (c) Livius d. l. 3. c. 23. seq. Dionys. d. l. 10. f. 657. sq. 680. seq. (d) Livius d. l. 3. c. 34. & 35. Dionys. d. l. 10. f. 681. (e) Livius d. cap. 34.

ANNOTATIO.

SUMMARIA.

Democratiarum felicitas consistit in exaequatione patriciorum & plebis, horumque inter se benevolentia mutua §. 1. Neglectum, utrumque apud Romanos post ejectos Reges causa fuit omnis mali 2. Dissidia Patrum & plebis à morte Tarquinii usque ad creatos Tribunos plebis, propter nimiam favitiam senatorum in pauperes debitores plebejos. 3. Ubi maxima culpa Patrum fuit, Aristocratiam affectantium. 4. Indulta provocatio ad plebem & introductio Tribunorum plebis plus damni dedit Republica, quam si plebs Senatoriae dignitatis fuisset princeps facta. 5. Nova dissidia populi Romani occasione Legis Agraria 6. Tum de ferendis legibus utrique ordini aequis. Ex quo dissidio orta leges XII. Tabularum: quarum decem saltem initio cur publicata fuerint à Decem viris? 7. Decemvirorum tyrannis. Data Plebicis vis legum, dua postrema Tabula prioribus decem adjecta 8.

§. 1.

Ejectus erat Tarquinius ob libertatem conservandam, & intendebat utique populus ejectis Regibus, ut forma Rei publicae Democratica esset, in qua omnes imperant. Solet autem naturaliter evenire, ut in Rebus publicis, quibuscunque duo potissimum sint hominum genera, divitum unum & potentum, quibus administratio imperii regulariter conceditur, quique optimates, principes, nobiles, patricii vel simili nomine vocari solent; pauperum alterum, qui operis manuarii victum maximam partem quaerunt, quod plebis nomen sortitur. Hbs inter in statu hoc corrupto perpetua quasi est annulatio & clandestinum

num odium, cùm divites & potentes arbitrentur, naturâ quasi sic disponente sibi licere omnia in plebem, tanquam vulgus naturâ servum & stupidum; plebes econtrario sibi persvadeat, naturâ omnes nasci liberos, & hanc libertatem naturalem sibi omnibus modis tuendam esse, tueri verò commodius non posse, quàm si supprimantur datâ occasione Proceres, in quantum id fieri possit. Et nullum ferè regnum est, ubi æmulatio ista non quotidie effectus operatur tranquillitati communi parum profictuos, quam & Reges ipsi pro ratione status, seu apertius loquendo, pro ratione commodi sui momentanei, quantâ possunt industriâ fovere solent. Modo enim Potentibus & Patriciis nimium indulgetur, quatenus illi consilia suppeditant ad emulandam plebem & corradendas pecunias facientia; modo, si potentiam nobilium timeant, aut divitiis horum inhiant, plebis ope ad hos suppressendos utuntur, multaquæ privilegia re quidem inania, sed tamen Proceribus invidenda plebi concedunt. Quod si igitur æmulatio hæc sub statu Monarchico tantas radices in animis utriusque ordinis agere solet, ubi tamen utriusque saltem parendi gloria relicta est, facile præsumendum est, quantas vires hoc malum nacturum sit in Democratia, ubi utraque classis habenas imperii jure suo postulare potest. Unde summa Democratix felicitas in eo consistit, si inter nobiles & plebejos æqualitas virium & potentix legibus conservetur, exque intendant quomodo uterque ordo alteri mutuam benevolentiam & amorem variis suppeditatis occasionibus exhibeant. Et primum, ferè momentum in eo situm est, ut ex nobilibus pariter ac plebejis viri sapientes & virtute præditi eligantur, qui summam rerum administrarent.

§. 2. Unde videtur fundamentum omnium errorum subsequentium in Republica Romana in eo situm fuisse, quod cum tempore Regum magis ad virtutem quàm sanguinis nobilitatem respexisset populus, & Servium Tullium captivâ Corniculana natum, patre nullò, matre servâ, ob ingenium & virtutem ad regnum admiserit, solis Patriciis in statu liberæ Reipublicæ ejectis

Regibus Senatores esse permiserit, nec statim ex plebejo ordine etiam Senatores creaverit. Sed Patriciorum quidem non intereat ista monere, plebs verò regulis Prudentiæ Politicæ ferè destituta, beneficio ejecti Tarquinii inebriata, cogitabat solum, ne jugum Regis iterum subire cogeretur, de jugo Senatorum non cogitabat, quod horum industria Tarquinio ejectus esset. Accedebat quod plebs satis cautum libertati suæ esse credebat, postquam paulò post à Valerio Consule, qui propterea etiam Publicolæ nomen adeptus erat, leges populares maximè essent conditæ, interque eas præcipua de provocatione adversus magistratus ad populum. *Livius lib. 2. cap. 8.* Quin imò quamdiu Tarquinius vixerat, patres summâ ope plebi inserviebant. *Livius d. l. 2. c. 21.*

§. 3. Sed vix ex vivis decesserat Tarquinius, ubi nuncio mortis hujus erecti quidem essent & patres & plebs, sed patribus nimis luxuriosa ea fuit lætitia, & plebi injuriæ à primoribus fieri cœpere. *Livius d. l.* ut adeò statim civitas secum ipsa discors, intestino inter patres plebemque flagraret odio, maximè propter nexos ob æs alienum. *Livius d. l. 2. c. 22. in fine.* Cum enim finito bello restituerentur per senatum judicia, & controversiæ quæ propter bellum dilatæ fuerant ad judices legibus dirimendæ revocarentur, maximæ lites inter creditores & debitores oriebantur, dum plebeji se non esse solvendo quererentur, causantes se agris ob bellorum diuturnitatem tot annis exclusos fuisse, pecora perisse, mancipia partim transfugisse, passim hostium excursionibus adempta esse, bonaque urbana militiæ impensis esse absumpta, : Fœneratores verò referrent, communes omnium fuisse has calamitates, non solis incubuisse obærat, negarentque se ferre, posse, si præter illa quibus in bello ab hostibus spoliati sint, insupereaque quoque cogantur perdere, quæ pacis tempore petentibus civibus mutuum dederint. Itaque dum fœneratores nihil æqui admitterent, neque creditores quicquam justè promitterent, & illi ne usuras quidem remittere, hi ne credita quidem persolvere sustinerent, coetibus & conventiculis variis omnis ordo civilis conturbari incipiebat, *Dionys. lib. 6. f. m. 358.* Donec in seditionem flamma

flamma aliquantulum occultata erumperet, cive quodam à creditore durius quam par erat in vinculis habito, & plebs militiam detrectaret, usque dum Servilius Consul edictum promulgaret, ne quis civem Romanum vinctum & clausum teneret, quo minus ei nominis edendi apud Consules potestas fieret, ne quis militum qui contra Volscos ductu Consulis profecturi essent, bona possideret aut venderet, liberos nepotesve ejus memoretur. *Livius c. 23. 24. Dionys. l. 6. f. 367.* Quò facto cum undique ex tota urbe concurrerent, qui delectui militari antea resistentes ultro nomina apud Servilium profiterentur, feliciter adversus Volscos, Sabinos & Auruncos pugnatum est. (*Livius c. 25. 26. 27.*) Reversò verò populo, & promissa Consulis, fidemque Senatus expectante, Appius Claudius, qui ab Regillo Sabinorum oppido, quod populares ejus Sabini ipsi pacem cum Romanis svadenti, obtemperare nollent, Romam profugerat, ibique inter patres lectus, (*Livius lib. 2. c. 16.*) postea cum Servilio Consul electus erat, (*Idem cap. 21.*) vehementis ingenii vir (*Idem cap. 23. in f.*) & natura immitis ac efferatus, (*Idem c. 29.*) & insitâ superbia animo, & ut collegæ vanam faceret fidem, quam asperrimè poterat, jus de creditoribus dixit, ita ut & illi, qui ante nexi fuerant, & durante militia liberati, creditoribus rursus traderentur, & iterum necerentur alii. Quod ubi alicui militi accideret, collegam Servilium, appellare, & ad hunc concursus fieri omnibus promissa ipsius jactantibus, & ut auxilio esset consul civibus, imperator militibus suis postulantibus. Hic verò collegam non solum, sed omnem factionem Nobilium Appio adhaerentem metuens tergiversari, & sic medium se gerendo nec plebis vitavit odium, nec apud Patres gratiam iniit, Patres mollem Consulem & ambitiosum rati, plebs fallacem. Recrudescibat adeò seditio, turbabantur in jus vocationes & sententiæ consulum impediabantur, detrectabatur militia, & frementi Appio delectumque facere volenti vi resistebatur, donec in visi plebi Consules magistratu abirent, Servilius neutris, Appius Patribus mirè gratus. (*Livius d. l. 2. cap. 27.*) Non quievit tamen seditio creatis novis consulibus, sed vires

sumpsit & dissidium ipsos Patrum animos invasit, ut nihilo plus sanitatis in curia, quàm in foro esset. Tres potissimum erant Patrum sententiæ, de seditione plebis compescenda, una Virgini suadentis, ut iis qui superiori anno tam promptè bellum confecissent, concederetur remissio, ut creditoribus nec in corpora eorum jus sit, nec in bona, & idem jus quoque concedatur parentibus eorum usque ad avos, quin & natis usque ad nepotes, in ceteros jus esset creditoribus juxta obligationes contractuum. Secunda Largii, volentis universam plebem à contractibus liberari, cum hac solâ ratione civitas in concordiam videatur posse redigi; Appii Claudii tertia immitis ac dura: lascivire plebem, nec misericordiâ sed indignatione dignam, atque licentiâ nimiam ex provocatione ortâ, patientiâ ac modestiâ Patrum abuti; creandum esse dictatorem, à quo provocatio non sit, & facile desitutam esse multitudinem seditiosè agere. Vicit hæc ultima, quamvis horrida & atrox, quod patres utilitatem magis privatam commodo publico præferrent; in id tamen incubuerunt, ut non Appius, quem multi ex Senatoribus dictatorem optabant, sed M. Valerius, Valerii Publicolæ frater, vir mansueti & popularis ingenii, magistratum hunc populo ob ademptam provocationem displicentem, subiret. Hic de novo edictum proponens & fide data firmans, si de hostibus vindictam sumserint, senatum & has de ære alieno contentiones & alias petitiones æquas pro bellicâ virtutis merito concessurum esse, interim libera esse omnia corpora, omnia bona, qui fortiter certaverint, talia debere expectare præmia, quæ & rem familiarem possint restituere, & honore familiam illustrare. (*Livius l. 2. c. 29. 30. Dionys. l. 6. f. 370. 372.*) Allectæ iterum hoc modo plebi, ut nomina darent, & trifariam re bello bene gestâ, fides tamen à patribus non est servata, non culpa quidem Dictatoris, qui quam primum redierat, primam pro victore populo actionem in Senatu habuit, retulitque quid de nexis fieri placeret, Rejectâ verò ejus relatione, indignabundus, & senatui turbas ac mala futura prædicens ex curia egressus dictatura se abdicavit, favente plebe & laudibus eum domum

domum deducente, tanquam quem vices populi dolerent, & qui ex hac indignatione magistratu abierit, ut testetur per eum, non stetisse, quin promissa præstarentur. Factâ igitur mox Sicinio quodam autore secessione plebis in montem sacrum, missoque inde Menenio Agrippa, facundo viro & ex plebe oriundo, aliisque populo acceptis, tandem de concordia agi cœptum est, concessumque plebi, ut qui solvendo non sint, iis omnibus æs alienum remittatur, & si quorum corpora, quod præstitutum solutioni diem exceßerint, ex lege jam teneantur; vel si qui per iudices jam addicti sint creditoribus, liberi esse debeant, & condemnationes irritæ, de futuris verò contractibus, quicquid populus cum Senatoribus communi consilio statuerit, lege ratum esse debeat, ut ipsi sui magistratus essent Sacrosancti, quibus auxilio adversus consules esset, neque cui patrum capere eum magistratum liceret. (*Livius l. 31. 32. 33. Dionys. d. l. 6. f. 373. usque ad 410. maxime 405.*) Igitur creati sunt Tribuni plebis.

§. 4. Hic si quis Statum Reipublicæ Romanæ attentius consideret, necesse habebit, fateri eum ob continuum plebis ac Patriciorum odium fuisse miserrimum & ferè longè miseriorem, quam fuerat tempore tyrannidis sub Tarquinio, certè intuitu plebis. Præclara eam in rem est oratio L. Junii, qui Bruti cognomen ipse assumerat, pro plebe ad Legatos Senatus (ap. *Dionys. f. 396. seqq.*) Ubi inter alia memorat *f. 397.* quod toto imperii Regii tempore nihil detrimenti plebs acceperit à Regibus, præsertim novissimis, imò multa & magna commoda ad plebem ex illorum principatu redundasse, cum præter alia blandimenta, quibus more eorum, qui tyrannicum imperium stabilire satagunt, plebem sibi amicam, patribus infensam reddere studuerint, Sueffam urbem florentissimam longo bello expugnatam vulgo militum cedere maluerint, quam sibi retinere, ac divitias hac præda retenta sibi comparare. Et si verò vel ex hoc solo beneficio plebi præter mancipia & pecora opesque cæteras multas & luculentas virtutum, quæque minæ argenti tributæ fuerint, & tyrannidem suam non in plebem sed in patricos exercuerint, tamen plebem
facta

facta eorum pertasam esse, à benevolis Regibus descivisse. Senatus partes secutam esse, ac una cum patriciis Reges expulisse, & principatum eorum in patres transtulisse, nec postea ad reges exules unquam transisse. Tùm ejectis Regibus & parata communi libertate, plebem adjuvasse patres, honorem & imperium asserentes, majoremque existimationem quærentes & potentiam, & habentes adeo pro hostibus quicumque liberi esse cuperent, ac bellum penè omnibus hominibus intentarent. Quin cùm postea, apertè tyrannicam dominationem usurpaverit Senatus, ac plebis tanquam Mancipiorum operâ abuti cœperit, & ita eorum animos nimium à se alienaverit, desciscentibus interim populis subditis penè omnibus, Volscis, Aequis, Hernicis, Sabinis; precibus, sollicitationibus ac promissionibus à Senatu per Servilium & Valerium factis deceptam plebem oblitam præteritarum injuriarum, in futurum sperantem meliora, operam egregiam in debellandis populis memoratis præstitisse, sed semper tamen Senatum fefellisse & fidei per Consulem & Dictatorem data esse oblitum. Fœneratorum verò acerbiteriam fuisse intolerabilem, cùm ad ultimum eo miseræ perventum sit, ut plebei proprios agros ipsis coacti fuerint colere, fodiendo, plantando, arando, pecora pascendo, tanquam priorum Mancipiorum conservi, pars catenis nexi, pars pedicis, non nulli velut truculentissimæ bestiæ bovis aut massis orbicularibus. Quid quod tormenta & contumelias flagraque & labores è nocte in noctem aliasque multas violentas crudelitates, & injuriøsæ superbix specimina sustinuisse. Quarum sola commemoratio & recordatio animum omnium audientium non plebejorum solum, sed & ipsorum, qui à Senatu ablegati erant animos commovit, ut à lamentationibus abstinere & à lacrymis temperare non potuerint. Nec diffiteri potuit miseram hanc Reipublicæ Romanæ conditionem Titius Largius vir dignitate præcellens & prudentiâ, qui in conventu Patrum, quem Dictaturæ in Valerium, ut memoravimus, translatio sequebatur ex una parte, conquestus est de plebejorum, jussu consulum detrectantium inobe-

inobedientiâ, ex altera de propria Senatorum erga refractarios & liberius se gerentes morositate. Ex quorum utroque timendum sit, ne civitas non solum sit impotens futura & tuendis amicis & terrendis hostibus, sed & ne se ipsam perpetuis jactata seditionibus sit confectura, & hostibus sine labore traditura vi-
etoriam, idque brevi futurum esse opinatur, si ista Reipublicæ forma continetur, per quam Respublica quasi in duas civitates deducta sit, quarum alteram paupertas & necessitas regant, alteram satietas & insolentia, pudor autem & decorum, & jus quibus conservatur omnis civilis societas, ab utraque exulent, & manu jura reddantur, & summum jus ponatur in summa violentia, malentibus patribus adversariam plebem proprio malo perdere, quam propriæ securitati consulendo unâ cum illis manere incolumes. Vide Dionys. *d.l. 6. f. 368. 369.* Et profecto si verum fateri volumus, non videtur quidem absque omni culpa fuisse plebs, & demus adeo eidem Largio, quod, cum Legatus ad plebem in montem sacrum esset, illi objicit; minimam plebis partem contra voluntatem peccare, coactamque longâ inopiâ remissionem debitorum petere, plerosque verò luxui & lasciviæ esse deditos, qui pro libidine vivere velint, ac per rapinas cupiditatibus suis de alieno satisfacere: non diffiteri tamen nos permittunt modo memoratæ circumstantiæ, quin major culpa turbatæ tranquillitatis publicæ in patribus resederit, Democratiam, & in hac libertatem plebis satis apertè concutere intendentibus, & affectantibus formam introducere Aristocraticam. Et quid verbis est opus, cum id adeo non dissimulet factionis Senatoriæ princeps Appius Claudius, ut potius in prætextu hoc iniquissimo omne fundamentum sententiæ suæ asperrimæ ponat, non assurgendum ullo modo esse petitioni plebis. Dum enim apud Dionysium *d.l. 386. seq.* adversus Valerium Dictatorem acerbe, differit, inter alia dilucidè fatetur, se ideo tanquam insensus plebi esset & oligarchiam introducere vellet, traduci, quod Aristocratiam tueatur, quæ tamen intentio ipsi cum omnibus melioribus ex Senatu sit communis, cum omnes detrectent deteriorum & plebe-

T

plebejorum hominum imperium, & quam à majoribus acceperint rempublicam aristocraticam, non finant in speciem omnium deterrimam, Democratiam degenerare. Et *f. 388.* plebem post secessionem non amplius contentam fore remissione debitorum, sed etiam postulaturam jus æquum gerendorum honorum, & ut earundem rerum cum Senatu sint participes. Ergone Patres passurose esse, ut ad Democratiam res recidat, quæ forma Reipublicæ sit omnium crassissima & Patriciis maximè indigna, ut qui in alios affectent imperium. Denique *f. 389.* provocat ad alios populos finitimos, qui non recepturi sint plebem Romanam, cum & ipsi regantur ab optimatibus, nec apud ullam earum plebi æquum cum proceribus jus concedatur. Sed quid quæso impotentius & impudentius dici poterat ab Appio, quàm quod negaret summam rerum in Republica Romana non communem esse patribus & plebi, sed solis patribus competere, ut in Aristocratiâ moris est. Cum tamen & sub Regibus totus populus & sub eo plebs etiam de potissimis majestatis juribus participaverit. Ita enim Consules in eadem deliberatione ap. Dionys. *f. 392.* memorant: Legem Romanis fuisse jam inde ab urbe condita, quæ omnia in Senatus potestate posuerit, præter magistratuum creationem, legum lationem, & belli inferendi deponendique arbitrium. Horum trium quippe potestatem esse penes populi suffragia. An oblitus erat Claudius eorum, quæ ipse disseruerat, cum Dictatoris creationem svaderet ap. Livium *lib. 2. cap. 29.* Lasciviam plebis ex provocatione natam esse. Quippe minas esse consulum, non imperium, ubi ad eos qui una peccaverint provocare liceat. Et quo adeo jure poterat prætere, Aristocratiam esse cum à Senatu lege Valerii provocatio esset introducta ad populum, quæ provocatio in omnibus Rerumpublicarum formis indicio est, penes eum ad quem ultimo provocatur residere summum imperium. Unde & haud dubie factum est, quod cum initio juniores ex Senatoribus Claudii sententiæ assentirentur, consulesque hortarentur, ut meliori parti accederent, memores regiam se potestatem habere non plebejam,

jam, (*ap. Dionys. d. l. f. 391.*) mox tamen iniquitatem videlicet rei trutinantes, æquiores sententiam Menenii Agrippæ unâ cum Senioribus approbarent.

§. 5. Cogitemus ulterius, quam turbet rationem fastus & ratione destituta alios supprimendi cupiditas, ut cæcos faciat, eos, quorum animos infedit, eosque ita ineptos reddat, ne sibi ipsis prospicere valeant: in tantum, ut, ne aliis æqua & ad concordiam mutuam facientia concedere cogantur, citius majora, & discordiam perpetuò soventia sint indulturi. Nullum est dubium, si æquo jure ad Senatum plebeji cum patriciis fuerint admissi, infinitas seditionum & dissensionum occasiones per pluralitatem votorum fuisse præcisam. Imò & pro ipsis Patriciis, qui factiones quærebant in Senatu, hoc fuisset magis utilius, cum non difficile sit homini astuto & artium placendi perito, ex plebejis in partes trahere, qui numero votorum semper adversarios vincant. Sed si quis legat Historiam Romanam, deprehendet, maxima cura incubuisse Senatores, ne plebem in Senatum admitterent, & potius alia quævis etsi majus præjudicium Senatui creantia admisissent. Alibi C. Claudius monet Patres, ut cum populus postulavisset, ut Consulum alter ex Plebejis eligeretur, antepaterentur tribunos militum à plebe potestate Consulari creari, quàm ut consulatu unquam aliis, quàm patriciis cedant, quibus solis jus & fas sit eò cedi, (*Dionys, lib. 11. fol. 752.*) cum tamen sapienter iterum Valerius monuisset (*ibid. fol. 732.*) non posse civitatem esse liberam, è qua tolleretur æqualitas, viderique sibi quidem justam esse legem, quæ omnibus Romanis consulare imperium commune esse velit, qui inculpatam vitam egerint, & res isto honore dignas gesserint. Et concesserunt tamen isti homines summum imperium tantopere affectantes populo provocationem, qua mediante multi ipsorum actus poterant à plebe rescindi, & majestas Senatus in tantum minuebatur, ut non communicaretur cum plebe, sed ut potius hoc modo plebs omnino constitueretur superior Senatui, quia non potest provocatio concipi sine superioritate ejus, ad quem provocatur. Eadem dicen-

da erunt de tribunis plebis. Restiterat Appius ut vidimus *S. praecedi* ne paterentur Patres, ut ad Democratiam res recidat, neve plebi forte postulanti jus æquum gerendorum honorum, & ut earundem rerum cum Senatu sint participes, assurgerent; & postulationem tamen ut crearentur tribuni plebis, & ut hi sacrosancti aut inviolabiles redderentur admisit Senatus, quasi hoc modo non plus dissidii in rempublicam illatum, & plus auctoritati Patrum detractum fuerit, quam si plebem ad dignitatem Senatoriam admisisset. Equidem prætextus plebis creationem tribunorum petentis erat, ut essent magistratus, qui nullam aliam potestatem haberent, nisi, ut plebejis, injuriam & vim à patribus patientibus, succurrerent, nec paterentur quenquam suo jure, fraudari; (vid. Dionys. *d. l. 6. p. 409.*) & fortè etiam tum temporis bona fide eum scopum plebes sibi proposuit. Sed quid turbarum discerpta quasi potestas summa inter Consules & Tribunos plebis in Republica Romana dederit, docuit eventus. Et si enim primario jus Tribunitiæ potestatis magis ad impediendum data esset quam ad agendum, ut Plutarchus in *vita Coriolani* fol. 278. notat, tamen nec tribuni plebis semper intra limites potestatis suæ se continebant, sed iterius aliquando & leges ferre intendebant, nec impediébant saltem injurias plebi imminentes sed sæpius etiam Senatui justa exigenti resistebant; quin & quod ipsi inter se constituissent, si unus eorum repugnare ausus esset, impedire id poterat. Unde & Senatores sæpius studebant dissidia inter ipsos tribunos fovere. Uno verbo, eo ipso, quod jus Tribunitiæ potestatis saltem in impedimento consistebat, ipsi potestate summa destituti erant, quia tamen poterant Senatorum, actus intercessione sua nullos reddere, faciebant, ut nec senatus haberet majestatem. Et adeo dissensu inter senatum & plebem orto, nullum remedium legitimum supererat ex dissidiis istis emergendi, sed semper violentia aut pertinacia major unius partis vincebat alteram. Ergo si unquam Respublica statu vitioso laboravit, certè laboravit Respublica Romana. Et si quis modo ea, quæ in Livio *d. l. 2.* post narrationem creatorum tribunorum plebis

plebis sequuntur unâ cum *intero lib. 3.* legere velit, tot exempla deprehendet, ea quæ modo diximus, confirmantia, quot paginas leget. Momenta potissima paucis paragraphis in summam contrahemus.

§. 6. Sequenti anno ex quo Tribuni plebis creati essent, cum magna vis frumenti ex Sicilia advecta esset, inque Senatu agitaretur, quantum frumenti plebi, maxime ejus indigenti dari deberet, multi ex Senatoribus venisse tempus arbitrabantur, premeda plebis, recuperandique jura quæ extorta patribus essent vi & secessione, inprimis verò hanc rem strenuè urgebat Marcus Coriolanus insignis hostis tribunitiæ potestatis, quorum tamen sententia uti reliquis ex Senatu nimis atrox visa fuit, ita plebem summopere adversus Coriolanum excitavit, ut mox die ei à Tribunis dictâ, frustra Patribus pro ipso intercedentibus, in exilium missus fuerit. *Livius d. l. 2. c. 34. & 35.* Et videbatur adeò exilio Coriolani concordia Patrum & plebis utcunq̃ prospectum esse, nisi lex Agraria longè majus dissidium inter eos excitasset, quàm antea durities creditorum ergà debitores. Sp. Cassius Consul primus legem hanc promulgaverat, de dividendo videlicet agro publico ab hostibus capto vel etiam aliunde acquisito in plebem & socios victoriæ. Et quamvis Patres suspicarentur, nec forte sine ratione, Cassium his artibus affectare tyrannidem, ac paulò post Cassius id criminis incerto mortis genere expiaverit, (*Livius d. l. 2. c. 41. Dionys. Halic. l. 8. f. 537. seqq.*) haud diuturna tamen populi ira in Cassium fuit, & dulcedo agrariæ legis ipsa per se subibat animos accensaque ea cupiditas est malignitate patrum, qui devictis eò annò Volscis Aequisque, militem prædâ fraudavêre, & quicquid captum ab hostibus esset, vendidit Fabius Consul, ac redegit in publicum. Mox tribunis plebis legem agrariam iterum urgentibus, sed patribus nolentibus plebi per largitiones nova temeritatis incitamenta suppeditare assistentibus maximè Consulibus, per aliquod tempus ea pars Reipublicæ plebem vicit, donec plebis opera Senatus adversus Veientes omnia depopulantes & oppugnationem Romæ

ipsum minitantes, haberet opus. Ubi Sp. Licinius Tribunus plebis venisse tempus ratus per ultimam necessitatem legis agraria patribus injungendæ, per detractionem militiæ susceperat impedire rem militarem, nisi Consules blandis persuasionibus reliquos Tribunos in partes traxissent, quorum auxilio adhuc delectum obtinuerunt. (*Livius l. 2. cap. 42. 43.*) Sequenti anno Tiberio Pontificio tribuno plebis ad exemplum Licinii legem agrariam urgenti, & delectum impediendi, suadente Appio Claudio & ostendente, quod præcedente anno remedium jam inventum sit tribunitiam potestatem suis viribus dissolvere posse, universi patres comiter ac benignè tribunos appellaverunt, & horum intercessione novum delectum adversus Veientes obtinuerunt. (*Livius c. 44.*) Quò bellò finitò cum Cæso Fabius ac T. Virginus Consules creati essent, ille nihil magis in votis habebat, quàm ut jam aliqua ex parte inchoatâ concordia spe primo quoque tempore cum patribus coalescerent animi plebis. Itaque principio anni censuit, priusquam quisque tribunus agrariæ legis auctor existeret: ut patres ipsi suum munus facere occuparent, & captivum agrum plebi quàm maximè æqualiter darent, æquum enim esse, habere eos, quorum sanguine & sudore partus sit. Sed non adspersati solum istud consilium patres sunt, sed & questi quidam, nimia gloria luxuriare & evanescere vividum quondam illud Cæsonis ingenium. (*Livius c. 4.*) Ortò inde novò in Veientes bello, inque eo cunctis Fabiis cæsis tribuni plebem convecto veneno, id est agraria lege, agitare, & in patres resistentes incitare continuabant, præprimis in T. Menenium & Sp. Servilium. (*Livius c. 52.*) Tum & in Furium & Manlium, quos omnes Consulatu abeuntes, & hos ultimos quidem Genucius tribunus, ad populum quod legi agrariæ restiterint reos fecit. Illi sordidati non plebem magis quàm juniores Patrum circumibant, monentes inter alia: consulatum captum & oppressum à tribunitia potestate esse: consuli velut apparitori tribunitio omnia ad nutum imperiumque tribuni agenda esse. Quibus accensi vocibus patres atrocissimo facinore efficiunt, ut judicii die accusa-

tor Genucius domi mortuus inveniretur, pavescenteque maxime plebe Patres non satis moderate ferre lætitiæ poterant, adeoque neminem noxæ pœnitebat, ut etiam infantes id fecisse videri vellent, palamque ferrent: malo domandam Tribunitiam potestatem. (*Livius c. 54.*) Sub hac pessimi exempli victoria delectus edicebatur, faventibusque Tribunis sine intercessione ulla Consules rem peragebant, cum videlicet Tribunos exemplum Genucii terreret. Tum verò irasci plebs cœpit, tribunorum magis silentio quàm Consulum imperio, & dicere, actum esse de libertate suâ, cum Genucio unâ mortuam ac sepultam Tribunitiam potestatem, aliud agendum accogitandum quomodo resistatur Patribus, & seipsam plebs, quando aliud nihil auxilii habeat, adversus ipsos se defendat. Quô auditô cum alius alium incitasset, Volero quidam homo plebejus delectui Consulum & liëtoribus resistens, maximum tumultum excitavit, in quo cum appareret, parùm tutam majestatem Consulum sine viribus esse, violatis liëtoribus fascibus fractis è foro in curiam convulsi sunt. (*Livius c. 55.*) Voleronem amplexa favore plebs, proximis comitiis Tribunum plebis creavit, qui mox rogationem tulit ad populum, ut plebeji magistratus tribus comitiis fierent; Quæ rogatio patriciis omnem potestatem per clientum suffragia creandi tribunos quos vellent auferret. Cui actioni gratissimæ plebi cum summa vi resisterent Patres, magnis certaminibus res in annum extracta est. Ubi Voleroni socius datus Lætorius, majori adhuc acerbia plebem ad ferendam illam legem stimulabat. Sed utrique magnô nisu se opponens Consul Appius Claudius jam inde à paternis certaminibus invisus & infensus plebi tantas turbas dedisset haud dubiè, nisi alter consulum Quintius precibus plebem delinivisset, ut rem differri paterentur, ac tandem ab ipso Appio à senatu exoratum fuisset, ut pateretur tribus comitiis tribunos creari. (*Livius c. 56. & 57.*) Porro cum Appio consuli eadem in militia sævitia adversus plebem quæ domi, eoquè liberior esset, quod sine tribunitiis vinculis erat, ita exacerba-

acerbatus per eundem redditus fuit animus militum, ut omnia otiosè, segniter ac negligenter contra ipsius jussa agerent, & tarpi fuga à Volscis vinci mallent, quàm jussibus Ducis obsequi. Quibus nihil in fractus ferox Appii animus centuriones duplicariosque, qui reliquerant ordines, virgis caesos securi percussit, ex cætera verò multitudine sorte decimus quisque ad supplicium lecti sunt. Quamvis per id magis iram populi in se exacerbaverit Appius, intantum, ut depositò consulatu, cùm ordinum certamina de lege Agraria rursus inciperent, ipsi tanquam acerrimo adversario legis à Tribunis dies dictus fuerit. Nec evasisset condemnationem populi, nisi antequam prædicta dies veniret morbo fuisset mortuus. Cujus laudationem cùm Tribuni plebis impedire conarentur, plebs fraudari solenni honore supremum diem tanti viri noluit, & laudationem mortui tam æquis auribus audivit, quàm vivi accusationem audiverat & exequias frequens celebravit. (*Livius c. 58. 59. 61.*) Tum T. Æmilio & Q. Fabio Consulibus, Tribunum rem contra consules sæpè tentatam adjutore Æmilio obtineri posse rati iterum suscipiebant. Et consul manebat in sententia dandum esse agrum plebi, sed resistebat magna pars Patrum, totiusque rei invidiam à Tribunis in Consulem avertabant, ni Fabius rem expedisset dato consilio, ut Antium, propinquam & maritimam urbem non ita pridem captam colonia deduceretur: Quà sententia accepta, pauci tamen ex plebe nomina dedere, & cætera multitudo postcere Romæ agrum maluit quàm alibi accipere. (*Livius lib. 3. c. 1.*) Acquievit aliquantisper Tribunorum cura circa legem Agrariam, præprimis cùm populus bellis contra Æquos & Volscos per aliquot annos distraheretur, donec secundæ bellires extemplo urbanos motus iterum excitarent. Etenim Terentillus Arsa Tribunus plebis, Consulibus absentibus per aliquot dies patrum superbiam ad plebem criminatus, maximè in consulare imperium tanquam nimium nec tolerabile liberæ civitati invehebatur, addebatque legem se promulgaturum, ut quinque viri

viriqueentur legibus de imperio consulari scribendis. Quod populus in se jus dederit, eo consulem usurum: non ipsos libidinem ac licentiam suam pro lege habituros. (*Livius lib. 3. cap. 9.*)

§. 7. Res loquitur, & miseria status Romani hæcenus recensita, consilium hoc Tribuni, si in effectum deduci potuisset, forte ad concordiam stabiliendam fuisse aptissimum. Itaque in Monarchiis per leges fundamentales quæ appellantur, populus securitati suæ prospicere adversus tyrannicam potestatem solet. Non permittebat tamen fastus Patrum & insolentia plebis, ut effectui datum fuerit consilium Tribuni. Sed potius ad evitandum illud uterque ordo tyrannide Decemvirali Rempublicam penè suppressi passus fuit. Atque in mediis istis turbis leges nostræ XII. Tabb. ortum nactæ sunt. Rem paucis sic cape: Postquam postulatio Terentilli de Jure æquo in civitatem introducendo à patribus variis artibus elusa fuisset, (*Livius d. l. 3. cap. 9.*) subsequenti anno consultatum fuit de salute publica. In hoc igitur consensere omnes, submovendas tandem esse criminationes mutuas, atque unanimi consensu tractandam rempublicam, sed de modo non levis incidit disquisitio. Cum consules & patres turbarum causam in Tribunos referrent, ut qui novis institutis introducendis pristinae Reipublicæ formam abolere conarentur. Tribuni contra nihil se indignum majoribus, nihil iniquum aut noxium moliri dicebant, qui bonas leges & æquabilem sui juris tuendi potestatem introducere superent. Sed Consules & Patricios seditionis autores fore, qui legum confusionem & immoderatam, eminendi libidinem in urbe foverent, tyrannicosque mores affectarent. Hujusmodi altercationibus aliquot dies contriti sunt inaniter, donec Tribuni hoc omisso concionem advocarent, plebique pollicerentur, se legem de postularis suis laturus. Quod cum probaretur multitudini, sine mora legem jam antea in hos usus paratam Tribuni recitarunt, cujus capita erant hæc; Decemviros legitimis comitiis à populo debere

eligi, qui ætate ac prudentia præstantes honoris quoque atque
 bonæ existimationis rationem haberent. Eos viros leges de om-
 nibus negotiis tam privatis quàm publicis conscribere, & con-
 scriptas ad populum referre, hasque leges in foro poni debere,
 ut quid annuis magistratibus & privatis civibus inter se juris es-
 set, ceu limites definirent. Hâc lege propositâ potestatem fece-
 runt iis, qui dissuadere vellent, in trivundinum. Exiterunt-
 que multi ex senatu ejus legis disvasores, tum seniores tum ju-
 niores. At Tribuni, cum tempus sic teri agrè ferrent, non pro-
 posita amplius dissuadendæ legis potestate, diem certam statue-
 runt, ad quam omnes cives præsto essent, laturi videlicet tributis
 comitiis de lege ista suffragia. Aufui huic Tribunitio maximo
 conatu restiterunt Patres, negantes, se legum ferendarum pote-
 statem eis permissuros, non posse deteriores partem civitatis
 potiori leges præscribere, non competere Tribunitiæ potestati
 jus ferendarum & abrogandarum legum, sed solum ut vim & in-
 justa patientibus succurrat. Quibus tamen cum Tribuni se fle-
 cti non paterentur, per vim ipsi cum plebe à Patribus & juveni-
 bus foro pulsi sunt. (*Dionys. Halicar. l. 10. f. 627. 629. Livius lib. 3. c. 10.*
& 11.) Hos inter eminebat maximè Cæso Quintius, ferox juvenis
 quâ nobilitate gentis, quâ corporis magnitudine ac viribus.
 Quare Tribuni non ante quieverunt, quin per calumniam à po-
 pulo extorquerent, Cæsonem de vi in civem allata accusantes, ut
 ipse Cæso in exilium abire cogeretur. Ac putabant quidem eje-
 ctô ita Cæsone, scopum obtenturos, sed decipiebantur. Quàm
 primum enim post Cæsonis exilium de lege ferenda agi cœptum
 est, tot Patricii se Tribunis opposuerunt, ut plebs mille pro uno
 Cæsones extitisse quereretur. (*Livius d. l. c. 11. 12. 13. 14. Dionys. d. l.*
10. f. 630. usq. ad 634.) Et mansit continuum ferè litigium inter Tri-
 bunos & Patres per aliquot annos, Tribunis modo ferociter agen-
 tibus, & Consulibus delectum militare impedientibus, modo
 senatoribus plebem spe vana & promissis inanibus lactantibus
 (*Livius d. l. 3. c. 15. usq. ad 31. Dionys. d. l. 10. f. 634. usq. ad 676.*) Usque-
 dum Spurio Tarpejo & A. Terminio Consulibus Tribunilenius
 agere

agere cum Patribus inciperent: Finem tandem certaminum facerent, si plebejæ leges displicerent: At illi, ut communiter Legumlatores & ex plebe & ex Patribus qui utrisque utilia ferrent, quæque & quantæ libertatis essent, sinerent creati. Rem non aspernabantur Patres, daturum leges neminem nisi ex Patribus ajebant; cùm de legibus conveniret, de latore tantùm discrepabant; suâsu potissimum Romili concludit senatus, & plebs confirmavit, ut Spurius Posthumius Albus, A. Manlius, P. Sulpitius Camerinus legati Athenas & ad alias Græciæ urbes mitterentur, qui ibi Solonis leges & aliarum civitatum instituta tanquam moribus Romanorum convenientissima, describerent. Ex quibus postea Legislatores certi à populo Romano eligendi secernerent, quæ in usum publicæ rei futura essent. (*Livius c. 31. Dionys. f. 675. seqq.*) Per biennium absuerunt Legati, inde cum Græcis legibus reversi, mox à Tribunis postulatum fuit, ut Consules ex Scto legislatores crearent, qui tamen postulationem, hanc eludentes, ad futuros Consules Appium Claudium & T. Genutium rem detulerunt. Ergo plebs ad Appium & collegam confugiebat, eosque nunc pro concione nunc privatim sollicitabat. Tandem persuaserunt eis, ut pro plebe facerent. Igitur Claudius potissimum in senatu primo loco rogatus, eligendos Decemviros è senatus primoribus esse statuit, eorum annum fore imperium, & penes eos rerum summam sine provocatione esse debere. Interim cessare omnes magistratus cæteros, donec rursùm juxta leges creati fuerint, eosque Decemviros tum privatas controversias diremturos, tum reipublicæ tutelam administraturos. Approbata Appii sententia per Sctum, idem à Tribunis in concione publicè recitatum atque plebi commendatum, maximè verò autor ejus Claudius præconio mactatus fuit. Creatis itaque Decemviris, quos inter ferè totius magistratus regimen penes Appium fuit, ut qui omnibus modis gratiam plebis captabat, decimo quoque die Jus populi singuli reddebant. Reliquum tempus legibus condendis insumebant, ingentique hominum expectatione hi Decemviri leges tum ex Græcorum jure, tum

ex patriis consuetudinibus conscriptas in decem tabulas proposuerunt cuilibet cognoscendas, ut videlicet à quocunque privato desuper admoneri possint, & scripta sic confirmari, ut placerent omnibus. Diuque cum optimis quibusque in publico confederunt, & singulas leges ad exquisitissimum examen revocarunt. Ubi verò visa sunt sat rectè se habere, primum senatu coactò nemine amplius de ullà lege conquerentē Scitum de iis consecrunt. Deinde convocatò ad centuriata comitia populo, Pontificibus, Auguribus, ceterisque sacerdotibus presentibus, calculos dederunt centuriis. Tum plebiscito quoque confirmatas, & in æreas columnas incisas, una serie proposuerunt in loco fori maxime conspicuo. *Livius cap. 32. 33. 34. Dionys. d. l. 10. f. 670. mss. 681.*

§. 8. Videbatur ita potentia Decemvirali amplius non esse opus, quare cum non multum supererat de magistratu annuo, convocatis Patribus retulerunt Decemviri de comitiis; Sed vicit tamen eorum sententia, qui statuerant, continuandum esse Decemviratum. Prætextus fuit, quod aliquid videretur deesse legum numero propter brevitem temporis quo perlatae erant; qui prætextus haud dubiè ab Appio Claudio tyrannidem affectante per ramores populo persvasus fuit. (*Conf. Dionys. f. 681. Livius c. 34.*) Cum enim ex præcedentis anni Decemviris ipse solus iterum Decemviratum adeptus fuisset, per factiones homines minime claros & quos facile sibi obnoxios haberet, collegas impetrat. Ergo statim deposita persona non amplius dissimulavit superbiam, sed cum antea unus tantum ex Decemviris, qui iuri præesset, duodecim fascibus uteretur, primo magistratus die maximò terrore & Patrum & plebis singuli Decemviri cum duodenis fascibus in publicum prodeunt, ut decem Regum speciem præ se ferrent, & aliquandiu æquatus inter omnes terror fuit, sed paulatim totus vertere in plebem cepit. Abstinebatur à patribus: In humiliores libidinosè crudeliterque consuebatur. Hominum non causarum toti erant, ut apud quos gratia vim æqui haberet. Iudicia domi constabant, pronunciabant in foro, si quis Collegam appellasset ab eo, ad quem venerat, ita discedebat,

bat, ut pœniteret non prioris decreto stetit. Jam & procefferat pars major anni, & duæ tabulæ legum ad prioris anni decem tabulas erant adjectæ, nec quicquam jam supererat, si hæ quoque leges centuriatis comitiis perlata essent, cur eo magistratu Reipublicæ opus foret. Sed non confirmari curabant tabulas istas Decemviri in comitiis, nec de magistratibus novis creandis comitiâ habebant. Et rumor spargebatur, non in præsentis saltem temporis eos injuriam conspirasse, sed fœdus clandestinum inter ipsos Jurejurando ictum, ne comitiâ haberent, perpetuoque Decemviratu possessum semel retinerent imperium, & retinuerunt omnino frementibus frustra patribus, cum quibus nihil communicabant, sed omnia nutu proprio agebant, donec Sabini incurSIONem in agrum Romanum facerent. Hic demum Decemviri senatum convocabant, & quamvis in senatû M. Horatius & C. Claudius seriò adhortarentur Appium & reliquos, ut magistratum injustè retentum abdicarent, vicit tamen & hic Decemvirorum factio, prætendens, se non in unum annum creatos esse, sed donec leges quæ adhuc deessent, supplerentur. (*Livius c. 36. usq; ad 41.*) Ut verò libido Reges imperio privavit; sic & impotentia similis Appii urbem ab ista tyrannide liberavit, dum Appius amore virginis æstuans, postquam pretio ac spe frustra pudicitiam ipsiustentasset, ad crudelem superbamque vim animum convertit, & M. Claudio clienti negotium dedit, ut virginem in servitutem assereret. Quò factò ipse injustissimus judex contra omnem æquitatem & contra ipsas à se propositas decem tabulas vindicias secundum servitutem contra libertatem dedit, nisi pater puellæ Virginius necessario ferè facinore cultro eam publicè interimens, pudicitia saltem ejus, cum libertati non poterat, prospexisset. Inde in castra tendens, & funestissimam rem commilitonibus narrans, seditionem excitavit. Statim enim relictis castris plebs Aventinum insedit, & inde in sacrum montem decessit, nec antè in civitatem redire voluit, quam Decemviri se magistratui rursus abdicarent. Tum igitur Tribuni plebis & novi consules creati, qui omnium primum, cum veluti in

controverſo Jure eſſet, tenerentur ne patres plebiſcitis, legem centuriatis comitiis tulere, ut quod tributim plebs juſſiſſet, populum teneret, quâ lege tribunitiis rogationibus telum acerrimum datum eſt. Aliam deinde legem de provocatione ad populum decemvirali poteſtate everſam, non reſtituerunt modo, ſed etiam impoſterum muniverunt, ſanciendo novam legem, nequis ullum magiſtratum ſine provocatione crearet: qui creaffet, eum juſ ſaſq; eſſet occidi; neve ea cædes capitalis noxa haberetur. Poſtea Appio Virginius diem dixit, iſq; in carcerem conjeſtus, ſententia tamen adhuc dilata fuit. Hinc leges Decemvrales, ſcilicet decem illas tabulas jam antea publicatas, cum duabus illis à Decemviris in ſecundo anno adjeſtis quidem, ſed nondum publicatis, quibus adeo conjunctim XII. Tabulis eſt nomen, in æſincifas, in publico propoſuerunt. Appius autem ante diei adventum in carcere mortem ſibi conſcivit. (*Livius lib. 3. c. 34. uſq; ad 58. Dionyſ. Halicar. lib. 11.*)

OBSERVATIO II.

Imperfectionem vel ſtatus Romani vel Legiſlatorum ſapit, quod Leges XII. Tabb. à Græcis petitræ ſint.

SUMMARIA.

Legiſlator in legibus ſcribendis ſolum populum, cui leges fert, non alios reſpicere debet. §. 1. Non excuſat Romanos, quod Leges Græcorum fuerint optima, & inſtituto Romanorum aptiſſime. 2. Petens leges ab aliis propriam turpitudinem allegat, & amittenda libertatis periculum ſubit. 3. Non juvat Romanos, quod ex Legibus Græcorum ſelegerint Leges ſibi convenientes. 4. Petitio hæc indicat ſtatum Romanorum fuiſſe turbidum. 5. & ipſos Romanos prudentia Legiſlatoria deſtitutos. 6.

§. I.

Non potest Respublica subsistere sine legibus. Legum verò civilium omnium norma ad quam Legislator in ferendis legibus omnem curam intendere debet, est utilitas Reipublicæ, partim ut promoveatur, partim ut conservetur. Potrò omnes Respublicæ communi partim utilitate gaudent cum aliis Rebuspublicis, partim peculiarem aliquam utilitatem intendunt, priori quidem non oppositam sed subordinatam, at à prior tamen diversam. Unde tot ejusmodi sunt utilitates peculiare, quot omnino sunt Respublicæ ipsæ, infinitis quidem modis inter se variantes. Neque enim quod Monarchiis utile est, conducit Aristocratiis aut Democratiis, vel vice versa: quod stabilendo imperio absoluto utile est, idem non statim aptum est imperio restricto. Quid quod etsi in duabus Rebuspublicis exactè similis forma Regiminis observetur, non tamen propterea statim eadem erit utriusque utilitas. Nam diversitas geniorum in civibus, diversitas climatis, diversitas proventuum aut modorum acquirendi, diversissimas utrobique utilitates poterit producere. Et imò variant utilitates unius Reipublicæ multis modis, sic ut quod hodie utile est, post seculum vel etiam citius possit esse inutile. Ut adeò indubitatum ac sua luce radians Prudentiæ Politicæ axioma sit, Legislatorem in scribendis legibus nullo modo ad alios populòs vel Respublicas respicere debere; etiamsi magnam aliquam convenientiam habeant cum illa Republica, cui leges parat, sed solum debere considerare conditiones populi & regionum, quibus imperat, ac ad has applicare principia Politicæ, quibus jam antè instructus est; aut certe instructus esse debet. Ita Medicus, qui diætam homini ægrotanti vult prescribere, non circumspicit sollicitè ut alium hominem inveniat patienti suo simi em, & ad hujus diætam, alteram, quæ ab ipso desideratur, instruat; Sed unice in constitutionem, temperamentum & alias circumstantias sui patientis est intentus, & ad has solum applicat principia genuina Medicinæ. Ita sartor in aptanda veste ad corpus Titii non sollicitus est de corpore quod æqua-

æqualem figuram habeat cum corpore Titii, ut ad istud tanquam normam vestem Titii applicet, sed solum trutinando dispositionem corporis Titii ex principis artis sartoriæ vestimentum illud aptat.

§. 2. Ex dictis autem necessariò sequitur, parùm aptè in conscribendis Legibus XII. Tabularum Legislatores fuisse sollicitos de describendis legibus Solonis, & colligendis aliis legibus Græcorum, etsi Romilius, qui Legatos in Græciam hujus rei gratia mittendos esse suadebat, ea in ratione, consilium hoc suum fundabat, quod Leges Græcorum essent *optima, & instituta Romanorum convenientissima*. Vide Dionys. lib. 10. f. 676. Possunt leges utique esse optimæ intuitu hujus civitatis, quæ ad aliam applicatæ sunt insufficientes. Optima erat ad statum Hebræorum lex de coercendo furto pœna dupli vel quadrupli, cum in populo suo nec pauperes tolerarent, nec otiosos Hebræi. At eadem erit insufficiens apud nos, ubi suspendii pœna vix furandi libidinem reprimat. Nec sufficiebat, Græcorum Respublicas & maximè Atheniensium populari imperio gubernari, quod in Rempublicam suam introducere etiam per ejectionem Regum intenderat populus Romanus. Erat enim tum temporis magna inter Græcos mores & Romanos differentia, inter statum Atheniensium, qui haud dubie Democraticus erat, & statum illud Romanum turbidum ac incertum, in quo Patres Aristocratiam prætendebant. Vide annot. ad thes. 2. §. 4.

§. 3. Adde quod ultro propriam turpitudinem & ignorantiam alleget populus ab alio leges emendicans, vel certe ultro fateatur, illum populum à quo leges petit, majore prudentia, legislatoria esse instructum. Unde, quamvis digna Glossatoribus, id est, satis stulta sit fabella Accursiana de examine Legatorum Romanorum, à Græcis instituto, ut appareret, an digni sint quos Athenienses legibus bearent, quam adeo & jura suo exagitat post Budæum Rittershusius *Dodecad. p. 4.* profecto tamen ipsa hac petitione Romani se eum in statum posuerunt, ut non ægre ferre debuissent, si ejusmodi examen ipsis à Græcis fuisse

fuiſſet propoſitum. Quid quod ſubjectionis ſignum eſt leges ab alio populo petere, & facile adeo libertati ſuæ præjudicare potuiſſent, aliorum libertati jam tum inſidias ſtruentes Romani, in tempeſtivâ hac legatione. Certè timere debuiffent, ne Athenienſes legibus ad deſcribendum datis aſtutè aliquas immiſcerent, quæ tranquillitatem publicæ rei Romanæ à longinquo turbare & potentiam eorundem deſtruere poſſent.

§. 4. Nec eſt quod urgeas, noluiſſe Romanos leges Athenienſium cæco amore & abſque diſcrimine in Rempublicam introducere, ſed potius *ex §. 7. & 8. annor. præced. conſtare*, quod ex iſta legum collectione poſtea Decemviri debuerint ſeligere ea, quæ ad ſtatum Romanum apta eſſent, uti etiam ab ipsis factum reverà eſt. Nam parum adjuvabis hac excuſatione prudentiam Romanorum. Aut enim ponebant fiduciam Romani, Legatos in Græciam mittentes, in futuris legiſlatoribus, eos prudentia legiſlatoria fore inſtructos, aut ipsis diffidebant. Si prius, cur non ſtatim concedebant ipsis, ut leges conderent ſine legibus Græcis. Si poſterius; An putabant, eos qui ad leges proprio Marte condendas eſſent inepti, aptos eſſe aliorum legibus emendandis? Medicus qui ipſemet ignorat præſcribere medicinam ægroto, quomodo docere poterit vitia ab aliis admiſſa, eaque corrigere. Sed fortè prudentibus ſuis legiſlatoribus volebant laborem diminuere, ne videlicet anxie circumſpicerent de legibus optimis ad ſtatum Rei Romanæ aptis, ſed ex farragine legum variarum ſeligerent abſque labore optima quæque. Quafi verò homini verè docto non ſit difficilius, aliorum cogitata emendare & in ordinem redigere, quàm ex theſauro cogitationum propriarum aliquid erudito orbi proponere. Igitur etſi conſideremus iſtud conſilium Romanorum de legibus à Græcis petendis, quacunque parte velimus, deprehendemus tamen ubique, illud à regulis Prudentiæ Politicæ deviaſſe, & iudiciò eſſe vel ſtatus publici inſigniter corrupti, vel prudentiæ legiſlatoriæ apud Romanos tum temporis exulantis, aut forte utriusque.

§. 5. Corruptum fuisse ex aſſe ſtatum Reipublicæ Romanæ docuit equidem abundè ſatis annotatio præcedens. Non poſſumus tamen non vel ex hoc ſolo conſilio novum argumentum corruptionis iſtius petere. Videtur equidem primâ fronte dicendum eſſe, propoſuiſſe Romilium iſtud conſilium de mittendis Legatis in Græciam, ut plebs non ſuſpicaretur, quaſi Patres in legibus condendis vellent jura plebis infringere & propriam potentiam ſtabilire, ſed ut potius jura colligerentur ad ſtabiliendum ſtatum Democraticum quàm maximè apta, quod plebs optabat. Certè ita plebem interpretatam eſſe hoc Romilii conſilium, ex eò colligi poteſt, quod Siccus Tribunus plebis (qui paulò antè Romilio diem dixerat, & quod hic notabili ſumma mulctatus eſſet, in cauſa fuerat) prolixè hominem laudaverit, quod non tam privatarum ſimultatum quàm Reipublicæ rationem habuiſſet, candidoque animo, quod ex uſu futurum judicaſſet, retuliſſet *Dionys. d. l. 10. f. 676*. Sed ſi iſta fuiſſet Romilii & Patrum intentio, cur nolebant admittere petitum tribunorum æquiffimum, ut communiter Legumlatores & ex plebè & ex Patribus eligerentur? Cur daturum leges neminem, niſi ex Patribus urgebant? *Livius lib. 3. c. 31*. Cur poſtea creatis Decemviris neminem ex Plebejis admiſceri volebant, & conſiliis ſuis plebem diſponebant ut tandem in hoc Patribus aſſurgeret? *Livius c. 32*. Ergo mihi quidem & genium patrum, & indignationem Romilii, quam erga plebem & tribunos fovebat conſideranti, videtur quidem Romilius ſpecie hac benevolentix plebem decepiſſe, reipſâ verò per hoc conſilium petitionem plebis eludere voluiſſe. Reſtiterat ſenatus per quinquennium & ultra deſiderio tribunorum jus æquum poſtulantium; Illo tempore vi aperta reſiſtere amplius conditio ſtatus non admittebat. Ergo moras quarebant, & tales quidem, quas plebs non facile ſuboleret. Quid enim ſpecioſius quàm quod legati in Græciam mitterentur petendi Juris gratiâ? At tempore ad id iter perficiendum erat opus, uti & ultra biennium legati conſumebant. Poterat per biennium rerum ſtatus mutari, & Tribunorum poteſtas fortè mi-

minui, ut apertius iterum Patres legumlationi resistere auderent. Hæc mihi genuina videtur fuisse ratio, cur Romilius consilium de legatis in Græciam mittendis dederit, etsi solers aliàs harum rerum indagator Dionysius hic taceat.

§. 6. Accessit & altera, conscientia videlicet propria populi Romani, quàm curta esset ipsis supellex, & quàm destituerentur viris Prudentia Legislatoria probe instructis. Res evidens, & ex historia Romana facilè conspicienda. Primi Cives Romani turba erat hominum asylo Romuli conquistorum, non sapientium certè & prudentiâ præditorum, sed quos vel vita pessimè acta, vel urgens æs alienum societatem hanc inire coëgerat. His Romulus pro lubitu ferè imperitaverat. Post cuius excessum Pompilius regno præfectus est. Erat is quidem, vir summæ virtutis & imprimis sapientiæ studiosus. Plutarchus & Ovidius Pythagoræ sectatorem fuisse tradunt. Clemens etiam Alexandrinus apud Eusebium *lib. 9. περὶ. cap. 3.* Pythagoricum fuisse, & Mosaicâ nixum doctrinâ legem dedisse Romanis, nullam imaginem Deo attribuere. Quod quomodo consistere possit illi viderint, qui demum Tarquinii Superbi tempore Pythagoram in Italiam venisse tradunt. Is Numa, Pompilius jam non contentus bellicis laudibus, quibus Roma sibi & imperium & famam sub Romulo quæsierat, animum ad pacis artes adjecit. Instituire feroces animos religionē sapientiaque voluit. Igitur quæ ad Theologiam & Philosophiam spectant, sedulo excoluit, excultaque suis civibus tradidit. Videtur tamen eventus non respondisse. Nam populus in ferrum præceps nondum parto imperio cui destinatus erat, alienior erat à Musarum otio. Quod cum sagacissimus Numa videret, ne tantarum rerum notitia paulatim intercideret, scriptis præcepta & placita Philosophiæ consignavit, quæ cum demortuo in arca lapidea condita fuerunt, ut Livius, Plutarchus & Plinius tradunt. Ejectis Regibus, ut vidimus, soli cupidini regnandi à Patribus studium impensum fuit, populus autem Romanus artibus pacis neglectis, solis belli negotiis operam dedit. Adeoque tota Phi-

lofophia usque ad bellum Punicum II. veluti cum Numa sepulta jacuit. Et quanta barbaries tempore Decemvirorum Romæ fuerit, vel ex eo conjicere licet, quod successu temporis & post annos plurimos, ubi jam tum populus Romanus inscitiam & ignorantiam magis excussisse debebat, auctoritate publica factum est. Cum enim Cornelio & Bëbio Coss. in agro Petilii scribæ sub Janiculo arcæ duæ lapideæ repertæ fuerint à fossoribus, in quarum altera corpus Numæ erat, in altera septem latini libri de Jure Pontificio, id est, ritu sacrorum, itemq; Græci totidem de disciplina sapientiæ, libri hi Græci solum ad instantiam Prætoris, qui jurabat contineri in istis talia, quibus cultus Deorum, (idololatricus videlicet, & dictamini rectæ rationis maxime adversus,) destrueretur, publicè cremati sunt. Vide *Livium lib. 40. cap. 29. Valer. Maxim. lib. I. cap. I. n. 12. p. m. 18. Adde Hornium Historia Philosoph. l. 4. c. 3. p. m. 232. seqq.* Et post introductas leges duodecim tabularum, in scholis pueri præcipue has leges tanquam carmen aliquod necessarium discebant, & qui Juris interpretationi dabant operam sapientes appellabantur, de quo suo tempore dicemus plura. Conf. interim Hornium d. l. p. 239.

OBSERVATIO III.

Imperitia legum condendarum & astutia, ex modo quem Decemviri in conficiendis Legibus XII. Tabularum adhibuerunt, elucet.

SUMMARIA.

Hermodorus Ephesus tabulas priores decem nomine Decemvirorum conscripsit, his & Græci sermonis planè ignavis, & prudentia legislatoria omninò destitutis. §. 1. Decem priores tabule ad rumores hominum plebejorum correctæ. 2. Duæ tabule posite ad fovendas dissensiones inter plebem & Patres à Decemviris adjectæ. 3. Ostenditur encomium Decemvirorum, quod ipsis sub Crassi persona Cicero tribuit, hyperbolicum aut catachresticum esse. 4.

§. 1.

Sed præterquam quod communis illa ratio in observatione præcedente exposita, jam indicet, Decemviros Prudentia legislatoria parum instructos fuisse, plures aliæ, quæ nobis id persuadeant, ex ipso modo easdem condendi desumi poterunt. Pomponius l. 2. §. 4. de O. J. memorat: Legum XII. Tabularum ferendarum *Auctorem* Decemviris fuisse Hermodorum quendam Ephesium exulantem. Dionysius equidem & Livius ejus non meminerunt, sed meminit Plinius l. 34. c. 5. ubi vocat eum Legum quas Decemviri scribebant *Interpretem*, ei que columnam publicè erectam fuisse dicit. Strabo lib. 14. *Geograph.* dicit eum leges quasdam Romanas *scripsisse*. Quamvis autem hoc ultimum displiceat Eberlino de O. J. c. 5. p. 33. videntur tamen commodè hi autores sic conciliari posse. Destituebantur Decemviri notitiâ sermonis Græci, in quo perscriptæ erant leges allatæ, destituebantur prudentiâ legislatoria. Utriusque verò callentissimus erat Hermodorus, vir qui ob excellentiam suam, ab Ephesiis erat ejectus, (ut apud Strabonem d. l. Ciceron: l. 5. Tuscul. sub finem videre est.) Ergo cum Decemviri voluptatibus & cupidine imperium suum stabiliendi, vel etiam negotiis ingenio ipsorum aptis essent dediti, admiserunt non solum, ut Hermodorus esset *Interpres* legum allatarum, sed & ut ipse priores 10. Tabulas solus eorum nomine *scriberet*, unde nec malè à Pomponio *autor* Decemviris idem fuisse memoratur ferendarum legum duodecim tabularum. Quamvis enim sit, qui hæc verba Pomponii ad posteriores tantum duas tabulas prioribus x. adjectas referenda putet, tamen rectè jam notavit Jacobus Gottofredus in *Hist. Leg. XII. Tabb. cap. 2. p. m. 14.* id à vero alienum videri. Et huc etiam videtur respicere voluisse Heraclitus, dum ita scripsit ad Hermodorum: (apud Gottofr. d. l. p. 15.) Visio me docuit: omnia orbis terræ diademata venire sautatum *Leges suas*, & Persarum more ore clauso eas adorare. Illas autem perfrare in statu majestatis pleno. Plura de Hermodoro vide in *notis Variorum* ad d. l. 2. §. 4. de O. J. p. v. 11.

§. 2. Videntur tamen Decemviri Hermodoro huic, quamvis viro optimo, non satis adesse, fortè quod arbitrarentur, Hominem Græcum non satis intelligere quid utile futurum sit Reipublicæ Romanæ. Ergò ut huic diffidentia consulerent, partim etiam, ut plebejorum animos sibi faventes magis redderet Appius, specioso prætextu populo primum censendas offerunt decem illas tabulas: versarent in animis secum unamquamque rem; agitarent deinde sermonibus, atque in medium, quid iniquaque re plus minusve esset, conferrent: eas leges habiturum populum Romanum, quas consensus omnium tulisse videri posset. Cum ergò *ad rumores hominum*, inquit Livius lib. 3. cap. 34. de unoquoque legum capite edito, satis correctæ viderentur, tunc demum centuriatis comitiis perlatæ sunt. Non ita vilis habenda potestas legislatória, ut cuilibet homini vili ac imprudenti eadem subjiçatur. Etiam ubi indubia Democratia est, committitur potestas Legislatória viro præ cæteris prudenti ac erudito, ut apud Athenienses Soloni, vel certè viris selectis, quibus Reipublicæ administratio creditur, etiam jus Legum cõdendarum committi solet, aut certè rogatione ad populum proponi, ut pluralitas votorum, lex ferenda sit, nec ne, decernat. Nunquam ab arbitrio hominum vilissimorum de plebe, & singulorum quidem ac paucorum, lex dependet. At hic ad rumores hominum correxerunt leges suas Decemviri. Sapientius Apelles, qui ad rumores quidem prætereuntium corripbat picturas suas, sed non ultrà quam captus eorum id suaderet, & ne futor censuram ultrà crepidas extenderet. Mitigat equidem Dionys. hanc circumstantiam, dum *d. l. 10. f. m. 681.* sic ait: Decemviri proposuerunt Decem tabulas cuilibet cognoscendas, ferentes admoneri se à privatis hominibus, & scripta sic conformantes, ut placerent omnibus. Diuque cum optimis quibusque in publico federunt, & singulas leges ad exquisitissimum examen revocarunt. Ubi verò visæ sunt sat rectè se habere, SC. de eis fecerunt &c. Sed res ferè eodem recidit. Ne Jupiter quidem, quod in proverbio est, omnibus placet, mirum si leges omnibus placu-

placuerint. Sederunt verò Decemviri cum optimis quibusque in publico. Sed quinam illi optimi? An qui plebi faverent, an qui patribus? An forte qui neutris partibus, sed salutis publicæ erant addicti? Sed quinam illi? Paucis. Si verba Livii sectemur, imprudenter leges correctas esse constat, sin Dionysium, astutia Decemvirorum elucet, plebi imponentium, & præ se quidem ferentium, ac si ex singulorum monitis leges emendarent, reverà autem in publico legum emendatores associantium sibi, qui palàm plebi faventes viderentur, clanculum verò à Decemviris jam corrupti essent.

§. 3. Sed esto, priores decem tabulas satis æquè prospexisse utilitati communi. Quid opus erat postremis duabus tabulis. Omnia tum rumore peragebantur. *Vulgatur deinde rumor*, ait Livius *d. c. 34. duas deesse tabulas*, quibus adjectis absolvi posse corpus omnis Romani Juris. Aperta hic calumnia Appii Claudii ut Decemviratus adhuc per sequentem annum continuaretur. Vide Livium *d. l. c. 35. Dionys. Halicar. d. f. 681. Ineptus rumor. Vulgatur*: non aliquid deesse decem tabulis, sed præcisè duas *deesse* tabulas, quasi autor rumoris Appius istas duas postremas tabulas jam confici curaverit, & studio non adjecerit, partim ut causa subesset iterandi magistratus, partim quod in illas conjecta essent quæ nolebat ad rumores plebis emendari, sed quæ aperte plebem cum Patribus colliderent, ac animos eorum à se invicem alienarent. Non immeritò Zonaras *Tom. II. ap. Gottofr. in Histor. leg. XII. Tabb. p. 13.* Serò tandem sub anni ferè finem pauca quædam in duas Tabulas suapte autoritate adscripserunt, *non ad concordiam, sed ad majores dissensiones* pertinentia. Nec dissimulat Dionysius Halicarnassæus *circa finem libri 10. f. 684.* Appius, ait, cum collegis suis legibus quæ deerant, in duas Tabulas scriptis, addidit eas decem prioribus. Inter quas & hæc lex erat: Ne patriciis cum plebejis licita essent connubia, non ob aliam, ut ego interpretor, causam, quam ne per mutua familiarum connubia atque affinitates *coalesceret inter ordines concordia.*

§. 4. Quæ singula dum pensito, concipio quidem, Decemviros

viros fuisse homines astutos, præprimis Appium; prudentes fuisse & habitu Legum condendarum instructos, concipere nequeo. Nec miror adeo ea, quæ quis ex Cicerone contra assertionem nostram possit objicere. Hic enim lib. 1. de oratore, sub Crassi persona p. m. 278. modo dicit: *Decemviri, qui XII. Tabulas perscripserunt, quos necesse est fuisse prudentes.* Modo eois omnibus Græcis anteposit. *Percipietis etiam, inquit d. l. I. de Oratore p. m. 314. illam ex cognitione juris lætitiā & voluptatem, quantum præstiterint nostri Majores prudentia cæteris gentibus, cum facillimè intelligetis, si cum illorum Lycurgo, & Dracone, & Solone nostras leges conferre volueritis. Incredibile est enim, quam sit omne Jucivile præter hoc nostrum inconditum ac penè ridiculum, de quo multo soleo in sermonibus quotidianis dicere, cum hominum nostrorum prudentiam cæteris hominibus & maximè Græcis antepono.* Ait vero Cicerò, Decemviros anteponendos esse Soloni, Lycurgo, &c. qui si absque Legibus Solonis fuissent, ne unam quidem Tabulam condere potuissent; Græcis anteponendos esse, qui absque Hermodori Græci hominis opera non intelligebant leges Græcorum, & cui ferè unico, ut ostendimus istum thesaurum omnis sapientiæ, Romanæ debemus. Certè non possum neque amore patriæ neque aliis coloribus excusare hanc apertam Ciceronis adulationem, nec in oratore tolerare tantum fastum, qui non, dicam Philosopho, sed Ciceroni est maximè indecens, homini sapienti, & res tam evidenter absurdas dicere non assveto. Nisi fortè id unicum pro defendendo Cicerone afferre velis, nequaquam ea, quæ in d. l. I. de Oratore continentur, sententiam ratam Ciceronis continere, sed potius omnia ibi disputari more Academico ut aliàs plerumque solet Cicero. Unde non solum ea quæ ante sub Crassi persona prolixè disseruerat, fusius postea refutari ab Antonio, vel certe à Cicerone sub Antonii persona d. l. 1. de Oratore p. m. 317. & seqq: sed & initio libri 2. p. m. 337. apertè latis profiteri Ciceronem, temperasse se sermonem in libro primo ad personas Crassi & Antonii, quorum genium ita describit: *Fuit hoc in utroq; eorum, ut Crassus non tam existimari vellet non didicisse,*
quam

quam illa despiceret, & nostrorum hominum in omni genere prudentiam Græcis anteferre: *Antonius autem probabiliorẽ huic populo orationem fore censebat suam, si omninò didicisse nunquam putaretur, atque ita se uterque graviorẽ fore, si alter centemnere, alter ne nosse quidẽ Græcos videretur. Quorum consiliũ quale fuerit nihil sanè ad hoc tempus &c. Quicquid autem hujus sit, & qualiscunq; etiam fuerit Ciceronis de Decemvirorum sapientia opinio, nobis sufficiet, ea quæ hæcenus dicta sunt, luculenter ostendere encomium istud Decemvirorum, quod iis sub Crassi persona tribuitur, hyperbolicè aut, si mavis, catachresticè dici.*

OBSERVATIO IV.


Non ubiq; æquitatem observarunt Leges XII.

Tabularum.

SUMMARIA.

Communiter JCI encomia Legum XII. Tabularum absq; judicio colligunt §. 1. quorum ea, quæ à Cicrone petuntur & Tacito, examinantur 2. & 3. Rigor Juris veteris furti actionem adversus eum indulgentis, qui re aliter atque convenerat, fuerat usus. 4. Disceptatio Favorini apud Gellium contra æquitatem legis XII. Tabb. 5. Pœna viginti quinque assium & talionis contra injurias 6. Immanitas legis XII. Tab. concedentis creditoribus dissectionem corporis debitoris obarati 7. Ostenditur parum aptè immanitatem hanc à Cæcilio contra Favorinum defendi 8. Alia iniquitas Legis XII. Tabularum in prohibitione conjugiorum inter Patres & plebem. Respondetur Rittershusii rationibus pro illa lege. 9. Obiter de questione, utrum consultum sit, ut nobiles & plebeji matrimonio jungantur? 10.

§ 1.

on is sum, qui Leges XII. Tabularum debitis laudibus privare allaboret. Nec tamen amor veritatis absque indignatione ferre potest, quod JCTos videam uno ore ferme

mè summis in cœlum laudibus fontes hos Juris Romani efferre atque sic deprædicare, ac si nihil omnino esset, quod jure meritoque in istis desiderari posset. Unde officio suo putant se fecisse satis, si solum encomia legis XII. Tabularum à Romanis eis dicta absque judicio conglomerent, non curantes, quinam sint, qui ea protulerint, & qua intentione id ab illis fuerit factum, sermone hæc dixerint, an more oratorio, ex amore veritatis, an ex præconcepto affectu erga patriam & majores, & quæ debent alia circumstantiarum momenta in hoc negotio exactè pensitari. *Vide notas variorum ad l. 2. §. de orig. Juris ad verba: Leges XII. Tabb. p. m. ii. Jacob. Gottofr. in Historia Legum XII. Tabb. cap. 7. integro, quod commendationem legum istarum continet p. 18. seqq.* Nos hic saltem duo præcipua encomia à Cicerone & Tacito petita paucis consideremus.

§. 2. Ex Cicerone produci iterum in scenam solet Crassus, qui d. l. 1. de Oratore p. m. 313. totam civilem prudentiam descriptis omnibus civitatis utilitatibus ac partibus XII. Tabulis contineri ait. Tolerari hoc poterat, si modeste interpreteris, leges XII. Tabularum esse fontem omnis privati publicique Juris; ut Livius loquitur l. 3. c. 34. Sed quæ mox sequuntur, iterum ingenium Crassus §. ult. observat. præced. notatum, sapiunt: *Fremant omnes licet, dicam quod sentio, bibliothecas me hercule omnium Philosophorum unus mihi videtur XII. Tabularum libellus, si quis legum fontes & capita viderit, & autoritatis pondere & utilitatis ubertate superare.* Quod encomium uti ferè communi consensu à JCtis nostris tanquam indubitatum & omni exceptione majus ebuccinari solet, ita eidem non solum opponimus ea, quæ jam suprâ notavimus d. §. ult. Sed & Ciceronem opponimus Ciceroni. Neque enim solum idem Antonium introducit. d. l. 1. de Oratore p. 331. contemptum quasi Crasso reagentem, Oratoris facundiam efficere posse, ut totum illud: uti lingua nuncupasset, sic negligereetur à populo, ac si non in XII. Tabulis, quas tu omnibus bibliothecis anteponis, sed in magistri carmine scriptum videretur: Sed & lib. 1. de legibus p. m. 159. sub fratris persona dicit: *fontem legum & Juris non à Pra-*

toris edicto, ut plerique nunc, neque à XII. Tabulis, ut superiores, sed penitus ex intima Philosophia hauriendum esse seputare, similiaque eodem libro p. m. 167. b. repetit.

§. 3. Pergendum ad alteram commendationem Taciti III. Annal. 27. quâ maximè solent nostri uti ad probandam singularem æquitatem legis XII. Tabb. *Creati*, ait Tacitus, *Decemviri, & accitis qua usquam egregia, composita XII. Tabula*, finis æqui Juris. Nam secuta leges, etsi aliquando in maleficos ex delicto, sapius tamen dissensione ordinum & adipiscendi illicitos honores, aut pellendi claros viros, aliaque ob prava per vim lata sunt. Sed initio Tacitus dum Leges XII. Tabb. vocat finem æqui Juris, per Jus æquum non tam illud videtur intelligere, quod opponitur iniquo, sed jus æquale quod nempe æqualitatem inter ordines observavit, cum sequentes leges plerumque in odium unius partis Reipublicæ, & nempe vel in odium Senatorum vel plebis lata sint. Sva- det hanc expositionem non solum contextus Taciti, sed & quod Livius ait lib. 3. cap. 31. *Sinerent creari communiter Legislatores & ex plebe & ex patribus, qui utrisque utilia ferrent, quaque æquanda libertatis essent.* Deinde etiamsi demus, Tacitum etiam de jure summa æquitate nixo loqui, valebit equidem hic locus qui comparativè magis quàm absolutè loquitur, ad prægustum aliquem, quantum damnum Jurisprudentiæ Romanæ ex iniquitate Legum subsequentiū sit allatum, & dehique, quocunq; in significato verba Taciti accipias, valebit ejus encomium, secundum maximam partem legis duodecim Tabularum. Neque enim credo ullus erit, qui inter iniquas leges duodecim illas tabulas referre velit. Caterum utrum semper & ubique æquitas fuerit observata & æqualitas inter Patricios & plebem, sequentia ostendent.

§. 4. Rigorem legis XII. Tabularum & duritiem non heri aut nudius tertius impugnarunt æquitati dediti JCTi, sed jam olim id aliquoties factum est. Memorat enim Gellius lib. 7. cap. 15. quod Labeo in libro de XII. Tabulis secundo acria & severa judicia de furtis habita esse apud veteres scripserit, idque

Brutum solitum dicere, furti damnatum esse, qui jumentum aliorum duxerat, quam quo utendum acceperat, item qui longius produxerat, quam quem in locum petierat. Itaque Q. Scævola in librorum, quos de Jure civili composuit, sexto decimo, verba hæc posuit: *Quod cui servandum datum est, si id usus est, si ve quod utendum acceperit ad aliam rem atque acceperit, usus est, furti se obligavit.* Sed præterquam quod ista sententia de furtis à Labeone non adscribatur Legibus XII. Tabularum, sed videatur potius interpretationi prudentum originem debere, non hic rigor, si quis subest, peculiaris esset Legi XII. Tabularum, cum eo Jure adhuc in Jure Justiniano utamur, non solum in Pandectis l. 2. §. 8. commod. l. 40. 54. 76. de furtis, sed & in Institutionibus §. 6. Inst. de Oblig. quæ ex del. nascuntur, & Codice l. 7. C. rod. Quamvis non solum in Jure Saxonico iste rigor non observetur Landr. l. 3. art. 22. Noricus ad d. §. 6. Inst. sed & in genere moribus hodiernis in ipsis rerum argumentis vix videatur obtinere posse, cum, ut alibi ostensum, actio furti hodie planè non detur, judicium criminale verò nequaquam ob ejusmodi abusum, concedi soleat. Ergo hæc imputatio transeat.

§. 5. Gravior est disceptatio de æquitate Legis XII. Tabularum apud eundem Gellium lib. 20. c. 1. inter Sextum Cæcilium JCtum & Favorinum Philosophum, in qua aliquot capita Legis XII. Tabularum iniquitatis insinuat Favorinus, quæ defendere conatur Cæcilius. Meretur integrum caput, ut à studiosis perlegatur; nos verò illud, quia prolixius est, nolumus describere, sed summam disceptationis subjuncto judicio nostro paucis exhibebimus. Duras nimis pœnas delictis impositas in Lege XII. Tabularum arbitratur Favorinus, cum judicem arbitrumve jure datum, qui ob rem dicendam pecuniam accepisse convictus est, capite punit, furem manifestum ei cui furtum factum est, in servitutem tradit, ergo etiam eas in deservitudinem abiisse, sicut & illam, quæ vult, ut in jus vocatus æger jumento imponatur, nec arcera ei sternatur, sed instar funeris ad Prætorē efferatur. Respondet Cæcilius, abrogationem legum per deservitu-

desuetudinem non semper indicio esse leges fuisse iniquas, sed pro diversitate status & varietate delictorum variare quoque leges. Illam verò legem de jumento dando ægrotanti potius æquitate repletam esse, cum velit ægrotanti concedendum vehiculum adjunctis pecoribus, nec tamen delicate nimis inferendum, si morbus non esset gravissimus. Igitur transeat & hoc.

§. 6. Pergit Favorinus, & ex alio capite æquitatem Legum XII. Tabularum impugnat, quod leniter nimis injuriam viginti quinque aris pœna coërcuerit, exemplo addito de Neratio homine improbo obvios verberante, & statim pœnam lege assignatam solvente. Quod verò ob membrum ruptum, pœnam talionis dictaverit, impertinens esse, quia talio sapissimè ob infinitas circumstantias non possit observari, v. g. si ex imprudentia membrum fuerit ruptum &c. Defendit Cæcilius & has leges, partim quod tempore legis XII. Tabularum viginti quinque asses grave pondus aris fuerit, cum librariis assibus populus fuerit usus, partim quod pœna talionis non constiterit in exitu æquali & priori læsioni ex amussim correspondente, sed quod puniendus saltem eundem impetum in eadem parte corporis sustinere debuerit, & quidem tum demum, si cum adversario noluerit pacisci & talionem redimere. Sed quemadmodum ista prior responsio de librariis assibus non satisfacit objectioni Favorini & exemplo de Neratio, ita commodius forte dicere posses cum Justiniano: Factum id esse in magna veterum paupertate §. 7. *Institut. de Injuriis*. Postea verò crescente nequitia, & forte malo exemplo Neratii & similium inductum Prætores, ut actionem æstimatoriam introduceret. Quod talionem concernit, obscurum est, quomodo ea & apud Romanos & apud Hebræos *Exod. 21. Lev. 22. Deut. 19.* fuerit observata, certe vix apparebit exemplum hujus talionis in historiis Romanorum. Adeoque mox videtur desuetudine abrogata esse. Et plures omnino sunt inconvenientiæ talionis, quam quas attigit Favorinus, quas plena manu expendit Illustris Pufendorfius de

J.N. & G. l. 8. c. 3. §. 27. Sed nolumus tamen legi XII. Tabularum de re dubia & obscura litem movere ; verum dabimus & hoc Cæcilio.

§. 7. Ista verò immanitas quam ultimo loco tangit Favorinus, quomodo à summa iniquitatis nota liberari possit non video. Disposuerat Lex XII. Tabularum tabulâ tertiâ : si debitum quis confessus fuerit, vel condemnatus Jure fuerit, inducias ei menstruas 30. dierum ad debitum exsolvendum dandas. Si intra dies 30. illos debitor non satisfaciat, tum creditori capere eum sive præhendere, atque in jus ducere jus esse ; Debitorem ita nexum, si poterit, suo victurum ; si non habeat, tum creditorem qui eum vinctum habebit, singulas farris libras in singulos dies ei daturum ; si volet, plus ei pro arbitrio dare licitum esse. Si & tum judicatum non solvat, neque interea quisquam eum in jure defendat, proque eo interveniat, in privatum carcerem seu vincula eum adducere creditori jus esse, eumque vel nervo vel compedibus vincire : sic tamen ut vincula non sint graviora quam XV. pondo, læviora adhiberi pro arbitrio posse : Paciscendi interea addicto cum creditore jus esse. Si non pactus fuerit, 60. diebus creditori addictum, in vinculis habere jus esse. Intra eos dies trinis nundinis continuis ad Prætorem in Comitium producendum esse, quantæque pecuniæ judicatus sit, prædicandum. At si plures fuerint creditores, tertiis nundinis, i. e. 27. die corpus rei in partes secandum ; si plus minusve fuerint, sine fraude fore. Si malint, trans Tiberim eum peregrè venundandum. Vides hîc multa subesse immanitatis & sævitici veterum argumenta, nexum, vincula, carcerem privatum. Sed ista omnia quidem non urgebimus, etsi mores subsequentes Romanorum magis mansveti & hæc omnia abrogaverint. De immanitate illa secandi ait Favorinus apud Gellium, partiendique humani corporis, si unus ob pecuniam, debitam judicatus addictusque sit pluribus, non libet meminisse, & piget dicere. Quid enim videri potest efferatius, quid ab hominis ingenio diversius, quàm quod membra & artus in-

opis,

opis debitoris brevissimo laniatu distrahuntur, sicut nunc bona distrahuntur. Certè si quis ea consideret, quæ suprà *annot. ad thes. 2. §. 3.* prolixè de dissidio inter patres & plebem ob nimium rigorem fœneratorum in debitores plebejos ex Livio & Dionysio excerptimus, ei facile patebit, causam hujus legis rigidissimæ non tam fuisse frequentem defraudationem creditorum ab improbis debitoribus, ut tam rigido exemplo fuerit opus, sed potius inveteratum odium fœneratorum erga inopes debitores, & parum velatam cupidinem, crudelissimam tyrannidem sub juris prætextu in plebem exercendi. Nec penè concipere possum, qui factum fuerit, ut cum decem primæ tabulæ, ut diximus, ad rumores plebis correctæ & emendatæ fuerint, nemo ex plebejis immanitatem istam, cuilibet eorum non difficulter imminuentem, senserit, & cum antea ob longe minorem rigorem creditorum turbas in Republica moverint & sœccessiones, ob extremum hunc immanitatis gradum ne murmurare saltem aut, hiscere ausi fuerint, sed intempestivâ suâ taciturnitate eandem approbaverint. Nisi dicere velis, blandimentis patrum ac potissimum Claudii populo tum grati oculos plebis tum fuisse occæcatos. Nec fortè defuisse colores quæsitos, quibus plebi persuasum fuerit, nunquam ad exemplum perductam iri eam immanitatem. Et quos alios adhibitos fuisse suspicari poteris, quam quibus Cæcilius apud Gellium utitur contra Favorinum.

§. 8. Summa eò recidit. Populum Romanum semper, fidem præcipuè coluisse, sanctamque habuisse tam privatim quam publicè, tam in officiis, quam in contractibus, maximè in pecuniæ mutuaticæ usu & commercio. Sed tamen in legibus XII. Tabularum debitori confesso multas dilationes indultas esse, in quibus pecuniam conquirere aut cum creditoribus pacisci potuerit. Ast quemadmodum hæc omnia parum aut nihil ad controversiam ipsam, scilicet ad immanitatem secandi partiendiq; humani corporis, faciunt, ita tandem, cum ultimum istud capitulum horrore plenum narrasset Cæcilius, miram excusationem sub-

subdit: *Nihil profectò, inquit ipse, immitius, nihil immanius, nisi ut re ipsa apparet, eo consilio tanta immanitas pœna denunciata est, ne ad eam unquam perveniretur. Addit namque nunc & vinciri multos videmus, quia vinculorum pœnam deterrimi homines contemnunt. Dissectum esse antiquitus neminem neque legi, neque audiri, quoniam servitia ista pœna contemni non quita est.* Duo videtur dicere voluisse, Cæcilius: (1.) pœnam tam immanem dictam esse, non ut executioni mandetur, sed ut eò magis immanitate pœnæ debitores ad solutionem compellerentur: (2.) Eam fuisse legislatorum intentionem probari ex eo, quod non legatur exemplum alicujus debitoris dissecti. Verùm, quod pace Cæcili dicere liceat, utrumque dicitur parum congruè, & à principiis doctrinæ politicæ maximè alienum esse videtur. Initio enim si sola pœnæ sanctio in legibus sufficiens esset, delicta in republica frequentia suppressere, nil facilius esset extirpatione delictorum, & nil amplius considerare deberet in ferendis legibus Princeps, quàm excogitare modos pœnarum truculentissimos & crudelissimos, ut eò fortius deterreantur homines à delictis committendis. Imò secundum hoc principium majores cruciatus imponendi essent delicto, quod nondum altas radices in Republica egisset, quoniam certum est, facilius id restringi posse quàm delictum inveteratum, & adeò non foret dubitandum, in delicto novo verborum terrorem majorem efficaciam habiturum esse. Sed quàm hæc sunt diversa à Regulis Politicorum, quæ longè alias circumstantias Principibus in irrogatione pœnarum considerandas præscribunt, & crescentibus demum delictis crescere pœnas volunt? Nitimur in vetitum semper, cupimusque negata, & gravissimæ pœnæ sæpius libidinem peccandi coercere non sunt aptæ. Ergo ineptissimum est pœnam exasperare, si non executioni mandetur. Vel enim hoc sciunt delinquentes, tunc frustra terrentur, quia causa non subest metuendi pœnam, quæ ultra verba non progreditur. Vel nesciunt, tum iste metus durabit saltem tamdiu, donec aliquis legem violaverit. Vel enim tunc cessabit princeps pœnam exequi, & simul metus cessare incipiet;

cipiet; vel pœnam illam atrocem exequetur, & tùm injustitiam committet, si pœna non est proportionata delicto. At inquires: Nemo peccabit contra legem ob pœnæ atrocitatem. Reclamat omnium temporum experienciâ, quæ malitiam humanam rigorem omnium pœnarum excedere testabitur. Accedit, quod in præsentī casu frustra afferatur, per hanc sectionem debitoris impeditam fuisse solutionis denegationem, quia historia Romana superius allata testatur, debitores obratos non tam desiisse, esse solvendo ex malitia, quàm ex necessitate, adeoque mille potuisse non difficulter occurrere casus, ut debitor, qui tempore contracti debiti sperabat bona fide se solvendo futurum esse, postea ob infortunia & miseriam non potuisset vel centum datis dilationibus media solvendi reperire, aut pactionibus gratis & acceptis creditorem delinire, ut adeo etiam si asperitas illa pœnæ excusationem aliquam haberet, si imposita fuisset delicto quod semper dolum adjunctum habet, tamen in præsentī casu vel ex hoc solo capite excusatio omnis defutura sit. Sed, inquit Cæcilius, nunquam legi vel audiivi debitorem aliquem dissectum esse. Quid tum postea? Ergone putas nullum casum extitisse debitoris, qui solvere non potuerit, & ubi pœnâ illâ asperimâ fuerit opus. Falleris Cæcili, quod pace tuâ dixerim. Quod non legatur exemplum debitoris dissecti, ratio est, quod ob immanitatem istam eximiam, quam ipse diffiteri non potes, populus postea hanc legem abrogaverit. *Sunt quædam*, inquit Quintilianus, *non laudabilia naturæ, sed jure concessa, ut in XII. Tabulis debitoris corpus inter creditores dividi licuit, quam legem mos publicus repudiavit. Quintil. l. 3. Instit. Orat. cap. 6.* Similia habet Tertullianus *Apologet. c. 4.* *Sed & judicatos in partes secari à creditoribus, leges erant, consensu tamen publico crudelitas postea evasa est, & in pudoris notam capitis pœna conversa est bonorum adhibitâ proscriptione. Suffundere maluit hominis sanguinem quàm effundere.* Adducit equidem Rittershusius *Dodecadelt. p. m. 210.* aliam rationem ex Theodoro Marcilio, quod nempe permiserint Decemviri illam nexorum in partes sectionem, tanquam

in servos. Sed ipse ejus inconvenientiam ibidem ostendit, ac responsionem Cælicii calculo suo approbat, simile exemplum ex historia Indica adducendo, quod nempe apud Calcutanos hodieque lex vigeat, quâ creditor, posteaquam sibi deberi probavit apud Principem Sacerdotum, ab hoc accipiat frondem viridem; ex quâ circulum postea facit in terra, quô circulo includit debitorem vocatum, cui nefas est ex illo circulo frondeo exire. Sed is datur statim dilaniandus non solum creditoribus, sed etiam quibuscunque aliis, tanquam hostis Reipublicæ. Ita aut solvit debitum, aut moritur ibi exosus omnibus tanquam catharma quoddam. Sed ad hanc historiam duobus verbis respondemus Rittershusio: Non exemplis judicandum sed legibus.

§. 9. Non omittemus & aliam iniquitatem legis XII. Tabularum, quamvis Favorino omissam. Intellego prohibitionem connubiorum inter patres & plebem. Ex mala intentione Appii Claudii eam legem insertam fuisse duabus tabulis postremis jam supra notavimus ex Dionysio Halicarnasseo. Verum & hic Rittershusius *d. l. p. 85. seq.* legem decemviralem defendere laborat. Ratio, dicit, fuisse videtur, quia pares cum paribus facillimè congregantur, ut est in proverbio. Contra: Non bene inæquales veniunt ad aratra juvençii. Si quæ voles apte nupe-re nube pari, ut est apud Ovidium. Et in eandem sententiam extat elegantissimum Callimachi Epigramma, inculcans, quod in conjugio quisque sibi parem eligere debeat. Sed ad hæc varie responderi potest. Initio dictis Poëtarum & proverbiiis utendum magis ad illustrationem quàm ad probationem, cum nihil tam absurdum inveniri possit, quod non proverbio aliquo aut testimonio Poëtæ possit defendi. Deinde paritas utiqvè in conjugio ex rectæ rationis dictamine requiritur, sed paritas an-
norum & morum, non paritas status. Porro: Aliud est quæ-
rere, an imparitate semel introducta conjugium inter impares sit ineundum; aliud an lex approbanda, quæ ad fovenda dis-
sidia disparitatem in conjugio introducat. Pergit Rittershusius.

In

In Republicâ bene constituta distinctos debere esse ordines, ne omnes omnia sibi sumant, seq̃ue decere putent, ne illud eveniat, qvòd inter Nomadas & Cyclopas fieri solitum cognovimus, ubi nemo nullâ nemini in re obtemperat. Qvæ cum ita sint, videntur mihi Decemviri non injuriâ nec ineptè hanc distinctionem ordinum Romæ hæc qvòqve ratione conservare voluisse, interdicendo matrimonia inter patricios & plebejos. Sed profectò aliquid humani hic passus est Rittershusius, cum calamo ipsi excideret hoc: *Qvæ cum ita sint.* Neq̃ue enim credo timendum erat Decemviris, ne, si libera essent connubia patrum & plebis, viveretur in Republica more Nomadum, ut nemo nemini nullâ in re obtemperaret. Deniq̃ue provocat Rittershusius ad legem Papiam, qvæ interdicebat Senatori conjugium, cum libertina. Sed ad hoc qvòqve argumentum responsiones non longè qværendæ. Nam quid si & hujus legis justitia in dubium vocetur? Quid si Justiniani constitutio, tollentis differentiam omnem inter ingenuos & libertinos maximis præconiis deprædicetur? Sed non opus est, ut eò deveniamus. Magna est inter has duas leges diversitas. Aliud est esse Senatorem, aliud Patricium; aliud plebejum sed ingenuum, aliud libertinum. Et quid prolixa disputatione adversus Rittershusium, est opus? respondeat sibi ipsi, & recordetur eorum qvæ scripserat in dicto tractatu p. 10. *De iniquitate quarundam legum adversus plebem & propensione nimia in optimates, qvòd dicebam, elucet, vel ex duabus illis, quarum una à connubio cum Patriciis arcebat plebejos, altera à jure auspicioꝝ & fecialium eosdem excluderat, qvòd totum in patriciorum potestate esse volebat. Itaq̃ue semina discordiæ Reipublicæ perniciosæ in quibusdam legibus interpersa fuere.* Scilicet qvòd hic Rittershusius admiscet de Jure auspicioꝝ, explicabit Livius lib. 4. c. 5. qvi & ibidem c. 1. seq. prolixè narrat, qvòmodo per instantiam Canuleji tribuni plebis, frementibus licet consulibus, iniqua illa lex de prohibito connubio inter patres & plebem fuerit abrogata. Et merentur omninò legi orationes duæ ibidem recentitæ, una Consulum pro defendenda lege XII. Tabb.

Z 2

Canu-

Canuleji altera pro ostendendâ iniquitate ejusdem, in quâ sequentia verba adhuc aliam responsionem contra Rittershusium suppeditant. *Quod privatorum consiliorum semper fuit, ut in quam cuiq; femina convenisset domum, nuberet; ex qua pactus esset vir domo, in matrimonium duceret, id vos sub legis superbissima vincula conjicitis, quo dirimatis societatem civilem duasque ex una civitates faciatis. Cur non sancitis, ne vicinus patricio sit plebejus? ne eodem itinere eat? ne idem convivium ineat? ne in forô eodem consistat? Quid enim in re est aliud, si plebejus Patriciam duxerit? Si patriciam plebejus? Quid juris tandem mutatur? Nempe patrem sequuntur liberi. Nec quod nos ex connubio vestro petamus quicquam est, praterquam ut hominum & civium numero simus. &c.*

§. 10. Illud adhuc verbo monere opus esse arbitror, non confundendas esse quæstiones distinctissimas. Aliud enim est disquirere, utrum liceat Nobili & plebejo connubium inire, vel an citra iniquitatem lex civilis & quidem in Republica Democratica conjugia ejusmodi prohibere possit? qua de re hæcenus disceptavimus. Alia vero quæstio est, utrum consultum sit, ut plebejus nobilem, nobilis plebejam ducat, quam litem meam, non facio, præprimis cum pro diversitate circumstantiarum, quæstio hæc modo videatur esse affirmanda, modo neganda, etiam in Rebuspublicis Monarchicis aut Aristocraticis. Spero tamen non adeo inauditam aut odiosam sententiam me defensorum esse, si dixero, non inutilia fore Reipublicæ conjugia inter nobiles & plebejos, postquam vir quidam Generosissimus, & verâ eruditione præditus in Scripto quod appellavit: *Die gen præstte Goldgrube*/ defendit: inter peculiare rationes, cur multæ provinciæ nostræ penuria laborent, etiam illam esse, quod pro inveterata consuetudine nimis diligenter observetur, ut nobilis non matrimonio sibi adjungat plebejam, cum tamen dignitates familiarum nobilium longè melius conservari possint, si nobili bonis fortunæ destituto, victo non vertatur, si cum femina non nobili, divite tamen, conjugium ineat. Vide qua ex dicto autore excerpti in *cogitationibus mensuris 1688. mense Februar.* p. 145. 146.

OBSER-

OBSERVATIO V.

Non parum impedit studium Jurisprudentiæ, quod
Legibus XII. Tabularum careamus.

SUMMARIA.

Novus defectus Jurisprudentiæ, quod hodie legibus XII. Tabb. careamus §. 1. Quando interierint hæ leges. 2. Earum restauratores, & encomium Jacobi Gothofredi 3.

§ 1.

Potuissemus etiam de obscuritate & paucitate legum XII. Tabb. quædam adjicere, sed cum ea de re commodior dicendi locus futurus sit, cum de augmentis harum legum disseremus, nunc solum id addimus: fuisse tamen leges XII. Tabularum fontem omnis publici privatiqve Juris Romani, ut Livius lib. 3. eas appellat, adeoque dolendum omnino esse, cum reliquæ leges subsequenti quædam scaturigines ex hoc fonte propullulantes considerari mereantur, quod fonte isto destituatur hodie Jurisprudentia nostra, cum nullum sit, dubium, plurima loca Juris Justiniani faciliorem interpretationem admittitura, si tabulæ illæ duodecim illarum adhuc exstarent. Cum è contrario deficiente isto lumine multæ leges spissa obscuritate laborent, & quam tollere aliis subsidiis vix possis.

§. 2. Non solum Augusti ævo adhuc salvæ & incolumes eas fuisse publicè pro Rostris propositas intelligimus ex Diod. Siculo lib. 12. veram etiam ducentis & quod excurrit annis postea extitisse, apparet ex illustri hoc loco Cypriani l. 2. ep. 2. qua sui ævi enormia vitia reprehendit, quæ passim tanquam diluvium inundarant vitam humanam: Incisæ sint licet leges 12. tabb. & publico ære præfixo jura præscripta, inter leges ipsas delinquitur, inter jura peccatur: innocentia nec illic, ubi defenditur, reservatur. Scitæ invicem discordantium rabies, & inter togas pace rupta forum licibus mugit insanum. &c. Imò etiam Ausonii tempore, qui cum Imp. Gratiano vixit, adhuc integras fuisse conjicimus ex ipsius sarminibus supra cap. 4. relatis. Quo autem casu abolita dissectaque

*interierint, an incendio, an turbine, an alia tempestate, non satis com-
pertum habetur. Mihi veri simile fit, temporibus illis quibus Gothi in
Italiam irrumpentes longè lateque grassati sunt, & incendiis ac direptioni-
bus omnia vastarunt, etiam urbem Romam; hunc thesaurum fuisse
deperditum. Ita sentit Rittershusius in Comment. ad XII. Tabb. p.
m. 13.*

§. 3. Quò tamen non obstante JCti quidam eximii no-
stris temporibus fragmenta earum ex Cicerone, Gellio, Pande-
ctis, & aliis Autoribus mirâ diligentia colligere & eruditis com-
mentariis explicare aggressi sunt, quos cum encomio & judicio
subinde addito recenset Rittershusius *d. l. p. 14. seqq.* Palmam
tamen his omnibus quamvis eorum ferè novissimus, præcipere
videtur Jacobus Gottofredus, *in prima parte fontium 4. Juris Ci-
vilis*, ubi singulari industria fragmenta XII. Tabularum plenè or-
dini suo restituit, iisque historiam, Probationes, Notas & Glof-
sarium subjunxit. Cujus viri elegantissimos libros, & inprimis
Codicem Theodosianum atqve hæc fragmenta XII. Tabularum
quoties manibus verso, toties penè irascor inertix nostræ ætatis,
quæ tot nobis tulit scriptores Syntagmatum, Compendiorum,
Paratitlorum Decisionum, Consiliorum, Responsorum & infinitarum
aliarum rerum, quas vulgus attonitâ mente suspicit, unum
aut duos Gottofredos, qui Jurisprudentiam Romanam, quan-
tum adhuc fieri posset, ex antiquitate historica eruere
pergerent, dare non fuit
apta.

T A N T U M.



PRO-

PROGRAMMA

De causis inutilium Doctrinarum in studio
Jurisprudentiæ,

L. N. 7.



Duobus fulcris niti Jurisprudentiam
genuinam & infucatam, Lege & Ratione,
passim in suis Scriptis inculcavit & latius
demonstravit Belgarum Jctorum decus Ul-
ricus Huberus; quorum unum si deficiat,
nemo quis invidendum veri Jcti titulum,
se mereri posse existimare debet. Uti enim ratio est anima
legis, ita inter cadavera Jctorum referri jure suo debent,
qui leges crepant sine ratione, et si in lege non omnium ff. de
Legibus asylum ignorantiae suae anxie sed frustra quaerant.
Vice versa cum in Jurisprudentia humana plurima non à
communi & toti humano generi insita ratione, sed ab arbi-
trio Legislatores, non omni tamen ratione destituto, pen-
deant; cerebrini Jcti habendi sunt, qui, cum Legum de-
beant esse interpretes, jus in quo versantur, strenue igno-
rant, & controversias quotidie obvenientes ex ratione cere-
bri sui sine lege decidere allaborant. Turpe esse Jctum sine
lege loqui, Imperator inculcat; turpius, si sine ratione loqua-
tur, recta dicitur ratio. Unde maxime cavere debent sibi Ju-
ris Studiosi, ne, dum de dicto hoc Justiniani admonentur, pu-
tent, se satisfecisse officio suo & monito Imperatoris, si leges
in numero habeant, aut aliquot legum memorabilium cen-
turias memoria teneant, aut denique in rebus vel plane ad
jus non pertinentibus, vel ad Jurisprudentiam communem
seu naturalem spectantibus, (v. g. cum disputationibus invo-
cationem

cationem Divini numinis vel Christi præmittunt, dum communia quædam axiomata citant, ut: calamitatem matris non debere nocere ei, qui in ventre est; expedire Reip. ne quis re suâ malè utatur; nihil tam naturale esse, quam ut voluntas dominorum, rem suam per traditionem transferre volentium, observetur &c.) locum ex Institutionibus vel ex aliis Juris Justinianeis libris allegent. Nam qui hâc viâ ad Jurisprudentiam pergunt, Leguleji quidem citò evadent, nunquam J.Cti. Debebant profectò quotidiè recordari eorum, quæ J.Ctus in l. scire de LL. sapienter scripta reliquit: Scire leges non hoc esse, verba earum nosse, sed vim & potestatem. Latet verò vis & potestas in ratione legum, non in verbis, multò minus in earum numero. Mores nostros si spectes, vis & potestas legum quærenda etiam erit in usu legum moderno, qui si cum Jure Justiniano non conveniat, evidens erit, Leges Justinianeas tum nullam hoc passu habere vim & potestatem intuitu regionum Germaniæ, & consequenter à Jurisprudentiæ studio, qui studiis, ut patriæ inserviat, scopum proposuit, jure ignorari, aut historicè saltem sciri posse. Unde omnes omnino Antecessores in eo consentiunt, non proponendas esse studiosis futes controversias, sed quæ in ipsis rerum obtineant argumentis. Sed utinam proposito huic & promisso semper etiam corresponderet eventus doctrinæ, & nemo reperiretur, qui non potius Virum Magnificum & Exquæstorem sacri Palatii Tribonianum vellet imitari, qui, cum in præmio Institutionum promississet, quod aniles fabulas cupidæ legum Juventuti nolit proponere, sic tamen anilibus fabulis replevit aureum libellum, ut magis hodie ad Institutiones quadret, quod de Scriptis Ennii solebant dicere Poëtæ elegantiorum temporum: *Aurum colligere ex stercore Ennii*. Sudat inde juvenus non rarò in percipiendis accuratè subtilitatibus, quæ neque ad intelligendas leges Romanas, neque ad usum, practicum tantillum tribuunt, quorsum statim in primo titulo exempli causa refero doctrinam Aristotelicam de divisione Justi-

Justitiæ in Universalem & Particularem, hujus, in commutativam & Distributivam, de proportionem item Arithmetica & Geometrica, & inde dependentes quæstiones: An definiatur ab Imperatore Justitia Universalis an Particularis, an tertia aliqua species, Legalis? Ad quam justitiæ speciem pertineat pœnarum, irrogatio? Utrum in societatis contractu, item in irrogatione pœnarum observari debeat proportio Arithmetica an Geometrica? Utrum constans & perpetua voluntas in definitione Justitiæ sumatur propriè an metaphoricè? &c. Quibus similes sunt adhuc aliæ infinitæ in expositione singulorum fere titulorum occurrentes. Sed majori ingenii tortura opus est in intelligendis subtilissimis & nec à Triboniano intellectis, ac propterea in Institutionibus omissis antiquorum Jurisconsultorum controversiis, quæ quidem plurimum ad intelligendum Jus Justinianum conducunt, sed hodiè in praxi forensi, ob diversos mores Germanorum & diversitatem processus, partim etiam ob novitates ab ipso Justiniano vel Antecessoribus ejus introductas, nullum habent usum. Adducam saltem ex tot chiliadibus, quæ in Pandectis occurrunt, difficillimos intellectu titulos de Jurisdictione & de Pactis, & quæstiones intricatissimas, quæ ibi ab Interpretibus tantâ curâ tractari solent, ac si nemo in Jurisprudentia proficere possit, si earum resolutionem, variam tamen & contradictoriam, non ad unguem calleat: Utrum Jurisdictio sub se comprehendat Imperium? An detur Jurisdictio criminalis? De differentia inter simplicem notionem & Jurisdictionem. An ea, quæ speciali lege mandantur, ad Jurisdictionem pertineant? Quomodo Imperium mixtum insit Jurisdictioni? Quomodo Imperium merum à mixto differat? &c. An Pactum sub se comprehendat contractum? Quomodo differat pactum nudum & contractus? An pacto nudo opponatur vestitum? De pactis adjectis in continenti aut ex intervallo, vel contractibus bonæ fidei vel stricti juris, hos vel alterantibus, vel immutantibus aut detrahentibus, & quidem vel naturalibus contractuum vel accidentalibus: de differentiis inter verum & quasi contractum, contractum item

nominatum & innominatum &c. Horreo adhuc, quoties recordor, quanta animi carnificina nobis juvenibus olim opus fuerit, cum fidelissimus, quô utebamur, præceptor, subtilissimi Franzkii, acutissimi Bachovii, aliorumque Jurisprudentiæ luminum, sententias in diversa abeuntes circa quæstiones prædictas nobis proponeret, & quanta nausea vel tædium laboris frustranei nobis moveretur, cum post duas vel tres lectiones vel in resolutione unius quæstionis insumptas idem nobis inculcaret: illas omnes non habere usum in praxi, partim quod ob differentiam magistratuum Germanorum & Romanorum alia longè & multò facilior divisio Jurisdictionis apud nos sit recepta, partim, quod omnes difficultates in titulo de pactis occurrentes inde ortum ducant, quod Romani olim saltim ex stipulatione, non autem ex pacto nudo voluerint firmam obligationem & actionem oriri, quibus carere omnino possemus, postquam moribus Germaniæ omne pactum ad producendam actionem efficax esse censeatur. Quare, ut ad scopum redeam, etsi communis docentium sententia eò tendat, inculcandas esse in disciplina Juris solum doctrinas, quibus in praxi uti possint juvenes, mirandum tamen multis videri posset, qui eveniat, ut communi fere iterum sententiâ tantâ diligentia proponatur Jus Justinianum & potissimum Pandectarum, juvenesque persvaderi soleant, nihil in iis contineri, quod non magnum usum in praxi habeat, cum tamen evidentibus demonstrationibus doceri possit, vix vigesimam partem Pandectarum ad praxin fori Germanici posse accommodari. Sed mirantur, qui rerum causas ignorant. Nos non miramur, quibus causæ errorum istorum satis notæ sunt, & mirari facile desinet, qui causas hæc paulo addentius considerare non dedignabitur. Sunt verò (1.) nimia libido contra severam prohibitionem ipsius Justiniani, vasta commentaria scribendi ac systemata in Jus Justinianum: (2.) Methodus singulos titulos secundum quatuor genera causarum, adjuncta item & contraria tractandi, cujus origo Ramistis ut Wesenbecio, Mundano &c. videtur deberi: (3.)

Tædioſa repetitio generalium axiomatum in ſpecialibus titulis, ut quando centies inculcari ſolet, furioſos, mente captos, prodigoſ &c. non poſſe contrahere aut alienare: (4.) Ignorantia Juris Germanici & vana perſaſio, Germanos tanquam ſubditos Sacri Romani Imperii legibus Juſtinianeis ipſo Jure teneri, & crimen læſæ Majeſtatis committi, ſi quis Juſtiniano & Triboniano contradicere audeat, quem errorem tamen poſt diligentiam Conringii & Schilteri propè extinctum iri ſperamus: (5.) Ignorantia praxeos, cum ii, qui ſyſtemata & compendia ſcribunt, quique Jura profitentur, plerumque à praxi vel ſint alieni, vel ad collegia Juridica non liberum habeant aditum, ut inde, quid in ipſis rerum argumentis obtineat, poſſint cognoscere: (6.) Admiratio nimia Gloſſatorum, & neglectus Antiquitatum Romanarum, qui efficit, ut inter tot myriades ſyſtematum & compendiorum in Pandectas, nondum habeamus meliorem expoſitionem ad ſingulas leges Pandectarum, quàm eſt expoſitio Gloſſæ, quique ſimul in cauſa eſt, ut de differentia inter mores noſtros & antiquitates iſtas non poſſimus exacte judicare: (7.) Nimum frequentes contradictiones collegiorum Juridicorum in Germania, quæ impediunt, ut de uſu moderno nihil ſolidi poſſimus docere. (8.) Abuſus quotidianus brocardici communis, quod ea quæ non abrogata ſint per Leges & ſtatuta Germaniæ, adhuc in viridi ſint obſervantia, cum tamen ii, qui habitum interpretandi callent, facile cognoscant, multa per neceſſariam conſequentiam eſſe abrogata, niſi aperte velimus formare Jurisprudentiam hiulcam, aut miſerrime claudicantem. Recordor, ut exemplo mentem meam declarem, quod ante aliquot annos ex amico, Illuſtris alicujus Collegii Juridici Aſſeſſore, in diſcurſu familiari quæſiverim, utrum pronuncient: conditioni cauſâ datâ cauſâ non ſecurâ adhuc hodie eſſe locum ex capite pœnitentiæ, aut etiam pœnitentiam in genere in contractibus innominatis eſſe concedendam antequam una pars aliquid dederit vel fecerit? Cum autem ille reſponderet, eâ de re non eſſe debere dubium, cum nunquam legibus Germaniæ hac parte aliquid innovatum ſit, rege-

rebam: Obstat axioma commune Juris Germanici, quod pactum omne producat actionem; inde vero necessario sequi: contractum innominatum, qui Jure Romano ante dationem vel factum pro Pacto nudo habebatur, dare hodie contrahentibus ultro citroque actionem, omnem pœnitentiam excludentem; ineptum vero insuper esse, conditionem causa data dare velle ex capite pœnitentiæ illi, qui jam rem dederit, cum ante dationem in ipsius arbitrio non amplius fuerit, an vellet pœnitere. Quamvis autem Amicus in sententia sua permaneret, & brocardicum memoratum adversus me urgeret, sensi tamen postea, magnum Jctum nostrorum temporum & nisi fallor, Illustrem Strykium in tractatu cautelarum istam sententiam meam approbasse. Alia multa ut jam taceam, quibus de modo memoratis causis prolixius differere, & de singulis justum tractatum edere valerem, nisi angustia chartæ & temporis me prohiberet. Differendum igitur id erit ad aliam occasionem; & imò recordabuntur Juvenes optimi, qui hactenus collegio privato in Pandectas interfuerunt, quam non omiserim, datâ occasione subinde id præstare, & navos istos diligenter cum causis & remediis proponere. Istâ methodo enim semper fui usus, ut præmisso brevi discursu de definitione ac divisione rerum, de quibus in singulis titulis tractatur, & inde oriundis actionibus, aut de axiomate notabili, postea, disquirerem, utrum doctrina Juris Romani utilitatem aliquam in praxi fori Germanici locum sibi vindicaret? Ubi sapissimè occasio se obtulit, de abusibus istis communibus in studio Jurisprudentiæ differendi. Pervenimus in dicto Collegio usque ad libri 23. titulum de Ritu Nuptiarum, & cum multæ exque non leves rationes sint, quæ mihi svadeant, ea quæ in dicto collegio restant, publico discursu absolvere, volui præsentî Programmate iis quorum interest propositum hoc meum notum facere. Fiet initium lectionum harum publicarum Deo dante futurâ die Mercurii horâ matutinâ octavâ in loco consveto, & continuabuntur eadem singulis Mercurii & Saturni diebus, operamquæ dabo, ut ante Festum Paschatos Anni sequentis easdem absolvere iisque lectiones

nes publicas in Jus Canonicum seu Ecclesiasticum inchoare possim. Quemadmodum autem Vestram frequentiam, Juvenes dilectissimi, ut hætenus eandem mihi in lectionibus publicis moralibus exhibuistis, & adhuc exhibetis, ita & hic expecto, Vobisqve omnem industriam & perspicuitatem, quæ à fidei Doctore requiritur, polliceor; ita est adhuc aliud quiddam, quod Vobis publicè proponere jussit humillimum, quod OPTIMO PRINCIPI & ELECTORI NOSTRO & ego & Vos debemus, obsequium. Nostis CLEMENTISSIMUM SERENISSIMI ELECTORIS AFFECTUM erga municipium hoc, & imò erga Vos qui studiorum gratia huc accessistis, quo in id incumbit sedulo PATER PATRIÆ, ut quamprimum præter ea, quæ jam dudum Vobis indulta sunt, Privilegia non vulgari, etiam communibus Universitatum aliarum Privilegiis Vos decorare possit. Sed jussit interim jam Mense Julio per publicum rescriptum ELECTOR POTENTISSIMUS, ut, qui beneficiorum horum participes esse velint, tam ii, qui jam studiorum gratiâ hic degunt, quam qui impofterum advenient, intra duarum hebdomadarum spatium nomina sua apud me profiteri, eaqve, matriculæ publicæ ut inscribantur, curare debeant. Ac fecerunt quidem id hætenus spontè non pauci ex ordine Vestro, sed sunt tamen adhuc plures, qui JUSSUI ELECTORALI nondum satisfecerunt, magis credo ignorantes voluntatem OPTIMI PRINCIPIS, quam quod sponte detractare obsequium & sic BENEFICIORUM ELECTORALIUM indignos sese voluerint reddere. Et violarem omnino optimam, quam de Vobis ex merito Vestro concepi, spem, si Vos, qui hætenus, quæ singularis Dei gratia est, per annum & ultra ita modestos & ad optima quæque paratos Vos exhibuistis, ut nullâ pœna & ne quidem lege nullâ in Vos fuerit opus, suspicarer, vel tantillum à subjectissima devotione, quâ POTENTISSIMO DOMINO NOSTRO obstricti estis, velle recedere. Quin potius, ut Vobis paria reddam, ne quidem Vos officii Vestri admonebo, (quid enim admonitione, opus esset penes eos, qui officio suo satisfacere ma-

ximo conatu gestiunt?) sed contentus ero, hac occasione voluntatem PRINCIPIS SAPIENTISSIMI Vobis saltem indicasse. Valete P. P. Dominica XIV. post Trinit. Anno M. DC. XCI.



Vindiciae solidae sed modestae

COROLLARIUM

Non ita pridem,

Publice propositi,

De

Exiguo Pandectarum usu in Foris

Germaniae,

adversus objectiones & contumelias

PROGRAMMATIS

CUJUSDAM WITTEBERGENSIS,

AD AUDITORES.

HONORATISSIMI COMMILITONES, FAUTORES
DILECTISSIMI.



Emestree spatium est supra Biennium ex quo SERENISSIMUS & POTENTISSIMUS ELECTOR BRANDENBURGICUS, DOMINUS NOSTER CLEMENTISSIMUS de erigenda in hoc municipio Universitate cogitans me huc praemisit, ut Lectionibus Philosophicis & Juridicis initium facerem, & illis, qui, ex Vestro ordine sub Tutamine & Pro-

& Protectione Electorali studiis hic operam dare, & subje-
ctissimâ quasi anticipatione Electoralem Clementiam provocare
ulterius vellent, pro virili inservirem. Annuit Divinum Nu-
men optimæ intentioni Optimi Principis Nostri, & à primo sta-
tim Lectionum mearum initio Favente Divinâ Clementiâ non-
contemnendus studioforum numerus hûc se contulit, isqve suc-
cessu temporis, præprimis cum postea Pios & Sapientes Collegas
nactus fuerim, in tantû auctus est, & adhuc per Dei gratiam auge-
tur, ut Academia nostra surgens ac stabilienda huc usque Benedi-
ctione divinâ luculentissimè senserit. Ego vero quod in me fuit, in
id incubui sedulo ac diligenter, ut lectionibus meis gloriam Dei
authoris & protectoris veræ sapientiæ, tum utilitatem publicæ rei
pro imbecillitate meâ promoverem, ac cum vana sit eruditio, si
Juvenes iis doctrinis imbuantur, quibus saltem inania fulciun-
tur litigia, & quas in vitâ communi in usum deducere nequeunt,
id curavi præprimis, ut in lectionibus quæ publicis quæ privatis
VOBIS magnâ curâ ostenderem, quomodo fastuosam & vanam
erudicionem à solida illa & utili perspicuè secernere possitis. At-
que uti de lectionibus philosophicis eam intentionem satis expri-
munt libelli mei typis publicis hîc impressi, ita quod Jurispruden-
tiam attinet, præprimis Civilem & Justinianeam, operam dedi,
ut VOBIS tum in Collegio super Institutionibus, tum in Lectio-
bus privatis pariter atque publicis super Pandectis aperte osten-
derem, quam exiguum haberet usum Jus Justinianæum in Foris
Germaniæ & quomodo fundamenta praxeos ex cognitione Juris
Germanici vulgo neglecta, ejusque postea collatione ad Jus Justi-
nianæum, ex cathedris pededentim in fora introductum, sint,
genuino Juris Studiose petenda. Locutus eâ de re quædam fui
publicè in programme, quo superiori anno Lectiones meas
Publicas ad Pandectas intimavi, quodque propterea vindiciis
hisce adjiciendum rursus putavi. In eo inter alia hæc verba po-
sui; *evidentibus demonstrationibus doceri posse, vix vigesimam partem
Pandectarum ad Praxin Fori Germanici posse accommodari.* Ulterio-
rem vero ejus rei declarationem alio differendam esse ibidem ju-
dicavi. Volui id expedire, cum non ita pridem Generosissimus
Do-

Dominus de FREYBERG, Eqves Anhaltinus, præsidium meum in disputatione publica expeteret, unde pro more meo ipsi aliquot Argumenta futuræ disputationis proposui, interq; eas primo loco istâ de Exiguo usu Pandectarû Justiniani in Foris Germaniæ, simul suadens ut hanc tanquam materiam Practicam præ cæteris eligeret. Quoniam vero ipsi quidem aliud argumentum, de Constantia & Inconstantia magis arrisit, id, quod alias facere soleo, & hic observavi, ut reliqua argumenta à Domino respondente meo rejecta Corollariorum loco ad publicam disquisitionem proponerem, Legitur inde sub finem præfatæ disputationis de Constantia Corollarium i. ita conceptum. *Juris Justiniani est quidem aliquis, at valde exiguus usus in Foro Germania, in tantum ut vix decimâ pars Pandectarum sit in viridi observantia.* Hoc corollarium si quis cum modo memorato Programmatis asserto compareat, deprehendet, me longè mollius in hoc corollario sententiam meam proposuisse, quam in Programme factum erat; cum ibi vix vigesimam, hic vix decimam partem earum, ibi ad Praxin Fori Germanici accommodari posse, hic in viridi esse observantiâ dixerim. Atque non fuit quisquam, qui adversus primum corollarium quicquam publicè urgeret, quamvis municipium hoc multis egregiis Juris Consultis atque Practicis abundet.

Nescio tamen quo fato sit factum, ut innocens illa disputatio mox in vicinis Academiis absque merito satis inhumaniter tractata fuerit. Curo regulariter disputationes meas, quatuor, quinque aut sex diebus ante actum disputatorium distribui, ut eo minorem conqverendi occasionem habeant ii, qui de veritate thesium mecum conferre volunt, quod non in tempore illas cum cura perlegere potuerint. Atque ita factum est, ut aliquot diebus ante actum typographus quædam exemplaria etiam Lipsiam ob vicinitatem mitteret. Ibi vero Concionator quidam, quem, (ut loquitur Conringius in Præfatione ad Paradoxa de Nummis Hebræorum,) Johannis & Benedicti nomina debuissent ad modestiam & bona verba componere, pridie antequam disputatio mea hic haberetur, nescio quo æstu aut turbine actus pro concione, ad populum summâ injuriâ me Nicolaitis aggregavit, & ex penultimâ

multimâ thesi disputationis meæ verba quædam innocentissima, ac si ea sententiæ Nicolaitarum de communione uxorum faverent, impudentissimè adduxit, simulqve populo promisit, se in proximè secuturâ concione fusius calumniam illam deducturum esse. Fidem tamen populo publicè datam, eo, ut naturaliter fieri solet, condito tempore magnâ cum frequentiâ comparente, publicè quoque violavit, impudentiore silentio mendacium quod antè octiduum publicè evomuerat, iterum deglutiens, & in conspectu totius Ecclesiæ gregi suo pessimum præbens scandalum, calumniandi impunè proximum, ac in notorio crimine sine penitentiâ & restitutione famæ, (sine quibus tamen ex regulis Christianæ religionis non debet peccator ejusmodi apertus ad Communionem Sanctorum admitti,) absque rubore pertinaciter permanendi. Cui adeo ut verbum reponam, nulla ratio postulare videtur.

Redeamus potius ad Corollarium nostrum. Huic in Wittebergeni Academiâ lis mota est, & satis turpiter quidem, postquam Nonnemo, in Programmate, ipso, quod mireris, SS. Angelorum festo publicè proposito, id parum sanâ mente aggressus est, perpetuo novatoris convitio me exagitans, ut ex ignorantia capite in integrum restitutionem peterem mihi consulens, nec non helleborum & Anticyras commemorans, aliæque multa adjiciens, quæ ubique impotentem hominis animum satis evidenter declarant. Fuerunt equidem nonnulli, qui mihi suggererent, majores insidias sub isto latere programmate, aliumque subesse machinæ illius hydraulicæ directorem post carecta latitantem, juberentque ut singulas facti circumstantias probè perpendere. Propositum scilicet fuisse illud hoc demum tempore, adversus hoc demum corollarium, Wittebergæ, à subdito POTENTISSIMI ELECTORIS MEI, Cive Halensi, Juvene adhuc & vix atrium Praxeos ingresso. Verum uti commune hoc est vitium hominum nimis sincerorum, ut ad excessum usque, suspicionibus sint vacui, ita & ego imbecillitatem meam confiteor, quod contraria mihi videlicet omnia persvaserim, & soli

Bb

petu-

petulantia Juvenis ac pruritui illud programma adscripserim. Quinimo, etsi vel maximè falli deberem, credo tamen programma illud sine censura Facultatis Juridicæ Wittebergenfis publicis typis fuisse mandatum. Quis enim crederet, Magnificum Dominum Ordinarium, cui hucusque omnigenum cultus genus quâcunque datâ occasione exhibui, quique apud omnes singularissimum humanitatis encomium meritis est, censurâ suâ approbaturum vel saltem permissurum fuisse, ut futuro collegæ suo, longè quidem meritis, autoritate, & savi loquentia Ipsi inferiori, sed collegæ tamen, Autor programmatis absque ullâ ratione, tam petulanter insultaret? De reliquis Professoribus eadem me sperare jubent singularis amicitia & favôr, quem multis argumentis hætenus fui expertus. Quicquid tamen hujus sit, cum veritas asserti mei & vestra, *Commilitones Optimi*, utilitas vindicias aliquas efflagitaverint, eas illâ moderatione expediam, ut & Autor programmatis ad meliorem mentem ducatur ac in amicitiam mecum redire queat, quod præter alia existimationi, quâ ob singularem eruditionem Amplissimum ejus Patrem veneror atque, amicitia Academicæ, quæ mihi olim cum uno ex Consultissimis ejus fratribus intercessit, debeo; tum &, ut insidiator quoque, si fortè quispiam sub ipsius larvâ lateat, sentiat, non deesse ingenuo homini, veritatem unicè amanti, honesta media, quasvis fallacias cum rubore inimicorum suorum eludendi. Faxit Deus feliciter.

Quanto splendore, incipit Antagonista meus, Jus Romanum cetera jura antecedit, quantusque prudentia longè latèque diffusa apparatus in eo abstrusus sit, sine meo præconio unicuique notum erit, cui præcepta hujus juris serio indagare ac penetrare ad ejus adyta animus unquam consiliumque fuit. Perfectissimam

com-

compagem prudentia totius orbis esse omnes benigni censores rerum ac aestimatores æquimecum fatebuntur. Quæcumque enim morationes populi sanxisse unquam sapienter aut statuisse salubriter feruntur, hic quasi in compendio oculis legentium se sistunt, unumquemque in stuporem & summam admirationem rapiunt.

Possẽ encomia hæc Juris Romani, quæ Antagonista ex Locis suis communibus confarcinavit, tuto præterire, cum, ut mox probaturus sum, ea omnia ne tantillum quidem ad veritatem, corollarii mei infringendam faciant. Sed permittet tamen mihi, credo, libertatem, quâ adversus me usus est, ut nonnulla etiam ad hæc præambula adnotem, saltem ad melius intelligendum controversiæ statum aliquid conductura. De Jure Justiniano conceptum fuit corollarium meum. Atqui inter hoc & Jus Romanum ea intercedit differentia, quæ inter totum est & partem, aut, si mavis, inter genus & speciem. Hæc verò perpetuo miscuit Antagonista meus. Unde operam dabimus, ut eadem distinguamus sedulo. Non contemno Jus Romanum, sed laudem quam meretur ipsi tribuo; sed propterea tamen non possum adigere animum meum, ut credat, *Jus Romanum*, sive istud quod ante Justinianum fuit, sive Justinianeum intelligas, *cetera jura aliorum populorum antecellere*. Præfero ipsi Jus Hebræorum, Jus Græcorum, Jus antiquorum Germanorum. Illud, quoniam à DEO ortum; istud, quoniam à prudentissimis Legislatoribus ad statum Reipublicæ ex regulis prudentiæ legislatoriæ accommodatum, non contra regulas Politicas ab aliis populis emendatum fuit; hoc, quoniam subtilitates Juris Romani ad turbandam unionem populi Romani excogitatas ignorat, ac simplicitate pariter ac æquitate sua Jus Romanum multis modis superat. Quæ igitur fronte aut quâ auctoritate Antagonista, *Jus Romanum*

perfectissimum compagem prudentia totius orbis esse, afferere non erubuit, eadem ego sed melioribus rationibus suffultus idem magnâ fiduciâ pernego. Continent Leges duodecim Tabularum multa egregiè bona, sed n̄vos tamen, ut alibi ostendi, etiâ habuerunt, qvi magnas turbas in Rep. excitarunt. Formulas Juris seu legis actiones astutia Patrum peperit omni æqvitate destituta, & libertati plebis dolosas struens insidias. In responsis prudentum e. g. Papinianum titulos omnes meritis suis antegressum, sed hominem tamen, non æqvis passibus secuti sunt Ulpianus & Paulus, ille ob nimium æqvitatis studium aliquando æqvitate aliqua cerebrinâ deceptus, hic in obscuritate & summo rigore juris gloriam captans; uterqve tamen judicio multis parafangis antecellens Cajum nostrum, unde totius legitimæ scientiæ elementa absqve judicio exscripsit Tribonianus. De cujus adeò compilatione plura non dicam, utrum pro perfectissimâ compage prudentiæ totius orbis haberi debeat, ne, si veritatem prout par foret exprimam, stomachum nimis moveam nostris, nimis adhuc ollepatritis istis Tribonianeis (ignoscite, qvòd barbaram rem barbaro vocabulo significem) advetis. Id vero nimis impudenter ab Antagonistâ scribitur, in Jure Romano Compendium exhiberi eorum, quæ moratiores populi sanxisse unquam sapienter aut statuisset salubriter feruntur. Etenim non aliorum, quàm Græcorum in sequentibus ipse meminit, nec aliorum meminisse potest. An ergo soli Græci moratiores populi unquam fuerunt? An aliorum moratiores populorum leges & tradita à Romanis in compendium redacta? An fortè Antagonista noster ignorat, qvòd sint populi moratiores? & qvò fastu Græci, post hos Romani, & ita de cæteris, titulum hunc cum injuria reliquorum sibi solis vindicaverint? Cui de cætero facile largior, quæ in verbis ultimis de stupore tuo & admiratione summa addit, si modo illud duobus addidero verbis: miros mirari, & admirationem esse ignorantiz filiam.

Sanè Laconum endecas tersas ac concinnas, ita pergit noster Romani juris Encomiastes, graves & sublimes sententias Solonis, & quæ Charondas ac Zaleucus denique exquisitissimo iudicio in usum Cathinensium Locrensiūmqve promulgarunt, præclaro admodum fulgore passim hic nitere ac renitere vides. vid. Speckhahn Cent. Miscell. 3. c. 4. qv. 13. Hæc enim fontes sunt, & scaturigines uberrima ex quibus ius Romanum promanavit, vid. Illustris Dn. Stryk, in præcogn. Jur. Civil. c. 1. §. 6. illudqve tanquam aurum ex scoris collectum, nil nisi quod conveniat cum summa ratione continet. Vid. Anton. Cont. Lect. jur. c. 9. Quo ipso profecto factum effectumqve est, quin ius Romanum omnibus cunctorum populorum juribus palmam hætenus non præripuerit. Vid. Petr. Peck. ad cap. 28. de Reg. Jur. in 6. nec non in omnibus provinciis tam magnam obtinuerit auctoritatem, ut adhuc hodiè omnes ferè Europæ nationes illud seu Palladium cœlitus demissum adorent atqve venerentur. Vid. Arthurus Duck. de Usu & Author. Jur. Rom. c. 2. Hic initio quidem nemo infitias ibit, ius Romanum ex Græcorum Legibus esse collectum, postquam id Livius, Dionysius Halicarnassæus, & qui Advocato nostro minimum notus esse debuisset, Pomponius, satis perspi-

cuè & distinctè commemorarunt, ut adeo non habuisset opus, ad hujus asserti probationem Spekhahnium qvendam producere. Sed ex legibus Græcorum Jus Romanum *tangvam aurum ex scoris esse collectum* nemo crederet. Multas scorias Jus Ante-Justinianeum continet; ad Justinianeum meliori credo jure applicui in programme adjecto proverbium aliud; *colligere aurum ex stercore Ennii*. Porro fateor, satis ratione suâ constare Antejustinianeum; nil nisi, *qvod cum summâ conveniat, idem continere*, hæctenus nullus Admirator juris illius probatum dedit. Multa vero irrationabilia ut Jus Justinianeum contineat, exinde necesse est, qvia multa continet contradictoria, ut alias rationes jam taceam. Nec facile ineptiorem Advocatum leges Romanæ nancisci potuissent, qvàm Jacobum Mæstertium, qvi in libris suis de Justitiâ Legum Romanarum tantas absurditates, rationi rectæ & ipsis evidētissimis Legibus Romanis adversas defendit, ut Lauream hic mereri possit Advocatus noster, si meliori successu defensionem legum Romanarum haud gravatim suscipere, & singula Mæstertii momenta vellet reassumere. Ad repetitam hic de prerogativâ juris Romani præ reliquis juribus omnibus assertionem, jam in §. præced. respondimus. Ultimum autem nollem excidisset Antagonistæ meo: *ad huc bodie omnes fere Europa nationes Jus Romanum ceu Palladium calitus demissum adorare & venerari*. Debuisset sane meminisse, se Wittebergæ hæc scribere, ubi merito ipsi timendum erit, ne ob putidam hanc & idololatricam propositionem spiritualement inquisitionem. Et sanè nescio, an indignior thesis homini Christiano excogitari possit, qvàm ista, qvæ adeo fere impossibile est ut alii Jcto ante nostrum Antagonistam potuerit excidere. In Arthuri Duckii certe cap. 2. libri 1. (qvorsum haud dubiè in allegatione suâ respicit) eam invenire non potui. At, dum eam qværo, aliud quid invenio, qvòd non qværebam, qvàm eleganter nempe Antagonista noster Arthurum Duckium exscribere, & qvâ fiducia Jctis alienam mentem effingere didicerit, qvòd Vobis, *Auditores suavissimi*, communicabo, ut modos ejusmodi sapientibus Viris semper improbatos

batos eo cautius discatis evitare. Igitur sequentia ex Duckio lib. 1. c. 2. §. 5. p. 27. & 29. excerpemus. Libros nostros Justinianos velut salvas ex magno naufragio tabulas religiosissime semper colimus, quando nihil hodie melius habemus, ad cujus exemplar nostras Respublicas instituamus & gubernemus. Ant. Contius Lect. jur. c. 9. Inter Leges omnium Gentium nulla reperitur magis justa & rationi consentanea, quam lex, quæ est in libris Juris Romani. L. Chorandas resp. du droit Franc. lib. 3. resp. 81. Leges Romanorum superant leges omnium gentium, quæ continent omnia præcepta de officiis civilibus & Judiciis. In quibus nihil quod ad statum politie cujuscunque pertinet, desiderari possit. Guil. Terrienus du droit Civil. de Normand. lib. 1. c. 3. &c. Ita justum & æquum visum est omnibus jus Romanum, ut, qui Romanis legibus non tenentur, illud tamen tanquam æquitati naturali maxime consentaneum libenter sequantur, & suas leges per hæc interpretentur. Petrus Peckius ad c. 28. de R. l. in 6. Jus Romanum est supremum & emendatissimum, plenum humanitatis æquitatisque, tot jam annis unanimi consensu receptum. Dionys. Gothofredus in prax. rer. Civil. l. 2. tit. 1. Jus Civile Romanum legum sanctitate & disciplina exterarum Gentium omnium legibus & institutis præponderat, omniaque Populorum jura & mores in se comprehendit. Ernest. Cothmann. resp. 40. n. 52. Si jam hæc excerpta cum programme Antagonistæ mei, conferatis, ô Mei, deprehendetis 1. nunquam in mentem venisse Antonio Contio, quæ eidem affingit noster, sed potius absurdam istam sententiam magis convenire dicto L. Charondæ, quamvis & eandem noster satis audaci interpolatione fœdaverit. Et vereor ut plane ad intentionem & Nostri & Duckii faciat Antonius Contius, utpote qui lib. 1. Lect. subsec. integro c. 9. (ad quod in allegatis respexit Duckius) parum gloriose & de Triboniano, & de Justiniano ejusque compilatione loquitur. Observabitis 2. nec Petrum Peckium ea dixisse quæ eidem Noster affingit,; 3. Guil. Terrieno eum debere satis absurdum assertum §. præcedente notatum, Jus Romanum esse perfectissimam compagem prudentiæ totius orbis, & 4. Cothmanno, quod comprehendat omnes populorum morationum leges. &c. Sed transeant ista, cum

cum cæteris erroribus. Præludia enim hæc fuerunt hætenus, nunc iusta pugna incipit.

Quamquam autem, inquit, hæc omnia ita se habeant, & ius Romanum non tantum admirandâ prudentiâ, iustitiâ ac æquitate, sed & incomparabili auctoritate fulgeat; nihilo minus tamen, cum in hoc mundo quot capita tot sensus sint, & plures mortalium magis suo genio quam veritati indulgeant, quod optimis rebus quotidie accidere videmus, ut aliis placeant, aliis verò displiceant, id fatum quoque juri nostro contingit. Culpatur, corroditur ac reprehenditur, imò sunt novatores aliqui, qui usum ejus in Germaniâ tam parvum exiguumque esse autumant, ut VIX PARS PANDECTARUM DECIMA IN VIRIDI OBSERVANTIA CONSISTAT

Possẽm hic pro Novatoris convicio multis modis exercere hominem, qui heri aut nudiustertius in Forum properavit, & cujus animus adhuc quantum quantum est, Locis Communibus & MSS, Præceptorum suorum est incarcerationatus. Sed condonabo Juvenili calori excessum istum, & saltem ostendam, quam male cohæreant istæ Juris Romani laudes cum quæstione, quæ in corollario meo ventilatur. Demus homini, Jus Romanum mereri omnes illos titulos, quos magno cum labore in chartam conjecit, & ex Duckio compilavit, hoc tamen, non obstante vix Decima pars Pandectarum in Foris Germaniæ usu recepta esse poterit. Sane si Jus Romanum illa prædicata jure obtinet, obtinuit etiam, antequam Germania quicquam de Legibus

gibus Romanis cogitaret. Et ergo si tum non obstante illa admiranda & stupendâ prudentiâ, justitiâ, ac æquitate Juris Romani in Foris Germaniæ viguit, nequē hodie ejus præstantiæ quicquam decedet, si ibidem vix decima pars Pandectarum sit, in viridi observantia. *Quot capita, tot sensus*, inquit noster. Ego: quot rēpublicæ tot variantes earum fines & utilitates, tot adeo jura diversa, quæ in bene constitutis Rebus publicis ex utilitate, earundem originem sumunt. Ergo condonabimus & hunc errorem Advocato nostro, qui forte præfaminis saltem loco locis illis communibus de præstantia juris Romani voluit uti, ad id fortē inserviturus, ut benevolentiam lectoris iis captet. Fortē meliores rationes afferet in sequentibus cur impiam illam sententiam meam non potuerit concoquere.

De horum sententiâ si, quod res est, ingenuè fateri debeam, ut contra illam ex ignorantia capite in integrum restitutionem peterent, certè iis seriò suaderem. Nam quanta vis per hoc assertum experientia quotidiana ac veritati inferatur, helleboro curandus & ad Anticyras mittendus est, qui non advertit statim. Habetis Auditores, illa rationum pondera, quibus corollarium aggreditur Hercules iste Wittebergensis, quibus ut vestrum assensum præbeatis seriò suadeo, ne Vobis mecum ad Anticyras eundum, aut inamōno illo helleboro cerebrum purgandum sit. Sed ne expectetis à me similia convitia adversus eundem. Iratus fuit, ut videtis, & Anticyras, helleborum ac ignorantiam locutus est, ut me sibi similem redderet. Non vero me decet, ut ipsius gratia, insaniam, & VOBIS, quibus nunc Senecæ libros de Irâ publicè expono, malo exemplo & doctrinæ meæ adverso scandalum præbeam. Quin potius contemnendo ista, quæ extra me sunt, in vestram saltem gratiam pauca quædam hic annotare non pige-

bit. Nec Jure Consultus, nec ullus homo prudens, debet facile Consilium suum alteri obtrudere non rogatus, si vero Consilium alteri dare velit, operam dabit, utne consilium sit apertè ineptum. Unde revera ad prostitutiones in integrum pertinet, dum Antagonista mihi consulit, ut ex capite ignorantiae in integrum restitutionem petam, cum aperti juris sit, ex capite ignorantiae nullam dari restitutionem in integrum, unde sententia quorundam ex Jctis, qui, miscentes praescriptionem, quatenus Juris Gentium est, cum praescriptione Juris civilis, restitutionem aliquam ex capite ignorantiae finxerunt, satis evidenter ad errores Pragmaticorum referenda est, utpote omnia fundamenta juris de praescriptione destruens. Deinde occasione hellebori & Anticyrarum non injucundum erit vobis narrare historiam de Democrito. Democritum ajunt nunquam sine risu in publico fuisse, adeò nihil illi videbatur serius eorum quæ seriò gerebantur. Hunc populares Abderitæ insanire arbitantes scripsere ad Hippocratem ut veniret & eum ab insania liberaret. His autem inter alia utuntur verbis. *Democritus præ multâ, quæ detinet ipsum sapientia agrotat, ut timor non vulgaris sit, si Democritus mente motus fuerit, revera urbem nostram Abderitarum pessum ituram esse. Etenim oblitus omnium, & primum sui ipsius, vigilans & noctu & interdium & singula parva ac magna deridens, & totam vitam nihil esse putans, vitam transigit. Ducit aliquis uxorem, alius mercaturam exercet, alius conationatur, alius imperat, alius legatum agit, eligitur, abrogatur, agrotat, vulneratur, moritur. At hic ridet omnia, dum alios mæstos ac tristes, alios gaudentes videt. Quin & de his, quæ apud inferos, sunt hic vir perscrutatur, & hæc scribit. Et idolis aerem plenum esse dicit. Et volucrum voces intentis auribus explorat. Et sæpè noctu exurgens solus, cantilenas scorsim canenti similis est. Et se aliquando in rerum immensitatem proficisci dicit, & Democritos esse similes sibi ipsi innumerales. Et corpus una cum mente corrumpeas vivit. Hæc timemus, ô Hippocrates, ob hæc perturbati sumus. Gratulabantur sibi porro Abderitæ, quod non ita sapientiae operam dedissent, ut Democritus. Hen. inquirunt, ut etiam bona redundantia morbi existunt.*

Quân-

Quantum enim Democritus ad summam sapientiam generose pervenit, tantum nunc pariter periclitatur, ne mentis stupore & stoliditate affligatur. At reliquum vulgus Abderitarum, quod mansit absque eruditione, communem sanè sensum habet. Imò nunc prudentiores sunt ad sapientis morbum judicandum, qui prius desipuerant. Venit Hippocrates, ac à populo Abderitano ad Democritum deductus ipse, quomodo eum invenerit ad Damagetum scribit: Sedebat Democritus sub ampla ac humillima platano in veste crassa citra humeros destitente solus, discalceatus super lapidea fede, valde pallidus ac macilentus, promissa barbâ. Juxta ipsum vero à dextera tenuis aqua per declivem collem decurrens leniter resonabat. Erat autem delubrum quoddam super illum collem, quantum equidem conjecturâ assequor, Nymphis dicatum, sponte enatis vitibus circumdatum. Ipse vero cum multo ornatu super genibus librum habebat. Sed & alii quidam ex utraque parte adiacebant, accumulata etiam erant animalia multa per totum, resecta. Et ipse aliquando concitate incumbens scribebat, aliquando quiescebat diu multumque se continens & in seipso meditans. Deinde non longe post his peractis surgens deambulabat, & viscera animalium inspiciebat & depositis ipsis digressus rursus desidebat. At Abderites circumstantes me tristes & non procul à lacrymantibus oculos habentes: Vides, inquit, Hippocrates Democriti vitam, quam insanit, & neque quod vult novit, neque quod facit? Et quidam ex ipsis adhuc amplius ostendere volens ipsius insaniam, alta voce ploravit instar mulieris ob filii mortem lamentantis. Deinde rursus cum gemitu ejulavit personam agens viatoris, qui aliquid ex his quæ portavit amisit. Verum Democritus cum hæc audisset, partim ridebat, partim cachinnis explebat, & nihil amplius scribebat. Caput autem frequenter concutiebat. Sed postquam Hippocrates ad Democritum descendisset, & in causam insanix ejus inquirere volens deprehendisset, Democritum esse virum sapientissimum, abiit, & Abderitas Helleborô dignos, Democritum vero sapientem prædicavit. Huc pertinent verba finalia in dicta ad Damagetum Epistola: Ego ad Abderitas in specula me expectantes: Viri, inquam, pro legatione vestra ad me magna sit vobis gratia; Vidi enim Democritum virum sapientissimum, qui

solus potentissimus est, homines prudentes facere. Inde postea Democritus ad Hippocratem inter alia: Accessisti ad nos velut insanos, ô Hippocrates, Helleborum nobis daturus, persuasus à viris stolidis apud quos labor virtutis insania judicatur. Oportebat igitur te, ô Hippocrates, cum viris ejusmodi moribus minime congregari ac conversari, quorum mens superficialis ac inconstans est. Si enim ab illis persuasus mihi velut insano Helleborum bibendum dedisses, prudentia insania facta fuisset, & artem tuam reprehendissent, quæ insania fuisset causa. Arbitror equidem, si non deprehendisses me scribentem, verum recumbentem, aut fortè deambulantem, & mecum colloquentem, & nunc quidem indignantem, nunc vero ridentem, ob ea quæ mente revolvam, & familiaribus me alloquentibus non attendentem, sed cogitationi instantem, & mirum in modum speculantem: putasses sanè Democritum juxta oculorum judicium ex his quæ videres, insania imaginem præ se ferre. Et respondens ad ista Hippocrates: Inductus equidem sum ô Democrite, velut insanienti Helleborum daturus, non perscrutatus qualis quis tandem esses. Ubi verò tecum congressus cognovi, non per Jovem desipientiæ opus, sed ferè omni laude ac commendatione dignum, valde laudavi naturam tuam, optimumque naturæ ac mundi interpretem te judicavi. Eos verò, qui me induxerunt ad te, velut insanientes reprehendi, nam ipsi medicamento opus habebant. Sed quorsum hæc prolixior narratio de Democrito? Puto non omnino alienam à præsentis negotio eam esse, & adeò eandem ulteriori vestræ meditationi, Auditores, relinquo, ac ut generale ve ut axioma commendo, plerumque indicium malæ causæ esse, si in Disputationibus eruditi de Helleboro loquantur, & sæpe hac medicina dignos, qui illam aliis intempestivo consilio commendant.

Quamvis autem hic non opus habeam, prolixa corollarii mei vel declaratione vel probatione, cum Deo volente suo tempore hæc omnia publicè fusiùs deducturus sim, in Vestrum tamen usum paucis declarabo, quid hic loci notet phrasis, *Esse in viridi observantia.* Id quidem natura vocis ostendit, eas leges dici in viridi observantia esse, quæ sæpè in Republ. & ferè quotidiè ad facta obvenientia accommodari possunt; Nam quarum,

usus

usus in seculo semel aut bis occurrit, eas leges, etsi non sint abrogatæ, in viridi tamen observantia esse quis diceret? Deinde duplici sensu lex aliqua poterit dici, non esse in viridi observantia.

1. Si lex illa haud dubiè lata aut in Republ. recepta, postea autem non usu populi, in desuetudinem abierit, ut rarissime ejus amplius utilitas obveniat. Solet equidem inter brocardica Jure-Consultorum referri: Solum non usum leges non abrogare, sed usum contrarium; aliud tamen haud dubie est legis abrogatio, aliud legis desuetudo, aut, si hanc differentiam admittere nolis ob verba fin. l. 32. de legibus, licebit mihi majori Jure argumentò dictorum verborum, & imò argumentò omnium Principiorum, Politicorum brocardicum illud falsitatis eodem Jure arguere, quò alibi aliud brocardicum à Triboniano in Pandectas relatum; Beneficia Principis latè esse accipienda, omni exemplo destitui asserui.

2. Poterit etiam dici, jus aliquod non esse in viridi observantia, quod receptum non est, aut, si ex complexu variarum, legum quædam receptæ sint, quædam minus, & receptio consuetudini magis quàm sanctioni ortum debeat, sanè iterum ex leges, quæ in viridi observantia non sunt, pro non receptis erunt habendæ, & quæ nullum usum habeant. Pro quibus adeò frustra quis afferret alium canonem: præsumi vigere quod non abrogatum est; Cum ille quidem canon præsupponat leges, de quarum observantia, quod olim receptæ fuerint, certò constat.

Quare sententia mea summatim hæc est: non adeò multa capita juris Romani, sed NB. quæ civilis, & quæ præter regulas communes Juris naturalis, (cujus fundamenta in Philosophia ponenda sunt, antequam ad Jurisprudentiam progrediatur studiosus,) ex arbitrio mero Imperantium ortum ducit, quæ itidem à Jure Germanico; quod ante receptionem Juris Romani in usum fuit, discrepat, hodie esse in viridi observantia: vel quod planè non sint receptæ, vel quod, si receptæ sint, vix tamen in seculo unicus eorundem casus ostendi possit. Præcipuis autem ex Jure Justiniano de Pandectis hæc assertio mea vera est, quoniam illæ vel maxime jus obsoletum & jam tempore Justiniani in multis partibus

tibus antiquatum, continent. Unde non solum si quis Pandectarum titulos percurrere absque praedictio velit, vix decimam partem earum in viridi observantia esse deprehendet, sed, ut in Programmata asserueram, vix vigesimam. Monstravi id vobis ad oculum praecedenti anno, cum Pandectas vobis partim privatum, partim publice praelegerem, ut adeo & veritas & experientia quotidiana evidenter pro meis stet partibus. Videamus igitur quid praeter convicia nobis opponere pergat Antoginista.

Haud equidem refragor, inquit. nec ullus qui versatur in rerum argumentis, perperam, refragabitur, non pauca esse, quae, jure nostro magno cum industria statuta, Germanorum moribus aut recepta nunquam, aut, si recepta judiciorum stylo rejecta iterum ac reprobata sint. Adhuc nec quisquam diffitebitur, qui Juris, quod in foro viget, non penitus ignarus est, quod Jus Romanum, ante multa secula Romanis datum, & à nostratibus tantummodo in genere consideratum, multa contineat in specie, quae Romanae magis quam nostris Rebus, conveniunt, & à quibus ea propter sapientiorum morum simplicitas abhorret; nihilo secius tamen vix partem Pandectarum decimam hodie in Germania amplius florere catachresis est, quae cum experientia ac veritate pugnat, & nequaquam cum illa conciliari potest. Videtis Auditores contradicere quidem mihi egregie Antagonistam, &

tavo-

tautologiarum satis esse peritum artificem, sed ratio contradictionis in his quidem verbis nulla adhuc apparet, quin potius solenniter acceptamus, fateri nostrum, non pauca, i. e. multa ex Jure Romano Germanorum moribus non esse recepta, aut stylo judiciorum rursus rejecta; (quamquam hoc posterius ego quidem dicere nollem,) acceptamus iterum, Jus Romanum multa continere, à quibus nostrorum morum simplicitas abhorret; Quid ergo clamat, quid Helleborum, aut si in potestate ejus esset, lapides loquitur? Scilicet & minutia ipsi curæ sunt. Pars decima Pandectarum est, quæ ipsum urit & torquet. Quare si fieri potest, à præjudicio liberemus ipsum, atque monstremus, quod nequaquam rationi & experientiæ sit adversum, quod vix decima Pandectarum pars non sit in viridi observantiâ, simulque fontes errorum ejus commonstremus.

Sanè, inquit, dicasteria ac tribunalia longè aliter testantur, in quibus semper Jus secundum Jus Civile dicitur, nisi probetur contraria observantia ac consuetudo, Et qui in foro ad Romanorum Leges provocat, siue illa in Pandectis siue alibi contineantur, iis sane obtinet, nisi probetur, aliud sæpius fuisse observatum. Nam leges tamdiu stare præsumuntur, quam diu non probatur earum abrogatio l. 27. C. de testam. nec temerè ab iis recedendum, nec facile quid adscribendum desuetudini. Multa enim in judiciis non frequentantur usu, quia ignorantur, Et non exiguam peritiæ ac eruditionis laudem merentur Advocati, si legem aliàs non observatam
in

in usum forumq^{ue} revocare possunt, cui observantia contraria non obstat, vide Dn. Schilt. Exercit. 1. th. 10.

Hic quidem satis apertè prodit, quod immemor eorum fuerit, quæ in præcedentibus ipsemet nobis concesserat, nempe: multa Juris Romani capita in Germania non esse recepta, & adeo de exiguo usu Juris Romani in Germania non ex capite abrogationis, sed ex momento non factæ receptionis judicandum esse. Quare parum aptè ad firmandum assertum suum canonem illum applicat, quod leges tamdiu stare præsumantur, quamdiu non probetur earum abrogatio. Et nos adeo meliori jure alium canonem ei opponimus, non quidem in lege aliqua Juris Justinianæi repetitum, sed fundatum, tamen in communibus rationis humanæ principiis: Leges alterius populi tamdiu pro non receptis habendas esse, donec probetur earum receptio. Unde nihil ad rem pertinet, quod noster subjecit de laude Advocati, si legem aliàs non observatam in usum revocare possit, cui observantia contraria non obstat. Et enim si de lege jam in Germania recepta loquitur, non adeo magnâ laus Advocato tribuenda est, quod oblato à partibus casu jus receptum applicet. Sin lex Romana non est recepta in Germania, Advocati non est, per suam allegationem facere, ut Jus Romanum in usum recipiatur, & imprudens judex foret, qui hanc advocati imprudentis allegationem in sententia sequeretur. Video equidem, quod Antagonista meus & hic & insequentibus fidentè nimis asserat, receptum utique esse Jus Romanum in Germania, in tantum, ut Judices obstricti sint secundum illud pronunciare, nisi contraria observantia probetur. Ex quo asserto putat satis fortiter impugnari posse thesin meam, cum hoc modo sane Jus Romanum in Germania regulæ vicem obtineret, consuetudines Germanorum contra pro exceptionibus ab ista regula habendæ sint; ridiculum autem fore, si quis asserere ausit, regulam cum parte decima aut vix decima, exceptiones

contra cum novem decimis partibus esse comparandas. Sed oblitus fuit iterum, quæ in præcedentibus dixerat, de non receptis in universum multis capitibus Juris Romani. Quæ fronte igitur, ac quo pudore Advocatus noster jam æfferit, semper aut regulariter in judiciis secundum jus civile pronunciari debere? Deinde nec illud in universum pro absurdo habendum est, quod exceptio, successu videlicet temporis, tantam partem absumat, ut regulæ, h. e. juri communi vix decima pars relingvatur. Fingamus enim secundum nostrum, Jus Romanum hodie ut plurimum observari, sanè non negare poterit idem, quod Jus hoc Romanum pædetentim in fora Germaniæ introductum sit, ac olim intuitu Juris Romani nunc recepti exceptionis à regula partes sustinuerit. Quare vel ex ejus hypothese successu temporis exceptio ista in tantum crevisset, ut regulæ antiquæ vix pars decima, fuerit relicta. Sed non opus est, ut eò descendamus, cum falsissimum sit postulatum illud nostri: pronunciandum esse in foro Germaniæ regulariter secundum Jus Romanum, nisi ab eo, qui ad contrariam observantiam provocat, eadem probetur. Ridebit haud dubiè Antagonista meus, meam hanc positionem, sed ridere mox desinet, si ipsi evidentissimè ostendero, me nihil aliud hic docere, quam quod evidenter satis & accuratè demonstravit Excellentissimus Strykius. Cujus adeò summam ex discursu præliminari specimini usus moderni Pandectarum præmisso addere non pigebit. I. Postquam Carolus M. Rex Francorum Saxones devicisset, & verò ob multas rationes provincias Saxonibus subjectas una cum ipsa Saxonia non ita, ut reliquas Germaniæ provincias, regno Franciæ incorporasset, sed ampliore quadam libertatis specie Saxonibus relicta eos in Jura populi Francici adscivisset, unamquæ velut gentem cum Francis voluisset esse; (*Vide Monzambanum Cap. I. §. 8. & ibi Commentatores*) factum inde, fuit, ut & Saxones in signum hujus libertatis peculiari quoque Jure & Legibus à Francorum lege aliquatenus diversis uterentur, & postea hac occasione Germania in duos Palatinatus, (unde adhuc hodie Vicarii duo Imperii ortum trahunt,) seu partes distri-

bueretur, Germaniam superiorem, in qua Jus Francicum, & Inferiorem, in qua Jus Saxonicum sibi locum vindicavit, nullâ tunc concurrente Romani Juris autoritate. *Dn. Strykius d. Differt. §. 6. 8. & 14. II.* Mores & placita Saxonum, quisquis fuerit auctor, in volumen aliquod, quocumque demum tempore id factum fuerit, collegit, quod volumen vocatur speculum Saxonicum, *Der Sachsen-Spiegel*. Ad hujus imitationem postea incerto autore partim ex jure scripto, partim ex aliis consuetudinibus collectum editumque est aliud volumen sub titulo speculi Svevici, *der Schwaben-Spiegel* / quod Goldastus exhibet fol. 31. *der Reichs-Satzungen*. *Dn. Strykius §. 9. 10. 14.* III. Hoc speculum Svevicum superioribus temporibus Jus Cæsareum appellatum fuisse, *das Buch der Kayserlichen Rechte* / notat Goldastus in præfat. *der Reichs-Satzungen*. Nam ipse liber titulum hunc præfert; *Kayserlich- und Königlich- Land- und Lehn-Recht*. IV. Jus civile quæ Justinianum est, Germanos non stringit. Et quamvis notitia ejus ex parte seculo XII. Germanis quæsitâ fuerit, sola tamen notitia, ejus non infert usum Juris, neque usus Juris Romani in Italia reviviscens quicquam ad Germaniam pertinet. *Dn. Strykius §. 16. sqq. usque ad §. 21.* V. Seculo XIV. magis invaluisse videtur Jus Romanum, cum Academiæ institutio illud promoverit, & postea initio seculi XV. Universitatum numero in Germania adaucto, crevit etiam legum civilium cultura, & in judiciis quoque in tantum invaluit, ut anno 1441. Friderico III. Imperante ob nimios Romani Juris abusus deliberandum publice fuerit, annon consultius sit Jus Civile unâ cum ipsis Jurium Doctoribus penitus ex Imperio Romano proscribere? *Dn. Strykius §. 22. 23.* Quamvis Vir Excellentissimus dubitet, an Constitutio illa Friderici authentica sit, putetque, articulum §. per subjectas declarationes satis fuisse rejectum. Quod de prima declaratione quidem ita se habet; nam secunda & tertia apud Goldastum fol. 171. Juri Civili in foris Germaniæ parum favet. VI. Ad finem vergente seculo XV. & cum judicium Camerale fundaretur, majorem auctoritatem nacta videtur Juris-
pru-

prudentia Justinianeæ, utpote cum non solum in constitutionibus Maximiliani I. sed & Caroli V. & Ferdinandi I. decisiones Juris Justinianeæ confirmantur, & plus una vice provocetur, auf gemeine geschriebene Kayserl. Rechte / per quæ non alias intelligi quam leges Justiniani, asserit *Dn. Strykius* §. 24. 25. & 26. VII. Hæc tamen non ita intelligenda sunt, ac si solis legibus Romanis vivendum esset in Germania, & quicquid olim majorum moribus introductum, hoc penitus sit explosum. Nuspiam enim ferè textus in Constitutionibus Imperialibus reperitur, ubi non Jus commune & Cæsareum & recepti mores sibi jungantur. *Dn. Stryk.* §. 27. VIII. Quoniam verò potissimum de Usu moderno Juris Romani quæstio est, maximè considerari merentur verba ordinationis Judicii aulici à *Dn. Strykio* §. 28. adducta, ubi receptæ consuetudines antiquitus observatæ Juri scripto præferuntur, ut ita in subsidium demum, si in casu proposito nulla legitima Germaniæ consuetudo adsit, ad Jus Romanum recurri debeat, ut hinc in tali casu demum legis auctoritatem in Germania habeat. IX. Ex his facile jam definiri poterit quæstio, quis probare debeat, si in judicio partium litigantium una ad Jus Romanum, altera ad consuetudinem Germaniæ (non particularem, sed communem; nam de hac utique sermo est,) provocet. Hic enim rectissime *Dn. Strykius* §. 31. pronunciat: si consuetudines illæ notoriæ vel literis consignatæ sint, eum, qui ad Jus Romanum provocat, probare debere id esse receptum. Jam uti ipse Vir Illustris ibidem de consuetudinibus Saxonice in inferiori Germania contra Jus Romanum subsumit; ita & in superiori Germania ex ipsius sententia pro Jure Germanico contra Jus Romanum etiam subsumendum esse jubet positio superior, II. ubi ex ipso adduximus, & consuetudines communes superioris Germaniæ in speculo Suevo literis esse consignatas. Atque hoc est, quod adversus Antagonistam nostrum erat demonstrandum; videlicet in Germania superiori & inferiori,

hoc est in tota Germania non eum qui ad mores Germaniæ, sed qui ad Jus Romanum provocat, intentionem suam probare, debere. Dum hæc scribo, incidit in manus Conradi Sinceri, (sub cuius nomine Ictus nobis Amicus & ex eruditissimis scriptis in nobilissimis Jurisprudentiæ partibus maximè celebris latet.) Dissertatio Epistolica, de Germanicarum Legum veterum ac Romani Juris in Republica nostra origine autoritateque præfenti, ante decennium publicata, quam olim negligenter satis evolutam dum jam paulo accuratius perlego, deprehendo, me facile supersedere potuisse distinctæ responsioni ad cavillationes Antagonistæ, cum totum istud programma jam tum à Viro Excellentissimo fuerit refutatum. Quare uti Vobis *Auditores Suavissimi*, totam illam dissertationem ad melius percipienda fundamenta sententiæ meæ commendo, ita & Antagonista meus non male faciet, si haud gravatim eam à capite ad calcem perlegere non sit dedignaturus, præprimis cum constet, Excellentissimum Strykium in dicta Dissertatione eandem sæpius habuisse præ oculis, & insuper idem Celeberrimus Autor, quæ modo memoravi de æquali usu hodierno speculi Svevici & Saxonici, fusius probet p. 35. seqq. Ex dictis autem jam facile, sponte sua ruunt, quæ apud Antagonistam sequuntur.

De cætero, pergit, *quis adeò ignarus rerum est, ut nesciat, quod legibus Imperii expressis assessoribus Imperialis Camera adjunctum sit, si deficiant peculiæres consuetudines locorum, secundum Jus civile judicare. Vide recessum Imperii de ao. 1654. §. 105. Et quem præterea latere poterit, quod omnia statuum Imperii tribuna- lia, cum leges cujusque singulares ad deciden- das causas rarissime sufficiant, crebrò admodum*
ad

ad Jus civile recurrere cogantur. Taceo, quod in judiciis nulla ferè actio institui, & nulla exceptio opponi possit, quæ non originem debeat legibus Romanis. Quibus ergo rationibus defendi unquam poterit, partem earum decimam, vix ac ne vix hodie vigere? Etenim initio falsum est, quod ex Recessu Imperii allegatur. Verba ejus sunt ista: Nebenst sollen Cammer-Richter re. so wohl die Statuten und Gewohnheiten als die Reichs-Abchiede und gemeine Rechte für Ausgen haben. Hic enim malè noster, Gemeine Rechte ad Jus Civile solum restrinxit, aut statuta & consuetudines locorum de consuetudinibus specialibus saltem interpretatus est, cum ex positione septima numeri præced. satis constet, Leges Germaniæ æque ac Jus Romanum pro Jure communi, & imò per positionem octavam, Jus Romanum pro subsidario saltem, Jure habendum esse. Unde fuit & alterum, quod deficientibus Juribus singularibus, non ut noster arbitratur, ad Jus civile statim, sed ante omnia ad mores communes Germaniæ, his vero deficientibus demum ad Jus subsidiarium recurrendum sit. Illud verò responsionem nullam meretur, in judiciis nullam ferè actionem institui, & nullam exceptionem opponi posse, quæ non originem debeat legibus Romanis. Quasi videlicet ante Romanos aut nulla fuerint judicia, aut fuerint quidem, sed nullæ in iis ventilatæ sint actiones vel exceptiones. Denique & valde impertinens est illa interrogatio, quibus rationibus ego veritatem Corollarii mei probare velim? cum Antagonista meus meminisse debuisset, se opponentis munus in Programme suscepisse, opponentibus verò incumbere probationem, non respondentem. Sed fortè probabit adhuc, & officium adeo boni Disputatoris implebit. Age videamus.

Certè quàm accurati Arithmetici hæc parte

novatores fuerint, & quam supinè erraverint in calculo, evidenter admodum ostendere possemus, si instituti ratio permetteret, impræsens singula Juris Romani capita percurrere, & cuiusque usum summam saltim & quasi per indicem docere; Ast non capit hanc tractationem præsens pagina, & insuper spicas tantummodo post mæssam largissimam colligeremus, cum viam hanc jam dum ingressus fuerit Vir illustris Dn. Sam Stryckius, cuius solum nomen omnibus ambitiosis titulis præponderat. Hic in egregio tractatu de moderno Pandectarum usu perquam strenue Romani Juris auctoritatem vindicavit, & contra omnes novarum rerum amatores usum ejus ubique magnum esse pro perspicuitate solita luculentissime edocuit. Cujus utilissimi operis perfectionem sicuti expectat eruditorum orbis anxie; ita precatur & optat insimul, ut sero natura in eam Incluti huius viri partem, quæ mortalis est, jus suum exerceat, & diu Academicis Antecessorem sinat superesse, à quo jam stabilitæ ingens fama incrementum nactæ sunt, & quæ adhuc stabiliendæ, basin ac fundamentum gloriæ expectant. In hoc & cum Antagonista meus omnem vim Programmatiss sui posuerit, paulo accuratius

tius idem mihi examinandus erit quam reliqui præcedentes. Et initio quidem non permittit instituti ratio Advocato nostro, ut sententiam suam evidentibus ostensionibus probaret, permittit tamen eadem, ut me ubique indignissime & nullo contumeliæ genere omisso tractaret. Quo ipso quid aliud agit, quam ut publice confiteatur, contumelias & convitia, non autem rationem & veritatem ipsius propositum fuisse? Neque opus fuisset, singula Rom. juris capita percurrere, debuisset saltem specimen aliquod, seigendo libros quosdam ex Pandectis, lectoribus edere de veritate sententiæ suæ. Illud autem quàm graviter peccat in reverentiam, quam viro Illustri debet, quod dedecori sibi esse putaverit, si spicas post messem ejus largissimam colligeret? Nos majori veneratione testabimur observantiam nostram, quos in sequentibus non pigebit, solâ spicarum collectione veritatem doctrinæ nostræ vobis ad oculum monstrare.

Deinde, si non alia ex re, certè ex hoc paragrapho firmiter mihi persvadeo, Excellentissimum Stryckium Programma, hoc ante impressionem nec vidisse nec approbasse. Uti enim Viri Summi merita præconio tali non habent opus, ita notior est ipsius Virtus, quam ut præsumi debeat, quod plusquam adulatorias istas expressiones, quas Antagonista incautè ad invidiam Viri Illustris paragrapho isti immiscuit, non fuisset rejecturus. Et videor mihi audire Virum Excellentissimum, sequentem in modum Antagonistam meum alloqui. Falleris Amice, si putas, te gratiam Virorum Illustrium enormibus ejusmodi laudibus demereri posse. Non possunt non illæ Viris verè virtuosis, quos tibi propitios reddere vis, valde displicere, non possunt non eandem famam, quam indole bona hætenus tibi parasti, apud sapientes valde imminuere, cum nihil sapiens magis à se alienum esse velit, quam adulationem. Advocati officio fungeris, & publice tamen absque mandato contra bonos mores de anxietate, eruditi orbis, quem tu nondum perfecte nosti, ejusdem desiderium, hanc ob causam non nisi falsò, exponere non erubescis.

Præ-

Præterea non reverentiæ sed audaciæ signum est, si quis Viros Eminentēs absque venia publicè laudare audeat. Academiarum erit, laudes meas etiam post mortem meam loqui. Et loquentur certe stabiliendæ pariter atque stabilitæ. In eo vero egregie falleris, si arbitraris, stabiliendas Academias vanæ alicujus gloriæ basin atque fundamentum querere. Gloria Dei est, & Utilitas publica, quæ basin & fundamentum gloriæ illis præbent. Et jam huic fundamento aliæ bases per Dei gratiam superinstructæ sunt. Gloriantur Academiæ istæ stabiliendæ de PRINCIPLE OPTIMO, mediis in Turbis de promotione ac Tutamine veræ sapientiæ sine exemplo sollicito: Gloriantur de CURATORIBUS SUPREMIS, quibus Clementia Principalis ipsis jam providit, Viris Illustribus & de statu publicæ Rei, & de Academiis jamdum immortaliter meritis: Gloriantur de ILLUSTRICELLARIO, cujus virtutes multi Principes Clementissimo favore certatim suspiciunt; cui religio adversus insultus superstitionum hominum egregiè defensâ plurimum debet; cujus canitiem, longo rerum prudentium usu, & exercitiis actionum honestarum, adversus communia vitia senectutis munitam, venerantur omnes boni: Gloriantur --- Sed sufficiant ista; haud dubie enim Vir Excellentissimus plura dixit correctioni Antagonistarum nostri inservientia.

De cætero & Sophistam optime expressit idem, per nomen Viri Illustris metum mihi incutere intendens, quâ parte tamen nec sibi bene prospexit, nec considerate vidit, cum quo ipsi res esset, nec, quod omnium præcipuum est, merita Viri Excellentissimi, ut parerat, coluit. Nunquam sapiens adversarios suos autoritate Virorum Eminentium concutere satagit. Rationibus pugnat aut legibus. Rabularum est, doctrinas suas incrustare autoritatibus Jure-Consultorum Eximiorum. Neque ego hætenus, credo, ullam inimicis meis suspicandi occasionem præbui, quod autoritatibus hominum, si bonam causam defendam, terreri possim. Omnium vero minime Vir Illustris is est, qui solâ allegatione nominis sui se à quocunque in partes trahi patiatur.

tur, aut, qui alios infra vel juxta se ferre nequeat, qui in Jurisprudentiâ (in qua tamen tot opiniones diversæ sunt, quot prope Jcti,) cum ipso non ubique sentiat. Absit, ut hanc maculam, hunc tyrannicum characterem nomini Viri Excellentissimi inuremus.

Denique tantum abest, ut Vir Illustris in egregio tractatu de moderno Pandectarum usu Romani Juris usum ubique magnum esse docuerit, ut potius speciminis ea de re jam editi singulæ ferè paginæ ostendant, exiguum usum Pandectarum esse, multa ad mores nostros non esse apta, multa raro obvenire in foro, seu, quod idem est, non in viridi esse observantia, multa adhuc alia, ab aliis eò referri, cum quibus etsi non semper consentiat, in eo tamen sententiæ meæ proderit ejus allegatio, quod hæc parte, si quandoque cum istis aliis sentiam, pro novatore minime sim habendus. Verum, inquit Antagonista noster, *quam accurati Arithmetici hæc parte novatores fuerint, & quam supinè erraverint in calculo, manebit tamen catachresis, vix partem Pandectarum decimam, hodie in Germania amplius florere.* Igitur vocemus eundem, Auditores, ad rationes, & ruborem ipsi invito per computationem videntem excutiemus. Accede igitur, defensor Pandectarum Consultissime, sume in manus Viri Illustris, ad quem provocasti, tractatum, percurramus singulos titulos, excerptamus, quid de usu eorum vel vir Illustris vel alii Viri Excellentes ab ipso citati sentiunt. Tum summam collige, juratos calculatores in auxilium voca, & si ulterius Novatores istos catachrestice locutos esse deprehendes, tum, age, triumphum cane.

Liber 1. tit. 1. de Justitia & Jure. Pertinet hic titulus ad Ethicam non ad Jus Romanum. *Tit. 2. de Origine Juris &c.* Historicus quidem est, sed qui tamen propius ad Jurisprudentiam Romanam pertinet. Jura Germaniæ aliam originem agnoscere docet Vir Illustris §. 1. p. 44. Magistratum hodie in Germania longe aliam quam quæ fuit olim apud Romanos, rationem esse, ex jure publico satis constat. §. 2. p. 45. Differentia juris Civilis & Prætorii hodie in Praxi saltem utilitatem habet quoad actiones

annales & perpetuas, maximè in actione injuriarum. §. 3. p. 46.
 Ineptè Principum imperii edicta cum edictis Prætorum comparatum eunt Jure-Consulti quidam §. 4. p. 47. Hodie etiam Advocatus, qui per promotionem solennem potestatem respondendi non accepit, de Jure tamen cum effectu secundum sententiam, Giseberti, quæ mihi satis probabilis videtur, respondere potest. §. 5. p. 48. Plerique hodie judici liberam facultatem à responsis recedendi concedunt, quod quamvis cum distinctione admittendum sit, §. 6. & 7. p. 49. id tamen certum est, responsa prudentium hodierna alia plane esse à responsis antiquis, & modus, quo potestas respondendi conceditur, ab antiquis solennitatibus longè diversus est. Tit. III. de Legibus & c. Legum ferendarum ratio moderna longe aliter se habet, quam primis Imperii temporibus. §. 1. p. 53. Hodie eadem quidem consuetudinis vis est, quæ fuit, olim. §. 10. p. 64. Sed vim illam consuetudo non accepit à Jure Romano, sed ex principiis Politicis. Senatus Consultorum antiquorum autoritas statuum Imperii consultis non applicanda. §. 14. p. 65. Tit. IV. de Constitut. Principum. Imperatoris Placitum hodie non amplius Jus facit. §. 1. p. 69. Lex Regia Romanorum & Lex Regia Germanorum totò cælo differunt. §. 13. p. 78. Non valet rescriptum Imperatoris, nisi simul à Quæstore subscriptum. Usu moderno id auctum est. §. 14. p. 78. Tit. V. de statu hominum. Summam illam personarum divisionem, quod homines aut liberi sint aut servi, hodie in Imperio Romano non amplius usu servari in confesso est §. 1. p. 78. Christianos à Turcis captos, etiam apud nos pro servis haberi erroneum est. §. 4. p. 80. Quoad partum legitimum hodie nos non stringit sanctio Imperatoris, quia non versamur in civili sed in Physica materia. §. 14. p. 87. Hodie partum monstruosum occidere non licet §. 15. p. 89. Tit. VI. de his qui sui vel alieni juris. Quale jus hodie Dominorum in servos sit, frustraneum erit inquisivisse, ubi constat, servos hodie nullos superesse. §. 1. p. 91. Patriæ potestatis effectus civiles hodie non amplius obtinere, non pauci asserunt, §. 3. p. 92. quorum sententia forte non incommode cum doctrina Viri Illustris conciliari poterit,

rit, ut suô locô videbimus. Hodie non obtinet, quod Jus Romanum ad legitimationem per subsequens matrimonium requisivit, ut filius susceptus sit ex concubina, & pacta dotalia intervenerint: §. 10. p. 98. Hodie etiam partus adulterinus legitimari poterit, & aliquatenus etiam incestuosus §. 12. 13. p. 100. *seqq.* Quoad legitimationem per rescriptum Principis multa hodie mutata sunt. §. 14. *seqq.* p. 102. & *seqq.* Tertius legitimandi modus per oblationem curiæ hodie omnium testimonio penitus exolevit, & curiarum nostrarum ratio hodiè longe diversa est §. 19. p. 107. *Tit. VII. De adoptionibus & emancipationibus &c.* Unio prolium modernis moribus æque in praxi rara, quam ipsa adoptio, §. 9. p. 115. hæc neutra est in viridi observantia. Hodierni mores præter emancipationem Romanam aliam tacitam introduxerunt. §. 18. p. 122. *Tit. VIII. de rerum divisione.* Ad res divini Juris muros & portas civitatum hodie nemo retulerit, §. 1. p. 129. Tempa hodie res publicæ sunt §. 2. p. 130. Juris Romani dispositio circa loca religiosa, longe aliter se habet hodiernis moribus §. 5. p. 131. Hodie pœna arbitraria est eorum, qui muros transcendunt, §. 6. p. 132. Hodie mare ad res communes non pertinere, praxis comprobavit §. 7. p. 134. Littora maris sine dubio hodie aliâ conditione sunt, quam fuerunt Jure Justiniano §. 8. p. 134. Solent hodie Principes interdicare subditis acquisitionem lapillorum in littore maris. §. 9. p. 135. Flumina hodie Regalibus accensentur, variisq; modis libertas navigandi restricta est §. 10. & *seqq.* p. 136. neque Jus piscandi amplius omnibus commune est p. 138. §. 14. Divisionem rerum in corporales & incorporales, mobiles item & immobiles usus modernus non sustulit. §. 16. *seqq.* p. 139. Neque enim hæc divisiones ex Jure civili, sed ex natura rei, & ex parte ex Philosophia Stoica ortum ducunt. *Tit. IX. de Senatorib.* Senatorum hodiernorum jura ex hoc titulo derivari nequeunt §. 1. p. 141. Quamvis in aliis hujus tituli inter Jus Romanum & Germanicum aliqua similitudo sit, Similitudo autem legum, quod in genere, Auditores, notetis velim, catachrestice ad usum earundem refertur. *Tit. X. de Consulibus.* Quod de Senatoribus ad tit. præced. dictum,

idem multo magis de Consulibus hic repetendum. §. 1. p. 151. *Tit. XI. de Officio Præfetti Prætorio.* Dignitates Romanorum Principibus imperii modernis contra omnem Juris publici rationem tribuuntur, & inepte Electores ac Principes Imperii comparantur cum Præfectis Prætorio. §. 2. p. 154. *Tit. XII. de Officio Præfetti urbi.* Vile argumentationis genus est, à Præfectis urbi ad Principes Imperii. Sed potest tamen potestas Præfetti urbi cum potestate Consulum quarumvis urbium merò imperiò gaudentium comparari. p. 157. *Tit. XIII. de officio Quæstoris.* Quæstores Romani certo intuitu possunt comparari cum Cancellariis Principum. p. 158. *Tit. XIV. de Officio Prætorum.* Differentia inter Prætorem & Judicem hodie cessat. §. 1. p. 158. *Tit. XV. de officio Præfetti vigilum.* Præfectos vigilum eadem potestate, qua hic describuntur, dari posse non dubito, dari tamen reverà nullo exemplò constat, §. 1. p. 160. *Tit. XVI. de officio Proconsulis & Legati.* Proconsules sensu Juris Romani nulli amplius dantur, multo minus legati eorum, p. 161. *Tit. XVII. de officio Præfetti Augustalis.* Cum Ægyptus dudum Imperio decesserit, de Præfecto ejus Augustali in specie ita dicto frustra erimus solliciti. *Tit. XIX. de officio Præsidis.* Incommode comparantur cum Præsidibus Principes nostri aut Episcopi. Commodior comparatio institui potest cum Præsidibus Provinciarum à Principibus in certis districtibus constitutis. §. 1. p. 162. *Tit. XIX. De officio Procuratoris Cesaris.* Comparatio poterit institui inter hunc titulum & ordinationem Camerae Part. 1. tit. 16. & 17. *Tit. XX. de officio Juridici Alexandria.* Hic ad mores nostros non aliter pertinet, quam qua Judex à Principe in certis civitatibus constitutus, vulgò *der Hoff-Nichter* cum illo comparari potest. p. 166. *Tit. XXI. de officio ejus, cui mandata est Jurisdictio.* Negat Dn. Schilterus hodiernis moribus existere, cui Jurisdictio mandata sit, & subjicit, Commissariorum hodiernorum constitutionem, formam & effectum differre à Romanorum Jurisdictione mandata. §. 1. p. 167. Cui assentior. *Tit. XXII. de Officio Assessorum.* Potestas Assessorum hodierna nequaquam ex antiquo Jure Romanorum repetenda, sed ex ipsis Dicasteriorum ordinationibus, p. 172.

Liber II. Tit. I. de Jurisdictione. Modernas de Jurisdictione, controversias ex Jure Romano componere velle, absurdum æque est, quam si lanam ab asino querere velis, oleum enim & operam ita perdes. Perniciosi enim sunt illi Jcti, qui de moderna Jurisdictionis forma ex Legibus Romanis censent & disputant. §. 1. p. 173. Albi corrupti actionem hodie non amplius usu servari vulgo asseritur. §. 31. p. 206. Et recte. Nam ipse Vir Illustis fatetur, pœnam hujus violationis hodie esse arbitrariam. *Tit. II. Quod quisque Juri in alterum statuerit.* Axioma hoc in latitudine sua est Juri naturalis. Applicatio ejus ad impetrationem Juri novi moribus nostris rarissime habebit locum, cum secundum eos vix casus dari possit, ut quis Jus novum impetret. Et fatetur ipse Vir Illustis, usum Germaniæ modernum decisionem Prætoriam latius ad alia extendisse, quam verba Prætoris admittunt. §. 1. p. 207. *Tit. III. Si quis Jus dicenti non obtemperaverit.* Posse & hodie judicem injuriam sibi ratione officii illatam vindicare, certum est. §. 1. p. 212. Fluit enim ex principiis Politicis. Actio autem civilis hujus tituli l. 1. §. 4. in viridi observantia non est, quod sufficit. *Tit. IV. de in Jus vocando.* Priscus ille in Jus vocandi mos privatâ autoritate institutus hodie penitus exolevit. Unde suâ sponte sequitur, quod simul veniæ impetratio cesset. §. 1. 2. p. 214. *§. 99. Tit. V. si quis in Jus vocatus non ierit.* Titulus hic pariter veterem in Jus vocandi morem respicit. Hodie privata autoritate in Jus vocato nulla comparendi necessitas incumbit. p. 225. *Tit. VI. In Jus vocati ut cant.* Citati ad Judicem & hodie quidem comparere tenentur: (Id enim dicitur recta ratio) cautio tamen illa, de qua hoc titulus agitur, hodie penitus cessat. p. 226. *Tit. VII. Ne quis cum qui in Jus vocabitur &c.* Non confundendus est hic titulus cum titulo X. Unde sublatâ in Jus vocatione, tollitur & ipse. *Tit. VIII. Qui satisfacere cogantur &c.* Materia satisfactionum utut in Germaniæ foris frequentissima, & inde frequens in Processu ad præsentem titulum recursus, revera tamen hic titulus, prout materia satisfactionis hic exhibita, penitus exolevit. §. 1. p. 227. *Tit. IX. Si ex noxali causa agatur,* Nullus præsentis tituli hodie usus p. 235. *Tit. X. De eo per*

quem factum erit. Cessat hodie præcipua causa hujus actionis præscriptionis scilicet impletio. §. 2. p. 236. Tit. XI. *Si quis cautionibus &c.* Non est tantus hujus tituli usus, qui olim, sed est tamen adhuc aliquis. p. 236. §. 99. Tit. XII. *de feriis & Dilationibus.* Materiam feriarum in Judiciis nostris frequentissimam esse, in comperto est, non desunt tamen, quæ hodie aliter se habent, ut quidem Jure, communi provisum. §. 1. p. 243. Adde quod ea in quibus moribus cum legibus Germaniæ est convenientia, magnam partem in Jure Divino seu Ecclesiastico aut in Principiis communibus Politicis magis fundentur, quam in Jure arbitrario Romano. Dilationum hodie magis abusus est quam usus, ob multitudinem dilationum Juri Romano incognitarum, quibus hodie processus fere immortales redduntur. §. 36. p. 252. Tit. XIII. *de edendo.* Aliam longe rationem esse hodie editionis libelli, quam quæ erat olim, antiquæ editionis actionis in Jure, ex iis, quæ disserit Vir Illustris h. l. p. 257. facile patet. Editiones Instrumentorum sine die & consule fieri debere constitutum est, quod nostris moribus non convenit. §. 13. p. 265. Jure civili contra edere nolentem actio in factum prodita est, quæ hodie rarissimè obvenit. §. 14. p. 266. Hodie actor reo regulariter non omnia instrumenta edere debet. §. 16. p. 167. Quæ de argentariis hic prolixè traduntur, ea hodie usum non habere, testatur Donellus. §. 19. p. 268. Tit. XIV. *de Pactis.* Hodie ex pacto nudo datur actio, quò fundamento Juris moderno supposito, multa inde resultant consuetudines diversum, Jus à Jure Romano inducentia. §. 1. p. 271. Scilicet diversitas inter pacta nuda & non nuda, inter pacta contractibus adjecta in continente aut ex intervallo, contractibus bonæ fidei an stricti Juris, adjicientia vel detrahentia, &c. §. 4. p. 273. Unde hodie in contractibus innominatis pœnitentiæ locus non est, nec in realibus, §. 5. & 6. p. 274. §. 99. Porro hodie omnes contractus veri in effectu sunt consensuales. §. 7. p. 275. Et hodie pactum de non petendo obligationem tollit ipsò Jure, §. 9. p. 277. Ulterius verosimilior videtur sententia eorum, qui l. 8. Dig. h. t. hodie in viridi observantia esse negant, qui citantur §. 11. p. 279. Hodie alteri per

per alterum acquiri obligatio potest, §. 12. p. 280. Denique quoad pacta successoria quædam aliter se habent moribus hodiernis, quàm Jure Romano §. 13. *seqq.* p. 281. *Tit. XV. de Transactionibus.* Transactionum & pactorum Jura moribus fere confusa esse, communis sententia Germaniæ Ictorum est, §. 1. p. 289. Quæ uti propositionem universalem non facit, ita fortè facile conciliari poterit, cum sententia Viri Illustris.

Lib. III. Tit. 1. de Postulando. Hodie postulamus etiam in Judicio, §. 1. p. 305. Non desunt hodie, qui ætatem majorem in advocato præcisè exigunt, §. 3. p. 306. Hodie per Advocatos ordinarios antiqua licentia Juris Rom. plurimum restricta est, §. 4. p. 307. Jure Saxonico femina nec pro se postulare possunt, §. 5. p. 308. Ubi autem Jus Saxonicum non viget, videtur allegans receptionem Juris Romani eam probare debere per tradita superius, & huc videtur spectare præjudicium à Friderico Müllero adductum, *vid.* p. 309. Ratio cur cæcus pro aliis postulare non possit, ad nostra judicia inferiora non quadrat §. 6. *Tit. II. de his qui notantur infamia.* Doctrina hujus tituli hodie ex moribus singularum provinciarum petenda, §. 1. p. 315. *Tit. III. de Procuratoribus.* Moribus Germaniæ permissio experiundi per Procuratorem latius extensa, cum quandoque ubi Jus Romanum resistit, Procurator hodie admittatur, §. 1. p. 325. Hodie ex parte accusatoris procurator admittitur, §. 4. p. 327. Hodie Illustrès & sine procuratoribus litigare possunt, ubi vero procuratorem adhibere necesse habent, nulla est differentia inter Illustrès & alios, §. 13. p. 334. Pœnæ pecuniariæ juris Romani fere omnes hodie exoleverunt, *ibid.* p. 335. In Consistoriis nostris in matrimoniali causa procurator rejicitur, §. 15. p. 335. Hodie captivus procuratorem dare potest, femina absque Curatore non potest, nisi ubi Jus civile receptum, §. 16. 17. p. 336. Hodie invitè cogi possunt ad Procurationis officium, §. 21. p. 339. Jure Romano, morte expirat mandatum, hodie mandata heredum nomine concipienda, §. 29. *seqq.* p. 345. *seq.* ubi & alias differentias quoad mandatum Procuratoris ostendit. Hodie moribus Germaniæ Procuratorem non amplius esse litis Dominum tradit

tradit Grœnwegen & Bachovius §. 38. p. 350. quamvis ea quæ in contrarium adducit Vir Illustris, probent, Jus Romanum in quibusdam Germaniæ judiciis esse receptum. Hodie Procurator ad integram causam datus non tenetur appellationem prosequi. §. 43. p. 356. *Tit. IV. Quod cujusque Universitatis nomine &c.* Hodie in plerisque Civitatibus Syndici officium publicum est. §. 1. p. 360. Hodie à Procuratore ad Syndicum non valere consequentiam existimat Lauterbach. p. 361. §. 4. - Quoad constitutionem Syndicorum multorum locorum consuetudinitribuendum p. 365. §. 9. Moribus Germaniæ valet Constitutio Syndici ad futuras causas §. 13. p. 368. *Titulus V. de Negotiis Gest.* Nullum dubium, æquitatem naturalem, cui titulus hic nititur, nec in Germania abrogatam. Cæterum tamen dici nequit, quod sit in viridi observantia, quia rari sunt hodie, qui aliorum negotia sine mandato suscipere solent. §. 1. p. 372. *Titulus VI. de Calumniatoribus.* Calumnia utique hodie in viridi est observantia. Sed actio de calumniatoribus moribus Germaniæ exolevit, aut potius non est recepta, secundum Grœnwegen, & Dn. Struve, §. 2. p. 376. nec futile est fundamentum eorum, quod hodie omnes actiones in duplum vel quadruplum cessent, ut fortè ostendemus alibi fusius.

LIBRI IV. Tit. 1. De in integram Restitutionibus. Multa sunt in materia restitutionis quæ in æquitate naturali nituntur. Unde & illa hodie in Germania observari mirandum non est. Cæterum hodie cuilibet magistratui restitutio competit. §. 6. p. 383. Nec hodie restitutio intra quadriennium finienda est. §. 9. p. 385. *Tit. II. quod metus causa &c.* Actio quod metus causa in quadruplum hodie in usu non est, secundum sententias Autorum §. 3. p. 391. recensitorum. Quæ verior est, quia nondum probatum, Jus Romanum hæc parte in Germania, quod omnes actiones in duplum olim ignoravit, esse receptum. *Tit. III. de dolo malo.* Hodie dolus etiam contractus stricti juris reddit ipso Jure nullos ex sententia Schilteri §. 5. p. 401. citati; quia hodie, ut alibi monstrabimus, differentia omnis inter contractus bonæ fidei & stricti Jus-

ris, unde actio hæc de dolo extraordinaria, rarissimum habebit usum. *Tit. IV. de minoribus 25. annis.* Hodie in multis Germaniæ provinciis à minorennitatis termino Juris Romani diceßum §. 2. p. 404. Omnium aularum praxis docet, & infra annos jure civili determinatos veniam ætatis concedi posse, nec hodie solus Imperator eam indulget. §. 9. & 10. p. 409. *Tit. V. de capite minutis.* Plerique consentiunt, hodie edicto Prætorio amplius opus non esse, cum moribus emancipatio pro capitis diminutione non habeatur, & saltem differentia inter emancipatos & suos sit intuitu acquirendarum hæreditatum. §. 2. & 3. p. 419. Verum quidem est, dari adhuc hodie mediam capitis diminutionem, sed in Jure privato illa doctrina non magnam habebit utilitatem, quia hodie peregrini etiam nuptias contrahunt, testamenta faciunt. *Tit. VI. Ex quibus causis majores.* Est hujus tituli summa æquitas naturalis, absentibus & contra absentes restitutionem dari, unde in usu est. *Tit. VII. de alienatione judicii causa facta.* Praxis hujus tituli hodie in foro rarior est. §. 3. p. 432. *Tit. VIII. de receptis, qui arbitrium receperunt.* Non poterit equidem dici, hunc titulum moribus non esse receptum, cum ipse dictamine rationis rectæ nitatur. Quod tamen Corasius censuit, ex hæc materia uberrimos circa practicam fructus enasci §. 1. p. 433. id in Germania vix procedet, in qua frequentissimum arbitrorum usum in dirimendis litibus qui videre velit, is necesse est, ut acutos habeat oculos. *Tit. IX. Nauta, Caupones & stabularii.* Actio ex quasi contractu, quæ in hoc titulo proponitur, haud dubiè in usu est, cum in genere quasi contractus nihil aliud sint, quam conclusiones, ex summa æquitate naturali deductæ.

Lib. V. Tit. I. de judiciis. Hodie non saltem prisca Judiciorum Romanorum solennitas, sed & judiciorum forma, quæ Justiniani tempore fuit, maximam partem exolevit. §. 1. p. 443. Forum originis hodie longe aliter se habere in Germania unò ore fatentur Doctores §. 17. p. 455. Forum commune, quod olim Romæ erat, hodie male ad civitatem Viennensem applicatur, §. 19. p. 457. Hodie generali consuetudine receptum, ut remissio-

nes delinquentium non amplius sint necessitatis, sed urbanitatis §. 26. p. 465. *Tit. II. de inofficioso testamento.* Non potest equidem dici, hunc titulum in praxi plane exolevisse, frequentes tamen esse inofficiosi querelas, asserere amplius non licet. §. 1. p. 469. *Tit. III. De hereditatis petitione.* Dari hæredibus actionem, quæ Jus suum persequantur, Jus naturale dicitur; ergo habebunt, etiam eam in Germania. Quod vero Jure Civili Romano quoad hanc actionem in specie receptum, ut possessor titulum suæ possessionis ederet, id hodie non observatur. §. 3. p. 486. Quia videlicet cessant omnes interrogationes in Jure propter sublatas formulas. *Tit. IV. V. & VI.* Traduntur hic species hereditatis petitionis, de quibus adeo idem esto judicium, quod de ipsa hereditatis petitione tulimus.

Quæ hætenus diximus, sufficere poterunt, ut arbitror, ad defensionem sententiæ nostræ adversus ea, quæ Antagonista provocando ad Virum Illustrem attulit. Unde jam suâ sponte cadit ejus gloriatio quæ sequitur. *Sed revertimur ait, ad Novatores nostros, quorum opinionem falsam ac absurdam esse satis, ut opinor, ex dictis hætenus patebit.* Potuisset adeo finem facere cavillationum, cum triumphum istis verbis cecinerit, sed restabant adhuc duo scommata ad firmandam ejus sententiam deficientibus rationibus parum contribuentia, ad quæ adeo paucis quadam regerenda nobis sunt. *Venia, inquit, profecto errori danda est, cum homines, qui non ambiguis causarum fatis dirimendis, sed castigando hætenus Aristoteli vacarunt, ubi ad differendum de Juris nostri usu ventum est, vero rectore perquam facile potuerint deerrare.* Videri posset primâ fronte, quod id velit ianucæ, quasi ineptus sim ad differendum de Jure, qui saltem

tempus triverim in meditationibus merè Philosophicis. Verùm cum ego ipsi non ita ignotus esse potuerim, & falsissimum adeo hoc scommma foret, videtur potius, aliud quiddam voluisse innuere, & mihi vitio vertere, quod sustineam de usu Juris in praxi judicare, cum tamen theoriæ saltem Juris dederim operam, à praxi maxime alienus. Sed præterquam quod hæc cavillatio ipsum Adversarium meum maximè feriat, qv̄i vix ad Praxin admittus de usu Juris Romani in praxi sententiam dicit; me equidem istud scommma minimè ferit. Mancipavi me quidem jam per aliquot annos studiosæ juventuti; sed cum mox viderim, theoriam sine praxi vel ideo, quod vix decima pars Pandectarum in usu sit, futilem esse & inanem, initio praxin theoriæ statim junxi, partim ut viderem, quid in usu sit, quid non; partim ut sapientiam Rabulisticam cognoscerem. Et quamvis post paucos annos pedem ex foro reduxerim, puto tamen sufficientes in praxi progressus fecisse, cum præter usum Juris practicum cognoverim & nequitias Advocatorum, & stultitias partium, & injustitiam Judicum, quantum mihi ad cavendum in vita civili opus est, & quantum sufficit ad consilia oppressis & injustitiam patientibus danda, aut quantum necesse est, juvenibus in informatione ut fugiant & abhorreant, inculcare. Sed videtur adhuc aliud quid latere in verbis Antagonistæ mei, dum *diremtionis* meminit *ambiguorum causarum factorum*. Sane dirimere causas non Advocatorum est, sed Judicum, & quid si ergo noster hoc velit, me nunquam adhuc collegam aut Assessorem judicii egisse, & tamen velle judicare de usu Juris nostri? Impertinens id scommma foret; quasi Advocati, & qui patrocinando Judicibus causas proponunt, non æquè usum practicum cognoscere possint atque Judices, aut qui Judicibus sententias præscribunt. Velim tamen hic obiter, hoc observetis, *Auditores*, si iste sensus Antagonistæ est, uti certè videtur esse, non adeo verodissimile videri suspicionem amicorum quorundam, sub larva juvenis nostri veteranum aliquem causarum diremtorem latere, fatali hac phrasi se instar soricis incaute prodentem, & imò artificium suum, cui forte insenuit, non

adeo elegantibus coloribus quamvis vividis depingentem. No-
tis forte vulgatum proverbium: *sententias judiciales sapissimè esse
fatales*, aut ut Germanicò idiomate illud efferri solet: *Die Urtheil
werden offters gleichsam aus dem Glücks-Topff gegriffen*. Et
possumus adeo gloriationem hanc Autori suo, quisquis sit, non
invidere, quod forte per plurimos annos ambiguis causarum FA-
TIS dirimendis secundum regulas *fatalis* alicujus Jurisprudentiæ
& secundum antiquas Juris Romani fabulas, & leges nunquam in,
Germania receptas dederit operam.

Sed & notetis precor, *Auditores*, summam inconstantiam
Antagonistæ mei. Veniam mihi dedit in verbis modo allatis,
quod grata mente agnosco. At statim eorum quæ dixerat obli-
tus, nunc classicum adversus me canere intendit. *Et sanè,
ait, lubentissimè nunc linqueremus illos, &
quod ab iis dictum est, non amplius attingere-
mus, nisi quàm nocivum hoc doctrina genus sit,
ut traderemus paucis, necessitas efflagitaret:
Quâ equidem in re omnes cordatos Doctores
Juris rogo, & obtestor, an quid perniciosius cu-
pida legum juventuti proferri unquam potue-
rit? & annon illa ridiculis talismodi opinionibus à vero Juris studio penitus seducatur? Na-
tumulus hoc modo Jurisprudentia conditur, &
ea proxime è mundo penitus eliminabitur; Non
potest enim diutius subsistere, dum saniora ejus
principia spernuntur, legumq; cupidi ac capaces
juvenes, quibus, nescio, quisquiliis à vero Ju-
ris studio arcentur.* Non observavit iterum Noster, se-
parum

parum artificiosè insidias mihi struere. Qvis enim unquam sibi persuadere posset, *per ridiculas opiniones & helleboro dignas juventutem arceri posse à sano Jurisprudentiæ studio?* Si sententiæ meæ ridiculæ sunt, damnum inde non in Jurisprudentiam, sed in me redundabit, & adeò tantis iris non erat opus. Si ratione nituntur, dolosè mecum agitur, quod potentes veræ sapientiæ protectores adversus me provocentur. Nolo verbis meis quicquam reponere, videtur tamen Conradi Sinceri locus à præsenti negotiò non omnino esse alienus. Ignoscat, inquit p. 60. *Deus quibusdam illis Academicarum Doctoribus, ferè dixissem corruptoribus, qui cum ipsi vel seculi infelicitate, aut ingenii etiam sui crassitie certam viam incedere vel non potuerunt, nunc quoque ab aliis denuò monstratam inculcatamque, objectis variis malitiose confectis impedimentis, bonæ non minus quam incautæ juventuti perdere, difficilem reddere, disspadere, suosque Auditores nullâ conscientie habitâ ratione ad devios anfractus seducere, & Labirintho inextricabili immittere nondum desinunt, nisi credere malimus, ex status legulistici ratione id fieri, ne illi forte, quos docent, se fiant doctiores, horumque tandem auspiciis vulgaris Juris peritia quid capiat detrimenti.* Et p. 110. *Adeo vero incrementa accepit hic morbus, ut ne quidem remedia velit admittere. Quamquam enim cordatiorum unus atque alter subinde leges Germanicas, præsertim scholis nostris ostenderit, vix tamen auditus & ferè non irrifus est. Vab, quantum numerum habemus Jure Consultorum, qui inter personatos aut legulejos se haberi gravissimè ferrent, & tamen ab oscitantia sua nondum potuerunt impetrare, ut crederent omnino præter Romanas dari alias leges, Germanis valituras, multo minus officio suo convenire, ac pretium operæ esse, si easdem curatius indagare sustinerent.* Et quæ ibi sequuntur plura ex aliis JCTis magni nominis deprompta. Scilicet nunquam mea intentio fuit, quod velim Jus Romanum eliminare ex scholis, sed hæc animi sententia est. Quoniam per verba Recessus Imperii ab Illustri Strykio *Dissert. prælimin. §. 28.* adducta, receptæ consuetudines Germanicæ, videlicet quasi maximam partem in speculo Saxónico & Svevico collectæ sunt, juri

scripto Romano præferuntur, ita ut hoc illis demum deficientibus legis auctoritatem in Germania obtineat, suâ sponte sequitur, regulam bonæ methodi requirere, ut in erudienda juventute fundamenta Jurisprudentiæ privatæ in explicandis communibus Germaniæ consuetudinibus ponantur, eæque à Professoribus Juris in formam artis redigantur; tum ostendatur, in quibus negotiis Jus Romanum aliquid immutaverit, aut deficiens Jus Germanicum (v. g. in doctrina de Testamentis) suppleverit, tum denique addantur consuetudines singulorum locorum particulares. Atque hic obsecro, quotquot in Germania sunt Juris Professores, ut si intentio hæc mea vel principiis rectæ rationis, vel fundamentis Jurisprudentiæ civilis adversa sit, id mihi placide & cum rationibus ostendant.

Concludit Antagonista noster: *Sed modum imponamus justis querimoniis, & tandem exponamus causam, quæ mediante tumultuaria hoc scriptiōis genus in publicum protrusum fuerit. Ut festinatâ operâ in chartam hæc concicerem, ansam præbuerunt sequentes citra præjudicium ordinis sorte locati juvenes, gente, virtute, ac doctrina Nobilissimi Dn. &c. Constituerunt illi secum, potissimas Institutionum Imperialium controversias secundis curis discutere, atque veritatem eorum, quæ à Justiniano dicta sunt, sub meo præsidio publicè indagare, susceptam cum alio dissertationem docere simul ac exorcere, probè animo reputantes. Cui honesto*


*nesto instituto, ut, qui leges amant, impensè ac
cumulatè favere velint, omnes ac singulos his
tabulis rogare officiose debui P. P. ipso S. S. Ange-
lorum Festo Ao. M. DC. XCII.*

Videtur, Auditores, ad me ista non Pertinere, & opto An-
tagonistæ meo, ut in isto Collegio Disputatorio veritatem decen-
ter & sepositis omnibus præjudiciis atque affectibus indaget, ne
Nobilissimi isti juvenes justam conquerendi occasionem nanci-
scantur, quod tempus omnium rerum carissimum perdiderint.


Vos autem, ô Mei, valete, & me quod facitis, amare pergite.

Dabam Halæ Saxonum die XXVII, Octobris,


M. DC. XCII.




Handwritten text, mostly illegible due to fading and bleed-through from the reverse side. The text appears to be organized into several lines, possibly a list or a series of entries.









F.

62789.